



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

### Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.


### About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>









A 405/1











G V I L L E L M I  
P E R A L D I,  
ORDINIS PRAEDICAT.

SS. THEOLOG. PROFESS.

AC EPISCOPI LVGDVNENSIS,

SVMMAE VIRTVTVM AC VITIORVM,

TOMVS PRIMVS,

Hâc postremâ editione,

IN GRATIAM CONCIONATORVM,  
CONFESSARIORVM, ET RELIGIOSÆ VITÆ CVLTORVM,

*Iuxta nouas Concordantias Romanæ Correktionis, à mendis, & erroribus purgatæ, & SS.  
Scripturæ locis correspondentibus (aliàs omiſſis) notisque marginalibus illustratæ,*

Studio & Operâ R. P. Fr. RODOLPHI CLVTII, Eiusdem Ordinis Alumni.

CVM INDICIBVS LOCVPLETISSIMIS.



BIBLIOTHÈQUE S. J

Les Fontaines

60 - CHANTILLY



*Pro Bibliotheca Conventus quingiacensis ord. H. S. d.*  
PARISIIS,

Apud PETRVM BILLAINE, , viâ Iacobââ , sub signo  
Bonæ Fidei.

M. DC. XXIX.

CVM LICENTIA SUPERIORVM.

Digitized by Google





REVERENDO, RELIGIOSO,  
DOCTRINAQVE PRÆSTANTI VIRO, P. FR.

COSMÆ MORELLES

SS. THEOLOG. DOCTORI,

APOSTOLICÆ SEDIS INQUISITORI,

studij Conuentus Colonienſis Regenti

vigilantiſſimo, Patri ſuo in Chriſto

plurimum colendo.



QVM elapſis proxime diebus, REVERENDE  
ET EXIMIE PATER, ad manus hic liber mi-  
hi perueniſſet, ſub titulo SYMMA VIRTVTVM  
ET VITIORVM R<sup>mi</sup>. D<sup>ni</sup>. GVILLELMI PERALDI,  
Ep<sup>i</sup>ſcopi quondam Lugdunenſis, eumque accu-  
ratiuſ intuituſ fuiſſem, ob grauitatem & pondus  
ſententiarum, quæ velut in gnomologia hic per-  
petuo occurrunt: quibus & ad virtutes ſeſtandas  
excitat, & à peccatorum cœno deterret, mirifice me delectauit; ac  
profecto ob eximiam, claram, catholicam, profundamque doctri-  
nam, quæ ANGELICI DOCT- NOSTRI D. THOMÆ ſapientiam re-  
dolebat, non priuſ, quam iucundo hoc paſtu ſatiatus eſſem, è mani-  
bus deponendum iudicaui. Aſt, maximam cum partem lætando  
percurriſſem, reperi, imprimentium iniuria, præliques vitio, adeo  
grauibus mendis & erroribus, quibus minus cautuſ ac prudens læ-  
ctor in manifeſte falſas opinionones facillime induceretur: præter  
innumerabilia etiam ortographica monſtra, vndecumque reſper-  
ſum atque repletum, vt pene neceſſarium foret, aut eam ita im-  
preſſum nullibi vendere, aut denuo diu, noctuque laborare, vt cor-  
rectior prodeat. Conſpiciens itaque intra memetiſpſum ex vna  
parte naturale & intrinſecum huiuſmodi operis emolumentum,  
vtilitatemque cum ſpirituſ, tum intellectuſ, quæ veluti ab exube-  
ranti fonte piis ab eo Lectoribus, ſi bene correctum iterum prælo



## P R Æ F A T I O.

imprimendum traderetur, & ad communem omnium Catholicorum vtilitatem & commodum in lucem prodiret, facile prouenire posset, omni apposita diligentia, totis & animi, & corporis viribus ad hoc à mendis expurgandum me contuli & penitus adiudicaui: adeò, vt nunc (Deo auspice) ab omnibus, absque vllò discrimine quoquam cæspitandi, aut in aliquem labendi errorem legi possit. Is igitur, qua fieri potuit diligentia tersus, & suo nitore tandem restitutus gestat rursus in lucem exire, nec est quod diu deliberem, cui potissimum studium & laborem inscribam atq; offeram. Nam circumspecti mihi T V A ex omnibus REVER. & EXIMIA PATERNITAS primo mihi occurrit, quæ ea nominis sui auctoritate, virtutumque splendore posset, ac vellet ab inuidorū calumniis vindicare. Quid enim de præclaris animi tui virtutibus, quæ, tum propter multitudinem, tum propter magnitudinem & raritatem earum, omnibus te charum & admirabilem reddunt, dicam? Quid primum aut postremum? Mirentur alij singularem in verbis facundiam, alij in cathedra fluentem quasi ex immenso Oceano profundam doctrinam Scholasticam: alij in nodosis & intricatis argumentorum solutionibus facilitatem & claritatem, alij demùm in conuersatione comitatem; alij alias. Ego verò potissimum admirabor & prædicabo, vbique decantabo summum tuum in Religione Romana Catholica defendenda zelum & constantiam, quam non modò priuatim, sed etiam publicis operibus reducendo ad gremiũ S. matris Ecclesiæ hæreticos, declarasti. Testatur id ipsum triumphalis & victoriosa disputatio inter Orthodoxos sectarios Francofurti habita, qua illorum furorem, & impietatem falsæ doctrinæ euertisti. Testatur & alia Parisiis, toto Regis Francorum Parlamento præsentē, fœliciter in exaltationem Romanæ Ecclesiæ expedita, quæ toti retrò posteritati de insigni tua obtenta victoria, doctrina, religione, testimonium fecit. Nec ideò mirandum, quod Sanctissimus Christi in terra Vicarius, huius nominis Diuina Prouidentia PAVLVS V. melioris iudicij de te Generalem Prouinciæ Rhenanæ prauitatis hæreticæ Inquisitorem fecerit, maioribusque te honoribus cumulare cogitet. Sed pedem refero, & alia tua, non modò in vniuersum Ordinem nostrum beneficia, sed etiam priuatim in me (quem non modò in studiis Philosophicis, sed etiam Theologicis instituisti & promouisti) collata prætereo: tum ne panegyricũ alicui scribere, & supra veritatem res ipsas exaggerare videar; tum ne P. T. in nimis laudibus (quas illa sacris litteris edo-

## P R Æ F A T I O.

Et summo perè fastidit) congerendis, quod necessariò, si omnia velim attingere, futurum esset, molestus sum.


Accipe igitur, R. & Eximie P. munus hoc litterarium, in præmium pietatis tuæ erga Deum, zeli & studij in Catholicam Religionem, & benevolentia erga me testimonium, gratitudinis & officij symbolum de iure à me debitum. Neque id vitio mihi vertendum erit, quod non tam proprium fœtum, quam probati huius Auctoris vtilem librum ab iniuria temporum & mendarum nebulis, nonnulla etiam luce addita, R<sup>dæ</sup>. & Exim. P<sup>ri</sup>. T. liberatum obtulerim, cum multorum scripturiediprurigo nunc doctis & grauib; viris non immerito displiceat, quamuis (qui non prauo aliàs hoc morbo inductus animum ad scribendum appulerit) per hoc haud absterri debet. Quod quidem genus officij eo gratius fore confido, quod hæc, quam offero SVMMA, illud argumentum contineat, de quo, magno cum Monastica perfectionis fructu, in celeberrimo nostro Conuentu Colonienfi Theologicas habuit disputationes; vt interim taceam alia id genus domestica exercitia & conferentias perutiles, in quibus partim scripturæ sacræ mysteria, partim etiam scholasticorum dogmata laudabiliter explicauit. Recipe inquam, quâ soles, R. & exim. P. benigna manu debitum, quod cliens tuus pro sui officij ratione promptus exsoluit, & viue Ecclesiæ Christi, & Ordini sacro Prædicatorio per multos annos incolumis.

*Recu. & Eximia P. V.*

*Observantiss.*

F. ROD. CLVTIVS,  
*Ord. Prædicatorum.*

A iij



REVERENDISSIMI AC EXIMII SACRÆ  
THEOLOGIÆ PROFESSORIS  
GVILLELMI PERALDI,  
EPISCOPI LVGDVNENSIS, EX SACRO  
ORDINE PRÆDICATORVM, IN TOMVM  
primum, qui SVMMA VIRTVTVM  
appellatur.

PROLOGVS.



*VM* circa vtilia studere debeamus, exēplo Salomonis dicentis: Cogitavi in corde meo abstrahere à vino carnē meā, vt animam meam transferrem ad Sapientiam, deuitarémq; stultitiam, donec viderem quid esset vtile filiis hominum. Eccl. 2. Vtilia etiā docere debeamus exemplo Domini dicentis Esa. 48. Ego Dominus Deus tuus, docēs te vtilia. Virtutibus vero nihil sit vtilius in hac vita hominibus. Sap. 8. circa virtutes specialiter versari debet studium & doctrina, præcipue cum sine studio & doctrina virtus vix vel nunquam haberi possit. Sen. Virtus sine studio sui esse non potest. Bernard. Primum opus virtutis est doceri: Virtus cum humilitate vult doceri, cum labore quæri, cum amore haberi potest. Item Senec. Cito nequitia surripit: difficile virtus inuenta est, ducem rektoremque desiderat: sine magistro vitia discuntur. Idem: Erubescimus discere bonam mentem: & turpe est huius rei quærere magistrum: desperandum est posse casu tantum bonum nobis influere: præcipua pars Philosophiæ est (quæ circa virtutes versatur) studiosis minimè negligenda. Vnde Senec. dicit, Philosophiam studium esse virtutis. Ideo ego minimus de ordine fratrum Predicatorum desideravi colligere aliqua, quæ diffuse in scripturis inueniuntur de Virtutibus. Quod cum dissuaderet mihi ingenij paruitas & materiæ difficultas, (Materias enim grandes ingeniâ parua non sustinent, vt ait Hieron.) præualuit superioris auctoritas, qui hoc onus mihi iniunxit: cui non ausus fui contradicere, sciens quod omnis potestas à Deo est: & qui potestati resistit: Dei ordinationi rektit. Rom. 13. Et in memoria habens illud verbum Saluatoris, Luc. 10. Qui vos audit, me audit: verbum à ministro eius dictum habui, ac si de cælo



sonuisset. Fiduciam ergo habens in Deo quod vellet mihi ministrare, quod per ministrum suum à me dignabatur exigere: cum tamen sciret me nisi ab ipso hæc habere non posse. Incassum enim laborat in doctrina virtutum, qui aliunde eam sperandam putat, quam à Domino virtutum, ad gloriam Domini nostri Iesu Christi, qui est Virtus & Sapientia Dei Patris, ausus sum aggredi Tractatum Virtutum, ad vtilitatem humilium. Superbi enim dimittendi sunt sibi: quia separatum est conuiuium eorum, Osee 4. Dedignantur enim sedere ad communem mensam cum alijs, scripta communia continententes. Vnde eo ipso quod aliqua scriptura humilibus publicatur, superbis absconditur. Facies enim eorum nimis inflata non sinit eos videre quæ ab alijs videntur. Matth. 11. Abscondisti hæc à sapientibus & prudentibus, & c. Superbi erubescunt aliquid discere, ex quo semel dictum est: cum tamen dicat Senec. quod nunquam nimis dicitur quod satis non dicitur, quibusdam remedia demonstranda, quibusdam inculcanda sunt. Gregor. Oportet sæpe reminisci quod modus cogit obliuisci. Superbi nolunt aliquid dicere postquam bene illud sciunt: cum tamen Socrates inquirenti cuidam quomodo posset optime dicere, dixit: Si nihil dixeris, nisi quod bene scieris. August. in lib. de vtilitate credendi: Miseri homines quibus cognita vilescunt, & nouitatibus gaudent: libentius discunt, quam norunt, cum cognitio sit finis discendi: malunt vesci, quam saturari, cum finis voluptatis sit nec esurire nec sitire. Nec de solis Scripturis sacris testimonia volui assumere in opere isto: sed etiam de scripturis Philoso. Iuxta verbum Senec. In aliena castra transiens, non tanquam transfuga, sed tanquam explorator. Nec hoc reprehensibiliter: Sicut enim dicit Augustin. in lib. de Doctr. Christiana: Si Philosophi aliqua forte vera & fidei nostræ accommoda dixerunt, non solum formidanda non sunt, sed etiam ab eis tanquam ab iniustis possessoribus in vsum nostrum vendicanda. Et Exod. 12. Aegyptij ab Hebræis præcepto Domini spoliantur. In principio vero operis, de Virtute in communi aliqua tangere volui. Secundo prosequimur de tribus Virtutibus Theologicis. Tertio de quatuor Cardinalibus. Quarto de donis. Quinto de beatitudinibus.

IOANNES TRITEMIVS ABBAS SPAN-  
HEIMENSIS, LIBRO DE SCRIPTORIBVS

Ecclesiasticis suo, 6. Calend. Maij, Anno Domini 1492.



**G**VILLELMVS PERAL-  
das, natione Gallus, Ord. S.  
Dominici, Lugdunensium  
Episcopus: Vir in script. S.  
studiosus & eruditus, at-  
que in secularibus litteris, maxime in Phi-  
losophia Aristotelica, satis egregie doctus:  
ingenio promptus: eloquio scholasticus: in  
declamandis ad populum sermonibus ex-  
cellentis industrie fuit. Edidit in utraque

facultate plurimè instructa volumina, quibus  
nomen suum non solum tunc presentibus,  
sed etiam futuris notum fecit. E quibus  
extant.

*Summa Virtutum & Vitiarum Lib. II.*

*De Eruditione Religiosorum Lib. I.*

*Sermones de Tempore Lib. I.*

*Sermones de Sanctis Lib. I.*

Et alia complura, quæ ad notitiam meam  
adhuc minimè peruenierunt.

**H**ic Liber nil continet quod sapiat hæresim, sed dilucidè Virtutes & Vitia uti-  
liter omnibus palam facit.

*Franciscus Doncker Scholasticus  
& Sigillifer.*

Ode Tricolos Tetraastrophos,  
DE SVMMA VIRTVTVM R. DOMINI  
D. GVILLELMI PERALDI. &c.

*Ad Lectorem beneuolum.*

**Q**uisquis sacrati propositi tenax,  
Largisque Diuum cultor & im-  
piger,  
Excelsa virtutum volatu,  
Altra paras superare cæli:  
Quisquis Tonantis sic tibi creditas  
Oves sacratis pascere ferculis,  
Diæque virtutis suavi  
Ambrosiâ recreare curas:  
Huc, huc potenti remigio tuæ  
Mentis sagacis non reles aduola,

Dextræque nocturnâ PERAL-  
DVM,  
Atque etiam replica diurnâ.  
Hic anteibit perpetuus viæ  
Dux, hic profanum vulgus & impium  
E criminum raptum barathro,  
Reddere cælicolis docebit;  
Quin & sequaces propositi boni,  
Tandem sacratam sic benè semitam  
Virtutis emensos, Deorum  
Sedibus emeritos locabit.

Ad R. P. Fr. RODOLPHVM CLVTIVM,  
Ord. Prædicatorum, veteri splendori restituentem  
SVMMA VIRTVTVM, &c.

**Q**uod nunc, repulsa nocte menda-  
rum procul,  
Suo relucet lumine,  
PERALDVS ISTE, ferimus acce-  
ptum tuo,

CLVTI, labori sedulo,  
Sic, cia, veteres, perge, restaura libros,  
Mundus perennem gloriam,  
Deus rependet lucidi sedes poli,  
Dignum labore premium.

Cecinit Ioann. Marcus Aldringen.  
Artium Magister & Professor  
Montanus.

TITVLI VTRIVSQUE TOMI VIRTVTVM  
& VITIORVM ordine Alphabetico dispositi.

**A**cedia.  
De Adulatoribus.  
Ambitione.  
De Amicitia.  
De Avaritia.  
De Bilinguis.  
De Blasphemia.  
De Charitate.  
De Choreis.  
De Clementia.  
De Compassione.  
De Contemplatione.  
De Continentia.  
De Cordis munditia.  
De Derisoribus.  
De Desperatione.  
De Detractoribus.  
De Dilectione.  
De Discordia.  
De Doubus.  
De Ebrietate.  
De Feruore indiscreto.  
De Fide.  
De Fortitudine.  
De Gula.

De Humilitate.  
De Hypocrisi.  
De Incendiariis.  
De Indeuotione.  
De Inuidia.  
De Ira & odio.  
De Iudicijs falsis.  
De Iustitia.  
De Linguae peccato.  
De Lusoribus.  
De Luxuria.  
De Maledicis.  
De Martyrio spirituali.  
De Mendacio.  
De Misericordia & compas-  
sione.  
De Monachorum silentio &  
vitio proprietat.  
De Multiloquio.  
De Munditia cordis.  
De Murmure claustralium.  
De Obedientia.  
De Pace.  
De Patientia.  
De Paupertate.

De Periurio.  
De Perseuerantia.  
De Prælatis.  
De Proximi dilectione.  
De Prouidentia.  
De Proprietate.  
De Prudentia.  
De Raptoribus.  
De Silentio.  
De Simonia.  
De Singularitate.  
De Spe.  
De Superbia.  
De Suspicionem.  
De Temperantia.  
De Timore.  
De Tribulatione.  
De Verbi Dei efficacia.  
De Victoria.  
De Vita Contemp.  
De Vita æterna.  
De Virtutibus.  
De Vitiis.  
De Vsurariis.

*Alia querito in Indice rerum.*

# SVMME VIRTVTVM GENERALIS

## distinctio materiarum.

*Tomus primus, qui appellatur SVMMA VIRTVTVM diuiditur in quinque Tractatus, quorum Tituli generales hi sunt.*

I. De Virtute in genere communi.	Pag. 1
II. De Virtutibus tribus Theologicis.	19
III. De Quatuor Virtutib. Cardinalib.	187
IV. De Donis.	398
V. De Beatitudinibus.	448

*Sequitur particularis eorundem titulorum subdivisio.*

### PRIMA PARS PRINCIPALIS,

AGIT DE VIRTUTE IN COMMUNI,  
habétque Capita tredecim.

*Caput 1. Quod expediat virtutem commendari.* Pag. 1

2. *de Virtutis cognitione, seu notificatione.* 2
3. *Virtutis descriptio definitioque.* 4
4. *Virtus triplex commendatio.* 6
5. *Virtutem res omnes excellere.* 7
6. *Virtutem esse solum bonum nostrum, veramque possessionem.* 8
7. *Virtutem magnæ esse dignitatis.* 9
8. *Virtutis statum proximè ad felicitatem accedere.* 10
9. *Virtutis gaudium, mundi gaudium longe vincere.* 11
10. *In Virtute quæ sint Gaudij materia.* 12
11. *Virtutis commendatio, futurorum bonorum respectu.* 14
12. *Virtutis commendatio ex Salvatoris nostri verbis.* 15
13. *Virtutis multiplices laudes ab effectibus.* 15

### SECUNDA PARS PRINCIPALIS

QVÆ AGIT DE THEOLOG. VIRTVTIB.  
diuiditur in quatuor Tractatus.

- ij. Partis TRACTATVS I. agit de numero & ordine Theologicarum Virtutū. 18

- ij. Partis TRACTATVS II. agit de Fide, habétque Capita triginta. 19

- Caput 1. de Fidei necessitate.* ibid.  
 2. *de Fidei descriptione.* 22  
 3. *Quod una, eadque Christiana sit Fides.* 24

- Argumenta quibus Fides Christiana vnica & vera ostenditur. 26

4. *de Fidei commendatione.* 33  
 5. *de Fidei articulis.* 42  
 6. *de Errore eorum qui negant Deum esse.* 46  
 7. *de Errore Idololatriæ.* 51  
 8. *de Manichæorum Erroribus.* 59  
 9. *de Ciborum distinctionibus.* 75  
 10. *de Iis qui ponunt Veterem legem à Principe Demoniorum datam.* 76  
 11. *de Iis qui damnant Patres Veteris Testamenti.* 79  
 12. *de Iis qui asserunt Animas de nouo non creari.* 80  
 13. *de Errore eorum qui dicunt Animas esse Angelos apostatas.* 87  
 14. *de Iis qui dicunt duas Animas corpori inesse.* 88  
 15. *de Iis qui aiunt Animis simul esse creatas.* ibid.  
 16. *de Iis qui credunt Animas, vt corpora, de semine nasci.* ibid.  
 17. *de Negantibus Christum veram humanam naturam habuisse.* 90

# Tomus primus.

18. de Condemnantibus Joannem Baptistam.	91
19. de Negantibus pluralitatem vel aequalitatem diuinarum personarū.	93
20. de Negantibus Filij Dei Incarnationem.	99
21. de Affirmantibus Animam perire cum Corpore.	100
22. de Negantibus Resurrectionem Corporum.	106
23. de Credentibus vnumquemque saluari sua Fide.	108
24. de Negantibus Animas in Mortali peccato descendentes non puniri eternaliter.	110
25. de Affirmantibus Animas in charitate discedentes, nulla Purgatorij pœna puniri.	113
de Jis qui dicunt nullum peccatum esse veniale.	ibid.
26. de Iis qui credunt cum culpa semper et pœnam dimitti.	114
27. de Negantibus, Defunctis suffragia Ecclesie non prodesse.	115
28. de Eorum causis octo.	116
29. de Fidei diuersitatibus.	118
de Fide viua et mortua.	ibid.
Ficta et non Ficta.	119
Magna et Modica.	ibid.
de Fide Explicita et Implicita.	120
30. de Quibusdam Fidem commendantibus.	120

## ij. Partis TRACTATVS III. qui est de Spe, per sex Capita.

Caput 1. de Spei descriptionibus.	121
2. de Commendatione Spei.	122
3. de Considerationibus quatuor Spem adiuuantibus. 126. Species 1. est directè in Deum. ibid. Species 2. circa ea quæ pro Deo agimus vel sustinemus. 127. Species 3. circa Dei beneficia generalia vel particularia. 128. Species 4. circa Sanctorum merita. 129	
Ex hæc subdividitur in 4. alias Species.	
1. Circa mediatorem Dei et hominū Iesum Christum.	ibid.

2. Circa mediatricem Virginem Mariam, vbi agitur de eius misericordia.	130
3. Circa Angelos.	133
4. Circa Sanctos.	ibid.
4. De His quæ Spei aduersantur. 134. Desperatione nempe, et Confidentia in Creaturam. 134. de Causis Desperationis.	135
5. de Rebus Sperandis.	137
de XII. quæ valent ad future gloriæ cognitionem.	ibid.
de XII. fructibus ligni Vitæ.	139
de multiplici materia futuri gaudij.	ibid. 140. et 141.
de Differentiâ futuri gaudij.	142
de Duodecim cognitionibus intellectiæ per XII. stellas.	143
6. de Spei diuersitatibus.	ibid.

## ij. Partis TRACTATVS IV. agens de Charitate, habens Cap. octodecim.

Caput 1. Charitatis descriptio.	144
2. Charitatis commendatio.	146
3. de Amore Dei, et ad eum qua incitent.	157
4. Quæ sint quæ reddant nos Deo dilectos.	161
5. Modus amandi Deum.	164
6. de Diuersis speciebus diuini amoris.	165
7. de Signis diuini amoris.	166
8. de Iis quæ incitant ad amorem Proximi.	167
9. Quæ reddant nos Proximo acceptos.	170
10. Modus amandi Proximum.	171
11. de Diuersis speciebus amoris Proximi. Et de amore parentum.	175
12. de Amore viri et uxoris.	176
13. de Amore bonorum.	178
14. de Inimicorum dilectione, et quæ ed inducant.	ibid.
15. de Amicitia vera. Amicus quo modo eligendus.	180
16. de Charitatis ordine.	182
17. Quæ Charitati aduersentur.	183

# Index particularium Titulorum,

18. de Diuersis Charitatis gradibus.  
183

## TERTIA PARS PRINCIPALIS diuiditur in sex Tractatus.

iiij. Partis TRACTATVS I. est de ipsis  
Virtutibus Cardinalibus.

Caput 1. Quare istæ 4. Virtutes Cardi-  
nales nominentur. 187

1. de Numero prædictarum Virtutum.  
188

iiij. Partis TRACTATVS II. de Prudentia,  
habet Capita sex.

1. Prudentia diuersis significationi-  
bus. 190

2. Prudentia descriptio & definitio.  
191

3. Prudentia officia quæ. 193  
de Stultitiis quibus prudentes in bello  
spirituali succumbunt. 196

4. de Prudentia commendatione. 197

5. de Speciebus Prudentia & eius tripli-  
ci diuisione. 201

de Memoria & obliuione. ibid.

de Prouidentia. 203

Prudentia diuisio ex Senec. 204

de alia eius diuisione. 205

de XII. quæ iuuant vt aliquis debitè  
doceat. 206

Vt quis benè addiscat, quid requira-  
tur. 209

6. de Hiis quæ Prudentia aduersantur.  
212

de XII. Stultitiis quibus peccantes  
mortaliter adherent. 215

iiij. Partis TRACTAT. III. de Temperantia,  
habens Cap. octodecim.

Caput 1. de ordine Cardinalium Virtu-  
tum. 215

2. de Diuersis Temperantia acceptioni-  
bus. 218

3. Temperantia descriptio. ibid.

4. Temperantia commendatio. ibid.

5. de Partibus Temperantia ex senten-

tia M. Ciceronis, & primam de Con-  
tinentia. 210

6. Clementia descriptio: quodque ea prin-  
cipi viro maximè necessaria. 213

7. de Modestia. 215

8. de Temperantia partibus. 217

9. de Sobrietate: & eius commendatio-  
ne. 218. de officiis Sobrietatis. 231

10. Temperantia diuisio quæ attenditur  
circa delectationes Tactus. 232

11. de Virginali continentia. 233

Virginitatis distinctio, descriptio, cõ-  
mendatio. ibid.

Quenam specialiter Virgines timere  
debent. 237

de Aureola triplici, Predicatorum,  
Virginum & Martyrum. 240

12. de Viduali continentia. 242

13. de Castitate ministrorum Ecclesiæ: &  
octo causis quare castitas eis competat.  
243

14. de Continentia coniugali: & in eos  
qui matrimonium damnant. 245

15. de Matrimonij commendatione. 247

16. de Modo contrahendi Matrimonium.  
249

17. Carnale opus quando licitum, &  
quando illicitum. ibid.

Quæ requirantur in tali opere vt sit se-  
ne culpa. 251

de Matrimonij inseparabilitate. ibi-  
dem

18. de Temperantia delectationum, se-  
cundum visum, auditum, & olfactum.  
253

iiij. Partis TRACTATVS IV. de Fortitudine  
diuisus in partes decem.

[ Pars 1. agit de distinctione Nominis  
Fortitudinis. 254

2. agit de Fortitudinis descriptionibus  
& definitionibus. 255

3. de Commendatione Fortitudinis. 256

4. de his quæ Fortitudinem iuuant. ibi-  
dem

5. agit de Fortitudinis partibus: primo,  
de Securitate. 258

# Tomus primus.

<i>de XII. Solatijs contra timorem mortis.</i>	259
<i>de timore inordinato.</i>	261
<i>de Securitate laudabili &amp; vitiosa.</i>	262
[ <i>Pars 6. agit de Patientia, capita habens sex.</i> ]	
<i>Caput 1. Patientie descriptio ac distinctio.</i>	263
<i>2. Patientie commendatio.</i>	264
<i>3. Patientiam adiuuantia ac de tribulatione.</i>	268
<i>de Tribulationibus, eorumque utilitatibus.</i>	271
<i>4. Patientie diuisio.</i>	279
<i>5. de Tentationibus Demonum.</i>	280
<i>de Utilitate tentationum.</i>	281
<i>de Modo impugnandi quem habet Tentator.</i>	282
<i>Mundus repugnandi Diabolo.</i>	286
<i>6. de Alijs diuisionibus Patientie.</i>	289
[ <i>Pars 7. qua agit de Constantia.</i> ]	
<i>8. de Perseuerantia.</i>	294
<i>9. de Magnanimitate.</i>	296
<i>10. de Fiducia &amp; Magnificencia.</i>	297
<i>de Officijs Magnificencie.</i>	ibid.
iii. Partis TRACTATVS V. de Iustitia, quæ diuiditur in partes xvi.	
[ <i>Pars 1. de iustitia diuersis acceptionibus.</i> ]	
<i>2. Iustitie descriptio &amp; definitio.</i>	298
<i>3. Iustitie commendatio.</i>	300
<i>4. Iustitie diuisio &amp; distributio.</i>	301
<i>5. de Latria &amp; Relig. vt Cicero Religio sumit.</i>	302
<i>6. de Dulia, habens tria capita.</i>	306
<i>Cap. 1. de Dulie descriptione ac distinctio.</i>	ibid.
<i>2. de Speciebus Dulie.</i>	307
<i>3. de Errore illorum qui dicunt Ecclesiam idololatrare circa Sanctos ac eorum Imagines.</i>	308
[ <i>Pars 7. de Oratione habet capita decem.</i> ]	

<i>1. de Orationis nominibus &amp; significationibus.</i>	310
<i>2. Orationis definitio &amp; descriptio.</i>	ibid.
<i>3. Orationis commendatio.</i>	311
<i>4. de Orationis preparatione.</i>	315
<i>5. de Impedimentis Orationis.</i>	317
<i>6. Quando sit orandum.</i>	319
<i>7. Vbi sit orandum.</i>	320
<i>8. Quomodo sit orandum.</i>	321
<i>9. Quid in Oratione sit petendum.</i>	322
<i>10. de Speciebus Orationis.</i>	323
[ <i>Pars 8. de Laude Dei, &amp; quod illum laudare perpetuo oporteat.</i> ]	
<i>9. de His quæ hominem prouocant ad gratiarum actionem.</i>	328
<i>de Beneficijs pro quibus homo Deo gratus esse debet.</i>	ibid.
<i>10. de Obedientia habens Capita septem.</i>	331
<i>Caput 1. Obedientie descriptio.</i>	331
<i>2. Obedientie commendatio.</i>	332
<i>3. de Iis quæ Obedientiam adiuuant.</i>	340
<i>4. de Gradibus Obedientie.</i>	341
<i>5. de Obedientie partibus.</i>	345
<i>6. de His quæ Obedientia aduersantur.</i>	346
<i>7. de Errore illorum qui iactant soli Deo obediendum.</i>	347
[ <i>Pars 11. de Disciplina, &amp; subdiuiditur in 7. Capita.</i> ]	
<i>Cap. 1. de Discipline diuersis significationibus.</i>	349
<i>2. Quæ incitent ad Correctionem faciendam.</i>	350
<i>3. de Impedimentis Correctionis.</i>	351
<i>4. de Modo corripiendi.</i>	352
<i>5. de Iis quæ incitant ad Correctiones libenter accipiendas.</i>	356
<i>6. de Discipline partibus, &amp; primo de Ieiunio.</i>	ibid.
<i>7. de Erroribus circa disciplinam, praesertim de iis qui aiunt nullum esse excommunicandum.</i>	360
<i>de Iis qui dicunt maleficos non esse temporaliter puniendos.</i>	361

# Index particularum Titulorum,

[ Pars 12. de Acquitate & Pietate, ex definitione Ciceronis & Macrobij. 365. de Pietate. 366	5. de Scientia dono. 418
13. de Gratia, uti Cicero de ea loquitur. ibid.	6. de dono Fortitudinis. 421
Quae sint observanda docenti vel ac- cipienti Beneficia. 368	7. de dono Consilij. 422
Vindicatio quid sit. 369	8. de vite contemplativae praeminentia, respectu actus. 424
14. de Misericordia, per capita se- ptem.	9. de distinctione contemplationis à sim- plici consideratione. 426
Caput 1. Misericordiae descriptiones. ibid.	10. de 12. quae praeparant ad contempla- tionem. 440
2. Misericordiae commendatio. ibid.	de 8. Grad. ex Bern. 443
3. Quae Misericordiam adjuvant & pro- moucant. 377	de 7. Grad. ex Aug. ibid.
4. de Misericordiae diuisionibus & Ope- ribus Spiritualibus. 378	de triplici specie visionis. 444
7. Eleemosyna de quibus rebus danda. 385	11. de Intellectus dono. 445
6. Eleemosyna cui sit danda. 386	12. de dono Sapientiae. 446
7. Eleemosyna quomodo sit danda. ibid.	v. Partis Tractatus de Beatitudinibus diuisus in duodecim partes.
[ Pars 15. de his quae omnibus debemus, videlicet dilectione, veritate & fide. 388	1. de Beatitudinis descriptione. 448
de Errore illorum qui aiunt, Verita- tem non deberi Iuramento firmari. 390	2. de Observandis quinque in doctri- na nouae Legis. 449
16. de Fide quae idem est quod Fide- tas. 394	3. de Paupertate Spiritus. 452
iiij. Partis TRACTATVS VI. agens de Virtutum Cardinalium diuisione ex Macrobio. 397	Quare pauperes spiritu sint beati. 453
iv. Partis de Donis Tractatus diuiditur in duodecim partes.	Quare pauperum spiritu, sit re- gnum caelorum. ibid.
1. de Donis, & quare vocentur Dona. 398	Paupertas spiritus dono Timoris adaptatur. 454
2. de Donorum commendatione & eo- rum numero. 399	4. Subdiuiditur in quinque capita.
3. de Dono Timoris: quae subdiuiditur in capita. 4.	Caput 1. de Humilitatis descriptione. ibid.
Cap. 1. Doni Timoris descriptio. 402	2. de Humilitatis commendatione. 456
2. de Commendatione Timoris. 403	3. de Causis Humilitatis. 465
3. de Speciebus Timoris. 406	De his qui valent ad Humilitatem. 467
4. de Incutientibus Timorem, quae sunt. 409. de Inferni penis. 415	4. de Humilitatis signis. 469
[ Pars 4. de Pietatis dono. 417	5. de Diuisione Humilitatis. 470
	[ Pars 5. de Paupertate. 472
	6. de Mansuetudine & eius descriptio- ne. 476
	de Mansuetudinis commendatione. ibid. 477
	7. de Luctu & eius descriptione. 480
	De speciebus luctus. ibid.
	Quare lugentes sint beati. 482
	de Virtute lacrymarum. 483
	de impedimentis lacrymarum. 484
	Coadaptatio luctus in Donum scientiae. 485



# Tomus primus.

8. de Esurie Iustitia.	ibid.	de Pacis commendatione.	495
9. de Misericordia.	487	de Jis quæ valent ad habendam pa-	
10. de Munditia cordis, & eius descri-		cem.	497
ptione.	488	de Jis quæ aduersantur paci.	498
de his quæ efficiunt munditiam. ibid.		de Diuisione pacis.	ibid.
quare mundi corde sint beati. ibid.		Qui sint pacifici.	499
de Jis quæ faciunt ad commendatio-		Quare pacifici sint beati.	500
nem munditiæ.	492	Paci adaptatur Donum Sapientiæ.	
de Partibus munditiæ.	494	ibid.	
11. de Pace.	ibid.	12. de Patientia persecutionum.	501

Finis Indicis particularium Titulorum:

VMMÆ VIRTVTVM ET VITIORVM,  
PER FIGVRAS,  
SVMMARIVM,

Ticuli Summarij Summæ Virtutum.

*De Fide.*  
*De Spe.*  
*De Cberitate.*  
*De Dilectione proximi.*  
*De Prudentia.*  
*De Temperantia.*  
*De Iustitia.*  
*De Fortitudine.*  
*De Victoria.*  
*De Patientia.*  
*De Martyrio spirituali.*  
*De Tribulatione.*  
*De Paupertate.*  
*De Humilitate.*  
*De Obedientia.*  
*De Timore.*  
*De Pace.*  
*De Continentia in genere.*  
*De Continentia virginali.*  
*De Munditia cordis.*  
*De Misericordia & compassione.*  
*De vita actiua.*  
*De Contemplatione & Consolatione.*  
*De Perseuerantia.*  
*De Efficacia verbi diuini.*  
*De Prælati, & primo de ætate eorum.*  
*De Solitudine eorum.*  
*De Continentia eorum.*  
*De Constantia eorum.*  
*De Vita eorum.*  
*De Contemplatione eorum.*  
*De Scientia eorum.*  
*De Prædicatione eorum.*  
*De Misericordia eorum.*  
*De Ambitione dignitatum.*  
*De Pluralitate beneficiorum.*  
*De Simonia.*  
*De Dotibus Animæ.*  
*De Dotibus corporis.*  
*De Vita æterna.*

Ticuli Summarij Summæ Vitiiorum.

*De Vitiis in genere.*  
*De Gula.*  
*De Ebrietate.*  
*De Remediis gula.*  
*De Luxuria.*  
*De Speciebus luxurie.*  
*De Remediis contra luxuriam.*  
*De Choreis.*  
*De Auaritia.*  
*De Vfuris.*  
*De Raptoribus.*  
*De Monachis proprietariis.*  
*De Læforibus.*  
*De Acedia & Otio.*  
*De Indeuotione.*  
*De Desperatione.*  
*De Indiscreto feruore.*  
*De Ira & Odio.*  
*De Guerriis.*  
*De Incendiariis.*  
*De Homicidio.*  
*De Remediis ira.*  
*De Inuidia.*  
*De Superbia.*  
*De Superbia vestium.*  
*De Hypocrisis.*  
*De Peccato lingue.*  
*De Blasphemia.*  
*De Murmure claustralium.*  
*De Periurio.*  
*De Mendacio.*  
*De Bilinguibus.*  
*De Semine discordiæ.*  
*De Derisoribus.*  
*De Maledicis. De Detractione.*  
*De Adulatoribus. De Lactantia.*  
*De Multiloquio.*  
*De Silentio Religiosorum.*  
*De Singularitate.*  
*De Suspitione & falsis Iudiciis.*

SVMMÆ



## SVMMÆ VIRTVTVM ET . VITIORMVM, PER FIGVRAS; SVMMARIVM.

FIDES generat { Victoriā,  
Iusticiā,  
Gloriā.

De primo, 1. Ioann. 5. *Hæc est victoria, qua vincis mundum, fides nostra. Sed nota quod omne quod est in mundo, aut est concupiscentia, &c.* 1. Ioan. 2. *Ista tria vincuntur fide incarnationis, passionis, ascensionis.* De secundo, Genes. 15. *Credidit Abraham Deo, & reputatum est, &c.* De tertio, Apoc. 2. *Esse fidelis usque ad mortem.* Hæc notantur ad Heb. 11. *ibi, Sancti per fidem vicerunt, &c.*

Item Fides { A peccato purgat,  
Animam saluat,  
In tentatione confortat.

De primo, Act. 5. *Fide purificans corda eorum.* De secundo, Luc. 17. *Fides tua te saluam fecit.* De tertio, Hebr. 11. *Fortes facti sunt in bello. Est enim sicut clypeus & lorica, 1. Thess. 5. Induit lorice[m] fidei, Eph. 6. In omnibus sumentes scutum fidei. Heb. 11. Fide mulierico corruerunt.*

Item Fides { Mentem illuminat,  
Tentationes mitigat,  
Filios Dei parit.

De primo Luc. 18. *Respice, fides tua te saluum fecit.* De secundo Heb. 11. *Fide transferunt mare rubrum.* De tertio, Ioan. 1. *Quot quos autem receperunt eum, dedit eis potestatem filios Dei, &c.*

Item Fides { Virtutes generat,  
Confusionem deuitat,  
Christū ad orandū incitat.

De primo, Aug. Fides bonorum operum fundamentum, Fides humanæ salutis est indicium, Matth. 7. *Fundata enim erat supra firmam petram.* Hac ratione dicitur mater & radix virtutum: & hoc

intellige quoad motus, non quoad habitus. De secundo, Rom. 10. *Qui credit in illum, non confundetur.* De tertio, Ioan. 17. *Non pro his rogo tantum: sed & pro his qui credituri sunt per verbum eorum in me.*

Item Fides est { Miraculorum,  
Sacramentorum,  
Scripturarum.

De primo, Marc. 17. *Signa autem eos qui crediderint, hæc sequens est.* Item: *Omnia possibilia sunt credenti.* Eiusd. 9. De secundo, Greg. Fides non habet meritum cui, &c. De tertio, Heb. 11. *Credere oportet accedentem ad Deum.*

Item Fides { Vitam tribuit,  
Beatum reddit,  
Terrena contemnit.

De primo, Apostolus Roman. 1. *Iustus ex fide vivit.* Ioann. 11. *Qui credit in me, etiam si mortuus fuerit, vivet.* Intellige de vita gratiæ. Item gloriæ, Marc. 16. *Qui crediderit, & baptizatus fuerit, &c.* De secundo, Ioan. 20. *Beati qui non viderunt, & crediderunt.* De tertio, Hier. Qui veram fidem de Deo habet, non querit in his miseriis fieri diues. Nota quod iste contemnit diuitias, delicias, & honores. Quæ tria notantur Heb. 11. *Fide Moyses grandis factus.*

Item Fides { Charitate formata,  
debet esse { Constantia fundata,  
Humilitate subiecta.

De primo, Iacob. 2. *Fides sine operibus mortua est.* De secundo, Matth. 17. *Si habueritis fidem sicut granum sinapis.* Licet modicum sit, tamen est acerbum & feruidum: sic fuerunt martyres qui sua corpora tradiderunt. De tertio, Apostolus 2. Corin. 10. *In captiuitatem redigentes*

## Summa Virt. & vit.

*omnem intellectum in obsequium Christi.*  
Fides super omnem sensum est, & naturam & intellectum.

Spes operatur { A peccato liberationem,  
A diabolo protectionē,  
Orationis exauditionem.

De his tribus in Psal. 90. *Quoniam in me sperauit, &c.* August. Dulcis Iesus, sub quo nemini despectandum.

Item est spes { Veniæ,  
Gratiæ,  
Gloriæ.

De primo, Aug. O breue verbum Peccauit. O tres syllabæ quæ portas aperiunt paradisi! De secundo, Iob 14. *Lignum habet spem, si præsens fuerit.* De tertio, August. Nos cum illo per spem in cælo, ipse nobiscum in terra per charitatem. Greg. Spes sine meritis non est spes, sed præsumptio.

Item spes confert { Gratitude, Agilitatem,  
Dei inhabitationem.

De primo, Psal. 39. *Beatus vir cuius est nomen Domini spes eius.* De secundo, Esa. 40. *Qui autem sperant in Domino, mutabunt fortitudinem.* De tertio, Psal. 5. *Latentur omnes qui sperant in te, in æternum exultabunt, & habitabis in eis.*

DILIGERE DEVM EST { Vtile,  
Delectabile,  
Honestum.

De primo, 1. Ioan. 4. *Qui manet in charitate.* De secundo, Augustin. Solus sine molestia animatur, cum iocunditate amplectitur, cum securitate desideratur. De tertio, Augustin. Suaue mihi factum est, &c. vnde vestis nuptialis dicitur.

Item Charitas { Rationabilē illuminat,  
Cōcupiscibilē inebriat,  
Irafcibilem confortat.

De primo, Anselm. O immarcessibilis decor, & purus. De secundo, Aug. Quis mihi det vt venias in cor meum, &c. Est enim charitas vinū cypro. De tertio, Cant. *Fortis est ut mors dilectio.* Hæc inseparabilem separauit, immortalē occidit. Lau-

rentiū assauit, Bartholomæū excoꝛiauit.

Item Charitas { Incipientes mundat,  
Proficientes ditat,  
Perfectos glorificat.

De primo, Luc. 7. *Dimissus sunt ei, &c.* De secundo, Aug. Secunda charitatem, sine qua diues pauper est, & cum qua pauper diues. De tertio, Iud. 5. *Domine, qui diligunt te, quasi sol in ortu suo splendet, ita rutilant.*

Item diligitur { Intellectu sine errore,  
Memoria sine obliuione,  
Deus Voluntate sine cōtradictione.

De primo, Apost. 1. Corint. 12. *Adhuc excellentiorem viam vobis demonstro.* De secundo, Prou. 17. *Omni tempore diligit qui amicus est, quia amore Dei delectatur iugiter.* De tertio, Aug. Gratis ametur, & opus quo ministratur ei merces sit cū illo.

Itē Charitas { Opera facit vtilia & aurea,  
Restituit amissa,  
Aliena facit propria.

De primo, Greg. Nō habet aliquid viriditatis ramus boni operis, &c. Apost. 1. Cor. 13. *Si linguis loquar.* Honorabilis esset lapis quo si quidquā tāgeretur totū aureū esset. De secundo, nota quod charitas est annus iubileus in quo redibūt possessiones ad proprios possessores. De 3. Aug. Quidquid in alio diligo, mea facio.

Item Charitas { Mentem accendit,  
Securum reddit,  
Peccata operit.

De primo, Luc. 12. *Ignem veni mittere, &c.* Aug. O amor qui semper ardes! De secundo, Aug. Habe charitatē, & fac quod vis. De tertio, 1. Pet. 4. *Charitas operit multitudinem peccatorum,* est enim quasi cappa quæ reddit inuisibilem, hanc si haberet aliquis captus, multum gauderet.

Item Charitas { Deo vnit,  
Māssiones in cælo disiungit,  
Christi discipulos ostendit.

De primo, Osee 11. *In funiculis traham eos, &c.* Est enim quasi birumen quo linita fuit arca. De secundo, nota quod significata est per auream virgam

## Per Figuras.

qua mensurauit angelus longitudinem & latitudinem Ierusalem. Apoc. 31. De tertio, Ioan. 13. *In hoc cognoscent omnes, quia mei disc.* &c.

Item Charitas { Fessos alleuiat.  
Legem obseruat,  
Mortuos lætificat.

De primo, Matth. 11. *Iugum enim meum suauē est.* De secundo, Greg. Charitas operatur magna, si est. Item Rom. 13. *Qui diligit proximum, Legem impleuit.* De tertio, Aug. Infunde Domine dilectionē tuam.

Item Charitas impedit { Inhætionem temporaliū,  
Obliuionem Christi beneficiorum,  
Tentationes affligentium.

De primo, Aug. Tanto quique à superno amore disiungitur, quanto inferius delectatur. De secundo. Vis scire homo, quare Deum non diligis? Idem: Super omnia te mihi reddit amabilem calix. De tertio exemplum: quia sicut magnus ignis per ventum augetur: sic paruus extinguitur, ita dilectionem modicam tentationes annihilant.

Item in charitate habes { Finem,  
Modum,  
Ordinem.

De primo nota exemplum de B. Francisco, quo legitur quod quidquid in rebus reperit delectamenti, redegit ad gloriam Dei. De secundo, Bern. Causa diligendi Deum. Deus est modus sine modo. De tertio, Cant. 2. *Ordinavit in me charitatem*, scilicet ut primò Deum, deinde nos, post proximum.

Dilectio proximi debet esse { Munda,  
Vera,  
Gratuita.

Primum est, quod homo non ad malū diligitur: ut Herodes & Pilatus, qui facti sunt amici, ut dicitur, Luc. 23. De secundo, 2. Ioan. *Quos ego diligo in veritate*, &c. quia tunc cor concordat cum ore: sic non facit Iudas, nec ille 1. Reg. 10. qui dixit ad Amasam, *Salue mihi frater*, tenens mentem

eius, &c. De tertio, Matth. 5. *Si diligitis tantum eos qui vos diligunt, quam mercedem*, &c. Ecclesiastic. 6. *Est amicus socius mensa.* Hæc est amicitia Laban ad Iacob. Sic sequitur musca mensam, cadauera lupi.

Item diligendus est proximus, quia { Hæres est regni,  
Imago Dei,  
Socius prælij.

De primo, Psalm. 60. *Dedisti hereditatem ei*, &c. Apost. Rom. 8. *Si filij, & hæredes* De secundo, 1. Ioan. 2. *Qui diligit fratrem suum*, &c. De tertio, Prou. 18. *Frater qui adiunatur à fratre, quasi ciuitas firma.* Sed de quibusdam dicitur: cum fueris felix. Christus autem dilexit inimicos, dicens: *Pater ignosce illis, quia*, &c. Luc. 23.

Item diligendus est proximus, ut { Ius naturale impleatur,  
Charitas Dei habeatur,  
Ad diligendum prouocetur.

De primo, Matth. 9. *Quacunque uultis ut faciant uobis homines.* Etiam naturaliter, simile simili congaudet. De secundo, 1. Ioan. 3. *Qui uiderit fratrem suum necessitatem habere*, &c. Idem: *Filioli mei non diligamus uerbo, neque lingua*, &c. De tertio, Apostolus Rom. 12. *Si esurierit inimicus tuus, eiba illum: si sitis, potum da illi: hoc enim faciens, carbones ignis congeres super caput eius.*

PRVDENTIA { Beatum constituit,  
Claritatem tribuit,  
Omnia bona adiicit.

De primo, Eccles. 12. *Beatus uir qui in sapientia morabitur.* De secundo, Dan. 12. *Docti fulgebunt sicut stella*, &c. De tertio, Sap. 7. *Venerunt mihi omnia bona pariter cum illa*, &c.

Item prudentia { Virtutes dirigit,  
Iras compescit,  
Insidias non metuit.

De primo, Leuit. 2. *In omni sacrificio sal. off.* De secundo, Prou. 15. *Sinitus suscitatur rixas, sapiens autē mitigat suscitatas.*

## Summa Virtut. & Vit.

De tertio, Sap. 7. *Et proposui pro luce habere illā. Prou. 7. Dic Sapientia, soror mea es: & prudentiam voca amicam tuam.* Sic non fecit Samson, Amasa, Nabal.

Item Prudentia { Studio scripturarum,  
acquiritur { Contēptu deliciarum,  
                                { Exemplo creaturarum.

De primo, Psalm. 18. *Præceptum Domini lucidum, illuminans oculos.* Item de septē artib. De secundo, Apostolus 1. Cor. 3. *Si quis vult sapiens fieri, stultus fiat,* scilicet terrenū contēnendo, vt sit sapiens. Nō enim inuenitur in terra suauiter viuentiū. Iob. 28. De tertio, Matth. 10. *Estote prudentes sicut serpentes.* Prou. 6. *Vade ad fornicam, & piger.*

Item prudens considerat { Præterita,  
  { Præsentia,  
  { Futura.

De primo, Apocalypf. 4. & Ezech. 1. *Animalia erant plena oculis, ante & retrō.* De secundo, Naum 3. loquens de voluptate mundi: *Omnis qui videris te, & terefiliet:* est enim transitoria, amaritudine permixta, & nociua. De tertio, Proverb. 4. *Palpebræ tuæ gressus tuos præcedāt,* De his tribus Bernard. Vide homo vnde veneris, & erubescere. &c. Item Deuteron. 32. *Vinam sapient & intelligent, ac nouissima prouiderent.*

Item habet Prudentiam { Pugnatoris,  
  { Mercatoris,  
  { Navigatoris.

De primo, August. Arma virtutis non deferas, aduersarium tuum atteras. Apostolus ad Ephes. 6. *Nō est nobis colluctatio aduersus carnem.* De secundo, Augustin. Vis esse optimus mercator, &c. Matth. 25. *Domine, quinque talenta tradidisti mihi.* De tertio, Augustin. Stude habere remos charitatis Dei & proximi, & haustorium confortationis, & velum crucis: & cum ventos tribulationis videris, ad littus tendere perpetuæ beatitudinis. Psalm. *Hoc mare magnum, &c.*

Item sis prudens contra { Mundi,  
  { deceptionem                      { Carnis,  
  { Diaboli.

Mūdus enim decipit sicut calanxus qui trahitur ante catum: & sicut lignum putridum de nocte lucens, & sicut somnium. Caro autem decipit, sicut Papelardus, qui dicit se infirmum & pauperem, cum non sit: & sicut vinum inebrians potentem: & sicut latro qui se socium simulat in via, donec decipiat. Diabolus verō decipit vt cuculus arundineus, & sicut venialis, & sicut ille qui vult canem submergere.

Item prudenter { Interiora vt custodias,  
                                { Superiora vt diligas,  
                                { Interiora vt timeas.

De primo, Bernard. Multi multa sciunt &c. Idem: Integritatis sis curiosus explor. De secundo. Ier. 2. *Si obliuiscipotes mulier ornamentisui.* De tertio Psalm. *Descendant in inferiora terra.* Bernard. Ne descendant morientes.

TEMPERANTIA { Beatum ostendit,  
                                { Decorem tribuit,  
                                { gloriæ coniungit.

De primo, *Medium tenere beati.* Bernard. Tene medium, si non vis perdere modum. De secundo, nota quod sol qui est decentissimus Planetarum est medius inter illos. De tertio, nota quod comparatur ligno vitæ quod est in medio paradisi ferens fructus vberes.

Item Temperantia { Afflictiones tēperat  
                                { Vitia refrenat,  
                                { Medium seruat.

De primo, Apostolus Rom. 12. *Rationabile obsequium vestrum.* Nota, quod modus in omnibus commendatur, & sæpè plus quàm actio. Item forma dignior est materia. De secundo, nota quod Temperantia comparatur ferro limæ quæ tollit superfluum De tertio: *Medio tuisissimus ibis.* Hoc medium seruauit Dominus quando fecit Euam, non de manu vel de pede, sed de costa: & quando fecit hominem partim corporalem, partim spiritua-

lem, & etiam posuit eum inter creaturas partim spirituales & partim corporales.

IUSTITIA { Hominem beatum facit,  
Floridū ante Deū cōstituit  
Suum vnique tribuit.

De primo, Eccles. 14. *Beatus vir qui in sapientia mor. & qui in iustitia mea.* De secundo, Psal. 91. *Iustus germinabit sicut lilium.* Item: *Iustus ut palma flor.* &c. Tertium patet, quia reddit Deo honorem, proximo compassionem, sibi sustentationem. Vnde hac via regia, nec ad sinistram, nec ad dexteram declinabit.

Item iustus { A Domino deducitur,  
Christo in cælis iungitur,  
De angustiis liberatur.

De primo Sapient. 10. *Iustum deduxit Dominus per vias rectas.* De secundo, Psal. 24. *Innocentes & recti adhaeserunt mihi.* Et notandum quod lilium habet rectum stipitem, in summo florem: sic rectus per iustitiam Christum habebit florem. De tertio, Prou. 11. *Iustus de angustia liberatus est.*

Item iustus { Viuet æternaliter,  
Epulabitur delectabiliter.  
Securus erit finaliter.

De primo, Psal. 67. *Iusti autem in perpetuum viuunt.* De secundo, Psal. *Iusti epulentur,* &c. De tertio, Prouer. 28. *Iustus quasi leo confidit.* hoc & in morte.

Item iustus { Seruat rectitudinem,  
Inducet pulchritudinem,  
Recipiet benedictionem.

De primo, Psal. 31. *Letamini in Domino, & exultate iusti.* Rectum autem est cuius medium non exit ab extremis. De secundo, Sapient. 2. *Fulgebunt iusti &c.* Psal. *Lux orta est iusto.* De tertio Prouerb. 10. *Benedictio Domini super caput iusti.*

Item iustitia corrumpitur { Amore,  
Timore,  
Rancore.

De primo, Esa. j. *Qui iustificatis impiū pro muneribus.* Nota, quod duplex amor corrumpit iustitiam: scilicet personæ & pecuniæ. De secundo, Matth. 10. *Nolite ri-*

*mere eos qui occidunt corpus.* Item Ioannes Baptista potius voluit occidi, quam non veritatem dicere. Item exemplum in Eleazaro 1. Machab. 7. De tertio, Matth. 27. *Sciens quod per inuidiā tradidissent eū.*

Item in iustificatione impij { Infusio gratiæ,  
Dimissio culpæ,  
Remissio pœnæ æternæ,  
concurrunt. { Dolor pœnitentiæ.

Vltimum est ex parte nostralia ex parte Dei. De primo, Apostolus 1. ad Corinth. 1. *Gratiā Deī sum id quod sum.* De secundo Esa. 43. *Ego sum qui deleo iniquitatem propter me.* De tertio, Sapient. 3. *Iustorum anima in manu Dei sunt.* De quarto Ioël. 2. *Conuertimini ad me in toto corde vestro, in ieiunio & fletu.*

FORTITUDO { In aggressione arduorū,  
consistit { In cōtemptu prosperorū,  
In perpellione aduersorū.

De primo, Psal. 26. *Viriliter age, & confortetur cor tuum.* Aug. Libenter debet facere immortalis futurus. De secundo, Luc. 14. *Qui non odit patrem & matrem.* De tertio, Cant. 8. *Fortis est ut mors dilectio.* Apostolus ad Romanos 1. *Quis nos separabit à charitate Christi: &c.*

Item Fortitudo { Mentem protegit,  
Perseuerantiā adducit,  
Regnū cælōrū tribuit.

De primo, nota quod protegit, sicut vestis à pluvia. Prouerb. vltim. *Fortitudo, & decor indumentum eius.* Item sicut arma. Boëtius: Talia contuleramus arma, &c. Item sicut custos castrum. Luc. 11. *Cum fortis armatus &c.* De secundo, nota quod est sicut camentum tenens lapides ne soluantur, & quasi bonum fundamentum, Matthæi 7 *Venerunt flumina & flauerunt venti.* De tertio, Matt. 11. *Regnum cælorum vim patitur, & violēti &c.* Prou. 31. *Mulierem fortem quis inueniet?*

Itē firmi { Mūdū, vt diuitias cōtēnamus,  
simus { Corpus, vt delicias respuamus,  
contra { diabolū, vt honores non appetamus.

De primo, nota quod Samson vicit rhi-

listheos in mandibula asini, id est, amo-  
re paupertatis. Prouerb. 30. *Leo fortissima*  
*bestiarum*. Si ergo leo. De secundo, Apo-  
stolus ad Gal. 5. *Caro concupiscit aduer-*  
*sus spiritum*. Vnde nota: Si ea quæ nobis  
vicina sunt, non prosternimus, inaniter ad  
ea quæ longe sunt à nobis impugnanda  
transimus. Sed in his tene modum: qui  
carnem multum affligis, ciuem tuum  
occidis. Si plus debito reficis, hostem  
nutris. De tertio, 1. Reg. 17. Qualiter  
Dauid Goliath vicit: sic & tu diabolum  
baculo crucis, & fundâ orationis. Item  
nota quod cibus & potus confortat. 3.  
Reg. 9. Elias ambulauit in fortitudine  
cibi illius, & Petrus potatus gratiâ Spi-  
ritus S. dixit Act. 5. *Oportet magis obedire*  
*Deo, quàm hominibus*, qui prius dixit: *Non*  
*noui hominem*. Matth. 26.

Victoria { Homo in cælo collocat,  
fortitudinē incorruptionis præ  
Ferculis æternis cibat. (parat,

De primo Apoc. 3. *Qui vicerit, dabo ei*  
*sedere mecum in throno meo*. De secundo,  
Apocalyp. 3. *Qui vicerit, faciam illum*  
*columnam in templo Dei mei, & foras non*  
*egredietur amplius*. De tertio, Apocalyp. 1.  
*Vincenti dabo edere de ligno vitæ, quod est*  
*in Paradiso Dei mei*.

Item victori { Gloria ineffabilis,  
Corona admirabilis,  
dabitur { Laus interminabilis.

De primo, Apoc. 2. *Vincenti dabo man-*  
*na absconditum, & dabo illi calculum can-*  
*didum, & in calculo nomen nouum scriptum*  
*quod nemo scit, nisi qui accipit*. In hoc  
quod dicit absconditum, notatur  
ineffabilitas: de qua Apostolus 1. Cor. 2.  
*Quod oculus non vidit, nec auris audiu-*  
*it*. De secundo, Apostolus 2. Tim. 2. *Nemo*  
*coronabitur, nisi qui legitime certauerit*.  
Nota quod victores olim coronabantur  
lauro. Itē cantica de ipsis fiebant, sicut 1.  
Reg. 18. *Saul percussit mille, & Dauid de-*  
*cem millia*. Adapta de tertio, Apoc. 3. *Qui*  
*vicerit, non delebo nomen eius de libro vitæ,*  
*& confitebor nomen eius corâ Patre meo &*  
*angelis eius*. Item Amb. *Lauda ducis vir-*

tutē, sed cū venerit ad triūphum: lauda  
nauigantis facilitatem, sed cū peruene-  
rit ad portum.

Itē victoria { A morte gehennæ liberat,  
Claritatē æternā expectat,  
Vestitu regio decorat.

De primo, Apoc. 2. *Qui vicerit, non la-*  
*detur à morte secunda*. Itē de secundo, ibi-  
dem. *Qui vicerit, dabo illi stellam matu-*  
*tinam*. De tertio Apoc. 3. *Qui vicerit,*  
*vestietur vestimentis albis*.

PATIENTIA { Christo assimilatur,  
Iocunditatem expectat.  
Sustinendo coronatur.

De primo, Luc. 13. *Pater ignosce illis*.  
Bern. Vtrumque es mihi Domine Deus  
& speculum patientis, & præmium pati-  
entis. Sed quidam dicunt se nō meruisse do-  
lorem. Tales potius volunt assimilari la-  
troni qui propter culpā passus est, quàm  
Christo. De secundo, Ecclesiast. 1. *Vsque*  
*in tempus sustinebit patients, & postea red-*  
*ditio iocunditatis*. De tertio, Ioan. 1.  
*Qui odit animam suam in hoc mundo*. Item  
in alium in bono conuertit, de felle fauum  
elicit, de mœrore gaudium facit. Deut. 33.  
*Inundationes maris quasi lac suget*.

Item patients { Martyr probabitur,  
Beatus ostenditur,  
Miraculis decoratur.

De primo, Gregorius: Sine ferro mar-  
tyres esse possumus, si patientiam in ani-  
mo veraciter conseruamus. De secundo,  
Matt. 5. *Beati qui persecutionem patiuntur*.  
De tertio, Gregorius. Ego virtutem pati-  
entiæ maiorem puto signis & miraculis.

Item patientia { Iram temperat,  
Lingam refrenat,  
Mentem gubernat.

De primo, Apostolus Rom. 12. *Noli*  
*vinci à malo*. De secundo, Prouerbiorum  
vigesimo sexto, *Non respondeas stulto*. De  
tertio, Lucæ vigesimo primo: *In pacien-*  
*tia vestra possidebitis animas vestras*.

Item patientia { Iniuria verborum,  
Molestia verberum,  
debet esse in { Ablatione rerum.



## Per Figuras.

De primo, 1. Petr. 2. *Quicum malediceretur, non maledicebat.* Exemplum in vitis Patrum qui munera dedit iniuriantibus. De secundo, Iob. 2. *Si bona suscepimus &c.* Vnde patiens assimilatur adamanti. De tertio, Matt. 5. *Si quis auferit tunicam, dimitte ei & pallium.* Exemplum in Vitis Patrum, de senibus qui nesciebant litigare pariter.

SPECIES { Abstinencia in abundantia, martyrij spiritus { Abiectio in gloria, ritualis sunt { Mansuetudo in iniuria.

De primo, Hieronymus: Duplex est species martyrij. Vna, quando quis pro Christo occiditur. Alia, quando caro Deo maceratur. Primo martyrio dabitur corona de rosis. Secundo, de liliis. Congaudendum est tali, qui in aqua non submergitur, sicut Ionas & filij Israel in mari rubro. Et inter spinas non suffocatur, & in luto non coinquinatur. De secundo, Apostolus 2. Corinth. 8. *Cum esset dives, propter vos egenus factus est.* Exemplum in Balaam de quatuor gladiis. De tertio, Matth. 5. *Si quis te percusserit in maxillam &c.* Iste est quasi scorpius, qui sub lapide non frangitur.

Item species { Continencia in iuuentute, martyrij { Largitas in paupertate, sunt { gaudium in aduersitate.

De primo, Matt. 19. *Sunt eunuchi qui se ipsos castrauerunt propter reg. ca.* De secundo, exemplum in muliere quae misit duo minuta, Marc. 12. De tertio, Act. 5. *Ibant Apostoli gaudentes &c.*

Item species { Charitas cum litigiosis, martyrij sunt { Iustitia cum perueris, { Obedientia in contrariis.

De primo, Matth. 5. *Dilige inimicos vestros.* Psal. *Cum his qui oderunt pacem &c.* Isti cum sint inter bestias, non dilacerantur: sicut Daniel. De secundo, Psal. 17. *Cum sancto sanctus eris.* Sed iste licet picem tangat, non inquinatur: licet in rota sit, non moritur, & hoc mirabile est. De tertio, Gregorius: Obedientia quae habet aliquod de suo, nulla est.

TRIBULATIO { Viam ad caelum parat, { Latificat, { Coronat.

De primo, Actuum 14. *Per multas tribulationes oportet.* &c. Exod. 13. *De columna ignis in nocte &c.* Item filij Israel erant aquae pro muro. De secundo, Iacob. 1. *Omne gaudium existimate fratres &c.* gl. *ne indignemini &c.* Actuum. 5. *Ibant Apostoli gaudentes.* &c. De tertio Iac. 1. *Beatus vir qui suffert tentationem.* &c. Item in Vitis Patrum de VII. coronis quas meruit quidam nocte vna. Iob. 2. *Pelle pro pelle.*

Item tribulatio { Erudit, { Vestit, { Deum attrahit.

De primo, Esa. 28. *Vexatio dabit intellectum auditui.* De secundo, Apoc. 7. *Isti sunt qui venerunt ex magna trib.* De tertio, Psal. *Cum isto sum in tribulatione.* Sicut cum Susanna Daniel. 13.

Item tribulatio { Probat, { roborat, { Refrigerat.

De primo, Tob. 12. *Qui acceptus eras Deo.* Eccles. 27. *Vasa figuli probat fornax.* Nota de illo in Vitis Patrum, qui furi dixit, Ecce oblitus es. De secundo, Apostolus 2. Cor. 12. *Quando enim infirmor, tunc potens sum.* Sicut testa in igne: sic nobilis lapis cum sculpitur, non frangitur. De tertio, Psal. *Transiimus per ignem & aquam.*

Item tribulatio { A peccato conuertit, { Peccata tollit, { Poenam peccati soluit.

De primo, Psal. 31. *Conuersus sum a vna &c.* De secundo, exemplum in tribus pueris quibus ignis soluit tantum vincula, vnde tribulatio est quasi rosarium, vel scopa, vel pecten tollens immunditiam. De tertio, Apocalyp. 21. *Absterget Deus omnem lacry.* 3. Reg. 6. *Sonus malleorum non audiebatur in temp.*

Item tribulatio { Stimulat, { Humiliat, { Glorificat.

De primo, Psal. 82. *Imple facies eo. ig. &c.* Vnde est quali ventus pellens nauem, & quasi calcar. De secundo, Apostolus 2. Corinth. 12. *Ne magnitudine euocationum.* Exemplum in marina. De tertio, Roman. 8. *Non sunt condigna passionis huius temp.* id est, id quod in presenti est. Greg. Considerato prae. v. f.

Item tribulatio { Consolationem tribuit,  
Virtutes perficit,  
Acceptum Deo reddit.

De primo, Psal. 21. *Virga tua, & baculus tuus, &c.* Apostolus 2. Corinth. 1. *Qui consolatur nos in omni tribulatione nostra.* De secundo, Apostolus 2. Cor. 12. *Virtus in infirmis perficitur.* De tertio, Tob. 12. *Qui accepit uerba Deo.* Apoc. 3. *Ego quos amo, arg.*

Item tribulatio { Beatum constituit,  
Filium Dei ostendit,  
In tentatione defendit.

De primo Iob. 5. *Beatus homo qui corripitur à Domino.* De secundo, Apostolus Hebr. 12. *Flagellat omnem si. &c.* Exemplum de illo qui fleuit, quia eum Dominus vno anno per infirmitatem non visitauit. De tertio, Os. 2. *Sepiã uias spinis.*

Item tribulatio { Conuiuium in cælo  
præparat,  
Inimicum debilitat,  
Charitatem inflammat.

De primo, Matth. 20. *Voca operarios, &c.* Nota quod canis libenter vult proiici cum carnibus quas comedit. De secundo, Eccles. 33. *Virga & onus & cibus asino.* De tertio, August. Accendebas nos validè, nota quod paruus ignis extinguitur, sed magnus accendit vento. Quidam in vitis Patrum osculabatur cuiusdam furi matris in morte.

Item tribulatio { Paradisum referat,  
Conscientiam seruat,  
Virtutes augmentat.

De primo, Actor. 7. *Ecce video calos apertos, vnde comparatur flammeo gladio.* August. hinc ure, hinc seca, &c. De se-

cundo, Tob. 3. *Post tempestatem tranquillum facis.* Item Dominus mutauit aquam in vinum. Ioann. 2. De tertio, Exod. 1. *Quanto magis opprimebant eos, tanto magis crescebant.*

PAUPER TAS { Curam Dei in exilio,  
Iudicandi potestatem in iudicio,  
Laudem perpetuam in cælo.

De primo, Psal. 39. *Mendicus sum & pauper, & Dominus sollicitus est mei,* sicut pater de filio, magister de discipulo, medicus de infirmo, aduocatus de clientulo, speculator de castro, agricola de agro. De secundo, Iob 36. *Pauperi iudicium tribuit.* De tertio, Psalm. *Pauper & inops laud.* &c.

Item pauperes { Orantes exaudiuntur,  
Venientes recipiuntur,  
Morientes ad patriam reducantur.

De primo, Psal. 10. *Desiderium pau. &c.* De secundo, Psal. 93. *Factus est mihi Dominus in refugium.* De tertio, Luc. 16. *Factum est ut moreretur mend.*

Item pauperes { Imitatores Christi se esse  
ostendunt,  
Diaboli manum effugiant,  
Obluionem Dei non incurrunt.

De primo, Apost. 2. Corinth. 8. *Cum esset dives, propter uos egenus, &c.* Item Matth. 8. *Filius hominis non habet ubi caput reclinet.* De secundo, Psal. 9. *Tibi derelictus est pauper, tanquam paruulus proiectus à matre.* Psalm. 26. *Pater meus, & mater mea dereliquerunt me.* De tertio, Psal. ibidem: *Quoniam non in f. obl. er. pau.*

Item paupertas { Hominem perfectum facit,  
Beatum ostendit,  
Pondus deponit.

De primo, Matth. 19. *Si vis perfectus esse, uade, &c.* De secundo, Matth. 5. *Beati pauperes spiritu.* De tertio, Luc. 18. *Facilius est camelum transire, &c.* Vnde Socrates proiecit thesaurum suum in aquam,

## Per Figuras.

aquam, dicens: Mergā te, ne mergas me.

Item paupertas { Securum efficit,  
Regnum tribuit,  
Iudicem lenit.

De primo, Poëta: *Cantabit vacuus coram latrone viator.* De secundo, August. Paupertate comparatur regnum, labore requies, dolore gaudium, ignominia gloria. De tertio, Matth. 11. *Venite ad me omnes qui labo. & onere estis.* Nota exemplum de stipendiis, quod non dantur libenter his qui prius acceperunt.

HUMILITAS { Dei memoriam,  
meretur { Spiritus sancti gratiam.  
Caelestem gloriam.

De primo, Psal. 135. *In humilis acce non sramemor fuit.* De secundo, Psal. 103. *Inter medium montium pertransiit aqua, & 1. Pet. 5. Deus superbis resistit, humilibus autem dat gratiam.* De tertio, Prou. 29. *Humilem spiritus suscipit gloria.*

Item humilitas { Spiritui sancti in habitatione,  
meretur { Honorabilem exaltationem,  
Ostij caelestis apertionem.

Primum datur in exilio. Secundum in iudicio. Tertium in caelo. De primo, Esa. 66. *Super quem requiescet spiritus meus, nisi super hu.* Item Cant. 2. *Ego flos campi & lil. conyal.* De secundo, Luc. 14. *Qui se humiliat, exalta.* Item: *Amice, ascende superius.* De tertio, Apoc. 3. *Quia modicum habes virtutem, &c.*

Item in humilitate { Praeceptum Dei seruat,  
Christus imitatur,  
Orationis efficacia habetur.

De primo, Eccl. 7. *Humilia valde spiritum tuum.* De secundo, Matth. 11. *Discite a me quia mitis sum & humilis corde, nota Christus asinum equitavit, ludæ pedes lauit.* De tertio, Eccles. 35. *Oratio humiliantis se.* &c.

Item humilitas { Erudit,  
Vestit,  
Deo iungit.

De primo, Prou. 11. *Ubi humilitas, ibi sapientia.* Psal. 130. *Declaratio sermo tuorum illum, & intellectum datus, &c.* De secundo, Esa. 18. *Pallum breue utriusque oper.* De ter-

tio, Marc. 10. *Sinite paruulos venire ad me.* Hæc est præcurfor charitatis & socia.

Item humilitas { Liberat,  
Saluat,  
Virtutes seruat.

De primo, Psal. 141. *Humiliatus sum, & libe. me.* exemplum de laqueis quos vidit beatus Antonius per totum mundum. De secundo, Psal. 17. *Quoniam tu populum hu. fal. fac.* De tertio, Greg. Qui virtutes sine hum. congre. quasi pul. in ven. por. Bern. In veritate didici. unde ipsa est mater virtutum, & cinis conseruans ignem. Quid autem humiliare debeat, require de miseria vitæ præsentis.

OBEDIENTIA { Christo assimilatur,  
Victimas superat,  
Victoriam parat.

De primo, Apostolus ad Phil. 2. *Christus factus est pro nobis obediens.* Imo ei cuncta obediunt. Iob. 38. *Stellæ vocatæ dixerunt: Assumus.* De secundo, 1. Reg. 15. *Melior est obedientia, &c.* gloss. quia dum alienæ voci, hic subditur, nos ipsos superamus, quasi diceret. propriam carnem mactamus, sed ibi alienā. De tertio, Prou. 21. *Vir obediens loquitur victoriam:* quia Adam fuit inobediens, victus est.

Item obedientia { Deo est grata,  
Angelis iucunda,  
Sibi fructuosa.

De his Bernard. Nihil angelis charius, nihil Deo acceptius, nihil hominibus fructuosius, quam in suscepta conuersatione subsistere.

Item obedientia debet esse { Parata,  
Ordinata,  
Ardua.

De primo, Bernard. illum optimum obedientiæ dixit, &c. Augustin. Verus obediens mandatū non procrastinat, aures parat auditui, linguam voci, manus operi, pedes itineri, &c. De secundo, Actuum 5. *Oportet Deo magis obedire, quā hominibus.* De tertio, Bernard. Nle tuus minister est, Domine, qui non intuetur audire quod voluerit, sed velle quod au-

dierit. Talis fuit Abraham Genesis 12. *Egredere de terra.* Item 12. *Tentauit Deus Abraham.*

Item obediētia debet esse { Vniuersalis,  
Lætabilis,  
rationabilis.

De primo, dixit beata Virgo ministris in nuptiis, Ioan. 2. *Omnia quæ dixeris vobis, facite.* De secundo, Psalmista: *Paratus sum, & non sum turbatus.* De tertio, gregorius: Scito quod propter obediētiā malum nunquam debet fieri, sed bonum quandoque potest intermitteri. Iosue 1. *Qui cunctis non obediērit ser.*

Item est obediētia { Sufficiens,  
Abundans,  
Superabundans.

Prima est, quando obeditur maiori. Secunda, quando æquali. Tertia, quando minori. De primo, Apostolus ad Heb. 13. *Obedite præpositis vestris: post, Non tantum bonis & modestis, sed etiam discolis,* Apostol. Rom. 13. *Qui potestati contradicit, Dei ordinationi contradicit.* Vnde quia Adam nō obediuit suo superiori, inobediens ei factum est suum inferius. De secundo, exemplū de duobus fratribus in Vitis Patrum, quorum vnus iussit alterum accendere totiens lucernam &c. De tertio, Luc. 2. *Et erat subditus illis.*

TIMOR alius est { Seruilis,  
Initialis,  
Finalis.

De primo, Eccles. 1. *Timor Domini expellit peccatum.* De secundo, Psalm. 111. *Beatus vir qui timet Dominum.* De tertio, Actuum 10. *In veritate comperi &c.*

Item timor { Peccatum pellit,  
Beatum ostendit,  
Acceptabilem reddit.

De primo, Eccles. 1. *Timor Domini expellit peccatum.* De secundo, Psalm. ibid. *Beatus vir qui timet Dominum.* De tertio, Actuum. 10. *In veritate comperi, &c.*

Item timor { Sapientiam generat,  
Mentem roborat,  
In fine remunerat.

De primo, Eccles. 1. *Radix sapientiæ est timere Deum.* De secundo, Eccles. 27. *Nisi in timore Domini tenueris te.* De tertio, Eccl. 1. *Timenti Deū bene erit in extremis.*

Item timor Domini { Animam dilatat,  
Peccatū deuitat,  
Gratiā conseruat.

De primo, Psalm. 33. *Non est inopia timētibz eum.* De secundo, Prou. 15. *Timore Domini declinat omnis à malo, & per consequens à malo pœnæ.* vnde Matt. 10. *Nolite timere eum qui cor. occidit.* De tertio Eccles. 15. *Qui timet Deum faciet bona.*

Item timor Domini { Cor delectat,  
Negligētiā fugat,  
Vitam prolongat.

De primo, Eccles. 1. *Timor Domini delectabit cor, & dabit gaudium, & lætitiā, long. dierum.* De secundo Eccles. 7. *Qui timet Deum nihil negli.* De tertio, Prou. 10. *Timor Domini apponet dies.*

Item timens { Iustitiā exequitur,  
Respectum Dei meretur,  
Delum { Fonte vitæ irrigatur.

De primo, Malach. 1. *Si ego Dominus, ubi est timor meus?* De secundo, Es. 66. *Ad quem autem respiciā, nisi ad pau. & contri. spiritus?* De tertio, Prou. 14. *Timor Domini fons vitæ, ut declinet à ruina mortis.*

PAX { Consiliū Dei firmat,  
Pœniā deuitat,  
Inimicos reconciliat.

De primo, Ioan. 14. *Pacem relinquo vobis.* Hanc non habuit Cain & Ioab. De secundo, Apostolus Heb. 12. *Pacem sequimini, & sanctimo. sine qua nemo videbit Deum,* August. Qui in pace non fuerit inuentus, abdicatur à Patre, exheredatur à Filio, & Spiritus sancto alienus efficitur. De tertio, Apostolus, Roma. 12. *Si fuerit inimicus tuus, & sequitur. Hoc enim faciens carbo.* Psalm. *Cum his qui oderunt pacē.*

Item est pax { Temporis,  
Pectoris,  
Æternitatis.

De primo, Augustinus: Tantum bonū est pax, quod etiam in suo contrario qua-

## Per Figuras.

ritur. Genes. 13. *Diuisi sunt aliter ab altero.* De secundo, Luc. 2. *Et in terra pax hominibus bonae voluntatis.* Hoc dicitur fabulatum delictum. De tertio, Esa. 32. *Sedebis populus meus in pompa.* Hæc in cælo ordinat hierarchias.

Item pacificus { Dei filius ostenditur,  
Angelis associatur,  
Christo assimilatur.

De primo, Matth. 5. *Beati pacifici, quoniam filij Dei voc.* De secundo, Basilii: homo consortium angelorum merebitur. De tertio patet: quia Christus propter mansuetudinem agno comparatur. Si ieiunas vel vigilas, diabolus his non terretur, quia his non vititur. Sed si pacem habeas, expuesce: quia hoc seruas in terris quod ille noluit in cælis.

CONTINENTIA alia est { Coniugalis,  
Vidualis,  
Virginalis.

De primo, Augustinus loquens de Abraham. O virum factis videntem viriliter, vixore temperanter, ancilla obtemperanter, nullo intemperanter. De secundo. 1. ad Tim. 5. *Quia vere vidua est & desolata speret in Deo & instet orationibus & observationibus nocte & die.* De tertio, Apostolus 2. ad Corinth. 1. *Respondi vos uni viro virginem cast. &c.*

Item virginitas { Mandatum custodit,  
Decorem tribuit.  
Homine beatum ostendit.

De primo, Luc. 12. *Sint lumbi vestri praecin.* De secundo, Psal. 44. *Audi filia, & vide &c.* Hæc est arca deaurata intus & foris: hæc est sol inter planetas. De tertio, Matth. 5. *Beati mundo corde.*

Item virginitas { Deo locum parat,  
Pretium de longe portat,  
Dignitatem angelorum ministrat.

De primo, Cant. 2. *Qui pascitur inter lilia.* De secundo, Prouerb. 31. *Mulierem for. quis inueniet?* De tertio, Eccles. 16. *Non est condigna ponderatio continentis animæ.* Propter hoc erat August. dicens: Da quod iubet &c.

Item hæc { Floribus ornatur,  
est hortus } Fontibus irrigatur,  
qui } A iuueniculis inhabitatur.

De primo, Cant. 2. *Sicut lilium inter spinas.* De secundo, Cant. 4. *Fons hortorum.* De tertio, Cant. 2. *Sonet vox tua in aur.*

VIRGINITAS { In cælo se deo iungit,  
Canticum nouum instruit,  
Aureolam imponit.

De primo, Sap. 6. *Incorruptio proximum facit esse Deo.* De secundo Apoc. 14. *Et nemo poterat dicere canticum.* De tertio, Cantic. 4. *Veni de libano &c.*

Item { Amissa non recuperatur.  
Christum in cælo sequitur,  
In oratione exauditur.

De primo, Hieronym. Cum deus possit omnia &c. bene ergo custodientibus, est flos iste ne marcescat. De secundo, Apocalyp. 14. *Sequuntur agnum quocunque &c.* De tertio, Cantic. 2. *Sonet vox tua in aur. meis.* Vnde de sancta Catharina cantatur, Vox de cælis intonuit

Item per hanc { Consilium dei seruatur,  
Anima pulchre vestitur,  
A Deo virgo iuuatur.

De primo, Matth. 19. *Sunt eunuchi qui seipsos &c.* De secundo, Prouerbior. 3. *Purpura & byssus &c.* Psal. 44. *Astitit regina a dext. &c.* De tertio, Psal. 45. *Adiuuabit eam &c.*

Item virgo { Honestè contrahit,  
delectabiliter parit,  
Viriliter diligit.

Primum patet, quia sponsus accipit pulchrum, diuitem, fortem, virtuosum. Secundum patet, quia proles sunt opera bona, de quibus Psal. *Vt videas filios filiorum tuorum*, id est mercedem quæ sequatur operationem, Can. 7. *Vmbilicus tuus crater tor. vallatus liliis.* De tertio, nota quod in his nuptiis dos est vita æterna, thalamus cordis munditia, amplexus gratia. Cant. 5. *Leua eius sub capite meo.*

Beatiſicat,  
MUNDITIA cordis { Vitam præſtat,  
Mentem decorat.

De primo, Matth. 5. *Beati mundo corde.*  
De ſecundo, Prou. 4. *Omni cuſtodia ſerua cor tuum.* De tertio, Apoc. 1. *Præcinctum ad mammillas.* Nota cum florent vineæ fugiunt ſerpentes: decorat ergo ſicut flores campum, ſicut arbores hortum, ſicut carbunculus annulum. Gen. 2. *Plantauerat autem Dominus Deus paradifum voluptatis.*

Item { Domum Deo præparat,  
Sedem illi collocat,  
Deum pro ſigillo ſeruat.

De primo, 3. Reg. 7. *Fecit rex Salomon thronum & templum ubi fuit menſa & candelabra.* De ſecundo, 3. Reg. 22. *Vidi Dominum ſedentem ſuper ſol.* Vnde ſimilis eſt ordini thronorum. De tertio, Cant. 8. *Pone me ſicut ſignaculum ſuper cor tuum.*

Item mentem { Ordinât,  
Sanat,  
Irrigat.

Propter primum comparatur clauſtro. Vnde diſtingue in mentē officina. Propter ſecundum comparatur theriacæ quæ morſus ſerpētis & venena curat radicitiſ: immunda verò cogitatio morſus ſerpentis, & mala radix eſt. Propter tertium, comparatur fonti, vnde Ezech. 16. *Effundam ſuper vos aquam mundam,* Gen. 2. *Fons egrediebatur de loco vol.*

Item { Hoſtem interficit,  
Mortem excludit,  
Turpia fugit.

De primo, Hieronym. Non eſt timendus hoſtis qui, &c. Gen. 3. *Iplâ conteret caput.* De ſecundo, Jerem. 9. *Mors intravit per feneftras.* De tertio, Eccleſ. 13. *Qui tangit picem,* &c. Sed illas cogitationes quas diabolus immittit contra voluntatem hominis, ipſe diabolus conſiteatur & ſatisfaciat, & non homo.

Item gratiæ fructum { Producit,  
Colligit,  
Cuſtodit.

Propter primum comparatur ſiculneæ. Propter ſecundum, ſimilis eſt apothecæ. Sed nota, *Vbi eſt theſaurus tuus, ibi, &c.* Matth. 6. Hoc patet in ſtatera: quia illic ponderat vbi magis grauatur. Propter tertium comparatur caſtro, Luc. 10. *Intrauit Jeſus in quoddam caſtellum.* Expone tropologicè.

Miſericor- { Vincit ſacrificium,  
dia, ſive cõ- { Efficit beatum,  
paſſio { Pauperum eſt refugium.

De primo, Oſeæ 6. *Miſericordiam volui, & non ſacrificium.* De ſecundo, Matt. 5. *Beati miſericordes.* De tertio, Pſalm. 9. *Eſaia ſus eſt Dominus reſu. pau.*

Item { Præceptum naturæ ſeruat,  
Charitatem manifeſtat,  
Regnum cæli comparat.

De primo, Matth. 7. *Quacunque volueritis ut faciât vobis, &c.* Apoſtolus Rom. 12. *Gaudete cum gaudentibus, &c.* De ſecundo, 1. Ioan. 3. *Qui viderit fratrem ſuum neceſſitatem pati.* Nota ſex opera miſericordiæ quibus charitas oſtenditur. vnde Matth. 23. *Eſuriui & dediftis mihi, &c.* De tertio, Apoſtolus 2. ad Timoth. 2. *Si compatiſimur, & conregnabimus.*

Item { Vocem Chriſti audit,  
Martyrem ſpiritualem facit,  
Duritiam emollit.

De primo, Cant. 5. *Anima mea liqueſcit.* &c. De ſecundo, Greg. Qui dolorem excipit in aliena neceſſitate, crucem portat in mente, Apoſtolus 1. Corinth. 12. *Si dolet vnum membrorum, &c.* De tertio, Ezechiel. 11. *Auferam à vobis cor lapideum.* Vnde comparatur oleo, cuius eſt emollire.

Item { Amicum probat,  
Vitam prolongat,  
In iudicio commendat.

De primo, Luc. 10. *Quis horum tibi videtur proximus fuiſſe illi?* De ſecundo, Apoſtolus 1. ad Timoth. 4. *Pietas ad omnia valet.* De tertio, Matth. 25. *Eſuriui, & dediftis mihi, &c.*

## Per Figuras.

Item opera { Peccantem corripere,  
misericordiz { Ignorantem instruere,  
spiritualia sūt { Delinquenti ignoscere.

De primo, Matth. 18. *Si peccauerit in te frater tuus.* De secundo, Iac. 5. *Qui conuerſi fecerit pec.* De tertio, Luc. 6. *Dimitte & dimit.* &c. Gregor. Distinctio debetur vitiis, compassio naturæ.

Actiua vi- { Retributionem,  
ta mere- { Exultationem,  
tur { Dei commendationem.

De primo, Matth. 20. *Voca operarios,* &c. De secundo, Psal. 115. *Qui seminant in lacrymis,* &c. De tertio, Matth. 25. *Esurui, & dedisti mihi,* &c.

Item actiua vita { Merita multiplicat,  
{ Tentationem declinat,  
{ Charitatem propalat.

De primo, Cant. 7. *Venter tuus sicut accernus,* Psal. *Ut videas filios, filiorum.* Filij sunt opera filiorum sunt præmia quæ debentur operibus. De secundo, Hierem. Semper aliquid operis facito. De tertio, 3. Ioan. 3. *Qui viderit fratrem suum necesse pati.* Et de operibus misericordiz.

Item { Meretur beatitudinem,  
{ Implet Dei ordinationem,  
{ Imperat ad contemplationem.

De primo, Psal. *Labores manuum tuarum,* &c. De secundo, Genes. 3. *Insudare vultus tui.* De tertio, Gen. 32. *Quia prius vocatus est Iacob, sed post Israël.* Item primò Iacob duxit Liam, post Rachel. Item Benjamin primò vocatus est Bennon. Item prius sumus viatores, quàm comprehensores.

Item vita actiua { Meretur exaltationem,  
{ Expectat satietatem,  
{ Euadit mendicitatem.

De primo, Luc. ult. *Nonne oportuit Christum pati?* De secundo, Ap. 2. ad Thess. 3. *Qui non laborat, non manducet:* ergo cōtra. De tertio, Prou. 20. *Propter frigus piger arare noluit.* Eiusd. 6. *Vade ad for.* &c. Contempla- { Lectio,  
tionis species { Meditatio,  
sunt { Oratio.

Primo modo, non solum sit contem-  
platio in libro vitæ vel creatore, sed etiam  
creaturæ: *Quia inuisibilia Dei per ea quæ  
facta sunt intellecta conspici.* Rom. 1. De  
secundo, Apostolus ad Philip. 3. *Nostri cō-  
uersatio in calis est.* Sap. Stans in terra, sci-  
licet corpore, calū tangebatur, scilicet men-  
te. De tertio, Apostolus ad Philipp. 4. *In  
omni oratione pet. vestre inquit.*

Item contem- { Vitiū eiectionem,  
platio opera- { Virtutum irrigationem,  
tur { Conscientiæ decorem.

De primo, August. *Suaue mihi factum  
est:* &c. De secundo, Esai. 58. *Eris quasi  
hortus irriguus.* Cogitatio enim de Deo  
quasi canalis est positus ad fontem vitæ.  
Gen. 2. *Fluvius egrediebatur,* &c. De ter-  
tio, Cant. 1. *Lectulus noster floridus,* Eiusd.  
2. *Fulcite me floribus.*

Item con- { Dulcedo hauriatur,  
templatione { Idioma angelicum disca-  
conuersan- { tur,  
dum est in { Familiaritas acquira-  
cælo, vt { tur.

De primo, Augustin. Infunde Deo di-  
lectionem tuam. Vnde contemplatiuus  
quasi apes volat in horto cælesti supra  
flores gaudiorum. De secundo, Aposto-  
lus 1. Corinth. 12. *Si linguis hominum  
loquar.* Sed qui de terra est, de terra  
loquitur. Ioann. 3. De tertio, Apostolus  
Ephes. 2. *Iam non estis hospites,* quasi di-  
cat, etiam hoc prius fuistis. Sed heu! qui-  
busdam dicitur: *Amen dico vobis, nescio  
vos.* Matth. 25.

Item contem- { Diligitur,  
platiuus a { Exauditur,  
Deo { Cibatur.

De primo, Cant. 1. *Ne suscitetur dile-  
&c.* nam contemplatio somnus est. eiusd. 5.  
*Ego dormio, & cor meum vigilat.* De secū-  
do, Ps. 36. *Delectare in Domino,* &c. De ter-  
tio, Eccl. 15. *Cibavit illum pane vite,* &c.

Item con- { Illuminat intellectum,  
templa- { Accendit affectum,  
tio { Præparat Deo domum,

De primo, Eccles. 11. *Dalce lumen* &  
D 14

*delectabile, &c.* vnde scimus. quod aquila  
itreuerberatis oculis intuetur solem, &  
propriū pullum eiicit qui non idem fa-  
cit. De secundo, August. Accendebas nos  
tam valide. De tertio, Proverb. 11. *Sa-  
pientia edificauit sibi domum.*

Item { Temporalia contemnit.  
Secreta petit,  
Finis nescit.

De primo, Psalm. 76. *Renuit conso-  
la. anim.* Bernardus: Delicata est diuina  
consolatio, ne facile, &c. Gregor. Tanto  
quisque à superno amore dil. quanto in-  
ferius delect. De secundo, Thren. 3. *Sede-  
bit solitarius, & tacebit.* Hoc ideo facit,  
quia *qui tetigerit picem, inquinabitur ab  
ea.* Proverb. 13. Exemplum in topazio. De  
tertio, Luc. 10. *Maria optimam partem  
elegit, &c.*

Item mentem { Eleuat,  
Lætificat,  
Inebriat.

De primo, Apoc. 12. *Luna sub pedibus  
eius.* De secundo, Psalm. 15. *Prouidebam Do-  
minum in conspectu meo semper, propter  
hoc latatum est cor meum.* De tertio,  
Cant. 5. *Comedis suum, &c.* Aug. Quis mi-  
hi det vt ven. &c.

Item { Angelicum officium assumit,  
Dilectionem ingerit,  
Secreta pandit.

De primo, patet: quia angeli semper  
vident faciem Patris, & speculum æter-  
nitatis intuentur: sic & iste. Apoc. 4. *Plena  
oculis ante & retro.* De secundo, Augu-  
stinus: Memoria tua super mel dulcis.  
vnde tales quandoque rapiuntur in iubi-  
lum: est autem iubilus, gaudium quod pro  
sui dulcedine vel magnitudine taceri non  
potest, & tamen propter immensitatem  
rei non potest exprimi: & sic quatuor de  
causis vel insinuandam nostram infirmi-  
tatem, vel desiderij immensitatem, vel  
rei, quam expectamus immensitatem, vel  
ad causandam nimiam rei dilationem. De  
tertio, Apostolus 2. Cor. 12. *Scio hominem  
raptum, talis in secreto sit loco.* Cant. 6.

Ego dilecto meo, & dilectus meus mi-  
hi, &c.

Item contemplatiuus { Dei præsentiam,  
gaudium cæli tam in- { Societatem an-  
choat, habens { gelicam,  
Dotum quandam  
gloriam.

De primo, 1. Ioan. 4. *Qui manet in cha-  
ritate, in Deo manet, sed sicut dicitur, Vbi  
Papa, ibi Roma: ita potest dici: Vbi Deus,  
ibi vita æterna, Luc. 17. Regnum Dei intra  
vos est.* De secundo, Matth. 18. *Angeli  
eorum semper vident faciem.* Tertium  
patet: quia iam habet quandam cogni-  
tionem dilectionum, claritatem con-  
scientiæ, agilitatem in bono opere. Aug.  
Ducis me in quandam inconsuetam dul-  
cedinem.

Item inhæret ani- { ma Deo per con- { sicut { Ramustruco,  
templationem. { Cera sigillo,  
Naui pelag.

De primo, Ioan. 5. *Sicut palmes non po-  
test facere fructum à semetipso, nisi man-  
serit in vit.* &c. Secundum patet: quia si-  
cut cera recipit imaginem sigilli, sic ani-  
ma virtutum similitudinem. Apostolus  
Ephes. 5. *Imitatores Dei estote sicut filij  
chariss.* De tertio, Psalm. 71. *Mibi autem ad-  
hære Deo bonum est:* quia in procellis tri-  
bulationum non mouetur animus in  
Deo fixus: vnde cum Diabolus læssisset  
Iob in corpore, rebus, & pueris, anima  
non metuit, quia illam in cælo fixit, vbi  
diabolus non habet agere.

Perseuerantia { Viam rectam custodit,  
Maledictionem euadit,  
Opera ad perfectionem  
perducit

De primo, 2. Petr. 2. *Melius est viam  
veritatis non agnoscere.* De secundo,  
Heb. 6. *Terra sæpe venientem super se bi-  
bens imbrem.* Sic Paulus euasit quod Iu-  
das incurrit. De tertio, illud Philosophi:  
Cuius finis bonus est, ipsum to. bo. Item:  
*Hic homo capit edificare, Luc. 14.* Item  
vna manus ædificans.



## Per Figuras.

Item { Saluat,  
Coronat,  
Damnationem declinat.

De primo, Matth. 10. *Qui perseverauerit usque in finem.* Nota in vespere latatur serenitas. De secundo, Apocal. 2. *Esto fidelis usque ad mortem.* Apostolus 2. Timoth. 2. *Nemo coronabitur, nisi qui legitime certat.* De tertio, nota exemplum Dan. 2. Vbi statua quæ incæpit ab aureo capite consummata est in fictili, & contrita est per lapidem præcisum de monte sine manibus.

Item { Animam vestit,  
Ianuam cæli aperit,  
Instabilitatem contemnit.

De primo, nota quod hæc est tunica talaris qua filij regum indui solebant. De secundo, Lucæ 11. *Si perseveraueris pulsans, &c.* De tertio, Thren. 1. *Peccatum peccavit Ierusalem.* Nota exemplum in Vitis Patrum, de dæmone qui gloriabatur quod intra 40. annos deiecit unum monachum.

Item { Christum imitatur,  
Claritate remuneratur,  
Laude digna monstratur.

De primo, Ioan. 13. *Cum dilexerit suos, usque in finem dilexit eos.* unde dum clamarent Iudæi, Matth. 27. *Si rex Israël est, descendat de cruce, perseveravit pendens.* De secundo, Apoc. 2. *Qui vult, dabo illi stellam.* De tertio, Gregor. Lauda nauigantis felicitatem, cum venerit ad portum; lauda ducis virtutem, cum peruenierit ad triumphum.

Item { Brauium percipit,  
Acceptum Deo reddit,  
Virtutes ad maturitatem ducit.

De primo, Apost. 1. Cor. 9. *Omnes qui dem currunt, sed unus, id est, perseverans, accipit brauium.* De secundo, Leu. 22. *Holstia sine cauda non offertur: imo ovis sine cauda monstruosus res non esset.* De tertio, nota si fons irrigans hortum deficeret, herbæ perirent. Propter ista Psal. 72. dicit: *Mibi adbarere Deo bonum est.*

Item { Amicum Dei verum ostendit,  
Insidias diaboli non metuit,  
Stultitiam expellit.

De primo, Eccles. 6. *Est amicus socius mensa, & non permanet.* Item Prou. 17. *Omni tempore dil. qui amicus est,* sic non fuit Petrus, dicens Luc. 22. *Non novi illum.* Sed nota quod turpius eiiciatur quam non admittitur hospes. Aug. Peccatum est spreto incommutabili bono, &c. Gen. 3. *Insidiaberis calc. eius, & ipsa conteret caput tuum.* Sciendum, quod diabolus interdum suadet bonum homini instabili, ut per residuum gravius peccet: unde facit illud Gen. 19. *Noli respicere retro, &c.* De tertio, 2. Pet. 2. *Canis reuersus ad vomitum, &c.* Item stultus esset qui agrum bene seminaret, & non meteret: vel thesaurum diu collectum dispergeret, vel clypeum in fine certaminis proiceret.

Verbum Dei { Mundat,  
Illuminat,  
Cibat.

De primo, Ioan. *Iam vos manducatis.* De secundo, Psal. 118. *Lucerna pedibus meis verbum tuum,* Psal. 18. *Præceptum Domini lucidum illuminans oculos, &c.* De tertio, Matt. 4. *Non in solo pane vivit homo, &c.* Cant. 2. *Qui pascitur inter li. &c.*

Item { sanat,  
Irrigat,  
Dulcorat.

De primo, Sap. 16. *Neque herba, neque malagma, &c.* Psal. 106. *Misti verbum suum, & sa. eos.* De secundo, Gen. 2. *Fons egred. de loco, &c.* De tertio, Apoc. 10. *Comedis librum.* Psal. 118. *Quam dulcia faucibus meis eloquia tua.*

Item { Ad bonum incitat,  
Tentationes mitgat,  
Dæmones fugat.

De primo, Eccles. 12. *Verba sapientium sicut stimuli.* De secundo, Psal. 106. *Dixit, & stetit spiritus procellarum,* unde comparatur verbum Dei incantatoribus serpentum. De tertio, Marc. 16. *In nomine meo dæmonia eiici.*

Item { Iustificat,  
Beatificat,  
Confortat.

De primo, Iac. 1. *Non auditores tantum.*  
De secundo, Luc. 11. *Beati qui audiunt*  
*verbum Dei.* De tertio, Pl. 32. *Verbo Do-*  
*mini celsi firmati sunt.*

Item { Vias demonstrat,  
Mentem penetrat,  
Deum homini reconciliat.

De primo, Matth. 2. *Stellam quam vi-*  
*derant Magi in Oriente,* &c. De secundo,  
Ezech. 3. *Qui audit,* scilicet foris, *audiat*  
*intus.* Apostolus Hebr. 4. *Vivus est sermo*  
*Dei & efficax,* &c. De tertio, Prou. 21. *Qui*  
*obturat aurem suam.* Similiter exponit il-  
lud Esa. 20. *Munda remunda,* &c.

Item { Mortuos vivificat,  
Filius Dei generat,  
Mala extirpat

De primo, Ioann. 5. *Venit hora & nunc*  
*est.* Plal. 67. *Dabit vocis sue vocem virtu-*  
*tis,* gloss. suscitandi mortuos. Sed hoc erit  
in die iudicii. De tertio, Iac. 1. *Genuis nos*  
*verbo veritatis.* Nota tria habent virtu-  
tem, scilicet herbae, lapides & verba. De  
tertio, Ier. 1. *Ecce constitui te,* &c.

Item { Conuertit,  
Erudit,  
Præcunit.

De primo, Plal. 18. *Lex Domini imma-*  
*culata conuertens animas,* &c. De secun-  
do, Plal. ibid. *Testimonium Domini fidele*  
*sapie. præstans,* &c. De tertio, Ezech. 3. *Spe-*  
*culatorem dedi te,* &c.

Item { Vitia necat,  
Gratiam initiat,  
Affectum inflammat.

De primo, Apost. Ephes. 6. *Gladium spi-*  
*ritus quod est verbum,* &c. Apoc. 1. *ex ore*  
*eius ex utraque parte acutus.* Propter se-  
cundum comparatur semini, quod est ini-  
tium fructuum. Lucæ 8. *Semen est ver-*  
*bum Dei,* &c. De tertio, Lucæ 24. *Nonne*  
*cor nostrum,* &c. Act. 2. *Apparuerunt illis*  
*dispertitæ linguæ.*

Item { Animum emollit,  
De peccato extrahit,  
Omnia bona adducit.

De primo, Cant. 5. *Anima mea lique-*  
*facta est.* Ier. 23. *Nonne verba mea quasi*  
*malleus,* &c. De secundo, Luc. 5. *In ver-*  
*bo autem tuo laxa.* &c. De tertio, Sap. 7.  
*Venerunt mihi omnia bona pariter cum*  
*illa.*

Item generat { Admirationem;  
Correctionem,  
Cognitionem.

De primo, Plal. 118. *Mirabilis estimo-*  
*nia tua Domine, ideo seru.* &c. De secundo,  
Plal. ibid. *In quo corrigit a del. viam suam?*  
De tertio, Iac. 1. *Qui auditor est verbi,*  
*non factor, hic comparabitur.* Plal. ibid.  
*Tunc non confundar cum perispe.* &c.

Prælatus debet { Christo conformetur,  
Maledictio decline-  
habere ætatem, tur,  
vt per hoc Grex viriliter custo-  
diatur.

De primo, Luc. 3. *Et ipse Iesus erat an-*  
*norum 30.* De secundo, Eccles. 40. *Va ter-*  
*ra cuius rex puer est.* De tertio, Iud. 8. *Iux-*  
*ta ætatem robur est hominis.* Sed heu! ho-  
die committitur cura animarum homini  
cui non committeretur cura porcorum  
vel pomorum. Item : *Quomodo arcebit*  
*puer lupum derige?* &c.

Item so { de illo querimon. mo-  
ueatur,  
licitus { Vt Christi patrimon. deser-  
uiatur.  
Ne velut infidelis condēnetur.

De primo, Eccles. 41. *De patre impio*  
*conquerentur filij.* Sed Dominus fecit sen-  
tentiam Gen. 41. *Non videbitis faciem*  
*meam, donec adduc. fratrem vestrum mi-*  
*nimum.* De secundo, Bern. lucratur can-  
tando, reddent flendo. De tertio, Apost. 1.  
ad Tim. 5. *Qui suorum, maxime domestico-*  
*rum non habet,* &c. Sed hodie maxima cu-  
ra est de lana & lacte: sicut dicitur Ezech.  
34. *minima de animabus.*

Item

Item solici-  
tus sit { In sui ordinis executio-  
ne,  
In subditorum cognitio-  
ne,  
In vitiorum extirpatione.

De primo, nota quod magis iam stu-  
dent in schacco, quàm in antiphonatio.  
Vnde officium vel ex toto negligunt, vel  
differunt, vel more fœminæ faciunt, aut  
malo modo. De secundo, Prou. 27. *Dili-  
genter cognosce vulum pecoris tui.* De ter-  
tio, Ier. 1. *Ecce constitui te super gentes &  
regnum, & euellas.* Sed magis laborant in  
euacuandis buris quàm peccatis. Item  
semper sit sollicitus qualiter respondeat  
Deo in die iudicij faciendi has quæstiones:

Quæstiones { Quomodo intasti?  
Quomodo vixisti?  
Quomodo rexisti?  
Quomodo expendisti?

De primo, Ioan. 10. *Qui non intrat per  
ostium, &c.* De secundo, 1. Mach. 6. *Reful-  
sit sol in clypeos aureos.* Debet autem vita  
prælati quasi regula esse subditi: sed mo-  
do iscorrepta, & furati sunt eam sicut  
Achor. De tertio, Prou. 6. *Fili, si sponde-  
ris pro amico tuo, &c.* Item Esa. 61. *Super  
muros tuos Ierusalem consti. custo. die &  
nocte.* Sic ergo præsit vt proficit. De quar-  
to, exemplum in filio prodigo.

Contine-  
ris { Vt in hoc mandatum Dei  
seruetur,  
sit præla- { Nepœna incurratur,  
tus, { Ne irreuerenter Christus  
tractetur.

De primo, Luc. 12. *Sint lumbi, &c.* De  
secundo, exemplum in Oza, qui tangens  
arcam, percussus est, 1. Reg. 6. Psal. 12. *Fiat  
mensa eorum, &c.* De tertio, Esaïæ 52.  
*Mundamini qui fertis vasa Domini, in hu-  
ius signum albam induunt.*

Item hæc { In lege præfiguratur,  
contine- { In scripturis commendatur,  
tia { A Domino remuneratur.

De primo, exemplum Exod. 12. vbi co-  
medentes agnum renes accingebāt. Item  
sacerdos ministraturus vtebatur femora-

libus, Exod. 28. De tertio, Cant. 3. Lectu-  
lum Salomonis ambiunt.

Constans sit { Bonos defendendo,  
Malos puniendo,  
Tentationes vitando.

De primo, Ioan. 20. *Bonus pastor ani-  
mam suam, &c.* Gloss. super illud 2. ad  
Cor. 11. *Dimissus sum in sporta per mu-  
rum, dicit: quod quando persona quæri-  
tur, fugere potest prælatus.* Sed quando  
commune bonum periclitatur, tunc non  
debet fugere: sed animam ponere. De se-  
cundo, Gen. 1. *Vt præsit in volatilibus, id  
est superbis, & piscibus, id est luxuriosis,  
& bestiis, id est auaris.* Nam subditi, inquā-  
tum boni sunt, similes sunt prælatis. De  
tertio, Ezech. 3. *Vt adamantem posuit te.*

Item { Iustitiæ rectitudine,  
constans { Fortitudinis magnitudine,  
sit { Perseuerantiæ longanimitate.

De primo, Greg. Misericordia & iusti-  
tia multum destruuntur, si vna sine altera  
teneatur: vnde gigas non est occidendus  
cum acu, & pulex cum securi. De secundo,  
Greg. non hunc prospera eleuent, nec ad-  
uersa perturbent. vnde mulier non susci-  
pit characterem ordinum. De tertio, dicit  
Bern. quod noui sacerdotes primo anno  
sunt angeli, secundo homines, tertio dæ-  
mones, vnde comparantur statuar, Dan. 2.  
quæ caput habuit aureum, tandem termi-  
nabatur in fictili, sed stola datur eis in  
signum perseuerantiæ.

Bona vita { Affectum subditorum in-  
flamat,  
prælati { Exemplo intellectum illu-  
minat,  
Scandalum infirmorum de-  
clinat.

De primo, Luc. 12. *Lucerna ardentes in  
man.* Sed heu! sol conuertitur in tenebras  
& lun. in scilicet. Item secundum notatur  
in acolitu. Item superiora per influxum  
virtutis suæ regunt inferiora. Tertium  
patet: quia dolente capite, dolent omnia  
membra, & sequitur: *Qui scandalizat v-  
num, &c.*

Item per bonam vitam { Subditos sanctitate præcellat,  
Alios curans, se non negligat,  
Maledictionem euadat.

De primo 2. Regum 4. *Saul ab humerofur.* Greg. Tantum eminere debet prælatus subditis, quantum gregem præcedere solet vita pastoris. De secundo, Apostol. 1. ad Cor. 9. *Castigo corpus meum.* Vnde portat superhumeralē. De tertio, Matth. 23. *Vae qui decimatis mentham, & prætermittitis, &c.*

Item prælatus { Virtute decoretur,  
Doctrinæ propriæ confor-  
metur,  
Laudabilis comprobetur.

De primo, Psalm. 131. *Sacerdotes tui induantur iusti.* De secundo, Esa. 1. *Super montem excel.* &c. Gen. 27. *Vox quidem vox Isaac est.* Matth. 23. *Super cathedram Moysi.* De tertio, 1. Petr. 2. *Vos estis genus electum, reg. sacerdot.* Sed hæc omnia modo possunt legi per contrarium.

Item sint bonæ vitæ propter { Efficaciam prædicationis.  
Euationem diuinæ corre-  
ptionis,  
Honorem sacerdotalis dignitatis.

De primo, Aggæi 1. *Factum est verbum Domini, &c.* vnde Gallus cantans, primo alis percutit se. De secundo, Ier. 11. *Quid est quod dilectus meus in domo, &c.* De tertio, Gen. 1. *Faciamus hominem ad imaginem.* Item datum est eis quod non angelis: scilicet, consecrare corpus Christi. Item corona traditur eis in signum regalis dignitatis.

Item sit bonæ vitæ, ne { Famam perdat,  
Exemplo corrumpat,  
Indignus prælaturam teneat.

De primo, Apost. 1. Cor. 4. *Sic nos existimet homo.* vnde consecratur chrisma in quo ponitur balsamus. De secundo, Ose. 5. *Facti estis laqueus venationis sue speculationi.* vnde comparatur gladio versatili quo clauditur paradysus, Gen. 3. quia nec ipsi intrant, nec alios sinunt intrare. Matth. 24. De tertio, Psalm. 23. *Quis*

*ascendet in montem Domini?*

Item viuas { Sobriè sibi,  
Iuste proximo,  
Pie Deo.

De primo, Apostolus ad Timoth. 3. *Oportet episcopum irreprehensibilem esse.* Sed incrassatus est, dilatatus: vnde potest dici prælatus quasi præ aliis latus: scilicet in crassitudine & in vitiis. Nam modo aliqui plus terunt tabernas quam Ecclesias, & diem expendunt in ebrietate, & noctem in luxuria. De secundo, Prov. 22. *Pondus & pondus, &c.* De tertio, legitur Num. 18 quod Levitæ non habebant hæreditatem inter tribus, quia pars illorum Deus. Sed modo prælati, possunt dici prælati: & ministri Christi sunt, sed seruiunt antichristo.

CONTEMPLATIVVS sit prælatus per { Studij lectionem,  
Sanctam medica-  
tionem,  
Deutam orationem.

De primo, Apocal. 10. *Comedi librum, &c.* Item animal quod non ruminat, immundum est. Levit. 10. De secundo, Apostolus ad Philip. 3. *Nostra conuersatio in calis est.* Quare vt hauriret in contemplatione quod effunderet in prædicatione, dico vobis cum fiducia quod vos qui claves Petri geritis, & clauos Christi non respicitis, dæmonium incurretis. De tertio, Eccles. 4. *In tempore iracundia factus est reconciliatio.*

SCIENTIAM prælatus habet, { Ianuam cæli aperiat,  
Fidem defendere sciat,  
Sibi commissos puniat.

De primo, Matth. 16. *Tibi dabo claves regni celorum,* sed istas modo resignauerunt & assumpserunt claves mortis & inferni: quia nec ipsi cælum intrant, nec alios intrare permittunt. De secundo, 1. Pet. 2. *Vt sciant rationem reddere omni poscenti de ea qua in vobis est spe.* Malac. 2. *Legem requirunt de ore eius.* Quia officium eorum esset ad eam scitè respondere, & scire Articulos fidei implicite &

## Per Figuras.

explicitè. De tertio, Luc. 6. *Si cæcus cæcum ducit.* Talis facit sicut medicus impius qui cauterizat cornua.

Item sciē-  
tia præla-  
ti { Fulgore clarificat,  
Maledictionem declinat,  
Salubriter fructificat.

De primo, nota quod clarificat in futuro per gloriam. Danie. 12. *Qui docti fuerint.* In præsentī per gratiam. Exod. 28. *Pones in rationali iudicij doctrinam & veritatem quæ erunt in pectore Aaron.* Deuter. 27. *Maledictus qui errare fecerit cæcum in via. Et dicet omnis populus, amen.* Sint ergo prælati animalia plena oculis, non loculis. De tertio, Psal. 1. *Eris tanquam lignum quod plantatum est.* Sap. 8. *Venerunt mihi omnia bona, &c.* sed e contra dicitur de ignorantia, *Quia tu scientiam repuli.* Osee 4.

PRÆDICA-  
TOR debet  
esse prælatus { Ne pro subditis damnetur,  
Vt incautus præmuniat  
Vt iussio diuina seruetur.

De primo, Exod. 28. Tintinnabula audiri debent Aaron ingrediente ad ministerium in Sancta sanctorum. Greg. Sunt nonnulli qui magni videri volunt: & tamen magni non sunt. De secundo, nota quod tubis utebantur & in bellis, conuiuiis, & tabernaculorum eleuatione. De tertio, Ioan. 21. *Pasce oves meas.*

Item doceat { Verbo prædicationis,  
Exēplo bonæ operationis,  
Fama sanctæ opinionis.

De primo, 2. ad Timoth. 4. *Prædica verbum, inquit, &c.* Item Ioann. 21. *Pasce oves meas.* De secundo, Ioan. 1. *Ego vox clamantis in deserto.* Et hoc, ne vna manus sit ædificans, alia destruens, Bern. Multi sunt catholici prædicando qui hæretici sunt operando: & tantò grauiores sunt, quantò prævalent opera. Iob 19. *Archam meam in manu mea.* Vnde os Prophetæ calculo mūdabatur. Esa. 6. De tertio, 1. ad Cor. 4. *Sic nos existimet homo, sed heu! dissipatores, modo sunt dissipatores.*

Item præ-  
latus præ-  
dicando { Affectum subditorū itrigat,  
Intellectum illuminat,  
Fidelem se demonstrat.

De primo, Genes. 2. sed ipsi sunt canalis quo aqua fontis egrediens de loco voluitur, transit, & vacuus tandem remanet, & lixivia alios lauans ipsa sordidatur. De secundo, Psal. 118. *Lucerna pedibus meis verbum tuum,* sed modo prælati comparantur faci, quæ lucens hominibus seipsam consumit. De tertio, Matth. 24. *Quis putas, est fidelis seruus & prudens, &c.*

Benigni-  
tas & mi-  
sericor-  
dia præ-  
lati { Bonitati diuinæ se confortat,  
Seueritatem iudicij declinat,  
Humilitatis indicia demonstrat.

De primo, Chrys. Si Dominus largus, &c. Item Deus semper punit citra condignum. Confitemur enim in tribus personis, potentiam, sapientiam, bonitatem, quæ signantur per tria quæ fuerunt in arca. De secundo, Iac. 2. *Iudicium sine misericordia illi qui non facit misericordiam:* sit ergo flos per pietatem, non rhamnus. De tertio, Matth. 7. *Quid vides festucam in oculo fratris tui, Non ergo camelum glutiat, & culicem excol.* Ibidem 23. Sic fecit David cum dixit ad Angelum percutientem: *Vertatur obsecro manus,* &c. 2. Reg. 24. Gregorius: Quare Dominus Petrum negantem cadere permisit? scilicet vt sua culpa disceret qualiter aliis miseri debuisset.

Item mansue-  
tus sit præla-  
tus { Per misericordiæ compassionem,  
Per patientiæ lenitatem,  
& Correctionis moderationem.

De primo, Ier. 9. *Quis dabit capiti meo &c.* Apostolus ad Rom. 12. *Flete cum sentibus,* &c. Sed sic non sunt modo: quia pastores mutati sunt in tonsores, imo excoiatores. De secundo, 2. Reg. 3. *Quasi terræ verrimus ligni vermiculus,* ex eis manus iniungantur in consecratione. De tertio,

nota quod stultus esset qui persequeretur pulicem cum securi, Matth. 13. *Imponunt onera, &c.* Sed non quod in subcinendo strictior pars ad proprium subiectum conuertitur.

AMBITIONEM { Christi conformitatem,  
dignitatum su- { Pœnarum declinatio-  
giat propter { nem,  
{ Humilitatis probatio-  
nem.

De primo, exemplum in Christo qui fuit raptus in regem. Ioan. 6. sed è conuerso rhamnus ingessit se prælationi lignorum cæterorum. Iudic. 9. Item inclinato capite quasi fugit titulum ubi scriptum fuit, *Rex Iudeorum.* Ioan. 19. De secundo, Luc. 14. *Ne forte veniat qui te inui-  
dat, & incip. cum rub. non iss. locum tenere.* Item Num. 16. Dathan & Abiron abforpti sunt, Giezi leprosus factus est, 4. Reg. 5. De tertio, Apost. ad Hebr. 5. *Nemo assumat sibi hono. &c.* Item Ier. 1. *A, a, a, Domine Deus, nescio loqui.* Matth. 23. *A-* mant primos recubitus.

Vnico bene. { Ordinatio Apo. seruetur,  
ficio sit con- { Res figuræ conformetur,  
tentus, vt { Stultitia declinetur.

De primo, Apost. 2. ad Timoth. 3. *V-  
nius uxoris virum,* Psal. 77. *Vnam petij à  
Domino, hanc requir. &c.* Cant. 6. *Vna est  
columba mea.* De secundo, Gen. 6. *In vna  
cubito consummabis eam:* scilicet arcam. Tertium patet: quia stultus est qui vni Ecclesiæ regendæ non sufficit, quod se de pluribus intromittit. Item, quia ad impossibilia se obligat, quia in vtraque Ecclesia debet horas dicere, missas celebrare, & onus importabile sibi est impos- situm.

SIMONIA- { Lepra inquinetur,  
cè NON in- { Perditiōe damnetur,  
tret, ne { Cœlo priuetur.

De primo, exemplum in Giezi, 4. Reg. 5. De secundo, Act. 8. *Pecunia tua secum sit in perditionem.* De tertio, Matth. 21. *Christus ciecis ementes & ven-*  
*dentes,*

Item simonia { Maledictionem inducit,  
{ Fures discernit,  
{ Iussa diuina contemnit.

De primo, Amos 6. *Va qui ingredimini pompaticè in domum Domini.* Item Mich. 3. *Va qui edificatis Sion in sanguinib.* De secundo, Ioan. 10. *Qui non intrat per ostium, &c.* De tertio, Matth. 11. *Gratis ac-*  
*cepistis, gratis date.*

DOTES { Cognitio primæ veritatis,  
animæ { Dilectio summæ bonitatis,  
erunt { Fruitio diuinæ maiestatis.

De primo, Esa. 60. *Tunc videbis, & affluēs,* &c. Matth. 5. *Beati mundo corde,* &c. Ioan. 17. *Hæc est vita æterna,* &c. De secundo, Esa. 31. *Cuius ignis in Sion,* &c. Gen. 6. Arca finita fuit bitumine. Item propter charitatem, quod proprium est singulorum, commune est omnium. De tertio, Anf. Anteueniat oro tempus. Item nota circa primam, dicentur animæ scil. cognitionum, quod illa visio cognitio erit matutina, vespertina, meridiana. Prima in verbo. Secunda in proprio genere. Tertia, in aperta Dei visione. De primo, Gen. 1. *Factum est vespere & mane,* &c. Nam sicut modo creaturæ sunt speculum creatoris: sic erunt tunc è conuerso. De secundo, Greg. Quid est quod non videt, qui videt omnia? Bern. Fili, ad scholas pro- pera. De tertio, August. Videbimus tuæ maiestatis, &c. Esaia 33. *Videbunt oculi tui regem in decore suo.*

DOTES cor- { Claritatis pulchritudo,  
poris erunt { Agilitatis promptitudo,  
{ Subtilitatis aptitudo,  
{ Impassibilitatis fortitudo.

De primo, Matth. 13. *Fulgebunt iusti,* &c. Psal. 102. *Renouabitur ut aquila,* &c. Nota quod pulchritudo Absalonis est ibi fœditas. De secundo, Esa. 40. *Assument pennas ut aquila.* Aug. Protinus ubi vo- luerit spiritus, &c. Nota quod agilitas Azaëlis esset ibi claudicatio. De tertio, Sap. 3. *Tanquam scintilla in,* &c. Ioan. 10. *Intrauit Iesus ianuis clausis.* Exemplum de sole qui vitrum transit. De quarto,

## Per Figuras.

Esa. 25. *Præcipitabit mortem in sempiternū.*  
 Nota, quod fortitudo Samsonis esset ibi infirmitas, Moyſi ſanitas eſſet ibi vilitas, Saulis ſtrenuitas eſſet ibi debilitas, David & Ionathæ amicitia ibi eſſet peruerſitas, Abſalonis formoſitas ibi eſſet deformitas, Salomonis ſapientia ibi eſſet ſtoliditas, Aſſueri diuitiæ ibi eſſent mendicitas, Auguſti liberalitas ibi eſſet illiberalitas.  
 In vita { Affluentia diuitiarum,  
 æterna { Influentia deliciarum,  
 erit { Conſluentia bonorum.

De primo, Gen. 15. *Ego ero merces tua magna nimis.* De ſecundo, Leu. 20. *Dabo tibi terram fluentem lacte & melle.* De tertio, Pſal. 8. *Gloria & honore coro.* Esa. 61. *Vt darem eis coronam pro cinere.*

Item ibi erit Deus { Speculum viſui,  
 { Cithara auditui,  
 { Mel guſtui,  
 { Floſ tactui,  
 { Baſſamus olfactui.

De primo, Sap. 7. *Candor lucis æterna, ſpeculum ſine macula.* De ſecundo, Esa. 16. *Venter meus quaſi cithara.* Item exemplum de cithara eremitæ. De tertio, Eccleſ. 24. *Spiritus meus ſuper mel dulce.* Pſal. 30. *Quam magna mulier dulce tua.* Aug. Ducis me in quandam dulce. De quarto, Cant. 1. *Ego floſ campi,* &c. De quinto, Eccl. 24. *Sicut cinnamomum & baſſamum arom.* &c.

Item ibi { Contrarij permiſſione,  
 erit glo- { Finis terminatione,  
 ria ſine { Faſtidij abominatione.

De primo, Esa. 1. *Excoquam ad purum,* &c. De ſecundo, Sap. 5. *Iuſti autem in perpetuum,* &c. Nota quod vita Mathuſalem eſſet ibi mors. De tertio, Eccleſ. 24. *Qui edunt me, adhuc eſurient.*

Item ibi { Periculorum euafione,  
 gaudebi- { de { Manſionum ordinatio-  
 mus { ne,  
 { Felicitatis communita-  
 te.

De primo, Pſal. 88. *Miſericordias Domini in æternum cantabo.* De ſecundo, ibi, *Locabuntur omnes ſecundum ordinem*

primogenituræ. De tertio, Aug. Bonum ſingulorum erit omnium, & quod quiſque non habet in ſe, habebit in alio.

Item ibi erit { Conuiuium iocunditatis,  
 { Pax tranquillitatis,  
 { Facultas libertatis.

De primo, exemplum in conuiuium Aſſueri. Eſth. 1. Bernard. Angelorum & hominum vnum conuiuium. Item actor ſeruitor. De ſecundo, Esa. 32. *Sedebit populus meus in pulchritudine.* De tertio, Ceſſabit omnis prælatio.

Item ibi erit { Gaudium in corde,  
 { Melos in ore,  
 { Redolentia in corpore.

De primo, Esa. 9. *Latibuntur coram te ſicut,* &c. De ſecundo, Esa. 51. *Gaudium & lætitia audietur in ea.* Exemplum de auicula quæ 300. annis cantauit. De tertio, Eccl. 24. *Sicut cinnamomum,* &c.

Item { Supra, de diuina conſolatione,  
 gaude { Infra, de loci amœnitate,  
 bimus { Iuxta, de amicabili ſocietate.

De primo, Apoc. 21. *Aſterget Deus omnem lacrymam,* &c. De ſecundo, Apoc. 21. *Platea & muri eius,* &c. De tertio, Bernard. Angelorum & hominum vnum erit conuiuium. Item de corporis & animæ glorificatione, Esa. 35. *Fugiet dolor & gemitus,* &c. Luc. 6. *Meſuram bonam & conſertam.*

Item ibi { Amœnitas vernalis,  
 { Lux æſtivalis,  
 erit { Vbertas autumnalis,  
 { Quies hyemalis.

De primo, Anſel. O immarceſſibilis decor! Ibi igitur roſæ, lilia, & viola. De ſecundo, Apoc. 2. *Ciuitas illa non eget ſole & luna.* De tertio, Pſ. 143. *Promptuaria eorum plena,* &c. De quarto, Esa. 32. *Sedebit populus meus in pulchritudine,* &c. Idem: *Sedebit unusquique ſub ſicu ſua,* Mich. 4.

Item { Rationalis ſapientię illuſtra-  
 imple- { tionem,  
 bitur { Concupiſcibilis deſiderabilium  
 { adoptione,  
 { Iraciſibilis triuphi decoratione.

De primo, Bern. Fili ad scholas pro-  
pera, &c. De secundo, Psal. 102. *Qui re-  
plet in bonis desiderium*, &c. De tertio, de  
Dauid de quo cantabant 1. Reg. 29. *Et  
Dauid decem milia in millibus suis.*

GENERALITER

omne pecca-  
tum fugiendum  
est, quia

{ Dæmonibus placet,  
Deo displicet,  
Homini nocet.

Primum patet per hoc quod diabolus  
semper homines tentat, vt in peccata  
præcipitet. Greg. Nihil se fecisse æstimat,  
cùm animas non faciat. Idem. Assidua  
tentatione diabolus tentat vt saltem tæ-  
dio vincat. Secundum patet per hoc quod  
Deus semper est paratus peccata destrue-  
re, sicut dicit Ezech. 18. *Quacumque hora  
peccator ingemuerit*, &c. Item patet per  
hoc quod nullum tantum amat, quem nõ  
pro peccato mortali damnaret, si id face-  
ret. Item per hoc quod filium tradidit,  
vt peccata destrueret, & similiter ma-  
trem pati permisit, sicut dicitur Luc. 2.  
*Tuam ipsius animam pertransibit gladius.*  
De tertio, Greg. Quidquid patimur, pec-  
cata nostra meruerunt. Nota peccatum  
mortale est contemptus Dei, fuga angeli,  
odium sanctorum, clausura regni Dei,  
perditio virtutum, obtebratio animæ,  
conformitas satanæ, meritum gehennæ.  
Veniale peccatum est, distractio sensuum,  
impedimentum feruoris charitatis, ob-  
staculum diuinæ consolationis, via pecca-  
ti mortalis, dilatio futuræ retributionis.

Item pecca-  
tum fugien-  
dum est, quia

{ Benignitatem furibundam  
reddit,  
Angelum custodiæ ab ho-  
mine repellit,  
Corpus & animam occidit.

De primo, Psal. 6. *Domine, ne in furore  
tuo arguas me*, &c. De secundo, Exem-  
plum in Vitis Patrum: quod quando lo-  
quebantur mala, dæmones in specie por-  
corum volutabant se coram illis gauden-  
tes, & angeli à longe stabant. De tertio,  
exemplum 1. Reg. 31. De Saul qui occidit  
se gladio proprio: sic quilibet peccato

proprio. Item peccatum etiam occidit  
quali venenum. Item quali serpens. Item  
quali sagitta diaboli.

Item pecca-  
tum fugi-  
dum est, quia

{ Mala præterita reuocat,  
Vitam temporale breuiat,  
A Deo elongat.

De primo, Matth. 18. *Serne nequam,  
omne debitu*, &c. De secundo, Psal. 54.  
*Vir sanguinum & dolosi*, &c. Exemplum  
in Sodomis, in Dathan & Abiron, in ma-  
ri Rubro, in Adam & Eua. De tertio, exē-  
plum in filio prodigo *qui abiit in regionem  
longinquam diff.* Luc. 15.

Item { Excæcat rationabilem,  
pecca- { Excæcat concupiscibilem,  
tum { Debilitat irascibilem.

De primo, exemplum Tob. 2. De se-  
cundo, Psal. 142. *Anima mea sicut terra  
sine aqua*, &c. vnde tales æterno incendio  
præparantur. De tertio, exemplum in  
Samfone qui post abscissionem crinium,  
id est, donorum Spiritus sancti, non po-  
tuit aduersariis resistere. Iud. 16.

Item peccatum { In naturalibus vulnerat,  
fugiendum est, { Gratuitis spoliat,  
quia { Maculando deturpat.

De primo, Esa. 1. *A planta pedis us-  
que ad verticem cap.* Thren. 4. *Quomodo  
obscuratum est aurum?*

{ Hominem captiuat,  
Item peccatum { Conscientiā amaricat,  
{ Premendo grauatur.

De primo, Psalm. *Educ. de carc.* &c.  
Idem: *Anima nostra crepta est*, &c. Pec-  
catum autem ligat omnia membra, vt ad  
Christi obsequium sint inhabilia. De se-  
cundo, Ierem. 2. *Vide quā malum &  
amarum est dereliquisse te.* &c. Psalm. 51.  
*Conuersus sum in arum*, &c. Esa. 66. *Ver-  
mis eorum non morietur.* De tertio, Psal.  
57. *Sicut onus graue grauata*, &c. nota  
quod omnes montes non possent homi-  
nem premere tam profunde sicut vnum  
mortale peccatum. Est enim mortale pec-  
catum sicut lapis suspensus in collo canis  
qui submergi debet: Et sicut canis primo  
senit ponderositatem lapidis quando



## Per Figuras.

de manu proicitur: sic anima primò sentit grauitatem peccati cùm exierit de corpore.

Item peccatum { Apostasiam inducit,  
Insensibilem reddit,  
Ad plura peccata trahit.

De primo, exemplum in filio prodigo qui abiit, Luc. 15. Facit autem peccator cōtra illud proinissum baptismale: Abrenuntio Satanæ, &c. & quia talis nō soluit Deo promissionem suam: nec Deus soluet ei suam. De secundo, Psalm. 13. *Aures habent & non aud.* Satis insensibilis est qui non audit tonitruum prædicationis, & tubæ nouissimæ, & clamoris Christi in cruce. Item qui iacens in igne concupiscentiarum mundi non sentit. Item qui captiuus tenetur, & quotidie moritur, non sentit. De tertio, Greg. Peccatum quod per penitentiam non di. &c. & hoc ideo est quia per peccatum iste efficitur minus potens resistere, quia naturalia vulnerantur: & armis suis, id est, virtutibus spoliatus adiutorem suum amisit.

Item peccatum { Deum damnificat,  
Angelum defraudat,  
Hominem contristat.

Primum patet: quia animam aufert quam proprio sanguine redemit, & Deum de domo propria expellit. Secundum patet: quia angelus fraudatur illo gaudio, quod de gloria istius habiturus esset, sicut dicit August. quod unusquisque tantum ibi gaudet de bono alterius, sicut si esset in seipso. De tertio, nota quod peccatum istius nocet hominibus in mundo per viuius adiutoris amissionem. Ecclesia enim est, *ut castrorum acies ordinata.* Item nocet his qui sunt in purgatorio per suffragiorum diminutionem. Item illis qui sunt in inferno per ignis augmentationem: quia non minus ardet, qui cum multis ardet: imò plus, quia materia igni augmentatur.

Item peccatum { In præterito de paradiso expulit,  
In præsentī omnia mala inducit,  
In futuro iudicio hominem confundit.

De primo patet, Genes. 3. De secundo, Greg. Quidquid patimur, peccata nostra meruer. Igitur si odimus illum qui interficit patrem nostrum, magis est odendum peccatum, quod mortalitatem inducit, & omnes parentes nostros interfecit. Genes. 2. *Quacunque hora comed. morie.* imò Christus occidit peccatum. Vnde 1. Pet. 2. *Qui peccata nostra pertulit in corpore,* scilicet super. De tertio, Apostol. Hebr. 4. *Omnia nuda & aperta sunt.* Dan. 7. *Antiquus dierum sedet.*

GVLA fū- { Deicit,  
gienda est { quia } Idololatriam inducit,  
} Spiritualia bona contemnit.

De primo, exemplum in Adam qui propter cibum vetitum deiectus est de paradiso. Genes. 3. De secundo, Exod. 32. *Sedit populus mandu.* &c. Apost. Phil. 3. *Quorum Deus venter est.* De tertio, exemplum in Esau, Gen. 25.

Item Gula { Diabolo domum præparat,  
} Spiritum grauat,  
} Seruum contra se armat.

De primo, Matth. 8 *Mitte nos in porcos.* Item exemplum in dialogo de illa quæ comedit dæmonem in lactuca. De secundo, Luc. 21. *Videte ne grauentur corda vestra crapu. & ebri.* De tertio, Prou. 29. *Qui delicatè nutrit seruum suum.* Eccl. 33. *Virga & cibus, & onus asino, &c.*

Item Gula { Luxuriam inducit,  
} Homicidia & Acediam malam facit,  
} Bursam vacuam reddit.

De primo, Apost. Ephes. 5. *Nolite inebriari vino, in quo est luxuria.* Exemplum in Loth, Genes. 19. De secundo, Exemplum in Ioanne Bapt. & filiis. Job, & Aman, qui omnes in conuiuio perierunt.

De tertio, Salomon Prou. 21. *Quia amat pinguiam, non disabitur.*

Item gula inducit mortem

{ Naturæ,  
Culpæ,  
Gehennæ.

De primo, Genes. 2. *Quacunque hora comede, mori.* De secundo, Apost. 1. Tim. 5. *Vidua uiuens in deli. mor. est.* De tertio, Gen. 41. *Septem boues, septem anni sunt,* &c. Esa. 17. *Auferetur gloria Iacob & ping. car. eius mar.* Vnde quidam in Vitis Patrum afflixit se in sole propter cucumerem quem concupiuit. Species huius quinque sunt. Vnde versus. *Præ, prope, laute, nimis ardent, studiosè.*

EBRIETAS { Hominem maledicit,  
Æternam sitim inducit,  
Apostatare facit.

De primo, Esaia 5. *Va qui mane fur.* &c. De secundo, Luc. 6. *Mitte Lazarum ut inting.* &c. De tertio, Eccl. 19. *Vinum & mulieres apostatare faciunt.*

REMEDIA { Spiritualium ciborum frequens sumptio,  
Gulæ { Futuræ carnis consideratio,  
Æternæ cœnæ meditatio.

De primo, Deuter. 8. *Non in solo pane uiuit homo.* Vnde quidam in Vitis Patrum propter diuina colloquia, ciborum sunt obliui sumptione. De secundo, Eccl. 20. *Cum moritur homo, hæredit abis serpentes, bestias & vermes.* Peccator tres habet hæredes: Amici nanque auferunt res, diabolus animam, vermes corpus. De tertio, Luc. 34. *Quidam homo fecit cœnam magnam.*

LUXURIA { Placet dæmonibus,  
fugienda { quia { Displicet Angelis,  
est { Deo est contumeliosa,  
Proximo iniuriosa.

De primo, Iob 40. *Behemoth: Dormit in locis humentibus.* De secundo, exemplum in angelo qui obstruxit aures. De tertio, quia templum Dei inquinat. Apostolus 1. Cor. 6. *Qui autem fornicatur, in*

*carpus, &c.* Item quia sponsam Christi violat. Apost. 2. Cor. 11. *Respondi vos uni viro virg.* &c. De quarto, quia proximum scandalizat. Osee 5. *Facti estis quasi laqueus speculationi, & quasi rete expsum subter montem Thabor.* 2. Reg. 12. *Non recedet gladius meus de domo tua.* Hoc dicitur ad Dauid propter Berfabee.

Item luxuria { Pars vilissima datur,  
xurio- { Mens infatuatur,  
sis { Christus de corde repellit.

De primo, Genes. 3. *Quia obedisti voci uxoris tue plus quam meæ, maledicta terra, &c.* De secundo, Osee 4. *Vinum & ebrietas auferunt cor.* De tertio, Exemplum de monacho qui filiam sacerdotis idolorum voluit accipere uxorem. Matt. 6. *Non potestis Deo seruire & mammonæ,* Item: *Fulpes fauces habent.* ibid. 8. Item in peccato luxuriæ delinquitur tripliciter: Corde, ore, & opere.

Corde, per { Cogitationem,  
{ Delectationem,  
{ Consensum.

Hæc tria signata sunt, Genes. 3. per serpentem, mulierem & virum. De primo, Iob 3. *Pepigi fœdus cum oculis meis.* Et quidam dixit in Vitis Patrum mulieri roganti quod haberet sui memoriam, rogo Deum vt auferat memoriam tui à me. De secundo, Genes. 3. *Ipsa conseret caput tuum.* De tertio, Ier. 9. *Intrauit mors per fenestras, &c.*

Item ore tripliciter delinquitur, scilicet { Turpiter,  
{ Cum turpibus,  
{ De turpibus.

De primo, Psalm. 140. *Pone Domine custod. ori meo.* De secundo, Eccles. 9. *Colloquium eius sicut ignis exar.* Exemplum Genes. 39. de Ioseph. De tertio, Psalm. 100. *Qui loquitur iniqua, non dir. in conspectu oculorum meorum.* Talis similis est scrophæ, quæ semper rostrum ponit in stercore.

Item

Item opere delinquitur { Ipso facto,  
Intuitu incauto,  
Tactu inordinato.

De primo, Exod. 20. *Non mœchaberis.*  
De secundo, exemplum in Dauid, Bersabee, & Ioseph, Iudith, & Susanna. De tertio, Eccles. 23. *Qui tangit picem, inquinabitur ab ea.* Eiusd. 26. *Qui tenet eam, quasi qui apprehendit scorpionem.*

REMEDIA { Mortis extrema cogitare,  
huius peccati { Occasiones fugere,  
sunt { De se non nimis præsumere.

De primo, Eccles. 7. *Filii mei, memorare nouissimam tuam, & in æternum non peccabis.* Hieronymus: Facile contemnit omnia qui se semper cogitat moriturum. De secundo, Apostolus 1. ad Corinth. 6. *Fugite fornicationem, &c.* nam contra alia vitia pugnandum est, istud tantum fugiendum est. De tertio, nota quomodo Dauid cecidit sanctissimus, Salomon sapientissimus, Samson fortissimus.

Item remedia { Frequens occupatio,  
huius peccati { Carnis mortificatio,  
sunt { Tentationis repugnatio.

De primo Ecclesiast. 11. *Malitia unius horæ obliuiscitur.* Item de secundo, 2. Regum 11. *Factum est eo tempore quo reges solent ad bella procedere, &c.* Matth. 17. *Hoc genus dæmoniorum non eiicitur nisi in oratione & ieiunio.* Hieron. Non sanat oculum quod sanat calcaneum. De tertio, Iac. 4. *Resistite diabolo, & fugiet à vobis.* de hoc nota exemplum in Vitis patrum, de illo qui impugnabatur à spiritu fornicationis, & scæpius veniens ad senem non est liberatus: Tandem seni ostensa est illius negligentia: qui quando dæmones ludebant coram ipso in specie diuersarum mulierum, ipsis condelectabatur plus debito. Item de illo qui accepit carnes putridas illius mulieris de qua tentabatur & posuit in cella sua. Item de monacho qui fecit limosam mulierem & filiam.

PER choream { Deum offendimus,  
Idololatriam introducimus,  
Festis iniuriam facimus.

De primo, Exod. 32. qualiter multa millia interfecta & tabulæ testamenti fractæ, quando coram vitulo cœperunt ludere. Secundum patet, quia processiones soli Deo exhibendæ sunt, & isti diabolo faciunt, vel hirco, pro quo chorizant. De tertio, Aug. dicit. Melius est in dominicis diebus arare, quàm chorizare, vel choreas ducere. Exod. 20. *Memento ut diem sabbati sanctifices*, id est, te sanctum facias in eo: scilicet orando, bonis operibus vacando, non Deum impugnando.

Item per choream { Exercitus diabolicus contra Deum congregatur,  
Proximus scandalizatur,  
Misericordia præsens non attenditur.

De primo, 1. Machab. 9. *Congregati sunt inimici nostri, & gloriantur:* tot autem gladij sunt ibi, quot mulieres ornatæ. Hier. Species mulieris gladius igneus est. De secundo, Matth. 18. *Qui scandalizauerit:* scilicet vana audiendo, stulta loquendo, nociua tangendo. De tertio, Eccles. 11. *In die bonorum ne immemor sis malorum:* scilicet præteritorum quæ recolimus, præsentium quæ sentimus, futurorum quæ timemus.

Item chorizatores { Mendaces se ostendunt,  
Impios se faciunt,  
Sacramenta Ecclesiæ contemnunt.

Primum patet: quia contra illam promissionem faciunt: Abrenuntio satanæ, &c. De secundo, Psal. 11. *In circuitu impij ambulant.* Tertium patet, quia baptismalem innocentiam amittunt, Confirmationis signum deponunt, Eucharistiam quam sumperunt paulo antè contemnunt: & sic de alijs sacramentis, scilicet Pœnitentia, extrema Vnctione, &c.

F

Item isto-  
rum { Passus omnes numerantur,  
Gaudium in tristitiam ver-  
tetur,  
Via temporalis breuiabi-  
tur.

De primo, Iob 13. *Vestigia pedum me. considera.* De secundo, Luc. 6. *Vae qui ride-  
tis, quia flebitis.* Esa. 3. *Erit prozona su-  
niculus.* De tertio, Apostolus 1. ad Cor. 11.  
*Propter quod dormiunt multi, &c.*

AVAR. { Naturæ contrariatur,  
A Domino maledicitur,  
Scelestus demonstratur.

Primum patet: quia creaturæ se com-  
municant, quod ipse non facit. Item ter-  
ram super omnia diligit, quam natura in-  
firmam ordinavit. De secundo, Esa. 5. *Vae  
qui coniungitis domum ad domum.* August.  
Maledictus dispensator auarus, cuius lar-  
gus est Dominus. De tertio, Eccles. 10.  
*Avaro nihil est scelestius:* dat enim Chri-  
stum pro denario. Vnde quantum ad hoc  
peior est Iudæ.

Item auarus est iniquus { In Deum,  
In seipsum,  
In proximum.

Primum patet: quia Deum suis donis  
impugnat. Secundum patet: quia trans-  
eundo maria & Alpes seipsum euiscerat.  
Tertium patet: quia proximum pro elec-  
mosynarum subtractione iugulat. De  
primo, Psal. 34. *Retribuunt mihi mala pro  
bonis.* De secundo, Ioan. 4. *Impij labora-  
uerunt, & alij in labores eorum intro.* scili-  
cet raptores vel mali filij: vnde diuitias  
quas ipsi acquirunt cum labore, possi-  
dent cum timore, amittunt cum dolore.  
Isti similes sunt araneæ, quæ faciendo tel-  
lam vt muscas capiat, seipsam euiscerat.  
De tertio, Ambrosius: *Pasce fame mo-  
rientem: quod si non pauidisti, occidisti:* &  
hoc ideo, quia in necessitate omnia sunt  
communia.

Item aua-  
ritia { Introitum paradisi claudit,  
In infernum demergit,  
Idololatram hominem con-  
stituit.

De primo, Matth. 19. *Facilius est came-  
lum per fora. &c.* De secundo, Augusti-  
nus, Naufragium fugies, & plumbum  
amplecteris: Vnde Socrates magnam  
massam pecuniæ proiecit in fluuium, di-  
cens: *Mergam te, ne demergas me.* Item  
tertium patet: quia dat fidem auarus,  
spein & charitatem pecuniæ quibus in  
Deum debemus moueri. Apostolus Eph.  
5. *Auaritia est idolorum seruitus.*

Item amor { Dominum interficit,  
Doctrinam contemnit,  
pecuniæ { Cæcitatem spiritualem in-  
ducit.

De primo, habemus exemplum in Iu-  
da. De secundo, nota quod Christus do-  
cuit nos auaritiam declinare verbo &  
exemplo. Verbo, Matth. 5. *Beati pauperes  
spiritu.* Item exemplo, Matth. 8. *Vulpes  
feneas habent.* Luc. 2. *Inuenietis infantem  
pannis involutum.* De tertio, exemplum,  
Tob. 2.

Item auari-  
tia { Hominem captiuat,  
Hominem inquinat,  
In homine omnia vitia  
parat.

De primo, glos. super Lætatus sum:  
Amor temporalium factus est pennarum  
cælestium siue æternarum. Apostolus 1.  
ad Tim. 6. *Qui volunt diuites fieri, inci-  
dunt in laqueum Diaboli.* De secundo,  
Oseæ 2. *Vt quid aggrauant contra se den-  
sum lutum.* Exod. 1. *In luto & latere.* De  
tertio, 1. ad Tim. 6. *Radix omnium malo-  
rum, &c.* Ex hac enim sequuntur oppres-  
siones. Sen. Quætiussimè viuerent homi-  
nes si hæc duo pronomina tollerentur:  
Meum & Tuum. Item sequuntur lites.  
Exemplum habes in Abraham & Loth:  
Gen. 13. Item ex hac sequuntur gula, luxu-  
ria, inuidia, superbia, &c.

Item auaritia { In seruitutem redigit,  
In terra mentem figit,  
In satiabilem facit.

De primo, Eccles. 10. *Pecuniæ obediunt  
omnia.* Sed difficile est tali dominæ serui-  
re, quæ facit famulam mori fame. Si quis

## Per Figuras.

seruit avaritiæ non audet ad sufficientiam comedere. De secundo, Gen. 3. *Supra petrus enim gradieris*. Talis comparatur talpæ. Sed nota, leuia tendunt sursum. vnde pauperum est cælum: quia in vltima sponda dabitur illis, quibus primo non fuit datum: De tertio, Eccles. 5. Auarus non implebitur pecunia, vnde comparatur hydropico, & sacco pertuso, & inferno qui nunquam dicit, Sufficit: & mari, cui omnia influunt, & tamen non redundat. Hieron. Anaro tam deest quod habet, quàm quod non habet. Vnde accidet ei sicut cani qui voluit in aqua vmbra carnis capere, & illam quam habuit, amisit.

Rem mortiferam sitit,  
Vsurarius { Magnum pretium negligit,  
                  { Expensas super nobile pi-  
                                  gnus recipit.

De primo, Iob 20. *Diuitias quas deuorauit euomet*: vnde comparatur sanguisuga. De secundo, Augustinus: Fœnerare, & centuplum accipies. Idem: Vis esse optimus mercator, egregius fœnerator, da quod non potes retinere, vt consequaris quod non potes amittere. Bernard. Optimus mercator qui nil suorum sibi præferendum putat. Item tertium patet, quia recipitur super animam.

Item Vsurarius { Viam paradisi obstruit,  
                                  { De aqua igne accendit,  
                                  { Proprios filios occidit.

Primum patet: quia cum *arcta sit via quæ ducit ad vitam*, Matth. 7. Ipse tamen magnum pondus super se ponit. De secundo, Ecclesiastici 3. *Aqua extinguunt ignem, ita elemosyna*. Igitur cum quo deberet ignem extinguere, ignem accendit. De tertio, Osee 9. *Ephraim ad occisionem filios suos ducit*. Vnde in inferno pater filio maledicit, & deconuerso: quia vterque potest alteri causam damnationis imponere. Ecclesiast. 41. *De patre impio conueruntur filij, quoniam propter illum sunt in opprobrio*.

Item { Naturæ ordinem pervertit,  
vsurarius { Requiem & lucem vendit,  
                  { Festa Sanctorum contemnit.

Primum patet: quia naturæ est vis insita rebus ex simil. similia procreans. Ipse autem ex arena facit triticum, & sui numeri frumentum pariat, & hoc singulis diebus. De secundo, Ezech. 7. *Qui vendit, ad id quod vendidit non reuertetur*, ergo vsurarius luce perpetua carebit. Non ergo cantetur ei, *Requiem æternam*. Vendit & tempus quod commune est omnibus. De tertio, habemus quod colligens ligna sabbato mortuus est. Num. 15. Præterea omnes sancti derelinquent eum in die iudicii quorum dies vendidit.

Item { Legem triplicem transgreditur,  
vsurarius { Vix ab hoc vitio compescitur,  
                  { Diabolo assimilatur.

De primo, Gen. 3. *In sudore vultus tui, &c.* Sed iste sine labore vult comedere. Psal. 72. *In labore hominum non sunt*. Item facit contra illud, Deut. 23. *Non fœneraberis fratri tuo, sed alieno*. vnde quantum ad hoc peior est Iudæo. Secundum patet, quia vix restituit. vnde peior est inferno, qui aliena in passionis Domini restituit. Iste autem passioni Domini nil restituit, imò prædicationem eius fugit, sicut buso odorem floris vinearum. Item ipse peior est Iuda, qui xxx. denarios restituit. Tertium patet: quia sicut diabolus non dormit, ita nec iste quantum ad lucrum. Ex quo igitur vsurarius nocte & die ad infernum tendit non est mirum si citius peruenit. Item diabol. aliena rapit, & est astutus in lucro animarum, sic & ille:

Item vsurarius { Plura peccata simul in di-  
                                  { uersis locis perpetrat,  
                                  { Plus quàm latro spoliatur,  
                                  { Stultum se esse demonstrat.

Propter primum comparatur grandi- ni, quæ propter suam dilationem simul in diuersis locis nocet: vnde quantum ad hoc peior est aliis peccatoribus, ex quo ergo rustici pulant contra grandinem,

multo fortius pulsare deberent adueniente usurario. Quia cum grando percutit fructus in campo, percutit & frangessit: iste vero pertulit ex arca frumentum, denarium de bursa, lectum de dorso, pallium de collo. Secundum patet: quia lacrymas & sanguinem pauperum deuorat. Esa. 9. *Vestimentum mixtum sanguine erit in combust. & cibus ignis.* Contra dixit David 2. Reg. 25. *Viniit Dominus, non bibam sanguinem virorum qui cum periculo hauserunt aquam.* unde peior est lupo: quia lupo sufficeret vna capra, isti non sex porce. Præterea lupo tantum dentibus; sed quidquid iste habet, comedit, immo & homines. unde Esa. 33. *Va qui prædaris, nonne & ipse prædaberis?* Item usurarius spoliabitur cælo, terra, & omnibus bonis: quod ergo deueniet cum diuidetur: quia datur caro vermibus, anima dæmonibus, res parentibus. De tertio, nota quod stultus esset qui asino suo vel iumento diuitias congregaret: sic iste facit corpori, non animæ. Item stultus apparet: quia Deum decipere putat, cum usuram diuersis nominibus palliet, sed nonne est ita sicut asinus qui diuersimodè nominatur, & tamen semper est asinus.

Raptores } In oratione non exaudiuntur,  
Preces pro eis factæ frustrabuntur,  
Pro spoliatis damnabuntur.

De primo, Esa. 1. *Cum multiplicaueritis orationes vestras non exaud.* Secundum patet: quia lacrymæ pauperum obsistunt. Eccles. 35. *Non despicit Deus preces pupillorum, immo lacryma viduarum per maxillam descendunt, & exclamatio super deducentem eas, scilicet super raptorem.* Eiusdem 34. *Vnus orans, & alter maledicens; cuius vocem exaudiet Dominus?* Nihil potest obtinere in curia segum qui ibi multos habet aduersarios. De tertio, Sapient. 5. *Tunc stabunt iusti in magna constantia aduersus eos qui se angustiauerunt & qui abstulerunt labores eorum.*

Item raptores } Homicidæ iudicantur,  
In iudicio damnabuntur,  
Diabolo assimilantur.

De primo, Eccl. 34. *Qui auferit in sudore panem, quasi qui fratrem suum occidit.* De secundo, Esa. 33. *Va qui prædaris, &c.* Greg. Qui mihi visibiliter rapit virgente exitu, inuisibiliter rapietur, & certè rapietur ut fur, cuius collo imponitur furtum. Thren. 1. *Iniquitates meæ circumuolūtæ sunt & ligat a collo.* Hæc attendens quidam in Vitis Patrum; qui cum cucumerem rapere voluit, in sole se afflixit. Tertium patet: quia diabolus in cælo rapere voluit, & in paradiso, & adhuc facit. Item diabolus affligit malos, isti autem bonos & malos, Esaia 59. *Qui recessit a malo, præda patuit.* Item deferunt angelo ad custodiam deputato, iste non: unde quantum ad hoc, peiores sunt diabolus.

Item rapina } Deo est odibilis,  
Proximo detestabilis,  
Sibi damnabilis.

De primo, Esa. 61. *Ego Dominas amans iudicium & odio habens rapinam.* Eccles. 34. *Qui offert sacrificium de substantia pauperis, quasi qui vic. fil. in con. pat.* Secundum patet, quod plus nocet proximo, quàm fur vel usurarius: nocet enim manifeste & violenter. Item lupo comparatur qui semper viuit de alieno, imo sibi quandoque sufficit capra vna, isti non. Item sunt nuntij diaboli, quia perimunt homines in mundo, sicut ille in inferno, unde eis Matth. 25. dicitur, *Ite maledicti in ignem æternum, & sequitur, qui paratus est diabolo & angelis eius.* De tertio, Augustin. Lucrum in arca, damnum in anima. Item si damnabuntur qui sua non dant, quando saluabuntur qui aliena rapiunt? Vnde potest Dominus dicere, *Esurini, & non solum dedistis mihi manducare, sed quod comedere debui, mihi abstulistis, & sic de aliis operibus misericordiarum.*

## Per Figuras.

Monachus pro-  
prietarius. { Furtum committit,  
                                { Vilem se ostendit,  
                                { Damnationem incur-  
  rit.

De primo, Ios. 6. Achior furatus est chlamydem coccineam & regulam auream contra prohibitionem Domini, propter quod multi sunt puniti. Item Gen. 31. Rachel furata est idola patris. Ananias & Saphira fraudantes de pretio agri, mortui sunt. Actuum 5. De secundo, Hieron. Monachus habens obolum, non valet obolum: imò comparantur tales Iudæ qui oculos habuit. De tertio, Actuum 8. *Pecunia tua tecum sit in perditionem*, ita dixerunt sancti patres ad quendam sepe- liendum, sicut legitur in dialogo. Greg. unde de porta cæli facit portam inferni, claustrum enim porta cæli est, Genes. 38. *Vidit Iacob scalam, &c.* & quia huiusmodi furtum est, meritò talis sicut fur suspenditur, imò ut gallus gallinaceus.

Item { Sacriligium committit,  
                        { Apostasiam incurrit,  
                        { Stultum se ostendit.

Primum patet: quia sacrum de sacro tollit: animas quoque fraudat, propter quas eleemosynæ datæ sunt. Secundum patet: quia non magis habere proprium potest, quàm non ire de claustro. Item molam asinariam amotam de collo iterum alligat, & in spinas quas euaserat iterato se proiicit: & luto quod proiecerat secundario se inquinat, ut sus lota, & canis reuersus ad vomitum, & vxor Lot respiciens retrò. Luc. 9. *Nemo mittens manum ad aratrum.* Tertium patet: quia cum in naui sit, guttam haurit ut in mari seipsum submergat. Cum sit in horto, sal spargit, ne herba gratiæ sibi crescat: & fontem pietatis obstruit, ne sibi fluat. Item cum mortuus sit mundo, timet fame mori. Item facit sua pretiosiora seipso.

Lusor { Idololatriam incurrit,  
                        { Proximum corrumpit,  
                        { Multa bona perdit.

Primum patet: quia Haschart dominum appellat, & ipsum inuocat, & plus obedit taxillis, quàm sanctus Martinus Domino: quia ille dedit tantum dimidium pallium, iste totum. Secundum similiter patet, quia conuenientes ad ludum ad similia incitantur. Personæ quæ locant taxillos, asserem, & lumen, omnes peccant, imò porrigunt illis gladium ut se interficiant. Tertium patet: quia perdit tempus, gratiam & gloriam, diabolus autem nunquam perdit. Ad minus enim lucratur duas animas.

Item lusor { Maledictionem incurrit,  
                        { Plura peccata committit,  
                        { Stultum se ostendit.

De primo, Esa. 65. *Maledictus puer centum annorum.* Secundum patet: quia ibi sunt periuria, vituperia, maledictiones, iræ, rixæ, homicidia, mendacia, auaritia, furta, scandala, blasphemix. Unde tales quandoque puniuntur, sicut quidam qui iurauit per oculos Dei, & suus exiliit. Item quidam voluit sagittare Deum, & cruentata sagitta rediit. Tertium patet, quia illum ordinem peruertit. Eccl. 3. *Est tempus fletus & tempus ridendi.* Nota exemplum in Barlaam, de quatuor gladiis.

Acedia fugienda est, { Præceptum Domini negli-  
  { gamus,  
  { Maledictionem incurramus,  
  { A creaturis ceteris discre-  
  { pemus.

De primo, Gen. 3. *In sudore vultus tui.* De secundo, exemplum de ficu quam Dominus maledixit, quia folia tantum habuit. De tertio, nota quod exemplum debemus sumere in corporibus inanimatis sicut in herbis & arboribus, quæ licet in hyeme sint nudæ, tamen virtutem suam seruant, & tempore suo redeunt ad consueta. Item in corporibus sensibilibus. Prouerb. 6. *Vade ad formicam, & piger.*

Item in rationabilibus. Augustin. O si tales essemus amatores vitæ permanentis, quales illi sunt vitæ fugientis! Idem: Inquietum est cor nostrum, donec requiescat in te.

Item acedia fugienda est

Vt denarius diurnus recipiatur,  
Ne tempus amittatur,  
Ne vita temporalis succidatur.

De primo, Matth. 10. *Ite & vos in vineam meam.* De secundo, Bernard. Nihil pretiosius tempore. hoc ideo dicit, quia breui hora potest quis acquirere veniam, gloriam, & gratiam, & sequitur in auctoritate. Sed heu! nihil vilius reputatur. Dicunt homines, Venite, ducamustempus, cum breue sit. De tertio, Luc. 13. *Succide illam, ut quid etiam terram occupat?* Dignum est ut inutiliter vitam expendens, vitam amittat.

Item acedia fugienda est

Vt futuram famem præueniamus,  
Ne expectantē Deum contemnāmus,  
Ne cæli gloriam negligamus.

De primo, Apostolus 2. Corinth. 9. *Qui parceseminat, parce & metet.* Proverb. 20. *Propter frigus piger arare noluit.* De secundo, Ebraic. 5. *Expectant ut faceret vinas, & fecit labruscas.* De tertio, exemplum in fatuis virginibus. Matt. 25. Item qui non mercatur in nundinis, postea non habebit. Item qui propter pigritiam non extendit manum ad recipiendam gratiam, postea non habebit gloriam.

Item acedia

Deo displicet,  
Diabolo placet,  
Homini nocet.

De primo, Apocalyp. 3. *Vtinam frigidus esses, aut calidus: sed quia tepidus es.* &c. displicet autem Deo, quod in luto iacens propter pigritiam non vult surgere, & in igne concupiscentiæ, & in stillicidio præsentis miseriæ. De secundo,

Matthæi 8. *Mitte nos in porcos, & quum porcus mactandus est, permittitur in quiete pinguescere.* Sed stultus est qui propter pulchram viam tendit ad mortem. Exem plum de duobus sociis in Barlaam. De te tio, Prou. 24. *Per agrum pigri hominis transiui, & per vineam viri stulti, & ecce totum repleuerant, &c.* Nota quod aqua corrumpitur ex quiete, & ferrum rubiginem contrahit. Augustinus, Differbam viuere in te, & non differebam in me mori.

Item acediosus

Hostem contra se armat,  
Diabolo locum parat,  
Tentandi fiduciam præstat.

Primum patet: qui corpus per quietem nutrit, lasciuire facit, 1. Petr. 5. *Sobrii estote, & vigilate, quia aduersarius vester diabolus, tanquam leo, &c.* De secundo, Hieron. Semper aliquid operis facito ut te diabolus inueniat occupatum. Est puluinar diabolus otiosus homo. Nota, quod patellam vacantem libenter petunt vicini non occupatam: sic & diabolus. Item muscæ libenter incidunt ollæ tepidæ non feruidæ. De tertio, dixerunt sancti in Vitis Patrum, quod monachum operantem vnus dæmon impulsat, otiosum innumerum. Est enim otiosus homo quasi vrbs absque murorum ambitu, & sicut signum positum ad sagittam, & quasi cera subito liquescens ad ignem.

Item

Deum à se elongat,  
Dæmonum pœnis se sociat,  
Stultum se esse demonstrat.

De primo, Iob 28. *Non inuenitur in terra suauiter vi.* De secundo, Psal. 72. *In labore hominum non sunt.* Tertium patet, quia metere vult, & non seminare. Item languens & paralyticus, & claudicans non querit medicum, sciens se esse in aquis, non mouet manum. Vincula non vult per pigritiam soluere.



## Per Figurās.

Item nimis est acediosus qui { Furem fodientem parietem non repellit.  
Se receptaculum sortidum facit,  
Tonitrua audiens non surgit.

De primo, Matthæi 24. *Si sciret paterfamilias quā hora fur veniret. mors fur quotidie tollit vnum asserem: idest, vnum diem, Exemplum in Balaam de vnicorne. Senec. Incertum est quo loco te mors expectet, ideo tu illam in omni loco expecta. De secundo, Bern. Omnium tērationum sentina est otium: nam occasio est luxuriæ. 2. Reg. 11. Factum est eo tempore quo solent reges ad bella procedere, &c. Item nugarum. Athenienses ad nihil vacabant, nisi, &c. Item curiositatis. 1. ad Timoth. 5. *Discunt circuire domos.* De tertio, Cantic. 3. *Vocaui, & non respondit mihi.* Tonuit autem Christus in prædicatione, & tonabit etiam in die iudicij.*

Item piger est qui { Ad cælum non scandit,  
Stercora de oculo non eicit,  
Iaculum de vulnere non extrahit.

De primo, Matth. 11. *Regnum cælorum vmpatitur*, sed tardè perueniret ad locum, mouens vnū pedem hodie, per annum alterum: sic & illi quorum motus est pes intellectus, sed non affectus. De secundo, exemplum in Tob. 2. Matth. 7. *Eiice primum trabem de oculo.* De tertio, cantamus. *Peccata mea do. sicut sang.* Stultus est qui vulnera non præcauet arma sumendo, Boëtius. *Talia tibi consulueramus arma, quæ nisi prior abiecisses inuicta de infirmitate tuerentur.*

Indeuotio nascitur ex { Remorsu conscientia,  
Cibi spiritualis esurie,  
Vitio superbiæ.

De primo, August. Palato non sano pœna est pa. qui sano, &c. & oculis ægris odiosa lux quæ puris, &c. De secun-

do, Psal. 101. *Arui cor meum, quia oblitus sum come. &c.* Isti semper sunt in pasculis & macilenti manent: & hoc ideo, quia tædium habent terere aromata, & applicare olfactui. De tertio, 2. Reg. 1. *Mortes Gelboë, nec ros, nec pluuia vœ.* Isti semper iuxta ignem frigidi manent: quia inter ipsos & solem iustitiæ ponitur mons superbiæ.

Item indeuotio nascitur ex de- { Timoris,  
Amoris,  
Occupationis.

De primo, Eccles. 7. *Qui timet Deum, nihil negligit.* Est enim timor Domini quasi stimulus agitans. De secundo, Gregor. Qui amat ardentius, currit velocius, & peruenit citius. Christus est ignis mobilis, & anima spiritualis subleuans hominem, & reddens agilem. Tertium patet, quia aqua ex quiete putrescit, & ferrum rubiginem contrahit.

Desperatio { Deo displicet,  
Dæmonibus placet,  
Homini nocet.

De primo, Hieron. Magis offendit Iudas quod se suspendit, quàm quòd Deum tradidit. Secundum patet: quia homo per desperationem efficitur similis diabolo. De tertio Prouerb. 24. *Si desperaueris lassus, in die angustia minuetur fortitudo tua.* Nora, nimis arctum haberet cor qui timeret mori fame, si mundus plenus esset panibus. Sic qui desperat, cum misericordia Domini plena sit terra, secundum Psalm.

Item talis { Infinito finem ponit,  
Fontem misericordie Dei obstruit,  
Deum inexorabilem credit.

De primo, August. Deus est inter omnia non inclusus, extra omnia non exclusus: quanta autem Dei est maiestas, tanta & bonitas. vnde idem, Ingenti libertate atque vbertate replet omnes creaturas pro capacitate earum. De secundo, Anf. O æternum & incessabile, clarum & dulce profluium, cuius vnda sine ortu, pro-

fundum sine fundo, cuius altitudo incircumscriptibilis, cuius puritas imperturbabilis, Cant. 4. *Fons horum, puteus aquarum.* De tertio, nota quod ille credit Deum, nunc et deliorem, quam quando latronem, saluauit, Mariam Magdalenam, Paulum, Petrum, & deprehensam in adulterio.

Item remedium } Dominice passionis,  
desperationis est } Diuine veritatis,  
consideratio } Misericordie virtutis.

De primo, Bernard. Duplici ratione debetur vita eterna, scilicet filiali hereditate, & meriti virtute, ideo vnum sufficit, aliud mihi reliquit. Sic respondit diabolo volenti eum in desperationem ducere. Item desperans vilipendit passionem Christi, quasi non sufficiat deleta peccata. De secundo, Ezech. 23. *Quicumque hoc peccatum.* Item. *Vino ego, dicit Dominus, nolo mori.* Nota quod peccator dicitur magnus propter peccatorum magnitudinem vel multitudinem. Contra hoc misericordia Dei magna est & multa. Psalm. 50. *Miserere mei Deus secundum magnam misericordiam tuam, &c.* Tanta vero Dei est misericordia quod geometrici nequeunt mensurare eius magnitudinem, nec arithmetici possent numerare eius multitudinem. Ansel. Quanto Deus maior est homine, tanto mea malitia inferior est bonitate eius. De tertio, Dixit beatus Martinus ad diabolum, Si adhuc ageres penitentiam, consequeris veniam.

F E R V O R } Corpori boni operis effectum,  
indiscretus } Spiritui affectum,  
aufert } Deo honorem diuinum.

Primum patet: quia arcus nimis tensus frangitur. Exemplum de illo qui propter nimiam festinantiam, frangit ollas. De secundo, Prouerb. 10. *Qui festinus est pedibus, offendet.* Nota quod periculosa est infirmitas quae est ex calore. Item peius est equum habere inter hostes sine calcaribus, quam cum calcaribus. Tertium patet, quia aufert Deo debitum sacrificium, quia sine sale. Item quia magi-

strum, scilicet Christum, volunt excedere: & eius obsequium fuit rationabile. Rom. 12. *Rationabile obsequium vestrum.* sis ergo animal findens vngulam.

Item tales } Diurnum bonum breuiter destruunt,  
Arma nimis ponderosa sumunt,  
Vanam gloriam in se nutriunt.

De primo, Psalm. 58. *Fortitudinem meam adsecutus est.* Nota, cum equo subtrahitur auena, facit malam dietam. Eccles. 33. Virga, & onus, & cibus asino. De secundo, exemplum de David quando debuit pugnare. Nota, naui nimis onerata submergitur. De tertio, Bernardus Quae maior superbia, quam quod vnus homo toti congregationi iudicium suum praeferat, tanquam solus habeat spiritum Dei.

I R A } Imaginem Dei dissipat,  
Hospitium Spiritus sancti turbat,  
Execrabilem se demonstrat.

De primo, Augustinus: Mansuetudo imaginem Dei in nobis seruat, qui semper tranquillus est: sed ira dissipat, & multis virtutibus priuat. De secundo, Gregorius: Dum ira animum pulsant, Spiritui sancto hospitium suum turbat. Eccles. 27. *Furor & ira utraque execrabiles sunt.* Et dicit gloss. interlin. in conspectu Dei.

Item ira } Diabolum introducit,  
Se Deum ostendit,  
Templum Dei incendit.

Primum patet, quia sicut in pace factus est locus Dei: sic ira locus diaboli. Secundum patet, quia vindictam quae Deo seruanda est, sibi usurpat Rom. 12. *Mihi vindictam, & ego retribuam.* Vnde quidam in Vitis Patrum, Domine, non es nobis necessarius. De tertio, Psalm. 73. *Incenderunt igne sanctuarium tuum.* Ioelis 1. *Ignis comedit speciosa deserti.* Isti sunt similes draconi qui vomit ignem.

Item

## Per Figuras.

Item ira { Exacerbat,  
Capriuat,  
Mortificat.

De primo, Actor. 7. *Domine, ne statuas illis hoc peccatum, quia nesciunt, &c.* Item dixit Christus. De secundo, Luc. 6. *Dimitte, & dimittimini, &c.* De tertio, Iob 5. *Virum iniustum interficit iracundia, & furiosi solent se occidere, de his Augustinus : Qui per corpus suum mittit gladium ut lædat tunicam alterius : talis, primò deberet vindicare in seipso, quia se occidit.*

Item talis { Iudicium extremum præuenit;  
Aures Dei sibi claudit,  
Infirmum se esse ostendit.

De primo, Apostolus 1. Cor. 4. *Nolite ante tempus iudicare.* talis vult esse actor & iudex in eadem causa. August. Dicit malus, Domine occide malum. Respondet tibi Deus. *Quem vestrum ?* imò sic orando facis te iudicem, & Deum vis esse tortorem, quod est officium diaboli. De secundo, Eccles. 18. *Homo homini reseruat iram, & à Deo quarit medelam.* Item Luc. 7. *Duo debitores erant cuidam feneratori, &c.* Tertium patet, quia iracundia facit hominem, sicut febris mouens hominem decies in die. Vnde talibus infirmis potius est miserandum, quàm irascendum. Vnde vngendi sunt consolationibus, & non mortui lacerandi, sicut domus.

Item iracundus { Seipsum perdit,  
Stultum se ostendit,  
Bonum sibi malum facit.

De primo, Luc. 21. *In patientia vestra possit, &c.* Prou. 16. *Melior est patiens viro fortis.* Ibidem : *Melior est patiens expugnatore urbium.* Sancti temporalem pœnam lucrum putant, quia per hanc æternam euadere non ignorant. Secundum patet, Qui aufert tibi palliū bonæ famæ, da tunicam innocentie. Tertium patet, quia

talis auro tribulationis obruitur, & fornace tribulationis annihilatur.

Per guerras { Fraternitas violatur,  
Mafus periculum non præcauetur,  
Regnum animæ desolatur.

Primum patet, quia sumus omnes fratres, & Deus pater noster est. De secundo, nota quod minores guerræ sedent propter maiores quæ imminet, scilicet propter mundum, carnem, & diabolum. De tertio, Matth. 12. *Omne regnum in se diuisum, desolabitur.*

Item per has { Beatitude amittitur,  
Peccatum incurritur,  
Diabolus in extremis inuitatur.

De primo, Matth. 5. *Beati pacifici.* De secundo, nota quod ex talibus sequuntur rapinæ & incendia. Innocentes opprimuntur & pauperes. De tertio, Prou. 7. *Semper iurgia quarit malus, angelus autem crudelis mittetur contra eum.*

Peccatum incendij { Spiritui sancto contrariatur,  
Diabolo assimilatur,  
Stultum monstratur.

Primum patet : quia puræ malitiæ est, nec quidquam excusationis habebunt in iudicio : cum enim Dominus improperebit in iudicio quibusdam : *Hospes fui, & collegistis me :* tunc istis dicet, qui non solum non collegerunt eum, sed & expulerunt. Secundum patet, quia diabolus nunc incendit per concupiscentiam, & in inferno per pœnam. Tertium patet, quia seipsum incendit, tenetur enim ad restitutionem. Item parat sibi ignem æternum.

Homicida { Filium Dei occidit,  
Gladio peribit,  
Angelo contumeliam facit.

De primo, Matth. 23. *Vnus est pater vester, Deus.* De secundo, Matt. 26. *Omnis qui accipit gladium gladio peribit ?* Illo inquam gladio de quo Apoc. 1. *Et gladius*

ex utraque parte sentus exibat. Tertium patet, quia occidit eum cui angelus est ad custodiam deputatus.

Item homicidium { Ad Deum clamat,  
Diabolo se assimilat,  
Christum inhonorat.

De primo, Gen. 4. *Ecce vox sanguinis, &c.* De secundo, Ioan. 8. *Ille homicida erat.* Tertium patet ex eo, quod naturam, quam Christus assumpsit, iugulat, & in imaginem ad quam homo factus est, dissipat.

Remedia { Silentij obseruatio,  
ira { Mollis responsio,  
sunt, { Dominice passionis recordatio.

De primo, Prou. 26. *Cum defecerint ligna, ignis exstinguetur.* Nota quod ex collisione duorum lapidum elicitur ignis: sic ex amaris verbis duorum ira. De secundo, Prou. 15. *Responsio mollis frangit iram.* Eiusdem 26. *Quasi qui canem auribus apprehendit, sic, &c.* Rom. 12. *Si es furiosus inimicus tuus, cibum illum.* De tertio, Greg. Si passio Domini ducitur ad memoriam. Vnde respicientes serpentem æneum.

Inuidus { Per lumen excæcatur,  
{ De vita moritur,  
{ Diabolo assimilatur.

Primum patet, quia ad bona proximi torquetur: vnde comparatur nocturæ quæ lumen diei non potest sustinere. Secundum patet: quia sicut omnia munda mundis: sic omnia istis nociua, sicut febricitanti boni cibi sunt contrarij. De tertio, Sapient. 2. *Inuidia diaboli intravit mors.* nimis esset inuidus qui vellet erui oculum, vt alij sic fieret: sic facit diabolus; & isti per hoc quod alijs inuident, sibi magis nocent. Vnde nota exemplum de inuido & auaro. Sicut ergo dicit Dominus. Ioan. 13. *In hoc cognoscent omnes, quia discipuli mei estis:* sic potest diabolus dicere de inuido.

Item inuidia { Proximum occidit,  
{ De vuis spinas colligit,  
{ Sensus corrumpit.

De primo, Gen. 27. *Fera pessima deuorauit filium meum,* hæc etiam occidit Abel, & Ioseph vendidit, nec Domino lesu Christo pepercit. vnde Marc. 15. *Sciens quod per inuidiam tradidissent eum.* De secundo, Senec. Vtinam inuidi omnium oculis & aures haberent, vt de omnium profectibus torquerentur. Tertium patet, quia amara dulcia facit, & conuerso. Esa. 5. *Va qui dicitis bonum malum.*

Item contrariatur { Spiritui sancto,  
{ Tollit bona proximi,  
{ Morem gerit perfidi.

Primum patet: quia diuinitas omnia bona communicat, & bonum hominis sibi placet, mala verò displicent. De secundo, Hugo de sancto Victore: Superbia aufert mihi Deum, inuidia proximum, ira in ipsum. August. Quidquid in alio diligo, meum facio, bonum vel malum. Tertium patet, quia facit vt canis mordens à tergo, cum cauda blanditur in facie, & sicut fur qui subtrahit occulte, & sicut perfidus homo qui lædit alium, qui non contradicit ei prius, & talis magis nocet. Greg. Iacula quæ præuidentur minus feriunt.

Superbia { Diabolo assimilatur,  
{ Gloriam Dei vsurpat,  
{ Perfectos impugnatur.

De primo, Iob 41. *Ipsa est Rex super omnes filios superbia.* Vnde est signum per quod diabolus suos cognoscit, sicut Christus suos per charitatem. De secundo, Esa. 42. *Gloriam meam, alteri non dabo.* De tertio, August. Superbia etiam bonis operibus insidiatur vt pereant, vnde est quasi turris Babel, ad cælum, id est, cælestes viros pertingens, inexpugnabilis vt castrum in alto situm.

Item superbia { Deo odibilis,  
{ Proximo detestabilis;  
{ Sibi damnaibilis.

De primo, Eccles. 25. *Tres species adiuit anima mea*, &c. Pauper superbus est homo respectu angeli. Secundum patet, quia subueniendum esset pauperibus de talibus quibus mulieres ornatae sunt, quasi laqueus, & rete, & hamus, & gladius, & sagitta diaboli. De tertio, Apocal. 18. *Quantum glorificauit se, & in deliciis fuit, tantum date illi tormentum*. Item amittit quod expendit in huiusmodi.

Item superbia { Bona expellit praesentia,  
Excludit absentia,  
Falsificat omnia.

De primo, Greg. Superbia virtutes destruit. De secundo, 2. Reg. 1. *Montes Gelboe, nec, &c.* De tertio, Eccl. 13. *Qui tangit picem, inquinabitur ab ea*, est autem superbia quasi cuprum diaboli, quo falsificatur moneta Christi. Aug. Superbia etiam bonis operibus insidiatur, ut pereant.

Item superbia { Auxilium Dei subtrahit  
Alia vitia parit,  
Homines deiicit.

De primo, Hugo de sancto Victore. Superbia aufert mihi Deum. De secundo, Eccles. 10. *Initium omnis peccati est superbia*, scilicet haereticis, contentionis, rapinae, &c. unde non venit sola, sed cum exercitu quasi regina vitiorum. De tertio, exemplum in Lucifero & Adam, Lucae 14. *Qui se exaltat, humiliabitur*. Scandentes libenter cadunt: & qui se eleuant, sub ostio humiliantur caput.

Item superbia { Memoriam hominis annihilat,  
A Deo elongat,  
Deum impugnat.

De primo, Eccles. 10. *Memoriam superborum*. Psal. 33. *Vt perdat de terra memoriam eorum*. De secundo, nota quod elongatio a Deo est dissimilitudo. Christus autem fugit ne fieret rex. De tertio, nota quod quando alia cauentur, tunc istam praecipue exercent homines: scilicet sacro loco, & sacro tempore.

Item superbia { Hominem confundit,  
Apostatam facit,  
Ordinem Dei peruertit.

De primo, Esa. 3. *Erit pro zona, &c.* De secundo, Eccles. 10. *Initium superbiae hominis, apostatare a Deo*: quia votum istud transgreditur, Abrenuntio satanae. De tertio, Eccles. 3. *Est tempus fletu, & tempus ridendi*. Praeterea isti ancillam ornant, dominam nudant: praeterea mulieres contra naturae ordinem cornua sibi faciunt & caudas. In Vitis Patrum, quomodo diabolus equitauit super cauda talis.

Item superbia { Hominem decipit,  
Scandala tendit,  
Stultitiam facit.

De primo, Matth. 23. *Sepulchra dealbata*. De secundo, nota mulieres videntes hoc, inuidet, & querunt similia; & maritis suis sunt molestae, ut vestiantur permittentes eos fieri vsurarios. Psal. 139. *Luxta iter scandalum posuerunt mihi*. Tertium patet, quia magna pro paruis vendunt, scilicet laude. Item stultus esset qui iudicaret equum suum ornatum fele. Item tales plus laborant ut oculos hominum reficiant quam suum ventrem.

Item superbia { Inflatur,  
Captiuatur,  
Damnat.

De primo, Sap. 4. *Dirumpet illos inflatos*. Nota, inflati non possunt currere: ita nec isti ad regnum coelorum. De secundo, nota quod aues cum magnis pedibus capiuntur de facili cum laqueis. Item isti capillos nutriunt, & vestes multiplicant ut teneri possint a diabolo.

Item isti offendunt { Deum,  
Sanctos,  
Angelos.

Primum patet, quia templum Dei incendunt: id est, corda intuentium. Psal. 73. *Incenderunt igne sanctuarium tuum*. Item vexillum inimici sui, id est, diaboli, ponunt in castro suo, & deponitur signum Christi, id est, crucis. Secundum patet, quia in festis sanctorum se ornant. Esa. 3.

In die illa auferet, &c. Tertium patet, quia clientulos angelorum mortificant.

Superbia vestitium reprehenditur { Pretiositate,  
Mollitie,  
Superfluitate.

De primo, Luc. 16. *Induebatur purpura & bysso.* Contra secundum, est consideratio vestium infernalium. Esa. 14. *Subter testernetur tinea.* De tertio, Iacob 5. *Vestimenta vestra à tinea comesta sunt.* unde pertica clamare possunt in die iudicii, quia nimis onerabantur. Nota quod pellicati comburitur, ne aliquis furetur, propter pulchritudinem ergo prædicantur vestes.

Item vestis { Colore,  
reprehenditur { Forma,  
tur ex { Offensione.

De primo, Esa. 13. *Facies combusta valentis eorum.* Eiusd. 3. *Erit pro zona funiculus,* &c. De secundo, Genes. 3. *Fecit eis tunicas pelliceas.* Nota quod artifex dolet cuius forma alteratur: Sic Dominus indignari potest nobis. Contra tertium, quia in Christo apparuit humanitas, latuit quod nobilius fuit, scilicet diuinitas. Nota quod circulus est signum venditionis vini, & frondes in capite signum venditionis equi.

Hypocrita { Homines decipit,  
{ Duplicitate viuit,  
{ Diabolum se facit.

De primo, nota quod assimilatur vulpi, & falsæ monetæ, & simulacro in horto. De secundo, Deut. 21. *Non inducris vestem,* &c. talis comparatur simiæ quæ imitatur actus humanos, non tamen est homo. De tertio, 2. Cor. 11. *Angelus satana transfiguratur se,* &c. unde est quasi dæmonium meridianum.

Item { Animam deturpat,  
hypo- { Spiritum sanctum fugat,  
crisis { Conspectu Dei se priuat.

Propter primum comparatur sepulchro dealbato, & mirum est, quia omnia sua sunt munda, ipse autem turpis. *Tales lant de foris quod calic.* &c. De secundo, Sap. 1. *Spiritus sanctus disciplina effugiet*

*fictum.* De tertio, Iob 13. *Non veniet in conspectu eius omnis hypocrita.*

Item hypocrita { A Deo maledicetur,  
{ In iudicio confundetur,  
{ Martyr diaboli efficitur.

De primo, Matth. 23. *Va vobis hypocritæ.* Nota de secundo, quod accidet ei sicut coruo qui accommodauit pennas ab omnibus auibus; quibus ablatis, confusus stetit. De tertio, nota quod isti portant crucem sicut Simon Cyrenæus, unde propter te mor. tota die.

Item { Virtutes in se corrumpit,  
{ In infernum se demergit,  
{ Lupum se constituit.

De primo, Luc. 12. *Attendite à sermone Ph.* Isti sunt quasi arbores cum foliis sine fructu. De secundo, Apoc. 6. *Ioannes vidit equum pallidum,* & infernus sequebatur eum, & qui sedebat super eum, nomen illi mors. Sic isti sunt equus pallidus per sanctitatem quam prætendunt. Matr. 6. *Exterminant enim facies suas ut appareant hominibus ieiunantes,* & mors, id est, diabolus equitat eos, infernus autem sequitur, id est, æterna damnatio. De tertio, Matth. 7. *Veniunt in vestimentis ouium, intrinsecus autem sunt lupi rapaces:* quia hypocritæ spoliant homines.

Mala locutio { Angelos fugat,  
{ Pyxidē Christi deturpat,  
{ A gratia cor euacuat.

De primo, exemplum in Vitis Patrum, de porcis qui venerunt, &c. Secundum patet, cum enim homo communicat os suum, quasi pyxis Christi est. De tertio, Eccles. 20. *Gratiæ stultorum effundentur.*

Item mala locutio { Nocet loquenti,  
{ Nocet audienti,  
{ Et illi de quo fit sermo.

Primum patet, quia talis aperit inimicis suis portas castri sui, Ierem. 9. *Intransit mors per fenestras.* De secundo, Iac. 3. *Lingua inquietum malum est.* Propter tertium comparatur gladio & sagittæ, quia nocet à remotis. Plal. 139. *Acuerunt linguas suas sicut serpentes.*

Item { Vagum reddit,  
In iudicio confundit,  
In inferno punit.

De primo, exemplum in equo sine fræno, & naui sine gubernaculo, & momento in statera, quod inclinatur vbi maius est pondus: sic qui de terra est, de terra loquitur. De secundo, Matth. 12. *De omni verbo otioso, &c. ergo & de nociuo.* De tertio, Luc. 16. *Mitte Lazârũ vt intingat, Apoc. 16. Commanducauerunt linguas suas præ dolore.* Propter hæc omnia tribus annis quidam portauit lapidem in ore, ne verbis excederet. Nota etiam exemplum de duabus mulieribus in Vitis Patrum, quæ disponebant non loqui secularia.

BLASPHEMIA { Essentialiter damnat,  
Subito mortificat,  
Insanum demonstrat.

De primo, Matth. 12. *Spiritus blasphemie non dimittetur.* De secundo, patet, quia sæpe videtur quod vel exilit oculus, vel lingua punitur. Exemplum de illo qui voluit sagittare Deum, & sagitta rediit cruentata. Tertium patet, quia canis non mordet Dominum suum nisi sit rabidus.

Item talis { Iudæos superat,  
Deum sine causa inhonorat,  
Mala pro bonis donat.

Primum patet: quia Iudæi blasphemant tantum mortalem & ignoranter, iste immortalem & scienter. Item peior est bufone & serpente, quia omnis creatura Deum laudat suo modo, iste autem vituperat. De secundo, Ierem. 2. *Quid inuenerunt in me patres vestri?* Item Michæ 6. *Popule meus quid feci tibi?* &c. vnde homo facit Deo quod non faceret gartioni. De tertio, Psal. 34. *Retribuiebant mihi mala pro bonis.*

Item talis { In statuam salis, se conuertit,  
Ordinẽ diuinum peruertit,  
De alieno se intromittit.

De primo, in Vitis Patrum, Qui querulosus est, monachus non est: quasi dicat, idolum est, siue statua & simulachrum. Secundum patet, quia plus ponderat pa-

bulum quàm pacem: mirum esset si mortuus loqueretur vel iumentum. Ipsi autem tales sunt. Psal. 72. *Vt iumentum factus sum.* Sed isti assueti monstris, vt Balaam non curant. De tertio, Bern. Qui curam vestri semel nobis commissis, &c.

MVRMVRATORES { Fel in escam Dei ponunt,  
Vacuos gratia se ostendunt,  
De alieno se intromittunt.

De primo, Psal. 68. *Dederunt in escam meam fel.* Secundum patet: quia crepant ad ignem tribulationis, sicut vasa vacua. Item vt currus non vnctus, murmurant. Eccles. 33. *Præconi diabolici quasi rota carri.* de hoc potest dici: Ecce homo plenus querela, falsus Dei cultor. De tertio, Bernard. Dominus docet animas in hoc mundo perdere, hypocritas saluare, cuius consilio acquiesces cuius vjs esse discipulus. Idem, Puta te quæso esse monachum non medicum.

PERIVRVS { Manum diabolo porrigit,  
Sigillum Domini corrumpit,  
Peiorem diabolo se ostendit.

Primum patet, quia manum contra Deum extendit: vnde quando talis se benedicit, hoc manu diabolo facit. Secundum patet, quia scripturam sanctam vel reliquias ducit in testimonium de falso. Vnde excommunicatus est, sicut qui bullam Domini Papæ falsificat. Tertium patet similiter: quia licet diabolus sit mendax & pater eius, non tamen periurus est.

MENDAX { Deum contemnit,  
Proximum fallit,  
Seipsum lædit.

Primum patet, quia veritatem necat, Deus autem est Veritas. Secundum patet, quia est velut denarius falsus, maximè enim fallit in mercationibus. Vnde Cain legitur primus mendax, qui interpretatur maledictione passus. De tertio, Act. 5.

De Anania, &c. Sap. 1. *Os quod mentitur, occidit animam.*

Item { Diabolo assimilatur,  
Filius diaboli ostenditur,  
In lingua punietur.

De primo, Ioan. 8. *Mendax est, & pater eius.* Gen. 3. *Nequaquam moriemini,* &c. De secundo, Ioan. 8. *Vos ex patre diabolo estis.* De tertio, Sap. 11. *Per quæ quis peccat, per hæc & punietur.*

BILINGVIS est { Deo odiosus,  
Sibi damnosus,  
Proximo monstruosus.

De primo, Prou. 8. *Os lingue detestor,* &c. quia tales sunt apostoli diaboli: loquuntur enim variis linguis. De secundo, Eccles. 28. *Susurro & bilinguis maledictus: multos enim turbauit pacem habentes.* Ille est similis serpenti qui tortuosum habet incellum, quia modò mouetur huc amabilius loquendo, modò illuc detrahendo, vel deridendo. Tertium patet, quia duplicem videtur habere linguam. Vnde exemplum in Aniano, de illo qui propter duplicem flatum expulsus est. Genes. 27. *Vox quidem vox Iacob.* vnde versus: *Si Deus elinguem faceret quemcunque bilinguem.* Vnaquaque die multi fierent Zachariæ.

SEMINATOR discorde { Odibilis Deo,  
Similis diabolo,  
Damnandus in iudicio.

De primo, Prou. 6. *Septimum detestatur anima eius,* &c. Et est ratio: quia ipse pro concordia voluit mori, & videtur peccatum in Spiritum sanctum. De secundo, Ioan. 10. *Lupus rapit & dispergit oves.* De tertio, Apost. Gal. 6. *Quæ enim seminauerit homo, hæc & metet.*

DERISOR { Deo exprobrat,  
Se damnat,  
Proximum irritat.

De primo, Prou. 14. *Qui deridet pauperem exprobrat,* &c. Hi sunt vulpeculæ quæ demoluntur vineas, id est, bonos, imò quasi bufones non sustinent odorem florentis vineæ. De secundo, Matth. 5.

*Qui dixerit fratri suo satue.* De tertio, Exod. 12. *Si egressus ignis inuenerit spicas,* &c. Et post: *Reddet damnum, qui ignem succenderit.* sed iste cor proximi incendit. Isti etiam quasi nocturnæ lucem odiunt: & vt Pharaon, & Herodes, paruulos, id est, nouiter conuersos occidunt.

MALEDICVS { Regnum celorum amittit,  
Seipsum interficit,  
Vacuum gratiâ se ostendit.

De primo, 1. ad Cor. 6. *Neque maledici regnum Dei possidebunt.* De secundo, Prou. 26. *Qui voluit lapidem, reuertetur ad eum.* August. Dicit malus, Domine, occide me. Vilis esset sagitta, quæ emissâ perimeret sagittantem. Tertium patet: quia quod est in vase, de vase egredietur. vnde licet facit, sic fiet ei in iudicio. Gen. 27. *Qui maledixerit tibi, sit ille maledictus.* Detractionis tria distinguuntur genera super illud Psal. 100. *Detrahentem se cretò proximo suo.*

Gaudet { Malum de aliquo dicere,  
Audita mala cum augmento referre,  
Detractiones libenter audire.

De primo, Leu. 19. *Non maledices furdo.* Talis est vt canis rabidus mordens retrò. Eccles. 19. *Sicut sagitta in femore canis.* De secundo, Leu. 19. *Carnem cum sanguine non comedetis.* De tertio, dicit Bernard. Nescio vtrum maius peccatum sit, detrahere vel detrahentem audire.

Item detractor crudelis est { Sibi,  
Deo,  
Proximo.

Primum patet, quia os inquinat, Psal. 5. *Sepulchrum patens est guttur eorum.* vnde comparatur porco qui tostrum ponit in stercore, & ciconiæ quæ venenosis animalibus pascitur. Secundum patet, quia bonos qui Dei sunt, malos esse dicunt: vnde peiores sunt inferno qui tantum malos deuorat. De tertio, Eccl. 10. *Si mordeat serpens in silentio.* &c. in sexta feria come-



## Per Figuras.

dunt carnes, in dno vno morcello hominem deuorant, dicentes: ille nullus est.

Item detractor { A Domino maledicatur,  
Furi comparatur,  
Stultus ostenditur.

De primo, Gen. 4. *Maledictus Cain*: talis vřso comparatur, Daniel. 7. qui habebat tres ordines dentium: quia iste sibi nocet, & auditori, & ei cui detrahit. De secundo, Ambr. Tolerabiliores sunt qui vestes deripiunt, quàm qui famam nostrã lacerant: imò quasi lupi qui oves errantes inuadunt, quæ potius essent reducendæ. De tertio, Matth. 7. *Eiſce primum trabem de oculo tuo*. Item nota, quod vnus hominis testimonium, vel vilis, non est accipiendum. Seneca. Non refert de his gationibus aut superioribus, quia nõ minus à superiori quàm ab inferiori ferent.

Adulator { Deum gloriã suã priuat,  
Proximum in peccato ligat,  
Contra se maledictionem congregat.

De primo, Apostolus 1. ad Timoth. 1. *Soli Deo honor & gloria*. Secundum patet: quia est quasi cæmentum quo peccator linitur vt fortior sit in malo. Esa. 3. *Popule meus qui te beatum, &c.* De tertio, Esa. 5. *V & qui dicunt bonum malum, & malum bonum*. Ex isto patet quod sunt incantatores diaboli: quia dicunt bonum malum, & e conuerso. Sed nota quod qui laudem non habet, laudare non potest.

Item talis { Nutritor diaboli dicitur,  
Sacerdos eiusdem ostenditur,  
Proditor esse probatur.

De primo, Prou. 1. *Fili, si te lætauerint peccato, &c.* De secundo, Gregor. Tunc mortuus mortuum sepelit, cum peccator peccatorem aggere adulationis premit. Inungitur etiam oleo in extremis. Psal. 104. *Oleum autem peccatoris non impinguet caput meum*. De tertio, Luc. 22. *Osculo filium hominis tradis*: Prou. 27. *Meliora sunt vulnera diligentiſ, quàm fraudulenta oscula*.

Per iactantiam homo { Proprios filios occidit,  
Gratiam Dei effundit,  
Idolum seipsum facit.

Primum patet: quia bona opera sunt filij Dei quæ per iactantiam amittimus. De secundo, Ecclef. 10. *Gratia stultorum effundentur*. istis cõtigit sicut gallinæ, quæ cum facit ouum cantat, & sic amittit. Tertium patet: quia seipsum colit per iactantiam. Nota, quod duo sunt in bono opere, gratia videlicet & utilitas. Vnum Deus sibi tenuit, & aliud nobis dedit. Si ergo Deum fraudamus in parte sua, ipse fraudabit nos in parte nostra.

Multiloquium { Iustificationẽ impedit,  
Peccatum inducit,  
In iudicio punit.

De primo, Iob 11. *Nunquid verbosus iustificabitur?* quia vbi multum est de palea, parum est de grano. De secundo, Ecclef. 10. *In multiloquio peccatum non deerit*. De tertio, Matth. 12. *De omni verbo otioso, &c.* propter ista, equo est frenum iungendum, & vineæ sepes.

Item multiloquium { Pacem dissipat,  
Hominem præcipitat,  
Diabolo viam parat.

De primo, Prou. 26. *Qui imponit stulto silentium, iras mitigat*. Vnde gladius acutus in vagina seruandus est. Psal. 36. *Lingua eorum gladius acutus, & fera crudelis incarcerationanda est*. Iacob. 3. Linguam nullus hominum domare potest. Secundum patet, quia fovea cauenda est in qua sæpe cadens collum fregit. De tertio, Iob 30. *Quasi rupto muro, &c.*

Fractio silentij { Contẽplationẽ impedit,  
Furem facit.  
Tempus amittit.

De primo, Thren. 3. *Sedebit solitarius, & tace, & leua*. Nota: foramina obstruenda sunt, ne virtus vini euaporet. Secundum patet, quia lingua religiosi prælato est tradita: vnde si loquatur sine licentia, violator templi videtur, vel fur. Nota si brutum animal loquatur, mirum videtur. Psal. 72. *Vt inuentum factus sum*.

## Summa Virt. & Vit. per Figuras.

De tertio, Greg. Licet fabulari, aiunt, donec hora pertranseat, quam sibi ad poenitentiam agendam, ad obtinendam veniam, ad quaerendam gratiam, ad promerendam gloriam miseratio conditoris indulserat. Nota, quod lingua religiosi est calamus Spiritus sancti, quo non debemus inutiliter uti. Psal. 44. *Lingua mea calamus scribae velociter scribens.*

Singularitas { Deo priuat,  
Mentem sordidat,  
Animam mortificat.

De primo, Thren. 1. *Quomodo sedes sola ciuitas?* De secundo, Bern. ubi angulus, ibi sordes. De tertio, Aug. Vbi singularitas, ibi angulus.

Item { Lucem fugat,  
Maledictionem ostendit,  
Exemplum bonorum destruit.

De primo, Ioann. 3. *Qui male agit, odit lucem.* Numer. 11. *Extrema castrorum consumpsit ignis.* talis comparatur vespertilioni. De secundo, Eccles. 3. *Va soli.* e conuerso, *Ecce quid bonum & quam incun-*

*dum, &c.* Bernard. Arbitror quod tu qui in congregatione es, &c. De tertio, Apost. 1. ad Cor. 9. *Omnibus omnia factus sum, &c.*

Suspicio { Iudicium contra se prouocat,  
Officium diuinum usurpat,  
Plus alios, quam se, curat.

De primo, Matth. 7. *Nolite iudicare, & non iudicabimini.* Secundum patet: quod solus Deus nouit intentionem hominis. De tertio, Bernard. Integritatis tuae, &c. talis alienum hortum colit, suum relinquit.

Item { Spiritui sancto detrahit,  
Tempus iudicij praeuenit,  
Stultum se ostendit.

De primo, Ambrosius: Nescit tarda molimina Spiritus sancti gratia. Act. 2. *Factus est repente de cael sonus.* Gregor. Qui videtur male facere, subito potest bonus esse. De secundo, Apostolus 1. ad Corinth. 4. *Nolite ante tempus iudicare.* Tertium patet: quia stultus est qui trabem habens in oculo, &c. Item qui glutiens camelum, &c.

## F I N I S.





# PRIMA PARS

## PRINCIPALIS DE

### VIRTUTE IN COMMUNI.

#### CAPVT PRIMVM,

*Quòd expediat Virtutem commendari.*



*1. Separaueris  
pretiosū à vi-  
li, quasi os meū  
eris: Hier. 15.*

Pretiosum est  
anima: Prou.

9. Mulier ani-  
mam viri pre-  
tiosam rapit.

Ideo filius Dei  
seipsum pre-

tium animarum posuit, ne animę nobis vi-  
lescerent. Pretiosę etiam sunt virtutes:  
Bern. Verę diuitiæ non sunt opes, sed vir-  
tutes, quas secum conscientia portat vt in  
perpetuum diues fiat. Vile verò est corpus,  
animi enim pondus ac pœna est, vt ait Se-  
nec. Immo quod plus est, factum est im-  
mundities & materia propinqua vermiū.  
1. Mach. 2. *Gloria impij, sterqus & vermis.*  
Gloria impij vocatur corpus. Vilia etiam  
sunt bona temporalia, etiam quę pretio-

siora videntur. Aurum enim & argentum  
(secundum Bern. in quodam sermone de  
Aduentu) sunt terra rubra & alba, quę so-  
lus error hominū facit, aut magis reputat  
pretiosa. Sap 7. *Omne aurum in compara-  
tione ipsius arena est exigua, & tanquam  
lutum aestimabitur argentum in conspectu  
illius.* Pretiosum à vili separat, qui pretiosi-  
tatem virtutum ostendit, & temporalium  
vilitatem, & animam ab amore tempora-  
lium seiungit, & ad amorem virtutum in-  
ducit: & talis quasi os Dei est. Saluator  
enim os suum aperiens, doctrinam suam à  
contemptu temporalium inchoauit, dicēs  
Matth. 5. *Beati pauperes, &c.* Et de amore  
virtutis subdidit: *Beati qui esuriunt & si-  
stunt iustitiam, &c.* Vnde doctrina quę cō-  
temptum tēporalium inducit, & ad amo-  
rem virtutis allicit, quasi processisset ex ore  
Dei habenda est. Frater Guido Carthunē-  
sis: Rationalis creaturę vera perfectio est,  
vnamquamque rem tanti habere quanti

Moralis  
doctrinae  
partes  
sunt tres.

- 1.
- 2.
- 3.

habenda est. Senec. Quid tam necessarium  
quàm pretia rebus imponere? Secundum  
Senec. tres sunt partes moralis doctrinae.  
Prima rebus dignitates distribuit, & pre-  
tia imponit, maximè utilis. Secunda im-  
petum animi reprimat. Tertia actionem  
regit: ostendens quando vnumquodq;  
& ubi, & quemadmodum agi debeat. Ideo  
commendationi virtutis in hac prima par-  
te operis insistemus; vt eius pretiositas ap-  
pareat, & vt ad amorem eius homines al-  
liciantur. Magna enim pars bonitatis est,  
vt ait Senec. velle fieri bonum. Et August.  
Socratis sententia est, quibus hominibus  
satis persuasum esset vt nihil mallent se  
esse quàm bonos viros, his reliquam faci-  
lem esse doctrinam. Virtus commendatio-  
ne indiget: quia hæc thesaurus est abscon-  
ditus in agro cordis: qui ideo non quaerit-  
tur, quia ignoratur, Matth. 13. Est etiam  
velut lapis pretiosus qui conculcatur ab  
his à quibus virtus eius ignoratur. Eccle. 6.  
*Quasi lapidis virtus probatio erit in illis:*  
hoc est dictum de sapientia, quæ est de sa-  
pore virtutum condita scientia, quem re-  
probant & despiciunt qui eius virtutem  
non agnoscunt. Matt. 7. *Neque mittatis  
margaritas ante porcos, ne forte conculcent  
eas pedibus suis.* Ex ignorantia pretiosita-  
tis virtuti accidit, quod ipsa adeo despici-  
tur, quodd si esset venalis, non inueniretur  
qui eam emeret. Senec. Bona mens nec  
commodatur, nec venditur. Et puto si ve-  
nalis esset, non haberet emptorem: at mala  
quotidie emitur. Gregor. Carnalium mē-  
tes bona pensare non valent nisi quæ car-  
naliter vident. Aug. Vix est aliquis qui di-  
ligat interiora bona quæ sola diligenda  
sunt: cæteris autem ad necessitatem uten-  
dum, non ad gaudium perfruendum est.  
Virtus quia non agnoscitur, ideo à Deo  
non petitur nec accipitur qui paratus est  
eam dare si esset qui desideraret eam accipe-  
re. Heb. 12. *Contemplantur ne quis desit  
gratia Dei.* Et 1. Pet. 1. *Sperate in eam qua  
vobis offertur gratia.* Extēta habet Deus  
manum, dexteram ad largiendum bona

Virtus  
laudan-  
da.

Quare  
virtutes  
non ap-  
petantur

spiritualia, sed non est qui accipiat. Om-  
nes enim ad sinistram aspiciunt, vt inde  
temporalia recipiant. Commendationi ve-  
rò virtutis aliqua, quæ pertinent ad eius  
notificationem, breuiter præmittemus.

## C A P V T I I.

### De notificatione Virtutis.

**N**Otandum ergo quod nomen virtu-  
tis antiquitus fuit solius fortitudinis,  
vt ait Tullius. Ratio verò huius hæc est:  
quia non statim innotuit hominibus vir-  
tuositas aliarum virtutum: sed virtuosi  
semper apparuerunt, qui laboribus & do-  
loribus non facile vinci potuerunt. Sed  
post experientia docuit, animum habere  
multa certamina contra diuitias, delicias  
& honores, quorum victoria difficilis est  
& utilis: vnde & virtuosi nominati sunt,  
qui tales vincere potuissent. Item notan-  
dum, quod nomen virtutis in canone Sa-  
cræ scripturæ vt frequentius sumitur pro  
fortitudine, vel pro potentia, vel pro ope-  
re mirabili. Ratio autem prout hîc de ea  
intendimus. Sed quod Philosophi in mo-  
rali doctrina virtutem vocant, Scriptura  
sacra vt frequentius, gratiam nominat.  
Ratio autem huius diuersitatis hæc est.  
Virtus duplicem habet comparisonem.  
Vnam ad id à quo est, scilicet ad Dei libe-  
ralitatem, cuius donum est, & sic dicitur  
gratia. Et est gratia donum à Deo gratis  
datum, habentem se, Deo gratum faciens:  
& opus eius Deo gratum reddens. Aliam  
comparisonem habet Virtus ad id quod  
ab ea est, scilicet ad opus suum: & sic vo-  
catur Virtus: & sic nominant eam Philo-  
sophi faciem habentes ad donum Dei, &  
dorsum ad datorē. Aug. 4. lib. Conf. Dor-  
sum habebant ad lumen, & ad ea quæ il-  
luminant faciem, & ipsa facies, qua il-  
luminata carnebam, non illuminabatur.  
Philosophi fuerunt propriæ gloriæ amato-  
res, & diuinæ gloriæ neglectores, de pro-  
priis viribus confidentes, conditori suo

Olim quæ  
virtuosi.

gratias non agentes; secundum illud dictum de ipsis. Rom. 1. *Non sicut Deum glorificauerunt, aut gratias egerunt, sed enauenerunt in cogitationibus suis.* Sancti verò faciem habentes ad lumen, in lumine Dei agnoscunt insufficientiam suam. 2. Corinth. 3. *Non quod sufficientes simus cogitare aliquid à nobis, quasi ex nobis, sed sufficientia nostra ex Deo est.* Item agnoscunt boni ad quam tendimus eminētiā, quod supra vires nostras est. Vnde super illud Matth. 11. *Regnum cælorum vim patitur &c.* dicit glossa. Grandis violentia est in terra nasci, & cælum rapere, & habere per virtutem quod per naturam non possumus. Agnoscunt etiam hostium inuilibilium præminentiam secundum potestatem & statum malitiæ. Iob. 40. *Non est potestas super terram qua comparetur ei.* Nos quasi locustæ sumus, & ipsi velut gigantes. Numero. 13. *Vidimus monstra filiorum Enac de genere giganteo: quibus comparati locustæ videbamur.* Origen. Vult Dominus Iesus mirabiles res facere: vult enim de locustis superare gigantes, & de his quæ in terra sunt, cælestes vincere nequitias. Ideo sancti intelligentes adiutorium gratiæ adeo eis esse necessarium, vt sine eo nihil possint, neque bonum agere, neque tueri: oportet enim gratiam præuenire vt velint, & subsequi ne inaniter velint, secundum Greg. Parum enim prodest homini bonum velle, nisi tentanti postea possit resistere, & tueri bonum quod acquisitum est, omnia Deo attribuunt, & radicem meriti, virtutum scilicet, & præmium, non videntes nec in se, nec in alio bonum aliquod, nisi gratiam Dei. 1. Corinth. 15. *Gratia Dei sum id quod sum.* Et Ioannes testatur se vidisse Iesum plenum gratiæ. Ioann. 1. Et Angelus Mariam plenam gratia nominat Luc. 1. Et gabriel monet natum ex sterili. Ioānem vocari, quod gratiam sonat Luc. 1. Anima ex se sterilis secundum naturam, non potens ad meritum regni æterni, gratiam Dei reputare debet tam meritum quam præ-

mium. Rom. 6. *Gratia Dei vitæ æterna.* Gloss. Consecrandum est gratiam Dei vitam æternam vocari: quia his meritis redditur quæ gratia contulit homini. Simile Ioān. 1. *Gratiam pro gratia.* Et initium boni & finis gratia est. August. in libr. de Correctione & gratia. Desiderare auxilium gratiæ, initium gratiæ est. Psalm. *Qui coronat te in misericordia & miserationibus.* Apocalyp. 4. *Viginti quatuor seniores mittebant coronas suas ante thronum, ostendendo sedenti in throno debere honorem, quod coronas recepissent.* Rom. 9. *Non est volentis, neque currentis, sed miserentis Dei.* Esa. 26. *Omnia opera nostra in nobis operat<sup>ur</sup> es Domine.* Ro. 7. *Velle adiacet mihi, adiacet inquam quasi infirmum: perficere autem bonum non inuenio.* 1. Corinth. 15. *Abundantius illis omnibus laboranti: non ego autem, sed gratia Dei mecum.* Philipp. 2. *Deus est enim qui operatur in nobis & vult & perficere.* Ioān. 15. *Sine me nihil potestis facere.* Et notandum quod virtus dicitur à vi, vnde Dominus vocat virtuosos violentos. Matth. 11. *Violenti rapiunt illud.* Et Luc 16. loquens de regno cælorum: *Omnis enim in illud vim facit.* Virtuosus tripliciter vim facit sibi. Primò, ardua aggrediendo, & quæ sunt supra hominem. Secundò, aduersa patiēdo. Acto. 14. *Per multas tribulationes oportet nos intrare in regnum Dei.* Tertio, à placitis abstinendo. Genes. 8. *Sensus & cogitatio humani cordis in malum prona sunt ab adolescentia sua.* Ideo quasi cum quadam violentia oportet hominem ab his quæ sibi placent compesci. Ouidius in Epistol. Est virtus placitis abstinuisse bonis. Vel dicitur virtus quasi viri status, siue virilitas, virtus enim est perfecti animi, & ad rectas operationes robusti: sicut virilis ætas est corporis robusti & perfecti. Item notandum quod sicut dicit Tullius in libro de Offic. Virtus & honestas nomina diuersa sunt: res autem subiecta prorsus eadem. Honestum verò est quod sua vi ad se nos allicit & dignitate trahit: vt idem Tullius dicit 1. Rhetoric. Honestus vero dicitur

Vim sibi  
inferunt  
virtuosi  
triplicem

aliquis eo quod nihil habeat turpitudinis: vt dicit Isidor. in libro Etymolog. Et subdit: Nam quid est honestas, nisi honor perpetuus, & quasi honoris status? Vnde hominibus virtuosis & honestis honor maxime exhibendus est. Inueniuntur in scripturis multae descriptiones virtutis: de quibus ad ipsius maiorem declarationem aliquas ponemus, & exponemus.

### CAPVT III.

#### *De descriptionibus Virtutis.*

**V**irtus sic describitur in libro de Spiritu & anima. Virtus est habitus mentis bene instituta. Et intellige mentem bene institutam, ad similitudinem regni quod bene institutum est, si recte in eo consulatur, & recte imperetur, & recte obediat. Sic mens bene instituta est, quum ratio recte consulit, voluntas recte imperat, & vires subiectae voluntati recte obediunt. Hanc bonam institutionem virtus in mente facit. Ipsa enim rationem illuminat, & voluntatem de seruitute vitiorum ad imperium sublimat. Sine virtute mens pueriliter regitur. Vnde vx ei. Ecclesiast. 10. *Va tibi terra cuius Rex puer est.* Sine ea regnum mentis simile est regno Roboam, qui potius acquieuit consilio iuuenum imprudentum, quam consilio senum. 3. Regum 21. Sic vbi virtus non est, derelicto consilio rationis, sensibus acquiescit: vbi virtus non est, quod debuit in homine seruire, imperat, non sine magna inordinatione. Prouer. 19. *Non decet seruum dominari principibus.* Et eiusdem 30. *Per tria mouetur terra* (id est, turbatur) *& quartum quod non potest sustinere, per seruum quum regnaverit.* Virtus facit in regno mentis partem nobiliorem regnare, & tunc beata est anima. Ecclesiast. 19. *Beata est terra, cuius rex nobilis est.* Ipsa solium iudicii rationi reddit: ex quo sequitur dissipatio omnis mali, Prouerb. 20. *Rex qui sedet in folio iudicii, intus in suo dissipat omne malum.* Virtus veram nobilitatem in anima

perficit, quam natura inchoauit. De initio nobilitatis, ait Seneca: *Quis est generosus? Ad virtutem à natura bene dispositus.* De perfectione dicit Hieronymus. *Sola apud Deum libertas est, non seruire peccatis: summa apud eum nobilitas, clarescere virtutibus.* Item virtus sic describitur ab Augustino, in libro de quantitate animae: *Virtus est aequalitas quaedam vitae vndique consonans rationi.* Virtus vitae aequalitatem facit: quia secundum Senecam, animus reddit asperis blandisque inuictum, neutri se fortunae submittentem quem nulla vis frangat, quem nec attollat fortuna, nec deprimat Tullius: *Præclara est aequalitas in omni vita: idem qui semper vultus, eademque frons: vt de Socrate accepimus.* Virtus in vtraque fortuna par est: virtutem materia non mutat, nec peiorem facit dura aut difficilis: nec meliorem, hilaris & læta, vt ait Seneca, virtus per omnia consonat rationi. Vnde Bernardus in Epistol. ad fratres de monte Dei: *Virtus est ad iudicium rationis vsus liberæ voluntatis.* Seneca: *Humanis virtutibus regula vna est ratio recta.*

Virtus etiam sic describitur à Philosopho. Virtus est habitus animi, modo naturæ consentaneus rationi. Ad opera virtutum Primo incitat nos natura. Secundo, ratio. Tertio, gratia. Verbi gratia. Natura incitat vt subuenias proximo indigenti. Idem etiam ratio dicat, quia similis indigentia potest tibi accidere, in qua velles idem tibi fieri. Gratia verò hoc suadet tibi, quia proximus est Dei imago, Dei filius: vel ad hoc creatus, vt in æterna beatitudine sit tibi focus. De instinctu naturæ dicit Tullius: *Sunt nobis innata virtutum initia, quæ si adolescere liceret & pateremur, nos ad beatitudinem cum diuino munere ipsa natura perduceret.* Idem: *Nos igniculos natura datos extinguimus.* Si quis autem obiciat, quod ad opus patientiæ non incitatur à natura, quod videtur potius esse contra naturam. Respondet Seneca quod materia boni contra na-

turam est vt vulnerari, & subiecto igne tabescere, sed bonum numquam. Seruare enim animum infatigabile inter ista, quod est opus virtutis, secundum naturam est: quia nullum bonum sine ratione est, vt ipse ait. Sequitur autem ratio naturam. Bernard. Omnis virtus homini naturalis est: Idem: Virtus quoniam naturæ res est, cum venit in animum, aliquando non venit sine labore, sed venit in locum suum, & fideliter sedet, & bene cum ea natura conuenit. Seneca: Virtus secundum naturam est: vitia vero inimica sunt & infesta. Et secundum Arist. Virtus non est præter naturam Chrysost. vero in quadam hom. dicit, quod virtus animi est recte de Deo sentire, & recte inter homines agere. Virtus etiam sic describitur à Philosopho: Virtus est habitus voluntarius in medieta- te consistens, quo ad nos. Medietas ista attenditur inter superfluitatem & indigentiam. Vnde idem Philosophus dicit, quod virtus est medietas duarum malitiarum: huius quidem secundum superfluitatem, huius vero secundum indigentiam. Boetius. Virtutes medium tenent: si vel ultra vel citra quam oportuerit fiat, à virtute disceditur. Hæc autem medietas in virtutibus cardinalibus inuenitur: in virtutibus vero theologicis non videtur posse inueniri. Remigius: Ea quæ sunt puræ delectationes animæ: id est, quæ sunt animæ secundum se non determinantur secundum superfluum & diminutum. Cant. 1. *Adolescentula dilexerunt te nimis*, ergo nimietas dilectionis in Deum non videtur esse superfluum vel vitium. Quo ad nos dicitur esse hæc medietas: quia determinando hanc medietatem, habendus est respectus ad personam operantis. Alicui enim esset parum quod alii esset nimium, vel econuerso. Augustinus in libro de libero arbitrio sic describit virtutem: Virtus est bona qualitas mentis, qua rectè viuatur, qua nemo male vitatur, quam Deus in nobis operatur. Virtus dicitur bona eo modo quo albedo dicitur color albus: non ideo

quod albedo colori inhæreat vt accidens, sed color est ipsa albedo, sic est virtus bonitas mentis mentem bonam faciens. Virtus etiam bona est: quia ducens ad summum bonum. Virtute etiam rectè viuatur: vitam autem rectam intellige quæ extenditur ad Deum principium; & Deum finem, Deo qui est principium omnium bonorum de omnibus bonis gratias agendo, iuxta illud 1. Thess. 5. *in omnibus gratias agite*. Et gloriam eius in omnibus quærendo: ad hoc enim creati sumus. Deuteron. 26. *Faciet te Dominus excelsores cunctis gentibus quas creauit in laudem & nomen & gloriam suam*. Esa. 44. *In gloriam meam creauit eum* 1. Corint. 10. *Sive manducatis, sive bibitis, sive aliquid aliud agitis, omnia in gloriam Dei facite*. Vita eius qui sibi solum vult viuere, tantum quæ sua sunt quærens, & ad gloriam Dei non attendens, non est recta, imo curua, quum in se reflectatur. Item non est recta quæ declinat quasi in latus per superfluitatem vel indigentiam. Virtutes cardinales obliquitatem, quæ est secundum superfluitatem vel indigentiam, excludunt: Theologica vero curuitatem quæ est vbi vita reflectitur in vtilitatem proprii subiecti, non ordinata ad finem vltimū. Virtutes ergo Cardinales cum theologicis vitam rectam efficiunt. Itē quum rectum sit cuius medium non exit ab extremis: extrema autem vitæ nostræ quum sit Deus principium, & Deus finis, vita recta est quæ sicut est à Deo & ad Deum: ita & sub Deo humiliter implēs eius imperium, sicut ab eo habuit initium & ab eo expectat præmium. Vitam verò hic intelligas quatuor partes conuersationis, scilicet cogitationem, affectionem, locutionem, & operationem: Rectitudo vero horum est quum non discordant à regula legis diuinæ quæ nobis indicat diuinam voluntatem. Huic autem rectitudinis oppositum est peccatum, prout describit illud Augustinus: dicens: Peccatum est dictum, vel factum, vel concupitum contra legem Dei. Per concupitum vero intellige cogi-

tationem & affectionem. Item vita recta est cum voluntas in nullo dissentit ab eo quod ratio rectè sentit. Voluntate enim rectè viuitur, voluntate peccatur, vt dicit Augustin. Ratio recta regula est voluntatis. Bernard. super illud Cantic. *Recti diligunt te*. Illum vere rectū corde dixerim, qui & rectè in omnibus sentiat, & à recto quod senserit in nullo dissentiat. Virtute etiam nemo male vitur propriè loquēdo. Si quis tamen obijciat de illo verbo Isidori, interdum male vsq̃ virtutes vitia generant, dicendum est quod virtus potest esse occasio alicuius mali, sed nunquam actus eius erit abusus: sicut accidit in potentiis naturalib. quibus homo potest bene vti vel abuti. Per hoc quod subditur, quam Deus in nobis sine nobis operatur: patet quod hæc descriptio est intelligēda de virtute gratuita: præcedens vero virtus est habitus voluntarius, &c. Intelligenda est de virtute consuetudinali. Aliæ vero descriptiones positæ fere omnes possunt intelligi & de gratuita & de consuetudinali. Si quis vero obijciat de illo verbo Augustini. *Qui facit te sine te, non iustificat te sine te*. Vnde videtur quod Deus nō operetur in nobis virtutem sine nobis. Respondendum est, quod Deus iustificat hominem sine homine cooperante, sed non sine homine adoperante: sicut sol illuminat domum cū aliquis aperit fenestram non sine homine adoperante, tamen sine homine cooperante, homo enim non cooperatur soli illuminando domum. Sic verus sol infundit virtutes nobis præparatis ad earum suspensionem, non tamen cooperamur illi in illa infusione.

#### C A P V T I V.

##### *De triplici Virtutis commendatione.*

**S**equitur de commendatione Virtutis. Et notandum, quod virtus est p̃mo commendabilis à dignitate dantis. Retinuit enim Deus donationem eius ad ma-

num suam. Psal. *Gratiam & gloriam dabit Dominus*. Virtus fructus est Spiritus sancti. Gal. 5. *Fructus est Charitas, gaudium, pax, &c.* Ex nobilitate arboris fructus bonitatem agnosce: *Arbor bona fructus bonos facit*. Matth. 7. ergo optima optimos. Secundo à dignitate eorum quibus datur: hoc enim donum non est nisi bonorum & amicorum Dei; temporalia bona & etiam naturalia corporis vel animæ communia sunt bonis & malis, amicis. Dei & inimicis. Et frequenter mali & inimici Dei potius in talibus abundant quam amici Dei. Ex quo apparet nō esse vera bona. Si enim vera bona essent, potius daret ea amicis quam inimicis. August. in primo lib. de Ciuitate Dei, ista tempora'ia bona & mala voluit Deus bonis & malis esse communia, vt nec bona cupidius appetantur quæ mali quoque habere cernuntur, nec mala turpiter evitentur, quibus & boni plerumque afficiuntur. Item August. in eodem li. 20. Profecto salubriter discimus, non magnipendere seu bona seu mala quæ videmus esse bonis malisq; communia, & illa bona quærere quæ bonorum, & illa mala maximè fugere quæ propriè sunt malorum. Item August. in eodem: Pulchritudinem idcirco Dominus largitur etiam malis ne magnum bonum videatur bonis. Deserto itaque bono bonorum proprio lapsus est factus ad bonorum minimum non bonis proprium, sed bonis malisq; commune. Tertio quasi à situ: quia possessio est valde bona benè sedens. Benè sedet possessio quæ propinqua est ciuitati: melius quæ infra muros ciuitatis: optimè quæ infra muros propriæ domus tuta est, & ab hostibus & à ciuibus. Peroptimè sedet virtus quæ est in secreto cordis. Seneca: Hunc dicito, hunc habe beatum, non quem vulgus vocat, sed cui omne bonum in animo est. Item Senec. Sapiēs intra se omne bonum terminabit. Et dicit quod quidam capta patria & vxore & liberis amissis, quum ex incendio publico solus & tamen beatus exiret: interroganti victo-



ri, nunquid aliquid perdidisset: Nihil, inquit, perdidit, bona mea mecum sunt.

## CAPVT V.

*Quod Virtus sit optimum præsentis vitæ  
& bonitas aliarum rerum.*

**Q**uarto commendabilis est comparatione aliorum honorum. Et primò facta comparatione ad bona præsentia. Secundò ad futura. Secundum comparationem primam, virtutis optimum dicitur. Heb. 15. *Optimum est gratia stabilire cor.* August. in lib. de moribus Ecclesiæ: Erit, inquit, hominis optimum quod animam optimam facit: nemo autem dubitauerit quin virtus animam faciat optimam. Et Iac. 1. *Omne datum optimum, &c.* Datum optimum, virtus vel gratia dicitur: respectu cuius simpliciter bona dicuntur quæ communia sunt nobis & brutis, vt fortitudo corporis, agilitas, pulchritudo; sanitas & ea quæ pertinent ad corporis sustentationem, vel ornatum, vel protectionem. Bona meliora sunt bona animæ, quæ tamen animam non reddunt de necessitate bonam, quæ similiter sunt communia bonis & malis, vt scientia & similia. Optimum vero virtus vel gratia. Perfectum, gloria. i. Cor. 13. *Quum venerit quod perfectum est, euacuabitur quod ex parte est.* Virtus non solum bona est, sed etiam bonitas bonum faciens necessario possessorem suum. Arist. in lib. de eligendis. Si hoc facit bonum id cui adest, illud autem non facit; quod facit, magis est eligendum, vel quod melius & principalius facit bonum: & si quidem hoc facit animam, illud autem corpus. Non sic dignitates & dinitiæ, quæ vt frequenter malos faciunt possessores suos, vel magis malos ostendunt. Boetius: Collata improbis dignitas non modo non efficit dignos, sed potius prodit & ostendit indignos, Eccles. 11. *Si diues fueris, non eris immunis à delicto.* Seneca: Mul-

tum est non corrumpi diuitiarum contubernio. Ideo virtus multum appetenda esset, tanquam propria bonitas: sed tanta est hominibus stultitia, quod de propria bonitate non curent, cum in omnibus suis bonitatem quærant. Seneca: Nihil est cuique se vilius. Augustin. Bona vis habere, & bonus non vis esse. Idem. Quid est quod te velis malum habere? Nihil omnino. Non uxorem, non filium, non seruum, non tunicam, postremo non caligam, & tamen vis habere malam vitam. Rogo te præpone vitam tuam caligæ tuæ. Idem: Quid te offendit vita tua, quam solam vis malam, vt inter omnia bona tua tu solus sis malus? Idem: Adeo cæcitas mentis inualuit, adeo homo interior obscuruit, vt omnia velit habere bona præter seipsum. Plus deberet homo amare bonitatem sui, quam totum mundum. Cum enim homo præualeat toti mundo, bonitas eius bonitatis mundi totius præualeat. Senec. In homine nihil ad rem pertinet, à quam multis salutetur, quam pretioso incubet lecto, quam perlucido poculo bibat, sed quam bonus sit. Hoc autem debet mouere hominem ad amorem propriæ bonitatis, quod sicut ipse quando bonus est, melior est omnibus creaturis visibilibus: sic quando malus est, peior est illis: qui non solum malus est malitia pœnæ, sed etiam malitia culpæ, ipse debitor est mortis temporalis & æternæ. In hoc deterioris conditionis est serpentibus & bufonibus. Nec solum virtus bonitas est hominis, sed etiam est bonitas operum. Plus enim valet vna elemosyna, vel aliud bonum opus ex virtute vel gratia procedens, quam mille sine gratia. Si aliquis mille annis facit opera de genere bonorum sine gratia, non meretur regnum æternum, quod tamen meretur vnicui bono opere ex gratia facto. Seneca: Vnus dies hominum eruditiorum plus valet, quam imperiti longissima ætas. Qui faciunt opera de genere bonorum sine gratia, picturas habent bonorum operum, non bona opera. Seneca. Apud sapientes sunt

Virtus  
opera  
bona in  
gratia est  
sicut me-  
ritoria.

honestā, apud vulgus simulacra rerum honestarum. Opus de genere bonorum sine gratia factum, lumen esse videtur, & tamen non est vere lumen. Matth. 6. *Si lumen quod in te est, tenebrae sunt, ipsae tenebrae quanta erunt?* Tale opus simile est ligno putrido, quod his qui in tenebris sunt, lucidum videtur. Tale opus videtur esse aurum, quum sit aurichalchum. Bernar. Melius est pallens aurum, quam fulgens aurichalchum. Qui habet abundantiam talium operum est quasi diues, quum nihil habeat. Prouerb. 13. Item opus tale est velut cadauer exanime. Vnde anima cuius sunt opera talia, est velut mulier infœtrix, omnes fœtus suos pariens mortuos. Quid est fides quæ non operatur ex dilectione, nisi cadauer exanime? Quod de fide informi dicitur, verum est de omnibus operibus informibus quæ scilicet sine gratia fiunt. Homo absque gratia est velut arbor syluestris ferens fructus quibus porci infernales pascuntur. Gratia vero est velut ramusculus cœlestis, qui huic arbori insertus facit eam ferre fructus optimos, qui lætificent Deum & Angelos. Luc. 15. *Gaudium erit in celo super uno peccatore penitentiam agente, &c.* Nec solum virtus est bonitas operum, sed etiam rerum temporalium. Bonum enim rerum temporalium, est laudabilis vsus earum qui virtutis est vel gratiæ. Vnde malis temporalia bona non sunt, cum male illis vtantur. Senec. Stulto nulla re opus est, nulla enim re scit vti. Eccles. 13. *Bona est substantia, cui non est peccatum in conscientia.* Sicut sanguis in corpore humano non est bonus, si sit materia infirmitatis, vnde euacuandus est: sic temporalia non sunt bona his quibus sunt materia infirmitatis spiritualis. Seneca dicit, pecuniam perdidisti. O te felicem si cum ea auaritiam perdidisti! sed si manet illa apud te, es tantum felicior, quo tanto malo materia subducta est. Prouerb. 1. *Vsq̃ue quos stulti ea quæ sibi sunt noxia cupiunt?* Fit iusto Dei iudicio, vt cum aliquis malus est, vere domino illa mala sint ei quibus

ipse dominatur, quasi vindicantia creatorem suum. Virtus etiam mala pœnæ in bona conuertit: iuxta verbum Senec. Ecclesiast. 8. *Qui custodit præceptum, non experietur quidquam mali.* Non est mala aduersitas viro iusto, cum sit ei materia coronæ æternæ. Et vt breuiter dicatur, Virtus siue gratia est totum verum bonum hominis in vita ista. Vnde glossa Augustini super illud Psalm. *Signatum est super nos lumen, &c.* dicit de lumine gratiæ. Hoc lumen est totum & verum homini vere bonum, vel bonum naturæ, vel bonum fortunæ. Bernard. Si quis callidus est ingenio, si viget arte, si præminet intellectu, instrumenta sunt hæc tam vitiorum quàm virtutum. Seneca: Non viuere bonum est, sed benè viuere: benè autem viuere virtutis est. Tullius: Quod rectum & honestum est, & cum virtute, id solum bonum arbitror. Nunquid potest cuiquam malo bonum esse, aut potest quisquam in abundantia bonorum esse non bonus? Seneca: Doce non esse positum bonum vitæ in spatio eius, sed in vsu: vsus autem rectæ virtutis est. Sapiens: Omnia quæ extra nos sunt dona, quæque hominibus forte contingunt, non ideo laudantur, quod habuerit quis ea, sed quod his honeste sit vsus. Augustin. Non vtiliter in tempore viuatur, nisi ad cōparandum meritū quo in æternitate viuatur.

Virt<sup>us</sup> mala pœnæ in bona conuertit.

## C A P V T V I I I.

*Quod Virtus sit proprie bonum nostrum, possessio libera & sufficiens.*

**V**irtus, secundū Philosophos, bonum nostrum est proprie, quum bona fortunæ sint bona aliena à nobis. Hoc bonum nulla vis à nobis excutit, iuxta verbum Senecæ, Non potest auferri ab homine, nec in vita, nec in morte. Tullius: Omnia alia caduca sunt: virtus vna est, altissimis defixa radicibus. Tullius: Hæc demum sapientia est vt omnia tua in te posita esse

ta esse dicas, humanosque casus virtute inferiores putes. Sene. Non est tuum fortuna quod fecit tuum. Boëtius in libro Cōsol. Nunquam tua faciet esse fortuna, quæ natura rerum à te facit esse aliena. Seneca: Periturum est, nempe quod aduentitium fuit. Idem: Quid stultius est, quam in homine aliena laudare? quid eo dementius qui circa se miratur ea quæ ad alium protinus transferri possunt? Non faciunt meliorem equum aurei fræni. Augustinus in libro Soliloquiorum. Deus per quem dicimus aliena esse quæ aliquando nostra: & nostra esse quæ aliquando aliena putauimus, accipe me ab istis fugientem famulum tuum: quia & ista me quando fugiebam à te, acceperunt alienum, ad te mihi redeundum esse sentio, nihil aliud scio nisi fluxa & caduca spernenda esse, & certa & æterna requirenda. Senec. Ratio arbitra est bonorum & malorum: aliena & hesternæ pro vilibus habet, omne illi bonum in animo est. Habacuc. 2. *Va qui congregat non sua.* Non sua vocat temporalia. Senec. Huc cogitationes tuæ tendant, hoc cura, hoc opta, omnia alia Deo vota missurus ut contentus sis temetipso, & ex te nascentibus bonis. Item virtus possessio libera est, quæ possidet bona temporalia in subiectione, est aliqua vel fortunæ, vel ipsarum diuitiarum, vel eorum quibus occasione diuitiarum indiget. Senec. Incipit esse fortunæ subiectus, si quis partem sui foris quærit. Augustin. Venditis rebus nostris nullum magis earum accipimus pretium, quam nos ipsos. Implicati enim talibus non eramus nostri. Seneca. Minus quam seruus est qui seruos timet. Item virtus possessio est habenti sufficiens 2. Corinth. 12. *Sufficit tibi gratia mea.* Seneca. Virtus nudo homine contenta est. Idem. Sapiens se contentus est, non ut velit esse sine amico, sed ut possit. Item Seneca: Se contentus est sapiens ad bene viuendum, non ad viuendum: ad hoc enim rebus multis illi opus est, ad illud tantum animo sano & erecto & despiciente fortu-

nam. Idem. Virtus nullo eget, & præter summum bonum extrinsecus instrumenta non quærit. Econtrario, diuitiæ terrenæ multis indigent. Boëtius: O angustas inopesque diuitias, quas nec habere totas pluribus licet, & ad quemlibet sine cætorum paupertate non veniunt. Idem: Verum illud est, permultis illos indigere, qui permulta possident. Homo absque virtute vel gratia, est regio egestatis. August. in lib. Confess. Defluxi à te ego, & erravi: erravi Deus meus nimis deuius à stabilitate tua in adolescentia mea, & factus sum mihi regio egestatis.

## CAPVT VII.

*Quod Virtus sit magnæ incunditatis & dignitatis.*

**I**tem Virtus bonum est & magnæ incunditatis & magnæ dignitatis. Boëtius de Consolat. Nunquam sine pœna sunt vitia, nunquam sine præmio sunt virtutes. Seneca: Rerum honestarum pretium in ipsis est: hoc pretium est mentis lætitia. Idem; Recte factorum verus fructus est in ipsis: nec ullum virtutum pretium dignum ipsis extra ipsas est. Bernardus: Delectationes non perdimus, sed mutamus à corpore ad animam, à sensibus ad conscientiam. Item Greg. super Iob. 1. Filii per domos conuiuium faciunt, dum virtutes singulæ iuxta modum proprium mentem pascunt. Econtrario curre per singula, tot inuenies animæ tormēta quot vitia, ut ait August. Gaudium virtutis est velut fons gaudii in domo propria nascēs, Senec. Existimas me detrahete tibi multas voluptates, qui fortuita submoueo, qui dulcissima spei oblectamenta censeo deuitanda, imo econtra volo tibi, nunquam deesse lætitiā: volo illam tibi domi nasci, nascitur si intra te ipsum sit. Idem: Tu iudicas eum gaudere qui ridet: animus debet esse alacer & fidens, & super omnia rectus. Ecclesiast. 30. *Non est oblectamen-*

*sum super cordis gaudium.* Senec. Conculca ista quæ extrinsecus splendet, & de tuo gaude. Quid est autem hoc de tuo? de teipso, & tui optima parte. Idem: Viri boni gaudium est ex bona conscientia, ex contemptu fortuitorum, ex honestis consiliis, ex rectis actionibus, ex placito vitæ & continuo tenore vnam prementis viam. Idem: Hæc quibus delectatur vulgus, tenuem habent ac perfusoriam voluptatem, & quodcunque inuēitium est gaudium, fundamento caret: hoc de quo loquor, ad quod te conor perducere, solidum est, & quod plus pateat introversus. Idem: Fundamentum bonæ mentis est non gaudere vanis. Fundamentum hinc esse dixi culmē, cum ad summa peruenit qui scit quo gaudeat, qui felicitatem suam in aliena potestate non posuit. Item Seneca: Improbæ voluptates non sunt solidæ, non sunt fideles: etiam si non nocent, fugiunt: potius aliquod bonum mansurum circumspice. Sola virtus præstat gaudium perpetuum, securum: etiam si quid obsistat nubium, materia interuenit qua infra ferunt, nec vaquam die vincunt. Gregor. Absit ut tanta sit delectatio in vitis, quanta est in virtutibus. De dignitate virtutis dicit Boëtius, Non virtutibus ex dignitate: sed ex virtutibus dignitati honor accessit. Idem: Virtuti propria dignitas inest. Virtus est beatitudo, vel felicitas præsentis vitæ. Beatitudo virtutum de fonte cælestis beatitudinis, amicis Dei in hac valle miseriæ stillatur. Vnde 2. Corinth. 12. dicit gloss. Augustini: In regione intelligibilium beata vita in fonte suo bibitur: inde aliquid aspergitur huic humanæ vitæ, ut in temptationibus huius sæculi temperanter, fortiter, iuste, prudenterque viuatur. Tullius. In quo virtus est, nihil ei deest ad bene ac beate viuendum. Macrobius. Solæ virtutes faciunt beatum, nullaque alia via quiscumque hoc bonum adipiscitur. Senec. Ratio recta & consummata felicitatem hominis impleuit: hoc vnum bonum hominis est, quod qui habet, etiam si aliis de-

stituitur, laudandus est: quod qui non habet, in aliorum omnium copia damnatur. Rationem vero rectam & consummatam facit virtus. Vnde August. dicit in libro Soliloquiorum, quod virtus est recta vel perfecta: id est, rationis rectitudo vel perfectio.

## CAPVT VIII.

*Quod status Virtutum assimilatur paradiso terrestri & cælesti.*

**V**irtus seu gratia quasi paradysum facit in corde hominis. Eccl. 41. *Gratia Dei sicut paradysus in benedictionibus.* Assimilatur cor vbi gratia est, paradiso & terrestri & cælesti. Terrestri tripliciter, scilicet amœnitate, fecunditate, & securitate. Amœnitatem & fecunditatem ibi faciunt quatuor virtutes, velut quatuor flumina paradysi, mentem irrigantes: Vnde gloss. Gregor. super illud Genes. 2. *Fluuius egrediebatur de loco voluptatis ad irrigandum paradysum &c.* quatuor flumina paradysum irrigant: quia dum his quatuor virtutibus cor infunditur, ab omni desideriorum carnalium æstu temperatur. Ecclesiast. 40. *Super omnem aquam viriditas, & odor am fluminis.* Altitudo vero facit securitatem: quia sicut paradysus terrestris in alto situs est pertingens vsque ad lunarem circulum, sicut dicit gloss. Strab. super illud Gen. 2. *Plantauerat Deus paradysum voluptatis:* sic cor vbi Dei gratia est, in alto situm est. Senec. Talis est sapientis animus, qualis mundus supra lunam, semper illic serenum est, quod non alieni muneris, nec arbitrii alieni est, quod non dedit fortuna non eripuit. Paradiso vero cælesti in quatuor assimilatur. Primo, in hoc quod est Dei habitatio: Placeat enim Deo habitare in anima virtutibus ornata. Hiero. Nihil quietius, nihil purius ea mente debet esse quæ in Dei habitaculum præparanda est: quem non auro templa fulgentia, non gemmis altaria

Cor assimilatur paradiso duplici. 1. Terrestri.

2. Cælesti.

distincta delectant: sed anima ornata virtutibus. Prou 8. *Delicia mea esse cum filiis hominum*: Bernardus animam huiusmodi cœlum vocat, dicens: Nec mirum si cœlum hoc libenter inhabitat Dominus Iesus, quod nō quomodo cæteros dixit tantum ut fieret, sed pugnavit ut acquireret, occubuit ut redimeret. Secūdo in hoc quod est locus luminis. Iob. 38. *Nesci per quam viam spargitur lux*. Gloss. iustitia est lux. Tertio, quia locus est ordinati amoris. Brevis enim & vera diffinitio Virtutis, est ordo amoris, ut ait August. in lib. de Civit. Dei. Quarto, quia locus est gaudii. Esa. 51. *Ponam desertum eius delicias, & solitudinem eius quasi hortum Domini*. Cor hominis antequam sit in gratia Dei, est velut desertum, sed per gratiam fit quasi hortus Domini. Ista quatuor in paradiso cœlesti inveniuntur: Est enim Dei habitatio, locus luminis, & ordinati amoris, & gaudii. Contraria vero quatuor prædictis cor peccatoris faciunt quasi infernum, cū sit habitatio dæmonum, & habeat tenebras ignorantie & culpæ, & ignem prave concupiscentiæ, & vermem remordentis conscientie. Hæc enim quatuor sunt in inferno. Væ illis qui multis in laboribus & expensis sibi faciunt infernum: Væ illis qui potius eligunt habitare in inferno quā in paradiso. Mira infania talium qui infernum præoccupant, quasi timerent se nimis tarde peruenturos ad eum.

Cor per  
gratiam  
fit hortus  
Domini.

## CAPUT IX.

## De præexcellencia gaudii Virtutis respectu gaudii mundani.

Gaudium  
virtutis  
præcellit  
gaudio  
mundani  
in qua  
tuor.

ET notandum quod gaudium virtutis quadrupliciter præcellit respectu gaudii mundani. Primo continuitate. Homo carnalis non semper sedet ad mensem corporalem, sed homini virtutis, *secunda mens est quasi iuge convivium* Prouerb. 15. Iob. 20. *Gaudium hypocrite ad instar puncti*. Hypocrita est mundus exterior deaturatus.

August. in lib. Confess. Si quid arrisisset prosperum, tædebat apprehendere: quia pene prius quam teneretur auolabat. Gaudium mundanum venit de foris, & facile impeditur & discontinuatur. Seneca vitam virtutis luci comparat, vitam vero mundanam fulgori, dicens: Magna existimas esse quæ relicturus es, &c. proposuisti illam securitatem ad quam iturus es, retinet te huius vitæ fulgor à qua transitorus es tanquam in sordida & obscura casurum: erras. Ex hac vita ad illam ascenditur, quod interest inter splendorem & lucem, cum hæc certam originem habeat, atque suam, ille niteat ex alieno: hoc interest inter hanc vitam & illam, hoc fulgore veniente extrinsecus percussa est, statim crassam faciet illi umbram quicquid obtiterit, illa suo lumine illustris est, fulgor est luminis percussio. Secundo in puritate. Dulcedo enim felicitatis humanæ multis amaritudinibus respecta est, iuxta verbum Boetii. Homo enim carnalis unam amaritudinem habet ex dilatione deliciarum quas vehementer appetit: alia ex defectu quem inuenit in usu earum: ubique enim caro quærit refectionem, inuenit defectionem iuxta verbum August. Excessum etiam insumendo delectabilia sequitur duplex amaritudo, scilicet remorsio conscientie, & gravamen naturæ. Seneca. Voluptas quo avidius hausta est, citius in contrarium recedit. Ecclesiast. 31. *Amaritudo animæ vinum multum potatum*. Gaudium vero virtutis purum est, non respersum tot amaritudinibus. Augustinus in libro Confessionum: Tu semper aderas misericorditer sæuiens, & amarissimis aspergēs offensionibus omnes illicitas iucunditates meas, ut ira quærerem sine offensione iucundari: & ubi hoc possem, non inuenirem quidpiam præter te Domine. Tertio in dignitate. Gaudium enim virtutis est de iis de quibus dignum est gaudere. Vnde super illud Galat. 5. *Fruitus Spiritus, est charitas, gaudium*, dicit gloss. id est, elatio animi de his quæ digna

sunt gaudii: gaudium mundi de indignis est. Seneca. In voluptate nihil est magnificum, nihil quod naturam Deo proximā deceat membrorum vilium ac turpium ministerio veniens, exitu fœda. Prouerb. 3. *Stultorum exultatio ignominia.* Item 15. *Stultitia est gaudium stulto.* Et Dominus gaudenti Hierusalem, fletus ait, *Si cognovisses & tu.* Luc. 19. Innuens cœcitatē causam esse illius gaudii. Prouerb. 2. *Qui letantur cum malefecerint, & exultant in rebus pessimis.* Augustin. Quid est seculi gaudium? breuiter dico: Seculi lætitia est impunita nequitia: scilicet luxuriari, in spectaculis vagari, ebriofitate ingurgitari, turpitudine fœcere, & nihil mali pati, hoc gaudiū deterius est dolore. Peius est enim gaudere de iniquitate, quā dolere de corruptione, vt ait Augustinus. Quarto in salubritate. Gaudiū virtutis salubre est faciens contemni gaudia vana. Ecclesiast. 1. *Vbi multa sapientia, multa est indignatio.* Vbi enim sapor virtutum sentitur, iucunditas carnalis despicitur: quia gustato spiritu, desipit omnis caro, iuxta verbum Augustini. Item facit triumphare de diabolo. Vnica enim ratio vincendi inimicum, est lætitia spiritualis, vt ait Antonius. Ecclesiast. 30. *Iucunditas cordis hac est: vita hominis & thesaurus sine defectione sanctitatis.* Qui gaudium sentit in vita bona, perseuerare potest in ea: e contrario in mœrore animi deicitur spiritus. Prouerb. 15. Deicietur inquam ab altitudine virtutū. Gaudium vero mundi noxium est. Nec mirum cum sit à Deo maledictum. Lucæ 6. *Va vobis diuitibus, qui hic habetis consolationem vestram, &c.* Si quis non audeat gustare cibum ab aliquo sancto maledictum, quanto minus maledictum à Deo? Gaudium illud hominem infatuat: vt patet in Salomne. qui non prohibuit cor suum quin omni voluptate frueretur. Ecclesiast. 2. Et infatuatus est. 3. Reg. 11. Iob. 28. *Sapientia non inuenitur in terra suauiter viuentium.* Hoc gaudium in dolorem verteretur. Prouerb. 14. *Extrema gaudiū luctus occupat.*

## CAPVT X.

De his quæ faciunt ad gaudium  
Virtutis.

ET notandum quod octo sunt quæ facere videntur ad gaudium eius in quo virtus est. Primo conscientie puritas. Animus enim generosus potius quiescit in lecto conscientie, quando est mundus, quā quando est immundus, naturaliter abhorrens immunditiam. Vnde super illud Galat. 5. *Fructus Spiritus, est charitas, gaudium,* dicit gloss. id est, puritas animi. Secundo sanitas virium animæ quam gratia facit. Anima sanata maiorem quietem habet. Prou. 16. *Dulcedo animæ sanitas est.* id est, virium. Chrysost. Gratia est sanitas mentium. Tertio libertas. Peccator ligatus est ante aduentum gratie seruitute peccati, vt non possit facere quod vult superior pars rationis, iuxta illud Prou. 5. *Iniquitates sue capiunt impium, & funibus peccatorum suorum quisque constringitur.* August. in lib. Confessi. Suspirabam ligatus non ferro alieno, sed mea ferrea voluntate: velle meum tenebat inimicus, & inde mihi catenam fecerat, & constrinxerat me, quippe ex voluntate peruersa facta est libido: & dum seruitur libidini, facta est consuetudo: & dum consuetudini non resistitur, facta est necessitas. Gratia vero Spiritus sancti adueniens libertatem in homine facit. 2. Cor. 3. *Vbi Spiritus Domini, ibi libertas.* Quarto quies à cruciatu tumultuosarum cogitationum & inordinatarum affectionum, & à cruciatu vermis conscientie: Ab illis enim vis gratie cor liberat. Omnes qui illicita apperunt, vel in hoc mundo aliquid videri volunt, densis cogitationum tumultibus in corde comprimuntur, vt ait Greg. Sancti vero, quia nihil huius mundi appetunt, nullis proculdubio in corde tumultibus opprimuntur, vt idem Greg. ait. Item mali cruciantur in corde inordinatis affectionibus,

Octo generant gaudium animæ.  
1.

2.

3.

4.

Augustin. in lib. Confess. Iussit Deus, & sic est vt poena sibi sit inordinatus animus. Alii cupiditate cruciantur, quasi fame & siti insatiabili bonorum temporalium, qui cruciatus non cessat, nisi Dei gratia famē & sitim huiusmodi sedet. Seneca. Si vis animum in perpetua voluptate esse, non voluptatibus adiiciendus est, sed cupiditatibus detrahendus. Augustinus. Qui biberit de fluuio paradisi, cuius gutta vna maior est quam Oceanus; restat vt in eo sitis mundi huius extincta sit. Alii autem timore cruciantur habentes caput tremulum sicut campana. Iob. 15. *Sonitus terroris semper in auribus eius, & cum sit pax, ille semper insidias suspicatur.* Alii cruciantur inuidia, amittentes quidquid alii luxantur: alii exuruntur ira. Has affectiones gratia cessare facit: vnde animus quiescit & iacundus est. Item peccatorem vermis conscientiae cruciat, Hierem. 2. *Scito & vide quam malum & amarum est reliquisse te Dominum Deum tuum.* Augustin. Tale bonum est Deus, vt nemini eum deserenti bene sit. Hæc est prima vindicta quam sumit Deus de peccatore, non sinens dedecus culpæ esse sine decore vindictæ. Seneca: Scelera etiam si non sunt deprehensa cum fierent, sollicitudo cum ipsis abiit. Poet. Prima est hæc vltio, quod se iudice nemo nocens absoluit. Cum gratia hunc vermem cessare facit, animus quiescit, sicut aliquis melius quiescit in lecto suauis, quam spinis pleno. Cantic. 1. *Lectulus noster floridus.* Lectulus inquam conscientiae. De conscientia potest dici, quod dixit Philosophus Zeno de vxore. Vxor, inquit, aut perpetuale refugium est, aut perenne tormentum. Quinto conuenientia virtutis cum natura. Bene enim conuenit natura cum virtute iuxta verbū Bernard. Chrysost. Gratia est cordis delectatio. Prouerb. 3. *Lux iustorum latificat.* Lux iustorum gratia est, quæ naturæ coniuncta latificat. Sexto incunditas boni operis. Psalm. *In custodiendis illis retribuo multa.* gloss. non tantum pro eis in fu-

turo reddetur præmium: sed hinc in eorum custodia magnum est gaudiū. Cuius gaudiū ratio potest esse quod opus virtutis est in medietate: natura vero in modis delectatur, & in extremis contristatur: vt visus delectatur in viridi colore qui medius est inter album & nigrum. Sicut mulier naturaliter gaudet cum peperit filium: si autem perperisset basionem, vel aliud contra naturam, doleret: sic anima gaudet quando bonum opus fecit, tanquam fructum sibi competentem: & contristatur de malo opere, tanquam de sortu contra naturam. Ioan. 17. *Mulier cum parit, & cætera, propter gaudiū, dicunt virtutes, Esa. 3. Panem nostrum comedemus, & vestimentis nostris operiemur.* In operibus enim earum quædam spiritalis resectio est. Septimo discretum regimen corporum. Hi in quibus virtus est, non habent tot molestias ex parte corporis, & diutius viuunt, quia corpus discrete regunt. Ecclesi. 25. *Beatus qui habitat cum muliere sensata.* Mulier sensata est caro disciplinata. Seneca. Potest nostra prouidentia longiorem prorogare huic corpusculo moram, si voluptates quibus maior pars perit, poterimus regere & coercere. Octauo quod bonivoluntatem suam conformant voluntati diuinæ. Vnde sicut voluntas Dei impletur, ita voluntas eorum. Augustin. Iugum Christi suaue est, & onus eius leue: quia qui huic iugo subiectus est, cætera ei subiecta sunt, & nihil ei repugnat. Non habent mali pacem, qui Deo resistunt. Ioel. 9. *Quis resistit ei, & pacem habuit?* Seneca. Vir bonus quidquid ei accederit, æquo animo sustinebit: scit enim hoc accidisse, ex lege diuina ex qua vniuersa procedunt. Via virtutis in principio habet aliquid difficultatis: quia inconsumpta est. Hieron. Insuauem & asperam fecit nobis viam virtutum longa consuetudo peccandi, *Dulce est lumen, & delectabile oculis videre solem.* Ecclesi. 11. & tamen lux solis contristat oculos tenebris assuetos: sic via virtutum in principio est molesta, sed post-

iucunda efficitur gratia & assuetudine. Bernardus. Facillimum esset & delectabile adiuncto Dei amoris condimento secundum naturam vivere, si insania nostra nos permitteret, quia sanata statim naturalibus natura arridet. Tullius: Optima forma viuendi eligenda est, quam incundam reddet assuetudo. Glossa super illud Matth. 11. *Iugum meum suauis est*. Angusta est via quæ ducit ad vitam: quia non nisi angusto initio incipitur: processu vero temporis ineffabili delectationis dulcedine dilatur. Prouerb. 4. *Ducam te per semitas aequitatis, quas cum ingressus fueris, non arctabuntur gressus tui*. Seneca. initium eundi ad virtutes arduum est: quia hic primum imbecillæ mentis, & ægræ est inexpectata formidare: itaque cogenda est ut incipiat, delectat dum sanat. Aliorum remediorum post sanitatem voluptas est philosophia, pariter & salutaris & dulcis est.

## CAPUT XI.

De commendatione Virtutis, facta  
comparatione ad bona futura.

COMPARATIONE ad futura bona commendabilis est Virtus multipliciter. Primo, quia signum est quo distinguuntur recipiendi ad gloriam æternam à non recipiendis. Ephes. 4. *Nolite contristare Spiritum sanctum in quo signati estis &c.* Apocal. 3. *Ecce dedi osium apertum coram te, quod nemo potest claudere, quia modicam habes virtutem*, id est, humilem virtutem. De defectu huius signi conquirentur damnati in inferno. Sapient. 5. *Virtutis* (inquit) *nullum quidem signum valimus ostendere*. Item virtus pignus & arra est hereditatis æternæ. Ephes. 1. *Signati estis spiritu promissionis sancto, qui est pignus hereditatis nostræ*. Quidam tamen codices melius habent, arram. Gloss. Intereff inter arram & pignus: quia pignus quando datur, soluto eo pro quo ponitur,

aufertur. Arra vero est cum de ipso pretio datur aliquid quod non est auferendum, sed complendum. Virtus vel gratia est arra beatitudinis: quia quædam inchoatio eius est. 2. Corint. 1. *Signauit nos & dedit pignus Spiritus in cordibus nostris*. Item vnctio est ad regnum: non ad regnum Franciæ, sed ad regnum gloriæ. Serua vnctionem, securus es de regno. 1. Ioan. 2. *Et vos vnctionem quam accepistis ab eo, maneat in vobis*. hanc vnctionem facit Deus ipse. 2. Corint. 1. *qui vnxit nos, Deus est*. Nec solum vnctio est ad regnum futurum: immo per ipsam viri sancti vitam ducunt regiam in præsentia. Luc. 18. *Regnum Dei intra vos est*. Rom. 13. *Regnum Dei non est esca, & potus, sed iustitia, & pax, & gaudium in spiritu sancto*. Non solum regnum Dei dicitur esse in cordibus sanctorum: quia Deus in eis regnat, cuius imperio in omnibus obediunt: sed etiam quia ipsi quodammodo regnant ad Dei similitudinem. Omnia enim & prospera & aduersa seruiunt eis, & cooperantur in bonum. Seneca: Si vis omnia tibi subiicere, subiice te rationi. Idem: Vis habere honorem magnum? imperium dabo tibi, impera tibi. Bernardus. Non putent diuites huius sæculi fratres Christi possidere sola cœlestia, quia audiunt Christum dicentem: Beati pauperes, &c. possidēt & terrena. Fidelis homini totus mundus diuitiarum est. Plane totus, quia tam prospera quam aduersa opus ipsius æquē omnia seruiunt ei & cooperantur in bonum. Sapient. 17. *Omnia transfigurata omnium nutriti gratia tua deseruebant*. Item virtus vel gratia pretium est regni cœlestis. Rom 6. *Gratia Dei vita æterna*. Macrobius: Quamquam sapientibus conscientia ipsa factorum egregiorum amplissimū virtutis est præmium: tamen illa diuina virtus stabiliora quædam præmiorum genera desiderat: Virtus est pretium quodammodo ipsius Dei. Augustinus in libro de Ciuitate Dei; Præmium virtutis erit ipse qui virtutem dedit.



## CAPVT XII.

## De commendatione Virtutis, auctoritate Saluatoris.

**Q**uinto commendabilis est virtus auctoritate Saluatoris, qui virtutem monet quærere, cum bona terrena consulat relinquere. Matth. 6. *Primum quaerite regnum Dei, & iustitiam eius, &c.* Matth. 19. *Si vis perfectus esse, vade & vende omnia que habes, & da pauperibus, &c.* August. Cum ea quæ Deus laudat & promittit, ab illo petitis, securè petite. Illa enim Deo propitio conceduntur. Quando autem petitis temporalia, cum modo petite, & cum timore illi committite, vt si profint, det: si scit obesse, non det. Quid enim oblit vel profit medicus nouit, non ægrotus. Amatores virtutis Christus beatos prædicat, cum contemptores temporalium beatos dicat. Matth. 5. *Beati pauperes spiritu, &c.* Et in eodem. *Beati qui esuriunt & sitiunt iustitiam, quoniam ipsi saturabuntur.* Cum Christus pauperrimus esse voluerit quantum ad bona temporalia, tamen quantum ad virtutes ditissimus voluit esse, vnde Ioannes refert se vidisse eum plenum gratiæ. Ioann. 1. Et in eodem: *De plenitudine eius nos omnes accepimus.* Præmiserat Deus diuersos sanctos in mundum ad diuersas virtutes ostendendas: tandem venit ipse in propria persona eas docere, & per experientiam addiscere. Greg. in Moral. Ad ostendendam innocentiam venit Abel. Ad docendam munditiam venit Enoch. Ad insinuandam longanimitatem spei & operis venit Noe. Ad manifestandam obedientiam venit Abraham. Ad demonstrandam coniugalis vitæ castimoniam venit Isaac. Ad insinuandam laboris tolerantiam venit Iacob. Ad rependendam pro malo bonæ retributionis gratiâ venit Ioseph. Ad ostendendam mansuetudinem venit Moyses. Ad insinuandam

dam contra aduersa fiduciam venit Iosue. Ad ostendendam inier flagella patientiam venit Iob. Magisterium man suetudinis & humilitatis sibi ascribit Saluator. Matth. 11. *Discite à me, inquit, quia mitis sum, & humilis corde.* Et eiusdem 10. docet prudentiam: *Estote, inquit, prudentes.* Et Luc. 21. sobrietatem: *Attendite vobis, ne forte grauentur corda vestra in crapula & ebrietate.* Ioan 13. charitatem, humilitatem, in ablutione pedum. Eiusdem 15. charitatem: Ceteras virtutes similiter docet, sicut patebit, cum de singulis virtutibus tractabitur. Addiscere etiam eos voluit per experientiam. Vnde Lucas ostendit eum profecisse sapientia, & ætate, & gratia apud Deum & homines. Lucæ 2. Et ad Hebr. 5. *Cum esset filius Dei, ex his quæ passus est, didicit obedientiam.* Non parum efficax est exemplum virtutum Christi. Augustinus. Exemplo virtutum Christi nostra vitia curantur, vt id quod ostendit esse faciendum, non solum sine murmure, sed etiam cum delectatione faciamus.

Quid propriū Christo.

## CAPVT XIII.

## De commendatione Virtutis à multiplici suo effectu.

**S**exto commendabilis est virtus à multiplici suo effectu. Vnus effectus eius est, quo à malis defendit. Vnde quidam dixit, virtutem dici, eo quod vi tueatur possessorem suum. Ideo Dominus exponere noluit post passionem suam discipulos periculis antequam virtute muniti essent. Lucæ 24. *Sedete in ciuitate quousque induamini virtute ex alto.* Seneca: Nullus contra fortunam inexpugnabilis murus est: intus instruamur, si pars illa ruta est, pulsari homo potest, capi non potest. Tullius: Mors terribilis est his quibus cum vita omnia extinguuntur: Sapientis animus virtutibus omnibus & manibus sepius est. Item virtus etiam bona tem-

B iiii

poralia discrete disponit. Vnde Augustinus. Deus ostendit in opulentissimo & præclaro imperio Romanorum quantum valerent ciuiles etiam sine vera religione virtutes, vt intelligeretur hac addita homines fieri ciues alterius ciuitatis, cuius rex veritas, cuius lex charitas, cuius modus æternitas. Vnicum vitium, vt superbia, vel ira, vel odium, occasio est quandoque destructionis vnius regni. E contrario virtus vna occasio est conseruationis. Item virtus felicem communicationem facit in anima. Stabulum enim conuertit in templum, desertum in cœlum, habitationem dæmonum in Dei habitaculum. Esa. 35. *In cubilibus in quibus prius habitabant dracones, orietur viror calami & iunci, & erit semita, & via sancta vocabitur.* Hoc tecum anima virtutibus ornatur in amœnum Dei habitaculum, quæ prius erat habitaculum dæmonum. Conscientia peccatoris bestialiter viuentis, quasi stabulum est. Bernardus. Puto iumenta dicerent, si loqui fas esset: Ecce Adam quasi vnus ex nobis factus est. Augustinus: Domine, merito dedignaris inhabitare corda infidelium, fornacem corruptionis, domos luteas, cloacam immunditiæ. Conscientia etiam peccatoris quasi desertum est. Ioel. 2. *Quasi hortus voluptatis terra coram eo, & post eum solitudo deserti.* Item virtus siue gratia animam abominabilem peccato, adeo decoram efficit, quod eius decorem rex gloriæ concupiscit. *Concupiscit rex decorem tuum.* Gratia deformitatem diabolicam expellit, & decorem diuinum introducit. Decorem animæ habentis gratiam, sol & luna mirantur: quia decor illorum decore illius vincitur. Væ illis qui de hoc decore non curant, cum tamen in omnibus suis decorem quærant. Augustinus: Cum iniquis omnia sunt pulchra, & ipsi sunt turpes. Diogenes, cum illi domum suam turpis formæ ostenderet, omnibus in ea locis lapidibus & auro nitentibus, in faciem domini expuit, dixitque, aliud vi-

lius in domo illa non respexisse. Simile huic accidit in peccatore decorem propriū negligente, & in aliis pulchritudinem exquirente. Item virtus vel gratia lux est, eum in quo est non sinens periculose errare. 1. Ioan. 2. *Vnctio eius docet vos de omnibus.* Sine hac luce homo in periculo est in mundo isto. Esa. 9. *Habitantibus in regione umbra mortis lux orta est eis.* Sine hac luce non habet homo veram lætitiā. Tobia. 5. *Quale gaudium mihi erit, qui in tenebris sedeo, & lumen calis non video?* Item virtus hominē pretiosum facit, Proverb. 16. *Pretiosus spiritus vir eruditus.* Sicut prudentia hominē reddit pretiosum, sic & temperantia. Ecclesiast. 26. *Omnis ponderatio non est digna continentis animæ.* Idem intelligendum est de cæteris virtutibus. Vnde virtus similis est virtuti quæ dicitur esse in lapidibus pretiosis, quæ vnum modicum lapidem præualere facit multis magnis lapidibus communibus. Sic vnus homo virtutem habens videtur præualere multis hominibus, virtutem non habentibus. Ecclesiast. 16. *Melior est vnus timens Deum, quam mille filij impij.* Ex hoc perpēdi potest fatuitas hominum qui tantū desiderant meliorationē rerum suarum, de sui melioratione non curantes, nolentes laborare vt virtutes habeant quæ adeo meliorarent eos. Ad ostendendam pretiositatem hominum in quibus virtus est, designati sunt viri virtutis, scilicet duodecim Patriarchæ, vel duodecim Apostoli, in duodecim lapidibus pretiosis, qui fuerunt in rationali. Exod. 28. Et in duodecim lapidibus pretiosis, qui erunt in fundamento spiritualis Hierusalem. Apocalyp. 21. Item virtus mira efficit. De mirabilibus eius effectibus patebit cum de singulis virtutibus agetur. Sed quantum ad præsens, ipsa operatur mira in cœlo, in mundo, in inferno, & in corde humano. In cœlo, quia regno cœlorum vim facit, dum illis, qui per peccatum illud sibi clausierant, illud aperit. In mundo, quia hominem ne in mari huius mundi mergatur

Virtutis  
operatio  
mira in  
quatuor.

tur custodit. Gen. 1. *Spiritus Domini ferebatur super aquas.* Esaia. 43. *Cum transferis per aquas, tecum ero, & flumina non obruent te.* Ab igne etiam tribulationis defendit. Esa. 44. *Cū ambulaueris in igne, non combureris.* Ipsa est ros, eos qui fidem habent Trinitatis, in fornace Babylonica custodiens. Daniel. 3. In inferno: quia ignis infernalem, quantum ad illum in quo est extinguit, ut nihil possit ignis ille in eum in quo gratia vel virtus est. In corde verò humano: quia plus potest vna gutta gratiæ ad extinguendum ibi ignem concupiscentiæ, quam totus mundus. Plus etiam valet ad repletionem cordibus humanis, quam omnes diuitiæ mundi. Vna gutta gratiæ Pharaonem infernalem cum exercitu vitiorum submergit in amaritudine contritionis, quasi in mari rubro. Hæc sola cor humanum replere potest. Acto. 2. *Repleti sunt omnes spiritu sancto.* Ioan. 3. *Qui biberit ex aqua quam ego dabo ei, non sitiet in aeternum.* Sine gratia anima est sicut terra sine aqua, quæ in puluerem euanesceat. Psalm. 1. *Non sic impij, non sic &c.* Anima sine gratia, est quasi terra maledicta, spinas & tribulos germinans Genes. 3. Homo absque gratia est velut inermis in medio inimicorum suorum positus, qui undique sagittatur: nocent enim ei, & prospera & aduersa. Thren. 3. *Tetendit arcum suum, & posuit me quasi signum ad sagittam.* Item gratia vel virtus vita spiritalis est. Homo sine gratia est velut mortuus. Ecclesiast. 9. *Melior est canis viuus leone mortuo.* Glos. Canis viuus, pauper iustus, leo mortuus, potens iniquus. Homo sine gratia quasi nihil reputatur. Esa. 40. *Omnes gentes quasi non sint, sic sunt coram eo.* Gentes sunt gentiliter viuentes. Psal. *Ad nihilum deductus est in conspectu eius malignus &c.* Esa. 41. *Omnes gentes quæ pugnant aduersum te, erunt quasi non sint.* Esse laudabile, & quod alicuius valoris est, esse gratiæ est. 1. Corinth. 15. *Gratia Dei sum id quod sum.* Ipsa potentia recipiendi gratiam videtur præualere toti

mundo, cuius signum est quod damnatis potius videretur expedire esse in statu, in quo gratiam possent recipere, quam totum mundum habere. Homo sine gratia vel virtute est velut arbor arida incendio infernali apta. Luc. 23. *Si in viridi ligno hoc faciunt, in arido quid fiet?* Eccles. 6. *Non te extollas in cognitione animæ tuæ velut taurus: ne forte cecidatur virtus tua per stultitiam.* Et subditur: *Et relinquareis velut lignum aridum in eremo.* Figura hominis absque gratia, est ficus maledicta à Domino, & arefacta. Matth. 21. Vita gratiæ multum est amanda. Cum enim triplex sit vita: naturæ scilicet gratiæ & gloriæ, vita naturæ valorem suum habet ex vita gratiæ. Seneca. *Non viuere bonum est, sed bene viuere.* Vita naturæ viuunt & dæmones & animæ damnatæ, quibus bonum esset non esse. Vita vero gloriæ acquiritur per vitam gratiæ. Filius Dei vitam gratiæ morte sua voluit restaurare, & sustentandam eam pabulo doctrinæ vel exemplo feretriginta tribus annis voluit in miseria huius mundi manere. Item virtus vel gratia hominem super se leuat. Thren. 3. *Leuauit se super se.* Seneca. *O quam contempta res est homo nisi supra humana surrexerit.* Item, virtus non solū grata est Deo, immo est ipsa gratia hominem faciens gratum Deo & opera eius. Sine ea nullus Deo gratus est, cum ea nullus potest esse quin sit Deo gratus. Vnica gutta gratiæ si in diabolo esset, ipsum Deo gratum faceret. Omnes in quibus gratia non est, filii sunt iræ. Gratius est vnicum opus ex gratia factum, quam infinita absque gratia. Ex hoc perpendi potest fatuitas eorum quibus gratia grata non est, qui vel mala sua vel bona contemptibilia ei præponunt. Seneca. *Adeo gratiosa est virtus, ut insitum sit malis probare meliora.* Seneca in epistolis: *Errare mihi visus est qui dixit: Grator est pulchro veniens ex corpore virtus.* Non enim villo honestamento eget: ipsa magnum sui decus est, & corpus suum consecrat.

Vita triplex.

## SECUNDÆ PARTIS PRINCIPALIS

*De tribus virtutibus Theologicis. Tractatus primus unicum continet capitulum, in quo succincte de numero & ordine earum in communi agitur.*



Idum est de Virtute in cōmuni: nunc dicendum est de speciebus virtutum. Et primo de Theologicis, scilicet Fide, Spo, & Charitate. De quibus. 1. Corinth. 13. *Nunc manet fides, spes, charitas.* Hic scientia & prophetia militant: vt dicit ibi gloss. August. in lib. de Trinitate dicit quod propter ista tria in animo ædificanda omnium diuinorum librorum machinamēta consurgunt. Ideo vero prius dicitur de theologicis quam de cæteris, quia theologicæ ordinant animam ad finem supremum: cæteræ vero circa ea quæ sunt ad finem illū. In intentione vero operantis, prior est finis his quæ sunt ad finem. Secundum enim naturā finis, sumūtur ea quæ sunt ad finē: Causa finalis causa causarū est. Secundū enim exigentiā finis causa efficiens eligit materiam, & in materia electa intendit acquirere formam competentem fini. v.g. Qui vult facere instrumentum ad secandum, eligit materiam duram. Si enim esset mollis, potius cederet quam secaret. In materia vero dura, acquiritur forma acuta: si enim obtusa esset, non esset penetratiua, neque idonea ad secandum. Sic finis in intentione operantis, prior est his quæ sunt ad finem, tanquam quædam causa motiua ad illa. Et virtutes Theologicæ quæ ordinant ad finem supremum, priores sunt cæteris virtutibus, quæ disponunt animam ad ea quæ sunt ad finē. Tres vero sunt, quia necesse habemus finis bonitatem cognoscere & desiderare, & aliquam fiduciam obtinendi habere, vt scilicet agnoscamus quo debeamus tendere, & velimus venire, & speremus posse peruenire. Non enim tentanda sunt quæ omnino ef-

fici non possunt vt ait Sapiens: Fide bonitatem finis agnoscimus, Charitate desideramus, Spe fiduciam obtinendi habemus. Quum tria exigantur ad bene operandum, scire posse, & velle, & scire nostrum propter peccata sit diminutum in vi rationabili, & posse in irascibili, & velle inordinatum in concupiscibili, fides supplementū est cognitionis in rationabili, spes supplementum fortitudinis in irascibili, charitas est inordinatiua voluntatis in concupiscibili. Fide cognoscimus supremum finem siue summum bonum esse bonum se communicans. Ex qua cognitione duæ affectiones oriuntur: scilicet spes, ex eo quod cognoscitur liberalissimus bona sua communicādo, & desiderium, ex eo quod cognoscitur esse bonum quo nihil melius potest desiderari. Bonum enim est quod desideratur ab omnibus, vt ait beatus Dionysius. Etiam secundum Aristotel. Omnia bona exoptant. Vita hominis absque lumine fidei vaga est; nesciens quò tendat Ioan. 12. *Qui ambulat in tenebris, nescit homo quò vadat.* Homo absque fide ad molam temporalium istorum circuit ad modum Samsonis exoculati. Iudi. 16. æterna nec cognoscens, nec cupiens. Psalm. *In circuitu impij ambulant.* Item: *Viam ciuitatis habitaculi non inuenerunt.* Ecclesiast. 10. *Labor stultorum affliget eos qui nesciunt ad urbem pergere.* Thren. 4. *Errauerunt cæci in plateis.* Fide homo in via dirigitur. Et quia via ardua est, spe omnipotenti innititur. Et per charitatem suauitate summi boni trahitur. Trahit enim sua quæque voluptas. Cantic. 8. *Qua est ista qua ascendit de deserto, delicijs affluens, innixa super dilectum?* Augustinus in libro de libero arbitrio. Tanta est iucunditas diuini

Psalm. 11

Tria ad bene operandum exiguntur.

aspectus, quod non potest videri sine amore. Harum trium virtutum est mentē virginem castam exhibere Christo. Virginitas enim mentis (vt ait Augustinus) consistit in hoc quod fides sit integra, spes solida, & charitas sincera. Et vt ait idē Augustinus in libro de doctrina Christiana: homo fide, & charitate subnixus, & eas inconculse retinens, non indiget scripturis, nisi ad alios instruendos. Et subdit: Multi per hæc tria etiam in solitudine fi-

ne codicibus viuunt. Fides (vt ait Augustinus) nos Deo supponit, spes erigit, charitas vnit. Fide agnoscimus nos sub Deo esse, & debitores esse seruiti. Spes nos eleuat, vt audeamus aggredi quod supra vires nostras est. Charitas vero nos facit vnū esse cum Deo. Amor enim est vis vnitiva, vt dicit Dionysius. Inter virtutes theologicas prius de Fide dicetur: quia actus fidei prior est actu spei & charitatis: vt patebit inferius.

## SECUNDÆ PARTIS PRINCIPALIS DE VIRTUTIBVS THEOLOGICIS, TRACTATVS SECVNDVS DE FIDE.

### CAPVT PRIMVM,

*De ordine dicendum in hoc tractatu, & de necessitate fidei.*



**D**E Fide verbū hoc modo dicemus. Primo ostendemus necessitatem huius virtutis. Secundo descriptiones eius ponemus. Tertio, de vnitatem fidei tangemus. Quarto, commēdationi ipsius insistentem. Quinto, tangetur de articulis. Sexto, de erroribus & causis errorum. Septimo, ad diuersitates fidei descendemus. Circa primum, notandum quod cū homo sit ab aliquo, & sub aliquo, & ad aliquid, & supra aliqua, necesse habet cognoscere illum à quo est, ne sit de tāto beneficio ingratus, & per consequens cæteris beneficiis indignus. Bernardus. Ingratitudo est ventus vrens, siccans sibi fontem pietatis, rorem misericordiarū, fluentia gratiarū. Item, necesse habet cognoscere eum sub quo est, ne sit inutilis seruus, & per consequens iræ Domini pœna dignus. Prouerb. 14. *Acceptus est regi minister intelligens: iracundiam eius inutilis sustinebit.* Matth. 25. *Seruum inutilem proiците in tenebras exteriores.* Circa illū vero sub quo

est, necesse habet cognoscere & eius maiestatem, vt sciat eum glorificare. Maiestas est quod significatur per hoc aduerbium, summe: quum dicitur: summe potens, summe sapiens, summe bonus. Et quæ sit eius voluntas, vt sciat ei ad eius beneplacitum seruire. Et iustitiam, & misericordiam eius in seruos suos, & exhibitam & exhibendam iustitiam in offendentes, misericordiam in debito modo seruientes. Item necesse habet cognoscere illud ad quod est. Sine hac cognitione erit in mari huius mūdi quasi sopitus gubernator amisso clauo. Prouerb. 23. Et nescit se dirigere: nescit se regere qui ignorat quo debeat tendere. In exilio etiam huius mūdi quasi in patria appetit manere. Gregor. Qui peregrinationem pro patria appetit, inter dolores dolere nescit. Item in itinere præsens vitæ & fatigabitur, & quiete finis frustrabitur. August. in lib. Confess. Domine fecisti nos, ad te inquietum est cor nostrū donec requiescat in te. Necesse etiam habet cognoscere à quo teneat ea supra quæ positus est, ne sit infidelis seruus in his in

quibus solum ministeriū habet, sibi vsurpans dominium, vel alii quam debeat seruitutem reddens: & ita qui pro fidelitate fuerat remunerandus, pro infidelitate sit puniendus. Matth. 25. *Euge serue bone & fidelis quia super pauca &c.* Et Lucā. 16. *Si in alieno fideles non fuistis, quod vestrum est quis dabit vobis?* Alienum est bonum transitorium, nostrum est bonum æternū. Bernard. in quodā sermone aduersus. Terrenā diuitiā nec vestrā nec nostrā sunt. Et paulo post: Denique si vestra sunt hæc, tollite ea vobiscum, Psalm. *Homo cum interierit non sumet omnia, nec descendet cū e gloria eius.* Conuenientiū. nus vero modus cognoscendi prædicta per fidē est: nec mirandum est si oportet habere cognitionem per fidem de patre inuisibili à quo sumus, quum etiam de parentibus carnalibus aliter cognitio haberi non possit: vt ostendit Gregor. 4. libr. dialog. his verbis: Audenter dico, quia sine fide neq; infidelis viuit. Sieundem infidelem percontari voluerō, quem vel quam matrem habuerit, protinus respondet illum atque illam: quem si statim requiram: vtrum nouerit quando conceptus sit, vel viderit quando natus fuerit, nil vel vidisse, vel nouisse minime fatebitur: & tamen quod non vidit, credit. Item si de ipso suo visibili corpore credunt quod minime viderunt, cur inuisibilia non credunt, quæ corporaliter videri non possunt? Iste modus cognoscendi & Deo est gloriosus, & homini meritorius, & laude dignus, & hunc requirit natura eorum quæ cognoscenda sunt, & etiā natura eorum qui cognituri sunt. Quod Deo sit gloriosus, ex hoc patet quod gloriosum est principi si simplici verbo eius credatur absque cautione pignoris, vel iuramenti, vel fideiussoris. Ignominiosum vero est ei si simplici verbo eius non credatur. Etiam cuilibet viro notæ bonitatis & sufficientis facultatis molestum est, si simplici verbo eius non credatur: quanto magis Regi gloriæ qui nec falli, nec fallere potest, displicet, si non credatur verbis

eius sine cautione rationum quam quærūt gētiles, vel cautione signorum quam quærunt Iudæi? 1. Corinth. 1. Iudæi signa petunt, Græci sapientiam quærunt. Quantum Deus ostendatur per hoc ostendit Matth. 12. & 16. *Generatio mala & adultera signum quærit.* Eiusdem. 17. *O generatio incredula & peruersa vsquequo patiar vos?* Hippocrates & Pythagoras indixerūt hanc legem discipulis suis, vt non essent ausi in sententiis suis interrogare, propter quid: sed esset eis pro ratione dicētis auctoritas: quanto magis auctoritas diuina pro ratione habenda est? Meritorius etiam est homini hic modus cognoscendi. Cum enim homo assentit Deo in his quæ non sunt sensui manifesta, nec per se nota intellectui, nec violentia necessariæ probationis ostensa libera est assensio illa, & ideo meritoria: assensio vero qua homo assentit vel manifestis sensui, vel per se notis intellectui, vel necessario probatis, meritum non habet, quia quasi coacta est. Vnde gloss. super illud Hebræos. 10. *Habentes fiduciam in introitu sanctorum in sanguine Christi &c.* Fides non habet meritum vbi humana ratio, id est, humanus sensus præbet experimētum. Quæ gratia est creditori si sub bona cautione credat verba alicuius? Item hic modus cognoscendi laudedignus est. Non est virtuosum videre lucidū, sic nec credere quod manifeste probabile est. Sed virtuosum & laude dignum est credere Deo in his quæ sensus, vel ratio videtur dissuadere. Sicut fecit Abraham, de quo legitur Rom. 4. *Quod contra spem in spem credidit.* Glossa. Prior. Spes secundum naturam fuit, dum iuuenis ex iuencula secundum naturam sperauit sobolem, nec tamen habuit: modo contrarium illi spei sperauit, scilicet vt vetulus ex vetula sterili generaret. De eodem habes Genes. 15. dicit Dominus Abrahā: *Qui egredietur de utero tuo, habebis eum heredem:* Et ibidem. *Suspice cælum & numera stellas si potes, sic erit semē tuum.* Impossibilia poterant hæc videri, quum Do-

Meritorium si de credere.

minus concludisset Sarām. Genes. 16. Et quum ipsa consensuisset, & Abraham vetulus esset. Eiusdem. 18. *Et tamen credidit Abraham Deo, & reputatum est ei ad iustitiam.* Eiusdem 15. Similiter beata Virgo beatificatur. Lucæ. 1. quæ credidit angelo in illa sublimi promissione: *Beata, inquit, quæ credidisti &c.* Econtrario verò Moy- ses & Aaron puniuntur de incredulitate. Numer. 20. *Quia non credidistis mihi ut sanctificaretis me coram filiis Israel, non introducetis hos populos in terram quam daturus sum eis.* Et Zacharias similiter punitur. Lucæ. 1. *Ecce, inquit, angelus, eris taceas, & non poteris loqui usque in diem quo hæc fiant, pro eo quod non credidisti verbis.* Ecclesiast. 16. In gente incredibili exardescit ira. Apocalyp. 21. *Fimidis & incredulis pars illorum erit in stagno igne ardenti, & sulphure, quod est secūda mors.* Natura eorū quæ cognoscēda sunt, requirit hunc modū cognitionis, cum quædā eorum sint præterita, quædam futura. Et cum quædam sint in cælo, quædā in inferno. Quomodo enim de his omnibus cognitio haberi poterit, nisi per fidem? Præterea Deus, de quo hæc cognitio principaliter est, lucem habitat inaccessibilem, quam nullus hominū vidit, nec videre potest. 1. Timoth. 6. Exod. 33. *Non videbit me homo, & uiuet.* Esaia. 45. *Vere tu es Deus absconditus.* Ioā. 1. *Deum nemo vidit unquam, nisi unigenitus filius qui est in sinu patris, ipse enarrauit.* Et Matth. 11. *Nemo nouit filium, nisi pater: neque patrem quis nouit, nisi filius, & cui filius voluerit reuelare.* Credendum est ergo de Deo filio enarranti, & his quibus filius enarrauit, quum à nobis in præsentem videri non possit. Et secundum verbum Hilarii, soli Deo de se credendum est, qui se solus nouit. Bene credit Deo, qui credit sanctis in quibus Deus loquitur. Nec mirandum est si necesse habemus credere Deo de se, quum homini de interioribus suis necesse habeamus credere, 1. Corinth. 2. *Quis scit hominum quæ sunt hominis, nisi spiritus hominis qui in ipso est?*

Ita & quæ Dei sunt, nemo nouit, nisi spiritus Dei. Et subditur: *Nos autem non spiritum mundi huius accepimus, sed spiritum qui ex Deo est.* Gloss. Ambros. Manifestum est cogitationes à nullo sciri, nisi ab animo nostro. Nō timeas viris sanctis credere assensum tuum, cum Dominus eis crediderit sensum suum 1. ad Corinth. 2. *Nos autem sensum Christi habemus.* Gregorius etiam in quarto libro dialogorum dicit. Quisquis incredulitate inuisibiliū solidus non est, debet procul dubio maiorum dictis fidem præbere, eisque per Spiritum sanctum inuisibilium experimentum habentibus credere. Nam stultus est puer, si matrem ideo existimat de luce mentiri, quia ipse nihil aliud quā tenebras carceris nouit. Loquitur Gregorius de puero nato, & nutritio in carcere, cui mater quæ grauida de eo posita fuit in carcere, de luce solis quam ipsa quādoque nouit, loquitur. Natura etiam eorum qui cognituri sunt, hunc modum cognitionis requirit. Cognitio enim ista pertinet ad communitatem hominum, imo ad vniuersitatem. Est enim cognitio necessitatis, sine qua nō est salus. Heb. 11. *Sine fide impossibile est placere Deo.* Multi vero sunt qui capaces non sunt rationum, quibus eis persuadere possint ea quæ necesse est cognosci accedentibus ad Deum: vnde oportet eos credere his qui talium sunt capaces. Bruta animalia non sunt Dei perceptibilia: sic nec homines animales capaces sunt eorū quæ Dei sunt, nisi credendo viris spiritualibus. 1. Cor. 2. *Animalis homo nō percipit ea quæ Dei sunt.* Vbi ostendit gloss. August. quod animalis est quis vel in vita vel in sensu. Vita animalis est quam intra naturalis ordinis metas spiritus rector non continet, eo quod ipse Deo regendum se non subiicit. Animi vero sensu quis animalis est: quia de Deo iuxta corporum fantasiam, vel legis literam, vel rationē physicam iudicat. Iste modus cognoscendi supplet defectus aliarum cognitionum. Si alicui deficit visus, necesse habet credere alii de via & de aliis

quæ ad visum pertinent. Si est intellectus parui & rudis, necesse habet credere his qui habent magnum intellectum & exercitatum. Discentem enim oportet credere. Ergo quum prædicta sensui non subiaceant, & intellectus humanus secundum verbum Philosophi, se habeat ad diuinam essentiam sicut visus noctuæ ad solem, necesse est per fidem talia cognosci. Præterea cum Deus altissimus sit, non est possibile reperire scalam sufficientis rationis, qua quilibet ad eum attingat. Non attingit Nanus quocunque attingit Gigas: nec attingit qui est parui intellectus, ad comprehendendum per rationes omnia ad quæ attingit qui est magni intellectus. Item qui non appropinquat rei subtili, non potest eam videre, licet ille qui propinquus est, eam videat. Sic homines qui in sensibilibus cōmorantur, non appropinquantes studio vel exercitatione ad ea quæ sunt inuisibilia, non possunt ea agnoscere quæ agnoscunt qui studio & exercitatione propinquant. Philosophi Imperiti velut longe distantes speculantur. Item intellectus grossus subtili videre non potest. Qui habet turpidum oculum, non videt pilum quem videt qui habet clarum: non videt visus humanus, quidquid videt aquilinus. non potest ergo communitas hominum cognoscere quæ necesse est cognosci accidentibus ad Deum, nisi per fidem. Fides est qua intellectus humanus Deo subditus est, qui indubitanter subiectionem ei debet, sicut & affectus cum ab eo similiter sit. Nulla enim ratio est quare potius intellectus ab hac subiectione sit exemptus, quam affectus. Et cum duæ sunt partes legis Dei, scilicet testimonia & mandata: intellectus credit testimonia, sicut affectus implet mandata. Item cum intellectus induendus est gloria sicut & affectus, & gloria ipsius intellectus principalis videatur esse secundum id quod dicit glossa super illud Psal. *Ostendam illi salutare meum*: id est, Christum in maiestate. Hæc visio est tota merces. Intellectus hic gratia fidei in-

duendus. Quomodo enim fieret in futuro à Deo gloriosus, nisi in præsentī Deo esset gratus vel gratosus?

## CAPVT II.

## De descriptionibus Fidei.

**O**stenfa necessitate fidei ponēdæ sunt descriptiones eius. Prius tamen notandæ sunt diuersæ acceptiones huius nominis fides, vt apparet quomodo hic fidem accipiamus. Fides quandoque dicitur sponso. 1. Tim. 5. *Quia primam fidem irritam fecerunt*. Quandoque fidelitas. Prou. 20. *Virum fidelem quis inueniet?* Quandoque conscientia. Ro. 14. *Omne quod non est ex fide, peccatum est*. Quandoque creditum, vel collectio creditorum. Vnde Athanas. Hæc est fides catholica. Quandoque sacramētum fidei. Augustin. ad Bonifac. Quid est paruulos habere fidem, nisi fidei sacramentum? Quandoque fides informis. 1. Cor. 13. *Et si habuero omnem fidem, ita vt montes transferam &c.* Quandoque fides viuā, sic sumitur hic, & secundum hoc sic describitur. Heb. 11. *Fides est substantia rerum sperandarum, argumentum non apparentium*. Fides substantia est. Substantia stat sub accidentibus. ea supportans & sustinens, & non eget alio subiecto. Sic fides in ædificio spiritali substat, totum ædificium supportans & sustinens, non eget virtute aliqua quæ eam præcedat. Ipsa est firma petra supra quam sapiens ædificat domum suam. Matt. 7. & eiusdem 16. *Super hanc petram ædificabo Ecclesiam meam*. Petram vocat firmitatem fidei in Petro. Hoc fundamentum non timet, nec pluuiam, nec flumina, nec ventos. Nec mirum. Innixum enim est primæ veritati: Fides n. innititur primæ veritati. Matt. 7. *Descendit pluuia, & uenerunt flumina, & flauerunt venti, & nō cecidit, fundata a. n. erat supra firmam petram*. Pluuia quæ defursum venit, est imaginatio aeræ potestatis. Flumina quæ de montibus descendunt, sunt persecutiones



potentum. Venti dicuntur omnium tentationem genera. De hoc fundamento legitur. Corinth. 3. *ut sapiens architectus fundamentum posui.* Gloss. id est fidem Christi. Et paulo post: *Fundamentum aliud nemo potest ponere præter id quod positum est, Iesus Christus,* id est, fides Christi. 'Apo-calypt. 21. *Fundamentum primum iaspis.* Iaspis viridis est coloris, & fugat fantasmatum, & fidem significat, quæ viriditate æternorum oculos cordis delectat, & vanitatem huius mundi quæ quasi fantasma est fugat, dum fugiendum esse indicat. Augustinus. O munde immunde quid strepis? quid auertere conaris, tenere vis fugiens, quid faceres si maneres? Absque fundamento fidei vanum est ædificum spirituale: id est, vadens in nihilum. Sapient. 13. *Vanisunt omnes homines, in quibus non subest scientia Dei.* Scientia Dei, seu cognitio, fides est. Sine hoc fundamento est ædificium spirituale quasi supra arenam, quod necesse habet corruiere ad descensum pluviæ, vel impetum fluminis, vel venti. Matth. 7. *Descendit pluvia, venerunt flumina: & flauerunt venti, & irruerunt in domum illam, & cecidit.* In descriptione fidei res sperandæ ponuntur: quia digniores sunt inter ea quæ sunt fidei, & quia sunt finis. Sicut enim fides bonum inchoat, sic adeptio rerum sperandarum consummat. Actus vero sperandi potius nominatur ibi quam diligendi, quia immediatus est ad actum fidei: & quia sic notatur absentia eorum, de quibus est fides, diligere possunt & præsentia & absentia; sed non sperantur, nisi absentia vel futura. Fides autem dicitur substantia rerum sperandarum: quia causa est ut res quæ sperantur in futuro, in nobis subsistant. In præsentia etiam quodammodo facit eas in nobis subsistere. Per fidem enim futura bona menti nostræ quodammodo sunt præsentia: per eam etiam quæ inuisibilia sunt quodam modo videntur. Propter primum, dicitur substantia rerum sperandarum: propter secundum, dicitur argumentum

non apparentium. Gloss. Fides propriè est de his quæ non videntur. De visis enim non est fides, sed agnitio. & subditur: Hæc est laus fidei, si quod creditur non videtur. Fides dicitur argumentum non apparentium, quia est inuisibilibus certitudo: ut dicit gloss. super Galat. 5. ipsa est probans non probatum: dedignatur enim esse conclusio. Tria sunt quæ sequuntur ex hoc argumento, scilicet articulorum certitudo, vitæ rectitudo, præmij æterni celsitudo. De primo iam habitum est. De secundo habetur, Rom. 1. *Iustus autem ex fide vivit:* id est, vitam suam regit & disponit. De tertio, Ioann. 3. *Qui credit in filio, habet vitam æternam.* Fides nobis primo proponitur. Secundo vitæ rectitudo assumitur, ex quibus vita æterna concluditur. Ex certitudine fidei infertur vita æterna, tanquam ex imperfecta argumentatione. Ioan. 6. *Qui credit in me, habet vitam æternam.* Ex fide vero cum vitæ rectitudine, quasi ex perfecta argumentatione vita æterna infertur. Ex fide cum vitæ pravitate concluditur mors æterna. De qua conclusione. Ezech. 7. *Fili hominis fac conclusionem: quoniam terra plena est iudicio sanguinum, & civitas plena iniquitate.* Iacob. 2. *Quid proderit fratres mei si fidem se dicat quis habere: opera autem non habeat, nunquid poterit fides salvare eum?* Secundum Chrysost. Fides maiorum est, argumentum fidei minorum. Confirmatur enim fides in minoribus per hoc quod tot & tam sancti homines eam tenuerunt. Et notandum quod ad viam fidem duo pertinent, scilicet primam veritatem cognoscere, & in ea tanquam summum bonum vel beatitudinem tendere. Quantum ad primum, dicitur fides argumentum non apparentium. Quantum ad secundum, dicitur substantia rerum sperandarum. Item fides sic describitur ab Augustin. in libro de Prædestinatio. Sancti. Fides est cogitare cum assensione ea quæ ad Christianam pertinent religionem. Et Isidor. Fides est qua veraciter credi-

Duo ad fidem necessaria.

Fides de agno.

mus. Chrysoſt. dicit quod fides eſt ſanctiſſimæ religionis fundamentum. Religio (vt ait Iſido.) eſt appellata, quod per eam vni Deo religamus animas noſtras ad cultum diuinum ſeruendi vinculo. Magiſtraliter etiam ſic deſcribitur: Fides eſt virtus qua ea quæ ad fundamentum religionis pertinent, rectè firmiterque creduntur. Ber. in lib. de Conſideratione: Fides eſt voluntaria quædam & certa prælibatio necdum propalata veritatis. Et notandum quod quatuor videntur facere ad hoc quod fides viuam licet ſit cognitio, virtus ſit. Primum eſt, quod actus ipſius multum habet à voluntate. Sicut enim ille qui multum amat aliquem, voluntarius eſt ad credendum bona de eo: mala vero de eo credere non vult: Sic ille in quo eſt amor Dei intentus, voluntarius eſt ad credendum de Deo omnia quorum credulitatem credit eſſe placitam Deo: vnde ſine ratione ſufficiēti aſſentit talibus. 1. Corinth. 13. dicitur quod *charitas omnia credit*. Secundum eſt, quia conſentit his in quæ difficile eſt conſentire. Vnde ſicut diligere inimicum, virtutis eſt, cum ad dilectionem illam meritum eius qui diligitur non iuuat, ſed potius repugnet: ſic conſentire Deo in his quæ contra rationē videntur eſſe, virtutis eſt. Tertium eſt, quod fides viuam radius viuus eſt procedens à fonte vitæ, à ſole ſcilicet intelligentiæ. De quo ſapient. 5. *Sol intelligentiæ non eſt ortus nobis*. Fides mortua eſt, ſicut lumen ſolis, quod eſt in locis obumbratis, non habens calorem. Fides vero viuam non ſolū lucet, ſed etiam calefacit: nec ſolum lumen eſt oſtendendum, ſed etiam vita mouens: ſcilicet ad faciendum bonum & declinandum à malo. Cui videtur concordare quod dicit Ariſtotel. de Diuina ſciētia, quod plus eſt virtus quam ars. Quartum eſt, quod mira operatur, vt infra patebit. Marci vltimo: *Signa autem eos qui crediderint, hæc ſequentur*. Sicut impetuofitas fluminis tunc primo apparet quū vius inuenit obſtaculum: ſic fidei vir-

tuofitas, cum aliquid impugnans habuerit. Item fides poteſt deſcribi: Fides eſt digna Deo credulitas. Credulitas digna Deo eſt, credere ei propter hæc & ſuper illud 2. Corinth. 3. *Non quod ſufficientes ſumus cogitare aliquid à nobis quaſi ex nobis*. dicit gloſſa, quod cogitare eſt initium fidei, aſſentire autem ſummæ veritati propter ſe & ſuper omnia, eſt eius complementum. Et notandum, quod licet fides viuam non aſſentiat primæ veritati principaliter propter rationes: tamen rationes poſſunt eſſe introductiue ad eam. Sed poſtquam ipſa introducta fuerit, dicit ſicut dixerunt Samaritani mulieri Samaritanæ: *Iam non propter tuam loquelam credimus: ipſi enim audiuiſimus, & ſcimus, quia hic eſt ſaluator mundi*. Ioann. 4. Auguſtinus in libr. de Correptione & gratia: Aliud eſt adiutorium ſine quo aliquid nō ſit, & quo aliquid ſit: nam ſine alimentis non poſſumus viuere: non tamen afferunt alicui alimenta quod viuam qui mori voluerit, quaſi cauſa ſine qua non ſit vel ratio ſit. Fides viuam in anima eſt, vel ſpeculum creaturarum, vel miracula, vel rationes, vel doctrina: ſed lux infulſa deſuper principalis cauſa eſt, quod intellectus conſentiat firmè in ea quæ ſunt fidei. Vnde Auguſtinus dicit, quod fides eſt illuminationis mentis ad ſummam veritatem. Et ſuper illud Marci 9. *Credo Domine, adiuua meam incredulitatem*, dicit gloſſa. Credulitas noſtra infirma eſt, niſi ſit innixa adiutorio Dei.

## CAPVT III.

*Quod vna ſit vera Fides. Et quod illa ſit Chriſtiana, multis argumentis oſtenditur.*

SEquitur de vnitatem fidei, de qua legitur Ephel. 4. *Vnus Dominus, vna ſides*. Quinque vero videntur facere ad vnitatem fidei. Primo hoc, quod illud de quo principaliter eſt fides, vnum eſt. Vnde

Quinq;  
requirū-  
tur ad  
vnitatē  
fidei.

Fidem  
viuam  
faciunt  
quatuor  
1.

2.

3.

4.

de super illud, *Vna fides*, dicit gloss. Vnū & idem est quod creditur à cunctis fidelibus. Vnde fides catholica dicitur: id est, vniuersalis. Deus de quo fides est, principaliter vnus est, & non mutatur. Exo. 1. 10. *Audi Israel, Deus tuus vnus est.* Psal. *Non erit in te Deus recens.* Iac. 2. *Apud quem non est transmutatio.* Hier. *Nec fides mutatur.* Tob. 2. *Vitam illam expectamus, quam Deus daturus est his qui fidem suam nunquam mutant ab illo.* Secundo hoc, quod fides est lumen infusum desuper, & non est à probabilitate rerum quæ creduntur: ideo non diuersificatur secundum diuersitatem rerum creditarum. Ipsa est lucerna quam Dei sapientia accendit ad recuperandam drachmam perditam, Luc. 15. gloss. drachma est nummus certæ quantitatis habens imaginem regis. Drachma perditam est: homo qui ad imaginem Dei creatus, in peccatum lapsus est. Ad eandem lucernam possunt diuersa videri, & vna fide diuersa credi. Tertio hoc, quod vna est ratio credendi in omnibus articulis, scilicet prima veritas, cui fides vna semper principaliter innititur: Credulitas quæ per rationes est, secundum diuersitates rationum debet diuersificari: sed non sic est in fide. Quarto hoc, quod natura hominum vna & eadem est apud omnes: ergo & naturalia hominum eadem debent esse apud omnes: sed intellectus debet Deo de iure naturali obsequium fidei: ergo fides vna & eadem debet esse apud omnes; vnica ergo est vera fides: Quinto hoc, quod affectiones quas affectus hominis debet Deo, eadem sunt apud omnes: ergo & eadem ratione quod debet intellectus Deo, idem erit apud omnes. Præterea affectionum causæ sunt apprehensiones præambulæ: vt timoris causa est apprehensio diuinæ potentie vel iustitiæ: spei causa est apprehensio diuinæ liberalitatis, vel misericordiæ: amoris causa est apprehensio diuinæ bonitatis: ergo cum affectiones istæ eadem sint apud omnes, & apprehensiones quæ sunt causa illarum eadem

erunt apud omnes. Apprehensiones vero de Deo in præsentī oportet esse fidei, propter prauitatem intellectus hominum, sicut prius ostensum est: ergo vera fides vna & eadem est apud omnes. Præterea aut aliquod obsequium debet Deo intellectus humanus: quod sine eius iniuria non possit non soluere, aut nullum. Si dicatur quod nullum, ostenditur hoc esse falsum, per hoc quod simili ratione nec affectus aliquod obsequium deberet Deo, nec etiam corpus: ergo Deus non esset Dominus verus, cum nullum seruitium deberetur ei. Præterea conqueritur Dominus de subtractione seruitii affectus Malach. 1. *Si pater ego sum, ubi est honor meus? & si Dominus ego sum, ubi est timor meus?* Præterea certum est cuilibet habenti rationem bene dispositam quod sine Dei iniuria non potest dici Deum non esse adorandum, vel venerandum, vel timendum, vel amandum. Præterea omnis secta igne & ferro persequitur sentientes contraria fidei suæ, etiam potius quam fures vel raptores. Philosophus etiam dicit, eos qui dicunt deos non esse adorandos, pœna indigere. Relinquitur ergo quod aliquod certum seruitiū intellectus debetur Deo, quod specialiter consistit in credendo illi. Aliud enim obsequium secundum intellectum non videtur ei posse soluere vniuersitas hominum. Cogitare solum siue bonum, siue malum, non videtur meritorium esse vel demeritorium: alioqui Deus qui omnia mala videt, pessimus esset: ergo assensus vel dissensus cogitationis adueniens, meritum vel demeritum facit. Assensus possibilis vniuersitati hominum circa illa quæ de Deo sunt, fidei est: ea autem quæ homo tenetur credere de Deo, non sunt infinita. Sunt ergo aliqua certæ quæ quilibet adultus nisi mente alienatus tenetur credere de Deo. Vnde. Heb. 11. *Credere oportet accedentem ad Deum quia est, & inquirentibus se remunerator sit.* Vbi dicit gloss. Sine hac fide nemo vnquam saluari potuit. Si quis tamen obiciat quod

Seruitiū  
intellectus  
erga  
Deū, est  
credere  
Deo.

non est necesse eadē credi de Deo ab omnibus propter paruitatē intellectus quorundam, vel propter defectum doctrinæ vel gratiæ, sed sufficit quædam de Deo credi ab vno, & alia ab alio. Ad hoc dicendum est, quod nullus est adultus nisi sit mente alienatus: cuius intellectus capax esse non possit eius quod est Deum esse timendum, honorandum, amandum, & in eo esse sperandum: & nunquam fuit mundus quin habuerit doctrinam sufficientem ad huiusmodi credenda. Vnde Greg. loquens de parabola illa quæ est de operariis in vineam missis. Matth. 20. dicit, Paterfamilias conditor noster est qui habet vineam vniuersalem Ecclesiam, quæ ab Abel vsque ad vltimum electum qui in fine nasciturus est, quot sanctos protulit, tot palmites misit. Hic pater exiit ad excolendam vineam manē hora tertia, sexta, nona, vndecima, operarios conduxit: quia à mundi huius initio vsque ad finem ad erudiendam fidelium plebem, prædicatores mittere non desistit. Gratia etiam non deest alicui adulto sanæ mentis ad prædicta, nisi culpa eius impediatur. Si quis tamen esset in loco vbi doctrinam circa talia non posset habere, verisimile est nisi culpa sua hoc impediret, occultam inspirationem ei vicem doctrinæ supplere, vel per creaturam pulchritudinem de conditore & rectore vniuersitatis admoneri. Est igitur vna fides vera omnium vere fidelium, licet inter eos aliqui plura, aliqui pauciora de Deo explicite credant. Omnes tamen parati debent esse credere Deo in omnibus quæ vel per se, vel per viros fide dignos eos docere vellet. Debent etiā omnes credere omnia illa esse vera quæ prophetæ & alii homines spiritu Dei edocti crediderunt & docuerunt. Omnes autem sectæ quantum ad ea in quibus non conueniunt cum illa & vera vnica fide, errores sunt.

*Argumenta quibus fides Christiana  
vnica & vera ostenditur.*

**I**lla vero vera & vnica fides, fides Christiana est: sicut multipliciter potest ostendi. Et primo miraculorum confirmatione. Nulla enim alia secta habet miracula ad sui confirmationem. Miracula huius fidei ab Abel filio Adam facta leguntur. De quo legitur Genes. 4. *Respexit Deus ad Abel & ad munera eius.* Quomodo respexit, alia translatio determinat, quæ sic habet. *Inflammasit Deus super Abel & super munera eius.* Ignis enim de cælo oblationem eius incendit: vt legitur factū Eliæ in Carmelo. 3. Reg. 17. Et in leuit. 9. sub Moysē. Deinde subsecuta sunt miracula sub Noe, & sub Abraham, & sub aliis vsque ad legem Moysi: & in gente Hebræorum multiplicata sunt, & ab exitu Egypti vsque ad ingressum terræ promissionis consolata sunt gentem illam, & donec gens illa deseruīit hanc fidem, non deseruērūt eam miracula. Tandem cum hac fide in Apostolis miracula translata sunt ad Ecclesiam ex Iudæis & Gentibus collectā. Miracula vero quibus hæc fides cōfirmata est, talia fuerunt quod solus Deus ea facere poterat: sicut fuit statio solis & lunæ ad spatium XII. horarū ad præceptum Iosue ministri Dei obediente Domino voci hominis, Ios. 10. Et regressus solis tempore Ezechiae. Esa. 38. Et obscuratio solis & lunæ in passione Domini facta, propter quam Philosophi qui Athenis erant, non valentes inuenire naturalem causam illius obscurationis, inducti sunt ad hoc vt dicerent quoddam Deus naturæ patiebatur: & constituerunt aram illi Deo ignoto, de qua Act. 17. *Quis dubitat de hoc quod ille solus cursum solis mutare potest qui instituit?* Item notitia linguarum data Apostolis, & illuminatio subdita, quia quierant idiotæ docti facti sunt secundum promissionem eis factam à Christo. Ioan. 14. *Paracletus autem Spiritus sanctus quem mittere Pater in nomine meo, ille vos docebit omnia &c.* Luc. 21. *Ego dabo vobis os & sapientiam, cui non poterunt resistere & contradicere omnes ad-*

Fides vna  
ostenditur.  
Miraculis.

uerſarij ueſtri. Item roboratio Apoſtolorum, qui cum adeo debiles eſſent quod Petrus qui maior videbatur eſſe, ad vocem vnus ancillæ, dum mori timuit, vitam negauit, virtute Spiritus ſancti induci ex alto adeo fortes facti ſunt vt nullum timerent, Luc. vii. *Sedete in ciuitate quouſq; induamini virtute ex alto.* Non timebant eos qui iam Dominum eorum occiderant. Act. 4. *Non poſſumus,* inquiunt Petrus & Ioannes, *quæ vidimus & audiuiſimus non loqui.* Item ſubiugatio mundi per paucos ſimplices. Bernard. licet magna & diuina plane fuerint miracula quæ Dominus geſſit in terris : hoc tamen ſuper omnia alia enituit, quod in paucis ſimplicibus totum mundum & omnem eius altitudinem ſibi ſubiugauit. Item cōiunctio fidei cum ratione quaſi per totum mundum, quod eſt vnum triū operum mirabilium Dei quæ enumerat Bern. dicens : Tria opera, inquit, fecit omnipotens illa maietas in aſſumptione noſtræ carnis, ita ſingulariter mirabilia, & mirabiliter ſingularia, vt talia nec facta ſint, nec facienda ſint amplius ſuper terram. Coniuncta ſunt quippe ad inuicem Deus & homo, mater & virgo, fides & cor humanum. Multi etiam mortui reſuſcitati ſunt & à Chriſto, & à fidelibus in nomine Chriſti. Quis autem dubitat, quod Deus ſolus qui homini vitam dedit, poteſt ei eam reddere poſtquam eam amiſit? Ioā. 10. *Poteſtatem habeo ponendi animam meā, & iterum ſumendi eam.* Quomodo purus homo hoc poſſet? Poſita enim anima iam non eſſet homo qui eam poſſet ſumere. Cum enim anima ponitur, homo deſinit eſſe. Qui vero non eſt, ſe reſicere non poteſt. In nomine etiam Chriſti cæci ſunt illuminati, leproſi mundati, paralytici & alii infirmi inſanabiles ſecundum naturā ſanati. Quæ omnia quum Deus qui ſolus ea facere potuit, ad confirmationem dictæ fidei fecerit, & certiffimum ſit Deum nolle teſtificari mendacium aliquod, nec velle miraculis homines inducere in errorem, nec eos ſubtrahere à cultura ſua, & ſic di-

minuere gloriam ſuam : manifeſtum eſt veram fidem eſſe fidem Chriſtianam, quæ Deus ſic confirmare voluit. Nullus enim intellectus bene diſpoſitus hoc reciperet, quod prima veritas poſſet eſſe mendax, vel vellet eſſe cauſa erroris ſibi contumelioſi. De hac teſtificatione dicitur 1. Ioan. 5. *Qui non credit Filio, mendacem facit Patrem quia non credit in teſtimonium quod teſtificatus eſt Deus de Filio ſuo.* Item Ioan. 5. *Ego habeo teſtimonium maius Ioāne. Opera enim quæ dedit mihi Pater vt perficiam, ea ipſa opera quæ ego facio teſtimonium perhibendo de me : quia Pater miſit me.* Item eiufdem 15. *Si opera nō feciſſem in eis quæ nemo aliſ fecit, peccatum non haberent.* Et eiufd. 14. *Pater in me manens ipſe facit opera : Non creditis quia ego in Patre, & Pater in me eſt?* Alioquin propria ipſa opera credite : Si quis tamen dicat miracula illa non eſſe facta ad fidei teſtificationem : Patet hoc falſum eſſe per modum quo miracula facta ſunt. Et exempli cauſa pauca miracula ponamus. Matth. 9. dicit Chriſtus : *Vt ſciatis quia filius hominis habet poteſtatem in terra dimittendi peccata :* tunc ait paralytico. *Surge, tolle lectum tuum, & vade in domum tuam, & ſurrexii &c.* Patet ex ipſa litera miraculum illud factum eſſe in teſtimonium fidei. Et Act. 3. dixit Petr. claudo ex vtero matris ſuæ : *In nomine Jeſu Chriſti Nazareni ſurge & ambula.* Et ſequitur : *Et protinūs consolidatæ ſunt bæſes eius, & plantæ, & exiliens ſteſſi & ambulabat.* Et de Dionyſ. Areopagita legitur, quod cum diſceptaret cū Paulo, forte pertransiit cæcus per viam coram eis, & ſtatim ait Dionyſ. Paulo : Si dixeris huic cæco : In nomine Dei tui, vide, & viderit : ego credam ſtatim. Sed ne vtaris verbis magicis : quia forte noſti verba quæ habent huiusmodi efficaciam : ego preſcribam tibi formam verborum. Hæc, inquit, formam verborum dices ei. *In nomine Jeſu Chriſti nati de Virgine, crucifixi, mortui, qui reſurrexii & aſcendiſti in cælum, vide.* Et vt omnis tolleretur ſuſpicio, præcipit.

Paulus Dionysio vt ipse eadem verba proferret. Et in ea verborum forma dixit Dionysius cæco vt videret : & statim vidit , & cōfessus est Dionysius se credere. De probatione per miracula, dicit Petrus Act. 2. *Iesum Nazarenum verum approbatum à Deo in vobis virtutibus & prodigiis & signis quæfecit Deus per illū in medio vestri, sicut vos scitis : hunc definito consilio & præscentia Dei traditum per manus iniquorum affligentes interemistis.* Et Ber. in ser. de Ascens. ostēdit Christum perfecisse probationem domini sui, cum in cælum ascendit, his verbis: Cum Iesus se dominum vniuersorum quæ sunt in terra, & in mari, & in inferno probasset: nō restabat nisi vt aeris & cœlorum se Dominum probaret. Terra eum Dominum cognouit, quia ad vocē virtutis eius cum clamaret voce magna, *Laxare venis foras* : mortuum reddidit. Cognouit mare, quia solidum se præbuit sub pedibus eius. Cognouit infernus, cuius ipse portas æreas & vectes ferreos cōstregit & satanam ligauit. Sic quam qui in ore piscis cum ipso pisce stateram inuenire prædixit, proculdubio & maris, & omnium quæ in mari sunt Dominus fuit. Qui mortuos suscitauit, leprosos mūdauit, cæcos illuminauit, omnes effugauit infirmitates, Dominus omnium fuit, & eadem manu qua fecerat quæ defecerant reficiebat. Ad perficiendam igitur fidei nostræ integritatem restat, vt videntibus discipulis per medium aeris Dominus ascendat, & tunc probabitur, quia Dominus vniuersorum es, etiā tibi profecto debebitur, vt in nomine tuo omne genu flectatur. Circa miracula vero notabile est, quod ministri Christi post passionem eius in nomine ipsius maiora miracula fecerūt quam Christus fecisset, sicut ipse promiserat. Ioan. 4. *Qui credit in me, opera quæ ego facio & ipse faciet, & maiora horum faciet.* Maius fuit, quod ad vmbra Petri sanabantur infirmi Act. 5. quam quod ad tactum vestimenti eius mulier fluxum sanguinis patiens sanata est Matth. 9. Itē longe fuit maius quod duo latrones qui veneno sumpto mortui

erant, suscitati sunt tunica B. Ioannis Euāgel. posita super eos. Itē Dominus in Euāgelio legitur tres mortuos suscitasse : sed de B. Andrea legitur, quod quadraginta submersos suscitauerit : Item sancti non solum viui, sed & mortui fidem istam miraculis confirmauerunt. Et vt vno verbo dicam, quasi vniuersitas rerum fidem istā mirabiliter confirmauit. Vnde Greg. in Hom. Epiph. Omnia, inquit elementa auctorem suum venisse testata sunt: vt enim de his quidem vsu humano loquar, Deum hunc cæli esse cognouerunt, quia protinus stellam miserunt. Mare cognouit, quia sub plantis eius se calcabile præbuit. Terra cognouit, quia eo moriente cōtremuit. Sol cognouit, quia lucis suæ radios abscondit. Saxa & parietes cognouerunt quia tempore mortis eius scilla sunt. Infernus cognouit, quia hos quos tenebat mortuos reddidit, & tamen hunc quem Dominum omnia insensibilia elementa senserunt, adhuc infidelium Iudæorum corda Deum esse minime cognoscunt, & duriora saxis scindi ad pœnitentiam nolunt: eumq; cōfiteri abnegant, quem elementa ( vt diximus ) aut signis aut scissionibus Deū clamant. Secūdo potest veritas fidei Christianæ testiū multitudine, omni exceptione maiore ostendi, & primo producamus in medium Ioannem Baptistam, qui à prophetis prædictus fuit. In Psal. *Parati lucernam Christo meo.* Esa. 40. *Vox clamantis in deserto &c.* Et Mal. 3. *Ecce ego mittam Angelum meum & preparabit viam ante faciem meam.* Hunc Deus miraculose nasci fecit in mūdo isto ex sanctis parentibus. Cum Elizabeth esset sterilis & ambo processissent in diebus suis, Luc. 1. vt ferret testimonium Christo. Ioa. 1. *Hic venit in testimonium &c.* Quis dubitat de hoc quod Deus non ideo fecit eum nasci miraculose in mundo isto vt testimonium perhiberet mendacio? Ioa. 5. *Vos misistis ad Ioannē & ipse testimonium perhibuit veritati.* Eius conceptio & natiuitas prænuntiata sunt ab Angelo Luc. 1. *Hic in utero materno testimonium dedit Christo.* In eodem. *Ecce v*

3.  
Testium  
multitu-  
dine.

*facta est vox salutationis tuæ in auribus meis.* ait Elizabeth: *Exultauit infans in gaudio in utero meo.* Sine omni dolo fuit testimonium illud. Ipse tātq̃ sanctitatis fuit, quod Iudæi miserunt ad eum Sacer. & Leuitas vt scirent ab eo utrū ipse esset Christus. Ioa. 1. Et credidissent ei, si dixisset se esse Christum. Ioa. 5. *Voluistis exultare ad horā in luce eius, vt crederetis ipsū esse Christum,* dicit Glo. interli. Quanto magis debuerunt credere ei ferenti testimoniu alii? efficacius enim est testimonium quod aliquis perhibet alii, quam quod perhibet sibi. Ioa. 5. *Si ego testimoniu perhibeo de meipso, testimonium meum non est verum.* Sanctitas Ioannis non solum Christianis, sed etiam gentilibus & Iudæis nota est. Testimonium eius multū efficax est ad confundendū Iudæos: Ideo post illud Psalm. *Parauit lucernam Christo,* subditur: *Inimicos eius induā confusione, &c.* Qualiter Christus testimonio Ioan. confuderit Iudæos, habes Matth. 21. *Baptismus,* inquit, *Ioannis unde erat? de cælo, an ex hominibus? & illi cogitabant intrase, dicentes: Si dixerimus de cælo, dicet nobis: quare ergo non credidistis ei? Si autem dixerimus, ex hominibus: timeamus turbam.* Omnes enim habebant Ioannem sicut prophetam. De testimonio Ioannis de Christo habes Ioan. 1. *Qui post me venturus est, ante me factus est.* Ante, scilicet dignitate, quia prior me erat, & de plenitudine eius nos omnes accepimus. Et post: *Cuius non sum dignus, vt soluam corragiam calceamenti eius.* Item: *Ecce agnus Dei, ecce, qui tollit peccata mundi.* Item: *Vidi spiritum descendentem quasi columbam de cælo, & manentem super eum, & ego nesciebam eum: sed qui misit me baptizare in aqua, ille mihi dixit, Super quem videris spiritum descendentem, & manentem super eum: hic est qui baptizat in spiritu sancto.* Et ego vidi, & testimonium perhibui, quia hic est filius Dei. Aliud testimoniu est Ioan. Euangelistæ: *Vidimus,* inquit, *gloriā eius, gloriā quasi unigeniti à patre.* Vidimus, id est, cognouimus: per miracula, per vo-

cem elapsam de cælo, per transfigurationem, Resurrectionem, Ascensionem, Spiritus sancti missionem, gloriā eius talem & tantam, vt decet vnigenitum Dei Patris. Et 1. *Quod fuit ab initio, quod audiimus & vidimus oculis nostris: quod per specimus & manus nostra contrectauerunt, de verbo vita & vita manifestat a se, & vidimus & testamur, & annuntiamus vobis.* Fidei nostræ testimonium dant Deus, & homo, & Angelus. De primo habemus 1. Ioan. 5. *Tres sunt qui testimonium dant in cælo, Pater, Verbum, & Spiritus sanctus.* Et subditur: *Si testimonium hominum accipimus: testimonium Dei maius est secundū glossam.* Pater perhibuit testimonium Christo dicendo: *Hic est filius meus dilectus.* Filius in Transfiguratione, ostendendo potentiam Deitatis, & speciem beatitudinis: Spiritus sanctus super Christum in specie columbæ descendendo, & in nomine Christi corda discipulorum implendo. Testimonium vero hominum talium fuit qui notæ fuerunt sanctitatis, mundi contemptores, nullum hominem timentes, qui veritatem fidei morte propria ausi sunt cōfirmare, cum manifestum sit quod nullus sani capitis morte mendacium auderet confirmare. Etiam homines mendaces in morte veritatem confitentur. Etiam ipse Christus veritatem fidei morte propria confirmauit. Hoc signum speciale tāmquam certissimum promittebat ipse Iudæis Mat. 12. & 16. *Generatio,* inquit, *mala & adultera signū querit, & non dabitur ei nisi signū Iona Prophetæ.* Sicut enim fuit Ionas in ventre ceti tribus diebus & tribus noctibus, sic erit filius hominis in corde terre tribus diebus & tribus noctibus, &c. Cū omnino duæ res peccatum faciant, scilicet timor & cupiditas: vt dicit gloss. super illud Psalm. *Incessa igni & suffossa, qua causa posset esse mendacii in illis qui transitoria bona contemnebant, & mala latenter sustinebant?* Philip. 3. *Omnia arbitror vt stercorea vt Christū lucrificam.* Acto. 20. *Spiritus sanctus per omnes ciuitates. prote-*

Tres fidei notæ sūt.

statum mihi, dicens : *Quoniam vincula & tribulationes Hierosolymis me manent, sed nihil horum vereor.* Si quis vero dicat sanctos noluisse decipere, sed deceptos fuisse: Quomodo potuit Christus decipi circa suum esse, cū natura rationalis maxime habeat cognoscere se esse? August. in lib. de Anima & Spiritu: Nihil tam nouit mens vel anima, quam id quod sibi præsto est: nec menti vel animæ quicquā magis præsto est quam ipsa sibi: nihil ergo tantum nouit quantum se esse. Quomodo ergo Christus decipi poterat cū dicebar, Ioan. 8. *Amen amen dico vobis, antequā Abraham fieret, ego sum?* Item 10. *Ego & Pater unum sumus.* Item cum naturæ rationalis per se notæ sint operationes suæ, Anima enim per se cognoscit se credere, vel intelligere, vel diligere: quomodo poterat decipi, circa illud Io. 8. *Ego principium, qui & loquor vobis?* ipse sciebat se simpliciter omnium quæ creata erant principium fuisse. Luc. 8. *Tetigit me aliquis: nam & ego cognoui virtutem de me exisse.* Item quomodo Paulus circa cœlestia bona decipi potuit, qui raptus est vsque ad tertium cœlū, vbi audiuit arcana verba quæ nō licet homini loqui. 2. Cor. 12. De testimonio hominum de Christo legitur Act. 10. *Nostestes sumus, ait Petrus, omnium quæ fecit Iesus in regione Iudæorum & Hierusalem, quæ occiderunt suspendentes in ligno. Hunc Deus suscitauit tertia die, & dedit eum manifestum fieri non omni populo, sed testibus præordinatis à Deo, nobis qui manducauimus & bibimus cum illo postquam resurrexerat à mortuis, & præcepit nobis prædicare populo, & testificari quia ipse est qui constitutus est à Deo iudex viuorum & mortuorum.* Huic omnes propheta testimonium perhibent, remissionem peccatorum accipere per nomen eius omnes qui credunt in eum. Testimonium vero istud tam cito Deus confirmauit: Vnde subditur: *Adhuc loquente Petro verba hæc, cecidit Spiritus sanctus super omnes qui audiebant verbum.* Testimoniū Petri de Christo ha-

bes similiter, Matt. 16. *Tu es Christus filius Dei viui.* Et Ioan. 6. Ait Petrus: *Nos credimus & cognouimus, quia tu es Christus filius Dei viui.* Fidei nostræ testimonium dedit Angelus in Christi conceptione. Luc. 2. Item in eius Natiuitate ibidē. *Ecce Angelus Domini stetit iuxta illos &c.* Et post: *Ecce Euangelizo vobis gaudium magnum. Item & facta est cum Angelo multitudo militia cœlestis exercitus.* Item in Resurrectione. Matt. Marci, & Luc. ult. Ioan. penultim. Item in Ascensione. Act. 1. Fides ista testimonium habet, & à domesticis, & ab extraneis. Exod. 8. *Magi Pharaonis deficientes, in tertio signo compulsi sūt confiteri, digitus Dei est hic,* Deut. 32. *Non enim est Deus noster vt dii eorum, & inimici nostri sunt iudices.* Et Matt. 9. *Videntes turba Christum mirabilia operantem, dixerunt: Nunquam sic apparuit in Israel.* Et Ioan. 9. *Illuminatus cæcus à natiuitate, dixit. A sæculo non est auditum quod quis aperuit oculos cæci nati.* Et Ioan. 11. *Ipsi Pontifices & Pharisei dixerunt: quid facimus? quia hic homo multa signa facit: si dimittimus eum sic, omnes credunt in eum.* Et Iosephus qui semper fuit Iudæus sapientissimus in Veteri lege, qui captus fuit in vltima captiuitate Hierusalem facta per Titum & Vespasianum, tale testimonium dedit Christo: Fuit eiusdem temporibus Iesus sapiens vir, si tamen eum virum dicere fas sit. Erat enim mirabiliū operum effector, & doctor eorum qui libenter quæ ventura sunt audiunt, & multos ex gentibus sibi adiunxit: Christus hic erat. Item post crucem his qui ab initio eum dilixerant, apparuit eis iterum visus secundum quod propheta vel hæc vel alia de eo futura predixerant. Sed vsque in hodiernum diem Christianorum qui ab eo dicti sunt, & nomen perseuerat, & genus. Hodie etiam fidei nostræ aliæ sedæ testimonium perhibent eam post suam aliis præferendo. Vnde cū testimonium quod pro se perhibent: nullum reputemus, testimonium eorum quod alicuius valoris.



Testator  
& vniuer-  
sas crea-  
turas.

3.  
Reuela-  
tionibus  
& Pro-  
phetiis.

est, pro fide nostra est. Item nobiles Philo-  
sophi in his quæ de Deo noscibilia sunt, fi-  
dei nostræ testimonium perhibent, vt  
circa hoc, quod vna sit prima causa, &  
quod æterna sit summæ potentix, summæ  
sapientix, summæ bonitatis. Vnde quan-  
tum ad ista fides nostra ex intimis Philo-  
sophix sumpta est disciplinis, iuxta verbū  
Boëtii in Proœmio lib. de Trinit. Fidei  
etiam nostræ testimonium perhibet vni-  
uersitas creaturarum, quantum ad ea quæ  
de Deo cognoscibilia sunt. Hoc enim  
quod vnus est mundus, attestatur quod  
vnus sit Deus. Accedat quæcūque vis crea-  
tura, & faciat alium mundum tantum, &  
talem qualis est iste mundus, & dicam,  
**Quia Deus est.** Perpetuitas creaturarum  
attestatur æternitati creatoris, cum omnis  
causa potentior sit suo effectū. Magnitu-  
do vero eius potentix, pulchritudo sapien-  
tiæ, vtilitas creaturarum bonitati. Tertio  
potest ostendi veritas fidei nostræ per hoc  
quod reuelationes & prophetias habet.  
Reuelationes habuit ante legem: vt sub  
Noe, Abraham, & Iacob, vt patet ex lib.  
Genesis, quæ multiplicatæ sunt lege sus-  
cepta. Num. 12. *Si quis fuerit inter vos  
propheta Domini, in visione apparebo ei, vel  
per somnium loquar ad eum, at non talis ser-  
uus meus Moyses, qui in omni domo mea fi-  
delissimus est: ore enim ad os loquor ei.*  
Deut. 4. *Non est alia ratio tam grandis  
quæ habeat Deos appropinquantes sibi, si-  
cut Deus noster adest cunctis obsecrationi-  
bus nostris.* Psal. *Non fecit taliter omni na-  
tioni &c.* Et Bar. 4. *Beati sumus Israel quia  
quæ placent Deo, nobis manifesta sunt.*  
Prophetiæ quas habet fides nostra mul-  
tum confirmant eam. Vnde cum Ioannes  
Baptista misisset discipulos ad Christum  
ad certificandum eos de Christo. Matt. 11.  
Dominus certificauit eos ostendēdo pro-  
phetiam esse impletam quam prædixerat  
Esaïas de aduentu eius. Esa. 35. *Deus ipse  
veniet, & saluabit nos. Tunc aperiētur ocn-  
li cæcorum & aures surdorum patebunt.*  
*Tunc saliet sicut seruus claudus, & aperta*

*erit lingua mutorum.* Vnde ait Dominus  
Discipulis Ioannis: *Euntes renunciate  
Ioanni quæ audistis & vidistis: & c.* Item Esa. 41. Di-  
cit Dominus ad Deos non veros, *Annun-  
tiate quæ ventura sunt in futurum, & scie-  
mus quia dii estis vos.* Reuelationes &  
prophetiæ cum hac fide translatæ sunt in  
Ecclesiam collectam ex Gentibus: vt patet  
in reuelatione illa excellenti, de qua 2.  
Cor. 12. quæ Paulo facta est vsque ad ter-  
tium cælum raptō. Et in Ioanne cui reue-  
lata sunt tot mysteria, quæ in Apocal. cō-  
tinentur. Iudæi vero modo non habent  
reuelationes vel prophetias, quia hanc fi-  
dem deseruerunt: Quarto per hoc quod  
fides nostra dignissima de Deo sentit. Aug. <sup>4.  
Opinio-  
nes</sup> Prudentum est æstimare & fidelium, quæ  
sit fides purior & maiestate Dei dignior.  
Aliæ sectæ male sentiunt vel de Dei omni-  
potentia. Sicut qui negant Deum posse  
corpora nostra suscitare, vel naturam no-  
strā potuisse sumere. Alii de eius bonitate:  
vt qui negant lapsos in peccatum per pœ-  
nitentiam posse redire ad Deum. Alii de  
eius iustitia: vt qui negant Deum vindic-  
aturum peccata, aut qui dicunt eum  
saltem non vindicaturum æternaliter. Fi-  
des vero nostra omnipotentiam Dei præ-  
dicat, & summam eius sapientiam & bo-  
nitatem. Quinto per hoc quod fides no-  
stra de Deo probabiliora sentit, & quæ  
magis deceant creaturam rationalem. Di-  
cit enim eū ad imaginē Dei creatū. Gen.  
1. *Creauit Deus hominem ad imaginem &  
similitudinem suam.* Ad similitudinem etiā  
Dei monet viuere. Ephes. 5. *Estote imita-  
tores Dei sicut filii charissimi, & ad glo-  
riam similē diuinæ gloriæ promittit per-  
uenire.* 1. Ioan. 3. *Charissimi nunc filii Dei  
sumus, & nondum apparuit nobis quid eri-  
mus. Scimus quoniam cum apparuerit, si-  
miles ei erimus.* Gens Iudæorum & gens  
Mahometi sentiunt indigna de Dei ma-  
gnificencia, dum gens Iudæorum sperat  
solam affluentiam temporalium à Deo, &  
gens Mahometi solas delicias corporales

5.  
Sententia  
probabi-  
li.

quantum ex promissione legis eorum. Vtraque autem spes dicta videtur esse hominum qui in vanum acceperunt animas suas, & fere est brutalis. Cum anima inuisibilis sit, bonis inuisibilibus remuneranda est: nec natura rationalis bonis se inferioribus beata fieri potest. Aug. Beata vita inuenitur cum id quod est hominis optimum, & amatur, & habetur, quod deterius esse quam ipse homo non potest: quisquis quod seipso deterius est sequitur, fiet ipse deterior. Fides etiam Christiana hominem ad maiorem perfectionem perducit, quantum ad Deum, & quantum ad proximum: quantum ad Deum, quia de Deo prædicat quæ maxime timorem Dei nobis incutiant, & ad spem maxime erigunt, & Dei amorem in nobis maxime accendunt. Ostendit enim distictissimam iustitiam Dei in rebelles ipsius & vindictam æternam miræ acerbicatis, quod efficacissimum est ad timorem incutendum. Item ostendit liberalitatem Dei qua filio proprio propter nos non pepercit, propter quod nullus locus desperationis in nobis relinquitur. Rom. 8. *Qui proprio filio suo non pepercit, sed pro nobis omnibus tradidit illum:* quomodo non cum illo omnia nobis donauit? Item beneficiū redemptionis, quod est maior ignis ad accendendum cor nostrum, quā esset totus mundus ad accendendum corpus nostrum si totus arderet, cordibus nostris immittit amorem: quid magis idoneum ad incendendum & inflammandum diuinum amorem in nobis? Non accenditur melius ignis quam igne: nec est maior ignis spiritualis amore quo filius dei amauit nos Ioa. 15. *Maiorem hac dilectionem nemo habet, quam ut animam suam ponat quis pro amicis suis,* quantum ad proximum, quia dilectionem iubet ad inimicos extendere, & nostra proximo communicare: & si necesse est, etiam animam pro eo ponere. Matt. 5. *Diligite inimicos vestros; benefacite his qui oderunt vos.* &c. Ioa. 3. *Qui habuerit substantiam mundi huius, & viderit fratrem suum ne-*

*cessitatem habere, & clauserit viscera sua ab eo, quomodo charitas Dei manet in eo? In eodem: In hoc cognouimus charitatem Dei: quoniam ille animam suam pro nobis posuit, & nos debemus pro fratribus animas ponere.* Sexto per successum quem habuit populus qui hanc fidem suscepit, dum secundum eam vixit, & deiectionem ipsius: vel dum fidem istam deseruit, vel dum secundum eam non vixit. Vt enim omitteremus de aliis, quis sufficeret narrare nobiles triumphos quos habuit populus iste in paucis vincens infinitos, iuxta promissionem Domini. Leuit. 26. *Si in præceptis meis ambulaueritis &c. persequemini inimicos vestros, & corruent coram vobis: persequentur enim de vestris quinq; centum alienos & centum ex vobis decem millia.* Quando aut male se habebant in fide, vincebantur. Leuit. 26. *Quod si non audieritis me, nec feceritis omnia mandata &c. corruetis coram hostibus vestris, & subiciemini his qui oderunt vos. Fugietis nemine persequente.* Et paulo post: *Terrebit vos sonitus folij volantis &c.* Et Ios. 7. *Non poteris stare coram hostibus tuis, donec deleatur ex te qui contaminatus est hoc scelere.* Deut. penult. *Beatus es tu Israel: quis similis tui in populo, qui saluaris in Domino? scutum auxilij tui, & gladius gloria tua Deus tuus.* Item Iudith. 5. *Deus eorum pugnavit pro eis, & vicit, & non fuit qui insultaret populo isti, nisi quando recessit à cultura Domini Dei sui.* Quotiescunque autem præter ipsum Deum suum alterum coluerunt, dati sunt in prædā, & in opprobrium, & in gladium. Quotiescunque autem panisuerunt se recessisse à cultura Dei sui, dedit eis Deus cæli virtutē resistendi. Quum igitur fides Christiana tot habeat veritatis suæ argumenta, inexcusabiles sunt tot argumentis nolentes acquiescere, & merito puniuntur. Valde incredulus est, cui tot testimonia facere fidem non possunt. Valde ponderosus est vel valde debilis, quem tot appodiationes sustentare non sufficiunt. Nec mirum si offenditur prima veritas, quando tot pignoribus si-

Æ  
Fœlici  
succesſu.

gnorum

gnorum vel aliarum probationum ei non creditur, cum paucioribus testibus crederetur vni Iudæo vel Saraceno. De punitione infidelium legitur Deut. 18. *Prophetam suscitabo eis de medio fratrum suorum similem tui &c. Quia autem verba eius qua loquetur in nomine meo audire noluerit, ego ultor existam.* Quod verbum assumit Petrus Act. 3. dicens: *Omnis anima qua non audierit prophetam illum, exterminabitur de plebe.* Eiusdem. 4. *Non est in alio aliquo salus, nec nomen est aliud sub cælo datum hominibus in quo oporteat nos saluos fieri.* Et Ioa. 3. *Qui non credit, iam iudicatus est: quia non credit in nomine unigeniti filij Dei.* Hoc autem est iudicium, id est, causa damnationis: dicit Aug. *quia lux venit in mundum, & dilexerunt homines tenebras magis quam lucem.* Et eiusdem. 8. *Si non credideritis quia ego sum, moriemini in peccato vestro.* Et eiusdem 15. *Si non venissem: & locutus eis non fuisset, peccatum non haberent: nunc autem excusationem non habent de peccato suo.* Esa. 60. *Gens & regnum quod non seruiuerit tibi, peribit.* Matt. vlt. *Qui non crediderit, condemnabitur.* Ioa. 3. *Nisi quis renatus fuerit ex aqua & Spiritu sancto, non potest intrare in regnum Dei.* 1. Corint. 14. *Ignorans ignorabitur.*

## CAPVT IV.

## De commendatione Fidei.

**S**equitur de commendatione Fidei. Notandum ergo quod fides deo multum placet, diabolo displicet, homini multum prodest. De primo. Eccl. 1. *Beneplacitum est Deo fides & mansuetudo.* Hæ duæ virtutes multum placent Deo in homine, quia fides deo subiicit intellectum, mansuetudo affectum: vnde dominus hominem mansuetum & fidelem diligit quasi suum. Fides adeo placet deo quod sine ipsa nihil placet ei. Heb. 11. *Sine fide impossibile est placere Deo.* Omnes infideles filij iræ sunt. Vnde Ioa. 3. *Qui incredulus est filio, non videbit vitam æternam, sed ira*

*Dei manet super ipsum.* Oculi diuinæ misericordiæ non respiciunt nisi vbi est fides. Vnde propitiatorium non excedit arcam. Exod. 25. Arca significat populum fidelem quem propitiatio diuina non excedit. Remissio enim peccatorum non est extra fidem Ecclesiæ. Hier. 5. *Domine oculi tui prospiciunt fidem.* Vbi amor, ibi oculus. Ioa. 6. *Hoc est opus Dei, ut credatis in eum quem misit ille.* Credere in Deum est speciale opus Dei: & quia dei donum, & quia deo valde acceptum: nec mirum si multum placeat deo fides quum ipsa primum obsequium faciat deo. Signum huius placentiæ est hoc, quod Deus tantum facit pro fide. Matt. 8. *Vade, dixit Iesus Centurioni, Et sicut credidisti, fiat tibi.* Hier. Cuique sicut credit ita fit. Fides Deo placet etiam sine sacramentis, vt patet in Abraham, qui ante sacramentum circumcisionis per fidem Deo placuit. Genes. 15. *Credidit Abraham Deo, & reputatum est ei ad iustitiam.* Sacramenta vero sine fide Deus quasi non reputat. Galat 5. *In Christo Iesu neque circumcisio aliquid valet, neque preputium: sed fides que per charitatem operatur.* Fides porta est per quam princeps vniuersorum intrat ad cor hominis. Ezech. 46. *Sine ea non videtur dominus dominiū habere in corde.* quum non habeat ibi ingressum. Ipsa est porta aurea per quam intrauit in mentem Virginis, quam in ventrem. Luc 1. *Beata quæ credidisti: quia perficientur in te quæ à dicta sunt tibi à Domino.* Aug. in lib. de Virginit. Beatior fuit Maria percipiendo fidem Christi, quam concipiendo carnem Christi. Materna propinquitas nihil Mariæ profuisset: nisi felicius Christum corde quā carne gestasset. Porta fide morti & auctori mortis clausa est: nec infernalis exercitus præualebit aduersus eam. Vnde super illud Matt. 16. *Et porta inferi:* dicit glori. Qui intimo cordis amore fidem Christi percipit, quicquid ingerit extra, facile vincit.

Hæc porta sanguinem agni debet habere & in superliminari & in vitroque poste, ne exterminator menti noceat. Excd. 12. Superliminare tinctum debet esse sanguine Christi, vt intuitu humilitatis Christi & passionis eius mens superbiam caueat. In vitroque etiã poste debet esse sanguis agni, vt exemplo Christi, nec aduersa mens timeat, nec prospera concupiscat. Fides porta est tabernaculi, scilicet militantis Ecclesiæ, vbi hostia offerenda est Leuit.

17. *Homo quilibet de domo Israel, qui occiderit bonem, aut onem, siue capram in castris siue extra castra, & non obtulerit ad ostium tabernaculi oblationem Domino, sanguinis reuserit.* Nec mirum si fides valde est deo grata: quia sine fide Deus non colitur, quum de eo non cognoscatur quare timendus sit, vel amandus, vel obsequio honorandus. Fides thesaurum absconditum regni cælestis quem daturus est dominus seruientibus sibi hominibus, ostendit. Fides primum Dei hostem, scilicet sensum humanum, occidit. Hostis iste in sapientibus huius mundi est fortissimus hostis dei, qui significatus est per cinifes, quorum plaga non legitur curata. Exo. 8. *Cinifes de puluere terræ educti*, argumenta sunt philosophorū de subtili terreno sensu prodeuntia, qui oculum fidei lædunt. Vnde glos. *Hoc animal corpus cui infederit, acerbissimo terebrat stimulo, vt quem volentem videre quis non valet, sentiat simulantem.* Hoc ergo animal arti dialecticæ comparatus, quæ minutis, & subtilibus verborum stimulis animas terret, & tanta calliditate circumuenit, vt deceptus non videat nec intelligat vnde decipiatur. Hæc plaga non curatur. Idola enim philosophorum remanserunt, quum idola gentium destructa fuerunt, vt ait quidam.

Fides intellectum captiuat in seruitium Christi. 2. Corin. 10. *In captiuitatem redigentes omnem intellectum in obsequium Christi* Fides in arce mentis, scilicet in intellectu insigne regium ponit, scilicet siuium in cruce pendentem de morte, & de impetis auctore triumphantem.

Item fides matrimonium inter animam & Deum initiat. Osee. 2. *Spōsabo te mihi in fide quod charitas consumat.* 1. Cor. 6. *Qui adharet Domino, vnus spiritus est cum illo.*

Fides est velut annulus argenteus positus in digito sponsæ. Ornamentum enim est à Christo datum rationi quæ per digitum intelligi potest: quia discretiua est. Annulus nec excedere debet, nec excedi: Sic fides nec excedere debet, nec excedi. Non enim debet Christo attribuere alter quid, quod eius nō sit: nec de eo negare quod ipsius sit. In argento verò intellige quod fides candore puritatis & luce salutaris veritatis debet resplendere, & suauitate synceræ confessionis debet resonare. Argentum enim candidum est & resonat.

Item fides virginitas est, mentis intellectum à corruptione erroris seruans, & vndique protegens: sicut annulus digitum cingit ex omni parte. Fides quantum proprio sensui detrahit, tantum intellectum diuini sensus capacem facit: sicut Sapiens dicit de propria voluntate, quod tantum virtuti adiicies, quantum propriæ voluntati detraxeris. Qui vult venire post Christum, debet abnegare semetipsum: iuxta verbum Domini. Matth. 16. & quantum ad proprium sensum, & quantum ad propriam voluntatem.

Fides primogenita est inter virtutes: ideo merito à Deo benedicta. *Beati qui non viderunt, & crediderunt.* Ioan. 20. & Luc. 24. *Beati oculi qui vident quæ vos videtis:* quod de visu fidei intelligendum est, Galat. 3. *Qui ex fide sunt, benedicentur cum fidei Abraham:* propter prædicta non est mirum si fides deo placet. dialogo verò multum displicet: nec mirum, quum ipsa ei cultum & honorem qui ei in mundo exhibebatur, abstulerit: ipsa diabolum expulit ab hominibus, & quantum ad animas, & quantum ad corpora. Act. 11. *Fide purificans corda eorum.* Marc. ult. *Signa autem eos qui crediderint hæc sequentur. In nomine meo demonia eiicient. hæc est quæ diabolo resistit.* 1. Pet. ult. *Cui res-*

Fides inter  
Virtutes pri-  
ma.

*stite fortes in fide. Ipsa est scutum, ignea tela inimici extinguens.* Ephes. 6. In omnibus sumentes scutum fidei, in quo possitis omnia tela inimici ignea extinguere. Ipsa est lorica totum hominem interiorem à diabolo protegens. 1. Thessal. 4. *Sobrè firmus indui lorica fidei.* Ipsa caput serpentis infernalis, quod est error vel infidelitas, conterit. Genes. 3. *Ipsa conteret caput tuum.* Eccl. 25. *Non est caput nequius super caput colubri.* Sicut caput noui hominis fides, scilicet diligentissime custodiendum est, secundum illud. Matt. 10. *Estote prudentes sicut serpentes,* sic ad destruendum caput serpentis infernalis, scilicet errorem, maxime est conandum. Et in primo peccato angeli, & in primo peccato hominis error videtur fuisse. Esa. 14. *Ero similis Altissimo.* Genes. 3. *Nequaquam morte moriemini. Scit enim Deus &c.* Fides diabolum de arcè mentis expellit, ponens vexillum Christum in cruce pendentem, quod multum diabolo displicet. Quum enim superbissimus sit, multum displicet sibi quum ab arcè mentis expellitur, & cum vexillum illud exosum ei sit, eo quod in cruce deuictus fuerit, hoc vexillum timet hostis, sciens adesse regis præsentiam. Non enim dat regale vexillum exercitui, nisi rex præsens fuerit. Videns ergo illud, de Victoria desperat, sciens se contra regem dimicare. Item quia diabolus in cruce deuictus fuit, multum timet crucem. Bern. Nullus dæmum prope stare poterit, videns gladium in quo deiectus est: crucem scilicet. Fides lux est valde exosa latroni infernali. Ioan. 3. *Qui male agit, odit lucem.* Iob. 34. de latronibus: *Quum subito apparuerit aurora, arbitrantur umbram mortis.* Ipse est vt falsus mercator volens homines decipere: ideo tenebras quærit. Et est velut deformis adulter, qui non vult se ad lucem ostendere. Iob. 4. *Oculus adulteri obseruat caliginem.* Fides oculus est quem coruus infernalis multum quærit eruere: sicut coruus visibilis primo currit ad oculum cadaveris. Nec mirum,

quum fides diabolum & eius insidias detegat. Sine fide hostis inuisibilis non videtur: & ideo non cauetur. Oculum fidei diabolus seruentibus sibi velat, ne videant quò ducantur, sicut solent oculi velari his qui ducuntur ad patibulum. Quidam senex dicit in vitis Patrum: quando operiuntur oculi animalis, tunc circuit ad molendinum, alioquin non ambulat in circuitu molæ: sic diabolus, operuit oculos mentis, in omne peccatum humiliat hominem. Iudic. 6. Samson erutis oculis ad molam circuit. Fides est oculus dexter animæ, quo amisso homo ad pugnam inutilis est: ideo hostis inuisibilis fidem multum conatur destruere. 1. Reg. 11. *In hoc seriam vobiscum fœdus, vt etiam omnium vestrum oculos dextros.* Cuius intentio erat quod dextris oculis erutis, quum operirentur sinistri scuto, ipsi inutiles fierent ad pugnam. Fides diabolo non cessat contumeliam facere: ipsa ostendit eum nullius creaturæ dominum esse, & auctorem totius mali, & propter culpam suam iam iudicatum. Ioa. 16. *Princeps mundi huius iam iudicatus est.* ideo non est mirum si fides multum exosa est diabolo. Fides est valde utilis homini: ipsa est lux tenebras infidelitatis expellens: vbi fides non est, tenebræ sunt. Exod. 10. *Facta sunt tenebræ horribiles in vniuersa terra Egypti.* Et subditur: *Vbiunque habitabant filij Israel, lux erat.* Fides inter opera recreationis prima est, in minori mundo, homine scilicet, sicut lux in maiori mundo prima fuit. Genes. 1. Post creationem cœli & terræ, subditur: *Fiat lux, &c.* Fides columna nubis est, de Egypto tenebrarum errorum intellectum potenter educens. Exod. 13. Fides columna est fulciens cor hominis. Verus enim homo qui per ea significatus est, habet caput tremulum, & oculos caligantes: sed fides viua, & oculum intellectus illuminat, & cordi vacillanti fulcimentum præstat. Est enim fides fida & salutaris credulitas. Bernard. in quinto lib. de Consideratione. In his quæ fidei sunt

Fides in  
fert dia  
bolo cō  
tumeliā

Fides si  
delibus  
lux, infir-  
delibus  
tenebræ.

omnino cauenda est confessio, ne aut incertum opinionis fides figat, aut quod firmum fixumque est fidei opinio reuocet in questionem. Opinio enim si habet assertionem, temeraria est: fides si habet hætitationem, infirma est. Et notandum quod columna illa ex parte filiorum Israel lucida erat: ex parte vero Ægyptiorum, tenebrosa: sic fides fidelibus lux est, quam infideles tenebras reputant: maxime quantum ad ea quæ pertinent ad incarnationem filii Dei, & liberationem generis humani. Ipsi sunt quasi noctuæ lucem reputantes tenebras. Isa. 5. *Va qui dicitis bonum malum, & malum bonum: ponentes lucem tenebras, & tenebras lucem.* Fides videtur eis stulticia, cum tamen sit vere sapientia. 1. Corinth. 1. *Quod stultum est Dei, sapientius est hominibus.* Fides est lucerna ad quæ in nocte vitæ præsentis ambulatur. 1. Corinth. 5. *Per fidem ambulamus, & non per speciem.* Augustin. in lib. de Fide, ad Petrum: Si quis non ambulauerit per fidem, non perueniet ad speciem. Fides cæteris virtutibus lumen ministra. Ipsa est stella matutina, sol è iustitiæ & intelligentiæ præueniens. Per eam oritur dies gratiæ, quem sequetur dies gloriæ. Ipsa est stella cardinalis nauigantib. per mare huius mundi, portam ostendens & patriam. Ipsa est stella reges spirituales ad Saluatorem adducēs, Matth. 2. Ipsa est prima gemma in corona intellectus, quæ ex quinque luminibus fabricatur. Corona intellectus est lumen salubris cognitionis. Iob. 31. *Librū scribat ipse qui iudicat, ut in humero meo portem illum & circumdum illum quasi coronā mihi.* A sole intelligentiæ quasi quinque radii luminis viui fluunt super intellectum nostrum: scilicet lumen fidei, consilii, prudentiæ, intellectus, & scientiæ. Diuersitas vero horum luminum videtur sic posse ostendi. Anima ad tria habet comparisonem: scilicet ad principium à quo est, scilicet ad Deum, & ad opera quorum ipsa est principium, & ad ea quæ dant ei occasionem ut sit principium eorum, instruendo scili-

Ab intellectu  
quinque  
radij luminis  
fluunt, &  
quæ singulorum  
officia.

cet eius intellectum, vel mouendo affectum siue voluntatem. Signa naturalia vel poetica intellectum instruunt: bona & mala in quantum talium talia mouent affectum. Fides est lumen illuminans intellectum circa principium, à quo est anima, ostendens ei Dei maiestatem, & iustitiam, & misericordiam Dei in creaturas rationales. Donum vero consilii & virtus prudentiæ illuminat animum circa opera quorum ipsa est principium. Ad consilium pertinet deliberare an aliquid sit faciendum. Ad prudentiam vero pertinet providere, ut opus fiat eo fine quo debet, & vestire illud aliis debitis circumstantiis: prudentia vero providere debet ut opus agendi sit fructuosum, Deo gratum, proximo lucens per bonum exemplum: Et sicut alterius scientiæ est cognoscere an expediat aliquem sanari; alterius vero cognoscere qualiter aliquis sit sanandus, quia primum pertinet ad theologiā, secundum ad medicinā: sic aliud lumen est donum consilii quam prudentia. Donum vero scientiæ proprie pertinet ad bonum & malum, in quantum mouent affectum nostrum. Vnde à tali materia denominatur, Gen. 2. cum dicitur lignum scientiæ boni & mali. Et eiusd. 3. *Eritis sicut dij, scientes bonum & malum.* Ad hoc bonum pertinet cognoscere deceptiones, quas bona præsentia: & mala quæ non sunt vera bona, vel vera mala, faciunt hominibus. Tripliciter fallūt homines bona temporalia. Primo quia faciūt eos credere quod ipsa habeant suauitatem veram & magnā, cum aliter sit. Sic falluntur voluptuosi. Eccl. 7. *Inueni amariorem morte mulierē.* Hæc mulier voluptas carnalis est & temporalis. Secundo faciunt credere quod in eis sit copia, cum in veritate exinaniant possessores suos. Luc. 1. *Diuites dimisit inanes.* Tertio faciunt credere quod sit honor quod est ignominia. Luc. 16. *Quod hominibus altum est, abominatio est ante Deum.* Propter has deceptiones cupiunt homines non vera bona pro veris bonis. Fugiunt etiam mala pœnæ præsentis, quæ non sunt vera mala, pro veris malis quæ sunt mala

Bona temporalia  
quæ modis  
fallunt.

culpæ & mala futura. Ad donum vero intellectus pertinet cognoscere signa naturalia & positiua, scil. creaturas quæ sunt quasi libri naturales; & sacramenta, quæ sunt quasi signa positiua & situs, & formas, & ornatus Ecclesiarum, & ministrorum, & habitus religiosorum, & similia in quantum pertinent ad salutem animarum. Quæ significatio præcipue est ratione similitudinis. v.g. Homo per terram significatur ratione similitudinis, vt intelligat homo se ad modum terræ esse sterilem, nisi excolatur, & quod super nihil temporale debet esse fundatus: sed Deo inniti, & quod desuper irrigari debet rore gratiæ & pluuiæ doctrinæ. Item fides est initium vitæ spiritualis. *Per fidem enim habitat Christus in cordibus nostris.* Ephes. 3. *Qui vita est*, vt ipse ait Ioan. 14. Et sicut vnūquodq; vitium mors spiritualis est: sic vnaquæq; virtus vita est. Vnde dicitur Rom. 7. de prudentia spiritus, quod vita est. Fides vita est intellectus. Est enim viuus radius à vero sole procedens, sufficiens ad producendum fructum boni operis, sicut arbor viua fructus ex se producit. Ipsa etiam est causa residui vitæ spiritualis. Ipsa causa amoris est, qui dicitur vita animæ. Vnde super illud Galat. 5. *Fides quæ per dilectionem operatur*: dicit gloss. *Opus fidei dilectio est.* Bernard. ad fratres de Monte Dei: Vita animæ amor Dei. Hunc fides eõcipit, spes parturit. Spiritus sanctus format & viuificat, lactat lectio, meditatio pascit, oratio cõfortat & illuminat. Amor Dei dici potest vita: quia opera bona ideo sũt Deo accepta & remuneratione digna, quia ex amore Dei processerunt, & in hoc attendi potest vita eorum. Fides ergo causa est dilectionis, & per dilectionem causa est operum. Vnde ipsa est prima pars vitæ gratiæ, & causa totius residui vitæ. Ideo bene dicitur Rom. 1. & Hebr. 10. *quod iustus ex fide vivit.* Et Gal. 1. *In fide vivo filij Dei* Vita etiã gloriæ ex fide erit. 1. Ioan. 5. *Vitam habebitis æternam, qui creditis in nomine filij Dei.* Extra fidem nihil

viuit: in mari mortuo nihil viuere potest, sed ante faciem fidei ibit mors. Habac. 3. Ipsa est lux quæ oritur his qui sunt in umbra mortis, &c. Esa. 9. *Habitantibus in regione umbrae mortis, &c.* Ante faciem eius ibit triplex mors. Prima mors culpæ. Proverb. 5. *Per misericordiam & fidem purgantur peccata* Galat. 1. *Ex operibus legis non iustificatur homo, nisi per fidem Iesu Christi.* Ro. 1. *Iustificati igitur ex fide, &c.* Act. 10. *Huic omnes prophetæ & testimonium perhibet, remissionem peccatorum accipere per nomen eius omnes qui credunt in eum. In hoc omnis qui credit iustificatur.* Secunda est mors temporalis, quæ in portam vitæ æternæ per fidem conuertitur. August. 13. lib. de Ciuitat. Dei: Tantam Deus fidei gratiam præstitit, vt mors quam constat vitæ esse contrariam, instrumentum fieret per quod transiretur ad vitam. Ioan. 11. *Qui credit in me etiam si mortuus fuerit, viuet.* Interl. Credens etiam mortuus vivit, sicut non credens etiam viuus mortuus est. Tertia mors æterna. vnde Ioan. 11. *Omnis qui viuit, & credit in me, non morietur in æternũ.* Item fides est initium salutis humanæ, vt dicit August. Et causa totius salutis est aspectus ille Christi in cruce exaltati, qui sanat à morfu serpentum infernalium. Ioa. 3. *Sicut Moyses exaltauit serpentem in deserto: ita exaltari oportet filium hominis: ut omnis qui credit in eum, non pereat, sed habeat vitam æternam.* Hoc significatum est Num. 21. Rom. 10. *Si confitearis in ore tuo Dominum Iesum Christum, & in corde tuo credideris, quia Deus suscitauit eum à mortuis, saluus eris.* Fides est fundamentum omnium bonorum: vt dicit Aug. Vnde videtur ruinam querere, qui sine ea vult ædificare. Rom. 11. *Tu autem fide stas.* 1. Cor. 16. *Vigilate & stete in fide.* Eccl. 2. *Qui timetis Dominum, credite illi, & non cnuabatur mercos vestra.* Esa. 7. *Si non credideritis, non permanebitis.* In fide stabile est ædificium: cum fides in aliquo destruitur, funditus bonum in eo destruitur. Senec. Nihil retinet qui fidem perdidit. Qui sine

Mors triplex.  
1.

1.

1.

fide est, omni vero bono vacuus est. Vnde de quodam Iudæo qui propter defectum hospicii in templo Apollinis iacebat, dæmones qui ibi cōuenerant requisiti à magistro suo, quis ibi iaceret, Responderunt, *Vah, vah, vas vacuum, sed signatum*, vt refert Gregor. in Dial. Ille non habebat fidem Christianam : sed sibi in nocte im-  
 Fides om-  
 nium bo-  
 norum  
 radix.  
 prefferat signū crucis, quia viderat Christianos sic facientes : vnde cum non haberet veram fidem, vacuus erat omni bono. Item fides est radix omniū bonorum. Cæteræ virtutes sunt radices suorum operū : sed ipsa est radix cæterarum virtutum. Si hæc radix auellatur, cæteræ virtutes arescunt. Aug. super Ioan. Sicut in radice arboris nulla prorsus apparet species pulchritudinis & decoris : & tamen quidquid est in arbore pulchritudinis & decoris, ex illa procedit. Si ex fidei humilitate, quidquid meriti, quidquid vel beatitudinis anima susceptura est, procedit. Itē Greg. Sicut rami sine radice virtutis arescunt : ita quælibet opera licet bona videantur, nulla sunt si à fidei soliditate disjunguntur. Fides hominē filium Dei efficit Gal. 3. *Omnes filij Dei estis per fidem.* Io. 1. *Dedit eis potestatem filios Dei fieri, &c.* Io. 5. *Omnis qui credit quoniam Iesus est Christus, ex Deo natus est.* Aug. de Fide ad Petrum : Sine fide nemo potest ad filiorum Dei numerum peruenire. Fides est quæ viam ostendit regni. Vnde Aug. super illud Rom. 3. Arbitramur hominem iustificari per fidem. Bona ante fidem inania sunt : ita enim mihi videntur esse vt magnæ vires & cursus celerrimus præter viam. Nemo ergo cōputet vere bona opera sua ante fidem : vbi fides non erat, vere bonum opus non erat, bonum enim opus intentio facit, intentionem fides dirigit. Idem de fide ad Petrum : Sine fide omnis labor hominis vacuus est. Tale quippe est, vt sine vera fide quisque velit Deo placere : quale si quisque tendens ad patriam in qua scit se bene victurum, relinquat itineris rectitudinem. & improvidus sectetur errorem quo non ad

beatam vitam perueniat, sed in præcipitiū cadat vbi non gaudium perueniēti detur, sed cadenti interitus inferatur. Idem : Si bona videbantur antequam crederes, curabas quidem : sed præter viam currendo, errabas potius quam perueniebas. Item fides videtur esse mater cæterarum virtutū genitura : vt tangit gl. interli. super illud Matth. 1. *Abraham genuit Isaac, &c.* Itē fides habet prænum congressum in bello spirituali : secundum illud Prudentij. *Prima petit campum dubia sorte duelli, Pugnatura fides.* Fidei in Scriptura S. specialiter victoria adscribitur. Vnde de sanctis dicitur Heb. 11. quod per fidem vicerunt regna : Vicit fides & regnum inferni, & regnum cœli, & regnum mundi. Regnum inferni vicit, cum fidelib. Christus contriuit portas æreas, & vectes fæstos confregit, & quotidie infernum vincit, dum oratio fidelium animas à porta inferi eripit, & dum ignem infernaleum quantum ad eos qui vere fideles efficiuntur, extinguit. Le-  
 Exemplū  
 gitur etiā de B. Gregorio, quod cum quodam tempore ante palatia Traiani, qui Imperator fuerat, transiret : recordatus clementiæ eius, amarissime flere cœpit, & pro eo tandiu ante altare S. Petri flens orauit, donec obdormiuit, & ad eum dormientem vox dixit, Traianum precibus eius à pœnis infernalibus liberatum : sed de cætero cauere, ne pro aliquo infideli defuncto orare præsumeret. Regnum cœli etiam vincit; quia quasi quadam violētia; illud acquirit, per fidem enim sancti adepti sunt repromissiones. Heb. 1. 1. Per. 1. *Reportantes finem fidei salutem animarum vestrarum.* Item vincit mundum 1. Io. 5. *Hæc est victoria quæ vincit mundum, fides nostra.* Fides vincit mundum, in quibusdā mundum subiiciendo, in aliis eum abiiiciendo. Subiiciendo vincunt mundum, qui remanentes in mundo terrena sibi subiiciunt, & dominantes eis faciunt quodammodo se altiores, & ad impugnandū inimicum potentiores. Faciunt enim inde largas eleemosynas. Qui modus impugnā-



di diabolus valde efficax est. Vnde super illud Ps. *Misericordia mea, & refugium meum*, dicit Aug. De nullare sic vincitur inimicus diabolus, sicut de misericordia. Et Eccles. 29. dicitur de eleemosyna : *Super scutum potentis, & super lanceam aduersus inimicum tuum pugnabit*. E contrario cupidi & auari nō sibi terrena subiiciunt, sed potius se terrenis, super humeros suos ponentes ea quæ male acquirunt, & quasi se vino sepelientes, similes talpæ super humeros suos ponenti terram, quam fodit. Secundo modo vincunt mundū, qui rebus mundi pro amore Christi renuntiant, qui ad modum lucratiūm se terrenis spoliānt, ne diabolus habens quo eos teneat, deiiciat eos & deuincat. Luc. 14. *Omnis ex vobis qui non renunciauerit omnibus quæ possidet, non potest meus esse discipulus*. Fides vincit mundū, id est, ea quæ sunt in mundo : scilicet diuitias, delicias, & honores. Diuitias vincit, dum ostendit corpus nostrum latronem esse morti cōdemnatum : de quo patet quod non decet eum delicias, Senec. Omnes capitali supplicio condemnati sumus. Eccles. 33. *Sermo maleuoli tortura & compedes*. Esa. 11. *Et erit fides cinctorium renum eius*. Diuitias vincit, dum ostendit eas esse muscipulam diaboli. August. Præda quam vis rapere, muscipula est : tenes alienum, & teneris a diabolo. Item diuitias vincit, dum æternas longe meliores eis ostendit. Heb. 10. *Rapinam bonorum & stirorum cum gaudio suscepistis, cognoscetes vos habere meliorem & manentem substantiam*. 1. Timoth. vlt. super illud, *Seclare iustitiam, pietatem, fidem*, dicit gloss. Qui veram fidē de Deo habet, nō cupit in mlieris sæculi diues fieri : nec pluri est ei mundus quam Deus. Greg. Vilescunt temporalia, dum considerantur æterna : honores vincit, dum ple-nos confusione eos esse ostendit. Philip. 3. *Gloria in confusione eorum qui terrena sap-piunt*. Bernard. Omnis purpura illusionis est, postquam Domino in purpura illusum est. Hæc tria Moyses fide vicit. Vnde ad

Heb. 11. *Fide Moyses factus grandis, ne-gauit se filium esse filia Pharaonis* : ecce cō-temptus honoris. Magis eligens affligi cū populo Dei, quam temporalis peccati habere iocunditatem : ecce contemptus de-liciarum. Maiores diuitias æstmans the-sauro Egyptiorum improprium Chri-sti : ecce contemptus diuitiarum. Aspi-ciebat enim in remunerationem. De hac victoria mundi dicitur 1. Ioan. 5. *Qui se est qui vincit mundum, nisi qui credit quoniā Christus est filius Dei viui* : quod intelli-gēdum est de illo qui hoc credit fide viua. De fide enim mortua dicit Bernard. Nec mirum videri potest si nequaquam vincit fides, quæ nec viuūt. Et notandum quod mundus quasi duabus manibus nobiscum pugnat, scilicet dextera prosperitatis & sinistra aduersitatis, prosperis scilicet alli-ciens, & aduersis terrens : quem ille vincit qui credit quod Christus est filius Dei. Qui enim hoc credit, cum filius Dei fue-rit summe bonus, nouit quoniam in ipso non fuit defectus veri boni nec præsentia veri mali. Vnde cum in eo tēporalis prosperitas defuerit, & aduersitas affuerit, co-gnoscere potest, quod temporalis prosperitas non est verum bonum, nec tempora-ralis aduersitas verum malum : vnde nec illa est appetenda, nec est timēda, August. Omnia bona terrena contempsit homo Christus, vt contemnenda monstraret, & omnia mala terrena sustinuit quæ sustinē-da præcipiebat, vt nec in illis quæreret felicitas, nec in istis timeretur infelicitas. Item fides regna vincit faciendo ne pec-catum in vobis regnet. Rom. 6. *Non regnet peccatum in vestro mortali corpore, vt obediatis concupiscentiis eius*. Fides est scutum triāgulare quo circumdat nos veritas Dei. Vnus angelus est fides de pœnis æternis. Alius de bonis æternis. Tertius fides Chri-sti mediatoris. Fides ostendit eis qui sunt in pugna spirituali ex vna parte regnū eis paratum si vicerint, ex alia parte patibulum infernale eis paratum si victi fuerint : & sic causa est strenue pugnandi & vin-

Mundus  
pugnat  
nobiscum

Fides  
vincit  
mundū

cendi. Bernard. Quid est quod non optamus etiam per medios enses, si oporteat declinare tantam miseriam ad tantam accelerare gloriam, nisi quod mortua est fides nostra?

Fides ostendit pugnantis Christum. Et hoc tripliciter. Primo ut strenuum ducem strenue agendi exemplum dantem. Secundo, ut fortissimum adiutorem. Tercio, ut liberalissimum remuneratorem. Primo modo ostendit ipse se Apostolis cum essent clausi in domo propter metum Iudeorum ostendens eis manus & latus, Luc. ult. & Ioan. penult. & 16. *Confidite, ego vici mundum.* Thren. 3. *Dabis eis scutum cordis laborem tuum.* August. Magna consolatio membris ex capite. Gregor. Si passio Domini ad memoriam reuocetur, nihil est adeo durum quod non æquo animo tolleretur. Hebr. 12. *Recogitate eum qui talem sustinuit à peccatoribus, aduersus semetipsum contradictionem, ut non fatigemini animis vestris deficientes.* Secundo modo ostendit se Christus Stephano pro eo lapidando, qui vidit gloriam Dei, & Iesum stantem à dextris eius, tanquam paratum ad adiuuandum. Act. 7. 1. Corinth. 10. *Fidelis Deus qui non patietur vos tentari supra id quod potestis: sed faciet cum temptatione prouentum: ut possitis sustinere.* Iosue 1. *Confortare, & esto robustus, noli metueri, & noli timere, quia tecum est Dominus.* Iob. 17. *Pone me Domine iuxta te & cuiusuis manus pugnet contra me.* Fides ponit Deum iuxta hominem, immo infra hominem. Per fidem enim habitat Deus in cordibus nostris: unde ipse pugnans in homine triumphat. 2. Paral. 20. *Non est pugna vestra: sed Domini.* Et post, *non eritis vos qui dimicabitis: sed tantummodo confidenter stete, & videbitis auxilium Domini super vos.* Bernard. Quotiens temptationibus resistis, quotiens vincis malum, noli propriis tribuere viribus: noli in te: sed magis in Domino gloriari: quando enim fortis ille armatus tuæ cederet infirmitati? Tercio modo ostendit se Deus Abraham Genes. 15. No-

li (inquit) *timere, ego protector tuus, & merces tua magna nimis.* Augustin. Labor te terret, vide mercedem. Bernard. Vtrumque mihi es Domine Iesu, & speculum patiendi: & præmium patienti: fides determinat nobis & locum pugne spiritualis, & tempus. De loco dicit Bernard. In modo isto quasi in stadio certaminis positi sumus, ubi Christus mortuus est. Quisquis ergo hic liuorem vel plagam non susceperit, in futuro iudicio miles inglorius apparebit. Tempus vero militare est tempus præsentis vite. Iob. 7. *Miseria est vita hominis super terram.* Fides ostendit hostes cum quibus pugnare habemus, & modum pugnandi quem habent. Fides etiam ostendit & Deum, & angelos bonos, & malos aspicientes certamen nostrum. Boni aspiciunt, ut si vicerimus gaudeant: mali ut si victi fuerimus, irrideant, 1. Corinth. 4. *Spektaculum facti sumus mundo, & angelis, & hominibus.* Homo sine fide est quasi homo cæcus qui pugnat cum vidente. Fides radix sapientiæ. Ecclesiast. 1. Gregor. vocat eam sapientiam in 1. Mora. Fides est sapientia illa quam non vincit malitia. Sapient. 7. *Attingit enim à fine usque ad finem fortiter.* A fine inquam cogitationis usque ad finem operis. Fides enim ostendit cogitationem malam esse velut caput serpentis infernalis, cui fortiter resistendum est. Hieronymus: Lubricus est antiquus serpens, & nisi capite teneatur statim totus illabitur. Item, fides attingit à fine: id est, usque ad extremum iudiciū. Per beneficium creationis inuitans homines ad Dei seruitium, & per distractionem iudicii exterrens à Dei offensa. Item fides attingit à fine usque ad finem, à cælo, scilicet usque ad infernum, à delectationibus transitoriis separans homines amaritudine suppliciorum infernalium, & amaritudines quæ occurrunt in seruitio Dei dulcoras magnitudine præmiorum. Greg. si dulcia quærimus, necesse est ut amara toleremus. Ecclesiast. 1. *Usque in tempus sustinebis patiens & postea redditio incurrat.*

*ditatis.* Sic sapientia disponit omnia suauiter; guttas amaritudinum præsentium immensâ dulcedine futurorum bonorum condiens. Fides dicit illud Esa. 38. *In dimidio dierum meorum vadā ad portas inferi.* Nunc habitat in cœlo, nunc in inferno. Ipsa descendit in infernum viuens, ne descendat moriens. Fides triumphat de vitiis, alia aquâ lachrymarum submergendo, alia igne infernali exurendo, alia fame ieiuniorum & aliis afflictionib. effugando & sacerdoti ea exponendo, vt præ erubescencia & consulatione ab homine recedant. Fides à Deo fortitudinem recipit. 2. Paralipom. 16. *Præbet fortitudinem his qui persequendo corde credunt in eum.* Fide Deus ab hostibus protegit. Eiusdem 20. *Credite in Dominum Deum vestrum & securi eritis.* Item à periculis eripit. Matth. 2. *Ananias, Azarias, Miquel credentes liberati sunt de flamma.* Fides miracula facit. Marc. 16. *Significos qui crediderint, hæc sequentur: In nomine meo, &c.* Matth. 17. *Si habueritis fidem sicut granum sinapis, dicetis monti huic, transi hinc, & transibit, & nihil impossibile erit vobis.* Et Marc. 12. *Si potes credere, omnia possibilia sunt credenti.* Ioa. 14. *Qui credit in me, opera quæ ego facio ipse faciet, & maiora horum faciet.* Heb. 11. *Fide transferunt mare rubrum tanquam per aridam terram.* & post: *Fide muri Iericho corruerunt.* Matth. 9. *Fides tua te saluū fecit:* dictum est mulieri patienti fluxum sanguinis. Et Marc. 10. dictum est cæco: *Vade, fides tua te saluū fecit.* Etiam fidei in formi fiunt miracula. Vnde cum Alexander venisset ad montes Caspios, & petissent filii captiuitatis x. tribuum licentiam egrediendi ab eo, ipsa cognita causa inclusionis eorum, quod scilicet recessissent aperte à Deo Israel vitulis aureis immolando, & per prophetas Dei prædictum eos à captiuitate non redituros: respondit quod arctius includeret eos. Cumque angustas vias eorum obstruere vellet molibus bituminatis; videns laborem humanum non sufficere, orauit Deum Isael vt opus illud compleret: & accesserunt ad se

inuicem prærupta montium & factus est locus immeabilis. Et vt ait Ioseph, Deus quid facturus est pro fidelibus suis, si tantū fecit pro infidelibus: etiam fides informis triumphare facit. Sicut videtur accidisse Alexandro, cui per somnium Deus apparuit in habitu summi sacerdotis, dum adhuc Alexander in Dio ciuitatem Macedoniae esset constitutus: dumque cogitaret vtrem Asiam posset obtinere, iussit eum confidere: nam ipse exercitum eius perduceret, & principatum Persarum ei traderet. Qui promissioni eius credidit, & secundum fidem suam factum est ei. Vnde cum ipse Alexander iratus Iudæis veniret Hierosolymam, & pontifex Iudæorum præcepto Domini pontificalibus indutus, & reliqui sacerdotes cum eo legitimis stolis induti obuiam exirent ei extra ciuitatem, Alexander intuens antistitem pontificali stola insignem, & super cicatrim laminam in qua scriptum erat nomen Domini, descendit de equo, & adiit eum solus, & nomen Domini adorauit, & pontificem veneratus est. Et obstupuerunt principes exercitus putantes mentem regis ludificatam. Solus Parmenio quæsiuit ab eo cur sacerdotem gentis Iudææ adorasset, respondit: Non hunc adoravi, sed Deum cuius principatum sacerdotii gerit: nam per somnium in tali habitu Deum conplexi. Item fides vsque ad Deum attingit. Vnde Aug. Fides est res audax & improba, perueniens quo non pertingit intelligentia: ipsa ascendit super Cherubin, & volat super Seraphim senas alas habentia. Esaia 6. Bernardus. Quid non innemat fides? Attingit inaccessa, reprehendit ignota, comprehendit immentia, apprehendit nouissima, ipsam deniq; æternitatem suo illo vastissimo sinu quodammodo circumcludit. Fides est virtus probata quæ corripit insipientes Sap. 1. *Ipsa est communis via salutis, & sapientibus & insipientibus: ipsa in fornace presentis tribulationis non laditur, sed melioratur.* 1. Per. 1. *Vt probatio fidei vestra multa pretiosior sit.*

auro quod per ignem probatur. Ipsa ordinat & regit totam vitam presentem. Vnde Apostolus Heb. 11. *Opera antiquorum patrum quibus vel Deo placuerunt, vel hominibus mirabiles extiterunt: fidei attribuit, exempla ponens de diuersis libris Veteris testamenti. Apoc. 13. Hæc est potentia & fides sanctorum.* Et hæc de commendatione fidei sufficiant, licet multa ad eius laudem pertinentia deficiant. Apostolus ad Heb. 11. Laudes fidei non compleuit. *Deficiet, inquit, tempus me enarrantem de Gedeon &c.* Vnde non est mirum si nos eas non expleamus.

## CAPUT V.

## De Articulis Fidei.

Omnia credenda articuli fidei.

**S**equitur de articulis fidei. Sunt autem Articuli modicæ partes fidei prout fides nominat eas quæ creduntur: sicut articulos dicimus modica membra in corpore humano. Arcamur ad articulos credendos: & ipsi crediti arcant nos ad timorem Dei, vel amorem, vel aliam affectionem in Deum. Et notandum quod non omnia credenda dici possunt articuli fidei. Sunt enim quædam quæ fidem antecedunt, vt quæ sunt iuris naturalis, sicut est hoc, quod proximo non est nocendum. Quædam vero consequuntur fidem: vt antichristum esse futurum. Et licet tam hæc quàm illa sint credenda: tamen non sunt articuli fidei, vt videtur quibusdam quod non sint articuli nisi sint de Deo. Item notandum quod inter credenda quædam sunt de Deo, quædam de aliis. Inter ea vero quæ sunt de Deo, quædam sunt de Deo sine respectu creaturarum: quædam de Deo per respectum ad creaturas. Quæ sunt sine respectu creaturarum, sunt vnitatis essentia, singularitas in nobilitate, & supereminetia: contra quæ blasphemauit Manichæus ponens duo principia, bonorum scilicet & malorum, & duos principes lucis & tenebrarum, & duo regna, æternitas, simplicitas, immutabilitas per-

Error Manichæi.

sonarum, Trinitas, & earundem æqualitas: hæc sunt quasi septem stellæ in dextera Apocalyp. 1. Fides enim illuminans circa ista septem, donum Christi est. Inter ea vero quæ dicuntur respectu creaturarum, principalia sunt, Dei potentia, sapientia, bonitas vel benignitas. Consequētia vero ad hæc sunt, creatio, recreatio, & similia. Ex apprehensione diuinæ potentia adoratio & veneratio: Ad adorationem pertinet humiliatio nostra exterior, vel interior, qua recognoscimus nos subesse Deo ad saluandum vel perdendum iure plenissimo. Exterior fit hæc recognotio curuatione, genuflexione, prostratione, & cum exprimimus verbo nostram subiectionem ad dominatissimam potentiam Dei. Interior vero fit hæc cognitio, dum cogitamus prauitatem nostram diuinæ maiestati subiectam. Ad venerationem vero pertinet quod ad Deum non nisi loti præsumimus accedere, vel sacra loca intrare, vel sacra contrectare. Item ad eandem pertinet sacrorum locorum decor, vasorum & ornamentorum & illuminarium apparatus, & celebritas diuini officii. Ex sapientia vero Dei cuncta lucide intuen- tur timor, & pudor, & sollicitudo dectandi ea quæ Deo displicent, & querendi ea quæ Deo placent. De bonitate vero primo oritur amor: & si referatur bonitas ad operationes, quatuor sortitur nomina. Primo vocatur gratuita beneficentia, in quantum gratis tribuit bona sua. Secundo misericordia, in quantum tollit vel lenit mala nostra. Tertio iustitia, in quantum vlciscitur mala. Quarto, largitas remunerans obsequia. Ex bonitate Dei primo modo nominata oriuntur quatuor partes diuini cultus ex radice vnius virtutis procedentes, quæ dici potest gratitudo vel deuotio. Prima pars est gratiarum actio. Secunda benedictio, seu bonorum imprecatio. Tertia laudatio. Quarta glorificatio, quæ est beneficiorum Dei prædicatio ad alios. Ex misericordia vero oriuntur multæ partes diuini cultus procedentes ex

adice vnus virtutis, quæ est spes veniæ vel gratiæ. Prima pars est deprecatio pro malis tollendis vel leniendis. Secunda, oratio pro bonis obtinendis. Tertia, afflictio, vt ieiunium. Quarta, eleemosyna. Ex iustitia per donum timoris oriuntur poenitentia de præteritis, & cautela à malis futuris, in quantum referuntur ad fugiendam diuinam ultionem. Ex largitate obsequia remunerante oritur spes remunerationis, ex qua est omnis diuinus cultus, in quantum via est ad mercedem æternam. Inter credenda vero quæ sunt de aliis rebus à Deo, Primum est, quod nihil numinis est in aliis rebus à Deo. Secundum, mundi inchoatio cum vniuersis quæ de eo sunt. Tertium, creatio animarum in corporib. Quartum, earum immortalitas. Quintum, singularitas corporum contra pluralitatem Pythagoricam. Sextum, resurrectio corporum. Septimum, loca tormentorum futurorum, scilicet infernus & purgatorium. Octauum, sacramenta. Nonum, gratia. Decimum, liberum arbitrium. Circa ista inveniuntur errores. Item notandum quod articuli fidei collecti sunt in tribus locis, scilicet in symbolo Apostolorum, quod dicitur submisit, & in illo symbolo quod cantatur in Missa quod à sanctis compositum est: & in Symbolo Athanasii, quod cantatur ad Primam, scilicet, Quicumque vult. Primum factum fuit ad instructionem Ecclesiæ, quando nouella erat. Aliud post, hæresibus ortis, ad explanationem primi, & expugnationem quarundam hæresum ortarum & maxime contra illam quæ dicebat adorationem Spiritui sancto non esse tribuendam, vnde contrarium multum exprimitur in illo Symbolo. Tertium vero factum fuit contra alias hæreses & maxime contra illas quæ erant contra incarnationem Filii & resurrectionem mortuorum. Primum ideo dicitur submisit: quia quando factum fuit, non ita publice fiebat fidei protestatio. Alia vero duo alta voce: quia facta fuerunt contra hæreticorum proclamationem,

& quia tunc publica erat fidei protestatio. Primum Symbolum dicitur ad Primam & ad Completorium duplici ratione. Primo, quia altera harum horarum principium diei est, altera noctis. In principio ergo diei & in principio noctis dicitur Credo in Deum, quia fides est principium omnis boni. Secundo, quia fidei professio valet ad effugandos dæmones, qui diurnis & nocturnis actibus insidiantur, & eisdem horis, eisdem rationibus à laicis fidelibus dicendum esset. A religiosis tamen dicitur, quando frater morti appropinquit ad dæmones effugandos, qui fini hominis insidiantur, secundum illud Genes. 3. *Tu insidiaberis calcaneo illius.* Possumus autem distinguere Symbolum Apostolorum in duodecim articulos, sicut duodecim fuerunt Apostoli qui composuerunt. Fides vero horum duodecim articulorum est velut corona duodecim stellarum in capite sponsæ: in intellectu scilicet. Apocalyp. 12. Primus articulus pertinet ad Patrem, sex sequentes ad filium. Primus illorum secundum deitatem, quinque alii secundum humanitatem, & quinque ultimi pertinent ad Spiritum Sanctum. Primus articulus est. *Creda in Deum Patrem omnipotentem creatorem celi & terre.* Et notandum quod non est idem credere Deo, & credere in Deum. Deo credit, qui credit esse vera quæ ab eo dicuntur: & hoc modo possumus dicere quod aliquis credit Petro & Paulo. Credere in Deum est credendo diligere, & credendo in eum ire: Vnde Gloss. Augustin. super illud Rom. 4. *Credere in eum qui iustificat impium &c.* Quid est credere in Deum? Credendo amare, credendo diligere, credendo in eum ire, & membris eius incorporari: Fides ostendit homini Deum esse summum bonum: ideo gressu amoris & boni operis habens fidem tendit in Deum. Ex iam dictis patet, quod ille qui in peccato mortali est, mentitur cum dicit: Credo in Deum, si intendit illud dicere in propria persona. Aliud est si intendat hoc dicere in persona

Articu-  
li fidei in  
in tribus  
compre-  
hensi.

Ecclesiæ fidem eius profitendo. Ad declarationem vero eius verbi, Credo in Deum: additur in symbolo sanctorum vñū, cum dicitur, Credo in vñum Deum. Sequitur, Patrem omnipotentem. Omnipotentia in tribus attenditur, scilicet in amplitudine potentiz: potest enim quæcumque vult facere. Secundo in hoc quod ad agendum nullo indiget. Tertio in hoc quod à nullo prohiberi potest. Et attende hanc coniunctionem Patrem omnipotentem, valde dulcem esse vere fideli. Patri enim non deest bona voluntas ad filios, præcipue patri misericordiarum qui minus obliuiscitur filiorum suorum quam mater. Esa. 49. Omnipotenti vero non deest potestas implendi illam bonam voluntatem. Patris omnipotentiam non videntur credere, qui relicto Deo adhærent diabolo, credentes se fame morituros si Deo seruiant: quasi diabolus vel melioris voluntatis, vel maioris potestatis sit ad providendum his qui sibi seruiunt, quam Deus. Sequitur, *Creatorem cæli & terræ*. Creare est de nihilo aliquid facere. Ad declarationem huius verbi, dicitur in symbolo Sanctorum. *Factorem cæli & terræ, visibilium, & invisibilium*. Quæ expressio facta est contra illam hæresim, quæ dicit visibilia esse à principe tenebrarum, invisibilia vero à Deo. Secundus articulus est. *Et in Iesum Christum filium eius unicum, Dominum nostrum*. Et est sensus: Credo, &c. id est, fide tendo in Iesum Christum, fidem habeo de ipso quod ipse sit Iesus, id est, Saluator eorum qui ei adhærent, ideo ei adhæreo. Et iterum quia fidem habeo quod ipse sit Christus: id est, vnicus & benignus. Bernardus: Omnino propter mansuetudinē quæ prædicatur in te, currimus post te Domine Iesu, auditis quod pauperes non spernas, peccatores nō horreas. Itē credo quod sis filius Dei cui seruire honor est. In hoc quod dicitur filius Dei, insinuat quod ipse sit Deus. Sicut. n. filius hominis homo est non alterius speciei: sic filius Dei Deus est. Sequitur. *Vnicum Do-*

*minum nostrum*. Christus Dominus noster est duplici iure, scilicet iure creationis & iure redēptionis. Creatura necessario est creatoris, cum eam gratis fecerit & ex nihilo. Tribus de causis aliquis habet ius in re, quæ sit, vel quia eam facit, vel quia pretio eius sit, vel quia materia ex qua sit ipsius est: sed nulla harum causarū aliquod habet dominium in creatura, nisi creator. Contra vniuersale dominium Christi peccare videntur, hi qui volunt dominari, & qui contra voluntatem Dei terrenis dominis nolunt obsequi. Qui ascendit super occasum, Dominus nomen est illi. Ille solus pro Domino habendus est, qui suscitare potest hominem, si in eius seruitio mortuus fuerit. Non libenter sequitur miles dominum illum qui non potest ei restituere equū suū si in seruitio eius eū amiserit. Primus inter articulos pertinentes ad filij humanitatem, est hic, *Qui conceptus est de Spiritu sancto, natus ex Maria virgine*. Christus conceptus est de Spiritu sancto: id est, Spiritus sancti operatione: quia Spiritus sanctus separauit à beata Virgine quod purissimum erat in ea, & formauit inde corpus Christi, & instanti animam infudit, vt tam cito esset verus homo & verus Deus. Non fuit anima infusa circa. 40. diem à conceptione, sicut dicitur fieri in alijs. Immo fuit vir ab ipsa conceptione. Hierem. 31. *Novum creauit Dominus super terram, semina circumdabit virum, &c.* Christus in conceptione culpam cavit, in natiuitate vero matri suæ damnum virginittatis non intulit, nec ei doloris causa fuit. Mansit enim mater eius virgo post partum, & sine dolore eum peperit: in quo dedit exempla alijs vt benigne sese habeant erga matres suas, nec sint eis causa doloris vel depauperationis. Secundus articulus, pertinet ad humanitatem est. *Passus sub Pontio Pilato, crucifixus, mortuus & sepultus*. Attendere debet fidelis quanta pro eo sit passus, & à persona quæ indigna erat etiam vita, cum esset infidelis. Cruci etiam affixus est, quod erat

vilissimum genus tormentorum, in qua perseuerauit vsque ad mortem, vt fideles à cruce pœnitentiæ ad suggestionē diaboli non descendant. Sepultus est, licet corpus eius non esset dandum corruptioni, secundum illud: *Non dabis sanctum tuum videre corruptionem.* Volens in ista absconsione aliis assimilari. Tertius articulus pertinet ad humanitatem, est, *Descendit ad inferna*: & hoc secundum animam, vt extraheret suos qui in limbo erāt. Et attende perversitatem hominis qui nō vult Christum sequi in cœlum qui hominem secutus est in infernum. Quartus est. *Tertia die resurrexit à mortuis.* Si Christus mortuus sua virtute resurrexit: verisimile est quod ipse iam viuēs mortuus suscitare possit. Quintus est. *Ascendit ad cœlos, sedet ad dexteram Dei Patris omnipotentis*: inde venturus est iudicare viuos & mortuos. Si Christus ascendit in cœlum, ascendent post eum qui ei adhærent. In eodem enim hospitio membra recipientur, in quo caput receptum est. Christus secundum quod homo, sedet à dextris Patris, quia est in potioribus bonis eius, secundum vero quod Deus est, conregnat æqualis ei, vt tangit Gloss. super illud Psalm. *Sede à dextris meis.* Christus sibi & suis ad dexteram Patris locum elegit, quia in dextera sunt delectationes eius vsq; in finem. *Inde venturus est iudicare viuos & mortuos*: id est, bonos & malos, vel illos qui in aduentu suo viui reperientur, qui in momēto morientur, & postea surgent, & illos qui prius erant mortui. Magna fiducia erit fidelibus quod frater eorum iudicabit. Ioa.

Psalm. 99. 1. *Pater non iudicat quenquam, sed omne iudicium dedit filio.* Primus articulus pertinet ad Spiritum sanctum est. *Credo in Spiritum sanctum, sanctam Ecclesiam catholicam.* Credo: id est, fide tendo in Spiritum sanctum. Qui fidē habet quod Spiritus sanctus magnæ bonitatis & suauitatis sit his in quibus habitat, præparat se ad hoc quod sit eius habitaculum: hic per

gratiam, in futuro per gloriam. Sap. 12. *O quam bonus & suavis est Domine Spiritus tuus in nobis.* Ecclesiast. 24. *Spiritus meus super me dulcis.* Ad Spiritum sanctum tria pertinent in præsentī, & duo in futuro. Cum enim ipse sit bonitas ad eum pertinet destructio malitiæ, bonitas enim contraria est malitiæ. Vnde ad eum pertinet sanctificatio, ideo dicitur. *Sanctam Ecclesiam catholicam.* Et pertinet ad eundem articulum hæc duo: *Spiritum sanctum, sanctam Ecclesiam catholicam.* Credere enim debemus quod Spiritus ipse sanctus sit, & quod Ecclesia sancta sit ab eo. Itē ad Spiritum sanctum pertinet sanctorum communicatio: vnio membrorum in corpore Ecclesiæ & ad caput & ad inuicem: sicut spiritus humanus in corpore humano mēbra vnit, cuius vnionis signum est sacramentum Dominici corporis. Item ad Spiritum sanctum pertinet communio quam habent sancti ad inuicem, in hoc quod sunt socii in lucro, quod tangit David, dicens: *Particeps ego sum omnium timendum te &c.* In comunione ergo sanctorum tria intelligamus ad quæ pertinet secundus articulus. Sacramentum communionis mystici corporis quod est Ecclesia. Communione sanctæ societatis, ex qua accidit quod quilibet qui est de Ecclesia, vere partem habet in omnibus bonis quæ sunt in Ecclesia, per quam viam aliquis de facili ditatur. Ad quam etiam communionem sequi debet communicatio tam bonorum quam malorum temporalium, vt mala proximorum nobis assumamus per compassionem, & bona nostra eis communicemus per eleemosynarum largitionem. Item ad Spiritū S. pertinet remissio offensionum, cum ipse sit benignitas, ad quod pertinet tertius articulus. *Peccatorum remissionem.* Credere enim debemus quod peccata remittuntur in Ecclesia per baptismum & pœnitentiam & alia sacramenta: nec solum semel remittit Spiritus sanctus peccata homini, sed quotiescunque vere quis pœnitet. Ad bonitatem etiā

Psalm. 118.

Spiritus sancti pertinet remuneratio tam in corpore quam in anima. Ad remunerationem corporis pertinet quartus articulus. *Carnis resurrectionem*. Ad remunerationem animæ quintus. *Vitam æternam*. Qui carnis resurrectionē fideliter credit, non timet miserum corpus expendere in seruitio Christi ex quo sperat se recepturum illud cum quadruplici gloria claritatis, impassibilitatis, subtilitatis, & agilitatis. Item qui fidem habet de vita æterna, sollicitus debet esse quomodo illi provideat. Si cum tanta sollicitudine provideatur huic miseræ vitæ de qua nemo certus est per diem: quanta sollicitudo debet esse providendi illi vitæ de qua certū est quod erit æterna? Ibi nec locus erit mendicandi, vt manifestum est in diuite epulone. Luc. 16. Et in fatuis virginibus Matt. 25. Nec locus laborandi, nec aliquid mutuo accipiendi. In vita enim præsentis vix est aliquis cuius paupertati non consulatur aliquo istorum trium modorum. Ibi vero qui sibi non prouiderit, egestatem æternam patietur, vt nec guttam aquæ modicam habere possit. Et notandum quod Aug. in lib de fide, ad Petrum, enumerat 40. firmiter credenda & indubitanter tenenda, quæ causâ breuitatis hîc non posuimus.

## CAPVT VI.

*De erroribus qui Fie catholica dei aduersantur. Et primo de errore illorum qui negant Deum esse.*

**S**equitur de erroribus qui fidei catholicæ aduersantur. Et primo dicetur de errore illo quem tangit Dauid, dicens: *Dixit insipiens in corde suo, Non est Deus*. Et notandum quod hi qui sunt in errore isto, omni bono sunt indigni, quia largitori omnis boni ingrati: vnde indigni sunt disputatione quia laboratur ad destructionem erroris eorum, ipsi merito sunt à deo despecti, cum ipsi Deum non reputent: & ideo à correctione sunt valde remoti. Eccl.

7. *Considera opera Dei, quod nemo possit corrigere quem ille desepexerit*. Tum quia Dei misericordia immensa est, & quia scriptum est. *Responde stulto iuxta stultitiam suā ne sibi sapiens esse videatur*. Prou. 26. Ad extirpationem huius erroris aliqua dicemus. Error iste nō solū est insipiciētia, imo insania. Quæ maior insania quam dicere, illud non esse quod causa est omnibus vt sint? Cum insano verò nemo solet philosophari ad destructionem errorū ipsius philosophi. Stultum est de quolibet cōtraria opinionib. proferente esse sollicitum. Item philos. Non oportet omne problema, nec omnem positionem desiderare: sed quam dubitabit aliquis indigentium rationis & non pœnæ vel sensus. Nā qui dubitant vtrum oporteat Deum venerari, & parentes honorare, vel non, pœna indigent: qui autē vtrū nix alba, vel nō, fēsu. Vere qui Deū nō agnoscūt, pœna indigent, vt qui in bonis positi non agnoscūt bonorum omnium largitorem, in malis positi agnoscant malorum liberatorem. Greg. Oculos quos culpa claudit, pœna aperit. Esa. 28. *Sola vexatio tantummodo dabis intellectum auditui*. Hier. 16. secundum aliam trāssationem, *Per omne flagellum & dolorem erudieris Hierusalem*. Et Tob. 11. *Recuperauit visum Tobias, cum filius eius linisset oculos eius felle*. Et mar. 19. Antiochus Deum recognouit in tormentis à Deo positus, dicens: *Iustum est subditum esse Deo & mortalem non paria Deo sentire*. Pœna timorem incutit. timor (vero) initium sapientiæ est. Prou. 1. Qui in errore isto sunt, rusticiissimi & ignobilissimi sunt: vnde verbis erudiri non possunt. Prou. 29. *Seruus verbis erudiri non potest: quia quod dicis audit, & respondere contemnit*. Vere contemptus siue voluntas in causâ est, vel potius in culpa est, quod tales non credant Deum esse. Animo. n. inuito nihil facile suadetur. Ignobilis animi est & ingrati, nolle agnoscere benefactorem suum: nobilis verò animi est, multum desiderare agnoscere eum à

Deus totius esse causa.



quo beneficia recipit. Sicut patet in paupere illo de quo legitur in vita D. Nicolai: cui cum S. Nicolaus multiplicitate iniectione auri in domum eius paupertati ipsius consulisset, proposuit deinceps vigilare donec sciret quis esset qui aurum in domum illius tam caute proiecisset. Patet ergo valde ingratos esse, qui negant Deum esse à quo incessanter beneficia recipiunt, nec infinitis testibus hoc credere volunt. Tale est hoc ac si aliquis nollet credere ignem esse à quo tamen incessanter vehementer calefieret. Psal. *Non est qui se abscondat à calore eius.* Ber. in lib. de diligendo Deum: Inexcusabilis est infidelis si non diligit Deum tote corde, tota anima, tota virtute. Clamat intus ei innata iustitia: quia ex toto se illum diligere debeat, cui totum se debere non ignorat. Idem: Infidelem urget iustitia naturalis se totum tradere illi à quo se totum habet, & ex se toto diligere. Nullus est qui compos sit mentis suæ, qui non possit agnoscere quod ipse non semper fuit, & cum non fuit, nihil boni habuit: ergo esse suum & quidquid boni habet, ab alio habet: ergo vel à solis parentibus carnalibus, aut non: si à solis parentibus carnalibus illi non semper fuerunt: unde ab aliis habuerunt, & illi similiter ab aliis, donec perveniatur ad aliquem qui semper fuit, à quo primus pater carnalis initium habuit, à quo etiam habuit ut posset alium generare. Constat. n. quod parentes carnales non habent à se quod generent filium, cum quandoque generent quando nollent generare, & quandoque non generent cum vellent: & cum vellent generare filium, quandoque generant filiam. nescit etiam mater quomodo filius in ea generetur: sicut quædam laudabilis mater quæ dixit filiis suis. 2. Mat. 7. Nescio, inquit, qualiter in utero meo apparuistis, neque. n. ego spiritum & animam donavi vobis, & vitam, & singulorum membra non ego ipsa compegi. Si vero non à solis parentibus carnalibus esse suum habuit, sed à parentibus carnalibus corpus,

& à patre spiritum spiritum: secundum illud Arist. in lib. de Anim. Intellectus divinitus ab extrinseco advenit, cum primus pater carnalis qui non semper fuit, ab aliquo qui semper fuit, totum esse suum accepit, & quod aliquid boni posset habere, & quod aliquid boni posset conferre: patri illi qui semper fuit, omne bonum debetur, quod à nobis habetur qui vere Deus est. Magna est ergo ingratitude illum non agnoscere, cuius beneficia non cessamus recipere: nec solum per parentes carnales beneficia ipsius recipimus, sed etiam per alias creaturas. Collatio vero beneficiorum ipsius quædam exhortatio est ad amorem ipsius. Aug. l. 10. Confess. Cælum & terra, & omnia quæ in eis sunt, ecce undique mihi dicunt ut te amem, nec cessant dicere omnibus ut sint inexcusabiles. Error iste est quem odire debet quidquid odire potest, cum interimat patrem omnium. Unde debemus eum odire sicut aliquis odit eum qui patrem eius interemit. Qui in hoc errore sunt, demonibus quantum ad hoc deteriores etiam videntur, qui saltem Deum credunt esse. Iac. 2. *Tu credis quoniam unus est Deus, benefacis, & demones credunt & contremiscunt.* Qui in hoc errore sunt, in vanum videntur accepisse animam suam, cum Deum non agnoscant. Ad quem cognoscendum ratio eis data est. Propter quod enim rationem habent potius quam bruta animalia, si tantum illa quæ sensibus corporis subiacent, agnoscunt sicut & illa? Unde dominus iustissime posset tales punire, sicut puniuit Nabuchodonosor. Dan. 4. *Ab hominibus ejicient te, & cum bestiis & feris erit habitatio tua. Fenum quasi bos comedes, & septem tempora mutantur super te, donec scias quod dominetur Excelsus in regno hominum, & cuiusque volueris, dei illud.* Bern. super Cant. An non tibi videtur ipsis bestiis quodammodo bestialior esse homo ratione vicens & ratione non utens? Magna fatuitas dubitare de fonte ex quo apparet

fluuius continue p̄seuerans. Fonti insufficienti attestatur fluuii continuitas & certissimum iudicium creatoris est cōtinuus fluxus creaturarum. Et notandum quod ad cognoscendum Deum esse, natura incitat. Hoc idem omnis scriptura indicat, & omnis creatura clamat. De primo, Ioā. Damasc. Cognitio existendi Deum nobis naturaliter inserta est. In tantum vero p̄ualuit malitia hominū naturæ, vt quosdā in irrationabilissimum & omnium malorum pessimum perditionis barathrum deduceret, vt dicant non esse Deum. Deum esse, vox omniū est. Apud omnes enim nationes instinctus naturæ habetur. Vox autem omniū, vox naturæ est: iuxta verbū Sapientis. Secundum manifestū est: quia & scriptura gentilium, & Iudæorum, & Christianorum affirmat Deum esse. doctrina etiam nobilissimorum philosophorum hoc indicat, vt Platonis, Arist. Tullii. Sen. & similibus. Scriptura Iudæorū in principio asserit omnia à deo esse creata. Scriptura Christianorum in principio Euangelij. Ioā. per deum verbum asserit omnia esse facta. Omnis etiam creatura clamat deum esse, vt ostendit Aug. 11. l. de Ciu. dei: exceptis propheticis vocib. Mundus ipse ordinatissima sua mutabilitate & mobilitate visibilium omnium pulcherrima specie quodammodo tacitus & factum se esse, & non nisi à Deo ineffabiliter atque inuisibiliter fieri se nō potuisse proclamare. Idem 10. l. Confes. Interrogauit de Deo meo, cœlum, solem, lunam, stellas, neque nos sumus Deus quem quæris, inquit, & dixi omnib. qui circumstant carnem meam: Dicite mihi de Deo aliquid: exclamauerunt voce magna: Ipse fecit nos. Interrogatio mea, intentio mea, & responsio eorum, species, flores, & alia quæ terra producit quæ est infimū elementorum, & pedibus omnium calcatur, speciem nobis talem ostendunt qualem nullus homo qui dignissima creatura est, & qui rationem habet, cuius est discernere, posset facere: vnde ostensione il-

lius speciei apparet maiorem hominem esse qui talia facit. Terra enim per se talia facere non potest. Sicut mater non parit nisi aliunde receperit: sic terra aliunde recipit quod talia producat. August. in lib. de Trin. Sicut matres grauidæ sunt fortibus, sic ipse mundus grauidus est, caussis nascentium. Ostensione ergo speciei suæ exclamat flos se à Deo factum esse, cum nulla creatura nec etiam rationalis eum possit facere. Matth. 6. *Considerate liliæ agri, &c. Dico autem vobis, quod nec Salomon in omni gloria sua cooperatus est, sicut vnum ex istis.* Quod de flore dictū est, intelligatur de aliis creaturis. August. in lib. de vtilitate credendi: Non frustra intueri oportet & inaniter pulchritudinem cœli, ordinem syderum, vicissitudines temporum, in quorum consideratione non curiositas est exercenda, sed gradus ad æterna faciendus. Sa. 13. *A magnitudine speciei & creaturæ cognoscibiliter poteris creator horum videri.* Iob. 12. *Interrogauimus eum & docebunt te, & volatilia cœli, & indicabunt tibi: loquere terræ, & respondebit tibi, & narrabunt pisces maris. Quis ignorat quod omnia hæc manus Domini fecerit?* Rom. 1. vbi loquitur Apostolus de philosophis, Deus, inquit, *reuelauit eis.* gloss. Amb. Vt Deus qui natura indissolubilis est, etiam à visibilibus posset sciri, opus fecit quod opificem visibilitate sua manifestauit, vt per certum incertum posset sciri, & ille esse omnium Deus crederetur qui hæc fecit, quod ab aliis impossibile est fieri. Et subditur ibi in textu. Inuisibilia. n. ipsius à creatura mundi per ea quæ facta sunt, intellecta conspiciuntur: sempiterna quoque eius virtus & diuinitas. Dum sumus in hoc mundo inferiori, quasi per quandam scalam creaturarum ad cognitionē corporis oportet nos ascendere. Bern. Sane hac scala cœli ciues non egēt, sed nos exules; quia creatura cœli in verbo conspicit facta per verbum, nec opus habet ex his quæ facta sunt, factoris notitiam mendicare. Esa. 40. *Leuate in excelsum oculos vestros, & videte quis*

*se quis creauit hæc, qui eduxit in numero militiam eorum.* Et gloss. August. super cap. ad Rom. 1. Philosophi totum considerasti rerum ordinem, & non vis attendere quod mundus opus Dei sit, idolum opus fabri. Si faber idolo sicut dedit figuram daret & cor, ab ipso idolo faber adoraretur. Ex quo sequitur, inexcusabilem esse qui creatorẽ suum non adorat, qui eũ præ creaturis visibilibus honorauit dando ei rationem. Cum homines agnoscant animam esse per effectus ipsius in corpore, vt est vita, sensus, motus, licet ipsa inuisibilis sit, & omnino insensibilis: quare similiter non agnoscunt ipsi creatorem esse in mundo per eius opera? Amb. super ca. 1. ad Rom. Sicut ex motibus & administratione corporis animam quam non vides intelligis: sic ex administratione totius mundi & regimine omnium creatorem Philosophi intellexerunt. Sen. in lib. de naturalib. quæst. Quid est Deus meus, inquit, vniuersi. Sic se habet Deus regendo vniuersum, sicut mens regendo corpus proprium. Noli ergo de Deo dubitare etsi eum non videas, sicut non dubitas de anima, etsi eam non videas: certissimum habes multa esse quæ tamẽ inuisibilia sunt. Inuisibilia sunt causa visibilibus vt cognoscantur. Vnde Greg. 4. l. dialog. Nulla visibilia nisi per inuisibilia videntur. Ipse corporeus oculus nihil corporeũ videret, nisi hunc res incorporea ad vidẽdum acueret. Nam tolle mentem quæ non videtur, & incassum patet oculus qui videbat, & oculi per se videbant, cur descendente anima non vident? Item in hoc mundo visibili nihil nisi per creaturam inuisibilem disponi potest. Bern. Nobilem hospitem habes ô caro, & nobilem valde, tota salus tua pendet ex eius salute: da honorem hospiti tanto: diligenter attende quid hospitis huius præsentia largiatur. Ipse est qui retribuit oculis visum, auditum auribus præstat. Denique discessus probat quid præsentia conferat. Item cum ad fidem faciendam de parentibus carnalibus

sola fama publica sufficiat, nec testes super hoc requirantur, nec aliæ probationes, maxime cum parentes carnales nobiles sunt, nec cedunt ad dedecus filio, & cū sperat se successurum eis in magna hereditate, quæ causa est quod cum tanta difficultate sit fides aliquibus de patre cælesti qui nobilissimus est, & à quo tanta speratur hereditas? Præterea secundum considerationem Sapientis, cui consequens est maius bonum, hoc magis est eligendum: si autem consequentia sunt mala, cui consequens est minus malum, hoc magis eligendum est. Sed ex eo quod aliquis credit Deum esse, consequens est magis bonum quam ex eo quod aliquis credit Deum nõ esse, si bonum ex hoc sequitur: & si malum inde sequeretur, minus malum sequeretur, ergo magis eligendum est quod homo credat Deum esse, quàm quod credat Deum non esse. Media propositio sic potest manifestari: Si aliquis credat Deum esse, & est, sequitur inde vitæ æternæ remuneratio. 1. Ioan. 5. *Habebitis vitam æternam qui creditis in nomine filij Dei.* Posito autem per impossibile quod Deus nõ sit, nullum sequeretur malum post præsentem vitam, ex eo quod aliquis credit Deũ non esse, quia non erit qui eum puniat. Ille vero qui credit Deum non esse, si ipse est, magnum malum habebit, quia mortem æternam. Posito autem per impossibile quod Deus non sit, nullum lucrum in futuro habebit aliquis, ex eo quod credit Deum non esse: ergo maius bonum consequens est ad hoc quod aliquis credit Deum esse, quam ex hoc quod aliquis credit Deum non esse, & si malum sequeretur ex his credulitatibus, minus malum sequeretur ex eo quod aliquis credit Deũ esse, quam ex alia credulitate. Item inter ea quæ incœperunt esse, nihil est cuius ortum causa non præcesserit: sed causa quæ præcessit omne quod incœpit esse, non est de numero eorũ quæ incœperunt esse. Sic enim præcessisset se ipsam, quod est impossibile. ergo aliqua causa est quæ nun-

quam incœpit esse. Sed quod non in cœpit esse, non desinit esse. Esse enim quod habet ex se, amittere non potest. Sen. Periturum est, nempe quod aduentitium fuit; ergo aliqua causa est sine principio, & sine fine, & hoc indubitanter est Deus. Item Ioan. Damasc. Creabilia siue creata omnino ab aliquo condita sunt: oportet autem conditorem increabilem esse. Si enim & ipse creatus est, omnino ab aliquo creatus est, quousquē deueniamus ad aliquid increabile. Probatio autem hæc. Ioan. Damasc. supponit quod Philosophis probatum est, quod in causis non est processus in infinitum. Vnde demonstrato aliquo causato sic potest procedi: Aut causa huiusmodi habet causam, aut non. Si non, est ergo causa, ita quod non causatum: ergo est prima causa. Si autem habet aliam causam, & illa causa aliam, cum in causis non sit processus in infinitum, ad vltimum inuenietur aliqua causa quæ ita est causa quod non causatum: vnde & prima causa est Deus. Præterea potentia agendi quæ est in igne, & sole, & aliis creaturis visibilibus non est potentia libera: ideo quū aliquis grauatur ab igne, vt cum domus eius comburitur, vel ab æstu solis, si discretus est, non rogat ignem vel solem vt cessent. Potentia enim eorum est vt potentia ministrorum, qui necesse habent implere imperium dominorum quib. subiecti sunt. Constat ergo aliam potentiam superiorem esse quæ libera est, cui hæc potentia subiecta est: & hæc est potentia Dei cuius voluntatem necesse habent implere dictæ creaturæ: nec possunt cessare ab operatione indicta eis à Deo, nisi Dei voluntas aliter ordinaret: sicut accidit quando sol & luna steterunt per spatium 12. horarum. Iosue 10. & in regressu solis tempore Ezechie. Esa. 38. Et in fornace Babyl. quādo pueros in igne positos ignis non læsit. Dan. 3. Item potentia agendi quæ est in elementis & aliis creaturis visibilibus absque sapientia & discretionem, est quæ sit illarum creaturarum, & tamen opera earum discretissimè fiunt: ergo ne-

cesse est sapientiam aliquam esse à qua operationes earum ordinatæ sint. Ad hoc autem non sufficit aliqua sapientia creata, cū nec ad cognitionē earū videatur sufficere. Est ergo aliqua sapiētia increata infinita à qua est ordinatio vniuersorū. Ioan. Damasc. Sit omnia generari casus cuius erit ordinare: & hoc si videtur, demus cuius erit obseruare & custodire. Item ipsa creationis permanentia, & conseruatio, & gubernatio docet nos: quoniam est Deus qui hanc vniuersitatem conseruare facit, & continet, & conseruat, & semper ei prouidet: qualiter vtique contrariæ naturæ, ignis dico & aquæ, aeris ac terræ in vnius mundi consummationem adinuicem cōuenissent, & indissolubiles permanissent, nisi aliqua omnipotens virtus ea concordasset, & semper indissolubilia conseruaret. Item cum visibilia sint causæ aliquorum, aut sunt causæ primæ, aut non. Causæ primæ esse non possunt. Sunt enim omnia composita: vnde necessario præcessit ea aliquid quod ea composuit. Præterea partes sunt quædam causæ totius, & pars est naturaliter prior suo toto: ergo necesse est aliquid incompositū & simplex quod omnia composita præcessit, à quo omnia sunt, composita. Item in eis quæ creata sunt quædam sunt corruptibilia, quæ principium habuerunt & finem sunt habitura; quædam vero habent perpetuitatem quæ principium habuerunt, sed finem non sunt habitura: ergo cum causa abundare debeat ab eis quorum est causa, & causa eorum habebit æternitatem, vt sit sine principio & sine fine. Item omnis potentia creata determinata est circa esse, & operatur circa materiam existentem, & nullatenus transcendit esse vt de nihilo aliquid possit facere, ergo oportet aliquam potentiam increatam esse quæ infinita sit, & transcendat esse, & de nihilo fecerit illud ex quo creaturæ operantur. Item cum in rebus sit inuenire quædam bona & quædam meliora, aut non erit perfectio in vniuersitate rerum, aut necesse est aliquid esse optimum. Item cum appetitus sum-

Creatio,  
conserua  
tio, & gu  
bernatio,  
Deum  
esse re  
stantur.

mi boni naturaliter in anima sit, nullus autem motus naturalis frustra sit. Frustra autem esset appetitus ille, nisi aliquid esset summum bonum: ergo aliquid est summum bonum. Hoc autem non est nisi Deus. Item secundum Aristot. Magis eligendum est quod natura est, eo quod non est natura, ut iustitia iusto: hæc enim natura. Illud autem acquisitum est. Est igitur aliquid quod est sua bonitas, & sua iustitia, omnibus illis quæ bona sunt super participationem præferendum. Item nihil quod mutabile sit, optimum est. In mutatione enim aliquid boni amittitur, & aliquid acquiritur quod optimo accidere non potest. Item dicit Augustinus quod in omni re quæ mutari potest, nonnulla mors est ipsa mutatio: mors autem optimo accidere non potest. Omnis autem creatura mutabilis est: ergo nulla creatura optimum est, aliquid tamen optimum est, aliter non esset perfectio in vniuersitate rerum: ergo aliquid increatum est. Aug. super. I. ad Roman. Viderunt summi philosophi quos cæteris non immerito fama atque gloria prælatos cernimus, quidquid mutabile est non esse summum Deum: & ideo omnem animam mutabilem esse, quia speciem transcenderunt: deinde viderunt omnem speciem in re quacunque mutabili quæ naturaliter est, omneque vniuersi mundi corpus non posse esse nisi ab illo qui incommutabilis & simplex est: quia non aliud est illi esse, aliud viuere, intelligere, aliud beatum esse: sed quod est illi viuere, intelligere, beatum esse, hoc est illi esse. Propter hanc incommutabilitatem & simplicitatem intellexerunt eum & omnia bona fecisse, & à nullo fieri potuisse. Item cum modico corpori hominis regendo ratio sit accommodata qua ipsum regatur, qua impedita vel omnino amissa, corpus periclitatur, vel in puluerem redigitur, verisimile est rationem aliquam esse qua vniuersitas fabricæ mundi regatur. Itæ cum ratio quæ in homine est agnoscat se esse & non semper fuisse, & causam ali-

quam habuisse, quæ eam præcesserit, causa autem rationis irrationabilis esse non potuerit: necessario ratione humanâ & quacunque aliâ ratione quæ esse incæpit, præcedit aliqua ratio quæ esse non incæpit: & hæc ratio Deus est qui vniuersitatem rerum regit. Vnde Sen. in libro de naturalibus quaestionibus. Nostri melior pars est animus: ideo extra animum nulla est pars, totus est ratio.

## CAPVT VII.

*De errore idololatriæ. Et primo de descriptione idololatriæ. Secundo de causis eius. Tertio de speciebus. Et quarto de destructione erroris idololatriæ.*

**D**ictum est de errore eorum qui Deum esse negant. Nunc dicendum est de errore eorum qui creaturas deificant, qui error idololatria dicitur. Primo ostendemus quid sit idololatria. Secundo tangemus de causis. Tertio de speciebus. Quarto de destructione eius intendemus. Notandum ergo quod latría est summa venerationis; cultus soli Deo exhibendus. Vel latría est volutaria possessio diuinæ maiestatis. Idololatria vero est cultus Deo debitus, creaturæ exhibitus. Et dicitur quasi idololatria: non quia iste cultus semper idolo exhibeatur, sed quia frequenter, vel quia idolo primo est exhibitus. Et notandum quod idolum quandoque dicitur lignum, vel alia res sic figurata: quandoque vero dicitur coniunctum ex imagine & dæmone præsidente. Et sic sumitur 1. Corinthiorum. 7. ubi dicit Apostolus quod nihil est idolum in mundo. Illud enim quod putabant esse idolum personam scilicet subsistentem ex simulachro & spiritu præsidente, nihil erat. Item notandum quod inter idola gentiliū quædam imagines erant tantum ad memoriam & repræsentationem aliquorum in quibus nihil numinis esse credebatur: aliæ vero erant quæ credebantur esse habitacula Deorum, id est, dæmoniorum. Omnes enim Dij gentium dæmonia: in

Idolum  
Quid,

quibus dæmones decipiebant homines dantes eis responsa ac si in ipsis habitarent inducti ad hoc sacrificiis & honoribus quæ eis exhibebantur. In quibusdam etiam imaginibus credebant gentiles aliquam virtutem esse infusam, eo quod sub certis horis fundentur, vel sculperentur, vel fabricarentur: sicut Mathematici mentiuntur, homines trahere mores ex hoc quod tali hora, vel tali nascuntur. Similis error inuenitur in quibusdam vetulis nomine Christianis, quæ dicunt imagines lx. annos à factione suæ virtutē sortiri, & de cætero habere eā. Imagines prædictas quas nō credebant solum esse imagines, vocauit Mercurius Deos factitios, scribens librū de Deo Deorum. Proai, inquit, nostri inuenerunt artem qua Deos efficerent: & quoniam animas facere non poterant, inuocantes animas Deorum: eas indiderunt imaginibus factis. Possumus autem octo rationes seu causas ostēdere quibus idololatria vel inducta est vel augmentata. Vna causa fuit, dolor nimius de amissione aliquius amici. Pater enim amisso filio nimium dolens, imaginem filii fieri fecit, vt ei esset qualecunque solatium. Vnde sapient. 14. *Acerbo luctu dolens pater, cito sibi rapti filij fecit imaginem.* Ac illum qui tunc quasi homo mortuus fuerat, nunc tanquam Deum colere cœpit, & constituit inter seruos suos sacra & sacrificia. Deinde interueniente tempore conualecente iniqua consuetudine, hic error tanquam lex custoditus est. Hanc primam causā idololatriæ ostendit Greg. super illud Lucæ. 11. *In Beelzebub principe dæmoniorum,* &c. dicens: Ninus rex Niuiuz Belo patre suo mortuo statuam fecit, quā summa reuerentia honorauit, ita vt etiam reis ad eam fugientibus parceret: vnde progressu temporis homines cœperunt eā venerari vt deum, & multiplicare: & quidā vocauerunt Bel, alij Baal, alij Baalim, alij Beelzebub secundum varietatem linguarum. Alia causa fuit vesana superbia principum, qui non attendentes infirmitatem

• 3o cau  
sa idololatriæ.

suam voluerunt se vt Deos honorari, vt Nabuchodonosor, qui præcepit Holoferni principi militiæ suæ, vt omnes Deos terræ exterminaret; vt ipse solus Deus diceretur ab his nationibus quæ potuissent Holofernis potentia subiugari. Iudith. 2. Principes superbi imagines suas faciebant adorari ab his qui erant subiugati ab eis. Vnde Sapient. 14. Tyrannorum imperio cōlebantur figmenta: & hos quos palam homines honorare non poterant, propter hoc quod longe essent, à longo figuram illorum allatam euidentem imaginem regis quem honorare volebant fecerunt, vt illum qui aberat tanquam præsentem colerent. Aliqui etiam vt diuina stirpe nati viderentur, diuinos honores parentibus detulerunt deferrique iusserunt: vt dicit Gloss. super 14. Sapient. Tertia causa fuit adulatio, seu desiderium quod habebant minoris acquirendi gratiam maiorem. Sapient. 14. *Affectui aut regibus deferuientes homines incommutabile nomen lapidibus & lignis impauerunt.* Per hoc quod dicitur affectui, tangitur prima causa iam habita: per hoc quod dicitur, regibus, tertia causa, de qua etiam dicit gloss. Per populos & regiones paria sacra suscepta sunt, dum homines grati esse in suos principes cupiant. Augustinus in libro 10. de Ciuitate Dei. Multa vsurpata sunt de cultu diuino quæ honoribus deferuntur humanis, siue humilitate nimia, siue adulatione pestifera. Quarta causa fuit amor reipublicæ. Vnde dicit Glossa ibidem. Alio loco dicit Cicero, quod in plerisque ciuitatibus acquirendæ virtutis gratia, vt libentius gratia Reipublicæ periculum adirent, optimos quosque viros fortium honore Deorum immortalium esse consecratos: hinc Romani Cæsares suos consecrauerunt, & Mauri suos Reges. Quinta, decor, vel operis humani, vel al-

3.

4.

5.

- runi.* De secundo Sapient. 13. quando locutus de stellis, sole, & luna subditur: *quorum si specie delectari Deos putauerunt, sciant quando his dominator eorum speciosior est.* Sexta, potentia, quam crediderunt supereminere in his quos Deos putauerunt, ut dæmones crediderunt potestatem habere in homines, & res humanas, & etiā in elementa. Cuius erroris occasio fuit quod credebant dæmones sanare læsiones corporum, dum ab eis cessabant. Credebant etiam eos sedare mundi turbationes, dum eas facere cessabant. Credebant etiam eos prænoscere futura: quia prædicabant eis mala, quæ Dei permissione ipsi erant illaturi hominibus, & malorum cessationes, quod non erat mirum. Item alia causa huius erroris fuit, quod facere videbantur quædam opera quæ vere naturalia erant: sed imperitis videbantur esse supra naturam. Tale opus est subdita generatio ranarum, & pediculorum, & vermium in quibus natura operatur. Dæmonibus tamen procurantibus quod hæc citius fiant, coniungendo vel commiscendo ipsas naturas rerum, & addendo aliqua semina, quæ semina naturam adeo adiuuant quod opus tardū acceleratur: ita quod creditur non esse opus naturæ quæ tardius operari consuevit: sicut factum est in signis quæ facta sunt à magis Pharaonis. Septima, cæca cupiditas hominum, qui tantū sunt curiosi sciendi vel cupidi aliqua acquirendi ut seipso vendant dæmonibus, ut cupiditatem suam possint adimplere. Octava voluptas & lasciuia quæ erant in festis idolorum: vacabant. n. idololatriæ, deliciis & ludis, quæ multum alliciebant homines ad idololatriam, 1. Corinth. 10. *Sedit populus manducare & bibere, & surrexerunt ludere.* Et notandum multas esse species idololatriæ. Quædā est cultus dæmonum, alia luminum, ut solis & lunæ vel stellarum: tertia, elementorum: quarta, hominum: quinta animalium irrationalium: sexta imaginum vel alterius operis humani: septima, temporis vel partium

eius. Est etiam idololatria aliarum rerum. Et notandum quod idololatria ideo peccatum magnum est: quia Deo honorem suum aufert, & creaturæ cuius non est confert, & æquat creaturam creatori. Si pro modico furto, vel rapina quam aliquis facit homini, meretur exilium, vel mortem, vel aliam magnam pœnam, quanta pœna dignus est, qui diuinum honorem Deo surripit? Duplex autem rapina est in peccato idololatriæ. Vna eius qui honorē dei Deo aufert, & alii offert. Alia eius qui honorem diuinum sibi oblatum suscipit. Idolorum cultura omnis mali causa est, & initium & finis, Sapient. 13. Gloss. Cum enim mens à creatore se auertit, omnibus implicatur sceleribus. Aggravatur autem peccatum idololatriæ ex vilitate rei in quā transfertur honor diuinus. Maius enim peccatum est cum honor iste transfertur in quadrupedes aut reptilia, quam quando in homines: & quando in imagines hominum, aut animalium, quam quando in homines vel animalia, Rom. 1. *Et mutauerunt gloriam incorruptibilis Dei in similitudinem imaginis corruptibilis hominis, & volucrum, & quadrupedum, & serpentum.* Gloss. Ambr. Quanta est stultitia eorum apud quos plus potest imago quam veritas, & potiores sunt mortui quā viui? Psal. *Mutauerunt gloriam suam in similitudinem vituli comedentis fenum.* Tanto magis contumeliosum est Deo quanto velior est creatura quæ ei æquatur, & magis contra rationem est. Contumelia etiam sit humanæ naturæ, quādo creaturæ inferiori se subdit. Refert August. in lib. de vera religione quod Socrates occisus fuit, quia noluit adorare idola, quia erant tantum opus hominis, & dixit se prius adorare canem qui erat opus naturæ, cum causa nobilior sit suo effectu. Multū est contra rationē quod homo adoret opera manuum suarum. Illa species idololatriæ qua homo adorat creaturā: se manifeste inferiorē hominē reddit infelicē & maledictū & derisione dignum. De primo Sapient. 13

Omnis  
mali cau-  
sa.

Psal. 105

Species  
idolola-  
triæ va-  
ria.

Postquam præmissum est de sole, & luna, & stellis quæ aliqui rectores orbis terrarum & Deos putauerant, subditur. *Sed in his adhuc minor est querela.* Et paulo post: *infelices autem sunt, & inter mortuos spes illorum est, qui appellauerunt Deos opera manuum hominum* De secundo Deut. 27. *Maledictus homo qui facit sculpsile & conflatile abominationem Domini, opus manuum artificum ponitque illud in abscondito.* Sapient. 4. *Per manus autem quod fit idolum, maledictum est & ipsum & quisecit illud.* De tertio Hierem. 10. *Non est spiritus in eis, vana sunt, & opus risu dignum.* Irrigatione digni ostenduntur qui sunt in hoc genere idololatriæ Sap. 13. ubi sic legitur. *Non erubescit loqui cum illo qui sine anima est, & profanitate quidem infirmum deprecatur, & pro vita mortuum rogat, & in adiutorium inutilem inuocat, & pro itinere petit ab eo qui ambulare non potest.* Et Esa. 44. *Medietatem eius combusti igne, & de reliquo eius idolum faciam: ante truncum ligni procidam, pars eius cinis est.* Quibus verbis vilitas materiæ ostenditur ex qua fit idolum, & vilitas materiæ in quam redigitur. De materia eadem habes Baruch. 6. *Subtrahunt ab eis sacerdotes aurum & argentum: dant autem & ex ipso prestititis, & meretrices ornant.* Item: *quum receperunt illud à meretricibus: ornant Deos suos.* Et subditur, ibi multum de vilitate & impotentia idolorum: *Hi (inquit) non liberabuntur ab æruginè & tinea.* Item: *habet in manu gladium & securim, se autem de bello & latronibus non liberat.* Item: *oculi eorum pleni sunt pulvere à pedibus introeuntium.* Et paulo post. *Lucernas ascendunt illis, & quidem multas ex quibus nullam videre possunt.* Item: *nigra sunt facies eorum à fumo qui in domo fit.* Supra corpus eorum & supra caput eorum volant noctua & hirundines. Item: *sine pedibus in humeris portantur ostentantes ignobilitatem suam hominibus.* Mirum erit si idola iuuare possunt, quum nec preces auxilio indigentium possint audire, nec defectum eorum intellige-

re. Vnde subditur in Bar. *Quum audierint, mutum non posse loqui, offerunt illud ad Bel postulantem ab eo loqui, quasi possint sentire qui non habent motum.* Psal. 115. *Ps. Os habent & non loquentur.* &c. Et Baruch. eodem cap. *Quum supervenerit illis praelium & mala, cogitant sacerdotes ubi se abscondant cum illis.* Quomodo ergo sentiri debeat, quoniam dii sunt qui nec de bello se liberant, neque de malis se eripiunt? Item: *sicut in cucumerario formido nihil custodit: ita sunt dii illorum lignei, argentei, & inaurati.* Post idololatriam illam quæ est cultus illarum creaturarum quæ manifeste sunt homine inferiores, destruenda est illa idololatria quæ est cultus demonum, quæ valde detestabilis est. Primo, quia dæmones hostes Dei sunt, & magis displicet Deo quum honor eius transfertur in eos, quam quando ad alias creaturas. Et etiam magis periculosa homini. Quum enim dæmones hostes sunt humani generis, & cultoribus suis fiant familiares: ipsi sunt eis familiares inimici. Nulla autem pestis efficacior est ad nocendum, quam familiaris inimicus. Ideo dicit Augustin. in lib. 83. quæstionum: *Nihil tam contrarium Christiano, quam si curam artibus magicis adhibeat.* Tunc enim eos recipit familiares qui damnationem animarum querunt. Item Aug. 19. l. de Civitate Dei: *Magna Dei misericordia necessaria est, ne quisquam cum bonos angelos se amicos habere putat, habeat malos dæmones factos amicos, eosque tanto nocetiores quanto astutiores aut fallaciosius patiatur inimicos.* Periculosum est valde ei credere qui mendacissimus est. Ioa. 8. *Ipse est mendax, & pater eius.* Præterea dæmones licet sublimes sint conditione naturæ: inferiores tamen sunt etiam brutis animalibus deiectione culpæ: cum miseri sint non solum miseria pænæ, sed etiam culpæ: imo inferiores videntur esse simpliciter cæteris rebus quæ sunt. Vnde diab. non esse dicitur. Iob. 18. *Habitet (inquit) in tabernaculo illius socij eius qui non est.* Multipliciter autem potest ostendi quod spiritus illi non sint colendi.

Nō sunt  
colendi  
spiritus.



di. Primo, quia aut ipsi sunt boni, aut sunt mali. Si boni sunt, offenduntur, cum honor qui soli Altissimo exhibendus est, eis exhibetur. Non enim potest eis placere tanta contumelia & iniuria Domini eorum. Præterea si boni sunt, placabuntur malitia offerentium eis honorem alienū. Quis bonus & discretus honorem reputet, & non magis derisionem, si quis mentiat eum esse regem vel episcopum cum non sit? Sic si sunt boni spiritus, & discreti, erubescunt honorem Altissimi sibi exhiberi. Iuxta verbum Sapientis. Qui falso prædicatur, necesse est ut suis laudibus erubescat. Item quanto quis maiorem honorem indebitū sibi vult impendi: tanto ipse superbior & vanior est: ut clericus si honorem sacerdotalem vult sibi impendi, superbus est: si episcopalem superbior, ego si ipsi volunt sibi impendi summum honorem, superbissimi & vanissimi sunt. Si vero ipsi sunt mali, indigni sunt & honore isto & alio. Item aut ipsi præstant beneficia cultoribus suis de suo, aut non. De suo non possunt. Unica enim potentia est increata, ut in sequentibus ostenditur. A qua & sub qua sunt omnia: & cum eos creavit Deus, non a se alienavit, nec a potestate sua eos exemit. Ipsi ergo à Deo sunt & Dei sunt, & beneficia si qua præstant cultoribus suis, dona Dei sunt ad hoc data ut dentur. Igitur ipsi sunt ut nuntii & deferentes dona illa. Nuntii vero & deferentes beneficia non sunt habendi ut domini, nec deificandi: sed gratia reddenda est ipsi Deo eorum. Bernardus loquens de bonis spiritibus: Honoremus, inquit, eos quantum debemus: totus tamen ei reddatur amor & honor noster, à quo tam ipsis quam nobis est totum: unde honorare possumus, vel amare, unde honorari, vel amari demereamur. Loca remota à fōte ita habēt aquā ab ipso sicut & loca fonti proxima: licet aqua fontis primo perveniat ad loca proxima, & per ea ad loca remota. Sic cū vnicus sit fōs omnium bonorum Deus: ita habent bo-

na sua ab eo creaturæ: quæ remotæ sunt ab eo dissimilitudine, sicut & illæ quæ sunt propinquæ ei dissimilitudine: ut sunt spirituales creaturæ. Deo ergo soli debetur totus honor & gloria. Item aut potentia quibus possunt spiritus isti dare beneficia cultoribus suis, sunt potentia irrationalis siue naturales; sicut potentia calefaciendi quæ est in igne quæ ex necessitate sic operatur: aut sunt potentia libere agentes seu rationales. Si primo modo, nulla gratia debetur eis propter illa beneficia, nec propterea sunt colendi. Tales enim potentia operantur per modum seruentis, ut ait Sapiens. Si vero libere agunt aut consulunt voluntatem divinam cultoribus suis dando beneficia, aut non. Si sic, ergo se habent ut dispensatores secundum voluntatem Domini sui dispensando bona ab eo accepta: non ergo habendi sunt ut domini, & multo minus ut dii. Si autem non consulunt voluntatem Dei, non curantes utrum Deus hoc velit vel non, indiscrete dispensant, nec videntur curare de rectitudine operum suorum, quum non respiciant ad voluntatem Dei, quæ regula est bonorum operum, & ideo sunt mali. Si quis vero dicat quod isti spiritus placandi sunt ab hominibus, quia ab eis sunt offensi. Si boni sunt, non debent ab hominibus offendi, nisi propter peccata. Si autem propter peccata ab eis sunt offensi, per recessum à peccatis maxime deberent placari. Contrariorum enim contrariæ sunt causæ. Si vero iustificatio eorum non placat eos, sed manet adhuc ira eorum donec offerantur eis carnes & sanguis animalium, ira talis non est ira divina, sed potius ira leonum, aut aliarum bestiarum, quæ non quiescunt donec aliquid prædæ ceperint: unde si propter hanc iram colendi sunt, & diuino honore digni, deificemus leones & alias bestias. Item aut placato Altissimo & amico existente mortalium, potest ira huiusmodi deorum eis aliquid nocere, aut non potest. Si sic, non videtur Altissimus

esse omnipotens, quum coercere non possit illos deos ne noceant amicis suis. Si vero non potest eis nocere, non est timenda ira eorum amicis Dei, nec ira eorum sacrificiis placanda. Præterea nulla potentia aliquid potest contra beneplacitum Dei. Nulla enim est quæ non redigeretur in nihilum, nisi à Dei potentia à qua accepit esse, in ea retineretur: ergo in tuto est omnis homo qui Dei fauorem habet, vel gratiam. Non est ergo necesse gratiam istorum deorum sacrificiis querere gratia Altissimi obtenta. Item spiritus isti qui falso dii vocantur, si mali sunt, aut Altissimus compescit malitiam ipsorum, non est malitia eorum timenda. Si vero permittit eos exercere malitiam suam, aut hoc facit ignorantia, aut quia non curat, aut iudicio quia videt expedire. Ignorantia non est, quum enim ipse sit sapientissimus, ignorantia in eum non cadit. Iterum non accidit hoc quod ipse non curet de malis quæ sunt in mundo: cum enim ipse sit rex iustissimus, non potest non curare de malis quæ sunt in regno suo. Ergo quando permittit hos spiritus in mortales sæuire, ipse facit hoc iudicio, quia videt hoc mortalibus expedire: ergo non est timenda malitia eorum mortalibus. Item cum spiritus iam dicti potestatem habeant ab Altissimo, aut illam potestatem comitantur sapientia & iustitia moderantes eam aut non. Si sic, cum ipsi sint sapientes & iusti, ipsi non irascuntur mortalibus bonis, nec nocent eis: peccatoribus vero nunquam sunt placati, nisi à peccatis recedant. Inutile ergo est eis sacrificia offerre tam bonis quam malis quantum ad eorum placationem: sed mali si volunt eos placare, recedant à peccatis suis. Si vero sapientia & iustitia non comitantur eorum potestatem: ergo potestas eorum est, ut gladius in manu furiosi: unde si propter hanc potestatem aliquis eos deos reputat, reputet ergo Deum si quem viderit furiosum in manu tenentem gladium. Mira fatuitas eum Deum reputare quem homo cognos-

cit esse sine sapientia & bonitate. Belluinum est potius quam diuinum, potestate uti absque sapientia & iustitia. Item potestas eorum aut ligata est, aut non est ligata. Si non est ligata mirum est quomodo non occidit omnes contemptores sacrificiorum eorum. Præterea longe videtur esse à sapientia & bonitate Dei ponere gladium in manu furibundi: dando potentiam cui homo non possit resistere maligno, nisi ipse eam velit compescere. Si vero ligata est, ille qui tenet eam ligatam, obsequiis est placandus, non ipsi. Cum aliquis tenet aliquam bestiam ligatam, ille orandus est, ut bestiam compescat ab his qui sæuitiam bestie timent, & non ipsa bestia. Item cum cultura illorum deorum exterminata sit à terra promissionis iussu Dei Hebræorum, & iterum de regno Christianorum, etiam de Ægypto ubi omnes colebantur, & de vrbe Romana, maxime de templo quod Pantheon vocabatur, quod erat vnum templum omnium deorum: constat hoc factum fuisse à maiori potentia quam esset potestas eorum. Lu. 11. *Cum fortis armatus custodit atrium suum, in pace sunt omnia quæ possidet: si autem fortior eo superueniens vicerit illum, uniuersa eius arma auferet &c.* Illa ergo potentia aut fuit diuina, aut humana. Si diuina, ergo ipsi erant aduersarii Dei & mali. Si vero humana, ergo magis timenda est humana potestas eorum hominibus. Et notandum quod aliqui peruenerunt ad tantam fatuitatem, ut crederent deos huiusmodi partitos fuisse totum orbem. Sed puerile est dicere Altissimum sortem misisse pro diuisione illa, cum fors non habeat locum nisi ubi est ignorantia, quæ in Altissimum qui sapientissimus est, non cadit. Si vero ipsi Altissimo inconsulto sortem miserunt, nihil iuris per hoc habuerunt in orbem terrarum. Si vero de beneplacito Altissimi, quod ridiculum est, quomodo de partibus illis exterminati sunt? Item aut amicitia est inter deos huiusmodi, aut non. Si est, ergo vnus eo-

rum amat cultores alterius : nec propter cultores suos proprios inimicus erit cultoribus aliorum , nec contra illos iuuabit cultores suos. Si vero non est amicitia, sed odium : ergo ipsi mali sunt. Quia aut est iustum odium inter eos ; aut non iustum. Si iustum, ergo ipsi sunt iuste odiendi , & ita sunt mali. Si iniustum, illud non possunt ipsi habere nisi sint mali. Malitiam etiam eorum ostendit, quod cultores suos iuuant in eis quæ mala sunt , vt patet ex scriptis Magicis , vbi docetur quomodo consilio talium spirituum viri vel mulieres nimio amore intenduntur, vel quomodo alia scelera possint perpetrari. Si quis vero dicat tales spiritus non esse honorandos honore diuino, sed honore qui eis cōpetit, quia apud Deum possunt impetrare vel procurare aliquod beneficium eis, qui eos honorant. Hoc plane concedendum est, & hæc est assertio fidei catholicæ. Quid si spiritus boni honorandi sunt tanquam amici Dei, non tanquam domini vel dii, sed tanquam serui Altissimi, quorum ministerio multa beneficia possunt nobis prouenire, & spes suffragii in eis potest poni : sed non debemus eos reputare auctores salutis, sed potius impetratores : nec sacrificium faciendum est in eis. Eo enim quod aliquis alicui sacrificat, eum cui offert, auctorem sanctitatis confitetur, & eum inuocat ad sanctificandum illum pro quo illud sacrificium offertur. Item facto proficitur se esse in manibus illius cui sacrificat ad perdendum vel ad saluandum : sicut animal illud est in manibus suis ad occidendum vel perdendum. Ista vero soli Altissimo attribuenda sunt. Mali vero spiritus nō sunt honorādi, quia apud Deum nullum bonū nobis impetrare possunt. Non sunt etiā timēdi amicis Dei cum nō possint eis nocere. Consequēter tāgēdū est aliquid de illa specie idololatriæ quæ est cultus luminū. Et notādū quod hi qui sunt huius erroris, dicunt mortales subiectos esse soli, & lunæ, & stellis, etiā quantū ad Sapiētiā vel ignorantia, & quantū ad

mores bonos siue malos. Et dicunt cælestia lumina secundum situs suos seu constellationes causam esse morum bonorum vel malorum in hominibus. Quod multis modis patet esse falsum. Primo, quia non propter stellas homo, sed stellæ propter hominem factæ sunt, vt dicit Greg. Item haberi potest ex principio Genes. vbi sic legitur. *Fiant luminaria in firmamento cæli, &c.* Et subditur. *Vt illuminent terram.* Illuminatio terræ causa fuit quare fierent, vnde subditur ibidem : Et posuit eas in firmamento cæli, vt lucerent super terram. Propterea Iosue iubenti sol & luna obediunt. Iosue 10. Ergo cultoribus Dei sol & luna subiecta sunt, & non ipsi cultores soli & lunæ. Item & sol & luna naturaliter operantur in hominibus ea quæ ipsi eis imponunt, aut scienter & voluntarie. Si naturaliter operatio illa seruilis est, propter quod dicit Philosophus quod natura operatur per modum seruiētis ? Vnde virtus sic operans ignobilis est respectu virtutis libere operantis, quæ potest super vtrumque oppositorum, scilicet super suum operari & suum non operari : quod autem ignobilius est, non est causa rei nobilioris : ergo virtus naturalis luminum cælestium non efficiet sapiētiā, vel virtutes, vel bonos mores, vel quasunque artes, in hominibus cum hæc sint nobiliora virtute naturaliter operante quam ponunt in diētis luminibus. Si verō scienter & voluntarie operantur prauos mores vel errores in hominibus : ergo ipsa mala sunt, & Deo inimica. Præterea malitia ista aut est eis innata, aut est acquisita. Si innata, ergo sunt mala naturaliter : hoc autem impossibile est quod aliquid sit naturaliter malum. Præterea cum nihil sit in eis naturaliter quod Deus non creauerit in eis, Deus illam malitiam creasset, quod longe est à Dei bonitate. Si vero acquisita : ergo corrupti sunt & mutati à suo statu naturali quantum ad spiritum, quem secundum istum errorē necesse est ponere in eis : hæc autem corruptio non potest esse in eis se-

cundum spiritum, cum corpora eorum sint incorruptibilia. In substantiis enim ex spiritu & corpore compositis, quales filii qui sunt huius erroris credunt esse cœlestia lumina, necesse est nobiliorem esse statum spirituum, quam corporum. Præterea creaturæ rationales cum aliquid voluntarie operantur, primo intelligunt & desiderant: ex quo sequeretur lumina illa cœlestia mala esse quæ desiderarent malos mores esse in hominibus. Item hic est modus operandi substantiarum quæ compositæ sunt ex spiritu & corpore, ut primo operentur in seipsis operationes mere spirituales, ut est intelligere & desiderare: secundo in corporibus sibi cōiunctis operationes corporales, ut est motus, & per illas iterum alias in corpora aliena, & iste ordo operationum semper procedit quasi ingrossando & quasi per elongationem à spiritali subtilitate & nobilitate. Vnde si ille est modus cœlestium luminum operandi in homines, per hanc viam non poterant imprimi nisi corporales dispositiones ignobiles in hominibus, & non scientiæ & virtutes. Præterea diuersitas hominum qui eadem hora nascuntur & mores habent diuersos, ostendit falsa esse quæ dicuntur ab his qui sunt in hoc errore de cœlestibus luminibus. Dicunt enim, qui sub tali constellatione nascitur, talem hominem futurum, & qui tale opus sub tali hora incipiet, prosperaturum. Manifeste autem videtur quod nati & vna & eadem hora; vel aggressi opus aliquod, diuersos habent euentus. Falsum est ergo quod prædicti idololatæ de effectibus cœlestium luminum dicunt. Item constellationes seu positiones stellarum aut sunt tantum signa euentuum inferiorum, aut sunt signa & causæ. Si tantum signa, aut comitantur res de necessitate, aut non. Si sic, cum signa euenti non possunt, vel mutari, erunt ipsi euentus ineuitabiles, & omnia de necessitate euenient mortalibus. Si non, erunt signa ista possibiliter separari ab his quorum sunt signa: ergo poterunt fallere: er-

go non est scientia de significationibus eorum. Scientia enim & ars non sunt de fallibilibus. Si vero signa sunt & causæ istorum euentuum, erunt euentus rerum necessarii, cum causæ istæ sunt necessariae: motus enim cœlorum cum suis dispositionibus necessarius est immutabilis. Figura enim cœli & positio stellarum futura cras hac hora, nullo modo auerti possunt quin sint futura cras: & similiter se habet de omni dispositione cœli & cœlestium: ergo omnes euentus quorum causa est cōstellatio, sunt ineuitabiles. Præterea, qui luminibus cœlestibus seruiebant, aut intendebant seruire spiritibus qui præsidebant huiusmodi corporibus, aut compositis ex corporibus & spiritibus, aut corporibus inanimatis. Si solis spiritibus, eisdem rationibus potest destitui hæc species idololatriæ quibus cultus dæmonum prius destitutus est. Si vero corporibus inanimatis, vane & ignominiose ei seruiebant, cū nec seruitium eorū nec seruitores agnoscerent, nec in remunerationem eorum intendere possent. Si vero compositis, composita erant animalia, ut ipsi credebant: ergo vel rationalia & intelligentia, aut non. Si non, ergo ignobiliora erant hominibus: animal enim rationale nobilius est irrationali: peruertebatur ergo naturalis ordo cum homo colebat animal irrationale. Præterea cum tanta distantia esset huiusmodi animalium ab hominibus ut nullus clamor hominum ad ea posset attingere, idem erat ac si surdis tales preces fierent. Præterea impossibile est quod deitas sit in eo quod non intelligit. Intelligere enim est illud in quo maxime spiritus creatus Deo assimilatur. Si vero rationalia & intelligibilia, impossibile est eos deos esse, cum secundum astronomos ipsimet fiant infortunati & non liberi à malis, & impediuntur casu aut oppositione fortiorum signorum. Diuinitas enim semper est libera & inuicta, & impedimentum signum est impotentiae. Vltimo rangendum est de illa specie idololatriæ

Species  
idolola-  
triæ cul-  
tus mili-  
tariæ cali.

quæ est cultus militiæ cœli : de qua frequenter loquitur scriptura sacra. Adorans militiam cœli, siue sit vir, siue mulier, iubetur lapidib. obrui. Deut. 17. De militia cœli habes 4. Reg. 21. & 23. Et Esa. 34. Et Soph. 1. A& 7. Et notandum quod militiam cœli vocauerunt qui huius erroris fuerunt, multitudinem spirituum, quorum quosdam dicebant præesse cœlo stellato, alios autem Saturnio & circulo eius: alios aliis planetis & circulis eorum: alios vero præesse igni, alios mari, alios terræ, & utebantur inuocationibus huiusmodi spirituum prout credebant congruere maleficiis suis. Impietas autem huius erroris manifesta potest esse ex hoc, quod inuocationes huiusmodi spirituum æque fiebant ad bona facienda & ad mala. Vnde si spiritus illi exaudiebant illos & in bonis & in malis, ipsi erant mali. Si vero in bonis tantum, mendaces erant libri eorum, & scriptores eorum, & ipsi spiritus secundum ipsos, quorum reuelatione se talia scripsisse scripserunt.

## CAPVT VIII.

*De errore principali Manicheorum. Et primo auctoritates & rationes quibus ipsi innituntur, eis subtrahuntur; deinde ponuntur auctoritates & rationes quibus error ille destruitur.*

**S**equitur de errore Manicheorum, qui vt ait August. in lib. de nat. boni, sensum perdidit studio contradicendi. Hi ponunt duo principia: vnum principium boni, alterum mali. Vnus secundum eos, princeps lucis est, cuius habitatio est regio lucis super ista visibilia. Alter est princeps tenebrarum ex aduerso, cuius habitatio est regio tenebrarum, & vterque princeps habet secundum eos populum suum. Manichæi ad principem tenebrarum ponunt esse corruptibilia & mutabilia. Iste error valde contumeliosus est & creatori & creatoris. Creatori, quia magnam partem re-

gni sui & gloriæ suæ ei auferit, dum auferit ei dominium creaturarum visibiliū, quæ plures videntur esse quam inuisibiles. Creaturis etiam contumeliosus est, quas subtrahit dominio tam honorabili: & subdit eas tam vili seruituti, vt est seruitus diaboli. Vnde error iste valde odibilis est & creatori & creaturis. Huic errori primo subtrahemus auctoritates & rationes quibus innititur. ostendendo auctoritates impertinentes esse ad eius confirmationem, & rationes infirmas, vt sic facilius corruat. Auctoritates vero quibus innituntur, hæ sunt. Legitur Gen. 1. *Post creationem celi & terra, quod tenebra erant super faciem abyssi.* Ex quo ipsi inferunt non fuisse Deum benignum qui opus suū incepit à tenebris, nō intelligentes tenebras non esse alicuius rei existentiam, sed lucis absentiam. Vnde non oportet ponere aliquem auctorem tenebrarum, cum tenebræ nihil sint nisi lucis absentia. Nec minus laudabilis est mundi creator si à nullo incepit, immo hoc commēdat eius potentiam, quod ex nihilo lucem & alia creauit. Per hoc enim ostenditur per se potens operari sine materia præiacente vel instrumento, quod proprium est omnipotentis. Item Matth. 4. legitur de diabolo, quod ostendit Christo omnia regna mundi & gloriam eorum, & dixit ei: *Hæc omnia tibi dabo, si cadens adoraueris me.* Ex quo inferunt: omnia ergo regna mundi diaboli erant, cum omnia Christo promiserit. Quæ probatio ridiculosa est, cum diabolus sit mendax, & pater eius. Ioan. 8. Et cum Ouid. primo de Arte amandi dicat: *Pollicitis diues quilibet esse potest.* Item Matth. 6. dicit Christus *Nemo potest duobus dominis seruire*: vocans diabolus dominū, eo quod sit dominus mundi, vt ipsi aiunt, ergo ipse est Deus vel creator ipsius. Quæ argumentatio nulla est, cum reges gentium dominentur eorum. Luc. 22. qui tamen nō sūt dii vel creatores. Præterea diabolus dominus est vsurpatione iniuste detinens alienum, secundum illud Luc. 11. Hanc autē

H ij

Mani-  
chei duo  
posuere  
principia.

filiam Abraham, quam alligauit Satanas, ecce decem & octo annis, non oportuit solui à vinculo isto die Sabbati? Item legitur. Matthæus 7. *Non potest arbor bona malos fructus facere.* Ex quo inferunt: ergo mala non possunt esse ab eodem principio à quo sunt bona: ergo sunt duo principia, vnum bonorum, & aliud malorum. Sed sermo veritatis quo vtuntur ad confirmationem falsitatis, materiam ministrat confusionis eorum. Licet enim arbor bona, non faciat fructum malum: tamen nihil prohibet fructum quem arbor bona bonum produxit, post putrefieri & corrumpi: & nemo adeo fatuus est, cum videt diuersa poma in arca vel in mensa, quorum alia putrida sunt, alia sana, quod propter hoc credat ea non posse esse ex eadem arbore. Præterea multæ mulieres sunt hodie corruptæ, quæ tamen virgines natæ sunt, nec aliquis credit duas mulieres non habere posse vnam matrem, eo quod vna virgo, alia corrupta sit. Sic nihil prohibet diabolum esse bonum creatione & factum à Deo: malum vero sua peruersa voluntate. Item. Ioan. 8. *Vos ex patre diabolo estis.* Ex quo inferunt: ergo diabolus est creator eorum. Sed non sequitur. Pater enim dicitur aliquis alterius, vel quia ab eo habet substantiā, vel quia ab eo habet mores, suscipiendo eius doctrinam, vel imitando vitam, hoc tertio modo, scil. per imitationem diabolus erat pater eorum, imitabantur enim eum. Sic Paulus. 1. Corinth. 4. ostendit se patrem Corinthiorum qui eius susceperant doctrinam dicens: *Vos ut filios meos charissimos moneo. Nam si decem millia paedagogorum habeatis in Christo, sed non multos patres: nam in Christo Iesu per Euangelium ego vos genui.* Hunc sensum Dominus insinuat in hoc, quod eos qui sunt ex Deo, distinguit ab his qui non sunt ex Deo per auditum diuini verbi, dicens: *Qui ex Deo est, verba Dei audit. Propterea vos non auditis, quia ex Deo non estis.* Obdientia diuini verbi ostendit qui per

gratiam sint filii Dei: inobedientia vero qui filii diaboli. Item. Ioan. 14. *Veni princeps mundi huius, & in me non habet quidquam:* diabolus princeps huius mundi dicitur: ergo mundus est ab eo. Sed non sequitur. Non enim omnes principes sunt dii vel creatores. Præterea ipse princeps, erat vsurpatiuæ, vnde iudicio à mundo erat eiendus. Ioan. 12. *Nunc iudicium est mundi, nunc princeps mundi huius eiicietur foras.* Eiusdem. 16. *Princeps mundi huius iam iudicatus est.* Item. Ioan. 8. dicit Christus: *Regnum meum non est de hoc mundo:* Christus non est rex huius mundi: ergo mundus regnum diaboli est. Sed dicendū quod regnum Christi fideles vocantur, qui non sunt de hoc mundo, quia nō sunt dediti mundanis: sunt tamen in mundo, sed quasi exulantes & æternum regnum Christi desiderantes. Ioan. 14. *Si de mundo fuissetis, mundus quod sum erat diligeret: quia vero de mundo non estis, sed ego elegi vos de mundo, propterea odit vos mundus.* Fuerunt ergo quandoque Apostoli de mundo, scilicet de amatoribus mundi, sed iam non erant. Item. Io. 17. *De mundo non sunt sicut & ego non sum de mundo.* Regnum etiam Christi in quo ipse perfecte regnat, regnum cœleste est, vbi nihil fit nisi beneplacitum suum, de quo potest intelligi verbum prædictum. Item legitur. 2. Corinth. 4. *In quibus Deus huius seculi excecavit mentes infidelium:* diabolus ergo deus huius seculi est. Sed ad hoc satis respondet Paulus. 1. Corinth. 8. dicens: *Scimus quod nullus est Deus, nisi vnus: nam & si sunt qui dicantur dii, siue in cælo, siue in terra, siquidem sunt dii multi, & domini multi: nobis tamen vnus Deus pater, ex quo omnia.* Diabolus ergo nuncupatiue solum Deus vel Dominus est, & non secundum veritatē. Venter etiam aliquorum deus vocatur ad Philip. 3. vbi dicitur. Quorum Deus venter est: non tamen venter creator eorum est. Item. 1. Iohan. vltim. *Mundus totus in maligno positus est:* ergo malignus fecit

mundum. Sed non sequitur: non enim dicitur quod mundus à maligno conditus sit, sed in maligno positus, id est, in potestate maligni; amatores enim mundi qui mundus dicuntur, supposuerunt se seruituti maligni. Item legitur. Ephes. 2. *Eramus natura filii iræ*: ergo eramus natura mali, ergo natura est mala, ergo à principio malo. Ad quod dicendum, quod sicuti contingit patrē carnalē adeo irasci filio propter magnitudinem culpæ eius, ut ira illa extendatur etiam ad filium filii quantum ad priuationem hæreditatis, vel alterius beneficii quod esset ei daturus, nisi fuisset culpa patris: sic deus adeo iratus fuit primis parentibus propter magnitudinem peccati eorum, ut ira illa extendetur vsque ad filios eorum quantum ad priuationem visionis diuinæ. Nullus enim homo dignus fuit videre faciē Dei vsque ad Christum, in quo Deus pater sibi bene complacuit, per quem credentes in eū perfecte sunt reconciliati Deo. In verbo ergo Apostoli natura dicit non prout est primo instituta, sed pro natiuitate qua nati sumus à parentibus qui peccauerūt, à quibus habebamus quod filii iræ essemus. Causam quare valde magnum fuit peccatum primorum parentum, tangit Aug. 14. lib. de Ciuit. Dei, dicens: In paradiso tanto maior inobedientia fuit, quanto id quod præceptum est, nullius difficultatis fuit: vbi enim magna est inobedientiæ pœna proposita, & res à creatore facilis imperata, quisnam satis explicet quantum malum sit non obedire in re facili, & tantæ potestatis imperio, & tanto terrente supplicio? Rationes quibus innotantur Manichæi, hæ sunt. dicunt enim: si Deus bonus creauit ista corruptibilia, aut potuit ea facere incorruptibilia, aut non. Si non potuit, impotens fuit. Si potuit & noluit, inuidus fuit. Sed mira est consequentia ista quod Deus inuidus fuerit, si facere vel dare noluit quod potuit; simile etenim est, ac si diceretur fuit inuidus, si non prodigus, vel indiscretus. Sapientiæ

est moderari potestatem & voluntatem. Insipiens est qui omnia vult quæ potest. Summ bonitatis fuit, quod visibilia ista fecit. Sapientiæ vero fuit, quod voluit ea finem habere, ut manifestum fieret ea habuisse principium & esse, quis poterant amittere, aliunde habuisse, & sic esset via veniendi ad cognitionem Dei: voluit enim Deus bona transitoria esse, nequis adhæreret eis, bonis permanētibus neglectis. Aug. O munde immunde quid strepis? quid auertere conaris? tenere vis fugiens, quid faceres si maneres? Item, peccare est spreto incomputabili bono commutabilibus adhærere. Alia ratio eorum est, quod vident multa noxia inter creaturas quæ nullam videtur habere vtilitatem: ut sunt serpentes, muscæ, araneæ quæ non videntur eis esse à Deo. Sed certe nulla creatura est quæ non habeat vtilitatem licet aliquando lateat. Aug. in lib. 11. de Ciuit. Dei: Venena ipsa quæ per inconueniententiā perniciosa sunt, probe adhibita, in salubria medicamenta vertuntur, nequaquam à contrario etiam hæc quibus delectantur, sicut cibus & potus, & ista lux, immoderato & importuno vsu noxia sentiuntur. Vnde nos monet diuina providentia, non res insipienter vituperare, sed vtilitatem rerum diligenter inquirere: & vbi nostrū ingenium, vel infirmitas deficit, ita credere occulta: sic erant quædam quæ vix potuimus inuenire, quia ipsa vtilitatis occultatio, aut humilitatis exercitatio est, aut elationis attritio. Idē lib. 11. Quid igne flammante, vigente atque lucente pulchrius? quid calefaciente, curante, coquente vtilius, quamuis nihil in eo vrente molestius? Creaturæ vtilis sunt discretē vrentib. noxiæ indiscrete vrentibus. Inter creaturas quædam sunt creatæ in nutrimentum, ut herbæ & fructus arborum. Quædam in adiumentum, ut iumenta. Quædam ad humiliandum hominem, ut muscæ & pulices, à quibus homo non potest se defendere. Aug. Homo dicit tibi cōuitiū, & tumes, & iratus es: pulicibus re-

Omnia  
creata v-  
tilia sūt.

siste vt dormias. Quædam ad eruditionē, vt formica. Prou. 6. *Vade & piger ad formicam, & considera vias eius, & disce sapientiam.* Quædam ad puniendum peccatores, vt gehenna. Quædam ad exercitiū patientiæ nost x, vt serpentes. Quædam ad consolationem vel delectationem, vt flores. Bern. Quanta largitus est nobis Deus ad sustentationem, quanta ad eruditionem, quanta ad correctionem, quanta ad delectationem? Alia ratio eorum est, quod vident multa in hoc mundo inordinate fieri propter quod eis videtur, quod Deus non sit huius mundi rector, nec dominus, neque creator. Ad quod dicendū quod vniuersitas creaturarum in mundo isto ordinata est, & vt ait Philosophus. Nulla res est cuius ortū legitima causa & ratio nō præcedat. Iob. 5. *Nihil sit inter vas sine caussa.* Etiam aues viles non moriuntur in mundo isto sine Dei prouidentia. Matth. 10. *Nonne duo passeress asservauimus? & unus ex illis non cades super terram sine patre vestro.* As assis, est nomen ponderis quod non solent pōderatores diuidere propter sui paruitatem. Eccl. 5. *Ne dicas coram angelo, Non est prouidentia: quia angelus tibi deputatus est a Deo ad custodiam: ne forte iratus Dominus super sermones tuos dissipet cuncta opera manuum tuarum.* Et in eodem: Si videris calumnias egenorum, violenta iudicia, & subueriti iustitiam in prouincia, non mireris super hoc negotio: quia excelso excellior alius est: & super hoc quoque eminentiores sunt alii, & insuper vniuersæ terræ rex imperat seruienti. Aug. Omne quod in terra fit ab intelligibili aula summi Imperatoris, procedit iusta permissione, salubri ordinatione, vel efficaci voluntate. Bona Deus volendo ea efficit: mala vero iuste permittit fieri, & salubriter ordinat. Tripliciter autē ordinata sunt mala culpæ. Primo modo, quia habent secundum mala pœnæ, vt non sit dedecus culpæ absque dedecore pœnæ vel vindictæ. Iudas ita sedet in inferno, sicut lapis pre-

Mala tripliciter ordinata.

tiosus in auro. Aug. in libro deliberabit. Nullo interuallo temporis ista diuiduntur, vt quasi alio tempore nō faciat quod debet, & alio patiatur, ne vel temporis pūcto vniuersalis naturæ pulchritudo turpetur, vt sit in ea peccati dedecus sine dedecore vindictæ. Secundo quia bona comparata malis, pulchriora apparent. Aug. 11. lib. de Ciu. Dei. Mala voluntas quæ ordinem naturæ seruare noluit, non ideo iusti Dei leges omnia bene ordinantis effugit: quia sicut pictura cum colore nigro, loco suo posito, ita vniuersitas rerū si quis possit intueri, etiam cum peccatoribus pulchra est, quamuis eos per se ipsos consideratos sua deformitas deturpet. Tertio, quia profunt bonis. Rom. 8. *Scimus quoniam diligentibus Deum omnia cooperantur in bonum.* Aug. 11. lib. de Ciuitate Dei: Deus sicut naturarum bonarum optimus creator est: ita malarum voluntatum iustissimus ordinator, vt cum illæ male vtantur naturis bonis, ipse etiam bene vtatur voluntatibus malis. Itaque fecit vt diabolus institutione illius bonus, voluntate sua malus in inferioribus ordinatus illuderetur ab angelis eius: id est, vt profint tentationes eius sanctis quibus obesse desiderat: & quoniam Deus cum eum conderet, futuræ malignitatis eius non erat ignarus, & prouidebat quæ bona de malo eius esset facturus. Præterea Psal. ait: *Draco iste quem formasti ad illudendum ei,* vt in eo ipso quod fecit eum, licet per bonitatem suam bonum, iam per suam præsentiam præparasse intelligatur quomodo illo vteretur & malo. Neque enim Deus vllum non dico angelorum, sed vel hominem crearet quem malum futurum esse præscisset, nisi pariter nosset, quibus eos honorum vñibus commodaret. Bernard. Iucundum Dei iudicium, quod ille superbus malleator humilium nesciens eis coronas fabricat perpetuas, omnes impugnando, & omnibus succumbendo. Alia ratio eorum est, quod si causa est immutabilis, erit immu-

Psal. 100.



tabilis effectus. Sed hoc non est verum vniuersaliter. Non enim necesse est quod effectus assimiletur causæ efficienti voluntarie operanti : imo scædus pictor interdum pingit imaginem pulchram, & pictor pulcher interdum pingit imaginem turpem. Alia ratio est quod contrariorum contrariæ sunt causæ : vnde cum secundum eos bonum & malum sint contraria, erunt à contrariis principiis, scilicet à principio bono & principio malo. Ad quod dicendum quod illud verbum, contrariorum contrariæ sunt causæ : non est verum vniuersaliter. Causa enim efficiens voluntarie operans potest esse causa contrariorum. Idem enim pictor potest facere imaginem albam & imaginem nigram, & pulchram & turpem. Rom. 9. *An non habet potestatem figulus luti ex eadem massa facere aliud quidem vas in honorem, aliud vero in contumeliam?* Sed causa naturaliter operans quæ operatur secundum similitudinem, dans speciem suam patienti, non potest esse causa contrariorum, cum non habeat in se contrarias species seu formas. Præterea malum non est contrarium bono, sed boni priuatio : vnde non est necesse aliquid existens ponere eius principium. Ioann. 1. *Sine ipso factum est nihil.* August. in libr. Soliloq. Deus qui paucis ad id quod vere est refugientibus ostendit malum nihil esse. Idem 12. lib. de Ciuit. Dei. Malæ voluntatis causa efficiens nihil est. Et iterum: Nemo quærat causam efficientem malæ voluntatis. Non enim est efficiens, sed deficiens : quia nec illa est affectio sed defectio : deficere enim ab eo quod summe est ad id quod minus est, hoc est, incipere habere voluntatem malam. Quod idem Augustin. exclamat in libr. de liber. arbit. dicens: Peccare est spreto incommutabili bono, bonis commutabilibus adhærere. Idem libr. de natura boni : Deus non plântauerat arborem malam in paradiso, sed ipse erat melior qui eam tangi prohibebat. Non est ergo peccatum malæ naturæ appetitio, sed melioris desertio. Item cum

duplex dicatur esse malum, scilicet pœnæ, & malum culpæ. De malo pœnæ constat quod bonum est cum sit & punitiuum & destructiuum mali culpæ, & à Deo potest esse, cum ad iustitiam eius pertineat punire offensas suas, & hoc cedat Deo ad gloriam. Augustin. 12. lib. de Ciuitate Dei : Cum in pœnis est natura vitiosa excepto eo quod natura est, etiam hoc ibi bonum est, quod impunita non est : hoc enim est iustum, & omne iustum proculdubio bonum. Item in libr. de natura boni: Peccantes ordinantur in suppliciis: quæ ordinatio quia naturæ eorum non competit, pœna est : sed quia culpæ competit, iustitia est. Item cum alicui pœna debita redditur nulla, est iniquitas apud Deum, quia melius ordinatur natura vt iuste doleat, quam in peccato impune gaudeat: Malum etiam culpæ est in natura bonæ: & ideo malum est, quia naturæ bonæ nocet. Augustin. 12. lib. de Ciuit. Dei: Etiam vitio valde magna valdeque laudabilis ostenditur ipsa natura. Cuius enim recte vituperatur vitium, proculdubio natura laudatur, nā recta vitii vituperatio est, quod eo honestatur natura laudabilis. Item si naturæ bonæ non essent, eis vitia nocere non possent. Nunquid eis nocendo faciunt nisi quod adimunt integritatē, pulchritudinem, salutem, virtutem, & quicquid bonæ naturæ per vitium detrahi siue minui consuevit? Quod si omnino desit, nihil boni adimendo, non nocet, ac pro hoc nec vitium est. Nam esse vitium, & non nocere, esse non potest. Idem in libr. de natura boni : Non potest esse dolor in naturis bonis : hoc enim ipsum quod resistit vt doleat, quodammodo recusat non esse quod erat, quia bonum aliquod erat. Item in animo dolorem facit voluntas resistens potestati maiori : in corpore dolorem facit sensus resistens corpori potentiori. Dionys. Non est natura mala, sed hoc est naturæ malum, non posse quæ sunt naturæ perficere. Damasc. Malitia non substantia aliqua est neque substantiæ

idioma, i.e. proprietas, sed accidens, si ex eo quod secundum naturam voluntarie est euersio. Idioma vel proprietas dicitur quod inest substantiæ secundum primam institutionem naturæ quod non est peccatum. Damasc. Omnia quæcunque fecit Deus ita manentia quemadmodum creata sunt, bona sunt valde: voluntarie autem secedentia ab eo quod secundum naturam ad id quo præter naturam est venientia in eo quod malum est. Eunt igitur secundum naturam, omnia seruientia naturæ, & obedientia sunt conditori. Quando igitur voluntarie aliqua creaturarum effrenata & inobediens facienti eam fit, in se ipsa constituit malitiam. Malum culpæ est actus deficiens vel imperfectus, & est velut fructus degener. Ab eadem vite potest esse vua & labrusca. Esa. 5. dicitur de vinea synagogæ. *Expectanti ut faceres vuat, & fecit labruscas.* Et Hic. 2. *Ego plantauit vineam electam omne semen verum: quomodo ergo conuersa es in prauum vinea aliena?* Eundem patrem possunt habere filius degenerans, & filius secundum generositatem patris viuens: Sic ab eodem possunt esse bonus actus, scilicet ex libero arbitrio. Sed malus actus qui est actus imperfectus, est ab eo non defectu, sicut eadem potentia gradiendi potest esse principium recte ambulationis & claudicationis: sed claudicationis est principium ipsa deficiens. Dionys. Bonum in quibuscunque perfecte inest, perfecta facit & integra & pura & optima: minus vero ipsum participantia & imperfecta sunt bona & mista per defectum boni. Itæ defectus formæ est priuatio ordinis: hoc non omnino malum, sed minus bonum. Item malum est infirmitas & defectus boni: & sicut ex stipite arboris inflexibili est virga flexibilis, eo quod virga est tenuis & infirma: sic ex Deo inflexibilis ad malum est liberum arbitrium, flexibile ad bonum & malum. Ad bonum, quia ex Deo bono: ad malum, quia ex nihilo. Augustin. in lib. de Fide, ad Pet. Quia

Deus summe bonus est: dedit omnibus naturis quas fecit vt bonæ sint. Ideo naturæ factæ ex Deo proficere possunt, quia esse cœperunt. Ideo deficere, quia ex nihilo factæ sunt. Idem in lib. de lib. arbit. Ideo possibilitas ad defectum est in creatura: quia à non esse in esse procedit. Secundum Damasc. Quæcunque creata sunt alterabilia sunt, vel secundum corruptionem, vel secundum electionem, vel voluntatem. Secundum corruptionem, corruptibilia ista: secundum electionem vel voluntatem, spirituales substantiæ. Et notandum quod actus qui est peccatum, malus est, cum sit miseriæ adductiuus. Dionys. Non est malum puniri, sed malum est dignum pœna fieri. Est etiam malus qui Deum bonum ostendit commutabile ei præligendo. Peccamus enim præligentes, vt dicit August. & hæc præelectio contumeliosa est. Item malus est: quia potentiam & à qua est corrumpit, diminuendo habilitatem eius ad bonum. Iusto. n. iudicio Dei fit, cum potentiam Domini à quo est offendit, vt ipsa corrumpatur ab actu qui ab ea est: Et sicut virga flexibilis ad dexteram & sinistram, si frequenter flectatur ad sinistram, remanet magis inclinata ad partem illam: sic liberum arbitrium si frequenter inclinetur ad malum, prouum fit ad illud, & magis elongatur à bono. Item est malus: quia legi diuinæ est contrarius, & ita voluntati diuinæ non subiectus; secundum illud Augustin. Peccatum est factum, vel dictum, vel concupitum contra legem Dei. Item est malus, quia imperfectus respectu actus qui deberet exire à tali potentia, scilicet libero arbitrio, est enim quasi brutalis actus qui in cane vel in leone non esset malus actus, qui in libero arbitrio malus est. Et ponit exemplum Dionys. de ferocitate leonis & ira canis. Ira enim in cane bona est, cum sit animal custoditiuum, & ad ipsum pertineat extraneum abigere. Ferocitas etiam nō est mala in leone cum naturam eius non corrumpat: quod enim

non

non corrumpit naturam, non est malum, vt ait Dionys. Item malus est actus: quia est in habente rationem à quo ordinari debuit, & non ordinatur: vnde in puero nondum habente vsum rationis malus non esset, nec in insano qui rationem haberet omnino impeditam. Dionys. Malum dæmoni est contra deiformem intellectum esse, animæ contra rationem, corpori contra naturam. Et licet actus malus deficiens sit prædictis modis; tamen adhuc non est omnino priuatus bonitate, cum principium eius & finis sit bonum. Itē Dionys. Principium enim eius est liberum arbitrium quod bonum est: Finis eius est bonum aliquod transitorium, nemo enim malum respiciens facit quæ facit, vt ait idem Dionys. Et propter bonum sunt omnia, & quæcunque sunt bona & quæcunque sunt contraria: vt ipse ait. Et ponamus exemplum in conestione cibi vetiti, quæ bona est in præsentī, quia delectabilis, licet in futurum occasio sit maioris tristitiæ, & potest esse expediens etiam ipsi agenti in casu. Vnde August. Audeo dicere superbis esse vitale cadere in aliquod apertum manifestumque peccatum, vnde sibi displiceant qui iam sibi placendo ceciderant. Salubrius enim sibi Petrus displicuit quando fleuit, quam placuit quando præsumpsit. Vnde verum est quod dicit Dionys. quod nihil existentium priuatur vniuersaliter bono. Et iterum, quod per omnem modum bono priuatum est, nunquam, nusquā, neq; erat, neq; est, neque erit, neque esse potest. Est etiam malus actus ordinatus, vt prius ostensum est, Dion. Factis malis optime & pulchre diuina prouidentia vltima est ad nostram aut aliorum formationem aut vtilitatē. Subtractis erroris Manichæorum auctoritatibus & rationibus quibus innituntur, ponendæ sunt auctoritates & rationes quibus ipse directe destruitur, & quibus ostēditur vnicum esse principium à quo sunt omnia visibilia & inuisibilia. Et primo ponentur auctoritates: quia, vt ait August.

in lib. de morib. Eccl. naturæ ordo ita se habet, vt cum aliquid dicimus, rationem præcedat auctoritas: nam infirma videri ratio potest quæ cum reddita fuerit, auctoritatem postea per quam infirmetur, assumit. Legitur Matt. 6. *Respicite volatilia cæli, &c.* Et subditur: *Et pater vester cælestis pascit ea.* ergo cibis corruptibilis quo aues pascuntur à patre cælesti est: non ergo sola incorruptibilia ab eo sunt. Item Matth. 3. *Sisani agri quod hodie est, & cras in clibanum mittitur, Deus sic vestit: quanto magis vos modica fidei:* ergo decor quo herba prati vestitur, à Deo est. Eiusdem. 5. dicitur de patre cælesti quod pluit *super iustos & iniustos:* ergo pluuia est ab eo. Item Christo venti & mare obediunt tanquam domino, Mat. 8. Ergo ipse erat Dominus maris: simili ratione aliarum rerum visibilium. Item eiusdem. 14. & 15. Ipse panes multiplicat quibus pascitur populus: sed eiusdem potentia est panes sic multiplicare, & de nouo facere: ergo panes corruptibiles ab ipso poterant esse. Item Marci 5. Vitam mortalem amissam reddidit filiæ archisynagogi: Et vnico filio viduæ. Lucæ. 7. Et Lazaro. Ioan. 11. ergo non solum incorruptibilia, sed & corruptibilia ab ipso sunt. Et Marci. 10. legitur: *Ab initio creatura masculinum & feminam fecit eos Deus.* Itē Luc. 11. dicit Phariseis. *Quod intus est vestrum, plenum est rapina & iniquitate.* Stulti, nonne qui fecit quod de foris est, etiam id quod de intus est, fecit? Ergo ab eodem principio est anima & corpus, Lucæ. 3. vbi textitur genealogia Christi, dicitur: *Qui fuit Adam, qui fuit Dei.* Adam ergo fuit filius Dei: fuit ergo à Deo, & non à diabolo. Item Ioan. 1. dicitur de Deo. *Omnia per ipsum facta sunt.* Ergo visibilia, & inuisibilia. Et post, *Mundus per ipsum factus est.* Et iterum: *In propria venit, & sui &c.* Non erant sui per gratiam cum essent mali, ergo sui erant creatione. Item mutauit aquā in vinum corruptibile Ioan. secundo, ergo etiam corruptibilia sunt ab ipso. Roma-

Au-  
thori-  
tates de-  
stru-  
entes  
errores  
Mani-  
chæi.

manor. 11. *O altitudo diuinarum sapientia & scientia Dei &c.* Et paulo post. subditur: *Ex ipso & per ipsum, & in ipso sunt omnia* Præterea Psalm. *Dominus est terra & plenitudo eius.* Ephes. 2. *Ipsius factura sumus &c.* Eiusdem. 3. *In Deo qui omnia, omnia creauit.* Colos. 1. *In ipso condita sunt quæ sunt in cælo & in terra uisibilia & inuisibilia.* & 1. Timoth. 4. *In nouissimis temporibus discedent quidam à fide.* &c. Et subditur *prohibentium nubere, & abstinere à cibis quos Deus creauit ad percipiendum cū gratiarum actione fidelibus.* Hebræorum 1. *Initio tu Domine terram fundasti &c.* Et in eodem. *Quem constituit heredem uniuersorum.* Actorum. 4. *Domine tu fecisti cælum & terram.* Et 17. eiusdem. *Deus qui fecit mundum & omnia quæ in eo sunt, hic cæli & terra cum sit Dominus.* Et canonica Iudæ: *Solum dominatorem & dominum nostrum Iesum Christum negantes.* Et Apocal. 10. *Iurauit per uiuentem in secula seculorum qui creauit cælum & omnia quæ in eo sunt, & terram, & omnia quæ in ea sunt, mare, & omnia quæ in eo sunt.* Et Petrus in 1. ele. Totius mundi machinam cum una esset dom<sup>o</sup>, in duas regiones diuisit De<sup>o</sup>, ut superior regio angelis, inferior uero hominibus præberet habitaculū. In symbolo etiam Apost. dicitur. Creatorem cæli & terræ. In hoc etiam conueniunt nobiscum nobiles philosophi, Plato loquens de Deo, Genitorem inquit, uniuersitatis tam inuenire difficile est, quam inuentu dignum profari. Boet. libr. Consolat. O qui perpetua mundum ratione gubernas, Terrarum cæliq; sator. Sen. Vir bonus quidquid ei acciderit, æquo animo sustinebit. Sciet enim hoc accidisse lege diuina ex qua uniuersa procedunt. Nunc ponendæ sunt rationes ad destructionem dicti erroris. Dicunt Manichæi lucem & tenebras nō posse esse ab eodem principio. Sed eadem ratione vox & silentium erunt à cōtrariis principiis. Sic enim se habet silētium ad vocem ut tenebræ ad lucem. Vnde Aug. irridendo Manichæos

ait. Si est gens tenebrarum pugnans contra Dei lucem, quare non est gens silētiorum pugnans contra vocem? item si lux à bono Deo, uisus qui melior est luce, cū lux propter uisum sit, & sine visu inutilis sit, erit à Deo: quis dubitat eum, cui seruit lumen candelæ præualere lumini illi? Et si uisus & lux quæ maxime est uisibilis, sunt à Deo: eadem ratione auditus & audibile, olfactus & odorabile, gustus & gustabile, tactus & tangibile: ergo omnia corruptibilia corpora sunt à Deo. Item cum uiuere sit melius quàm fulgere, si nihil potest fulgere, sine Deo, multominus nec uiuere, ut ait Augustin. Ergo omnia uitam habentia sunt à Deo. Item August. in lib. de duabus animabus: Sensibus omnibus intelligentia præstat & excellit: ergo intelligibilibus sensibilia inferiora sunt. Dementia igitur est cum omnis uita & omnis anima solo intellectu percipi queat, sol autem & luna & omnis lux mortalibus oculis cernatur: quamlibet animam Deo auctore priuare, & quod lux bono Deo tributa dicatur. Item aut ista corruptibilia sunt pure mala, aut mixta ex bono & malo: ergo sunt quantum ad bonum à bono principio: quantum ad malum à malo: ergo aliquod corruptibile à bono principio est. Præterea secundum hoc est aliqua societas lucis ad tenebras, & aliqua conuentio Christi ad Belial: cuius contrarium ostenditur 2. Corinth. 6. Sic uero sunt pure mala. Contra, cum bonum tripliciter, dicatur honestum, delectabile, expediens: hæ tres species boni inueniuntur in his corruptibilibus. Honestum, ut pascere esurientem, dare potum sitienti: & cætera opera misericordiæ quæ cōmendat Dominus. Matt. 25. Delectabile, ut cum coniungitur conueniens cum conuenienti. Expediendū, ut cum infirmi bibunt potiones amaras, salubres tamen, vel causa sanitatis vruntur, vel secantur: ergo omnem spem boni possumus inuenire in his corruptibilibus: ergo non pure mala sunt. Item quilibet sensus dicit ali-

quod bonū in eis, vt gustus dicit aliquod bonum vinum. Io. 2. *Tu autem bonum vinum seruaſti uſque adhuc.* Dicit auditus vocem aliquam bonam. Dicit viſus formā aliquam bonam. Dicit tactus veſtem aliquam bonam & ſuauem. Dicit odoratus aliquem odorem bonum. Ergo ſicut ille qui negat niuem eſſe albam, ſenſus indiget: Sic Manichæi omni ſenſu videntur indigere. Ipſi videntur eſſe & cæci & ſurdi, & alij ſenſibus indigentes: nec digni ſunt vt contra errorem eorum diſputetur. Ariſt. Non oportet omne problema nec omnium poſitionem conſiderare, ſed quā dubitabit aliquis rationis indigentium & non poenæ vel ſenſus. Videtur quod ipſi velint hominibus oculos eruerē, & non ſolum oculos, ſed omnem ſenſum eis auferre, vnde multum ſunt odiendi quantum ad hanc malitiam. Vidētur etiam beſtiis beſtialiores eſſe: cum beſtiæ inter hæc corruptibilia, quædam bona ſibi à quibuſdam malis diſtinguant: hæc fugiendō, illa appetendo. Item cognitio boni bona eſt: ergo cum lux bona ſit, cognitio lucis bona eſt: ergo in illis corruptibilibus quæ poſſunt lucem cognoscere, aliquid boni eſt: ergo non ſunt pure mala. Item legitur Matt. 6. *Benefacite hiſ qui oderunt vos &c.* vt ſciſtis filii patris veſtri qui in cœliſ eſt, qui ſolem ſuum facit oriri ſuper bonos & malos: ergo pater cœleſtis facit bonum malis, faciendo ſolem ſuum oriri ſuper eos: ergo mali ſunt receptibiles boni ipſius. Sed potentia recipiendi bonum bona eſt: ergo ipſi habent aliquid boni: ergo non ſunt pure mali. Item corruptibilia iſta aut ideo mala ſunt quia poſſunt corrumpi, aut alia de cauſa. Si quia poſſunt corrumpi: ergo creata ſunt mala. Omnia enim à Deo poſſunt diſſolui quæ ab eo cōpoſita. Facilius enim eſt deſtruere quam conſtruere: vt ait Philoſophus. Ioan. Damal. Omne quod incipit eſſe, finitur ſecundum naturam. Greg. Eſſe omnium quæ de nihilo ſunt, in nihilum tenderet, niſi ea omniū auctor manu regiminis reti-

neret. Omnia itaque creata nec per ſe ſubſiſtere, nec mouere præualent: Quod dicit Greg. ſic poteſt probari: Quod ſemel requiritur ex neceſſitate ad eſſentiam alicuius rei, ſemper ad eam requiritur: ſed prima cauſa requirebatur ad hoc quod hæc anima eſſet quando primo fuit: per aliam enim cauſam non potuit à non eſſe in eſſe adduci: ergo ſemper prima cauſa ad hoc quod illa anima ſit, requiritur. Item ſi non potuit illa anima eſſe in aniſi per primā cauſam: ergo eadē ratione nec in b. nec in c, & ſic de vno quoque inſtanti in quo ipſa fuit: ergo prima cauſa requiritur ad eſſe huius animæ; eadē ratione ad eſſe vniuſcuiuſque creaturæ. Item ſicut inchoatio diei eſt à ſole viſibili: ſic eius continuatio, & ſi deſinat eſſe ſol, vel lumē eius iuxta ipſum intercідatur, deſinit totū lumē eſſe in aere. Sic poſito quod prima cauſa deſinat eſſe, vel ceſſet à conſeruatione rerum quas creauit, omnes deſinunt eſſe. Sicut vita corporis inchoationē habet ab alia, ſic & continuationem. Vnde recedēte anima à corpore, deſinit corpus viuere: ſic ſi prima cauſa deſineret eſſe, cuncta deſinerēt eſſe. Itē ſicut aſcēſus lapidis in aere non poteſt fieri propria virtute: ſic nec permanētia ipſius ibidē. Non minoris virtutis eſt in bono inchoato perſeuerare, quam illud inchoare. Ouidius in Epistoſis. *Non minor eſt virtus quam querere partem aſueri.* Sic non minoris eſt virtutis creatū eſſe cōſeruare, quā creare. Aug. Deus ex nihilo omnia fecit, & ſi ſe ſubtraheret, in nihilū redigeretur. Et Plato introducit Deum loquentē ad nobiliora opera ſua dicentem ea natura diſſolubilia. Si vero ſunt mala alia de cauſa: aut ſunt mala quia variabilia, aut propter aliud. Si quia variabilia: ergo animæ quæ ſunt à principio bono, etvunt mala: cū ſint variabiles ab ignorātia, ad ſciētiam gaudium ad triſtitiam, ab iniuſtitia ad iuſtitiam. Luc. 15. *Gaudiū erit angelis Dei ſuper uno peccatore poenitentia agente.* Ex hoc verbo cōſtat quod aliquis poteſt peccare & malus fieri: & qui iā peccator eſt, per poenitentiam

tiā fieri bonus. Sed cuius erit hæc variatio? Aut pure boni, aut pure mali. Pure malum nullatenus potest fieri bonum, cum sit essentialiter malum: unde si desinit esse malum, desinit esse. Neque pure bonū secundum eos potest fieri malum: ergo perit pœnitentia. Aug. Nunquam negauerunt Manichæi dari veniam peccatorum, cum fuerit ad Deum quisque conuersus: quæro ex illis, duobus generibus animarum, cuius sit pœnitere peccati; & scio hoc nec illius animæ posse quæ malefacere, nec illius quæ benefacere potest. Dic etenim anima quam de substantia Dei asserunt, quomodo nihil ex me mali si ego perperā feci? Aut quomodo recte pœnitet si ego non feci? Audi partem alteram. Quomodo ex me nihil boni est cui bona voluntas inest? Aut quomodo me recte pœnitet si non inest? Mihi autem satis est sic scire quod Manichæi errant, aut scio pœnitendum esse peccati. Si vero mala sunt quæ corporalia & visibilia: ergo sol & luna & stellæ mala essent, cum sint corpora visibilia. Si vero malā sunt propter contrarietatem quam habent: ergo cum summe bonum habeat contrarietatem cum summe malo, summum bonum erit malum. Si vero propter cōtrarietatem quam habent adinuicem, mala dicuntur: sicut aliqua dicuntur mala, quia contrarietate & bellum habent cum aliquibus: sic & bona, dicenda sunt propter convenientiam & pacem quam habent cum aliis, vel bona simpliciter, vel bona quantum ad hoc: ergo non erunt pure mala. Et si odium inter aliqua corruptibilia malitiæ attestatur amor qui inter aliqua inuenitur, bonitati attestabitur. Præterea cū bonum sit quod desideratur ab omnibus: ut ait Dionysius, & secundum Aristot. omnia bonum exoptent, & omnia appetant esse sui conseruationem: esse vniuersaliter est bonum. Dolor qui inuenitur etiam in animalibus & irrationalibus quum occiduntur vel læduntur, attestatur amorī quem habet ad suum

esse: præterea cum sit scriptum in corde hominis, quod sicut bona sunt facienda, ita mala sunt destruenda: si corruptibilia ista sunt mala: destructio illorum est bona: ergo contrarietas vel potestas destruendi se inuicem bona est. Item si corruptibilia ista mala sunt, quia destructiua sui, inuicem, necessario esse eorum bonum est: ergo cum Manichæi ponunt quod mala sunt quæ sunt destructiua sua inuicem: per cōsequens ponunt quod ipsa sunt mala & bona. Item si principium malum: per se potest esse causa malorū, ergo semper potest esse causa eorum: ergo potest perpetuare ea: ergo perpetua & non solum corruptibilia possunt esse à principio malo. Item cum aliqua mors iusta sit, secundū illam sententiā Domini, Matth. 26. *Omnes qui gladium acceperint, gladio peribunt*: ergo mors potest esse à Deo & corruptio: ergo corruptibilia possunt esse à bono principio. Item corruptio istorum corruptibilium aut est bona, aut est mala. Si bona: ergo est à Deo bono, ergo corruptibilia possunt esse ab eo. Si mala, sed cuius corruptio mala est, ipsum quoque bonum, iuxta verbum Sapientis: ergo ipsa sunt bona: ergo possunt esse à Deo bono. Item principium malum aut est mutabile aut non. Si non est mutabile: ergo non erūt potius mutabilia ab eo, quam à principio bono. Præterea immutabilitas non solum pertinet ad bonum, immo ad optimum. Dionys. Proprium est optimi esse semper id ipsum. Sen. Necessè est eadem placere, cui nisi optima placere non possunt: Deo scilicet. Dionys. Malum quidem instabile est. Item non sunt immobilia & semper sic habentia mala: ait idem Dion. Non est ergo principium mali immutabile. Itē cum sapientia bonum sit, non erit in summo malo. *Stultus autem ut luna mutatur.* Eccles. 27. Sen. Stultitiæ nihil constar, nihil diu placet. Si vero principiū mali mutabile est: ergo habet aliquā cōpositionem ad minus quæ est proprietas ad subiectū.

Vbi enim est mutatio & recessus alicuius proprietatis & accessus alterius, necesse est etiam ibi esse aliquam essentiali compositionem. Nihil enim est agens & patiens, secundum idem. Ergo oportet aliquid esse in eo quo agit dando esse eis quorum est principium, & aliquid quo recipit proprietatem quæ ei aduenit cum mutatur. Si autem compositum est, ergo compositum ab aliquo quod est eius principium: aliud autem principium habere non potest, nisi principium bonum: ergo est à bono principio: sed ab eo non potest esse nisi bonum fuit: ergo ab eo factum bonum, sed postea factum est malum. Et hoc est quod veritas dicit, Ioan. 8. *Ille homicida erat ab initio*: Ergo habuit initium. Et subditur: *Et in veritate non stetit*: In bona enim voluntate non perseveravit. Item Lucæ 10. *Videbam Satanam sicut fulgur de cælo cadentem*. Fuit ergo aliquando bonus & in cælo: sed peccavit, & de cælo cecidit. *Item radix omnium malorum est cupiditas* 1. Timot. vlt. Ergo ante cupiditatem non est malum, sed ante naturaliter est potentia à quo exit actus cupiditatis: ergo potentia illa non est mala: ergo natura ipsius diaboli bona est. Præterea si principium mali non habet principium: ergo habet esse & non ab alio: sed hoc non solummodo boni est, sed etiam melioris: melius enim est quod natura est, quam acquisitium: ergo principium mali non solum bonum est: sed etiam melius his quæ esse incœperunt. Item proprium est Altissimi à nullo aliquid tenere, nulli aliquid debere, nulli subesse: absit ergo ut talia malo conveniant. Præterea, impossibile est duo esse principia absolute. Si enim aliquid est principium absolute, est primum. Si autem est primum, non habet prius vel cœterum. Vnde Dionys. Omnis diabolus siue dualitas non est principium: monas autem siue unitas erit totius diabolus, id est dualitatis principium. Item oppositorum oppositæ sunt causæ: ergo si principium boni est ens, principium mali est non ens, Angust. 12.

lib. de Civit. Dei: Et natura quæ summe est, qua faciente sunt quæcunque sunt contraria naturæ, non est nisi quæ non est. Item aut principium boni & mali in aliquo conveniunt, aut in nullo. Si in nullo, ergo nec in esse, nec in potetia: ergo si principium boni, est principium mali, non est. Et si principium boni est, omnipotens: principium mali est, nihil potens: ergo nullius rei principium. Si vero conveniunt in aliquo, ut in eo quod est esse, & vivere, & intelligere, & posse: non est ergo pure malum quod in tot convenit cum summe bono. Dio. Si omnino bonum consumpseris, neque essentia est, neque vita concupiscentia, neque motus, neque aliud aliquid. Præterea aut in aliquo differunt: aut non. Si non, ergo sunt idem principium & non duo principia. Si vero in aliquo differunt: hæc differentia videtur esse in malitia voluntatis. Posito. n. quod voluntas eius sit bona, iam habet pacem & amicitiam cum summo bono, & non contrarietatem. Sicut. n. pax est hominibus bonæ voluntatis, Lucæ 2. sic & angelis bonæ voluntatis. Iam imago Dei relucet in eo, cum in eo sit & potentia & sapientia, bonitas siue bona voluntas: unde relinquitur quod à Deo sit. Similitudo enim inter aliqua ostendit eandem vel similem causam habere, vel vnum esse causam alterius: Præterea si principium mali in aliquo differt à principio boni, & in aliquo convenit: ergo ipsum habet aliquid & aliquid: ergo est compositum, ergo non est principium primum. Illud enim est prius à quo compositum est. Item constat quod principium bonum est perfectum & sine aliquo defectu. Mar. 5. *Pater vester cælestis perfectus est*. Damasc. Deus perfectus est, & indeficiens, & secundum bonitatem, & secundum sapientiam, & secundum virtutem, sine principio infinitus, æternus, incircumscriptibilis, & simpliciter per omnia perfectus: ergo potentia ipsius non habet defectum, nec admissionem impotentia: ergo nihil est quod non sub.

fit illi potentia: ergo dominiū eius vniuersale est: & nihil est exceptum ab eius iurisdictione: ergo si principium malum habet potestatem aliquam, potestas illa est à Dei potentia & sub ea. Matth. ult. *Data est mihi omnis potestas in celo & in terra.* ait Christus. Et Rom. 13. *Non est potestas nisi à Deo.* Et vt vno verbo dicamus, Dei potentia omnipotentia est. Apocalyp. 4. *Sanctus, sanctus sanctus, Deus omnipotens quierat, & qui est, & qui venturus est.* Eiusdem. 5. *Magna enim & mirabilia sunt opera tua Domine Deus omnipotens.* Et 16. *Domine Deus omnipotens, vera & iusta iudicia tua.* Et 21. *Dominus Deus omnipotens, templum illius est.* Et Matth. 19. dicitur, *quod apud Deum omnia possibilia sunt.* Et Luc. 1. *Non erit impossibile apud Deum omne verbum:* imo quod plus est, *omnia possibilia sunt credenti in eum.* Matt. 9. & Mat. 17. *Nihil impossibile erit vobis.* Manifestum est ergo ex prædictis diabolus non esse exemptum à potestate Dei. Vnde Lucæ 10. *Ecce dedi vobis potestatem calcandi super omnem potestatem inimici.* Nō est ergo diabolus principium malum æternū quod sit à se: sed natura eius à bono principio est, & ab institutione prima bona: sed à corruptione voluntatis est in eo malitia. Præterea cum Deus sit incircumscriptus, non sic capitur vno loco quod nō possit esse in alio: nec potest esse locus sine eo, quod non esset si duo essent principia. Damasc. Quomodo diis multis existentibus incircumscribibile seruabitur quod in Deo dicimus? Vbicunq; enim fuerit vnus, nequaquam erit alter. Item cum castra destruantur propter diuersitatem dominiorū: quomodo non esset iam mundus dissolutus si essent diuersi domini? Damasc. Qualiter à multis gubernabitur mundus, & nō dissoluetur & corrumpetur; pugna in gubernantibus considerata? Et subdit: Si autem dixerit quis, quoniam vnusquisq; parti principatur, quid est quod ordinat & permanentiam eius facit? Illud vtique erit Deus magis. Item si multos diceremus

deos, necesse esset differentiam in multis considerare. Si enim nulla est differentia in eis, vnus magis est & non multi. Si autem differentia est in eis, vbi est perfectio? Siue ei secundum bonitatem, siue secundum virtutem, siue secundum sapientiam, siue secundum tempus, siue secundum locum defecerit à perfectione, nequaquam erit Deus. Itē non minus pertinet ad Deū bonitas, quam potentia vel sapientia: ergo sicut ridiculum esset ponere aliquem Deum sine potentia vel sapientia: sic ridiculum est ponere Deum sine bonitate. Dionys. Neque diuinum malum est, neque malum diuinum. Præterea, impossibile est perfectam esse sapientiam & potentiam absq; bonitate. Impotentia enim est si non potest velle bonum cognitum. Si autem potest velle bonum, non est sine aliqua bonitate. Posse enim velle bonum, bonum est. Item duo sunt principia, aut principium malum non est inuisibile sicut bonum, aut est visibile. Si est visibile, est corpus, & ita compositum: ergo habuit initium. Si vero inuisibile, ergo per ea quæ facta sunt conspicitur, sicut & principium bonum. Cum ergo esse principii per se eorum quæ facta sunt agnoscat: per quid cognoscitur multitudo principiorum, nisi multitudine eorum quæ facta sunt? ergo tot sunt ponenda principia quot sunt res factæ. Si vero contrarietate rerum quæ factæ sunt, cognoscatur diuersitas principiorum: ergo omnia contraria erunt à contrariis principiis: ergo album & nigrum non erunt ab eodem principio, neque calidum & frigidum, & sic de aliis contrariis: vnde oportebit multo plura principia quam duo poni. Item potentia Dei & sapientia, de quibus constat, suffi- ciūt ad creationem omnium, & ipsa mors etiam potest esse ad eius bonitatem. Multoties enim valde utilis est homini, vt viris sanctis, quibus est finis miserix & porta gloriæ, vnde multū desideratur ab eis, vt in Paulo patet Philip. 1. *Desideriū habeo dissolui* &c. Etiā mors malorū est à iustitia Dei.



**Luc 12.** Timete eum qui postquam occiderit, habet potestatem mittere in gehennam. De potētia vero alia non potest constare per aliquem proprium effectum eius. Quanta ergo fatuitas est, Deo omnipotēti propter illam potentiam somnitiā auferre dimidiū regni sui & gloriā suā. Quis est qui nesciat quod duo possunt habere eundem patrem, vnus tamen eorum est sanus & alter æger, & filio existente infirmo pater potest esse sanus, & ab eadem radice potest esse & spina & rosa? Præterea quotidie videmus hoc in corporibus, corpus quod sanum est, fieri ægrum, & è contrario. Idem etiam necesse habemus concedere de animabus: anima enim peccando potest fieri mala, & pœnitentiam agendo potest fieri bona. Alioquin pro nihilo moneatur aliquis ad agendum pœnitentiam. *Matth. 3. Agite digne fructum pœnitentia.* Et eiusdem 4 *Pœnitentiam agite:* ergo potest accidere in spiritibus corpori non vixitis, vt qui boni sunt natura, fiant mali malo consentiendo. Vnde 2 Pet. 2. *Si Deus Angelis peccantibus non pepercit, sed rudentibus inferni detractos in tartarum tradidit cruciandos in iudicium reseruari, &c.* Et canonica Iudæ, *Angelos qui non seruauerunt principatum suum, sed dereliquerunt suum domicilium, in iudicium magni Dei vinculis æternis sub caligine reseruauit.* Et aduertendum est, quoniam sapientia Dei noluit quod aliqua diuersitas creaturarum contrarietatem principiorum posset ostendere. Prima diuersitas in rebus est substantiæ & accidentis: sed vnum istorum inest alteri, scilicet accidens substantiæ. Substantia vero causa est accidentis, nec possunt esse à contrariis principiis, cum tanta sit eorum conuenientia & adhærentia, & maxime cum nulla sit societas lucis ad tenebras, nec conuentio Christi ad Belial. 2. **Corinth. 6.** Alia est diuersitas materiæ & formæ, quarum conuenientia manifeste indicat ea nō esse à diuersis principiis. Alia est diuersitas substantiæ corporeæ & incorporeæ. Sed cum substantia incorporea per-

fectior sit corporea, & conueniat cum ea ad perficiendum vnum vt in arboribus est vegetabile, in brutis animalibus sensibile, & in hominibus anima rationalis: manifestum est quod non sunt à contrariis principiis. Alia diuersitas est corruptibile. Sed nec ista diuersitas ostendit contraria esse principia, cum corruptibilitatem inueniamus non solū in corporibus, sed etiam in substantiis incorporeis, vt in vegetabili, & sensibili: imo quædam corruptibilitas videtur esse in omni creatura à prima conditione ipsius. Quia, sicut ait Augustinus lib. de Ciuit. Dei. Omnis creatura mutabilis, quia de nihilo facta. Præterea corruptibile & incorruptibile cōueniunt ad vnum perficiendum: & corpus & anima ad perficiendum hominem: & est naturalis amor vnus ad alterum, quod indicat separatio vnus ab altero, quæ cum dolore fit, ex quo manifestum est ea non esse ex contrariis principiis. Item si duo sunt principia, vnum boni, & alterum mali: aut creare pertinet ad principium boni sicut ad principium mali, aut non. Si non, aut principium mali ex materia quæ sit à principio bono operabitur, aut nihil omnino operabitur. Si nihil omnino, ergo non erit principium. Si ex materia creata à bono principio, quod tamen fiet, non erit pure malum, cum materia sit bona. Præterea forma quæ erit à principio malo, mala erit, nec conueniet materiæ bonæ vt faciat vnum cum ea. Si vero creare est vtriusque principii, aut bonum principium habebit hoc à malo, aut ambo ab altero. Dion. Si malum æternum est, & creat, & potest, & est, & agit: vnde ei hoc aut, ex bono, aut ex malo, aut amobus ex alia causa. Si bonum principium hoc habet à malo, malum tantummodo erit principium & non bonum. Si malum à bono tantum, bonum erit principium & non malum. Si ambo ex alia causa, illa magis erit principium. Item cum operatio sit secundum virtutem & virtus secundum essentiam: si operatio creandi communis est duobus principiis, vna virtus commu-

nis erit illis à qua erit ista operatio, & vna essentia siue vnum essentiale ad quod pertinebit virtus ista. Et si illud erit principium malum, pure malum, cum habeat bonum sibi essentiale. Si vero illud est malum, non erit principium bonum summe bonum, cum habeat malum sibi essentiale. Præterea si duo principia in aliquo essentiali conueniunt, & in aliquo alio differunt, vtrunque compositum est: ergo neutrum est principium simpliciter, cum aliquid sit prius à quo compositum est. Præterea malum videtur esse contra naturam principii. Ad principium enim pertinet facere, non destruere: malum vero destructiuum est. Dionys. Malo natura est corrumpere & perdere. Item malum secundum quod nullius est generatiuum vel nutritiuum, aut omnino factiuum, aut saluatiuum: ergo malum non est primum principium. Item bonum in quantum bonum est ex se diffusiuum, vt ait Dion. quia multiplicatiuum est: ergo cum malum bono sit contrarium secundum quod malum: non erit multiplicatiuum, sed potius retentiuum vel contractiuum: ergo non erit principium. Item corruptio naturaliter est posterior generatione: ergo potentia corrumpendi erit potentia generandi. Quæ enim est proportio actus ad actum, & eadem est potentia ad potentiam: ergo destructiuum boni naturaliter est posterius principio boni: ergo malum & bonum non sunt principia cõtraria. Item priuatio naturaliter posterior est habitu: ergo destructiuum boni naturaliter est posterius bono. Item aut sunt aliqui spiritus mali à principio malo, aut non. Si non, sed constat quod sunt aliqui spiritus mali ex Euangelio in multis locis Matth. 12. *Cum immundus spiritus exierit &c.* Et paulo post: *Et assumit septem spiritus nequiores se.* Et Luc. 8. de quodam dicitur, *Ruptis vinculis agebatur à demoniis in deserto. Et interrogauit illum Iesus, quod tibi nomen est? at ille dixit: Legio, quia intrauerant multa dæmonia in eum.* Aut igitur

sunt æterni spiritus illi, aut non. Si sic, nõ sunt ergo tantum duo principia à quibus sint omnia alia. Præterea cum boni spiritus creati sint, verisimile est quod & mali spiritus sint creati. Absit enim quod hæc nobilis conditio non esse ab alio sit in malis spiritibus & non in bonis. Si vero creati sunt: ergo aut ex principio bono, vel ex malo. Si à bono, ergo tunc erant boni: sed post facti sũt mali, sicut asserit veritas fidei catholicæ. Si vero à principio malo: ergo ab eo non solummodo sunt corpora, sed etiam spiritus: nec solum corruptibilia, sed etiam incorruptibilia. Item dicit Seneca in libr. de Naturali. quæstio. Deus est quo maius excogitari non potest. Et sicut ait. Augustin. in libro de fide ad Per. Deus est immensus virtute nõ mole. Virtus ergo Dei est, qua maior excogitari nõ potest: sed maior est virtus quæ summe malum potest destruere, quam quæ non potest. ergo virtus diuina potest summe malum destruere: ergo summe malum habuit principium & potest finem habere: ergo non est primum principium. Præterea ad bonitatem pertinet non solum velle bonum facere, sed etiam velle malum destruere, & magis malum magis velle destruere: ergo maxime malum maxime velle destruere: ergo cum summe bonum habeat potestatem illud destruendi, iam illud destruxit tanquam radicem omnis mali. Securis enim ad radicem arboris à sapiente ponitur, non ad ramos: hac radice extirpata omne malum cessat. Item Deus excedit intellectum nostrum: potentior enim est agendo, quam nos intelligendo: sed intellectus noster attingere potest tam regionem tenebrarum, quam regionem lucis: ergo Deus non est exclusus à regione tenebrarum: nec inclusus in regione lucis, vt dicunt Manichæi. Quod manifeste ostenditur 1. Corinth. 6. *Nescitis quia membra vestra templum sunt Spiritus sancti qui in vobis est?* Et eiusdem. 3. *Nescitis quia templum Dei estis vos, & Spiritus Dei habitat in vobis?* Et subditur:

Qui

*Qui violauerit templum hoc, disperdet illum Deus.* Græci vero sic habent: *Qui corruperis templum hoc, corrumpet illum Deus.* Deus ergo non est exclusus à regione tenebrarum. Nec membra illa mala sunt in quibus Deus habitat, & quorum violationem vindicat. Nec omnis corruptio mala est ex qua Deus corruptètes bonos, corrumpit. Item cum magis conueniat aliquid cum quolibet, quam aliquid cum nihilo, quod potest per se ex nihilo aliquid facere, potest quodlibet ex aliquo facere: ergo quicumque potest creare, est omnipotens: Verilimile est quod potentia quæ extendit se ad quæ non sunt, extendat se ad omnia quæ sunt: ergo cum principium malum non sit omnipotens, non potest creare. Itē si duo sunt principia: aut utrumque erit imperfectum, aut alterum erit superfluum. Item dicit Damasc. Contraria sunt inuicem bonum & perniciosum, & sui inuicem corruptiua, & in se inuicem & cum se inuicem non subsistentia. Et subdit: Necessè est duorum esse alterum: vel tangere & corrumpere se inuicē, vel esse quid medium in quo nec bonum nec malum erit: velut quædam maceries separans ab inuicem utraque, & non duo, sed tria erunt principia. Item necessè est horum alterum vel pacificare: quod illud quod malum est non potest: vel præliari, quod id quod perfecte bonum est, non potest: vel quod malum est quidem præliari, & quod bonum non ex aduersario præliari, sed corrumpi vel semper contritari, vel malum pati. Item beatus est cui omnia optata succedunt: sed si summum bonum habet aliquid sibi contrarium, non omnia optata sibi succedunt: ergo non est beatus. Item Deus bonus aut potest cohibere mala quæ fiunt à principio malo suis, & vult, & sic cohibet: aut potest & non vult: si non est summe bonus, aut vult, & non potest, & tunc est impotens. Item cum bonum sit quod desideratur ab omnibus, ut dicit Dionysius, ergo malum est quod oditur ab omnibus. Sicut

ergo Deum diligit quidquid diligere potest, ut ait Augustinus, & ipse diligit omnes quos creauit, nisi ipsi fiant mali, & inter eos est mutuu amor: sic mutuuum odiū erit inter eos qui sunt à malo principio, & ipsi odient malum principium, & ipsum eos. Ergo mirum est si iam non destruxit eos. Non potest ergo stare regnum tale nullo amore compactum. Itē cum ipsum summe malum sit, ergo vult malum & sibi & suis, & non modicum malum cum non sit modicum malus: quomodo permittit ergo suos viuere? Item aut princeps iste vel gens eius aliquid amat, vel nihil. Si nihil, ergo nec seipsum, quod non est virilimile. Si enim esset superbus, esset & amator gloriæ suæ. Præterea si non potest amare: ergo nec odire: amare enim & odire contraria sunt & nata fieri circa idem. Præterea principium bonum & quæ ab eo sunt, dicuntur odire mala & amare bona: ergo principium malum odit bona & amat mala. Si vero amat aliquid, ergo vult ei quod optatur esse bonum: sed aliquem velle quod ipse opinatur esse bonum, quoddam bonum est: ergo principium mali habet aliquod bonum: ergo nō est summe vel pure malum. Item ridiculum est dicere aliquid non esse bonum, quia non est vbique: ergo ridiculum est dicere quod non sit bonum: quia nō semper, vel quia est corruptibile. Præterea si non facit aliquod malum, hoc quod habet principium, ergo neque hoc quod ipsum habet finem, vel quod est corruptibile. Item cum non sit malum nisi respectu boni, & summum malum, & ea quæ sunt ab eo sint pure mala, nihil est malum respectu alicuius eorum: ergo si ipsa sunt mala, ipsa erunt mala: vel quia nociua summe bono, vel bonis quæ sunt ab eo: sed non quia sint nociua summe bono. Ei enim nihil potest nocere, quia ut dicit Aug. Non est Deus inuiolabilis, si aliquid potest ei nocere. Item non possunt nocere bonis quæ sunt à principio bono, cum illa sint pure bona, nullius mali susceptibilia.

& cum princeps eorum tamquam summe potens eos seruare possit & tamquam summe bonus velit: ergo non sunt mala, quia bonis nociua: ergo simpliciter loquendo non sunt mala. Præterea natura bona non potest cogi à mala ut consentiat malo: cū bonum potētius sit, quam malum. Si autem voluntarie potest consentire malo, ergo bonū natura voluntate potest fieri malum: ergo non est necesse ponere aliquam naturam essentialiter malā à qua sint aliæ naturæ malæ: sed omnis natura à principio bono est & ab institutione bona, sed voluntate postea facta est mala, sicut fides catholica dicit. Item summum malum cum fecit visibilia ista, aut fecit ea ex bonitate, vel ex malitia. Si ex bonitate, ergo aliqua bonitas erat in eo: ergo non erat pure malum. Si ex malitia fecisset, non esset tanta pulchritudo, nec tanta utilitas, nec tanta ordinatio in eis. Item princeps tenebrarum est aut bonus sibi, aut malus. Si bonus, ergo non est summe malus, cum alicui sit bonus. Si malus sibi, ergo est malus malo: ergo ipse est contrarius molo: sed esse contrarium malo est bonum, ergo aliquid habet boni, & non est summe malus. Item summum malum aut est malum malitia culpæ, aut malitia pœnæ. Si pœnæ, sed summum malum pœnæ videtur esse gehenna: ergo vel ipsum non est maximum malum, vel est ipsa gehenna. Si forte dicatur quod summum malum est miseria suorum, sicut bonum summum est beatitudo suorum: contra, delectatio est coniunctio conuenientis cum conuenienti, ergo ea quæ sunt à summo bono, & sunt eius capacia, ut sunt creaturæ rationales, delectationem habēt cum coniunguntur ei, eo quod sint conuenientia illi. Similiter ea quæ sunt à summo malo, si sunt eius capacia & coniunguntur ei, cum sint conuenientia cum eo, habebunt in eo delectationem. Item cum ipsa sint pure mala, & ament omne malum, anior vero amanti suaue faciat

quod amatur: gehenna etiam suavis esset his qui in ea erunt si amarent eam, & placeret eis: ergo summum malum delectabile erit malis qui ab eo sunt. Si vero ipsum est malum malitia culpæ, culpa non potest esse nisi ubi est lex. *Vbi enim non est lex, nec prauaricatio.* Rom. 4. Ergo summum malum legi alicui subiectum est, cuius transgressione malum est factum, ergo non est primum principium. Præterea operatio qua ipsum operatur malum, aut naturalis est, aut voluntaria. Si naturalis, ergo non est culpabilis. August. Peccatum sine voluntate esse non posse omnis mens apud se conscriptum legit. Si vero voluntaria est, & habet potentiam liberam faciendi malum, vel declinandi à malo, cum potentia declinandi à malo sit bona, aliquid boni est in eo: ergo non est summe malum. Item cum aliquid horum corruptibilium destruitur, non intendit agens destructionem, sed generationem. Et est certamen quod est inter creaturas: tamen est quasi liberalitatis. V. G. Cum agit ignis in ligna, & facit inde carbones, intendit ignis dare speciem suam materiæ in quam agit, & semper in corruptione remanet aliquid utile. Etiam post destructionem quam facit ignis, qui vehementissime videtur destruere, remanet cinis qui habet vim mundificatiuam: ergo corruptibilia ista non sunt pure mala. Præterea licet corruptibilia ista non possint seruare speciem suam in seipsis: tamen in recompensationem huius habent potentiam dandi speciem suam alteri materiæ & multiplicandi eam, quod non habent incorruptibilia. Sol non efficit alium solem, nec Angelus Angelum, sed ignis causa est ignis. Bona ergo sunt etiam corruptibilia. Multi sunt qui non minus amarent vaccam vnā, licet mori posset, quæ valde fetosa esset, de qua mille alias habituri essent, quam vnā sterilem quæ mori non posset.

## CAPVT IX.

*De aliis erroribus Manichæorum, quorum aliqui enumerantur. Et de primo errore qui est in distinctione ciborum.*

Manichæorum  
Errores  
in distinctione  
ciborum

1. **P**ost destructionem erroris Manichæorum quātū ad radicē ipsius licet rami nō lo'eant proficere radice destructa, secundū illud Osee 9. *Radice eorum excicat a est, fructum nequaquam faciant*, tamē aliqua breuiter dicemus contra aliquos errores qui velut rami à radice venenata, de qua iam tactum est, processerunt. Vnus error est distinctio ciborum. Dicunt enim aliquos cibos non esse comedendos, vt carnem & caseum. Alius est quod lex vetus data est à principe tenebrarū & quod mala fuit. Tertiū est, quod Patres veteris testamēti mali fuerunt & damnati sunt. Quartus, quod non creantur animæ de nouo quæ corporibus infundantur. Alius error est, quod Christus veram naturam humanam non assumpserit. Vltimus de quo ad præsens dicere intendimus, quod Ioannes Baptista malus fuerit. Sunt multi alii errores eorū, sed adeo irrationabiles quod indigni sunt vt ad eorū destructionē ratiocinatio procedat. Primo errori occasionem dare potuit, quod Dominus terræ maledixit. Gen. 3. Ideo carnes animalium quæ de fructu terræ pascuntur, dicunt non esse comedendas. Pisces bene comedūt qui in aqua nutriantur, cum non legant Dominum aquis maledixisse. Sed hæc ratio nulla est. Si enim carnes animalium comedendæ non sunt, quia de fructu terræ viuunt: multo fortius ipsi fructus terræ comedendi non essent: propter quod enim vnum quodque est tale, illud magis est tale, fructus autem terræ omnis secta comedit. Rom. 13. *Qui infirmus est, olus manducet*. Glos. Infirmus est qui cibos discernit: hic olus manducet, in cuius esu omnis secta consentit. Præterea maledictio terræ quā Dominus fecit,

fuit quod fertilitatē eius abstulit. Et ibidē post illā maledictionē subditur: *In laboribus comedet ex ea cunctis diebus vitæ tuæ*. Unde noluit Dominus quod propter illā maledictionē dimitteret homo comedere, vel quæ ex terra nascerētur, vel quæ ex ea nutrirerentur. Itē dedit occasionem huic errori, quod caro per peccatum de carne nascitur, vt ipsi dicunt. Sed fatuum est dicere carnem animalium brutorum per peccatū nasci, cū vbi nō est lex, nō sit præuaricatio. Ro. 4. Itē 14. *Bonum est non manducare carnē, nec bibere vinū*. Sed si propter verbum illud carnē comedere dimittunt: eadē ratione deberent dimittere bibere vinum. Itē quod viri sancti leguntur à carnib. abstinuissē, sed ipsi nō ideo abstinuērūt quia iudicaret quod nō possent sine peccato comedere: sed quia quādoque sunt occasio concupiscentiæ vt excedant, sicut & vinū quādoque. Tamen non sequitur ex hoc quod vino nō sit vtendum. 1. Timoth. 5. *Noli adhuc aquam bibere, sed modico vino utere propter stomachum tuum & frequentes tuas infirmitates*. Et Ecclesiast. 31. *Si bibas vinum moderate, eris sobrius*. Et paulo post. *Exultatio animæ & corporis vinū moderate potatū*. Sicut aliquib. infirmis secundū corpus abstinentū est à carnib. & vino: non tamē sequitur propter hoc quod caro & vinum infirma sint vniuersaliter corpori: sic eadem infirma sunt quandoque etiam spiritui: aliquib. enim sunt occasio peccandi. Sunt multæ causæ quare à delicatis abstinentū est, quæ in tractatu de vitio gulæ assignatæ sunt, & aliquæ tangētur in tractatu de virtute Sobrietatis. Sicut diuitiæ malæ nō sunt, etsi à viris sanctis quādoque cōtemnātur. Sic caro mala nō est, si à viris sanctis quādoque comedatur. Glossa super illud Romanorū 14. *Olus manducet*. Crassitudo carniū, & deliciose epulæ prouocant corpus ad libidinem. Quandoque aliquis abstinet à talibus, quia sibi videt expedire, vel ne proximum scandalizet. 1. Corinth. 10. *Omnia mihi licent, sed non omnia expediunt. Omnia mihi licent, sed non omnia edis*.

*cant.* Sed qui abstinet, non debet dānabiles iudicare eos qui talibus vtuntur. Ro. 13. *Qui non manducat, manducantem non iudices.* Item occasionem dedit huic errori, quod non legunt Christum carnes comedisse. Sed licet hoc non legeretur, tamen non sequeretur propter hoc hoc quod non comedisset: *multa enim facta sunt quae non scripta sunt.* Ioan. vlt. Sunt & alia multa quae fecit Iesus: quae si scribantur per singula, nec ipsum arbitror mundum capere posse eos, qui scribendi sūt, libros. Et quod comederit agnum paschalem, potest haberi ex Euangelio Matth. 24. *Vbi est, inquit, refectio mea, ubi pascha cum discipulis meis manducem?* Pascha vocatur agnus paschalis. Luc. 22. *Vbi est diuersorium, ubi pascha cum discipulis meis manducem?* Et paulo post: *Desiderio desideravi hoc pascha manducare vobiscum.* Quod autem licitum sit comedere carnes, & alios cibos sine distinctione, probari potest his testimoniis Noui Testamenti. Legitur Luc. 10. *In eadem domo manere cedentes & bibentes quae apud illos sunt.* Et Matth. 15. *Non quod intrat in os, conquinat hominem.* Et ad Rom. 14. *Scio & confido in Domino Iesu, quia nihil commune siue immundum per ipsum nisi ei qui existimat commune esse illi, commune est.* In eodem: *Omnia quidem munda sunt.* Et 1. Corinth. 10. *Omne quod in macello venit, id est, venditur, manducate, nihil interrogantes propter conscientiam Domini, est terra & plenitudo eius.* Et iterum: *Si quis infidelium vocat vos ad cenam, & vultis ire, omne quod apponitur vobis, manducate, nihil interrogantes propter conscientiam.* Et 1. Timo. 4. *Omnis creatura Dei bona est, & nihil reiiciendam quod cum gratiarum actione percipitur.* Et Tim. 1. *Omnia munda mundis.* Item probatum est superius omnia creata fuisse à Deo: nihil vero immundum à Deo creatum est: caro ergo animalium immunda non est: ergo non est abstinendum à carne propter carnis immunditiam. Præterea si non est vtendum carnibus animalium in cibū: ergo nec lana,

nec pellibus eorum est vtendū in vestitū.

## C A P V T X.

*De errore ponēte legem veterem datam à principe tenebrarum, & malam.*

**S**equitur de secundo errore qui ponit legem veterem esse datam à principe tenebrarum, & malam esse. Cui errori occasionem dedit legis grauitas. Visum est enim aliquibus non fuisse Deum benignū qui tam graue opus populo imposuit. Ad quod dicendū quod corda Iudeorum erecta erant per præsumptionem. Vnde dicebant. *Non deest qui impleat, sed deest qui inbeat.* Exod. 19. *Respondit vniversus populus, simul cuncta quae locutus est Dominus faciemus.* Eiusd. 24. habetur idem. Vnde humiliandi fuerunt graui onere legis, vt vidētes insufficientiam suam, humiliati ad auxilium gratiae currebant. *Dominus enim humilib. dat gratiam.* 1. Pet. vlt. Dedit etiā occasionem huic errori iustitia quae fiebat in veteri lege: quam aliqui mentiuntur crudelitatem. Vnde dicunt non fuisse Deū benignum, qui legem tam crudelem dedit. Ad quod dicendū est quod cum principium sapientiae sit timor Domini. Prou. 1. perfectio vero sapientiae sit amor Dei, secundum illud Eccl. 1. *Dilectio Dei honorabilis sapientia.* Prima lex debuit sapientiam inchoare, timorem Dei per iustitiam incutiendū. Secunda lex debuit sapientiam perficere, ad amorem multis admonitionibus & promissionibus. & beneficiorum exhibitionibus incitando. Vnde iustitia in veteri lege debuit abundare: iustitia vero non est crudelitas, sed bonitas: vt in tractatu iustitiae ostendetur. In illa vero iustitia latebat misericordia. Qui enim corrigebantur poena temporali: euadebāt aeternam. Incorrigibiles vero amittebant potentiam Deum offendendi & poenam suam in futuro augendi: vnde misericorditer cum eis agebatur. Si. n. diutius viuerent, diutius peccarent, & in futuro grauius punirentur. In hoc etiam quod transi-

Mal. 103

gressores legis Moyſi ita grauiter puniebantur, nobis miſericorditer oſtendebatur, quam grauiter punientur transgreſſores legis datæ per filium Dei. Hebræ. 10. *Irritam quis faciens legem Moyſi, ſine vlla miſeratione, duobus vel tribus teſtib. moritur: quanto magis putatis deteriora mereri ſupplicia qui ſilium Dei conculauerit?* Item dedit occaſionem huic errori illud Apoſtoli Rom. 5. *Lex ſubintrauit vt abundaret delictum.* Et illud eiſd. 7. *Nunc ſoluſumus à lege mortis.* Et vocatur ab Apoſtolo lex vetus, lex mortis. Vnde viſum eſt ab aliquibus quod mala fuerit. Et dicendum eſt ad ſecundum quod lex illa mortis fuit ſuis transgreſſoribus: ſed lex vitæ fuit ſuis obſeruatoribus. Lex vitæ fuit intentione dantis: ſed lex mortis fuit vitio transgrediētis. Vnde ſubdit ibi Apoſtolo: *Quid ergo dicemus: Lex peccatum eſt? Abſit.* Et paulo poſt ſubdit: *Inuentum eſt mihi mandatum quod erat ad uitam:* intellige ex intentione dantis, hoc eſſe ad mortem. Apoſtoli aliis erant odor mortis in mortem, aliis odor vitæ in vitam. 2. Cor. 2. *non tamen erant mali.* Occaſio fuit prohibitio legis multitudinis peccatorum. Sicut enim dicit Gloſſ ſuper illud ad Roman. 7. *Occaſione accepta peccatum per mandatum operatum eſt in me omnem concupiſcentiam.* Talis eſt noſtra carnalitas, vt ardētius deſideret prohibita: quibus non memoratis, iaceret quaſi ſopita. Item Gloſſ. Frenatus eſt concupiſcentiæ ſtutius oppoſitis obicibus legis, ſed non ſiccatus: imo quia de ſe non de gratia homo præſumpſit, aucta eſt concupiſcentia oppoſita lege, & quæ prius eum ducebat obice nullo, obruit eum obice obrupto. Triplici ratione peccata abundauerunt lege data, in his in quibus non erat gratia. Primo, quia, ſicut dicit Ambroſius, diabolus videns legem in auxilium hominibus datam, magis exarſit iracundia aduerſus hominem, & magis inſtituit legem vertere in perniciem, cum primo quaſi ſecure poſſidens minus tentare. Gregorius: Illos negligit pulſare quos quieto

ſe poſſidere ſentit. Secundo, quia homo naturaliter appetit libertatem, & fugit ſeruitutem. Et iuxta verbum Senecæ. Natura contumax eſt animus humanus, & in contrarium atque arduum nitens. Natura ſemper aduerſatur ſibi aduerſanti. *Nirimus in vetitum ſemper, cupimusque negata.* Prouerb. 9. Aquæ furtiue dulciores ſunt. Hieronym. Quidquid non licet, magis deſideratur: & quod raritate dulce eſt, aſſiduitate in amaritudinem vertitur. Et ſuper illud Roman. 9. *Peccatum occaſione accepta per mandatum ſeduxit me,* dicit gloſſ. Ex prohibitione vbi charitas deſicit, deſiderium mali creſcit, quo aucto dulcius fit quod prohibetur. Tertio, quia prohibitio erat occaſio frequentis recordationis rei prohibitæ. Recordatio vero irritatiua eſt concupiſcentiæ. Illud autem verbum: *Lex ſubintrauit vt abundaret delictum:* intelligendum eſt cōſequutiue. Hoc enim conſequutum eſt ex lege data quantum ad illos qui gratiam non habebant, & viribus ſuis conſidebant, quod amplius peccauerunt: & hoc ipſum eis expediebat. Vnde gloſſ. Auguſtin. Non crudeliter hoc fecit Deus, ſed conſilio medicinæ. Aliquando enim homo videtur ſibi ſanus, & ægrotat: & quia non ſentit morbum, medicum non quærit. Augetur morbus, creſcit moleſtia, quæritur medicus, cuius & totum ſanatur corpus. Magnum ergo Dei conſilium fuit vt per legem abundaret delictum, vt in auſteritate ſuam intelligentes infirmitatem, infirmi ad medicum conſugerent, vt auxilium gratiæ quærent. Sicut Deus creans diabolū, malignitatis eiſ futura nō ignarus, præuidebat quæ bona de malo eiſ eſſet facturus: vt dicit Auguſt. Sic dans legē veterem ad meritum cultodientium eam, non ignarus transgreſſionum quæ abundaturæ erant, præiudit quæ bona de malo transgredientium eſſet facturus. Item lex ſubintrauit vt abundaret delictum quantum ad cognitionem. Si enim lex nō fuiſſet, peccatum lateret. Vnde Rom. 7. *Peccatum non cognoui niſi per legem.* Et ſicut ra-

dus solis non est malus, licet ostēdat pulchritudinem nociuam quam aliquis appetit: & sicut scientia medicinæ non est mala quæ ostēdit venenū esse mortiferum, quāuis eo aliquis abutatur ad mortē suam vel alterius: sic lex non est mala, licet sit occasio mali. Item occasionē dedit huic errori veteris legis cessatio. Visū est enim aliquibus, quod si bona fuisset, nō cessasset. Præterea modo peccaret qui seruaret eā: ergo tūc peccabant qui eam seruabāt. Ad quod dicendum est quod vetus lex cessare debuit quantum ad illa quæ erāt figuratiua futurorum, sicut vmbra lumine veritatis adueniente, & sicut promissiones solutione facta. Nec cessauit lex tanquam mala, sed cessit meliori quantū ad prædicta moralia: tamen quæ erant de iure naturali manserunt. Item occasionem dare potuit prædicto errori quod Deus dator illius legis apparuit in flāma rubi. Exod. 3. *Et rapuit Heliam in curru igneo.* 4. Reg. 4. Vnde visum est aliquibus quod non fuerit benignus Deus, qui sic apparuit, & ministrū suū sic rapuit. Ad quod dicendum, speciem ignis idoneam esse, vt Deus in illa appareat, vel in illa significetur. Vnde Spiritus sctus super discipulos in specie ignis apparuit. Act. 2. Et de ipso dicitur ad Heb. 12. *Deus noster ignis consumens est.* Peccata enim consumit & purgat. Et Luc. 12. *Ignem veni mittere in terram,* &c. Et Ioan. 1. *Ipse baptizabit vos in Spiritu S. & igne.* Non est ergo mirandū si in flāma rubi apparuit. Nunc multis auctoritatib<sup>9</sup> Noui Testamenti ostendemus legem veterē esse bonam & datam à Deo. Legitur Matth. 5. *Nolite putare quoniam veni soluere legem aut prophetas: non veni soluere legem, sed adimplere.* Si data fuisset à principe tenebrarū, non impleuisset eā. Et ibidem: *Amen dico vobis, donec transeat cælum & terra, iota vñ aut vnus apex nō prateribit de lege donec omnia fiāt.* Et eiusd. 7. *Omnia quæcunq; vultis vt faciat vobis homines, & vos facite illis. Hæc est enim lex & prophetæ.* Ergo lex & prophetæ bona sunt, sicut illud mandatū bonū est. Eiusd.

Lex veteris bona

22. dicitur de mandato dilectionis Dei: *In his duobus mandatis tota lex pendet & prophete:* ergo lex & prophetæ bona sunt, cum sint ad dilectionē Dei & proximi. Et Luc. 10. *In lege quid scriptum est?* At ille respondens dixit: *Diliges Dominū Deum tuum, &c. & proximum tuum sicut teipsum:* Dixit q; illi: *Recte respondisti, hoc fac & viues.* Ergo præcepta legis obseruata vitam conferebant. Item Matth. 19. *Si vis ad vitam ingredi, serua mandata,* dixit illi: *Quæ?* Iesus autem dixit: *Non homicidium facies, Non adulterabis, Non facies furtum, Non falsum testimonium dices. Honora patrem tuum & matrem tuam.* Quæ constat mandata esse veteris legis. Exod. 20. Ergo mandata veteris legis vitam conferebant æternam. Item Matth. 7. *Bene irritum fecistis mandatum Dei vt traditionē vestram seruetis.* Moyses enim dixit: *Honora patrem tuum & matrem tuam.* Ibi mādatum Moysei, Dei mādatum dicitur. Item Luc. 2. *Vt sisterent eū Domino, sicut scriptū est in lege Domini.* Lex Domini vocatur lex vetus. Et eiusdem 16. *Habent Moysen & Prophetas, audiāt illos.* Item Luc. vlt. *Os stultis & tardis corde ad credendum in omnibus quæ locuti sunt prophete.* Et paulo post: *Incipiens à Moyse & omnibus prophetis interpretabatur illis in omnibus scripturis quæ de ipso erāt.* Et iterum: *Necesse est impleri omnia quæ dicta sunt in lege Moysei, & prophetis, & psalmis de me.* Et Ioan. 5. *Scrutamini scripturas: quia vos putatis in illis vitam æternam habere, & illas sunt quæ testimonium perhibent de me.* Et eiusd. 8. *Est pater meus qui glorificat me quem vos dicitis, quia Deus vester est.* Et Rom. 1. *Quod ante promiserat per prophetas suos in scripturis sctis de filio suo.* Et eiusd. 7. *Lex quidē sancta, & mandatum sanctū, & iustum, & bonum.* Et in eod. *Scimus quia lex spiritualis est.* Ad Galat. 3. *Lex pedagogus noster fuit in Christo.* 1. Thess. 5. *Prophetias nolite spernere.* Et 1. Timoth. 1. *Scimus quia bona est lex si quis ea legitime utatur.* Et ad Heb. 1. *Multifariam multisq; modis olim loquens Deus in prophetis: nonissime*



*dictus istis loquutus est nobis in filio. Actor.*  
 1. Oportet impleri scripturā quam prädixit  
*Spiritus sanctus per os David.* Eiusd. cap. 2.  
 dicitur de eo: *Quum esset propheta, &c.*  
 Prouidens loquutus est de Resurrectione  
 Christi. Et eiusd. cap. 3. *Deus Abraham, Deus*  
*Isaac, Deus Iacob, Deus Patrum nostrorum*  
*glorificauit filium suum Iesum:* Ergo Iesus  
 fuit filius Dei veteris legis: ergo lex vetus  
 non fuit à principe tenebrarum. Itē Act. 1.  
 3. *Vos estis filij prophetarum & testamenti*  
*quod disposuit Deus ad Patres nostros:* ergo  
 testamentum veteris legis erat à Deo or-  
 dinatum. Item eiusdem cap. 10. *Verbum*  
*misse Deus filiis Israel annuntians pacem*  
*per Iesum Christum: hic est omnium Dominus.*  
 Et paulo post subditur: *Huic omnes prophe-*  
*tae testimonium perhibent.* Et 2. Pet. 1. *Ha-*  
*betis firmiorem propheticum sermonem, cui*  
*benefacitis astedentes quasi lucernae ar-*  
*denti in caliginoso loco.* Ergo quam prohe-  
 ticus sermo lucerna sit, non est à principe  
 tenebrarum. Item in eodem: *Non volun-*  
*tate humana allata est aliquando prophetia:*  
*sed Spiritu sancto inspirati loquuti sunt*  
*sancti Dei homines.*

## CAPVT XI.

*De errore illo qui damnat patres Ve-*  
*teris Testamenti.*

**E**Rror ille qui ponit quod patres Vete-  
 ris Testamenti mali fuerunt & sunt  
 damnati, sequitur. Cui errori occasionem  
 dedit quod leguntur aliquando peccasse.  
 Sed si ideo damnati creduntur, eadem ra-  
 tione credendū erit quod Petrus & Paulus  
 dānati sint, qui quandoque peccauerunt.  
 Item occasionē dedit huic errori, quod le-  
 guntur in infernum descēdisse. Genes. 17.  
*Descendam ad filium meum Iugens in infer-*  
*num,* ait Iacob. Et Esa. 38. dixit Ezechias: *in*  
*dimidio dierum meorum vadam ad portas in-*  
*feri.* Ad quod dicendum quod ob pecca-  
 tum primorum parētum ianuā regni clau-  
 sa fuit toti generi humano. Quod figura-  
 tum est in hoc quod flammeus gladius po-

situs est ante paradisu. Genes. 3. quasi pro-  
 hibens ingressum. Descendebant ergo an-  
 tiqui patres in oram inferni, vbi manebāt  
 felici spe consolati, sed non descendebant  
 in inferni profundum vbi nulla est redem-  
 ptio. Nec habebant pœnam materialem,  
 sed solum carebant visione Dei. Ad quem  
 locum Christus descendit, & inde suos li-  
 berauit, vt legitur Act. 2. *Quem Deus susci-*  
*tauit solutis doloribus inferni: iuxta quod*  
*erat impossibile teneri illū ab eo.* Et in eod.  
*Quoniam non derelinques animam meam in*  
*inferno, &c.* Potest autem probari testimo-  
 niis Noui testamenti antiquos patres bo-  
 nos fuisse & saluatos. Matth. 8. *Multi ab*  
*orientē & occidentē venient & recumbent*  
*cum Abraham, Isaac, & Iacob in regno cœlo-*  
*rum.* Ergo Abraham, Isaac, & Iacob ingres-  
 si erāt vel ingressuri regnum cœlorum. Itē  
 Domino trāsfigurato apparuerūt Moyses  
 & Helias loquentes cum eo Matth. 17. si  
 damnati fuissent, constat quod in transfi-  
 guratione Domini non apparuissent, ad  
 quam tres tantum Apostolos sibi familia-  
 rissimos admisit. Item eiusd. 23. *Ecce mitto*  
*ad vos prophetas.* Et eiusd. 22. dicitur de  
 Christo. *Quomodo David in spiritu vocat eū*  
*Dominum, dicens: Dixit Dominus, &c.* Et  
 Luc. 16. *Lazarus mortuus ab angelis depor-*  
*tatus est in sinum Abraham:* ergo Abraham  
 non erat damnatus. Et paulo post. *Vidit à*  
*longe Abraham & Lazarum in sinu eius.*  
 Item commendantur patres veteris testa-  
 menti. Heb. 11. & de Moyse dicitur specia-  
 liter Heb. 3. *Moyse quidem fidelis erat in*  
*tota domo eius.* Moysen fuisse nuntium  
 Dei, & legem datam esse Deo inspirante,  
 ostenderunt miracula facta per Moysen.  
 Et notandū quod lex illa valde sapien-  
 ter tradita fuit. Primo ostenduntur omnia  
 creata à Deo esse. Secundo ostenditur ius-  
 titia Dei in pœna pro peccato primorum  
 parentum inflicta, & in diluvio, & in sub-  
 uersione Sodomorū, & flagellatione Ægy-  
 ptiorū. Tercio interferitur obediētia patrū  
 & beneficia Dei eis exhibita. Per primum  
 apparet creaturas nihil numinis habere: &

Anti-  
quos  
fuisse  
sanctos  
patres  
proba-  
tur.

Lex ve-  
tu la  
nō ven-  
trata.

sic nullus locus idololatriæ relinquitur: Per secundum terretur populus à legis transgressione. Per tertium allicitur ad eius impletionem. Consequenter vero datur lex in terrore. Sine timore enim magno non poterat populus separari ab erroribus inueteratis.

Inter hæc vero quæ in lege præcepta sunt, quædam manifeste pertinent ad honorem Dei & vilitatem proximi: quædam vero signa sunt futurorum, quædam vero quæ videntur esse sine ratione. Præcepta sunt propter idololatriam, cui abolenda magna pars legis intendit. Multa enim præcepit Deus sibi offerri, ne idolis offerrentur. De Abraham dicitur Ioan. 8. *Abraham pater vester exultauit ut videret diem meum: vidit & gaudens est.* Iacob. vltim. commendantur prophetæ. *Exemplum* (inquit) *accipite laboris & patientiæ,* prophetarum, qui loquuti sunt in nomine Domini. Et Iacob. 2. commendatur multum Abraham. *Credidit Abraham Deo, & reputatum est ei ad iustitiam, & amicus Dei appellatus est.* Et in eodem. *Abraham pater vester nonne ex operibus iustificatus est?* Commendatur etiam Galat. 3. Et 1. Petri 3. commendatur Sara: *Sic,* inquit, *sanctæ mulieres sperantes in Deo, non in ornatu vestium ornabant se subiectæ propriis viris: sicut Sara obediebat Abraha.* Et Loth commendatur 2. Pet. 2. Et iustum Loth oppressum à nefandorum iniuria eripuit, &c. habitans apud eos qui de die in diem animam iustam iniquis operibus cruciabant. Patet ergo, quod boni fuerunt antiqui patres & saluati.

## C A P V T X I I.

*De quarto errore qui ponit animas non de nouo creari: qui diuersificatur in quatuor oppositos errores.*

**S**equitur de quarto errore, qui ponit animas de nouo non creari, quæ corporibus infunduntur. Qui error diuersificatur in quatuor oppositos errores. Primus

ponit in corporibus non esse animas nisi angelos apostatas, seu dæmones qui in eis includuntur vt agant ibi pœnitentiam, & successiue possunt esse in diuersis corporibus: vt si pœnitentiam non agunt in vno corpore, agant illam in alio. Secundus ponit duas animas esse in corporib<sup>9</sup>. De quo errore loquitur August. in libr. de duabus animabus. Tertius ponit animas creatas simul fuisse. Quartus ponit animas sicut corpora seminari. Licet autem hi quatuor errores diuersi sint, tamen in hoc conueniunt quod veritati fidei catholicæ cōtradict<sup>9</sup>, quæ asserit animas creari, & creando corporibus infundi, & infundendo creari. Quam veritatem confirmat illud Psal. *Qui finxit sigillatim corda eorum.* Gloss. id est, creauit animas singulas per se ex nihilo Aug. in ecclesiasticis dogmatibus. Credendum est & firmiter tenendum, quod animæ non sunt ab initio creatæ, vt Origenes fingit: nec cum corporibus seminantur, vt Luciferiani, & Cyrillus, & quidam Latinorum affirmant: sed dicimus animam infundi & creari simul in corpore compacto & formato, vt viuat in vtero homo.

Psal. 32.

## C A P V T X I I I.

*De errore primo qui ponit animas esse angelos apostatas.*

**I**lli qui sunt primi erroris, aliqua verba S. Scripturæ adducunt ad confirmationem ipsius, impertinētia tamen ad propositum si vere intelligantur. Legitur Matt. 10. *Ite ad oues quæ perierunt domus Israel:* Oues illas intelligūt angelos apostatas ad quos solos saluandos missus est filius Dei, vt aiunt, secundū illud Matth. 15. *Non sum missus nisi ad oues quæ perierunt domus Israel.* Sed si inspiciatur quæ præcedunt, apparet ridiculoriam esse hanc expositionem. Christus enim missurus Apostolos ante passionem suam prohibuit eis ne irent ad gētes vel Samaritanos, ne Iudæi haberent occasionem repellendi eum: ideo dixit eis, *In viam gentium ne abieritis, & in ciuitates*

*res Samaritanorum ne intraveritis, sed potius ire ad oves, &c.* Vnde patet oves istas de quibus loquitur esse Iudæos. Si enim intelligerentur secundum expositionem eorum, oves quæ perierunt, id est, dæmones, vel spiritus qui de cælo ceciderunt, essent in gentibus & Samaritanis sicut & in Iudæis: vnde non fuissent prohibendi Apostoli à prædicatione eorum. Itē legitur Luc. 16. de villico iniquitatis, qui amotus est à villicatione sua, quod ipsi exponunt de diabolo, quem dicunt fuisse præpositum aliis angelis, & prudēter gratiam illorum acquisivisse de servitio Deo debito relaxando eis: sed propter peccatum suum fuisse amotum, & Michaelem pro eo fuisse substitutum, & eum cum cōplicibus suis de cælo fuisse eiectum, & corpora fabricasse, quæ secundum eos, inhabitant spiritus qui de cælo ceciderunt. Sed quod sequitur in fine illius parabolæ, non concordat expositioni eorum: scilicet quod Dominus laudavit villicum iniquitatis: absit enim quod Deus diabolum laudaverit. Item legitur Ioan. 4. *Nemo ascendit in cælum, nisi qui descendit de cælo.* Ex quo ipsi inferunt solos spiritus, qui de cælo descenderunt saluandos. Sed patet quod nulla est expositio eorum, per id quod sequitur verbū prædictū, *Filius hominis qui est in cælo.* Cōstat enim quod Christus seu vocat filium hominis. Matth. 8. *Filius hominis nō habet ubi caput suū reclinet.* Et 24 eius. *Esote parati, quia qua hora nō putatis, filius hominis venturus est.* Vnde impertinens est illud verbum ad angelos Apostatas: sed tēpore quo Christus dicebat verbū illud, quum nondū esset ianua regni aperta per passionem ipsius, nullus adhuc purus homo ascendērat in cælum vel ascendere poterat, nisi solus filius hominis qui de cælo descendērat in carne assumpta visibilis hominibus apparendo, qui erat in cælo patri æqualis inquantū Deus, ascendere poterat in cælū in humanitate: & iam ascendērat: id est, à Deo alius erat secundū divinitatem, ut pater. Solus etiam Christus

erat ascendurus in cælum, scilicet caput cū membris. Rationes quibus innitatur error ipse, non ponimus: quia vel non sunt, vel nullius probabilitatis sunt. Error vero iste tria ponit: quorum falsitas de facili potest ostendi. Ponit enim dæmones esse saluandos, ponit animas non esse, & ponit dæmones esse incarceratos in corporibus humanis. Primum vero multis auctoritatibus potest destitui. Legitur Matth. 3. *Paleas comburet igni inextinguibili:* ergo pœna malorum erit æterna: sed dæmones maxime sunt puniendi: ergo pœna eorum erit æterna. Ad idem possunt adduci testimonia sacre Scripturæ quæ sequuntur. Matth. 25. *Discedite à me maledicti in ignem æternum, qui parati estis diabolo & angelis eius.* Et in eodē: *Hi ibunt in supplicium æternum: iusti autē in vitam æternam.* Et 2. Thessal. 1. dicitur de nō obedientibus Euāgelio Christi. *Qui penas dabunt in interitu æternas.* Et in canonica Iudæ. *Quibus procella tenebrarū cōservata est in æternum.* Et in eadem: *Angelos qui non servauerunt suum principatum: sed dereliquerunt suum domiciliū, in iudiciū magni Dei, vinculis æternis sub caligine re. servavit:* Ergo vincula dæmonum æterna sunt, & ipsi reseruantur in iudicio magni Dei puniēdi. Vincula æterna ista sunt, obstinatio eorū, & sententiæ diuinæ inflexibilitas. Item 2. Pet. 2. *Si Deus angelis peccatib. non pepercit, sed rudentib. inferni detractos in tartarū tradidit in iudiciū cruciendos reservari.* secundū gloss. rudētes sunt funes quibus nautæ vela suspendūt. hic vero dicitur rudentes immundorū spirituum conamina, qui mox ut flante superbia impulsī se aduersus creatorem erexerūt, ipsis elationis conatibus in abyssi profundū sunt rapti. Ad ostendendā vero falsitatem illius erroris qui ponit animas non esse: sufficiunt verba Euāgelii, & aliarū scripturarum Novi Testamēti, quæ in tot locis cōtrariū exprimūt, quorum aliqua ponemus. Legitur Matt. 6. *Nōne anima vestra plus est quā escā, & corpus pl<sup>us</sup> quam vestimentū?* Et eiūd.

Animas esse probat.

10 Nolite timere eos qui occidunt corpus animam autem non possunt occidere &c. Et eiusd. 11. *Inuenietis requiem animabus vestris.* Item 16. *Quid prodest homini si universum mundum lucretur: animam vero suam derimētum patiatur?* Item 22. *Diliges Dominum Deum tuum ex toto corde tuo, & ex tota anima tua.* Et 26. *Tristis est anima mea usque ad mortem.* Item Ioan. *Potestatem habeo ponendi animam meam, & potestatem habeo iterum sumēdicam.* Et Iacob. 5. *Qui converti fecerit peccatorem, ab errore viæ suæ, saluabit animam eius à morte.* Et 1. Pet. 1. *Animas vestras castificantes in obedientia charitatis.* Eiusdem 4. *Fideles Creatori commendent animas suas.* Et Apocalypf. 7. *Vidi subtus altare animas interfectorum propter verbum Dei.* Error vero tertius valde odibilis est Deo & hominibus, quantum ad hoc quod ponit dæmones esse in hominibus: Deo: ideo quia contumeliam magnam ei facit, cum vituperat hominem nobilissimam eius creaturam quam creauit ad imaginem & similitudinem suam. Genes. 1. Et eiusd. 9. Ecclesiast. 17. Et 1. Corinth. 11. dicitur. *Vir imago & gloria Domini est.* Homini: quia magnam contumeliam facit ei, quum dicit eum dæmonium habere. Hoc reputauit sibi Christus contumeliosum, Ioan. 8. quum diceretur ei à Iudæis. *Samaritanus es tu, & dæmonium habes:* vnde subdit: *Ego dæmonium non habeo: sed honorifico Patrem meum, & vos inhonorastis me.* Imo quod pl<sup>o</sup> est, qui sunt huiusmodi erroris homines reputant dæmones incarceratos, quum ipsi diaboli potius reputandi sint, imitando eos in obstinatione. Ioan. 6. *Ego duodecim vos elegi: & unus ex vobis diabolus est.* Secundum errorem istum, vt videtur, Dominus potius debuit dicere: & omnes dæmones estis, quam vnus ex vobis diabolus est. Quod autem falsum sit quod ipsi ponūt, patet ex hoc quod legitur Roman. 9. de Esau & Iacob. quum nondum nati essent, aut aliquid egissent boni aut mali: ostendit ibi Apostolus, vt patet ex his quæ

præcedunt & sequuntur, quod Esau & Iacob ante natiuitatem suam nihil boni, vel mali egerint, propter quod viuus eorum à Deo diligeretur, & alter odiretur. Non erāt ergo angeli apostatæ in eis qui inclusi essent ad pœnitentiā agendam ibi de peccatis quæ fecissent antequam includerentur. Item si angelus malus est in malo homine: ergo bonus angelus est in bono: ergo in Christo fuit angelus bonus: ergo non est verum quod legitur ad Heb. 2. de filio Dei, quod nusquam angelos apprehendit, sed semen Abraham apprehēdit: non assumpsit ergo angelicam naturam. Si vero dicatur quod in Christo non fuit nisi spiritus diuinus, hoc non potest dici, cum scriptū sit. Ioan. 12. *Nūc anima mea turbata est.* Et Matth. 26. *Tristis est anima mea usque ad mortem.* Turbatio enim vel tristitia non cadit in Deum. Item verbum illud Genes. 1. *Faciamus hominem ad imaginem & similitudinem nostram: & præstet piscibus, &c.* non videtur esse verbum volentis punire vel incarcerare eum qui crimen commisisset, sed potius volentis facere quod nondum erat, & volentis eum honorare cum iam factus esset. Item si spiritus hominis fuisset antequam infunderetur corpori & creatorem suum offendisset, hoc fecisset sciens & volēs. Peccatum enim non posset esse sine voluntate. Omnis mens apud se conscriptum legit, vt ait Augustinus. Et si hoc fuisset, nullus alius melius sciret quam ipse spiritus. 1. Corinth. 2. *Quis scit hominum quæ sunt hominis, nisi spiritus hominis qui in ipso est?* Et in lib. de anima & spiritu: Nihil tam nouit mens, vel anima, quæ id quod sibi præsto est: nec menti vel animæ quidquam magis præsto est, quam ipsa sibi: ergo nihil tam nouit quam se. Si vero dicatur quod spiritus obliuiscitur cū corpori infunditur quæ prius sciebat, ridiculum est quod Deus spiritum includat corpori ad agendam pœnitentiā ibi, cum sciat ipsum obliuisci quam cito erit ibi, malum quod fecit. Quomodo enim potest agere pœnitentiā de malo quod

ignorat? Initium salutis cognitio est peccati, vt ait Seneca. Ergo qui peccatum ignorat, viam salutis etiam inchoare non potest. Item dixit Plato animas introeuntes in hanc vitam potari ab eo spiritu qui est super introitum poculo obliuionis, antequam intrent corpora, nullam huius rei ostentationem faciens: vt ait beatus in libr. contra hereses. Et querit à Platone, vnde hoc sciret. Si enim anima eius potata erat poculo obliuionis, non reminisceretur nec spiritus, nec populi, nec quod aliquid sciuisset, nec oblitus fuisset: & si ista reminisceretur, eadem ratione & alia. Item Irenæus: Si hoc quod in breuissimo tempore visum est, vel in fantasmate conceptum est, & ab anima sola per somnium postea quam commista sit corpori, & inde vniuersa membra dispersa commemoraret: multo magis ipsorum reminisceretur in quibus temporibus tantis & vniuerso præteritæ vitæ seculo immorata est. Item dixerunt quidam ipsum corpus esse obliuionis causam. Sed querit Irenæus. Si hoc est, quomodo anima quod per semetipsam videt reminiscitur, & renūtiat proximo? Item nec ea quæ olim agnita sunt, aut per oculos, aut per auditum meminisset anima in corpore existens si esset corpus obliuionis causa. Anima enim in obliuione existēs nihil aliud cognoscere posset, nisi quod in præsentī videret. Item quomodo diuina disceret, & meminisset ipsorum existens in corpore? Itē quum non sit corpus fortius quam anima, non amitteret anima scientiā suam propter corpus. Præterea nō est verisimile, quum corpus organum sit animæ, quod scientiā suam ei auferat. Non solet enim instrumentum scientiam suam auferre artifici. Iam enim potius esset impedimentum quam instrumentum. Præterea raptus est Paulus vsque ad tertium cælum. 2. Cor. 12. & tamen rediens ad se memor fuit visionis suæ: quod non fuisset si corpora necessario obliuionē inducerēt. Item si corpus obliuionem inducit, potius inducere debet obliuionem eorum, quæ

cognoscuntur viribus illis secundum quas anima vnitur corpori, quam eorum quæ intellectu agnoscuntur, secundum quæ nō vnitur anima corpori. Præterea aut spiritus apostata potestatem habet viuificandi corpus, aut non. Et videtur quod nō, secundum ea quæ ponit error istē: ponit enim quod cum diabolus duo hominī corpora fabricasset, non potuit per triginta annos vitalem spiritū illis corporibus infundere: sed accedēs ad misericordiā Altissimi duos angelos ab ipso quæsiuit. Præterea si spiritus malus potest corpus viuificare, aut potestas illa est volūtaria aut naturalis. Non videtur esse volūtaria, vt sc. voluntate sua corpora viuificet: hoc enim solius Dei est. Ioan. 5. *Sicut pater suscitāt mortuos, & viuificat: sic & filius quos vult, viuificat.* Si vero naturalis nō videtur hic aliter facere quā forma, & perfectio ipsius corporis. Et hoc etiam dicit Philosophus, quod anima est actus prim⁹ siue perfectio primi physici seu naturalis corporis organici potentia vitā habētis. Si vero est spiritus qui est in corpore, corporis est perfectio: incōueniēs est dicere quod spiritus ille tēpore sit prior, quam ipsum corpus: perfectio enim rei non potest esse prior tēpore quam eius inchoatio: nec forma prior est tēpore, quā eius materia, quū forma sit actus, materia sit potentia: actus enim nō potest præcedere potentiā suam. Imago quæ ceræ immitur nō potest prior esse tempore, quam possibilitas ipsius ceræ ad receptionem ipsius imaginis. Præterea vbi Scriptura sacra dicit diabolū intrasse in hominē, constat quod ipse erat prius homo viuens, sentiens, intelligens: vt patet in Iuda. Ioan. 13. Vbi legitur, quod post bucellam introiuit in eum Sathanas. Et Matth. 12. *Intrañtes habitant ibi, & sunt nouissima hominis illius peiora prioribus:* loquitur de demonibus. Vnde constat quod ante ingressū in erat homo. Item quū expellebātur demonia ab hominibus: constat quod reuertebant homines viuētes, sentientes, intelligētes. Luc. 11. *Erat Iesus eiciens demoniū, & il-*

*lud erat mutuum: & quum eiecisset demonium, loquutus est mutus.* Ergo aliquid erat in eo præter demonium quo vivebat, sentiebat, discernebat. Hoc autem animam vocamus, quod sc. est in homine principium viuendi, sentiendi, & discernendi. Item ubi Euangelium loquitur de demonibus qui erant in hominibus: non dicit eos in hominibus puniri, sed potius eos homines punire: nec eos vexari, sed potius vexare. *Matth. 15. Filia mea male à demonio vexatur.* Et *Luc. 6. Qui vexabantur à spiritibus immundis, curabantur.* Dæmones vero expulsionem ab hominibus cruciatum reputabāt, & non inhabitationem hominū. Vnde dicunt Christo expellenti eos. *Matt. 8. Fili Dei cur venisti ante tempus torquere nos?* Vnde ergo habent quod angeli apostatae inclusi sint in corporibus humanis ut agant ibi poenitentiam? Item error iste destruit resurrectionem corporū. Si enim corpora solummodo carceres sunt spirituum saluandorum, non est verisimile quod spiritus illi corpora sua debeant resumere cum beati efficientur, incarceration enim & gloria non videtur simul debere esse. Itē natura non appetit quod sibi contrarium est: ergo si corpus à prima institutione poena est spiritus inhabitantis, non habebit spiritus naturalem appetitum ad corpus: ergo separatio eorū non faciet naturaliter dolorem in morte. Item omne quod contra naturam per violentiam detinetur, naturaliter appetit liberari: ergo si spiritus illi violenter detinetur in corporibus, naturaliter appetent liberari: ergo homines in quibus sunt naturaliter appetunt mori, ergo appetitus mortis naturalis est homini, quod constat esse falsum. Item natura non agit contra se: ergo si corpus à prima cōditione sui poena est spiritus inhabitantis: spiritus non erit eius naturalis perfectio. Item cōstat quod Deus non dedit spiritui potētias quæ essent otiosæ, si ipsi debito modo se haberent: sed potētia viuificandi & sentiendi otiosæ essent in eis si ipsū debito modo se haberent, quia non includerētur

corporibus: extra corpus vero otiosæ sunt: ergo illæ potētia non sunt datæ spiritibus qui peccauerunt à creatione. Si vero post datæ sunt, quum hæ virtutes specie differant ab intellectu qui est in spiritibus qui sunt substantiæ separatae: spiritus quorum sunt hæ virtutes specie differūt ab aliis spiritibus. Item aut boni angeli habent illas potētias, aut non habent. Si habent eas, otiose habent, quū secundū eas non vniuntur corporibus sine quibus exercere non possunt operationes taliū potentiarum. Si vero non habent eas: ergo specie differunt ab illis spiritibus qui vniuntur corporibus, quū non habeant potētias illas quas ipsi habent quæ sunt specie differentes à potētis eorum: & quum angeli boni sint substantiæ perfectæ, non natae fieri partes essentielles alicuius totius, spiritus vero qui vniuntur corporibus, nati sunt esse partes essentielles ipsius hominis. Si vero dicatur omnes angelos cecidisse de cælo & malos esse in corporibus inclusos, ut quidam heretici dixerunt, hoc non est verisimile. Quum enim Deus spiritus sit, oportet aliquos ministros eius esse spirituales. *Greg.* Dubitare non debes inuisibilem Deum inuisibilia obsequia habere: debent quippe ea quæ ministrant ad similitudinem eius tendere cui ministrant. Scriptura etiam Euangelij manifeste obuiat huic errori, quæ distinguit inter angelos Domini & angelos diaboli. De angelo Domini habes *Matth. 1. Angelus Domini apparuit Ioseph.* Simile habes *Matth. 2.* Et eiusdem 4. habes, quod, *acceperunt angeli, & ministrabant ei.* Et 18. *Angeli eorum semper vident faciem patris mei qui in cælis est:* quod de malis angelis intelligi non potest. Et eiusdem 22. *Sunt sicut angeli Dei in cælo.* Et 28. eiusdem: *Angelus Domini descendit de cælo.* Et *Luc. 1.* Dicit Gabriel: *Ego sum Gabriel qui sto ante Deum.* Constat ergo quod sūt aliqui angeli Dei. Et patet quod sunt diuersi ab angelis diaboli, de quibus *Matth. 25. Qui paratus est diabolo & angelis eius. Nemo enim potest duobus Dominis*

*seruire.* Matth. 6. Maxime Deo & diabolus, qui contrarij sunt. Præterea legitur Apoc 12 quod, *draco traxit tertiam partem stellarum*, stellæ vocantur angeli, quorum tertiam partem traxit diabolus: quia aliqui peccato eius consenserunt, & non omnes. Item aut spiritus qui sunt in corporibus humanis vnum faciunt cum corporibus, aut non. Si non, ergo non faciunt aliquid vnum. Vnum enim & aliquid sunt conuertibilia: ergo homo non est aliqua species creaturæ. Si vero vnum faciunt: ergo aliquo genere vnionis: ergo vel vnum continuatione, sicut partes carnis vnum faciunt: aut contiguatione, sicut os & caro, vnum faciunt: aut vnum per cōmitionem: sicut ex diuersis elementis fit vnum elementum: aut vnum per impressionem, sicut figura & cera vnum faciunt: aut vnū secundum exigentiam naturalem, sicuti materia & forma vnum faciunt compositum. Exigit enim materia formam vt suam perfectionem, & forma materiam vt suum perfectibile: aut vnum quantum ad operationem, sicuti artifex & instrumentum vnam habent operationem. Primo modo non: vnum enim continuatione non sunt, nisi ea quæ habent dimensionem longitudinis, & latitudinis, & spissitudinis. Vnde cum spiritus simplex sit, ex eo & corpore non fiet vnum per continuationem. Eodem modo neque vnum per contiguationem. Contiguatio enim similiter non est nisi eorum quæ habent dimensionem. Item neque per cōmitionem: quia quæ vtuntur sic desinunt esse actu, licet maneant virtute: vt elementa in elemento. Spiritus vero & corpus in homine manent actu. Item nec per impressionem: quia forma impressa non subsistit sine eo cui imprimitur, anima vero destructo corpore subsistit. Item si secundum exigentiam naturalem, vt spiritus sit vt forma, corpus vero vt materia, forma & materia immediata quæ vocatur necessitas simul sunt tempore, & neutrum tempore præcessit reliquum. Vnde se-

cundum hoc spiritus tempore non præcesserunt corpora in quibus sunt inclusi: materia vero quæ non est immediata præcedere potest formam. Cum enim non sit perfecte aptata, aptari oportet eam antequam adueniat forma eius perfectiua, sed forma quæ est perfectiua quam cito est, perfecta est. Et cum sit melior & nobilior quam materia, non decet eam esse otiosam propter defectum materiæ: vt scilicet primo existens materiam vel instrumentum expectet otiosa. Si enim sapientia humana non vult artificem otiosum esse propter defectum materiæ vel instrumenti, quanto magis sapientia diuina hoc non permittit? Si quis tamen obii-  
ciat animas erutas à corpore otiosas esse quantum ad viuificationem & sensum propter instrumenti defectum. Dicendum est quod culpa earum occasio fuit huius defectus, sed non fuit hoc secundum primam ordinationem creatoris: imo si nunquam peccassent, nunquam defectum organi paterentur. Item neque vnum quantum ad operationem. Ex his enim quæ sic vniuntur, nunquam sit vnum aliquid secundum substantiam, vt ex nauta & nauī non fit aliquod tertium, ex anima vero & corpore fit vnum secundum substantiam, scilicet homo. Item bonitas Dei cuncta fecit propter creaturæ vtilitatem, non propter suam, cum bonorum nostrorum non egeat: sed ea quæ pure corporalia sunt non videtur fecisse propter eorum vtilitatem, cum nullius boni perceptiua sint: ergo fecit ea propter creaturæ spiritualis vtilitatem. Sed non videtur quod propter vtilitatem illius creaturæ spiritualis quæ pure est spiritualis. Illa enim non videtur egere creatura corporali: ergo propter vtilitatem creaturæ, quæ est partim corporalis & partim spiritualis. Si ergo corporalia creata sunt secundum primam ordinationem creatoris, ergo creatura partim spiritualis & partim corporalis est secundum primam ordi-

Homo  
partim  
spiritua-  
lis par-  
tim cor-  
poralis.

nationem creatoris. Homo ergo factus fuisset, licet nullus Angelus corruisset. Itē sicut omnia sunt à Deo vt primo principio : ita omnia sunt ad Deum tanquam ad finem supremum. Quæ autem propinquiora sunt Deo similitudine, immediate ad eum ordinantur : vt creaturæ spirituales. Quæ autem magis distant ab eo similitudine : mediate ad Deum ordinantur, vt corporales creaturæ. Creaturæ vero pure corporales non videntur posse ordinari ad Deum per pure spirituales cum quibus habent disconuenientiam. Est igitur creatura partim spiritualis & partim corporalis, Homo scilicet per quem creaturæ corporales ad Deum ordinantur. Et hoc tripliciter. Vno modo, quia in homine est inuenire quasi naturam omnis creaturæ : quia corporeum, vegetabile, sensibile, rationabile, vnde in eius beatificatione quasi natura omnis creaturæ beatificatur. Secundo, quia homo positus est quasi medius inter creatorem & creaturas corporales, secundum dignitatem Deo inferior, creaturis illis superior, & vt Deo ministret, & sibi ab illis ministretur. Tercio, quia cū homo ratione corporis quo similitudinem habet cum omnibus corporalibus creaturis capax sit bonitatis eorum, manifeste apparet quod ratione animæ qua Deo similis est, capax esse potest beatitudinis diuinæ. Vnde in lib. de Anima & spiritu : Fecit Deus hominem de limbo terræ, & inspirauit in faciem eius spiraculum vitæ, dāns ei sensum & intellectum, vt per sensum lutum sibi sociatum viuificaret, & per intellectum regeret, vt per intellectum intus ingrederetur & contemplaretur Dei sapientiam, & per sensum foris egrederetur & contemplaretur opera sapientiæ : intellectu intus illustrauit, sensu foris decorauit, vt in vtroque refectionem inueniret. Intus ad felicitatem. foris ad iucunditatem. Item in eodem : Si tam dispare naturam carnis & animæ ad vnā fœderationem atque amicitiam Deus coniungere potuit, nequaquam erit

impossibile ei rationabilem spiritum qui vsque ad consortium terreni corporis humiliatus est cum eodem corpore glorificato, vt sit ei gloriæ quod fuit ei sarcinæ ad consortiū beatorum spirituum qui in sua puritate perstiterunt exaltare. Itē in eodē Plenū fuit miraculo quod tam diuersa & tā diuersa abinuicē, ad inuicem potuerūt coniungi : nec minus mirabile fuit, quod limo nostro Deus seipsum coniunxit, vt sibi inuicem vnirentur Deus & limus, tanta sublimitas & tanta vilitas : nihil enim Deo sublimius & nihil limo vilius. Mirabilis fuit coniunctio prima, mirabilis & secunda, nec minus mirabilis erit & tertia, cum homo & Angelus, & Deus vnus erit spiritus.

#### C A P V T X I V.

*De Errore qui ponit duas animas esse in corporibus.*

**E**Rror ille qui ponit duas animas esse in corporibus humanis, sequitur : quorum vnā dicit partem Dei esse, alteram de gente tenebrarum, quam Deus non cōdidit, quæ mala est & propria carnis, & omnia bona hominis tribuit illi bonæ animæ, omnia vero mala illi malæ animæ. Bonam animam dicunt esse arborem bonam quæ non potest facere fructum malum : animam vero malam, malam arborem quæ non potest facere fructum bonum. Bonas vero missas esse ad reprimendam malitiam gentis tenebrarum. Hunc errorē destruit Aug. in lib. de duabus animabus : & in lib. contra Fortunatum quēdam Manichæorum presbyterum. Et hæc sunt verba August. in lib. de duabus animabus. Quæro ergo ab eis : vtrum peccasse videretur, de cuius manu dormientis scripsisset alius aliquid flagitiosum? quod quis dubiret eos esse negaturos? Quæro etiam si aliquis valentior alterius vigilantis & scientis, sed omnino nolentis manu aliquid mali fecisset, vtrum vigilans & sciens, sed nolens, villo peccati no-



mine teneretur? Respondebunt nihil istū omnino peccasse. Quid si dormiens ille iam sciret quid alius de manu facturus esset, & de industria plus ne expergisceretur à somno sedaret: nunquid ei quidquam somnus ad innocentiam suffragaretur? Respondebunt quod non. Quid si alius vigilans & sciens, volens superatus est ut aliquem prætexta defensione deciperet: quid ei ut peccato careat profuit impotentia, quamvis resistere non valeret? Quibus concessis, colligo nusquam nisi in voluntate esse peccatum. Et subdit Peccatum sine voluntate esse non posse, omnis mens apud se conscriptum legit. Voluntas vero, ut ipse dicit ibidem, est animi motus cogente nullo ad aliquid vel non admittendum, vel adipiscendum. Peccatum vero est voluntas retinendi vel consequendi quod iustitia vetat. Et subdit, has duas diffinitiones voluntatis & peccati recipiēs, Manichæorum hæresim condemnat. Nā illud malum genus animarum si antequā bonum misceretur non habebat aliquam voluntatem, sine peccato erat atque innocens. Quod si voluntas inerat, ergo volebat aliquid adipisci vel non admittere. Illud autem aut bonum erat, aut bonum putabatur: sed nihil tale in suo genere erat: ergo illud bonum quod extra erat appetebat: ergo bonam voluntatem habebat. Præterea opinionem boni habebat: ergo non erat summe malum. Et paulo post: Nunc illud genus videamus quod ita ipsi laudant ut ipsam Dei substantiam dicant esse. Et cum manifestum sit non peccare animas in eo quod non sunt tales quales esse non possunt: vnde iam constat animas alias non peccare: relinquitur ut non tribuantur peccata nisi bono generi animarum & substantiæ Dei. Præterea nunquam negauerunt, dari veniam peccatorum cum fuerit quisquam ad Deum conuersus. Negant etiam malū genus animarum bonum posse fieri & regnum Dei possidere. Restat igitur ut non solum ipsas quas de substantia Dei perhibent: sed ipsas

solas peccare fateantur. Sed dicunt quod mali cōmissione coguntur: sed si illa coguntur ut resistere nō possint, nō peccāt. Si possunt, & propria voluntate consentiant. Hoc malum in summo bono cogimur per eorum doctrinam inuenire? Summum bonum vocat animam quam dicunt esse de diuina substantia. Contra Fortunatum sic destruit hunc errorem August. In primis, inquit, summum errorem puto Deum ex aliqua parte esse violabilem aut coinquinabilem, aut corruptibilem credere: & hoc vestram hæresim affirmare scio, sed non his verbis. Dicitis enim Deum omnipotentem cum videret quanta labe & vastitas immineret regnis suis nisi aliquid aduersæ genti opponeret & ei resisteret, misisse hanc virtutem, de cuius commissione cum malo & gente tenebrarum mundus sit fabricatus. Hinc esse quod hinc animæ bonæ laborant, errant, corrumpuntur, ut necessarium haberent liberatorem qui eas ab errore purgaret, & à commissione solueret, & à seruitute liberaret. Sed nephas puto credere Deum omnipotentem aliquam aduersam gentem timuisse aut necessitatem esse passum, ut nos in ærumnas præcipitaret. Item in eodē. Si enim potest aliquid nocere Deo, non est inuiolabilis. Si non potest aliquid ei nocere: quid ei erat factura gens tenebrarum contra quam dicitis bellum gestum esse à Deo ante mundi constitutionem? Responde ad illud breuissimum. Si poterat ei nocere, non est inuiolabilis: si non poterat, crudeliter huc nos misit ut nos ista patiamur. Item in eodem: Quæro à te quomodo habeamus peccata si natura contraria nos cogit facere quod facimus? Qui enim cogitur aliquid necessitate facere, non peccat. Item quæro de indulgentia peccatorum cui detur: nobis aut genti tenebrarum? Si genti tenebrarum, regnabit & ipsa cum Deo. Si autem nobis, manifestum est quod voluntate peccauimus. Nihil enim mali fecit qui nihil sua voluntate fecit. Idem in eodem:

Prudentum est æstimare & fidelium quæ sit fides purior & maiestate Dei dignior. Quæ ergo erit illa ubi asseritur vel virtus Dei vel pars aliqua Dei, vel sermo Dei posse commutari, violari, corrumpi, ligari? An ea ubi dicitur & omnipotentem Deum & omnem ipsius naturam & substantiam, nulla parte posse vnquam corrumpi? Item qui inuoluntarie peccat, non peccat. Si quis enim cæteris membris ligaretur ab aliquo & manu eius falsum scriberetur sine eius propria voluntate: quæro si hunc hominem posset iudex falsitatis crimine condemnare? Quid ergo anima quæ Dei pars est, cum liberum arbitrium non habeat, mali fecit, vt adeo puniatur, aut pœnitentiam agat, aut veniam mereatur? Item si neque malum, neque peccatum nisi à natura contraria esse potest, pœnam ipsa sola potest mereri: nõ anima in qua non est peccatum, nec anima quæ non peccauit, iusta est pœnitere. Nonne stultum & plenum dementiae est vt gens tenebrarum peccauerit vt me pœniteat de peccatis, qui possum dicere secundum fidem nostram, quid feci? quid commisi? qui cum tuis regnis vastitas immineret, necessitate oppressus sum, cui resistere non potui. Itē iniqua fuit voluntas mittendi animam ad tantas miseras, cum Deo noceri nõ possit. An Deus summe misericors vt modum imposeret naturæ contrariæ, ideo nos immoderatos efficere voluit? Ad verba ista nesciuit Fortunatus quid dicturus esset. Vnde dixit Augustin. ei: Ego noui non te habere quid dicas, & me cum vos audirem in hac quæstione nunquam inuenisse quod dicerem, & tamen fuisse admonitum diuinitus illum vt errorem relinquerem. Error iste, quantum ad hoc quod ponit animas bonas esse de substantia Dei, facile potest destrui. Cum enim substantia diuina simplicissima sit, vt prius ostensum est, non habet partes: vnde si dat alicui substantiam suam, dat totum: ergo est Deus perfectus. Item ex simplicissimo secundum

substantiam non possunt esse animæ, cum differant secundum substantiam. Hunc errorem destruit gl. Augustin. super illud Gen. 2. *Inspirauit in faciem eius spiraculum vite*. Non sunt, inquit, audiendi qui putant animam partem esse Dei. Si enim hoc esset, nec à se, nec ab vilo decipi posset, nec ad malum faciendum vel patiendum compelli, nec in melius nec in deterius mutari. Idem in lib. 8j. Quæstionum: Aliud est veritas, aliud anima: veritas enim falsitatem non habet, anima autem falsitatem habet: ergo non est veritas: nec de veritate licet sit à veritate. Item in lib. de Anima & spiritu: Anima non est pars Dei. Probat hoc mutabilitas quam incurrit. Deus enim immutabilis est: hæc sæpe mutata est pro culpa, quandoque damnata: pro pœna quoque sit misericordia, cum in Deo sit omnipotentia, & omnium scientia, & summa bonitas: in eo non habet locum violentia propter omnipotentiam, neque ignorantia propter omnium scientiam, neque malitia propter bonitatem summam: ergo si anima est de diuina substantia, nec violentia, nec ignorantia, nec malitia in ea locum habebit. Præterea si esset de diuina substantia, non esset creatura. Nam creatura est de nihilo: esse vero de nihilo, & esse de Deo opposita sunt maxima disparatione. Item si animæ sunt de diuina substantia, quomodo differunt à filio Dei qui similiter est de diuina substantia? Item cum omne totum maius sit sua parte, si animæ partes sunt diuinæ substantiæ, cum animæ mittuntur ad corpora, diminuitur diuina substantia: ergo & diuina potentia. Potentia enim sequitur substantiam, aut est ipsa substantia: ergo Deus non remanet omnipotens. Item si diuina substantia habet partes, aut omnipotentia ita est totius vt etiam partium, aut ita totius quod non partium. Si primo modo: ergo animæ quæ sunt partes ipsius habent omnipotentiam. Si secundo modo, ergo non remanet omnipotentia in Deo tot partibus ei detractis quot sunt animæ.

animarum: non enim remanet totum ubi tot partes detrahuntur. Item diuina substantia habet partes, aut omnes partes sunt eiusdem naturæ: aut non: si sunt eiusdem naturæ, & omnipotentia est vnius partis, erit etiam & omnium aliarum. Si vero diuersarum, qui illas diuersas naturas coniunxit, ille potius Deus erit. Item si animarum sunt partes diuinæ substantiæ, non habuerunt initium: ergo non sunt factæ, cuius contrarium dicitur Luc 11. *Quod intus est vestrum, plenum est rapina & iniquitate*, & subditur: *Stulti, nonne qui fecit quod de foris est, etiam id quod de intus est fecit?* Id quod de intus est plenum iniquitate, non potest intelligi nisi de anima.

## CAPVT XV.

*De Errore qui ponit omnes animas simul fuisse creatas.*

**E**rror ille qui dixit omnes animas simul fuisse creatas, sequitur. Contra quem errorem sic potest obijci. Constat quod habebant animarum potentiam cognoscendi & volendi antequam corporibus infunderentur. Si omnes à principio creatæ sunt: ergo cum non haberent eas otiose merebantur vel demerebantur. Si merebantur, debuerunt in bonitate confirmari sicut & Angeli. Si demerebantur, obstinatarum sunt factæ sicut Angeli qui peccauerunt: & peccatum earum fuit irremissibile, sicut & Angelorum malorum. Item si habuerunt potentiam cognoscendi & volendi cum cognoscerent carnem corruptam cui vniebantur: aut voluntarie vniebantur, & tunc erat in eis peccatum actuale: aut inuoluntarie, & tunc iniuste cum eis agebatur, cum corpori maculanti ea vniebantur. Ad hunc errorem destruendum pro magna parte aptari possunt autoritates & rationes quæ posite sunt ad destruendum errorem illud, qui ponit Angelos apostatas esse in corporibus humanis.

## CAPVT XVI.

*De Errore qui ponit animas de semine traduci ut corpora.*

**S**equitur de Errore illo qui ponit animas seminari ut corpora, id est, cum semine traduci decisione facta ab anima sicut à corpore. Contra quem primo est quod legitur Genes. 2. *Hoc nunc os ex ossibus meis, & caro de carne mea*, ait Adam per Spiritum sanctum: si esset anima de anima sicut os de osse, & caro de carne, debuit hoc Spiritus Sanctus dicere. Vnde gloss. Aug. super prædictum verbum: Si aliud, inquit, fiebat in femina quam in viro, ut à carne animata anima eius duceretur, non sicut viri aliunde corpus, aliunde anima, quod aliter fiebat, scriptura facere non debuit, nec ita factum putarem sicut iam didiceramus: quia ergo non dixit, ex anima viri factam animam mulieris, Innuit nihil aliud putandum quam quod de viro fuerat dictum, scilicet *inspirauit in faciem eius spiraculum vitæ*. Genes. 2. secundum gloss. August. Inspirare est flare, vel sufflare. Flare vero hic dicitur flatum facere, id est, animam facere. Item legitur Eccles. 12. *Antequam reuertatur pulvis in terram suam unde erat, & spiritus redeat ad illum qui dedit illum*. Et Esa. 57. *Flatus ego faciam*. Et Arist. in libr. de Animal. dicit quod solus intellectus diuinitus ab extrinseco prouenit. Præterea cum anima rationalis immortalis sit, non est corruptibilis per corporis corruptionem: ergo non est generabilis per eius generationem. Sicut enim se habet generatio ad generationem: sic corruptio ad corruptionem. Item cum anima simplex sit, non potest anima ab alia esse per decisionem: sicut corpus per decisionem est à corpore. Item si anima seminatur cum corpore, cum irrita fluunt sine conceptibus semina, quomodo perit anima immortalis? ut ait Aug. ad Optatum. Item corruptibilibus substantiis

quæ non possunt cōseruare speciem suam in se, specialiter datum est multiplicare speciem suam, vt sic conseruetur in alio. Ergo cum anima rationalis non sit corruptibilis, non est hoc datum ei: ergo non est anima rationalis ab anima. Item propinquissimum æterno est perpetuum: ergo cum anima rationalis perpetua sit, immediate ipsa est à Deo qui æternus est. Non videmus aliquam substantiam perpetuam cui pura creatura conferat esse: ergo nec animæ rationali conferret. Item potentia creandi solius Dei est, vt prius ostensum est: anima vero rationalis per creationem est: ergo à solo Deo est. Quod anima rationalis per creationem sit, ostendi potest sic: Aut anima rationalis ex nihilo est, aut ex aliqua materia præexistente. Si ex nihilo, ergo per creationem. Create enim est aliquid facere ex nihilo. Si vero est ex materia præexistente, materia illa necessario erat sub aliqua forma. Cum enim materia corporalis non sit sine aliqua forma, nec spiritalis erit sine aliqua forma: ergo vel erat corporea, vel non erat corporea. Si corporea erat, non poterat ergo ex illa fieri anima quæ est incorporea substantia: simplex enim non fit ex composito, nec compositum ex simplici. Si vero erat incorporea, aut viuebat, aut non viuebat. Si non viuebat, erat ergo substantia incorporea non viuens, quod falsum est: nulla enim inuenitur substantia incorporea non viuens. Si vero viuebat: ergo erat vel Deus, vel angelus, vel anima, vel animal, vel planta, quod est inconueniens. Item materia illa rationalis erat antequam ex ea anima fieret, aut non. Si non, sed facta est rationalis quum ex ea anima facta est: ergo habens vitam irrationabilem materia animæ erat: quid ergo à pecoris spiritu distabat? vt ait August. Si vero erat rationalis, ergo iam vel angelus, vel anima erat. Præterea si esset spiritalis materia sicut corporalis, oporteret quod ipsa esset continua existens, vbicunque est aliqua

spiritalis substantia: vel quod tot essent materiæ quot sunt spirituales substantiæ, cum ipsæ sint separatæ ab inuicem. Præterea cum illa virtus animæ quæ dicitur intellectus, operetur per abstractionem à materia, ipsa virtus immaterialis est: ergo & ipsa anima immaterialis est. Operatio enim sequitur naturam virtutis & virtus naturam substantiæ. Non est igitur anima ex materia præexistente, sed ex nihilo: ergo & per creationem, & ita à solo Deo. Item potentia rei effectæ subiecta est suæ causæ efficienti: potentia vero animæ rationalis, scilicet liberum arbitrium, nulli puræ creaturæ subiecta est, quum à nulla possit cogi: ergo nulla creatura pura causa efficiens eius est. Solus ergo Deus creator est animarum, vt fides catholica asserit.

#### C A P V T XVII.

*De quinto Errore, qui ponit Christum non habuisse veram humanam naturam.*

SEquitur de quinto errore qui ex errore Manichæorum processit, qui ponit Christum non habuisse veram humanam naturam. Cui errori occasionem dedit illud Philip. 2. *Et habitu inuentus vt homo.* Ex hoc enim inferunt Christum fuisse vt hominem, & non vere hominem. Sed simili ratione possunt dicere eum fuisse quasi vnigenitum Patris, & non vere vnigenitum, quum scriptum sit Ioan. 1. *Vidimus gloriam eius gloriam quasi vni- geniti à Patre.* Ideo potius dicendum est quod hæc dictio, vt, vel quasi, non semper est nota improprietas vel similitudinis: imo aliquando expressiua est veritatis, vt in verbis prædictis. Dederunt etiam occasionem dicto errori quædam opera miraculosa quæ Christus legitur fecisse: vt quod de vtero materno clauso exiuit, & quod super mare siccis pedibus ambulauit, Matth. 14. Sed opera quæ Christus miraculose fecit, diuinæ naturæ ostendunt:

veritatem, & non humanæ naturæ probant falsitatem: & sicut opera sua naturam attestantur eius Deitati, sic defectus & eius infirmitates quæ in Sacra Scriptura leguntur, attestantur veræ eius humanitati. Sicut esuries de qua legitur Matth. 4. *Quum ieiunasset 40. diebus & 40. noctibus, postea esurit.* Et eiisdem 21. *Mane reuerrens in civitatem esurit.* Et 26. *Capit contristari & mæstus esse.* Et post: *Tristis est anima mea usque ad mortem.* Habuit ergo veram animam, eadem ratione & veram carnem. Et Ioan. 4. *Iesus ex itinere fatigatus sedebat super fontem.* Et eiisdem 11. *Lachrymatus est Iesus.* Et 12. *Nunc anima mea turbata est.* Præterea si veram humanam naturam non habuit, non fuit verus homo. Vnde non verè mortuus est, nec verè resurrexit. Cuius contrarium habetur Luc vlt. *Surrexit Dominus vere & apparuit Simoni.* Eiisdem 18. *Postquam flagellauerint, occiderunt eum, & tertia die resurget.* Auctoritates vero quibus manifestum est eum verum hominem fuisse, hæ sunt quæ sequuntur. Matth. 1. *Liber generationis Iesu Christi filij David, &c.* Et eodem; *De quantus est Iesus, qui vocatur Christus.* Et iterum: *Inventa est in utero habens de Spiritu sancto.* Et post: *Peperit filium suum primogenitum.* Et Lucæ 7. *Venerit filius hominis manducans & bibens.* Erat ergo vere homo qui manducabat & bibebat. Et eiisdem vlt. *Palpate & videte, quoniam spiritus carnem & ossa non habet, sicut me videtis habere.* Et iterum: *Et quum manducasset, coram illis sumens reliquias dedit eis.* Et Ioan. 1. *Verbum caro factum est.* Et eiisdem 10. *Potestatem habeo ponendi animam meam:* ergo habebat veram animam, eadem ratione & veram carnem. Item Rom. 1. *Qui factus est ex semine David secundum carnem.* Et eiisdem 9. *Ex quibus Christus secundum carnem.* Ad Hebr. 7. *Ex Ida ortus est Dominus noster.* Actu 1. *Connescens præcepit eis &c.* Et eiisdem 10. *Nobis qui manducavimus & bibimus cum illo, 1. Ioan. 1. Quod perspeximus*

*& manus nostræ contrēclauerunt de verbo vitæ.* Eiisd. 4. *Omnis spiritus qui confitetur Iesum Christum venisse in carne, ex Deo est.* Et 2. Ioan. *Multifēductores exierunt in mundum istum qui non confitentur Iesum Christum venisse in carne &c.* Et post: *Qui non confitetur Iesum Christum venisse in carne, hic est seductor & antichristus:* quum Christus veritas sit: secundum illud Ioan. 14. *Ego sum via, veritas, & vita.* Non est verisimile eum falsitate humanæ naturæ homines decepsisse.

Item quum vere sit mundi redemptor, secundum illud ad Titum 2. *Qui dedit semetipsum pro nobis ut nos redimeret ab omni iniquitate,* verum pretium soluit. Pretium vero pœna erat, cuius debitor erat genus humanum. Ergo vere pœnam sustinuit: ergo verum corpus habuit. Non est ergo verisimile quod redimendo genus humanum falsam monetam soluerit. Præterea si corpus Christi verum corpus non fuit, sed vmbra corporis, quomodo verum est illud Philipp. 2. *Christus factus est pro nobis obediens usque ad mortem &c.* Et illud 1. Petr. 2. *Christus passus est pro nobis.* Et illud Apocalyp. 1. *Lavit nos à peccatis in sanguine suo.* Et quod legitur Ioan. 13. de ablutione pedum Apostolorum. Ablutio enim contactum requirit. Si vero dicatur corpus illud cæleste fuisse, ergo impossibile fuit: quod ex diuersis locis Evangelij constat esse falsum. Præterea secundum hoc non est verum quod legitur ad Hebræo. 2. *Quod semen Abrahæ apprehenderit.* Secundum hoc etiam nunquam comedit vel bibit, cuius contrarium prius ostensum est.

## CAPUT XVIII.

De errore illo qui condemnat Ioannem Baptistam. Et de commendatione ipsius Ioannis.

SEquitur de errore 6. qui ex errore Manichæorum processit, qui condemnat Ioann. Baptist. Cui errori occa-

M ij

sionem dedit quod legitur Matth. 11. *Cum audisset Ioann. in vinculis opera Christi: mittens duos de discipulis suis, ait illi: Tu es qui venturuses, an alium expectamus?* Ex quo inferunt Ioannes dubitalle de Christo, quum interrogauerit, & propter dubitationem condemnatum esse. Sed nō sequitur si interrogauit quod dubitauerit. Interrogauit enim Christus cuius esset imago denarii & superscriptio. Matth. 22: non tamen de hoc dubitauit. Item non sequitur, si dubitauit quod propter hoc damnatus fuerit: non enim omnis dubitatio damnabilis est. Potuit dubitare vtrum Christus in propria persona descensusus esset ad inferos, & inde extracturus amicos suos, an per alium hoc esset factururus. Quod propter illam dubitationem damnatus non sit, pater per hoc quod Christus postquam nuntii Ioannis redierant, tantum testimonium dedit Ioanni vocans eum angelum & plusquam prophetam, & dicens quod internatos mulierum maior illo non surrexit. Et verisimile est quod Ioannes sibi illud non interrogauerit, sed discipulis suis qui de Christo dubitabant, volentes eos per Christum certificari: quos Christus certificauit, ostendens signum impletum quod dederat Esaias de aduentu Christi. Esa. 35. *Deus, inquit, ipse veniet & saluabit nos: & tunc aperientur oculi cecorum, & aures surdorum patebunt &c.* Vnde Dominus ait: *Ceci vident, claudi ambulant &c.* Potuit etiam dare occasionem huic errori, quod Ioannes Baptista non secutus fuit Christum, dicunt enim quod si bonus fuisset, eum secutus fuisset. Sed hoc non sequitur. Multi enim boni fuerunt, qui tamen Christum corporaliter secuti non sunt. Noluit Christus quod Ioannes eum corporaliter sequeretur, ne testimonium eius suspectum haberetur: & plus profuit ad confirmationem fidei testimonium quod Ioannes in absentia Christi tulit, quam si illud in eius præsencia tulisset. Simile habes

Matth. 5. de illo qui à dæmonio liberatus erat, qui rogauit Christum vt esset cum eo. Iesus autem non admisit eum, sed ait illi: *Vade in domum tuam ad tuos, & nuntia illis quanta tibi Deus fecerit. Et abiit, & cepit prædicare in Decapoli quanta sibi fecisset Iesus, & omnes mirabantur.* Plus profuit prædicatio eius in absentia Christi, quam profuisset in eius præsencia. Vt autem manifesta fiat falsitas istius erroris, ponamus commendationes Ioannis quæ à scripturis sacris possunt haberi, quæ 16. sunt. Prima est, quod à prophetis est prænuntiatus. Vt Esa. 40 *Vox clamantis in deserto.* De eodem habes Matth. 3. Et Marc. 1. Item prænuntiatus est Malac. 3. *Ecce ego mitto angelum meum.* De eodem habes Matth. 11. *Hic est de quo scriptum est: Ecce ego mitto angelum meum.* Item prænuntiatus est in Psal. *Parauit lucernam Christo meo.* De eodem habes Ioa. 5. *Ipse erat lucerna ardens & lucens.* Secunda est, quod angeli nuntiatione præuenta est eius conceptio & natiuitas, & nō cuiuscunq; angeli, sed eius qui Christi conceptionem prænuntiavit. Lucæ 1. *Ego sum Gabriel qui sto ante Deum.* Tertia est, quod de parentibus sanctis miraculose natus est. Luc. 1. *Erant iusti ambo &c.* Et post: *Non erat illis filius, eo quod esset Elizabeth sterilis, & ambo processissent in diebus suis.* Quarta est, quod ante fuit sanctus quam natus. Lucæ 1. *Spiritus sanctus replebitur adhuc ex utero matris sue.* Quinta est, quod fuit propheta, ita quod in vtero prophetare incæpit, dum exultando in vtero testimonium Christo dedit. Luc. 1. *Vt facta est vox salutationis tua in auribus meis, exultauit in gaudio infans in utero meo.* Absque dolo fuit testimonium illud. Nec solum fuit propheta, sed etiam plusquam propheta. Matt. 11. *Quia Christum digito demonstraui.* Ioannis 1. Sexta est, quod fuit angelus nomine & virtute, licet non natura. Matth. 11. Chrysostom. Puto si non est audacia dicere,

Commenda-  
tiones  
Ioannis  
Baptistæ.

1.

2.

3.

4.

5.

6.

- quod gloriosior est Ioannes quia homo fuit, & propter meritum virtutis angelus est vocatus, quam si nomine & natura angelus fuisset. Septima est, quod Christum baptizare meruit. Matth. & Luc. 3. Octaua est, quod vocem patris audire dignus fuit, dicentis: Hic est filius meus dilectus. Matth. 3. Nona est, quod Spiritum sanctum super Christum in specie columbæ descendentem vidit, & dictum est ei à Patre: *Super quem videris Spiritum descendentem & manentem super eum, hic est qui baptizat in Spiritu sancto*. Decima est, quod tria merita quibus debetur auctora, habuit: virgo enim, & martyr, & prædicator fuit. Undecima est, quod sanctitas eius & iudeis, & gentibus, & Christianis manifesta fuit. Duodecima est, quod carnis suæ fuit perfectissimus dominator. Lucæ 1. *Vinum & ficeram non bibit*. Matth. 3. *Escacius erat locusta & mel sylvestre*. Et 11. *Venit Ioannes non manducans, neque bibens*. Supra 3. *Ioannes habebat vestimentum de pilis camelorum* Matth. 3. *Quid existis in desertum videre? hominem molibus vestitum?* &c. Tertiadecima est, quod ipse fuit mundi maximus contemptor. Unde erat in deserto usque ad tempus ostensionis suæ ad Israel Luc. 2. Decimaquarta est, quod regni cœlestis prædicator, ante ipsum qui prædicabant, terram promittebant. Lucæ 16. *Lex & propheta, usque ad Ioan.* supple prædicauerunt. Lex autem terrena promittebat: ex eo vero regnum Dei Euangelizatur. Matth. 3. *Panitentiam agite, appropinquabit regnum celorum* &c. Decimaquinta est, quod ipse vitiorum fuit zelatissimus persecutor: zelus iste fuit ei mortis occasio. Marci 6. Decimasexta est, quod post Christum & beatam Virginem dies natiuitatis eius, solennis est.

## CAPVT XIX.

De Erroribus negantibus pluralitatem  
vel æqualitatem diuinarum  
personarum.

**D**estructis erroribus pertinentibus ad diuinam essentiam vel eius vnitatē, destruendi sunt errores pertinentes ad personarum trinitatē vel æqualitatem. Ad destructionem vero horum errorum, sufficit ponere testimonia sacre scripturæ, quæ ostendunt personarum trinitatē vel æqualitatem. Nullum enim genus ostensionis convenientius est in his quæ sunt supra rationem, quam per sacram scripturam. In talibus enim soli Deo de se credendum est, qui se solus nouit, iuxta verbum Hilarii. Augustinus in libr. de Trinitate: Omnes Catholici tractatores, qui de Trinitate scripserunt, quæ Deus est, hoc intendunt secundum scripturas docere quod, Pater, Filius, & Spiritus sanctus vnius sint substantiæ & inseparabili æqualitate vnus sit Deus. Ioann. Damascen. Dominus per legem & per prophetas prius, deinde vero per vnigenitum filium suum secundum quod possibile est, nobis suisque manifestauit cognitionem. Diuina igitur quæ tradita sunt nobis per legem, & per Prophetas, & per Apostolos, & Euangelistas, suscepimus & reueremur nihil ultra inquirentes. Prouer. 30. *Ne addas quidquam verbis illius*. Quod specialiter seruandum est in his quæ sunt supra rationem. Augustin. Quum res naturaliter obscura modulum nostrum vincit, & aperta diuina scriptura non subuenit, temere diffinire humana coniectura præsumit. Ecclesiast. 5. *Nec temere quid loquaris, nec cor tuum sit velox ad proferendum sermones coram Deo*: Deus enim in cœlo, & tu super terram, idcirco sint pauci sermones tui. Intelligendum de Deo, de quo & vera dicere periculosum est. Pluralitas personarum insinuat Genes. 1. vbi loquitur Pater ad Filium &

Psal. 32  
Eial. 66

Spiritum sanctum, dicens: *Faciamus hominem ad imaginem & similitudinem nostram*. Non potest enim dici quod loquatur angelos, quum angeli non sint creatores. Item eisdem. 18. *Vbi Abraham tres vidit, & unum adoravit*. Item insinuat in verbo illo Psalmi. *Verbo Domini caeli firmati sunt, & spiritu oris eius omnis virtus eorum*. Item ibi: *Benedicat nos Deus Deus noster: benedicat nos Deus*. Trina nominatio Dei, unitatem personarum insinuat. Item Esaia. 6. Vbi Esaias audiuit Seraphim clamantia. *Sanctus, sanctus sanctus, Dominus Deus*. In hoc quod dicitur *sanctus*, insinuat personarum trinitas. In hoc vero quod dicitur *Deus*, essentiae unitas. Simile habetur Apoc. 4. de animalibus quae plena erant oculis, quod requiem, non habebant die ac nocte dicentia, *Sanctus, Sanctus, Sanctus, Dominus Deus omnipotens*. Expresse vero personarum trinitas ostenditur. Matth. ultimo vbi dicit Christus: *Docete omnes gentes, baptizantes eos in nomine Patris, & Filii, & Spiritus sancti*. Et Ioan. 10 habetur de duabus, *Ego & Pater unum sumus*. Et eiusd. 14. de tribus. *Paracletus Spiritus sanctus quem mittet Pater in nomine meo, &c.* Item eiusdem 15. *Quum venerit paracletus, quem ego mittam vobis à Patre, Spiritum veritatis qui à Patre procedit, &c.* Et 1. Ioan. ult. *Tres sunt qui testimonium dant in caelo, Pater, Verbum, & Spiritus sanctus, & hi tres unum sunt*. Item Rom. 8. *Spiritus eius qui suscitavit Iesum habitat in vobis*. Et Gal. 4. *Misit spiritum filij sui in corda vestra*. De generatione vero filii à patre dicitur in Psalmi. *Ego hodie genui te*. Item, *Ante luciferum genui te*. Et Proverb. 8. dicitur de sapientia increata. *Ab aeterna ordinatus sum, antequam terra fieret: nec dum erant abyssi, & ego iam concepta eram*. Et Eccl. 14. *Ego ex ore Altissimi prodij primogenita ante omnem creaturam*. Et Mich. 5. dicitur de Bethleem: *Ex te egredietur quisque dominator in Israel: & egressus eius ab initio à diebus aeternitatis eius*. De Dei-

Psal. 11

rate vero filii habetur Esaia. 7. *Vocabitur nomen eius Emanuel*. Et Matth. 1. *Iacm verbum sumitur*. Et sequitur: *Quod est interpretatum nobis: cum Deus*. Et Eli. 9. dicitur, *Parvulo nobis nato. Vocabitur nomen eius admirabilis consiliarius, Deus fortis, &c.* Eiusd. 25. *Deus ipse veniet, & salvabit nos: tunc aperientur oculi caecorum, &c.* Et Baruch. 3. *Hic est Deus noster, non estimabitur alius adversus eum, &c.* Et post: *In terris visus est, & cum hominibus conversatus est*. Et Matth. ult. *Data est mihi omnis potestas*. Omnipotentia non potest esse nisi in Deo. Et Ioan. 3. dicitur: *Et Deus erat Verbum*. Et post: *Omnia per ipsum facta sunt*. Et iterum: *Et verbum caro factum est*. Ex quibus verbis manifeste apparet Christum verum esse Deum. Et eiusd. 5. dicit Ioannes de Christo: *Patrem suum dicebat, aequalem se faciens Deo*. Et ad Roman. 9. *Ex patribus est Christus secundum carnem, qui est super omnia Deus benedictus in secula. Amen*. Item ad Heb. 1. dicitur de filio: *Per quem fecit & secula*. Et iterum: *Qui cum sit splendor gloriae, & figura substantiae eius*. Et Philip. 2. *Non rapinam arbitratus est esse se aequalem Deo*. Item quum in cognitione eius consistat vita aeterna, secundum illud. Ioan. 1. *Hae est vita aeterna, ut cognoscant te solum Deum verum, & quem misisti Iesum Christum: patet ipsum esse Deum*. Vita enim aeterna est beatitudo. Beatitudo vero est in summo bono. Ad idem facit, quod credentibus in se dat vitam aeternam. Ioan. 17. *Dare enim vitam aeternam solius Dei est*. Et 1. Ioan. ultimo: *Scimus quoniam filius Dei venit, & dedit nobis sensum ut cognoscamus verum Deum, & simus in filio eius vero: hic est verus Deus, & vita aeterna*. Et Actu. 15. *Annuntians pacem per Iesum Christum, hic est omnium Deus*. Quod in Christo non solum esset natura humana, sed etiam divina, patet ex eis quae leguntur in Ioanne in diversis locis. Primo ex hoc quod legitur eiusdem. *Nemo ascendit in caelum, nisi qui descendit de*

in Christo  
ita natu-  
ra est &  
humana  
& divina.



Psal. 50.  
Ibid.

*cælo: filius hominis, qui est in cælo.* Erat ergo in cælo Christus, quum verba illa loqueretur in terris, quod non erat secundum humanam naturam, sed secundum diuinam. Ad idem facit illud Ioan. 8. *Antequam Abraham fieret, ego sum*, non enim ante Abraham fuerat, secundum humanam naturam. Et Luc. 10. *Videbam sathanam quasi fulgur cadentem de cælo.* Hoc non erat secundum humanam naturam: cum sathanas de cælo cecidit. Ioann. 8. *Ego principium qui & loquor vobis.* De spiritu sancto legitur Genes. 1. *Spiritus Domini ferebatur super aquas.* Et Iob 26. *Spiritus eius ornavit cælos.* Ex quo verbo patet spiritum illum esse Deum. Ornatus enim cælorum à Deo fuit. De eodem spiritu habetur in Psalm. *Spiritus principali confirma me.* Et iterum: *Spiritus sanctum tuum ne auferas à me.* Item: Sapient. 1. *Spiritus Domini repleuit orbem terrarum.* Ex quo similiter patet eum Deum esse. Nulla enim creatura orbem terrarum replet. Item: Esa. 44. *Effundam spiritum meum super semen tuum.* Et eiusdem 11. *Requiescet super eum spiritus Domini.* Et 16. *Spiritus Domini super me.* Et Matth. 1. dicitur de beata virgine: *Inuenta est in utero habens de Spiritu sancto.* Cum fides catholica pro certo habeat beatam virginem non concepisse de creatura aliqua, patet Spiritum sanctum cuius operatione concepit, creaturam non esse. Ad idem Matth. 3. *Ipse vos baptizabit in Spiritu sancto.* Quum interior baptizmus seu mundatio peccatorum solius Dei sit, Spiritus sanctus qui interior mundat, Deus est. Item in eodem: *Vidi Spiritum Dei descendentem sicut colubam, & venientem super se.* Non fuit spiritus ille creatus: quum spiritus creatus qui in Christo erat, sanctior esset omni alio spiritu creato. Item eiusdem 10. *Non enim vos estis qui loquimini: sed spiritus Patris vestri qui loquitur in vobis.* Aut dicitur spiritus patris spiritus à patre creatus. Et sic omnis spiritus esset spiritus patris. Aut dicitur spiritus patris qui est de substantia

patris vt pars eius, quod non potest esse cum substantia diuina simplicissima sit: aut qui est ipsa substantia patris, & sic est Deus. Ad idem facit quod legitur eiusdem ult. *Baptizantes eos in nomine Patris, & Filij, & Spiritus sancti.* Nisi Spiritus sanctus esset Deus vt Pater & Filius, non præciperet Deus baptizari in nomine Spiritus sancti, vt in nomine Patris & Filij. Item Ioan. 16. *Expediit vobis vt ego vadā. Si enim non abiero, Paracletus non veniet ad vos.* Non expediret quod propter aduentum Spiritus sancti Christus recederet à discipulis, nisi Spiritus sanctus esset Deus vt Christus. Ad idem Ioan. penult. *Accipite Spiritum sanctum: quorum remisistis peccata, remittuntur in eis:* Nisi Spiritus sanctus esset Deus, non fieret per eum remissio peccatorum. Ad idem Roman. 5. *Charitas Dei diffusa est per Spiritum sanctum: quum charitas donum Dei excellentissimum sit, non datur nisi à Deo.* Itē 2. Corinth. 2. *Spiritus omnia scrutatur etiam profunda Dei.* Et post: *Que Dei sunt nemo cognoscit nisi spiritus Dei.* Ille spiritus necessario Deus est. Scrutari enim omnia profunda Dei, non est alicuius creaturæ. Item eiusdem 3. *Nescitis quia templum Dei estis vos, & spiritus Dei habitat in vobis?* Et post: *Templum Dei sanctum est, quod estis vos.* Et eiusdem 6. *Nescitis quia membra vestra templum sunt Spiritus sancti qui in vobis est?* Vnde quum fideles templum sint solius Dei, & sint templum Spiritus sancti, Spiritus sanctus Deus. Itē eiusdem 12. *Diuisiones gratiarum sunt: idem autem spiritus, non posset esse idem spiritus creatus in omnibus sanctis.* Et paulo post: *Idem Deus qui operatur omnia in omnibus.* Et ostendit Apostolus Spiritum sanctum esse Deum, subdens: *Alij per spiritum datur sermo sapientia, alijs sermo scientia, &c. hac autem omnia operatur unus atque idem spiritus, diuidens singulis prout vult.* Item 2. Corinth. 1. *Qui dedit pignus spiritus in cordibus nostris.* Et Ephes. 1. *Qui est pignus hereditatis nostra.*

Procedit  
S. S. a Pa-  
tre & Fi-  
lio.

Non potest esse pignus hereditatis æternæ spiritus creatus, quum eam non valeat. Item i. Ioan. vlt. dicuntur Pater, & Verbum, & Spiritus sanctus vnum esse: ergo si Pater & Verbum sunt Deus, Spiritus sanctus est Deus. Ad idem facit quod viuificare ei attribuitur: Ioan. 6. *Spiritus sanctus est qui viuificat*. Viuificare. n. vita spirituali, solius Dei est. Et eiusdem 3. dicitur de eo: *Spiritus ubi vult spirat*. Spirare vbi vult, non est spiritus creati. Procedit autem Spiritus sanctus à Patre & Filio. De processione Spiritus sancti à Patre, habes Ioan. 15. *Spiritum veritatis, qui à Patre procedit*. Græci vero negant Spiritum sanctum procedere à Filio, eo quod istud non inueniatur expresse in canone sacræ Scripturæ. Nos vero hoc concedimus, quia Spiritus sanctus vocatur Spiritus Christi. Roman. 8. *Qui spiritum Christi non habet, hic non est eius*. Et Galat. 4. *Misit Deus spiritum Filij sui in corda nostra*. Secundum Græcos, licet Spiritus sanctus sit spiritus Christi: tamen non procedit ab eo, sed est ad eum: vnde quasi in medio est, & filius quasi in termino, sed pro fide nostra facit quod Dominus Matthæi vlt. Spiritum sanctum vltimo nominat: dicens: *Baptizantes eos in nomine Patris, & Filij, & Spiritus sancti*. Et Ioannes similiter i. Canon. vlt. *Tres sunt qui testimonium dant in cælo, Pater, Verbum, & Spiritus sanctus*. Ad idem videtur facere quod dicit Christus, *Ille de meo accipiet*. Ioan. 16. Ad idem facit hoc, quod Filius dicitur imago Patris potius quam Spiritus sanctus. Colossen. 1. *Qui est imago Dei inuisibilis*: quia non solum habet essentiam communem cum Patre: sed etiam assimilatur Patri in hoc quod produxit ex se personam sicut & Pater. Præterea in anima quæ imago Dei est, vt patet ex diuersis locis Scripturæ sacræ, lux cognitionis quæ Filio appropriatur, quædam causa est amoris qui Spiritui sancto appropriatur. Item cum in sole vestigium Trinitatis inueniatur. Vnde Deus dicitur

Sol iustitiæ. Malach. 4. & Sol intelligentiæ. Sapient. 5. Calor est à radio solis, non radius à calore: sic & Spiritus sanctus à Filio procedit. Et hoc concesserunt etiam quidam doctores Græcorum, vt Athanasius in Symbolo fidei. Et Didymus maximus doctor eorum in libro de Spiritu sancto. Et Cyrillus Episcopus, Et Ioan. Chrysostom. Quorum testimonia ponit Magister in primo Sententiarum. *Æqualitas* vero personarum ostendi potest per hoc quod idem est in Deo esse, & esse magnum: ergo cum essentia diuina in tribus personis indifferens sit, & magnitudo indifferens est: ergo æqualitas est in personis. Item vnica est diuina essentia & simplicissima: ergo non potest ibi locum habere inæqualitas. *Æqualitas* Patris & Filij specialiter ostenditur ab Augustino per illud quod dicit Filius, Ioan. 16. *Omnia quæ habet Pater, mea sunt*. Ad idem facit illud quod legitur eiusdem 3. *Pater diligit Filium, & omnia dedit in manu eius*. Et Matth. 11. & Luc. 10. *Omnia mihi tradita sunt à Patre meo*. Et Ioan. 17. *Omnia mea tua sunt, & tua mea sunt*. Probat idem Augustin. hoc modo: Homo pater si potuisset, æqualem filium genuisset. Quis ergo audet dicere quod hoc omnipotens non potuit? Adeo etiam quod si posset homo, maiorem melioremque seipso gigneret filium: sed Deo maius vel melius quidquid esse non potest. Deus ergo cur non æqualem annis filium genuit: cui nec anni necessarij fuerunt, per quos adimpleretur æqualitas: neque omnipotentia defuit, aut forte noluit: ergo quod absit, inuidit: sed non inuidit, æqualem ergo sibi genuit. *Æqualitas* vero Spiritus sancti cum Patre & Filio sic potest ostendi: Optimus optimum lucidissima cognitione notum non amare non potest: ergo Pater necessario amat Filium, & non minus quam amandus sit: ergo cum summe sit amandus, summe amat eum: ergo amor Patris ad Filium summus est: ergo Spiritus sanctus, qui est amor, ille est æqualis Patri & Filio.

Æqualitas Trinitatis probatur.

hio. Item quum inter Patrem & Filium debeat esse amor, maximus erit amor primi patris à quo omnis paternitas in cœlo & in terra nominatur. Item cum non sit minor patris benignitas quam fecunditas, non erit minus donum amoris procedens ab eius benignitate, quam eius partus pertinet ad eius fecunditatē: ergo non erit minor Spiritus sanctus Filio. Item si nō est minor Filius Patre qui à solo Patre procedit: nō erit minor Spiritus sanctus Patre vel Filio, qui ab utroque procedit. August. Magna misericordia Dei, donū dat æquale sibi: nam Spiritus sanctus donum est. Et notandū quod aliqua similitudo Trinitatis inuenitur in creaturis, sed non est creatura quæ in omnibus Trinitati assimiletur: sed quædam creaturæ assimilantur ei in quibusdā, quædā in aliis. Vnde gloss. August. super illud Hebr. 1. Qui cum sit splendor gloriæ. Non possunt cōparari temporalia æternis integra collatione, sed tamen possunt aliqua tenui & parua similitudine cœua cœternis comparari. Nec mirum, quum non sit umbra similis omnino corpori cuius est umbra: nec vestigium simile est omnino pedi. Et ostendemus similitudinem Trinitatis in diuersis creaturis. Vna & eadem vox est diuersæ dictiones: vt hæc vox, Amor, est nomen proprium cuiusdam sancti, & est nomen commune, & est verbum: non mireris ergo si tres personæ sint vna essentia. Item in rebus sensibilibus inuenies subiectum & varietatem accidentiū quæ circūuestit illud, & naturalem amorem subiecti ad naturalia eius accidentia. Subiectum similitudinem habet cum Patre, cum sit causa accidentiū, sicut Pater ex se producit Filium. Varietas vero accidentiū subiectū manifestans, est quasi verbum. Amor vero subiecti ad naturalia accidentia assimilatur Spiritui sancto: quem amorem ostendit hoc quod subiectum tendit ad locum sibi competentem, fugiens locum naturæ suæ contrarium: & natura quærit quæ pertinent ad exteriorē decorem, vt est cortex, & frōdes in ar-

boribus, pili in animalibus, ordinatio, figura, color. Item similitudo Trinitatis habetur in materia, & forma, & cōplexu horum. Item in igne in quo inuenis ignis speciem, lucem & calorem, & sunt ignis & lux cœua, licet sit lux ab igne: sicut Pater & Filius sunt æterni, licet Filius sit à Patre. August. Quid possumus in creatura inuenire cœternū, cum non inueniamus in ea æternū: sufficit vt ad similitudinem inueniamus cœuum, splendor est de igne, & tamē cœua sunt. Similiter imago in aqua & virgultum natum super aquam cœua sunt. Da mihi ignem sine splendore, & credo patrem fuisse sine filio. Item inuenitur similitudo Trinitatis in sole, vbi habes substantiam, & radiū, & calorem, substantia solis à nulla creatura est, radius de sole nascitur, calor ab utroq; progreditur. Item habes similitudinem Trinitatis in magnitudine, pulchritudine, & vtilitate creaturā. In magnitudine apparet potentia quæ patri appropriatur: in pulchritudine sapientia, quæ appropriatur filio: in vtilitate bonitas, quæ appropriatur Spiritui sancto. Item in corpore humano est similitudo quædam Trinitatis. Est enim in eo vita, sensus, affectus. In anima vero rationali expressior inuenitur similitudo Trinitatis quam in prædictis ipsa dicatur Dei imago. Et secundum Augustinum ipsa est Trinitatis imago secundum intellectum, voluntatem, & memoriam. Vnde August. in sermon. de imagine: Non solum sufficit intellectus, nisi sit voluntas in amore Dei: nec duo sufficiunt, nisi memoria addatur, qua semper in mente intelligentis & diligētis maneat Deus. Vel possumus aliter similitudinem Trinitatis in animā assignare: vt scilicet intellectus qui dicitur materialis vel possibilis, Patri assimiletur. Intellectus vero qui dicitur intellectus in actu, vel formatus, assimiletur Filio. Et sicut Filius à Patre procedit, & est eius verbū, vel imago, vel speculū: sic intellectus formatus est quasi verbū & speculū, & imago, & ordine intelligētiae est post intellectū ma-

teriale. Prius enim est intellectum esse, quam intelligere se vel aliud. Affectus vero Spiritui sancto assimilatur. Possumus etiam aliter similitudinem Trinitatis in anima assignare: ut scilicet intellectus agens Patri assimiletur, qui secundum philosophos se habet ad species intelligibiles manifestandas sicut lux ad colores. Et sicut operatione lucis corporalis species coloris abstrahitur quodammodo, & pupillæ cōiungitur: sic operatione intellectus agentis lumen intelligentiæ diffundentis & abstrahentis species intelligibilium à formis sensibilibus, coniunguntur species illæ intellectui possibili, & fit intellectus formatus qui filio assimilatur. Affectus vero assimilatur Spiritui sancto. Et notandum quod secundum quosdam, anima non est suæ potentiae: & secundum hoc minus est expressa similitudo Trinitatis in anima, cū tres personæ sint diuina essentia. Anima vero licet habeat tres potentias, tamen illæ tres potentie non sunt idem quod essentia animæ. Secundū alios vero anima suæ potentiae est, & secundum hoc expressior est similitudo Trinitatis in anima. Et pro hac opinione facit quod legitur in libr. de Spiritu & anima Sensus, imaginatio, ratio, intellectus, intelligentia: hæc omnia in anima non aliud sunt quam ipsa. Item super Eccl. 17. dicit Gloss. Sicut Deus Pater, Deus Filius, Deus Spiritus sanctus, non tres dii, sed vnus Deus, tres habent personas: ita anima intellectus, anima voluntas, anima memoria, non tres animæ, sed vna anima. Item August. in lib. de Trin. Admonemur si vtrunque videre possimus, hæc in anima existere substantialiter, non tanquā in subiecto. Itē Damasc. Anima non habet præter seipsam intellectum. Item cum prima materia sit ipsa potentia ad susceptionem formarum naturalium: eodem modo anima erit ipsa potentia ad susceptionem specierum, cū videatur esse simplicior, & Dei imago sit. Præterea hæc tres potētiæ animæ, intellectus, voluntas & memoria, aut sūt accidentalia animæ, aut essentialia. Si acciden-

talia, ergo non differt anima rationalis, nisi accidentaliter ab eo à quo corpus bruti animalis viuificatur & sensificatur. Si vero sunt essentialia, aut sunt tres partes essentiæ animæ, aut vnumquodque illorum est tota essentia animæ. Si sunt partes, aut anima erit velut aceruus congregatus ex his potentiis non coniunctis adinuicē quod non potest esse: aut illæ potētiæ erunt cōiunctæ & cōpactæ adinuicem, quod similiter non potest esse: quum operationes illarum potentiarum sint diuise abinuicem. Si vero vnaquæque illarum potentiarum est tota essentia animæ, habetur propositum, scilicet quod tres potētiæ animæ sint ipsa anima. Item cum eiusdem sit actus cuius est potentia, eiusdem erit intelligere in potētia, cuius est intelligere in effectu: ergo idem erit intellectus possibilis & intellectus formatus. Itē quū nemo possit amare incognitū, eiusdē erit cognoscere & amare: ergo idem secundū substantiam erit, intellectus & affectus. Itē assignatur similitudo Trinitatis in creaturis secundū hæc tria, modum, speciem, ordinem. August. 11. lib. de Cinit. Dei: A Deo est omnis modus, omnis species, omnis ordo, sine quib⁹ nihil rerum inueniri vel cogitari potest. Idem in eodē: Nobis Trinitas in suis operibus intimatur. Nam si quærat, unde sit ciuitas quæ sursum est, Deus eam cōdidit: si unde sit sapiens, à Deo illuminatur: si unde sit felix, Deo fruitur, subsistens modificatur, contemplanus illustratur, inhaerens iocundatur, cum videt, amat: in Trinitate Dei viget, in veritate lucet, in bonitate Dei gaudet. Idem in eodē: In his reb⁹ quæ infra nos sunt, quoniā & ipsæ nec aliquo modo essent, nec aliqua specie continerentur, nec aliquem ordinē vel appeterent vel tenerent, nisi ab illo factæ essent qui summe sapiens est, qui summe bonus est, tanquā per omnia quæ fecit, mirabili stabilitate currentes: quasi quædā eis absibi magis, alibi minus impressa vestigia colligamus. In nobis autem ipsis eius imaginem conuenientes tanquam ille minor Euangelicus

filius qui rediens ad se, ait: *Quanti mercenarii, &c.* ad nosmetipsos reuerſi ſurgam? & ad illū eamus à quo peccando receſſeram: ſibi eſſe noſtrum non habebit mortē, noſſe noſtrum nō habet errorem, ſibi amare noſtrum non habebit offenſionem.

## CAPVT XX.

*De Erroribus pertinentibus ad Dei miſericordiam & iuſtitiam. Et primo de errore illorum qui Filij Dei incarnationem negant.*

**V**Ltimo inter errores qui catholicę fidei aduerſantur, dicendum eſt de erroribus pertinentibus ad Dei miſericordiam & iuſtitiam. Inter quos cauſa breuitatis tantum de ſex tangemus, licet ſint multo plures. Primus eſt error eorum qui negant filij Dei incarnationem. Secundus eorum qui dicūt animam perire cum corpore. Tertius eorū qui negant reſurrectionem corporū. Quartus eorū qui dicunt vnumquemq; in fide vel lege ſua ſaluari, ex quo credit eam bonam & ideo placet. Quintus eorum qui dicunt animas quę in mortali peccato decedunt non puniendas eſſentialiter. Sextus eorū qui dicūt animas quę in charitate decedūt, nulla pœna purgatoria puniendas. Primi Dei miſericordiā ac iuſitiā metiri volūt ſecundū miſericordiam & iuſtitiam hominum. Ideo miſericordiam Dei reputant ſtultitiam. 1. Cor. 1. *Verbum crucis pereuntibus ſtultitia eſt.* Et iuſitiā reputāt furorem. Prouerb. 6. *Zelus & furor viri nō parcat in die vindictę.* Ipli non attendunt illud verbū Domini Eſaię 55. *Sicut exaltantur celi à terra: ſic exaltatę ſunt via mee à viis veſtris. Vniuerſę via Domini ſunt miſericordia & veritas.* Iſti detrahunt Dei potentię dum dicunt Deū non potuiſſe hominem fieri: quod ſi verum eſſet, Deus omnipotēs non eſſet. Luc. 1. *Non erit impoſſibile apud Deū omne verbum.* Et Matth. 29. *Apud Deum omnia poſſibilia ſunt.* Quum ſententia ſit omnium recte philoſophantium hominem eſſe dei-

ſicā dum participatione deitatis: quid mirum ſi Deus factus eſt homo participatione humanitatis? Iſti contradicunt diuinę bonitati, non in radice, ſed in ramo ipſius dum negāt tantū Dominū de ipſa potuiſſe procedere, blaſphemantes contra eius immenſitatem, quam volunt limitare in effectu ipſius: Fons iuxta poſſibilitatem ſuam riuum emittit, & ſol ſecundum virtutem ſuam lumen & calorē ubiq; diffūdit. Magna ergo fatuitas eſt aſſerere de immenſo fonte diuinę bonitatis beneficium incarnationis non potuiſſe procedere. Ad Tit. 3. *Apparuit benignitas & humanitas Saluatoris noſtri Dei, non ex operibus iuſtitia quę fecimus nos: ſed ſecundum ſuam miſericordiam ſaluos nos fecit.* Secundum fontem fluit riuus, cum ſtilla miſericordię in multis ſanctis hoc potuerit, vt pro redemptione captiuorum ſe venderēt: quid potuit in fonte miſericordię eius immēſitas? Iterū cum ſcintilla charitatis matrem faciat exponi pro filiis, quid potuit fornax immēſę charitatis in Saluatore? Si quis vero dicat quod non decuit Dei maiestātē tantū deſcendere, & tot, & tanta pati: Reſpondendū eſt, quod nihil magis decet Dei bonitatem quam miſereri & amare. Miſereri glorioliſſimum eſt. Vnde qui ſunt dicti erroris, dum Deum volunt honorare, honori eius detrahūt, magnitudo. n. eleemoſynę honor eſt miſerantis, & magnitudo doni honor dātis. Sapiens: *Deū maxime imitabitur quī nihil iudicanerit quam miſereri preſoſius.* Pręterea glorioliſſimi ſunt triūphi patientię. Prou. 16. *Melior eſt patiens viro forti & qui dominatur animo ſuo, expugnatore urbium.* Sen. Magnanimi eſt iniurias in ſūma patientia pati. Item cum Deus præcipiat ſe ab homine ex toto corde diligere. Deut. 6. conueniens fuit vt & ipſe hominem diligeret, vt dignę delectionis ſuę ignem amoris in homine accēderet. Dauid. *Exurge Domine in præcepto quod mādāſti.* Sen. Ego tibi monſtrabo amatorium ſine medicamento, ſine herba, ſine vllius veneficę carmine: Si vis amari, ama. Pręterea cum di-

uinitas omnino impassibilis sit quando inconueniens est, si natura humana diuinæ associata in eadem persona passa est, cum pati virtuosissimum sit: & pœna quam natura humana in Christo passa est, nihil sit respectu gloriæ quam habet, quæ non est finem habitura: & uenerationes quas Christo exhibet populus Christianus, multo maiores sunt quam contumeliæ & illusiones quas ei intulit populus Iudaicus. Ad destructionem dicti erroris sufficere possunt quæ prius habita sunt, ubi ostensa est veritas fidei Christianæ, & ubi ostensa est veritas humanæ naturæ in Christo, & veritas diuinæ naturæ. Et ideo ad destructionem aliorum errorum transcamus.

## CAPVT XXI.

*De errore dicentium animam perire  
cum corpore.*

**E**T primo destruemus errorem illum. qui ponit animam perire cum corpore, ostendendo animarum immortalitatē. Qui error tangitur Sapient. 2. *Dixerunt impij cogitantes apud se non reſe. Exiguū ē cum tadio eſt tempus uitæ noſtræ, & non eſt refrigerium in fine hominis, & non eſt qui agnitus ſit reuerſus ab inferis: quia ex nihilo nati ſumus, & poſt hoc erimus tanquam non fuerimus.* Huic errori occaſionē dare potuit illud Eccleſ. 2. *Vnus eſt interitus hominis & iumentorum, & aqua vtriuſque conditio.* Sed vt dicit Gregor. Salomon in illo lib. diuerſas perſonas in ſe ſuſcipit, & quandoque dicit quod mens imperita ſentit, vt in verbo propoſito: quandoq; vero quod ratio bene diſpoſita decreuit, vt eiufdem 6. *Quid habet, inquit, amplius ſulto. ſapiens, & quid pauper, niſi ut pergat illuc ubi eſt uita:* Et eiufd. 9. *Corda filiorum ho-*

*minū implentur malitia & contēptu in uita ſua, & poſt hæc ad inferos deducuntur.* Non perit ergo anima malorū cum corpore. Et in eodē: *Nec opus, nec ratio, nec ſcientia, nec ſapientia erūt apud inferos quod tu properas.* Item eiufdem ult. *Anſequam reuerſatur pulvis in terram ſuam unde erat, & ſpiritus redeat ad Deum qui dedit illum.* Spiritus ergo bonorum cum corpore non perit, ſed ad Deum redit. Item occaſionem dare potuit huic errori quod dicitur de Deo 1. ad Timoth. *Qui ſolus habet immortalitatem.* Vnde ſecundum hoc videtur quod anima non ſit immortalis. Sed ibi dicitur immortalitas immutabilitas, quam nō habet creatura per naturam, cum ex nihilo facta ſit, & ſecundum accidētia nata ſit mutari. ſed tamē creatura poteſt habere perpetuitatem & eſſe immortalis, prout immortalitas dat priuationem finis. Itē dicto errori potuit dare occaſionem quod ſpiritus irrationalis in brutis perit cum corpore: unde poterit alicui videri quod ſpiritus rationalis in homine pereat cum corpore. Sicut n. ſpiritus irrationalis, forma & perfectio eſt in corpore bruti: ſic ſpiritus rationalis forma & perfectio eſt in corpore humano. Ad ſolutionē huius notandū eſt quod eſt quædā forma quæ totaliter innititur & incumbit ſuæ materiæ, & non regit eam, neq; ſuſtinet, ſed ſuſtinetur ab ea, & talis eſt forma corporalis in rebus inanimatis. Quædam vero forma eſt quæ regit materiam ſuam & quodammodo ſuſtinet eā. Et hæc ſubdiuiditur, quia quædam eſt cuius operatio non eſt extra materiam illam, vt eſt vegetabile in plantis, & ſenſibile in animalibus brutis: & hæc perit cū corpore, otioſum, n. eſſet eam manere poſt corpus, cum non haberet operationē ſine corpore. Quædam vero forma eſt cuius principalis operatio non eſt in materia, nec per materiam, vt anima rationalis ſecundum operationem intellectiuam: & ideo ſeparabilis eſt à corpore. Et eſt ſimile in luce ignea & luce ſolis. Eſſe enim lucis radij ſolaris exi-

stentis in aere non dependet ab aere. Vnde sole subtrahente radium, remanet solus aer. Sic Deo subtrahente à corpore spiritū, remanet solum corpus. Vnde destructo aere, adhuc remanet radius: quod possumus videre per interpositionem alicuius transparentis, ut est crystallus in loco aeris scilicet posita. V. G. Sit aliquis locus vndique conclusus, excepta illa parte per quam ingreditur solaris radius, qui ibidem ingressus totum aerem ab illo loco contentum reddit luminosum. Destruatur iste aer per immissionem alicuius corporis transparentis, ut puta massæ crystallinæ: licet aer inde deficiat, radius tamen ibi manet quod apparet in crystallino ibi existente. Manet. n. radius illuminans crystallum. Sic est in vitione animæ rationalis ad corpus. Esse. n. eius non dependet à corpore, & ideo non perit cum corpore. Lux vero ignea è duobus modis, scilicet in carbone & in flamma. In carbone est lux materiæ grossæ & terrestris: & inde est quod non est radiosa, id est, de se non immittit radiū immutantem aerem vicinū: lux vero in flamma vnitur materiæ subtiliori quæ est vapor resolutus à corpore, sc. à carbone inflammato, & est lux in flamma radiosa: utraque tamen lux tam in carbone quam in flammā innititur materiæ, ita quod deficiente materia lux deficit. Sic est de vegetabili & sensibili: vegetabile enim deficit deficiente corpore, cuius perfectio est, similiter & sensibile. Ad ostendendum quod anima non perit cum corpore, non multum vtemur auctoritatibus sacræ Scripturæ, cum error ille locum non habeat in eis qui Scripturas sacras nouerunt & eas receperunt: quia quasi infinitæ sunt auctoritates in sacra Scriptura, quibus error iste destrui potest: sed testimonij nobilium Philosophorū, & rationibus potius vtemur. Falsitatem huius erroris ostēdit Tullius, dicens: Non est lugenda mors quam immortalitas cōsequetur. Idem loquens de eo qui recte vixit: Ex hac vita, inquit, discedit tanquam ex hos-

pitio, non tanquam ex domo. Commorandi enim tantum diuersorium nobis, non habitādi dedit. Idem in quæstionib. Tusc. Quid nisi illud vitale quod intra non est, dūque mole corporis premitur, in cœlestis regionis cōtemplatione se transire illuc ad inhabitandum post depositionem ipsius auolet? Item in Rhetor. Probabile videtur sapientibus pœnas esse paratas apud inferos. Item Senec. in lib. de Naturalib. quæst. Si volumus trāquillē degere, anima in expedito habenda est, siue illam insidiæ, siue morbi petāt. Quid aliud debeo, quam exeuntem hortari, & cum omnibus bonis emittere? vade fortiter, vade feliciter; nihil dubitaueris reddere. Nō de re, sed de tempore quæstio est. Facis quod quādoq; faciendū est. Rerū natura quæ te genuit expectat, & locus melior ac tutior. Idē Mercurius: Animæ, inquit, post dissolutionem cogētur credere pœnis quæ in vita noluerunt credere verbis. Plato etiā in Timæo dicit animā post dissolutionē variis affligi pœnis. His testimoniis Philosophorū patet quod anima rationalis non perit cum corpore. Rationibus vero multipliciter potest idem ostendi. Et primo per iustitiam Dei, quæ si est, reddet tam bonis quam malis secundum eorum merita, bonis præmia, malis pœnas. Ecclesiast. vltim. *Cuncta quæ sunt adducet Deus in iudicium.* Sed retributio ista non fit in præsentī, cum mali hic floreat & boni opprimantur Iob 12. *Quare impij viuunt, subleuati sunt, confortati que diuitiis?* Et Hieronym. 12. *Quare via impiorum prosperatur, bene est omnibus qui præuariantur, & inique agunt?* Et in Psalm. *Vsq̃ue quo peccatores Domine, vsq̃ue quo peccatores gloriabuntur?* ergo ista retributio erit post hanc vitam. Manent ergo animæ post mortem. Idem potest ostēdi per Dei bonitatē: quia cū Deus singulariter sit bonus, maxime tamen bonus est amicis suis, & maxime amat amātes se. Prou. 8. *Ego me diligētes diligo.* Hoc au-

tem verum non esset si anima periret cum corpore, nec esset alia vita post istam. Amici enim Dei in hac vita sunt egentes, angustiati, afflicti. Heb. 11. Et 1. Corin. 15. *Si in hac vita tantum in Christo sperantes sumus: miserabiliores sumus omnibus hominibus.* Si non esset alia vita, verum esset quod dicunt peruersi Iudæi. Mal. 3. *Vanus est (inquiunt) qui seruit Deo: & quod emolumentum quia custodimus præcepta eius?* Non esset emolumentum, vt videtur, sed detrimentum in hac vita affligi, si in futuro non sperarent amici Dei pro hac afflictione delectari, & vtilius esset eis bonis præsentibus adhærere, & in eis delicate viuere, quam Deo adhærere, & mandata eius obseruare. Item potest ostendi quod anima cum corpore non pereat per sapientiam Dei, quæ non potest fallere nec falli. Falleret autem eos qui credunt contemptum præsentis vitæ consulendo & præsentium bonorum, si non sequeretur alia vita melior & alia bona meliora. Matt. 19. *Si vis perfectus esse, vade & vnde omnia quæ habes, &c.* Et Ioan. 12. *Qui odit animam suam in hoc mundo, in vitam æternam custodit eam.* Item quod anima non pereat cum corpore, ostenderunt qui hoc per experientiam nouerant, qui à morte suscitati fuerunt, vt Christus & Lazarus, & illi de quibus legitur ad Hebræos 11. *Acceperunt mulieres de resurrectione mortuos suos.* Item etiam ostendunt virtutes quas mortui operantur. Vnde Gregor. in 4. lib. Dialog. Pensâ qualiter animæ viuunt illic vbi viuunt, quorum hic & mortua corpora in tot miraculis viuunt. Si igitur vitam animæ manentis in corpore deprehēdis ex motu membrorum, cur non perpēdis vitam animæ post corpus, etiam per ossa mortua in virtute miraculorum? Idem ostenditur per ordinem quem habet homo inter creaturas. Est enim creatura media inter iumentum & Angelum: Vnde communicat cum iumento in corporis mortalitate, & cū Angelo in animæ immortalitate. Gregor.

lib. 4. Dialog. Homo sicut in medio creatus est vt esset inferior Angelo, superior iumento: ita aliquid habet commune cum summo, & aliquid commune cum infimo, immortalitatem scilicet spiritus cum Angelo, mortalitatem vero corporis cum iumento. Idem ostenditur per similitudinem quam habet anima cum prima materia. Sicut enim prima materia se habet ad omnes formas sensibiles & corporales: ita se habet substantia intellectiua ad formas intelligibiles & spirituales. Ergo sicut prima materia non est corruptibilis ab aliqua forma sensibili vel corporali: ita substantia intellectus non erit corruptibilis ab aliqua forma intelligibili & spirituali, & multo minus à forma corporali, cum propter sublimitatem suæ essentiæ talis corruptio non possit ad eam attingere. Relinquitur ergo quod ipsa sit incorruptibilis & immortalis. Item omne quod destruitur, aut destruitur separatione formæ à materia, aut à diuisione partium integralium, aut destructione subiecti seu deferentis, aut absentia causæ. Separatione formæ res destruitur dupliciter: aut diuisione formæ quæ non manet separata, vt cum diuiditur anima rationalis à corpore, cum diuisio dicitur maior; vel diuisione formæ quæ non manet separata, vt in extinctione ignis, & hæc diuisio vocatur proprie corruptio. Diuisione partium integralium fit destructio, vt cum ligna & lapides destruuntur, destruitur domus. Destructione vero subiecti, vt destructo pariete destruitur pictura quæ erat in eo, & quantitas. Destructione deferentis destruitur quod deferebatur: vt fracto vase effunditur liquor qui in eo erat. Absentia causæ fit destructio, vt sole subtracto destruitur dies. Primo modo non potest destitui anima rationalis: non est composita ex materia & forma, vt ostensum est prius, vbi destructus est error qui ponit animas cum corporibus seminari: ergo non potest fieri in ea diuisio formæ à materia. Præterea si diceretur quod esset ex materia &

Res separatione formæ destruitur dupliciter.



forma composita, adhuc potest ostendi quod forma illius non potest destrui, quia non habet contrarium quo destruat. Anima enim potens est intelligere omnia: quod non esset verum si aliquid esset ei contrarium. Anima enim non esset receptibilis illius nec similitudinis eius: ergo non posset intelligere ipsum. Præterea visus nullam formam visibilem habet sibi contrariam: ergo nec intellectus aliquam formam intelligibilem habet sibi contrariam. Item non potest destrui anima rationalis destructione partium integralium, cum simplex sit, & careat huiusmodi partibus. Item destructione subiecti non potest destrui: qui si poneretur eius subiectum, non poneretur aliud quam corpus, ipsa autem non se habet ad corpus ut accedens ad subiectum. Est enim perfecta substantia, receptibilis enim est secundum se oppositorum, manens intransmutata secundum essentiam, quod proprium est perfectæ substantiæ. Si quis tamen obiiciat de superficie quæ quantitas est, non substantia, quæ tamen recipit contrarios colores: Dicendum est quod ipsa non recepit colorem secundum se, sed secundum virtutem subsistentem corporeæ substantiæ: sed anima rationalis secundum se receptibilis est oppositorum, non secundum naturam corporis cui vnita est, ut virtuti & vitiis, scientiæ & ignorantia, & multorum aliorum, quæ cum sint spiritualia non recipiuntur in ea secundum naturam corporis. Item non potest destrui anima destructione deferentis, cum non indigeat in deferenti, sicut liquor vase indiget quo contineatur. Item non potest destrui absentia causæ, quia à prima causa immediate fluit, cuius absentia nihil destruitur, vel cuius præsentia semper adest omnibus, & nunquam est absens: quantum enim in se est, semper influit in creaturas esse & permanentiam: ergo anima rationalis nullo modo potest destrui, cum nullo prædictorum modorum destructibilis sit, nec alius modus destructionis

possit inueniri. Item omne esse mortale paulatim debilitatur & deficit, donec veniat ad vltimum defectum qui est mors: virtus autem intellectiva sua duratione inualefcit & proficit, ut quanto est antiquior, tanto sit ad intelligendum validior: ergo habet esse immortale. Item virtus quæ non habet finem in operatione, non habet finem in tempore: virtus vero intellectiva non habet finem in operatione: non enim determinata est ad intelligenda tot, quin adhuc plura possit intelligere: ergo non habet finem in tempore. Item virtus corruptibilis læditur à vehementi subiecto, ut visus à vehementi lucido: intellectus autem non læditur à vehementi intelligibili, immo magis confortatur: ergo non est corruptibilis. Item ex conditione obiecti cognoscitur conditio potentia, & ex conditione potentia conditio substantia: cum ergo obiectum virtutis intellectiva sit vniuersale incorruptibile, virtus intellectiva incorruptibilis est. August. in lib. Soliloqui. sic probat immortalitatem animæ: Omnis, inquit, substantia comprehensiva veritatis in quantum est veritas, est immortalis: sed anima rationalis est huiusmodi, ergo est immortalis. Veritatem hic intellige essentiam rei in quantum est abstracta à materia & omnibus materialibus conditionibus, ut apprehenditur homo cum prædicatur de omnibus hominibus. Item omnis substantia cuius operatio non dependet à corpore, ipsa non dependet ex corpore: sed operatio substantia intellectiva non dependet ex corpore, scilicet intelligere, ergo nec substantia intellectiva dependet ex corpore: ergo est separabilis à corpore, & potest viuere sine eo. Item virtus cuius operatio impeditur à corpore, non dependet à corpore: sed talis est virtus intellectiva. Quanto enim corpori se plus immergit per sollicitudinē & amorem temporalium delectationum: tanto intelligit obrutius & tardius. Quanto autem se elogauerit, tanto clarius & facilius: ergo ipsa

non dependet à corpore. Præterea si intellectus dependeret à corpore, sequeretur confortatio eius ad confortationem corporis, & debilitatio ad debilitationem. Aliter tamen est. Nam in senectute est corporis debilitatio & intellectus confortatio. Sicut enim iuniores melius sentiunt, sic seniores melius intelligunt. *Iob. 12. In antiquis est sapientia.* Si quis tamen obiciat quod intellectus videtur dependere ex corpore, cum eius operatio impediatur ægritudine corporis, ut patet in phreneticis. Similiter intellectus sensu & imaginatione indiget, cum non fiat sine illis. Dicendum est, quod aliud est virtutem impediri à læsione, aliud ex occupatione. Intellectus impeditur occupatione animæ circa opus alterius virtutis, sed non læditur: ut visus, vel auditus exterior occupans animam circa exteriora impedit ut illa hora non vacet intellectui operationi. Sic in laborantibus phrenesi, vel similibus passionibus, sunt sicut somnia fixa & adhærentia propter infectiones difficile separabiles. Et quemadmodum somnia mentem tenent circa fantasinata occupata: sic illæ alienationes operationem intellectus mentem occupando expediunt. Expurgata autem huiusmodi infectione, intellectus tanquam nihil passus læsionis ad proprias operationes reuertitur. Ad secundum dicendum, quod licet intellectus non fiat in nobis sine sensu & imaginatione: tamen est sine illis. Exponit simile Aug. ad portum non deuenitur nisi per nauem, est tamen esse in portu sine naui. Vel potest distingui duplex facies virtutis intellectui: inferior, & superior: quantum ad inferiorem, indiget intellectus sensu & imaginatione: quantum vero ad superiorem, secundum quam est nobilis perfectio & potissima, intellectus non indiget: illuminatur enim à prima veritate. Item potest ostendi quod anima rationalis non pereat cum corpore multis aliis modis. Primo sic. Cum nullus motus naturæ sit frustra, omne quod naturaliter

mouetur non est naturali impossibilitate prohibitum à fine ad quem mouetur: ergo cum anima rationalis naturaliter appetat beatitudinem, non est impossibile ei assequi eam, sed impossibile est quod eam assequatur in bonis præsentis vitæ: ergo ipsa manet post præsentem vitam. Quod in bonis præsentis vitæ beatitudinem non assequatur, sic potest ostendi: Possessores bonorum corporaliū, aut amant ea, aut non amant. Si non amant, ergo sunt eis oneri, & non assequuntur felicitatem in eis. Si vero amant ea, ergo sunt vniti eis per amorem, & sunt obnoxii omnibus passionibus quibus illa subiacent. Amans enim necessario compatitur amato propter vnionem amoris si passio rei amata ad ipsum per apprehensionem peccauerit. Ergo nec in isto casu felicitatem in bonis istis assequitur. Item nobiliori virtuti nobilior competit perfectio. Ergo quum vires animæ quibus homo antecellit bruta animalia, nobiliores sint viribus illis quas communicat cum brutis, eis competit perfectio nobilior. Ergo felicitas alia erit animæ rationalis secundum vires illas nobiles, quam sit ea quæ est secundum vires inferiores quæ est in bonis præsentis vitæ.

Præterea quum nobilis pars animæ habeat proprias suas operationes & propria gaudia, & propriam libertatem & securitatem, habebit ipsa propriam felicitatem, non in bonis corporalibus, cum ipsa separata sit à corpore, ut iam ostendetur: sed in bonis spiritualibus. Item quicquid est morti obnoxium, non est beatum: ergo quum homo in præsentia vita subditus sit necessitati moriendi, in ea non est perfecte beatus.

Item omnis virtus omnino separata à corpore non est corruptibilis corruptione corporis, sed vires quæ sunt propriæ animæ rationalis, intellectus scilicet & voluntas, omnino sunt separatæ à corpore: ergo non sunt corruptibiles corruptione corporis. Maior multipliciter probatur. Primo sic. Vis vnita corporis siue operans per organum,

organum, operatur secundum proprietatem & possibilitatem organi tantum: ut visus non iudicat de sapore, vel sono: sed de colore quia color pertinet ad naturam oculi. Nullum autem organum corporale possibilitatem habet ad incorporalia. Nulla ergo vis operans per organum corporale est cognitiua nisi corporalium tantum. Præterea operatio intellectus est per abstractionem à materia & materialibus conditionibus: sed omnis operatio est secundum naturam virtutis à qua egreditur: ergo intellectus est abstractus à materia, & non habet organum corporale. Item nulla virtus incorporata, id est, parti corporis determinata, siue operans per organum est cognitiua sui: non enim potest referri vel reflecti supra se: vnde nec oculus se videt, nec imaginatio se imaginatur: quum ergo intellectus se intelligat, non est incorporatus alicui, scilicet parti corporis determinatæ vnitus.

Item quod cognoscitur, est in cognoscente secundum naturam cognoscentis: & non secundum naturam rei cognitæ: & generaliter quod recipitur in aliquo, est in recipiente secundum naturam recipientis. Quum ergo corporalia & materialia sint in intellectu secundum modum immaterialem, scilicet denudata à materia & materialibus conditionibus, intellectus immaterialis est, & non incorporatus alicui parti corporis. Item quum voluntas quæ est propria animæ rationalis libera sit, flexibilis, & ad ea quæ sunt delectabilia corpori, & ad ea quæ sunt corpori contraria, ut sunt macerationes carnis, & ipsa mors corporalis: manifestum est quod voluntas illa à corpore separata est, vnde non est cum corpore corruptibilis. Item non est necesse rectorem navis mori quum navis dissipatur, nec militem occidi quum equus cui insidet occiditur, nec artificem perire, licet aliquod de instrumentis eius quo ad aliquam operationem ignobilem vtitur, defecerit: sic non est necesse quod spiritus rationalis pereat,

licet corpus quod est eius organum quantum ad aliquas eius operationes minus nobiles pereat. Præterea nihil creatum est propter ignobilius & vilius se: ergo anima rationalis non est principaliter creata propter operationes virium quas habet communes cum brutis, vel propter bona ista corporalia quia viliora sunt: ergo non est necesse eam perire, licet non possit exercere operationes illas minus nobiles circa bona ista corporalia. Item quum anima rationalis nobilior sit quacunque creatura corporali, & Deus communicauerit esse perpetuum alicui creaturæ corporali, ut corporibus cœlestibus ipse communicauit, illud etiam animæ rationali. Item Deus quum communicauerit animæ rationali intelligere, non solum creaturam corporalem, sed etiam creaturam spirituales & ipsum creatorem, ipse communicauit ei esse perpetuum: quum capacitas Dei per intelligentiam longe melior sit perpetuitate efficiendi. Item quum dederit Deus creaturæ rationali ut possit habere amicitiam cum Deo, lex vero amicitie requirat bonorum communionem: verisimile est quod communicauerit ei immortalitatem. Præterea quis fidelis amicus à morte amicum suum non seruet si potestatem habeat: ergo verisimile est quod Deus amicos suos seruet à morte qua omnino pereant. Mors corporalis amicorum Dei non est mors, sed potius somnus vel transitus ad meliorem vitam. Ioan. 11. *Lazarus amicus noster dormit.* Et Matth. 22. *Non est Deus mortuorum, sed viventium.* Item quæ à solo Deo in esse producuntur, perpetua sunt, nisi sint accidentia vel formæ dependentes à materia: sed anima rationalis non est accidens, nec forma dependens à materia, sed à solo Deo est per creationem, ut prius ostensum est, ergo ipsa habet esse perpetuum. Quod ipsa non sit accidens, sic probatur: Nullum accidens nobilius est substantia: sed omne mouens & regens substantiam est nobilius & actualius &

virtuosius substantia quam mouet & quā regit: ergo nullum tale est accidens: sed talis est anima rationalis: ergo ipsa non est accidens. Quod vero non sit forma à materia dependens, prius ostensum est. Possumus etiam vti ad destructionem dicti erroris ostensione qua vsus est quidam religiosus contra philosophum quendam qui negabat animam esse immortalem. Aut anima, inquit, est mortalis, aut immortalis. Si anima mortalis est, & credis eam esse immortalem, nullum tibi inde prouenit incommodum. Si autem immortalis est, & credis eam esse mortalem, aliquod potest tibi inde venire incommodum: ergo melius est vt anima credatur esse immortalis, quam mortalis. Qui secundum Sapientem, si propositis duobus istius sit consecutium bonum, illius vero malum: magis est eligendum cuius consecutium est bonum, quam illud cuius consecutium est malum. Et iuxta verbum quod Tullius refert in libr. de Senect. Catonem dixisse. Si anima mortalis est qui credunt eam esse mortalem, non erunt post hanc vitam qui nos confundant de contraria opinione. Si vero sit immortalis, nos qui sumus huius opinionis poterimus eos confundere qui contrariæ opinionis sunt. Et hæc contra dictum errorem sufficiant.

## CAPVT XXII.

*De errore negantium resurrectionem corporum.*

**S**equitur de errore illorum qui negant corporum resurrectionem. Ad destructionem vero huius erroris, primo ponemus testimonio sacre scripturæ, deinde rationibus vtetur. Legitur Exod. 3. *Deus patrum nostrorum, Deus Abraham, & Deus Isaac & Iacob misit me ad vos.* Quo verbo vtitur Dominus Matth. 12. ad probationem resurrectionis, subdens. *Non est (inquit) Deus mortuorum, sed viventium.* Gloss. probat per hoc animas post mor-

tem permanere. Non enim diceretur Deus non existentium: & introducit etiam corporum resurrectio, quæ cum animabus bona vel mala quæ gesserunt recipient. Item Iob. 19. *Scio quod redemptor meus uiuit, & in nouissimo die de terra surrecturus sum.* Et eiuid. 15. *Lignum habes spes: si præsens fuerit, rursus uirescit.* Et Esa. 26. *Viuent mortui tui.* Et Ezechiel. 27. *Ecce ego intromittam in vos spiritum, & uiuetis.* Daniel. 12. *Multi de his qui dormiunt in puluere terra, euigilabunt.* Ionæ. 3. *Subleuabit de corruptione uitam.* 2 Mach. 7. *Rex mundi defunctos nos pro suis legibus in æterna uita retributione suscitabit.* Et in eodem. *Ex eo ista possideo, sed propter Dei leges hæc ipsa despicio: quoniam ab ipso me ea recepturum spero.* Eiuid. 12. *Iuste & religiose de resurrectione cogitans.* Matt. ult. *Multi corpora mortuorum qui dormierant resurrexerunt.* Ioan. 5. *Procedent qui bona fecerunt in resurrectione uitæ.* Eiuid. 11. *Scio quia resurget in resurrectione in nouissimo die.* 1. Cor. 6. *Deus & Dominus suscitauit & nos suscitabit per uirtutem suam.* Eiuid. 15. *Si resurrectio mortuorum non est, neque Christus resurrexit.* Ibid. *Inspiciens quod tu feminas non uiuificatur, nisi prius moriatur.* Item in eodem: *Omnes quidem resurgemus.* Item: *Oportet corruptibile hoc induere incorruptionem.* Et 2. Corinth. 4. *Scientes quoniam qui suscitauit Iesum, & nos cum illo suscitabit.* Ephe. 4. *Donec occurramus omnes in uirum perfectum, & mensuram ætatis plenitudinis Christi.* Philippen. 3. *Qui reformabit corpus humilitatis nostræ &c.* 1. Thessolon. 3. *Nolumus uos ignorare de dormientibus.* Iac. 5. *Aurum & argentum uestrum aruginauit, & arugo eorum in testimonium uobis erit, & manducabit carnes uestras sicut ignis.* Erit ergo caro nostra in futuro Act. 26. *Quid incredibile iudicatur apud uos si Deus mortuos suscitauit?* Rationibus sic potest corporum resurrectio suaderi. Omnem iustitiam iudicis iusti in cuius terra multi sunt digna præmio & supplicio, quem.

nec fallit ignorantia, nec prohibet impotentia, necesse esse quandoque conuerti in iudicium: sed talis iudex Deus est: ergo eius iustitia quandoque conuertetur in iudicium. Sed hoc non fit in presenti vniuersaliter, quum mali floreat & boni opprimantur: fiet ergo in futuro, & reddet Deus vnicuique prout meruerit. Ergo hominibus qui sibi seruiuerunt mercedem reddet, quod fieri non potest nisi ipsi resurgant. Tali argumento vsus est Barnabas ad probandam resurrectionem philosophis qui erant Romæ: vt legitur in libro Clementis. Iustum est, inquit, quemlibet seruientem alicui remunerari, & inde vt prius. Si quis tamen dicat homines posse remunerari in animabus sine corporum resurrectione, non valet responsio. Quum enim anima sine corpore homo non sit, nec remuneratio animæ sine corpore est remuneratio hominis. Præterea cum homo seruiert Deo & corporalib. operibus, & spiritualibus, & non minus Deus sit liberalis remunerando, quam homo seruendo, utroque modo & in corpore & in anima debet remunerari. Item similitum meritorum apud eundem iudicem similis debet esse remuneratio. Ergo cum Christus seruendo patri in corpore & anima meruerit in corpore, & anima remunerari: alij similiter Deo seruientes similem remunerationem merebuntur. Corint. 15. *Si resurrectio mortuorum non est, neq; Christus resurrexit.* Item in Psal. *Nūquid enim vane constituisti omnes filios hominum?* Vane siue frustra si. constituti, si participes non sunt beatitudinis, si moriuntur non resurrecturi. Præterea si corpus animæ compatitur: quare non conregnabit & glorificabitur? Item quum anima naturaliter appetat esse in corpore, quod ostendit dolor in separatione: & omnis appetitus naturalis imperfecta animæ beatitudine debeat impleri, corpus tradetur ei fini quo appetitus eius naturalis non impleatur. Præterea quum constat animæ perpetuæ non sufficere or-

ganum, necessario corruptibile ex prima ordinatione corpus humanum non fuit tale: ergo quum per Christum restauratio perfecta fiat, perpetuum corpus animæ tradetur: fiet ergo resurrectio corporum. Item quum aliquæ actiones corporales sint meritorie, vt opera misericordiæ, de quibus legitur. Matth. 25. caro sicut sociâ animæ est in merito: sic sociâ debet esse eius in præmio: & ex quo partem pretij soluit, partem debet habere lucris: quod non erit nisi caro resurgat, ergo ipsa resurget. Item corpus humanum finis est cæterorum corporum: ergo quum inter cætera corpora quædam habeant esse perpetuum, corpus humanum habiturum est esse perpetuum. Finis enim melior est his quæ sunt ad finem: quod autem est diuturnius, melius est. Item corpora quæ habent esse perpetuum, habent illud ex Dei bonitate, & ad creaturæ vtilitatem non ad vtilitatem Dei, quum bonorum ipse nostrorum non egeat, nec ad vtilitatem creaturæ pure corporalis, quum illa nullius boni sit perceptiua. Item non principaliter ad vtilitatem creaturæ pure spiritualis, cum illa creatura corporali non egeat: ergo ad vtilitatem creaturæ partim spiritualis & partim corporalis quæ non videtur esse nisi homo. Si vero aliquæ creaturæ corporales propter hominem habent esse perpetuum: multo fortius homo habiturus est esse perpetuum. Item aut corpus humanum se habet solum ad animam vt organum ad tempus necessarium, aut non. Si primo modo, quæ causa est quod anima tantum doleat, quum illud organum graue & onerosum separetur ab ea quod non est amplius ei necessarium? quis sapiens doleat cum à navi exit ad portum securum? Si vero non. se habet vt organum solum, sed vt materia cum qua anima perficit speciem vnâ rerum & creaturam nobilissimam cum creaturæ minus nobiles esse perpetuum habeant,

O ij

homo etiam esse perpetuum habiturus est. Item quum anima rationalis habeat aliquas vires quæ sine corpore non possunt perfici, vt prius ostensum est: aut ipsa non perficietur omnino in futuro, aut corpus ei iterum vnietur: Item duæ causæ vnionis animæ ad corpus assignantur à Gregorio Naziazeno: vna vt per agones certaminum quæ ei insunt aduersus terrena, cœlestis gloriæ hæreditatem acquirat, & sicut aurum igne præsentis vitæ ærumnarum probetur examine. Alia causa est, vt hanc deteriolem naturam corporis fecum trahat, ac sursum supernis sedibus collocet. vnde vna causa vnionis eius est bonum animæ, alia bonum corporis: vtræque autem causa requirit vt corpus resurgat. De prima patet. Iustum est enim vt caro quæ fuit sociæ in certamine, sociæ etiam sit in gloria. De secunda idem manifestum est.

## CAP V T XXIII.

*De errore illo qui dicit vnumquemque posse saluari in sua fide vel lege.*

**S**equitur de errore illo qui ponit vnumquemque saluari in sua fide vel lege, ex quo credit eam esse bonam & Deo placentem. Cui errori occasionem dedit quod cogitauerunt tantam paucitatem esse saluandorum si soli Christiani boni saluarentur. Dixerunt enim: Quum Deus non sit minus pronus ad miserandum quam ad puniendum, quomodo tam pauci saluabuntur, sc. Christiani, & illi non omnes, sed solum boni qui pauci sunt respectu malorum? Multitudo etiam Iudæorum & gentilium damnabitur: quare ergo Dei misericordia tantam multitudinem creauit, quum præuideret eam damnandam? Et dicendum est contra huiusmodi errorem quod non est mirum si pauci sint saluandi comparatione eorum qui sunt damnandi: viliorum. n. semper est maior multitudo, quam pretiosorum: vt ferri & plumbi, quam auri & ar-

genti: & lapidum communium, quam gemmarum: & quercuum, quam cedrorum vel palmarum. Et maior est aceruus paleæ quam grani, & maior numerus stultorum quam sapientum. Ecclesiast. 1. *Stultorum infinitus est numerus. Sic multi sunt vocati, pauci vero electi.* Matth. 20. Præterea quum in tanta multitudine hominum pauci sint reges temporales: quid mirum si pauci habituri sunt regnum cœlestes? Item quum pauci ad regnum cœlorum venire curent: quid mirum si pauci perueniunt? Quomodo enim peruenient si peruenire nolunt? Item quid mirum si pauciores ascendant in cœlum quam descendant in infernum: cum facilius sit descendere quam ascendere? Et si pauciores intrant per angustam portam paradisi, quam per latam portam inferni. Matth. 7. *Intra te per angustam portam, quia lata est porta: & spatiofa via quæ ducit ad perditionem, & multi sunt qui intrant per eam.*

*Quod angusta porta & arcta via quæ ducit ad vitam, & pauci sunt qui inueniunt eam.*

**F**alitas dicti erroris sic potest manifestari. Si aliquis volēs corporaliter ambulare, nollet præuidere vitæ pericula cum posset, sed oculis clausis aut auersis à via vellet incedere, merito imputaretur sibi si quid ei mali ex hoc accideret. Item si quis vellet ire ad aliquem locum viam ignorans, & peritum habens qui viam ostenderet, & ducatum præberet, & nollet sibi viam ostendi vel ducatum præberi: merito imputaretur ei si quid mali ei ex hoc accideret. Hęc duo cuiuslibet animus bene dispositus audita approbat: ergo cum pericula spūitualia magis sint periculosa, & ideo magis cauenda: si quis circa illa negligens fuerit, præuidenda vel præcauenda: merito ei imputabitur cum periculum ceciderit ex negligentia quærendi viam veritatis & salutis, vel ductu propriæ rationis, vel quærendo ab alio, quem circa eam credit esse adeo instructum,

vel implorando diuinum auxilium, cum aliud consilium ei desit: negligētia est culpabilis & damnatione digna. Vnde de illo qui ignorans est ex negligentia huiusmodi, verum est illud 1. Corinth. 14. *Ignorans ignorabitur.* Dauid: *Noluit intelligere ut bene ageret.* Gloss. potuit intelligere, vt bene ageret, sed noluit: Itaq; veniam non habet. Ambrosius qui possent scire si velent studium adhibere, non nescientes se contemptores iudicabuntur. Si vero aliquis seductor sub prætenu catholici doctoris alicui simplici errorem prædicet, pie credendum est quod Deus cor simplicis auertet, ne ille errori sibi periculoso credat, nisi negligentia eius vel alia culpa obstat: *custodit enim Deus omnes diligentes*, vt legitur in Psal. Et Prouerb. 2. *Custodiet rectorum salutem & proteget simpliciter gradientes.* Idem intelligendum est in illo casu in quo aliquis inuenit doctores contrarios, vnum fidelem & alium infidelem: nec sufficit ex proprio sensu vel ex dictis eorum, vel ex vita discernere, cum credendum sit. Dei enim misericordia ei non deerit, nisi in pulsando ad eam negligens fuerit. Infideles vero negligentes valde sunt, & inuestigando per seipsos salubrem veritatem, inquirendo ab aliis, & implorando diuinum auxilium, & in faciendo veritatem quam ipsi nouerunt. Qui vero negligit facere bonum quod nouit faciendum, non meretur accipere notitiam faciendi id quod nondum nouit. Qui vero in talento intellectus quod iam accepit fideliter negotiatur, dignus est vt talento eius addatur. Matth. 25. Si verum esset quod ponunt qui sunt prædicti erroris, nihil esset virtus vel vitium simpliciter. Credenti enim de virtute quod esset vitium, vitiosum esset agere secundum virtutem. Et credenti de vitio quod esset virtus, esset virtuosum agere secundum vitium. Secundum hoc idē valeret error erranti quod veritas eam cognoscenti. Quidā vtilia ad destructionem dicti erroris, require supra in cap. vbi ostensum est quod vnica sit fi-

des vera. In hoc vero quod Deus creauit tantam multitudinem hominum quam præuidebat esse damnandam, mirari debeo diuitias bonitatis Dei, quæ tantæ multitudini tot & tanta dedit bona, quum tamen præuideret eos futuros ingratos. Mireris etiam perversitatem hominum qui largitorem omnium bonorum donis eius impugnant. Nec solum ad Dei misericordiam debes habere oculum: sed etiam ad Dei iustitiam quæ non minor est quam eius misericordia, quæ illos quos misericordia creat, pascit, & regit, & seruat, ingratos de acceptis beneficiis merito damnat. Quid mirum si iustitia peccatoribus reddit quod meruerunt? Nemo miratur de hoc quod ignis calefacit, vel sol illuminat, vel Dei misericordia bonis beneficia tribuit: sic mirari non debes si iustitia Dei eos qui rebelles sunt Deo, punit. Non miratur aliquis si quod seminat aliquis hoc metat: sic mirandum non est si peccatores mala metant quæ semināt. Eccles. 7. *Noli facere mala, & non te apprehendent.* Et iterum: *Non semines mala in sulcis iniustitia, & nō metes ea in septuplum.* Galat. 6. *Qua seminauerit homo, hac & metet.* August. Dicit aliquis: si Deus vellet, isti boni essent: sed melius voluit vt quod vellent essent: si boni, non instructi uolens: si mali, non impune. Eccles. 15. *Deus ab initio constituit hominem, & reliquit illum in manu consilij sui.* Et paulo post: *Apposuit tibi aquam & ignem, ad quod uolueris porrigere manum tuam: ante hominem vita & mors, bonum & malum quod placuerit ei dabitur illi.* Mirari etiam debes sapientiam & bonitatem Dei, qui pœnis malorum vitur ad bonum electorum. Inestimabile enim gaudium erit electis in futuro cum perfecte agnoscent pulchritudinem diuinæ iustitiæ: quam tãto plus amabunt, quanto amplius agnoscent, & tanto amplius gaudebunt quanto amplius agnoscent & amabunt. Psalm. *Lætabitur iustus cum uiderit vindictam.* Item: *Misericordiam & iudicium cæabo tibi Domi-*

Mira Dei bonitas.

Psal. 57.

ne. Duplex erit materia cantus saluatis, scilicet misericordia electorum, & iudicium reprobatorum. Gregor. Omnipotens Deus quia pius est, miserorum cruciatu non pascitur; quia autem iustus est, ab iniquorum ultione in perpetuum non sedatur. Sed iniqui omnes æterno supplicio deputati sua quidem iniquitate puniuntur, & tamen ad aliquid ardebunt: scilicet ut iusti omnes & in Deo videant gaudia quæ percipiunt, & in illis respiciant supplicia quæ euaserunt: quatenus tanto magis in æternum diuinæ gratiæ debitores se esse cognoscant, quanto in æternum mala puniri conspiciunt quæ eius adiutorio uicerunt.

## CAPUT XXIV.

*De errore illorum qui dicunt animas in mortali peccato decedentes non puniri æternaliter.*

**S**equitur de errore eorum, qui dicunt animas, quæ in peccato mortali decedunt non puniendas æternaliter. Qui error valde periculosus est. funditus. n. destruit sapientiam, bonitatem in cordibus hominum cum euacuet timorem Domini, qui est principium sapientiæ. Prouer. 1. *Et sine quo non est iustificatio.* Eccl. 1. *Timor Domini expellit peccatum: nam qui sine timore est, non poterit iustificari.* Error ille dum impunitatem hominibus promittit, pronitatem ad peccandum in eis efficit. Impunitas enim estATRIX transgressio- num: ut ait Bern. Huic errori occasionem dare potuit illud Matth. 7. *In qua mensura mensi fueritis, remetietur uobis.* & illud Apoc. 18. *Quantum glorificauit se, & in deliciis fuit: tantum date ei tormentum & luctum.* Non esset, inquiunt, mensura pœnæ secundum mensuram culpæ, si peccato momentaneo pœna æterna redderetur. Sed verba prædicta sic intelligenda sunt, ut fiat comparatio in genere, ut qui multum peccauit, multum puniatur, & qui

minus peccauit, minus, & qui amplius amplius: non quod sit necesse pœnam esse æqualem culpæ secundum durationem, imo pœna quantum ad durationem multo maior potest esse quam culpa. Sicut multipliciter potest ostendi. Et primo per pœnas ab humano iure positas quæ multo amplius durant quam peccata pro quibus infligta sunt durauerint. Aug. 21. lib. de ciuit. Dei. Oſto genera pœnarum in legibus esse scribit. Tullius, damnum, vincula, verbera, talionem, ignominiam, exilium, mortem, seruitutem. Quid horum est quod in breue tempus pro cuiuslibet peccati celeritate coercetur, ut tanta vindicetur morula, quanta deprehenditur perpetratum, nisi forte talio? Demum bellum acquirit perpetuam seruitutem. Præterea cum perpetratio peccati vulneratio spiritualis sit, quid mirum si à vulneratione breuissimi temporis relinquantur vulnus multæ durationis, aut etiam mors à qua non est regressus ad uitā nisi miraculose? Item cum perpetratio peccati casus sit in profundum, quid mirum si casus iste breuissimo tempore fiat, & tamen qui sic cecidit in profundo multo tempore maneat? Item cum perpetratio peccati transgressio sit legis, non est mirum si mutilatio quæ perpetua est, naturaliter pro illa infligatur cum etiam perpetratio peccati ligatio sit peccantis, secundum illud Prou. 5. *Funibus peccatorum suorum quisque constringitur:* non est mirum si ille qui ligatus est breui tempore, diu ligatus maneat. Item cum peccator breui voluptate se vendat, quid mirum si emptori eius acquiratur ius perpetuum? Præterea cum non minor sit Dei iustitia quam misericordia, nec minus sit æterna; quare miratur quis quod Dei iustitia æternaliter puniat malos, & non miratur quod Dei misericordia æternaliter remunerat bonos, cum partium causarum pares soleant esse effectus? Præterea per se notum est, quod qui addit super peccatum suum contumaciam, seu impœnitentiam, auget merito & pœnam:



& quantum durat iniuria, debet durare & pœna: quia ergo existens in inferno addit super peccatum suum contumaciam vel impœnitentiã (nulla.n. vera pœnitentia vel emendatio est apud inferos) & tãdiu durat Dei iniuria, quandiu ei non emendatur: merito durabit semper ipsius pœna. Præterea peccator peccauit in suo æterno vsque ad mortem in peccato perseverando, ideo merito punietur in æterno Dei. Pet. 4. lib. Dial. Scire velim quomodo iustum sit vt culpa quæ cum fine perpetrata est, sine fine puniatur. Greg. Hoc recte diceretur si districtus iudex non corda hominum, sed facta pensaret. Iniqui.n. ideo cum fine deliquerunt, quia cum fine vixerūt. Nam voluissent vtique si potuissent sine fine vivere, vt potuissent sine fine peccare. Ostendunt.n. quia in peccato semper vivere cupiunt, qui nunquam desinunt peccare dum viuunt. Ad magnam ergo iudicantis iustitiam pertinet vt illi nunquam careant supplicio, qui in hac vita nunquam voluerunt carere peccato. Aug. Quia æternam habere voluit peccati perfruitionem, æternam inueniet vindictæ seueritatem. Item maculatio imaginis diuinæ semper manebit in anima dānati: vnde cum peccatum quantum ad maculam serper maneat, pœna peccati merito semper manebit. Aug. Merito in cælesti ciuitate imaginem ipsorum ad nihilum rediget Deus, qui in sua terrestri ciuitate imaginem ipsius ad nihilum redigerunt. Item quanto minus bonum est, Deo quod ei præfertur, tanto maior ei contumelia infertur. Cum ergo omne quod est vel esse potest in infinitum minus bonum sit, Deo quidquid ei præferatur, infinita contumelia infertur ei, omni autem mortali peccato aliquid ei præfertur. Peccare.n. est secundum Aug. spreto incommutabili bono bonis commutabilib. adhærere. Omni ergo mortali peccato infertur Deo infinita contumelia: merito ergo à Deo pro quolibet mortali infertur infinita pœna. Item si quis peccaret

in aliquem æqualem sibi; aliquantum peccaret in eum: & si simile peccatum committeret in maiorem, magis peccaret, vt si in sacerdotem: & si in maiorem sacerdotem, vt in episcopum, & tunc magis peccaret, ergo si peccat in Deum qui in infinitum maior est quolibet puro homine, in infinitum magis peccat. Cum ergo infinitum sit peccatum in quo quis contemnit Deum, merito infinita pœna ei debetur. Item obligationes & transgressionis proportionales sunt: qui æqualiter tenentur ad aliquid faciendum, æqualiter peccant non faciendo illud: sed obligatio qua quis tenetur Deo obedire & seruire, infinita est: ergo culpa transgressionis est infinita. Quod obligatio sit infinita, sic probatur: Non est possibile quod creatura rationalis liberet se à debito obediendi vel seruiendi Deo: cum ergo obligatio illa sit intransibilis, infinita est. Præterea si quis dedisset mille marcas gratis alicui, aliquantulum esset obligatus ei: ergo cum solus oculus vel lingua in infinitum pretiosior sit mille maris auri, in infinitum magis obligatus est homo Deo ratione solius oculi vel linguæ, quam esset ratione mille marcarum auri. Quid ego erit de obligatione ratione totius corporis, & quid de illa quæ est ratione animæ quæ in infinitum est melior corpore? Patet ergo quod obligatio obediendi vel seruiendi Deo infinita est. Item si anima rationalis non deberet durare nisi per diem vnā, tamen esset obligata Deo ratione diuinæ vitæ aliquanta obligatione: & si per duas dies, ratione vitæ duorum dierū esset obligata duplo maiori: & sic ascendendo. Ergo ratione infinitæ vitæ obligata est Deo obligatione in infinitum maiori. Quum ergo obligatio infinita sit, culpa transgressionis est infinita: & ideo merito debetur ei infinita pœna. Item quum opera Dei vniuersa completa sint, opera iustitiæ eius diminutionem non habebunt: & sicut retributiones eius perpetuæ erūt, ita & vindictæ & pœnæ perpetuæ erunt. Præterea

Obligatio hominis in Deum infinita.

Quid peccare sit.

cum mala merita omnino nostra sint, bona vero merita fere omnino sint Dei, magis debentur nobis de iustitia pœnæ maiorum meritorum, quam bonorum præmia: ergo magis sumus puniendi de iustitia pro malis meritis, quam remunerandi pro bonis. Si ergo æternaliter pro bonis aliquis est remunerandus æternaliter, pro malis erit aliquis puniendus. Item proportionalia sunt peccata pœnis: si ergo nō est comparatio peccati ad peccatum, non erit comparatio pœnæ ad pœnam. Cum ergo non sit comparatio peccati eius qui furatus est ouem, & peccati eius qui occidit hominem innocentem, non erit comparatio pœnæ ad pœnam: ergo si pœna primi peccati est temporalis, pœna secundi erit perpetua: ergo Deus aliquos perpetuo punit. Si forte ad hoc dicatur: quod licet possibile sit aliquem mereri pœnam æternam: tamen clementia Dei non sustineret eum puniri tanta pœna. Querimus ab eo, utrum sustineret Deus eum puniri aliqua pœna, vel nulla? Si nulla, euacuatur Dei iustitia. Si aliqua, ergo vel temporalis vel æterna. Si æterna, habeo propositum. Si temporalis, cum pœna temporalis comparatione æternæ minus sit quam leuatio vnius festucæ de terra, respectu excoiationis vel detruncationis capitis. Sicut iudex deridendus esset si eum qui meruisset excoiationem vel capitis detruncationem, puniret leuatione festucæ de terra: sic ridiculosa esse videretur Dei iustitia, si debitorem pœnæ æternæ puniret sola pœna temporalis: vnde adhuc euacuaretur Dei iustitia. Item legitur Esa ult. *Vermis eorum non morietur, & ignis eorum non exstinguetur*. Hierm. Ignis ille tamdiu succenditur quamdiu habet materiam qua vorax flamma pascatur. Materia ista mala voluntas est quæ semper viuet in dānatis: ideo ignis ille nunquam exstinguetur. Aug. Voluntas punitur siue supplicio animi siue corporis, ut quæ delectatur in peccatis, ipsa plectatur in pœnis. Io. 23.

Luet quæ fecit omnia, nec tamen consu-

metur. Glos. Cuius vita mortua fuit in culpa, eius mors viuet in pœna. Item non consumetur in morte: sed vt sine fine crucietur, viuere sine fine compellitur. In Ps. *Mors depascet eos*. Glos. Hoc dicitur à Psal. 46 simili iumetorum quæ non radicitus herbas vellunt, sed summitates capiunt: vnde iterum herbæ nascuntur ad pastum. Sic & illi morte repasti reuiuiscunt, quia non deficiunt. Gregor. Morte immortalis morientur impii. Bernard. in Epistolis: Ob hoc inflexibilis & obstinatæ mentis punietur æternaliter malum licet temporaliter perpetratum: quia quod breue fuit tempore vel opere, longum esse constat in pertinaci voluntate. Auctoritates Noui Testamenti quæ pœnarum æternitatem ostendunt, require supra in cap. vbi destruitur error eorum qui ponunt animas non esse in corporibus humanis, sed dæmones inclusos. vt ibi agant pœnitentiam. Item merito pœna æterna puniuntur, qui gloria æterna à malo reuocari noluerunt. Item quum bonitas Dei summe odiat malum, sicut summe diligit bonum: ipsa æternaliter punitet malum, sicut æternaliter remunerabit bonum. Item in præsentis tempore est operandi: in futuro vero non erit tempus operandi, sed pro opere facto hic mercedem recipiendi. Ec. 19. *Quodcumque potest manus tua, instanter operare: quia nec opus, nec ratio, nec scientia, nec sapientia erunt apud inferos quod tu properas*. Non metet ibi aliquis quod hic non seminauit: ergo qui male vixit hic, & in malitia vitam finiuit, non saluabitur. Matth. 7. *Nūquid colligunt de spinis vnas aut de tribulis ficus?* Sic ex malitia vitæ quam hic aliquis habuit: non colligit ibi dulcedinem præmii. Merita etiam ibi mutari non poterunt: Ecclesiast. 11. *Si ceciderit lignum ad Austrum, aut ad Aquilonem, in quocumque loco cecideris, ibi eris*. Gregor. 4. libr. Dialog. Qualis hinc quisque egreditur, talis in iudicio præsentatur. Et vt breuiter dicamus, vita præsens disponit de futura: vnde quum futura vita sit

sine

sine fine, eo quod animæ sint immortales: præsens vita præparat futuræ vel miseriam sine fine, vel felicitatem sine fine.

## CAPVT XXV.

*De Errore ponentium animas in charitate decedentes, nulla pœna purgatoriæ puniri. Et primo de errore illorum qui dicunt nullum peccatum esse veniale.*

**S**equitur de errore illo qui ponit animas eorum qui in charitate decedunt, nulla pœna purgatoria in futuro puniendas. Qui error habet tres errores sibi annexos. Primus est, quod nullum peccatum est veniale. Secundus est, quod quando dimittitur culpa, dimittitur & pœna: quod si decedat, nulla pœna purgatoria punietur. Tertius, quod suffragia Ecclesiæ non prosint mortuis. Circa primum errorem notandum est, quod qui sunt illius erroris non sentiunt de Domino in bonitate, cum credant eum pro quacunque offensa seruis suis irasci ad mortem. Dicunt enim omne peccatum esse mortale. Et est error iste improbabilissimus. Non enim est verisimile quod pater misericordiarum pro quacunque offensa filios suos exheredet. Item verisimile est quod sicut habet gladium mortis æternæ quo utitur in seruos maleuolos pro magnis offensis: sic habeat virgam correctionis vel purgationis transitorie: qua pro leuibus offensis utatur in filios suos. Et sicuti non omnis infirmitas vel vulnus corporale ad mortem est: sic nec omnis infirmitas spiritualis mortalis est. Item sicut non omnis casus corporalis est ad confectionem colli, ita nec omnis casus spiritualis ad mortem est. Prouerb. 24. *Septies in die cadet iustus, & resurget. Poeta: Qui cadit in plano, vix hoc tamen euenit inquam: Sic cadit ut tracta surgere possit humo.* Non proiciuntur vasa pretiosa omnino pro quacunque iniquatione, sed purgantur. Sic nec animæ. Et si in

morte in aliqua immunditia inveniuntur: non tamen pro quacunque damnantur. Item si omne peccatum mortale est, cum omne dictum, vel factum, vel concupitum contra legem sit peccatum: omne factum, dictum, vel concupitum contra legem Dei erit peccatum mortale: ergo ieiunare vel eleemosynam dare propter inanem gloriam, erit mortale peccatum: breuiter quum aliquid fiet de quo lex Dei dicit, ne fiat, erit mortale peccatum: quod si verum est, nullus erit sine mortali peccato. Item quum opus virtutis sit, immediate opus vitij seu peccatum erit: quod erit in superfluitate vel diminutione: si vero omne tale opus est mortale peccatum, ergo quicumque in cibo excedet & potu, mortaliter peccabit. Item quum malum sit priuatio modi, vel spei, vel ordinis, omne opus quod erit priuatum modo seu mensura debita: erit mortale peccatum: peccatum enim & mortale peccatum cōuertibilia sunt, secundum hunc errorem. Ergo quicumque nimis amat filios suos, mortaliter peccat. Item cum dicere alicui conuiuium subito ante perfectam deliberationem rationis malum sit: sic erit similiter mortale peccatum. Et idem erit in aliis operibus prohibitis, quod ante perfectam rationis deliberationem mortalia peccata erunt. Et secundum hoc nullus est in præsentī vita qui vniuersaliter caueat à mortali peccato. Præterea in multis locis loquitur sacra Scriptura de peccato, quæ non possunt intelligi de illo mortali. Et exempli causa de paucis tangemus. Legitur Prouerb. 10. *In multiloquio non deerit peccatum.* Non potest hoc intelligi de mortali peccato: quia multotiens est multiloquium sine mortali. Item Ecclesiast. 11. *Si diues fueris, non eris immunis à delicto.* Et Matth. 12. *De omni verbo otioso quod locuti fuerint homines, reddent rationem de eo in die iudicij:* ergo omne verbum otiosum peccatum est: sed non omne verbum otiosum est mortale peccatum: ergo aliquod

peccatum est veniale. Item 1. Cor. 3. *Fundamentum aliud nemo potest ponere, præter id quod positum est quod est Christus Iesus. Si quis autem super aedificat super fundamentum hoc, aurum, argentum, lapides preciosos, ligna, fenum, stipulam: unicuiusque opus manifestum erit: dies enim Domini declarabit, quia in igne reuelabitur. Ligna, fenum, stipula, venialia grossiora vel leuiora intelliguntur: sicut patet ex his quæ sequuntur. Vnicuiusque opus quale sit, ignis probabit. Si cuius opus manserit quod super aedificauerit, mercedem accipiet. Si cuius opus arserit, detrimentum patietur: ipse autem saluus erit, sic tamen quasi per ignem. Item legitur 1. Ioann. 1. Si dixerimus quoniam peccatum non habemus, ipsi nos seducimus, & veritas in nobis non est. De mortali peccato non videtur hoc posse intelligi, cum illud non sit in amicis Dei. Item eiusdem 5. distinguit Ioannes peccatum ad mortem. Est ergo aliquod peccatum mortale, & aliquod quod non est mortale. Item in Psal. *Omnis homo mendax*, quod mendacium mortale intelligi non potest. Et Ecclesiast. 7. *De negligentia tua purga te cum paucis.**

## CAPUT XXVI.

*De Errore poenitentium quod quando dimittitur culpa, dimittitur & poena, propter quod non oportet purgari.*

**C**irca secundum errorem, notandum quod error iste valde periculosus est, quum occasionem det peccatoribus ad Deum tardius conuertendi: Facit enim paris conditionis quantum ad impunitatem eos qui conuertuntur in fine vitæ suæ, & eos qui conuertuntur in iuuentute: nulla enim poena secundum eos utriusque post mortem punientur. Error iste valde est improbabilis. Si enim Sacramentum poenitentiae delet vniuersaliter culpam & poenam, sicut sacramentum baptismi: sic sacramentum baptismi non iteratur, non facilitas veniæ ho-

mines faciliores faciat ad peccandum: sic sacramentum poenitentiae non debet iterari. Item ad quid monet Euangelium ad faciendum dignum fructum poenitentiae. Matt. 3. si cum aliquis poenitet, vniuersaliter dimittitur ei poena sicut & culpa? Poenitentia dum aliquis est in mortali non est meritoria: postquam mortale dimissum est, non videtur esse necessaria quantum ad solutionem à poena, quum iam ille qui peccauerat secundum eos nullius poenae sit debitor: quare ergo tantum Scriptura sacra monet ad poenitentiam? Item quæ causa est quod his qui magis peccauerunt, maior poenitentia iniungatur, si tota culpa cum tota poena dimissa est? Item constat quod antiqui patres multa poena puniti sunt, & in exilio huius mundi, & etiam post mortem licet culpa mortalis esset eis dimissa. Fuerunt enim in inferno, donec Christus eduxit eos: secundum illud Osee 13. *Morsus tuus ero inferne.* Act. 2. *Quem Dominus suscitauit solutis doloribus inferni, iuxta quod impossibile erat illum teneri ab eo.* Apoc. 1. *Fui mortuus, & ecce sum viuens in secula seculorum, & habeo clauem mortis & inferni.* Et Colof. 2. *Delens quod aduersus nos erat chirographum decreti, quod erat contrarium nobis, & ipsum tulit de medio affigens illud cruci, expoliens principatus & potestates tradidit confidenter.* Et Ephel. 4. *Ascendens in altum captiuam duxit captiuitatem.* Si illi debitores fuerunt poenae post dimissionem culpæ: videtur quod non semper dimittatur tota poena. Præterea si hoc esset, videretur euacuari iustitia Dei & esse dedecus culpæ sine decore debitæ vindictæ. Itē poena proportionalis est culpæ: sed cum peccator non imponit finem culpæ suæ, debetur ei poena infinita & acerbior secundum quod culpa maior fuerit: ergo cum peccator poenitendo imponit finem culpæ, debetur ei poena finita & transitoria, & maior vel minor secundum quod culpa maior vel minor fuerit. Præterea cum Deus pater potius voluerit quod proprius filius poenā transitoriam pro genere humano solueret, quam quod ipse eam remitteret,

non est verisimile quod ita de facili pœnā peccatoribus remittat: quin saltem pœna transitoria eos puniat. Bern. Qui nō parcat filio, nunquid parcat figmento? nunquid parcat seruo nequā? Si forte dicatur quod pœnitētes de peccatis in præsenti puniēdi sunt in futuro: non ergo Dei misericordia magis propitia erit his qui differunt conuersionem suā vsque in finem vitæ, quam his qui in iuuentute conuertuntur: cum à primis pœnā non exigat, & ab aliis exigat: & benignior erit Deus in contēptores benignitatis suæ, quam in alios? Rom. 2. *An diuitias bonitatis eius & patientia & longanimitatis contēnis?* Falsitas huius erroris aperte apparet ex illo verb. 1. Cor. 2. *Si cuius opus auferit, detrimetum patietur, ipse autem saluus erit: sic tamen quasi per ignem:* ergo aliqui saluandi in futuro punientur. Præterea nonne aliquis decedere potest cum nimio amore filiorum vel præsantis fidei inuitus moriens, quem mors non videtur purgare cum eam volens non recipiat, qui necessario post mortem purgabitur, & sic purgatus saluabitur? In

Plalm. *Transiimus per ignem & aquam, & induxisti nos in refrigerium.*

## CAPVT XXVII.

*De Errore ponentium quod suffragia Ecclesiæ non profint defunctis.*

**C**irca tertium errorem qui ponit suffragia Ecclesiæ non prodesse mortuis, notandum quod valde destabilis est cum in mortuos sæuiat. Quantum enim in se est, succursū Ecclesiæ aufert mortuis qui igne purgatorio cruciantur. Ipse facit contra illud Eccl. 7. *Mortuo ne prohibeas gratiā.* Si peccaret qui prohiberet elemosynam dari ei quem crederet esse indigentē, vel etiam de quo dubicaret vtrum esset indigēs: multo fortius peccant isti qui inpediūt ne subueniatur eis qui igne cruciātur. Prou. 3. *Noli prohibere boni facere eum qui potest si ualeat, & ipse benefac.* Falsitas huius erroris in parte apparere potest ex

prædictis, cum prius ostensum sit aliquem posse decedere cum uenialibus, & cum debito pœnæ transitorie pro mortali: quia verisimile est quod Ecclesiæ pœnam illam possit soluere pro illis qui decesserunt exemplo capitis sui, scilicet Christi, qui peccata nostra tulit super lignū. 1. Pet. 2. Galat. 6. *Alter alterius onera portate, & sic adimplebitis legē Christi.* Item cum ad preces sanctorū aliquibus det Deus gratiam, & remittat pœnam æternā, verisimile est quod ad preces eorum remittat pœnam purgatoriam. Item ad lachrymas Mariæ & Marthæ suscitauit Iesus Lazarū. Ioan. 11. Et ad preces Petri suscitatur Thabita à morte. Actū 9. Ergo ad orationes sanctorum remittitur pœna purgatoria mortuis. Ad idem facit quod legitur 2. Mach. 12. *Sæcta & salubris est cogitatio pro defunctis exorare, ut à peccatis soluantur.* Et 1. Cor. 15. *Si mortui non resurgunt, quid facient qui baptizantur pro mortuis? Si omnino non resurgunt, ut quid baptizantur pro illis?* Baptizati pro mortuis est facere opera quæ habent purgare. Et 1. Ioan. 5. *Qui scit fratrem suum peccare peccatū non ad mortē, petat & dabitur ei: uita peccantis peccatum non ad mortem.* Est peccatū ad mortem, non pro illo dico ut roget quis. Cum pro peccatis maximis uiuentium rogandum sit, ut Stephanus rogauit pro lapidatoribus suis, & Christus pro crucifixoribus suis, non videtur intelligendum esse de oratione pro uiuis, quod dicit Ioannes. Non pro illo dico ut roget quis, sed pro mortuis. Pro defunctis in mortali non est orandū ut saluentur: sed pro defunctis in ueniali. Vnde super illud, *Est peccatum ad mortem: nō pro illo, &c.* dicit Interli. Qui in hac uita nō corrigitur, post mortē eius frustra uenia postulatur. Itē Iacob. ult. *Orate pro inuicem ut saluemini multum enim ualet deprecatio iusti assidua:* cum oratio effusa in terra in cœlo poneretur, iuxta uerbum Gregorij, eodem modo & in purgatorio operabitur. Ad idē ualet quod legitur beatus Andreas dixisse Domino cum Deus differret exaudire eum oran-

Pro defunctis in mortali non est orandum.

tem pro quodam fene qui in peccato carnis vique ad septuagesimum annum fuerat: Demine Deus pro mortuis obtineamus pietatem tuā: & tunc iste qui te nosse desiderat, cur non saluabitur? Tunc venit vox de cœlo ad eum, dicens. Obtines Andreas pro fene. Si ad preces beati Andrea Deus homini inueterato in peccato dedit gratiam, verisimile est quod ad preces Ecclesiæ remittat pœnam purgatoriam. Præterea quid obstat quod preces Ecclesiæ his qui decesserunt in charitate non possunt valere, cū Ecclesia sit in statu, in quo mereri potest? Illi autem qui in charitate decesserunt, cum sint amici Dei, in statu sunt in quo sunt digni hoc beneficio: Habent enim Dei gratiam, & eius gloriam expectant. Adhærendo etiam corpori Ecclesiæ tanquam membra dum viuerent dignos se fecerunt, & quodammodo meruerunt ut tales preces eis valerent si pro eis fierent. Cibus corporis communis est omnibus membris quæ sunt in corpore. Vnde cū illi qui sunt in purgatorio membra sint Ecclesiæ & maxime indigentia, merita Ecclesiæ se debent extendere ad eos. Præterea eodē Spiritu sancto viuificantur membra illa, quo viuificatur membra quæ adhuc sunt super terrā: ergo remissio culpæ vel pœnæ, quæ donum est Spiritus sancti, debet se extendere ad ea. Quod innuitur à Domino Matt. 12. *Qui dixerit, (ait Dominus) contra Spiritum sanctum verbum, non remittetur ei neque in hoc seculo, neque in futuro.* In qua sententia, ut ait Greg. in 4. lib. Dialog. datur intelligi quasdam culpas in hoc seculo, quasdam vero in futuro posse laxari: quod enim de vno negatur, consequenter de quibusdam conceditur. Sed tamē hoc de paruis minimisque peccatis fieri posse credendum est. sicut est assiduus otiosus sermo, immoderatus risus, vel peccatū curæ rei familiaris, quæ vix sine culpa, vel ab istis agitur qui culpā qualiter declinare debeāt, sciūt. Præterea hoc ipsum pertinet ad gloriam Dei, quod ad preces sanctorum tales mortui à pœna liberentur. Deus enim glo-

rius est in sanctis suis. Nec est contrariū diuinæ iustitiæ, quod ipse impleat voluntatem amicorum suorum, qui voluntatem ipsius pro posse suo implent. Idem enim velle idemque nolle, ea demum vera amicitia est, ut ait Sap. 1. Ioan. 3. *Si cor nostrum non reprehenderit, nos fiduciam habemus ad Deum, quod quidquid petierimus accipiemus ab eo, quoniam mandata eius custodimus, & ea quæ sunt placita coram eo facimus.*

## CAPVT XXVIII.

*De causis errorum, quæ sunt octo ad præsens.*

**D**Estructis erroribus qui catholicæ fidei aduersantur, tãgendū est de causis errorum. De quibus octo assignare sufficiat. Prima est ignorantia capacitatis intellectus humani. Quidam enim non attendentes limitatum esse intellectum humanum, credunt eum capacem esse omnium: & ideo credūt illud nō esse quod ab eo nō capitur. Sicut si aliquis crederet circulū solis omnia cōtinere, ipse crederet illa non esse quæ infra circulum illum non cōtinentur. Similis error est in illis qui credūt nō posse esse scientiā de magnitudine solis, & lunæ, & stellarum, quia ipsi nō habēt eā: Secunda est auersio intellectus à credēdis, & ab his quæ possunt hominem inducere ad credendum, & conuersio ad errores. Quidam enim sic amant errores suos, ut cōtraria eis non velint cogitare, vel audire. Prov. 18. *Nō recipit stultus verba prudentiæ, nisi ea dixeris quæ versantur in cordo eius.* Nō est datū homini videre post tergū suū, nec videre sine intuitu: sic nec intelligere ea à quib. intellectus se auertit. Nō lūc audire qui sunt in erroribus aliquid de miraculis, nec sacra eloquia, nec rationes doctorū quibus possent ad veram fidem induci: ideo non est mirū si remanent in erroribus suis. Tertia est rerum subtilitas, & intellectus grossities. Qui turbidum habet visum, pilum qui ab aliis videtur non videt, sed non ideo contendere debet cum

Causæ  
errorum  
in fide  
octo.

1.

2.

ibi non esse: nō videt visus humanus quicquid videt aquilinus. Quarta est distantia à credendis: quidam enim commorantur in sensibilibus qui longe sunt à credendis quæ sunt inuisibilia, non appropinquantes ad illa, nec studio, nec exercitatione: ideo non est mirum si illa non vident. Ipsi sensum volunt habere ducem ad credenda qui cœcus est quantum ad ea: vnde sic disputant de spiritualibus, sicut cœci de coloribus. Bern. super cant. Quomodo lux incassum circūfundit oculos clausos vel cœcos: sic *animalis homo non percipit ea quæ sūt spiritus Dei*. August. Deus lux est non corporum, sed mentium: hanc lucem qui non videt, est quasi cœcus in sole. Quinta est negligentia querendi Dei adiutoriū ad ea credēda. Fides non est naturalis, imo est ex electione diuinæ bonitatis, & donū gratuitum. Si esset naturalis, eadem esset apud omnes: nec esset tanta dissensio de ipsa quanta est, ideo à Deo petenda est. Marc. 9. *Credo Domine, adiuua incredulitatem meā*. Ephes. 2. *Gratia estis saluati per fidem, & hoc nō ex vobis, Dei enim donū est*. Et 1. Ioā. 5. *Dedit nobis sensum vt cognoscamus verum Deum*. Sicut sol non videtur nisi ex lumine suo: sic sol intelligentiæ nō videtur nisi ex lumine suo, sc. ex luce gratiæ quam infundit. Sed aliqui sunt vt vespertilioes solē non vidētes denotē quādo volant, quia tunc sol non lucet super terram, de die vero eum non vident, quia tunc dormiunt: Sic isti solem intelligentiæ ideo non vident, quia in nocte sunt, cum ipse eis non luceat, lucem gratiæ infundēdo: non tamen propter hoc affirmare debent eum non esse. Sexta est obstaculum peccati. Quidam enim impudicitia operū suorum quasi obiectum manuum lumen solis intelligentiæ à se repellunt. Iob. 24. *Ipsi rebelles fuerunt lumini*. Sptima est superbia quæ est velut inflatio faciei interioris. Aug. in 7. lib. Confess. Timore meo separabar à te, & nimis inflata facies clauderat oculos meos. Bernard. super Cant. Superbo oculo veritas nō videtur, sincero

patet. Et super illud Hierem. 49. *Arrogantia tua & superbia cordis tui decepit te*. dicit gloss. Omnis hæreticus arrogans: quia superbia facit hæreticum, non ignorantia. Augustin. Superbia meretur illud Habacuc 2. Quomodo vinum potantem decipit, sic erit superbus. Vnde Gregorius de superbis. Tanto, inquit, à Dei luce longius sunt, quanto apud se humiles non sunt. Octaua est affectio inordinata intellectum trahens ad contraria fidei: vt timor inordinatus, vel amor, vel odium. Affectio inordinata est velut lippitudo respectu oculi interioris. Augustinus. Si quis alteri digito solem ostenderit, & videre non potuerit, culpet potius oculi lippitudinē quam digiti ostensionem: Hanc lippitudinem purgari oportet. Augustin. Purgandus est animus vt prospicere illam lucem valeat. Timor multos retrahit ne crederent in Christum. Qui enim credebāt in Christo, despiciebātur ab aliis, & extra synagogam fiebant: ideo qui gloriam amabant, & contemptum istū timebant: molebāt ad Christum conuerti. Ioan. 5. *Quomodo credere potestis qui gloriam ab inuicem recipitis, & gloriam quæ à solo Deo est, non queritis?* Amor etiam diuitiarum & timor amittendi locum & gentē, Iudæos impediuit ne in Christum crederent. Amor diuitiarū oculus est avarorum, & amor diuitiarum est oculus voluptuosorum. Zach. 5. dicitur de impietate: *Hic est oculus eorum in vniuersa terra*. Prou. 21. *Lucerna impiorum peccatū*. Ideo auaro videtur aliquid licitum quod aliis non videtur: quia auaritia est lucerna ei: secundum eam enim iudicat. Et luxurioso videtur illa quā nimis amat pulchra, cū sit deformis quia amor facit eū errare in iudicio illo. Odiū etiam intellectū multorum à fide auertit. Multi Valdēs odiētes prælationē clericorū dicūt Deo obediēdū esse, & nō homini. Aliqui etiā ex eis dicūt solis prælatis bonis esse ebediēdū Dicunt etiā ordinē nō esse necessariū ad hoc quod aliquis liget vel soluat. Et quod nō sit necesse vt aliquis confiteatur peccata sua sa-

8.

cerdoti. Et quod relaxationes quas Episcopi consueverunt facere non valent. Nec suffragia Ecclesie profint mortuis. Item timentes errores suos per iuramenta propalari: dicunt in nullo casu esse iurandum. Item timentes se occidi: dicunt in nullo casu esse hominem occidendum. Sic transierunt hæretici in affectum cordis.

## CAPUT XXIX.

## De diuersitatibus fidei, quæ enumerantur.

**V**ltimo in tractatu de Fide descendendum est ad diuersitates fidei, & specialiter ad has diuersitates descendemus quæ sunt fides viua & fides mortua: fides ficta & fides non ficta siue probata: fides magna & fides modica: fides explicita, & fides implicita.

## De fide viua &amp; fide mortua.

Quæ fides viua quæ mortua.

Differetia fidei viuæ & mortuæ.

**F**ides viua est quæ potens est elicere debitas operationes, quæ scilicet per charitatem operatur, Galat. 5. Fides vero mortua est quæ impotens est ad debitas operationes. Iacob. 2. *Si fides non habet operam, mortua est in semetipsa.* Fides viua videtur differre à mortua: sicut flammæ lux in candela viua differt à lumine quod remanet post extinctionem candelæ, quod præ sui paruitate insufficiens est ad regendos gressus, & ad ostendendum laqueos vel fossas, & ad discernendum quid pulchrum, quid deformis. Item fides viua videtur se habere ad mortuam sicut lumen diei ad lumen noctis: vel sicut lumen radii viui solaris calorem habentis, ad lumen quod est in umbra tenebrosam & sine calore. Item fides viua non solum tenebras ignorantie expellit: sed etiam torporem excutit. Fides vero mortua, est sicut animal mortuum: nec se ad aliud potens mouere motu qui sit perfectus, vt est gressus: licet in cadauere tremor vel palpitatio quædoque remaneat. Item sicut carboni viuo musca timet insidere: sic tentator fugit

tum qui est fidei viuæ non habens fiduciam quod ei possit præualere. 1. Pet. ult. *Cui resistite fortes in fide.* Et Iacob 4. *Resistite diabolo, & fugiet à vobis.* Fides mortua minus potens videtur esse quam dubitatio. Si quis enim dubitet de aliquo cibo vel potu vtrum sit venenatus, sola dubitatio cohibebit eum ne cibum vel potum illum sumat. Fides autem mortua non cohibet homines à prohibitis delectationibus, quæ ad modum veneni mortem animæ inferunt. Item fides mortua, fides dæmonis esse videtur non hominis. Vnde super illud ad Titum. 1. *Confitentur se nosse Deum, factis autem negant.* dicit glo. August. Nolite tanquam de fide securi esse. Adiungite fidei rectæ vitam rectam, vt Christum confiteamini verbis vera dicendo: & factis bene viuendo. Nam si confitemini verbis & non factis: fides talium proprie fides est dæmoniorum.

Item Augustinus: Cum dilectione fides Christiani, sine dilectione fides dæmonis: imo fides Christianorum qui Deum non timent, inferior videtur esse fide dæmonum. Illi enim Deum timent. Iacob. 2. *Tu credis quod vnus est Deus, bene facis, & dæmones credunt, & contremiscunt.* Augustinus. Vtinam quomodo dæmones iudicet: sic homines agnoscerent Saluatorem. Ecce dæmones viderunt, & tremuerunt: homines viderunt, & occiderunt. Fides mortua facit ad augmentum culpæ & pœnæ. Ad augmentum culpæ: quia cum sit cognitio, aggrauat culpam: sicut ignorantia attenuat. Augmentata autem culpa augmentatur & pœna. Bernard. Ad cumulum damnationis videtur nobis relicta fides futuræ promissionis. Fides mortua in malo Christiano videtur se habere sicut obligatio religionis in apostata monacho, qui deterioris conditionis videtur esse quam si nunquam fuisset monachus. Et sicut natura bona in angelo malo. Honorabile est valde esse angelum bonum, ignominiosissimum vero est angelum esse malum. Sic valde ignominiosum est esse malum



Christianum : licet sit valde honorabile esse Christianum bonum. Fides mortua ficus est maledicta fructus non habens, Matth. 21. Fides vera viua arbor est florens per firmum propositū seruiendi Deo : & folia debita habens, scilicet sermonem qui sit ad ædificationem fidei, & det gratiam audientibus loquendo : & fructum debitum bonorum operum proferens 2. Corinth. 13. *Si estis ex fide, ipsi vos probate per opera.* Fides mortua est velut cadauer exanime Deo oblatum, Iacob. 2. *Sicut corpus sine spiritu mortuum est : ita & fides sine operibus mortua est.* Bernard super Cant. Quid fides quæ non operatur ex dilectione : nisi cadauer exanime ? Bene honoras Deum munere scædo : bene placas Deum tuæ fidei interfector. Fides mortua signum est prodicionis. In iudicio enim fides illa ostēdet eum in quo fuit fuisse Christianum. Ex alia parte opera mala ostendent eum fuisse Christi inimicum. Fides illa ostendet quod fidelitatem Christo debuit : opera vero mala quod fidem ei non exhibuit, & per consequens proditor fuit. Christianus malus habens fidem mortuā, secum habet literas suæ damnationis. Per fidem enim scriptum est in corde eius, quod qui talia peccata agunt : regnum Dei non possidebunt. In libro vero conscientie suæ inuenietur scriptum scriptura facta propria manu quod ipse talia fecerit. Quædam enim notæ ex malis operibus relinquuntur in corde hominis. Vnde Gloss. Origen. super illud Roman. 3. *Cogitationum accusantium aut deesidentium.* Sciendum, inquit, quod in illa die cogitationes accusabunt animas vel defendent. Nō utique cogitationes quæ tunc erunt : sed istæ quæ nunc sunt in nobis, quarum notæ quædam & signacula relinquentur in corde nostro velut in cera, quæ in occulto cordis posita in illa die reuelari dicuntur.

## De Fide ficta, &amp; non ficta.

**F**ides ficta est fides fragilis : scilicet fides eorum qui ad tempus credunt, &

in tempore tentationis recedunt. Matth. 13. De fide non ficta legitur 1. Tim. 1. *Finis præcepti, est charitas de corde puro, & conscientia bona, & fide non ficta.*

## De Fide magna, &amp; Fide modica.

**S**equitur de magnitudine & paucitate fidei. Ad magnitudinem vero fidei quinque videntur pertinere. Primo, ut homo de Deo magna sentiat, ut Centurio. Matth. 8. qui credebatur Christum solo verbo posse sanare seruum suum, & se indignum esse ut Christus intraret sub tectum ipsius. Vnde dictum est de eo à Domino : *Non inueni tantam fidem in Israel.* Secundo, ut homo bona transitoria intuitu bonorum æternorum contemnat. Heb. 11. Fide Moyses grandis factus negavit se esse filiū filiarum Pharaonis : magis eligēs affligi cum populo Dei, quam temporalis peccati habere iocunditatem : maiores diuitias æstimans thesauro Aegyptiorum improprium Christi : aspiciebat enim in remunerationem. Tertio, ut homo in aduersis de Deo confidat. Matth. 14. *Modice fidei, quare dubitasti ?* Eiusdem. 16. *Quid cogitatis inter vos modice fidei ?* Quarto, ut homo ad longam credentiam bona sua Deo tradat. Magni enim principes longam credentiam requirunt. Esa. 25. *Qui crediderit, non festinet.* Et Prou. 20. *Hæreditas ad quam festinatur in principio, in nouissimo benedictione carebit.* Et Eccles. 20. *Hodie sceneratur quis & cras expetit & odibilis est homo huiusmodi.* Quinto, in hoc ut cum homo aliquid petit à Deo, & non statim accipit : non propter hoc à proposito desinat. Matth. 15. Dictum est mulieri orationi instanti : *O mulier, magna est fides tua : fiat tibi sicut vis.* Ad impetrandum multum valet fidei magnitudo. August. super Ioann. Quantumuis vas fidei attulerit quis ad fontem, tantum implet. Et Bernard. super Cant. Magna siquidem fides magna meretur.

Quæ fides magna & quæ requiritur.

1.

2.

3.

4.

5.

Fides mortua Christiani literæ suæ damnationis.

Quæ fides ficta.

## De Fide explicita, &amp; Fide implicita.

**C**onsequenter dicendum est de illa diuersitate fidei, quæ est fides explicita. De qua breuiter notandum, quod prælati debent habere fidem explicitam de omnibus credendis. Ad eos enim pertinet illud. 1. Pet. 3. *Parati semper ad satisfactionem omnipotentis vos rationem de ea qua in vobis est fide & spe.* Simples vero debent habere fidem explicitam de aliquibus articulis, de omnibus implicitam: ut scilicet credant verum esse omne quod credit Ecclesia, ita quod in nullo ei contradicant in particulari.

## CAPVT XXX.

## De quibusdam qui faciunt fidem commendabilem.

Sex fide  
nostram  
commē-  
dant.

1.

**I**n summa notandum est, quod sex sunt quæ faciunt ad hoc quod fides sit commendabilis. Primum est, simplicitas. In his enim quæ fidei sunt, qui ambulat simpliciter, ambulat confidenter. Prouer. 10. Ambrosius: Auferantur argumenta ubi fides quæritur: non enim recipienda sunt argumenta fidei contraria. In his quæ fidei sunt peccatoribus creditur, non dialecticis: iuxta verbum eiusdem Ambrosii. Bernard, in lib. de Consideratione: Intellectus, inquit, si signata fidei tentet irrumpere; reputatur effractor, scrutator maiestatis. Ad fidei simplicitatem monemur. Exod. 20. *Si altare lapideum feceris mihi: non edificabis illud de sectis lapidibus, si enim leuaueris cultum tuum super eo, polluetur.* Acumen ingenij quod per cultum intelligitur, super altare fidei leuandum non est, ut ingenium nostrum in his quæ fidei sunt, auctoritati sacræ Scripturæ præferamus. Secun-

2.

dum est viuacitas. Tertium magnitudo: de quibus dictum est prius. Quartum, est feruor. Matth. 17. *Si habueritis fidem sicut granum sinapis, dicetis monti huic: Transi hinc, & nihil impossibile erit vobis.* Gloss. Fidem perfectam grano sinapis comparat quæ sit in facie humilis, & in pectore feruens, vilis videntibus: nec vllarum virium apparens, sed pressuris trita quod intus habet ostendit. Quintum est integritas, ut omnes articuli credantur explicite vel implicite, de quibus habitum est prius. Sextum est stabilitas quod non facile relinquat fidem suam. Tob. 2. *Vitam illam expectamus, quam Deus daturus est his qui fidem suam nunquam mutant ab illo.* Vnde valde reprehensibiles sunt illi qui videntes aliquem hæreticum vel magnæ abstinentiæ, vel libenter dantem eleemosynas, credunt propter hoc eum esse sanæ fidei, & dimittunt fidem suam in qua tamdiu vixerunt, & quam parentes eorum tenuerunt pro fide illius, non acquiescentes consilio Salomonis. Prouerb. 1. *Audi, (inquit) fili mi disciplinam patris tui: & ne dimittas legem matris tue.* Qui isto modo decipiuntur, non attendunt quod nihil prohibet eum qui habet manum sanam & os sanum, habere oculum infirmum. Sic nihil prohibet illum qui abstinens est, & qui libenter dat eleemosynas, habere oculum fidei corruptum. Sicut qui iam est in possessione rei, non de facili dimittit eam sibi auferri: sic non debet homo de facili relinquere fidem in qua nutritus est. In tali casu qui cito credit, levis est corde. Ecclesiast. 19. Non debet homo moueri si aliquos hæreticos videat vel abstinentes, vel misericordes: cum multo plures inueniantur tales qui sunt fidei catholicæ: vel si aliqui qui sunt fidei catholicæ inueniantur mali. Multi enim magnæ malitiæ sunt inter hæreticos: sed occultant eam qualiter possunt: nec mirum, cum etiam seipsum occultent.

3.

4.

5.

6.

SECUNDÆ PARTIS PRINCIPALIS  
de tribus virtutibus Theologicis,  
TRACTATUS DE SPE.

## CAPVT PRIMVM,

De ordine dicendorum in isto tractatu. Et de descriptionibus Spei.



OST tractatum Fidei, agendum est de Spe, hoc modo. Primo, descriptiones Spei ponentur. Secundo, commendationi eius infertur. Tertio, tangetur de his quibus spes adiuuatur. Quarto, de his quæ spei aduersantur. Quinto, de rebus sperandis. Sexto, ad diuersitates spei descendemus.

Defini-  
tio spei.

Spes sic describitur tertio libro Sententiarum, à Magistro: Spes, inquit, est certa expectatio futuræ beatitudinis, veniens ex Dei gratia, & ex meritis præcedentibus. Prima pars huius descriptionis haberi potest ex glossa Haymonis super illud Roman. 5. *Probatio vero spei*. Spes, inquit, est certa expectatio gloriæ futuræ. Et notandum quod spes quandoque sumitur pro re quam speramus: vt ad Titum 2. *Expectantes beatam spem*. Quandoq; vero pro certitudine gloriæ futuræ, vt Rom. 5. *Probatio vero spei*. Gloss. prima, certitudinem gloriæ futuræ. Quandoq; pro virtute: vt 1. Cor. 13. *Nunc manent fides, spes, charitas*. Quandoque pro motu virtutis, & ita describitur hic. Item notandum quod sicut duo sunt vbi est expectatio corporalis. Intendit enim animus ad aliquid absens vt fiat præsens: vnde expectans dicitur quasi extra rem positus spectans. Est etiam ibi permanentia in loco quantum ad corpus. Sic duo sunt vbi est expectatio spei. Est enim intentio animi ad futuram beatitudinem:

quam intentionem Augustin. in libro de Ciuitate Dei vocat aspectum, ostendens aspectum talem ad spem pertinere. Prius est, inquit, sanos oculos habere, quod fit per fidem: deinde aspicere, quod fit per spem. Item est ibi permanentia in loco spirituali qui Deus est. De qua permanentia legitur Ioann. 15. *Manet in me, & ego in vobis*. Et 1. Ioan. 4. *Qui manet in charitate, in Deo manet, & Deus in eo*. Qui à Deo per peccatum recedit: non habet expectationem quæ ad spem requiritur. Item notandum quod est certitudo cognitionis quæ opponitur dubitationi: & hæc pertinet ad fidem. Et est certitudo fiduciæ quæ opponitur titubationi, vel desperationi: & hæc pertinet ad spem. Et est certitudo securitatis, quæ opponitur timori separationis: & hæc erit in patria. Itē notandum, quod cum motus spei sit circa illa quæ supra nos sunt. Ad eliciendum motum spei valet consideratio liberalitatis Dei, qui seruientes sibi remunerat supra merita prout decet ipsum. Et hæc liberalitas Dei gratia vocatur in descriptione proposita, cum dicitur: veniens ex Dei gratia. Valet etiam ad eliciendum motum spei consideratio proprii meriti, quum Deus promiserit se redditurum præmium his qui sibi debito modo seruiant. Ipse vero verax est promissa solvens. Vnde spes quasi duabus basibus innititur Dei liberalitati: quæ sibi seruientes remunerat vt decet eā: & Dei iustitiæ, quæ sibi seruientibus. soluit quæ

promisit. Et ad hæc duo pertinent dux particularæ ultimæ descriptionis propositæ. Item notandum quod motum spei quandoque præcedunt merita in actu, vt in eo qui in charitate est, & bona opera facit quibus sperat se habiturum beatitudinem. Quandoque vero merita præcedunt motum spei: non in actu, sed in sola intentione: vt in illo qui est in peccato mortali, qui interim facit boni quidquid potest, vt Deus ille uult cor suum ad penitentiam, qui si ne præsumptione sperat habiturum beatitudinem. Cogitat enim se per gratiam Dei ad hoc habiturum merita, quibus beatitudo debeat. Describitur etiam spes ab August. in lib. de Ciuit. Dei, hoc modo: Spes, inquit, est qua quis ad id quod credit se peruenturum præsumit. Potest etiam sic describi: Spes est appetitus excellentis boni cum fiducia obtinendi.

## CAPVT II.

## De commendatione Spei.

**S**equitur de his quæ pertinent ad commendationem Spei. Notandum ergo quod ad spei commendationem, primo valere potest hoc quod Scriptura sacra totiens monet ad spem. Multiplicatio enim admonitionis ostendit utilitatem huius virtutis. Psal. *Speret in te qui non uerunt nomen tuum.* Item, *Spera in Domino, & fac bonitatem.* Item, *Spera in eo, & ipse faciet.* Item, *Sperat in eo omnis congregatio populi.* Item Matt. 14. *Habete fiduciam.* Et iterum Ioan. 17. *Confidite, ego uici mundum.* Nec solum scriptura, sed etiam natura uidetur ad spem monere. Naturaliter. n. qui debilis est & timet cadere, alicui rei adhæret & innititur: vt patet in puero qui cum eleuatur ad standum, & æstimat se casurum, statim adhæret alicui rei. Sic naturalis ratio dicit animæ agnoscanti debilitatem & insufficienciam suam, quod fortiori se adhærere debeat & inniti. Secundo hoc quod scriptura sacra totiens beatos asserit sperantes in Domino. Psal. *Beati omnes qui confidunt in*

*eo.* Item: *Beatus uir qui sperat in eo.* Item: *Beatus uir cuius est nomen Domini spes eius.* Prou. 16. *Qui sperat in Domino, beatus est.* Esa. 30. *Beati omnes qui expectant eum.* Psal. 33. *re beati qui sperant in Domino, optata. n. eis succedunt.* Tercio hoc quod spes omnipotenti innititur. Isa. 50. *Quis ambulauit in tenebris, in tenebris inquam aduersitatis, & non est lumen ei?* Fulgur scilicet prosperitatis, speret in nomine Domini, & innitatur super Deum suum, quia spes omnipotenti innititur: ideo firma est, & non timet ruina. Dauid: *Qui confidunt in Domino, sicut mons Sion.* Spes est, quæ dicit, Dominus firmamentum meum. Spes proicit se in Deum: ipse uero non est ita crudelis vt se subtrahat, & sperantem in se cadere permittat, iuxta uerbum Aug. Quare Deus totiens nos ad innitendum sibi moneret, si supportare nos nollet? Non est illud Deus, vt se ad supportandum nos offerat, & nobis innitentibus ei, in ruina nostram se subtrahat. Rom. 5. *Spes autem non confundit.* Glossa Aug. Confunditur, qui quod sperabat non inuenit: sicut contingit illi qui sperat in homine. Hæc autem spes non confundit quæ est in Deo, qui nec falli, nec fallere potest. In Psal. *In te sperauerunt, & non sunt confusi.* Item: *Deus meus in te confido, non erubescam.* Item: *In te Domine speraui, non confundar in æternum.* Eccl. 2. *Nullus speraui in eo, & confusus est.* Vanitatis est non præstare fulcimentum innitenti: sed veritatis est non negare fulcimentum innitenti. Vnde cum Deus Veritas sit, innitenti sibi se non subtrahit. Quarto quod spes est uelut arbor sita in optimo loco: adhæret. n. diuinæ bonitati. Vnde abundanter sentit effectum eius. Thren. 3. *Bonus est Deus sperantibus in eum.* Spes est iuxta fontem diuinæ misericordiæ. Ideo misericordiæ diuinæ beneficia non cessant in fluere ei. Dauid: *Ego in misericordia tua speraui.* Item: *Sperantem in Domino misericordia circumdabit.* Item: *Fiat misericordia tua Domine super nos quemadmodum speramus in te.* Item: *Oculi Domini super ma-*

Spes ar-  
bor be-  
nedicta.

*tuentes enim, & in eis qui sperant super misericordiam eius. Et iterum: Ego sicut oliva fructifera speravi in misericordia Dei in æternum. Spes arbor benedicta est, fructus vberes habens, cū à misericordia Dei abundanter irrigetur Ier. 17. Benedictus vir qui confidit in Domino. Et subditur: Erit quasi lignum quod transplantatur super aquas, quod ad humorem mittit radicem suā, & non timebit cum venerit aestus. Pl. Erit tanquam lignum quod plantatum est, secus decursus aquarum. Quinto commendabilis est spes à multiplici suo effectu. Effectus vn<sup>o</sup> ipsius securitas, David: In Deo speravi, non timebo quid faciat mihi homo. Merito securus est sperans in Domino: protector enim est Dominus omnium sperantium in se. Da-*

Psal. 1.

Effectus  
spei.

Psal. 5.

Psal. 26.

*uid: Dominus protector vita mea, à quo trepidabo: Deus speranti in se pro muro est vndique. David: Deus in circuitu populi sui. Deus est ei turris fortissima. Prou. 18. Turris fortissima nomen Domini: ad ipsum confugiet iustus & exaltabitur. Nomen Domini filius Dei dicitur. Esa. 20. Ecce nomen Domini venit de longinquo. Ipse est sperantibus in se altissimum refugium. Ipse etiā est eis vrbs fortitudinis. Esa. 26. Vrbs fortitudinis nostræ Sion: saluator ponetur in ea murus & antemurale. Murus est virtus diuinitatis. Vtrumq; facit ad securitatem nostrā. Item spes meretur intelligentiam, & Dei auxilium. De primo, Sap. 3. Qui confidunt in illo, intelligent veritatem. Et Prou. 17. dicitur de expectate futura bona. Quocūq; se vertit, prudenter intelligit: agnoscit. n. etiam aduersa diligentibus Deum cooperari in bonum. De secundo, in Psal. In ipso sperauit cor meum, & adiutus sum.*

Psal. 17.

Psal. 21.

*Item spes liberat vel tribulationem amouendo: vt patet in Susanna, Dan. 3. quærens suspexit ad cælum. Erat enim cor eius fiduciam habens in Domino. Et in Psal. legitur: In te sperauerunt patres nostri, sperauerunt & liberaisti eas. Vel liberat patientiā dando: qui modus liberationis melior est. Gregorius. Melius liberat quam*

*patientiam dat. Spes patienter facit portare onus præsentis miseriz. Genesis 49. Vindictam requiem quod esset bona, & terram quod esset optima, & supposuit humerum suum ad portandum. 2. Machab. 7. Percuntes septem filios sub vnus diei tempore conspiciens, & bono animo ferebat propter spem quam in Deum habebat. Et Actor. 28. Propter spem Israel, catena hac circumdatus sum. Greg. in Moralib. Ille bene nouit in exteriorib. miseriis subsistere, qui scit de spe interna semper gaudere. Item spes saluat. In Psal. Qui saluos facis sperantes in te. Prouer. 29. Qui sperat in Domino, saluabitur. Rom. 9. Spe enim salui facti sumus. Item Spes columna est totum spirituale ædificium sustentans: qua deficiente, totum spirituale ædificium corruiat, & mēs in barathrum desperationis concidit. Hæc columna in Cain defecit quum Domino ait. Gen. 4. Maior est iniquitas mea, quam vt veniam merear. Item spes galea salutis est, caput interioris hominis, i. intentionem illam custodiens. 1. Thes. 5. Induite galeam spem salutis. Spes etiam ancora est animam seruans: ne à procellis tentationum à Deo abrumptur. Heb. 6. dicit Apostolus, loquens de spe: Quam sicut habemus animæ tutam & firmam. Gloss. Aug. Si videris te fluctuare in mari isto: noli abrumpi ab ancora antequam intres in portum. Fluctuat naui in ancoris, sed non lōge à terra proiicitur nec in æternum fluctuabit, etsi ad tempus fluctuat. Item spes hominem fortem efficit. Esa. 30. In silentio & in spe erit fortitudo vestra. Et eiusdem 40. Qui sperant in Domino, inuabunt fortitudinem. Fortitudinem inquam propriam, in fortitudinem diuinam. Fœlix commutatio ista quam facit qui sperat in Domino. Dum enim de viribus suis diffidit, & de adiutorio Dei confidit, quasi propria fortitudine se exuit, & Dei fortitudine se induit. Dei enim adiutorium paratum est ei prout de ipso confidit. Bernard. super Cant. Nihil omnipotentiam verbi clariorem reddit, quàm quod omnipoten-*

Psal. 16.

tes facit omnes qui in se sperant: denique omnia possibilia sunt credenti. Idem in sermonibus: Quatenus in bonis Domini fiducia pedem porrexeris, eatenus possidebis. Item spes baculus est valde necessarius peregrinantibus in via presentis vitæ. Qui huic baculo inniuitur, non corrui. In

*Psal. 33. Psal. Non derelinquent omnes qui sperant in eo. Item non fatigatur, vel debilitatur. Esa. 46. dicitur de sperantibus in Domino: Assument pennas, ut aquila current, & non laborabunt: ambulabunt & non deficiant.*

*Psal. 25. Psal. Sperans in Domino non infirmabor.* Item spes in possessionem regni cœlestis animam ante Christum quodammodo introducit. Vnde ad Heb. 6. dicit Apostolus: *Spem incendentem usque ad inferiora velaminis.* Et super illud Psalm.

*Psal. 36. Speram in Domino,* dicit Glo. Spes est introitus fidei. Et subditur in glo. per spem. n. initiatur ad videndum illud quod creditur. Spei fit promissio illa. Esa. 58. *Sustollam te super altitudinem terræ: & cibabo te hereditate patris tui.* Iacob. Conuersatio, spei in cœlis est, iuxta verbum Apostoli Philipp. 3. Ipsa nobis existentibus in hac vita mortali immortalitatem attingit. Sap. 3. *Si coram hominibus tormenta passi sunt, spes illorum immortalitate plena est.* Spes in æternitate animā erigit: & idcirco nulla mala quæ tolerat exterius sentit iuxta verbū Greg. in moralibus. Spes in presenti tempore quod est quædam vigilia solennitatis æternæ, non ieiunat: sed quasi iuge conuiuium celebrat cum securitatem habeat: ut prius ostensum est. *Secura enim mēs quasi iuge conuiuium.* Prou. 15. Spes de illis tribus quæ vidit Ezechiel scripta in l. 2. c. carmen ibi assumit lamentationis relinquens dono scientiæ & pietatis, & de dono timoris. Ipsa est cui Deus dedit in nocte carmina. Iob. 35. nocte inquam presentis aduersitatis. In Pl. *In die mandauit Dominus misericordiam suam, & nocte canticum eius.* Spes in hyeme presentis exilii habet quasi vernum tempus. Ipsa enim nos in aduersis ridere facit: iuxta verbum Aug. Ip-

*Psal. 41. Psal. In die mandauit Dominus misericordiam suam, & nocte canticum eius.* Spes in hyeme presentis exilii habet quasi vernum tempus. Ipsa enim nos in aduersis ridere facit: iuxta verbum Aug. Ip-

sa facit nos gaudere inter dolores: animus autem gaudens, ætatē floridam facit. Pro. 17. De gaudio eius legitur Ro. 12. *Spe gaudentes.* Et Matt. 5. *Gaudete & exultate: quia nomina vestra scripta sunt in cælis.* Prou. 10. Expectatio iustorum lætitia. Gaudium vero ipsius communiter dicitur gaudium spei, & nondum rei: & est ex certa expectatione gloriæ repromissæ. Aliud est gaudium quod est de presentia bonorum de quibus dignum est gaudere, Gaudium spei est sicut arra æterni præmii, & prædioratio futuræ suauitatis. Spei concessum est intrare in hortum voluptatis, & inde afferre odores ad condiendam amaritudinem presentis aduersitatis. Spes inter oppropria gloriatur. Rom. 5. *Gloriamur in spe gloriæ filiorum Dei.* Ipsa in deserto mundi deliciis affluit. Cant. vltimo. *Quæ est ista quæ ascendis de deserto deliciis affluens?* Ecclesiast. 2. *Qui timeris Dominum, sperate in illum, & in oblectationem veniet vobis misericordia.* Ipsa damna temporalium rerum non reputat. Ad Hebræos 10. *Rapinam bonorum vestrorum cum gaudio suscepistis cognoscetes vos habere meliorem & manentem substantiam.* Ipsa est quæ dicit illud Psal. *Quid mihi est in cælo: & à te quid volui super terram?* Ipsa est in labore requies, in æstu tribulationum, temperies, in fletu, solatium. De eius solatio legitur ad Heb. 6. *Ut fortissimum solatium habeamus, qui confugimus ad tenendam propositam spem.* David: *Hæc me consolata est in humilitate mea.* Et notandum quod non est omnino idem gaudium & solatium. Qui enim consolatur; non ex toto à tristitia est immunis: sed quasi mixtura in se patitur, dum mala nunc cor eius pungunt, nunc bona vngunt. Prou. 27. *Ungueto & variis odoribus delectatur cor: & bonis amici consiliis dulcoratur.* Consolatio spei est doloris aut timoris, aut alterius affligentis affectionis repressio, vel mitigatio, spe diuini consilii vel auxilii, vel alterius beneficii. Spei est illud verbum. Hier. 31. *Quiescat vox tua àploratu,*

*Psal. 118. Distin-  
tio gau-  
dii & so-  
latii.*

*& oculis tuis à lacrymis; quia est merces operi suo.* Si merces modica laborem mercenarii tolerabilem reddit, quid facere debet seruis Dei merces æterna? Iac. 5. *Agricola expectat pretiosum fructum terræ patienter ferens.* Interl. Si ille pro fructu terræ quem sperat, tam patienter expectat: quanto magis nos pro cælesti? Spes est gemma gratissima. Prou. 17. *Gemma gratissima expectatio prestolantis.* Prestolans, id est de longe expectans, est qui bona æterna expectat. Expectatio vero eius quæ est spes: gemma grauissima est: & propter pretiositatem, & quia spes ad modum gemmæ perlucida est, & peruia visui interiori, vt per eam videantur cælestia bona. **Pl. 145.** *Spes elisos & prostratos erigit. Dauid: Dominus erigit elisos.* Prou. 25. *Qui sperat in Domino, subleuabitur.* Ipsa vires reparat. Sicut. n. aliquis timore succumbendi hostibus, viribus cordis destruitur, & dat se hostibus nihil rebellionis opponens. Et mulier videns sanguinem suum vel alienum, statim stupefacta dicit, totum perditum est, & totum mortuum est: sic ex spe victoriæ vires homo resumit. Prou. 24. *Si desperaueris in die angustia lapsus: imminuetur fortitudo tua.* Dan. 10. *In visione tua dissolutæ sunt compages meæ, & nihil remansit in me virium.* Ad Hebr. 2. *Confortate manus dissolutas, & genua debilia roborate.* Et Iolue 1. cap. dictum est. *Confortare & esto robustus.* Ecclesiast. 7. *Sapientia confortabit sapientem &c.* Item mola est sine qua non fit vera cordis contritio. Ipsa est mola interior, quæ cor eleuat & sustinet. Timor vero mola est superior: quæ cor cõterit, vt ipsum contritum & humiliatum Deus non despiciat. Spes ab inferioribus nos fulcit, ne sub pòdere tribulationum deficiamus. Timor vero à superiori nos comprimit: ne exsufflemur, aut rapiamur vento tentationis. Has duas molas contingit Dauid, dicens: *Ab alitudine dici timebo, ergo vero in te sperabo.*

Altera harum non valet sine reliqua. Gloss. Gre. super illud Deut 24. *Non accipias loco pignoris inferiorem & superiorem molam.* Superior & inferior mola spes & timor: Spes ad alta subuehit: timor autem cor inferius premit. Vna mola sine altera inutiliter habetur. In peccatoris ergo pectore semper Domini spes & formido coniungitur: quia in calum misericordiam sperat, si iustitiam non timeat: & in calum meruit qui non confidit. Loco ergo pignoris mola superior aut inferior non tollitur: quia qui prædicat peccatori, tanta dispensatione disponere prædicationem debet, non relicta spe timorem subtrahat: nec subtrahita spe timorem relinquat. Item spes hostes nostros confundit Iob 6. *Confusi sunt, quia speravi.* Sexto commendabilis est spes à periculo sui contrarii, s. desperationis. Reg. 2. *An ignoras, quod periculosa sit desperatio?* Desperatio periculum est à quo non quaeritur exitus. Prou. 8. *Impius quum in profundum vitiorum venerit, contemnit:* id est, ex toto se negligit. Sicut spes facit vt naufragus in mediis brachia iacet aquis sic desperatio facit vt homo in nullo se iuuat. Desperans dicit malum verbum, & pugnae totaliter cedit: vt pugil victus desperans infelix est. Sicut ille qui sperat in Domino beatus est. Eccles. 14. *Felix qui non habuit animi sui tristitiam, & non excidit à spe sua.* Desperans est velut arbor radicatus euulsa. Iob 19. *Quasi auulsæ arbori abstulit spem meam.* Desperatio abyssus est à qua vix vel nunquam est reditus. In Psalm. *Descendunt vsque ad abyssos.* Nul- **Pl. 160.** la plaga videtur esse magis desperabilis plaga desperationis. Ierem. 15. *Factus est dolor meus perpetuus, & plaga mea desperabilis.* Cum cetera peccata sint inflexiones cordis ad malum, peccatum desperationis fractura cordis. Iere. 30. *Insanabilis fractura tua, pessima plaga tua.*

Q. iij.

## CAPVT III.

*De quatuor speciebus considerationum quibus spes adiuuari potest, quarum prima est in Deum: secunda circa ea quæ pro Deo agimus: tertia circa beneficia Dei: quarta circa suffragia Sanctorum.*

**S**equitur de his quib. spes adiuuatur, & assimilabimus quatuor species meditationum quibus spes potest adiuuari. Prima species est directe in Deum. Secunda est circa quæ pro Deo agimus vel sustinemus. Tertia circa beneficia Dei generalia vel specialia: corporalia vel spiritualia. Quarta est circa suffragia Sanctorum.

*Quod ex septem considerationibus in Deum spes adiuuatur.*

## SPECIES. I.

**P**rimam possumus subdiuidere in septem species. Quarum prima est in Deum, in quantum creator est. Naturaliter amat artifex opus suum, adeo ut vix possit audire quod ei detrahatur. Vnde verisimile est quod creator amet opera sua, & specialiter hominem, quem ad imaginem & similitudinem suam creauit. Gene. 1. Sap. 11. *Diligis omnia quæ sunt, & nihil odisti eorum quæ fecisti, nec enim odians aliquid continuisti aut fecisti.* Sperare ergo debet homo de eo qui dedit ei ut sit, quod paratus sit dare ei ut bene sit. Secunda est in Deum, in quantum Dominus est. Naturaliter amant homines ea quæ sunt, & conseruant ea: & si ea perdidit, gaudent cum ea recuperant. Vnde verisimile est quod Deus velit conseruare illos qui boni sunt: & peccatores quos perdidit, velit recuperare. Ad quod pertinet parabola de recuperatione onis perditæ & dachmæ perditæ. Luc. 15. ubi dicitur: *Ita dico vobis, gaudium erit in cælo super uno peccatore penitentiam agente, quam super*

*nonaginta nouem iustis qui non indigent penitentia. Et Sap. 11. dicitur Parciss omnibus, quoniam tua sunt. Et Ezech. 18. Ecce omnes animæ meæ sunt. Et quibusdam interpositis subditur: Nunquid voluntatis meæ est, dicit Dominus, mors impij, & non ut conuertatur à viis suis & uiuat? Inter homines eandem fidem quam debet seruus domino, debet & dominus seruo. Sicut infidelis est seruus si non subueniat domino cum subuenire debet: sic infidelis est dominus si non subueniat seruo, cum inimici domini impugnant eum, & non sufficit eis resistere. Ideo certissime sperare debet qui ab hoste inuisibilis impugnatur si tentatio supra vires eius est, quod Deus ei in succursum veniat, nisi per culpam eius hoc steterit: vel quia ipse mittendo ei nuntium orationis fuerit, vel infideliter ultro se reddiderit negligetem. 1. Corinth. 10. *Fidelis est Deus qui non patietur temptari supra id quod potestis: sed faciet etiam cum temptatione prouentum, ut possitis sustinere.* Legitur de beato Martino quod quum inter Alpes incidisset in latrones, & vnus latronum eum ferire vellet, alius ictum ferientis continuit. Et cum postea latrones quærent ab eo an timuisset, dixit se nunquam magis securum fuisse: quia sciebat misericordem Deum maxime in temptationibus affuturum. Bern. cum sentio te iratum, tunc spero te propitium: quia cum iratus fueris, misericordiam recordaberis. Tertia consideratio est consideratio bonitatis diuinæ: cui cum summa sit, summe placet bonitas, summe displicet malitia. Vnde verisimile est quod parata sit iuuare eos qui volunt malitiam deferere, & bonitati adhærere. Sapien. 14. *Odi sunt Deo impius & impietas eius.* Et Eccle. 12. *Altissimus odio habet peccatores.* Prou. 12. *Qui bonus est, hauriet sibi gratiam à Domino.* Quarta est consideratio misericordiam diuinam, Deus enim cum sit summe misericors, non minus vult misericors à miseria liberare quam ipsi liberari. August. loquens de illo ver-*



Pfal. 12.  
Pfal. 88.

bo, *Petite & accipietis*. Non tantum, inquit, hortatur vt peteremus, nisi dare vellet. Erubescit humana pigritia, plus vult ille dare, quam nos accipere: plus vult ille misereri, quam nos à miseria liberari. Misericordia Dei quandoque peccatori offert etiam quod peccator petere non audeat: vt ostendit Aug. in latrone qui Domino ait: *Memento mei quum veneris in regnum tuum*. Luc. 23. Considerabat, inquit, facinora sua: & pro magno habebat: si vel ei in fine parceretur: Deus autem continuo inquit: *Hodie mecum eris in paradiso*: misericordia obtulit quod miseria distulit. Aug. in l. Conf. Domine vna est spes, vna fiducia, vna firma promissio misericordia tua. Dauid: *Domine in misericordia tua speraui*. Item, *Melior est misericordia tua super vitas*. Bern. super cant. Meum meritum, misratio Domini: non plane sum meriti inops quamdiu ille miserator affuerit. Tres alias species considerationis in Deum, innuit Bern. in sermone illo: *Misericordias Domini in aeternum cantabo*. Tria, inquit, considero in quibus tota spes mea consistit: charitatem adoptionis, veritatem promissionis, potestatem redditionis. Item: Scio cui credidi, & certus sum quia in charitate nimia adoptauit me: quia verax est in promissione, quia potens in exhibitione. Hic est funiculus triplex qui difficilè cumpitur, quem nobis à patria nostra in hūc carcerem demissum firmiter obsecro teneamus, vt ipse nos subleuet, ipse trahat & pertrahat vsque ad conspectum gloriæ magni Dei. De charitate adoptionis legitur. 1. Ioan. 3. *Videte qualem charitatem dedit nobis Deus pater, vt filii Dei nominemur & simus*. Multum debent moueri homines ad hoc quod de Deo sperent, hoc, quod Deus pater eorum est. Ber. loquens de Dominica oratione: Mihi, inquit, dictatur oratio, cuius principium dulce nomine paterno sequentium petitionum obtinendarum præstat fiduciam. Et gl. Matth. 6. super hoc nomen Pater: in hoc, inquit, datur fidu-

cia: quid negabit filiis, qui iam dedit quod pater est? Et Luc. 11. *Si vos cum sitis mali, nobis bona datur dare filiis vestris &c. quanto magis pater vester cælestis dabit spiritum bonum petentibus se?* Ad hanc considerationem pertinet parabola de filio prodigo. Luc. 15. vbi filius ad patrem rediens, cum osculo & amplexu recipitur, solenne conuiuium celebratur, symphonia cum choro auditur: & subdit pater misericordiarum: *Epulari & gaudere oportebat, quia frater tuus mortuus fuerat, & reuixit: perierat, & inuentus est*. Ad eandem considerationem pertinet illud Matth. 6. *Nolite solliciti esse, dicentes quid manducabimus, aut quid bibemus, aut quo operiemur: scit enim Pater vester quia his omnibus indigetis*. Quum natura doceat animalia bruta vt provideant fœtibus suis, & naturalis ratio dicat hominibus, vt provideant filiis suis, verisimile est quod pater cælestis non desit filiis suis consilio eius & auxilio indigentibus. Promissiones etiam Dei qui mentiri non potest, quæ in scriptura continentur, multum possunt iuuare spem. Dauid: *Memor esto verbi tui seruo tuo, in quo mihi spem dedisti*. Rom. 15. *Vt per patientiam & consolationem scripturarum spem habeamus*. Item potestas Dei considerata multum potest spem iuuare: cui æque facile est liberare à magnis periculis vt à paruis, & saluare in paucis sicut in multis, & solo verbo potest implere promissiones suas. Ecclesiast. 8. *Sermo illius potestate plenus est*.

*Quod ex consideratione bonorum quæ pro Deo facimus, & malorum quæ pro Deo sustinemus, spes adiunatur.*

## SPECIES II.

**S**equitur de illa specie considerationis quæ est circa ea quæ pro Deo agimus vel sustinemus Bona opera quæ fecimus considerata spem iuuant. Vnde in Psalm.

*Psalm. 4. Sacrificate sacrificium iustitiæ & sperate in Domino. Sic potest homo sperare in Domino, si sacrificium iustitiæ prius obtulerit. Tit. 2. Sobrie, & iuste, & pie vivamus in hoc seculo, expectantes beatam spem. Greg. in Moralibus: Cum opus crescit præmij fiducia proficit. Securus est de re qui bonum pignus apud se habet. Sic securi sunt de regno futuro qui habent pignus, spem sc. 2. Corinth. 1. Qui dedit pignus spiritus in cordibus nostris. Ad Ephes. 1. Qui est pignus hereditatis nostræ. Item, securus est qui habet bona opera quasi quædam pignora. Greg. in Moral. Sancti viri quod labores nunc veritati commendantes exhibent, tot iam remunerationis suæ pignora intra spei cubiculum clausa tenent. Securus potest esse de regno futuro cui iam in præsentem datum est super seipsum regnare. Bernard. Non est via ad regnum sine primitiis regni: nec sperare potest cæleste regnum cui non super propria membra regnare adhuc donatur. Mala etiam quæ pro Deo sustinemus considerato, spem adiuvant. Rom. 5. Tribulatio patientiam operatur: patientia probationem: probatio autem spem. Greg. in Moral. Bonorum mens quo duriora pro veritate tolerat, eo maiora æternitatis præmia sperat. Idem Tanto spes in Deum solidior surgit: quanto pro illo quisque grauiora pertulerit. Sen. Vires animi nunquam certam sui fiduciam dare possunt, nisi cum multæ difficultates hinc & illinc apparuerint, & aliquando propius accesserint. Ille qui fudit sanguinem suum, cuius dentes crepuerunt sub pugno cum magna spe descendit ad pugnam: multum adiciat sibi virtus lacerata. Certus est de requie, venalis est qui pretium habet apud se. Sic certus est de regno futuro qui multas tribulationes pro Christo sustinuit, quibus regnum cælorum emitur. Act. 14. Per multas tribulationes oportet nos intrare in regnum cælorum. Matth. 5. Beati qui persecutionem patiuntur propter iustitiam: quoniam ipsorum est regnum cælorum. Et notandum quod cum bona quæ pro Deo*

*agimus, vel mala quæ sustinemus, consideramus, ea Dei gratiæ attribuire debemus exemplo Pauli dicentis 1. Corinth. 15. Abundantius illis omnibus laboravi: non ego autem, sed gratia Dei mecum.*

*Quod ex consideratione beneficiorum Dei spes adiunatur.*

### SPECIES III.

**S**equitur de illa specie considerationis quæ est circa beneficia. Quam possumus subdistinguere in quatuor species. Prima est circa Dei beneficia generalia & spiritualia: ut est redemptio mundi, & alia beneficia quæ ad salutem humani generis pertinent. Ad hanc considerationem pertinet illud Rom. 8. *Qui proprio Filio suo non pepercis: sed pro nobis omnibus donavit illum: quomodo non cum illo omnia nobis donavit?* Et ad Tit. 2. *Qui dedit semetipsum pro nobis, ut nos redimeret ab omni iniquitate. Iob. Domine quid est homo quia innovasti ei, aut filius hominis quia reputas eum?* Bern. Mittis Unigenitum tuum, immitis Spiritum tuum, promittis etiam vultum tuum: Et ne quid vacet in cælestibus, ab opere sollicitudinis nostræ etiam illos beatos spiritus propter nos mittis in ministerium. Item Bern. super illud Cânt. 2. *Colūba mea in foraminibus petra.* Clavus penetrans, clavus referans factus est mihi, ut videam voluptatem Domini: quod. n. videam per foramen, clamat clavus, clamat vulnus. Idem: Patet arcanum cordis per foramina corporis. Idem: Patet illud magnum pietatis sacramentum: patent viscera misericordiæ, in quib. visitavit nos oriens ex alto. Idem: in quo clarius quam vulneribus tuis eluxisset: quod tu Domine suavis & mitis & misericors: maiorem enim miserationem nemo habet, quam ut animam suam ponat quis pro additis & damnatis. Secunda consideratio est circa beneficia spiritualia particularia: ad quod pertinet illud Bernard. super Cant. *Omnino,*

*Spes adiunatur consideratione beneficiorum multiplicium.*

Omnino, inquit, propter mansuetudinem quæ in te prædicatur, currimus post te Domine Iesu, audientes quod non spernas pauperem, peccatorem non horreas: non horruisti consistentem latronem, non lacrymantem peccatricem, non Chananzam supplicantem, non deprehensam in adulterio, non sedentem in teloneo, non supplicantem publicanum, non negantem discipulum, non persecutorem Discipulorum, non ipsos crucifixores tuos: in odore horum vnguentorum currimus. Tertia consideratio est circa beneficia corporalia generalia: vt est creatio mundi, gubernatio, sustentatio. Ad hanc considerationem pertinet illud Matth. 6. *Respiciite volatilia cæli quæ non serunt, neque metunt, neque congregant in horrea, & pater vester cælestis pascit ea: nonne vos magis pluris estis illis?* Et post: *De vestimento quid solliciti estis? considerate lilia agri & cætera.* Quarta consideratio est circa beneficia corporalia & spiritualia, de quibus in scriptura legitur: vt est conseruatio trium puerorum in fornace. Dan. 3. Et liberatio Susannæ. Eiusdem 13.

*Quod ex consideratione meritorum & suffragiorum sanctorum spes adiunatur.*

#### SPECIES IV.

*Quæ subdiuiditur in alias quatuor species considerationum.*

SEquitur de illa specie considerationis quæ est circa merita Sanctorum vel suffragia, quam in quatuor species subdiuidere possumus. Prima est circa mediatorem Dei & hominum Iesum Christum. Secunda, circa mediatricem, scilicet beatam Virginem. Tertia circa Angelos. Quarta, circa Sanctos.

*Quod ex consideratione meritorum & suffragiorum Christi spes adiunatur.*

#### SPECIES I.

PRima multum spem roborat, ad quam pertinent auctoritates Sacræ scripturæ. Bern. super Cantic. Puto iam, spernere me non poterit Christus os de ossibus meis: & caro de carne mea. August. in libr. de Ciuit. Dei: Gratia inquit, Dei non potuit gratius commendari, quā vt ipse vnicus Dei filius in se incommutabiliter manens, induerit hominem, & spem dilectionis ~~hæ~~ daret hominibus homine medio: quia ad illū ab hominibus veniretur, qui tam longe erat iustus ab impiis, beatus à miseris. Gregor. Præbet apud Deum homini fiduciam Deus homo: est nobis spes magna pœnitentibus quia aduocatus noster factus est iudex noster. 1. Ioan. 2. *Si quis peccauerit, aduocatum habemus apud Patrem Iesum Christum iustum, & ipse est propitiatio pro peccatis nostris.* Rom. 8. *Qui est ad dexteram Dei: qui etiam interpellat pro nobis.* Ipse secundum quod homo, postulat: secundum quod Deus, dat. Dauid: *Accepisti dona in hominibus.* Christus dicitur accipere dona in hominibus: quia merito eius dantur Ecclesiæ dona charismatum. Vnde Ecclesia in fine orationum petit orationem suam exaudiri per Dominum suum Iesum Christum. Et ad Hebr. 7. dicitur de ipso quod in perpetuum saluare potest, accedens per semetipsum ad Deū semper viuens ad interpellandum pro nobis. Eiusdem 9. *Iesus introiit in ipsum cælum vt appareret quidam Dei pro nobis.* In Psal. *Respice in faciem Christi tui.* Respiiciens Deus pater quam charè Ecclesia constitit filio, suæ parit Ecclesiæ. Item in Psal. *Scitote quoniam misificauit Dominus sanctum suum.* Dominus exaudiet me cum clamauero ad eum. Et super illud Psal. *Saluum fac populum tuum Domine, dicit gl.* Ecce quanta spes credentium, cum pro eis orat, passus pro eis, & iudex est, & aduocatus.

*Quod ex consideratione meritorum &  
suffragiorum beatae Virginis  
spes adiunatur.*

## SPECIES II.

**C**onsideratio etiam mediatricis nostrae multam fiduciam potest nobis dare: ipsa. n. est dulcedo, & spes nostra, vt cantat Ecclesia. Ipsa est mater sanctae spei. In ipsa est gratia omnis viae & veritatis, & omnis spes vitae & virtutis. Ecclesiast. 24. Ad hanc considerationem & ad praecedentem pertinet illud Bern. Securus habes accessum, ô homo! ad Deum vbi habes filium ante patrem, & ante filium matrem: filius ostendit Patri cicerices & vulnera: mater ostendit filio pectus & vbera: nec vlla potest esse repulsa vbi tot charitatis occurrunt insignia. Beata virgo gratiae thronus est, in quo sc. fons gratiae quieuit. Hebr. 4. *Ad eam cum fiducia ad thronum gratiae eius ut misericordiam consequamur*: Ierem. 14. *Solum gloriae tuae recordare, & ne irritum facias sedus tuum nobiscum*. Solum gloriae est beata Virgo. Ipsa enim thronus eburneus est. De quo 4. Reg. 10. & 2. Paralip. 9. Ipsa est stella maris Luc. 1. *Et nomen virginis Maria*, quod interpretatur stella maris. Ipsa naufragantes in mari huius mundi, cum aliud consilium aut auxilium deficit, ad portum salutis dirigit. Sicut est quaedam stella quae nos naufragantes in mari visibiles cum tempus obscurum est, ad portum dirigit. Bern. super illud Euangel. *Missus est angelus Gabriel*. Si consurgunt, inquit, venti tentationum, si incurris scopulos tribulationum, respice stellam, voca Mariam. Et paulo post: In periculis, in angustiis, in rebus dubiis, Mariam cogita, Mariam inuoca, non recedat à corde, non recedat ab ore: & vt impetres eius auxilium, non deferas conuersationis exemplum. Ipsam sequens non deuias, ipsam rogans non desperas, ipsam

cogitans non erras: ipsa tenente non corruis, ipsa protegente non metuis, ipsa duce non fatigaris, ipsa propitia peruenis, & sic in temetipso experiris quod merito dictum sit, *Et nomen virginis Maria*. Ipsa data est mundo quasi aqueductus, per quem gratiae à Deo descendant. Eccl. 24. *Sicut aqueductus exiit à paradiso*. Bern. loquens de ipsa: Vehementia, inquit, desiderij, feruore deuotionis, puritate orationis fontem attingit pietatis, vt hauriat super angelos quod refunderet hominibus. aquam viuam. Idem: Praeterea tanto tempore fluente gratiae defuerunt: quia nondum intercesserat aqueductus. Ipsa est collum, caput ecclesiae, scilicet. Christum, corpori eius coniungens. Qui ipsi per amorem non adhæret, non adhærebit capiti: sicut nec corpus adhæret capiti collo amoto. Cantic. 6. *Collum tuum sicut turris eburnea*. Collum est beata Virgo quantum ad mediationem. Turris vero est quantum ad defensionem. Ipsa enim est virga directionis, errantes, in via praesentis vitae salubriter dirigens. Item est virga in signum clementiae à vero Assuero mundo extenta. Esther. 4. Assuerus interpretatur beatitudo. Ipsa est etiam virga Moysi à Pharaone infernali & eius exercitu Israelitis liberans. Exod. 4. Et cordibus aridis & duris aquam deuotionis prouidens, Num. 20. Ipsa est virga de radice Iesse egressa, id est de incendio diuini amoris. Esai. 11. Iesse enim interpretatur incendium. Ex magnitudine diuini amoris fuit quod Deus mundo dedit beatam virginem, quae occasione peccatorum habet gratiam quam habet apud Deum. Nunquam enim fuisset mater. Dei nisi peccatores fuissent: quia non fuisset necesse, ideo parata est eam expendere in peccatores. Vnde secure possunt accedere peccatores ad eam tanquam ad suam quodammodo, quia sibi datam. August. in orat. ad B. Mariam. O Maria, inquit, multum audeo, multum gaudeo, multumque gaudium multam mihi facit.

audaciam: mira loquar, sed sic est. Nos enim tibi teque nobis mira vicissitudo confederat: vt sc. pro nobis habeas illud esse quod es: nos vero per te id esse quod sumus. Si enim nulla præcessit nostra transgressio, non esset secunda nostra redemptio. Et si necessarium non esset redimi, non esset necessarium te parere redemptorem. Vt quid enim nescium peccati pro peccatoribus pareres, si deesset qui peccasset? vt quid mater fieres Saluatoris, si nulla esset indigentia salutis? ipsa est virga quæ florem nouum protulit, & fructum sufficientem ad mundi redemptionem, & ad electorum æternam refectionem. Ipsa est quæ mœstis consolationis vinum prouidet. Ioannis 2. *Vinum*, ait ipsa filio suo, *non habent*. Ipsa est Dei cellaria de qua familia Dei merito gaudet. Cantico- rum primo: *Introduxit me rex in cellaria sua*. Et subditur in persona fidelium: *Exultabimus & letabimur in te*.

Ipsa est aurora furiis infernalibus tremebunda. Cant. 6. *Qua est ista qua progreditur sicut aurora consurgens?* Iob. 24. *Si subito apparuerit aurora, arbitratur umbrâ mortis*. Ipsa est pulchra vt luna. Cant. 6. Luminare enim noctis est, lucens eis qui sunt in nocte peccati. Ipsa est mediatrix luminis. Luna recipit lumen à sole, & dat mundo, cum mundus propter aliquod interpositum sibi & soli non potest illud recipere à sole: sic beata Virgo lumen gratiæ recipit, cum mundus non esset dignus illud recipere. Bern. Cum tu dignus non eras cui filius Dei daretur, datum est Mariæ: vt per eam acciperes quicquid haberes. Ipsa propinqua valde est peccatoribus, sicut luna inter planetas propinquior est terræ. Pulchritudo eius est vt pulchritudo lunæ: quia his qui sunt in nocte peccati pulchra apparet propter magnitudinem misericordiæ suæ; ad quam tales maxime habent oculos. Eccles. 24. *Sicut olina speciosa in campis*. Cantic. 4. *Pulchriora sunt vbera tua vino*. Bernardus in sermonibus; Nos quidem, in-

quit, in cæteris virtutibus congaudemus tibi: sed in misericordia tua potius nobis ipsis. Laudamus virginitatem, humilitatem miramur: sed misericordia miseris sapit dulcius. Hanc amplectimur charius; recordamur sæpius, crebrius inuocamus. Hæc est enim quæ totius mundi reparationem obtinuit, salutem omnium impetravit. Constat enim pro vniuerso genere humano fuisse sollicitam: cui dictum est. *Ne timeas Maria: inuenisti enim gratiam quam quærebas*. Quis ergo misericordiæ tuæ ô benedicta, longitudinem & latitudinem, sublimitatem & profundum queat inuestigare? Nam longitudo eius vsque in diem nouissimum innocantibus eam vniuersis subuenit: Latitudo replet orbem terrarum, vt tua misericordia quoque sit plena omnis terra. Sic & sublimitas eius ciuitatis supernæ inuenit reiterationem: Et profundum eius sedentibus in tenebris & umbra mortis obtinuit redemptionem. Per te enim cælum impletum est, infernus euacuatus est, instauratæ ruinæ cælestis Hierusalem, expectantibus miseris vita perdita data. Sic potentissima & piissima charitas, & affectu compatiendi & subueniendi abundat effectu æque locuples in vtroque. Ad hunc ergo fontem sitibunda properet anima nostra, ad hunc misericordiæ cumulum tota sollicitudine miseria nostra recurrat. Idem: Si leat misericordiam tuam virgo beata si quis est qui eam inuocatam in necessitatibus sibi meminerit defuisse. Misericordia eius non defuit etiam Theophilo. Exemplum Fuit Theophilus in quadam urbium Siciliæ tam prudenter & vtiliter res Ecclesiasticas dispensans, quod eum mortuo episcopo dignum episcopatu omnis populus acclamauit. At ille contentus vicedominatu alium maluit ordinari episcopum: à quo ab honore suo iniuste depositus, ad tantam impatientiam deuenit vt conducto quodam Mago Hebræo ad recuperandum honorem suum,

opem quæreret à principe dæmoniorum. A quo iussus est negare filium Dei, & matrem eius cum omni proposito Christiani: & ipsam abnegationem scribere, & sigillatam tradere, & sic eius seruitio se addixit. Qui in crastinum recuperato honore suo, non multum post ad se reuersus in Eccles. beatæ Mariæ omni penitentia se affligendo, primo piam sibi Dei matrem reconciliauit, eaque sibi apparente abrenunciando diabolo, Christumque verum filium Dei, & ex Maria virgine natum, & omne Christiani propositum profitens, per eam etiam Christi filij eius gratiam recuperauit. Et ad indicium indultæ sibi veniæ rursus ei dormienti apparens Christi mater, etiam scriptum abrenunciationis quod signatum diabolo dederat super pectus eius reposuit. Quod Theophilus recepto, in crastinum die Dominica coram Episcopo & omni Ecclesia pandens ordinem rei, omnes ad stuporem & laudem Dei & genetricis Christi Mariæ commouit, & in eodem loco quo sibi pia virgo apparuit, persistens, ibidem post triduum mortuus est & sepultus.

Item beata Virgo est electa vt sol. Cantor. 6. Sicut enim sol est luminare, par sibi non habens, toti mundo sufficiens: sic beata Virgo nec primam similem visa est, nec habere sequentem. Ipsa lucet fulgore miraculorum vbique terrarum: non sic alij sancti qui aliquot annis post transitum suum fulserunt miraculis: & hoc in specialibus locis. Suffragia vero beatæ Virginis vsque in diem iudicij non cessabunt. Eccles. 24. *Vsque ad futurum seculum non desinam.* Ipsa est terribilis hostibus infernalibus, *vt castrorum acies ordinata.* Cantic. 6. Ideo fideles in tentationibus suis frequenter debent eam inuocare. Non sic timent hostes visibiles quamlibet multitudinem copiosam, sicut aeræ potestates Mariæ vocabulum, patrocinium & exemplum. Fluunt & pereunt sicut cetera à facie ignis vbicunque inuenerint hu-

ius nominis crebram recordationem, deuotam inuocationem, sollicitam imitationem. Ipsa est mulier conterens caput serpentis infernalis. Genes. 3. Sed sunt qui videntur velle quod ipsa conterat caudam, qui non in principio tentationis eam inuocant. Ipsa est arca testamenti. Exod. 25. In hac arca posuit Deus thesaurum quem mundo contulit. Ad hanc arcam recurrit Ecclesia in necessitatibus suis. Ipsa est arca non solum plena, sed etiam superplena. Bernard. super illud. *Spiritus sanctus superueniet in te.* Cur in eam, inquit, iam plenam superuenturum asserit Spiritum sanctum, nisi vt adueniente spiritu, plena sibi ipso quoque superueniente nobis superplena & superfluens fieret? Ipsa præter coronam quam sibi meruit etiam peccatoribus ad eam recurrentibus propitiatio est. Vnde super coronam arcæ fuit propitiatorium. Ipsa est mulier gratiosa inueniens gloriam his pro quibus eam quærere voluerit. Prouerb. 11. Ipsa etiam est mulier bona: de qua Prouerb. 18. *Qui inuenit mulierem bonam, inuenit bonum: & habiet incunditatem à Domino.* Antequam ipsa esset magna, fuit penuria bonorum spiritualium in mundo. Eccles. 26. *Vbi non est mulier, ingemiscit æger.* Ipsa est mater non solum filij Dei naturalis: sed etiam omnium filiorum Dei per gratiam. Vnde quod Dominus dixit discipulo quem diligebat de ipsa, *Ecce mater tua.* Ioan. 10. intelligendum est de quolibet quem Christus diligit. Et Cantic. 8. mater vocatur. *Quis mihi det te fratrem meum,* sugentem vbera matris meæ, scilicet Mariæ? Ideo frequenter dicendum est ei illud quod cantat Ecclesia: Monstra te esse matrem. Indigebat mundus matre propter prauitatem pusillanimitatis & defectuum multipliciter. Ipsa adiutrix est pusillanimum. Vnde dicit ei Ecclesia, *Iuua pusillanimes. Nolite timere pusillus grex: quia complacuit matri vestra dari vobis regnum.* Ipsa est mater misericor-

diæ. Bernard. Quando misereri non poterit mater omnipotentia? quando misereri nollet mater misericordia? Idem: Reuolue totam seriem Euangelij: & si quid asperum, si quid durum inueneris in Maria, deinceps eam suspectam habebas, & ad eam accedere verearis. Ipsa est mater pulchræ dilectionis. Ecclesiast. 24. non amans filios suos fatuo amore; vt aliquæ matres faciunt. Omnes filios Dei qui sunt in mundo isto, quasi gestat in visceribus pietatis, exhibens eis vbera consolationis. Cant. 3. *Pulchra sunt mammae tue.* In eodem: *Pulchriora sunt ubera tua vino.* Sicut Christus est ortus regni cælorum. Ioann. 10. ita est fenestra ipsius. Vnde cantat Ecclesia, Intrent vt astra flebiles, cæli fenestra facta es. Ipsa figurata est per fenestram arcæ, quæ Hebræi dicunt fuisse crystallinā, per quam habuit transitum colūba quæ celsationem diluuij indicauit, & spem salutis attulit. Item ipsa est fons terram Ecclesiæ irrigans & fecundam reddens. Cant. 4. *Fons hortorum,* &c. Fōs in vallibus inuenitur: & beata Virgo humilibus est familiaris. Loca fonti vicina florida solent esse & viridia: sic familiares beatæ Virgini florent virtutibus, & virent bonis operibus. Eccl. 40. *Super omnem aquam viriditas.*

*Quod ex consideratione meritorum & suffragiorum angelorum spes adiunatur.*

### SPECIES III.

Sequitur de illa specie considerationis quæ est circa angelos, ad quam pertinent illa verba sacrae Scripturæ, quæ nobis indicant beneuolentiam vel beneficentiam angelorum, vt est illud Luc. 15. *Gaudium erit coram angelis Dei super uno peccatore penitentem agente.* Et illud Psalmi.

Psalm. 90. *Angelis suis Deus mandauit de te: vt custodiant te in omnibus viis tuis.* Bern. loquens de hoc verbo: Quantam, inquit, debet

tibi hoc verbum inferre reuerentiam, afferre deuotionem, conferre fiduciam? Reuerentiam pro præsentia, deuotionem pro beneuolentia, fiduciam pro custodia. Idem: Quid sub tantis custodibus timeamus nec superari nec seduci? Minus autem seducere possunt. Fideles sunt, prudentes sunt. Quid trepidamus? tantum sequamur eos, adhareamus eis, & in protectione Dei cõli cõmorabimur. Hier. Magna est dignitas animarum, vt vnaquæque habeat ab ortu natiuitatis in custodiam sui angelum delegatum. Bern. loquens de illo verbo Esa. 62. *Super muros tuos Hierusalem cõstitui custodes.* Benignus es, inquit, Domine qui non es contentus nostrorū fragilitate murorū: sed ipsis hominum custodibus angelicam custodiam supponis. Ad eandem considerationem pertinet illud Matth. 18. *Videte ne contemnatis vnum ex pusillis istis: angeli enim eorum semper vident faciem Patris mei qui in cælis est.* Item illud Heb. 11. *Nonne omnes administratores spiritus sūt in ministerium missi propter eos qui hereditatem capiunt salutis?* Et Exod. 24. *Ecce, ego mitto angelum meum qui præcedat te, & custodiat in via, & introducat ad locum quem paraui.* Et Tob. 5. *Angelus Domini comitetur vobiscum.* Eiusdem 12. *Quando orabas cum lacrymis,* ait Angelus Tobia, *ego obtuli orationem tuam Domino.* Et Luc. 16. *Factum est vt moreretur mendicus, & portaretur ab angelis in sinum Abraham.* Et Apocalyp. 12. *Michael & angeli eius præhabantur cum dracone.* Bern. super Cant. Bene tecum agitur o mater Ecclesia, bene tecum agitur in loco peregrinationis tuæ: de cælo & de terra venit auxilium tibi.

*Quod ex consideratione meritorum & suffragiorum aliorum sanctorum & sanctorum spes adiunatur.*

### SPECIES IV.

Sequitur de illa specie considerationis quæ est circa sanctos, ad quam pertinet

R. iij

illud Iob. 2. *Ad aliquem sanctorum con-*  
*uertere.* Et illud Psalm. *Leuauit oculos meos*  
*in montes : unde ueniet auxilium mihi.*  
 Montes spirituales, Sancti sunt. Et illud  
 Bernard. Tria sunt quæ in festiuitatibus  
 Sanctorum vigilanter considerare debe-  
 mus. Auxilium Sancti, exemplum eius,  
 confusionem nostram. Auxilium : qui po-  
 tens in terra, potentior est in cœlis. ante  
 faciem Domini Dei sui. Si hic dum adhuc  
 uiueret, misertus est peccatoribus, & ora-  
 uit pro eis : nunc tanto amplius quanto  
 verius cognoscit miseras nostras, orat pro  
 nobis patrem : quia beata illa patria chari-  
 tatem eius non immutauit, sed augmen-  
 tauit, & nunc induit potius sibi viscera  
 misericordiæ, quum ante fontem miseri-  
 diæ assistat. Bernard. super Cantic. Non  
 ambigo ego quin Apostoli & Apostolici  
 viri tanto in morte potentius sponsam  
 protegant & custodiant, quanto in ipso  
 amplius confortatus est principatus eo-  
 rum. Cum charitas Sanctorum in via mo-  
 dica sit respectu charitatis eorum in pa-  
 tria : secundum illud Esa. 31. *Dixit Domi-*  
*nus, cuius ignis est in Sion, & caminus eius*  
*in Ierusalem :* verisimile est quod sancti qui  
 in hoc mundo tantum amauerunt pecca-  
 tores quod pro salute eorum se morti ex-  
 posuerunt, multi sunt parati iuuare eo mo-  
 do in his quæ ad salutem eorum pertinent  
 nisi per culpam eorum steterit. Vnde mul-  
 tam deberemus habere fiduciam in eis, &  
 specialiter in illis quorum pietatis plura  
 argumenta habemus : sicut in illis qui in  
 hac vita mortali leguntur fuisse eminentis  
 pietatis : vt de B. Nicolao legitur, quod  
 erat valde compatiens, & super afflictos  
 pia gestans viscera. Et B. Martinus diui-  
 sit pallium pauperi, & in illis qui morte  
 imminente petierunt Deum propitium  
 fieri his qui memoriam eorum agerent. vt  
 B. Catharina quæ Christo ait : Fac mise-  
 ricordiam, meam agentibus memoriam.  
 Et in his de quorum tumba manat oleum  
 ad indicium pietatis eorum : vt de tumba  
 beati Nicolai, & de tumba beatæ Catharinæ.

## CAPVT IV.

*De his quæ aduersantur fidei, scilicet*  
*desperatione & confidentia in*  
*creaturam : & de causa*  
*desperationis.*

**S**pei vero videntur aduersari, diffiden-  
 tia de Deo siue desperatio, & confi-  
 dentia in creatura. Desperatio hominem  
 reddit maledictum, & protectione Dei  
 indignum. Eccl. 1. *Va dissolutis corde, qui*  
*non credunt Deo,* & ideo non protegentur  
 ab eo. Desperans est similis Cain : caput  
 cordis habet tremulum, vagus & profu-  
 gus est, à procella tentationis, à terra vi-  
 uentium proiectus, eo quod non habet  
 ancoram spei qua retineatur. Desperatio  
 est peccatum in Spiritum sanctum. Vnde  
 super illud Genes. 4. *Maiores iniquitas*  
*mea,* &c. dicit gloss. Desperatio est blas-  
 phemia in Spiritum sanctum, quæ non  
 remittitur neq; in hoc seculo, neq; in fu-  
 turo : quia aut putat Deum nolle dimit-  
 tere, aut non posse : tanquam aut omnia  
 non possit, aut inuideat saluti. De despe-  
 ratione require supra in cap. de Commē-  
 datione spei, in fine. Et in tractatu de Ace-  
 dia, 2. part. 15. Confidentia vero in crea-  
 tura triplex est. Prima est præsumptio siue  
 confidentia de se. Secunda, confidentia in  
 homine. Tertia, confidentia in re inferio-  
 ri homine : vt in diuitiis. De prima dici-  
 tur Proverb. 28. *Qui confidit in corde suo,*  
*stultus est.* Vere stultus est homo de se præ-  
 sumens, cum homo ex se non sufficiat, ne-  
 que ad subsistendum, neque ad bene vi-  
 uendum. Tripliciter est homo insufficiens  
 ad subsistendum. Primo, quia secundum  
 verbum Greg. esse omnium quæ de nihilo  
 sunt in nihilum tenderet, nisi ea omniū  
 auctor manu regiminis retineret. Secun-  
 do, quia non est sufficiens defendere se ab  
 hostibus suis, imo à dæmonibus cito peri-  
 meretur, nisi à Domino protegeretur.  
 Thren. 3. *Misericordia Domini, quia non*

Confi-  
 dentia in  
 creatura  
 triplici.



*sumus consumpti.* Bernard. si boni spiritus se à nobis elongauerint, impetum malignorum spirituum sustinere quis poterit? Tertio, quia cibo indiget sine quo vita eius deficeret: quæ insufficiencia non est in angelo, imo nec in lapide. David. *Esuri- entes & sitientes anima eorum in ipsis defecit.* Item ad bene viuendum tripliciter insufficiens est. Primo, quia non sufficit ex se bonam vitam inchoare. 1. Cor. 15. *Non quod sufficientes simus aliquid cogitare ex nobis quasi à nobis.* Cogitatio primum opus esse videtur. Potest homo per peccatum se occidere, sed non potest se occisum suscitare. Homo per malitiam occidit animam suam. Ose. 13. *Perditio tua Israel, tantummodo ex me auxilium tuum.* Secundo, insufficiens est in bono inchoato perseverare. Greg. Cito bonum amittitur nisi à largiente custodiatur. Tertio insufficiens est in bono inchoato proficere Bern. super illud Cant. 1. *Trabe me post te.* dicit in persona Ecclesie: Domine, scio me nequaquam posse peruenire ad te, nisi gradiendo post te: sed ne hoc quidem nisi adiutus à te: ideo precor ut trahas me post te. Beatus siquidem est cuius est auxilium abs te. Homo præsumens de se, maledictus est. Esa. 5. *Va qui sapientes estis in oculis vestris.* De præsumptione ista, require in tract. de Superb. 3. part. cap. 5. Confidentia vero in homine fallax est, & hominem confundens Esa. 20. *Confundentur ab Æthiopia spe sua.* Et eiusd. 36. *Ecce confidis super baculum arundineum confractum istum super Ægyptum: cui si innixus fuerit homo, intrabit in manum eius, & perforabit eam.* Sic Pharaon rex Ægypti omnibus qui confidunt in eo Hier. 9. *Vnusquisque à proximo se custodiat: & in omni fra- tre suo non habeat fiduciam.* Confidentibus in homine S. Scriptura in multis locis maledicit. Hiero. 17. *Maledictus homo qui confidit in homine.* Et Esa. 31. *Va qui descendunt in Ægyptum ad auxilium, &c.* Et non sunt consili super sanctum Israel, & Dominum non exquisierunt. Confidentia

etiam in rebus inferioribus valde periculosa est. Greg. super Iob: De creatore desperasset, si spem in creatura posuisset. Idem: Quasi in aquis defluentibus fundamentum ponere, est in rebus labentibus spei fiduciam velle solidare. Sap. 5. *Spes impy quasi lanugo quæ à vento tollitur, & tanquam spuma gracilis quæ à procella dispergitur.* Iob. 8. *Spes hypocryta peribit.* Et paulo post: *Sicut tela araneorum fiducia eius.* Gloss. Greg. Tela araneorum studiose texitur, flatu venti dissipatur: sic quicquid hypocryta exudat fauoris aura tollit. Item Iob. 31. *Si putavi aurum robur meum: & obrizo dixi, Fiducia mea: supple, male mihi accidat.* Gloss. Obrizum est rudis aurimoles. Prouerb. 11. *Qui confidit in diuitiis suis, corruet.* Ecclel. 31. *Beatus diues qui non sperauit in pecunia thesauris.* Et 1. Tim. 6. *Diuitibus huius seculi præcipe non sperare in incerto diuitiarum, sed in Deo vivo.* Quum aurum & argentum vix secure possint esse etiam in arcis seratis: fatuus est qui ex his securitatem vult sibi facere. Quomodo enim possunt dare securitatem quam non habent? & quum bona transitoria mentiantur non soluendo quod promittunt: fatuum est in eis fiduciam habere. Esa. 28. *Posuimus mendacium spem nostram, & mendacio protecti sumus.* Mendacio protegebatur Goliath, cui dicit David 1. Reg. 17. *Tu, inquit, venis ad me cum hasta, gladio, & clypeo: ego autem venio ad te in nomine Domini.* Hasta, clypeus & gladius promittebant ei victoriam, quæ tamen non habuit.

#### De quatuor causis desperationis.

ET notandum quod quatuor sunt quæ possum esse causa desperationis. Primum est peccati magnitudo, vel multitudo. Genes. 4. *Maiores iniquitas mea, quam ut veniam merear.* Sed fatuum est propter multitudinem vel magnitudinem peccati desperare: cum ubi superabundauit delictum, superabundet & gratia. Rom. 5.

Confidentia in rebus transitoriis periculosa.

Causæ desperationis. I.

Et maior miseria amplius soleat mouere misericordiam : abyssus enim miseriæ abyssum inuocat misericordiæ. Bernard. Peccavi peccatū grande: turbabitur conscientia, sed non perturbabitur: vulnerum enim Domini recordabor. Idem: Quid tam ad mortem quod non Christi morte saluatur? August. 10. lib. Confess. loquens ad Deum patrem: Merito, inquit, mihi spes valida in Christo est, quod sanabis omnes languores meos per eum, qui sedet ad dextram tuam, & te interpellat pro nobis: alioquin desperaui. Multi enim & magni sunt languores mei. Multi enim & magni sunt: sed amplior est medicina tua. Idem in eodem: ille tuus vnicus redemit me sanguine suo: non calumentur mihi superbi: quoniam cogito pretium meum. Maiorem malitiam in homine diuina bonitas, quæ summa est, magis odit, parata eam destruere, & eum qui vult deserere, adiuuare. Secundum est multitudo temptationum. Quidam putant se esse desertos à Deo, quia non dat eis quietem à temptationibus: quum potius tentatio signum diuini amoris sit. Est enim eruditio filiorum Dei, Iudic. 3. *Hæ sunt gentes quas reliquit Deus ut in his erudiret Israel.* Prou. 13. *Qui diligit filium suum, instanter erudit eum.* Multiplicatio temptationum signum est quod aliquis de manibus dæmonum euaserit. Dum aliquis est in carcere, vnicum habet custodem vel duos: si vero euaserit, omnes eum insequuntur. Sic dum aliquis captus est à diabolo: non tantum eum dæmones persequuntur, quantum quum euaserit. David: *Domine, quid multiplicati sunt, qui tribulant me?* Gregor. Illos pulsare negligit, quos iure quieto possidere se sentit. Præterea quod videtur esse impugnatio, potius est defensio: ut patet in Paulo, in quo impugnatio ca-

stitatis erat defensio humilitatis. 2. Corinth. 12. *Ne magnitudo reuelationum exsollet me, datus est mihi stimulus carnis mee.* Tertium est frequens casus vel recidiuatio. Sed fatuum est credere infirmitatem humanam plus posse cadendo, quam Dei virtutem releuando. Frequens casus quum ad humilitatem valeat, quodammodo facit ut homo ad fortitudinem accedat. Humilitas enim triumphare facit, sicut superbia facit corruere. Vnde Bernardin. super Cantic. Superbia siue iam existens, siue nondum, semper erit causa subtractæ gratiæ. Nunquid qui humilibus dat gratiam, humili aufert datam? Humilitas Deo dat gloriam: & ideo per consequens super eum ponit pugnam. Eiusdem enim est gloria victoriæ & pondus pugnæ. Superbus præsumit, ideo cadit: humilis in Deo confidit, ideo vincit. Petrus præ cæteris cecidit, qui præ cæteris præsumpsit. Quartum est nimia tristitia. Prouerb. 15. *In mare animi deicietur spiritus:* Deicietur, inquam, in profundum desperationis. Eccles. 14. *Felix qui non habuit animi tristitiam, & non excidit à spe sua.* Ideo non est continue habenda memoria peccatorum: nec continue cogitanda Dei iustitia: imo quandoque respirandum est in Dei misericordia. Gregor. Considerantes quod Deus pius sit, peccata vestra nolite negligere. Considerantes quod iustus sit, nolite desperare. Idem: Oportet etiam de Dei semper nos miseratione confidere, & de nostra infirmitate formidare. Isidorus: Benignus est Deus, & seuerus: si tantum benignus esset, eius benignitatem contemneremus: si tantum seuerus, desperaremus. Et notandum quod ea quæ dant occasionem desperationi, aduersantur spei: quæ vero spem adiuuant, de quibus dictum est prius, remedia sunt contra desperationem.

## CAPVT V.

*De rebus sperandis, & descriptione beatitudinis. De duodecim quibus cognoscipotest magnitudo futura gloriæ. De 12. fructibus Ligni vitæ, de multiplici materia gaudii futuri, de differentia futuri gaudii ad præsens, & de 12. cognitionib. intellectis per 12. stellas quæ sunt in corona sponsæ.*

**N**unc dicendum de rebus sperandis, quæ sunt gloria animæ, & gloria corporis: De quibus, Esa. 61. *In terra sua duplicia possidebunt.* Et Proverb. ult. *Omnes domestici eius vestiti sunt duplicibus.* Hæ sunt duæ stolæ, quarum vnā iam habent Sancti, & alteram expectant. Apocalypsis 6. *Data sunt illis singula alba stolæ, & dictum est illis vt requiescerent adhuc tempus modicum donec compleantur conservi eorum.* In his duabus stolis beatitudo attenditur. Beatitudo vero est, vt ait Boet. status omnium bonorum congregatione perfectus. Idem: Perfecta felicitas est quicquid velis adesse, & omne quod nolis abesse. Augustin. in lib. de Moribus Ecclesiæ: Beata vita est, quum id quod est hominibus optimum, & amatur & habetur. Item Augustinus in Enchiridio: Ille beatus est, qui omnia quæ vult habet: nec aliquid vult quod non decet.

*De XII. quæ valere possunt ad cognoscendam magnitudinem futura gloriæ.*

**D**uodecim sunt in quibus cognoscitur quam magna erit gloria, fidelium, licet hîc humiles sint & abiecti. Primum est hoc, quod Deus ita chare vendit gloriam istam etiam amicissimis suis. Petrus emit eam martyrio crucis, Paulus amputatione capitis. Et. Verisimile est quod ipse non deceperit eos, cum sit amicus fidelissimus, imo, quod plus est, ipsemet emit gloriam istam charissimè amicis suis, scilicet

cet crucis ignominia. Vnde verisimile est ineffabiliter magnam esse gloriā illam quā Christus tanta ignominia emit. Secundū est gloria pulchritudinis quā videmus in inferiorib. creaturis cū Domino placet decorare eas. Liliū in hyeme vile apparet, & quasi nullius pulchritudinis: in æstate vero cū Domino placet decorare illud, mirabilis est pulchritudinis. Idē videmus in pratis. Matth. 6. *Considerat elilia agri quomodo crescunt.* Et subditur: *Dico autem vobis, quoniam nec Salomon in omni gloria sua coopertus est sicut unum ex istis.* Et post: *Si scænum agri quod hodie est, & cras in clibanum mittitur, Deus sic vestit: quanto magis vos modica fidei?* Tertium est, gloria pulchritudinis quā videmus in his quæ sapiëntia artificum fiūt. Videmus enim quod ex lignis, & lapidibus, & metallis, quæ quādo de terra sumuntur paruum habent pulchritudinem, fiunt opera miræ pulchritudinis: vt patet in gloria Salomonis. 3. Reg. 10. *Videns regina Saba omnem sapientiam Salomonis, & domum quam adificauerat, &c. non habebat ultra spiritum.* Quam ergo gloriam habebunt amici Dei, cum Deo placuerit eos decorare secundum magnitudinem sapientiæ suæ? Quarto potest apparere magnitudo istius gloriæ ex verbis sanctorum quibus Deus reuelauit eam, vt est illud Esa. 64. *Oculus non vidit, Deus absque te quæ praparaſti expectantibus te.* Et 1. Cor. 2. *Oculus non vidit, nec auris audiuit, nec in cor hominis ascendit quæ praparauit Deus his qui diligunt eum.* Et Rom. 8. *Non sunt condigna paffiones huius temporis ad futuram gloriam quæ reuelabitur in nobis.* Et 1. Cor. 4. *Id quod in præſenti eſt momentaneum & leue tribulationis: ſupra modum in ſublimitate æternæ gloriæ pondus operabitur in nobis.* Gen. 15. *Ego ſum merces tua magna nimis.* Exod. 33. ait Moyses ad Dominum: *Oſtende mihi gloriam tuam.* Qui reſpondit ei, *Oſtendam tibi omne bonum.* Prou. 11. *Deſiderium iuſtorum omne bonum.* David. *Nimis honorati ſunt amici tui Deus.* Quinto potest apparere

magnitudo gloriæ, per hoc quod legitur  
 Matth. 17. In transfiguratione Domini  
 factum quod *resplendunt facies eius sicut  
 sol, & vestimenta eius facta sunt alba si-  
 cut nix.* Voluit enim ibi Dominus osten-  
 dere gloriā quam habitura sunt corpora  
 nostra in resurrectione. Sexto honor quem  
 contulit Christus cruci quæ ei seruiuit.  
 August. super Psal. Crux de pœnis latro-  
 num transiuit ad fontes imperatorum.  
 Quid faciet Deus fidelibus suis qui tantū  
 honorem contulit tormentis suis? Ambr.  
 super. *Beati immaculati:* Si opprobrium  
 tuum gloria est Domine Iesu, quanta est  
 gloria tua? Tuæ igitur participatione glo-  
 riæ quid erimus, cuius sumus opprobrio  
 gloriæ? Septimo honor quo Christus hon-  
 orat sanctos suos modo in terris. Maior  
 enim reuerentia exhibetur pulueribus vel  
 ossib. sanctorum, vel etiam pāniculis qui-  
 bus induit fuerūt, quam exhibeatur maxi-  
 mis principib. huius mundi. Vnde verisi-  
 mile est quod multum sit eos honoraturus  
 in cœlis, qui facit eos tantum honorari in  
 terris. Octauo per hoc quod in gloria eo-  
 rum erit similis gloriæ Dei. Iuxta illud 1.  
 Ioan. 4. *Filij Dei sumus, sed nondum apparet  
 quid erimus: sed quum apparuerit, scimus  
 quoniam similes ei erimus.* Verisimile est  
 quod creatura illa quæ in naturalibus si-  
 milis Deo extitit, & operando Dominum  
 imitata est, multū debeat decorari quum  
 Deo in gloria assimilabitur. Rom. 8. *Quos  
 predestinatis conformes fieri imaginis Filij  
 sui.* Nono, locus in quo Christi benignitas  
 vult eos esse. Ioan. 12. *Vbi ego sum, illic mi-  
 nister meus erit.* Et eiusdem 17. *Pater, quos  
 dedisti mihi, volo ut vbi sum ego & illi  
 sint mecum, ut videant claritatem meam.*  
 Luc. 22. *Et ego dispono vobis sicut disposuit  
 mihi pater meus regnum, ut edatis & biba-  
 tis super mensam meam.* Decimo, quod re-  
 gnum habebunt. Matth. 25. *Venite benedi-  
 cti Patris mei, percipite regnum, &c.* A-  
 poc. 22. *Et regnabunt in secula seculorum.*  
 Vndecimo, coronæ pretiositas. In Psal. *Pos-  
 uisti in capite eius coronam de lapide pretio-*

*so.* Lapis iste pretiosus, Deus est. Hæc est il-  
 la pretiosa margarita quam qui inuenit,  
 vendit omnia quæ habet, & emit eam.  
 Matt. 13. circa coronam istam non solum  
 attende lapidis valorem sed & splēdorem,  
 est enim splendor gloriæ. Heb. 1. *Qui quum  
 sit splendor gloriæ.* Apoc. 21. Ciuitas non e-  
 get sole, nec luna, vt luceant in eam: cla-  
 ritas Dei illuminabit eam. Attende etiam  
 coronæ decorem, quam decenter sc. coro-  
 na conueniat capiti: caput enim cordis ad  
 eam & propter eam factum est. August. in  
 lib. Confess. Domine, fecisti nos ad te, &  
 inquietum est cor nostrum donec requies-  
 cat in te. Duodecimo, hoc quod Deus eos  
 ministerio proprio honorabit. Luc. 12. *Præ-  
 cinget se, & faciet illos discumbere: & trā-  
 siens ministrabit illis.* Hæc ministratio erit  
 diuinæ faciei, in qua sit summæ lætitiæ o-  
 stensio. David: *Lætificabis eum in gaudio*  
*cum vultu tuo.* Iob. 33. *Videbit faciem eius*  
*in iubilo.* Nunc facies illa nobis abscondita  
 est. David: *Quam magna multitudo dulce-*  
*dinis tua Domine, quam abscondisti timen-*  
*tibus te?* Iob. 26. *Qui tenet vultum solij*  
*tui, & expendit super illum nebulam suam.*  
 Magnitudinem etiam gloriæ saluādorū  
 ostendit hoc, quod Deus vocat Ecclesiam  
 sponsam suam. Erit enim gloria sponsæ, vt  
 decebit regem cœlestem sponsam ipsius.  
 Quæ gloria describitur in Psal. *Astitit re-*  
*gina à dextris tuis in vestitu deaurato.*  
 Cant. 4. *Veni de libano sponsa mea, veni de*  
*libano: veni coronaberis.* Item quod fideles  
 dicuntur filij Dei & filij charissimi. Ephes.  
 5. *Estote imitatores Dei sicut filij charissimi*  
 Vnde erit gloria eorum vt decebit tantum  
 patrem. De qua gloria Rom. 5. *Gloriamur*  
*in spe gloriæ filiorum Dei.* Item quod fideles  
 dicuntur dii, in Psal. *Ego dixi, dijesstis.* Sicut  
 de aliquo dicitur, quod ipse est rex vel ar-  
 chiepiscopus, eo quod regem vel archie-  
 piscopum habeat in sua volūtate: sic ami-  
 ci Dei in futuro dii erunt propter vnionē  
 voluntatum cum Deo, 1. Cor. 6. *Qui adha-  
 ret Domino, vnus spiritus est.* Amicitia est  
 vnio amantium. August. Talis est quisque

Ibidem. qualis eius dilectio. Si terram diligis, terra eris: Deum diligis: quid dicam? Deus eris. Non audeo hoc dicere ex me: sed scripturas audiamus. Ego dixi, dij esis.

*De duodecim quæ electi habebunt, quæ intelliguntur per 12. fructus Ligni vitæ.*

Præmia electorū.

1. Pſal. 101.

2. Ibidem.

3.

4.

5.

6.

**E**T notandū quod duodecim erunt in electis post generalem resurrectionē, quæ possunt intelligi per duodecim fructus ligni vitæ: de quibus Apoc. vlt. legitur. Primum est sanitas absque infirmitate, Pſalm. *Qui sanat omnes infirmitates tuas.* Esa. 60. *Occupabit salus muros tuos.* Secundum est iuuentus sine senectute. Pſal. *Renouabitur ut aquila iuuentus tua.* Quasi in ætate 30. annorum semper manebunt. Ephes. 4. *Donec occurramus omnes in virum perfectum, in mensuram ætatis plenitudinis Christi.* 1. Thess. 4. *Rapiemur obuiam Christo in æra: & sic semper cum Domino erimus.* Tertium est satietas sine fastidio. Hic non satiatur oculus visu, nec auris auditu. Eccl. 1. *Sed tunc in bonis implebitur desiderium tuum.* In Pſal. *Satiabor cum apparuerit gloria tua.* Esa. 49. *Non esuriens, neque sitiens amplius.* Greg. Satiati desiderabimus, ne satietas generet fastidium: & desiderantes satiabimur, ne cum anxietate sit desiderium. Quartum est libertas, ad quam faciunt corporis agilitas & subietas. Corpus enim non detinebitur vel propria grauitate vel alterius corporis oppositione, Aug. in lib. de Ciu. Dei 32. *Vbi spiritus, ibi erit protinus & corpus.* Quintum est pulchritudo absque deformitate. Pulchritudo corporis consistit in claritate, & situ debito, & figura membrorum. Sap. 3. *Fulgebunt iusti.* Matt. 13. *Tunc iusti fulgebunt, sicut sol in regno Patris mei.* Phil. 3. *Saluatorem expectamus Dominum nostrum Iesum Christum, qui reformabit corpus humilitatis nostræ configuratum corpori claritatis sue.* Sextum est impassibilitas, ad quā immortalitas pertinet. Esa. 49. *Non cadet super eos sol, neque ullus estus.* Esa. 25. *Præ-*

*capitabis mortem in sempiternum.* Septimū abundātia sine indigentia. Deut. 8. *Rerum omnium abundātia perfrueris.* Iudic. 18. *Tradet vobis Deus locum in quo nullus rei est penuria.* Greg. Nihil exterius quod appetatur: nihil interius quod fastidiatur. Octauū est pax absque perturbatione. Nonū securitas sine timore. Esa. 32. *Sedebit populus meus in pulchritudine pacis: in tabernaculi fiducia, & in requie opulenta.* Pſalm. *Qui posuit fines tuos pacem.* Decimum est cognitio absque ignorantia. 1. Corinth. 13. *Videmus nunc per speculum in ænigmate: tunc autem facie ad faciem.* Nunc cognosco ex parte, tunc autem cognoscam sicut & cognitus sum. Vndecimum, gloria absque ignominia. Coloss. 3. *Quum Christus apparuerit in vita vestra, tunc & vos apparebitis cum ipso in gloria.* Duodecimum est gaudium sine tristitia. Apoc. 7. *Abstergit Deus omnem lacrymam ab oculis eorum.* Item Esa. 25. *Auferet Dominus Deus omnem lacrymam ab omni facie, & approprium populi sui.* Item Esa. 65. *Obliuioni enim traditæ sunt angustia priores.* Et eiusdem lib. *Letitia sempiterna super capite eorum: gaudium & letitiam obtinebunt, & fugiet dolor & gemitus.* Matth. 25. *Intra in gaudium Domini tui.* In verbo intrandi innuitur magnitudo gaudij, quod hominem vndique cinget. Ioan. 16. *Iterum videbo vos, & gaudebit cor vestrum, & gaudium vestrum nemo tollet a vobis.*

*Quod gaudium electorum proueniet quasi à sex partibus.*

**E**T notandum quod gaudium electorum proueniet quasi à sex partibus. Vnde gaudia electorū proueniunt. Primo à beata Trinitate. Secundo, à loci amœnitate. Tertio, à iocunda societate. Quarto, à corporis glorificatione. Quinto, ab inferno. Sexto, à mundo. De primo legitur Esa. 33. *Regem in decore suo videbunt.* Eccles. 11. *Dulce lumen & delectabile est oculis videre solem.* In visione regis triplex gaudium erit eis. Primum erit in

videndo faciem diuinam, quod erit summum gaudium August. Si mali possent, mallent Deum in inferno videre & in pœnis, quam extra pœnas Deum non videre. Chrysost. Ego multo grauiores quam gehenna est, dico cruciatus remoueri & abiici ab illa gloria: nec puto ita acerba esse gehennæ incendia, vt sunt illa quibus torquetur is qui arceatur à conspectibus Dei. Bernard. Reuera illud est verum & solum gaudiū, quod non de creatura, sed de creatore concipitur, & quod quum possederis nemo tollet à te: cui comparata omnis aliunde iocunditas mœror est, omnis suauitas dolor est, omne dulce amarum, omne decorum fœdum: omne postremo quodcunque aliud delectare possit, molestum, quum Dei bonitas in infinitum excedat omnem bonitatem creatam. Delectatio quæ erit in perceptione immediata illius bonitatis in infinitum melior erit omni perceptione creatæ bonitatis. In Ps. *Faciem tuam Domine requiram.* Ioan. 17. *Hæc est vita æterna, vt cognoscant te solum verum Deum, & quem misisti Iesum Christum.* Et in Psal. illo. *Qui regis Israel triplicatur illud. Ostende faciem tuam, & salui erimus.* Et super illud Psal. *Ostendam illi salutare meum,* dicit Gloss. Hæc visio est tota merces: visio qua Deus videtur facie ad faciem, tertium cœlum est. Et iste est paradysus, si dici potest, paradysorum: vt dicit gloss. August. super 2. Cor. 12. Ibi beata vita in fonte viuo bibitur, inde aliquid aspergitur huic humanæ vitæ. Dauid: *Situiuit anima mea ad Deum fontem viuum:* Omnes deliciae quæ sunt in mundo isto, minimæ guttæ sunt, quæ à fonte illo fluxerunt. Væ inimicis Dei qui guttas illas in terra lingunt, fonte suauitatis contempto. Iere. *Dereliquerunt fontem aquæ viuæ.* Minus sunt omnes deliciae quæ fuerunt in mûdo, & erunt vsq; in diē iudicij, respectu illius suauitatis, quam sit vna gutta aquæ respectu totius maris: cum tanta inueniatur delectatio in portiuncula creaturæ, quāta in-

uenietur in ipso creatore? Frater Guido Carthus. Si diuinæ bonitatis vestigiorum vestigia tantum habent suauitatis, quid habet ipse fons suauitatis Deus? Aug. 4. lib. Confess. Plus delectant, quam singula, si sentiri possent omnia: sed longe his melior qui fecit omnia. Secundum gaudium erit videndo humanitatem Christi. Bernard. Plenum prorsus omni suauitatis dulcedine videre hominem hominis conditorem. Tertium gaudium erit in consideratione vnionis humanæ naturæ ad diuinam. Mirabile enim gaudium erit electis, quum agnoscent, quod frater eorum secundum carnem, vere Deus est. Magnitudo huius gaudij potest perpendi ex gaudio quod solent habere parentes, cum filij eorum sunt Episcopi vel Archiepiscopi. Tanta erit vnitas capitis & membrorum, quod membra honorem sui capitis suum reputabunt: sicut caput hominis bona vel mala membris suis illata sua reputat.

*Quod electis proueniet triplex gaudium ab amœnitate loci.*

**I**tem à loci amœnitate triplex gaudium electis proueniet. Primo, à claritate loci. Tob. 13. *Beatus vero sis fuerint reliquia seminis mei ad videndam claritatem Ierusalem.* Apocal. 22. *Nox ultra non erit.* Et secundum Philosophum, ante corpus in quo est diuersitas luminis, est aliud supra in quo est vniformitas luminis per totum. Illud corpus est cœlum empyreum in quo est lumen continuum. Secundo, à loci puritate. Apocalyp. 21. *Non intrabit in cam aliquid inquinatum, aut abominationem faciens.* Tertio, à loci latitudine. Baruch. 3. *O Israel, quam magna est domus Dei, & ingens locus possessionis eius!* Seneca. Ab ultimis littoribus Hispaniæ vsque ad Indos paucissimorum dierum spatium iacet, sinuam ferat ventus: at cœlestis illa regio per XXX. annos velocissimo syderi viam præstat.

*Quod electis proveniet triplex gaudium  
ex societate aliorum saluatorum.*

**I**tem ex societate proveniet triplex gaudium. Primo ex multitudine, Apocalyp. 7. *Vidi turbam magnam quam dinumerare nemo poterat.* Secundo, ex nobilitate illius societatis in qua erit beata Virgo, & angeli, & sancti, & sanctæ, qui omnes reges & reginæ erunt. Vnde Filius Dei dicitur venisse de regalibus sedibus. Sapien. 8. Plus deberent homines laborare solum ut possent esse una die cum beata Virgine, quam multi laborent pro æterna gloria. Hieronym. ad Eustochium: Egredere quæso paulisper de carcere & papillone corporis, ut in ostio stas videas gloriam Dei pertransire: præsentis laboris ante oculos tuos pinge mercedem quam nec oculus vidit, &c. Qualis erit illa dies, cum tibi Maria mater Domini choris occurrerit comitata virgineis? cum post rubrum mare submerso cum suo exercitu Pharaone, tympanum tenens præcinet responsurus, *Cantemus Domino: gloriose enim honorificatus est*, &c. Tertio de amicitia societatis illius. Tanta enim charitas inter eos quod gaudia aliorum sua reputabunt. Esaiæ 31. *Dixit Dominus cuius ignis in Sion, canimus eius in Ierusalem.* Propter magnam charitatem hæreditas illa omnibus una est, singulis tota, iuxta verbum Greg. edit.

*Quod electis proveniet quadruplex gaudium ex corpore glorificato.*

**I**tem à corpore glorificato quadruplex proveniet gaudium. Primum, à corporis pulchritudine. Secundum, ab eius subtilitate. Tertium, ab eius agilitate. Quartum, ab eius impassibilitate. Primum erit in corpore respectu eius quod erit iuxta se: ut scilicet alia corpora glorificata in aspectu eius delectentur. Secundum respectu eius quod erit infra se: ut scilicet corpora inferiora corpori glorificato cedant. Tertium,

respectu eius quod erit supra se, ut ad spiritum suum perfectam possit habere obedientiam. Quartum, ad id quod erit contra se, ne ab aliquo possit lædi.

*Quod electis proveniet triplex gaudium  
ab inferno.*

**I**tem ab inferno triplex gaudium electis proveniet. Primo, ex hoc quod infernum evaserunt. Secundo, ex hoc quod hostes eorum cruciabuntur ibi. Psal. *Lætabitur iustus cum viderit vindictam.* Tertio, ex hoc quod peccatum quod maxime nocuit hominibus, clausum erit in inferno. Post diem iudicii erit in inferno peccatum quasi in proprio loco: non enim poterit remanere neque in cælo, neque in terra quin ad ultimum descendat in infernum.

*Quod à mundo proveniet electis triplex  
gaudium.*

**I**tem à mundo proveniet electis triplex gaudium. Primo, ex hoc quod à pænali miseria huius exilij liberati erunt. Bern. Transire de morte ad vitam, vitæ gaudium duplicat. Verisimile est quod multum gaudeat de hac liberatione qui dicebat: *Hec mihi quia incolatus meus prolongatus!* Secundo, de hoc quod à naufragio liberati erunt. Si naufragi qui de mari exierunt, tantum gaudent: verisimile est quod multum gaudeant qui tot naufragia passi, à mari huius mundi periculosissimo evaserunt. Bern. Periculum probat transeuntium raritas, & pereuntium multitudo. In mari Massiliæ de quatuor navibus vix una perit: in mari huius mundi de quatuor navibus vix una ad portum salutis pervenit. Tertio, ex hoc, quod quum ipsi tantæ infirmitatis essent: tamen de tanto hoste triumphaverunt. Iob. 41. *Non est potestas super terram que comparetur ei, qui factus est ut nullum timeret.* Nos sumus ut locustæ, hostes nostri ut gigantes Aug. in lib. Confess. Quanto, inquit, maius periculum fuit in prælio:

tanto est gaudium maius in triumpho. Sic est in nauigantibus. Nam post pericula & misericordias naufragi exultant nimis, quoniam timuerunt nimis. De gloria futura dicit Augustin. in lib. de Ciuita. Dei. Qanta erit felicitas : vbi nullum erit malum, nullum latebit bonum : vacabitur Dei laudibus, qui erit omnia in omnibus. Nam quid aliud agatur, vbi nec vlla defidia cessabitur, nec vlla indigentia laborabitur? Nescio. Item in eodem : Vera ibi gloria erit, vbi nec laudantis errore quiscquam, nec adulatione laudabitur. Verus honor qui nulli negabitur digno, nulli deferetur indigno : sed nec ad eum ambiet vllus indignus. Vera pax, vbi nihil aduersi nec à seipso, nec ab aliquo patietur. Præmium virtutis erit ipse qui virtutem dedit : eique seipsum qui melius & maius nihil esse posset, promissit. Ipse finis erit desideriorum nostrorum qui sine fine videbitur, sine fastidio amabitur, sine fatigatione laudabitur. Idem in eodem : In illa ciuitate magnum bonum in se videbit, quod nulli superiori nullus inferior inuidebit : si- cut nunc non inuidet archangelis angeli cæteri, tanquam nollet vnusquisque esse quod non accepit, quam nec in corpore vult oculus esse qui est digitus : Idem : Ibi vacabimus & videbimus, videbimus & amabimus, amabimus & laudabimus. Ecce quid erit in fine sine fine. Nam quis alius noster est finis, nisi peruenire ad regnum cuius nullus est finis. Item August. loquens de summo bono : Qui hoc bono fruetur, quid erit illi, & quid non erit? Erit quidquid volet, quicquid nolet, nō erit. Itē Bern. loquens de cœlesti ciuitate : O ciuitas cœlestis, mansio secunda, patria continens totum quod delectat, populus sine murmure, incolæ quieti, homines nullam habentes indigentiam. O quam gloriosa diſſa sunt de te Ciuitas Dei.

*Quod gaudium futurum differt à præſenti in multis.*

**E**T notandum quod gaudium futurum à præſenti differt in hoc, quod ipsum est plenum gaudium & perfectum. Ioan. 16. *Petite & accipietis, ut gaudium vestrum sit plenum*, 1. Corin. 13. *Cum venerit quod perfectum est, euacuabitur quod ex parte est*. Item gaudium futurum est securum. Augustin. in lib. de motib. Eccles. Summum bonum tale esse debet quod nō amittat homo inuitus : quippe nemo potest confidere de tali bono quod sibi eripi posse sentit, etiamsi retinere illud amplectiq; voluerit : quisquis enim de bono fruetur non confidit, in tāto timore amittendi beatus esse quis potest? Item gaudium futurum est purum gaudium, cum hic dolore risus misceatur. Prouerb. 14. *Esa. 25. Auferet Dominus omnem lacrymam, &c.* Hæc tria insinuantur Esa. 25. vbi sic legitur : *Faciet Dominus exercituum omnibus populis in monte hoc conuiuium pinguium, conuiuium vindemia, pinguium medullatorum, vindemia defœcatæ*. In pinguedine, intellige plenitudinem : in medulla, securitatem quæ intra ossa absconditur : in defœcatione, puritatem. Conuiuium illud est cœna magna, de qua legitur Luc. 14. quam Deus pater ab æterno præparauit. Filius vero fercula addidit : gaudium scilicet quod erit in aspectu humanæ naturæ quam assumpsit : Spiritus sanctus pigmenta suauitatis ministrat : Ipse est fluuius nectarius lætificans ciuitatem Dei. Pl. *Torrere voluptatis tua potabis eos*, Psal. 35. Sola inuitatio huius cœnæ beatum reddit. Apoc. 19. *Beati qui ad cœnam nuptiarum Agni vocati sunt*. In hac cœna est vnum ferculum quod solum sufficeret. Ioan. 14. *Domine ostende nobis patrem, & sufficit nobis*. Solus odor huius cœnæ qui datur sanctis præsentiri plus valet quam totum gaudium mundi.



*De triplici materia gaudii electorum,  
& XII. cognitionibus intellectus  
per XII. stellas coronæ mu-  
lieris in Apocalypsi.*

**I**tem notandum quod triplex materia illius gaudii intimatur nobis. Num. 13. in fructib. illis quos attulerunt exploratores de terra promissionis, qui fuerunt ficus, vua, & malogranata. In ficu dulcedinem deitatis intelligit. Prou. 17. *Qui seruat ficum, comedet fructus eius: & qui custos est Domini sui, glorificabitur.* In vua Christi humanitatem in torculari crucis expressam. In malogranatis, sanctorum ordinatam societatem. Ordinate enim se habet grana in malogranato. Item Apoc. 12. insinuantur nobis gaudia duodecim in corona XII. stellarum quæ erat in capite mulieris. Duodecim stellæ sunt duodecim cognitiones quæ electos lætificabunt: tres pertinentes ad patrem, & Filium, & Spiritum sanctum, & nouem ad nouem ordines beatorum spirituum. Vel has duodecim stellas intellige tres dotes animæ, scilicet. Dei visionem, eiusdem dilectionem, & boni excellentissimi vel arduissimi comprehensionem, quæ comprehensio gloriosissima est: & quatuor dotes corporis, scilicet. claritatem, vel potius pulchritudinem, subtilitatem, agilitatem, impassibilitatem, & societatem quinque sensuum. Secundum quosdam tertia dos animæ est delectatio quæ est effectus visionis & amoris.

C A P V T V I.

*De diuersitatibus Spei, quæ detestabilis  
est ex quatuor, & commendabilis  
ex tribus.*

**N**otandum est ergo quod est spes detestabilis, & est spes commendabilis: Spes detestabilis quadruplex est. Pri-

ma est maledicta. Secundum, præsumptuosa. Tertia est vana. Quarta, mendax vel falsa. Prima est quæ Deum ideo offendit, quia de magnitudine misericordiæ eius confidit. Vnde Bernardus in sermonibus. Est infidelis fiducia solius vtiq; maledictionis capax, quum videlicet in spe peccamus. Hæc peccat in bonitatem Dei. Rom. 2. *An diuitias bonitatis eius & patientiæ & longanimitatis contemnis?* Secunda est cum aliquis sperat se facturum cum voluerit quod vires eius excedit: vt quum aliquis præsumit se conuersurum à malis suis cum voluerit. Eccl. 29. *Repromissio nequissima multos perdidit.* Spes vana est cum fiducia ponenda in creatore in creatura ponitur. De quo require supra quinto capit. in eodem tractatu. Esa. 55. *Confidunt in nihilo.* Spes falsa est, cum quis sperat quod futurum non est: vt cum quis promittit sibi longam vitam, qui cito moriturus est, vt ille cui dictum est, *Stulte hac nocte reperent animam tuam.* Luc. 12. Esa. 29. *Posuimus mendacium spem nostram:* Ad hoc quod spes commendabilis sit, tria operantur. Primum est, si in solo Deo ponatur. Hest. 14. *Exaudi vocem illorum qui nullam aliam spem habent.* Secundum, si adsit meritum, vnde quod speratur, præsumatur. Bern. super Cant. Integra ecclesiæ consolatio, cum non solum quid sibi sit expectandum: sed vnde sit præsumendum nouerit. Tertium, si in tribulatione spes non deficit, sed vires suas ostendit Iob 13. *Etiā si cecideris super me, in ipso sperabo.* In Psalm. *Si exurgat aduersum me praelium, in hoc ego sperabo.* Item notandum quod est spes primæ auctoritatis, quæ in solo Deo ponenda est. Et est spes suffragii quæ ponenda est in sanctis in quantum sunt amici Dei. Spes quæ in solo Deo ponitur subdiuidi potest in spem veniæ, gratiæ, & gloriæ. Spes vero gratiæ subdiuidi potest in expectationem gloriæ animæ, & gloriæ corporis, de quibus prius dictum est.

Quæ cō-  
men-  
da-  
bilis.

Psalm. 3.

SECUNDÆ PARTIS PRINCIPALIS  
de tribus virtutibus Theologicis,  
TRACTATUS QVARTVS.

## CAPVT PRIMVM,

## De Charitate.

Quid  
charitas.



Charitatis descriptiones primo ponendæ sunt. Secundo, commendationi eius insisteretur. Tertio, agatur de dilectione Dei: Quarto, de dilectione proximi. Quinto, de ordine charitatis. Sexto, de his quæ aduersantur charitati. Septimo, de gradibus diuersis ipsius. Notandum ergo quod charitas est finis præcepti de corde puro, & conscientia bona, & fide non ficta. 1. Tim. 1. Vbi dicit gl. Hic definit Apostolus charitatem. *Charitas est finis (inquam) consummationis non consumptionis. Plenitudo enim legis est dilectio.* Rom. 13. August. Legis & omnium diuinarum scripturarum plenitudo est dilectio rei qua fruendum est, & rei quæ nobiscum ea re frui potest, id est Dei & proximi. Idem: Ille sancte & iuste viuit, qui ordinatam habet dilectionem: ne aut diligat quod non est diligendum, aut non diligat quod est diligendum, aut æque diligat quod minus vel amplius diligendum est, aut minus vel amplius quod æque diligendum est. Idem: Si non voles omnes paginas perscrutari, omnia inuolucra sermonum euoluere, omnia secreta scripturarum penetrare, tene charitatem ubi pendent omnia. Idem in libro de disciplina Christiana: vt nemo excusationem habeat in die iudicii, voluit Deus, sicut scriptum est, consummare & abbreviare verbum super terram. Hoc ipsum verbum consummatum & abbreviatum non

obscurum Deus esse voluit. Ideo breue, ne non tæderet legere. Ideo apertum, ne quis dicat, Non mihi licuit intelligere. Thesaurus est magnus diuinarum scripturarum: hic thesaurus absconditus est in agro: si piger eras ad perscrutandum thesaurum, non sis piger vnā margaritam sub lingua ferre, & quod vis securus ambula. Hæc est margarita ista: *Diliges &c.* Matth. 22. Vel finis præcepti est charitas: quia gratia charitatis habendæ est præceptum: sicut sanitas est finis medicinæ. August. Timor est medicamentum: charitas sanitas. Sicut initium est sapientiæ timor Domini. Prouerb. 1. sic dilectio finis est sapientiæ. Ecclesiast. 1. *Dilectio Dei honorabilis sapientia.* Chrysostomus. Finis annunciationis est amor. Vnde Christus qui venit legem implere, specialiter fuit prædicator amoris. Lucæ 12. *Ignem veni mittere in terram: & quid volo nisi vt accendatur?* Et in fine vitæ suæ mortalis inculcavit discipulis præceptum de dilectione, vt habetur Ioannis 15. *Hoc est, inquit, præceptum meum, vt diligatis inuicem, &c.* Item: *Hæc mando vobis, vt diligatis inuicem.* Item: *Mandatum nouum do vobis &c.* 13. Eiusdem. Sequitur, *ex corde puro &c.* Tria hîc tanguntur quæ ad charitatem disponunt. Fides non ficta, scilicet fides vera & catholica, non illa fides quam sibi hæretici fingunt. Et spes quæ per conscientiam bonam intelligitur: quia vt dicit glossa Augustin. Ille sperat qui bonam conscientiam

Tria ad  
charita-  
tem dis-  
ponunt.

Psal. 30.

conscientiam gerit : quem vero pungit mala conscientia, retrahit à spe. Et puritas cordis. Oportet enim cor depurari ab amore mundi, vt impleatur amore Dei. Vnde super illud Psal. *Diligite Dominum omnes sancti eius*, dicit gloss. Disce non diligere mundum, vt discas diligere Deum. Auerte, vt conuertaris: funde, vt implearis. Augustin. Bono implendus es : funde malum. Putas quia melle te vult implere Deus, si aceto plenus es, vbi mel pones? Si quis vero obiciat, quod omnes virtutes simul infunduntur, vnde non videtur vna virtus esse causa alterius vel prior altera : Potest dici quod hoc referendum est ad opera virtutum, quorum vnum est prius altero & causa ipsius. Ideo enim quia credimus Deum liberalissimum, speramus in eo : & quia de liberalitate ipsius speramus, eum diligimus. Vel potest dici, quod licet virtutes simul sint tempore, tamen vna prior est altera causalitate : sicut splendor ab igne est, & tamen ignis & splendor simul sunt tempore. Hoc exemplum ponit. Augustin. super principium ad Hebræ. Sed iterum obicitur : Quomodo charitas sit ex fide & spe, cum charitas dicatur esse radix omnium bonorum : in glossa Augustin. super verbum prius positum. *Finis præcepti est charitas*, & super illud Galat. 6. *Fructus Spiritus est charitas*, &c. dicit glossa Augustin. Caput virtutum præmisit, id est, charitatem. Quæ enim alia inter fructus Spiritus debuit tenere primatum, nisi charitas, sine qua virtutes ceteræ non reputantur esse virtutes, & ex qua nascuntur vniuersa bona? Ad solutionem huius videtur esse distinguendus triplex ordo virtutum, scilicet ordo plantationis, ordo meritorie operationis, & ordo reparationis. In ordine plantationis prima est fides. Primo enim docenda sunt quæ sunt fidei, deinde quæ sunt timoris & spei Hebræ. 11. *Credere oportet accedentem ad Deum, quia est*, & inquirentibus se remunera-

tor sit. In ordine operationis meritorie est charitas quasi illam imperans. In omni enim ordinata operatione, primum est amor siue desiderium finis, & ex illo omnes meritorie operationes, vt apparet in ædificatione domus, cuius causa est amor in habitationis ipsius : ex quo amore non solum est ædificatio, sed etiam ea quæ ad ædificationem iuuant, vt inquisitio operantium. In operando igitur meritorie prior & principalis est charitas, & primo mouens : fides enim ei deservit tanquam lucernam præferens, ostendens quid & qualiter operari debeat : Illuminatio enim adiutorium est in opere, & illuminator & adiutor & non principalis operator. In ordine vero reparandi in virtutibus affectiuus, prior videtur esse humilitas. Si enim omnis peccati est initium superbia, vt habetur Ecclesiast. 10. omnis correctionis principium erit humilitas. Huic consonat quod reparator humani generis posuit primam virtutem, humilitatem, Matt. 5. dicens : *Beati pauperes spiritu*. Pauperes spiritu dicuntur humiles secundum Gloss. Charitas inter tres virtutes quæ ordinantur ad Deum, propinquior est fini, scilicet Deo : vnde Deum habet pro fine & pro materia, diligit enim Deum propter se, cum fides finem videat, spes illuc tendat (est enim spes insecutio, sicut timor est fuga) charitas est vnio cum fine. Vnde cum finis optimum sit, & à fine habeant quod sint bona ea quæ sunt ad bonum finem : charitas primo habet bonitatem inter virtutes, & per eam habent bonitatem ceteræ. Et secundum hoc intelligendum est quod dicit glossa super 1. Timoth. 1. quod *charitas est radix omnium bonorum* : in quantum scilicet sunt bona. Et illud similiter super Galat. 5. *Ex charitate nascuntur omnia bona*, in quantum scilicet sunt bona. Et sicut radix humorem mittit ad ramos, sic charitas bonitatem ad opera ceterarum virtutum. Augustin. in sermone de Charitate : Sicut radix omnium malorum est cupiditas : ita radix omnium bonorum est cha-

Charitas  
inter  
tres vir-  
tutes  
propin-  
quior  
Deo.

T

ritas. Humilitas etiā potest dici radix virtutum secundum illam proprietatem qua radix est pars arboris infima, terræ adhærens. Sic humilitas considerans infirmitatem suam, sub Deo collocat se in loco infimo. Fides etiam potest dici radix: quia radix est in arbore quasi os in animali. Per radicem ingreditur ad arborem nutrimentum arboris: sic per fidem bonum ingreditur ad animam.

Item charitas sic describitur à Magistro, lib. 4. Sententia. Charitas est dilectio qua diligitur Deus propter se, & proximus propter Deū, vel in Deo; In Deo dicitur, propter illos qui iusti sunt, qui manent in Deo per gratiam. Propter Deum dicitur quantum ad illos qui nondum sunt iusti, qui adhuc amandi sunt ut iusti fiant, & in Deo per gratiam maneant. August. Qui amat homines, aut quia iusti sunt, aut ut iusti sunt, amare debet.

Item August. sic describit charitatem. Charitas, est virtus qua videre Deum, perfruique eo desideramus. Et est hæc descriptio secundum digniorem actum charitatis. Potest etiam sic charitas describi: Charitas est virtus qua vnaquæque res tanti habetur quanti habenda est. Vnde charitas pondus æquum est: sicut statera dolosa est cupiditas. Prou. 11. *Statera dolosa abominatio est apud Deum, & pondus æquum voluntas eius.* Temporalia quæ in veritate parum pretiosa sunt, quæ Apostolus reputauit ut stercore, multum ponderant in statera cupiditatis: ideo vere dolosa est, Osee 12. *Chanaan in manu eius statera dolosa.* Hæc statera etiam merito abominatio est Deo: cum diuitiæ & honores quæ abominabilia sunt Deo, ibi præponderant veris bonis. Lucæ 16. *Quod autem est apud homines, abominatio est apud Deum.* In libro de Spiritu & anima dicitur, quod charitas est concordia mentium & societas electorum, vita beata animarum & angelorum: quia nec animæ, nec angeli nisi per charitatem viuunt.

## CAPVT III.

## De commendatione Charitatis.

**A**D cōmendationem Charitatis, primo, valere potest hoc, quod Spiritus sanctus in Scriptura sacra toties monet ad ea quæ charitatis sunt. 1. Corinth. 14. *Sequitur charitatem.* Et eiusdem 16. *Omnia opera vestra in charitate fiant.* Ephes. 3. *In charitate radicati & fundati.* Eiusdem 4. *In charitate crescamos.* Item 5. *Ambulate in dilectione.* Philip. 1. *Oro ut charitas vestra magis abundet.* Colof. 3. *Super omnia charitatem habentes.* 1. Pet. 4. *Ante omnia mutuum in vobis metipsis continuam charitatem habentes.* Secundo, commendabilis est comparatione ceterarum virtutum. Ad quod pertinet illud 1. Corinth. 13. *Maiores autem horum est charitas.* Aug. Respice ad munera Ecclesiæ & vniuersis excellentius charitatis munus cognosces. Ideo oleo charitas comparatur, quod supereminet aliis liquoribus: sic charitas superexcellit aliis virtutibus. Propter eandem causam charitas aurum dicitur, quod inter metalla pretiosius est. Apocalip. 3. *Suadeo tibi emere à me aurum ignitum & probatum, ut locuples fias.* Huic auro comparando intendere debent in nundinis huius mundi hi quibus dictum est. Luc. 19. *Negotiamini dum venio.* Nec solum aurum est charitas: sed etiam aurea reddit ea quæ contingit. Et hæc est vna virtus charitatis, quod plumbea efficit aurea. Opera enim de genere bonorum sine charitate facta, quasi plumbea sunt, parui scilicet, vel nullius valoris: facta vero ex charitate, quasi aurea sunt, quia pretiosa valde. 3. Reg. 6. *Nihil erat in templo quod non auro regeretur.* Opera ex charitate facta, sunt quasi vestis deaurata qua Ecclesia ornatur. In Psalm. *Astitit regina à dextris tuis in vestitu deaurato.* Propter eandem excellentiam dicitur etiam charitas ignis. Luc. 12. *Ignem veni mittere in terram.* Ideo Spiritus sanctus

Psalm. 44

super Apostolos in linguis igneis descendit, ut in cordibus hominum ignem istum succenderent, unde Bernardus: Venit super discipulos Spiritus sanctus in linguis igneis, ut linguis omnium gentium verba ignea loquerentur, & legem igneam linguarum ignearum predicarent. Threno. *De excelsis misit ignem in ossibus meis, & erudiuit me.* Ignis inter elementa virtuosior est: sic charitas virtuosior est ceteris virtutibus. Hier. Qui perfecte amatur, totam sibi undique amantis vendicat voluntatem, nihilque est imperiosius charitate. 2. Corint. 5. *Charitas Christi urget nos.* Ignis ferrum quasi ignem efficit: sic charitas eos in quibus est, ut ignem efficit. Ecclesiast. 48. *Surrexit Elsas propheta sicut ignis, & verbum eius quasi facula ardebat.* Nescit ignis esse otiosus: sic secundum verbum Greg. amor Dei nunquam est otiosus. Operatur enim magna si est, si autem operari renuit, amor non est. Ignis charitatis est illuminans & splendens, & ad splendorem æternum perducens. Greg. in Moral. Non clarescit anima in fulgure æternæ pulchritudinis: nisi (ut ita dixerim) hic prius arserit in officina charitatis. Hic est ignis ille quo spiritus angelici ardent. Ignis iste in cinerem humilitatis redigit. In hunc cinerem redegerat illum qui dicebat. Genes. 8. *Loquar ad Dominum meum cum sim pulvis & cinis.* Carbo ignitus cum mortuis carbonibus positus, aut extinguitur, aut eos viuificat. Sic viri sancti igne charitatis succensi morti se exposuerunt, ut mortuos in peccatis viuificarent. Ignis tendit sursum: sic illi qui vehementer accensi sunt igne charitatis, cupiunt dissolui & esse cum Christo. Philip. 1. & mortem habent in desiderio, & vitam in patientia: Charitas est ignis, quo Apostoli suaviter arserunt, ut ait Greg. ipsa est speciale donum Dei, qui & ignis dicitur Deuteronom. 4. Hebr. 13. *Deus noster ignis consumens est.* Gregor. in Homil. Deus ignis consumens dicitur, quia flammis sui amoris incendit mentes quas impleuerit, & à

vitiorum sordibus mundas reddit, & peccatorum rubiginem consumit. Bern. super Cant. Ignis qui Deus est, consumit quidem, sed non affligit: ardet suaviter, desolatur feliciter. Est enim vere carbo desolatorius: sed qui sic in vitia exerceat vim ignis, ut in anima exhibeat vicem vñtionis. Gregor. in Homil. loquens de illo verbo. Luc. 7. *Dimissa sunt ei peccata multa, quoniam dilexit multum.* Quid esse dilectionem credimus, nisi ignem? & quid culpam, nisi rubiginem? Tanto amplius rubigo peccati consumitur, quanto peccatoris cor magno charitatis igne concrematur. Charitas etiam est mater omnium virtutum, ut ait Gloss. Ambrosij super illud Roman. 14. *Vnusquisque in suo sensu abundet.* Mater inquam educatione, imo ipsa ad omnes se habet ut mater. Bernard. Bona mater charitas, quæ siue foueat infirmos, siue exerceat prouectos, siue arguat inquietos, diuersis diuersa exhibens sicut filios diligit vniuersos. Cum te arguit, mitis est: cum blanditur, simplex est. Piè solet sœuire, sine dolo mulcere, patienter nouit irasci, humiliter indignari. Ipsa est quæ hominum mater & angelorum, non solum quæ in terris, sed etiam quæ in cœlis sunt, pacificauit. Ipsa est quæ Deum homini placans, hominem Deo reconciliauit. Charitas patiens est, benigna est, licet læsa, licet offensa: si conuersus fueris ad illam obuiabit tibi quasi mater honorificata. Item charitas enumeratur prima inter fructus Spiritus sancti. Galat. 5. *Fructus (inquit) Spiritus, charitas &c.* Ibi dicit Gloss. August. Caput virtutum præmij, vocans charitatem caput virtutum. Ibi etiam dicit Gloss. Hieron. Quæ alia inter fructus Spiritus debuit tenere primatum, nisi charitas sine qua ceteræ virtutes non reputabuntur esse virtutes? Vere primus fructus charitas. Antequam enim ipsa adsit, nullus fructus est Deo gratus. Osee 9. *Radix exsiccata est fructum nequaquam facient.* Radix exsiccata est, cu-

piditas, quam Apostolus dicit radicem malorum omnium. 1. Tim. 6. Vbi vero charitas est, ibi multus fructus. Ioann. 15. Qui manet in me, & ego in eo, hic fert fructum multum. *Qui manet in charitate, in Deo manet.* 1. Ioann. 4. Item charitas est primum bonum animæ. Primum enim bonum animæ est, Deo adhærere: Deo autem adhærere non valemus nisi dilectione, ut ait August. in libr. de moribus Ecclesiæ, & in libr. Confess. Mihi autem adhærere Deo bonum est, quia si non manebo in illo, nec in me potero. Vbi charitas non est, potest esse species boni, sed non verum bonum. Augustin. Dantur & alia per Spiritum sanctum munera: sed sine charitate nihil profunt. Sen. Apud sapientes sunt honesta, apud vulgus simulacra rerum honestarum. Vbi charitas adest, nihil est malum. Ecclesiast. 8. *Qui custodit mandatum non expe-rietur quidquam mali.* Quod de mandato dilectionis specialiter verum est. August. Vbi charitas, quid est quod possit obesse? Vbi autem non est, quid est quod possit prodesse? Item charitas est gratia gratiarum. Aliæ virtutes sine ea gratæ non sunt. Et quia gratis non operantur. Iustitia enim reddit debitum: amor redimit incommodum quod imminet: spes emit commodum quod obtinere intendit. Et quia non sufficiunt animam Deo reddere gratam, vel etiam sua propria opera absque charitate Deo grata facere non possunt. Charitas vero gratis operatur. Bernard. super Can. Purus amor mercenarius non est, purus amor de spe vires non sumit, & tamen differentiarum damna non sentit. Charitas etiam animam Deo reddit gratam, & sua propria opera & cæteras virtutes, & opera etiam eorum si à charitate fuerint imperata. Ipsa enim imperatrix est inter virtutes, & quæ imperantur ab ipsa, Deo grata sunt, & à se reputat imperata. Item charitas locus luminis est. 1. Ioann. 2. *Qui diligit fratrem suum, in lumine manet.* Amor mundi excæcat,

sed amor Dei illuminat. Extra charitatem tenebræ sunt. Vnde ibidem dicitur. Qui odit fratrem suum, in tenebris est: vbi autem tenebræ sunt, ibi non est verum gaudium. Tob. 5. *Quale gaudium mihierit, qui in tenebris sedet?* Item charitas est locus securitatis & gaudij. Bernard. Deus charitas est: quid pretiosius? Et qui manet in charitate, in Deo manet, quid securius? Et Deus in eo: quid iucundius? August. Deus charitas est, brevis laus, & magna laus: Brevis in sermone, & magna intellectu. Si numeras, vnum est: si appendas quantum est Deus dilectio est. Item dulcius dilectione nihil est. August. Dilectio dulce verbum, sed dulcius. Cum amor sit causa omnis iucunditatis: sine amore enim nihil iucundum: Charitas quæ est amor summi boni magnam habet iucunditatem. Vnde inter fructus Spiritus, statim post charitatem enumeratur gaudium. Quomodo sine gaudio potest esse quod Deus ametur debito modo, cum ipse præsens sit vbi sic amatur? Præsentia enim boni amati iucunda est. August. in Epistola ad Macedonium. Tanto nobis melius est, quanto magis in illum imus, quo nihil melius. Imus autem non ambulando, sed amando: quem tanto habemus præsentiores, quanto eundem amorem quo in eum tendimus poterimus habere puriores. Idem super epistola Ioann. Homil. 10. Quid tibi iubet Deus? dilige me: amaturus es honorem, & forte non peruen-turus. Quis me amavit, & non ad me peruenit? quisquis me quærit, cum ipso sum: non ad me ambitur per aliquam viam. Ipse amor tibi præsentem me facit. Gregor. in Moralibus. Qui mente integra Deum desiderat, profecto iam habet quem amat: neque enim quisquam posset Deum diligere, si hunc quem diligit non haberet. Charitas locus est veræ quietis. August. Non potest anima nisi in eo quod diligit requiescere. *Æterna autem requies non datur ei, nisi in dilectione*

Dei qui solus æternus est : & ipsa est perfecta sanctificatio, & sabbatum sabbatorum. Charitas etiam vita est. 1. Ioann. 3. *Nos scimus quoniam translati sumus de morte ad vitam, quoniam diligimus fratres.* Sine charitate nihil viuit vita gratiæ: sed omnia sunt mortua, omnia arida. 1. Ioann. 3. *Qui non diligit, manet in morte.* Et super 12. ad Corinth. 13. dicit gloss. Sicut corpus sine anima mortuum est: sic anima sine charitate mortua deputabitur. Charitas est calor vitalis, quo extincto nihil spiritualis vitæ relinquitur. Prosper de vita contemplatiua dicit, quod charitas est vita virtutum. Ipsa etiam est mors vitiorum. Sicut enim fluit cera à facie ignis, sic pereunt vitia à facie charitatis. Canticor. vltim. *Fortis est ut mors dilectio.* Qui videtur esse magni valoris in seculo, & charitatem non habet: quasi leo mortuus, aut nullius valoris est. Ecclesiast. 9. *Melior est canis viuus, leone mortuo.* 1. Corinth. 13. *Si habuero prophetiam, &c. charitatem autem non habuero, nihil sum.* Nihil, inquam valore. Charitas etiam est vita operum. Gregor. Nihil habet viriditatis ramus boni operis, nisi maneat in radice charitatis. Item charitatem habens ditissimus est. Augustin. Attende quanta est charitas: quæ si desit, frustra habentur cætera: si autem adsit, habentur omnia vel in se, vel in aliis. Idem in quodam sermone de charitate. Charitas est dulce & salubre vinculum mentium, sine qua diues pauper est, & cum qua pauper diues est. Quatuor de causis diues est qui habet charitatem. Primo, quia ipsa charitas thesaurus est charissimus: ut non solum chara, sed ipsa charitas expressiue possit dici: Sicut de filio Dei dicitur Hebræor. 1. quod sit splendor gloriæ. Et Sapient. 7. *Candor lucis æternæ.* Hic est thesaurus absconditus in agro cordis, pro quo emendo vniuersa essent vendenda. Matth. 13. Hunc thesaurum non potest auferre ianitor mundi: mors scilicet,

quum alios auferat. Sine hoc thesauro non prosunt alij thesauri. De comparatione huius thesauri nullus pœnitebit, quum valorem eius perfecte agnosceret. Canticorum vltim. *Si dederit homo omnem substantiam domus sue pro dilectione: quasi nihil despiciet eam.* Quanto quis carius emit thesaurum istum, tanto amplius lucratur: Hoc thesauro, thesaurus Dei acquiritur. Secundo, quia qui habet charitatem, habet Deum: ideo diues est, Ioannis 4. *Si diligamus inuicem, Deus in nobis manet.* Augustinus. Aurum habens in arca, diues est: Deum habens in conscientia, diues est: coniunge aurum & Deum, arcam & conscientiam. Tertio, quia opera ex charitate facta, sunt quasi aurea: cum sint valde pretiosa, regni scilicet æterni meritoria. Ideo bene monet Apostolus ut omnia opera nostra in charitate fiant. 1. Corinth. 16. Quarto, quia charitas aliena bona sua fecit. Augustin. Vis mercedem habere de alieno? gaude inde, & mercedem tibi inde comparasti. Augustin. Pensent inuidi quantum bonum est charitas quæ sine labore nostro aliena bona nostra fecit. Anima habens charitatem est sicut nobilis auis, quæ pede amoris prædam capit. Pes animæ, amor est, ut Augustin. ait, qui si rectus est, dicitur charitas: si curuus, dicitur cupiditas. Qui sine charitate sperat se ad regnum cælorum peruenire, similis est illi qui absque pede vult incedere. Hic est pes ille de quo Iosue 1. *Omniem locum quem calcauerit vestigium pedis vestri, tradam vobis.* Charitas particeps est omnium timendum Deum, custodientium mandata eius. Charitas est communicatio Spiritus sancti: de qua 2. Corinthiorum vltim. quia illi qui habent Spiritum sanctum, omnia habent communia. Ipsa est societas illa de qua loquitur Ioann. 1. Canticor. 1. *Quod vidimus, & audiimus, annuntiamus vobis: ut & vos societatem habeatis nobiscum.* Qui charitatem

T iij

Habens  
charita-  
tem di-  
ues est  
ob qua-  
tuor.

non habet, quantum ad Deum excommunicatus est. 1. Corinthior. vltim. *Si quis non amat Dominum nostrum Iesum Christum sit anathema.* Gloss id est, separatus à Deo, vel condemnatus. Vita sanctorum negotiatio est, Matth. 13. *Simile est regnum celorum homini negotiatori, &c.* Quicumque charitatem habet, particeps est in omni lucro quod fit in Ecclesia. Vnde charitati potest dici illud Prouerbiorum vltim. *Multa filii congregauerunt diuitias: tu supergressa es vniuersas.* Antiquum prouerbium Socratis fuit. Amicorum omnia esse communia. Vnde cum quidam pauper diceretur coram eo, amicus cuiusdam diuitis, ait: Cur ergo iste pauper, ille diues est? Amicus enim non est qui particeps fortunæ non est. Cor in quo charitas est, est quasi hortus in quo omnes iusti & boni quasi arbores cælestes per amorem infixæ sunt, vnde ei fructificant. Quid ergo mirum si multum habeat fructum? Charitas bonum proprium est bonorum, quum ceteræ virtutes communes sint bonis & malis. Augustin. Charitas est fons proprius & singularis bonorum.

Item hæc sola est quæ diuidit inter filios regni, & filios perditionis. In libro Prosperi: Charitas Dei & proximi propria & specialis virtus est piorum atque sanctorum, quum ceteræ virtutes bonis & malis possint esse communes.

Item charitas nunquam excidit: quum fides & spes euacuentur. 1. Corinth. 13. Quod tripliciter potest intelligi. Primo, quod in morte non amittitur. Qui enim amat Deum in præsentia, quum eum non videt: multo plus amabit eum in futuro quum eum videbit. Ipsi in præsentia est meritum: ipsa ergo in futuro erit in præmium. Ioann. 12. *Scio quia mandatum eius vita æterna.* Quod specialiter est verum de mandato dilectionis. Secundo, de opere charitatis quod non excidit charitate manente. Charitas est arbor à qua non excidit nec flos, nec folium, nec fructus. In hac arbore pendunt omnia bona. Matt.

22. *In his duobus mandatis vniuersa Lex pendet, & Propheta.* Loquitur de duobus mandatis de di. & c. Flos vnus arboris, scilicet vnum propositum charitatis, est super millia auri & argenti. Charitati bene conuenit illud Eccl. 24. *Flores mei fructus honoris.* Fructu huius arboris pascitur Deus ab homine, & ex eo viuatur in paradiso. Tertio, de habente charitatem, qui in morte non excidit, id est, non ex toto cadit: quia licet moriatur in mundo, viuatur tamen Deo. Vnde mors amicorum Dei, dormitio vocatur. Ioann. 11. *Lazarus amicus noster dormit.* Item charitas maior est omnibus sacrificiis. Mar. 12. Diligere proximum tanquam se maius est omnibus holocaustis & sacrificiis. Charitas præ cæteris virtutibus Deo placet, diabolo displicet, & homini prodest. Charitas meritò multum Deo placeat, quum Deus ei super omnia placeat. Gloss. super illius Psalm. *Exultate iusti in Domino.* Placet Deo cui placet Deus. Ideo Deus aliquos spernit, quia ipsum spernunt. Esa. 32. *Va qui spernis, nonne & ipse sperneris?* Deus amat amantes se, Prouerbior. 8. *Ego diligentes me, diligo.* Ioann. 14. *Qui autem diligit me, diligitur à patre meo: & ego diligam eum, & manifestabo ei meipsum.* Sola charitas Deum habet charum: & ideo meritò inter virtutes præcipue chara est Deo, & opera eius specialiter meritoria sunt, & secundum eam, præmium mensuratur: vt qui maiorem habet charitatem, maius habeat præmiū: & qui minorem, minus. Non habet Deum charum qui pro minori pretio dat vel dimittit eum quam valeat. Non habet avarus Deum charum qui lutum diuitiarum ei præponit. Habac. 2. *Vel qui congregat non sua, usquequo aggrauat contra se densum lutum?* Non habet etiam Deum charum voluptuosus qui delectationem momentaneam præponit ei. Gregor. Momentaneum est quod delectat, æternum quod cruciat. Non habet charum Deum pompaticus, qui pro vento vanæ gloriæ Deum

Qui intelligendus charitas non excidit,

Psalm. 32.



Charitas  
odibilis  
diabolo.

deserit. Et vt breuiter dicamus non habet Deum charum, qui non diligit eum super omnia, cum ipse omnibus præualeat. Charitas specialiter diabolo displicet. Vnde Greg. super Ezech. Antiquus inimicus castitatem in nobis si sine charitate viderit, non timet: quia ipse carne non premitur vt luxuria dissoluatur. Abstinenciam non timet, quia ipse cibo non vtitur qui necessitate corporis non vrgetur. Distributionem terrenarum rerum non timet, si eidem operi charitas desit, quia diuitiarum subsidiis nec ipse eget. Valde autem in nobis charitatem veram, id est amorem humilem, quem nobis vicissim impendimus, timet, & nimis concordie nostræ inuidet: quia hanc nos tenemus in terra quam ipse tenere nolens amisit in cælo. Item Greg. Non curat antiquus hostis vt terrena nobis tollat: sed vt charitatem auferat. Charitas etiam habenti ipsam multum prodest, sine ea nihil vtile est. 1. Cor. 13. *Si distribuero in cibos pauperum omnes facultates meas &c. charitatem autem non habuero, nihil mihi prodest. Qui charitatem non habet est sicut æs sonans quod aliis prodest, sed sibi non prodest, imo se consumit. Sic in eo qui charitatem non habet diminuuntur bona naturalia, & minus idoneus fit ad bene operandum, vitam suam inutiliter expendit. Vbi vero charitas est, omnia profunt. Rom. 8. Scribitur quoniam diligentibus Deum omnia cooperantur in bonum. Vtilitatem charitatis ostendit Apostolus 1. Cor. 13. dicens: Charitas patiens est, benigna est: Charitas non emulatur, non agit perperam &c. Vbi enumerantur septem bona quæ charitatem comitantur, & octo mala à quibus hominem seruat. Duo prima bona sunt patientia & benignitas, de quibus Greg. patientiam & benignitatem præmit: quarum altera illata à proximis mala æquanimiter portat: altera, sua bona proximis desiderabiliter impendit. Pœna quippe interrogat si quietus quis veraciter amat, vt ait idem Gregorius. Benigna*

etiam debet esse charitas: id est, egenis larga. Gregorius. Mens sanctorum in tentationis prælio munita patientiæ clypeo & gladio amoris accincta, ad mala ferenda sumit fortitudinem, & ad rependenda bona erigit vnitatem. Tertium bonum est congaudere veritati: id est, bonis proximi. Quartum est, mala eius sufferre compatiendo, supportando. Quintum est, omnibus Deo credere. Sextum, omnia sperare. Septimum est, diu expectando Dominum sustinere. Duobus primis facit Charitas vt bene nos habeamus in his quæ nostra sunt, mala propria patienter portando, & bona propria liberaliter largiendo. Duobus sequentibus facit vt nos bene habeamus ad ea quæ sunt proximi, bonis congaudendo, & mala comportando. Tribus vltimis, vt nos bene habeamus ad Deum, cui debemus fidem, eo quod sit prima veritas: & spem, eo quod sit summa bonitas: & sustinentiam longam, eo quod sit omnipotens: & magnitudinem præmii recompensare potest quod tardus soluit. Augustinus. Charitas ideo tolerat in præsentī vita, quia credit omnia de futura vita. Et suffert omnia quæ hîc inueniuntur: quia sperat omnia quæ ibi promittuntur. Primum malum à quo charitas seruat, est æmulatio, siue inuidia, quæ putredo ossium dicitur. Prouer. 14. Est enim vehemens corruptio animæ, ex qua provenit vt ipsa in malis proximi delectetur, & bonis contristetur, quæ naturaliter in bonis deberet delectari, & in malis contristari. Secundum est, peruersa actio; Qui charitatem habet, habet Spiritum sanctum, qui benigne agit: qui vero sine charitate est, habet spiritum malignum, qui perperam agit reddendo mala pro bonis, miseros opprimendo, bonis detrahendo, quum potius bonis addendum esset. Bona enim oportet crescere, mala autem minui: & miseri eleuandi sunt, non amplius opprimendi. Tertium est inflatio: id est, dilatio propria vsque ad proximi compromissionem quæ solet habere scis-

A quibus  
malis  
Charitas  
seruet.

suram : vt ait beatus Bernardus : Prouerbiorum 28. *Qui se iactat & dilatat, iurgia concitat.* Iactantia est dilatio exterior: præsumpcio, cordis dilatio interior. Quartum est ambitio, quum aliquis querit sui exaltationem per proximi deiectionem. Similis est illi qui faceret de hominibus scabellum pedum suorum, vt sic altior cæteris appareret. Quintum est, intusus amor proprii boni, ex quo solet se qui quod homo non curat de bono proximi, Philip. 1. *Non quæ sua singuli considerantes, sed quæ aliorum.* 1. Corinth. 10. *Nemo quod suum est querat.* Et in hoc est multum corruptum genus humanum, quasi enim in naturam versum est hominibus querere propria commoda, & negligere aliena. Sextum est, irritatio siue prouocatio ad iram. Aliqui quando vident domum proximi igne comburi, exemplo illius suam comburant, cum potius deberent conari ad eius defensionem : qui valde fatui sunt. Ecclesiast. 7. *Ira in sinu stulti requiescit.* Sapiens non permittit ibi eam quiescere, sed statim ab ea se expedit: sicut carbonem de sinu tam cito excuteret si in eum insiliisset. Septimum est, maligna cogitatio, vt quæ est de vindicandis iniuriis. Qui iniuriam sibi factam cogitat, quasi ferrum in vulnere tenet. Esa. 1. *Aufer te malum cogitationum vestrarum &c.* Octauum est, gaudere super iniquitate, quod est diabolicum, & signum magnæ corruptionis & elongationis à Dei similitudine : cui iniquitas summè displicet. Prouerb. 24. *Quum ceciderit inimicus tuus, ne gaudeas :* Et eiusdem. 17. *Qui in ruina letatur alterius, non erit impunitus.* Item charitas est via excellentior. 1. Cor. 12. *Adhuc vobis viam excellentiorem demonstro.* Ipsa est gratia Domini nostri Iesu Christi. 2. Corint. vlt. Magisterium eius Christus professus est. Ioan. 15. *Hoc est preceptum meum, vt diligatis inuicem.* Charitate discipulos suos voluit agnosci. Aug. In charitate dignoscuntur discipuli Christi, non in prophetia, fide, & aliis. Ioan. 13. *In hoc*

*cognoscent omnes quod discipuli mei estis, si dilectionem adinuicem habueritis.* Hanc ipse Saluator maximam in se habuit. Ioan. 15. *Maiores hac dilectionem nemo habet, quàm vt animam suam ponat quis pro amicis suis.* Ephes. 2. *Propter nimiam charitatem qua dilexit nos &c.* Charitas est vinculum quo solo Deus ligari potuit. Magister Hugo de sancto Victore: O charitas, quàm magnum est vinculum tuum, quo etiam Deus ligari potuit! Si ergo contra Dominum fortis fuisti : multo magis contra homines præualebis. Hoc vinculo Deus tractus, ad terram descendit & etià vsque ad inferos. Nullum vinculum eum ad columnam tenere potuisset, si charitatis vinculum defuisset. Nullum ferrum in cruce eum detinuisset, nisi charitas affuisset. Sicut lapis positus ad ostium monumenti non potuit eum ad monumentum detinere: amor salutis nostræ & ad columnam & in cruce eum detinuit. Vinculo charitatis ligatus erat quum dicebat. Genes. 18. *Num celare potero Abraham quæ gesturus sum?* Et eiusdem 16. dictum est Loth: *Festina, & saluare ibi: quia non potero facere quicquam, donec ingrediaris illic.* Esaia 58. *Non est qui consurgat & teneat te.* Charitatis vinculum solui non potest, neque igne, neque aqua, neque gladio. Rom. 8. *Quis nos separabit à charitate Christi? tribulatio? an angustia? &c.* Et in eodem: *Certus sum, quia neque mors, neque vita, &c. poterit nos separare à charitate Dei.* Hoc est vinculum quo ea coniunguntur, quæ interuallis locorum disiunguntur. Charitas vinculum est perfectionis. de quo Col. 5. *Super omnia autem hac, charitatem habentes, quod est vinculum perfectionis.* Gloss. Amb. Magis studendum est ei virtuti quæ maior omnibus est. Ibi etiam dicit glo. quod charitas omnia ligat ne abeat. Charitas est vinculum perfectionis. Ligat. n. mēbra Ecclesiæ adinuicem Deo. Hier. 13. *Agglutinaui mihi omnem domum Israel, & omnem domum Iuda.* Deut. 10. *Patribus tuis conglutinat*

Charitate Deus ligatur.

est Deus,

est Deus, & amavit eos. In hac ligatione est perfectio Ecclesiæ. Item charitas eum in quo est, filium Dei efficit. Rom. 8. *Non accepistis spiritum servitutis iterum in timore: sed accepistis spiritum adoptionis filiorum, in quo clamamus: Abba pater* 1. Ioã 4. *Qui diligit fratrem suum, ex Deo natus est.* Et eiusdem 3. *Videte qualem charitatem dedit nobis Deus Pater, ut filij Dei nominemur, & simus.* Item charitas unctio est quâ filij Dei inunguntur in signum regni futuri. Qui hac unctio inuncti sunt edocentur à Deo, sicut Salomō edoctus est à Domino postquam in regem unctus est. 3. Reg. 4. de qua unctio legitur 1. Ioan. 1. *Vos unctionem habetis à Sancto, & nostis omnia.* Intelligere necessaria ad salutem. Et in eodem: *Unctio eius docet vos de omnibus:* Prouer. 16. *Divinatio, id est, diuinus sermo in labijs regis, in iudicio non errabit os eius.* Ioã. 15. dicitur de Spiritu sancto, quem habet qui charitatem habet. *Ille vos docebit omnia.* Et eiusd. 6. *Erunt omnes docibiles Dei.* Et Matth. 23. *Vnus est Magister vester, qui in cælis est.* Quod ille qui charitatem habet, non erret errore periculoso, potest esse verum duabus de causis, vel quia legē abbreviatam habet in corde suo, scilicet charitatem. De qua August. Lex, inquit, charitatis super omnes libros est. Et Hieronymus Seleuciæ: Hæc sententia ad breuiarium totius iustitiæ Dominico ore proferitur. Vel quia Charitas hominem Dei amicum facit. Lex vero amicitia requirit ut amici sibi inuicem non negent consilium sicut nec auxilium. Vnde Deus habentem charitatem, non permittit errare errore periculoso: si ille quod in se fuerit fecerit ut veritatem agnoscat. Charitas unctio est omnem lethalem infirmitatē sanans. Aug. Timor est medicamentum: charitas, sanitas: Huic sanationi attestatur bona dispositio gustus interioris: habēti, n. charitatem, sapiunt res ut sapere debēt. Item charitas vestis nuptialis est: de qua Matth. 21. *Amice, quomodo hic intrasti non habens vestem nuptialem?* Quasi admiratur Dominus inue-

niens aliquem in Ecclesia absque veste charitatis. Cuius admirationis quinque possunt assignari causæ. Prima est, quod Dominus tantū expendit ut sponsa sua Ecclesia hanc vestem haberet, quum aliæ vestes fiant vel de pilis animalium, vel corticibus herbarum, vel interioribus vermiū, ut vestes sericæ. Hunc vesti voluit Dominus materiā ministrare quasi visceribus suis, quum lateris sui apertione amorem suū nobis ostendit, ut amore eius ad eum remanandum accenderemur. Bern. Clauus penetrans, clauus reiserans factus est mihi ut videam voluntatem Domini: quod nisi videam per foramen, clamat clauus, clamat vulnus. Idem: Patet arcanum cordis per foramen corporis. Secunda est, quod Ecclesia scit hanc vestem summe placere spōso suo. Vnde vestem inconfutilem quæ figura erat huius vestis, noluit diuidi. Ioan. 19. licet corpus suum permiserit perforare. Augustin. Tunicam hominis iam iudicati in cruce pendentis carnifices Pilati non sunt ausi conscindere eam, & tu niteris charitatem Dei, imo charitatem quæ Deus est, separare! Tertia, quod istam vestem est ostensura Ecclesia in illa magna curia, & nescit qua hora sit vocanda. Matt. 25. *Media nocte clamor factus est, Ecce sponsus venit.* Ideo semper deberet esse parata. Matth. 24. *Et vos estote parati, &c.* Sed sunt qui tunc primo volūt ordiri hanc vestem quando deberet succidi. Esa. 38. *Dum adhuc ordier, succidit me.* Qui discretus est, querit lanam & linum quam cito potest: ut hanc vestem possit sibi texere. Prouer. vlt. *Quæ fuit lanam & linum, &c.* Lana & linū sunt beneficia nobis à Christo exhibita secundum humanitatem & deitatem: Quarta causa est, quod Ecclesia scit quod si hæc vestis ei defuerit, turpitudine eius toti mundo manifestabitur. Prouerb. 10. *Vniuersa delicta aperit charitas.* Apocalyp. 16. *Beatus qui custodit vestimenta sua, ne nudus ambulet, & videant homines turpitudinem eius.* Quinta est, quod Ecclesia scit quod nō licet alicui

Charitas  
vestis  
laudabi-  
lis com-  
parando  
materia  
li.  
Psal. 79.

intrare in regnum cœli absque hac veste. Esther. 4. legitur quod non licebat intrare aulam Assueri indutum sacco. Saccus est timor seruilis, cum quo nemo intrat regnum cœlorum. Et notandum quod quum vestis esse soleat laudabilis à pretiositate materiæ, & à studio artificis, & à colore, & à suauitate, & à fragrantia vestis, ista simul ex omnibus his causis est laudabilis: Hæc vestis pro materia habet Dei beneficia, imo quodammodo ex visceribus Christi materia eius ministrata est vt prædictum est. De studio artificis habetur in Psal. *Annuntiate inter gentes studia eius.* Si Deus mille annis studuisset, nunquam modum conuenientiore ad accendendum amorem suum in nobis inuenire potuisset. Color vero huius vestis purpureus est. Prouerb. vlt. *Byssus & purpura indumentum eius.* Suauitas vero huius vestis tanta est vt vocetur vnctio. 1. Ioan. 2. De odore eius habes Cantic. 1. *Dum esset rex in accubitu suo, nardus mea dedit odorem suum.* Nardus herba calida charitatem significat, cuius odor cœlos penetrauit, & filium Dei incarnari fecit. Odor huius vestis benedictionem Patris cœlestis impetrat Genes. 27. *Statimque ut sensit vestimentorum eius fragrantiam, benedicens ait: Ecce odor filij mei sicut odor, &c.* De odore vestium habes Cant. *Odor vestimentorum tuorum sicut odor thuris.* Charitas vestis nuptialis dici potest: quia matrimonium quo filius Dei vnitus est humanæ naturæ sorori nostræ, multum requirit vt vestem charitatis habeamus. Si enim matrimonia quæ sunt quotidie, inimicos amicos efficiunt: quomodo hoc excellens matrimonium homines ad amorem Dei non accenderet? Solent fieri vestes nuptiales propter nuptias: sed nuptiæ filij Dei & humanæ naturæ factæ sunt propter hanc vestem: sc. propter charitatē in homine augendam. Vestis charitatis omnem turpitudinem operit. 1. Pet. 4. *Charitas operit multitudinem peccatorum.* Hæc vestis contra aduersa munit: quia fortis est vt

mors dilectio. Cant. vlt. *Ipsa etiam ornat.* Est enim vestis purpurea optime sedens super byssum castitatis. Prouerb. vltimo: *Byssus & purpura indumentum eius.* Charitas est fortitudo & decor. Fortitudo, in quantum munit: decor, in quantum ornat. Prouerb. vlt. *Fortitudo & decor indumentum eius.* Ipsa est vestis polymita, varietate bonorum operum distincta: secundum illud Psal. *Astitit regina à dextris tuis, in vestitu deaurato, circumdata varietate.* Item charitas curtus igneus est, subleuans interiorem hominem in paradysum spiritualem: vt de Elia legitur 4. Regum 2. Ipsa etiam est iugum suaue, de quo legitur Matt. 11. *Tollite iugum meum super vos, &c. Iugum enim meum suaue est, & onus meum leue est.* Propter sex causas iugum charitatis suaue est. Primo, ex sui natura. August. Omnia læua & immania, prorsus facilia & prope nulla efficit amor. Si super hoc iugum posset poni pondus inferni: vt scilicet cum amore ipsius portaretur, suaue esset propter hoc: quia charitas difficilia reddit facilia. Comparat August. charitatem bigæ, dicens. Quod iumentum per se non veheret, vehit in biga duplicatum Genes. 29. *Videbantur Iacob dies pauci præ amoris magnitudine.* Bern. Aus quæ implumis & sine alis seipsam ferre non potest, onere plumarum & alarum addito, sine labore aduolat: sic panis durus qui per se transire non potest, adiutorio lactis vel alterius liquoris colabile fit in gutture. Charitas quasi volare facit homines in via paradisi. Bern. Qui amat ardentius, currit velocius, & peruenit citius. In libro de Spiritu & Anima, dicitur, quod amor est per desiderium currens, atque per gaudium requiescens: per desiderium in appetendo, & per gaudium in perfuendo. Charitas etiam est bonorum laborum condimentum.

Secundo, quia Deus subiit istud iugum, & super illud tulit onus crucis. Zelus enim Domini exercituum faciebat hoc. Ideo gloriosum & suaue est esse sub hoc iugo.

Psal. 44.  
Charitas  
Christi  
iugum  
suaue &  
cur.

1.

27

Magna enim gloria est sequi Dominum. Ecclesiast. 23. Bernard. O iugum sancti amoris quàm gloriose laqueas, quàm suauiter premis!

3. Tercio, quia adhuc Deus vult nobiscum esse sub iugo isto maiorem partem portans. Non est iugum vnus tantum, sed multotum. Dicit tibi Deus: tolle iugum meum ex vna parte, & ego tollam ex altera: paratus est enim Deus iuuare illos qui amore ipsius difficilia aggrediuntur.

4. Quarto, quia ea quæ trahuntur ad hoc iugum, quali aurea sunt, imo auro pretiosiora: quia regni cœlestis meritoria, vt patet ex promissis.

5. Quinto, quia istud iugum à graui iugo liberat: scil. à iugo carnis vel mundi. Esa. 10. *Computrescet iugum à facie olei*: id est charitatis, quæ ad modum olei suavis est. 2. Corinth. 6. *Nolite iugum ducere cum infidelibus*. Bern. loquens de illo verbo Luc. 14. *Iuga bouum emi quinque*. Iumentis, inquit, conuincitur homo bestialior, qui iuga necessitatis quinque; sensuum propria subeat voluntate. Bern. Quid causamur subiisse? arguamus magis emisisse: nam vt mercedem pro opere suo quis tribuat, inauditum est, quid iuga bouum emit, cui iugum suaue gratis offertur? quid est potius quinque eligere quam vnum? quis potest seruire quinque; prædonibus? Oculi, inquit, meus deprædatus est animam meam.

6. Sexto, quia qui charitatem habet, voluntatem suam voluntati diuinæ conformat. Vnde sicut voluntas Dei impletur: sic & voluntas ipsius. Et sicut Deo cuncta subiecta sunt: sic & habenti charitatem quodammodo cuncta sunt subiecta. Aug. in libro de Vtilitate credendi: Iugo Christi qui subiectus est, subiecta habet cætera: & non laborat, quia non resistit quod subiectum est. Seneca: Vir bonus æquo animo sustinebit quicquid ei acciderit. Scit. n. hoc accidisse lege diuina ex qua vniuersa procedunt: Mali non habent pacem, quia Deo resistunt. Iob. 9. *Quis resistit ei, & pacem habuit?* Si pluit, duplaret malis. Si

aliquanto tempore siccitas sit, iterum duplicet eis. Item charitas bitumen est quo arca Ecclesiæ bituminata est. Genes. 6. Absque hoc bitumine in periculo esset. Aquæ etiam tribulationum penetrarent eam. Charitas etiam cæmentum est quo lapides viui in ædificio Ecclesiæ adiuuicem connectuntur. Sine hoc cæmento Ecclesia esset quasi acruus lapidum: non esset idonea Deo ad habitandum, nec contra hostes Ecclesiæ haberet debitam resistentiam. Hieron. 26. Hierusalem in acruum lapidum erit. Charitas est chara vnitas. Quàm chara sit vnitas ipsius, patet ex hoc, quod diuisio ei opposita Deo detestabilis est. Prou. 6. *Sex sunt quæ odit Dominus, & septimum detestatur anima eius*. Et illud septimum est: qui seminat inter fratres discordias. Dionys. in lib. de diuinis nominibus. Amor est quædam vnitiua & continuatiua virtus, superiora mouens ad inferiorum providentiam: æquiforma, id est, æqualia in socialem vicissitudinem: & nouissima & subiecta ad meliorem & supra positorum conuersionem, id est, cōformationem. Amor inter affectiones animæ maximè Deo assimilatur. Bern. super Cāt. Solus est amor ex omnibus animæ motibus & sensibus, in quo potest creatura etsi non ex æquo, suo respondere auctori, vel de simili mutuam rependere vicem: & si minus diligit creatura, quoniam minor est: tamen si ex toto se diligit, nihil deest vbi totum est. Eadem verba habentur in libro de spiritu & anima, vbi subditur. Renuntians ergo cunctis affectionibus aliis, tota soli incumbat amor, effundens se totam in amorem ipsius cui respondere habet in reddendo amorem. Charitas virtus est, cuius altitudo vsque ad altissimum attingit. Spiritum enim hominis Deo vnit. Latitudo eius quasi per totum mundum se extendit: quia membris Christi quæ dispersa sunt per mundum, hominem coniungit. Aug. Extende charitatē per totum orbem si vis Christum amare: quia mēbra Christi per orbem iacēt. Lon-

gitudinis eius opera ceterarum virtutum vique ad finem vltimum extendit. Profunditas eius infimis membris Christi seruitium impendendo condescendit secundum doctrinam. Ioan. 13. *Si ego laui pedes vestros, Dominus & magister vester: & vos debetis alter alterius lavare pedes.* Et notandum, quod sacri Doctores videntur dicere quod sola charitas sit virtus, Hier. Vt breuiter, inquit, cōplectar virtutis notionem: Virtus est charitas quā diligitur quod diligendum est. Et in lib. de spiritu & anima, sic legitur: Quum prudēter, modeste, fortiter & iuste amor & odium instituuntur: in virtutes exurgunt, prudentiam sc. & tēperantiam, fortitudinem atque iustitiam. Aug. in lib. de morib. Ecclesiæ. Si virtus ad beatam vitam nos ducit, nihil esse virtutē omnino affirmauerim, nisi summum amorem Dei. Namque, illud, quod quadripartita dicitur virtus, ex ipsius amoris vario quodam affectu quātum intelligo dicitur. Itaque illas quatuor virtutes, quarum vti nam res ita haberent homines in mentib⁹ suis, vt nomina sunt in ore omnium. Sic etiam diffinire non dubitem, & vt Temperantia sit amor integer se præsēs ei quod amatur. Fortitudo, facile tolerans omnia propter quod amatur. Iustitia, soli amato seruiens, propterea recte dominans. Prudentia, amor ea quibus adiuuamur ab iis quibus impedimur sagaciter seiungens. Sed hunc amorem non cuiuslibet, sed Dei esse diximus, quare etiam diffinire licet, vt Temperantiam dicamus amorem Deo sese integrum incorruptumque seruantem. Fortitudinem, & amorem omnia propter Deum facile perferentem. Iustitiam amorem tantum seruientem, & ob hoc bene imperantem ceteris quæ homini subiecta sunt, Prudentiam, amorem bene discernentem ea quib. adiuuetur ab his quibus impediri potest. Idem in eodē: Nihil aliud est bene viuere, quam toto corde, tota anima, tota mente Deum diligere: à quo existit vt incorruptus in eo amor atque integer custodiatur, quod est temperantiæ: vt

nullis frangatur incommodis, quod est fortitudinis: nulli alii seruiat, quod est iustitiæ: vigilet discernendis rebus, ne fallacia paulatim dolus surrepat, quod est prudentiæ. Possumus autem quatuor rationes assignare, quare nomen Virtutis charitati potuit appropriari vt ipsa diceretur singulariter virtus. Vna causa potuit esse, quia charitas inter virtutes excellētiore est: ideo antonomatice virtus dici potuit: sicut Roma antonomatice Vrbs dicitur. Alia causa potuit esse: Quia antequam charitas adsit, nulla vera virtus est. Si vero charitas adsit, nulla virtus deest. Quod nulla vera virtus adsit si charitas desit, patet: quia virtus est qua bene viuatur. Bene viuere vero est (vt ait August.) bene viuendo ad beatitudinem tendere: quod non est sine amore beatitudinis, qui amor charitatis est. Quod nulla virtus desit vbi charitas adest, patet: quia amor dignior est affectione animæ, quæ si ordinata fuerit, aliæ affectiones vt timor, dolor, & spes inordinatæ non remanebunt, maxime quum apud amorem sit summa potestas & imperiū in regno animæ, & eius sit regnum illud ordinare: apprehensiones vero non se habent modo indebito, quum affectiones se habeant debito modo. Sunt enim apprehensiones causæ affectionum, vnde amore ordinato simpliciter mēs ordinata est. Tertia causa potuit esse: quia amor summi boni quodammodo ad omnem virtutem pertinet, in quantum virtus comparatur ad finem suū: licet amor iste sit proprius motus charitatis. Sine amore enim summi boni non est vera virtus. v. g. Si quis abstineat vt bursum impleat, vel vt sanitatem acquirat, vel causā inanis gloriæ: non est hoc abstinentiæ virtutis, sed tūc solum quando fit amore summi boni. Ideo dicitur Matth. 6. *Tu autem cum ieiunas unge caput tuum oleo.* Secundum gloss. Caput suum, scilic. Christum, ieiunans vngit oleo charitatis, qui pro amore eius se macerat, & quod sibi subtrahit, alteri largitur. Quarta causa potuit esse: quia sicut aliquis dicitur odire

Charitas  
cur dicitur  
virtus.

non solum affectu, sed etiam effectu, secundum quem modum dicitur. Qui diligit iniquitatem, odit animam suam. Odit inquam effectu: sicut aliquis dicitur diligere non solum affectu, sed etiam effectu, secundum quem modum dicitur 1. Ioan. vlt. *Hæc est charitas Dei, ut mandata eius custodiamus.* Et 2. Ioan. *Hæc est charitas ut ambulemus secundum mandata eius.* Sic dilectio Dei ad vniuersitatem virtutum pertinet, sicut & observatio mandatorum Dei. Sic nihil aliud est virtus, quam id quo Deus diligitur. Et hæc de laudibus charitatis sufficiant. Si cui vero hæc non sufficiunt, diligenter studeat in 1. Canonica Ioan. de quo dicit Gregor. quod omne quod loquitur, igne charitatis vaporatur. Et in Euangelio eiusdem & 1. ad Corinth. 13. Vbi multa de laudibus huius virtutis inueniet.

## CAPUT III.

*De ordine dicendorum de amore Dei.  
Et primo de his quæ incitant ad  
amandum Deum.*

**P**ost cōmendationem Charitatis agendum est specialiter de amore Dei, de quo hoc modo agetur. Primo dicitur de incitamentis diuini amoris. Secundo de modo amandi Deum. Tertio, de diuersis speciebus diuini amoris. Quarto, de signis ipsius. Circa primum notandum est quod ad amandum Deum incitat sacra Scriptura, incitat & natura, incitat gratia nobis à Deo exhibita, & gloria nobis à Deo promissa, incitat & vniuersa creatura. Scriptura sacra incitat in multis locis. Deut. 6. *Diliges Dominum Deum tuum ex tota corde tuo, &c.* Eiusdem 11. *Ama Dominum Deum tuum, &c.* Ecclesiast. 13. *Omni vita tua dilige Deum.* Matth. 22. *Diliges Dominum Deum tuum, &c.* Simile habes Luc. 10. & 1. Ioan. 4. *Diligamus Deum, quoniam ipse prior dilexit eos.* Natura ad idem incitat. Bernard. in lib. de diligendo Deo. Inexcu-

sabilis, inquit, est omnis infidelis si non diligit Dominum Deum suum toto corde, tota anima, tota virtute sua. Clamat nempe intus ei innata & non ignota rationi iustitia, quia ex toto illum diligere debet, cui & totum se debere non ignorat. Si naturaliter amat filius patrem à quo habet partem corporis sui: quanto magis amare debet Deum qui corpus eius & animam ex nihilo fecit? August. Amandus est generator: sed præponendus est creator. Eccl. 7. *In tota anima tua dilige eum qui te fecit.* Bernard. in sermonibus: Parum ne, inquit, tibi videtur? hoc cogita, qualem te fecit. Nempe secundum corpus egregiam creaturam: secundum animam, magis imagine creatoris insignem, rationis participem, beatitudinis æternæ capacē. Porro ambo coherere sibi fecit artificio incomprehensibili, sapientia inuestigabili: nec ante promeruit, qui ante non fuit: nec spes retributionis fuit, quoniam bonorum nostrorum non eger. Et notandum quod multum potest incitare hominem ad amandum Deū, quod Deus eum fecit, si quis diligenter attendat quantum beneficium fuerit quod corpus ei dedit: quot enim sunt membra in corpore, tot beneficia inueniet magna: Et pro minimo membro plus deberet homini Deum amare, quam multi ament eum pro cunctis beneficiis quæ ab eo receperunt. Si quis amisisset oculum, quantum amaret eum qui sibi illum restitueret? Et si quis meruisset amittere eum, quantum amaret eum qui sibi oculum conseruaret? Nec minus amandus est qui eum ab initio dedit, & qui datum conseruauit, cum multoties vtendo eo cōtra Deū, eum amittere meruerit. Non minus est amandus qui dat cappam nouam, quam qui inueteratam perditam restituit. Quod dixi de oculo, de aliis membris cogita. Si vero tantum amandus est qui dedit corpus: quantum amandus est qui dedit animam quæ in infinitū est melior corpore? Si amisisses vsū rationis, quantum amares eum qui tibi illum restitueret? Quantum ergo amandus

Beneficia.

Similitudo.

Gratia.

est qui tibi rationem ab initio dedit? Item si meruisses mortem, siue separationem animæ à corpore, quantum amares eum qui tibi eam remitteret? Quantum ergo amandus est ille qui mirabiliter corpus & animam coniunxit, & hanc coniunctionem tibi seruauit, cum peccando mortem multoties meruisses? Bernard. Valde omnino mihi amandus est per quem sum, uiuo, & sapio. Dignus plane est morte qui tibi Domine Iesu recusat uiuere. Idem in lib. de diligendo Deo: Vt quid, inquit, non amaret opus artificem, cum haberet unde id posset? Et cur non quantum omnino posset, quum nihil omnino nisi eius munere posset? ad hoc etiam quod homo amet amplius factorem suum, cogitare debet quod Deus ad imaginem & similitudinem suam fecit illum. Genes. 1. Filius qui similior est patri, solet amplius amare patrem, & ab eo plus amari. Figura etiam quam naturaliter habet corpus humanum, incitat ad amandum Deum. August. in lib. de disciplina Christiana: Belluas Deus prostratas in faciem fecit, pastum quærentes de terra: te in duos pedes erexit, tuam faciem sursum attendere voluit. Non discordet cor tuum à facie tua, non habeas faciem sursum & cor deorsum. Fac sursum cor, ne mentiaris in domo disciplinæ. Quid est sursum habere cor, nisi quod prius est dictum: *Dilige Dominum Deum tuum? &c.* Disciplinæ domus est Ecclesia Christi: ut dicit. August. in eodem libro. Gratia etiam nobis à Deo exhibita incitat ad Dei amorem, & maxime gratia redemptionis. De qua 2. Corinth. 8. *Scitis gratiam Domini nostri Iesu Christi: quoniam propter vos egenus factus est cum esset diues, ut illius inopia vos diuites essetis.* Gal. 2. *Dilexit me, & tradidit semet ipsum pro me: non sum ingratus gratiæ Dei.* Sic habet litera vna. Eccl. 9. *Gratiam fideiussoris ne obliuiscaris.* Dedit enim pro te animam suam. Licet multum possit hominem incitare ad amandum Deum, quod ipse eum fecit: tamen

multo amplius debet eum incitare, quod ipse eum refecit. Vnde Bernard. in libr. de diligendo Deo: infidelis se totum ei debere non ignorat, quem sui totius non ignorat auctorem. Quid ergo ego qui Deum meum teneo vitæ meæ non solum gratuitum largitorem, largissimum administratorem, pium consolatorem, sollicitum gubernatorem, sed insuper etiam copiosissimum redemptorem, æternum conseruatorem, ditatorem, glorificatorem? Idem in eodem: Infidelem ratio vrget, & iustitia naturalis totum se tradere illi à quo se totum habet, & ex se toto debere diligere quem profecto fides tanto plus iudicat amandum, quantum & eum pluris meipso æstimandū intelligo: quippe qui illud non solum mei, sed sui quoque ipsius teneo largitorem. Idem in eodem: Si totum me debeo pro me facto: quid addam pro me refecto, & refecto hoc modo? Nec enim tam facile refectus quam factus. Si quidem non solum de me, sed de omni quoque quod factum est, scriptum est, *Ipse dixit, & facta sunt.* At vero qui me tantum etiam semel dicendo fecit, in reficiendo profecto & dixit. Multa & gessit mira, & protulit dura: nec tantum dura, sed etiam indigna. Quid ergo retribuam. Domino pro omnibus quæ retribuit mihi? In primo opere me mihi dedit: in secundo, se: & ubi se dedit, me mihi reddidit. Datus ergo & redditus, me pro me debeo & debebo: quid Deo retribuam pro se? Nam etiam si me millies rependere possem, quid sum ego ad Dominum? Idem super Cantic. Super omnia reddit te amabilem mihi, bone Iesu, calix quem bibisti, opus redemptionis nostræ. Hoc omnino amorem nostrum facile vendicat totum sibi. Hoc inquam, est, quod nostram deuotionem & blandius allicit, & iustus exigit, & artius stringit, & afficit vehementius. Multum quippe laborauit in eo Saluator: nec in omni mundi fabrica tantum fatigationis auctor assumpsit. In dictis suis



sustinuit contradictores, in factis obseruatores, in tormentis illulsores, & in morte exprobratores. Idem loquens de opere redemptionis: Quid adhuc, inquit, dormitat tua affectio? imo non dormitat, sed mortua est si huic non respondet beneficio. Ansel. in lib. Med. Ecce Domine, quia me fecisti, debeo meipsum amoris tuo totum: quia me redemisti, debeo meipsum amoris tuo totum: quia tanta promittis, debeo meipsum amoris tuo totum, imo tantum debeo plusquam meipsum, quanto tu maior me es pro quo dedisti teipsum. Cū ignis non accendatur melius quam igne: ignis diuini amoris quem nobis Deus ostendit in redemptione humani generis maxime deberet incitare nos ad amandum Deum. Chrysost. Non est, inquit, aliquis omnino, non pater, non mater, non amicus, non alius quispiam qui ita nos aliquando dilexerit, quemadmodum ipse qui fecit. Bernard. in sermonibus: O duri & indurati & obdurati filii Adam, quos non emollit tanta benignitas, tanta flamma, tam ingens ardor amoris, tam vehemens amator, qui pro vilibus sarcinulis tam pretiosas merces expendit! Ad amandum Deum incitat gloria amanti-  
Gloria promissa.
bus Deum specialiter promissa & preparata. 1. Cor. 1. *Oculus non uidit, &c. quæ preparauit Deus his qui diligunt illum.* Iacob. 1. *Accipiet coronam uitæ, quam remisit Deus diligentibus se.* Mirum est quomodo amor noster Deo euadere potest: quia si uenalis est nullus Deo carius erit: dabit. n. pro illo regnum æternum. Si est dandus, nullus dignior eo est quam Deus, cum ipse sit summe bonus. Vnde nulli potius quam ei debet dari. Si uero violentiam requirit, nullus maiorem violentiam pro eo faciet quam ipse. Petit enim eum quasi gladio euaginato. Aut enim eum amabis, aut æterna morte interficietis. David: Nisi conuersi fueritis, ab amore sc. immundo, ad amorem Dei, gladium suum vibrabit. Aug. in lib. Conf. Domine quid tibi sum ipse ut amari te iu-

beas à me, & nisi hoc faciã irascaris mihi, & mineris ingentes miseras? Ad amandum Deum incitant omnes creaturæ. Aug. 10. lib. Conf. Cælum, & terra, & omnia quæ in eis sunt, ecce vndique mihi dicunt ut te amem, nec cessant dicere omnibus ut sint inexcusabiles. Dupliciter dicunt creaturæ nobis ut Deum amemus. Vno modo ostendendo eum dignissimum amore nostro. Bonitas enim vniuersitatis creaturarum ostendit creatorem esse optimum, & ideo amore dignissimum. Secundo, quia creaturæ sunt dona Dei & beneficia Dei. Ad incitandum vero aliquem ad amandum alium, efficacior est donatio quam locutio. Etiam terrena & cœlestia fecit Deus propter hominem, ut patet ex principio Genes. Vbi postquam de creatione hominis loquutus est Deus, subditur: *Et præsiti piscibus maris, & uolatilibus cœli, & bestiis terræ, uniuersaq; creatura.* Et postquam locutus est de luminaribus cœli, subditur: *Et sint in signa, & tempora, & dies, & annos, & luceat in firmamento cœli, & illuminent terram.* Cum secundum ligna exardescat ignis. Eccl. 28. Magnus deberet esse ignis diuini amoris qui pro lignis Dei tot habet Dei beneficia, quot sunt creaturæ. De his lignis legitur Levit. 6. *Ignis in altari semper ardebit quem nutriet sacerdos, subiiciens ligna mane per singulos dies.* Illos qui non incitantur ad Deum amandum pro tot & tantis beneficiis accusare poterunt etiam feræ quæ beneficia sentiunt, ut ait Senec. Ecce etiam canes amant benefactores suos. Refertur etiam de quodam leone quem quidam miles à serpente liberauit, quod à milite recedere noluit: quid ergo exultationis habebunt qui deferentes redemptorem suum, serpenti infernali adhærēt? Si lapides cauantur à guttis aquæ assidue cadentis, quam exultationem habebunt corda dura quæ non emolliunt assidua Dei beneficia? Quasi infinitæ sunt creaturæ quarum unaquæque sufficeret ad mouendum hominem ad amorem alterius.

Exemplum.

Creatura

hominis si eam sibi dedisset Quomodo ergo non sufficiunt vniuersæ creaturæ ad accendendum hominem ad amorem Dei?

Malo pa-  
na & cul-  
pa.

Ad mandum Deum incitare possunt & bona & mala. De bonis iam ostensum est, quæ vniuersa sunt Dei dona. De malis vero facile est idem ostendere, cum sint flagella patris misericordiarum erudientis filios suos, ex amore paterno procedentia. Apocal. 3. *Ego quos amo, arguo & castigo.* Heb. 12. *Quem diligit Deus, castigat.* Et non solum mala pœnæ possunt incitare ad Dei amorem: sed etiam mala culpæ quæ Dei misericordia dissimulat in his qui nondum pœnitent, vt saltem quandoq; pœniteant, vel remittit his qui pœnitent, vel à quibus custodit eos qui sibi adhærēt. Aug. in lib. de Virginitate: Vos inquit, vt ardentissime diligatis, cui diligendo à coniugiorum nexibus liberi vacatis, deputate vobis tanquam omnino dimissum quicquid à vobis non est illo regēte commissum. Multo fortius debes diligere illum qui quæcunque flagitiosis ad se conuersis dimisit, in ea cadere non permisit. Quid habes, quod non accepisti? aut qua peruerfitate minus diligis à quo plus accepisti? Cogita omnia peccata sic habenda tanquam dimittantur, à quibus Deus custodit ne committantur. Noli modicū diligere, quasi à quo tibi modicum dimissum est, sed potius multum dilige à quo tibi multum tributum est. Si enim diligit cui donatum est ne redderet: quanto magis diligere debet cui donatum est vt haberet? Et notandum est quod cum quatuor de causis aliquid soleat diligi, scil. de causa attinentiæ, vel quia in eo deliciæ inueniuntur, vel quia beneficiis iam datis amari meruit, vel quia beneficia ab eo sperantur, his quatuor de causis amandus est Deus. Causa attinentiæ, cum ipse sit pater. Matth. 23. *Patrem nolite vocare vobis super terram: Vnus est enim Pater vester qui in caelis est.* Et qui erat pater, factus est frater. Matth. vlt. *Nuntiate fratribus meis qui erant in Galilæam.* Et qui erat Domi-

Quatuor  
ob cau-  
sas ali-  
quid di-  
gi dici-  
tur.

nus, factus est seruus. Bernard. loquens de Filio Dei incarnato. Non hoc loco, inquit, prædicatur magnus Dominus & laudabilis nimis: sed paruus Dominus & amabilis nimis. Paruulus vtique qui natus est nobis, ipse voluit nasci in mundo isto & quasi fieri de terra nostra vt amabilior esset nobis: non enim solent homines amare Dominos de terra aliena. Ipse voluit in similitudinem hominum fieri, vt hominibus esset amabilior. Similitudo enim ad amorem facit. Eccl. 3. *Omne animal diligit simile sibi.* Ipse humanam naturam diuinæ voluit associari in vna persona, nunquam ab ea separandam in signum amoris, vt sic saltem amaremus à quo agnosceremus nos amari. Deus etiam amandus est à nobis, quia in eo sunt summæ deliciæ. Psal. *Delectationes eius in dextera tua usq; in finem.* Item amandus est quia beneficiis suis hoc meruit. Bern. in lib. de diligendo Deo: Multum meruit Deus de nobis, qui etiam immeritis seipsum dedit nobis. Quid enim melius seipso poterat dare vel ipse? Ergo, si Dei meritum quaeritur, illud est præcipuum: quia ipse prior dilexit nos. 1. Ioan. 4. Dignus plane qui reametur: præsertim si aduertatur quis, quos quantumque amaauerit. Quis enim? nonne is cui omnes spiritus confitentur? Deus meus es tu: quoniam bonorum meorum non eges: Vera huius charitas maiestatis: quippe non quaerentis quæ sua sunt. Quibus autem tanta charitas exhibetur? Cum adhuc, inquit, *inimici effemus, reconciliati sumus Deo.* Dilexit ergo Deus & ingratos & inimicos. Sed quantum? Sic Deus dilexit mundum, ait Ioannes, vt Filium suum vni-genitum daret. Sic meruit iustus impiis, summus infimis, omnipotens infirmis. Idem in eodem: Vt paucis quod dictum est repetam, prior ipse dilexit nos, tantus, & tantum, & gratis, tantillos & tales. Itē amandus est à nobis propter beneficia quæ ab eo speramus. De quib. require in tractatu Spei. Cap. 5. Item notandum est, quod

Psal. 17.

quod ad amorem Dei nos incitare potest amicitia eius utilitas, & inimicitiarum eius damnositas, & amici huius fidelitas.

**Utilitas.** Utilitas, quia nihil fructuosius esse potest quā à Deo diligī, iuxta verbū Bernardi: Ipse diligentibus se peccata remittit. Luc. 7. *Remittitur ei peccata multa, quoniam dilexit multum.* Ipse eos erudit: Eccles. 2. *Diligite Deum, & illuminabitur corda vestra.* Gregorius: Interdum compunctionis ardore tantū subtilitatis est vis amoris, ut hanc nec ipse animus possit comprehendere, qui hanc illuminatus meruit habere. Ipse eos custodit. Psal. *Custodit Dominus omnes diligentes se.* Ipse ad suauitatem suae cōtemplationis etiam in praesenti admittit. Gregor. in Moral. Si quis ad cōtemplationis studiū properat: semetipsū prius subtiliter interroget, quātum amat. Machina quippe mētis est vis amoris, qui hanc dū à mūdo extrahit, in altū sustollit.

**Utilitas huius amici sicut & aliorum** amicorū in necessitate apparet, ut in infirmitate à qua ipse potest liberare, cum alii amici non possunt: & in morte, quando alii amici defunctum deserunt, & amicus iste eum suscipit. Psal. *In voluntate tua deduxisti me: & cū gloria suscepisti me.* Et in iudicio ubi nō habebit amicum cui Deus erit inimicus. Eccl. 2. *Fatuus non erit amicus.* Omnia sunt amica ei cui Deus est amicus: *quoniam diligentibus Deum, omnia cooperantur in bonum.* Rom. 8.

**Inimicitiarum** etiam Dei damnositas incitare potest ad amādum Deum. Omnia enim sunt inimica inimicis Dei: etiam ipsi funet sunt sibi inimici. In Psal. *Qui diligit iniquitatem, odit animam suam. In futuro vero magis apparebunt haec inimicitiae, quando pugnabit orbis terrarum contra insensatos.* Sap. 5. Gregor. Offenso creatore, omnis creatura damnatum habet odio. Ipsimet si esse possent, vellent se non esse. Ipsi etiā sancti qui tantum amauerunt peccatores in praesenti, lætabuntur cum viderint vindictam Fidelitas etiam huius amici ad idem potest incitare. Eccles. 6. *Amico*

*fidelis non est comparatio: & non est digna ponderatio argenti & auri.* Alii amici quadupliciter inveniuntur infideles. Primo, quia aliquando non amant, licet amentur: sed non sic est de amico isto. Proverb. 8. *Ego diligentes me diligo.* Ioan. 14. *Qui diligit me, diligetur à Patre meo, & ego diligam eum.* Secundo, quia tempore aduersitatis desinūt amare. Ecclesiast. 6. *Est amicus secundum tempus suū, & non permanebit in tempore tribulationis.* Sed nō est sic in amico isto. Proverb. 17. *Omni tempore diligit qui amicusest,* Christus scilicet, & frater in angustiis comprobatur. Tertio, quia qui amāt viuos, inimici fiunt mortuorum, spectantes eos bonis suis. Ecclesiast. 6. *Est amicus qui conuertitur ad inimicitias:* amicus vero iste in morte specialiter ostēdit se esse amicum. Spiritum enim qui de habitaculo corporis exit, in cōleste habitaculum recipit. Quarto, quia amici patris inimici fiunt filiorum: sed amicus iste propter patrem filios amat, quandoque vsque in decimam generationem. Exod. 20. *Ego sum Dominus Deus tuus, & cōfaciens misericordiam in millia his qui diligunt me.* Et ut breuiter dicam, Beatus est qui Dominum debito modo amat: & vā illi qui eum debito modo non amat. Aug. 4. lib. Conf. Beatus qui amat te, & amicum in te, & inimicum propter te. Solus enim nullum charum amittit, cui omnes in illo chari sunt, qui non amittitur: te nemo amittit, nisi qui dimittit. Idem: Hæc omnia bona sunt: sed vā tibi si amaueris condita, & deserueris conditorem. Idem 8. lib. de Trinitate: Cum aliqua non amentur nisi quia bona sunt: pudeat eis inherendo non amare ipsum bonum vnde bona sunt.

## CAPUT IV.

De his quæ valent ad hoc ut aliquis ametur à Deo.

**D**ICTO de his quæ possunt hominē incitare ut Deū amet, dicendum est de his quæ faciunt ad hoc ut aliquis ametur à

Fidelitas  
Amico-  
rum ma-  
gna in-  
fidelitas.

Ut ane-  
mur à  
Deo quæ  
necessa-  
ria

X

Deo. Septem vero sunt quæ ad hoc valere possunt. Primum est sapientia. Sap. 7. *Sapientia infinitus thesaurus est hominibus, quo qui vñ sunt participes facti sunt amici Dei*: Et in eodem. *Neminem diligit Deus nisi eum qui cum sapientia inhabitat*. Nouit Dominus quod de amicitia stultorū prouenit damnum & dedecus, ideo non vult habere amicitiam cum stultis. Prouer. 14. *Acceptus est regi minister intelligens*. Secundum est munditia quæ effectus est sapientiæ Iac. 3. *Quæ desursum est sapientia, primum quidem pudica est: id est, pudicā faciens*. Propter munditiam vocatus est Ioannes discipulus quem diligebat Iesus. Ioan. vlt. Prou. 22. *Qui diligit cordis munditiam propter gratiā laborum suorum amicum habebit regem*. Cant. 6. *Dilectus meus mihi & ego illi, qui passus est inter lilia*. Puritate. n. delectatur. Sap. 6. Incorruptio facit proximum esse Deo. Tertium est mansuetudo quæ multum assimilatur Deo, cuius bonitatem alicuius malitia non perturbat: & ideo Deo amabilem facit propter mansuetudinem. Moyses erat mansuetissimus super omnes homines qui morabatur super terram. Numer. 12. specialiter amicus Dei fuit: Eccles. 45. *Dilectus Deo & hominibus Moyses*. Quartum est liberalitas quæ multum assimilatur Deo, qui ex liberalitate fecit quicquid fecit, creaturas rationales vt eis daret alias creaturas, vt eas daret. Seneca. *Qui dat beneficia, Deum imitatur*. Maxime vero Deum imitabitur qui pauperibus nihil iudicauerit, quam misereri, pretiosius. Liberalitas ratione similitudinis, hominem reddit Deo amabilem. 2. Corinth. 9. *Hilarem datorem diligit Deus*. Quintum est humilitas propter quam Dauid fuit vir secundum cor Dei. 1. Reg. 15. Matth. 23. In signum amoris quem habet Deus ad humiles, Deus amplexatus est paruulum. Et Benjamin frater minimus. Genes. 41. vocatur amantissimus Domini & Deut. 33. Sextum est dilectio. Diligit enim Dominus eos qui se diligunt: alioquin esset infidelis. Bern.

in epistolis: Nemo se amare diffidat qui iam amat. Libenter Dei amor nostrum quem præuenit subsequitur. Nam quomodo reamare pigebit, quos amauit nec dum amantes? Septimum est temporaliū contemptus. Matth. 19. *Si vis perfectus esse, &c.* Gloss. interli. In dilectione Dei. Seneca: Nemo dignus Deo qui opes non contempserit. Temporalia amata inquinant. Iuxta verbum Bernard. Ideo anima temporalia amans, quasi inquinata indigna est Dei amore. Augustin. in lib. Soliloquiorum: Si alicuius pulchræ scemine amore flagrares, iure se tibi non daret si aliud à te quicquam præter se amari comperisset. Sic qui in bonis contemptibilibus amorem suum ponit, Dei amore est indignus.

## CAPVT V.

## De modo amandi Deum.

SEquitur de modo amandi Deum. Modus autem diligendi Deum, est sine modo diligere vt ait Bern. in lib. de diligendo Deo. Idem ad fratres de monte Dei: In dilectione Dei non alia ratio, non alia discretio est: nisi vt sicut ille cum dilexisset nos, in finem dilexit nos: sic si fieri potest, nos in infinitum diligamus eum. Sicut beatus vir qui in mandatis eius cupit nimis. Sed cum nullum finem vel terminum habere debeat deuotio amantis: tamen terminos suos & fines & regulas habere debet actio operantis. Idem etiam ostendit modum amandi Deum esse, vt amemus eum quantum possumus, dicens ita: deus meus adiutor meus, diligam te pro dono tuo, & modo meo, minus quidem iusto, sed plane non minus posse meo: qui & si quantum debeo non possum, non possum tamen ultra quam possum. Potero vero plus cum plus donare dignaberis, nunquam tamen prout dignus habetis. Modus etiam amandi Deum ostenditur deut. 6. his verbis: *Diliges Dominum Deum tuum ex toto corde tuo, & ex tota anima tua, & ex tota*

fortitudine tua. Item Matth. 22. *Diliges Dominum Deum tuum ex toto corde tuo, ex tota anima tua & in tota mente tua.* Verba deute. videntur pertinere ad illas tres vires animæ quæ sunt, vis rationalis, vis concupiscibilis & irascibilis. Fortitudo enim quæ tertio loco ponitur, ad irascibilem pertinet. Verba vero Matthæi videntur pertinere ad illas tres vires animæ: quæ sunt intellectus, voluntas, & memoria. Vnde mens cuius est memorari, tertio loco ponitur. Luc. vero 10. utrumque videtur tangere, dicens: *Diliges Dominum Deum tuum ex toto corde tuo, & ex tota anima tua, & ex omnibus viribus tuis, & ex omni mente tua.* Et accipias idem per hoc quod dicitur, ex omnibus viribus tuis: & per hoc quod dicitur in deut. ex tota fortitudine tua. Et notandum quod secundum Greg. ista verba, *Ex toto corde tuo, &c.* & ad inculcationem ponuntur. Secundum Aug. totalitas ista aliter accipienda est prout competit statui patriæ: aliter prout competit statui vitæ. Secundum quod competit statui patriæ, attenditur in hoc totalitas ista, quod omnes motus animæ ad deum referantur: & sic non impletur in vita præceptum illud: nisi forsitan ad tempus breue à viris perfectissimis. Tamen secundum Aug. ideo præcipitur; quia non recte curritur si quod currendum est nesciatur. Quomodo autem sciretur si nullis præceptis ostenderetur? Et in præcepto affirmatiuo potuit præcipi quod non potest in vita impleri: quia præcepto affirmatiuo non obligatur quis ut illud impleat semper; sed ut impleat illud loco & tempore. Nullum vero præceptum negatiuum potuit esse simile huic. Illud enim obligat ut semper impleatur: & ideo necessario hominem faceret transgressorem. Bern. Mandata impossibilia non fecerunt transgressores homines, sed humiles. Secundum vero quod competit statui vitæ, totalitas ista in hoc attenditur, quod nullus motus sit in anima amoris dei contrarius, nec aliquid

præter deum propter se ametur. Ad primum pertinet illa expositio August. Toto corde, id est, intellectu, sine errore: tota anima, id est, voluntate, sine contradictione: tota mente, id est, memoria, sine obliuione. Ad secundum pertinet quod dicit Augustinus in libr. 3. de doctrina Christiana, cum ait. Toto corde, tota anima, tota mente, nullam vitæ nostræ partem relinquit quæ vacare debeat, & quasi locum dare & alia re vellet frui: sed quicquid aliud diligendum venit in animum illuc rapiatur quo totus dilectionis impetus currit. Frui, est amore inhaerere alicui rei propter se ipsam: ut ait Augustinus. Idem Augustin. in libr. Soliloquiorum: Ego non puto vllarum rerum vocandam cupiditatem, quæ propter aliud requiruntur. Idem in eodem: Iam certe ostendisti nihil aliud me amare quam Sapientiam. Siquidem quod non propter se amatur, non amatur. Ego autem solam per se amo sapientiam, cætera vero adesse mihi volo, vel deesse timeo propter ipsam. Loquitur de Sapientia increata. Contra totalitatem siue perfectionem amoris diuini, solus ille amor est, quo amatur aliquid præter deum, non propter deum. Augustin. 10. libr. Confessionum: domine, minus te amat qui tecum aliquid amat, quod non propter te amat. Modus ergo amandi deum est, ut ipse ametur super omnia, & propter se; secundum Bernardum vero sic exponitur verbum prius positum: *Diliges, &c. toto corde*: id est sapienter: *tota anima*, id est dulciter: *tota virtute*, id est fortiter vel perseveranter. Idem: discite Christiane à Christo, quem admodum diligas Christum. discite amare dulciter, prudenter, fortiter: dulciter, ne illecti: prudenter, ne decepti: fortiter, ne oppressi ab amore domini auertamur. Idem: Non abduci blanditiis, nec seduci fallaciis, nec iniuriis frangi: toto corde, tota anima, tota virtute diligere est. Idem exponens quid sit amare dulci-

Quid di-  
catur  
Deū toto  
cordedil-  
ligere.

ter, sapienter & fortiter. Dulciter, inquit, amat, qui Christo passo compatitur, compungitur & mouetur. Sapienter amat, qui ab Ecclesiastici sensus puritate nulla deuiat verisimilitudine, & qui discretionis metam nulla superstitione, vel leuitate, vel spiritus feruentioris vehementia deserit. Amor fortis est, cum nec vlla vi laborum, vel tormentorum, vel etiam metu mortis iustitia deseritur. Item toto corde Deum diligit, qui gloriam in solo Deo quærit. In corde enim magnanimitas petinens ad vim irascibilem intelligitur. Anima vero potest referri ad concupiscibilem, cuius est velle. Mens vero cuius est meditari, ad rationalem. Tōis ergo his tribus viribus aliquis Deum amat, quum vis rationalis à solo Deo desiderat, & ab eo solo se posse sapientem fieri credit: & quum vis concupiscibilis reputat Deum gaudium suum, & in illo gaudere quærit; & quum vis irascibilis in illo solo gloriari desiderat, aliam gloriam contemnens. Item notandum, quod toto corde siue intellectu Deum amat, qui intellectum suum in obsequium Christi captiuat, & qui studium suum Christo dat, & ad visionem Dei toto desiderio anhelat. De primo legitur 2. ad Corinthios 10. *In captiuitatem redigentes omnem intellectum in obsequium Christi.* Et notandum quod quadruplex debet esse captiuatio intellectus nostri. Prima, vt in his quæ sunt fidei, Deo obediamus. Hilarius: Soli Deo de se credendum est, qui se solus nouit. Secunda, vt male de nobis, & bene de proximo sentiamus. Seneca: Quod homines libenter faciunt de aliis, de te apud te male existima. Tertia, vt sensum superioris nostri, sensui nostro præferamus: quod maxime faciendum est in religione. Bernardus: Lignum in paradiso scientiæ boni & mali, censura discretionis est in conseruatione religionis penes patrem spiritualem, qui diiudicat omnia, ipse à nemine iudicatur, ipsius est discernere, alio-

rum obedire. Quarta, vt circa nosmet ipsos intendentes, ab aliis oculos auertamus. Bernardus: Temetipsum sollicite custodi, & vt temetipsum custodias, ab omnibus oculos auerte. Christo studium suum dat, qui ea quibus adiuuamur in Deum, ab eis quibus impedimur, sagaciter secernit, quod est prudentiæ: vt dicit August. Item qui doctrinam, Christum nescientem fastidit. Bernar. Si disputes, aut conferas, non sapit mihi nisi sonuerit ibi Iesus. Item qui in creaturis Deum intelligit, August. Væ illis qui diligunt nutus tuos pro te. Nutus tui sunt omne creaturarū decus. Tota anima, siue tota voluntate amat, qui perfecte obedit, quem nec timor mali transitorij exterreret, nec amor boni transitorij ab obedientia retrahit. Tota mente, seu memoria Deum diligit, qui ea quæ Deo displicent, & ab amore eius impediunt, obliuioni tradit: vt sunt iniuriæ nobis illatæ, quæ dum recogitantur, sunt quasi ferrum in vulnere, quod vulneris sanationem impedit. Item qui ea quæ ad honorem Dei pertinent & salutem animarum memoriz infigit, & quem magnus amor Dei de alio quam de Deo diu cogitare non finit, sicut solet accidere fatuè amanti- bus, qui non possunt obliuisci id quod amant. Bernardus super Canticum. O amor impetuosus, qui præter te cogitare aliud non finis! Deus vult habere amorem cordis nostri integrum. Prouerb. 24. *Præbe fili mi cor tuum mihi.* Leuit. 3. *Omnis adeps Domini erit iure perpetuo.* Augustinus in sermone: Totum exigit te qui fecit te. Sed noli tristis esse, quasi nihil unde gaudeas remaneat in te. Ex hoc enim diligit te, quod diligis Deum ex toto corde. Nec mirum si Deus velit habere cor integrum, quum sufficiat illud implere. Et notandum quod amor Dei debet esse rectus, strenuus, & lætus, desideriis plenus. Rectus, vt Deus propter se ametur, non propter temporalia. Augustinus 15. libro de Ciuitate Dei. Boni ad hoc vtuntur.

Quali-  
mor Dei  
esse cre-  
beat.

our mundo, vt fruantur Deo. Mali autem contra, vt fruantur mundo vti volunt Deo. Augustinus: Vti est id quod in vsum venerit, referre ad obtinendum illud quo fruendum est: aliàs abuti est, non vti. Amor quo aliquis amat Deum propter temporalia, contumeliosus est Deo. Temporalia enim præfert ei. Propter quod enim vnumquodque amatur, illud magis amatur. Item est quasi amor meretricius. Meretrix enim amatorem suum depauperatum abiicit. Hier. 3. *Quomodo si contemnat mulier amatorem suum, sic contempsit me domus Israel.* Hoc accidet tempore Antichristi, quando Christus erit quasi pauper: spoliabuntur enim qui ei adhærebunt. Amor talis etiam est caninus. Canis enim os nudatum carne deferens, strenuus debet esse. Poëta: *Amor odit inertes.* Item: *Militia species amor est, discedite segnes: Non sunt hæc timidis signa ferenda viris.* Item: Audacem faciebat amor. Item: Nil certe est quod non effræno captus amore ausit. Lætus etiam debet esse, dum tolerat dura pro eo quem amat. Act. 5. *Ibant Apostoli gaudentes à conspectu Concilij: quoniam digni habiti sunt pro nomine Iesu contumeliam pati,* desiderijs plenus: quum enim maior ignis sit, scintillæ desideriorum ex ipso emicāt. Daniel. 9. *Vir desideriorum es.* Esa. 26. *Animæ meæ desiderabis te in nocte.*

psal. 41. David. *Sitiuit anima mea ad Deum fontem vinum.* Bernardus super Canticum. Anima amans fertur votis, trahitur desiderijs: Item amor facundus est: Poeta: *Facundum faciebat amor.* Philosophus: Verborum abundantiam transmittit affectio. Amans sui ipsius obliuiscitur. Augustinus de verbis Domini: Oblita est anima seipsam, sed amando mundum. Nunc obliuiscatur se, sed amando artificem mundi. Item amans dolores corporis non sentit. Bernardus: Non mirum si exul à corpore dolores non sentiat corporis: neque hoc facit stupor, sed amor. Submittitur enim sensus, non amitti-

tur: nec deest dolor, sed contemnitur. Item amor dignitatis est nescius. Bernardus in libro de consideratione: Amor dominum nescit. Agnoscit mater filium & in insulis. Idem super Canticum. Anima amans maiestati oculos claudit, aperit voluptati. Idem loquens de anima ardentem amante, Proprio inebriatur amore, vt maiestatem non cogitet. Qui enim respicit terram, & facit eam tremere, & ista se ab eo postulat osculari, ebriane est? Ebria prorsus. Amor etiam omnia vincit. Bernardus super Canticum. Præceps amor nec iudicium præstolatur, nec consilio temperatur, nec pudore frænatur, nec rationi subiicitur. Item: Quid violentius triumphat de Deo? Amor. Quid tamen tam non violentum quam amor? Quæ ista vis, quæso, tam violenta ad victoriam? tam victa est violentia? Bernard. super Cantico. Magna est & violenta vis charitatis ipsum effectum Dei attingens & penetrans, & velut sagitta iecur eius transfigens. Cantico. 4. *Vulnerasti cor meum soror mea sponsa.*

## CAPVT. VI.

## De diuersis speciebus diuini amoris.

**N**Otandum quod quadruplex est amor Dei. Primus est naturalis, quo amore omnes amant Deum & boni & mali. August. in libro Soliloqui. Deus, quem amat omne quod amare potest, siue sciens, siue nesciens. Secundus est amor quo aliquis amat Deum, eo quod cognoscit eum sibi necessarium. In Psalm. *Diligam te Domine fortitudo mea: Dominus firmamentum meum, & refugium meum, &c.* Tertius est amor quo aliquis Deum amat propter delicias quæ in eo sunt Sapient. 8. *Et amator factus sum forma illius.* Quartus est amor amicitiae quo aliquis amat Deum, eo quod dignissimus sit amore: qui amor est pure gratuitus. Bernard. super Canticum. Amat.

Amor  
Dei qua-  
druplex.

caste, qui ipsum quem amat querit, non aliud quicquam ipsius. Item super Canticum. Amor per se sufficit: is per te placet & propter se ipse meritum, per primum est tibi. Tres ultimas species amoris videntur tangere Bernard. in libro de diligendo Deo, his verbis: Natura ita condita fuit, ut habeat iugiter necessarium protectorem quem habuit & conditorem, ut quæ nisi per ipsum non valuit esse, sine ipso nec valeat subsistere: quod sane ne de se creatura ignoret, & sibi, quod absit, eroget beneficia creatoris, vult hominem idem conditor, tribulationibus exerceri, ut cum defecerit homo, & subuenerit Deus, ab homine ut dignum est honoretur. Hoc enim dicit: *Inuoca me in die tribulationis: erua me, & honorificabis me.* Fit itaque hoc modo ut homo qui præter se neminem diligere nouerat etiam Deum vel propter se diligere incipiat, qui in ipso nimirum, ut sæpe expertus est, omnia possit quæ posse prosit, & sine ipso possit nihil. Amat ergo Deum, sed propter se, non propter ipsum. At si frequens ingruerit necessitas, ob quæ & frequens ad Deum fiat conuersio, & à Deo frequens liberatio conferatur. Nonne & si fuerit, ferreum pectus, vel cor lapideum, per totiens liberari emolliri necesse est ad gratiam liberantis, quatenus homo Deum diligit, non propter se tantum, sed propter ipsum? Ex occasione quippe frequentium necessitatum, crebris necesse est interpellationibus. Deum ab homine frequentari, frequentando gustari, gustando probari: quoniam suavis est Dominus. Ita fit ut ad diligendum pure Deum, plus iam ipsius alliciat gustata suauitas, quam urgeat nostra necessitas. Suauitatem potes intelligere vel eius delectabilitatem, vel benignitatem.

## CAPVT VII.

## De signis diuini amoris.

Signa de  
cæ amo-  
ri: diu-  
ni.

**D**Ecem sunt signa quibus perpendi potest utrum aliquis amet Deum. Primum est cum aliquis libenter cogitat

de Deo. Vbi enim amor, ibi oculus. Vnde super illud Io. 10. *Domine, si tu sustulisti eum, dicito mihi ubi posuisti eum?* dicit glossol. Non dicit quem: quia hoc in animo agere solet vis amoris, ut quem semper cogitat, nullum alium ignorare credat. Sap. 6. *Cogitare de illa sensus est consummatus*, loquitur de Sapientia increata. Secundum est, quum aliquis est libenter in domo Dei. Lucæ 2. dicitur de Anna quod non discedebat de templo, quæ meruit interesse præsentationi Domini in templo. Et Christus quum esset duodecim annorum, inuentus est in templo. Luc. 2. qui matri suæ & Ioseph ait: *Nesciebatis quia in his quæ Patris mei sunt oportet me esse?* Et super illud Matth. 21. *Intrauit Iesus templum*, dicit Glossol. Ingressus urbem, primo templum adiit: dans formam religionis, ut quocumque imus, primum domum orationis, si ibi est, adeamus. Chrysost. Proprium erat boni filii, ut veniens primo ad domum curreret Patris. Tu autem imitator Christi factus quum in aliquam ingressus fueris ciuitatem, primo ante omnem actum ad ecclesiam curras. Tertium est, cum aliquis de Deo vel cum Deo libenter loquitur. De hoc habemus exemplum in Magdalena quæ Christum dilexit multum: cuius verba quæ habentur in euangelio vel de Deo, vel cum Deo fuerunt. Vnde habes Ioann. 11. *Domine, inquit, si fuisset hic, frater meus non fuisset mortuus.* Alia tria habes Ioann. penul. *Tulerunt* (inquit) *Dominum meum, & nescio ubi posuerunt eum.* Et paulo post: *Domine si sustulisti eum, dicito mihi, & ego eum tollam?* Et iterum. *Venit Maria Mag. annuntians discipulis, quia vidi Dominum, & hæc dixit mihi.* 1. Pet. 4. *Si quis loquitur quasi sermones Dei.* Et super illud Rom. 8. *Quis nos separabit à charitate Christi?* Dicit Chrysost. Hic amantium mos est, ut amorem suum silentio tegerenequeant: sed necessariis & charis suis efferrunt & produnt, & flammæ intra pectus suum cohibere non possunt. Enarrant fre-



4. quentius, ut ipsa assiduitate narrandi solatium amoris sui capiant, & refrigeria immensi ardoris assumant. Sic ergo facit hic beatissimus amator Christi. Quartum est, quum quis libenter Deum audit, & audita ab eo retinet memoriter. Luc. 2. *Maria conseruabat omnia uerba hæc, conferens in corde suo.* Eiusd. *Magdalena sedens sicus pedes Domini, audiebat uerbum illius.* Ioan. 14. *Qui habet mandata mea, & seruat ea, ille est qui diligit me.* Quintum est, cum quis libenter dat pro Deo. Canticor. ultim. *Si dederis homo omnem substantiam pro dilectione, quasi nihil despiciet eam.* Et Luc. 7. dicit Dominus de Magdalena post beneficia eius enumerata. *Dimittuntur ei peccata multa: quoniam dilexit multum.* 1. Ioann. 3. *Qui habuerit substantiam mundi huius, & uiderit fratrem suum necessitatem habere, & clauserit uiscera sua ab eo, quomodo charitas Dei manet in eo?* Sextum est, quum aliquis pro Deo libenter patitur. Eccl. 2. *In igne probatur aurum & argentum: homines autem receptibiles in camino humiliationis.* Ioann. 18. *Calicem quem dedit mihi Pater, non vis ut bibam?* Greg. in prima parte Moralium: Pœna quippe interrogat si quietus quis veraciter amet.
7. Septimum est, quum mandatis Dei aliquis obedit. 1. Ioann. 5. *Hæc est charitas Dei ut mandata eius custodiamus.* Item 2. Ioan. *Hæc est charitas ut ambulemus secundum mandata eius.* Ioann. 4. *Si quis diligit me, sermonem meum seruet.* Specialiter signum diuini amoris est, si quis seruat illud mandatum, quod Saluator specialiter dicit suum. Ioann. 15. *Hoc est præceptum meum ut diligatis inuicem.* 1. Ioa. 14. *Hoc mandatum habemus à Deo, ut qui diligit Deum diligit fratrem suum.* Maxime amor pauperum signum est diuini amoris. Illi enim non amantur propter se, sed propter Deum Prouerb. 19. *A paupere, & amici quos habet separandum.* In eodem: *Fratres hominis pauperis oderunt eum, & amici procul recesserunt ab eo.*
8. Octauum est, quum quis amat quæ deo

placent, & odit quæ deo displicent. Ad primum monemur exemplo Christi Matt. 12. *Quicumque fecerit uoluntatem patris mei qui in calis est, ille meus frater, & soror, & mater est.* Ad secundum, exemplo Dauid: *Iniquos odio habui.* Idem: *Nonne qui oderunt te Domine oderam, & super inimicos tuos tabescebam?* &c. Item: *Defectio tenuit me pro peccatoribus &c.* Item: *Vidi prauaricantes & tabescebam.* Ambrosius super Beati immaculati. Si is qui non relinquit parentes propter nomen Dei, non est deo dignus: quanto magis qui diligit eius inimicos acceptus deo esse non poterit? Hieronymus in epistolis: Nationes aduersariorum immortalis odio persequimur: blasphemantibus deum clementem porrigimus manum. Ambrosius in Hexamet. Quid nos dignum nostro referimus creatori, cuius cibo vescimur, & dissimulauimus iniurias? Nonum est, quum quis frigescit à sollicitudine & amore mundi. Gregor. Tanto frigescit quis à curis seculi, quanto surgit ardentius in amorem dei. Item Iacob. qui angelum reuinit, vno mox pede claudicauit: quia qui vero amore sublimia respicit, iam in hunc mundum duplicibus desideriis incedere nescit. Decimum est, quum aliquis magnum honorem exhibet ministris Dei: sicut qui eos spernit, deum spernit. Matth. 10. Sic qui eos honorat, deum honorat Ecclesiast. 7. *In omni uirtute tua dilige Deum qui te fecit, & ministros eius ne derelinquas. Honora Deum ex tota anima tua, & honorifica sacerdotes.*

## CAPVT VIII.

De his quæ incitant ad amandum proximum.

**N**Otandum quod licet debeamus amare deum, & nos, & proximum: tamen non habemus speciale præceptum de amore nostri, nec specialis tractatus erit hic de amore illo, eo quod amare deum sit amare se ipsum. Vnde Au. Ille solus se

Psal. 118.  
Psal. 138.  
Psal. 11.  
Psal. 118.

9.

nouit diligere, qui Deum diligit. Siquide ille se satis diligit, qui sedule agit vt summo & vero fruatur bono: quod si nihil aliud est quam Deus, quis cunctari potest, quin se amet qui amator est Dei? Item Aug. Quum illa dilectione quam Deus imperat, debeat homo diligere deū, & seipsum, & proximum: non tamen ex hoc tria praecepta data sunt: vt intelligatur nullam esse aliam dilectionem, qua quisque diligit seipsum, nisi quod diligit Deum. Qui n. aliter diligit se, potius se odisse dicendus est. De amore vero proximi hoc modo dicitur. Primo dicitur de illis quæ possunt incitare ad hoc vt amemus proximum. Secundo de his quæ possunt valere ad hoc vt amemur à proximo. Tertio de modo amandi eum. Quarto de diuersis speciebus huius amoris. Circa primum notandum quod ad amandum proximum, Primo potest nos incitare sacra Scriptura quæ totiens ad hoc monet. Leuit. 19. *Diliges amicum tuum sicut teipsum.* Et in eodem: *Diligetis aduenam quasi vosmetipsos.* Et Deut. 10. *Amate peregrinos.* Matt. 22. & Luc. 10. *Diliges proximum tuum sicut teipsum.* Ioan. 13. *Mandatum novum do vobis vt diligatis inuicem.* Idem 15. Et 1. Io. 4. *Charissimi diligamus nos inuicem.* Et specialiter illa scriptura deberet nos incitare ad hoc, quæ ostendit praeceptum de dilectione proximi, specialiter esse praeceptum Saluatoris. Ioan. 15. *Hoc est praeceptum meum, vt diligatis inuicem &c.* Legitur in vita beati Io. Euangeliste, quod cum ipse deuenisset ad vltimam senectutem, & vix inter discipulorum manus ad ecclesiam deferretur, nec posset plura docere verba, ad quamlibet pausam hoc dicebat: Filioli, diligite alterutrum. Tandem discipuli & fratres qui aderant audientes quod eadem verba semper diceret, dixerunt: Magister, quare semper hæc loqueris? qui respondit: Quia praeceptum Domini est, & si solum fiat, sufficit.

Hoc praeceptum lucidum est & breue, vtile & leue. Tale siquidem debuit esse

praeceptum optimi praeceptoris. Dionys. Optimi est optima adducere. Lucidum debuit esse, ne quis dicat: non mihi licuit intelligere. Breue ne quis dicat: tædet me legere. Lucidum decuit esse praeceptum eius qui erat Lux vera. Ioan. 1. & Psal. *Præceptum Domini lucidum illuminans oculos.* Decuit Verbum æternum in incarnatione abbreviatum abbreviare legem. Decuit etiam vtile esse praeceptum illius qui ad hoc venerat, vt se totum in vtilitatem nostram expenderet. Hier. O nimiam Dei clementiam! ò ineffabilem Dei benignitatem! præmium nobis pollicetur, si nos mutuo diligamus, & si nobis ea præstemus inuicem quibus inuicem indigemus. Et nos superbo simul & ingrato animo ei renitimur, cuius imperium beneficium est. Decuit etiam esse leue praeceptum benignissimi domini. Matth. 11. *In-gum enim meum suauis est, & onus meum leue.* Vere leue est hoc praeceptum, quum à quolibet possit impleri, & à paupere & à diuite, ab infirmo & sano. Non est necesse emere oues & boues, vel ire vltra mare vt hoc praeceptum impleatur. Deut. 30. *Mandatum hoc quod ego præcipio tibi hodie, non supra te est, neque procul positum, &c. sed iuxta te est sermo valde in ore tuo & in corde tuo, vt facias illum.* Dicebat praeceptum eius qui venerat legem implere, esse legis plenitudinem: plenitudo autem legis est dilectio. Rom. 13.

Secundo potest incitare ad amorem proximi, amor quem videmus inter animalia irrationabilia eiusdem speciei. Eccles. decimo tertio: *Omne animal diligit simile sibi.* Et post: *Omnis caro ad similem sui coniungetur.* Si lupus & leo, & serpens non exercent illam ferocitatem in animalia quæ sunt suæ speciei quam exercent in alia, quid dicendum est de homine qui defauit in alium hominem nisi quod ferocior est lupo, leone, & serpente? Etiam ipsa aqua quæ naturaliter habet pugnam cum igne, pacem habet cum alia aqua quæ est eiusdem speciei cum ea. Tertio fraternitas

Ad amā-  
dum pro-  
ximum  
sacra  
scriptura  
hortatur

Psal. 11.

Similitudo.

Fraternitas naturalis.

nitas naturalis quæ est inter omnes homines. Aug. in lib. de disciplina Christiana: Si putamus non esse proximos, nisi qui de eisdem parentib. nascuntur, Adam & Eua intendamus, & omnes fratres sumus. Idem 12. lib. de Ciuit. Dei: Nihil tam discordiosum vitio, tam sociale naturæ, quam genus humanum. Propterea Deus voluit creare parentem vnum de quo multitudo propagaretur: vt hac admonitione etiam in multis concors vnitas seruaretur. Quod vero illi fœmina ex eius latere facta est, etiam hinc satis significatum est, quam chara mariti & vxoris debeat esse coniunctio. Malac. 2. *Nunquid non pater vnus est omnium nostrum? quare ergo despicit vnusquisque vestrum fratrem suum?* Voluit Deus vnicum hominem primo formare, ex quo omnes procederent, vt tanquam fratres omnes homines se amarent. Non sic legimus factum in angelis, vel animalibus brutis. Dilectio est debitum naturale, quo vnus homo obligatus est alteri, à quo debito nullus absoluitur quantumcunque ab eo saluatur. Vnde super illud Rom. 13. *Nemini quicquam debeatis, nisi vt inuicem diligatis,* dicit gl. Aug. Sola charitas quæ etiam reddita semper detinet debitorem. Sen. Hæc societas diligenter & sancte est obseruanda, quæ nos omnes omnibus miscet & iudicat aliquod esse commune ius generis humani. Plurimum quoque ad interiorē societatem amicitie colendam proficit. Omnia enim cum amico communia habebit, qui multa cum homine. Ius commune generis humani videtur contineri in illis duobus mandatis. Quod ab alio tibi oderis fieri, vide tu ne aliquando alteri facias. Tob. 4. & Matth. *Quæcunque vultis vt faciant vobis homines, & vos eadem facite illis.* Item Seneca. Mihi ab istis subtilius præcipi malo, quid amico præstare debeam, quid homini, quam quot modis dicatur amicus, & homo quam multa significet. Idem: Sapientie homo pro amico est: Stultitie amicus non est pro homine.

Quarto, fraternitas spiritualis, de qua <sup>sp</sup> August. in lib. de disciplina Christiana: <sup>lis.</sup> Omnes quidem fratres secundum quod homines sumus: quanto magis secundum quod Christiani sumus? Ad id quod homo es, vnus pater fuit Adam, vna mater fuit Eua: ad id quod Christianus, vnus pater est Deus, vna mater Ecclesia. Hæc fraternitas tanto est melior fraternitate naturali, quanto meliorem habet Patrem Deum. Matth. 13. *Et patrem nolite vocare vobis super terram: vnus est enim Pater vester qui in celis est.* Item quanto melior est mater Ecclesia matre carnali: est melior hæreditas cælestis quam temporalis. Heb. 10. *Rapinam bonorum vestrorum cum gaudio suscepistis, cognoscetes vos habere meliorem & manentem substantiam.* Si amandi sunt fratres qui diuidendo hæreditatem portionem vniuscuiusq; minorem faciunt, quantum amandi sūt fratres illi qui portionem vniuscuiusq; augent? Quanto enim plures erunt electi, tanto amplius gaudebunt. Plus enim gaudebit vnus electorum de gloria animæ alterius, quam de gloria proprii corporis. Quinto debet incitare ad amorem proximi exemplum Christi. Non enim est despiciendus quem Christus ita charum habuit quod pro eius redemptione mori voluit. Appende proximum tuum hoc pretio ne tibi vilescat. Apoc. 1. *Qui dilexit nos, & lauit nos à peccatis nostris in sanguine suo.* Ad Tit. 2. *Qui dedit semetipsum pro nobis.* Exemplo suo voluit Christus nos ad hoc incitare, cum dicit Ioan. 15. *Sicut dilexi vos.* Sexto exemplū angeli qui adeo amat hominem, vt custodiat eum in omnibus viis suis. Non est despiciendus homo ab homine, qui adeo charus est angelo. Matt. 18. *Videte ne contemnatis vnum ex his pusillis, Dico enim vobis quia angeli eorum sæper vidēt faciem Patris mei qui in celis est.* Septimo, quod fraterna dilectio tantū placeat Deo. Eccl. 25. In tribus beneplacitum est spiritui meo quæ sunt probata coram Deo & hominibus. Concordia fratrum,

scilicet  
Ch.

Angeli  
factum.

Officium  
placitum  
Dei.

Y

Simili-  
e idem  
ad Deū.  
Quia  
Membra  
Dei.

amor proximorum, & vir & mulier bene sibi consentientes. Octauo, similitudo quam habet proximus ad Deum. Licet aliquis amet omnes filios amici sui: tamen specialem habet amorem ad eum qui amplius amico suo est similis. Sic licet ad omnia opera Dei amorem habere debeamus: tamen specialiter ad hominem, quem constat esse factum ad imaginem & similitudinem Dei. Gen. 1. Nono, quia membrum est corporis cuius est caput. 1. Cor. 12. *Vos estis corpus Christi.* Non amat caput qui non amat membra. Decimo, quod membrum est eiusdem corporis, cuius & ipse: naturaliter vero amor est inter membra vnius corporis. Rom. 12. *Multi unum corpus sumus in Christo: singuli autem alter alterius membra.* Vndecimo, emolumentum multiplex quod sequitur ex hac dilectione. Ecclesiast. 4. Melius est duos esse simul, quam vnum. Habent enim emolumentum societatis suæ. Quinque sunt emolumenta huius sanctæ societatis. Primum est victoria. Vnde subditur Ecclesiast. 4. *Si quis prauauerit contra unum: duo resistunt ei.* Prouerb. 18. *Frater qui inuatur à fratre, quasi ciuitas firma.* Goliath inuitat à singulare certamen. 1. Reg. 17. E contrario Moyses ait Exod. 32. *Si quis est Domini, iungatur mihi.* Ambr. Omnis pugna vnanimiter aggressa victoriam parit. Secundum est, bonorum abundantia. Quod enim homini deest in se, habet in amico suo: & ad quod impotens erat per se, potens efficitur eo sibi coniuncto. Tullius de Amicitia: Virtutum amicitia adiutrix à natura data est, non vitiorum comes, ut quæ solitaria non posset virtus ad ea quæ summa sunt peruenire, coniuncta & consociata cum altera perueniret. Tertium est impetratio eius quod in oratione petitur. Matth. 18. *Si duo ex vobis consenserint super terram de omni re quamcunque petierint: fiet illis à Patre meo qui in cælis est.* Quartum est mutua exhortatio, Ecclesiast. 4. *Vnus enim quomodo calefaciet?* Quintum consolatio, Prouerb. 27.

II.  
Ob emolu-  
mentū  
multi-  
plex.

*Vnguento & variis odoribus delectatur cor, & bonis amici consiliis anima dulcoratur.* Tullius de Amicitia: Solem de mundo tollere videntur, qui amicitiam de vita tollunt: quia nihil à Deo melius habemus, nihil iucundius. Item Tullius. Quoniam res humanæ fragiles sunt & caducæ, semper acquirendi sunt quos diligamus, & à quibus diligamur. Charitate enim beneuolentiaque sublata, omnis est de vita ablata iucunditas. Duodecimo, 12. *Propter dānum.* damnum quod facit fraternum odium vel discordia. Hoc enim facit in corpore Ecclesiæ quod facit diuisione continuitatem in humano corpore, ex qua sequitur dolor magnus & quandoque mors. Ideo Saluator multum rogat pro vnitate Ecclesiæ. Ioann. 17. *Pater sancte, serua eos in nomine tuo quos dedisti mihi: ut sint unum sicut & nos.* Item in eodem: *Non pro eis rogo tantum: sed pro eis qui credituri sunt per verbum eorum in me, ut omnes unum sint.*

## CAPVT IX.

*De his quæ valere possunt ad hoc ut quis ametur à proximo.*

**E**st notandum quod licet utrunque sit appetendum, & amare proximum, & amari ab ipso: tamen magis appetendum est amare, quam amari. Beatius est magis dare, quam accipere, Actor. 20. *Qui solum amari volunt, ignem esse volunt in domo proximi sui, & ipsi in domo propriæ conscientie frigore pereunt.* Ipsi etiam pretiositatem proximis suis & bonis eorum desiderant, de pretiositate vero sua bonorum propriorum non curant. Charitas enim, ut prius ostensum est, pretiositas est hominis & operum ipsius. Et notandum quod multa sunt quæ valere possunt ad hoc ut aliquis ametur à proximo: Primum est, modestia in sermone Ecclesiast. 20. *Sapiens in verbis amabilem se facit: gratie autem factorum effundentur.* Secundum est similitudo, quæ multum facit ad

He val:  
ut quis  
ametur à  
proximo

amorem, & sicut dissimilitudo ad odium, Eccl. 27. *Volatilia ad sibi similia conueniunt.* Ambr. super psalmum, *Beati immaculati.* Est institum bonis, vt vnusquisque virtutes suas in aliis amet. Econtrario, Oderunt hilarem tristes, tristemque iocosi. Virtus etiam hominem amabilem reddit. Tullius de Amicitia: Nihil est virtute amabilius, nihil quod magis alliciat ad diligendum. Quippe cum propter virtutem & probitatem, etiam eos quos nunquam vidimus, quodammodo diligamus. Item in eodem: Tanta est vis probitatis vt eam vel in eis quos nūquam vidimus, vel quod maius est, in hoste diligamus. Valet etiam ad hoc quod aliquis ametur specialiter, virtus mansuetudinis, Ecclesiast. 3. *Fili, in mansuetudine opera tua perfice, & super gloriam hominum diligeris.* Mansuetudo ad modum adamantis habet virtutem attractiuam, Ezechiel. 3. *Vt adamantem & silecem dedis faciem tuam.* Valet etiam ad hoc quod aliquis ametur, fidelitas, Ecclesiast. 33. *Si est seruus fidelis tibi: sit tibi quasi anima tua, quasi fratrem sic tracta eum.* Ecclesiastic. 27. *Dilige proximum, & coniungere fide cum illo.* Et eiusdem 6. *Amico fidelis nulla est comparatio.* Et iterum: *Amicus fidelis medicamentum vite & immortalitatis.* Valent etiam ad idem obsequia & beneficia. Terentius in Andria: Hoc tempore obsequium amicos, veritas odium parit. Ignis amoris lignis beneficiorum debet nutriri, alioquin deficit. Obsequia etiam feras ad amorem incitant, & inimicos amicos efficiunt, ad Rom. 12. *Si esurieris inimicus tuus, ciba illum: si sitit, potum da illi.* Hoc enim faciens carbores ignis congeres super caput eius: id est, cor eius accendes ad te amandum. Notandum tamen quod beneficia non parant amicitiam, nisi quum discrete dantur. Ecclesiast. 20. *Fatuus non eris amicus, & non eris gratia in bonis illius, qui enim edunt panem illius, falsa lingue sunt.* Quoties, & quanti irridebunt eum? Neque enim in quod habendum erat ab alio,

scilicet directo sensu, distribuit, similiter & quod non erat habendum, ipse indiscrete dat danda & similiter non danda: propterea sapientia dicitur esse mater pulchre dilectionis Ecclesiast. 24. Discretio enim requiritur ad acquirendum amicum. Seneca: Nullum habet maius malum occupatus homo & bonis suis obsessus, quam quod amicos sibi putat quibus non ipse est: quod beneficia sua efficacia iudicat ad conciliandum amicos, cum quidam quo plus debent, magis oderint. Quid ergo? Beneficia non putant amicitias? Parant si accepturos licuit eligere: si collocata, non sparsa sunt. Itaque dum incipio esse mentis tuæ, interim hoc consilio sapientum vtere, vt magis existimes pertinere ad rem quis quam quid acceperit. Tullius in Rhetorica: Melius apud bonos, quam apud fortunatos beneficium collocatum est. Inter omnia maxime valet ad hoc quod aliquis ametur, si ipse primo amauerit. August. Nulla est maior ad amorem inuitatio, quam præuenire amando. Et nimis durus est amicus, qui dilectionem si nolebat impendere, nolit rependere. Seneca in Epistolis: Quæris quomodo amicum facturussis cito? Ego tibi monstrabo amatorium, sine medicamento, sine herba, sine vllius veneficæ carmine: Si vis amari, ama. Item vt ameris, amabilis esto.

## CAPVT X.

## De modo amandi proximum.

**N**Otandum quod scriptura sacra triplex exemplar nobis ministrat ad ostendendum quomodo proximum amare debeamus. Primum est, amor quo Christus amauit nos. Ioan. 15. *Hoc est preceptum meum, vt diligatis inuicē, sicut dilexi vos.* Secundum est, amor quo amamus nosmetipsos. Matth. 22. & Luc. 19. *Diliges proximum tuum sicut teipsum.* Tertium est, amor quem habent membra eiusdem

Modus  
amandi  
proximum

Qui Deus  
nos amet

corporis ad inuicem. Ad Rom. 12. *Sicut in uno corpore multa membra habemus, omnia autem membra non eundem actum habent: ita multi unum corpus sumus in Christo.* De eodem habetur. 1. Cor. 12. Et notandum circa primum, quod Christus amauit nos amore gratuito, scilicet amore gratis dato, non præcedentibus meritis nostris reddito. 1. Ioan. 4. *In hoc est charitas, non quasi nos dilexerimus Deum: sed quando ipse prior dilexit nos.* Sic amare debemus proximum. Non sic faciunt qui nolunt amare nisi eos à quibus se primo agnoscunt amari. Matt. 5. *Si diligitis eos qui vos diligunt, quam mercedem habebitis? nonne & Publicani hoc faciunt?* Item amauit nos Christus amore recto: quia non propter utilitatem suam, sed propter nostram: non ut à nobis acciperet, sed ut nobis daret. Seneca in epistolis: Amicus qui utilitatis causa assumptus est, tandiu placebit quādiu utilis erit. Et iterum: Necessè est ut initia inter se, & exitus congruant. Qui amicus esse cæpit, quia expedit, placebit aliquod pretium illi contra amicitiam, si vllum in ea placet præter ipsam. In quid igitur ego amicum paro? Ut habeam pro quo mori possim, ut habeam quem in exilium sequar, cuius me morti & opponam & impendam. Ista quam tu describis, negotiatio est, non amicitia, quæ ad commodum accedit, quæ quid consecutura sit spectat. Idem: Sapiens habere amicum vult, sed ob nihil aliud quam ut exerceat amicitiam, ne tam magna virtus iaceat: non ad hoc ut habeat qui sibi ægro affideat, succurrat in vincula coniecto vel inopi: sed ut habeat aliquem cui ipse ægro affideat, quem ipse circumuentum hostili custodia liberet. Qui se spectat, & per hoc ad amicitiam venit, male cogitat: quemadmodum cæpit, sic desinet. Parauit amicum aduersum vincula latitum opem: cum primum crepuerit catena, discedet. August. ad Macedonium: Vera amicitia non pensanda est temporalibus commodis: sed gratuito amore

portanda. Ambros. Amicitia virtus non quæstus est. Hieronym. in epistolis: In amicis non res quæritur, sed voluntas. Idem super 12. Prophetas: Delicata amicitia est, quæ amicorum facilitatem & diuitias sequitur. Istiusmodi homines non mihi videntur amicos, sed seipsos diligere. Tullius de Amicitia: Amicitiam non spe mercedis, sed quod omnis fructus in ipso amore est, expectandam putamus. Si utilitas conglutinalet amicitias, eadem commutata dissolueret. Boetius in lib. de consolat. Quem felicitas amicum fecit, infortunium fecit inimicum. Item amauit nos Christus amore discreto. Amor discretus est qui personas amat, & vitia persequitur: nec sic personis condescendit quod vitiis implicetur. Bernard. Christus in carnis assumptione cōdescendit mihi, in culpæ vitiatione consuluit sibi. Sic amare debemus proximum. Ad Rom. 13. *Dilectio proximi malum non operatur.* Tullius in lib. de Amicitia. Nulla est excusatio, si amicitia causa peccaueris. Nam cum conciliatrix amicitia virtutis opinio fuerit, difficile est amicitiam manere, si virtute defeceris. His sancitur lex amicitia, ut nec rogemus res turpes, nec faciamus rogati. Charitas iugum est à parte anteriori homines ligans. Facit enim eos cōcordes in bono. Amicitia vero mundi à posteriori colligat homines ut vulpeculas Samsonis. Iudic. 15. Facit enim concordēs in malo. Item Christus amauit nos amore vehementi. Ioan. 15. *Maiorem hac dilectionem nemo habet, quam ut animam suam ponat quis pro amicis suis.* Sic debemus amare proximum. 1. Ioan. 3. *In hoc cognouimus charitatem Dei: quoniam ille animam suam pro nobis posuit, & nos debemus pro fratribus animas ponere.* Adeo debemus amare proximum, ut etiam amemus quæ ipsius sunt. Deut. 22. *Non videbis bonum & onem fratris errantem, & prateribis, sed reduces fratrem tuo.* Item amauit nos Christus amore fructuoso nō vocali solum. Sic debemus amare proximū. 1. Ioan. 5. *Filioli,*

*non diligamus verbo, neque lingua: sed opere & veritate.* In quibusdam charitas habet linguam magnam, & manum nullam, Gregor. in Moral. Dilectio nostra semper exhibenda est & veneratione sermonis & ministerio largitatis. Idem: Probatio dilectionis est exhibitio operis. Item amavit nos Christus amore perseveranti, Io. 13. *Cum dilexisset suos qui erant in mūdo, in finē dilexit eos.* Sic amare debemus proximum. Sed sunt qui eum felicem amant: felicitate vero recedente ab eo, recedunt: hi secundum veritatem nunquā eum amauerunt. Greg. Cum quis positus in prosperitate diligitur, incertum valde est utrum prosperitas, an persona diligatur. Amissio felicitatis vim interrogat amoris. Qui in aduersitate proximum despicit, apertē conuincitur quod hunc in prosperis non amavit. Sen. de remediis fortuitorū: Multi illum comitantur, mel muscæ sequuntur, cadauera lupi, frumenta formicæ: prædam sequitur illa turba, non hominem. Sen. in epist. Quid tu beneficio tuo scire non potes, paupertatis beneficio scies. Illa veros certosq; amicos retinebit. Discedet, quisquis non te, sed aliud sequebatur. Boetius in lib. Consolat. Hæc aspera fortuna tibi certos sodalium vultus ambiguosq; secer nit, discedēs suos abstulit, tuos reliquit, & nunc amissus opes queri desine, quod pretiosissimum diuitiarū genus est, amicos inuenisti. Eccl. 12. *Non agnoscetur in bonis amicus, nec abscondetur in malis inimicus.* Eccl. 6. *Est amicus secundum tēpus suum, & non permanebit in tempore tribulationis.* Item in eodem. *Est amicus socius mensæ, & non permanebit in die necessitatis.* Eccl. 37. *Est amicus solo nomine amicus.* Sunt aliqui etiam qui parua occasione de amicis efficiuntur inimici. Eccl. 6. *Est amicus qui conuertitur ad inimiciā.* Tullius: Nihil turpius est quam cum eo bellum gerere, cum quo familiariter vixeris. Ambr. Constans debet esse amicitia, & perseverare in affectu: nec puerili modo amicos mutare vaga quadā sententia. Tullius: Sodales vetustos

nunquam sequentium nouitate fastidias. Procul autem sit videre amicis uti quasi floribus, tandiu gratis quamdiu recentib. Eccl. 9. *Non derelinquas amicum tuum antiquum: nouus enim non eris similis illi.* Vinum nouum, amicus nouus: vetera scet, & cum sua uitate bibes illud. Amicitia est necessarium vitæ humanæ præsidium: sicut temere assumi non debet, sic semel recte apprehensum sperni non conuenit. Circa secundum exemplar notandum, quod illud mandatum, *Diliges proximum tuum, sicut teipsum*, dupliciter potest intelligi. Vno modo sic: id est, ad quod teipsum: sc. ad gratiam in præsentī, & gloriam in futuro. Vel in ipso teipsum: i. e. in Deo. Aug. de doctrina Christiana: Quisquis recte diligit proximum, hoc cum eo debet agere, ut etiam ipse toto corde, tota anima, tota mente diligit Deum. Vel sic potest intelligi, ut sit sentus: Hoc facias proximo quod tibi vis fieri, quod autem non vis tibi fieri, ei non facias, ut hæc duo præcepta iuris naturalis, quorum vnum habes Matt. 7. aliud. Tob. 4. sint expositiua huius mandati. Isid. in lib. differentiarum: Duo sunt erga proximi dilectionem seruanda, ut beneficij impensione foueatur, & nulla malitia lædatur. Non dicitur, Diliges proximum tuum plusquam teipsum. Videtur plusquam seipsum proximum velle diligere, qui curationi propriæ non sufficiens, curam proximi sui cupit assumere. Bern. super Cantic. Tu frater, cui firma satis propria salus nodum est, cui charitas adhuc aut nulla est, aut adeo tenera atque arundinea quatenus omni statui cedat, omni credat spiritui, omni doctrinæ circumferatur vento, imo cui tanta est charitas, ut ultra mandatum quidem diligas proximum tuum plusquam teipsum: & rursus tantilla, ut contra mandatum fauore lique scat, pauore deficiat, perturbetur tristitia, auaritia contrahatur, ambitione protrahatur, suspicionib. inquietetur, conuitiis exagitetur, curis euisceretur, honorib. tumeat, liuore tabescat. Tu inquam ita in propriis

Diliges  
proximū  
& quomodo  
intelligitur.

teipsum sentiens, qua nunc dementia, quiesco, aliena curare aut ambis, aut acquiescis? Audi quid consulat cauta vigilque charitas: Non quod aliis, inquit, sit remissio, nobis autem tribulatio: sed ex æqualitate. Noli nimium esse iustus, sufficit ut diligas proximum sicut teipsum. Greg. in Moral. Magna cura necessaria est prædicatori ut timoris laceratione se mordeat: ne proximum iuvando, se defeciat, ne alios erigens cadat. Et notandum, quod cum præceptum sit ut proximum sicut nos diligamus: qui se non diligit, proximum diligere nescit. Augustinus in lib. de verbis Domini: Vide si iam nosti diligere teipsum, & committo tibi proximum quem diligas sicut teipsum. Si autem non nosti diligere te, timeo ne decipias proximum sicut te. Idem in lib. de disciplina Christiana: Si te interrogem utrum diligas te? Respondes, quia diligas: quis enim se odit? ergo non diligis iniquitatem: nam si diligis iniquitatem, odis te. Non ego dico, Psalmistam audi: *Qui diligit iniquitatem, odit animam suam*. Idem in eodem: *Qui diligis iniquitatem, quomodo tibi volebas committi proximum ut diligeres eum tanquam te, homo qui perdis te?* Si enim tu ipse sic te diligis ut perdas te: sic profecto perditurus es eum quem diligis sicut te. Nolo ergo quendam diligas: vel solus peri, aut corrige dilectionem, aut respue societatem. In summa notandum est, quod modus amandi proximum, est ut amemus eum super res transitorias, & citra Deum, & propter Deum. Vnde qui proximum diligit debito modo, Deum plus diligit propter quem proximum diligit. Et ideo manifestum potest esse quomodo illud verum est ad Rom. 12. *Qui diligit proximum, legem implevit*. Et ad Galat. 5. *Omnis lex in uno sermone completur. Diliges proximum sicut teipsum*. Implens enim mandatum de dilectione proximi, implet mandatum de dilectione Dei. August. ad Macedonium: Nemo esse potest veraciter amicus hominis, nisi fue-

rit ipse primitus veritatis. Item Augustinus: Inter quos amicus non est, rerum diuinarum consensio, nec humanarum plena esse potest: necesse est, ut aliter quam oportet humana existimet qui diuina contemnit: nec hominem recte diligere novit, quisquis eum non diligit qui hominem fecit. Greg. in Moral. Per amorem Dei amor proximi gignitur, & per amorem proximi, Dei amor nutritur. Fons qui in alto oritur de facili ad loca inferiora derivatur. Sic amor si primo Deo integre detur, deinde ad proximum recte dirigatur, ut scilicet proximus propter Deum ametur. Tunica Christi inconsutilis quæ unitatem Ecclesiæ designabat, desuper erat contexta. Ioan. 19. Amore enim Dei firmata debet esse dilectio proximi. August. 4. lib. Confess. Domine, beatus qui amat te, & amicum in te, & inimicum propter te. Circa tertium exemplar notandum quod decem sunt, in quibus amor qui est respectu proximi, imitari debet amorem membrorum eiusdem corporis: Primo in hoc, quod vnum membrum non invidet alii membro, licet non habeat officium quod illud habet. Si enim omnia membra vnicum haberent officium, esset quasi vnum membrum. 1. Cor. 12. *Si totum corpus oculus: ubi auditus? & si totum auditus: ubi odoratus?* Et post: *Si essent omnia vnum membrum, ubi corpus?* Et ad Rom. 12. *Omnia membra non eundem actum habent*. Sic non debet aliquis invidere proximo suo habenti gratiam quam ipse non habet. Augustin in libro de Virgin. Duobus malis, hoc est Superbia & Invidia, diabolus est. Item in lib. de disciplina Christiana: Auertat Deus pestem invidiæ animis omnium hominum. Invidia diabolicum vitium est: habet matrem suam, scilicet superbiam; suffocat matrem, & non erit filia. Secundo in hoc quod membrum vnum officium suum sibi non appropriat, sed gratis aliis communicat. Oculus est oculus omnibus membris. Idem intellige de cæteris membris. Sic debet aliquis

Amor  
proximi  
debet  
imitari  
amorem  
memb  
rum.

1.

2.



communicare gratiam quam habet proximo suo ad Rom. 12. *Multi unum corpus sumus in Christo: singuli autem alter alterius membra.* Et in eodem: *Neceſſitatibus ſanctorum communicantes.* Sed hodie loco huius gratuitæ communicationis, abūdat venalitas in Eccleſia Dei. Mich. 3. *Principes eius in muneribus iudicabant, & ſacerdotes eius in mercede docebant.* Tertio, vnum membrum læſum ab alio ſe non vindicat. Sic debet eſſe inter membra Eccleſiæ Rom. 12. *Nulli malum pro malo red-dentes.* Quarto, membra infirmiora amplius honorantur 1. Corinth. 12. *Quæ videntur membra corporis infirmiora eſſe, neceſſaria ſunt: & quæ putamus nobiliora membra corporis, his honorem abundantio-rem circundamus:* ſic non debemus deſpicere eos qui infirmi videntur. Rom. 12. *Honore inuicem præuenientes.* Ambr. Non eſt fraternus amor niſi mutuis ſe præueniat obſequiis. Quinto vnum membrum alii compatitur & congaudet. 1. Corinth. 12. Si quid patitur vnum membrum compatiuntur omnia membra: ſiue gloriatur vnum membrum, congaudent cætera membra. Sic fideles debent gaudere cum gaudentibus, & flere cum flentibus. Sexto, vnum membrum ſibi reputat fieri quod ſi aliis, ſiue ſit bonum, ſiue ſit malum. Si lædatur pes, os conqueritur: ſi lauentur pedes, os regratiatur. Luc. 7. *Intraui in domum tuam, & aquam pedibus meis non dediſti: hæc autem lacrymis rigauit pedes meos, & capillis ſuis terſit.* Sic vnus fidelium reputare debet ſibi fieri quod ſit aliis. Vnde caput Eccleſiæ dicit Matt. 25. *Quod uni ex minimis meis feciſtis, mihi feciſtis.* Sen. in epiſt. loquens cuidam amico ſuo: Mihi id expedit, quod tibi, aut non ſum amicus niſi quicquid agitur ad te pertinens, meum eſt. Conſortium omnium rerum inter nos facit amicitia, nec ſecundi quicquam ſingulis eſt, nec aduerſi. In commune viuunt. Septimo, vnum membrum pro alio læſioni ſe exponit, vt manus pro oculo. Sic debent facere fideles

exemplo capitis qui ſcapulis ſuis obumbravit nobis in cruce, iſtum recipiens quem humanum genus debebat recipere. Octauo, cibum quem vnum membrum recipit, omnibus membris communicatur. Si vero aliquod membrum amplius debito de illo ſibi retinuerit, ad malum ſuum illud retinet. Eſt enim ei materia apoſtematis, vel alterius infirmitatis. Sic etiam eſt inter fideles. Eccleſiaſt. 5. *Eſt alia infirmitas peſſima, quam vidi ſub ſole: diuitia conſeruata in malum domini ſui.* Nonno, vnum membrum multum timet ab alio ſeparari. Nec mirum, cum ſeparatum ab alio ſit inutile. Non enim iam viuificatur à ſpiritu à quo viuificantur cætera membra. Sic fideles timere debent ſeparari à corpore Eccleſiæ. Auguſtinus: Nihil ſic debet formidare Chriſtianus, quàm ſeparari à corpore Chriſti. Decimo, totum corpus tremorem & horrorem patitur, ad ſeparationem vnus membri à ſe, ſic corpus Eccleſiæ timere debet cum videt aliquem fidelem ſeparari à ſe, vel per mortem, vel per excommunicationem. Pſalm. De. Pſal. 59. *diſſi metuentibus te ſignificationem vt ſurgant à facie arcus.* Pœna præſens ſignificatio eſt futura. Cum aliquis præſenti pœna punitur, cogitare debemus qualiter Deus percutiet vbi non parceret, ex quo ita percutit vbi parceret.

## CAPVT V.

De diuerſis ſpeciebus amoris proximi.

Et primo de amore parentum.

**P**rimo de amore parentum dicturi ſumus. Secundo, de amore inter virum & vxorem. Tertio, de amore bonorum. Quarto de amore inimicorum. Quinto, tangemus aliquid de vera Amicitia. Circa primum notandum, quod amor parentum multum Deo placet, qui tantum parentum nomen diligit, quod ſeipſum patrem iuſſerit dici, vt ait Hieron. Homini etiam multum prodeſt. Tempus enim viuendi extendit: iuxta verbum eiſdem. Baſilius:

Amor  
parentis  
Deo ſu-  
me pla-  
cet.

Parentes nostros vt propria viscera diligamus. Ad hunc amorem non est necesse multum homines incitare, cum natura ad hoc incitet. Superuacuum est in id nos impelli in quod nos imus. Amor tamen iste non debet esse amor Dei contrarius, sed subiectus. Matth. 10. *Qui amat patrem & matrem plus quam me, non est meus dignus.* Gregor. in homil. Ametur in hoc mundo quilibet aduersarius: sed in vita Dei contrarius non ametur, etiam propinquus. Hieron. in epist. Honora patrem tuum, sed si te à vero patre non separat: tamdiu scito carnis copulam, quamdiu ille suum nouerit creatorem. Amor Dei dominari debet in homine, non amor carnalis 1. Reg. 2. Reprehendit Dominus Heli de hoc quod filios suos ei prætulisset. *Quare calce abiicisti victimam meam, & munera mea quæ præcepi vt offerrentur in templo: & honorasti magis filios tuos quam me?* Et 2. Mach. 7. legitur de quadam bona matre, quod filios septem pereuntes sub vnius diei tempore conspiciens, bono animo ferebat. In ea vere vincebat amor Dei amorem filiorum. Et Abraham paratus fuit filium proprium occidere propter Deum. Gen. 22. Et Leuitæ propinquos suos occidere ad præceptum Moyse serui Dei. Exod. 32. & Luc. 14. legitur: *Si quis venit ad me & non odit patrem suum, & matrem, & uxorem, & filios, & fratres, & sorores: ad huc autem & animam suam, id est, temporalem vitam, non potest meus esse discipulus.* Non sunt agnoscendi propinqui secundum carnem, si salutem impediunt. Hieronym. in epistolis. Ecce, inquit, aduersarius Christum in pectore tuo conatur occidere, licet paruulus ex collo pendeat nepos, licet sparso crine & scissis vestibus vbera quibus te nutrierat mater ostendat, licet in limine iaceat, per calcatum perge patrem, siccis oculis ad vexillum crucis euola. Solum pietatis genus est, in hac re esse crudelem. Idem: Gladium tenet hostis vt me perimat, & ego de matris lacrymis cogitabo. Mat. 5. *Si oculus*

*tuus dexter scandalizat te, erue eum, & projice abste.* Maxime in his qui viam perfectionis aggressi sunt, non debet dominari amor carnalis. Vnde Dominus cum diceretur ei, *Ecce mater tua, & fratres mei foris stant querentes te.* Respondit: *Quæ est mater mea, & qui sunt fratres mei?* Matt. 12. Bernard in sermonibus: *Quandiu de mundo sumus, debitores constat nos esse parentibus. At postquam reliquimus nosmetipsos, multo magis ab eorum sollicitudine liberi sumus.*

## CAPVT. XII.

## De amore inter virum &amp; uxorem.

**D**icendum de amore qui est inter virum & uxorem Coloss. 3. *Viri diligite uxores vestras, & nolite esse amari ad illas.* Et notandum quod 16. sunt per quæ possunt viri induci ad amandum uxores suas. Primum est, exemplum Christi. Ephes. 5. *Viri diligite uxores vestras, sicut & Christus dilexit Ecclesiam, & semetipsum tradidit pro ea.* Et potest hæc similitudo in duob. attendi. Primo in hoc quod desideret salutem vxoris. Christus enim pro salute Ecclesiæ mortuus est. Secundo in hoc, quod si adulteret, & post pœniteat, eam misericorditer recipiat. Ose. 3. *Dilige mulierem dilectam amico & adulteram: sicut diligit Dominus filios Israel, & ipsi respiciunt ad Deos alienos.* Et Ier. 3. *Tu fornicat a es cum amatoribus multis: tamen reuertere ad me, dicit Dominus, & ego suscipiam te.* Augustinus: Quid tibi durum videtur, vt post adulterium reconcilietur coniunx? si fides adsit, non erit durum. Cur enim adhuc deputamus adulteros, quos credimus pœnitentia esse sanatos? Item non erit turpis nec difficilis etiã perpetrata & purgata adultera reconciliatio coniugum: vbi per clauces regni cœlorum non dubitatur fieri remissio peccatorum: non vt post Christi diuortium adultera reuocetur, sed vt post Christi confortium & adultera non vocetur. Secundum est

Quibus  
inducitur  
ad arguendum  
res.

dum est hoc, quod corpus mulieris est ipsius viri: unde debet amare illud tanquam suum. *Mulier non habet potestatem sui corporis, sed vir.* 1. Cor. 7. ad Eph. 5. *Viri debent diligere uxores suas ut corpora sua.* Tertium est, quod vir & vxor sunt velut vna arbor. Sicut plāta & ramus qui plantæ inferitur vnā arborem efficiunt, & vnum fructum ferunt, & neuter illorum sufficiens est ad ferendum fructum illum: sic nec vir, nec vxor sufficiens est ad generandam prolem: unde deberent amorem inuicem habere, sicut ramus insitus adhæret plantæ. Matth. 19. *Iam non sunt duo, sed vna caro.* Quartū est, quod mulier de costa viri formata est. Noluit Deus formare mulierem de limo terræ sicut virum: imo de carne & osse viri, ut vir amaret eam tanquam seipsum, eo quod de ipso facta esset. Genes. 2. *Hoc nunc os ex ossibus meis, & caro de carne mea.* Ephes. 5. *Qui suam uxorem diligit seipsum diligit.* Et post in eodē: *Vnusquisque uxorem suam sicut seipsum diligit, vxor autem timeat virum suum.* Quintam, quod amorem ei promisit, cum anulum in manu eius posuit, & cum ad Misam in præsentia Dominici corporis osculum ei dedit, ad minus secundum consuetudinem aliquarum Ecclesiarum. Osculū enim signum est amoris & pacis. In anulo vero qui nec digitum excedit, nec exceditur, sed ei adæquatur, intelligitur quod amore carnali illi soli debet adhærere. Et sicut annulus alium digitum cum digito illo in quo positus est capere non potest: sic amor viri ad aliam mulierem diuidi non debet. Ideo autem ponitur annulus in digito illo in quo est vena, quæ vsq; ad cor protenditur; quia coniuges ex corde debent amare se, & nō solum signis exterioribus. Sextum est, quod consanguinei coniugum propter coniugium eorum mutuo se amant. Vnde mirum est cum tot proter eos ament se si ipsi se non ament. Quandoq; patria vna vno matrimonio ad concordiam reducitur: unde mirū est quomodo inter personas illas quæ matrimonio

coniunctæ sunt discordia durare potest. Septimum est, quod vxor patrem & matrem & alios propinquos suos propter virum dimittit, & ei adhæret. Vnde infideliter agit si hanc non amet. Hier. 2. dicit Dominus ad sponsam suam. *Recordatus sum tui, miserans adolescentiam tuam, & charitatem desponsationis tuæ, quando secuta es me in deserto.* Octauum est, quod nisi amēt se, in magna miseria erunt. Prou. 27. *Tecta perstillantia in die frigoris, & litigiosa mulier comparantur.* Sicut non quiescit homo sub tecto perstillanti, præcipue si tempus frigidum sit: sic non quiescit vir cum vxore si litigium inter eos fuerit. Philosophus: Vxor est aut perpetuale refugium, aut perenne tormentum. Nonum est, quod multum placet Deo & hominibus amor coniugum. Eccl. 25. *In tribus beneplacitum est spiritui meo, quæ sunt probata coram Deo & hominibus. Concordia fratrum, amor proximorum, & vir & mulier sibi bene consentientes.* Decimum, quod vxor est solatium homini à Deo datum. Genes. 2. *Non est bonum hominem esse solū.* Eccl. 4. *Melius est duos esse simul quam vnum, &c.* Item in eodem: *Va soli.* Non reputatur solus qui nobilius contraxit matrimonium, cuius anima per castitatem vel virginitatem Dei gratia ei matrimonio est coniuncta. Sed fornicator vel concubinariarius reputatur solus, quia à Deo est maledictus: qui cum videt mulierem fornicariam, desolationem suam potius videt quam solatium. Videt enim gladium quo diabolus interficit eū. Vndecimū est, quod vxor est velut quoddam ornamentum hospitij. Eccl. 26. *Sicut sol oriens in mundo in altissimis Dei: sic mulier bona species in ornamentum domus eius.* Prou. 12. *Mulier diligens, corona est viro suo.* Et Eccl. 26. *Gratia super gratiam, mulier sancta & pudorata.* Duodecimū est, quod vxor est adiutoriū à Deo homini datū. Genes. 2. *Faciamus ei adiutoriū simile sibi.* Ipsa vxor iuvat virū in prolis procreatione & educatione, & hospitij gubernatione, in benedictionū tēporalium multiplicatione & cōser-

uatione, & saluatione animæ ipsius viri. Eccles. 36. *Qui possidet mulierem bonam, bonam inchoat possessionem.* Hic innuitur, quòd quasi nihil habeat qui tenet hospitium, nisi habeat mulierem bonam quæ sua ei custodiat. Concubinariz enim solèt futari hominibus qui tenent eas, ea quæ ipsi habent. Et subditur. *Adiutorium secundum illum est, & columna ut requies.* Vbi innuitur quod bona vxor sustentamentum sit hospitij. Sicut columna corruente corruit domus: sic vxore bona moriente destruitur hospitium. Et in eodem: *Vbi non est sepes, diripitur possessio: & ubi non est mulier, ingemiscit egens,* vel maritus qui pauper efficitur amissâ bona vxore, vel pauper qui declinat illuc causâ elemosynæ, non inueniens qui sibi det elemosynam. Mulieres enim magis solent esse misericordes quam viri. Homo fornicator vxorem non habens, est velut auis absque nido, nesciens cui sua committat. Eccles. 36. secundum literam vnam. Cui credit, qui non habet nidum? Tertiumdecimum est fructus pretiositas. Matt. 12. *Ex fructu arbor cognoscitur.* Vnus fructus huius arboris præualeat omnibus mundi diuitiis. Multum ergo amanda est arbor talis quæ fert fructum tam pretiosum. Quartumdecimum est sacramenti matrimonij dignitas, quod institutum est à Deo in paradiso, & in statu innocentiz, quod Dominus prohibet separari, quia auctor fuit ipsius. Matth. 19. *Quod Deus coniunxit, homo non separet.* Cui cedere videtur vinculum carnalis propinquitatis. Genes. 2. *Propter hoc relinquet homo patrem & matrem, & adhaerebit uxori suæ. Præterea sacramentum magnum est: ego autem dico in Christo & in Ecclesia.* Ephes. 5. Quintumdecimum est quod hominem ea parte quæ infirmior est custodit, sc. ex parte carnis Matth. 26. *spiritus quidem promptus est, caro autem infirma.* Sextodecimo, diabolum ea parte quæ fortior est vincit. Iob. 40. *Fortitudo eius in lumbis.*

## CAPVT XIII.

## De amore bonorum.

**S**ciendum quod bonos debemus amare quasi attinerent nobis omni genere pariter, exemplo Domini dicentis Matt. 12. *Quicumque fecerit voluntatem Patris mei qui in cælis est, ipse meus frater, & soror, & mater est.* Ipsi sunt amandi vt Dei filij, & fratres nostri. Rom. 8. *Quicumque Spiritu Dei aguntur, hi sunt filij Dei.* Et in eod. *Si autem filij Dei, & heredes quidem Dei, coheredes autem Christi.* Debent etiam boni se amplius amare: quia sunt in aliena patria. Solent enim se amare qui lunt eiuldem patriæ quando sunt extra patriam suam, ac si essent fratres. Ad idem etiam facit quod ina i habent eos exosos: vnde si ipsi non ament se adinuicem, abique amicis erunt. Iohn. 17. *Ego dedi eis sermonem meum, & mundus eos odia habuit, quia de mundo non sunt.* Et Ioh. 15. *Si de mundo fuissetis, mundus quod suum erat diligeret: quia vero de mundo non estis, sed ego elegi vos de mundo, ideo odit vos mundus.*

## CAPVT XIV.

## De dilectione inimicorum. Et de offe qua ad hunc amorem hominem inducant.

**I**nimicorum dilectio, quam Dominus præcepit Matth. 5. *Diligite* (inquit) *inimicos vestros:* pertinet ad dilectionem cordis. Deinde subdit de dilectione operis & sermonis. *Bene facite his qui oderunt vos, & orate pro persequentibus & calumniantibus vos.* Greg. Ille preces suas multum valere facit, qui eas pro inimicis effundit. Et notandū quod in mandatis Dei nihil est mirabilius, quam quod præcipitur diligere inimicos, vt ait Aug. Ideo licet multa sint dicta pertinentia ad dilectionem inimicorum in tractatu de iracundia: hic aliqua tangemus pertinentia ad idē. Insuperantibus. n. impossibile videtur,

Difficile  
non esse  
inimicos  
diligere,  
probat

quod ipsi ament inimicos suos: si tamē haberent aliquantulum sapientiæ, possibile eis appareret. *Sapientiam enim non vincit malitia.* Sap. 7. Et notandū quod octo sunt, quæ si attendantur, satis patebit non esse ita difficile diligere inimicū vt multi credūt. Apparebit etiam quod hoc non sit potius dedecus, sed honor potius. Primū est status inimici qui tibi iniuriatus est, & nō vult satisfacere. Est. n. spiritualiter mortuus. Ipse enim quasi insanus manus in se iniecit quando tibi iniuriam intulit. Sap. 16. *Homo per malitiam occidit animam suā.* Noli insanire in fratrem tuum mortuum, sed potius ei compatere. Crudeliores videntur fuisse qui Christo mortuo non pepercerunt, quam qui viuum vulnerauerunt. Vnde lancea dicitur dira, quum clauī dicantur dulces. Quis adeo cæcus est qui non intelligat dedecus esse si quis de mortuo vult se vindicare? Secundum est, utilitas iniuriæ illatæ. Persecutores. n. nostri, iuxta verbum Psal. *Circumdant nos sicut apes.* Ad modum enim apum nos pungunt tribulationibus: sed in futuro fauū nobis æternæ beatitudinis præparant: iuxta illud Psal. *Qui tribulant me, exultabunt si motus fuero: ego autem in misericordia tua speravi.* Ecclesiast. 1. *Vsque in tempus sustinebit patiens, & post ea redditio iucunditatis.* Tertium est, quod dilectio inimicorum nobis est utilior quam amicorum. Ipsa valet ad spiritualium vulnerum sanationem. Aug. Ego ad inimicorum dilectionem vos commoneo: quia ad sananda peccatorum vulnera nullum medicamentum utilius esse cognosco. Ipsa etiam multum facit ad perfectionem & cumulum bonitatis. Vnde Matth. 5. post illud, *Diligite inimicos vestros.* Subditur: *Estote perfecti sicut & Pater vester cælestis perfectus est.* Aug. in Enchirid. Magnificentissimæ bonitatis est, vt tuum quoque inimicum diligas, & ei qui tibi malum vult, & si potest facit: tu semper bonum velis atque facias quum possis. Ipsa etiam magnam mercedem meretur. Luc. 6. *Si diligitis eos qui vos*

*diligunt, quæ vobis gratia? Veruntamen diligite inimicos vestros, &c. & erit merces vestra magna.* Quartum est, quod Deo grator est, Aug. Qui dilexerit inimicos, hic erit Dei amicus, nec solum amicus, sed & filius: sumptū est de Matth. 5. & Luc. 6. post illud: *Diligite inimicos vestros.* Sequitur: *Et eritis filij Altissimi.* Itē Aug. Quāta gratia per nos serui digni non sumus, & inimicorum dilectione Dei filij efficimur. Chrys. super Matt. Nihil est quod sic Dei similem faciat, vt malignis atque lædentibus esse placabilem. Quintum est, quod diabolo hæc dilectio est molestior. Magis enim elongat ab eius similitudine qui odio obstinato hominē persequitur. Greg. Stultum est seruire diabolo offenso, qui nullo placatur obsequio. Sextum est, quod dilectio odium est inimici magis destruit, quam aliquid aliud. Ipsa enim est ignis inimicitiam inimico adnihilās. Rom. 12. *Si esurierit inimicus tuus, cibum illi, &c. sic enim carbones congeres super caput eius.* Ipsa etiam gladius est inimicum interficiens, dum de inimico amicū facit. Chrys. Sustine ad tempus inimicum tuum, & benefaciet. Postmodum autem victum beneuolentia tua amabis eum quasi amicum tuum. Idem: Omnis inimicia beneficiorum assiduitate compescitur. Greg. Miles Dei aduersitatis bello deprehensus, & scutum patientiæ debet anteferre ne pereat, & ad præliandum promptus amoris inferre iacula, vt vincat. Cuius armaturæ summam Paulus breuiter insinuat, dicēs: *Charitas patiens est.* Cū vero vnum ex utroque defuerit, charitas non est: si videlicet malos absq; benignitate tolerans, non amat: aut rursus se sine patientia exhibens, negligit, tolerat quos amat. Septimum est, quod non potes ex proposito nocere proximo tuo, quin tibi noceas. August. Quod malitia tua alteri non noceat, fieri potest: quod autem tibi non noceat, fieri non potest. Non est dedecus alicui si non vult inquinare manus suas se vindicando, vel si non vult inquinare os suum, cōuitium pro

conuittio reddendo, imo honor est & signum nobilitatis animi. Prouerb. 10. *Honor est homini qui se parat se à contentione.* Octauum est, quod ille qui tibi iniuriatur magis iniuriatur Deo, quàm tibi, qui hoc ei prohibuit, qui maius ius habet in te, quàm tu ipse. Si ergo Deus differt vindicare iniuriam, & non est ei dedecus, non erit tibi dedecus, imo honor, si exemplo Domini vis non vindicare te in præsentem. Eccles. 23. *Gloria magna est sequi Dominum, longitudo enim dierum assumetur ab eo.*

## CAPVT XV.

*De vera amicitia, & quæ sunt attendenda in eligendo aliquem in amicum, & de pertinentibus ad veram amicitiam.*

Quid  
amicitia

**S**equitur de vera amicitia. Amicitia sic describit Tullius in rhetoric. Amicitia est erga aliquem voluntas bonarum rerum illius ipsius causam quæ diligit cum pari eius voluntate. Idem in lib. de Amicitia: Amicitia nihil aliud est, nisi omnium diuinarum humanarumque rerum cum beneuolentia & charitate consensus. Hæc amicitia multum appetenda est. Eccl. 25. *Beatus qui inuenit amicum verum.* Tullius in lib. de Amicitia: Omnibus rebus humanis anteponenda est amicitia. Nihil enim tam naturæ aptum, tamque conueniens ad res secundas vel aduersas. Idem in eod. In hoc præstat amicitia propinquitati, quod ex propinquitate beneuolentia tolli potest: ex amicitia non potest. Sublata enim beneuolentia, nomen amicitiae tollitur, propinquitatis manet. Prouerb. 18. *Vir amabilis ad societatem magis amicus erit, quam frater.* Tullius: Quid dulcius erit, quam quod habeas cum quo audeas loqui ut tecum? Quis enim esset fructus in prosperis rebus, nisi haberes qui illis æque ut tu ipse gauderet? Aduersa vere difficile esset ferre sine eo, qui etiam illa grauius quam tu ferret. Ab illis inter quos est vera amicitia, perfecte impletur illud

mandatum, *Diliges proximum tuum sicut teipsum.* Verus enim amicus habet amicum suum tanquam alterum se. Tullius: Verum amicum qui intuetur, tanquam exemplar aliquod intuetur sui: quocirca & absentes adfunt, & egentes abundant, & imbecilles valent, & quod dictum difficilius est, mortui viuunt. Amicitia in periculis subuenit. Prou. 25. *Gratia & amicitia liberant.* Et notandum, quod in eligendo aliquem in amicum quatuor sunt attendenda. Primum est, discretio eius. Amicitiae enim stultorum solent esse nociuæ. Prou. 14. *Amicus stultorum similis efficietur.* Secundum est bonitas. Tullius in lib. de Amicitia. Hoc primum sentio, nisi in bonis amicitiam esse non posse. Tertium ut ille non sit iracundus, Prou. 22. *Noli esse amicus homini iracundo: Homo iracundus est velut lignum ignitum quod exurit tangentem se, & est velut lignum spinosum, quod pungit amplectentem se.* Ideo licet sit amandus, tamen familiaritas eius timenda est. Præterea amicitia eius non durat. Vinculum enim amoris igne iræ in eo exurit. Quartum est, ne sit superbus. Superbus enim nescit esse socius, sed vult dominari. Prou. 11. *Vbi fuerit superbia, ibi erit contumelia.* Item notandum quod multa sunt quæ ad veram amicitiam pertinent: de quibus causam breuitatis tantum tangemus. Primum est, voluntatum identitas. Tullius: Idem velle, idem nolle, ea demum vera est amicitia. Secundum est communicatio consiliorum. Prou. 25. *Consam tuum tractatum amico tuo.* Amb. Nihil occultat amicus, si verus est effundit animum in amicum suum. Tullius in lib. de Amicitia: His amicitiae funibus utendum arbitror: ut quum emendati fuerint mores amicorum, sit inter eos omnium rerum, consiliorum, voluntatum sine ulla exceptione communitas. Tertium communicatio rerum. Vnde Philosophus, quum diceretur ei de quodam: ille amicus illius est. Cur, inquit, illo diuite pauper est? Amicus non est qui fortunæ particeps non est. Tamen amicus dando amico suo, at-

Qualis  
amicus  
diligendus.

Quæ ad  
amicitiã  
pertineant.

tendere debet & propriam facultatem & vires amici sui. Non enim debet onerare amicum honore vel onere quod supra vires eius sit. Tullius in lib. de Amicitia: Tantum cuiq; tribuendum est primum quantum ipse efficere possis, deinde quantum ille quem diligis & adiuvas, possit sustinere. Item notandum quod sicut dicit Tullius: Nimis exile est & exiguum ad calculos vocare amicos, ut par sit ratio datorum & acceptorum. Neque enim verendum est, ne quid excidat, ne quid in terram defluat, aut ne plus æquo in amicitia cōferatur. Quartum est secreta admonitio. Eccl. 19. *Corripe amicum tuum*. Sæpe enim fit cōmissio. Cauendum tamen est ne correptio sit cōtumeliosa. Eccles. 19. *Est correptio mendax in ira contumeliosa*. Vere mendax est, mentitur enim se correptionē facere, cum potius sit cōiunctio. Tullius: Monere & moneri est officium veræ amicitia: ita tamen quod adulatione careat admonitio, & cōtumeliā oburgatio. Quintum est manifesta laudatio: non tamen in facie amici, vel corā domesticis ipsius. Hoc enim est adulatoris. Vnde Matth. 11. Dominus laudavit Ioannē postquam discipuli Ioannis ab eo recesserant. Chrys. Blanditori in facie laudat, vel coram domesticis: vir autem sapiens quādo laudatur in facie, flagellatur in corde. Sextum est nec turpia rogare, nec ad preces amici turpia facere, iuxta verbū Tullii prius positum: non debet ad preces amici iniuriam facere proximo. Eccl. 6. *Noli fieri pro amico inimicus proximo*. Tamen aliquid potest honeste fieri pro amico quod homo non faceret honeste pro se. Tullius in lib. de Amicitia: Multa quæ nostri causa nunquam faceremus, causa amicorum facimus: quæ in nostris rebus non satis honesta, in amicorum sunt honestissima. Septimum est paritatem servare, Tullius in lib. de Amicitia: Maximum est in amicitia superiorem parem esse inferiori. Hieron. super 12. prophetas: Amicitia pares aut accipit, aut facit: ubi inæqualitas est, & alterius eminentia, alterius

subiectio: ibi non tam amicitia est, quam adulatio. Prouerb. 13. *Qui despiciat amicum suum*. Octauum est, amicum in aduersis non deserere. Prou. 17. *Omni tempore diligit qui amicus est*. Eiusd. 12. *Qui negligit damnum propter amicum, iustus est*. Eccl. 22. *Fidem posside cum amico tuo in paupertate illius, ut in bonis illius lateris*. Nonum est, arcanum non detegere. Eccl. 27. *Qui denudat arcana, amici fidem prodit, & non inueniet amicum ad animum suum*. Decimum est, peccatum celare. Prouerb. 17. *Qui celat delictum, querit amicitias*. Undecimum est, petitioni amici sine dilatione acquiescere. Prouerb. 3. *Ne dicas amico tuo: Vade, & reuertere, & cras dabo tibi, quum statim possis dare*. Duodecimum est, vtilia ei magis quam placentia dicere. Prou. 11. *Simulator ore decipit amicum suum*. Et eiusd. 16. *Vir iniquus lactat amicum suum*. Item eiusd. 29. *Homo qui blandis fictis que sermonibus loquitur amico suo, rete expandit gressibus eius*. Senec. in libro de beneficiis: Dic illis non quod volunt audire; sed quod velint semper audisse. Idem in epistolis: Amici vitia frangenda sunt: non amo illum, nisi offendero: an profecturus sum, nescio: malo successum mihi quam fidem deesse. Item notandum quod quinq; sunt quæ amicitiam solent dissolvere. Conuictum, improprium, superbia, mysterij reuelatio, plaga dolosa. Eccl. 22. *Mittens lapidem in volatilia, deciet illa*: id est, disperget: & qui cōiunctiatur amico suo, dissoluit amicitiam. Ad amicum etsi produxeris gladium, non desperes: est enim regressus, id est, recōciliatio ad amicum. Si aperuerit os triste, dure tecum loquēdo, non timeas, est enim concordatio pristinae suæ amicitia: excepto conuitio, & improprio, & superbia, & mysterij reuelatione, & plaga dolosa. In his omnibus effugiet amicus. Conuictum dicitur aliquod vercūdū, quod tamen non est peccatum: ut cum obicitur amico quod sit leprosus, vel seruus, vel aliquid simile. Improprium est, cum crimen obicitur: ut cū dicitur alicui quod sit la-

Quæ amicitiam dissolunt.

tro. Superbia vocatur superflua dominatio, Prouerb. 25. *Quæ uiderunt oculi tui, ne proferas in iurgio cito: ne postea emendare non possis, quum de honestaueris amicum tuum.* Eiusd. 16. *Sicut noxius est qui mittit lanceas & sagittas in mortem: ita uir qui fraudulentè nocet amico suo: & quum deprehensus fuerit, dicit: Ludens feci.* Pythagoras. Amicum lædere nec ioco quidem oportet.

## CAPUT XVI.

## De ordine Charitatis.

**Q**uadruplex est ordo charitatis. Primus est secundum prioritatem & posterioritatem, qui attenditur inter amorem Dei & amorem proximi. Amor enim Dei prior est quam amor proximi. Vnd. Exod. 20. Primo ponuntur mandata pertinentia ad amorem Dei, deinde quæ pertinent ad amorem proximi. Amor Dei causa est amoris proximi. Proximus enim amatur, quia Deus hoc præcipit. Præterea Deus finis est dilectionis proximi. Finis uero mouet causam efficientem. Secundus ordo attenditur in hoc quod amentur quæ amanda sunt, & non amentur quæ amanda non sunt. Aug. in lib. de doctrina Christiana: Ille sancte & iuste uiuit, qui ordinatam habet dilectionem, ne aut diligat quod non est diligendum, aut non diligat quod est diligendum. Omnis peccator in quantum est peccator non est diligendus: omnis homo in quantum est homo est diligendus. Tertius ordo iuxta uerbum Aug. in eodem lib. in hoc attenditur, quod non æque diligatur quod minus, vel amplius diligendum est: aut minus vel amplius, quod æque diligendum est. Et, notandum quod aliquis dicitur magis diligere, tripliciter. Primo modo, quia ad maius diligitur, scilicet ad maiorem gloriam. Sic uniuersaliter magis diligendus est qui magis bonus est. Secundo qui diligitur maiori affectu. Tertio qui minori affectu. Ordo dilectionis secundum magis & mi-

nus attenditur inter illa quatuor quæ enumerat. Aug. in lib. de doctr. Christiana dicens: Quatuor diligenda sunt. Vnum quod supra nos est, scilicet Deus. Alterum, quod nos sumus. Tertium est, quod iuxta nos est, scilicet proximus. Quartum quod infra nos est, scilicet corpus. Quum nos & proximum eni merat August. inter diligenda, nos & proximum uidetur intelligere excellentiorem partem nostri, & proximi animam, scilicet propter hoc quod corpus ponit postea quarto loco. Gre. 1. parte Mor. Cum recte diligimus, nihil in rebus conditis anima nostra charius amamus. Idem in Moralibus: magnæ mercedis est à morte eripere carnem quandoque morituram. Quanti ergo meriti est animam à morte liberare in cælesti patria semper victuram? Item iste ordo attenditur inter ea quæ enumerat Ambrosius super illud Canticorum. 2. *Ordinauit in me charitatem*: Multorum, inquit, charitas inordinata est: quod in primo est, ponunt tertium vel quartum. Primo Deus diligendus est, secundo, parentes, deinde filii, post domestici: qui si boni sunt, malis filiis præponendi sunt. Ordo diligendi secundum affectum variatur secundum bonitatem vel propinquitatem eorum qui diliguntur, vel etiam secundum utilitatem Ecclesiæ. Magis enim bonus aliis paribus magis diligendus est quantum ad affectum. Item propinquior aliis paribus affectu maiori diligendus est. Item utilior Ecclesiæ aliis paribus maiori affectu diligendus est. Et idem intelligendum est etiam quantum ad affectum. Melior enim, vel propinquior, vel Ecclesiæ utilior aliis paribus magis est diligendus.

Sed dubitari potest, utrum bonitas propinquitati circa diligenda præualeat, vel econuerso. Et uidetur quod bonitas præualeat propinquitati, secundum illud Ambrosii: Domestici si boni sunt, malis filiis præponendi sunt. Item dicit Beda super illud Lucæ octauo. Mater mea & fratres mei hi sunt, & cætera, non iniuriose

Quatuor diligenda.

Bonitas præualeat propinquitati.



negligit matrem, nec mater negatur etiam quæ de cruce cognoscitur, sed religiosiores copulæ mentium monstrantur quam corporum. Gregorius: Magis debemus diligere quos ex sacro fonte suscepimus, quam quos de carne nostra genuimus. Et dicendum, quod bonus extraneus præponendus est filio malo, quantum ad spiritualia beneficia, vel etiam quantum ad temporalia: tanta potest esse bonitas extranei vel utilitas Ecclesiæ. Item dubitari potest hoc, quod Ambrosius parentes filiis præponit in ordine diligendorum. Quis enim natura magis incitet ad amorem filiorum, quam ad amorem parentum: magis videntur filii diligendi, quam parentes: gratia enim non est opposita naturæ. Ad idem videtur facere illud. 2. Corinth. 12. *Non debent filii parentibus thesaurizare, sed parentes filiis.* Item quod radix humorem mittit ad ramos, & non econverso. Et est dicendum, quod parentes magis diligendi sunt quam filii, aliis paribus & quantum ad affectum. Et ad hoc incitat natura instituta & restituta, licet non destituta: tamen hunc ordinem variare potest filii bonitas. Posset enim esse adeo bonus quod esset præponendus patri. Item Ecclesiæ utilitas vel filii necessitas, vel propinquitas. Posset enim filius esse adeo utilis Ecclesiæ, quod potius subuenire deberet aliquis ei quam patri suo. Item si esset filius familias, posset esse quod potius deberet ei aliquis providere quam patri. Posset etiam esse adeo indigens quod citius esset ei subueniendum quam patri. Augustinus ad Marcellinū: Charitas quæ tanquam nutrix fouet filios suos: non ordine amandi, sed ordine subueniendi, infirmiores fortioribus antepone, quos tales vult esse, quales in illis sunt quos non contemnendo, sed his confidendo interim præterit. Et notandum est, quod parentes diligendi sunt affectu dupliciter: scilicet quantum ad exhibitionem honoris, & quantum ad exhibitionem necessariorum. Quantum ad primum,

parentes videntur esse semper præponendi filiis, nisi forsitan filius carnalis fieret pater spiritualis. Quantum vero ad secundum, ordo potest variari ex aliqua prædictarum causarum. Item notandum quod affectu debemus omnem hominem diligere. Effectus vero potest suspendi ex causa. Aug. Charitas non intermittatur: officia pro tempore exhibeantur. Quartus ordo attenditur secundum has differentias, propter se, & propter aliud. Creator propter se amandus est: creatura vero propter Deum: De hoc ordine dicit Aug. 15 lib. de Civitate Dei. Cum omnis creatura bona sit, amari potest & bene & male. Bene, scilicet ordine custodito: male, ordine perturbato. Quod in laude quadam cerei breuiter versibus dixi: Hæc tua sunt, bona sunt quia tu bonus ista creasti: Nil nostrum est in eis, nisi quod peccamus amantes. Ordine neglecto pro te quod conditur à te. Item, 9. libro de Trinitate: Amanda est creatura, sed ad creatorem amor refertur: non tam cupiditas, sed Charitas erit. Cum propter se creatura amatur, tunc non vtemem adiuvat, sed corrumpit fruentem. Inferiori creatura vtendum ad Deum, pari tibi fruendum: sed in Deo sic teipso, non in teipso frui debes: sed in eo qui te fecit.

## CAPVT XVII.

*De his quæ charitati aduersantur.*

Charitati videntur aduersari superfluous amor nostri, vanus amor mundi, odium proximi, & generaliter damna bilis offensa Dei. Circa primum notandum, quod signum est quod aliquis habeat superfluum amorem sui, cum ea quæ pertinent ad Deum & ad proximum suum, negligit: propria vero diligenter defendit: & specialiter cum defendit sua mala. 1. Corinth. 10. *Nemo quod suum est querat.* Phil. 2. *Non quæ sua sunt singuli considerantes, sed quæ aliorum.* Gregor. in Moralibus Plus Deo se amare conuincitur, qui ne-

glectis his quæ eius sunt, propria tuetur. Idem in Pastoralibus: Qui vult praua agere, & tamen ad hæc cæteros tacere, ipse sibi met testis est, quia plus se veritate appetit diligi, quam contra se non vult defendi: Superfluous amor sui efficit hominem ciuem Babylonicæ ciuitatis. Augustinus 14. lib. de Ciuitate Dei: Fecerunt ciuitates duas amores duo: terrenam, scilicet amor sui vsque ad contemptum Dei, cælestem vero amor Dei vsque ad contemptum sui. Illa in gloria sua exaltat caput suum, hæc dicit Domino Deo suo: Gloria mea & exaltans caput meum. Amor sui radix est multorum malorum. Vnde super illud 1. Tim. 3. *Erunt homines seipso amantes, cupidi, elati, superbi & cætera* dicit Glossa. Augustinus: Ex eo quod seipso, non Deum amant, quasi à radice hæc quæ sequuntur mala oriuntur, Chrysostomus: Omnium malorum causa est amor sui, & radix & fons. Item amor sui hominem extrahit adeo vt non videat seipsum. Bern. Amor vel odium veritatis nescit iudicium. Greg. super Ezech. Vehementer claudit oculos amor priuatus. Ex quo fit, vt hoc quod nos agimus, & graue esse non æstimamus, plerumq; agatur à proximo, & nobis nimis detestabile esse videatur. Amor iste amor videtur esse: cum vere sit odium. Vnde Augustinus super illud Io. 12. *Qui amat animam suam, perdet eam.* Magna & mira sententia, quemadmodum sit hominis in animam suam amor vt pereat, odium ne pereat. Si male amaueris, odisti: si bene oderis, tunc amasti. Item August. in quodam sermone: Si perit homo amando se, profecto inuenitur negando se. Disce amare te, non amando te, secundum Chrys. Animam amare, est desideria animæ inconuenientia facere, Eccl. 18. *Si praestes animæ tuæ concupiscentias eius: faciet te in gaudium inimicis tuis.* Qui nimis amat se, perdit se. Vult enim esse in otio vbi corrumpitur: sicut vestis in arca reposita, à tineis comeditur. Psal. Omnes sicut vestimentum veterascent.

Psal. 101.

Item deliciis implet se nimis. qui se nimis amat, & sic perdit se. Ex hoc enim celerius moritur. Eccl. 37. *Propter crapulam multi obierunt.* Qui nimis amat se, nimis sollicitè seruando se, perdit se. Sicut qui nimis seruat frumentum suum, amittit, quia corrumpitur. Vnde super illud. Matt. 18. *Qui voluerit animam suam saluam facere, perdet eam:* dicit gl. interli. Ac si agricolæ dicatur: frumentum si seruas, perdis: si seminas, renouas. Circa vanum amorem mundi notandum, quod amare mundum est quasi amare adulterium. Vnde Iac. 4. *Adulteri, nescitis quia amicitia huius mundi inimica est Deo: Quicumque ergo voluerit esse amicus seculi huius: inimicus Dei constituitur.* Et 1. Io. 2. *Nolite diligere mundum, neque ea quæ in mundo sunt. Si quis diligit mundum, non est charitas Patris in eo.* Vbi dicit gl. Vnum corduos aduersarios sibi amores non capit. Esa. 28. *Coangustatum est stratum ita vt alter decicat, & pallium breue utrunq; operire non potest.* Charitas pallium est posteriora tegens. Peccata enim præterita abscondit, ne Deus ea ad puniendum videat. Prou. 10. *Vniuersa delicta operis charitas.* Ipsa supereminet cæteris virtutibus, vt pallium superponit cæteris vestibus. Ad Coloss. 3. *Super omnia charitatem habentes.* Amor mundi, adulterat animam: amor fabricatoris mundi, castificat animam: vt dicit Aug. in lib. de verbis Domini. Idem in lib. de Confess. Amicitia huius mundi fornicatio est abs te. Idem super epistolam Ioannis: Si mundi amor in te habitet, non est quod amor Dei intret. Quum exhauseris cor tuum amore terreno, hauriet amorem diuinum. Amor mundi principium est omnium malorum: Vnde super. 1. Io. 2. dicit gl. Sicut dilectio Dei est fons omnium virtutum: ita dilectio mundi omnium vitiorum. Amare mundum est amare proditorem. Mundus enim dicit dæmonibus. *Quemcumq; osculatus fuero, ipse est, tenete eum.* Mat. 26. Prou. 27. *Meliora sunt vulnera diligentis,*  
quam

Quid  
amare  
mundum

*quam fraudulenta odientis oscula.* Item amare mundum est amplecti immundum. Augustinus: super Ioannem. Si delectat te mundus, semper vis esse immundus. Si autem iam te non delectat hic mundus: iam tu es mundus. Si autem fueris mundus, non remanebis in mundo. Chrysostomus super Matthæ. Sicut difficile est arborem iuxta viam positam, fructus suos usque ad maturitatem seruare: Sic difficile est virum fidelem iuxta iniustum mundum viuentem in actibus suis usque ad finem iustitiam tenere. Nam in via à transcurrentibus fructus rapitur. Recede à via, & plantare in loco secreto, vt nec mundus tecum habeat commune, nec tu cum mundo. Eccl. 13. *Qui tetigerit picem inquinabitur ab ea.* Item amare mundum est amare periculum. August. Ama seculum, absorbebit te. Amatores suos vorate nouit, non portare Eccl. 3. *Qui amat periculum, in illo peribit.* August. ad amatores mundi. Cuius rei causa militatis? maior-ne esse poterit spes vestra in mundo, quàm vt amici mundi sitis? Ibi quid non fragile, quid non plenum periculi? Item per hæc pericula peruenitur ad maius periculum. Item in epistola ad Anastasium: Mundus iste periculosior est blandus quam molestus: & magis cauendus cum se allicit diligi, quam cum admonet, cogitque contemni. Amare seculum, est amare locum tormentorum. Aug. in lib. de verbis Domini. Abiice à tediuitiarum onera, abiice vincula voluntaria, abiice anxietates & tædia quæ te plurimis annis inquietant. Bernard. in sermonibus: Diuitiarum amor insatiabilis, longe amplius desiderio torquet animam, quam refrigeret vñ suo: vt pote quarum acquisitio quidem laboris, possessio timoris, amissio plena doloris inuenitur. Item amare mundum est amare diaboli dominium. Aug. in lib. de agone Christiano: Mittitur diabolus foras, quando ex toto renuntiatur huic mundo. Sic enim renuntiatur diabolo qui princeps est mundi. Item mundum amare, est in do-

mo igne succensa velle manere. *Totus enim mundus in maligno positus est.* i. Ioan. 5. Mundus est fornax Babylonica igne succensa. Dan. 3. Bernard. Domus ardet & ignis instat à tergo, & tu mones non egredi, vel iam egressum regredi. De tertio quod aduersatur charitati, scilicet odio proximi, require in tractatu de Ira. Chrysost. Si inimicitia semel occupauerint animos, omnia quæ dicuntur, quæ audiuntur, quæ fiunt, ita accipiuntur & intelliguntur, vt ad maiores & longiores proficiant inimicitias. Si quid enim boni de inimico dicitur, non creditur. Si quid mali, hoc solum creditur, & confirmatur: Circa quartum notandum est, quod omnis offensa Dei mortalis in quantum à Deo diuidit, aduersatur charitati quæ à Deo venit. Esa. 59. *Iniquitates vestrae diuiserunt inter vos & Deum vestrum.*

## CAPUT XVIII.

## De diuersis gradibus Charitatis.

**N**Otandum ergo quod diuersi sunt gradus charitatis. Est enim charitas incipiens, proficiens & perfecta. August. super epistolam Io. Perfecta charitas hæc est: vt quis paratus sit etiam mori pro fratribus. Sed nunquid mox vñ nascitur iam prorsus perfecta est? imo vt perficiatur, nascitur: cum fuerit nata, nutritur: cum fuerit nutrita, roboratur: cum fuerit roborata, perficitur: cum ad perfectionem venerit, dicet, *Cupio dissolui, & esse,* &c. Philip. 1. Charitas operibus pietatis nutritur, tribulationibus & consolationibus roboratur, consiliis perficitur. Et notandum quod sex sunt quæ valent vt charitas proficiat, & proficiendo ad perfectionem perueniat. Primum est, quod homo magnum desiderium proficiendi habeat, magna enim pars perfectus est, vel le proficere, vt ait Bern. Aug. Nostrum non progredi iam reuerti est. Cesset omnis ignauia, si volumus, non redire, cur-

Sex charitatem augmen-  
tant.

A a

rendum est. Leo Papa: Incidunt in periculum qui proficiendi perdiderunt appetitum. Bern. in epistolis: Indefessum proficiendi studium, iugis & conatus ad perfectionem, perfectio reputatur. Quod si studere perfectioni est esse perfectum, profecto nolle proficere deficere est. Secundum est, quod à creaturis inferioribus ad creatorem amorem suum recolligat. Solent abscindi rami arboris nouæ inferioris, ut totum clementum suum ponat superius. Greg. Non sufficit proficere homo ad utraque diuisus. Gen. 49. dicitur ad Ruben: *Effusus es sicut aqua, non crescas*. August. in 2. lib. Confessionum: Ab uoce aduersus, in multa etanui. Exarsi enim aliquando satiari inferius in adolescentia: & syluescere ausus sum variis & umbrosis amoribus. Tertium est, ut doctrinæ intendat. Sicut paruulus absque sumptione cibi crescendo non proficit: sic anima sine doctrina deficere potius, quam proficere solet. Ecclesiast. 22. *Filia fatua in diminoratione fiet*. In

*Psalm. 106. Esurientes & sitientes anima eorum in ipsis defecit*. Quartum est, meditatio, & præcipue illa quæ versatur circa beneficia à Deo vel à proximo recepta, vel circa alia incitantia ad amorem Dei vel proximi.

*Psalm. 138. De quibus dictum est prius. In Psalm. In meditatione mea exardescit ignis*. Quintum est oratio, Bernard. Amorem Dei in homine à gratia genitum lætat lectio, meditatio pascit, oratio confortat & illuminat. Sextum est tentatio. Gregorius in Moral. Electorum desideria in prosperitate deprimuntur, aduersitate proficiunt: sicut ignis flatu premitur ut crescat, & unde quasi extingui cernitur, inde roboratur cum per tentationem humilitas proficit. Prospera est ipsa aduersitas quæ mentem ab elatione custodit. Et notandum est quod nullus ad tantam perfectionem per-

uenit in uita ista ad quantam uellet peruenire. Ambros. super Luc. Nemo est qui tantum virtutis apprehendat, quantum desiderat: quia omnipotens Deus interiora discernens, ipsis spiritualibus profectibus modum ponit, & ex hoc homo quod apprehendere conatur & non valet, in illis se non eleuat quæ valet. Item notandum quod sicut dicit August. perfecta charitas nec cupiditatem habet sæculi, nec timorem sæculi, per quas duas ianuas intrat & regnat inimicus qui primò timore, deinde charitate pellendus est. 1. Ioan. 4. *Perfecta charitas foras mittit timorem*. Gloss. Timorem illum, scilicet quo timet quisque sciens opera iustitiæ: ne veniat districtus iudex, & se minus castigatum damnet. Itē notandum quod sex sunt species perfectionis. Prima est perfectio sufficientiæ: de qua Matt. 5. *Estote perfecti sicut Pater vester celestis perfectus est*. Secunda est comparationis quam debent habere clerici respectu laicorum. Genesis. 6. *Nec erat perfectus in generationibus suis*: id est comparatione eorum qui erant de generatione sua. Tertia est ordinis, ad quam tenentur in sacris ordinibus constituti, ad quam pertinet continentia. Esa. 52. *Mundamini qui fertis uasa Domini*. Quarta est, professionis quæ pertinet ad religiosos, Matth. 19. *Si vis perfectus esse uade & uende omnia quæ habes, & da pauperibus*. Quinta est prælationis. Ioan. 10. *Bonus pastor animam suam dat pro ouibus suis*. Greg. in homil. Cum incomparabiliter longe melior sit anima qua uiuimus, terrena substantia quam possidemus: qui non dat pro ouibus suis substantiam suam, quomodo pro his daturus est animam suam? Sexta est securitas: qui hanc habent cupiunt dissolui, & esse cum Christo, Ad Philip. 1.

Sex sunt  
species  
perfectionis.

# TERTIÆ PARTIS PRINCIPALIS de quatuor virtutibus Cardinalibus.

## TRACTATUS PRIMVS.

*De ipsis Virtutibus cardinalibus in communi.*

### CAPVT PRIMVM,

*Quare istæ quatuor Virtutes dicantur Cardinales.*

**D**ICTO de tribus virtutibus Theologicis, dicendum est de quatuor Cardinalibus: De quibus habetur Sap. 8. *Sobrietatem* (inquit) & *prudentiam* doceat iustitiam, & *virtutem* quibus *utilius* nihil est *in vita hominib.* Sobrietatem vocat, quam vſitato nomine vocamus temperantiam. Virtutem vocat, quam communiter vocamus fortitudinē. Alias duas vocat nominibus nobis vſitatis. De his hoc modo agetur. Primo dicitur quare dicantur cardinales: licet non meminerim me legisſe eas ſic vocari in canone Sacre ſcripturæ, vel à prophetis, vel ſacris expoſitoribus. Secundo, numerus earum ostendetur. Tertio, de ſingulis agetur. Quarto, diuiſio earum quam Macrobius ponit, ſubnectetur. Circa primum notandum, quod quatuor de cauſis poſſumus intelligere eas dici cardinales. Primo propter ſtabilitatem. Cardio ſtabilis manet, licet oſtium in eo vertatur. Prou. 26. *Sicut oſtium vertitur in cardine ſuo: ſic piger in lectulo ſuo.* Sic hæ quatuor virtutes ſtabiles ſunt, licet ea circa quæ verſantur, ſcilicet ea quibus vtendum eſt, ſunt mutabilia, hæ quatuor virtutes animam quaſi quadratam reddunt, & ideo ſtabilem vndique. Figura enim quadrata vndique ſtabilis eſt, Heb. 13. *Optimum eſt gratia ſtabilire cor.*

Quare  
virtutes  
cardina-  
les ſic di-  
cantur.

Ratio 1.

Prudentia animam tenet in veritate vtili: ne per ignorantiam, vel errorem, vel curioſitatem ab ea recedat. Temperantia tenet eam in neceſſitate, ne per ſuperfluitatem vel diminutionem ab ea recedat. Fortitudo tenet animam in quadam æqualitate, ne aduerſitas eam deiciat. Iuſtitia in proximi vtilitate, vt ei non noceat: ſed potius vtilitati eius intendat. Secundo, quia ſicut oſtium cardini innititur: ſic tota conuerſatio bona his quatuor virtutibus innititur: quæ conuerſatio conſiſtit in faciendo bonum, & patiēdo malum. Bern. Bonam vitam ego puto, & mala pati, & bona facere, & ſic perſeuerare vſque ad mortem. Conuerſatio bona quantum ad duo prædicta quaſi oſtium eſt quo intratur ad vitam beatam. Matt. 19. *Si vis ad vitam ingredi, ſerua mandata.* Act. 14. *Per multas tribulationes oportet nos intrare in regnum calorū.* Tertio, propter præminentiam quam habent reſpectu cæterarum virtutum. Cardines enim dicuntur primæ partes cæli, vel terræ, vel maris. Deut. 30. *Si ad cardines caſi fueris diſſipatus, inde retrahet te Deus.* 1. Reg. 2. *Domini enim ſunt cardines terræ.* Iob. 36. *Cardines quoque maris operiet.* Sic virtutes iſtæ primæ ſunt reſpectu aliarum virtutum. Et ſicut Cardinales præſunt clero, & ſummus Pontifex per eos ardua operatur: ſic hæ virtutes excellentiam habent reſpectu aliarum virtutum, &

2.

3.

Aa ij

4.  
Cardi-  
nales vi-  
tutes sūt  
o: natus  
Cardi-  
naliū  
i. i. i. i. i.

Minera  
virtutū  
cardina-  
liū.

anima per eas agit ardua opera in quibus  
salus consistit. Et sunt hæ virtutes cardi-  
nales, ornatus convenientissimus Cardina-  
libus: unde specialem amorem debent ha-  
bere adeas. Quarto, propter principalita-  
tem: Cæteræ enim virtutes ad has aliquo  
modo reducentur. Præterea istæ virtutes  
principales motus virium animæ dirigunt.  
Prudentia actum rationalis, qui est dif-  
cernere inter bonum & malum, vel inter  
duo bona quod melius, vel inter duo mala  
quod magis malum. Temperantia dirigit  
actum concupiscibilis, qui est velle bonū  
delectabile. Fortitudo actū irascibilis, qui  
est aggredi arduum, & sustinere quod est  
difficile ad sustinendum. Istæ ergo tres vir-  
tutes, tres actus principales trium virium  
animæ dirigunt quantum ad se: sed iustitia  
actus illos dirigit respectu proximi. Ipsa  
enim circuit omnes vires, ut dicit gloss.  
Ibid. super Gen. 2.

## C A P V T II.

### De numero prædictarum virtutum.

**D**icendum de numero prædictarum  
virtutum, quod officii earum satis po-  
test declarari. Unde notandum, quod Pru-  
dentia cæteris lumen præfert. Temperan-  
tia animam perficit respectu eius quod in-  
fra nos est. Fortitudo respectu eius quod  
contra nos est. Iustitia respectu eius quod  
est iuxta nos vel supra nos, respectu proxi-  
mi vel Dei. Aug. Prudentia est, eligere  
quod eligendum est. Fortitudo nullis avel-  
lim molestus. Temperantia, nullis illecebris.  
Iustitia, nulla superbia. In lib. de spiritu &  
anima. Prudentia est in eligendis, tempe-  
rantia in utendis, fortitudo in tolerandis,  
iustitia in distribuendis. Tullius in lib. de  
offic. Non istas à quatuor partibus manat.  
Una cognitionis. Altera communis. Tertia  
magnanimitatis. Quarta, moderatio-  
nis. Cognitionis pertinet ad prudentiam.  
Communitas ad iustitiam. Magnanimitas  
ad fortitudinem. Moderatio ad tempe-  
rantiam. Hæ quatuor virtutes videntur

esse contra quatuor affectus originales,  
quos Beda distinguit, sc. ignorantiam, in-  
firmitatem, concupiscentiam, malitiam  
vel malignitatem. Prudentia contra igno-  
rantiam. Fortitudo contra infirmitatem.  
Temperantia contra concupiscentiam. Iu-  
stitia contra malitiam vel malignitatem.  
His quatuor virtutibus quasi quatuor la-  
pidibus pretiosis constat corona sponsæ  
Christi. Prudentiam habet à parte ante-  
riori, ut caueat à futuris. Iustitiam à po-  
steriori, ut satisfaciatur de præteritis. Tem-  
perantiam à dextris, ne eleuetur in prosperis.  
Fortitudinem à sinistris, ne succumbat  
in aduersis. Cum virtus sit circa bonum,  
secundum verbum Sapientis. Quadrupli-  
citer vero peccat anima circa bonum, sc.  
vel eligendo quod apparet bonum, cum  
non sit: vel illud quod vere bonum est, ac  
si non esset bonum, fugiendo, eo quod mo-  
lestum sit: vel appetendo quod simpliciter  
est bonum, cum sibi non sit bonum, eo  
quod non sit commensuratum: vel appe-  
tendo quod proximo est malum, eo quod  
bonum sibi. Prudentia est contra primum  
quæ prodit & manifestat non esse bonum  
quod apparet esse bonum. Fortitudo est  
contra secundum, quæ amplectitur quod  
molestum est tanquam bonum expediens:  
ut est medicina amara, vel incisio in cor-  
pore propter salutem corporis facta. Tem-  
perantia contra tertium, quæ cauet super-  
fluum. Iustitia est contra quartum, quæ  
cauet proximi noxamentum. Prudentia  
cauet errorem qui est principium errorum  
malorum. Fortitudo excludit timorem sæ-  
culi. Sapiens: Fortitudinis est, non nisi tur-  
pia timere. Temperantia excludit cupidi-  
tatem sæculi. Hæc duo principia sunt om-  
nis peccati. Unde gloss. super illud Psalm.  
*Incensa igni & suffossa.* Omne peccatum  
duæ res faciunt sc. cupiditas & timor. Iu-  
stitia servat amorem proximi. Est enim  
vinculum societatis humanæ: ut ait Sen.  
in lib. de quatuor virtutibus. Prudentia  
discutit quæ fallunt. Temperantia com-  
pescit ab his quæ irritant & alliciunt. For-

Opposi-  
tio vir-  
tum car-  
din. & vi-  
tiorum.

Psalm. 79.  
Quæ prin-  
cipia  
omnis  
peccati.

titudo sustinet quæ exterrēt. Sen in epistolis : Linienda sunt quæ me exterrēt, compescenda quæ me irritant, discutienda quæ fallunt. Iustitia timet quod est timendum, & amat quod est amandum. Tull. in lib. de Offic. Nemo potest esse iustus, qui mortem, qui dolorem qui exilium, qui egestatem timet. Prudentia facit ut homo bene se habeat ad vera vel falsa. In prospicientia enim veri solertiæque versatur, iuxta verbum Tullii in lib. de Offic. Temperantia & fortitudo, ut bene se habeat ad prospera & aduersa. Iustitia, ut bene se habeat ad Deum & proximum. Prudentia, temperantia, fortitudo, & iustitia secundum aliquam acceptionem sui accipiuntur enim diuersimodè, ut patebit cum de singulis agetur, videntur operari circa vnum & idem opus meritorium. Prudentia eligit quod agendum est. Temperantia cauet ne quid nimis. Fortitudo ne quid paruum. Iustitia opus ordinat ad debitum finem. Prudentia providet speciem. Temperantia & Fortitudo modum. Iustitia ordinem. Numerus harum quatuor virtutum designatur in multis locis in Scriptura sacra. Primo in quatuor fluminibus paradisi, de quibus legitur Genes. 2. ubi dicit gloss. Greg. *Quatuor flumina paradisi irrigant*: quia de his quatuor virtutibus cor infunditur, ab omni desideriorum carnalium æstu temperatur. Secundo in quatuor coloribus quibus decorata sunt cortinae tabernaculi. Exod. 26. quæ signant has quatuor virtutes in quibus decor Ecclesiæ consistit. Hyacinthus aerij vel cælestis coloris pertinet ad prudentiam quæ Deum & angelos specialiter imitatur. Byssus habens candorem, pertinet ad temperantiam, quæ candidam & mundam reddit animam. Purpura sanguinei coloris pertinet ad fortitudinem, quæ parata est sanguinem pro Christo fundere. Coccus ignei coloris pertinet ad iustitiam, propter zelum ipsius. Tercio in

quatuor speciebus quibus conficiebatur unguentum quo tabernaculum & vasa ipsius & ministri ungebantur. De quibus habetur Exod. 30. Myrrha prima pertinet ad temperantiam, quæ est in iuuentute. Tunc enim laudabilior est. Cinamomum, quod est cinerei coloris, quod cum frangitur in modum nebulae spiramentum visibile emittit, ut dicit gloss. super Exod. 20. pertinet ad humilitatem, quæ est omnis iustitia. Matth. 3. *Sic decet nos implere omnem iustitiam*: i. perfectam humilitatem. Cassia quæ crescit in aquis pertinet ad prudentiam, quæ in aquis doctrinae nutritur. Calamus arbor aromatica pertinet ad fortitudinem, quæ aduersa tolerando dat odorem suauitatis, ut species aromaticæ cum contetuntur redolent. His quatuor addito oleo diuini amoris, conficitur unguentum bonæ famæ suauissime redolens. Ecclesiastic. 6. *Melius est nomen bonum quam pretiosa unguenta*. Quatto, quatuor virtutes sunt quasi quatuor rotae in curru igneo quo subleuantur amici Dei, 4. Reg. 2. Currus iste igneus est conuersatio ardentem amantium Deum. Quinto, commendatur numerus harum virtutum figuris quatuor animalium, aquila, vitulo, leone homine. De quibus Apoc. 4. & Ezech. 1. In aquila figuratur prudentia, cuius est vigilare in rebus discernendis, ut ait Aug. Aquila enim visum habet acutum: In vitulo temperantia. Vitulus enim immolabatur in lege. Temperantia vero exhibet corpora nostra Deo hostiam viuentem. Ad Rom. 13. In leone fortitudo. Pron. 30. *Leo fortissimus bestiarum ad nullius pauebit occursum*. In homine iustitia, quæ vinculum est humanæ societatis: ut dictum est prius. Voluit Dominus quatuor esse Euangelistas, & quatuor Euangelia, ad designandum, quod illi qui doctrinam Evangelicam docent, & qui eam tenent, his quatuor Virtutibus pollere debeant.

Vnde colligitur numerus virtutum cardinalium.



# TERTIÆ PARTIS PRINCIPALIS, de quatuor virtutibus Cardinalibus

## TRACTATUS SECVNDVS.

### De Prudentia.

#### CAPVT PRIMVM,

*De ordine dicendorum in isto tractatu & de diuersis modis quibus  
sumitur nomen Prudentia.*



Nter has virtutes primo agetur de Prudentia quæ animas dirigit, de qua hoc modo agetur. Primo, distinguuntur diuersi modi quib. hoc nomen Prudentia sumitur. Secundo, descriptiones eius ponuntur: & quomodo ipsa sit virtus, ostendetur. Tercio, tangetur de diuersis eius actib. Quarto, commendationi eius insisteretur. Quinto, tangetur de speciebus eius, Sexto, de his quæ aduersantur. Circa primum notandum quod hoc nomen Prudentia quandoque sumitur pro eo quod apparet esse prudentia, cum non sit. Sic sumitur ad Rom. 8. ubi dicitur. *Prudentia carnis mors est.* Glos. Prudentiam carnis habet quis, cum studiosus implet quæ carnis sunt, appetendo bona temporalia & fugiendo mala, & cum naturas rerum tantum sequitur. Prudentia vero ideo dicitur cum res stulta sit: quia ita videtur secularibus hominibus. Similiter quandoque sumitur pro sapientia apparenti, vnde subditur in eodem cap. *Sapientia carnis inimica est Deo.* Et 1. ad Corinth. 3. *Sapientia huius mundi stultitia est apud Deum.* Quandoque autem sapientia dicitur diuinarum & humanarum rerum cognitio, secundum verbum Sen. in episto. Et Tullius: in lib. de Offic. Et ista cognitio subdiuiditur in tres partes, moralem scilicet, & natura-

lem, & rationalem, vt tangit Sen. Prudentia vero dicitur scientia operandorum. Vnde Damasc. diuidit animam rationalem in duo. In id quod est in ea contemplatiuum, & id quod est in ea actiuium. Contemplatiuum est quod excogitat res prout habent esse. Actiuium vero quod consiliatiuum est, quod agenda dirigit. Et vocat contemplatiuum, intellectum: actiuium vero, rationem. Et dicit sapientiam pertinere ad contemplatiuum: prudentiam vero ad actiuium. Quandoque auctores pro eodem videntur sumere prudentiam & sapientiam. Vnde Prou. 16. *Qui sapiens est corde, appellabitur prudens.* Quandoque vero sapientia sumitur pro cognitione diuinorum, & prudentia sumitur pro cognitione humanorum. Vnde super illud Psalm. *Os meum loquetur sapientiam, & meditatio cordis mei prudentiam.* dicit glos. Sapientia ad diuinas res pertinet. Et post subditur. Prudentia scilicet de moribus. Et nota quod mos est habitus ex quo sine præmeditatione est frequentia operum. Vel ab eo quod est mox, quia mora est ex ea operatio. Vel dicitur à mora, id est à diuturnitate assuefactionis. Aug. vero distinguit inter sapientiam & scientiam, in libro de Trinitat. Hæc est, inquit, sapientia & scientia recta distinctio, vt ad sapientiam pertineat æternarum rerum cognitio intellectualis: ad scientiam vero

Quid sit  
prudentia.

Sapientia dicitur diuinarum & humanarum rerum cognitio.

Psalm. 41  
Diuerse  
acceptio  
nes sa-  
pientia  
& pru-  
dentia.



temporalium rerum cognitio rationalis. Sapientia etiam sumitur pro sapida scientia, aut pro scientia sapore virtutum condita. Eccles. 6. Sapientia doctrinæ secundum nomen est eius. Sapida enim est: sicut nomen eius à sapore dictum videtur. Sapiens: Sinum oportet facere habitum fluentem delectationem & lætitiā. In hoc differt literatus malus à sapiente: quia literatus malus gaudet de hoc quod scit opponere & respondere de his quæ pertinent ad mores. Sapiens vero de hoc quod illa sunt. Bernard. in sermonibus. Inuenisti plane sapientiam, si prioris vitæ peccata desleas, si huius sæculi desiderabilia paruipendas, si æternam beatitudinem toto desiderio concupiscas. Inuenisti sapientiam, si tibi horum singula sapiunt prout sunt. Quandoque vero sapientia dicitur cognitio de Deo quasi per saporem eius habita, ut cum aliquis gustauit & vidit quam suavis est Dominus. Et hæc cognitio differens est ab illa qua aliquis credit Deum esse suauem: quia scriptura hoc dicit, sicut differt cognitio quam habet aliquis de dulcedine vini per gustum ab illa quæ est per auditum. Prudentia etiam quandoque sumitur pro virtute. Et hoc multipliciter: vel pro virtute, scilicet gratuita: vel pro virtute ex multis operationibus acquisita. Item quandoque sumitur large, ut comprehendat omnes virtutes cognituias. Et sic videtur eam sumere Tullius, dicens: Prudentia est rerum diuinarum & humanarum cum ratione bene viuendi iuncta cognitio. Rationem bene viuendi intellige discretionem bonæ vitæ. Prudentia enim est cognitio directiua bonæ vitæ. Quandoque vero strictius sumitur, ut non comprehendat fidem vel donum consilii, vel intellectus, vel scientiæ.

## CAPVT. II.

*De descriptione Prudentiæ. Et quomodo Prudentia sit Virtus, cum videatur esse scientia.*

**P**rudencia sic describitur ab August. in lib. de Moribus Eccles. Prudentia est amor, ea quibus adiuuatur in Deum, ab his quibus impeditur, sagaciter eligens. In libro vero de spiritu & anima dicitur, quod prudentia est scire quid anima debeat facere. Super illud. Matt. 15. *Erant qui manducauerunt, quatuor millia.* dicit glos. Greg. Prima scilicet prudentia est cognitio rerum vitandarum & appetendarum. Et potest esse sumptum de verbis Tullii in l. de Offic. dicentis: Prudentia est appetendarum fugiendarumque rerum scientia. Describitur etiam sic prudentia in libro de re quie mentis. Prudentia est rerum bonarum & malarum cum alterarum dilectione, & reliquarum detestatione, scientia. Tullius eam sic describit in Rhetoricis: Prudentia est rerum bonarum & malarum & vtrarumque scientia. Hæc virtus discernit bona à malis, & bona ab iniuicem, ostendendo quod sit melius: & mala ab iniuicem, ostendendo quod sit maius malum. Sed quæritur quomodo Prudentia virtus sit, cum videatur esse scientia secundum multas descriptiones eius prius positas? ad quod videtur posse responderi, quod prudentia gratuita virtus est, quia est radius viuus à vero sole procedens. Cognitio quam habent mali circa ea quæ pertinent ad mores, cognitio est quasi mortua, inualida ad mouendum voluntatem, ut bono cognito consentiat, vel dissentiat à malo cognito. Sed prudentia virtus non solum est lumen illuminans intellectum, sed etiam calefacit affectum, non solum enim ostendit quid, quando, & qualiter sit agendum, sed etiam mouet voluntatem ut appetat bonum post iudicium, vel fugiat malum. Rom. 8. *Prudentia Spiritus, vita.* Prudentia vero virtus consuetudi-

Descip-  
tio pruden-  
tiæ.

An pruden-  
tia  
sit virtus

nalis ex frequentia operum relicta, non est idem cum scientia, quæ est communiter de his quæ sunt circa operationes voluntarias. Operationes vero ex quibus ipsa ut est virtus relinquitur, sunt singulares discretionibus de singulis fugiendis vel appetendis: non secundum quod sunt in imaginatione tantum vel opinione, sed secundum quod sunt subiecta sensui. Accidit enim de multis, quod minus mouent ad hoc quod fugiantur vel appetantur dum sunt in imaginatione, quam dum sunt in sensu: habitus vero relictus ex his singulis discretionibus potentior est ad mouendum voluntatem ut consentiat bono, vel dissentiat à malo, quam scientia moralis quæ est communiter de his quæ pertinent ad mores. Et videtur differre à alter horum habituum à reliquo: sicut scientia musicæ quam habet aliquis magister artium qui legit musicam in scholis, qui tamen nesciret cantare responsorium vnũ, differt à cognitione quam habet ille qui habet magisterium organizandi, in quo non solum est relictus habitus ad cantandum quantum ad vim apprehensiuam, sed etiam quantum ad vim motiuam & imperantem motum & exequentem. Similis differentia est inter habitum quem habet magister in medicina, qui scit legere libros medicinæ & pertinentes ad practicam & pertinentes ad theoricam, qui non habet consuetudinem operandi. Et notandum quod non est aliquis prudens prudentia virtute, eo quod sit prudens prudentia solum intellectu. Imo oportet quod ipse sit prudens intellectu, & affectu, & opere. Vnde vsus scripturæ & vsus communiter loquentium habent, ut imprudentes dicantur qui imprudenter operantur: licet prudenter intelligant quid, & quando, & quomodo sit agendum: Vnde prudentia virtus consuetudinalis non relinquitur in aliquo, nisi qui prudenter se habuit diu, prudenter intelligendo, prudenter volendo, prudenter agendo. Iob. 12. *In multo tempore prudentia.* Qui habet prudentiam

Imprudentes  
quid

virtutem, habitum habet ad prudenter discernendum, prudenter volendum, prudenter agendum. Ad hoc etiam quod prudentia sit virtus, videtur facere hoc, quod ipsa est cognitio boni vel mali, & talis boni vel mali, quod difficile est discernere: ut vitii, quod præterdit speciem virtutis. Ad hoc etiam quod ipsa sit virtus, videtur facere actus liberæ voluntatis præcedens eius cognitionem, quam Augustinus vocat amorem discernendi ea quibus adiuvamur in Deum, ab his quibus impedimur. Cognitio pertinet ad prudentiam non est cognitio effecta per violentam probationem: sed est cognitio credulitatis, cuius consensus est sine necessaria coactione. Poterit etiam videri alicui, quod sic temperantia ordinat vim concupiscibilem ad delectationes sensuum: ita prudentia ut est generalis ad virtutes cognitivas ordinet voluntatem liberi arbitrii ad operationes quæ pertinent ad vim rationalem. Voluntas enim liberi arbitrii penes quam est summa potestas in anima, ita potest se inordinatè habere circa operationes intellectus vel rationis, sicuti respectu sensuum. Vnde sicut necessaria sunt aliquæ virtutes quæ ordinent eam respectu sensuum: sic necessaria est aliqua virtus quæ ordinet eam respectu intellectus. Et sicuti voluntas respectu eorum quæ sunt delectabilia secundum sensum, potest esse virtuosa & vitiosa: sic voluntas quæ est respectu cognitionum videtur posse esse & virtuosa & vitiosa, vel poterit forsitan videri alicui quod hoc sit quod Seneca intelligit in Epistolis nomine Philosophiæ, dicens: Sapientia bonum perfectum est mētis humanæ: Philosophia sapientiæ amor est & affectio. Item illud quasi consistit inter Philosophiam & sapientiam interesse. Neque enim fieri potest ut idem sit quod affectatur & quod affectat: quomodo multum interest inter avaritiam & pecuniam, cum illa cupiat, hæc concupiscatur, sic inter Philosophiam & sapientiam. Idem: Alii Philosophiam studium virtutis esse dixerunt,

dixerunt, alij studium corrigendæ mentis. A quibusdam dicta est appetitio rectæ rationis.

## CAPVT. III.

*De diuersis actibus siue officiis Prudentiæ. Et de duodecim stultitiis quibus imprudentes in bello spirituali succumbunt.*

**S**equitur de diuersis actibus seu officiis prudentiæ. Notandum ergo, quodd ad prudentiam pertinet actus aliarum virtutum dirigete. Prou. 15. *Vir prudens dirigit gressus suos.* Ipsi est ostendere quid, quando, & quomodo sit agendū. Ipsi est prouidere vt opera nostra sint Deo grata, nobis vtilia, proximo non iniuriola. Ad eam Adeur pertinere discretio illa de qua dicit Bern. super Cantic. Est discretio non tam virtus quam quædā moderatrix virtutum, & auriga, ordinatrixque affectuum, & morum doctrix. Tolle hanc, & virtus vitium erit. Et intelligas ibi eam virtutem vocari, in quantum dirigit proprios actus separatos ab actibus aliarum. Aurigam vero virtutum, in quantum alias virtutes dirigit in actibus suis. Eius est moderari feruorem præcipitantem Bernard. super Cantic. Virtus discretionis absque charitatis feruore iacet, & feruor vehemens absque discretionis temperamento præcipitat. Ideoque laudabilis est cui neutrum deest, quatenus feruor discretionem erigat, & discretio feruorem regat. Prudentiæ est prouidere vt operibus nostris Deus glorificetur, & nobis præmium præbeatur. Ad prudentem pertinere nolle fallere, & falli nō posse. Matt. 10. *Estote prudentes, sicut serpentes, & simplices sicut columbæ.* Prudentes, vt falli non possitis: simplices, vt fallere non velitis. Seneca in lib. quatuor principalium virtutum? Prudens fallere non vult, falli non poterit. Item prudentiæ est, res secundum veritatem existimare, non secundum mul-

torum opinionem Senec. in eod. lib. Quisquis prudentiam sequi desideras, tunc per rationem rectè viues, si omnia prius existimes & perpenſes, & dignitatem rebus, non ex opinione multorum, sed ex earū natura constituas. Item quæcumque ex rebus trāſitoriis possides, non mireris: nec magnum existimes quod caducum est. Ipsi est non quam multis, sed quibus placeas, cogitare: nec quis dicat, sed quid dicatur attendere. Sen. in li. de quatuor virtutibus, cap. de Prudentia. Non te moueat dicentis autoritas: nec quis, sed quid dicat intendito: nec quam multis, sed qualibus placeas cogitato. Item prudentiæ est, quæ nobis commissa sunt, ad Dei gloriam & vtilitatem dispensare. Matth. 24. *Quis putas, est fidelis seruus & prudens, &c.* Et Luc. 12. *Quis putas, est fidelis dispensator & prudens?* Sen. Non apud te quæ habes tanquam aliena seruabis: sed pro te, tanquam tua & dispenses, & vtaris. Item prudentiæ est cauere ne aliquid leuiter inchoetur, vel inchoatum ante perfectionem de facili relinquatur. Senec. eodem lib. Scito in quibusdam te debere perseverare quia cœpisti: quædam vero nec incipere in quibus perseverare sit noxium. Idem in epistolis: Melius est vt proposita custodias, quam vt honesta postponas. Ipsi est mutabilitatem cauere. Seneca in libro de quatuor virtutibus, cap. de Prudentia: Si prudentiam amplecteris, vbique idem eris, & prout rerum aut temporis varietas exigit, ita te accommodes tempori, nec te in aliquibus mutes, sed potius aptes, sicut manus quæ eadem est, & quum in palmam extenditur, & quum in pugnum constringitur. Ecclesiast. 27. *Homo sanctus in sapientia manet sicut sol nam stultus sicut luna mutatur.* Item prudentiæ est turpia in occulto sicut in publico cauere. Senec. in eodem: Id opta quod optari coram bonis potest. Item ipsius est humilem statum diligere. Senec. in eodem. Nec altiori te rei imponas, in qua stanti tibi tremendum, ascendenti cadendum sit. Ipsi est etiam

Bb

est in prosperis potius quam in aduersis consulte agere. Senec. in eodem: Tunc consilia salutaria aduoca: cum tibi alludit vitæ prosperitas, tunc te velut in lubrico retinebis ac sistes. Potius indiget lumine qui incedit per loca lubrica, quam qui incedit per arida. Item prudentiæ est non solum interiora sed etiam exteriora ordinare. Prouer. 17. *In facie prudentis relucet sapientia: oculi stultorum in finibus terræ.* Eccles. 19. *Ex visu cognoscitur vir, & ab occursum faciei cognoscitur sensatus.* Amictus corporis, & risus dentium, & ingressus hominis enuntiant de illo. Item prudentiæ est actus rationis ordinare. Primus actus rationis est cogitare, quem dum prudentia ordinat, non solum cogitationes noxias, sed etiam otiosas cauet. Ierem. 4. *Vsq̃ quo morabuntur in te cogitationes noxiæ?* Senec. Cogitationes vagas & inutiles & velut somno similes non recipies: quibus si animum tuum non oblectaueris, quum omnia disposueris, tristis remanebis. Ratio etiam dicitur habere quatuor partes prout ad sensibilem comparatur: sc. inuentiuam, siue inuestigatiuam, iudicatiuam, memoratiuam, & interpretatiuam. Rationem inuestigantem prudentia ordinat, dum eam cohibet ab inquisitione inutilium vel nimis difficilium. Prouerb. 23. *Ne erigas oculos tuos ad opes quas habere non potes.* Ibidem: Prudentiæ tuæ pone modum. Seneca: Illud quære quod potes inuenire: sed discite quod potes scire, Ecclesiast. 3. *Alsiota tene quas seris.* Et paulo post: *In supermacuis rebus noli scrutari multipliciter: & in pluribus operibus eius ne fueris curiosus.* Rom. 12. *Non plus sapere quam oportet sapere.* Esaiæ 19. *Confundentur qui operabantur linum, plectentes & texentes filia subtilia.* Item prudentia rationem inquirentem dirigit, dum causam factorum requirere facit. Senec. in tractat. de quatuor virtutibus, cap. de prudentia. Cuiuscunque facti causam require: quum initia inueneris, exitus cogitabis. Item rationem dirigit inquirentem, dum eum ex aliis alia conie-

Prudentia actus  
Rationis  
pulchre  
dirigit.

Partes  
Rationis  
quatuor  
sunt.

re facit, vt ex præsentibus futura. Seneca: Consilium peritorum ex apertis obscura existimat, & ex paruulis magna, ex proximis remota, ex partibus tota. Idem: Si prudens esse cupis, in futurum, prospectum intende. Dirigit etiam rationem inquirentem quantum ad ordinem sciendi, & studium, & finem. Bern. super Cantic. Scire ea prius ampliusque curato quæ senseris viciniore salutis. Idem: Scias modum sciendi, vt seias quo ordine, vt id prius quod maturius ad salutem: quo studio, vt id ardentius quo vehemētius ad amorem: quo fine, vt tantum ad ædificationem tui vel proximi. Idem: Sunt qui scire volunt eo fine tantum vt sciant: & turpis curiositas est. Alij vt sciatur ipsi, & turpis vanitas est. Alij vt scientiam suam vèdant, aut pro pecunia, vel pro honoribus, & turpis quæstus est. Alij vt ædificent, & prudentia est. Rationem iudicantem prudentia multipliciter dirigit. Primo, dum eam cohibet à quibusdam iudiciis, quæ ei non sunt licita: vt est iudicium de incertis, quod prohibetur Matth. 7. Et Lucæ 6. *Nolite, inquit, iudicare.* Gloss. Duo sunt in quibus iudicium temerarium cauendum est. Sunt. n. quædam media & incerta quo animo fiât, quæ bene & male possunt fieri. Nescimus enim qualis futurus sit qui nunc apparet malus, de cuius correctione desperare, eumque quasi abiectum reprehendere, temerarium iudicium est. 1. Corinth. 4. *Nolite ante tempus iudicare.* Item cohibet rationem à iudicio usurpauo, quod est quando aliquis iudicat personam quæ sibi subiecta non est. Gloss. super Matt. 7. *Temerarium iudicium est, quâdo quibus non est commissum iudicium iudicant.* Rom. 14. *Tu quis es qui iudicas alienum seruum?* Item prudentia rationem iudicantem dirigit, dum eam à leuitate, vel nimia tarditate credendi custodit. Et omnibus enim, & nulli credere vitium est, vt ait Sen. *Qui leuiter credit, vitiose agit.* Eccl. 30. *Qui cito credit, levis est corde.* Senec. Prudentis proprium est examinare consilia cito facili-

In duobus iudiciis temerarij cauendum.

credulitate ad falsa prolabi, Prudens non nisi iudicio credit, & non nisi examinatam sententiam in consensum credulitatis admittit. Senec. Opiniones tuæ iudicia sint. Sicut in disputationibus non admittimus nisi manifeste vera, vel quæ vis probationis extorserit: sic in consensum credulitatis non debemus admittere nisi vel manifesta, vel ea de quibus sit nobis plena fides: quod præcipue seruandū est in his quæ non expedit nobis credere: ut sunt mala quæ nobis dicuntur de proximo, quæ amorem nostrum ad proximum lædere solēt, & dare occasionem despiciendi proximum. Itē prudentia rationem iudicantem dirigit, dū eam cohibet, ne vel dubia temere definita, vel verisimilia affirmet. Senec. De dubiis non diffinitis suspensam tene sententiam. Nihil inexpertum affirmes: quia non omne quod est verisimile, statim verum est, sicut & sæpius, quod primū incredibile videtur, non continuo falsum est. Crebro faciē mendacij veritas tenet: crebro mendacium faciē veritatis occultatur. Nam sicut aliquando frontem tristem amicus, & blandam adulator ostendit: sic verisimile coloratur, & ut fallat conatur. Rationem etiam memorantem prudentia dirigit, dū salubria facit reminisci, & noxia obliuisci. Salubria ad reminiscendum sunt ut beneficia Dei vel proximi: noxia, ut iniuriæ proximi. Item inter bona præsentia mala facit reminisci contra elationem superbiæ, & inter mala præsentia bona cōtra deiectionē nimiam. Eccles. 11. *In die bonorum ne immemor sis malorum, & in die malorum ne immemor sis bonorum.* Rationem etiam prout eius est sermonem interpretari quod excogitauit, prudentia dirigit, dum sermonem moderatur. Prou. 10. *Qui moderatur labia sua, prudentissimus est.* Eccles. 21. *Labia imprudentum stulta narabunt: verba autem prudentū statim ponderabuntur.* Sen. Sermo tuus non sit inanis: sed aut suadeat, aut moneat, aut consoletur, aut præcipiat. Lauda parce, vituperato parcus. Similiter enim reprehensibilis

est nimia laudatio ut immoderata vituperatio. Illa siquidem adulatione, ista malignitate suspecta est. Testimonium veritati, non amicitiae reddas. Cū cōsideratione promitte: plenius quā promiseris præsta. Prudētis est taciturnitas amare. Prou. 11. *Vir prudēs tacebit.* Eccles. 19. *Est taces, & ipse est prudens.* Prudentia etiam rationem dirigit circa ipsam prudentiam, ut non prudentiæ suæ innitatur, nec facile se credat prudentiam habere. Prou. 13. *Ne ininis aris prudentia tua.* Rom. 12. *Nolite esse prudentes apud vosmetipsos.* Item Esā. 5. *Va qui sapientes estis in oculis vestris, & coram vobis metipsis prudentes.* Item ad prudentiam pertinet providere ne totum tempus detur actioni. Sen. Nō semper in actu sis, sed interdū animo tuo dato requiem, & requies ipsa plena sit sapiētiæ studiis & cogitationibus bonis. Bern. in lib. de cōsideratione. Non te totum, nec semper des actioni: sed cōsiderationi aliquid tui & cordis & corporis sequestra. Cōsideratio ipsius actionis partes benigna præsumptione suas facit, præagendo quodammodo & præordinando quæ agenda sunt necessario. Sane ne forte quæ præuisa & præmeditata poterāt esse proficuo, præcipitata magis pericula fiant. Item prudentia insidias præcauet. Aug. Prudētia est in præcauendis insidiis. Ipsa etiam in bello spiritali triumphat. Exemplum habemus de hoc in Christo, cuius prudentia percussit superbum. Iob 26. Iple tribus verbis Scripturæ sacræ in deserto diabolus prostravit. Matth. 4. Prou. 24. *Vir sapiens fortis est, & doctus, robustus, & validus: quia cum dispositione initur bellum, & eris salus ubi multa consilia.* Eccles. 9. *Civitas parua, &c.* Et subditur: *Inuentus est in ea vir pauper & sapiens, & liberauit urbem per sapientiam suam.* Et subiungit Salomon: *Dicebam ego sapientiam meliorem fortitudine.* Et in eod. *Melior est sapientia, quam arma bellica.* Et Sap. 5. *Melior est sapientia, quam vires: & vir prudens magis quam fortis.* Eiusdem 7. *Sapientiam non vincit malitia.* Et 24. Econ-

trario stultitia vel imprudētia in bello spiritali succumbit. Baruch. 3. *Quoniam non habuerunt sapientiam, perierunt propter suam insipientiam.* Tullius in Rhetoricis: Parua foris sunt arma: nisi sit consiliū domi.

*De stultitiis quibus prudentes in bello spiritali succumbunt.*

**D**E stultitiis vero quasi innumeris quibus imprudentes in bello spiritali succumbunt, causa breuitatis paucas enumeremus. Prima est eorū qui ante pugnam se armare nolunt: sed tunc primo arma accipiunt, cum dolorem vulnerum sentiunt. Tunc primo patientiæ vel humilitatis clypeum sumunt, quum gladio maligno linguæ venenatæ sunt vulnerati. Ecclesiast. 2. *Præpara animam tuā ad tentationem.* Præparatio ista est excogitatio de modo resistendi tentationi, quod faciendum est ante tentationem. Semper enim deberent incedere armati, qui sunt inter hostes suos. Modum conuenientissimum resistendi tentationi quæ est per linguas venenatas, Christus ostendit, in summa taciturnitate blasphemias persecutorum audiens. Esa. 53. *Quasi agnus coram tondente se, obmutescet, & non aperiet os suum.* In Psalmista: *Ego tanquam surdus non audiebam, &c.* Secunda est eorum qui sumunt arma nimis onerosa, præcipue quum non habeant eorum consuetudinem qui quandoque eorum ponderositate deiciuntur, vt qui nimis ieiunant vel orant. Dauid Saul deposuit, quia ponderosa erant, & non habebat eorum consuetudinem, & leuibus armis vicit 1. Reg. 17. Tertia est eorum qui in ipso conflictu arma sua proiciunt, quando ea fortiter tenere deberent, scilicet patientiam & humilitatem. Vnde dictum est Boetio: Talia tibi contuleram arma, quæ nisi prior abiecisses, inuicta te firmitate tuerentur. Quarta est eorum qui ex ea parte quâ debiliores sunt, & qua magis à diabolo impugnantur, minus se muniant,

quum è contrario esset faciendum. Qui videt se ad auaritiā pronum esse, multum deberet conari ad largitionem eleemosynarum: vt faciunt qui lignorum tortuosa dirigunt, iuxta verbum Philosophi, multum enim inflectunt ea in contrarium, vt sic ad rectitudinem reducant. Quinta est eorum qui nolunt resistere hostibus in loco vbi facilius possent. Ad portas castri hostibus resistendum est, aut in aliquo loco alto & arcto vbi paucitas multis resistat. Et non tunc primo resistendum est, quando totum castrum, vel totam terram occupauerunt. Sic ad portas sensuum hostibus spiritalibus est resistendum. In alto etiam eminentis vitæ ponere nos debemus: quod altum multis occupationibus faciendum est angustum, vt hosti via non pateat, & ibi hosti resistendum est. Sic Eliachim præcepit obtineri ascensus montium per quos via poterat esse in Ierusalem: vt legitur Iudith. 4. Sexta est eorum qui nolunt hostem interficere dum paru-

lus est, non attendentes illud Psalm. *Beatus qui tenebit & allidet paruulos suos ad petram.* Tales nolunt hosti resistere donec fuerint ab eo interfecti. Poeta:

*Principijs obsta, sero medicina paratur.*

Hieron. Lubricus est antiquus serpens: & nisi capite teneatur, statim totus illabitur. Genes. 3. dictum est serpenti de muliere, *Ipsa conteret caput tuum.* Septima est illorum qui cōtra suos pugnant, & hostes suos amicos reputant. Cum peiores inimici quos habemus, sint proprius sensus & propria voluntas: contradictiones quæ proprium sensum impugnant, & persecutiones quæ impugnant propriam voluntatē, sunt adiutoria nobis à Deo missa contra pessimos hostes nostros. Vnde contra suos pugnant qui talibus repugnant. E contrario fauores hominum & applausus, hostes nostri sunt qui nos decipiunt, licet hoc multi non intelligant. Prou. 7. *Vade contra virum stultum & nesciet.* Octaua est eorū qui de propè volunt pugnare cū hoste, qui ex propinquitate vires assumit, & ex elon-

5.

6. Psal. 136.

7.

8.

gatione vires amittit : vt est fornicatio, & cætera vitia ad voluptatem pertinentia. Ideo dicitur Corinth. 6. *Fugite fornicationem.* Nona est eorum qui fugiendo hostē vitare volunt, qui fugientes magis infequitur. Vt faciunt illi qui aduersa huius mundi nimis timent. Senec. Quemadmodum perniciosior est hostis fugiētibus : sic omne fortuitum incommodum magis instat cedēti & auerso. Multum miratus fuit Iosue videns populum Domini fugiētem. Iosue 6. *Domine Deus, inquit, quid dicam videntem Iſraelem hostibus suis terga vertentem?* Decima est illorum, qui quum pugnandum esset contrariis, pugnant similibus, vt odio contra odium, garrulitate cōtra garrulitatem, stulticia cōtra stultitiam. Potius amore cōtra odium pugnandū est, sicut aqua pugnatur contra ignem. Prouerb. 25. *Si esurieris inimicus tuus, ciba illum.* Taciturnitate contra garrulitatem. Sapiens : *Garrulo respondere, conuiuium est.* Ecclesi. 8. *Ne litiges cum homine linguato : neque struas in ignem ipsius ligna.* Sapienciā contra stultitiam. Prouer. 26. *Ne respondeas stulto iuxta stultitiam suam, ne ei similis efficiaris.* Vndecima est illorum qui laborāt in impugnatione hostium suorum, quos gloriosius sine ictu possent vincere patiendo. Prouerb. 17. *Melior est vir patiens viro forti,* &c. Et eiusdem 20. *Ne dicas, reddam malum pro malo : expecta Dominum, & liberabit te.* Liberabit, inquam, à labore & periculo vindicandi te. Præterea ad plenum vindicabit te, hostem tuum patibulo infernali tradendo. Duodecima est illorum qui iuuāt hostem suum, ad sui interfectionem. Gregor. Non est timendus hostis qui non potest vincere nisi volētem. Sicut diabolus non potest vincere nisi volentem : ita nec occidere nisi iuantem. Diabolus cordi gladium applicat, quando malam cogitationem immittit. Impingis & infigis gladium cordituo, quando consentis, & sic diabolus iuuas. Item diabolus iuuat, qui sciens volens vadit ad foveam in qua diabolus vult eum præcipitare, Prouerb.

23. *Fovea profunda meretrix.* Deberet proponere qui tentatur de peccato carnis, quod non ibit ad locum vbi illud committat, nisi diabolus illuc eum porter. Item diabolus iuuat qui gladium ei conducit quo ab eo interficiatur : vt qui dat aliquid mulieri vt peccato suo consentiat.

## CAPVT IV.

## De commendatione Prudentiæ.

**D**ICTO de officio Prudentiæ, insistentum est commendationi ipsius. Et notandum, quod multa quæ dicta sunt de officio prudentiæ, valere possunt ad eius commendationem. Præter illa vero, Primo facit ad eius commendationem multiplex admonitio quam Scriptura sacra facit ad eam, Matth. 10. *Estote prudentes,* &c. 1. Per. 3. *Estote prudentes,* &c. Prouerb. 4. *In omni possessione tua acquire prudentiam.* Prouerb. 4. *Attendite vt sciatis prudentiam.* Eiusdem 16. *Acquire prudentiam, quia pretiosior est argento.* Secundo, quod filius Dei ore proprio eam docere voluit. Prou. 2. *Dominus dat sapientiam, & ex ore eius prudentia.* Nec solo ore eam docuit, sed opere, persecutores prudenter declinando, Ioan. 8. *Iesus autem abscondit se, & exiuit de templo.* Tertio, quia ipsa est nobilis species cognitionis. Prouer. 9. *Sciētia sanctorum prudentia.* Vnde ad cōmendationem eius faciunt, quæ pertinent ad commendationem sapientiæ de qua habetur multum in libris Salomonis, quasi ferè per totum, & specialiter Prouerb. 3. vbi dicitur, *Beatus homo qui inuenit sapientiā, & qui affuit prudentiæ : melior est acquisitio eius negotiatione auri & argenti.* Et in eod. *Lignum vitæ est his qui apprehenderint eam.* Et eiusdem 8. *Melior est sapientia cunctis operibus pretiosis & omne desiderabile ei non potest comparari.* Et eiusdem 16. *Posside sapientiam quæ melior est auro.* Et 19. *Vbi non est scientia, anima non est bonum.* Et sapient. 8. *Omne aurum comparatione sapientiæ arena est exigua, & quasi lutum aestimabitur argentum.*

Varie prudentia commendatur.

*in conspectu illius. Eiusd. 10. Vanis sunt homines in quib. non subest scientia Dei. Eiusd. 9. Si quis erit consummatus inter filios hominum, si ab illo fugerit sapientia tua, in nihilum computabitur. Esa. 30. Diuitia salutis sapientia & scientia. Ose. 6. Scientiam Dei volui plusquam holocaustum. Sapientia Deum lætificat. Prouerb. 10. Filius sapiens lætificat patrem suum. Et eiusdem 14. Acceptus est regi minister intelligens. Ecclesiast. 10. Homo prudens placebit magnatibus. Hominem etiam à periculo liberat. Prouerb. 11. Iusti liberabuntur scientia. Simile habetur Ecclesiast. 9. Liberauit urbem per sapientiam suam. Ipsa etiam hominem in bono conseruat. Prouerb. 2. Prudentia seruat te. Item domum Ecclesiæ roborat. Prouerb. 24. Domus prudentia roborabitur. Sapientiam astutia diaboli non superat. Esa. 9. Non nocebunt, & non occident in vniuerso monte sancto meo: quia repleta est terra scientia Domini. Loquitur de serpentibus, per quos intelligere potes serpentes infernales. Serpens ex virga Moyli factus, serpentes Magorum deuorat. Exod. cap. 7. Sapientia enim sanctorum astutiam diaboli superat. Astutia diaboli multæ sunt, quas ponit Gregor. in Moral. Intuetur, inquit, inimicus generis humani vniuscuiusque mores cui vitio sint propinqui, & illa apponit ante faciem ad quæ cognoscit facilius inclinari mentem, vt blandis ac lætis moribus sæpe luxuriam, nonnunquam vanam gloriam: asperis vero mentibus iram, superbiam vel crudelitatem proponit. Ibi ergo decipulam ponit vbi esse semitam mētis conspiciat. Psal. 141. In via hac qua ambulauimus, absconderunt superbi laqueum mihi. Idem in eodem. Sæpe antiquus hostis postquam menti nostræ tentationum certamen inflixerit, ab ipso suo certamine ad tempus recedit: non vt suæ malitiæ finem præbeat, sed vt corda quæ per quietem secunda reddiderit, repente rediens facilius inopinatus irrumpat. Idem: Antiquus aduersarius cumque accuset mala non inuenit*

*ipsa ad malum bona inflectere quærit. Cumque de operibus vincitur, ad accusandum verba perscrutatur. Cum nec in verbis accusationem reperit, intentionem cordis fuscare contendit. Idem: Quia diabolus fructus arboris in hyeme & in æstata virides conspiciat: quasi vermem ponere ad radicem quærit, secundum Greg. Antiquus hostis bona nostra insequitur tribus modis. Aliquando in bono opere intentionem polluit, vt omne quod in actione sequitur impurum sit: Aliquando vero intentionem vitare non præualens, in ipsa actione homini quasi se insignem proponit, vt securior factus de victo vitio quasi insidiis perimatur. Aliquando vero nec intentionem vitat, nec in itinere supplantat: sed opus bonum in fine actionis illaqueat. Idem in Moral. Sæpe de ipsa victoria bellum agitur, vt cum immunda cogitatio vincitur, victoris animus elatione pulsetur. Quarto, facit ad commendationem prudentiæ, quod ipsa videtur esse perfectio nobilioris potentiæ, quam temperantia vel fortitudo. Vis enim rationalis, quam ipsa perficit, videtur esse nobilior concupiscibili & irascibili quæ temperantia & fortitudine perficiuntur: quod autem nobilior est, melius est & magis eligendum. Quinto, prioritas quam habet respectu cæterarum virtutum. Virtus enim cognitua videtur præcedere affectiuam. August. Vt maius est voluntatem Domini facere quam nosse: ita prius est nosse quam facere. Idem: initium obedientiæ est quid præcipiatur velle cognoscere, & pars est obsequii didicisse quod facias. Sexto, magisterium quod habet respectu cæterarum virtutum. Ad eam enim pertinet illa discretio, de qua dixit Antonius: Discretio conseruat omnes virtutes, & fit genitrix & custos moderatrix virtutum, & perducit fixo gradu intrepidum monachum ad Dominum: quia nulla virtus potest perfici & stare sine discretione: sine hac posse videtur potius nocere homini quam prodelle. Gregor. Virtus quo*

Bona  
opera  
hæc  
antiquus  
insequitur.



plus se posse conspicit, eo sine modamine rationis deterius in præceptis ruit. Sine prudentia, quasi de homine tenebras incurrimus. Gre. Qui importune radios solis aspicit, tenebreleat, & inde nihil videre compellitur, unde amplius videre conatur: vnde nosmetipsos dum plus iusto discutimus, & ipso discretionis studio indiscretius erramus. Sine hac si virtus teneatur, intermittitur: cum vero per hanc intermittitur, melius tenetur. Gregor. in Moral. Plerumque virtus cum indiscrete tenetur, amittitur: cum discrete intermittitur, plus tenetur. Ex studio namque arcus distenditur, ut in suo tempore cum utilitate tendatur. Idem: Non eadem res est semper virtus, quia per momenta temporum sæpe merita mutantur actionum. Vnde fit ut cum quid bene agimus plerumque melius ab eius actione celsus: & laudabilius ad tempus deferat, quod in suo tempore mens laudabiliter tenebat. Bernard. in sermonibus: Non in facto laus est: sed in eo quemadmodum fiat. Et huius: Infans sapiens nomen feret, æquus iniqui, ultra quam satis est virtutum si peccat ipsam. Septimo, quod ipsa bona Domini nobis commissa multiplicat: sine ipsa inutiliter, imo damnabiliter absconduntur vel dissipantur. Ad absconsionem pertinet parabola de talentis, Matth. 15. Et parabola de seruis quibus tradidit paterfamilias decem talenta. Lucæ 16. De dissipatione vero habetur Luc. 16. de villico qui diffamatus est apud Dominum suum, quasi dissipasset bona illius. Et Prouerb. 21. *Thesaurus desiderabilis & oleum in habitaculo iusti, & imprudens homo dissipabit illud.* Octauo, quod prudentia se habet ad spiritum rationalem iudicantem, sicut assessor discretus & fidelis, quo assistente laudabiliter iudicatur. Si vero defuerit, peruertitur iudicium Prouerb. 18. *Dux indigens prudentia, multos opprimit per calumniam.* Nono, quod ipsa est lucerna in viam paradisi dirigens. Qui non habet prudentiam, licet sit magnæ & altæ scien-

tia, similis est homini in altum respicienti, & ubi pedem suum ponat non videnti, qui de facili potest corruere. Augustin. super illud 1. Corinth. 8. *Scientia inflat.* Præponenda est sapientia scientia. Melius enim est scire infirmitatem nostram, quam naturas rerum. Laudabilior est animus cui nota est infirmitas sua, quam qui ea non respecta, siderum vias scrutatur & terrarum fundamenta & fastigia. Idem super Genes. 2. De forma & figura cæli multi disputant, quas res maiori prudentia nostri omiserunt auctores: discantibus ad beatam vitam non profuturas, occupantes quod prius est malum pretiosa & rebus salubribus impendenda temporum spatia. Si affuerit prudentia, vere potest homo sapiens reputari. Si vero defuerit, vere potest homo stultus reputari. Prudentiam vero intellige cognitionem operandorum. Prouerbior. 14. *Callidi est intelligere viam suam: quid scilicet agendum sit, & imprudentia stultorum errans.* Ignorat enim quid agendum sit Et in eod. *Fatuitas stultorum imprudentia*, id est, ignorantia agendorum. Decimo, quod animalia irrationalia etiam minima docent nos eam: ut serpentes, & formicæ, & similia. Senec. Pudeat ab exiguis animalibus nos trahere mores Prouerb. 30. *Quatuor sunt minima terre, & ipsa sapientiora sunt sapientibus:* Formicæ populus infirmus, quæ præparant in messe cibum sibi. Lepusculus plebs inualida, qui collocat in petra cubile suum: Regem locusta non habet, & egreditur vniuersa per turmas suas. Stellio manibus nititur, & moratur in domibus regum. In formica commendatur nobis prouidentia. In lepusculo qui est animal timidum velociter fugiens, & in petra collocans cubile suum, diffidentia de propriis viribus, & confidentia in Deo, quæ reperitur in hominibus timoratis. In locusta vero, quæ saltat, & post saltum decedit, ardens desiderium æternorum cum consideratione propriæ infirmitatis. In stellione qui est lacertulus quasi depictus & stellatus, qui alas non habet,

sed manibus nititur, diligentia in operatione, quæ defectum supplet naturæ. Vt enim dicit gloss. ingeniosi per negligentiam in imis remanent: sed simplices quos ingenii pœna non adiuuat, ad obtinenda regni æterni præmia virtus operationis leuat. Et qui natura tardi sunt ingenio, solertia industriæ suæ ad diuinarum notitiam scripturarum, vel ad virtutum gratiam quibus cœlum mereantur, attingunt. Prudentia defectus supplet: sicut prouidentia supplet infirmitatem fornicæ. prudens enim tempus necessitatis præoccupat, prouidendo sibi tempore opportuno. Item prudens in Deo confidens, fortitudinem suam in Dei fortitudinem mutat. Elia. 40. *Qui sperant in Domino, mutant fortitudinem.* Item quod per se non potest, multitudine efficit, sicut multitudo locustarum concors egreditur ad depascendum viridia. Supplet etiam prudens diligentia, quod minus habet à natura. Serpens docet nos etiam prudentiam astutia suâ, Matth. 10. *Estote prudentes sicut serpentes.* Et sunt 5. astutiæ serpentis, quibus prudentia sanctorum debet assimilari. Prima est, quod caput suum summe custodit, pro eo cætera membra exponendo. Nec immerito: cum capite illæso viua quantumcunque cætera membra lædantur. Sic sancti pro Christo, qui est caput eorum, se & sua exponere non timent. Prouerb. 12. *Qui negligit damnum propter amicum, iustus est.* Philip. 3. *Quæ mihi fuerunt lucra, hæc arbitratus sum propter Christum detrimenta.* Nec mirum si sancti omnia pro Christo exponunt: quia eo salvo, omnia sunt eis salua, etiam capilli. Matth. 10. *Capilli capitis vestri numerati sunt.* 1. Macchab. 4. *E cælo ista possideo: sed propter Dei leges nunc ista despicio, quia ea me ab ipsa recepturum spero.* Secunda est, quod serpens se in arcto foramine ponit, ubi pellem veterem deponit. Sic prudentes in arcta via pœnitentiæ se ponunt, ubi peilem veteris hominis deponunt. Ephes.

Astutiæ  
serpentis  
quinque.

3. *Deponite vos secundum pristinam conuersationem veterem hominem, qui corrumpitur secundum desideria carnis.* Et nota Gal. 5. quod duo exiguntur ad hoc quod serpens in foramine pellem deponat, scilicet foraminis angustia. Si enim esset latum, sine difficultate transiret, & veterem pellem retineret. Et stabilitas foraminis: nisi enim esset stabile, potius foramen secum ferret, quam pellem ibi relinqueret. Sic pellem veteris consuetudinis non deponunt in claustro qui in eadem libertate voluit esse in claustro in qua fuerant in sæculo. Item qui manentes in sæculo nullam habent propositi firmitatem, in pœnitentiis quas agunt de facili secum dispensantes. Tertia est, quod serpens vnâ aurem terra obstruit & aliam cauda, ne vocem incantatoris audiat: secundum illud Psalm. *Sicut aspidis surda & obturantur aures suas.* Sic sancti viri aurem vnâ obstruunt memoria mortis, & aliam consideratione propriæ fragilitatis, & ne suggestioni diaboli acquiescant, attendentes ex quot & quolibus causis perire possunt. Ecclesiast. 7. *Memorare nonissimam tuam, & in æternum non peccabis.* Qui caltrum corporis sui luteum intelligit, non præsumat facere guerram cum omnipotente. Quarta est, quod serpens calcaneo mulieris insidiatur. Genes. 3. Sic sancti, fini qui consequitur opera carnis insidiantur, ex eo ostendentes desideria carnis fatua esse. Iob. 3. *Quasi vna ex stultis mulieribus locuta es.* Augustinus: Deliciæ carnis hic non satiant, & in futuro damnant. Vbiunque caro querit refectionem, inuenit defectionem, Gregor. qui præsentis suauitate capitur, quasi per amœna prata ad interitum ducitur. Quinta est, quod propter inimicitias quas habet cum homine, habitat in deserto, vel latet sub spinis vel herbis. Sic veri sancti agnoscunt inimicitias quas habet mundus cum eis, fugiunt eum. 1. Ioan. 3. *Nolite mirari, si odit vos mundus.*

CAPVT V.

## CAPVT V.

*De speciebus Prudentia, & triplici eius diuisione: de memoria & obliuione, de prouidentia, de diuisione prudentia secundum Sen. de diuisione eius in prouidentiam, circumspeditionem, cautionem, docilitatem. De 12. quæ inuuant ad hoc quod aliquis bene doceat, & de tribus quæ doctus debeat attendere in sua doctrina, & de septem quæ valent ad hoc vt quis bene addiscat.*

Virtus  
cognos-  
citua  
triplex.

**S**equitur de speciebus Prudentiæ. Notandum ergo, quod prudentia prout comprehendit omnem salubrem cognitionem siue virtutem cognitiuam. Primo modo videtur posse distingui in virtutem cognitiuam diuinorum & humanorum. Virtus vero cognitiua diuinorum, triplex videtur esse. Prima acquiescit auctoritati, scil. fides. Secunda rationi, scilicet donum intellectus. Tertia est, animum diuinam suauitatem gustando experiri, scilicet donum sapientiæ. De duabus primis dicit Aug. in lib. de Utilitate credendi: Quod credimus, debemus auctoritati, quod intelligimus, rationi. De tertia dicitur in Psal. *Gustate & videte*, &c. Prima cognitio de Deo, statui incipientium sufficit. Secunda competit statui proficiendum. Tertia statui perfectorum. Bernard. ad fratres de monte Dei. Sunt animales, qui nec ratione per se aguntur, nec affectu trahuntur: & tamen auctoritate promoti, vel doctrina commoniti, vel exemplo provocati approbant bonum vbi inveniunt, & quasi cæci, sed ad manum tracti, sequuntur. Sunt rationales qui per rationis iudicium & naturalis scientiæ discretionem habent cognitionem boni & appetitum, sed nondum habent affectum. Sunt perfecti qui spiritu aguntur, qui à Spiritu sancto plenius illuminantur: & quia sapit

eis bonum cuius trahuntur affectu, sapientes vocantur. Virtus verò cognitiua humanorum, vel est cognitiua rerum quæ propter hominem à Deo factæ sunt, quæ specialiter attendit bonum & malum in eis; quæ videtur esse donum scientiæ: vel attenditur circa ea quæ ab homine propter Deum agenda sunt. Quæ duplex est: scilicet prudentia sumpto nomine strictè: & hæc attenditur circa agenda communiter. Et donum consilii, quod attenditur circa ardua, quæ propter arduitatem suam non sunt in præcepto, circa quæ maxime præcipitatio cauenda est. Videtur etiam prudentia posse distingui, sicut Seneca scientiam moralem diuidit. Cuius pars vna rebus pretia imponit, rectè existimās vnāquamque. Secunda affectus ordinat, impetus animi refrenans. Tertia, quid, quando, vbi & quemadmodum agi debeat, determinat. Secundum Tullium vero in Rhetoricis, distinguitur prudentia in memoriam, intelligentiam, prouidentiam. Memoria est per quam animus repetit illa quæ fuerunt. Intelligentia est, per quam ea prospicit quæ sunt. Prouidentia est per quam futuri aliquid videtur antequam factum sit.

## De Memoria &amp; Obliuione.

**A**D memoriam monemur, Eccl. 1. *Memento quæ ante te fuerunt.* Memoria mortui viuunt. Memoriæ illa pars vitæ nostræ quæ præterit, manet: sine hac quasi perdita est. Seneca: *Qui nil de præterito cogitat vitam perdidit.* Memoria thesaurus est cognoscibilium. Ipsa est velut quoddam seruatorium, in quo veritas utilis quam ratio inuestigando cœpit, fideliter seruatur. Animus obliuiosus est velut locus vbi quicquid repositum fuerit moritur. Obliuio enim est quasi quædā mors. Greg. 1. parte Moral. Sicut mors quod interficit, cogit vt non sit in vita: ita obliuio hoc quod intercipit agit vt non sit in memoria. Animus obliuiosus est quasi stomachus cibum receptum reiiciens. Greg. in

Memoria rerū quarundam laudabilis.

Cc

homil. Cibus mētis sermo dei est, & quasi acceptus cibus languente stomacho reiiicitur, quando auditus sermo in vētre memoriæ non tenetur. Quisquis alimenta nō retinet, huius profecto vita desperatur. Et notandum, quod multa sunt quorum memoria specialiter est laudabilis, de quibus  
 1. causa breuitatis decem ponamus. Primo laudabilis est memoria beneficiorum, & maxime memoria creatoris & redemptoris nostri. Eccles. vlt. *Memento creatoris tui.* Et Luc. 22. *Hoc facite in meam commemorationem.* Exod. 13. *Memento diei huius in qua egressi estis de Aegypto* Eccl. 29. *Gratiā fideressoris ne obliuiscaris.* Posuit enim animam suam pro te. Bern. ad fratres de mōte Dei: Scit, quicumque habet sensum Christi, quantum Christianæ pietati expediat, quantum seruū Dei, seruū redēptionis Christi deceat, & vtile ei sit vna saltem aliqua diei hora passionis ipsius ac redemptionis attentius recolligere beneficia, ad fruendum suauiter in conscientia, & recolendū fideliter in memoria. Memoriā etiam beneficiorum acceptorum videntur habere animalia irrationabilia. Secundo memoria mandatorum Dei. In Psalm. *Et memores sunt mādatorum ipsius ad faciendum ea.* Deut. 6. *Erunt verba hæc quæ ego præcipio tibi hodie, in corde tuo, & narra-bis ea filiis tuis, & meditaberis sedens in domo tua, & ambulans in itinere, dormiens atque confurgens.* Num. 15. *Dices ad filios Israel, ut faciant sibi fimbrias per quatuor angulos palliorum, ponentes in eis vit-tas hyacinthinæ, quas cum viderint, re-cordentur omnium mandatorum Dei.* Io-sue 1. *Non recedat volumen legis huius ab ore tuo: sed meditaberis in eo diebus ac no-ctibus.* Eccl. 3. *Altiora te ne quaferis: & fortiora te ne scrutatus fueris: sed quæ præ-*  
 Psal. 79. *cipit tibi Deus, hæc cogita semper.* Tertio, memoria iustitiæ quam Deus exercuit in trāsgressores mandatorū suorū. In Psal. *Memorabor iustitiæ tuæ solius.* Eccl. 38. *Me-mor esto iudicij mei, sic enim erit & tuum.*  
 4. Quarto, memoria belli spiritualis, in quo

tot & tāti ceciderunt, quia valet ad hoc vt cautiore sinu, Job. 40. *Memēto belli, & nō addas amplius quicquā loqui.* Hier. Ne in præterita castitate cōfidas: nec dauid sanctior, nec Samsone fortior, nec Salomone potes esse sapiētior. Memento sēper quod paradisi colonū mulier de possi sione sua eiecerit. Quinto, memoria diuinæ miseri-cordiæ, vtilis in tribulatione positis. ne des- perēt. Ecclesiast. 51. *Memoratus sū miseri-cordiā tuā Domine.* 1. Mac. 4. *Memēto quo- modo salui facti sunt: patres nostri in mari rubro.* Sexto, memoria laudabilis vitæ san-ctorū quā imitari debemus. Greg. Facta præcedentiū patrum consideremus, & non erūt grauius quæ toleramus. Ioā. 15. *Memēto tōte sermonis mei quē ego dixi vobis: nō est seruus maior Domino: si me persecuti sūt, & vos persequētur.* Septimo, memoria ad- uersitatis in prosperitate. Eccles. 18. *Me-memento paupertatis in die abūdantiæ.* Octauo, memoria status honorabilis à quo quis de- generauit: vt est nobilitas parentū, vel car-naliū, vel spiritualium: vel propria nobi- litas spiritualis à qua quis decidit. Sap. Nobilitatis ad hoc tantum memineris, vt cum claritate generis, morū sanctitate cō- tēdas, & cū nobilitate corporis animi nobilitate proficias. Esa 51. *Attēdite ad petrā de qua excisisti, &c. Attēdite ad Abra- ham patrem vestrum.* Apocalyp. 2. *Memor esto unde excideris. & age penitentiam.* Nono, memoria in eo qui ad prosperita- tem deuenit, eorū qui in aduersitate eius socii fuerunt. Genesis 40. *Memento mei cum bene tibi fuerit.* decimo, memoria pro- priorum peccatorum ad dolēdum pro eis, Esa. 38. *Recogitabo tibi omnes annos meos in amaritudine animæ meæ.* Item no- tandum, quod quatuor sunt quorum obliuio videtur esse laudabilis. Primo, obliuio iniuriarum. Leui. 19. *Non me- mor eris iniuriæ cinium tuorum.* Animus obliuiosus beneficiorum, & tenax iniu- riarum, est velut colatorium fæces reti- nens, & quod purum est, exire permittens. Secundo obliuio beneficii alteri dati.

5.

6.

7.

8.

9.

10.  
Obliuio  
quarun-  
dam quo-  
que lau-  
dabilis.

Hæc enim lex est inter duos, ut ait Sapiens, quod alter statim debet obliuisci dati, alter memor accepti esse. Tercio, obliuio delectationum, quas aliquis habuit in præteritis peccatis. Qui recogitat peccata præterita delectando in ipsis, mente reuertitur in Ægyptum, ut filii Israel, Num. 11. *Recordamur piscium quos comedere solebamus in Ægypto gratis: in mentem nobis veniunt cucumeres.* Hoc est etiam respicere retro, ut vxor Loth. Gen. 19. quæ versa est in statuam salis. Luc. 17. *Memores estote vxoris Loth.* Hoc etiam est habere idola apud se, ut Rachel Genesis 31. Quarto, obliuio rerum temporalium quæ ad contemplatiuos perfectos pertinet, Philip. 3. *Quæquidem retro sunt obliuiscens: ad ea vero quæ sunt priora extendens meipsum.* Macrobius loquens de temperantia perfectorum Temperantia, inquit, est terrenas cupiditates non reprimere, sed potius obliuisci. Item notandum, quod quinque sunt quæ videntur facere ad bonitatem memoriæ. Primum est sicca complexio. Siccitas enim est dispositio cōueniens ad tenacitatem impressionum, sicut humiditas est dispositio conueniens ad receptionem earum. Secundum est exercitium circa vnum vel pauca, non circa multa. Vnde pueri quamuis sint humidi, firmiter in memoria retinent: quia animæ eorum non occupantur circa multa sicut animæ maiorum. Ecclesiast. 38. *Qui minoratur actu, percipiet sapientiam.* Tertium est placentia rei cognitæ. Hanc causam innuit Plato esse in tenera ætate, quare ea quæ addiscuntur, firmiter in memoria retinentur. Tenacior, inquit, & forte maior in illa ætate cognitionis delectatio cognita mentibus altius infigit. Quartum est nouitas, Horatius. Quo semel est imbuta recens, seruabit odorem Testa diu. Ideo vtilia cito ad discenda essent. Memoria enim impleta superuacuis, vtilia difficilius retinet. Senec. in epistolis: Liberalium artium

consecratio verbosos sibi placentes facit, & ideo non discentes necessaria quia superuacua didicerunt. Quintum est, infixio memoriæ longa ruminatione facta. Sen. Certis ingeniis immorari & nutriri oportet, si velis aliquid trahere quod in animo fideliter sedeat. Item cum multa percurreris, vnum excipe quod illo die decoquas. Et notandum, quod qui non habet bonam memoriam, scriptura deberet supplere eius defectum. Eccles. 38. *Sapientia describe in tempore vacuitatis.* Scripsit Dominus decalogum bis populo Iudæorum in tabulis lapideis. Exod. 31. & 34. Sunt qui nihil ponunt in memoria, sed omnia in scripto, Sunt alii qui cōfidentes in memoria sua, nihil commendat scripturæ: & vtrumque vitium est. Pythagoras: Cauene armarium doctius quam pectus habeas. Seneca: Distrahit librorum multitudo. Itaque cum legere non possis quantum habueris, satis est habere quantum legas. Bern. ad fratres de monte Dei: Non tantummodo agendum est ut cum aliqua delectatione vel sine grandi nausea dies transigatur: sed etiam ut de peracta dieta ad profectum mentis semper aliquid in conscientia resideat, aliquid quotidie in thesaurum cordis cōgeratur. Bern. De quotidiana lectione aliquid in ventrem memoriæ dirigitendum est, quod fidelius digeratur, & sursum reuocatum crebrius ruminetur, quod proposito conueniat, quod intentioni proficiat, quod detineat animum ut aliena cogitare non libeat. Hieronym. Fatuum est propter confidentiam memoriæ nihil scripto commendare, quia in memoriam primo senectus incurrit, ut ait Senec.

## De prouidentia.

Sequitur de Prouidentia, ad quam monemur exemplo formicæ. Prouerbiior. 6. *Vade, inquit, ad formicam, & piger, & considera vias eius, & discas sapientiam.*

Quinque  
ad boni-  
tatem me-  
moriæ  
faciunt.

quæcumque non habeat ducem, nec præceptorē, nec principem, parat æstare cibum sibi. Et Genes. 41. exemplo Ioseph, qui septem annis fertilitatis congregari fecit quæ erant necessaria septem annis sterilitatis futuræ. Prouerbior. 19. *Qui congregat in messe, filius sapiens est.* Deuteron. 32. *Vtinam saperent, & intelligerent, ac nouissima prouiderent.* Prouidentia valde utilis est. Tob. 9 dixit Tobias Azariæ. *Si me ipsum tradam tibi seruum, non ero condignus prouidentia tua.* Senec. Qui nihil de futuro præmeditatur, in omnia incautus incidet. Prouidentia, vel mala futura vitat, vel temperat, vel animo præparat ut ea leuius ferat. Gregor. Eo periculum vitari non potest, quo non potuit præuideri. Senec. Propone animo tuo & mala futura & bona, ut illa sustinere possis, ista moderari. Gregor. in homil. Minus iacula feriunt quæ præuidentur, & nos tolerabilius mundi mala suscipimus, si contra hæc per præscientiæ clypeū munimur.

Item in Moral. Tanto quisque minus aduersitate vincitur, quanto contra illam præsciendo paratus inuenitur. Item in Pastoralibus: Hostis callidus tanto liberius pectus percutit, quanto nudum à prouidentia lorica deprehendit. Item: dum contra istum quisque paratior redditur, hostis qui se inopinatum credidit eo ipso quod præuisus est, eneruatur.

### *De diuisione Prudentia secundum Senecam.*

**S**eneca in libro de quatuor virtutibus principalibus, tangit diuisionem Prudentiæ similem diuisioni Tullii iam positæ, dicens: Si prudens fueris, animus tuus tribus temporibus dispensetur: præsentia ordina, futura prouide, præterita recordare. Sunt aliqui qui futura ordinant quæ non sunt in sua potestate, præsentia vero confusa & inordinata

relinquunt. Actorum 1. *Non est vestrum nosse tempora, vel momenta quæ Pater posuit in sua potestate.* Bernardus: Quid de futuro miser tam temerarie præsumis, tanquam Pater tempora & momenta in tua, & non in sua magis posuerit potestate? Tales vitam quam habent volunt perdere, & quam non habent proponunt vtiliter dispensare. Illam partem vitæ quam Deus iam dat, in contumeliam Dei volunt expendere: illam vero quam Deus nondum eis dedit, volunt Deo dare, & de illa gratiam Dei acquirere. Et notandum, quod ordo secundum Augustin. 15. de Ciuit. Dei, est parium dispariumque rerum sua cuique loca tribuens dispositio. Et facit multum ordinatio ad quietem mentis. Augustin in lib. Conf. Minus ordinata inquieta sunt, ordinata quiescunt. Idem: iussit Deus, & sic est, ut pœna sibi sic inordinatus animus. Debet vero homo ordinare se & sua. Quantum ad se, ordinabiliter ille viuunt (iuxta verbum Bernard.) qui in conuersatione sua solite conseruat vias suas, & in conspectu Domini, & in conspectu proximi cauent sibi à peccato, & proximo à scandalo. Quadruplex vero ordinatio debet esse in homine.

Prima est considerationis, Bernard. in libr. de consideratione: Consideratio tua à te inchoet, ne frustra extendaris in alia te neglecto.

*Ordinatio in homine quod libet requiritur.*

Secunda est affectionis, præcipue illius quæ aliis supereminet: scilicet dilectionis. Canticor. 2. *Ordinavit in me charitatem.*

Tertia est negotiorum secundum diuersitates temporum. Bernard. ad fratres de monte Dei: Mane præteritæ noctis fac à temetipso exactionem, & venturæ diei tu tibi indicito canonem: vespere præteritæ diei rationem exige, & superuenientis noctis fac indicationem. Sic distracto non vacabit lasciuire aliquando: singulis horis secundum

communis instituti canonem sua distribue exercitia : cui spiritualia , spiritualia , cui corporalia , corporalia : in quibus sic exoluat omne debitum spiritus Deo , corpus spiritui vt si quid fuerit intermissum , si quid neglectum , si quid imperfectum suo loco , suo modo , tuo tempore non habeat impunitum vel ircompensatum.

Idem in eodem : Primum extra quotidianum sacrificium orationum vel lectionis , studium conscientie , quotidiana discussione , emendationi , compositioni pars sua Dei neganda non est.

Quarta est ordinatio pertinet ad pugnam spiritualem. Virtutes enim anime preparatae debent esse ad certamina sibi competentia. Temperantia , cum ad mensam acceditur. Prudentia , cum quid agendum sit , tractandum est , & sic de ceteris virtutibus. Gregor. in Moralib. Quodlibet certamen exuperat , qui mentem certamini ante certamen parat. Anima virtutes habens demonibus terribilis est vt castrorum acies ordinata. Canticor. 5. Prouerbior. 24. *Cum dispositione initur bellum.* Suos debet homo ordinare , ostendendo quid unicuique sit agendum , & quid unicuique sit habendum. Propter primam ordinationem regina Saba admirata est ministros Salomonis. 3. Regum 10. *Videns regina Saba omnem sapientiam Salomonis , &c. & ordinem ministrantium , &c. non habebat ultra spiritum.* De secunda ordinatione habes Eisaie 38. *Dispone domus tua quia morieris tu , & non viues.* Debet etiam homo sua ordinare , vt vtiliter expendantur vel vtiliter retineantur. Ecclesiast. 7. *Pecora tibi sunt , attende illis : & si sunt tibi utilia , persequerentur apud te.*

#### De alia diuisione Prudentiae.

**P** Prudentia à quibusdam diuiditur in quatuor species , scilicet prouidentiam , circumspeditionem , cautionem , do-

cilitatem. Quorum specierum numerus sic videtur posse manifestari. Cognitio salubris quæ ad prudentiam pertinet , considerari potest absolute prout est in cognoscente , vel prout distribuitur alteri. Est enim thesaurus nobilis qui distributus suscipit incrementum. Et sicut dicit Augustinus in libro de doctrin. Christia. Omnes res quæ dando deficit , nondum habetur & non datur : nondum habetur , quomodo habenda est. Secundum ergo quod prudentia dirigit circa distributionem scientiæ seu cognitionis salubris , est hæc species eius docilitas. Secundum vero , quod absolute consideratur vt est in cognoscente , tres habet species. Cum enim sit lumen rationem perficiens ad videndum quæ agenda sunt : ratio autem perfecte non videt nisi videat remota vt propinqua , & nisi videat res interius & non solum superficialiter , & nisi res videat vndique & non solum ex parte vna , prudentia speciem vnā habet qua videntur remota , scilicet prouidentiam , quæ sic dicta est , eo quo procul videat. Et potest extendi nomen prouidentiae ad memoriam & prouidentiam , quas ponit Tullius. Ratio enim procul viget , siue prævideat futura , siue præterita. Simili modo nomen memoriæ quandoque extenditur ad futura , vt Ecclesiastic. 7. *In omnibus operibus tuis memorare nouissima tua.* Aliam speciem habet prudentia qua ea quæ videntur superficialiter bona , agnoscuntur esse mala , scilicet cautionem. Aliam etiam habet qua vndique videt , scilicet circumspeditionem. Prouidentia proprio sumpto nomine , est præsens notio futurum pertractans euentum.

Huius officium est , ex præteritis & præsentibus futura perpendere. Boetius in libro Consolationum. Non quod ante oculos situm est , sufficit intueri : iterum exitus prudentiam metitur. Imprudens viam respicit quā iturus est :

Cc iiij

prudens vero finem viæ attendit. Si dicatur imprudenti, veni mecum, ducam te honorificè & per viam pulcherrimam: paratus est ire, non requirens amplius, prudens vero requirit quò ducendus sit. Et si dictum ei fuerit, ad suspendium, non vult illuc ire, nec eques, nec pedes, nec per viam amœnam, nec asperam,

Si vero dictum ei fuerit, quod ad locum ubi regnabit, paratus est illuc ire pedes etiam per vias asperas. Qui sine providentia est, est sicuti homo debilem habens visum, qui ea quæ sunt iuxta oculum videt, remota vero aliquantulum non videt. Circumspectio est contrariorum vitiorum cautela. Officium huius virtutis est per diligentem considerationem inter contraria vitia medium tenere. Ad hanc virtutem pertinet sic libertatem servare, ut fugiendo avaritiam, prodigalitatem non incurramus: & sic recedere à temeritate, quod in timiditatem non cadamus. Ad illud quod est circumspectionis monet nos Salomon Prou. 4. *Omni custodia serua cor tuum.* Dicturus custodia, præmisit omni: ne hinc hostibus fores claudas, & aliunde aditum pandas. Circumspectio commendatur nobis, Ezech. 1. ubi dicitur, *quod totum corpus plenum erat oculis.* Et Apoc. 4. ubi legitur quod animalia plena erant oculis ante & retro. Quid. In vitium ducit fuga culpæ si caret arte: Dum stulti vitant vitia, in contraria currunt. Ad circumspectionem etiam videtur pertinere, cum aliquis est vndique cinctus malis, minus malum eligere. Greg. in Moral. Qui murorum ambitu vndique ne fugiat, clauditur: ibi se in fugam præcipitat ubi murus breuior inuenitur. Cautio est discernere à virtutibus vitia virtutum speciem præferentia. Isid. Quædam vitia virtutum speciem præferunt: unde semper perniciosius suos sectatores decipiunt, quia se sub velamine virtutis regunt. Nam sub prætextu iustitiæ crudelitas agitur, & remissa segnitie mansuetudo creditur. Cicero: nullæ sunt

occultiores insidiæ, quam hæ quæ latent in similitudine officij. Greg. in Moral. Plerumque vitia colore virtutum tincta tanto nequiora sunt, quanto & deesse vitia minime cognoscuntur. Hostis nostri malitia caute se arte palliat, ut plerumque ante deceptæ mentis oculos culpas virtutes fingat, ut inde quis quasi expectet præmia, unde æterna dignus est inuenire tormenta. Cautio apparendi bonum interiorius inspicit, & malitiam ibi perpendit. Senec. Qui decipiunt nihil habent solidi, tenue est mendacium, perlucet si diligenter inspexeris. Qui sine cautione sunt, frequenter incurrunt illam maledictionem Esa. 5. *Va qui dicitis bonum malum, & malum bonum.* Docilitas est prudentia erudiendi imperitos, quæ commendatur nobis exemplo Salomonis 1. Reg. 3. Cui cum Dominus dixisset: *Postula quod vis ut dem tibi:* ipse docilitatem videtur prætulisse omnibus, dicens: *Dabis seruo tuo cor docile.*

De XII. quæ iuuant ad hoc quod aliquis debite doceat. Et de tribus quæ doctior debet attendere in sua doctrina.

**N**Otandum quod XII. sunt, quæ videntur facere ad hoc ut aliquis debito modo doceat, maxime doctrinam salubrem. Primum est, si ipse laudabiliter viuat. Aug. in lib. de doctr. Christ. Non obedienter auditur, qui seipsum non audit. Greg. in Moral. Cum imperio docetur quod prius agitur, quam dicitur. Nam doctrinæ subtrahit quis fiduciam, quando conscientia præpedit linguam. Vita debet iuuare doctrinam, non impedire. Et primo debet, qui docet, informare se in doctrina, postea alios. Prouerb. 5. *Bibe aquam de cisterna tua, & fluent a putei tui.* Et post subditur: *Deriuentur fontes tui foras.* De hoc require in tractatu de Superbia, cap. De appetitu magisterij. Secundum est, ut auctoritatem magisterij, Deo, non sibi attribuat. August. in libr. de

1.

2.



doctrina Christiana. Quoniam Christus seminat, ego qui sum vix cophinus seminantis, in me ipse ponere dignatur quod velit spargere. Nolite ergo attendere ad utilitatem cophini: sed ad charitatem seminis & potestatem seminantis. Idem in eodem: Christus est qui docet, cathedram in cælo habet, schola eius in terra est. Schola ipsius corpus eius est: caput docet membra sua: lingua loquitur pedibus suis. Idem super Cano. Ioan. Magisteria forinsecus, adiutoria sunt & admonitiones: cathedram habet in cælo, qui corda docet. Tertium est, ut doctrinæ orationem præmittat August. in lib. de doctr. Christiana. Si regina Esther pro suæ gentis temporali salute locutura apud regem, orauit ut in os eius congruum sermonem Dominus daret: quanto magis orare debet ut tale munus accipiat qui pro æterna hominum salute in verbo & doctrina laborat? Item in eodem: Agat eloquens quantum potest cum bona & iusta & sancta dicit, ut intelligenter & libenter, & obedienter audiatur: & hoc se posse si potuerit, & quantum potuerit pietate orationum magis quam oratorum facultate non dubitet, ut orando pro se & pro illis quos allocuturus est, sit orator antequam doctor. Quartum est, ut sententiam plus amet quam verba. August. Bonorum ingeniorum insignis est indoles, in verbis verum amare, non verba. Idem in eodem: Vtrum ignorare productum syllaba tercia aut correpta dicatur, non multum curat qui pro peccatis Deum petit ut ignoret: sed tamen eo magis inde offenduntur homines, quo infirmiores sunt, & eo infirmiores, quo doctiores videri volunt. Idem in eodem: Quid prodest clavis aurea, si aperire quod volumus non potest: & quid obest lignea, si potest, quando nihil querimus nisi patere quod clausum est? Idem: Cauendum est ne diuinis grauiusque sententiis dum numerus additur, pondus detrahatur. Ad numerum, prout hic sumitur, intelligas pertinere propor-

tionem syllabarum, metrum & colores rhetoricos. Item August. in eodem. In authoribus nostris hoc mihi plus placet, quod ibi rarissimè eos inueni numeros: satis est enim ei propter quod agitur ut verba congruentia, non oris eligatur industria, sed pectoris sequantur ardorem. Sen. Oratio quæ veritati dat operam, incomposita esse debet & simplex: Idem: Oratio quæ sanandis mentibus adhibetur, descendere in nos debet. Idem: Non delectent verba vestra, sed profint: si tamen contingere eloquentia non sollicito potest: si autem parata est, aut pro vero constat, assit, & res pulcherrimas prosequatur; sit talis, ut potius res, quam se ostendat. Aliæ artes ad ingenium pertinent, hic animi negotium agitur. Non querit æger medicum eloquentem, non querit quare gratuletur sibi, quod incidit in medicum disertum, sed si ita competit ut ille idem qui sanare potest competere de his quæ facienda sunt disserat; hoc tale est quale si peritus gubernator etiam formosus est. Quid aures meas scabis? quid oblectas? curare debes morbum veterem, grauem, publicum: tantum negotij habes, quantum in pestilentia medicus: circa verba occupatus es, vide si sufficis rebus. August. in libro Confess. Didiceram perinde esse sapientiam & stultitiam, sicut sunt cibi utiles & inutiles: verbis autem ornatis & inordinatis sicut vasibus urbanis, & rusticanis utrosque cibos posse ministrari. Quintum est, ut in scripturis sensus authoris requiratur. Augustin. in libro de doctrina Christiana loquens de illo qui aliud in scriptum sentit, quam ille qui scripsit, ea tamen sententia deceptus quæ ædificat charitatem, dicit, quod ille fallitur ac si quisquam deserens viam, eò tamen per agrum pergat, quò via illa perducit: corrigendus est tamen, & quam sit utile viam non deserere demonstrandum est, ne consuetudine deviandi etiam in transuersum aut peruersum ire cogatur. Deinde innuit causam quare cauendū

- fit hoc in scripturis, dicens: Titubabit fides, si diuinarum scripturarum vacillat authoritas. Sextum est, ut in scriptura Sacra non ubique mysterium requiratur. August. 16. lib. de Ciui. Dei. Non sane omnia quæ gesta narrantur, significare aliquid putanda sunt: sed propter illa, quæ aliquid significant, & ea quæ nihil significant, artexuntur. Solo vomere terra proscinditur: sed ut hoc fieri possit, etiam cætera aratri membra sunt necessaria. Et soli nerui in citharis & cæteris vasis musicis aptantur ad cantum: sed ut aptari possint insunt & cætera quæ non percutiuntur à canentibus, sed ea quæ percussa resonant, his connectuntur. Ita in prophetica historia dicuntur & aliqua quæ nihil significant, sed quibus adhæreant ea quæ significant, & quodammodo religuntur. Septimum est, ut diuidendo mediocritas seruetur. Senec. in epistolis: Philosophiam in partes, non in frustra diuidam. Diuidi enim eam, non concidi, vtile est: nam comprehendere quemadmodum maxima ita minima, difficile est. Item partes eius quod diuisum est, innumerabiles esse & paruulas non oportet. Idem: Vitiij habet nimia quod nulla diuisio: simile confuso est quicquid vsque in puluerem sectum est. Octauum est, inter tarditatem & præcipationem medium in proferendo seruare. Senec. in epist. Philosophi pronuntiatio sicut vita debet esse composita: nihil ordinatum est, quod præcipitur & properat. Idem: Æque stillare illam nolo, quam currere. Non extendat aures, nec obruat. Idem: Inopia verborum & exilitas minus intentum auditorem habet, tædio interruptæ tarditatis: facilius tamen insidet quod expectatur: quam quod præteruolat. Denique tradere homines discipulis præcepta dicuntur. Non traditur quod fugit. Quomodo omnino regere potest, qui regi non potest? Idem: Remedia non profunt nisi immorentur. Idem: Dicendi celeritas non satis decora est philosophiæ, quæ ponere debet verba, non

proiicere. Idem: Quemadmodum sapienti viro incellus modestior conuenit: ita oratio pressa, non audax. Nonum est, ut dicendo, veritatem non deferat. August. in libro de doctrina Christiana: Minus intelligantur, minus placeant, minus moueant quæ dicuntur, vera tamen dicantur & iusta. Decimum est, ut doctrina facile sit aperta, August. in lib. de doctrina Christiana. Quid prodest locutionis integritas quam non sequitur intellectus audientis? cum loquendi omnino nulla sit causa, si quod loquimur non intelligant, propter quos ut intelligant loquimur. Pron. 19. *Doctrina prudentum facilis.* Ecclesi. 4. *Ne abscondas sapientiam in decore eius.* 1. Corinth. 14. *Si incertam vocem dei tuba, qui præparabit se ad prælium?* Idem in eodem: *Volo in Ecclesia quinque verba sensu meo loqui ut & alios instruiam, quam decem millia verborum lingua.* Ambrosi. Melius est ut nos intelligant posui, quam ut non reprehendant grammatici. Aug. 4. lib. de doctrina Christiana: Quæ vix intelliguntur, vel raro, si aliquid vigeat, vel nunquam omnino in populi audientiam mittenda sunt. Vndecimum est ut doctrina sit brevis. Ecclesi. 21. *Verba sapientum statera ponderabuntur.* August. in lib. de doctrina Christiana. Sicut ingratus est qui cognita obnubilat: sic onerosus est qui cognita inculcat. Ouid. *Quicquid præcipies, esto brevis: ut cito dicta percipiant animi dociles, doceantque fideles.* Omne superuacuum pleno de pectore manat. Duodecimum est, ut doctrina sit utilis. Seneca in epistolis: Etiam si multum esset ætatis, parce dispensandum erat, ut sufficeret necessariis: nunc quæ dementia est, superuacua discere in temporis egestate? Doctrina moralis debet esse contra pestem aliquam, & finaliter ad ædificandam dilectionem Dei & proximi in hominibus: Seneca in epistolis: Aliquid quotidie aduersus paupertatem, aliquid aduersus mortem auxilij compara: nec minus aduersus cæteras pestes, August. in lib.

Doctōr  
tria dē-  
dere de-  
bet in do-  
ctrina.

lib. de doctrina Christiana: Legis & omniū diuinarum scripturarum plenitudo, & finis est dilectio rei qua fruendum est, & rei quæ nobiscū ea re frui potest. Et paulo post: Quisquis igitur scripturas diuinas, vel quamlibet earum partem intellexisse sibi videtur, ita vt ea intellecta nō edificet gemitam charitatem Dei & proximi, nondum intellexit. Item notandum, quod doctōr in doctrina sua tria debet attendere: scilicet vt instruat, placeat, & ad agendum moueat. Aug. in quarto libro de doctrina Christiana: Dixit quidā eloquens, & verum dixit, ita debere dicere eloquentem, vt doceat, vt delectet, vt flectat. Deinde addidit: Docere necessitatis est, delectare suauitatis, flectere victoriæ, Docendi necessitas in rebus est constituta quas dicimus: reliqua duo modo quo dicimus. Qui ergo dicit, quum docere vult, quamdiu non intelligitur, nondum se existimet dixisse quod vult ei quem vult docere. Si vero intelligitur, quocunque modo dixerit, dixit: Quod si delectare vult eū cui dicit, aut flectere, interest quomodo dicat: sicut autem vt teneatur ad audiendum delectandus est auditor, ita flectendus vt moueatur ad agendum: & sicut delectatur si suauiter loqueris, ita flectitur si amet quod polliceris, timeat quod miraris, oderit quod arguis.

Item August. in eodem: Quis audeat dicere aduersum mendacium in defensoribus inermem debere consistere veritatem? vt scilicet qui res falsas persuadere conantur, nouerint auditorem vel beneuolum, vel attentum, vel docilem facere: isti autem non nouerint, & illi falsa aperte dixerint: similiter isti vera sic narrent vt audire tædeat, intelligere non piget, credere postremo non libeat. Illi fallacibus argumentis veritatem oppugnent, asserant falsitatem: isti nec vera defendere, nec falsa valeant refutare.

Item notandum, quod doctōr sacræ scripturæ non debet esse timidus vel

remissus. August. in lib. de disciplina Christiana. Qui timuerit ne semen cadat in terram malam, non perueniet ad bonam. Iactamus semina, spargimus semina, sunt qui contemnunt, sunt qui reprehendunt, sunt qui irrident. Ista si nos timuerimus, nihil habeamus seminare, & in messe habemus esurire 2. ad Timoth. 4. *Prædica verbum: infra opportune, importune.* Matt. 9. *Circuibat Iesus omnes ciuitates & castella, docens in synagogis eorum.* Marc. 7. *Circuibat Iesus castella, in circuitu docens.* Luc. 11. *Et erat quotidie docens in templo.* Item notandum, quod secundum quosdam docilitas est virtus dirigēs hominem tam in ad discendo, quam in dicendo.

*De his quæ valent ad hoc vt quis bene addiscat.*

**E**T secundum hoc sciendum est, quod <sup>Ad discendum septē prout sunt.</sup> septem sunt quæ videntur valere ad hoc vt aliquis bene addiscat, maxime scripturam sacram, Primum est, vt homo bene viuat, Aug. Errat quisquis veritatem se cognoscere posse putat si adhuc nequiter viuat. Eccl. 1. *Concupiscens sapientiam, serua iustitiam, & Dominus præbebit eam tibi.* Eiusdem. 27. *Volatilia ad sibi similia conueniunt, & veritas ad eos qui operantur illam, reuertetur.* Apoc. 1. *Collyrio inunge oculos tuos vt videas,* Gloss. Collyrio oculi vt videamus inunguntur: cum ad cognoscendam veri luminis claritatem, intellectus nostri aciem medicamine bonæ operationis adiuvamus: qui male viuunt, quasi spurcitia manuum suarum lumen diuinæ sapientiæ a se prohibent. Secundum est oratio: Quum sapientia donū Dei sit, non debet aliquis tentare rapere eam violentia studii Deo irrequisito, Iac. 1. *Si quis indiget sapientia, postulet eam à Deo.* August. Oratione melius soluuntur dubia, quam inquisitione alia. Tertium est humilitas, & hoc quantum ad quatuor. Primo, quantum ad hoc vt nullam doctrinam contemnat. Sen. Primum

Dd

documentum est, ut nullam doctrinam contempnas. Secundo ut nullo addiscere erubescas. Sene. de quatuor virtutibus: Esto sapientiæ cupidus ac docilis: quæ nosti, sine arrogantiâ impartire postulanti: quæ non nosti sine occultatione ignorantia tibi postula impartiri. Etiam à malis debet homo addiscere August. in lib. de doctr. Christiana. Audiuntur utiliter qui utiliter non agunt: sua enim quætere student, sed sua docere non audent: & ita cathedra Moysi cogit eos bona discere etiam non bona facientes. Theophilus. Lector originis, ita botrum carpat, ne spinam attingat. Qui solum à bonis volunt addiscere, similes sunt illis qui solum in scyphis argenteis vel aureis volunt bibere, & tantum in saccis purpureis vel aliter pretiosis frumentum datum recipere, quorum sitis vel fames miseranda non est. Tertio quantum ad hoc ut homo non erubescat confiteri se nescire quod nescit. August. Non erubescendum est homini se nescire, quod nescit, ne dum scire se mentitur, nunquam scire mereatur. Quarto, quantum ad hoc ut humilem modum loquendi quem habet sacra scriptura non contempnat. Augustinus ad Volusianum. Modus dicendi qui sacra scriptura contextitur, omnibus est accessibilis, quamvis paucissimis penetrabilis. Idem: Inuitat omnes humili sermone quos non solum manifesta pascit, sed etiam secreta exercet veritate. Idem 3. lib. confess. Institui animam intendere in scripturis sanctis: sed mihi visa est sancta scriptura indigna quam Tuillani dignitati compararem: tumor enim meus fugiebat modum eius, illa autem erat quæ cresceret cum paruulis. Sed ego dedignabatur esse paruulus, & turgidus fastu grandis mihi videbat. Item in eodem libro. Mira profunditas eloquiorum tuorum, quorum ecce ante nos superficies blandiens paruulis: sed mira profunditas Deus meus, mira profunditas, horror est intuenti in eam. Quartum est, librorum em-

4  
5  
6  
7  
8  
9  
10  
11  
12  
13  
14  
15  
16  
17  
18  
19  
20  
21  
22  
23  
24  
25  
26  
27  
28  
29  
30  
31  
32  
33  
34  
35  
36  
37  
38  
39  
40  
41  
42  
43  
44  
45  
46  
47  
48  
49  
50  
51  
52  
53  
54  
55  
56  
57  
58  
59  
60  
61  
62  
63  
64  
65  
66  
67  
68  
69  
70  
71  
72  
73  
74  
75  
76  
77  
78  
79  
80  
81  
82  
83  
84  
85  
86  
87  
88  
89  
90  
91  
92  
93  
94  
95  
96  
97  
98  
99  
100  
101  
102  
103  
104  
105  
106  
107  
108  
109  
110  
111  
112  
113  
114  
115  
116  
117  
118  
119  
120  
121  
122  
123  
124  
125  
126  
127  
128  
129  
130  
131  
132  
133  
134  
135  
136  
137  
138  
139  
140  
141  
142  
143  
144  
145  
146  
147  
148  
149  
150  
151  
152  
153  
154  
155  
156  
157  
158  
159  
160  
161  
162  
163  
164  
165  
166  
167  
168  
169  
170  
171  
172  
173  
174  
175  
176  
177  
178  
179  
180  
181  
182  
183  
184  
185  
186  
187  
188  
189  
190  
191  
192  
193  
194  
195  
196  
197  
198  
199  
200  
201  
202  
203  
204  
205  
206  
207  
208  
209  
210  
211  
212  
213  
214  
215  
216  
217  
218  
219  
220  
221  
222  
223  
224  
225  
226  
227  
228  
229  
230  
231  
232  
233  
234  
235  
236  
237  
238  
239  
240  
241  
242  
243  
244  
245  
246  
247  
248  
249  
250  
251  
252  
253  
254  
255  
256  
257  
258  
259  
260  
261  
262  
263  
264  
265  
266  
267  
268  
269  
270  
271  
272  
273  
274  
275  
276  
277  
278  
279  
280  
281  
282  
283  
284  
285  
286  
287  
288  
289  
290  
291  
292  
293  
294  
295  
296  
297  
298  
299  
300  
301  
302  
303  
304  
305  
306  
307  
308  
309  
310  
311  
312  
313  
314  
315  
316  
317  
318  
319  
320  
321  
322  
323  
324  
325  
326  
327  
328  
329  
330  
331  
332  
333  
334  
335  
336  
337  
338  
339  
340  
341  
342  
343  
344  
345  
346  
347  
348  
349  
350  
351  
352  
353  
354  
355  
356  
357  
358  
359  
360  
361  
362  
363  
364  
365  
366  
367  
368  
369  
370  
371  
372  
373  
374  
375  
376  
377  
378  
379  
380  
381  
382  
383  
384  
385  
386  
387  
388  
389  
390  
391  
392  
393  
394  
395  
396  
397  
398  
399  
400  
401  
402  
403  
404  
405  
406  
407  
408  
409  
410  
411  
412  
413  
414  
415  
416  
417  
418  
419  
420  
421  
422  
423  
424  
425  
426  
427  
428  
429  
430  
431  
432  
433  
434  
435  
436  
437  
438  
439  
440  
441  
442  
443  
444  
445  
446  
447  
448  
449  
450  
451  
452  
453  
454  
455  
456  
457  
458  
459  
460  
461  
462  
463  
464  
465  
466  
467  
468  
469  
470  
471  
472  
473  
474  
475  
476  
477  
478  
479  
480  
481  
482  
483  
484  
485  
486  
487  
488  
489  
490  
491  
492  
493  
494  
495  
496  
497  
498  
499  
500  
501  
502  
503  
504  
505  
506  
507  
508  
509  
510  
511  
512  
513  
514  
515  
516  
517  
518  
519  
520  
521  
522  
523  
524  
525  
526  
527  
528  
529  
530  
531  
532  
533  
534  
535  
536  
537  
538  
539  
540  
541  
542  
543  
544  
545  
546  
547  
548  
549  
550  
551  
552  
553  
554  
555  
556  
557  
558  
559  
560  
561  
562  
563  
564  
565  
566  
567  
568  
569  
570  
571  
572  
573  
574  
575  
576  
577  
578  
579  
580  
581  
582  
583  
584  
585  
586  
587  
588  
589  
590  
591  
592  
593  
594  
595  
596  
597  
598  
599  
600  
601  
602  
603  
604  
605  
606  
607  
608  
609  
610  
611  
612  
613  
614  
615  
616  
617  
618  
619  
620  
621  
622  
623  
624  
625  
626  
627  
628  
629  
630  
631  
632  
633  
634  
635  
636  
637  
638  
639  
640  
641  
642  
643  
644  
645  
646  
647  
648  
649  
650  
651  
652  
653  
654  
655  
656  
657  
658  
659  
660  
661  
662  
663  
664  
665  
666  
667  
668  
669  
670  
671  
672  
673  
674  
675  
676  
677  
678  
679  
680  
681  
682  
683  
684  
685  
686  
687  
688  
689  
690  
691  
692  
693  
694  
695  
696  
697  
698  
699  
700  
701  
702  
703  
704  
705  
706  
707  
708  
709  
710  
711  
712  
713  
714  
715  
716  
717  
718  
719  
720  
721  
722  
723  
724  
725  
726  
727  
728  
729  
730  
731  
732  
733  
734  
735  
736  
737  
738  
739  
740  
741  
742  
743  
744  
745  
746  
747  
748  
749  
750  
751  
752  
753  
754  
755  
756  
757  
758  
759  
760  
761  
762  
763  
764  
765  
766  
767  
768  
769  
770  
771  
772  
773  
774  
775  
776  
777  
778  
779  
780  
781  
782  
783  
784  
785  
786  
787  
788  
789  
790  
791  
792  
793  
794  
795  
796  
797  
798  
799  
800  
801  
802  
803  
804  
805  
806  
807  
808  
809  
810  
811  
812  
813  
814  
815  
816  
817  
818  
819  
820  
821  
822  
823  
824  
825  
826  
827  
828  
829  
830  
831  
832  
833  
834  
835  
836  
837  
838  
839  
840  
841  
842  
843  
844  
845  
846  
847  
848  
849  
850  
851  
852  
853  
854  
855  
856  
857  
858  
859  
860  
861  
862  
863  
864  
865  
866  
867  
868  
869  
870  
871  
872  
873  
874  
875  
876  
877  
878  
879  
880  
881  
882  
883  
884  
885  
886  
887  
888  
889  
890  
891  
892  
893  
894  
895  
896  
897  
898  
899  
900  
901  
902  
903  
904  
905  
906  
907  
908  
909  
910  
911  
912  
913  
914  
915  
916  
917  
918  
919  
920  
921  
922  
923  
924  
925  
926  
927  
928  
929  
930  
931  
932  
933  
934  
935  
936  
937  
938  
939  
940  
941  
942  
943  
944  
945  
946  
947  
948  
949  
950  
951  
952  
953  
954  
955  
956  
957  
958  
959  
960  
961  
962  
963  
964  
965  
966  
967  
968  
969  
970  
971  
972  
973  
974  
975  
976  
977  
978  
979  
980  
981  
982  
983  
984  
985  
986  
987  
988  
989  
990  
991  
992  
993  
994  
995  
996  
997  
998  
999  
1000

Que en  
dine li  
eracri  
ptura  
daga

uestiganda sunt, quæ tanto in eis quisque plura inuenit, quanto est intelligentia capaci-  
 or. In his enim quæ aperte in scriptu-  
 ris posita sunt, inueniuntur omnia illa  
 quæ continent fidem, moresque viuendi,  
 spem scilicet & charitatē. Tunc vero facta  
 quadam familiaritate cum ipsa lingua di-  
 uinarum scripturarum, in ea quæ obscura  
 sunt aperienda & discutienda pergendum  
 est, vt ad obscuriores locutiones illu-  
 strandas, de manifestioribus sumantur  
 exempla, & quædam cæterarum senten-  
 tiarum testimonia dubitationem in cæ-  
 teris auferant. In qua re memoria valet  
 plurimum. Inquisitio vero dupliciter fit.  
 Quandoque ab alio quærendo, ad quod  
 pertinet illud Augustini, secundo lib. de  
 doctr. Christian. dicentis: Nulla res ma-  
 gis memoriæ mandanda est, quam illa  
 verborum locutionumque genera quæ  
 ignoramus, vt quum peritior occurrerit  
 quæri possint. Quandoque aliquis per se  
 inquit in scriptura, & tunc cauenda est ei  
 temeritas, ne scilicet ignota pro notis ha-  
 beat, hisque temere assentiat. Hæc enim  
 præsumptio est, quam effugere qui vo-  
 let, adhibebit ad res considerandas tem-  
 pus & meditationem. Augustinus in li-  
 bro de Vtilitate credendi: Dux sunt per-  
 sonæ laudabiles in religione. Vna eorū qui  
 iam veritatem inuenerunt, quos etiam  
 beatissimos iudicare necesse est. Alia eo-  
 rum qui studiosissime & rectissime in-  
 quirunt. Primi sunt in ipsa possessione:  
 alij in via qua tamen certissime perue-  
 niatur.

Tria vero enumerantur alia genera ho-  
 mi num profecto improbanda ac dete-  
 standa. Vnum est inopinantium, id est, eo-  
 rum qui se arbitrantur scire quæ nesciunt.  
 Alterum siquidem qui sciunt se nescire,  
 sed non ita quæruunt vt possint inuenire.  
 Tertium vero eorum qui nescire se existi-  
 mant, nec quærere volunt. Item cauenda  
 est in inquirendo curiositas, quæ est, non  
 magnæ vtilitati nimiam operam impen-  
 dere. Seneca: Quid te torques in illa

quæstione quam vtilius est contempsisse,  
 quam soluere? Cauenda est etiam ibi in-  
 stabilitas. Seneca in Epistolis: Vide ne  
 lectio auctorum multorum, & omnis ge-  
 neris voluminum, habeat aliquid vagum  
 & instabile. Cauenda est etiam rixandi  
 libido, quæ peritos in arte logica mul-  
 tum solet vexare. Augustinus secundo li-  
 bro de doctrina Christiana: Disputatio-  
 nis disciplina ad omnia genera obscura  
 quæ in literis sanctis sunt penetranda plu-  
 rimum valet: tantum ibi cauenda est ri-  
 xandi libido, & puerilis quædam osten-  
 tatio aduersarium decipiendi. 2. ad Ti-  
 moth. 2. *Noli verbis contendere.* Augu-  
 stinus quarto libr. de doctr. Christian.  
 Verbis contendere, est non curare quo-  
 modo error veritate vincatur, sed quomo-  
 do tua dictio dictioni alterius præferatur.  
 Item cauenda est ibi nimia velocitas in  
 transcurrente latentem sententiam. Nihil  
 magnum rerum ipsa natura cito effici vo-  
 luit, præposuitque pulcherrimo cuique  
 operi difficultatem: nascendi quoque hæc  
 legem fecit, vt maiora animalia visceri-  
 bus parentum diutius continerentur. A-  
 ristoteles dicit in lib. de natura animal.  
 Elephas foemina prægnans est duobus an-  
 nis, quæ est animal magnum. Item Sa-  
 piens: Omnia nostra dum nascuntur, pla-  
 cent. Sed redeamus ad iudicium. Cito scri-  
 bendo non fit vt bene scribatur. Bene scri-  
 bendo fit vt cito, sed tunc maxime quum  
 facilitas illa contigit, resistamus & pro-  
 uideamus, vt offerentes equos frænis qui-  
 busdam coerceamus. Et notandum quod  
 secundum Augustinum secundo libr. de  
 doctrin. Christian. duabus causis non in-  
 telliguntur quæ scripta sunt: si aut igno-  
 ris, aut ambiguus signis obteguntur, sunt  
 autem signa propria vel translata. Pro-  
 pria dicantur cum his tribus signandis  
 adhibentur propter quas sunt instituta: vt  
 quum dicimus bouem, intelligentes il-  
 lud animal. Translata sunt, quum ipsæ res  
 ad aliquid aliud signandum vsurpantur:  
 vt quum dicimus bouem, intelligentes

Quare  
 scriptura  
 nonnun-  
 quā quo-  
 rundam  
 intelli-  
 gatur.

Euangelistam. Contra ignota signa propria, magnum remedium est linguarum cognitio, & varietas interpretationum. Contra ignota signa translata remedium est cognitio rerum ad quas signandas transferuntur. Augustinus tertio lib. de doctr. Christ. contra ambiguitatem signabrum dat remedium: Homo, inquit, timens Deum, voluntatem eius in scripturis sanctis diligenter inquirat. Et ne amet certamina pietate mansuetus, pramunitus etiam scientia linguarum ne in verbis locutionibusq; ignotis inhæreat, pramunitus etiam cognitione quarundam rerum necessariarum, ne vim, naturamque earum quæ propter similitudinem adhibentur, ignoret, adiuuante etiam codicum varietate, quam solers emendationis diligentia procurauit, veniat ita instructus ad ambigua scripturarum discutienda atque soluenda. Et paulo post: Quum verba propria faciunt ambiguum scripturam, primo videndum est, ne male distinxerimus aut pronūtiauerimus. Cum ergo adhibita intentio incertum esse prouiderit, quomodo distinguendum, aut quomodo pronuntiandum sit, consulat regulam fidei quando scripturarum planioribus locis & Ecclesiæ auctoritate percepit. Quod si ambæ vel etiam omnes, si plures fuerint partes ambiguitatis, & secundum fidē sonuerint, textus ipse sermonis à præcedentibus & sequentibus partibus restat consulendus, ut videamus cui sententiæ de pluribus quæ se ostendent ferat suffragium, eamque sibi contexi patiatur. Et notandum, quod qui legit scripturas, laborare debet, ut eas memoriter teneat & intelligat. Si tamen alterum non possit fieri, præligenda videtur esse intelligentia memoriz, August. 4. lib. de doctr. Christ. Sūt qui scripturas legunt & negligūt. Legunt, ut teneant; negligunt, ut intelligāt: quibus sine dubio præferendi sunt qui verba earū minus tenent, & sui cordis oculis vident sensum earū. Sed vtrisque ille melior, qui & cum vult dicit, & sicut oportet intelli-

Intelligencia  
sacre  
Scripturæ  
legenti  
necessaria.

git. Sextum est ut homo sit assiduum in studendo. Hieron. Diuinæ scripturæ semper in manibus & iugiter in mente voluatur: sed sufficere putas mandata memoriz tenere, & operibus obliuisci. Idem: Diuinæ scripturas sæpius lege, immo nunquam sacra lectio de manu tua deponatur. Septimum est, ut de sapientia à Deo accepta non sit ingratus, sed datorem suum glorificet. Ecclesiast. vltim. *Danti mihi sapientiam dabo gloriam.*

## CAPVT. VI.

De his quæ aduersantur Prudentiæ:  
Et de 12. stultitiis eorum qui  
peccant.

**V**idetur aduersari Prudentiæ. Primo Stultitia, quæ est rerum appetendarū & vitandarum non quælibet, sed vitiosa ignorantia, ut ait Augustin. in lib. de libero arbitrio. Est autem ignorantia vitiosa, si addit affectatio nesciendi quæ agenda sunt vel vitanda, vel negligentia sciendi. Bernard. in lib. de 12. gradibus humilitatis: Frustra, inquit, sibi de infirmitate vel ignorantia blandiuntur, qui ut liberior peccent, libenter ignorant, vel infirmantur. Augustin. super illud Psalm. *Noluit intelligere, potuit intelligere, ut bene ageret*, sed noluit, & ita veniam non habet. Gregor. in Moral. Nescire, ignorantia est: scire noluisse, superbia. Bernard. in ep. Multa nesciuntur aut sciendi ineuria, aut discendi desidia, aut verecūdia inquirendi. Et quidē huiusmodi ignorantia non habet excusationem. Secundo, videtur aduersari prudentiæ virtuti vitiosa prudentia vel sapientia, quæ videtur posse distinguere in tres species. Prima est, prudentia siue sapientia carnis: de qua Romano. 8. *Sapientia carnis inimica est Deo.* Et in eod. *Prudentia carnis mors est*, id est, causa mortis æternæ. Vbi dicit gloss. Prudentia carnis est, cum quis studiosus implet quæ

Vitiosa  
ignorantia  
quæ

Gal. 1.

carnis sunt. Augustinus in libro de quantitate animæ: Est noxium genus artium quo animi valetudo sauciatur. Idem: O-

1. dore & sapore mire diuidere pulmenta, & quo lacu piscis captus sit nolle dicere, quædam est miseranda peritia. Senec. in epist. In membris alius pretiosas aues scindit & per pectus, & circumferens eruditam manum in frustra excutit. Infelix qui huic vni rei viuere, vt altilia decenter fecerit: nisi quod miserior est qui hoc volup-  
 2. tatis causâ docet, quam qui causâ necessitatis discit. Addisce ab his quibus dominici palati notitia subtilis est, qui sciunt cuius rei sapor illum excitet, cuius delectet aspectus. Et hæc prima species sapientiæ vitiosæ ad delicias pertinet. Vnde super illud 1. Corinth. 1. *Non insipientia carnali*, dicit gloss. quæ est voluptates diligere, labores vitare. Secunda, species  
 3. est sapientia terrena, quæ pertinet ad diuitias. Baruch. 3. *Filius Agar qui exquisierunt prudentiam quæ de terra est*. Tertia species est sapientia diabolica pertinens ad honorem vel malitiam, Diabolus enim primo honorem diuinum appetiit, post homini maligne inuidit. Ierem. 4. *Sapientes sunt ut faciant mala*. Gloss. malitiosi. De his tribus speciebus sapientiæ tangitur. Iacob. 3. *Non est*, inquit, *sapientia ista desursum; sed terrena, animalis, diabolica*. Animalem vocat sapientiam carnis. Sapientia terrenæ aduersatur sapientia filij Dei pauperis facti, in principio doctrinæ suæ paupertatem commendantis. Matth. 5. *Beati pauperes spiritu*. Et eandem consulenti. Matth. 19. *Si vis esse perfectus, vende & vende omnia quæ habes, & da pauperibus*. Sapientia carnis videtur opponi sapientia sanctorum, quæ secundum Augustin. est hic temporaliter cruciari, & in æternum delectari. Sapientia vero diabolica sapientia humiliati, de qua Ecclesiast. 11. *Sapientia humiliati exaltabit caput illius*.

Obiecto Sed contra illud quod dictum est forsitan obiciet aliquis: Quomodo aliqua sapientia possit esse vitiosa, quum omnis sa-

pientia à Domino Deo sit? Ecclesiast. 1. & Baruch 3. Hic adinuenit omnem viam disciplinæ. Etiam scientia mali bona est. Si scientia mali mala esset, & eum in quo  
 Solutio: est malum efficere, Deus qui omnia mala scit, magis malus esset quam ceteri. Ad hoc dicendum est, quod sapientia vitiosa pro magna parte sui sapientia non est, sed error: sicut dicit Augustin. quod disciplina mali non est disciplina. Et super illud Roman. 8. *Prudentia carnis mors est*, dicit gloss. Prudentia dicitur, quum res stulta sit: quia ita videtur sæcularibus hominibus. 1. Corinth. 3. *Sapientia huius mundi, stultitia est apud Deum*. Mors manifeste ostendit sapientiam huius mundi stultitiam esse. Sapientia terrena stultitia esse ostenditur: cum ille qui tantam in congregatione diuitiarum laborauit, nudus in terra ponitur. Iob 1. *Nudus egressus sum de utero matris meæ, nudus reuertar illud*. Sapientia carnis stultitia esse ostenditur, cum caro deliciis enutrita vermibus esca datur. Sapientia diabolica stultitia esse ostenditur, cum ille qui voluit esse super alios, sub terra positus, ab hominibus, porcis & canibus conculcatur. Ecclesiast. 11. *Si annis multis vixeris homo, & in omnibus his latus fueris, meminisse debet tenebrosi temporis*, id est, mortis, & dierum multorum, scilicet vitæ futuræ quæ nõ habebit finem, qui cum venerint, vanitatis arguentur præterita. Et notandum quod secundum  
 Greg. in 1. part. Moralium: Huius mundi sapientia est, cor machinationibus tege-  
 sapientia huius mundi qualis. re, sensum verbis velare, quæ falsa sunt vera ostendere, quæ vera sunt falsa demonstrare. Scientia etiam aliqua licet sit vera scientia, vitiosa potest dici ratione studio-  
 sitatis quæ eam præcedit. Vnde super illud Roman. 8. *Prudentia carnis mors est*, dicit gloss. quæ est quum ea studiosius implet quæ carnis sunt. Vel potest dici vitiosa propter vsum vitiosum eius. Ecclesiast. 19. *Est prudentia nequitia, & in ipsa exercitatio*: vñus enim nequaquam eius exetabilis est. Et notandum quod disciplina mali

De iij

dupliciter potest intelligi. Vno modo vt ille genitiuus noter materiam de qua est disciplina: & sic disciplina mali bona est & à Deo est. Vel sic vt noter finem ad quē est disciplina: & sic est, disciplina mali, id est, ad malum: mala est, in quantum est ad malum, & est ab homine vel diabolo. et idem intellige de illo verbo Ecclesiastic. 11. *Non est sapientia nequitiae disciplina*: disciplina enim nequitiae si fit ad vitandum nequitiam, bona est: si ad faciendum, in quantum talis mala. Item videtur quodammodo prudentiae aduersari animi praesumptio in elatis. Augustinus loquens de illo verbo Apostoli: *Dicentes se esse sapientes stulti facti sunt*, ad Rom. 1. Si dicendo, inquit, te esse sapientem stultus factus es: dic te esse stultum, & sapiens eris. Matth. 11. *Abcondisti haec à sapientibus & prudentibus*. 1. Corinth. 3. *Si quis inter vos videtur sapiens esse in hoc saeculo, stultus fiat, vt sit sapiens*. Prouerb. 26. *Vidisti hominem sapientem sibi videri? magis illo spem habebit insipiens*. Gregorius 3. part. Moralium. Valde difficile est vt is qui se sapientem aestimat, mentem ad humilitatem reducat, & recte predicantibus credat. Greg. in Mor. Quia prima stulticia angeli elatio cordis fuit, vera sapientia efficitur hominis, humilitas suae aestimationis. Item prudentiae quodammodo aduersari videtur concupiscentia inordinata. August. 1. lib. Confess. Spargis poenales caecitates supra illicitas cupiditates Psalmist. *Super cecidis ignis, & non viderunt solem*. Item prudentiae videtur quodammodo aduersari societas insipientium Prouerb. 13. *Qui cum sapientibus graditur, sapiens erit: amicus autem stultorum similis eis efficietur*. Seneca in epistolis: Rem facillimam ratio exigit, secundum naturam suam viuere: sed hanc difficilem facit communis infania. Vocatur infania, insipientia eorum qui se reputant sapientes. Simplicem stultitiam habent qui nesciunt quae scienda essent, & ignorantiam suam agnoscunt: sed qui ignorantiam suam non agnoscunt, quali infani

sunt. Insanus enim credit se esse sapientem, quum sit valde stultus. Miserabilis est caecitas eorum quae caecitatem suam non agnoscunt: quibus accidit sicut cuidam fatuae de qua loquitur Seneca in epistolis suis. Ad pastam, inquit, vxoris meae fatuam scis hereditarium onus in domo mea remansisse. Haec fatua subito desinit videre. Incredibilem rem narro tibi, sed veram: nescit se esse caecam. Inde pedagogum suum rogat, vt migret, ait domum tenebrosam esse: Hoc quod in illa ridemus, omnibus nobis accidere liqueat tibi. Nemo se auarum esse intelligit, nemo cupidum, caeci ducere querunt. Nos sine duce eramus & dicimus: non ergo ambitiosus sum: sed nemo aliter in vrbe viuere potest: non ego sumptuosus sum, sed vrbs magnas expensas exigit. Quid nos decipimus? non extrinsecus malum nostrum, intra nos est, in visceribus sedet: ideo difficulter ad sanitatem peruenimus, quia nos aegrotare nescimus. Et notandum, quod secundum communem modum loquendi, & secundum modum etiam loquendi quem habet sacra Scriptura, insipientia, vel imprudentia, vel stultitia non solum pertinent ad intellectum, sed etiam ad voluntatem & operationem. Vnde stultus est omnis peccator: & maxima stultitia est peccare, & maxima sapientia recte viuere. Chrysostomus: Sapientia est, non eloquia Dei scire, sed secundum eloquia Dei viuere, & eloquia Dei timere. Iob 28. Dicit homini diuinitus esse ostensum quod timor Domini ipsa est sapientia: & recedere à malo intelligentia. Ecclesiast. vlt. *Finem loquendi omnes pariter audiamus: Time Deum: & mandata eius observa*. Loquela est ad sapientiam edocendam: sermo enim proprius nuntius est rationis doctae, Homini indocto magis conuenit tacere, quam loqui. Finis ergo loquendi: id est, illud ad quod finaliter est loquela, est sapientia consummata, quae consistit in timore Dei & observatione mandatorum eius: Sine timore Dei nihil sapientiae videtur haberi,

Stultitia  
est pec-  
care, sa-  
pientia re-  
cte viue-  
re.



quum timor Domini principiū sit sapien-  
tia. Prouerbior. 1. Sicut non reputaretur sa-  
piens qui non timeret furari vel rapere in  
terra illius Domini, qui districte faceret  
iustitiam: sic non est sapiens qui non ti-  
met offendere Dominum illum, qui nobil-  
issimam creaturam damnauit irrecupera-  
biliter pro vno peccato superbix. Lucæ 10.  
*videbam Sathanam quasi fulgur cadentem  
de celo.* Et pro peccato primorum paren-  
tum, totum genus humanum damnauit  
exilio & temporali morte. Et pro peccato  
luxuriæ, totum mūdum, exceptis octo per-  
sonis, aquis diluuii submersis.

Et notandum, quod licet valde necessa-  
rium sit sapienter intelligere, quia occasio  
est vt homo sapienter velit, & sapienter o-  
peretur: & insipienter intelligere valde sit  
periculosum, eo quod sit occasio insipienter  
volendi & insipienter agendi: tamen sa-  
pere vt est in solo intellectu, non est Deo  
gratum, nec homini meritum, nisi at-  
tingat voluntatem vel operationem. Nec  
insipientia in solo intellectu damnabilis est,  
donec attingat voluntatem vel operatio-  
nem: vt scilicet insipienter velit, vel insipienter  
agat. Qui sapiens est solo intellectu, in-  
sapiens vero voluntate & operatione, in-  
sipientius videtur se habere quam si non ha-  
beret sapientiam in intellectu. Sicuti duo-  
bus incedētibz per viam publicam, si de-  
uiant in viam: quæ mittat eos in manus la-  
tronum qui eos iugulent, vnus sciens, alius  
nesciens, stultiōr in hoc reputabitur  
qui sciens deuiauerit, quam qui nesciens. Et  
insipienter vadit, qui de die corruit vel of-  
fendit, quam qui de nocte. Iob. 5. *Per diem  
incurrant tenebras & quasi in nocte sic pal-  
pabunt in meridie.*

De 12. stultitijs quibus peccantes mortali-  
ter adherent.

Stultitia  
peccato-  
rum.

ET notādum, quod qui mortaliter pec-  
cat, multum stultē agit. Et tangemus  
duodecim stultitias, quæ in eo, qui peccat  
possunt assignari. 1. est, quod ipsemet se ex-  
cuset. Sap. 2. *Excusant eos malitia eorum.*  
Greg. Oculos quos culpa claudit, pœna a-

perit. 2. est, quod seipsum diabolo illa  
queat. Iob. 18. *Immisit in rete pedem suum.*  
Gregor. Qui pedes in rete mittit, non  
quum voluerit eiicit: sic qui in pecca-  
tis se deiecit, non mox quum voluerit sur-  
git. Prouerb. 5. *Iniquitates sue capiunt im-  
pium, & funibus peccatorum suorum quisquis  
constringitur.* Qui peccat volens, vincitur  
ab hoste, crudeli. qui nō miserebitur. Gre-  
gor. Debilis est hostis qui non vincit nisi  
volentem, ipse etiam volens se præcipiat.  
Matt. 4. *Si filius Dei es, mitte te deorsum.*  
Gloss. In quo infirmus ostēditur, quod nul-  
li nocere possit, nisi prius ille se deorsum  
miserit. Tertia est, quod quasi insanus in  
seipsum manus iniicit infligendō sibi vul-  
nus insanabile. Eccles. 22. dicitur de pec-  
cato: *plagæ illius non est sanitas*: imo quod  
plus est, seipsum occidit. Sapient. 16. *Homo  
per malitiā occidit animā suā.* Ecclesiast. 22.  
dicitur de peccato: *Dentes leonis dentes ip-  
sius interficientis animas hominum.* Pecca-  
tum dicitur mors animæ: quia à Deo sepa-  
rat qui est vita. Augustinus: Vera mors est  
quam homines non timent: separatio ani-  
mæ à Deo quæ est beata vita anima-  
rum, vel quia aufert vtilitatem vitæ præ-  
teritæ & præsentis. Bernardus super Can-  
tic. Quam mitius me priuares o amara  
mors vitæ vsu, quam fructu. Nam vita sine  
fructu; grauior mors. Deniq; duo mala pa-  
rantur arbori infructuosa, securis & ignis.  
Quarta est, quod bona sua proicit. Osee  
7. *Proiecit Israel bonū.* Qui cadit per mor-  
tale peccatū, omnia bona quæ vnquā fecit  
amittit. Bona etiam quæ agit in statu illo  
vera bona non sunt: quia non sunt sibi me-  
ritoria: qui mortale peccatum commit-  
tit, quasi ignem in propria domo ponit qui  
omnia destruat. Luc. 10. Tangitur de dua-  
bus stultitijs modo dictis, vbi legitur de il-  
lo qui incidit in latrones, qui despoliaue-  
runt eū, & plagis impositis abierunt semi-  
uiuo relicto. Quinta est, quod se charissi-  
me emptum à Deo, diabolo vilissime ven-  
dit. 1. Pet. 1. *Non corruptibilibus auro & ar-  
gento redēpti estis, &c sed pretioso sanguine*

6. *Agni, &c. Proverb. 10. Cor impiorum pro nihilo. Esa. 52. Gratis venundati estis. Sexta est, quod ab auctore omnium bonorum recedit: ideo non est mirum si male sit ei. August. Tunc bonum est Deus, ut nemi- ni eum deserenti bene sit: Osee 7. *Vae eis, quoniam recesserunt a me.* August. in lib. Soliloq. Deum relinquere, idem est quod perire. Septima, quod cum omnipotente guerram facere praesumit: quæ guerra cito finita esset, si misericordia Dei per- mitteret quod diabolus eum iugularet. Thren. 3. *Misericordiae Domini quia non sumus consumpti.* Octava est, quod ei ser- uuit cuius gratiam acquirere nequit. Gre- gorius: Stultum est seruire diabolo offen- so, qui nullo placatur obsequio. Quanto aliquis ei amplius seruierit, tanto amplius ipse eum torquebit. Nona est, quod ipse sibi locum tormenti efficit. Affligitur enim peccator in corde suo. Hieron. 1. *Scito & vide, quia malum & amarum est reliquisse te Dominum Deum tuum. Qui peccat, quasi sarcinam super se ponit qua in praesenti grauetur, & in futuro in infer- num praecipitetur* August. Quid est mors? depositio sarcinae grauis: sed si alia sarcina non portetur qua homo in gehennam*

praecipitetur Decima est, quod ipse in ferno portam facit. Matth. 16. *Porta in non praualebunt aduersus eam.* Porta feri dicuntur peccata mortalia: quia in eis decedunt, in puncto ad inferna scendunt. Iob. 21. Sicut qui ad portam propinquius est domui. Undecima quod portam paradisi sibi obstruit, & gnum caelorum modico pretio ven- tilis similis Esau, qui pro lenticula vend- ius primogeniturae suae. Genes. 25. E- nard. Væ væ, vapor est ad modicum- tens, quod æternæ felicitatis aditum tercludit. Duodecima est, quod ad susp- dium sciens & volens vadit: quis non putat insanum eum qui requisitus & vadit, & respondet, suspendere me va- Sic nullus sapiens reputandus est qu- mortali peccato est, cum singulis die- vnam diætam magnam faciat ad infer- suspendium. Eccles. 6. *Quid habet amp- stultus sapiens, & quid pauper mis- ut- gat illuc ubi est vita?* Hic discernit v- inter sapientes & stultos, quod sapier- vadunt ad vitam æternam: Stulti vero- mortem æternam. De stultitiis singu- rum peccatorum, requirere in tractatu- Vitiis.

## TERTIÆ PARTIS PRINCIPALIS, de quatuor virtutibus Cardinalibus

### TRACTATUS TERTIVS. De Temperantia.

#### CAPVT PRIMVM,

*De ordine Virtutum Cardinalium adinueniem, & ordine dicen-  
dorum in hoc tractatu.*

**D**ICTO de prudentia quæ est in-  
ter cardinales virtutes, quam  
ordinet cæteras, & sit in vi ra-  
tionali quæ videtur esse nobilior concu-

piscibili & irascibili, quia ea, discerni  
homo ab animalibus brutis, dicend-  
est de aliis tribus. Et primo de Tem-  
perantia & Fortitudine, quam de Iusti-

Temperantia ad quid disponat hominē.

quia temperantia & fortitudo ad iustitiam disponunt & præparant sicut cupiditas quam temperantia refrænât, & timor cui fortitudo resistit, iustitiam à suo officio impediunt. Et prius dicitur de Temperantia quàm de Fortitudine: quia temperantia animum ordinat ad id quod est infra se, scilicet ad bona quæ corpori seruiunt: fortitudo ad id quod est contra, scilicet aduersa. Item temperantiâ regit homo seipsum, fortitudine & iustitiâ alios. Prius vero & homini vtilius est regere se, quàm regere alios. Seneca: Si vis omnia tibi subiicere, subiice te rationi: multos enim reges, si ratio te rexerit. Item temperantia refrænât concupiscentiam animæ circa bona modica & inferiora, fortitudo vero roborat eam circa bona ardua. Illa spirituales descensum animæ cohibet: ista spirituales ascensum promouet. Cohibitio vero à spirituali descensu est prior ascensu spirituali. Item temperantia est in concupiscibili: fortitudo vero in irascibili. Operatio vero concupiscibilis naturaliter videtur esse prior quam operatio irascibilis. Vis enim concupiscibilis est appetitiua boni delectabilis. Irascibilis est appetitiua boni ardui expectantis: ut est medicina vel scissura quæ fit propter salutem corporis. Bonum vero expediens, bonum est secundum quid: bonum vero delectabile, bonum simpliciter, & propter illud est bonum expediens. Vnde appetitus boni delectabilis naturaliter est prior appetitu boni expectantis, & est naturalis. Aristoteles in lib. de naturalibus animalibus. Omnia naturaliter appetunt delectationem. Item vis concupiscibilis motiua est secundum apprehensionem boni: vis irascibilis secundum apprehensionem mali. Sicut enim per apprehensionem boni expectati in concupiscibili fit motus cupiditatis, & per eius adceptionem seu coniunctionem fit quies vel gaudium in anima: sic per apprehensionem mali quod aliquis opinatur sibi affuturum, est timor in irascibili: & per il-

lationem mali quod prius timebat, siue per ablationem boni quod concupiscebatur, fit perturbatio vel ira in irascibili, & sequitur appetitus vindictæ. Vnde dicit Auicenna, quod vis concupiscibilis est imperans moueri ut appropinquetur ad ea quæ sunt necessaria aut vtilia appetitu delectamenti. Irascibilis vero est vis imperans moueri ad repellendum id quod putatur nocuum aut corrupens appetitum vincendi. Vnde cum bonum prius naturaliter sit, quam malum: malum enim dicitur aliquid, secundum Augustinum, quia adimit bonum, vel nocet bono, operatio concupiscibilis quæ est secundum apprehensionem boni, prior est naturaliter, quam operatio irascibilis quæ est secundum apprehensionem mali. Præterea primus insultus à diabolo factus primis parentibus videtur fuisse contra temperantiam. Et in pugna Christi prima tentatio fuit contra virtutem temperantiæ. Prima etiam pars vitæ nostræ assuescit voluntatibus, quatum refrænatio ad temperantiam pertinet. Propter istas causas merito temperantia fortitudini præponitur: & secundum hunc ordinem modo ostensum numerantur quatuor virtutes, super illud Matth. 15. *Erant qui manducauerāt quatuor millia hominum.* Gloss. quatuor, propter quatuor virtutes quibus recte viuatur: prudentiam, temperantiâ, fortitudinem & iustitiam. Eodem etiam ordine enumerantur. Genes. 2. in gloss. super illud: qui diuiditur in quatuor capita. De temperantia vero hoc modo dicitur. Primo diuersæ acceptiones huius nominis temperantia assignabuntur. Secundo descriptiones eius ponentur. Tertio ea quæ pertinent ad eius commendationem. Quarto agatur de partibus temperantiæ.

## CAPVT II.

De diuersis acceptionibus huius nominis Temperantia.

Acceptio-  
nes  
Tempe-  
rantia tri-  
plex.

**N**Otandum quod nomen Temperantia tripliciter accipitur. Primo pro temperantia in generali, ad quam pertinet cauere circa omne opus virtutis, ne quid parum vel nimis fiat. Ad eam pertinet moderari opus virtutis illo modo de quo loquitur Horatius:

*Est modus in rebus, sunt certi denique fines,*

*Quos ultra citraque nequit consistere rectum.*

Sic sumere videtur nomen temperantia. Bern. in lib. de consideratione: Temperantia est, inquit, non solum iustitia, sed & fortitudini, & prudentia modum imponere. Secundo modo dicitur temperantia virtus animi impetus non rectos cohibens. Sic sumitur à Tullio in prima Rhetorica. Tertio dicitur temperantia virtus animam regens circa delectationes corporales, siue circa delectationes sensuum. gloss. super Matth. 15. Temperantia est refractio cupiditatis ab his quæ temporaliter delectant. Et August. dicit temperantiam esse in coercendis delectationibus prauis.

### C A P V T III.

#### *De descriptione Temperantia.*

**T**emperantia sic describitur à Tullio in prima Rhetorica: Temperantia est rationis in libidinem atque alios non rectos animi impetus firma & moderata dominatio. Libidinem hic intellige cupiditatem carnalis delectationis. Alios impetus animi non rectos intellige, ut cupiditatem habendi, vel proximo nocendi. His cupiditatibus ratio animi dominatur: non quod motus in eis non surgant, sed quia cum emergunt: non fit processus ad consensum. Et notandum quod secundum Tullium in lib. de Offic. duplex est vis animæ, una est ratio, altera est appetitus quæ animum rapit. Rationis est dominari, appetitus obtemperare. Tullius in lib. de offic. sic describit temperantiam: Temperantia est

Vis ani-  
mæ du-  
plex.

dominium rationis in libidinem & in motus alios importunos. Secundum August. verò in lib. de moribus Ecclesiarum: Temperantia, est amor sese integrum Deo incorruptumque seruans. Secundum Macrobius: Temperantia est nihil appetere poenitendum, in nullo moderationis legem excedere, sub iugo rationis cupiditatem domare. Item August. dicit in lib. de Libero arbitrio, quod temperantia est affectio coercens & cohibens appetitum ab his quæ turpiter appetuntur. Et notandum, quod modus à quo moderatio dicitur, quadruplex est. Primus est restrictio inordinati appetitus in vi concupiscibili quæ prona est ad concupiscendum delectabile temporale, vel in vi irascibili quæ impetuosa est ad repellendum nocivum vel corrumpens. Secundus consistit in priuatione eius quod est nimis & parum. Tertius in hoc quod opus debitis circumstantiis induatur: & huius tertij modi secundus modus pars est. Quartus modus est, à quo virtus modestia dicitur, quam Tullius ponit tertiam partem temperantia. De quo infra dicitur.

### C A P V T IV.

#### *De Commendatione Temperantia.*

**A**D commendationem Temperantia, primò facit quod ipsa homini honorem suum custodit. Honor hominis est libertas voluntatis, quæ apprehenso delectabili, potest illud velle vel non velle. Genes. 4. *Sub te erit appetitus eius, & tu dominaberis illius.* In brutis est seruitus appetitus huic libertati opposita: apprehenso enim delectabili accenditur concupiscentia eorum, nec habent in potestate sua eam extinguere vel temperare. Qui virtutem temperantia habet, vivit ut homo, qui eam non habet ut brutum. Hier. Qui post carnem ambulant in ventrem & libidinem prona: quasi irrationabilia iumenta reputantur. In Psalm. *Homo cum in honore esset, non*

1.

2.

intellexit, comparatus est iumentis. Secundo, quod ipsa hominem spiritualiter circumcidit, & inter eos qui sunt de populo Dei, & qui non sunt, verè discernit. Seneca libro de quatuor virtutibus: Continèntiam si diligis, circumcide superflua, & in arctum desideria constringe: Continentiam ibi vocat temperantiam. Ierem. 4. *Circumcidi mini Domino, & auferre præputium cordium vestrorum.* Deut. 10. *Circumcidet Dominus Deus tuus cor tuum, & cor seminis tui, ut diligas Dominum Deum tuum in toto corde tuo.* Temperantia opprobrium Ægypti, scilicet mudi superfluum, auferit à populo Dei. Ios. 5. *Hodie abstuli opprobrium Ægypti à vobis.* Ambros. Ita cauet ne quid nimis. Sapiens: Id arbitror primò esse vtile in vita: Ne quid nimis. Tertio, quod familiarem Deo reddit. Sapient. 6. *Incorruptio facit proximum Deo.* Temperantiæ est, vt amor Deo incorruptus atque integer custodiatur, secundum Augu. in lib. de moribus Ecclesiæ. Ipsa Deo seruat integrum eor, quod ipse specialiter requirit. Prou. 23. *Præbe fili mi cor tuum mihi.* August. 10. lib. Confess. Domine, per continentiam colligimur in vnum à quo in multa defluimus. Minus enim te amat qui tecum aliquid amat quod non propter te amat. Ipsa assimilat hominem Deo qui spiritus est, eum spiritualement faciendo. Seneca in libro de quatuor virtutibus cardin. de continentia: Desideria tua paruo redime: quia hoc tantum curare debes vt desinant, atque ita quasi ad exemplar diuinum compositis à corpore ad spiritum quantum potes adducere. Ipsa filios Dei quasi ablactat, separando eos à solatio temporalium deliciarum: quod Deo valde gratum est. Gen. 11. *Abraham in ablactatione Isaac fecit conuiuium magnum.* Ipsa ad contemplationem Dei præparat. August. Temperantia est amor ab amore inferioris pulchritudinis nos remouens & eleuans ad superiorem. Item in libro Soliloquiorum: Vnum est quod tibi possum præcipere nihil nobis plus penitus esse fugiendum, quam ista sensibilia: ca-

uendumque magnopere dum hoc corpus agimus, ne quo eorum visco pennæ nostræ impediuntur, quibus integri atque perfectis opus est vt ad illam lucem ab his tenebris euolemus, quæ se nec ostendere quidem dignatur in hac cauea inclusis, nisi tales fuerint vt ista, vel effracta vel dissoluta possint in auras suas euadere. Temperantia Deo thronum eburneum præparat, significatum per thronum eburneum què fecit rex Salomon, de quo 3. Reg. 10. & 2. Paral. 9. Ipsa etiam in domo eburnea eum delectat. In Psalm. *A domibus eburneis ex Psal. 44. quibus delectauerunt te filia regum in honore tuo.* Ipsa Dei tabernaculum sanctificat. Psalm. *Sanctificauit tabernaculum suum Psal. 45. Altissimus.* Et vt vno verbo dicamus, adeo placet, quod sine ipsa nullus Deo placere potest. ad Rom. 8. *Qui in carne sunt Deo placere non possunt.* Quarto, quod ipsa frænum est quo corpus humanum à spiritu regitur. Sine quo spiritus corpori periculose præsidet: sicut aliquis periculose insidet equo sine fræno, si equus sit indomitus, & aqua vel aliud periculum sit propinquum. De hoc fræno Seneca dicit: Impone concupiscentiæ tuæ frænum. Quinto, quod ipsa diabolum offendit multum sicut oppositum eum gaudere facit. Eccles. 18. *Post concupiscentias tuas non eas, & à voluntate tua auertere.* Si enim præstes animæ tuæ concupiscentias eius, faciet te gaudium inimicis tuis. Temperantia diabolum in arido ponit, vbi non habet requiem. Matth. 12. *Cum immundus spiritus exierit ab homine, ambulat per loca arida querens requiem, & non inuenit.* Intemperantia vero diabolo locum quietis parat, scilicet humidum. Vnde Iob 40. dicitur. *Dormire in locis humentibus.* Temperantia liberat ab hoste qui diu hominem possedit, scilicet à voluptate cui à cunabulis allueuit. Sapiens: Vltus egrè deditur. Idem: Difficile est repellere passionem vitæ contemporaneam. Temperantia hostem cauet cuius ingressus pacificus videtur: scilicet voluptatē blandientē. Seneca: Voluptates inter res vilissimas præcipue extirpa, quæ

more latronum ad hoc nos amplectuntur: ut iugulent. Ipsa in prosperis custodit ubi maius periculum est. gregorius: Cum omnis fortuna timenda sit, magis prospera timenda est quam aduersa. Hæc enim sapiendo erudit, illa blandiendo seducit. Ipsa vitia carnalia, quæ maioris sunt infamiae extinguit. Sexto, quod ipsa est stola prima. Lucæ 16. *Profer te citò stolam primam.* Ipsa est vestis de Byssu. Prouerb. vlt. *Byssus & purpura indumentum eius.* Ipsa candor est quasi materialis respectu aliarum gratiarum. Ipsa est principium spiritualis pulchritudinis: quæ consistit in candore & rubore. Cantic. 5. *Dilectus meus candidus & rubicundus.* 1. Corinth. 25. *Qualis celestis & quales celestes.* Septimo, quod vas corporis syncerum custodit. Sapiens: Syncerum nisi vas, quodcumque infundis acescit. 1. Thess. 4. *Hæc est voluntas Dei, sanctificatio vestra, &c. ut sciat unusquisque construere vas suum possidere in sanctificatione & honore.* Ipsa honestatem prouidet illi parti hominis quæ magis ea indiget, scilicet carni. Octauo, quod hominem munit ea parte qua infirmior est, scilicet ex parte carnis. Matt. 26. *Spiritus quidem promptus est, caro autem infirma.* Ipsa etiam à deceptione hostis familiaris custodit. Boet. nulla verò pestis efficacior ad nocendū quam familiaris inimicus. Et vt vno verbo comprehendamus, *non est digna ponderatio continentis animæ*, id est temperatæ. Eccl. 16. *Quod vocamus communiter temperantiam, vocat Seneca continentiam: Temperantia turpitudinē fugit, & sic munditiam seruat.* Senec. Si continentiam diligis, turpia fugito antequam veniant, nec quemquam alium vereberis plus quam te, omnia tolerabilia præter turpitudinem crede. Ipsa decorem prouidet moribus nostris. Seneca: Si continens es, & animi tui & corporis motus observa ne indecori sint. Nec idè illos contemnas, quia latet: nam nihil differt si nemo videat, dum tu illos videas.

## CAPVT V.

*De partibus Temperantia secundum Tullium. Et de prima eius parte, scilicet continentia: & de duodecim quæ nobis dissuadent inordinatum amorem voluptatum.*

**N**Otandum quod secundum Tullium in prima Rhetorica, Temperantia tres habet partes. Prima vocatur ab eo Continentia, secunda Clementia, tertia Modestia. Prima videtur regere animum quantum ad appetitum boni. Secunda, quantum ad appetitum alieni mali. Tertia, quantum ad exteriora horū indicia. Continentia, vt ait Tull. est, per quam cupiditas consilij gubernatione regitur. Continentia verò sic sumpta videtur posse diuidi sicut cupiditas, quam ipsa refrænât, diuiditur: & quæ habet duas species, scilicet inordinatum appetitum delectandi, & inordinatum appetitum habendi. Sic continentia videtur habere duas partes: vnā quæ refrænât appetitum voluptatum, & aliam quæ refrænât appetitū diuitiarum. Ad quod videtur pertinere quod dicit gloss. super illud Luc. 6. *Beati pauperes:* Ecce temperantia: temperantia vocat paupertatē spiritus, quā refrænât appetitū diuitiarū. Has duas partes cōtinētiæ tēgit Sen. dicēs: Hæc mediocritatis lineā continentiam obserua bis, vt nec voluptati deditus, prodigus & luxuriosus appareas, nec auara tenacitate sordidus aut obscurus existas. Circa illam partem continentia quæ appetitum voluptatum refrænât, notandum quod duodecim sunt quæ nobis dissuadent inordinatum amorem voluptatum. Primū est locus in quo sumus. August. in valle miseria sumus, ubi eo magis flendum quo minus flemus. Idē nescim⁹ quo sine claudimur in hoc exilio: non eiecit Deus hominē vt hīc faceret aliū paradysum. Secundū est tem-

Inordinatus amor voluptatū dissuadet.

pus in quo sumus. Bern. Vniuersum tempus poenitentiae vigilia quaedam est solemnitatis magnae & æterni sabbati quod præstolamur. Vigilia non est tempus deliciarum, sed festum. Tertium est exemplum Christi & sanctorum. Bernard. Christus qui non fallitur, elegit quod carni molestius est: id ergo melius id vtilius, id magis eligendum: & quisquis aliud docet vel suadet, ab eo tanquam à seductore cauendum est. 2. ad Corinth. 11. *In fame & siti, in ieiuniis multis.* Quartum est exemplum eorum quibus amor voluptatum nocuit: ut exemplum matris Euæ, de qua Gen. 3. *Vidit mulier quod bonum esset lignum ad vescendum, &c. & tulit, & comedit.* Exemplum Salomonis de quo Eccl. 20. *Non prohibui cor meum quin omni voluptate frueretur: propter quod infatuatus est.* 3. Reg. 3. Quintum est periculum in acquirendo sumptus deliciarum: multoties enim acquiruntur vel per mortem propriam, vel per mortem alterius. Noluit David bibere aquam quam sibi attulerat tres fortes: sed libauit eam Domino, dicens: *Propitius sit mihi Dominus, ne faciam hoc: num sanguinem hominum isororum qui profecti sunt, & animarum periculum bibam?* Melius esse sine periculo. tantum panem & aquam sumere, quam etiam periculo delicias habere. 2. Mach. 5. Iudas secesserat in desertum locum, ibique inter feras cum suis vitam in montibus agebat, & fœni cibo vescētes demorabatur, ne participes fierent coinquinationis. Sextum est, labor qui est in præparando. Epicurus voluptatis assertor omnes liberos suos impleuit oleribus & pomis & cibus vilibus, dicens his esse viuendū: quia carnes & exquisitæ epulæ ingenti cura ac miseria præparentur, maioremque poenam habent inquirendo, quam voluptatem in abutendo. Septimū est, voluptatū breuitas. Sen. Voluptas est brevis, fastidit obiecta: quo auidius hausta est, citius in contrarium recidens. Octauum est earum dignitas. Senec. In voluptate nihil est magnificum, aut quod

naturam proximam Deo deceat. Non est animi virilis, sed puerilis, voluptates carnales amare. Ideo lacte significatur in Scriptura sacra carnalis voluptas, quod est cibus puerorum: non decet in ætate virili vel senili à mammillis lac sugere Gen. 18. *Postquam consensui, voluptatis operam dabo?* Nonum est penuria fratrum nostrorum & filiorum Dei. Non decet Christianum delicias querere, cum sciat Christum in tot membris suis necessaria non habere. ad Hebr. 11. *Fide Moyses grandis factus negauit se esse filium filiae Pharaonis magis eligens affligit cum populo Dei, quam temporalis peccati habere incunditatem.* Iniqua est partitio, quod inter filios Dei alii superflua habeant, alii necessariis indigeant. Bernar. Clamant nudi, clamant famelici, & conqueruntur: Nobis, inquiunt, fame & frigore miserabiliter laborantibus, quid conferunt tot mutatoria, vel extensa in perticis, vel plicata in manicis? nostrum est quod effunditis, nobis crudeliter subtrahitur quod inutiliter expeditis. Idē. Inueniunt otiosi quod delectentur, & non inueniunt miseri quod sustententur. Decimū est, voluptatū impuritas, habent enim multam amaritudinē annexā. Recte Deus congregationes aquarū appellauit maria. Genes. 1. Multitudini enim delectationum est annexa multitudo amaritudinum. Boet. Dulcedo felicitatis humanæ multis amaritudinibus respersa est. Io. 30. *Esse sub sensibus delicias reputabā.* Eccl. 7. *Inueni amariorem morte mulierē.* Hæc est voluptas carnis animā separans à Deo: & ideo amariorem est morte corporis, quæ corpus ab anima separat. Cū enim Deus melior sit anima separatio ei⁹ erit deterior. Vndecimū est, voluptatū vanitas. Ecclesiast. 11. *Adolescentia & voluptas vana sunt.* Vanū est quod non cōfert plenitudinē cōtinenti. Hier Voluptas habita, famem, non satietatē parit Eccl. 1. *Non saturatur oculus visu, nec auris auditu impletur.* Ioan. 3. *Qui biberit ex hac aqua, sitiet iterum.* Augustin. Anima

humana delectationis auida ex quo recessit ab unitate, cum rerum qualitate non possit, rerum varietate satiari desiderat. Ecclesiast. 20. *Dixi in corde meo: Vadam & affluam deliciis, & fruam bonis, & vidi quod hoc quoque esset vanitas.* Duodecimū est, eorum noxietas. Nocent autem homini multipliciter. Primū, quod multoties sunt corpori occasio mortis vel infirmitatis. Senec. Voluptatibus maior pars corporum perit. Idem: Corpus suggerit vanas voluptates, breues, pœnitēdas, ac nisi magna moderatione temperentur in contrarium habituras. Idem: Ipsæ voluptates in tormentata vertuntur. Secundū quia hominem in seruitutem ponunt. Senec. Voluptatibus se immergunt, quibus in consuetudinem adductis carere non possunt: & ob hoc miserrimi sunt, quod eo peruenerunt quod illis quæ sunt superuacua, facta sunt necessaria. Voluptas amantibus se quinque iuga supraproponit, scilicet consuetudines delectationum, quæ sunt secundum quinque sensus. Luc. 14. *Iuga bonum emi quinque.* Tertiū in hoc quod corpus spiritui contumax reddit. Prouerbior. 29. *Qui delicatē à pueritia nutrit seruum suum, postea sentiet cum contumacem.* Voluptas carni concupiscenti aduersus spiritum in adiutoriū sit: vnde multoties spiritus succumbit. Bernardus: Si concupiscentia cœperit habere irritamenta, sunt duo contra vnum, & periclitatur conscientia. Quartū, quia licet videatur esse medicamentum: tamen facit ad infirmitatis augmentum. Gregor. in Moral. Ipsum medicamentum in vulnus vertitur: quia exquirit remedio, paulō diutius inhæretur, ex eo grauius deficiamus quod proinde ad refectionem paramus. Quintū; quia multum à salute impedit. Ipsa est quasi forte glutinum. Luc. 14. *Vxorē duxi, & idē non possum venire:* hæc est voluptas carnis. Sextū obliuionem inducit. Ecclesiast. 5. *Non satis recordabitur dierum visus suus*

*quod Deus occupet deliciis cor eius.* Septimū hominem à sapientia impedit. Iob. 38. *Sapientia non inuenitur in terra suauiter viuentium.* Octauū, sterilitatem bonorum operum inducit, Esa. 47. *Et nunc audi hæc delicata.* Et paulō post: *Veniens tibi hæc duo subito in die una sterilitas, & viduitas.* Ipsa hominem quasi paracleticū efficit. Ierem. 31. *Vsq̃uequo dissolueris deliciis filia vana?* Deuter. 28. *Tenera mulier & delicata quæ super terram ingredi non valebat ipsa virilitatem auferre.* Esa. 19. *Erit Aegyptus quasi mulieres.* Ipsa fluuius est in quo Pharaon infernalis masculos vult proici. Exod. 1. Ipsa est aqua Aegyptiis in sanguinem versa. Exod. 7. Nonō, hominem loquacem facit. Ipsa est fluuius ranas ebulliens. Exod. 8. Decimū, reddit hominem impatientem: vt patet in epulone Euangelico. Luc. 16. Amos 6. *Bibentes vinum in phialis, & optimo unguento delibuti: & nihil patiebantur super contritione Ioseph.* Vndecimū melioribus diuitiis priuat, scilicet spiritualibus, Bernard. Delicata est diuina consolatio, & non datur admittentibus alienam. Columba aquam refugit, aquam scilicet carnalis voluptatis. Genes. 8. Bernardus loquens de illo verbo. *Nisi ego abiero, Paracletus non veniet.* Ioan. 17. Quis, inquit, audeat de cætero carnis illecebris fantasticiis deditus Paracletum expectare? Duodecimū, in pœnam æternam commutatur. Apocalyp. 18. *Quantum glorificauit se, & in deliciis fuit, tantum datur illi tormentum & luctum.* Aquæ inferiores in mare mortuum descendunt. Iosue 3. Voluptates enim temporales ad amaritudinem æternam ducunt. Multa quæ valent ad refrænandum amorem diuitiarum, inuenies in tract. de Auaritia. De paupertate etiam spiritus quæ amorem diuitiarum refrænât, dicitur in tract. de beatitudinibus: idē hîc ea quæ pertinent ad refrænationem huius amoris prætermittimus.



## CAPVT VI

*De descriptione Clementia. Et quod principi sit maximè necessaria: quot sint etiam quæ possint incitare principem ad clementiam.*

Quid sit  
clemen-  
tia.

**C**lementia est virtus per quam animus in odium alicuius temerè concitatus benignitate retinetur. De his quæ valent ad refræmandum odium, multa inuenies in tractatu de ira, secundum Senec. Clementia est temperantia animi in potestate vlciscendi, vel lenitas superioris aduersus inferiorem in pœnis constituendis. Et notandum quod licet clementia necessaria sit omnibus, maximè tamen principem populi sui Moysen constituit, qui erat vir mitissimus super omnes homines qui morabantur in terra. Num. 12. & 3. Reg. 20. legitur. *Audiuimus quod reges domus Israël clementes sunt.* Hester 13. *Volui potentis nequaquam abiri magnitudine sed clementia & lenitate gubernare subiectos.* Et Esa. 16. *Emitte agnum Domine dominatorem terra.* Et de Christo legitur Matth. 21. *Ecce rex tuus venit tibi mansuetus.* Et lex eius vocabitur lex clementiæ, Prouerbior. vltim. In signum etiam clementiæ inunguntur reges Christiani & Ecclesiæ Prælati. Senec. Nullum ex omnibus clementia magis quam regem aut principem decet. Idem Clementia efficit ut inter regem tyrannumque discriminè sit, id est differentia. Item notandum quod clementiæ virtus mediocritatem seruat in parcendo & in vlciscendo. Senec. Tam omnibus ignoscere crudelitas est, quam nulli. Modum tenere debemus: sed quia difficile temperamentum est, quidquid plus æquo futurum est in partem humaniorem præponderet. In arca erat virga Aaron cum manna. Ad Heb. 9. Ille enim qui præ est quandoque debet parcere, quandoque vltionem sumere. Virga Aſſueri extensa,

signum erat clementiæ. Hester 8. Ad clementiam pertinet maximè temperantia in vltione propriarum iniuriarum. Senec. Quemadmodum magni animi non est qui de alieno liberalis est, sed ille qui quod alteri donat, sibi detrahit; ita clementem voco non de alieno dolore facilem, sed eum qui cum suis stimulis exagitetur non proſilit, qui intelligit magni animi esse iniurias in summa patientia pati, nec quidquam esse gloriosius principe impune læſo. Vltimò duas res præſtare solet: aut solatium affert ei qui accepit iniuriam, aut in reliquum securitatem. Principis maior est fortuna, quam solatio egeat, manifestiorque vis quam ut alieno malo sibi irium opinionem quærat. Hoc dico, cum ab inferioribus petitus violatusque est: clementia principem seruat, ne impatientia vel aliqua alia inordinata affectione vltionem præcipitet. Tullius in libro de Offic. Optandum est ut qui præſunt reipublicæ, regum similes sint, quæ ad puniendum non iracundia, sed æquitate ducuntur. Ad principem verò clementem pertinet illud verbum. Senec. In hac tanta facultate rerum non ita me ad iniqua supplicia compulit, non iuuenilis impetus, non temeritas hominum & contumacia quæ sæpè tranquillissimis quoque pectoribus patientiam extorsit. Clementiæ est causas parcendi quærere. Senec. Alterius ætate prima motus sum, alterius vltima: quoties nullam inueni misericordiæ causam, mihi peperci. Item notandum quod duodecim sunt quæ possunt valere ad incitandum Principes ad clementiani. Primum est exemplum excelli principis, scilicet Dei, de quo Ioel. 2. legitur, *ipse benignus & misericors est & præstabilis super malitia.* Et Sapient. 12. *Parcis omnibus, quoniam tua sunt.* Senec. Si Deus placabilis est, & delicta potentium non statim fulminibus persequitur: quanto æquius est hominem hominibus præpositum miti animo exercere imperium. Secundum est

Ad clementiam  
exercendam à  
principibus  
sunt 12.  
incitamenta.

exemplum creaturarum inferiorum, vt exemplum quod ponit Sen. de rege apum. Iracundissimæ, inquit, ac pro captu corporis pugnacissimæ sunt apes, & aculeum in vulnere relinquunt. Rex ipse sine aculeo est. Noluit ipsum natura nec scire esse, nec ultionem magno constaturam petere, telumque detraxit, & iram eius inermem reliquit. Exemplar hoc hominibus regibus ingens. Pudeat ab exiguis animalibus non trahere mores, quum tanto moderatior hominum animus esse debeat, quanto vehementius nocet. Tercium est naturalis nobilitas animorum qui regendi sunt. Senec. Remissius imperanti melius paretur: contumax est animus humanus, & contrarium atque arduum nitens faciliusque sequitur, quam ducitur. Quartum est, quod clementia naturæ humanæ congruit: crudelitas vero videtur esse contra naturam humanam & quasi bestialis. Senec. Quid istud delectari sono catenarum quocunque ventum est multum sanguinis fundere, aspectu suo terrere & fugare? quæ alia vita esset, si leones, vsique regnarent, si serpentibus in nos, ac noxiosissimo animali cuique daretur potestas? ipsa rationis in experta natura abstinet suis, & tuta etiam inter feras similitudo morum est. Arist. in lib. de natura animal. dicit quod non est auium vnus speciei vt se comedant. Senec. Ferina rabies est sanguine gaudere, ac vulneribus, ac abiecto homine in sylvestre animal. transire. Quintum est, humani sanguinis pretiositas quo parcissime utendum est. Senec. in epist. Clementia sanguine alieno tanquam suo parcat, & scit homini non esse homine prodige utendum. Item utens verbis quæ competunt clementi principi. Conditum, inquit, imo strictum apud me ferrum est: summa parsimonia etiam vilissimi sanguinis. Vtinam gladius spiritualis Ecclesiæ strictus esset, & vsus eius parcus. Et subdit Senec. Seueritatem abditam ad clementiam in procinctu habeo. Greg. Nazian. ad Im-

perat. A Christo tibi in homines vita & venia, potestas mortis indulta est, & gladius tibi datus est, non tam opereris quam commineris, quam etiam depositum, quoddam incruentum & impollutum restituas commendanti. Sextum est, finis propter quem principes sunt constituti: vt scilicet medeantur generi humano, ided dicebat Senec. quod non minus turpia sunt principi multa supplicia, quam medico multa funera. 2. ad Cor. 10. *Potestatem dedit nobis Deus in adificationem, & non in destructionem vestram.* Idem: *Sapiens multa remittet, multos parum sani, sed sanabilis ingenij seruabit.* Agricolas bonos imitabitur, qui non tantum rectas procerasque arbores colunt, sed illis quoque quas aliqua deprauauit causa, adminicula quibus regantur applicant: alias circuncidunt, quasdam infirmas vitio loci, nutriunt: videbit quod ingenium, quæ ratione tractandum sit. Idem: Princeps alios ex ciuibus suis, quia viles bonique sunt, libens videat: alios in numerum relinquat, quosdam esse gaudeat, quosdam esse patiat. Septimum est, quod oppositum clementiæ, scilicet crudelitas, hostes multiplicat. Senec. in lib. de clementia: Voluntas oportet ante scruendi, quam causa deficiat. Alioquin quemadmodum præcise arbores plurimis ramis repullulant, & multa satorum genera vt densiora surgant reciduntur: ita regia crudelitas augeat inimicorum numerum tollendo; parentes enim liberique eorum qui interfecti sunt, & propinqui amici in locum singulorum succedunt. Octauum est, quod crudelitas audaciam malefaciendat. Sen. Temperatus timor cohibet animos: Assiduus vero & acer & extrema admonens, in audaciam iacentes excitat, & omnia experiri suadet. Acerrima virtus est quam vltima necessitas extendit. Idem: Videbis sæpe committi, quia sæpe vindicatur. Idem: Summa prudentia, summi viri & rerum naturæ peritissimi maluerunt velut incredibile scelus & ultra audaciam positum præte

9. præterire, quam dum vindicant ostendere fieri posse. Nonum est, quod clementia principi securitatem dat. Sen. Errat si quis existimat ibi tutum esse regem, ubi à rege nihil tutum est. Securitas securitate mutua pascenda est. Non est opus latera montium abscindere, multiplicibus semuribus turribusque sepire: saluum regem clementia in aperto præstabit, vnum est inexpugnabile munimentum, amor civium. Prou. 11. *Clementia præparabit vitam, & sedatio malorum mortem.*
10. Decimum est, quod clementia regnum roborat. Prou. 20. *Miser cordia & veritas custodiunt regem, & roboratur clementia thronus eius.* Vndecimum est, quod bonitatem & principis & populi consummat. Prou. 16. *Clementia regis quasi imber serotinus.* Sicut imber temporaneus est ad germinationem: sic serotinus est ad maturationem. Temporaneus inchoat quod serotinus consummat. Sic clementia regis benefica est his qui male se habent, quod est consummata bonitatis, & facit ut populus vitam suam bene consummet. Multi enim bene finiunt vitam suam qui male finiissent nisi clementer cum eis actum fuisset. Duodecimum est, quod clementia facit ut princeps temporalis in futuro iudicem vniuersalem clementem inueniat, secundum illud Luc. 6. *In qua mensura mensi fueritis, remetietur vobis.* Ad illud potest referri illud Prou. 11. prius positum: *Clementia præparabit vitam.*

## CAPVT VII.

## De Modestia.

**T**Vllius in prima Rhetor. Modestiam sic depingit: Modestia est, per quam pudor honestatis puram & stabilem comparat auctoritatem. Et innuitur in hac descriptione causa & effectus modestiæ. Pudor enim qui est timor turpitudinis, vel fugæ rei incedentis, declinando indecentiam in exterioribus efficit ordina-

tionem exteriorem quæ modestiæ est: & sic comparatur auctoritas seu gravitas pura non habens admisionem sui contrarij, scilicet utilitatis & stabilitatis: non enim est momentanea, sed permanens. Et notandum ordinatio interior, quæ est cum ratio præest & appetitus obtemperat, causa est exterioris ordinationis: inordinatio vero interior quæ est cum appetitus non subest rationi, causa est exterioris inordinationis. Vnde cum animus est iratus, aut metu commotus, aut nimis voluptate apperens, exteriora mutantur, cor accensum stimulis iræ palpitat, corpus tremat, lingua præpeditur, facies ignescit. Vnde verum est illud Poetæ: Deprehendas animi tormenta latentis in ægro corpore, deprehendas gaudia, sumit vtrumque inde habitum facies. Ordinatio vel inordinatio exterior signum est interioris. Eccl. 19. *Amictus corporis, & risus dentium: & ingressus hominis enuntiant de eo.* Greg. in pastor. Intus est custodia quæ composita seruat exterius membra. Qui ergo statum mentis perdidit, foris in inconstantia motionis fluit, atque exteriori mobilitate indicat, quod nulla interius radice subsistat. Notandum quod modus à quo modestia dicitur, est tenere decorem. Et est decor iste respectu aspectus hominum. Ad cognoscendum vero aliquid decorum, vel non, attendendum est an sit naturæ consentaneum, an sit persona dignum quæ hoc agit vel cum qua agitur. Attendendum est etiam ad congruentiam temporis vel loci. Decorum est in homine quod est consentaneum naturæ excellenti hominis, & est indecens in homine aliquid quod non esset indecens in bruto. Item aliquid est indecens in persona prælati, quod non esset indecens in persona privata. Aliquid etiam indecens est, quia deest congruentia temporis, secundum illud Eccles. 20. *Ex ore facti reprobatur parabola:* Non enim dicit eam in tempore suo Et ponit exemplum Tullius de duobus collegis seu coniudicibus

scilicet Paride & Sophode, coram quibus sedentibus pro tribunali quum transiret quidam iuuenis pulcher, dixit Sophodes socio suo. O puerum pulchrum. Cui Parides: Prætozem decet habere non solum manus, sed & oculos continentes. Si Sophodes verbum prædictum in Attelazum probatione dixisset, iusta reprehensione caruisset. Tullius: Vitiosum est derisorie delicatum inferre sermonem. Ratione etiam loci aliquid indecens est: vt in sacro loco sit aliquid indecenter, quod alibi fieret decenter. Item notandum quod modestia indecentiam cauet in verbo, in risu, in motu corporis, in membrorum situ, in habitu vel cultu, in occupatione vel actu. De indecentia in verbo, risu, & motu, tangit. Sen. in lib. de quatuor Virt. dicens: A verbis turpibus abstineto: quia licentia eorum imprudentiam nutrit. Sermones viles magis quam facetos & affabiles ama, rectos potius quam obsecundantes: miscebis interdum seriis iocos, sed temperatos & sine detrimento dignationis & verecundiæ. Nam reprehensibilis risus est si immoderatus, si pueriliter effusus, si muliebriter factus. Odibilem hominem facit risus, aut superbus & elatus, aut malignus & furtiuus, aut alienis malis euocatus. Si ergo tempus iocos exigit, hos cum dignitate sapientiæ gere: non erit tibi stertilis, sed grata vrbinitas. Vrbinitas tua sine dente sit, ioci tui sine vilitate, risus sine cachinno, vox sine clamore, incessus sine tumultu, quies tibi non desidia erit. Idem in eodem: Non sis aliorum curiosus scrutator, neque acerbus reprehensor, sed sine exprobratione corrector, ita vt admonitionem hilaritate præuenias, & errori facile veniam dato, nec extollas quicquam, nec delicias: requirenti facile responde, contendenti facile cede, nec in iurgia execrationisque discedas. Item in eodem: Rari sermonis sis ipse, sed loquentium patiens: seuerus ac serius, sed hilaris, non asperans. Circa motum corporis cauenda est nimia tarditas & nimia

Modestia  
indecentiam  
cauet.

celeritas. Sen. Si continens es, & animi tui & corporis motus obserua, ne indecori sint. De indecentia in motu corporis vel situ membrorum, tangitur Esa. 3. *Proco (inquit) quod eleuata sunt filia Sion, & ambulauerunt collo extenso, & nutibus oculorum ibant, & plaudabant, & ambulabant, & pedibus suis composito gradu incedeabant, decaluaabit Deus verticem filiarum Sion.* Ezech. 24. *Lateribus & humeris impingebatis.* Prou. 6. dicitur de homine apostata: *Annuis ocalis, teris pede, digito loquitur.* Et in eodem dicitur: *Sextant que edis Deus, & septimum detestatur anima eius, Oculos sublimes.* Iob 15. *Currit aduersus Deum grecco collo.* In habitu vel cultu iste modus habendus est, vt vitetur agrestis in humana negligentia, & habeatur munditia, non tamen nisi exquisita. Hieron. Ornatus & sordes pari modo fugienda: quia alterum delicias: alterum gloriam redolet Sen. Non splendeat toga, nec fordeat 1. ad Timot. 2. *Volo mulieres orare in habitu ornato, cum verecundia & sobrietate ornantes se.* In occupatione vero attendendum est ad naturam: ad quid scilicet aliquis à natura sit dispositus. Qui enim debilis est corpore, & ingeniosus, & vivacis memoriæ, non militiam, sed studium literarum sectari debet. Fatuum enim est naturæ repugnare, & illud sequi quod non possit assequi. Attendendum est etiam ad ætatem. Ætas enim adolescentiæ labore animi vel corporis est exercenda, & auctoritati senum subiicienda. Debent enim adolescentes senes vereri, consilio eorum regi & exemplo informari. Senibus verò labores corporis videntur esse minuendi. Animus vero his exercendus est: consilio debent alios iuuare, & exempla imitatione digna eis ministrare. Priuatæ personæ est pari iure cum ciuib. viuere: prælati vero est aestimare se gerere personam ciuitatis, retinere decus, seruare leges.

## CAPVT VIII.

*De partibus Temperantiæ prout ipsa est  
Virtus regens animam circa delectationes sensuum, & de ordine dicendorum de eis.*

**D**ICTO de partibus temperantiæ secundum Tullium, dicendum est de partibus temperantiæ prout temperantia virtus est regens animam circa delectationes sensuum. Notandum ergo quod illæ partes temperantiæ quæ regunt animam circa delectationes quæ sunt secundum gustum & tactum, satis sunt notæ & nominatæ, quæ sunt sobrietas & continentia. Illæ autem partes quæ pertinent ad delectationes quæ sunt secundum visum & auditum & olfactum, non sunt ita notæ, nec habent specialia nomina. Et potest esse in causa utilitas dictarum virtutum: quia duo sensus, scilicet gustus & tactus pertinent ad esse: tres alij pertinent ad bene esse. Mediante gustu assumitur quod per vim nutritium corpori vnitur: & sic conseruatur esse indiuidui, vnde gustus est ad conseruandum esse indiuidui. Mediante vero tactu per vim generatiuam transfunditur quod erat in vno corpore in aliud corpus: & sic fit multiplicatio indiuiduorum, & saluatur esse speciei in multis indiuiduis, quod non posset saluari in vnico, quum indiuiduum sit corruptibile. Item tactus & gustus sunt principales sensus, alij vero tres sunt ordinati ad illos. Visu enim & auditu & olfactu nutrimentum à longe agnoscitur, quod gustu de prope agnoscitur. Vnde dicitur in lib. de nat. animal. quod auis rapax est acuti visus, quoniam indiget vt cibum suum videat à remotis. Visu etiam, auditu, & olfactu agnoscitur de longe destructiuum corporis, vel delectabile secundum tactum quod de prope tactu decernitur. Prius vidit mulier quod bonum esset l-

gnum ad vscendum, quàm de illo gustaret. Gen. 4. & prius vidit Dauid mulierem lauantes se ex aduerso, quàm adulterium cum ea committeret. 2. Reg. 11. Item sicut dicitur in lib. de natu. animal. Sensus tactus in homine subtilis est plus quam alij sensus, & post ipsum gustus. Ceteri sensus in homine sunt hebetiores, quam in aliis animalibus. Item dicitur in eodem lib. quod sensus visus in omnibus animalibus est supra auditum, & sub his olfactus. Tactus & gustus operantur secundum propinquitatem obiecti, alij secundum distantiam. Vnde delectationes quæ sunt secundum tactum & gustum, maiores sunt quam quæ sunt secundum alios tres sensus. Et pronitas ad operationes & delectationes secundum illos duos sensus maior est quàm secundum alios tres. Et vitia quæ sunt circa operationes & delectationes illorum duorum sensuum magis sunt periculosa: ideo virtutes quæ sunt contra illa vitia, magis sunt necessariæ & magis notæ, & habent specialia nomina. Inter virtutes vero pertinentes ad delectationes quinque sensuum, primo prosequemur de sobrietate. Secundò de continentia. Tertiò tangemus de illa temperantia quæ est circa delectationes aliorum trium sensuum.

## CAPVT IX.

*De ordine dicendorum de Sobrietate.  
De diuersis acceptionibus huius nominis Sobrietas. De eius commendatione ac officiis.*

**C**IRCA Sobrietatem vero primo distinguemus diuersas acceptiones huius nominis sobrietas. Secundo ponemus ea quæ pertinent ad eius commendationem. Tertiò tangemus de officiis ipsius. Circa primum notandum quod nomen sobrie-

tatis quadrupliciter sumitur in Sacris. Quandoque enim sumitur large pro temperantia, quæ est vna quatuor cardinalium virtutum, vt Sap. 8. *Sobrietatem, ait & prudentiam docet, &c.* ad Tit. 2. *Sobrie & iuste & pie, &c.* Secundo sumitur pro temperantia, quæ est generalis: vt ad Tit. 2. *Iuuenes hortate vt sobrii sint.* gloss. in omnibus. Tertio sumitur pro temperantia quæ est circa potum & cibum, vt ad Tit. 2. *Adolescentulas vt viros suos ament: filios suos diligant: prudentes, castos, sobrios.* Gloss. in cibo & potu. Quarto sumitur sobrietas pro temperantia circa potum tantum, & sic ebrietas est ei opposita. Sic sumitur Eccl. 31. *Acqua vitæ hominis, vinum in sobrietate: si bibas illud moderate, eris sobrius.* Tertio modo sobrietas hinc sumitur: scilicet pro temperantia circa cibum & potum, & circa delectationes quæ sunt secundum gustum.

#### De commendatione Sobrietatis.

Varie  
ebrietas  
à variis  
commen-  
datur, à  
natura.

**A**D commendationem vero huius virtutis notandum quod sobrietatē suadet nobis natura, scriptura, vniuersa creatura. Natura modicitate oris humani suadet nobis mediocritatem in sumptione cibi & potus. Homo enim in comparatione sui corporis parui oris est: vt dicit Arist. in lib. de natura animalium: Oris vero modicitate suadet nobis natura caritatem in sumendo cibum & potum: vnicuique nos habemus cum duos oculos & duas aures habeamus. Breuitate vero delectationis quæ non habetur nisi in transitu cibi, dissuadet nobis sumptuositatem ciborum delectabilium. Bern. in sermone: Huius tam modicæ partis, sicut turis, tam exigua delectatio quanta paratur sollicitudine, quantam deinde molestiâ parit: hinc & morbi varij generantur. Idem: Etiam dissuadet nobis corruptio cibi & potus, quæ fit postquam in stomachum descenderunt. Ioel. 2. *Plulate omnes qui bibitis vinum in dulcedine: perist enim*

*ex ore vestro.* Non sic est in aliis sensib. non enim corrumpitur res pulchra quæ videtur, cum semel visa fuerit: nec res odorifera cū semel odorem eius aliquis perceperit. Naturales appetitus animæ non sunt deliciarum. Eccl. 29. *Initium vitæ hominis aqua & panis.* Eandem escam assignauit Deus homini & brutis. Gen. 1. *Ecce, inquit, dedi vobis omnem herbam afferentem semens super terram, & vniuersa ligna quæ habent in semetipsis sementem sui generis, vt sint vobis in escam & cunctis animantibus terræ.* Sen. Considerate quantum natura possit, & quantum cupiditas expetat. Scriptura vero sacra dupliciter suadet nobis sobrietatem, scilicet admonitionibus multis, & sanctorum exemplis. De admonition. vero paucas ponere sufficiat. 1. ad Thes. 5. *Vigilemus, inquit, & sobrii simus.* Et in eodem: *Nos qui discimus, sobrii simus.* 2. ad Tim. 4. *Ministerium tuum imple, sobrius esto.* 1. Pet. 4. *Estote itaque prudentes, sobrii, &c.* Eiusd. 5. *Sobrii estote & vigilate, &c.* De exemplis hæc pauca ponere sufficiat. Dan. 1. dicunt pueri bonæ indolis: *Denit nobis legumina ad vescendum, & aqua bibendū; cibo regio contempto.* Dan. 10. *Trium hebdomadarum diebus panem desiderabilem non comedi, & caro, & vinum non introierunt in os meum.* Matth. 3. & Mare. 1. dicitur de Ioan. Bap. quod esca eius erat locustæ & mel syluestre. Et Luc. 1. *Vinum & ficeram non bibet.* Bern. super Cant. Abstinebo à carnibus, ne dum nimium nutriunt carnē, simul & carnis nutriant vitia. Panem ipsū cum mensura studebo sumere, ne onerato ventre stare ad orandum tædeat. Et de beato Nicolao legitur, quod cum lacte aleretur, quarta & sexta feria semel tantum in die mammillarum lac sugebat. Omnis etiam creatura sobrietatē suadet, <sup>Creatura.</sup> quia in omni creatura est modus & mensura, secundum illud Sap. 11. *Omnia in mensura, & numero, & pondere disposuisti.* Item ad commendationem sobrietatis valere potest, si ostendatur quot & quanti sunt eius effectus, & quā periculosus est

Scriptura  
dupli-  
citer.

homini eius defectus. Notandū ergo quod sobrietas valet ad sanitatem, secundū illud Eccles. 31. *Sanitas est anima & corpori sobrius potus.* Senec. in epist. Simplex erit ex causa ex simplici valetudo: multos morbos multa fercula fecerunt. Chrysost. super Epist. ad Hebr. Nihil sic salutem nisi sic sensuum acumen operatur, nihil sic ægritudinem fugat, sicut moderata refectio. Item, sobrietas valet ad vitæ diuturnitatem. Eccles. 37. *Qui abstinens est, adiciet vitam.* Item sobrietas valet ad iucunditatem & corporalem & spiritualementem. Eccles. 30. *Exultatio anima & corporis vinum moderate potatum.* Gregor. in Moral. Si à carne hoc quod libet abscindimus, mox in spiritu hoc quod delectat inuenimus. Homo sobrius delectabiliter viuit, & dormiendo & vigilando. Eccles. 31. *Somnus sanis atis in homine parco: dormiet usque mane, & anima ipsius cum ipso delectabitur.* Homo sobrius differt comedere donec esuriat, & tunc etiam panis & aqua delectabiliter ei sapiunt. August. in lib. de verbis Domini: Vix fastidiosus satiaris, nescis quomodo sapit quod fames accendit. Sen. in Epist. Solus panis bonus fiet, & tibi cum tenerum & similagineum fames reddet. Ideo non est ante edendum quàm illa imponat. Expectabo ergo, nec ante edā quàm aut bonum panem habere potero, aut malum fastidire desiero. Ber. in epist. Prudenter sobrièque conuersanti, satis est ad omne condimentum sal cum fame. Sap. Desideriis omnia condiuntur. Darius in fuga cum aquam turbidam ex cadaueribus inquinatam bibisset, negauit vnquam se bibisse iucundiùs. Bern. ad fratres de monte Dei: Panis fureureus & simplex, aqua, olera vel legumina simplicia, nequaquam res delectabiles sunt, sed in amore Christi & desiderio æternæ delectationis ventri benè morigerato grater ex his satisfacere posse, valde delectabile est. Quot milia pauperum ex his vel aliquo horum delectabiliter satisfaciūt naturæ? Facillimū quippe & delectabile esse adiūcto amoris Dei cō-

dimento, secundū naturam viuere, si infania nostra nos permetteret, qua sanata statim naturalibus natura arridet. Chrys. Cōferamus, inquit, mensam diuitis & mediocris: discutiamus utroque conuiuas: qui magis, quæso sunt, qui puram veramque mensæ capiunt voluptatem: illi ne qui cœnas prandiis iungunt, quique ventris distensione rumpuntur, atque oppressione ciborum suorum premuntur, in quorū corpore vino inundante velut naufragij cuiusdam fluctu obruta anima necatur, vbi nec oculus, nec lingua, nec pes propriis deseruit officiis, sed omnia membra corporis vini vinculis tacentincta grauiùs quàm catenis, vbi nec sopor eis ad quietē datur, nec ad salubritatem cedit. Idem Chrysost. Hi qui in deliciis & luxuriis vitam ducunt, resoluta quidem corpora, & omnia cera molliora circumferunt, atque infirmitatibus repleta, quibus ad cumulū malorum podagræ tremor & immatura senectus accidit, & est eis vita semper in medicis & in medicamentis. Sensus autem tardi, graues & obtusi, & quodammodo iam sepulti. Idem: Quis hæc iucunda dicat & grata, qui tamen nouerit quid sit iucunditas & voluptas? Voluptas à prudētibus ita diffinitur: Voluptas est, cum quis suis desideriis fruitur. Vbi verò desideriis frui non potest, dum vel ægritudo non finit, vel satietas ipsa desiderij facit ea quæ onerosa sunt ingrata, sine dubio etiam voluptas in eis pariter & iucunditas perit. Idem: Considera ægros qui fastidio perurgentur, quomodo quamuis suauis & lauti cibi apponantur, oneri eis magis sunt, quàm voluptati: sicut cum per abundantiam cupiditas fuerit extincta, pariter & voluptas & iucunditas perimitur: quia non tam ciborum gratia, quàm desiderij gignit, satisfactio voluptatum. Vnde anima satiata calcabit extra siue fauam. Prouerbior. vigesimo septimo. Item de petra melle saturauit eos: quandoquidem post multam itineris fatigationem & laborem, sitis, aquis

frigidis ex saxo fluentibus fruebantur, easque cum multo desiderio hauriebant. Hoc ipso ergo quod dulcissimæ, & desiderabiliter potandi cupiditas explebatur, aquas illas mel appellauit. Igitur dubitari non potest quod simplicior victus & mensa mediocris plurimum iucunditatis habeat & voluptatis. Et è contrario diuitum mensæ execrabiles & horridæ & morborum & contaminatione plenæ, in quibus molesta sunt hæc quæ delectabilia videntur. Item sobrietas gratiam hominum comparat, sicut eius oppositum hominibus exilium reddit. Eccles. 31. *Vtere quasi homo frugi his quæ tibi apponuntur, & non cum manducas multum odio habearis.* Idem Deum glorificat. 1. Corinth. 10. *Sine comeditis, sine bibitis sine aliquid facitis, omnia in gloriâ Dei facite.* gloss. Si quid manducas & bibis, sumis ad refectiorem corporis, reparationem membrorum, gratias tribuens ei qui tribuit mortali & fragili ista supplementorum solatia: Cibus tuus & potus laudat Deum. Sobrietas etiam in conuiuuiis nostris, Deum pascit, providendo ibi puritatem in qua ipse delectatur. Cant. 2. *Qui pascitur inter lilia.* Item sobrietas munditiam prouidet vbi maximè immunditia displicet: scilicet in ore & ad mensam. Inter membra in ore maximè displicet immunditia. In mensa etiam multum placet munditia, 2. Paral. 14. *Proponuntur panes in mensa mundissima.* Et Leuit. 24. iubentur duodecim panes propositionis statui super mēsam purissimam. Sobrietas ornamentum mensæ est. Bernar. ad fratres de monte Dei: Si manducas, mensam tuam per se satis sobriam sobrietas tua præzornet. Item sobrietas offensam Dei cauēt, vbi maximè cauenda est, scilicet cum bonis Dei vtimur. Magna iniquitas est cum Deo hostiliter agere cum in mensa eius sumus. Cauent latrones ne noceant aliquot diebus his cum quibus comederunt. Item sobrietas seruat rationis libertatem quam eius oppositum impedit. Eccles. 31. *Ne comprimas in conuiuio*

*vini.* Hieron. in epistolis. Qui inebriatur & mortuus est, & sepultus. August. Non est aliud ebrietas quàm manifestissimus demon. Huiuscemodi enim vir cum se bibere putat vinum, bibitur à vino. Sobrietas pessimam seruitutem excutit, scilicet seruitutem corporis quod ad seruendum datum est spiritui, & nobilitatem animæ seruat Eccles. 10. *Beata terra cuius rex nobilis est, & cuius principes vescuunt in tempore suo ad reficiendum, & non ad luxuriam.* Item sobrietas membrum valde nobile regit, os scilicet: sensum etiam pertinentem ad esse scilicet gustum dirigit, circa quem, vitium valdè periculosum est. Destructiuum enim potest esse ipsius, & esse occasio magnæ infirmitatis, vel mortis. Item sobrietas opus necessitatis regit, in quo sine ipsa frequenter erratur & à iuuenibus & à senibus. Item ad intelligentiam præparat. Vnde Dan. 1. *Pueri qui cibos regios contempserunt grossis cibis contenti, intelligentiores ceteris inueniuntur.* Item vigilantiam seruat ad quam Deus monet. Matt. 14. & 25. & 26. Et Luc. 21. Et Marc. 13. Vnde notabiliter sobrietas & vigilia sociantur. 1. ad Thes. 4. *Vigilemus, inquit, & sobrii simus.* Et 1. Pet. 5. *Sobrii estote & vigilate.* Item, ministerio Dei idoneum efficit. Vnde 1. Timoth. 3. Vbi ostenditur qualis debet esse minister Dei. dicitur *Sobrium, ornamentum, &c.* Et ad Titum 1. *Prudentē, sobrium, iustum, &c.* Item ab igne infernali, scilicet luxuria seruat. Vnde pueri qui abstinentes fuerunt, à fornace Babylonica illæsi exierunt. Dan. 3. *Sobrietas filios Dei fugientes Ægyptios infernales, per siccum ad terram promissionis perduxit.* Exod. 14. *Filij Israel ambulauerunt per siccum, &c.* Qui sobrietatem non habent, in aquis voluptatum submerguntur. Sobrietas primum congressum habet in bello spirituali. Sine ipsa ceteræ virtutes frustra pugnant, Gloss. super Matth. 4. Nisi gula prius refrænatur, frustrà contra alia vitia laboratur. Qui poplite flexo aquam biberunt, non permissi sunt ire ad bellum cum Gedeone. Iudic. 7.



Poplite flexo aquam bibit qui voluptuose comedit. Item sobrietas diabolo aufert ingressum in homine: & sic videtur ei auferre dominium. Non videtur Dominus esse castri qui non habet ibi ingressum. Sobrietas diabolum in arido ponit ubi ipse non quiescit Matth. 12. *Ambulat per loca arida quarens requiem, & non inuenit.* Piscis infernalis in arido positus palpitat: vt de pisce Tobiz legitur Tobiz 6. *Elā. 50. Computrescent pisces sine aqua.* Fames lupum de nemore exire facit: sic sobrietas diabolum de homine. Ipsa carni concupiscenti aduersus spiritum victualia aufert, & igni concupiscentiarum ligna subtrahit vnde diminuitur vel deficit. Ipsa carnem in potestate sua habet. Genes. 16. *Ecce ancilla in manu tua est, utere ea ut lubet.* Ipsa enim ad modum lapidis pretiosi hominem custodit, ne cibus vel potus ei noceat. Si sobrietas desit dum corpus repletur anima euacuatur, homo de pauperatur. Prouerb. 31. *Qui agit epulas, inegestate erit. Deus blasphematur.* Gloss. super illud 1. ad Cor. 10. *Sine comeditis, sine bibitis, &c.* Si modum naturæ debitum immoderatione voracitatis excedis, & vinolentia te ingurgites, quantalunque laudes lingua sonet, vita blasphematur. Item venter deificatur, ad Philip. 3. *Quorum Deus venter est.* Porta oris aperta, exercitus vitiorum ingreditur. Iob 30. *Quasi raptus maro & aperta ianuairruerunt super me.* Sine sobrietate mensa homini est in laqueum. Ecclesiast. 9. *Sicut pisces capiuntur hamo, & aues comprehenduntur laqueo: ita capiuntur homines tempore malo.* Tempus malum & periculosum est homini non habenti virtutem sobrietatis tempore prandij. Sap. 14. *Creatura Dei in odium facta sunt, & in tentationem hominum, & in mulpaliam pedibus insipientium.*

## De officiis Sobrietatis.

Officia  
sobrietatis  
duo.

**S**obrietatis officia duo sic distinguipossunt. Vnum est cauere excessum in

cibo. Aliud est cauere excessum in potu. Seneca: Ede citra saturitatem, bibe citra ebrietatem. Lucz 21. *Attendite ne grauentur corda vestra crapula & ebrietate.* Crapula quandoque sumitur pro excessu cibi solum, vt in prædicto verbo. Quandoque vero communiter pro excessu in cibo, vel potu: vt Ecclesiast. 37. *Propter crapulam multi obierunt, qui autem abstinentes est, adiiciet vitam.* Et in Psal. Tanquam potens crapulatus à vino. Similiter nomen ebrietatis quandoque sumitur pro excessu in potu solum: vt ad Rom. 13. *Non in comestationibus & ebrietatibus.* Gloss. Etiam genere masculino dicimus calicem aptum potationi, à quo dicitur ebrietas, quæ est nimia potatio vini. Quandoque vero nomen ebrietatis sumitur communiter pro excessu in cibo vel potu. Et notandum quod sobrietas non ponit modum siue mensuram solum circa quantitatem cibi, vel potus, sed ponit modum quantum ad omnes circumstantias. Qui enim sobrius est, sumit cibum & potum quantum debet, & quando & quomodo debet. Vnde possumus distinguere quinque officia sobrietatis. Primum est, cauere ne statutum prandendi terminum præueniamus. Qui tempus præuenit, non expectat donec falsa præparata sit, scilicet fames, vnde cibum insipidum comedit. Ecclesiast. 10. *Beata terra cuius rex nobilis est, & cuius principes comedunt in tempore suo.* Secundum est, cauere ne cibos lautiores quæramus. Seneca: Victus sit tibi ex facili re: nec ad voluptatem, sed ad cibum accedere. Palatum tuum fames exciter, non sapor. Desideria tua paruo redime, quia hoc tantum curare debes vt desinant. Tertium est deuitare studiositatem præparandi cibos. Studiose cibos præparare, est hostis nostri gladium acutere. Cibus enim delicatus est gladius quo caro vititur contra spiritum. 1. Petr. 2. *Obsecro vos tanquam aduenas & peregrinos, abstinete vos à carnalibus desideriis quæ militanti aduersus animam.* Quartum est, ni-

Quinque  
alia.

1.

2.

3.

4.

mium appetitum cibi vel potus refranare. August. Fieri potest vt sine aliquo vitio cupiditatis vel voracitatis preciosisſimo cibo ſapiens vtatur. Inſipiens autem fortidiffimę gulę flamma in viliffimum cibum ardeſcat, & ſatius quiſque more Domini maluerit piſcibus veſci, quàm lenticula more Eſau. Non propterea continentiores nobis ſunt pleręque beſtię, quia vilioribus eſcis aluntur. Quintum eſt, meſuram reſectionis non excedere. Ezech. 4. *Cibus tuus quo veſceris erit in pondere.* De hac materia require in tractatu, de vitio gulę. Solet autem quæri vtrum quælibet ebrietas ſeu quilibet exceſſus incibo vel potu virtutem ſobrietatis deſtruat; quod ſi verum eſſet, omnis exceſſus in cibo vel potu mortale peccatũ eſſet: virtutem enim eius non deſtruit niſi mortale peccatum. Ad hoc dicendum quod duplex eſt modus ſue meſura ad ſobrietatem pertinens, Vnus attenditur in compenſuratione naturę. Vnde meſurate ſumit cibũ vel potũ, qui ſumit quod neceſſarium eſt, & ſufficit naturę. Immoderate verò qui ſumit pluſquàm neceſſariũ eſt. Et iſte exceſſus poteſt eſſe & venialis & mortalis. Vnde non omnis talis exceſſus deſtruit virtutem ſobrietatis. Alius modus attenditur in comparatione boni temporalis ad æternum. Vnde ſecundum hoc modum ſeruat quis in ſumendo cibum & potum, quando temporale bonum non præfert vel æquat æterno bono. Immoderate verò ſe habet ſumendo cibum & potum, cùm temporale bonum præfert vel æquat æterno. Et talis exceſſus mortale eſt peccatum, & deſtruit virtutẽ ſobrietatis.

## CAPVT X.

*De diuiſione Temperantia, quę eſt circa delectationes quę ſunt ſecundũ tactum. Et de iſta parte Temperantia, quę pertinet ad membra generationi deputata, quę poteſt continentia appellari, ac eius deſcriptione, commendatione & diuiſione.*

**D**ICTO de ſobrietate quę eſt temperantia circa delectationes ſecundũ gustum, dicendum eſt de temperantia illa quę attẽditur circa delectationes ſecundũ tactum. Multiplex verò eſt delectatio ſecundũ tactum. Quędam eſt in ſuauitate veſtium, quędam in ſuauitate lectorum, quędam in ſuauitate vnguentorum, quędam in ſuauitate balneorum. Quędam verò in carnali contactu, quę duplex eſt: quędam pertinens ad membra generationi deputata, quędam pertinens ad cętera membra. Temperantia verò circa delectationes prædictas vocari poteſt continentia. Maximè verò vſitato ſermone, continentia vocatur temperantia illa quę cauet illicitas delectationes ſecundũ tactum, quoad membra quę generationi deſeruiunt, quę ſic deſcribitur. Continentia eſt abſtinentia ab omni coitu illicito. Et eſt hæc virtus multũ neceſſaria: regit enim membra illa in quibus maximè ſauit concupiſcentia: mouentur enim quandoque homine inuito vel dormiente. Et dicitur in lib. de natura animal. quod accidit hominibus & quadrupedibus coitum deſiderantibus ſubitò ſpermatizare quibuſdam ad tactum mutuũ, aliis ad ſolum aſpectum. Horum membrorum effrenatio multũ periculofa eſt, vt oſtenſum eſt in tractatu de vitio Luxurię. Cũ generatio ſit ingreſſus in eſſe, ipſa eſt velut quędam porta diligenter cuſtodienda. Cuius Deus vult Dominus eſſe, ideò in membro generationi deputato ſpecialiter voluit ſignum ſuum ponere, ſcilicet circumciſionem. Circumciſio ſpecialis figura videtur fuiſſe continentia. Continentia in Scriptura ſacra multum nobis ſuadetur. Exod. 10. *Reſes veſtros accingetis.* 4. Reg. 4. *Accinge lumbos tuos.* Iob. 38. *Accinge ſicut vir lumbos tuos.* Luc 12. *Sint lumbi veſtri præcincti.* ad Ephel. 5. *State ſuccincti lumbos veſtros.* Continentia zona aurea eſt ſponſę regis cęleſtis ad decorem data. Daniel 10. *Eccẽ vir vnus veſtitus lincis, reſes eius accincti auro obrizo.* Apoc. 1. *Vi-*  
di

Delectatio ſecundũ tactum multiplex.

*Et Ioannes similem filio hominis praein-*  
*ditum ad mammillas zona aurea. Eiusdem 15.*  
*Exierunt septem angeli praeincti zonis au-*  
*reis circa pectora. Zona aurea circa mam-*  
*millas vel pectora, est continentia carnis.*  
 Aurum in igne seruatur: continentia igne  
 luxuriae non laeditur. Ad commendatio-  
 nem continentiae faciunt ea quae valent  
 ad detestationem luxuriae. Ad commen-  
 dationem continentiae faciunt ea quae va-  
 lent ad detestationem luxuriae. De qui-  
 bus require in tractatu de Luxuria. Et no-  
 tandum quod tres sunt partes continetiae.  
 Inter continentes enim qui à coitu illicito  
 abstinēt, quidam sunt qui ita abstinēt à  
 coitu illicito, quod vtuntur licito, quorum  
 continentia dicitur coniugalī. Quidam  
 verò non solum abstinēt ab illicito, sed  
 etiā à licito. Quod contingit in duplici  
 statu. Vel in eis qui fuerunt in matrimo-  
 nio. Quantum verò ad personas quae non  
 fuerunt in matrimonio, non habet specia-  
 le nomen quo vocetur.

Partes cō-  
 tinentiæ  
 sunt tres.

## CAPVT XI.

*De continentia virginali, & primo de*  
*distinctione nominis virginittatis, ac*  
*eius descriptione, de eius commendatio-*  
*ne, de his quae Virgines timere de-*  
*beant, de triplici aureola, & quinque*  
*causis propter quas multum competit*  
*officio praedicationis abrenuntiatio*  
*propriorum.*

**I**Nter has verò tres species continentiae,  
 primo dicetur de virginali, quae ceteris  
 prior est & tempore & dignitate. De qua  
 hoc ordine dicetur. Primo, ostendetur  
 quot modis nomen virginittatis sumitur.  
 Secundo, descriptio virginittatis ponetur  
 & exponetur. Tercio, commendationi eius  
 insisteretur. Quarto, de his quae specialiter  
 virginibus sunt timenda. Quinto, tangi-  
 tur de triplici aureola virginittati debita.

## De distinctione nominis Virginittatis.

**C**irca primum notandum, quod nomen  
 virginittatis quadrupliciter sumitur. Nomen  
Virginittatis  
sumitur qua-  
druplici-  
ter.  
 Quandoque pro incorruptione fidei. 2. ad  
 Cor. 11. *Respondi vos uni viro virginem*  
*castam exhibere Christo.* Gloss. Aug. Virgini-  
 tas cordis fides est incorrupta. Quando-  
 que carnis integritas. Vnde gloss. Aug. su-  
 per verbum praedictum: Virginittas carnis  
 corpus est intactum. Idē contra Iulianum:  
 Pudicitia est res mentis, virginittas corpo-  
 ris. Quandoque autem pro pudicitia men-  
 tis cum integritate carnis, quantum ad pro-  
 positum seruandi eam. Sic virginittas man-  
 sisset in Lucia, si inuita fuisset corrupta.  
 Quandoque vero pro pudicitia mentis cū  
 integritate carnis, non solum in proposito  
 seruandi eam, sed etiā in re. Et virginittas  
 sic sumpta excellenter accipitur: & habēti-  
 bus virginittatē talem conuenit deferre an-  
 nulum aureum in Ecclesia militante, in si-  
 gnum quo sunt sponsae Christi. In trium-  
 phante verò Ecclesia meritò huius virgini-  
 tatis aureola reddetur.

## De descriptione Virginittatis.

**C**irca secundum, notandum quod virgi-  
 nittas sic describitur: Virginittas est in  
 carne corruptibili perpetua incorruptionis  
 meditatio, id est propositum seruandi per-  
 petuam incorruptionem. Carnē verò cor-  
 ruptibilem, intellige carnem possibilem  
 corrumpi: siue necessario corrumpatur, vt  
 in statu peccati: siue possibilem corrumpi,  
 vt fuit caro Adam in statu innocentiae. Et  
 notandum, quod corruptio carnis quae ac-  
 cidit ei quae habet propositū cauendi car-  
 nis corruptionem omnino cōtra suam vo-  
 luntatem, non priuat eam aureola. Vnde di-  
 xit Lucia. Si inuitam me violaueris, casti-  
 tas mihi duplicabitur ad coronam. Aufert  
 tūc insignia, quae dantur specialibus spon-  
 sis Christi in Ecclesia militante, vt est an-  
 nulus aureus. Aug. Virgines quae corruptae  
 sūt semel, nō audeāt se lacris virginibus ad-  
 aequare. Leo papa famulae dei quae oppres-  
 sione barbarica integritatē perdidērūt pu-

Gg

doris, laudabiliores erūt si se incōtaminatis non audeant cōparari virginibus. ratio huius est, quia in militante Ecclesia operamur secūdum iudicium humanum, quod est secūdum illud quod apparet. In triumphante verò secūdum diuinum. *Dens autem instructur cor.* 1. Reg. 16. Vnde cū non appareat quod inuita sit corrupta, non defert insignia virginalia. Corruptio verò carnis ex voluntate mentis proueniens, siue cum culpa, vt extra matrimonium, siue siue culpa, vt in matrimonio, priuat annulo aureo in præsenti, aureola in futuro. Corruptio verò mentis si per pœnitentiam reparata fuerit, & finale propositum seruandi carnis integritatem affuerit, non priuat annulo aureo in præsenti, nec aureola in futuro. Integritas verò carnis in ea, quæ carnis opus appetit, non est digna aureola. Hieron. Nihil prodest carnem habere virginalē, si mente quis nupserit. Augustin. de Virgin. Felicior mihi videtur nupta mulier, quàm nuptura virgo: habet enim iam illa quod ista cupit, præsertim si nondum sponsa cuiusquam fuit. Illa vni studet placere cui data est: hæc multis, incerta cui placere, cui danda est. Hæc vni pudicitiam cogitationis defendit à turba, quod non adulterum, sed maritum quærit in turba.

*De commendatione Virginitatis.*

**N**Otandum quod virginitas est pretiosus thesaurus absconditus in agro corporis. Matth. 13. Pretiositas huius thesauri tāta est, vt ipse non solum sit pretium gloriæ æternæ, quæ omnibus electis est communis, sed etiam specialis gloriæ. Debetur enim ei non solum aurea, sed etiam aureola. Exod. 25. præceptum est vt fieret mensa, & super mensam corona, & super coronam coronula, quæ figurata est aureola. Istum thesaurum qui inuenit abscondit: quia qui eius pretiositatem intelligit, seculo renuntians monasterium sibi elegit, vbi in abscondito faciei Dei viuunt. Ber. Necesse habemus abscondere si quid ha-

bemus boni: quoniā thesaurū regni cœlorū qui inuenit homo abscondit: propter quod in claustro & syluis abscondimur. Nec hoc infructuosè. Credo enim hīc esse si quartam partem eorum quæ facit in saculo acitaret, qui non vt sanctus adoraretur, reputaretur vt Angelus. Nunc autem quotidie tanquam negligens increpatur. Thesaurus iste regno cœlorum similis est: Vita enim virginum cœlesti vitæ multum assimilatur. Matth. 25. *Simile est regnum cœlorum decem virginibus.* Virginitas ponit in statu cœlesti, quantum ad incorruptionem carnis. Matth. 21. *In resurrectione neque nubent, neque nubentur: sed erunt sicut Angeli Dei.* Bernard. loquens de castitate, cuius dignior species est virginitas: Hæc sola in hoc mortalitatis loco & tempore quendam statum immortalitatis gloriæ repræsētat. Hæc instar odoriferi balsami quo condita cadauera incorrupta seruantur, sensus, & artus cōrinet & stringit. Virgines designatæ sūt per pelles hyacinthinas quæ in tabernaculo superiores fuerunt. Exod. 26. Et ibi dicit gloss. Bedæ. Hyacinthus est cœlestis coloris. Et subditur: Per pelles ergo hyacinthinas exprimi virtutē illorum qui mortificatis illecebris carnis, cœlestem in terris vitam gerunt, & inter homines positi angelicam puritatem imitantur: quia neque nubent, neque nubentur. Et subditur: Merito ergo pelles hyacinthinae supremum locum tenent, & color cœlestis cœlo proximum. Cyprianus: Imaginem eius qui de cœlo est, portat virginitas. Ambr. super illud ad Cor. 7. *Bonum est homini sic esse.* Supergreditur virginitas conditionem humanæ naturæ, per quam homines Angelis assimilantur. Maior tamen victoria est virginū quàm angelorum. Angeli enim sine carne viuunt: homines verò virgines in carne triumphant. Hier. in carne præter carnem viuere, non terrena vita est, sed cœlestis. Ber. in epist. Angelus habet virginitatem, sed non carnem. Sanè felicior quàm fortior in hac parte. Optimus & optabilis valde ornatus ille, qui & ange-

Virginitas ponit in statu cœlesti.

Virgines angelis assimilantur.

Virgines  
similes  
regno  
cælorū.

lis possit esse inuidiosus. Renuit angelus adorari à Ioanne virgine, Apoc. vlt. *Vide inquit, ne feceris: cōseruus tuus enim sum.* Virgines etiam similes regno cælorū sunt diuina in habitatione. Deus enim habitat in cælis. Regnum cælorum absconditū est. Mira res cum terra in cælo recludi debeat, in virginibus cælum terræ includitur. Esa. 50. *Induam cælos tenebris, & ponam sacrum operimentum eorum.* Luc. 12. *Regnum Dei intra vos est.* Vita virginum vita regia est, cum ipsæ sint sponsæ regis cælestis, & idè reginæ. Ipsæ etiam regnant in regno sui corporis. Virgines enim figuram tenent Ecclesiæ triumphantis, idè non consecratur nisi virgo, licet episcopus consecratur, qui virgo non est. Sanctitas enim virginis, sanctitatem signat Ecclesiæ triumphantis, cum sanctitas episcopi significet sanctitatem Ecclesiæ militantis. Virginibus competit illud. 1. ad Cor. 4. *Habemus thesaurū in vasis fictilibus.* Virginitas thesaurus est niueus. Iob. 18. *Nunquid ingressus est thesaurus nius?* Thesaurus propter preciositatem. Eccles. 25. *Non est digna ponderatio continentis animæ.* Niueus propter puritatem. Virgines propter puritatem lilio comparantur. Canticor. 2. *Sicut lilium inter spinas, &c.* Item: *Qui pascitur inter lilia.* Et notandum, quod virginitas flos est, qui si debito modo seruetur, non decedit: quæ ventus vanæ prosperitatis non deiicit, nec hyems aduersitatis lædit. Hunc Ioānes Euangelista fere centū annis seruauit. Hic est flos qui omnem fructum terrenum excedit, cum etiam fructui coniugali componatur; hac occasione beatus Mattheus occisus est, quia noluit consentire vt Iphigenia quæ virginitatem vouerat, cuidam regi nuberet. Flori virginitatis Deus pro fructu accedit. Sap. 3. *Felix sterilis & coinquinata, quæ nesciuit totum in delicto, habebit fructum in respectu animarū sanctarum.* Super hunc florem Spiritus S. quiescit. Es. 40. *Flos de radice eius ascendet, & requiescet super eum Spiritus Domini.* Virgo non est arbor sterilis & maledicta: sed terreno

fructui præponit cælestem, & carnali spiritualē. Esa. 56. *Non dicat eunuchus: ego lignum aridum.* Ibidem promittit Dominus nomē eunuchis melius à filiis & filiabus. Nō est angelus arbor sterilis vel maledicta, etsi fructum carnalem non habeat. Hier. Nuptiæ terrā replent, virginitas paradisum. Et notandum quod lilium sex habet folia cādida, & aliqua grana quasi aurea. Velut sex folia in virgine sunt sex quæ valent ad conseruationem incorruptionis.

Sex custodiunt  
Virginitatem.

Primū est sobrietas, quod folium lacerat, excessus in cibo & potu, quasi quædā spina, quæ via est ad luxuriā. Loth inebriatus perpetravit incestum. Gen. 19. Prou. 20. *Luxuriosa res est vinū.* Secundū est labor. Quasi spina lacerans est quies ignauitæ, vel otiositas quæ est via ad luxuriā. Ezech. 16. *Hæc fuit iniquitas Sodome fororū tuæ, superbia, saturitas panis, abundantia, & otium.* Tertiū est, habitus asper & humilis. Ber. in ep. Vt ætatem tenerā ordinis asperitas teneat, memento quod asperior carduus pannum facit leniōrē, & conuersatio conscientiam. Velut spina lacerans est superbus habitus vel mollis, quæ via est ad luxuriā. Num. 25. *Filij Israel fornicari sunt cum mulieribus Moabitarum quæ se ornauerant.* 1. ad Tim. 2. *Non intortis crinibus, aut auro, vel margaritis, vel veste pretiosa: sed quod deceat mulieres promittentes pietatem.* Quartum est, custodia sensuū, præcipuè illorum qui nobis remora ostendūt, vt est visus, vel auditus. Velut spina lacerans est curiositas vidēdi vana, vel audiendi noua, quæ via est ad luxuriā, vt patet in Dina filia Iacob, quæ egressa vt videret mulieres regionis illius, corrupta est à Sichē filio Emor. Gen. 34. Quintum est, modestia sermonis. Velut spina lacerans est loquacitas, vel turpitudine sermonis. Sen. A verbis turpibus abstinet, quia licentia eorum imprudentiā nutrit. Prou. 7. *Ecce mulier occurrat illi ornata meretricio præparata ad capiēdas animas garrulas.* 1. ad Cor. 5. *Nolite seduci, Corumpunt enim bonos mores confabulationes pessimæ, vel colloquia mala.* Hier. Si sermo

1.

2.

3.

4.

5.

Virginitas  
flos  
est.

virginis prudens, modestus, & rarus: nec tam eloquentia pretiosus, quàm pudore. Sextum est, fuga occasionum peccadi. Vultu spina lacerans est nimia domesticitas: virgo debet esse aliquantulum syluestris, syluestria animalia solèt habere pulchriorem pellem quàm domestica. Oportunitas peccandi via est ad luxuriam: vt patet in Thamar corrupta ab Amō fratre suo, quia sola cum solo fuit in thalamo. 2. Reg. 13. Gen. 8. *Nestes in omni loco circa regionem.* Ber. Solèt virgines quæ veræ virgines sunt, semper esse pauidæ & nunquam esse securæ: & vt caueant timenda, etiam tuta pertimescere: Quasi grana aurea sunt tres modi diligendi Deum, quos distinguit. Bern. dicens: Disce amare dulciter, amare prudenter, amare fortiter. Dulciter, ne i'lecti: prudenter, ne decepti; fortiter, ne oppressi ab amore Domini auertamur. Vel grana aurea possunt intelligi motus diuini amoris ex diuersis causis procedentes. Amandus enim est Deus, quia creator, quia remunerator. Item virginitas principium est spiritualis pulchritudinis. Pulchritudo sponsæ sicut & pulchritudo sponsi consistit in candore & rubore. Cant. 5. *Dilectus meus candidus & rubicundus.* 1. Corint. 15. Qualis cœlestis, tales & cœlestes. Dignior verò species candoris spiritualis est virginitas. Bern. Candor lucis æternæ est sapientia, & candidam oportet esse animam in qua ipsa sedere elegerit. Virginitas thronus eburneus veri Salomonis est. 3. Reg. 10. *Fecit Salomon thronum de ebore grâdem.* Virginitas animam Dei sponsam efficit. Vnde Leuit. 21. dicitur de summo sacerdote, *Virginem ducat uxorem.* 3. Reg. 1. *Quaramus domino nostro regi adolescentulam virginem.* Esther. 2. *Querantur regi puellæ virgines.* Psal. *Adducuntur regi virginæ.* Virginitas omnibus modis Deo coniungit, vnde Cant. 5. dicitur virginem à Christo: *Aperi mihi soror mea, amica mea, colubam & immaculata mea.* Eiusd. 4. *Veni de Libani sponsa mea,* &c. Libanus interpretatur candidatio. Virginitas Deo & homini-

bus grata est. Eccl. 40. *Ædificatio ciuitatis confirmabit nomen,* & super hanc mulier immaculata computabitur. Hyer. Multum distat inter puritatem virginalis animæ nulla contagione pollutæ, & sordes eius quæ multorum libidini subiacuit. Isid. Quidam in iuuentute luxuriosè viuētes, in senectute continentis fieri delectantur: & tunc eligunt castitati seruire, quando libido seruos habere contempsit. Virginitas velut campus est totius picturæ spiritualis: super eam picturam aliarū gratiarū ponit Deus. Eccl. 25. *Gratia super gratiam, mulier sancta & pudorata.* Virginitas Dei amicitia & familiarem reddit. Vnde Ioānes virgo specialiter vocatur discipulus quem diligebat Iesus. Ipse tanquam familiaris Christo supra pectus Domini recubuit. Ioan. 13. deuter. penul. *Amantissimus Domini habitabit confidenter.* Sap. 6. *Incorruptio facit esse proximum Deo.* Beda super Luc. Sicut Christus in summa pace natus est, vt se pacem diligere ostēderet: Ita de virgine natus est vt se virgineum decus diligere monstraret. Ad litteram, Christus toto tempore vitæ suæ fuit virgo, & virginem matrem habere voluit, & virginem patrē Ioseph creditur virgo fuisse, & Ioannes familiaris eius virgo fuit. Pl. *Ambulans in via immaculata, hic mihi ministrabat.* Virgines dulcius & tenerius à Deo diliguntur. Vnde Ioannes virgo positus est ad patres suos, tam extraneus à dolore mortis, quā à corruptione carnis noscitur alienus, vt dicitur in prologo super Ioan. Non enim transit de mundo per dolorem martyrii, vt alij Sancti & Apostoli. Virgines meritò in Deo delicias inueniunt, quia amore eius delicias carnis relinquunt. Ber. in epist. Quomodo ignis & aqua simul esse nō possūt: sic spirituales & carnales deliciæ in eodē se non patiuntur: vbi curiosa ciborum diuersitas, vbi diuitis supellectilis discolor varietas oculos pariter pascit, & cœlestis panis ieiunam deserit mentem. Num. 21. dicit Moyses. *Mulier quæ nouerit viros in coitu ingulate: puellas autē & omnes fœminas virgines reseruat:*

Virginitas facit hominē amicū Dei.

Psal. 100.

Psalm. 44.

initius agens cum virginibus, quàm cum corruptis. Virginitas agnū sequitur quocumque ierit. Apoc. 14. Ipsa etiam canticum novum, quod aliis cantandum non conceditur. Ad literam: solent virgines dulcius cantare quàm corruptæ, Apocalyp. 14. *Et cant, abant quasi canticum novum ante sedem, &c.* Et subditur: *Et nemo poterat dicere canticum illud, nisi illa centum, &c.* Hi sunt qui cum mulieribus non sunt coinquinati: virgines enim sunt. Gregorius in Pastorali. Singulariter canticum Agno cātare est, cum eo in perpetuum præ cæteris fidelibus etiam de carnis incorruptione gaudere. Virgines enim sunt superior pars Ecclesiæ. Cyprianus: Virginitas est portio illustrior gregis Christi. August. Nunc vobis, virgines, sermo est, ad quārū quo gloria sublimior, maior & cura. Apocalyp. 14. *Hi empti sunt ex hominibus primitiæ Deo & Agno.* Hieron. Si virgines primitiæ sunt: ergo viduæ, & quæ in matrimonio sunt erunt post primitias. Idem: Ecclesia matrimonium non damnat, sed virginitati subiicit. Idem: Virgo maioris pretij apud Deum est, dum id contemnit quod si fecerit non delinquit. Idem: Plus amat virgines Christus, quia sponte tribuunt quod sibi nō fuit imperatum. Item Hieron. loquens de illo verbo Apost. 1. ad Corinth. 7. *De virginibus præceptum Domini non habeo.* Quare, inquit, præceptum Domini non habet de virgine? Et responderet, quia maioris meriti est quod non cogitur & offertur. Virginitas difficile servatur, & ideo maioris meriti est. Idem: Libido honestas mentes libetius persequitur. Et iterum: Libido virginibus maiorē parit famem. Dulcius enim æstimatur quod neficitur. Virginitas expeditum & liberum reddit ad serviendum Deo 1. ad Corinth. 7. *Qui sine uxore est sollicitus est quæ Domini sunt, &c.* Et subditur: *Mulier innupta & virgo cogitat quæ Domini sunt, ut sit sancta in corpore & spiritu.* Hieronym. Si nihil aliud esset, & nulla merces virginem amplior sequeretur, sufficeret ei hæc sola

prælatio, cogitare quæ Domini sunt. Osee 10. *Divisum est cor eorum, nunc interibunt.* Virgines habet Deus tanquam proprios seruitutes. Vnde ad virginitatem pertinet illud Cantic. 2. *Dilectus meus mihi, & ego illi.* Virginitas in veste immaculata Deo ministrat. Apocalyp. 14. *Sine macula sunt ante thronum Dei.* Et competit illud Ecclesiast. 14. *In habitatione sancta corā ipso ministranti.* Luxuria vestem corporis maculat. In canonica Iudæ: *Odientes eam quæ carnalis est maculatam tunicam.* Esaiæ 9. *Vestimentum mistum sanguine erit in combustionem & cibis ignis.* Virgo castrum debilissimum tenet toto tempore vitæ suæ contra illum. De quo scriptum est Iob 14. *Non est potestas in terra quæ comparetur ei.* Et ideo merito super alios coronatur. Non coronabitur nisi qui legitime certaverit. 2. ad Tim. 2. Virginitati debetur fructus centesimus, cum continentia viduali debeatur fructus sexagesimus, & coniugali tricesimus. Matth. 13.

*De his quæ specialiter virgines timere debent.*

**N**Otandum quod sex sunt virginibus mulūm timenda. Primum est superbia. Augustinus in lib. de virginitate: Non solum prædicanda est virginitas ut ametur, verumetiam monēda ne inflectur. Idem in eodem: Superbia amplius amplioribus insidiatur. Non ergo talibus magnā curam humilitatis ingero, in quibus superbia ipsa confunditur: quo magis inest alicui vnde sibi placeat, eo magis vereor ne sibi placendo illi displiceat. *Qui superbi crescit, humilibus autem dat gratiam?* Idem in eodem: Metuo tibi vehementer, ne quum te agnum quocumque ierit secuturam esse gloriaris, eum per tumorem superbiæ per angusta ne possis. Et iterum: Bonum virginitatis quanto magnum video, tanto ei peccat futuram superbiam perti mesco. Eternardus super Miltus est: Pulchra permistio virginitatis & humilitatis non mediocriter placet Deo illa anima in qua humili-

1.  
Superbia.

tas commendat virginitatem, & virginitas exornat humilitatem. Potest placere humilitas quæ virginitatem deplorat amissam: sine humilitate audeo dicere, nec virginitas Mariæ placuisset. Maria virginitatem oblita gloriatur de humilitate, & tu negligendo humilitatem blandiris tibi de virginitate. August. in lib. de virginitate: Facilius sequuntur agnum, & si non quocunque ierit, certe quocunque potuerint coniugati humiles, quàm superbientes virgines.

2.  
fatui-  
tas.

Secundum est fatuitas. Hanc fatuitatem specialiter intelligo defectum charitatis. Si dilectio Dei est honorabilis sapientia. Eccl. 1. defectus diuinæ dilectionis est detestabilis fatuitas. Magna fatuitas non cauere defectum illius rei, sine qua cætera non profunt: *Fatue virgines non sumperunt oleum secum cum lampadibus.* Matth. 25. Bernard. in epist. Castitas sine charitate, lampas est sine oleo: subtrahere oleum, lampas non lucet: tolle charitatem, castitas non placet. Exempla quod magis tenentur virgines & castæ personæ diligere Deum & proximum, quàm aliæ. Primum exemplum est istud. Magis tenetur diligere medicum ille qui semper conseruatus est ab eo in sanitate, quam ille qui incidit in pluribus infirmitatibus, & postea sanatus est ab eo. Sic qui conseruatus est à Deo in virginitate, vel in castitate, magis tenetur diligere. Item magis tenetur diligere ille aliquem Dominum qui dedit ei equum bonum, qui bene & sane duxit & reduxit eum, quàm ille qui habuit ab eo equum licet bonum, tamen cecidit & læsit eum. Item magis tenetur diligere ille qui multa bona recepit ab aliquo Domino, quàm ille qui recepit ab eo debita dimissa.

2.  
Tepidi-  
tas.

Tertium est tepiditas, quæ solet accidere in virginibus ex hoc quod considerant se parum peccasse. Contra quod dicit August. in libro de virginitate: Quoniam veritas dixit, quod ille cui modicum dimittitur, modicum diligit: vos vt

ardentissime diligatis cui diligendo à coniugiorum nexibus liberi vacatis, deputate vobis tanquam omnino dimissum, quicquid à vobis non est illo regente commissum. Multo ardentius debes diligere illum qui flagitiosis ad se conuersis, quæcunque dimisit, in ea te cadere non permisit. Quid habes, quod non accepisti? aut qua peruersitate minus diligis à quo plus accepisti? Cogita omnia peccata sic habenda tanquam dimittantur à quibus Deus custodit ne committantur. Noli modicum diligere, quasi à quo tibi modicum dimissum est: sed potius multum dilige à quo tibi multum tributum est. Contra hanc tepiditatem valet virginibus, si habeant frequenter vinum sacræ Scripturæ, quod est vinum germinans virgines Zachar. 9. id est, affectiones virginales. Ad idem valet meditatio Dominicæ passionis. Thren. 1. Torcular calcavit Dominus virgini filię Iuda. Istud torcular fuit pressura crucis. In hoc torculari fuit pressura illa, de qua Genes. 49. *Lamabit in vino stolam suam, & in sanguine vna pallium suum.* 1. Machab. 6. Ostenderunt elephantis sanguinem vix & mori, ad acuendos eos in prælium. Hoc vinum Dei amore inebriat. Psalm. *Calix mens inebrians quàm præclarus est.*

Quartum est macula peccati, quæ in virgine est macula in gloria. Macula turpior est in veste alba: virginitas est vestis alba. Vnde bysso comparatur Prou. ult. *Bysus & purpura indumentum eius.* Ideo macula peccati valde indecens est in virgine. Hieron. Præclara est virginitas & pudicitie virtus, si non aliis macularum lapsibus infirmetur. Qui virginitatem carnis habent cum corruptione mentis, similes sunt sepulchris quæ exterius apparent hominibus. speciosa, intus verò plena sunt ossibus mortuorum. Matth. 23. Hieron. Nihil prodest virginitas corporis vbi operatur corruptio mentis. Idem: Illa virginitas hostia Christi est, cuius nec mentem cogitatio, nec carnem libido commaculat.

4.  
Macula  
peccati.



culat. Ad cauendam maculam peccati necessarium esset sponsa Christi frequenter inspicere in speculo. Speculum est Scriptura sacra. Gregor. Specula sunt Dei praecepta, quibus animae sanctae semper aspiciunt. Et si quae in eis sunt foeditates deprehendunt. Cant. 6. *Oculi eius sicut columbae super riuulos aquarum, quae lacte sunt lotae, & resident super fluentia plenissima.* Columba lacte lota est sponsa Christi cum puritate virginali, quae per fluentia sacrae Scripturae sedet, ut umbram accipiteris infernalis videat. Hieron. in epistol. Tanto maiori studio placendi opus est, quanto maior est ille cui placendum est: impossibile est quemquam Deo placere, si quicquid ei placeat ignorat. Fieri potest ut & obsequendi voto offendant, si quomodo obsequi debeat, ante non didicit. Aliud speculum est vita sponsi. Bernard. super Cant. Vtrumque es mihi Domine Iesu & speculum patiendi, & praemium patienti. Cum speculo etiam necessaria est ablutio quae per confessionem fit: unde cum lauatorio erant specula. Exod. 38. Bernard. in epist. Audi cui places, ama unde places: ama confessionem ob quam amaris, ama confessionem si affectas decorem. Confessionem iungitur decor. Psalm. Confessio & pulchritudo in conspectu eius. Lota facie, humilitate confessionis grata est Deo confessio laudis. Cant. 2. *Offendo mihi faciem tuam.* Ibid. *Sonet vox tua in auribus meis. Vox enim tua dulcis, & factus tua decora.*

5.  
Diuisio  
cordis.

Quintum est, diuisio cordis. Augustin. loquens de virginibus: Toto vobis figuratur in corde, qui pro vobis fixus est in cruce: totum teneat in animo vestro, quicquid nolueritis occupari connubio. *Na duplici corde.* Eccles. 2. Duplici corde est virgo, quae scilicet vult placere & Deo & mundo. Gregor. Nemo potest in vna eademque re omnipotenti Domino atque eius hostibus gratus existere. Nam Deo amicum se denegat, qui eius placet inimico. Bernard. in epistolis: Volens placere

hominibus, Deo non places. Si non places, non placeas. Signum quod virgo cor diuisum habeat & velit mundo placere, est exterior ornatus. In Psalm. *Omnis gloria filiae regis abintus.* Ambros. de virginitate: Deiecta decoris cura plus placet, & hoc ipsum quod vos non ornatis, ornatus est. Hieron. in epistol. Satis pulchram Deo crede faciem; sed hominibus apparere pulchra non studeas. Bernard. in epistolis: Filiae Babylonis quarum vere gloria confusio est, induuntur purpura & bysso, & subinde conscientia pannosa iacet: fulgent monilibus, & sordent moribus. Contra. Tu foris pannosa: intus speciosa resplendes: sed diuinis aspectibus, non humanis. Idem: Decor qui cum veste induitur, & cum veste deponitur, vestis proculdubio est non vestiti. Tu ergo noli xmulari in vanitatibus & mendicantibus pulchritudinem alienam ubi perdiderunt suam. Indignum tibi iudica formam à pelibus murum, & operibus vermium mutuari: tua tibi sufficiat. Ille est verus propriusque cuiusque rei decor, qui nulla interiacente materia per se inest. Idem: Vides nempe auro, argento, lapidibus pretiosis, & omni denique cultu regio non tam ornata, quam onerata. Vides post se longas trahentes fimbrias, & densas pulueris nubes excitantes in aera. Haec non temoueant: illae illa in morte deponent, te tua sanctitas non relinquet. Non sunt suae quae portant, & quum interierint non summent omnia. Mundus cuius sunt illis exeuntibus retinebit.

Sexto timendum est ne desit perseverantia. Augustin. in libro de virginitate: Sequimini agnum tenendo perseveranter: quod nouistis, ardentem facite quum potestis, ne virginitatis bonum à vobis pereat, cui facere nihil potestis ut redeat. Virginitas amissa non recuperatur, si lapsus contracta non redintegratur. Amos 3. *Virgo Israel profecta est in terram suam: non est qui suscitet eam.* Cum aliqua amiserit virginitatem, si totum mundum daret

6.  
Inttabilitas.

pro ea, & totus esset aurum, non recuperaret eam. Bernard. in epistol. Studeto perfecti-  
fiantia quæ sola coronatur. Idem: Scias diabolus soli semper perseverantia insidiari, quam solam virtutum novit coronari.

*De triplici aureola, scilicet prædicatorum, virginum, & martyrum.*

Gloria  
cælestis  
augeri  
potest  
varie.

**S**equitur de aureola, quæ est additio ad gloriam electis; debitam. Et notandum, quod multis modis potest fieri additio ad gloriam. Vno modo per augmentum charitatis, secundum quam mensuratur præmium: unde charitate augmentata maior gloria debetur. Secundo in resurrectione per gloriam corporis. Vnde super illud Exod. 25. *Et super illam alteram coronam aureolam*, dicit glossa. Corona aurea labio mensuræ apponitur, quum in scriptura dicimus egredientes de corpore animas in cælis æterna recipere præmia. Hæc aureola superponitur cum in Scriptura dicitur quod ei sublimior gloria in receptione corporum servetur. Tertio per opera supererogationis, siue per implementationem consiliorum. Vnde dicit quædam glossa. super prædictum verbum. Exod. *Corona aurea*, additur, cum per Evangelium his qui mandata custodiunt vita æterna promittitur. Matth. 19. *Si vis vitam ingredi, serva mandata*. Huic corona aureola supponitur, cum dicitur: *Si vis esse perfectus, vade, & vende omnia quæ habes, & da pauperibus*. Triplex autem est additio gloriæ, quæ communiter aureola dicitur. Prima est, quæ debetur his qui excellenter officium prædicationis exercent. Vnde super prædictum verbum Exod. dicit Interlin. In hoc figuratur remuneratio eorum qui in doctoribus excellent: excellentia vero ista secundum quosdam in hoc attenditur, quod cum prædicatione sit illud opus supererogationis, quod est abrenuntiatio propriorum, quæ supererogatio fuit in primis Ecclesiæ

Maac. 10  
Pastoribus  
aureola  
datur.

Prædicatori  
non  
cōpetunt  
propria  
& cur.

prædicatoribus, scilicet. Apostolis. Et notandum est, quod quinque de causis multum competit officio prædicationis abrenuntiatio propriorum.

Prima, ne hi qui contemptum temporalium prædicant, hoc facere videantur ut ea soli habeant.

Secunda est, quia qui habent officium prædicationis, oculi sunt Ecclesiæ. Oculos autem expedit longe esse à terra: modicum enim terræ oculo iniectum multum impedit visum. Sic amor terrenorum multum impedit spirituales visum. Eccl. 20. *Encania & dona excæcant oculos indicum*.

Tertia est, quia secundum Dei ordinationem officio prædicationis debita est ministratio necessariorum à subditis: ut probat Paulus 1. ad Corinth. 9. *Quis militat suis stipendiis unquam?* Et paulo post: *Si nos vobis spiritualia seminavimus, magnum est si nos carnalia vestra metamus?* Et iterum: *Deus ordinavit his qui Evangelium annuntiant de Evangelio vivere*. Item Gal. 6. *Communicet is qui catechizatur verbo, ei qui se catechizat, in omnibus bonis*. Matth. 10. *Nolite possidere aurum, &c.* Et subditur: *Dignus est operarius cibo suo*. Hieron. Considerandum est quod uni operi nostro duplex merces debetur: una in via, alta in patria. Vna quæ nos in labore sustinet: altera quæ nos in resurrectione remuneret. Beda: Hic merces inchoatur, & in cælo perficitur. Idem: Qui saccum & peram prohibuit, sumptus ex prædicatione concedit. Deut. 12. *Non alligabis os boni trituranti*. Luc. 9. *Nihil tuleritis in via*. In signum quod prædicator non debet ferre secum necessaria: sed alius debet ei ministrare, ferre alius pluuiar diacono lecturo Evangelium. Cantic. 2. *Lava eius sub capite meo*.

Quarta est, quia exercentes prædicationem specialiter reputantur operarii vineæ Dei: unde promissio eorum specialiter pertinet ad dominum vineæ. De operariis

1.

2.

3.

4.

rariis habetur Matth. 9. *Misisti quidem multos, operarii pauci.* Et eiusdem 20. *Misisti operarios in vineam suam.* Non reputat Deus operarios illos qui tantum propter corpus laborant: sicut non reputat dominus vineæ vindemiatores qui non diligit, nisi quod comedit. Chrysost. Opera nostra sunt opera iustitiæ, non ut agros colamus, non ut diuitias acquiramus. Idem: Sicut nemo conducit operarium ut hoc solum faciat quod manducat: sic nos non ideo vocati sumus ut hæc sola operemur quæ ad nostrum pertinent usum, sed ad gloriam Dei, sicut mercenarius totam diem impendit circa opus, modicam horam circa cibum: Sic nos omne tempus debemus impendere circa gloriam Dei, modicam partem circa terrenos usus. Beda: Tanta prædicatori debet esse fiducia in Deo, ut præsentis vitæ sumptus non ferat.

5. Quinta est, ut liberius operi prædicationis possint intendere, maxime vili. Qui enim habent diuitias, vel in toto, vel in parte sunt diuitiarum, nec proprii seruientes possunt esse Dei. Vnde Matth. 6. *Non potestis Deo seruire & mammonæ.* Mammona Syriâ linguâ diuitiæ. Chrysost. Diuitiæ à seruitute Dei nos expellunt, in suam captiuitatem. Vnde diuites dicuntur viri diuitiarum in Psal. Sen. Non estis si nostra non essent. Secunda additio gloriæ quæ aureola dicitur est illa quæ debetur virginitati. De qua gloss. super Exod. 21. Ad hanc cottonam pertinet canticum nouum quod virgines tantum coram agno concinunt, & quæ sequuntur quocunque ierit. Et super illud Apocalyp. 14. *Cantabant quasi canticum nouum ante sedem,* dicit interl. id est, de integritate animæ & corporis exultabunt. Tertia additio ad gloriâ, quæ aureola dicitur, est illa quæ debetur martyrio. Prima videtur pertinere ad vini rationalem & ad virtutem prudentiæ secundum illam speciem prudentiæ quæ dicitur docilitas, quæ videtur dignior species prudentiæ. Excellentissimum verò opus pertinet ad virtutem docilitatis; vi-

detur esse euangelizare. Hoc opus est valde difficile, vnde super illud 1. ad Cor. 1. *Non misisti me Deus baptizare, sed euangelizare,* dicit gloss. August. perfecte baptizare etiam minus docti possunt: perfectio autem euangelizare, multo difficilioris & rarioris est operis. Ad hoc quod aliquis perfecte euangelizet, oportet quod totus à Spiritu sancto occupetur: ut scilicet scientia sit in intellectu, charitas in affectu, dulcedo in sermone, lux boni exempli in opere. Opus istud angelicum est. Lucæ 2. *Euangelizo vobis gaudium magnum,* dixit angelus. Imo quodammodo diuinum est opus. Ad illud enim Deus in mundum venit. Esaia 61. *Euangelizare mansuetis misisti me.* Marc. 1. *Eamus in ciuitates & vicus proximos ut ibi predicet: ad hoc enim veni.* Vnde quum istud opus excellentissimum sit & quasi supra hominem, non est mirum si exercentes opus istud, supra ceteros homines remunerentur, maxime si excellenter illud exerceant, scilicet totaliter illo officio dediti sincere & libere. Sinceritas in hoc attenditur, ut exerceatur sine cupiditate temporalis lucri. Libertas in hoc quod sine timore temporalis damni. Exercentes hoc officium. hic præ honorandi sunt, & similiter in futuro præ honorabuntur. 1. ad Timoth. 3. *Qui bene præsumt presbyteri duplici honore digni habeantur, maxime qui laborant verbo & doctrina.* Et super illud ad Ephes. 1. *Ut sciatis quæ sit supereminens magnitudo virtutis eius in nos,* dicit gloss. Quoddam incrementum habebunt summi doctores, ultra illud quod omnes communiter habebunt. Daniel. 12. *Qui docti fuerint, fulgebunt quasi splendor firmamenti: & qui ad iustitiam erudiunt plurimos quasi stelle in perpetuas æternitates.* Sicut claritas stellarum excedit claritatem firmamenti: sic claritas doctorum claritatem cæterorum. Ipsi habebunt coronam non solum pro se, sed etiam pro aliis qui per eos saluati fuerint. Vnde super illud Phil. 4. *Fratres mei charissimi & desideratissimi gaudium meum & corona mea.*

Aureola  
dicitur  
Virgini  
Martyr.

Dicit gloss. Ambr. Per quos in presenti lætificor, & in futuro coronabor. Secunda videtur pertinere ad vim concupiscibilem & ad virtutem temperantiæ secundum illam partem eius quæ dicitur continentia virginalis. Virginitas triumphat de concupiscentia illa quæ sæuior est. In membris enim generationi deputatis maxime sæuit concupiscentia. Ipsa refrænât maiorem delectationem quæ sit: illam scilicet quæ est secundum tactum, & excellenti modo: integritate scilicet carnis, vel incorruptione seruata. Ipsa etiam gloriam filiorum amoris Dei contemnit: unde non est mirum si gloria eius in futuro cumuletur. Tertia aureola videtur pertinere ad vim irascibilem, & ad virtutem fortitudinis. Martyrio enim superatur mors quæ est maximum terribilium. Unde non est mirum si martyres præ cæteris remunerantur. Et ut vno verbo dicatur, in carne præter carnem viuere, euangelizare, mortem non timere, supra hominem esse videntur, unde merito horum operum fiet remuneratio super cæteros. Aureola videtur pertinere ad virtutem iustitiæ: qui hoc triplex meritum habent. Speciales imitatores Christi sunt in præsentī vita, & speciales imitatores eius erunt in gloria. Christus fuit virgo, prædicator, & martyr. Et Ioan. Bapt. à quo incæpit euangelizatio regni cœlestis. Decebat vas integrum esse & syncerum per virginitatem in quo repositum erat balsamum cœlestis sapientiæ dispensandum per prædicationem, & candori mūditiæ fociari decuit candorem sapientiæ: & ut nullus locus remaneret dubitationi, veritatem doctrinæ necesse fuit confirmari morte. Nullus enim sani capitis auderet mendacium morte propriā confirmare.

## CAPVT XII.

*De Continentia Viduali.*

**D**icendum est de aliis duabus partibus continentię. Et primū de illa

quæ est abstinentia ab omni coitu post experientiam carnalis operis. Hæc enim continentia dignior videtur esse continentia coniugali, cum ei debeatur fructus sexagesimus. Matth. 13. Similior etiam videtur esse virginali continentię, quum abstineat ab omni coitu sicut & ipsa. Hæc species verò continentię cum non habeat nomen proprium quo nominetur, quandoque vocatur castitas: quod nomen generalius solet accipi pro continentia quacunque: quandoque verò nominatur continentia vidualis, quæ est species ipsius. Abstinentia enim ab omni coitu in carne corrupta, quædam est vidualis, ut illorum qui fuerunt in matrimonio: quædam vero non est vidualis, ut illorum qui non fuerunt in matrimonio, ut sunt ministri Ecclesiæ. Ad commendationem castitatis facit illud Bernard. in epistolis: Quid castitate decorius, quæ mundum de immundo conceptum semine, de hoste domestico, angelum denique de homine facit? Differunt quidem inter se homo pudicus & angelus, licet felicitate, non virtute. Sed & si illius castitas fecilior, huius tamen esse fortior cognoscitur. Multa etiam de his quæ posita sunt ad commendationem continentię in genere vel virginitatis referri possunt ad commendationem castitatis. Castitas verò vidualis commendatur exemplo turturis quæ vni marito associatur in tota vita sua: ut legitur in libro de natura animalium. Hanc etiam commendat Apostolus 1. ad Corinth. 7. dicens: *Dico autem innuptis & viduis: bonum est illis si sic permaneant sicut & ego: quod si non se continent, nubant: melius est nubere, quàm vri.* De hoc commendatur Iudith 15. eiuld. *Confortatum est cor tuum, eo quod castitatem amaueris, & post virum tuum alium nescieris, ideo eris benedicta in æternum.* Ad castitatem vidualem incitare potest personam relictam vnitas quæ fuit & carnalis & mentalis, inter eam & comparem suum dum viueret. Fuerunt enim duo in carne vna. Genes. 2. & Matth. 19.

Et subditur: *Itaque iam non sunt duo, sed vnacaro*; ergo persona relicta quasi semimortua est. Vnde satis rationabile est vt non multum adhzreat huic seculo: sed magis cogitet de alio in quo iam est quasi dimidia, & in breui tota futura. Vnde August. 4. l. Conf. loquens de quodam amico suo defuncto: Benedixit quidam de amico suo, Dimidium animæ suæ, nam ego sensi animam meam & animam illius vnā fuisse in duobus corporibus: & ideo horrore erat mihi vita, quia nolebam dimidius viuere. Bernard. super Cant. loquens de fratre suo Gerardo defuncto: Quum essemus cor vnum & anima vna, hanc meam pariter & ipsius animam pertransiuit gladius, & scindens mediam partem locauit in cælo, partem verò in cæno deseruit. Ergo illa portio misera in luto iacens, truncata parte sui & parte potiori. Ad vidualem etiam castitatem incitare potest oppressio filiorum quam facere solent secundi mariti filiis qui fuerunt de primo marito. Et tribulatio experta quam habent qui sunt in coniugio 1. ad Cor. 7. *Tribulationem carnis habebunt huiusmodi*. Gloss. Pro necessariis rebus prouidendis sibi, & filiis. Ad idem incitare potest impedimentum Deo seruendi. 1. Cor. 7. *Hoc ad utilitatem vestram dico: non vt laqueum vobis iniiciam, sed ad id quod honestum est & quod facultatem præbeat sine impedimento Domino obseruandi. Si quis autem, &c.* Et notandum quod castitas vidualis specialiter commendabilis est in iuvene quæ modicum fuit cum viro quum postea toto tempore vitæ suæ continet. De hoc commendatur Anna Luc. 1. *Hæc processerat in diebus multis, & vixerat cum viro suo annis VII. à virginitate sua. Et hæc vidua usque ad annos LXXXIV.* Hieron. Perfectæ virtutis indicium est, renuntiare subito ex parte voluptati, fugere notas carnis illecebras & calentis adhuc ætatis flammam fidei ardore extinguere. Et notandum quod mulier quæ vidualem castitatem vult seruare,

debet occasiones peccandi declinare. Vnde legitur de turtur in lib. de natura animalium, quod in ætate se mittat ad loca frigida: in hyeme verò non appareat: sed manet in nido. Hieron. Parum castitati credo sine suis appenditiis. Tertia videntur esse appenditia castitati viduali. Primum est, non euagari: sed vel in propria domo manere, vel in templo orare, de quo commendatur Anna Luc. 2. *Qua non discedebat de templo ieiunius & obsecrationibus seruens die ac nocte*. Euagatio viduis reprehenditur. 1. ad Tim. 5. Simul otiosæ discunt circuire domos: non solum autem otiosæ, sed & verbosæ & euoriosæ, loquentes quæ non oportet. Secundum est ciborum asperitas. 1. ad Tim. 5. *Vidua quæ in deliciis est, viuens mortua est*. Gloss. viuens inquam vita corporis, mortua est in anima. Tertium est, vestitium humilitas. Vnde Genes. 38. legitur de Thamar, quod deposita veste viduitatis assumpsit alium habitum quando voluit carnali operi intendere. Ornatus qui tolerabilis est in ea quæ necesse habet placere viro suo, non est tolerabilis in vidua, quæ ad hoc solum studere debet vt placeat Deo.

## CAPVT XIII.

*De castitate ministrorum Ecclesie. Et de octo causis quare castitas multum eis competat.*

**N**Otandum ergo quod castitas multum decet eos, vnde etiam apud Gentiles, sacerdotes castitatem amplectebantur. Plato in Timæo: Sacerdotes prædicti apud Athenas separati à cætero populo manebant, ne contagione aliquorum castitas pollueretur. Castitas figuratiter suadetur ministris Ecclesiæ. Exod. 11. vbi comesturis agnum paschalem dicitur, *Reues vestros accingetis*. Item eiusd. 29. *Indues (inquit) tunicis lineis, & cinges*

*baltheo Aaron & filios eius. Item Leuit. 16. Feminalibus lineis verenda celabit, accingetur zonae lineae. Minister Ecclesiae castus, est vnus illorum trium qui bene incedunt. Prou. penult. Tria sunt quae bene gradiuntur, & quartum quod incedit feliciter, enumeratur secundo loco gallus succinctus lumbos. Sap. 4. O quam pulchra est casta generatio cum claritate dignitatis, l. eccl. Thr. 4. Candidiores Nazarei eius nunc, nidiiores lacte. Candor niueus vel lacteus est vera castitas. Luc. 12. Sicut lumbi vestri praecincti, ad Eph. 5. State succincti lumbos vestros in veritate. Et ad Tim. 3. ubi describitur quales debeant esse ministri Ecclesiae, dicitur quod oportet episcopum esse pudicum. Et paulo post dicitur quod diaconos similiter oportet pudicos esse. Et eiuid. 5. Te ipsum castum custodi. Et 1. Pet. 1. Propter quod succincti lumbos mentis vestra sobrii, perfecti sperate in eam quae offertur vobis gratia. Et ad Titum 1. dicitur de episcopo, oportet episcopum esse continentem. Et notandum quod octo causae assignari possunt, quare castitas multum competit ministris Ecclesiae.*

Quare  
castitas  
ministris  
Ecclesiae  
coperat.

*Prima est quia ipsi debent Deum placare. Eccl. 44. in tempore irascundiae factus est reconciliatio. Placare vero non possunt nisi placeant. Placere vero non possunt si carnaliter viuant. ad Rom. 8. Qui in carne sunt, Deo placere non possunt. Bern. Vnde filiis irae qui nondum reconciliationis alienae negotium quasi gens quae iustitiam fecerit apprehendunt.*

*Secunda est, quia ipsi sunt loco Dei, ideo viuere debent vt Deus: spiritualiter scilicet, non carnaliter. Deus enim spiritus est. Ioan. 4. Apoc. 1. Vidit Ioannes similem Filio hominis, praecinctum ad mammillas zona aurea. Similis Filio hominis est vicarius Christi, qui zonam auream continentia debet habere.*

*Tertia est quia ipsi angelicum officium habent, eidem Domino seruientes cui & angeli: ideo & puritatem angelicam habere debent. Vnde Malac. 2. dicitur de*

*sacerdote, Angelus Domini exercituum est. Exod. 19. Sacerdotes qui accedunt ad Dominum sanctificantur ne percutiat eos.*

*Quarta est, quia ipsi intendunt spirituali generationi quae munda & sancta est: ideo non decet eos intendere generationi carnali quae immunda est. Nec expedit eos habere filios carnales: ne dum sollicitudo & amor eorum diuiduntur ad eos, minuantur ad filios spirituales. Ioannes Euangelista virgo maiorem sollicitudinem & delectionem habebat ad filios spirituales, quam ad carnales 3. Ioan. Maiorem horum, non habeo gratiam, quam vt audiam filios meos in veritate ambulare.*

*Quinta est, quia ipsi contrectant Sancta: ideo oportet eos sanctos esse, maxime quantum ad carnis munditiam. 1. Reg. 11. Non habeo panes laicos ad manum, sed tantum panem sanctum: si mundi sunt pueri, maxime a mulieribus, manducant. Leu. 21. Incensum Domini, & panes Dei sui offerunt: & ideo sancti erunt. Item in eodem: Homo qui habuerit maculam, non offeret panes Deo suo, nec accedet ad ministerium eius. Macula valde turpis, luxuria est: hanc maculam dedit Salomon in sua gloria. Eccles. 47. Item Leuit. 12. Homo qui accesserit de stirpe vestra ad ea quae sanctificata sunt, in quae est immunditia, peribit coram Domino. 1. Reg. 7. Sanctificauerunt Elcazarum, vt custodiret arcam Domini. Paral. 15. Sanctificati sunt sacerdotes & Leuitae, vt portarent arcam Domini. Esa. 51. Mundamini qui seritis vasa Domini.*

*Sexta est, quia eos oportet mundare alios, ideo oportet esse valde mundos eos. Eccl. 34. Ab immundo quid mundabitur. Paral. 29. dictum est Leuitis. Sanctificamini, mundate domum Domini. Neemiae 12. Mundati sunt sacerdotes & Leuitae, & mundauerunt populum. 1. Machab. 4. Elegit Iudas sacerdotes sine macula, voluntatem habentes in lege Dei, & mundauerunt sancta.*

*Septima est, quia ipsi habent sponsam nobilissimam, scilicet sapientiam: ideo facilius*

sponsa vel concubina carnali carere possunt. Sap. 8. *Hanc amari, & exquisiti illam diuinitate mea, & quæsi sponsam eam mihi assumere, & amator factus sum forma illius.* Prouerb. 7. *Prudentiam voca amica tuam ut custodias te à muliere extranea.* Homines quasi immersi in balsamo sapientiae, immunes sunt à corruptione. Eccl. 24. *Quasi balsamum non mistum odor meus.* In Psa. *Eloquia Domini eloquia casta.* Ab effectu. Iac. 3. *Quæ desursum est sapientia, primum quidem pudica est. i. pudicum faciens.* Hieron. Ama sacras literas, & carnis vitia non amabis.

8. Octaua est, quod ipsi ministri sunt Altissimi: ideo decet ut ipsi sint proprii ipsius. Decet enim dominum tantum habere proprios seruientes, quod non habet similiter potestatem in corpore eorum. i. ad Cor. 7. Vir sui corporis potestatem non habet, sed mulier.

## CAPVT XIV.

*De continentia coniugali. Et primo de destructione erroris illorum qui damnant matrimonium.*

**S**equitur de continentia coniugali. Circa quam primo destruetur error ille qui matrimonium damnat. Secundo, matrimonium commendabitur. Tercio, ostendetur qualiter sint matrimonia contrahenda. Quarto, quia continentia coniugalis abstinet à carnali opere illicito, & utitur licito: & ostendetur, quod opus carnale sit illicitum, & quod licitum. Circa primum vero primo ponemus testimonia Novi Test. quibus dictus error innuitur. Secundo auctoritates & rationes quibus falsitas dicti erroris conuincitur. Qui sunt huius erroris vocantur Cathari: vel à cato cuius posteriora osculantur, in cuius specie Luciferum dicunt sibi apparere. Vel à catarrho quod est fluxus:

defluunt enim per diuersa vitia: ponunt enim naturam corporis malam esse, & esse à principio malo, debere eam omnibus modis purgari, ut citius à natura mala liberemur: unde nolunt fluxum illum matrimonio restringi. Ipsi dicunt opus carnale quod tamen ab vxore exercetur, fornicationem esse, utentes ad hoc probandum illo verbo 1. Cor. 7. *Propter fornicationem unusquisque uxorem suam habeat:* ergo est fornicatio cum vxore. Sed verbum dictum sic est intelligendum. *Propter fornicationem, &c.* non propter fornicationem faciendam, sed euitandam. Simile ad Rom. 4. *Christus traditus est propter delicta nostra,* non facienda, sed destruenda. Et est vulgaris modus loquendi: unde dicitur aliquis ferre pellicem propter frigus: non propter frigus faciendum, sed repellendum. Item in eodem. *Hoc autem dico secundum indulgentiam, non secundum imperium:* ergo peccatum est matrimonium, cum indulgeatur. Præterea post dicit ibidem Apostolus: *Volo omnes homines esse sicut me ipsum:* id est continentes. Et dicendum est quod indulgentia ibi non accipitur pro venia, sed pro concessione minoris boni. Minus enim bonum est matrimonium quam virginitas vel castitas. Vtrumque bonum est, & donum Dei. Unde subdit Apostolus: *Vnusquisque proprium donum habet ex Deo.* Alius quidem sic, alius verò sic. Propter hoc ergo dicit quod vult omnes homines esse sicut se, quia vellet eos non solum bonos esse, sed etiam meliores. Item in eodem dicitur. *Bonum est homini mulierem non tangere:* ergo malum est eam tangere. Non sequitur, sicut non sequitur: bonum est non bibere vinum, ergo malum est bibere vinum. Item in eodem: *Qui habent uxores: sint tanquam non habentes:* ergo malum est cum eis commisceri. Sed hoc non sequitur: sicut non sequitur: *Qui erunt, sint tanquam non possidentes,* quod ibidem legitur: ergo non debent comedere de fructibus agri empti. Qui habet uxorem est tanquam non habens,

si debitum reddit & non exigit: Item Dominus monet ad relinquendum vxorem. Luc. 18. Nemo est qui relinquit domum, aut parentes, aut fratres, aut vxorem, aut filios propter regnum Dei, & non recipiat multò plura in hoc tempore &c. Et eiusdem 14. *Si quis venit ad me, & non odit patrem suum, & matrem suam, & uxorem suam, &c. non potest meus esse discipulus*: ergo vxor est relinquenda & odio habenda. Ad quod dicendum quod vxor est relinquenda & odienda eo modo quo & pater & mater, ut scilicet si vult trahere aliquem ad idololatriam, vel hæresim, vel aliud peccatum, non consentiatur ei, tamē si benē se habeat, amanda est sicut pater & mater. 1. ad Cor. 7. *Si quis frater uxorem habet infidelem, & hæc consentit habitare cum illo, non dimittat illam*. Licet autem dictus error iam in tua radice destructus sit, ubi fuit destructus error Manicheorū, qui ponit duo principia prima, vnum bonum, & aliud malum, à quo dicit esse ea quæ sunt corruptibilia, à quo errore hæc error ortum habuit: tamen manifestè falsitas eius coniungi potest testimoniis scripturæ quæ sequuntur Matth. 19. Phariseis interrogantibus Christum, an liceret dimittere vxorē suam quacunque ex causa. Ipse præmissio testimonio Gen. intulit: *Quod ergo Deus coniunxit, homo non separet*. Ostēdens manifestè matrimonium esse à Deo, & non esse ab homine separandum. Patet ergo quod matrimonium est bonū. Item Luc. 1. dicitur de Zacharia & Elizabeth vxore eius, ambo erant iusti ante Deum, incedentes in omnibus mandatis & iustificationibus Domini, sine querela, & angelus Gabriel Zachariæ nuntiavit hæc: *Elizabeth vxor tua pariet tibi filium*. Et paulò post, *Et Spiritus sancto replebitur adhuc ex utero matris sue*. Non est ergo matrimoniū malum in quo sancti homines fuerunt, & ex quo fructus tam bonus processit. Et Ioa. 1. Maria interfuit nuptiis, & Iesus, & discipuli eius adeas vocati sunt, & fecit ibi Iesus initium signorū suorū. Nō honorasset Chri-

stus tot modis nuptias si malæ essent. Item ad Rom. 7. *Mulier vivente viro vocabitur adultera si fuerit cum altero viro. Si autem fuerit mortuus vir eius, liberata est à lege viri, ut non sit adultera si fuerit cum altero viro*. Item 1. ad Cor. 7. *Vxori vir debitum reddat: similiter & vxor viro*. Et in eodē: *Nolite fraudari ad invicē, nisi forte à tempore, ut vacetis orationi, & iterum revertimini in idipsum*. Et iterū. *His qui in matrimonio iuncti sunt principio, non ego, sed Dominus, vxorē à viro non discedere*. Et paulò post: *Et vir uxorem non dimittat*. Item in eodem: *Alligatus es uxori, noli quærere resolutionem. Solutus es ab uxore, noli quærere vxorē. Si autem acceperis uxorem, non peccasti: & si nupserit virgo, non peccavit*. Item in eodem: *Qui matrimonio iungit virginem suam, & benē facit, & qui non iungit melius facit*. *Mulier alligata est legi, quāto tempore vir eius vivit. Quod si dormierit vir eius, liberata est à lege viri: cui vult, nubat, tantum in Domino*, ergo etiam secunda nuptia sunt licita. Item ad Eph. 5. *Viri, diligite uxores vestras &c.* In eodem: *Vnusquisque vxorē suā sicut seipsum diligit*. Et 1. ad Tim. 2. *Mulier seducta in pravariatione fuit. Salvabitur autem per filiorum generationem*. Item 4. *Spiritus manifestè dicit; quia in novissimis temporibus discedent quidam à fide attendentes spiritibus erroris & doctrinis demoniorum, in hypocrisi loquentium mendacium & cauteriatam habentium suam conscientiam, & prohibentium nubere, &c.* Et eius 5. *Volo iuniores nubere, filios procreare, matres familias esse*. Item ad Heb. vlt. *Honorable coniugium in omnibus, supple sit: & thoros immaculatus. Fornicatores enim & adulteros iudicabit Deus, id est, damnabit*. Bernard. Omnis immunditiæ habenas laxat, qui nuptias damnat. Idem: *Rara est in terris continentia, neque pro tantillo questu exinaniuit se filius Dei, formam serui accipiens. In hac approbatione matrimonij conveniunt vobiscum tam Iudæi quàm gentiles: Gentiles enim in veneratione habuerunt coniugium, & filios*



qui non erant nati de coniugio, illegitimos iudicabant. In hoc autem conueniunt nobiscum sapientissimi, vt Salomon Prou. 19. *Domus & diuitia dantur à parentibus: à Domino vero proprie uxor prudens.* Seneca etiam uxorem habuit, vt aperte habetur in eius epistolis. Et notandum quod illi qui sunt huius erroris, dicunt mulierem damnari si prægnans decedat vel in partu. Quod manifeste patet esse falsum in Elizabeth. Luc. 1. quæ prægnans erat quum salutauit eam beata Virgo: & tamen repleta est Spiritu sancto, & infans exultauit in utero eius, quæ si decessisset in partu saluata esset. Partus enim pœnam habet, non culpam.

## CAPVT XV.

## De commendatione Matrimonij.

Cōmen-  
datur  
matri-  
monium.

**S**equitur de commendatione matrimonij. Et notandum quod duodecim sunt quibus matrimonium potest commendari fidelibus qui vtrunque testamentum recipiunt.

1. **Au**thoritas instituentis illud. Cū alios ordines instituerit aliquis sanctus, vt August. vel Benedictus, ordinem beati Benedicti transgreditur: constat quod valde culpabilis est qui transgreditur ordinem matrimonij à Deo institutum.

2. **L**oci. Secundum est, locus in quo institutum est, s. paradisus. Institutum enim est immisso sopore in Adam. Genes. 2. Et raptus est Adam in spiritu, & interfuit curiæ cælesti, & ibi agnouit virtutem matrimonij, & cuius rei esset sacramentum. Et erat Adam tunc corpore in paradiso terrestri, mente verò in paradiso cælesti. Vnde super. Genes. 1. dicit Gloss. August. Extasis rectè intelligitur ad hoc immissa, vt mens Adæ particeps Angelicæ curiæ & intrans in sanctuarium Dei nouissima intelligeret: vnde euigilans prophetico spiritu eru-

ctauit: Hoc nunc os ex ossibus meis, &c. Hæc verba cum Adæ scriptura fuisse dicat, Christus in Euangelio Deum dixisse declarat. Matth. 19. vt intelligamus per illam extasim Adam diuinitus hæc dixisse.

Tertium est antiquitas. Non enim de nouo institutus est ordo iste, imo antiquitate excedit omnem ordinem in terris institutum. 3. Antiquitatus.

Quartum est, status. Institutum enim est in statu innocentie in illo felici tempore in quo homo nondum peccauerat. 4.

Quintum est, quod hunc solum ordinem saluauit Deus tempore diluuij. In arca enim tantum saluati sunt Noë & uxor eius, & tres filij eius & uxores eorum. Si qui erant concubinarij, si quæ meretrices, omnes diluuiò sunt submersi. 5. Status & ordinis.

Sextum est quod beata Virgo hunc ordinem intrare voluit: licet proposuisset seruare virginitatem: quod non parum facit ad honorem matrimonij: noluit filius carnem ex ea assumere, donec fuit in matrimonio. Matrimonium pallium est quo beata Virgo vsa est, quo occultauit cælestem conceptum. Sub quo pallio latere voluit filius Dei: sub hoc pallio celatum est diabolo mysterium redemptionis nostræ. Infelices & maledictæ sunt illæ quæ potius eligunt esse in confusione diaboli, quàm in ordine beatæ Virginis. Confusio diaboli est status meretricum, quæ quandòque peccant cum patre, quandoque cum filio, quandoque cum duobus fratribus vel cognatis, quandoque cum solutis, quandòque cum coniugatis, quandòque cum sacerdotibus, quandòque cum religiosis, quandòque cum leprosis. Infelices etiam sunt adulteræ quæ matrimonio non deferunt, quæ non timent pallium beatæ Virginis inquinare. 6. Probatur exemplo.

Septimum est, quod Deus voluit honorare nuptias sua præsentia & matris suæ, & discipulorum suorum. Ioann. 2. Vbi inue-

7. Præsentia.

niunt concubinarij: quod Christus vel beata Virgo in domibus eorum comederit? Diabolus potius in domibus eorum inhabitat, cui de corporibus suis sacrificia faciunt. Sicut enim qui continenter viuunt, corpora sua Deo sacrificant; iuxta illud ad Romanos 12. *Obsecro vos per misericordiam Dei, ut exhibeatis corpora vestra hostiam viuentem.* Sic qui luxuriose viuunt, corpora sua sacrificant diabolo. Quomodo habitaret Deus ubi exercetur opus illud quod plus Deo foetet & angelis eius, quam aliquod cadauer hominibus foetet?

Miraculis.

Octauum est, quod Dominus nuptias voluit honorare. Primo aperto miraculo quod fecit coram discipulis suis. Ipsum verò miraculum quo aqua mutata est in vinum, ostendit cuius virtutis sit matrimonium. Aqua enim vilis est, vinum pretiosum. Sic opus carnale absque matrimonio vile quid est: opus verò matrimoniale pretiosum. Vnde infelices sunt concubinarij qui aquam foetentem vino pretioso prae eligunt, potius volentes exercere opus illud extra matrimonium cum peccato, quam in matrimonio sine peccato. Infelices etiam sunt illi qui vinum bonum & purum habent, & relinquunt illud pro vino prauo quasi felle misto. Hi sunt illi qui proprias vxores habent & alienis adhærent.

9. Benedictione.

Nonum est, excellens benedictio quam Ecclesia facit coniugibus iuxta altare ad missam in praesentia Dominici corporis. Qui potius vult esse concubinaris quam legitimus maritus, ipse potius vult habere maledictionem quam benedictionem. Quamdiu enim est in peccato, maledictus est quidquid agat. In Psal. 108. *Noluit benedictionem, & elongabitur ab eo.* Concubinarij videntur velle maledictionem, & merito illam habebunt. Dicitur enim eis illud Matth. 25. *Discedite a me maledicti in ignem aeternum.* His autem qui bene se habent in matrimonio dicitur illud Matth. *Venite bene-*

*dicti Patri mei, &c.*

Decimum est, pretiosus fructus qui ex matrimonio sequitur. Generantur enim inde filij huius seculi, qui post per adoptionem fiunt filij Dei. Si quis haberet vineam quæ annuatim ferret mille modios vini, valde amaret eam. Quantum ergo amandum est matrimonium vnde pueri procreantur, cum puer vnus praualeat toti vino quod in mundo est? Ex matrimonio generantur virgines. Vnde virginitas multum amanda est, & matrimonium multum amandum est. Hieronymus: Laudo coniugium, quia virgines generat: lego de spinis iolam, de concha margaritam. Valde infelices sunt meretrices quæ operi carnali intendunt: & tamen quia exponendo se omnibus, se ita inquinant, non sunt dignæ vt Deus det eis fructum prolis. Mira fatuitas, non cessant seminare, sicut videant se hullum fructum inde colligere. Meretrices habent officium in mundo isto iugulandi homines pro denario & denario. Vix inter latrones inuenitur aliquis qui tale officium velit habere. Ipsæ adiutrices sunt damnationis humanæ, sicut & dæmones. Quid dicent in die iudicii, si quæzatur ab eis ubi sunt filij earum? Ipsæ dominabuntur quasi eos occiderint. Exponendo enim se omnibus quasi suffocauerunt eos.

11. Est vnum de sacramentis Ecclesiæ.

Vndecimum est, quod matrimonium est vnum de septem sacramentis Ecclesiæ. Si quis in aqua baptismi lutum proiceret, vel alio modo sacramento baptismi contumeliam faceret, non esset parum culpabilis. Sic nec parum culpabilis est, qui adulterando sacramento matrimonij contumeliam facit.

12.

Duodecimum est, virtus magna matrimonij, quæ multis potest ostendi. Primo per hoc quod opus carnale, quod sine eo esset mortale, cum eo est veniale, vel omnino sine peccato. Secundo per hoc quod remedium est contra mala quæ ex meretricio sequuntur concubitu, quæ sunt sterilitas,

Varios  
habet ef-  
fectus.

nilitas, prolis interfectio, incestus. Tertio per hoc quod adeo efficax est ad concordiam faciendam: quæ adeo placet Deo, sicut discordia multum ei displicet. Tota patria vna vno matrimonio quandoque ad concordiam reducitur. Prou. 6. *Sex sunt quæ odit Deus, & septimum detestatur anima eius.* Septimum, quod detestatur est ille qui seminat inter fratres discordias. Quarto per hoc quod descendit in hominem ex ea parte qua diabolus eum fortius impugnat. Iob. 40. *Fortitudo eius in lumbis eius.*

## CAPVT XVI.

## De modo contrahendi Matrimonium.

**N**Otandum ergo quod ille qui vult contrahere matrimonium: Primo debet habere intentionem ad Deum: vt scilicet contrahat desiderio generandi filios secundum carnem, qui post fiant filij Dei per adoptionem. In illis enim qui Deum excludunt ab intentione sua, potestatem habet dæmonium. Tob. 6. dixit angelus Tobie minori. In eos qui coniugium ita suscipiunt, vt Deum à se & à sua mente excludant, & suæ libidini ita vacent, sicut equus & mulus in quibus non est intellectus, habet super eos dæmonium potestatem. Et in eodem: *Accipies virginem cum timore Domini, & amore filiorum magis quam libidinis ductus.* Item eiusdem 8. dixit Tobias minor: *Nunc Domine tu scis quoniam non luxuria causa accipio uxorem meam sed sola posteritatis dilectione in qua benedicatur nomen tuum in secula seculorum.* Secundo debet eligere uxorem similem sibi, nobilem si nobilis est, ignobilem si est ignobilis. Gen. 2. *Faciamus ei adiutorium simile sibi.* De costa viri formauit Dominus mulierem, ne posset vnus contra alterum gloriari se esse de nobiliori genere. Non formauit Deus mulierem de capite, ne crederetur formata ad dominationem.

Neque de pede, ne crederetur subiicienda in seruitutem: sed de costa, vt habeatur tanquam sociâ. Poëta: Si qua voles apte nubere, nube pari. Paritas ista non solum attendenda est quantum ad nobilitatem, sed etiam quantum ad iuuentutem & pulchritudinem. Quâdo enim iuuenis & pulchra nubit seni & deformi, habet exolum & adultera efficitur. Paritas ista bene in anulo ostenditur: qui si strictior sit, digito non congruit: si lator decidit. Sic se habet inter coniuges si sint dispares: quia vel simul manentes non sunt concordēs, vel vnus ab altero discedit. Tertio, vt cum tali contrahat quæ sit de progenie bona. Non debet ducere filiam vsurarij vel raptoris. Hæc enim fuit vna de causis diluuij. Videntes enim filij Dei filias hominum quod essent pulchræ; acceperunt vxores sibi ex omnibus quas elegerant. Gen. 6. Filij Dei vocantur qui erant de stirpe Seth: filij hominum qui erant de stirpe Cain. Quarto quod persona cum qua contrahit sit bona & prudens, quod est vnum de magnis donis Dei. Prou. 19. *Domus & diuitiæ dantur à parentibus: à Domino verò proprie vxor prudens.* Eccl. 26. *Mulier bona beatus vir.* Et in eodem: *Pars bona, mulier bona, in parte bona timentium Deum, dabitur viro pro factis bonis.* Et in eodem: *Gratia super gratiam, mulier sancta & pudorata.* 1. Cor. 6. *Sanctificatus est vir infidelis per mulierem fidelem.*

## CAPVT XVII.

*Quod opus carnale sit illicitum & quod licitum. Et quot & quæ requirantur ad hoc quod opus carnale fiat sine culpa & meritorie. Et quot sint quæ requirant separabilitatem matrimonij.*

**S**equitur videre de opere carnali, quod sit illicitum & quod licitum. Poterit tamen videri alicui quod opus illud nunquam fiat sine culpa. Primo per hoc quod

dicit Aug. in lib. de fide ad Pet. Sine libidine non est parentum concubitus. Secundo per hoc quod dicit gloss. Hieron. super illud 1. Pet. 3. *Ni non impediatur orationes vestra.* Impediti orationes officio coniugali commemorat: quia quotiescunque uxori debitum reddo orare non possum. Vult enim secundum gl. illam, redditio debiti semper habere culpam, cum semper orationem impediat. Tercio per hoc quod dicit gl. super illud 1. Cor. 6. *Qui fornicatur, in corpus suum peccat.* Hic proprie seruit anima corpori: sed ubi anima quæ debet dominari corpori, seruit ei, videtur esse peccatum, cum sit ibi priuatio debiti ordinis. Quarto per hoc quod dicit gl. ibidem: Sic totus homo absorbetur à carne, ut iam dici non possit ipse animus suus esse, sed simul totus homo dici possit caro. Quinto per hoc quod semper in illo opere videtur esse immoderata, delectatio. Et dicendum est quod opus illud exerceri potest sine omni culpa, & etiam meritorie in tribus casibus. Primus est, cum sit causa prolis suscipiendæ & ad cultum Dei educandæ; cum aliis debitis circumstantiis. Aug. Concubitus necessarius est, causa generandi inculpabilis est solus nuptialis. Iste concubitus solus dicitur esse nuptialis, quia principaliter institutum est matrimonium ad suscipiendum prolem. Et hæc prima institutio & principalis dicitur fuisse facta in officium. Secunda eius institutio fuit in remedium, scilicet ad fornicationem euitandam. Secundus casus est cum petenti redditur debitum. Aug. Reddere debitum coniugale, nullius est criminis. In hoc casu iustitia mouet. Tertius casus est, cum aliquis exigit opus illud ut caueat compari suo ne in peccatum cadat: ut cum aliquis sciens uxorem suam verecundam & nunquam petituram debitum, & timet de casu eius, debitum exigit. Et in hoc casu pietas mouet. Si vero aliquis exerceat opus illud ut impleat concupiscentiam suam, culpa est ibi quandoque venialis, quandoque mortalis. Ve-

nialis, quando concupiscentia ita subiecta est rationi quod non cognosceret eam nisi esset coniux sua. Mortalis verò, quando adeo immoderata est concupiscentia quod cognosceret eam, licet non esset sua. Et in hoc casu intelligitur illud verbum quod dicit gloss. super 1. ad Corint. 7. *Omnia uehemens amator propriae uxoris adulter est.* Et ibidem dicit gloss. Aug. Coniugalis concubitus generandi gratia non habet culpam propter thori fidem venialem. In verbo verò Aug. in lib. de fide, ad Petr. libido dicitur concupiscentia inordinata: quæ pœna est, & non sumitur pro culpa vel veniali vel mortali. Ad aliud dicendum quod oratio sumitur quandoque pro quolibet bono opere: unde gloss. super 1. Thessal. ult. Non desinit orare qui non desinit bene agere. Quandoque pro oratione vocali: quandoque verò pro actu interiori, cum anima in Deum afficitur. Et iste actus excellens animæ impeditur opere carnali. Si enim animæ vires ordinentur, generatiua videtur esse infima: vis verò secundum quam anima afficitur in Deum, summa videtur esse: unde non est mirum si operationes illarum virium sibi non conlociantur. Item intelligendum est de illuminatione prophetica quæ tunc non habet fieri. Hieron. super Matth. Conubia legitima carent peccato, non tamen tempore illo quo coniugales actus geruntur: præsentia sancti Spiritus dabitur, etsi propheta esse videatur qui officio generationis obsequitur. Gloss. verò quæ sunt super illud 1. Cor. 6. *Qui fornicatur, etc.* intelligendæ sunt non de coniugali facto cum debitis circumstantiis, sed de opere libidinoso ubi ratio vincitur. Ad illud autem quod immoderatione delectationis obicitur, dicendum est, quod ex quo Adam peccauit, non fuit coniugale opus sine aliqua immoderatione: sed quædam immoderatio est quæ pœna est solum, & provenit ex inordinatione seruientis concupiscentiæ. Sed ex quo aliqua prædictarum trium causarum, prius-

inchoatur opus illud, & non propter delectationem, & delectatio manet infra fines suos, scilicet in vi brutali, nec trahitur ratio ut delectationi consentiat, non est delectatio illa peccatum. Aquæ enim inferioris à superioris sunt diuise firmamento virtutis.

*Quot & quæ requirantur ad hoc quod opus carnale sine culpa sit, & meritum.*

1. **E**T notandum quod multa requiruntur ad hoc quod opus carnale sine culpa sit & meritum.

2. Primum est, ut fiat in eadem specie. Natura enim est, vis rebus insita ex similibus procreans similia. Vnde si fiat opus illud in alia specie, est peccatum contra naturam: quod tangitur Exod. 22. *Qui coierit cum iumento, morte moriatur.* Et Deut. 27. *Maledictus qui dormierit cum aliquo iumento.*

3. Secundum ut fiat in organo dissimili. Si vero fiat in organo simili, est peccatum, contra naturam: quod tangitur Rom. 1. *Nam femina eorum mutauerunt naturalem usum, in eum usum qui est contra naturam. Similiter & masculi relicto naturali usus feminæ exarserunt in desideriis suis, in inuicem masculi in masculos turpitudinem operantes.*

4. Tertium est, ut fiat in organo ad hunc usum deputato: contra quod est pollutio extraordinaria, quam tangit gloss. super prædictum locum. Rom. 1. *Qui cum ipsa coniuge alio modo quam licet dormierit, operatur contra naturam.*

5. Quartum est, ut non fiat modo bestiali, sed modo quem decet rationalem naturam: modo scilicet idoneo infusioni seminis, quantum ad virum, & receptioni seminis, quantum ad feminam. Contra hoc vero est illud peccatum contra naturam quod enumerat Methodius inter causas diluuij, dicens: Mulieres in vesaniam versæ supergressæ viris abutebantur.

6. Quintum est, ut personæ inter quas hoc opus exercetur non sic se habeant, quod una sit radix à qua alia processerit, vel processerint ab una radice è proximo. Hoc enim multum valet ad societatem quæ multum est conseruatiua humani generis. Per hoc enim quod matrimonium contrahitur cum persona non attinente, initur societas inter consanguineos vtriusque personæ coniugum qui sibi non attingebant. Si hoc opus exerceretur cum attingentibus, haberent homines suspectam cohabitationem vxorum suarum cum suis propinquissimis, & cum propinquissimis ipsarum: sic in magna parte periret societas humana conseruatiua humani generis. Contra hoc est peccatum incestus, peccatum valde detestabile, quod etiam exemplo brutorum animalium nobis dissuadetur. Vnde legitur in lib. de natura animalium, quod camelus cooperto capite matris eius super eam saltauit, & operimento sublato matrem cognoscens, turpitudinis opere quod inceperat intercepto, descendit & ingeniatores interfecit. Similiter cum fieret equo & matri eius, cognoscens matrem sibi suppositam, subito fugit.

Sextum est, quod personæ inter quas hoc opus exercetur, unitæ sint inseparabiliter: non enim sufficit ut consentiant uno consensu sicut fornicatores.

#### *De inseparabilitate Matrimonij.*

**H**anc inseparabilitatem primo videtur requirere, quia matrimonium sacramentum est figuratiuum matrimonij spiritualis, quod est inter Christum & Ecclesiam. Ephes. 5. *Sacramentum hoc magnum est: ego autem dico in Christo & Ecclesia.* Vnde cum illud matrimonium sit inseparabile, & matrimonium carnale inseparabile debet esse. Secundo fructus ad quem est matrimonium, est indiuisibilitas. Destruitor enim proles si diuidatur 3. Reg. 3. Dixit mulier cuius filius erat viuus, ad regem qui eum

iusserat diuidi: *Obsecro, Domine mi, date illi infantem viuum, & nolite interficere eum.* Si quis tamen obiciat quod quando sunt plures filij, potest fructus diuidi. Dicendum est quod nec tunc diuidi potest quin omnes sint filij patris sicut & matris, & omnes teneantur tam patri, quam matri, & tam pater quam mater omnibus. Tercio, fidei integritas, sine qua non est secunda societas. Si separari deberent, non confideret vnus coniugum de altero: nec vnus fidelis esset alteri quantum ad bonorum communicationem. Prou. ult. legitur de forti muliere: *Confidit in ea cor viri sui.* Quarto, magnitudo amoris qui est inter ipsos: maximus enim videtur esse inter amores qui sunt ratione carnis, cum etiam amoris patris vel matris videatur praeualere, secundum illud Matth. 19. *Propter hoc relinquet homo patrem & matrem, & adhaerebit uxori suae.* Cum aliqua vnio corporum inseparabilis sit vt mistio aliqua: mentalis vnio videtur debere esse inseparabilis, & maxime videtur de illa quae est maritalis amoris, quae maxima & familiarissima videtur esse. Praeterea si omni tempore diligit qui amicus est, nulla aduersitas separare debet amicitiam coniugum. Quinto societas consanguineorum coniugum ipsis mediantibus contracta, quae separabitur si matrimonium eorum dissoluatur, sicut mediantibus illis sociati fuerint: quae societas cum adeo sit Deo valde grata, ab homine separanda non est. Contra unitatem inseparabilem, est peccatum fornicationis. Sextum est, vt illud opus exerceatur inter personas quae sint unitae singulariter. Vnica enim vnici debet esse. Ad quod facit magnitudo amoris. Si enim maximus amor carnalis & familiarissimus est inter eos, cum vnica debet esse amor ille. Quod enim per superabundantiam dicitur, vni soli conuenire: haec singularitas unitatis in annulo ostenditur, qui vnicum digitum cap. Si quis tamen obiciat quia vnus debeat multas habere, vt sic multiplicentur cultores Dei, cum vnus homo

sufficiat multas fecundare: Respondendum est, quod Deus non attendit tantum multiplicationem generis humani quantum ad numerum, quantum attendit eius multiplicationem quantum ad meritum, & vt frequentius, qui generantur non sunt veri cultores Dei, Eccl. 15. *Non concupiscit Deus multitudinem filiorum infidelium & inuicilium.* Luc. 15. *Venient dies in quibus dicetur: Beati steriles, & ventres qui non genuerunt.* Licet paucissimi essent cultores Dei tempore primorum parentum: tamen noluit Dominus ordinare vt Adā haberet duas uxores simul, vt sic citius multiplicaretur genus humanum. Praeterea primus quē genuit Adam malus fuit, sc. Cāin. Vnde patet quod citius genuit imitatorē diaboli quā cultorem Dei. Praeterea animalia magna, vt dicitur in lib. de natura animalium, raro generant. Elephas enim foemina cessat triennio post partum à coitu: & camela per annum. Paucos etiam generant, quia vnicum foetum: cum animalia parui corporis generent multos, vt ibidem legitur. Sic homo maximus dignitate inter animalia, non est mirum si raro & paucos filios generet. Praeterea quandoque qui sufficit multas fecundare, vix sufficit vni & proli eius sine periculo animae suae necessaria providere. Legitur in l. de natura animalium, de aquila, quod valde grauatur in nido; ita quod venari non possit: & ideo non sufficit pascere plus quam duos pullos: vnde tertium ouum proicit, vel tertium pullum. Si quis vero obiciat quod saltem in principibus, qui sufficiunt providere, tolerabile erit quod vnus habet plures. Dicendum est quod frequentius isti minus sufficiunt providere uxori & filiis suis sine periculo animarum suarum, quam alij. Praeterea multiplicatio dominorum destructio est terrarum. Multiplicatis heredibus sequitur diuisio regnorum quam consequitur desolatio eorum. Matth. 11. *Omne regnum in se diuisum, desolabitur.* Multiplicatis principibus multiplicantur mala super terrā. 1. Mac. 1. legitur de Alex. qui diuisit regnum suum pueris nobilibus.

qui secum erant nutriti à iuuentute : Et subditur: *Obtinuerunt pueri eius regnum. Vnusquisque in loco suo, & imposuerunt sibi diademata post mortem eius, & filij eorum post eos annis multis, & multiplicata sunt mala super terram.* Quando aliquis princeps habet multas vxores successiue, vix est pax inter filios qui sunt ex illis vxoribus. Præterea nolle princeps vxorē suam ab alio fœcundari, etiam si ipse nō posset eam fœcundare. Vnde nec ipse velle debet etiam quum vxor sua sterilis est, ex alia fructum habere: hoc enim est de iure naturali, vt nō faciat alij quod sibi nō vult fieri. Præterea vix perfecta pax seruari posset, si vnus plures haberet. Conquesta est Sara. Gen. 16. quod ancilla sua Agar contēneret eam cui ipsa virum suum communicauerat. Et Lia dixit Rachel: *Parumne tibi videtur, quod praripuieris maritum meum mihi?* Gen. 30. Contra hanc singularitatem est peccatum adulterij. Oñatum est, vt non moueat ad opus carnale delectatio, sed vel bonū prolis vel iustitia vel pietas, de quibus prius tactū est. Nonū est, vt opere inchoato ratio non trahitur ad consentiendum delectationi. *Vnusquisque enim tentatur à concupiscētia sua attractus & illectus.* Iacob. 1. Decimū est, vt eligatur tempus in quo licet opus illud exercere, abstinendum enim est ab illo opere tempore menstruorum. Leu. 16. *Si coieris vir cum muliere tempore sanguinis menstrualis, immundus eris.* Eiusd. 18. *Ad mulierem que patitur menstrua, nō accedes.* & dicit August. Quod tunc abstinendū est ab illo opere propter prolis corruptionem. Hier. dicit, quod tunc concipiuntur membris damnati, cæci, cæci, leprosi. Item tēpore sacro. Aug. Propter dies processionis & ieiuniorum aliquando non licet cōuenire: quia etiā à licitis abstinendū est, vt facilius impetrari possit, quod postulatur. Itē tēpore quo vxor grauida est: vnde elephas prægnantē fœminā non tangit: vt legitur in lib. de natura animalium. Vnde cimum est, vt locus sacer caueatur: nō enim est exercendum illud opus in loco sacro.

## CAPVT XVIII.

## De Temperantia delectationum secundum visum, auditum, &amp; olfactum.

**D**ICTO de Temperantia delectationū, quæ sunt secundum gustum & tactum, dicendum est de Temperantia quæ est secundum visum, auditum & olfactum. Et notandum, quod cum visus in omnibus animalibus sit supra auditum, & sub visū olfactus, vt legitur in libro de natura animalium, periculosior visus esse videtur nisi refrænētur, quam auditus; & auditus, quam olfactus. Vnde scriptura multum suadet nobis refrænationem visus. Eccl. 9. *Ne respicias mulierem multiuolam.* In eodem: *Virginem ne conspicias.* Item: *Noli circumspicere in vicis ciuitatis.* Et iterum: *Ne circumspicias speciem alienam.* Eiusd. 25. *Ne respicias mulieris speciem.* Et 41. *Ne respicias mulierem alieni viri.* Causas quare visus sit periculosus, require in tractat. de Luxuria, cap. de aspectu mulierum. De refrænatione visus & auditus, habetur. Esa. 33. *Qui obturat aures suas ne audiat sanguinem, & claudit oculos suos ne videat malum, iste in excelsis habitabit.* Visus & auditus videntur habere curiositatem quasi insatiabilē. Eccl. 3. *Non satiatur oculus visu, nec auris auditu impletur.* Gregorius: Graue curiositatis est vitium, quæ dum cuiuslibet mentē ad inuestigandam vitam proximī exteriū ducit, semper ei sua intima abscondit, vt aliena sciens, se nesciat. Idem: Curiosi animus quanto peritus fuit ita alieni meriti, tanto fit ignarus sui.

Visus per  
ticalius  
& curi

Et notandum, quod audire à multis est temperandus.

Primo à musicis instrumentis. Iob. 21. *Tenant tympanum & citharam, & gaudent ad sonitum organi. Ducunt in bonis dies suos, & in puncto ad inferna descendunt.*

Esa. 5. *Cithara, & lyra, & tympanum, & tibia, & vinum in conuiuiis vestris, & opus Domini non respicitis.* Antigonus Alexandri pædagogus citharam eius fregit, adiecitque dicens: Tu ætati iam regnare conuenit, pudeatque in corpore regis voluptatem luxuriæ dominari.

Secundo à lasciuo cantu vel colloquio mulierum. Vnde Ecclesiast. 9. dicitur de saltatrice: *Ne audias illam, ne forte pereas in efficacia illius.* Et in eodem dicitur de muliere aliena: *Colloquium illius quasi ignis exardescit.*

Tertio à malis proximi. Ecclesiast. 28. *Sepi aures tuas spinis, & noli audire linguam detrahentem.*

Quarto à bonis propriis quæ aduato-

res solēt hominibus ad memoriam reducere. Senec. Si continens es, adulationes euita: sitque tibi tam triste laudari à turpibus, quam laudari ob turpia. Idem: Difficillimum opus continentia est, assensiones adulatorum repellere, quorum sermones animam quadam voluptate resoluunt.

Quinto à suauitate proprii cantus. Gregor. *Dum blanda vox queritur, sobria vita deseritur.* Olfactus etiam temperandus est à suauitate odorum: quum scriptū sit Esa. 3. *Eris pro suauis odore fætor.* Vna pœna infernalis erit fætor sulphuris. In Ps. *Ignis, sulphur, & spiritus procellarum, &c.* Esa. 30. *Flatus Domini quasi torrens sulphuris succendens eam.*

## TERTIÆ PARTIS PRINCIPALIS, de quatuor virtutibus Cardinalibus

### TRACTATUS QVARTVS. De Fortitudine.

#### PARS PRIMA.

*De ordine dicendorum in hoc tractatu. Et de diuersis acceptionibus huius nominis Fortitudo.*

**D**ICTO de Prudentia & temperantia, dicendum est de Fortitudine. De qua hoc modo dicetur. Primo ponentur diuersæ acceptiones huius nominis fortitudo. Secundo, diuersæ descriptiones fortitudinis. Tertio, ea quæ pertinent ad eius commendationem. Quarto, dicetur de his quæ iuuant fortitudinem. Quinto, de partibus ipsius. Circa primum, notandum est quod nomen fortitudinis sumitur quandoq; pro fortitudine corporali, qualis fuit fortitudo Samsonis. Hæc fortitudo videtur esse potentia facile agendi, & difficile à contrario patiendi. Quæ-

doque vero pro fortitudine animi: & sic sumitur quadrupliciter: Vno modo generaliter, & secundum hoc fortitudo reperiri potest in omni vi, & omnis virtus fortitudinem habet respectu vitij sibi contrarij: vt continentia contra luxuriam. Prover. ult. *Accinxit fortitudine lumbos suos.* Ad fortitudinem istā pertinet in omni opere meritorio facere ne quid minus, sicut ad temperantiam generalē pertinet facere ne quid nimis. Alio modo nomen fortitudinis sumitur largè, non tamen ita generaliter sicut prius. Et fortitudo hoc modo attenditur circa difficilia in passionibus, siue sint exteriores passionēs, siue interiores. Exteriores passionēs sunt con-

Nomen fortitudinis accipitur dupliciter.



tumeliarum, damna rerum, & molestiarum corporis ab alio illatarum. Passiones interiores illarum dicuntur contra quas certamen habet temperantia: ut sapores gustui, & ea quae appetitui sensibili passiones inferunt. De his passionibus dicit Philosophus, quod difficiles sunt & contemporaneae vitae. Sic accipitur fortitudo super illud Prouer. vlt. *Mulierem fortem quis inueniet?* Gloss. Mulier fortis, Ecclesia quae pro amore sponsi prospera, & aduersa contemnit. Contemnere prospera, temperantiae est. Et Tull. in lib. de Officiis dicit, quod fortis animus & magnus duabus rebus maxime discernitur, quarum una in rerum externarum despicientia ponitur: altera res est, ut sit ita affectus animo ut res gerat magnas & maxime viles: sed vehementer arduas & plenas laborum & periculorum. Et August. in lib. de libero arbit. dicit, quod fortitudo est affectio animae, qua omnia incommoda & damna rerum non in potestate nostra constitutarum contemnimus. Res non in potestate nostra constitutae sunt quae nobis inuitis auferri possunt. Tertio modo strictius sumitur pro fortitudine, scilicet quae attenditur circa ea quae sunt difficilia in passionibus exterioribus, ita quod non comprehendit temperantiam. Et sic sumitur ab Augustino in lib. de moribus Ecclesiarum: Amor, inquit, ille de quo loquimur, quem tota sanctitate inflammatum esse oportet in Deum, non appetendis istis temperans, in amittendis fortis inuenitur. Quarto strictissime sumitur secundum quod non attenditur circa quodcumque difficile in passionibus exterioribus, sed tantum circa exteriores passiones quae corpori infliguntur, & non extendit se ad damna rerum. Et sic videtur Aristot. sumere Fortitudinem in Ethicis.

## P A R S I I.

## De descriptionibus Fortitudinis.

Circa secundum notandum est quod fortitudo sic describitur ab Augustino in lib. de moribus Ecclesiarum: Fortitudo est amor omnia facile tolerans, propter illud quod amatur. Sed videtur haec descriptio non solum conuenire fortitudini, sed etiam fidei, spei, charitati, & timori. De fide enim legitur 1. Pet. vlt. *Cui resistite fortes in fide.* Gloss. quae est tanquam mutus. De spe. Heb. 6. *Fortissimum solatium habeamus qui confugimus ad tenendam propositam spem, &c.* Gloss. quod nos faciat in omni aduersitate fortes, volentes ad horam pati, ut in aeternum regnemus. De charitate, 1. Cor. 13. dicitur quod *omnia suffert.* Et Cant. vlt. *Fortis est ut mors dilectio.* De timore, Iob. 4. *Vbi est timor tuus? ubi formido tua?* Gloss. has virtutes congruo ordine ponit, sicut in via seculi audacia fortitudinem, timor debilitatem parit: ita in via Dei timor fortitudinem. Ad hoc dicendum est quod fides, spes, & charitas & timor faciunt aliquem fortem ad aggrediendum terribilia, vel sustinendum difficilia, & aliter fortitudo, quia actus illi proprie sunt a fortitudine originaliter. Et fortitudo facit fortem formaliter ad aggrediendum terribilia & sustinendum difficilia. Praedicta vero forte faciunt eo modo quo accidit in certamine mundano, quod brauium, quod proponitur in medium certantibus, dum videtur ab eis & speratur haberi, & desideratur, motiuum est ut vtilius certent: Sic praemium aeternum dum per fidem aspicitur, & per spem speratur, & per charitatem desideratur, hominem excitat ut fortius certet. Timor etiam filialis siue castus cuius causa est amor, dum timet separari a Deo quem amat, ex hoc ipso plus Deo coniungitur, & fortius ei adhæret. Fortitudo sic describitur super illud Matth.

15. *Erant quatuor millia hominum qui manducauerant.* Gloss. Fortitudo est firmitas animi contra molestias seculi. Tullius vero in 1. Rhet. sic eam describit: Fortitudo est considerata periculorum susceptio, & laborum perpessio. Idem in 2. Rhet. Fortitudo est magnarum rerum appetitio & humilium contemptio, & cum ratione utilitatis laborum perpessio. Item fortitudo est rationabilis aggressio terribilium cum constanti eorum perpessione. Macrobius: Fortitudinis est animum supra periculi metum agere, nihilq; nisi turpia metuere, vel prospera vel aduersa tolerare. Arist. Fortitudo est virtus difficillimorum in passionibus operatiua gratia boni: Et loquitur Arist. de passionibus siue molestiis exterioribus.

### P A R S III.

#### De commendatione Fortitudinis.

**N**Otandum ergo quod ad commendationem Fortitudinis potest valere. Primo frequens admonitio quam sacra Scriptura facit de ipsa. Ios. 1. *Confortare, & esto robustus*: Simile habetur Deuter. 31. & 8. Reg. 2. & Dan. 10. Item Tob. 4. *Forti animo esto*. Simile eiusd. 7. 2. Secundo, quod virtus fortitudinis plus videtur habere virtuositatis cæteris virtutibus. Vnde nomen virtutis antiquitus fuit solius fortitudinis, ut ait Tullius. Tercio, quod hæc virtus multum competit statui in quo sumus. Mundus enim iste locus est laboris & certaminis: ideo in vita valde necessaria est nobis fortitudo. Ad Galat. 6. *Dum tempus habemus, operemur bonum ad omnes.* Eccles. 9. *Quodcumque potest facere manus tua, instanter operare: quia nec opus, nec ratio, nec scientia, nec sapientia erunt apud inferos quod tu properas*: Bernard. In mundo isto quasi in stadio certaminis positi sumus. Eccl. 3. *Tempus belli & tempus pacis, Tempus belli est in præsentia. Militia est vita*

*hominis super terram.* Tob. 7. Vnde illa pars Ecclesiæ quæ in terris est, militans. Ecclesia vocatur. Quæ fortitudine debet esse induta in præsentia. Prouerb. ult. *Fortitudo & decor indumentum eius.* Esa. 52. *Induere fortitudine tua Sion.* Si sine fortitudine sit, necesse habet fugere hostes suos tanquam inermis. Thren. 1. *Abierunt absque fortitudine ante faciem subsequentis.*

Virtus fortitudinis etiam inseparabilis est. Totus enim mundus non posset vincere unum hominem in quo esset vera fortitudo animi. Senec. Facilius est gentem unam quam virum unum vincere. Sine fortitudine animi quasi nihil est fortitudo corporis. Eccles. 9. *Verti me ad aliud, vidi que sub sole nec velocium esse cursum, nec fortium bellum.* Esa. 1. *Erit fortitudo vestra ut sanilla stupa.* Et eiusdem 30. *Erit vobis fortitudo Pharaonis in confusionem.* Virtus fortitudinis Deum lætificat. Nemo 8. *Gaudium enim Domini est fortitudo vestra.* De hostibus triumphat. 2 Reg. 22. *Accinxisti me fortitudine ad prælium, incurvasti resistentes mihi subtus me.* Homini bona sua seruat. Luc. 11. *Quum fortis armatus custodit atrium suum, in pace sunt cuncta quæ possidet.* Item hominem ditat: Prouerb. 10. *Egestatem operata est manus remissa, manus autem fortium diuitias parat.* Eiusdem 11. *Robusti habebunt diuitias.* Et 21. *Cogitationes robusti semper in abundantia: omnis autem piger semper in egestate erit.* Item hominem glorificat, sicut ignavia hominem vilificat. Prouerb. 12. *Manus fortium dominabitur: quæ autem remissa est tributis seruiet.* Ipsa etiam regnum cælorum violenter occupat. Matth. 11. *Regnum cælorum vim patitur, & violenti rapiunt illud.*

### P A R S IIII.

#### De his quæ iuuant Fortitudinem.

**Q**Uæ iuuant Fortitudinem, videntur duodecim esse. Duodecim fortitudinem iuuant. Primo iuuat eam maiorum exhortatio. Deut. 20.

Deut. 20. *Appropinquante iam praelio stabit sacerdos ante faciem, & sic loquetur ad populum: Audi Israel, vos hodie contra inimicos vestros pugnam committitis, ne pertimescat cor vestrum, &c.* Et 2. Mach. cap. vlt. legitur de Machabæo, quod armavit socios suos non clypei & hastæ munitione: sed sermonibus optimis & exhortationibus. Et in eod. *Exhortati itaque Iudæ sermonibus bonis valde, statuerunt dimicare & conficere fortiter.*

2. Secundo, exempla robustorum. Vnde 2. Mach. 6. Hoc modo vita decessit Eleazarus memoriam mortis suæ exemplum virtutis & fortitudinis derelinquens.

3. Tercio, exercitatio ad Bern. fratres de monte Dei: Rusticos duros habet nervos, fortes lacertos. Exercitatio hoc fecit, sine ea corpore mollescit. Voluntas facit vsu, vsus exercitium, exercitium vires in omni labore suo ministrat.

4. Quarto, fides, mercedem fortium operum ostendendo. 2. Paral. 15. *Confortamini, & non dissolvetur manus vestra. Erit enim merces operi vestro.*

5. Quinto, timor, Prouerb. 14. *In timore Domini fiducia fortitudinis.* Timor illud expellit propter quod vel solum vel maxime timendum est, scilicet peccatum. Ecclesiast. 1. *Timor Domini expellit peccatum:* idè merito hominem reddit securum. Item timor hominem facit pure operari, quod valet ad fortitudinem. Iob 16. *Mundis manibus addet fortitudinem:* Præterea timor facit hominem in se deficere, idè in Deo roborat. Bernard. in sermo. Vtilis prorsus infirmitas quæ medici manum requirit, & salubriter in se deficit, quam perficit Deus. Idem super Cant. Optanda infirmitas quæ Christi virtute compensatur. *Quis dabit mihi non solum infirmari, sed etiam penitus destitui & deficere à me metipso, ut Domini virtutum virtute stabilior!*

6. Sexto, spes. Esa. 30. *In silentio & spe erit fortitudo vestra:* spes fortem efficit, omnipotenti inniti faciendo. Ad Philip. 4.

*Omnia possum in eo, quia me confortat.*

Septimo, charitas. Et hoc dupliciter. Vno modo adiutorium proximi habendo. Prouerb. 18. *Frater qui adiunatur à fratre quasi ciuitas firma.* Ecclesi. 4. *Melius est duos esse simul, quam unum. Habent enim emolumentum societatis suæ. Si unus ceciderit, ab altero fulciatur.* Et in eodem: *Si quis prauauerit contra unum, duo resistunt ei.* Secundo modo veritati adherendo. Gregorius in Moral. Qui veritati inhæret, vanitati nullo modo succumbit: quia dum forti pedè cogitationis intus intentionem fixerit, omne quod foras mutabiliter agitur ad arcem mentis minime pertingit.

Octauo, sapientia. Prouerb. 24. *Vir sapiens fortis est, & vir doctus robustus, &c.* Greg. in Mor. Valdè fortitudo destituitur, nisi per concilium fulciatur.

Nono, temperantia quæ in prosperis seruat. Gregorius in Moral. Nulla aduersitas deficit quem prosperitas nulla corrumpt. Idem: In hac vita qui nulla prospera appetit, nulla aduersa pertimescit. Primum pertinet ad temperantiam: secundum ad fortitudinem.

Decimo, disciplina corporis quæ hostem domesticum debilitat. Bernard. *Quid mirum si hoste debilitato, tu fortior efficeris?*

Vndecimo, eleemosyna. Prou. 12. *Vitioriam & honorem acquireret qui dat munera.* Eccl. 29. dicitur de eleemosyna: *Super scutum potentis, & super lanceam aduersus inimicum tuum pugnabit.*

Duodecimo, oratio quæ multum valet ad fortitudinem. *De celo enim fortitudo est.* Mach. 3. Exod. 17. *Cum leuaret manus Moyses, vincebat Israel.*

Kk

## P A R S V.

*De partibus Fortitudinis. Et primo de securitate. De duodecim solatiis contra timorem mortis, de timore inordinato, & securitate commendabili & reprehensibili.*

Partes  
Fortitudinis.

**N**Otandum ergo, quod Tullius in 1. Rhetor. quatuor partes eius assignat, scilicet magnificentiam, fiduciam, patientiam, perseverantiam. Macrobius vero septem partes eius tangit. Magnanimitatem, fiduciam, securitatem, magnificentiam, constantiam, tolerantiam, firmitatem. Quidam vero sex tantummodo partes assignant: scilicet magnanimitatem, fiduciam, securitatem, patientiam, constantiam, magnificentiam. Et satis rationabiliter videntur posse poni hæc sex partes fortitudinis. Fortitudo enim debilitatem animi expellit, & magnitudinem animi efficit. Quod debilitatem expellat, patet ex hoc, quod fortitudo debilitati opponitur. Quod magnitudinem animi efficiat, patet ex hoc, quod fortitudo dicitur magnanimitas. Seneca in libro de quatuor virtutibus principalibus. Triplex vero est debilitas animi. Prima est, nimia pusillanimitas à malo futuro, quæ timiditas vocari potest. Quæ dissuadet, Eccl. 7. *Noli esse pusillanimis in animo tuo.* Et reprehenditur, Matthæi 8. *Quid timidis estis modica fidei?* Secunda est nimia passibilitas à malo præsentis, quæ est quasi quædam teneritudo vel mollicies, cuius signum est facilitas dolendi, quæ infirmitas est in quibusdam qui conqueruntur secum dure agi vel sibi dura verba dici. Tertia est instabilitas, quæ similis est debilitati virgæ subtilis, quæ de facili in omnem partem flectitur. Contra has tres infirmitates, tres sunt partes fortitudinis. Securitas contra timiditatem. Patientia contra teneritudinem. Constantia contra instabilitatem. Fortitudo in quantum animi magnitudi-

Debilitas  
animi triplex.

nem efficit, tres habet partes. Ipsa enim quantum actus suos habet ad principium, medium, & finem. Quantum ad principium, pertinet ad eam magnanimitas, quæ est rationalis aggressio terribilium: quantum ad medium, fiducia quæ est certa spes perducendi ad finem rem quæ inchoata est: quantum ad finem magnificentia quæ est rerum quæ geruntur felix consummatio.

*De Securitate.*

**I**Nter has sex partes fortitudinis, primo de securitate prosequemur, quæ est intimitas mali. Iuxta illud Arist. in Ethic. Fortis est intimus mali. Et describitur sic: Securitas est habitus secundum quem imminentes incommoditates & rei inchoatæ affines non formidantur. Et coarctat hæc descriptio securitatem ad intimitatem quæ est post rei inchoationem. Securitas commendatur nobis in leone. Prou. 28. *Iustus ut leo confidens absque terrore erit.* Eiusdem 38. *Leo fortissimus bestiarum ad nullius pauebit occursum.* Et notandum, quod secundum Philosophum, quæ congregata sunt in homine secundum rationem, dispersa sunt in brutis secundum naturam: ut castitas in elephante, liberalitas in leone. Vnde dicitur in lib. de natura animalium, quod vulpes sequuntur leonem, quia est animal comunicatiuum prædæ. Mansuetudo vero in agno. Esa. 53. *Quasi agnus coram tondente se, obmutescet.* Modestia irascendi in columba. Ierem. 45. *Facta est terra in desolationem à facie columbæ, & à facie iræ furoris Domini.* Gloss. Greg. Quia in Deo nulla furoris inæqualitas reperitur, furem Domini iram columbæ nominavit. Vt enim vim diuinæ districtiōis imperturbabilem demonstraret, & iram dixit & colubæ. Securitas conflictum habet cum timore. Securitatis officium est, contra aspera fortunæ solatium dare. De quibus solatiis ait Seneca lib. de remediis fortuitorum. De cuius verbis pauca ponamus: Morieris, inquit. Et re-

Quid sit  
securitas.

Spondet: Hac conditione intraui vt exirẽ.  
 Morieris. Gentium lex est, quod acceperis  
 reddere. Morieris. Peregrinatio est vita:  
 cum multum ambulaueris, diu redeundũ  
 est. Item morieris. Stultum est timere  
 quod vitare non possis. Istud non effugit  
 etiam qui distulit. Morieris. Nec primus,  
 nec vltimus. Omnes te antecesserunt, om-  
 nes te sequentur. Item peregrẽ morieris.  
 Ego quod debeo soluere paratus sum: vi-  
 deat scenerator quò me appellet. Item in-  
 uenies morieris. Optimum est antequam  
 optes mori. Optimum est mori quem iu-  
 uat viuere. Iuuenis moriar. Fortassis alicui  
 malo te subdet fortuna: & si nulli alij, cer-  
 te saltem senectuti. Insepultus iacebis.  
 Quid aliud respondeam, quam Virgilia-  
 num illud: Facilis iactura sepulchri: Si ni-  
 hil sentio, non pertinet ad me iactura cor-  
 poris sepulti: si sentio, omnis sepultura  
 tormentum est. Quid interest, ignis an fe-  
 re me consumant, an tempus? omnium vl-  
 tima sepultura, non defunctorum cura,  
 sed viuorum inuenta est sepultura, vt cor-  
 pora & visu fœda & odore amoueren-  
 tur. Idem in lib. de naturalibus quæ-  
 stionibus. Nihil refert quam minax mors  
 veniat: quod à nobis petit, minimum  
 est. Et hoc senectus à nobis ablatura est:  
 hoc auriculæ dolor, hoc humoris cor-  
 rupti abundantia. Pusillares est hominis  
 vita, sed ingens res est contemptus vitæ.  
 Hanc qui contempserit, securus vide-  
 bit maria perturbari. Illa inferorum reg-  
 na retegantur, stabit super illam vora-  
 ginem intrepidus, & fortasse quo debe-  
 bit cadere, profluet. Quid ad me quam  
 magna sint quibus pereò, ipsum petire  
 non magnum est: si volumus tranquille  
 degere, anima in expedito est haben-  
 da, siue illam insidiaz, siue morbi petant.  
 Idem in eodem: Nihil interest vtrum  
 me lapis vnus elidat, an toto monte  
 premar. Item egregie Vagellius: Si ca-  
 dendum, inquit, mihi est, cœlo me cecidi-  
 disse velim.

De duodecim solatiis contra ti-  
 morem mortis.

**C**ontra timorem mortis possunt va-  
 clere duodecim solatia, quæ ex scri-  
 pturis diuersis colliguntur. Primum est,  
 quod ipsa mors hostem nostrum fami-  
 liarem occidit, scilicet corpus, ad Galat.  
 5. *Caro concupiscit aduersus spiritum, &  
 spiritus aduersus carnem.* Sapiens: Nul-  
 la pestis efficacior est ad nocendum quam  
 familiaris inimicus. Secundum est, quod  
 ostium nobis efficit in carcere immun-  
 do in quo capti detinemur, in corpore  
 scilicet. In Psalm. secundum aliam lite-  
 ram: *Educ de carcere animam meam.* Sed  
 sunt quidam adeo assueti miseriz huius  
 carceris, vt nihil timeant tantum in hoc  
 carcere, quam ostium vel exitum. Seræ  
 & repagula ab incarceratis odio solent  
 haberi, & non liber exitus. Tertium est,  
 quod nos expedit ab onere cophini im-  
 munditia pleni. Sapient. 9. *Corpus quod  
 corrumpitur, aggrauat animam.* Quartum  
 est, quod nos expedit, vel finem imponit  
 peregrinationi laboriosæ & amaritudi-  
 nibus plenæ. Gregor. Quid est vita mor-  
 talis, nisi via? & quale sit, fratres mei,  
 perpendite in via lassari, & viam nolle fi-  
 niri. Idem: vita præsens laboribus ple-  
 na est: cum luctu agitur, & tamen cum  
 lachrymis dimittitur. Ecclesiast. 20. *Me-  
 lior est mors, quam vita amara.* Quintum  
 est, quod lentum equum omni genere  
 vitiorum vitiosum nobis occidendo, dex-  
 trarium optimum nobis restitui facit.  
 Equus vitiosus, corpus est. Ab hoc equo  
 expediri desiderabat Paulus, ad Roman.  
 7. *Infelix ego homo! quis me liberabit de  
 corpore mortis huius?* Tribus de causis ti-  
 met miles equum suum amittere: vel  
 quia non est securus de emenda, vel quia  
 capi timet equo amisso vel propter equi  
 bonitatem. Nulla vero harum trium  
 causarum est in casu proposito. Securus  
 enim est de emenda seruus Dei. Ambros.

Propter  
 quæ ti-  
 met mi-  
 les perdi-  
 equum

Mori non timeo, quia bonum Dominum habeo. Et Mach. 7. Dixit vnus de septem fratribus: *De cælo, inquit, ista poscideo, sed propter legem Dei ista despicio, quia me ea recepturum spero.* Non timet etiam seruus Dei capi equo amisso: tunc enim de manibus hostium liberatus est. In Psalm. Laqueus contritus est, & nos liberati sumus. Equus iste etiam adeo vitiosus est, vt optandum sit seruo Christi ab eo expediri. Sextum est, præsentis vitæ periculum. Mors portus est periculose nauigationis in mari huius mundi, iuxta verbum Bernard. periculum probat transcurrentium raritas, & pereuntium multitudo. In mari Massiliæ de quatuor nauibus non perit vna: in mari huius mundi, de quatuor nauibus vix euadit vna.

71 Septimum est mortis necessitas. Seneca. Nullus est perniciosior hostis, quàm quem audacem angustia faciunt. Paria conantur magnus animus ac perditus. Cogitemus non quantum prope mortem perducti sumus: omnes referuamur ad mortem: nec de re, sed de die queritur. Nonne contemneres eum qui inter morituros constitutus, beneficij loco peteret vltimus ceruicem amputari. Idem facimus, magni æstimamus tardius mori. Idem in lib. de naturalibus quæstionibus: Nullum magis solatium mortis, quàm ipsa mortalitas. Octauum est, moriendi continuitas. Senec. Quid times quod quotidie experieris. Idem quotidie morimur, tota die aliqua pars vitæ demitur, & tunc quoque cum crescimus, vita decrescit. Nonum est, mortis propinquitas. Chrysost. Signati postmodicum morituri sumus. Quare ante modicum in causa Dei cum gloria non morimur, vt fiat voluntarium quod futurum est necessarium? Senec. Nemo tam inmitis est, qui malit semper pendere, quàm semel cadere. Idem: Erras si in nauigatione sola putas minimum esse quæ morte vita diuiditur. In omni loco æque tenues interuallum est. Nō ubique se mors

tam prope ostendit, vbique tam prope est. Decimum, est mors Christi. Hebræor. 12. *Curramus ad propositum certamen, aspicientes in auctorem fidei & consummatorē Iesum, qui proposito sibi gaudio sustinuit crucem.* Augustin. Magna consolatio est membris ex capite, quod Christus qui est sapientia Dei patris, gaudium mundi, fugit, & ad mortem volunarie venit, certissimum argumentum est, quod mors seruis Dei tinenda non sit. Vndecimum est, amantissimi & sapientissimi patris potestas. Hoc solatium exhibuit Dominus discipulis suis, dicens eis post suam resurrectionem: *Data est mihi omnis potestas in cælo & in terra.* Matth. vltim. Magna consolatio est filiis Dei, quod persecutionis virga est in manu patris eorum. Patris, inquam, misericordiarum, cuius sapientiam nihil latere potest, cuius potentiam nihil potest superare. Vnde verisimile est quod persecutor non affliget filios eius, nisi quantum pater videbit eis expedire. Esa. 10. *Virga furoris mei Assur.* Matth. 18. *Nonne duo passeresset vaneunt, & vnus ex illis non cadet super terram sine patre vestro.* Duodecimum est, sequens immortalitas. Tullius: Non est lugenda mors quàm immortalitas consequitur. Eccles. 9. *Melior est dies mortis, die natiuitatis.* Duabus de causis melior est seruis Dei *dies mortis, die natiuitatis.* Vna est, quia mors est egressus à miseria, natiuitas vero ingressus est ad miseriam: melior est egressus à miseria quàm ingressus ad miseriam. Sapiens: Mors bona si non est, finis tamen illa malorum est. Sen. Mors malorum omnium remedium est. Secunda est, quia mors est porta gloriæ seruis Dei. Ipsa est inchoatio beatæ vitæ: vnde est nobilior mors quàm sit natiuitas secundum corpus. Vnde transitus Sanctorum, natale eorum vocatur ab Ecclesia. In Psalm. *Pretiosa in cō. p. 5. spectu Domini mors sanctorum eius.* Verè pretiosa, quia est regni æterni pretium. Sequitur de quibusdam aliis solatiis quæ tangit Seneca in lib. de remediis fortuitorum.

Cur dies  
mortis  
melior  
die nati-  
uitatis.

Exulabis. Et respondet: Patria est ubicunque bene es. Illud autē per quod bene es, in homine, nō in loco est. Si sapiens est, peregrinatur: si stultus, exulat. Dolor imminet. Si exiguus est, feramus: levis est patiētiā. Si grauis est, feramus: non levis est gloria. Dura res est dolor, immo tu mollis. Non sum potens, gaude: iniuriam facere non poteris. Pecuniam perdidisti, fortasse illa te perdidisset. O te felicem! si cum illa auaritiā perdidisti. Sed si manet illa apud te, es tamen utcunque felicior, quod tanto malo materia subducta est. Pecuniam perdidisti, & illa quā multos. Eris nūc in via expeditior, domi tutior. Exonerauit te fortuna, si intelligis, & tutiore posuit loco. Damnum putas, remedium est. Pecuniam perdidisti: nempe quam ut tu haberes alius ante perdidit. Oculos perdidisti: quā multis cupiditatibus via incisa est. Oculi incitamenta sunt vitiorum, duces scelerum. Amisi liberos: Stultus es qui fles mortem mortalium. Perire perituri. Habebāt illi cuius essent magis quam tui. Educandos tibi fortuna mandauerat: recepit illos, non abstulit. Naufragiū feci. Cogita non quid perdidisti, sed quod euaseris. Nudus exi. Sed existi. Omnia perdidisti: sed cum omnibus perire potuisti. In latrones incidi: noli conqueri quod incideris, gaude quod effugeris. Amicum perdidisti, alium quare, & ibi cum quæras ubi inuenias. Quare inter liberales artes, inter honesta & recta officia: quare in laboribus. Ad mensā res ista non quaeritur. Perdidisti amicum, fortem animū habes: si vnum, erubescere: si vnicum, quid tu in tanta tempestate ad vnā anchorā stabis? Bonam vxorē amisi: Inuenies, si nihil quæris nisi bonam vxorē. Soror bona non potest recuperari, nec mater. Vxor aduentitium bonum est. Non est inter illa quæ semel vnicuique contingunt. Multos tibi numerare possum, quibus bonam vxorem lugentibus contigit melior. Contra aspera huius mundi abundantius consolatur scriptura, & specialiter doctrina Saluatoris, qui ad consolandum miseros in mundum

istum venit. Esa. 61. *Ad annuntiandum mansueris misit, &c. Ut consolaret omnes lugentes.* De consolationibus habes Matt. 5. & 10. & Luc. 6.

## De Timore inordinato.

**S**ecuritas timorem inordinatū expellit. Contra quem dicit Senec. in epistolis: Nos ad praesentia non aptamur: sed cogitationes in lōginq̃a prēmittimus. Itaque prouidentia maximum bonū conditionis humanæ in malum versa est. Feræ pericula quæ vident fugiunt, quum effugere securū sit, nos & vêturo torquemur & præterito. Multa bona nostra vitio nostro nobis nocent. Timoris tormentum memoria reducit, prouidentia anticipat: nemo tantū praesentibus miser est. Idem: Plura sunt quæ nos terrent, quam quæ premunt: & sapius opinione, quam re, laboramus. Illud tibi præcipio, ne sis miser ante tēpus, cum illa quæ velut imminetia expauiisti, fortassis nunquam ventura sint. Quædam magis torquent quam debeant: quædam torquent, cum omnino non debeant: quædam ante torquent quam debeant. Idem: Respicean certa argumēta sint futuri mali: plerūque suspicionibus laboramus, & illudit nobis illa quæ conficere bellum solet, fama. Non coarguimus illa quæ nos in metum adducunt: nec excutimus, sed trepidamus: & sic vertimus terga, quemadmodum illi quos pulvis motus, fuga pecorum fugauit castris, aut quos aliqua fabula sine auctore sparsa conterruit: Nescio quomodo vana magis conturbant: vera enim modum habent. Quā multa expectata nunquam comparuerunt, etiam si futurum est: quid iuuat dolori suo occurrere? satis cito dolebis cum venerit, interim tibi meliora promitte. Idem: Spe metum tempera: alius dicat, fortasse non veniet: tu dic, quid si veniet? videbimus verum, veniat: fortasse pro me venit, & mors ista vitam honestabit. Contra timorem inordinatum multum valet sapientia. *Attinet enim à fine usque ad finem fortiter, &c.*

*disponit omnia suauiter.* Sap. 8. Econtrario est de stultitia. Seneca: Stultitia nihil peccatum habet, ad omnia pauet, & ipsis terretur auxiliis.

*De securitate commendabili & reprehensibili.*

**E**T notandum quod est securitas commendabilis, & securitas reprehensibilis. De commendabili dicitur. Prouer. 15. *Secura mens quasi iuge conuiuium.* Greg. in Moral. Quali continuatio refectionis, est tranquillitas securitatis. Idem: Iustus initium retributionis est ipsa plerumque in obitu securitas mentis. Idem: Quisquis ad vitæ præcepta se dirigit, priusquam vitæ æternæ præmia percipiat, hic iam initia securitatis in perpetuum securitatis degustat. Securitas ista videtur esse sequela virtutum. Greg. in Moral. Dum virtutes menti lætitiā pariunt, quandam etiam securitatem gignunt. Ad securitatem primo valet puritas conscientiæ. Conscientia pura merito secura est, cum à peccato purgata sit, propter quod solum vel maxime timendum est. Bern. O vita secura, ubi pura conscientia in quam via secura, ubi absque formidine mors expectatur, immo exoptatur cum dulcedine, & excipitur cum deuotione. Secundo diuturnitas poenitentiae. Greg. In poenitente, cum longa mœroris anxietate fuerit formido consumpta: quædam iam de præsumptione veniæ securitas, nascitur. Tertio contemptus boni transitorij. Greg. in Moral. Mira securitas cordis, aliena non quærere. Aug. in l. de libero arbitrio: Nemo securus est in his bonis, quæ potest inuitus amittere: virtutem autem & sapientiam nemo amittit inuitus. Qui bona transitoria contemnit, mala poenæ transitoriae non metuit. Sene. Desines timere, si sperare desieris. Quarto integer amor interni & æterni boni. Vnde super illud Prouerb. 28. *Inustus autem quasi leo confidens absq; terrore erit.* dicit gl. Iusti securitas leoni comparatur:

Quid securitatis  
animi  
foueat.

quia cum quaslibet aduersitates insurgere conspiciat, ad mentis suæ confidentiam redit, & scit quod vincit, quia illum diligit quem nemo inuitus amittit. Securitas reprehensibilis est securitas temeraria: ut est securitas eorum qui ita sunt securi in mari huius mundi, quasi iam essent in portu; & ita sunt securi dum adhuc bellum durat, quasi iam triumphassent. 3. Reg. 10. *Ne gloriatur accinctus aquæ ut discinctus.* Bern. in sermonibus: Nusquam est securitas, fratres, neque in cælo, neque in paradiso, multo minus in mundo. In cælo, cecidit angelus sub præsentia deitatis. Adam in paradiso de loco voluptatis. Iudas in mundo de scola Saluatoris. August. in lib. Conf. Nemo securus debet esse in vita ista quæ tota tentatio nominatur. Hier. in epist. Nulla securitas est vicino serpente dormire. Qui habent hanc securitatem, facile à diabolo vincuntur. Hier. in epist. Timor virtutum custos est: securitas ad lapsum facilis. Iud. 18. *Nullus erit labor, intrabimus ad securos.* Hieron. Noli nimis esse securus: nimia securitas mentis tempestas est. Greg. in Moral. Sæpe quem certamen suæ tentationis superare non valuit, sua securitas deterius strauit: vnde se pertimescit quandoquidem cadere, inde accipit fortiter stare. Idem: Sancti viri sic de spe sunt certi, ut tamen semper sint de tentatione suspecti. Quæ securitas? ubi etiam excellentia sunt dona Dei, ut est diuina reuelatio, possunt esse homini occasio ruinæ. 2. ad Cor. 12. *Ne magnitudo reuelationum extollat, datus est mihi, &c.* Gl. Aug. Quomodo securus agnus egreditur, ubi aries sic periclitari metuit: Gregor. In paradysum ducetis, & ab angelo sathanæ tentaris. Item securitas reprehensibilis, est securitas cum negligentia. Greg. in hom. Plerique pigri remanent ad exercenda bona præcipua: quia valde sibi securi sunt; quod nulla commiserint mala grauiora. Idem in Moral. Dum mens secura redditur, in torporem laxatur. Idem: Mater negligentiae solet esse securitas. Item repre-

Quæ securitas  
reprehensibilis.



inensibilis est securitas incauta. Gregor. Moral. Multis sæpè graue periculum, incauta securitas fuit, econtrario. Prouerb. 11. *Qui cauet laqueos, securus eris.* Greg. in Morali. Sæpè mens dum in se virtutis suæ securitate resoluitur, insidiante aduersario inopinatæ culpæ telo perforatur, & inde à Deo in æternum longè fit, vnde ei ad tempus sine cautelæ custodia propinquauit. Item securitas reprehensibilis est eorum qui pericula futura non præuident. De securitate talium. Iob. 21. *Domus eorum secure sunt & pacata, &c. Ducunt in bonis dies suos, & in puncto ad inferna descendunt.* De improuisione talium, Prouerb. 28. *Viri mali non cogitant iudicium de securitate malorum.* Eccle. 8. *Quia non profertur cito contra malos sententia, filij hominum absque timore ullo perpetrant*

*mala. In eodem: Sunt impij qui ita securi sunt quasi iustorum facta habeant.* Securitatem cum improuidentia habebat, cui dictum est: *Stulte, hac nocte animam tuam repetent à te,* Luc. 12. Item illi de quibus eiusdem 17. Edebant, & bibebant, vxores ducebant & dabantur ad nuptias vsque in diem qua intrauit Noe in arcam: & venit diluuium, & perdidit omnes. Et in eodem similiter factum est in diebus Loth: *Edebant, &c. Et pluit ignem sulphur de celo, & omnes perdidit.* Talis etiam securitas fuit Ierosolymitis, quibus Dominus ait; Luc. 19. *Et quidem in hac die quæ ad pacem tibi: nunc autem abscondita sunt ab oculis tuis, &c.* Et 1. ad Thessal. 5. *Cum dixerint pax & securitas: tunc repentinus eis superueniet interitus.*

## DE PATIENTIA.

## P A R S S E X T A.

Sex habet Capitula.

## CAPVT PRIMVM,

*De ordine dicendorum de Patientia, de descriptionibus Patientia & merito, ac distinctione nominis eius.*

Quid sit  
patien-  
tia.



EQVITVR de Patientia, de qua hoc modo dicetur: Primo ponentur descriptiones eius. Secundo, ea quæ pertinent ad eius commendatio-

nem. Tertio, agetur de his quæ iuuant patientiam. Quarto, ponentur eius diuisiones. Circa primum notandum quod patientia est æquanimis malorum illatorum tolerantia. Et potest sumi hæc descriptio à verbis Gregorij super illud Lucæ 21. *In patientia vestra possidebitis animas vestras.* Gregorius: Vera patientia est, aliena mala æquanimiter perpeti: & contra

eum qui irrogat mala, nullo animi dolore moueri. Et super illud Iob 4. *Vbi fortitudo tua, patientia tua, & perfectio viarum tuarum?* dicit Gloss. In fortitudine proficit qui mala aliena immotus tolerat. Describitur etiam sic: Patientia est virtus contumeliarum, & omnis aduersitatis impetus æquanimiter portans. Vel sic: Patientia est omnium passionum molestiarum aliunde illatarum, victoriosa perpassio. Item sic describitur à Tullio in 1. Rhetoric. Patientia est honestatis aut utilitatis causa, rerum arduarum & terribilium voluntaria ac diuturna perpassio. Honestatis causa est perpassio: vt cū quis

Passiones  
duplices.

pro fide Christi potius eligit mori, quam negando eam, saluare vitam suam. Utilitatis vero causa: ut cum quis pro salute regis mori eligit. Voluntaria vero ideò dicitur: quia qui omnino inuitus patitur, non habet laudem vel meritum. Ideò dicitur 1. Petr. 4. *Nemo vestrum patiatur quasi homicida, aut fur, aut maledicus, aut alienorum appetitor.* Si autem ut nō Christianus erubescat, diuturna dicitur: quia ad verum patientem pertinet ut patiēdo perseueret. Si quis obijciat quod passio exterius illata non videtur voluntaria esse, & ideò nec meritoria. Dicendum est, quod quædam sunt passiones intrinsecus natæ: tamen per apprehensionem extrinseci boni vel mali mouentis; ut gaudium, spes, timor, dolor. Et hæc passiones possunt esse à voluntate eius qui patitur, tanquam à causa efficiente vel non resistente, quæ indubitanter possunt esse meritoria. Aug. 14. libro de Ciuit. Dei. Cupiditas, lætitia, metus, tristitia, voluntates sunt. Recta voluntas bonus est amor, & peruersa, malus est amor. Amor fugiens quod ei aduersatur, timor est: idque si acciderit sentiens, tristitia est: animi dolor qui tristitia nominatur, dissensio est. Quædam vero passiones sunt extrinsecus illatæ: ut molestia corporis, vel contumelia verbi. Et passiones non sunt voluntariæ à voluntate eius qui patitur tanquam à causa efficiente. Tamen possunt quodammodo dici voluntariæ voluntate consentiente & non contradicente. Voluntas vero sustinendi seu recipiendi eas, secundum quosdam, meritoria est etiam aureæ & aureolæ, si tamen sit coniuncta passioni: aliter vero nō est meritoria aureolæ. Secundum alios passio quæ quodammodo est voluntaria, est meritoria, prout meritorium dicitur quod de debito sit magis debitum. Dicitur enim mereri secundum alios multipliciter. Vno modo est impetrare aliquid de congruo: sic boni merentur alijs gratiam. Alio modo de indebito facere debitum; & mereri hoc modo, pertinet ad gra-

tiam mediante actu liberi arbitrij. Tertio modo, mereri est de debito facere magis debitum: sic meretur quis actu exteriori, vel passione, meretur aureolam, in quantum ex charitate eam suscepit, & non ipsa voluntate suscipiendi. Plus enim dicit suscepio voluntaria, quam voluntas suscipiendi. Ponit enim actuale passio-nem, & voluntatem circa ipsam susceptionem: tamen forsitan non exigitur quod tunc sit actu voluntas, sed sufficit quod voluntas illa fuerit ex qua hæc suscepio est voluntaria, dummodo patiens maneat in charitate. Et notandum quod patientia quandoque large sumitur, quandoque strictè. Patientia large est circa omne difficile & circa omnem tentationem. Iacobi 1. *Beatus vir qui suffert tentationem.* Strictè vero est circa passiones extrinsecus illatas: actus vero patientiæ est recipere passionem: ita quod animus nec succumbat, neque vindictam inferenti appetat.

## C A P V T I I.

### De commendatione Patientia.

**A**D commendationem Patientia. Primo facit frequens admonitio, quam facit Scriptura sacra ad patientiam. Ephes. 4. *Obsecro vos in Domino, ut digne ambuletis vocatione qua vocati estis, cum omni humilitate & patientia.* 1. Thess. 4. *Patientes estote ad omnes.* 1. Tim. 6. *Homo Dei sectare patientiam.* Heb. 12. *Per patientiam curramus ad propositum nobis.* Iacobi 5. *Patientes estote fratres usque in aduentum Domini.* Secundo, quia patientia valde gloriose triumphat. Ad gloriam triumphi eius facit quod ipsa sine ictu vel percussione vincit. Non leuaret vnā festucam ad hostes feriendos: sed tela eorum retundit, & in corde hostium mittit. In Psalm. *Gladius eorum intret in corda ipsorum.* Persecutoris gladius in cor eius

Psalm. 16

eius intrat, quia animam eius occidit. Patientia vincit homo persecutores, & demones, & seipsum. De persecutoribus patet in beato Vincentio, qui vicit Datianum. Vnde dixit ei: Videbis me plus posse dum torqueor quam possis ipse qui torques. De demonibus vero, idem patere potest, quos patientia martyrum eiecit de dominio huius mundi. Legitur de quodam senese monacho eremita, quod cum quidam homo malo spiritu arreptus eum fortiter in maxilla percussisset, & senex mox alteram praeuisset, diabolus statim recessit. Similiter legitur de filia cuiusdam primarij demonium habente, quod cum quidam discipulus secum venisset ad domum in qua ipsa erat puella à demonio vexata, dedit alapam ei: ille autem praeuit ei mox & aliam. Dæmon autem coactus clamauit, quod violenta mandata Dei expellerent eum inde, & statim curata est puella. Patientia vincit seipsū, quod genus vincendi est rarissimum, est etiam nobilissimum. Sen. in li. de Naturali quaestio: Innumerabiles sunt qui populos, qui vrbes habuerunt in potestate, paucissimi qui se ad gloriam huius triumphi. Primo facit quod hostis familiarissimus eo vincitur. Nulla vero pestis efficacior ad nocendum quam familiaris inimicus. Secundo, quod patiens hostem superat, qui iam est secum in arce. Difficilius vero est hosti resistere cum intrauit castrum vel arcem, quam si sit extra. Vnde super illud. Prou. 15. *Melior est vir patiens viro forti, &c.* dicit gl. Minor est victoria vrbes expugnare, quia extra sunt quæ vincuntur. Tertio, quia qui fortior est in fortiori, fortior est in minus forti: & cum aliquis multas vrbes expugnauit, si postea seipsum superauerit, nobilior erit triumphus vltimus praecedentibus, quo victor urbium seipsum deuincit. Ad gloriam huius triumphi etiam facit, quod cum in aliis triumphis pugnet homo totus contra hostem, hic non pugnat nisi quasi dimidius. Patientia Sancti vicerunt regna. Patientia hominem red-

dit inuincibilem. Vnde super illud Iob. 4. *Vbi est fortitudo tua, &c.* Qui se vincit, contra omnia fortis est. Vnus homo vere patiens à toto mundo vinci non posset. Seneca: Facilius est gentem vnā, quam vnum hominem vincere. Idem loquens de quodam qui vicit ignem, & duos reges patientia sua. Ego non dubito quin maiorem laudem trunca illa manus manci meruerit, quam cuiuslibet fortissimi, quā saluam fecit hostium flammarumq; contemptor, & manum suam in hostili foculo distillantem spectauit, donec iussu est ut inuito ignis eriperetur, hoc tanto magis puto quanto rarius est hostem amissa manu vicisse, quam armata. Fecit bellum inermis & mancus, & illa manus trunca duos reges vicit. Poëta: *Maxima virtutum patientia pugnat inermis. Armataeque solet vincere sapē viros.* Legitur quod Socrates positus in carcere, cum essent qui permitterent eum fugere, noluit exire: sed remansit ut duarum rerum grauissimarum hominib. metum auferret, mortis scilicet & carceris. Sancti maxime videntur gloriari in his quæ sunt patientiæ. Galat. vltim. *Mibi absit gloriari, nisi in cruce Domini.* 2. Cor. 12. *Libenter gloriabor in infirmitatibus meis, &c.* Rom. 5. *Gloriamur in tribulationibus.* Tribus de causis electi gloriantur in tribulationib. Primo, quia viros strenuos magis decet tribulatio quam prosperitas. Sicut militi gloriosius est esse in exercitu, quam in balneo. Boëtius. Vir sapiens moleste ferre non debet quoties in certamen forte adducitur. Sic virum fortem non decet indignari, quoties bellicus increpuit tumultus. Seneca in epist. Quid enim malis, quisquis vir est, somnum suum classico quā symphoniam rumpi? Secundo, quia in hoc assimilantur Christo, cui assimilari magnæ gloriæ est. Eccl. 18. *Magna gloria est sequi Dominum.* Bern. super Cant. Quanta gloria est sponse assimilari sponso? nihil gloriosius reputat quā Christi portare opprobrium. Idem. Grata ignominia crucis, sed ei qui

Cur electi gloriatur in tribulationibus.

crucifixo ingratus non est. Gloriosum est militi deferre arma regis: sic gloriosum est Christiano deferre stigmata Christi. Galat. 6. *Nemo mihi molestus sit: ego enim stigmata Iesu Christi in corpore meo porto.* Aug. Stigmata appellauit, quasi notas pœnarum de persecutionibus quas patiebatur. Stigma enim dicitur punctum, vel nota aliquo ferro facta. Tertio, quia tribulatio ostendit eos esse amicos Dei. Apoc. 3. Ego quos amo, corrogo, & castigo. Tertio, magnum dominium patientiæ. Patienti seruiunt persecutores. Prouer. 11.

Persecutores: serui sunt patientis. Psal. 128. Psal. 126.

*Qui stultus est seruiet sapienti.* Nullus adeo seruiuit beato Vincentio utiliter, ut Darianus, fabricando ei coronam regni æterni. Et in Psalm. *Supra dorsum meum fabricauerunt peccatores.* Fabricauerunt, inquam, coronam æternam. Patientiæ seruiunt æstus & hyems, & omnia aduersa mundi. Sterilitas agrorum implet eius horrea, sterilitas vinearum cellaria. Fures & raptores & alia hominibus noxia seruiunt ei. Ignis domos aliorum exurens ædificat patientiæ domum in cœlis. Ad eam pertinet illud Psal. *Si consistent aduersum me castra, non timebit cor meum.* Ipsa confringit potentias, arcum, scutum, gladium & bellum. Omnia enim ista in obsequium eius conuertuntur. Ipsa mors seruit ei, tenebrosus carcerem corporis confringendo. Mors clavis regia est, quam Deus exhibet ad liberandum amicos suos à carcere corporis. Ipsa porta est per quam amici Dei effugiunt è manibus persecutorum ad Dei misericordiam. Prouerb. 14. *Sperat iustus in morte sua.* Patientiæ dominatur homo sibi ipsi. Luc. 21. *In patientia uestra possidebitis animas uestras.* Hoc dominium attenditur in hoc quod ipsa cohibet hominem interiorem ab illicito appetitu vindictæ. Cohibet similiter exteriorem. Linguam enim cohibet à contumelia, manum à violentia. Unde sicut dicitur de garrulo, quod non potest tenere linguam suam: de homine verò modesto in verbis, contrarium dici-

tur: Sic patiens potens est seipsum cohibere, & interius & exterius, ab his quæ pertinent ad vindictam. Et quantum ad hoc dicitur patiens animam suam possidere. In homine impaciente dominatur ira vel furor, & eum possidet. Quarto, quod hominem ditat. Patiens sapienter agit ad hoc ut debita sua soluat. Ipse sapienter acquirit, sapienter custodit, & multiplicat, sapienter debita soluit, nihil de suo in solutione expendendo, sed faciendo ut hostes sui ea soluant, dum iniurias ab eis illatas patienter sustinet, quæ sunt velut aurum & argentum & lapides pretiosi, quibus à debitis suis absolvitur. Iob. 37. *Ab aquilone aurum ueniet.* Ipse de his quæ nullius valoris videntur esse, debita sua soluit: ut sunt mala pœnæ, mors scilicet, infirmitas, & similia. Mors enim ei pretiosa est: *Pretiosa in conspectu Domini mors sanctorum eius.* Aug. in lib. de Ciuit. Dei: Quid pretiosius quam mors per quam fit ut omnia delicta dimittantur, & merita cumulatius augeantur? Patiens de hoc quod necesse habebat expendere, à debitis suis se absoluit, & insuper regnum cœlorum emit: ut patet in martyribus, quorū mors, per quam necessario transaturi erant, ab omni pœna eos absoluit, & regnum cœlorum eis acquirit. Patiens sapienter acquirit: quia sine suo labore, labore scilicet persecutoris, qui materiam coronæ perpetuæ ei ministrat. Et in hoc est melior ut patiens viro forti. Prouerb. 16. Fortis enim multo labore diuitias spirituales acquirit, vigilando, ieiunando, peregrinando. Patiens etiam conseruando sapienter agit. Si enim persecutor in aliquo temporali damnificat hominem patientem, ipse quæ sibi remanent, maxime spiritualia, diligenter custodit. Non minor est virtus, quam quætere, parta tueri. Econtrario impatiens si ei auferatur aliquid terrenum ipse proijcit spiritualia bona. Prouerb. 19. *Qui patiens est, non sustinebit damnum.* Eccles. 2. *Va his qui perdiderunt sustentamentum.* Patiens etiam multiplicando

Drachonem.

Psal. 115.

sapienter agit: Ipse enim mala in bona conuertit. Ipse de malis commodum suum facit. Ipse non experitur quidquam mali. Eccles. 8. *Qui custodit praeceptum, non experietur quidquam mali.* Esa. 3. *Dicitur ei iusto, quoniam bene, &c.* Patienti in omnibus aduersis bene accedit, quia iuxta verbum Greg. nulla nocebit aduersitas, si nulla do ninetur iniquitas. Patientia ariditate prupercatis vberius fructificat. Ipsa ad modum veli verberibus impinguatur: & vt Salamandra, de igne tribulationis viuiscit. Et ad modum istini pungitiuis pascitur, & vt istrachio ferrum & alia dura comedit. *Qui gaudet patientia duris.* Ipsa ad modum piscis marini aquis tribulationum nutritur; Et lapides in panes conuertuntur: quibus enim impatientes lapidantur, patientes pascuntur & ædificantur. Patientiae donum à Deo datum est, vt alat suos in fame. Fames enim est eorum refectio. Patientia est desertum & hortus voluptatis. Patientia est velut aurum quod igne tribulationis deputatur. Homo impatiens est vt palea quæ ibi exurit. August. in lib. de Ciuitate Dei: sicut aurum sub vno igne rutilat, palea fumat, & vbi paleæ comminuuntur, frumenta purgantur: Ita vna eademque vis irruens, bonos probat, purificat; malos damnat, vastat, exterminat. Vnde in eadem afflictione mali Deum detestantur & blasphemant, boni Deum precando laudant. Quinto, quod iram Dei & proximi mitigat. Prouerb. 25. *Patientia lenitur princeps.* Bernard. Vapulem sane vt male operans, si mihi flagella in merita computentur: forsitan miseretur flagellato, qui in me non inuenit meritum quod remuneret. Prouerb. 15. *Vir iracundus promouet rixas, qui patiens est, mitigat suscitatas.* Sexto, quod Christo vicem reddit. 1. Pet. 2. *Christus passus est pro nobis, vobis relinquens exemplum vt sequamini vestigia eius.* In Psalm. *Quid retribuam Domino, pro omnibus quæ retribuit mihi?* Vult Christus vt aliqua patiamur

pro eo, sicut ipse passus est pro nobis. Vnde cum comedisset de pisce assu, dedit reliquias discipulis suis. Lucæ ultimo. *Piscis assus est Christus passus.* Voluit Christus communicare discipulos passioni suæ ad Coloss. 1. *Adimpleo ea quæ defunt passionum Christi in carne mea.* Septimo, quod hominem quasi martyrem facit. Gregor. Sine ferro vel flammis martyres esse possumus, si patientiam in animo veraciter conseruamus. Octauo, quod mira facit. Gregor. Ego virtutem patientiæ signis & miraculis maiorem puto. Si patientiam habens, aliquid mortiferum biberit, non ei nocebit. Sermo venenatus quem audit, in medicinam ei vertitur. Patienti nox aduersitatis vt dies illuminabitur: ita enim clare videt in nocte aduersitatis, sicut in die prosperitatis, vel etiam clarius. Et implet Dominus illam promissionem. Esaie 42. *Cum transieris per aquas tecum ero, & flumina non operiet te: cum ambulaueris in igne, non combureris, homo patiens est vt rubus ardens absque lesione.* Exod. 3. Homo patiens est vt pueri quos Deus in igne Babylonicæ fornacis illæsos seruauit. Daniel. 3. Ita accidit homini patienti, sicut accidit beato Tiburtio, qui cum nudis plâtis incederet super carbones ardentes, videbatur ei quod super roseos flores incederet. Prouerb. 6. *Nunquid potest homo ambulare super prunas, vt non comburantur planta eius?* homo patiens hoc potest. Nono, quod patientia multum ad sapientiam facit. Prouerb. 14. *Qui patiens est, multa gubernatur sapientia.* Homo impatiens non solum est stultus, sed quasi insanus, quia ira furor brevis est. Prouerb. 19. *Doctrina viri per patientiam nescitur.* Gregor. Tanto quis ostenditur minus doctus, quanto minus patiens conuincitur: quum Dominus qui sapientissimus est, sit patientissimus, in fine mundi eius iniurias suas vindicaturus est. Qui magis patiens est, magis sapiens est, & magis Deo assimilatur. Prouerb. 14. *Impatiens operabitur stulti-*

Patiens  
patiendi  
fit Mar-  
tyr.

Iram  
Dei mi-  
tigat.

Psalm. 115.

riam. In eodem: *Qui impatiens est, exaltat stultitiam suam.* Decimo, quod patientia statui huius exilij multum congruit. Apocal. 13. *Hac est patientia & fides sanctorum.* ad Heb. 10. *Patientia vobis necessaria est, ut voluntatem Dei facientes repositis promissionem.* Ministri Dei qui sunt de Ecclesia militanti multū indigent patientia; sicut illi qui sunt in bello, multum indigent scuto vel aliis armis. 2. ad Cor. 6. *In omnibus exhibeamus nosmetipsos sicut Dei ministros in multa patientia.* Et inter ea quæ charitatis sunt, primo ponit Apostolus patientiam. 1. ad Cor. 13. *Charitas, inquit, patiens est, benigna est.* Qui in hac vita est absque patientia, est quasi homo sine cappa in tempore pluuiali, & sicut homo inermis in medio hostium suorum. Vndecimo, quod patientia vestis purpurea est, valde decens in electis Dei. Coloss. 3. *Induite vos sicut electi Dei viscera misericordiae, benignitatem, humilitatem, modestiam, patientiam.* Patientia vltima ponitur quasi ordinās & protegens ceteras virtutes. Prouerb. vlt. legitur de hac purpura. *Byssus & purpura indumentum eius.* Duodecimo, quod ipsa animam perficit. Vnde super illud Iob. 4. *Perfectio viarum tuarum,* dicit Gloss. De patientia perfectio nascitur. Iacob. 1. *Patientia opus perfectum habet.* Habent ceteræ virtutes opus perfectum quantum ad sufficientiam: sed patientia quantum ad excellentiam. Patientia vitam feliciter consummat. Ipsa enim efficit ne vir iustus in tormentis deficiat. Tertiodecimo, quod ipsa est radix ceterarum virtutum. Vnde dicit Gloss. super illud Luc. 21. *In patientia vestra possidebitis animas vestras.* Patientia est radix & cultus omnium virtutum, quia sicut radix portat plantam cum ramis suis & fructu, ita patientia portat omnia onera quæ sibi imponuntur. Decimoquarto, quod ipsa rosa est quantum ad redolentiam & ruborem martyrij. Patientes enim dicere possunt illud: *Propter te mortificamur tota die.* Martyrium patientiæ quandoque

durat quadraginta annis, quum martyrium beati Laurentij paruo tempore finitum sit. De redolentia dicit Gregor. in Morali. Sicut aromata odorem suum quum incenduntur expādunt: ita viri sancti omne quod de virtutibus redolet in tribulationibus innotescunt. August. in libro de Ciuit. Dei: Non qualia, sed qualis quisque patitur, interest. Nam pari motu exagitatum vel exhalatum, horribiliter, tenuiter, & suauiter fragrat vnguentum. Decimoquinto, quod valdè efficax est ad acquirendum cælum. Hieronym. Non nisi per patientiam impletur quod dicitur: *Regnum cælorum vim patitur, & violenti rapiunt illud.* Matth. 11. Vnde quum in alijs beatitudinibus fiat promissio de futuro, patientibus dicitur regnum cælorum esse de presenti. Matth. 5. *Beati qui persecutionem patiuntur propter iustitiam, quoniam ipsorum est regnum cælorum.* Decimosexto, quod animi magnitudinem ostendit. Senec. Magni animi est, iniurias in summa patientia pati.

## CAPVT III.

*De his quæ iuuant Patientiam, de Tribulatione, & multiplici eius vtilitate.*

**T**RIA vero videntur multum iunare patientiam, scilicet Scriptura sacra, oratio, sancta meditatio. Scriptura sacra: Vnde in Psalm. *Parasti in conspectu meo mensam aduersus eos qui tribulant me.* Mensam, inquam, Scripturæ. Prouerb. 30. *Omnis sermo Dei clypeus ignitus est sperantibus in se.* Oratio multum iuuat eam, cum patientia, vel eius perfectus, donum Dei sit. Vnde Psalm. *Ab ipso patientia mea.* Et iterum. *Tu es patientia mea.* Item oratio gratiam impetrat, qua tribulatio refrigeratur. Ecclesiastici 18. *Nonne ardorem refrigerat*

Psal. 22.

Psal. 70.

bit vos? Hieron. 17. Dicitur de ligno plantato iuxta aquas, quod non timebit cum venerit aestus. Ideo Dominus, Matth. 26. Appropinquante tribulatione passionis, discipulos monet ad orandum: *Vigilate, inquit, & orate, ne iniretis in tentationem.* Et Luc. 21. prædicta tribulatione ante iudicium ventura monuit eos ad orandum: *Vigilate, inquit, omni tempore orantes, ut digni habeamini fugere quæ ventura sunt.* Esaïa 19. *Clamabunt ad Dominum à facie tribulantis, & mittet eis Salvatorem.* In Psalm. *In tribulatione invocasti me, & liberavi te.* Iac. ultim. *Tristatur aliquis vestrum?* Meditatio etiam iuvat patientiam. Prævenit etiam tribulationem, & ad eam præparat maxime meditatio de his quæ fidei sunt. Vnde fides & patientia sociantur, ad Hebr. 6. *Imitatores eorum qui fide & patientia hereditabunt promissiones.* Et Apoc. 13. *Hic est patientia & fides Sanctorum.* De præparatione ista tangitur Ecclesiast. 2. *Præpara animam tuam ad tentationem.* Psalm. *Ego autem in flagella paratus sum.* Meditatio vero præparans ad tribulationem, dividi potest in quinque species: Quarum prima versatur circa exempla. Secunda, circa ea quæ fecimus. Tertia, circa ea quæ meruimus. Quarta, circa persecutores. Quinta circa tribulationes. Prima subdividitur in tres species. Quarum prima est circa malos qui tot & tanta patiuntur, ut peccata sua perficiant, qui quotidianis cruciatibus cruciatum merentur æternum. Eccles. 21. *Via peccantium complantata a lapidibus, & in fine illius inferi, & tenebra & pena.* Sapient. 5. *Lassati sumus in via iniquitatis & perditionis. Ambulaimus vias difficiles,* dicunt mali. Libenter sustinere debent boni pro vita beata, quæ sustinent mali pro morte æterna. Secunda est circa alios qui pro minimis bonis, scilicet transitoriis tot & tanta sustinent Iac. 5. *Eccè agricola expectat pretiosum fructum terræ patienter ferens, donec accipiat temporarium & serotinum: patientes esto et vos,*

&c. Tertia circa bonos. Tob. 2. Hanc tentationem permisit Deus evenire illi, ut posteris daretur exemplum patientiæ eius, sicut & sancti Iob. Et post: *Non est contristatus contra Deum, quia plaga cecitatis eveniret ei.* Iac. 5. *Exemplum accipite fratres exitis mali, & longanimitatis, laboris, & patientiæ Prophetarum, qui locuti sunt in nomine Domini.* Ecce beatificamus eos qui sustinuerunt. Sufferentiam Iob audistis, & finem Domini vidistis. Hieron. Quis Sanctorum sine patientia coronatus est? à cunabulis Ecclesiæ non defuit iniquitas premeus, & iustitia patientis. Greg. Facta præcedentium patrum consideremus, & non erunt gravia quæ toleramus. Inter exempla vero sanctorum præcipuum est exemplum Christi, ad Hebr. 12. *Recogitate eum qui talem sustinuit à peccatoribus adversus semetipsum contradictionem, ut non fatigemini animis vestris deficientes.* Exemplum Christi est quasi scutum quoddam cordium nostrorum. Thren. 3. *Dabis eis scutum cordis laborem tuum.* 1. Pet. 4. *Christo in carne passio, & vos eadem cogitatione armamini.* Bern. super Cant. Vtrunque es mihi, Domine Iesu, & speculum patiendi, & præmium patientis, vtrunque fortiter prouocat ac vehementer accendit. Idem super illud Cant. 1. *Fasciculus myrrhæ, &c.* Habete illum semper: non retro in humeris, sed ante præ oculis, ne portantes & non odorantes, & onus premar, & odor non erigat. Videntes angustias Domini, leuius vestras portabitis. Greg. Si ipse hinc sine flagello non exiit qui sine peccato venit: Quomodo flagellis digni non erunt qui huc cum peccato venerunt? Passio Christi lignum est aquas tribulationum dulcorans, signata ligno illo quod à Domino ostensum est Moyse, vnde aquæ dulcoratæ sunt. Exod. 15. Gregor. Si passio Domini ad memoriam reuocetur, nihil adeo durum quod non æquo animo toleretur. Elephantis ostendebatur sanguis vix & mori, ad acuendum eos in prælium.

Psalm. 17.  
Meditatio præparans ad tribulationem quinque modis explicatur dividitur.

Machab. 6. Et Dominus ostendit manus & latus discipulis in tribulatione positis. Lucæ ultim. Et aspectus serpentis ænei sanabat à moribus ignitorum serpentum. Numer. 21. Aspectus enim Christi in cruce iram & impatientiam sanat. Ad secundam speciem meditationis, quæ versatur circa ea quæ fecimus, pertinent verba sacre Scripturæ, quæ sequuntur. Gen. 42. *Merito hæc patimur, quia peccauimus in fratrem nostrum.* Michæ 5. *Iram Domini portabo, quoniam peccavi ei.* Poëta: *Leuiter ex merito quicquid patiæ ferendum est.* Gregor. in Moralib. Tunc illata conuitia bene toleramus quum in secreto mentis ad male perpetrata recurrimus. Idem. Tanto quis patientius ferrum medici tolerat, quanto putridum esse conspicit quod secat. Idem. Per hoc quod culpe pondus cognoscitur, afflictionis pœna alleuiatur. Idem: Patienter iniuriam illatam tolerat, qui piè meminit quod fortasse adhuc habeat in quo debeat ipse tolerari. Idem: Considerat infirmitas propria mala, nobis excusat aliena. Idem in Pastoralibus. Si quis sua incommoda quæ portantur, considerat, ea quæ ab altero sustinet leuius portat. Ad tertiam quæ est circa ea quæ meruimus, pertinet illud Greg. Leue quidem videtur quod iniuriæ percutimur, dum in actione nostra conspiciamus quod peius est quod meremur. Habac. 3. *Ingrediatûr putredo ossibus meis, & subter me scateat ut requiescam in die tribulationis.*

In quarta meditatione attendendus est status persecutoris, qui est quasi insanus vel freneticus in seipsum manum iniiciens, in cor suum primo gladium mittens. Fratri vel filio insano vel frenetico debetur compassio, non odium vel indignatio. Hanc meditationem inuenit Glor. Bedæ super illud Luc. 6. *Benedicite male dicentibus vobis, &c.* Medicus animarum quos ad curandos proximos instruit, omnia quæ ad salutem proximorum valere possunt, tolerare præcipit, ut tanquam à filiis

ægrotantibus vel freneticis, si salus illorum id exigat, multa patiatur, donec infirmitas transeat. Item attendendum est quod persecutor virga est patris misericordiarum: illis qui patientes sunt est aurea; impatientes verò habebunt ferream, quæ tanquam vas figuli confringet eos. Virga ista in signum clementiæ extenditur in filios Dei: unde non est odienda, sed potius amplectenda Esther. 3. *Osculata est Esther virgam auream quam ostendit ei Assuerus.* Qui virgam patienter sustinent, tormentum malitiæ euadent. Sapient. 3. *Et non tanget illos tormentum malitiæ sine mortis.* Item attendendum est in hac meditatione, quod licet persecutor in præsentem filios Dei pungat, tamen in futuro eis mellificat: In Psal. *Circumdederunt me sicut apes, &c.* Apes etsi inferant compunctionis dolorem, amantur tamen, quia ministrant mellis dulcedinem. Similiter amandi sunt persecutores, & toleranda est punctura ad tempus propter iucunditatem quæ ex ea sequitur. Eccles. 1. *Vsq; ad tempus sustinebit patiens, & postea redditio iucunditatis.* Gregor. Si illic dulcia appetimus, necesse est ut prius hic amara toletemus.

Persecutor est quasi virga Dei.

### De tribulationibus.

Sequitur de quinta meditatione quæ circa tribulationes versatur. In qua primo attendendum est, à quo sit tribulatio. A Deo enim est. Eccles. 21. *Bona & mala, vita & mors, paupertas & honestas à Deo sunt.* Et ita cum ipsa sit à summo bono, indubitanter ipsa bona est & amanda. Ipsa est munus datum à Deo qui amantissimus est: Unde chara habenda est. Solent homines chara habere quæ dantur eis ab amicissimis suis, licet sint parui valoris. Ioan. 18. dicit Dominus Petro: *Calicem quem dedit mihi Pater, non vis ut bibam illum?* Tribulatio, potio est data à sapientissimo & fidelissimo medico. Unde non est timendum infirmo de excessu. Quomodo enim excederet qui sapientissimus



est & fidelissimus. 1. ad Corinth. 10. *Fidelis enim Deus qui non patietur vos tentari supra id quod potestis.* In Psalmis: *Congregans sicut in vitre aquas maris.* Mensurat enim amaritudines tribulationis. Exod. 15. *Stetit unda fluens.* Job. 38. *Circumdumare terminis meis, & posui vectem & ostia, dixi: Hucusque venies, & non procedes amplius.* Secundo attendendum est quod non solum tribulatio est à summe bono, sed etiā in summe bono fuit: ex quo manifestum est ipsam bonam esse. In eo enim nihil potuit esse nisi bonum. Augustinus: Omnia terrena bona contempsit homo Christus, vt contemnenda monstraret: & omnia terrena mala sustinuit, quæ sustinēda præcipiebat, vt nec in illis quæreretur felicitas, nec in istis timeretur infelicitas. Idem: Vnicus ille de Patris substantia natus, æqualis Patri, in forma Dei, Verbum, quo facta sunt omnia, non habebat vbi flagellaretur: ad hoc autem carne indutus est, vt sine flagello non esset. Qui flagellat vnicum sine peccato, relinquet adoptatum qui est cum peccato. Tertio attendendum est quod tribulatio ad summum bonum ducit, & ideo indubitanter est bona. Gregor. Mala quæ nos hic premunt, ad Deum ire compellunt. Act. 14. *Per multas tribulationes oportet intrare in regnum celorum.* Et notandum quod cum tribulatio bona sit, licet amara, ipsa tamen non est proicienda, vt faciunt quidam, similes illi qui ascendens in arborem nucis, inueniens amaritudinē in cortice fructus, eum proicit, & ideo non gustat de dulcedine nuclei. Sic aliqui infelices, tribulationem proiciunt, cum eius amaritudinem sentiunt. Sap. 3. *Sapientiam & disciplinam qui abiicit, infelix est.* Prou. 3. *Tene disciplinam & ne dimittas eam.* Potius condienda est tribulatio quasi quadruplici sale. Primo, consideratione æternorum suppliciorum, quæ est punitiua: generat enim timorem. *Dedit Dominus merentibus se, significationem vt fugians à facie arcus.* Arcus inquam, diuini

iudicij. Hæc significatio est tribulatio: quia homines futura mala non timent, ideo Dominus adhibet præsentia mala, propter quæ, velint nolint, dolent, vt dolor præsentium introducat timorem futurorum. In Pl. *Apprehendite disciplinam.* Glossa etiam si fugiat. Disciplina præsentis tribulationis tabula est, apprehendentes eam à naufragio liberans: sed in futuro tribulatio apprehendet & submerget illos qui eam nunc fugiunt. Job. 27. *Apprehendet eum quasi aqua inopia.* Virga Moyse proiecta, versa est in colubrum. Exod. 4. Sic tribulatio proiecta in mortem, &c. Qui increpationes odit, morietur. Virga non occidit. Prouerb. 23. *Si percusseris eum, virga, non morietur.* Sed coluber occidit. Idcirco recte in virga intelligitur pœna transitoria: in colubro mors æterna. Secundo consideratione æterni præmij. Hæc est quasi aromatica. Gregor. Consideratio præmij, minuit vim flagelli. Tertio est, consideratione passionis Christi. Aug. Magna consolatio membræ ex capite 2. ad Tim. 2. *Si compatimur, & conregnabimus.* Bernardus: Nunquid Christus locum tribulationis à communionē sua patietur arceri? Sibi cōfidens in cruce latro, eadem die cum eo fuit in paradiso.

#### De multiplici Tribulationis vtilitate.

**Q**uarto est multiplex vtilitas tribulationis. Et primo ponamus septē viles effectus tribulationis, secundum septem proprietates ignis. Tribulatio enim per ignem in Scriptura sacra consuevit significari. Psal. *Ignem me examinasti.* Notandum ergo, quod tribulatio ad modum ignis illuminat. Thre. 3. *Ego vir videns pauperatatem meam, in virga indignationis eius.* Greg. Oculos quos culpa claudit, pœna aperit. Dan. 4. *Septem tempora mutabuntur super te, donec scias quod dominetur Altissimus in regno hominum.* Et subditur. *Post finem dierum ego Nabuchodonosor oculos ad cælum leuavi, & sensus meus redditus est mihi.* Hæc illuminatio figurata est in

Effectus  
viles  
tribula-  
tionis se-  
cundum  
effectus  
ignis.  
Psal. 16.

Tribula-  
tio con-  
dienda  
triplici  
confide-  
ratione.  
Psal. 3.

illuminatione Tobiae, qui felle posito super oculos eius visum recepit. Tobiae 11. In amaritudine fellis, intellige amaritudinem tribulationis. Tribulatio fugat stultitiam, ab homine, & veram sapientiam introducit: Prouerb. 22. *Stultitia colligata est in corde pueri sed virga disciplina fugabit eam.* Iob. 27. *Sapientia non inuenitur in terra suauiter viuentium.* Interlin. Nam si verè scirent, in hoc exilio potius lugerent. Gloss. Qui vsque adhuc vitæ voluptatibus pascitur, ab æterna sapientie intellectu separatur. Aurum verò terræ Heuilaith optimum est: quod interpretatur dolens, Genes. 2. Eccles. 24. *Qui emittit disciplinam sicut lucem.* Esa. 28. *Tantum sola vexatio dabit intellectum auditui.* Thren. 1. *De excelsu misit ignem in ossibus meis, & erudit me.* Ierem. 6. Secundum translationem L X X. per omnem dolorem & flagellum erudieris Hierusalem. Prouerb. 29. *Virga atque correctio tribuit sapientiam.* Eccles. 22. *Flagella & doctrina omni tempore sapientia, id est, causa sapientie.* Efficacior vero ad erudiendum videtur esse aliquando disciplina verberum, quam disciplina verborum. Vbi enim non potest disciplina verborum, additur disciplina verberum. Item Ecclesiastic. 22. *Pungens oculum deducit lacrymas; & qui pangit cor, proferit sensum.*

Secundo emollit, vt ignis ceram, vel omnino liquefacit vt ignis metalla dura. Iob. 22. *Deus molliuit cor meum.* Psalm. 57. *Liquefacta est terra sicut cera.* Cera igne modico emollitur, & veterem imaginem deponit, & nouam recipit: sic corda non indurata, modica tribulatione emolliuntur, & vetustatem vitiorum deponunt, & nouitatem virtutum assumunt: corda vero dura non liquefiunt ad ignem tribulationis, nisi sit tribulatio magna, mortem inferens vel comminans. Tunc vetustas vitiorum deponitur, & corda parata sunt fluere in omnem modulum & formam recte viuendi, omnino parata stare sacer-

dotis mandato. Tunc fit tibi felix commutatio dexteræ excelli: vas enim ignominie commutatur in vas gloriæ, & serui diaboli efficiuntur filij Dei. Prouer. 12. *Verie impios, & non erunt.* Iob. 28. *Auro locus est in quo conflatur.* Hic locus est ignis tribulationis.

Tertio, tribulatio hominem roborat: sicut ignis roborat laterem, quem tamen videtur comburere, ad Rom. 5. *Tribulatio patientiam operatur:* Tribulatio roborat indurando Sanctos, vt dentes leonis infernalis, qui sunt hæretici, malorum suggestores, detractores & persecutores nihil possunt in eis: dentibus diaboli, dicitur Esa. 3. *Quare atteritis populum meum, & facies pauperum commollitis?* Patientia martyrum multos dentes extraxit de ore diaboli, quia visa patientia Sanctorum multi ad Christum conuersi sunt.

Quarto, tribulatio destruit, & quasi adnihilat vincula amoris, quibus aliquis ligatus est mundo. Vnde Daniel. 3. *Tres pueri qui ligati missi sunt in fornacem, inuenti sunt soluti.* Vnde accidit in homine, qui tribulationem patitur, sicut accidit quum Christianus populus obsideret quoddam castrum quod tenebant Saraceni. Opposuerunt enim Saraceni quendam Christianum nobilem captum machinæ, sperantes quod in eam partem iacere nollent lapides. Illo autem clamante, vt propter eum non desisterent ab impugnatione, cæperunt Christiani lapides iacere, & primo lapidis ictu ruptus est funis, quo ille ligatus pendebat. Vnde ille cadens in fossatum abstractus est à Christianis, & sic liberatus est, qui vere potuit Domino dicere, *Dirupisti Domine vincula mea.* Catena illa quæ nos ligatos tenet, est amor viuendi iuxta verbum Senecæ: Aliquando vero vnico actû tribulationis cædet aliquem viuere, & mortem desiderat cadens in profundum humilitatis. Eccl. 41. *O mors bonum est iudicium tuum, homini indigenti.* Sicut adhæret cibus vasi in, quo decoquitur nisi mouea-

Psal. 19.

tur, & amittit saporem debitum & colorem: sic cor hominis adhæret huic mundo per amorem, nisi tribulationem patiat, secundum illud Psal. *Conglutinatus est in terra venter noster.* Nec est modica utilitas separatio ab amore mundi, cum totam & solum malum hominis sit amor mundi. Iuxta verbum August. Greg. Ipse mundus dum tot amaritudinibus cruciatur, dum calamitates ingeminat, quid aliud nisi, ut non ametur, clamat: Nisi tribulationes essent, homines Deum obliuiscerentur, bonis temporalibus contenti. Greg. Electis suis Deus iter asperum facit, ne dum delectantur in via, obliuiscantur eorum quæ sunt in patria. Baruch 4. *Delicati mei ambulauerunt vias asperas.* Tribulatio est velut absinthium, quo hi qui sunt paruuli spiritualiter, à temporali consolatione separantur, sicut pueri aliqua amaritudine à lacte separari solent.

Psal. 16.

Quinto, tribulatio hominem probat. Ecclesi. 17. *Vasa figuli probat fornax, & homines iustos tentatio tribulationis.* Eiusd. 2. *In igne probatur aurum & argentum & homines receptibiles in camino humiliationis.* Iob 23. *Probabit me quasi aurum quod per ignem transiet.* Tob. 12. *Quia acceptus eras Deo, necesse fuit ut tentatio probaret.* In Psal. *Probasti cor meum, & visitasti nocte, igne me examinasti, &c.* Grego. Nemo vires suas in pace cognoscit. Si bella defunt, virtutum experimenta non prodeunt. Idem: Improvidus miles est qui se fortem in pace gloriatur: nemo quippe quantum profecit, nisi inter aduersa, cognoscit: ad Rom. 5. *Patientia probationem operatur.* Gen. 17. *Accede, fili mi, ut tangam te, & probem utrum sis filius meus, an non.*

Sexto, purgat. Ioan. 16. *Omne palnitem qui fert fructum, purgabit filios Levi.* Greg. Quod flagellum grano, quod lima ferro, quod fornax auro, hoc tribulatio viro iusto. Sed de quibusdam potest dei illud Ier. 6. *Frustra constans confessor. Malitia enim eorum non sunt consumpta.* Argentum reprobum vocat eos, quia Deus proiecit

eos. Maledictum ferrum, quod ex lima contrahit rubiginem. Non aurum, sed paleam se ostendit, qui in igne tribulationis non purgatur, sed per impatientiam crematur. Matthæi 3. *Paleas comburet ignis inextinguibili.*

Septimo, tribulatio ad modum ignis desiccatur ab aquis deliciarum, & sic cōseruat: Greg. in Psal. Cor Salomonis idcirco funditus sapientiam deseruit, quoniam ipsum nulla disciplina exterius custodiuit. Tribulatio est ut myrrha à putrefactione custodiens Hec Paulum custodiuit ne superbi-ret. 2. Cor. 12. *Ne magnitudo reuelationum extollat me, datus est mihi stimulus carnis meæ, angelus sathan qui me colaphizet.* Tribulatio viris Israelitis, murus est à dextris & à sinistris. Exod. 14. *Erat aqua filiis Israel quasi murus ad dextram & ad laeuam.* Tribulatio sepit viam inferni, ne electi per eam incedant. Os. 2. *Sepiam viam tuam spinis, & sepiam eam maceria.* Tribulatio hominem seruat à furibus infernalibus. In hominibus voluptati deditis vitia abundant. Esa. 26. *Institiam non facimus in terra nostra & ideo non ceciderunt habitatores terræ: id est, peccata ad Rom. 7. Scio quod habitat in carne mea peccatum.* Adam in deliciis quasi in aqua dulci computruit. In tribulatione vero quasi in aqua salsa seruat homo à putrefactione. Greg. Liber homo per cibum sibi mortem intulit, & reductus ad veniam sub disciplina melius viuit. Idem: Quo nos Deus durius ex dispensatione percutit, eo amplius ex pietate custodit. Idem: Electum suum diuina gratia tunc magis erudiendo custodit, cum quasi percutiendo deserit. Sic facit Deus Ecclesiæ sicut Alexandrum fecisse legitur, qui cinxit quoddam nemus igne propter serpentes. Sic Christus igne tribulationis Ecclesiam cingit, propter serpentes infernales. Præter effectus prædictos habet tribulatio multos alios effectus. Primus est quod sanat. Ipsa est medicina sanans eos qui sponte eam recipiunt: eos vero qui eam recipere nolunt, inquinat: effunditur enim super eos. Dar. id. *Calicem salu-*

Ysa. 41  
lij Tri-  
bulatio-  
nis effe-  
ctus.

Psal. 28.

*aris accipiam. Idem: Effunde iram tuam super eos qui te non nouerunt* Eccl. 28. *Altissimus de terra creauit medicinam, & raris sapiens non abhorrebit eam* Inuolunda est hæc medicina quasi sub quadam nebula præsentis utilitatis, ne homo abhorreat eam: vel admiscendum est ei saccharum æternæ dulcedinis ad Heb. 12. *Omnis disciplina in præsemit non uidetur esse gaudij, sed mæroris:* postea autem fructum pacatissimū exercitatis per eam reddet iustitiæ. Tribulatio est velut cauteriū factū in membro minus nobile, ad sanandū membrū magis nobile: molesta corporis infirmitatē sanat mētis. Eccl. 19. *Curatio cessare, faciet peccata maxima.* Pro. 13. *Legatus fidelis sanitas.* Fideliter agit tribulatio cum eo cui Dominus mittit eam: operatur enim ad eius utilitatem, non ad voluntatem. Eccl. 31. *Infirmitas grauis sobriam reddit animā.* Prou. 27. *Meliora sunt vulnera diligentis, quam fraudulenta odientis oscula:* Cautiora videntur esse vulnera, quum tamen potius sint remedia. Sic tribulatio videtur esse aduersitas, cum potius sit remedium à Deo datum. Eccles. 7. *Melior est ira risu.* Ira, inquam aduersitatis, risu prosperitatis. Dicit Gregorius de beato Benedicto, qui propter tentationem carnis proiecit se in spinis, quod vulnere corporis sanauit vulnus mentis. Idem: *Quis nesciat quod multo melius est ardere flammis febrium, quam igne vitiorum?* & tamen cum febre corripimur, quia vitiorum actu qui occupare nos poterat considerare negligimus, de percussione murmuramus. Idem: *Durum non æstimes esse quod pateris, dū æternis cruciatibus ab interna passione liberaris.* Idem: *diuina dispensatione agitur, ut præliora vitia prolixior ægritudo exoritur:* item tribulatio hominem incitat ut Deum requirat. Esaia 26. *Domine, in angustia requisierunt te.* In Psalm. *Imple facies eorum ignominia, & quærent nomen tuum Domine.* Idem: *Quum occideret eos, quærebant eum.* Olex 6. *In tribulatione sua mane consurgens ad me.* In Psal. *Conuersus*

Psal. 82.

Psal. 31.

Psal. 137.

*sum in arumna mea, dum configitur spina.* Exod. 22. *Urgebant Aegyptij Israelitas exire de Aegypto.* Et filius prodigus fame ut gente quum rediit ad patrem suum. Luc. 15. *Item accelerare facit.* In Psalm. *Multiplicata sunt infirmitates eorum, postea accelerauerunt.* Ad Hebr. 4. *Festinus ingredi in illam requiem.* Saltem deberet, qui à Deo flagellatur, intelligere quod iumentum percussum videtur agnoscere, scilicet quod percutiatur, qui erat extra viam: unde redit ad viam, vel quia nimis lente incedebat: ut gressū acceleret. Sic qui flagellatur à Deo, si extra viam erat per mortale peccatum; debet redire ad viam deserendo peccatum: si in via erat, sed lente incedebat pauca bona agendo, accelerare debet gressum plura bona agendo. Item tribulatio consolationem meretur. Esa. 61. *Ut ponerent consolationem lugentibus Sion.* In Psal. *Secundum multitudinem dolorum* Psal. 91. *meorum, &c. Idem: Virga tua & baculus tuus, ipsa me consolata sunt.* Deuteron. 8. *Affluxi te penuria, & dedi tibi manna.* Item tribulatio virtutes iuuat. Hier. *Adiutrix virtutum est tribulatio.* Ipsa valet ad timorem, dum poenas futuras facit intelligi. Gregor. *Si Deus tam aspere percutit ubi parcit, quam asperè percutiet ubi non parcat?* Idem: *Distriktus iudex, quanta illic distriktione feriet quos reprobat, si hinc cruciat quos amat.* Luc. 23. *Si in viridis hoc faciunt, in arido quid fiet?* Ierem. 15. *Quum noluerint accipere calicem de manu tua ut bibant, dices ad eos: Bibentes bibetis, &c. quia ecce, in ciuitate in qua innocatum est nomen meum, ego incipio affligere, & vos quasi innocentes & immunes eritis? non eritis immunes.* 1. Pet. 4. *Tempus est ut incipit iudicium à domo Dei.* Si autem primum à nobis, quis finis eorum qui non credunt Euangelio? Item valet ad spem, ad Rom. 15. *Ut per patientiam & consolationem scripturarum spem habeamus.* Merito spem habet de regno æterno, qui monetam habet qua ipsum emitur. Moneta ista ab electis non reprobanda, est tribulatio. Iob 5.

*Increpationem Domini ne reprobes. Item valet ad charitatem, dum facit intelligi, quod pro nobis filius Dei fecerit, cum pro nobis morti se exposuit. Ioan. 15. Maiorem hac dilectionem nemo habet, &c. Item valet ad humilitatem. Iob 6. Sagitta Domini in me sunt, quarum indignatio ebibit spiritum meum. Item valet ad pietatem. Homo enim in deliciis nutritus, nescit aliis compati. Ier. 44. Ferrilis fuit Moab ab adolescentia sua. Et subditur: Non est transfusus de vase in vas. De vase inquam iustitiæ, in vas misericordiæ. Filius Dei compassionem didicit patiando. Heb. 4. Non habemus pontificem qui non possit compati infirmitatibus nostris, tentatum per omnia. Itē tribulatio signum est diuini amoris. Apoc. 3. Quos amo, arguo & castigo. Emulate ergo, & age pœnitentiam, Pron. 13. Qui parit virga odit filium suum: qui autem diligit, instanter erudit. Eccl. 30. Qui diligit filium suum, assiduatur ei flagella, ut lætetur in nouissimo suo. ad Heb. 12. Quem diligit Deus castigat: flagellat autem omnem filium quem recipit. In eod. Quis filius quem non corripit pater? Et iterum: Si extra disciplinam estis cuius participes facti sunt omnes: ergo adltere, & non filij estis. Aug. Si exceptus es à passione flagellorū, exceptus es à numero filiorum. Idem: Noli esse iniquo sensu & puerili, ut dicas, plus amat pater meus fratrem meum, cui permittit facere quicquid vult, quàm me: quia si me mouero contra eius iussione, flagella inuenio: potius gaude sub flagellis, quia tibi seruatur hæreditas. Illis ad tempus parcat quos in æternū damnabit. Idem: Quid mirum si flagellat custodiens paruulos Dominus, quos grandes querit hæredes? Idem: Non timeas flagellari, sed exhæredari. Greg. Nisi correptis Deus hæreditatem dare disponderet, studiri eos per molestias non curaret. Idē: Ne queraris de verbere, dum nescis quæ remaneant præmia in retributione. Tribulatio in præsentī ex pietate datur. Greg. Ideo Deus hic quibusdam parcat, ut eos in perpetuum feriat: ideo autem hic ferit, non*

parcendo; ut in æternum parcat. In Psal. Deus tu propitius fuisti eis, & ulciscens in adinuationes eorum. Amos 3. Tantummodò vos cognoui ex omnibus congregationibus terræ: idcirco visitabo super vos iniquitates vestras. 2. Machab. 6. Non sinere peccatoribus ex sententia agere, sed statim ultiones adhibere, magni beneficii indicium est. Greg. Electi quique timent, ne ultio quæ suspenditur, in fine grauior seruetur. Ferri paterna correctione desiderant, & dolorē vulneris salutis medicinam putant. Gaudere debet infirmus, cum videt cœlestem medicū intromittere se de eius infirmitate, & ex hoc sperare salutem. Illi qui in omnibus in mundo isto prosperantur, sicut quasi infirmus desperatus, cui nihil quod petat negatur. Gre. Desperatis ægris, medici quicquid poposcerint dari præcipiunt: & eis qui reduci possunt ad salutem, quæ appetunt dari contradicunt. Idem: Continuus successus tēporalium, est certum futuræ calamitatis indicium. Vitulus macandus liber ad pascua mittitur. Greg. Iniustus ad debitam mortem currens, effrænatis voluptatibus vititur: quia & vituli qui macandi sunt, in liberis pascuis relinquuntur. Iustus à delectationis transitoriæ iucunditate restringitur, quia etiam nimirum vitulus ad laboris vsum deputatus sub iugo retinetur.

Aliquando quod videtur esse misericordia, vere est ira: & quod videtur esse ira, vere est misericordia. August. ad Marcellinum: Cui licentia iniquitatis eripitur, vitiliter vincitur: quia nihil infelicius felicitate peccantium, quæ pœnalis nutritur impietas, & malâ voluntas velut hostis interior roboratur. Sed peruersa & aduersa corda mortalium felices res humanas putant, quum rectorum splendor attenditur, & labes non attenditur animorū: quum theatrorum moles extruuntur, & effodiuntur fundamenta virtutum: quum gloriosa est effusionis insania & opera misericordiæ deridentur: cum ex his quæ diuitibus abundant, luxuriantur histiones, & ne-

cessaria vix habent pauperes. Hæc si Deus pollere permittat, tunc indignatur grauius: si inipunita dimittit, tunc punit infestius: cum vero euenit subsidium vitiorum & copiosas libidines, inopes reddit, misericorditer aduersatur. Esa. 25. *Misereamur impio.* Et subditur: *Et non discet facere iustitiam.* August. in 1. libro Confess. Tu semper aderas misericorditer seruiens, & amarissimis asperges offensionibus omnes illicitas iucunditates meas, vt ita quærerem sine offensione iucundari. Idem: Percutis vt fames, & occidis nos, ne moriamur abste. Idē 5. lib. Patiebar in cupiditatibus meis amarissimas difficultates, te tanto magis propitio, quāto minus sinebas mihi dulcescere quod non eras. Idem 7. lib. Acies conturbata & tenebrata mentis meæ acri collyrio salubrium dolorū de die in diem sanabatur. Ezech. 16. *Auferetur zelus meus à te, & requiescam, nec irascar amplius.* Ose. 4. *Non visitabo super filias vestras, quum fuerint fornicatæ.* Item tribulatio Dei locum efficit, secundum illud Psal. *Cum ipso sum in tribulatione.* Et iterum: *Iuxta est Dominus his qui tribulati sunt corde.* Bernar. Quantumcunque sæuiat tribulatio, non putes te derelictum, sed memineris scriptū esse: *Cum ipso sum in tribulatione.* Et Dan. 3. *Vidit Nabuchodonosor in fornace cum tribus pueris quartum similem filio Dei.* Es. 43. *Cum ambulaueris per aquas, tecum ero.* Greg. Da mihi semper tribulationem, vt semper possis esse mecum. Item tribulatio est quasi via strata & munda, quum prosperitas via sit lutosa. Vnde quum Deus de prosperitate educit hominem, & ponit in statu aduersitatis, deberet latari dicens cum David: *Eduxit me de lacu miserie, de luto facis, & statuis supra petram pedes meos, & direxisti gressus meos.* Item tribulatio hominem proficere facit. In Psalms, *In tribulatione dilatasti mihi.* Sine tribulatione homines dormiunt somno pigritiz: sed tribulatio excitat eos, vt ignis in domo succensus, & vt aqua narem subintrans. Matt. 8. *Domino, salua nos,*

*perimus.* August. Ideo præmiantur iusti in Ecclesia, vt pressi clament, clamantes exaudiantur, exauditi glorificent Deum. Item tribulatio virtutem perficit. 2. ad Cor. 12. *Virtus in infirmitate perficitur.*

Tribulatio multis modis facit perfectionem virtutis. Primo, quia purgat virtutes, vt ignis aurum. Greg. Fornax tribulationis ligna vitiorum incinerat, & aurū purgat. Secundo, quia hostē debilitat, corpus scilicet. Tertio, quia magnitudine tribulationis occasionem dat vt Deus gratiā augeat. 1. ad Cor. 10. *Fidelis est Deus, qui non permittet vos tentari supra id quod potestis: sed faciet cum tentatione prouentum: id est, virtutis augmentum.* Quarto, quia secundum verbum Senecæ, multum adiiicit sibi virtus læcessita. Et secundum Gregorium, ignis statu premitur vt crescat. Item tribulatio patienti debita soluit. Luc. 6. *Dimittite, & dimittetur vobis.* Quum capti apud Saracenos mendicare cogantur redemptionem suam; fatui sunt capti à diabolo, si aurum & argentum vendere possunt se redimere, gratis sibi oblata recusant. Prouerb. 13. *Redemptio animæ, viri propria diuitia.* Tribulationes, diuitiz propriæ hominis dicuntur, quia homo occasio earum fuit. Thren. 3. *Non humiliauit ex corde sue, & abiicit filios hominum.* Sap. 1. *Deus non fecit mortem.* Eccl. 2. *Omne quod tibi applicitum fuerit, accipe.*

Et notandum, quod magna Dei misericordia est, quod pro pœnis futuris recipit retributiones, præsentēs. Tale enim est ac si ille cui debentur marce auri & argenti, reciperet pro eis fabas vel lapillulos quibus facta est computatio: plus enim est faba vna respectu marce argenti, quam translatio præsens respectu pœnæ futuræ. Ezech. 4. *Diem pro anno dedi tibi.* Tribulatio succursus est homini à Deo missus. Quod tripliciter ostendi potest: Primo sic: Si domus alicuius igne esset succensa, quā in per se non sufficeret extinguere, aquam sibi oblatam cum gaudio susciperet, & obsequium non persecutionem reputaret:

Tribulatio  
est perfectio  
virtutes.

Psal. 90.  
Psal. 91.  
Psal. 90.

Sine tribulatione  
dormimus.

Tribulatio  
succursus à  
Deo missus.

8.

quanto magis quum domus conscientie succensa est igne concupiscentie, aquam tribulationis debet reputare succursum, & non aduersitatem vocare, quia non est aduersus eum: sed prosperitatem, quia pro ipso est. Sed sunt aliqui qui fugiunt, quum nihil eos persequatur. Prouerb. 18. *Fugit impius nemine persequente.* Secundo sic: Si aliquis ab hostibus suis duceretur super equum velocem ad locum ubi esset occidendus, gratum haberet si quis equum illum vulneraret vel occideret, ut sic ab hostibus liberaretur, & hoc reputaret succursum, non nocumentum: quantum ergo gratus debet esse ei qui corpus suum la sciuum in quo ad mortem æternam ducitur, infirmitate vel alio modo lædit, ut sic à dæmonibus liberetur? Prouerb. 24. *Brueos qui ducantur ad mortem.* Tertio sic: Si duellum committeres cum aliquo, & videres hostem tuum tibi præualere, gratum haberes si quis hostem illum debilitaret in tantum, ut ei præualere posses. Quasi duellum est inter carnem & spiritum: *Caro enim concupiscit aduersus spiritum, & spiritus aduersus carnem.* Galat. 5. Vnde ille qui videt præualere carnem aduersus spiritum, magnas gratias debet agere Deo, si infirmitate vel alia tribulatione carnem eius debilitet, ut à spiritu superetur. Iob. 40. *Memento belli, nec ultra addas loqui.* Gregor. ac si diceret, tanto te ad disciplinam patris exhibe placidum, quanto te prospicis ad bella infirmum. Si oculi hostis contra te bellum consideras, quidquid à me pateris non accusas. Item tribulatio sanctis occasio est pugne, & per consequens victorie & coronæ. 2. Timoth. 2. *Non coronabitur, nisi qui legitime certauerit.* Gregor. Inimicus humani generis callide insidians, fraudem quam contra sanctum Iob parauerat, per tulit: quia sancto viro quot occasiones intulit, quasi tot causas victorie ministravit. Sap. 10. *Certamen forte dedit ei ut vinceret:* Non est timenda tribulatio electis Dei, quum Deus eam mittat illis, ut ab

eis vincatur. Item tribulatio pondus est ad quod præmium cœleste tradetur nobis: ideo non est optanda eius diminutio. 1. Corinth. 4. *Id quod in presenti est momentaneum, & leue tribulationis, supra modum in sublimitate æterna glorie pondus operabitur in nobis.* Item tribulatio materia est coronæ nostræ. Bernardus: Si pœnitentia nostra crudeli miseratione minuitur, paulatim gemmis corona nostra priuatur. Iacob. 1. *Beatus vir qui sufferat tentationem: quoniam quum probatus fuerit, accipiet coronam uitæ.* Tribulatio præsens vertetur in gaudium, ita quod pro vna gutta tribulationis erunt quasi mille modij gaudij. Ioan. 16. *Vos contristabimini, sed tristitia vestra vertetur in gaudium.* Baruch. 4. *Qui induxit nobis mala, miseris adducet nobis sempiternam incunditatem cum fame nostra.* Esa. 54. *Ad punctum in modico dereliquite, & in miserationibus magnis congregabo te. In momento indignationis abscondi faciem meam parumper à te, & in misericordia sempiterna misereus sum tui.* Mutatio ista tribulationis in gaudium figurata est. Ioan. 2. in mutatione aquæ in vinum. Praeligenda est aqua tribulationis in vinum gaudij. Mutanda igitur vino gaudij temporalis mutando in aquam æternæ tribulationis. De hac mutatione habes Luc. 6. in diuite & Lazaro. Bernard. Ego sane diuitem, de quo Saluator facit mentionem in Evangelio, in nullo audio accusari, nisi quod induebatur purpura & bysso, & epulabatur quotidie splendide: si crudeliter eum arguimus, quod substantiam mundi habens & videns fratrem suum egere, clausit viscera sua ab eo: quid dicturi estis qui tot videtis Lazaros esurientes & nudos, & plus de iumentis vestris & eorum phaleris, quàm de illorum miseriis cogitatis? Sed ad tremendum iudicium Abrahæ veniamus: *Memento, fili, quod receperis bonam uitam tuam, & Lazarus similiter mala.* Verum vtrumque est, negari non potest, fer sententiam, quia paucis expressa

est summa negotij. Ille bona & iste mala excepit: *Nunc autem hic consolatur, tu autem cruciarius.* Expergiscimini ebrii & flete: terribilis in iudiciis Deus super filios hominum. Hæccine est cruciatuum causa tota, quod in seculo bona receperat: Ita planè, neque enim nos ad hoc de paradiso voluptatis diuina animaduersio eiecisse videtur, vt alterum sibi hic paradisum adinuentio humana pararet. Legitur, Ioan- nem Euangelitam virgas & lapides communes in aurum & lapides pretiosos conuertisse, quis virgas illas & lapides illos si indubitanter crederet ea conuertenda esse in aurum & pretiosos lapides, non amaret? Item tribulatio virga Moy- si est, in qua mirabilia fiunt. Per eam aqua de petra educitur. Aqua, inquam, lacrymarum, de cordibus duris & quasi petrinis. Per ipsam etiam veri Israëlitz à Pharaone infernali & eius exercitu liberantur. Tribulatio seruus Dei liberat ab hostibus: sicut flagellis pecora ad castrum videntur, ne à prædonibus rapiantur.

Tribulatio electa à Christo in mundo.

Tribulatio locus est quem filius Dei elegit in hoc mundo ad manendum. Bernard. Christus qui non fallitur elegit quod carni est molestius. Id ergo melius, id vtilius, id magis eligendum: & hic est locus filiorum Dei in mundo isto *Omnes enim qui pie volunt vivere in Christo, persecutionem patientur propter iustitiam, 2. Tim. 3. Qui cor nobile haberet, potius eligeret esse cum filiis Dei in tribulatione, quam quum damnatis in temporalis prosperitate. Hebr. 11. dicitur de Moyse, quod negauit se esse filium Pharaonis, magis eligens affligi cum populo Dei, quam temporalis peccati habere iucunditatem. Dauid: Elegi abiectus esse in domo Dei mei, magis quam habitare in tabernaculis peccatorum.* Si aqua amara transeundo per terram dulcis efficitur, & si vinum transiens per garyophyllos garyophyllatū efficitur, & vinum in quo abluuntur reliquæ, sanctum reputatur: tribulationes quæ per Christum transierunt & alios Sanctos, quæ

Psal. 88.

si sanctæ habendæ sunt. Sanctitatis vero eorum signa esse videntur mirabilia quæ ipsi operantur. Qui enim mortui fuerunt in deliciis viginti annis vel amplius, superueniente eis forti tribulatione suscitantur. Nullæ reliquæ in mundo isto tot & tantas infirmitates sanare videntur vt tribulationes, per hoc quod in Christo fuerunt: & crux iam videtur esse vncta, eo quod in Christo, qui vnctus est, fuit. Vnde cruces in consecratione Ecclesiarum oleo inunguntur. Bern. loquens de illo verbo, *Qui singis laborem in precepto.* An non labor fictus, iugum suauæ crucis inuncta. Et notandum, quod cū tribulatio in Scriptura sacra per aquam designetur, vt Cantic. vii. *Aqua multa non potuerunt extinguere charitatem.* Septem sunt effectus viles tribulationis secundum proprietates aquæ. Primus est, quod hostes spirituales submergit, vitia scilicet & dæmones. Exod. 15. *Operuit aqua tribulantes eos: vnus ex eis non remansit.* Secundus est, quod fideles nutrit, sicut aqua pisces. Esa. 50. *Compuruerunt pisces sine aqua.* Et notandum, quod aqua amara dulces nutrit pisces & maghos. Cete grandia non inueniuntur nisi in mari. Aliæ aquæ nutriunt pisciculos: sic homines magnæ virtutis nutriuntur in aquis tribulationum. Tertius est, quod munit, sicut aqua munit castra quæ cingit. Vnde Iob 3. dicitur de amicis Iob. *Nemo ei loquebatur verbum:* Videbant enim dolorem esse vehementem. Quartus est, quod aqua eleuat nauem dum crescit. Gen. 7. *Multiplicatae sunt aquæ, & eleuauerunt arcam in sublimem à terra.* Sic tribulatio electos Dei exaltat & proficere facit: Econtrario dicitur de malis. Iob 17. *Cor eorum longe est à disciplina, propterea non exaltabuntur.* Quintus est, quod ad modum aquæ mundat. Vnde sponsæ regis cœlestis vestem de bysso præparat. De qua. Apoc. 19. *Datum est ei cooperare se bysso candido & splendenti.* Apoc. 7. *Hi qui sunt amicti stolis albis, qui sunt? & vnde venerunt?* Et dixit illi, *Hi sunt, qui venerunt de tribulatione magna.* Sextus

Effectus tribulationis israelicundam proprie-ates aquæ.



est, quod vinum temporalis gaudij temperat ne cordibus debilibus noceat. Vinum enim gaudij temporalis homines infatuat, si bibant illud purum, vt patet in Salomone, Eccl. 2. *Non prohibui cor meum quin omni voluptate frueretur.* Septimus est, quod ignem libidinis extinguit: vt patet in monacho illo, qui de luxuria tentabatur, quem abbas suus iussit ab alius infestari, qui postea interrogatus super illa tentatione, respondit: Mihi viuere non licet, & fornicari libet. Item notandū, quod tribulatio multiplicationem bonorum iuuat. Exod. 11. *Quanto magis opprimebant eos, tanto magis multiplicabantur.* Item in bono sustentat. Eccl. 2. *Sustine sustentationes Dei.* Sustentationes sunt tribulationes. Gregor. in Moral. Ipso infirmitatis nostrę pondere deorsum quotidie ducimur, vt mira manu artificis per subuenientia flagella releuemur. Econtrario prosperitas malo sustentat. Greg. in Moral. Difficilius malum corrigitur quod prosperitate fulcitur. Idem: Qui a Deo auertitur, & prosperatur; tanto perditioni sit proximus, quanto zelo disciplinę inuenitur alienus. Item tribulatio ad Deum trahit. Ber. sup. Cant. *Trahimur cum tribulationibus, & tentationibus exercemur.* Aug. cum molestiæ in huius vitę fragilitate crebrescunt, æternam requiem nos desiderare compellunt. Mundus quippè iste periculosior est blandus quā molestus, & magis cauendus est cum scilicet diligi, quam cum admonet cogitque contemni. Tribulatio viam electorum asperam efficit, ne eos magis diu pergere, quā cito peruenire delectet, secundum verbum. Greg. Tribulatio porta est regni cœlorum. *Hac porta Domini, iussi intrabunt in eam.* Luc. vlt. *Oportuit Christum pati, & sic intrare in gloriam suam.* Act. 14. *Per multas tribulationes oportet intrare in regnum cœlorum.* Et vt vno verbo dicamus, adeo vtilis sunt tribulationes, quod hi qui eas sustinent, beati a Domino reputantur. Luc. 6. *Beati qui nunc悲is, quoniam ridebitis.* Matt. 5. *Beati*

*qui persecutionem patiuntur propter iustitiam, &c.* Iob. 5. *Beatus qui corripitur a Domino.* Iac. 1. *Beatus vir qui suffert tentationem.* Eiusdem 3. *Ecce beatificamus eos qui sustinuerunt.* 1. Pet. 3. *Si quid patimini propter iustitiam, beati.* Eiusd. 4. *Si exprobramini in nomine Christi, beati eritis:* ideo tribulatio cum gaudio est suscipienda. Act. 5. *Ibant Apostoli gaudentes a conspectu concilij, &c.* Iac. 1. *Omne gaudium existimate, fratres, cum in varias tentationes incideritis.* 1. Pet. 4. *Communicantes Christi passionibus, gaudete vt in reuelatione gloria eius gaudeatis exultantes.* Matth. 5. *Gaudete & exultate, quoniam merces vestra multa est in cœlis.* Simile Luc. 6.

## CAPVT IV.

*De diuisione Patientiæ in patientiam diuinæ correctionis, humanæ persecutionis, & damoniacæ impugnationis.*

Consequenter ponendæ sunt diuisiones pertinentes ad patientiam. Notandum ergo quod ad patientiam pertinet patienter ferre Dei correctionem, hominum persecutionem, & demonum impugnationem. Scriptura vero sacra multum beatificat patienter sustinentes prædicta. Sustinentes Dei correctionem beatificantur. Iob. 5. *Beatus vir qui corripitur a Domino.* Correctio Dei procedit ex magno amore. Esa. 11. *Egreditur virga de radice Jesse.* Jesse interpretatur incendium. Respuere Dei correctionem, periculosum est valde. Ecclesiast. 21. *Qui odit correptionem minuetur vita.* Eiusdem 21. *Qui odit correptionem, vestigium est peccatoris.* Dei correctio est ægritudo corporis, quæ cum gaudio recipienda est, quia vtilissima. Multum enim debilitat hostem familiarem, corpus scilicet, & subdit spiritui. Cum infirmior, tunc potens sum. 2. Corinth. 12. Et

Corre-  
tio Dei  
beatifi-  
cat.

Exemplum.

in infirmitate experitur homo virtutem animi. Seneca: Non in mari tantum aut praelio, vir fortis apparet: sed exhibetur etiam & in lectulo virtus. In vitis patrum, cum quidam peteret à Ioanne eremita vt sanaret eum à tertiana, respondit: Rem tibi necessariam cupis abijcere, vt enim corpora nitro, ita anima languoribus & castigationibus purificatur. Et quidam senex infirmanti discipulo dixit: Ne contristeris ex infirmitate vel plaga corporis: Si enim ferrum, es æruginem amittis: Si vero aurum es, per ignem probatus, à magnis ad maiora prouheris. Et cum quidam miles rogaret quendam virum sanctum vt à morbo liberaret eum cum precibus suis: vir sanctus audito ab eo, quod melior esset in ægitudine, & deuotior quàm in sanitate, dixit: Oro Dominum vt seruet te in statu in quo melior es. Dicebat quidam quod cum Deus dat infirmitatem alicui, si pro ea seruiret ei centum annis, non esset nimis. Prouerb. 20. *Liuor vulneris absterget mala* Eccles. 11. *Malitia unius hora obliuionem facit luxurie magna.* Idem etiam dicebat, quod diues est Christianus, qui non habet nisi vnā solam febrem quatuor accessionum, vel etiam solam ephimeram, dum solum sciat & velit de illa cum Deo negotiari. Ægritudo corporis citatio est de pace facienda cum Deo, si fuerit ad mortem peremptoria, si non fuerit dilatoria. Pax vero ad quam est citatio, valde honorabilis est peccatori: omnes enim offensæ ei à Deo remittuntur, & insuper pax eius regno cælorum quasi emitur. Gaudere debet qui infirmatur de hoc quod vilis domuncula eius incipit destrui, cum spem habeat domum regiam se habere in cælis. 2. ad Corinth. 5. *Scimus quoniam si terrestris domus nostra huius habitationis dissoluitur, quod adificationem ex Deo habeamus domum non manu factam, sed æternam in cælis.*

Cur in  
firmis  
tibus pre  
atur.

Et notandum quod super illud Matth. 9. *Confido fili, remittuntur tibi peccata tua,* Ostendit Gloss. Bedæ, quod quinque

modis infirmitates contingunt. Primo, vt merita iustis per patientiam augeantur, vt Iob. 2. Secundo, ad custodiam virtutum, vt in Paulo 2. Corinth. 12. Tertio, ad corrigenda peccata, vt lepra Mariæ. Num. 12. Quarto, ad gloriam Dei, vt cæco nato. Ioan. 9. & Lazaro. Eiusdem 11. Quinto, ad initium pœnæ, vt Herodi. Act. 12. *Patientes persecutiones beatificantur*, Matth. 5. *Beati, inquit, qui persecutionem patiuntur, &c.* Persecutor præparat tibi coronam æternam. Noli odire vel repercutere fabricatorem coronæ tuæ. In Psalm. *Supra dorsum meum fabricauerunt peccatores.* Fabricauerunt, inquam, coronam. Sufficientes dæmonum impugnationes, beatificantur. Iacob. 1. *Beatus vir qui sufferit tentationem: quoniam cum probatus fuerit, &c.*

Psalm. 138.

## CAPUT V.

*De tentationibus dæmonum. Et primo, quod dæmones tentent homines: de vtilitate tentationum, de modo tentandi quem habet tentator, & de modo repugnandi quem debet habere qui tentatur.*

**C**IRCA tentationes. Primo ostendimus quod dæmones impugnent homines. Cum enim ipsi sint inuisibiles, & pugna eorum inuisibilis est, nec agnoscitur, nisi oculis cordis; Ignorantia vero eius periculosa est homini. Non enim repugnat qui se impugnari ignorat. Grande periculum est habere iuxta se hostem suum, si homo hoc nesciat. Hieron. Tunc maxime impugnaris, cum te impugnari nescis. Secundo ostendimus utilitates tentationum, vt magis patienter sufferantur. Tertio, tangemus de modo impugnandi quem habet tentator. Quarto, de modo repugnandi, quem debet habere qui tentatur. Circa primum notandum quod impugnatio quam diabolus facit homini, primo certi-

certificari potest. 3. Genes. vbi serpens mulierem decepit, & Deus ibidem ostendit impugnacionem istam esse duraturam, dicens ad serpentem: *Inimicitias ponam inter te, & mulierem, & semen tuum & semen illius.* Secundo, ex libro Iob. 1. & 2. cap. vbi Sathan petijt à Domino vt permitteret eum impugnare. Iob. Et eiusdem legitur: *Misericordia est vita hominis super terram:* & alia translatio habet, tentatio est vita, &c. Item Matth. 4. & Luc. 4. vbi diabolus Dominum tentauit. Et secundū August. assumpsit diabolus formam humanā quod permisit Dominus, vt tentatio nobis certior fieret. 1. ad Corinth. 7. *Reuertimini ad id ipsum, ne tentet vos sathanas.* Matth. 7. *Vigilate, ne intretis in tentationem.* Ad Ephel. 6. *Non est nobis colluctatio aduersus carnem & sanguinem, &c.* Actor. 5. *Cur tentauit sathanas cor vestrum?* Et de beato Martino legitur, quod multoties diabolus ei apparuerit in forma humana. Similiter de Beato Antonio, cui apparuit in forma pueri nigri, & in forma etiam animalium diuersorum generum. Simile legitur de multis alijs sanctis. Aug. in serm. Præmonitos vos esse volo, neminem super terram, absque tentatione videtur, vt cui forte tollitur aliqua, aliam securus expectet.

## De vtilitate Tentationum.

**Vtilis tentatio.** Circa secundum notandum, quod tentatio ad multa utilis est. Primo, erudit. Eccles. 34. *Qui non est tentatus, quid scit?* Iterum: *Qui non est tentatus, qualia scit?* Et iterum: *Qui non est tentatus, pauca recognoscit.* Iud. 3. *Hæ sunt gentes quas reliquit Dominus, vt his erudiret Israël.* Secundo, humiliat. Gregor. Dum vitia nos tentant, proficientes in nobis virtutes humiliamur. Idem: Iebuszum Israël tolerat, vt humana mens de se humilia sentiat, dum minima non superat. Tertio, negligentiam repellit. Gloss. super illud. Proba me Deus, & tenta me. Ideo

dicat tenta: quia nisi tentaret, negligentes essemus. Quarto, virtuti addit. Seneca: Multum adijcit sibi virtus laceffita. In vitis Patrum dixit quidam abbas: Cruda tegula si mittatur in flumen, statim dissoluitur, cocta non. Ita est homo habens sapientiam carnalem, qui non est tentationum igne decoctus. Quinto, seruat. Gregorius: Nisi Psalmista per tribulationes se melius seruari nosset, non diceret: *Proba me Domine, & tenta me.* Idem in Moral. Cum per tentationem humilitas proficit, prospera est ipsa aduersitas quæ mentem ab electione custodit. Idem: Cur tentamur vitiis, diuina dispensatione nobiscum agitur, ne virtutibus quibus proficimus extollamur. 2. ad Corinth. 12. *Ne magnitudo reuelationum extollat me, &c.* Gregor. in Mor. Tunc interius bene custodimur, cum per dispensationem Dei tolerabiliter tentamur exterius, aliquando vitiis, aliquando pressuris. Nec tentatio exterior culpas perficit, quia interior intentio sursum trahit: Nec sursum interior intentio in superbiam eleuat, quia tentatio exterior humiliat. Sic magno ordine cognoscimus in interiore profectu quid accepimus, in exteriori defectu quod sumus. Sexto, virtutem hominis notificat. Deuter. 13. *Tentat vos Deus vester vt palam sciat vtrum diligatis eum, an non.* Septimo, Deum glorificat. Psal. *Eruiam te, & glorificabis me.* Octauo, populum ædificat. Tob. 2. hanc tentationem idem permisit euenire illi, vt posteris daretur exemplum patientiæ illius. Nono, ei qui tentatur, in presenti honorem acquirit. Vnde legitur de beato Antonio quod cum quadam nocte à dæmonibus esset laceratus, subito radius quidam lucis & dæmones & tenebras effugauit, statimque sanatus Christum presentem intelligens, dixit: Vbi eras, Iesu bone, vbi eras? quare principio non affuisti, vt curares vulnera mea? Et vox ad eum ait: Antoni, hic eram: sed expectabam videre certamen tuum: Nunc autem quia viriliter dimicasti, in toto orbe te faciam

Na

nominari. Decimo, in futuro coronat, 2. ad Timoth. *Non coronabitur, nisi qui legitime certauerit.* Et Iacobi 1. dicitur de sufferente tentationem, quod cum probatus fuerit accipiet coronam vitæ. Tob. 3. *Hoc autem pro certo habet omnis qui colit te: quia vita eius, si in probatione fuerit, coronabitur.*

*De modo impugnandi, quem habet tentator.*

Modi tē-  
tandi de  
monis  
prope in-  
finitu.

Psalm. 90.

**S**equitur de modo impugnandi, quem habet tentator. Notandum ergo quod modi impugnandi, quos habet, quasi infiniti sunt. Vnde Paulinus Episcopus Augustino: Hostis noster, cui mille nocendi artes, tam variis expugnandus est telis quā impugnat incidiis: tamen nos, causa breuitatis, de paucis dicemus. Bernardus quatuor species impugnationis eius distinguit loquens de illo verbo Psalm. *Scuto circumdabit te veritas eius: non timebis à timore nocturno, &c.* His verbis significatæ sunt quatuor tentationes, quibus vndique circumdati necesse habemus scuto Domini circumdari ante & retro, à dextris & à sinistris. Timor afflictionis nocturnus est & planè tenebrosus, quia abscondit ab oculis quod non sunt condignæ passionis huius temporis ad futuram gloriam quæ reuelabitur in nobis. Sed facile hunc radius veritatis exulat. Ingerit enim oculis cordis peccata quæ fecimus, nunc æterna supplicia, nunc æterna præmia, nunc ea quæ pro nobis pertulit Christus. Ergo ad incem tam multiplicis veritatis nox recessit. Sed time sagittam quæ in die leuiter volat, sed non leue vulnus infligit. Hæc sagitta, vana est gloria, quam oportet cauere feruentiores, ne deserant scutum veritatis. Quid enim tam contrarium vanitati? Deinde subdit: Primo à sinistris pulsat diabolus pusillanimitate. Deinde à dextris humanis laudibus. Si sic non proficit, dicit: Viribus deijcere nequeo, sed fortè decipere possum ali-

cuius ingenio proditoris. Negotium perambulans in tenebris est ambitio subtile malum, secretum virus, pestis occulta, doli artifex, mater hypocrisis, liuoris parens, vitiorum origo, criminum fomes, virtutum ærugo, tinea sanctitatis. Contempsit, ait, vanam gloriam, quoniam vana est: fortè solidius aliquid affectaret, fortè honores, fortè diuitias. Quid si veritas inuestigat hunc proditorem, & negotium arguit tenebrarum: Non restat callido inimico contra eos quos videt omnibus modis diligere iustitiam & odisse iniquitatem, nisi vbi iniquitatem palliet virtutum imagine. Quos enim perfectos boni nouit amatores, malum eis sub specie boni non mediocris, sed perfecti suadere conatur, vt facile qui currit incurrat. 2. ad Corinth. 11. *Ipse sathanas transfiguratur se in angelum lucis.* Sol autem est veritas quæ palliatam detegit falsitatem? iuxta verbum Bernardi: Item Gregor. Quatuor, inquit, has tentationes in generali statu Ecclesiæ haud difficile diligens considerator inueniet. Timor nocturnus nouellam adhuc exercebat Ecclesiam, quando omnis qui occidebat seruos Dei arbitrabatur obsequium se præstare Deo. Deinde persecutione cessante, & die reddita, turbauit eam grauius & afflixit sagitta volans: quoniam exierunt aliqui de Ecclesia inflati spiritu, carnis suæ inanis & volatilis gloriæ cupidi, & volentes sibi facere nomen, linguas suas magnificando, diuersa, & peruersa dogmata prædicauerunt. Et quidem nunc pax à paganis, pax ab hæreticis: sed non pax à filiis falsis. Omnes Christiani ferè quæ sua sunt quærunt, non quæ Iesu Christi. Ipsa quoque Ecclesiasticæ dignitatis officia, in turpem quæstum & tenebrarum negotia transiere: nec in his animarum salus, sed lux quæritur diuitiarum. Superstet vt iam reueletur homo peccati, filius perditionis Antichristus, dæmonium non modo diurnum, sed etiam meridianum, quod

Dæmon  
quinque  
modis de-  
cipit pœ-  
nitentē.

Quatuor  
modis  
peccatū  
perpetra-  
tur in  
cordē.

non solum transfigurat se in angelum lucis, sed extollitur supra omne quod dicitur Deus, aut quod colitur. Nimirum insidiatur acrius calcaneo matris Ecclesie, à qua caput suum docet esse contritum. Sed ab hoc quoque incursum Ecclesiam electorum veritas liberabit, propter eos breuians dies. & dæmonium meridianum destruens illustratione aduentus sui. Item notandum quod secundum Gregor. in Moral. quatuor modis peccatum perpetratur in corde, quatuor consummatur in opere. In corde namque suggestionē, delectationē, consensu, & defensionis audacia perpetratur. Fit enim suggestio per aduersarium, delectatio per carnem, consensus per spiritum, defensionis audacia per elationem. Vnde & illam primi hominis rectitudinem antiquus hostis his quatuor ictibus fregit. Nam serpens suavit, Eua delectata est, Adam consensit, qui etiam requisitus confiteri culpam per audaciam noluit. Quatuor etiam modis peccatum consummatur in opere. Prius namque latens culpa agitur, postmodum verò ante oculos hominum sine confusione reatus aperitur, abhinc in consuetudinem ducitur, ad extremum quisque vel falsæ spei seductionibus vel obstinatione miseræ desperationis enutritur. Notandum quod diabolus tanquam presumptuosus libenter suadet id quod temeritatis est & presumptionis. Vnde mulierem incitauit ad hoc ut iudicaret de facto superioris, & de intentione præcipientis dicens: *Cur præcepit vobis Dominus, &c.* Genes. 3. Quorum utrumque temerarium est. Itē impugnationibus suis multum mendacio vitur. Vnde mulieri post eius responsionem mentitus est, dicens: *Nequaquam moriemini.* Et Matt. 4. *Hæc omnia tibi dabo, si cadens adoreris me.* Iob. 8. *Ipse mendax est & pater eius.* Quum ipse vult aliquem deicere in peccatum, ipse promittit ei quod cito resurget. Esa. 51. *Dixerunt animæ tuæ: Incuruare, ut transeamus.* Bernard.

Nolite acquiescere dicenti: Incuruare ut transeamus: non est enim transiturus, sed te grauiter oppressurus. His vero qui sunt in peccato longam vitam repromittit, quæ repromissio nequissima multos perdidit. Eccles. 19. Et notandum quod diabolus quinque modis decipit hominem qui est in statu pœnitentiæ, suadendo ei ut onus illud abijciat. Primo mentiendo exonerationem quod non est exoneratio, sed leuis oneris in grauissimum commutatio: ut festucæ in trabem vel montem. Vnde qui tentatur debet dicere sic tētanti: Si onus deposuero, nunquid sine onere ero? Cui quæstioni si plenè respondere voluerit tentator, dicit: Immo ponetur super te mons: scilicet infernalis pœna, quæ pœna grauior est monte. Apoc. 6. *Dicent montibus, cadite super nos, &c.* Bonum est ergo leue onus pœnitentiæ ferre, ut tantum onus possit vitari. Apocal. 2. *Non mittam super vos aliud pondus, tamen id quod habetis tenete.* Secundo decipit, ea quæ diuiliis portanda sunt simul ostendendo, dicens: Quomodo posses hoc portare tot annis? Cui dicendum est: Hodie cum adiutorio Dei portabo hoc, & cras tandem cum adiutorio Dei portabo leuius propter assuetudinem. Sic ubi fallit compositio, soluit diuisio. Matth. 6. *Sufficit diæ malitia sua.* Tertio decipit, virtutem hominis à Dei virtute diuidendo, dicens: Tu debilis es, nullo modo potes hoc portare. Cui dicendum est: si intelligis mea virtute sola, verum dicis, quia dicitur Ioan. 15. *Sine me nihil potestis facere.* Si vero intelligis quod non possim Dei virtute adiutus, mentiris, ad Philip. 1. *Confidimus in Domino Iesu, quoniam qui cepit in vobis opus bonum, perficiet.* Eiusd. 4. *Omnia possum in eo qui me confortat.* Quarto decipit, spoliationem mentiendo exonerationem. Sicut latro quandoque simplicem scholarem exonerat à cappa sua. Aurum vel lapides pretiosos debes reputare pœnitentiam, quam tibi vult diabolus auferre. Vnde debes cauere eum

tāquam spoliatorem rei pretiosissimæ. Apoc. 3. *Suadeo tibi emere aurum, &c.* Aurum emere, est fructū poenitentiae præparare. Quinto, quærendo pondus diminueret, ad quod gaudium cæleste tibi tradendum est. 2. ad Corinth. 4. *Id quod in presenti est momentaneum & leue tribulationis nostræ: supra modum in sublimitate æterni gloriæ pondus operatur in nobis.* Item diabolus supra pectus suum graditur sicut serpens, qui solebat erectus incedere, nunc supra pectus graditur. A Deo enim auersus est diabolus, qui ad Deum conuertere debuit, & in eis proficit qui à Deo auertuntur, qui scilicet oculos suos statuerunt declinare in terram. Daniel 12. dicitur de iniquis iudicibus: *Declinauerunt oculos suos, ne videant cælum, neque recordarentur iudiciorum iustorum.* Itē diabolus terram comedit: ut dicitur de serpente. Genes. 3. Amatores enim terrenorum deuorat. Esa. 65. *Serpenti puluis panis eius.* Iob. 18. *Abcondita est in terra pedica eius.* Esa. 24. *Laqueus super se qui habitator est terræ.* Econtrario dicitur. Proverb. 1. *Frustra iacitur rete ante oculos pennatorum. Idem calcaneo insidiatur.* Genes. 3. Calcaneus est pars extrema & infima in corpore. Est etiam à posteriori, vnde rarò ab oculis videtur. Et quia retro est, & quia ab oculis longè est diabolus, calcaneo, id est, extremæ parti Ecclesiæ maximè insidiabitur: in fine enim mundi, scilicet tempore Antichristi, maxima erit tribulatio ipsius. Vnde tunc implebitur illud Iob. 40. *Stringet caudam suam quasi cedrum,* quod dicitur de Behemoth, cum cauda stringitur, eleuatur. Cauda ergo Behemoth stringetur, cum in fine mundi Antichristus eleuabitur. Calcaneo etiam diabolus insidiatur: quia in fine vniuscuiusque maxime conatur hominem vincere: sciens quia si tunc hominem non vicerit, numquam postea ab eo vincetur. Gregorius: Sciendum quod plerumque eis quos cepit, tunc grauioribus culpas ingerit, cum præsentis vitæ

termino illos propinquare cognoscit. Finit etiam actionis insidiatur diabolus. Gregor. Diabolus aliquando nec intentionem vitiat, nec in itinere supplantat: sed opus bonum in fine actionis illaqueat: Item diabolus calcaneo, id est, infimæ parti insidiatur, carni scilicet. Iob. 40. *Fortitudo eius in lumbis eius, & virtus eius in umbilico ventris eius.* Et in eodem: *Fœnum quasi bos comedit.* Fœnum vocat homines carnales: *Omnis enim caro fœnum.* Esa. 40. Habac. 1. *Incrassata est pars eius.* Diabolus portis sensuum insidiatur. 1. Iudic. 9. Appropinquans Abimelech ostio, ignem supponere nitebatur. Item diabolus ex illa parte ex qua homo sibi minus cauet impugnat: & sic calcaneo insidiatur. Ipse circuit, si forte inueniat quem deuorare possit. Iob. 1. *Circumui terram, & perambulauit eam.* 1. Petr. 5. *Tanquam leo rugiens circumui,* &c. Diabolus otiosos & securos percutit. Ezechiel. 38. *Ascendam ad terram sine muro, veniam ad quiescentes habitantesque secures.* Iob. 40. dicitur de Behemoth: *Circumdabunt eum salices torrentis.* Salices torrentis sunt homines infructuosi in aquis deliciarum plantati, qui circa diabolum sunt, & diabolus quasi spatiatur cum eis. Iud. 18. *Nullus erit labor, intrabimus ad securos.* Item diabolus semina bonorum rapit, sciens illud Bernardi: Modica sementis detractio, non modicum est messis detrimentum. Matt. 13. *Quedam ceciderunt secus viam, & venerunt volucres celi, & comederunt illa.* Ipse in negligentibus zizania seminat. Matt. 13. *Quum dormirent homines, venit inimicus, & superseminauit zizania in medio tritici.* In vitis Patrum dicebat quidam senex, quod tres sunt virtutes sathanæ, quæ præcedunt vniuersa peccata. Prima obliuionis, secunda negligentiae, tertia concupiscentiæ. Prima generat secundam, secunda tertiam, & sic corrumpit homo. Item diabolus vnanimis dispergit, & sic vincit. Matth. 12. *Qui non colligit mecum, dispergit.* Item tortuose incedit, & ideo

valde difficile est præcognoscere quò tendit. Prou.30. *Tria sunt mihi difficilia, & quartum penitus ignoro.* Et vnum illorum trium est via colubri super petram. Gloss. Viam colubri vocat venenati hostis astutiam, quæ insidiari non desinit quos in petra fundatos esse conspiciat. Item diabolus quod delectabile est præponit, quod molestum supponit: primo quasi vngit, & postea pungit. Ecclesiasticor.9. *Sicut pisces capiuntur hamo, & sicut aues laqueo, sic homines capiuntur tempore malo,* scilicet tempore temptationis. Pisces capiuntur efca hamo superposita. Item circa impugnationem diaboli attendenda est impugnationum varietas; impugnandi continuitas, impugnationis vniuersitas. Diabolus variis impugnationibus impugnat, vt quem non superat vna, superet alia: vt patet Matth. 4. in temptationibus Domini. Continue etiam impugnat, vt quasi tædio victus homo succumbat. Gregorius: Diabolus assidua temptatione nos tentat, vt saltem tædio vincat, Daniel. 3. *Non cessabant ministri regis succendere fornacem.* Vniuersalis etiam est eius impugnatio. Impugnat enim & diuites & pauperes, & iuuenes, & senes: vnde dicitur vti sagena, quæ est rete totam aquam occupans. Habac.1. *Totum in hamo subleuauit, & traxit illud in sagena sua.* Item in eodem: *Expandit sagenam suam, & semper interficere gentes non cessat.* Et licet omnes impugnet, magis famen eos qui ad Deum conuertuntur. August. in sermonibus. Quotidianis discimus experimentis eos qui conuerti deliberant, tentari acrius à concupiscentia carnis, & vrgeri grauius in operibus luti & lateris, qui Ægyptum egredi, Pharaonem effugere moliantur. Ideo accedenti ad seruitutem Dei dicitur, Eccles.2. *Præpara animam tuam ad temptationem.* Iob 19. *Obsecderunt in gyro tabernaculum meum.* In Psalm. *Circudederunt me sicut apes.* Eccl. 9. *Extruxit munitiones per gyrum.* Greg. de diabolo: illos pulsare negligit, quos iu-

Psalm. 117.

re quieto possidere se sentit. Hieron. Appropinquante salute, appropinquat & tentatio. Gregor. in Moral. Lucem rectitudinis vmbra sequitur temptationis. Idem in eodem. Post lucem æstus sequitur, quia post illuminationem diuini numinis, temptationis certamen augetur. In Psalm. *Domine, quid multiplicati sunt qui tribulant me?* Sicut aliquis dum est captus in carcere vnicum habet custodem vel duos; si vero euaserit, omnes eum insequuntur: sic dum quis captus est à diabolo, non tantum eum dæmones persequuntur quàm quum euasit. Vnde quidam eremita vidit vnum solum diabolum sedentem in porta ciuitatis, & vidit abbatiam in qua vnicuique monacho assistebat diabolus. Quum vero quæreret ab angelo ductore quare hoc esset. Respondit: quia in ciuitate illa omnes faciunt voluntatem diaboli, sufficit ibi vnus diabolus: sed quum in hac abbatia omnes sint boni, necesse vt vnicuique vnus assistat. Idem magis impugnat diabolus eos qui præsumunt, quàm ceteros. 1. Reg. 31. *Totum pondus prælij versum est in Saul.* Item impugnat etiam hominem secundum complexionem: vel mores, vel statum ipsius. Vnde in Psalm. *Iuxta iter scandalum posuerunt mihi.* Diabolus eos qui sunt in deserto paupertatis incitat ad iram vel impatientiam. Vnde tentatio eius talibus est ventus vrens. Deut. 8. dicitur de solitudine in qua fuerunt filij Israel, quod in ea erat serpens statu adurens, & scorpio, & dipsas, & nullæ omnino aquæ, Ierem. 3. *Ventus vrens in viis quæ sunt in deserto.* Exod. 10. *Ventus vrens leuauit locustas.* Et subditur: *Et nihil omnino vrens relictum est in terra.* Locustæ sunt motus superbix, qui postquam in homine religioso inualuerint, nihil viride in eo remanet. Ezech. 17. *Nonne quum tetigerit eam ventus vrens siccabitur?* Ionæ 4. *Præcepit Dominus vento calido & vrenti, & percussit sol super caput Iona, & assuabat.* His vero qui sunt in prosperitate, suadet diabolus pigritiam. Et talibus est tenta-

Psalm. 3.

Exemplum.

Psalm. 139.

tio diaboli, vt ventus aquilo. Ecclef. 43. *Frigidus ventus aquilo flauit, & gelat in crystallus ab aqua.* Quandoque vero diabolus, Deo permittente, hoc ad probationem & profectum amicorum suorum suscitatur, quasi ventum vehementem, vt videatur omnia concutere. Iob 1. Ventus vehemens irruit à regione deserti, & concussit quatuor angulos domus. Et Ionæ 1. *Missi Dominus ventum magnum in mare, & facta est tempestas magna.* Et Matth. 8. *Motus magnus factus est in mari, ita vt manucula operiretur fluctibus.* Item diabolus quandoque impugnat aggerem comportando, vt quum bonorum pauperum procurat ditationem, vt sic mali efficiantur. Habac. 1. *Ipse super omnem munitionem ridebit, comportabit aggerem, & capiet eam.* Ipse de potentibus triumphat adiutus potentia eorum contra ipsos, dum ea abutuntur, contra animas suas ea vtentes. Habac. 1. *Ipse de regibus triumphabit, & tyranni ridiculius erunt.* Tyranni sunt simiæ diaboli, dum in subditos sibi desæniunt, sicut & diabolus seruientes sibi torquet. Item diabolus immisericorditer impugnat, vt patet in Iob cui abstulit sua & suos, afflixitque ipsum in propria persona. Et si in aliquo videtur parcere, in eo intendit impugnam: vt patet in vxore Iob quam ei reliquit, per quam postea eum impugnavit. Vnde dixit illi vxor sua, quum ipse amisisset & sua & suos, & percussus esset vlcere pessimo: *Adhuc, tu permanses in simplicitate tua? benedic Deo & morere.* Iob 2. Irrisio est, id est, si perseueraueris in benedictione tua, morieris. Ecclef. 7. *Iustus perit in iustitia sua.* Malach. 3. Vanus est qui seruit Deo. Greg. Duobus modis diabolus impugnat homines tribulatione vt frangat, persuasione vt molliat. Vnde ergo de tribulatione recurrit ad artem qua Adam vicit. Prou. 7. *Multos vulneratos deiecit.* Dicitur de muliere. Item diabolus illos quos videt seruientes ad bonum, incitat ad hoc quod excedant vt de alto possit eos præ-

capitare, quod valde periculosum est. Bernardus super Cantic. Non habet callidus hostis machinamentum efficacius ad tollendum de corde dilectionem, quam si efficere possit vt in ea incaute & non cum ratione ambuletur. Ephes. 5. *Videte, fratres, quomodo caute ambuletis.* 1. Pet. 4. *Nolite peregrinari in sermone qui ad tentationem vobis fit.*

### De modo repugnandi diabolo.

**S**equitur de modo repugnandi diabolo. Et notandum quod modus cõuenientissimus repugnandi serpenti infernali, est contritio capitis eius. Quem modum docet Dominus Gen. 3. loquens ad serpentem de muliere, quæ figuram tenet Ecclesiæ. Ipsa conteret caput tuum. Serpens caput præ ceteris membris custodit. Et non est caput nequius super caput colubri. Eccl. 25. Ideo conari debet homo ad eius contritionem. Caput vero eius potest intelligi superbia, vel principium tentationis vel peccatum cordis antequam extra exierit. Contritio capitis, scilicet superbiz multum valet ad repugnandum ei. Et hanc facit humilitas, quæ multum valet ad triumphandum de diabolo. Humilitas enim ad modum altari luctatoris, dū videtur se deiicere, hostem facit corruere. Ipsa est quæ euadit laqueos diaboli. Inde beatus Antonius retulit se vidisse omnes laqueos diaboli super terram extentos. Et quum suspirans dixisset: *Quis hos poterit transire?* audiuit vocem dicentem. Humilitas sola, ô Antoni, pertransit: Humilitas gloriam victoriæ totam Deo attribuit, & propter hoc totum pondus prælij eidem imponit. Cuius enim est victoriæ gloria, eiusdem est pugna. Humiles Deus iuvat, sicut contrario superbis resistit. Iacob. 3. & 1. Pet. 5. Ideo non est mirum si ipsi triumphent. Humilitas Deum quodammodo vincit. Gregor. in Moral. Quotidie tentationum eius accipimus: sed & nos contra illum iacula mittimus, si confessi



tribulationibus humilia respondemus. Prou. 15. *Responsio mollis frangit iram.* Caput etiam serpentis est conterendum, quia in principio tentationis est resistendum. Ouidius: *Principiis obsta, sero medicina paratur: Cum mala per longas conualuere moras.* Gregor. in Moral. Si tentationi in corde nascenti festine non resistitur, hac eadem qua nutritur mora roboratur. In Psalm. *Beatus qui senebit, & allidet paruulos suos ad petram.* Diabolus quasi paruulus est in principio tentationis, vnde tunc facilius potest occidi: In morte primogenitorum liberati sunt filij Israel de seruitute Pharaonis Exod. 12. Primogenita Pharaonis infernalis sunt principia tentationum: quibus si viriliter resistatur, liberatur homo citò à diabolo. Item caput serpentis conterendum est: quia peccatum destruendum est, quum in corde est, antequam extra per locutionem vel operationem processerit. Si cogitatio mala cor intret, tam cito pugnandum est contra eam, & specialiter orando. Gregorius in homilia. Quanto grauiori tumultu cogitationum carnalium premimur: tanto orationi debemus insistere ardentius. Non simus eradicatores cogitationum, sed luctatores contra eas: vt dixit quidam senex de antiquis patribus, vt legitur in Vitis patrum. In eodem: Dicit quidam abbas. Si cogitationem non habes, spem non habes: quoniam si cogitationes habes, opera habes. In eodem: Interrogatus abbas Pastor, de immundis cogitationibus: respondit. Nunquid gloriabitur securis sine eo qui incidit in ipsa. Tu ergo non eis porigas manus, & otiosæ erunt. Idem cuidam abbati: Sicut capsula plena vestibus si dimissa fuerit longo tempore, putrescunt vestes in ea: ita sunt & cogitationes in cordibus nostris, si non fecerimus eas corporaliter tempore longo, exterminantur & putrescunt. Idem ad abbatem Ioseph: Sicut si quis claudat serpentem vel scorpionem in vase &

obturet illud, procedente tempore serpens moritur: ita malignæ cogitationes quæ studio dæmonum pullulant, patientia eius cui immittuntur paulatim deficiunt. In eodem: Quidam frater dixit abbati suo: Quare non recedunt à me tentationes: & dixit ei senex: Quia vasa earundem passionum intra te sunt. Hæc vasa intelligi possunt ipsæ concupiscentiæ, secundum quas cogitationes in corde oriuntur: vbi enim amor, ibi oculus. Quidam frater interrogauit senem quendam: Quid faciam quia multæ cogitationes sollicitant me, & nescio quomodo repugnem eis: Qui respondit: non repugnes contra omnes, sed contra vnā quæ caput est aliarum. Contra immundas cogitationes valet confessio, quæ eas sanctis patribus manifestat. Vnde quidam seniorum cuidam impugnato à spiritu fornicationis, dixit: Filij, ne abscondas cogitationes tuas; ita enim confusus immundus spiritus discedit à te. Nihil enim ita confundit & allidit virtutem dæmonum: quomodo si quis secreta immundarum cogitationum reuelauerit sanctis ac beatissimis patribus. Specialiter expedit ne cogitationes iracundiæ ad verba procedant. Vnde quidam frater requisituit abbatem Isaac, quare dæmones eum ita timerent: qui respondit: Ideo me timent dæmones, quia ex quo factus sum monachus statui apud me ne iracundia mea extra guttur meum procederet. Item notandum quod ad repugnandum diabolo multum valet sapientia, cum ipse astucia maxime impugnet. Vnde Dominus diabolum tentantem cum paucis verbis faciæ scripturæ confusum repulit. Matth. & Luc. 4. Sapient. 5. *Melior est sapientia quam vires.* Eiusd. 8. *Sapientiam non vincit malitia.* Eccl. 9. *Melior est sapientia quam arma bellica.* Eccl. 11. *Non occident, & non nocebunt in vniuerso monte sancto meo, quia repleta est terra scientia Domini.* Error principium est tentationum difficilium: ideo multum necessaria est sapientia militi Christi, vt ab-

errore caueat. 1. Ioan. 4. *Nolite omni spiritui credere: sed probate spiritus si ex Deo sint.* Ad repugnandum diabolo multum valet fides. Ephes. vltim. *In omnibus sumentes scutum fides.* Et 1. Petr. 5. *Cui resistite fortes in fide.* Fides ostendit militibus Christi sanguinem eius, vt sic in prælio exacuantur & vincant. 1. Mach. 6. *Elephantis ostenderunt sanguinem vna & mori, ad acnuendum eos in prælium.* Apocal. 12. *Ipsi vicerunt eum propter sanguinem agni.* Fides etiam eis ostendit pœnam paratam si victi fuerint. Gregor. in Moral. Solenter inuigilandum est, vt cum culpa blandiri inchoat, ad quantum interitum mens trahatur agnoscat. Item ostendit eis coronam paratam si vicerint Apocal. 2. *Vincenti dabo de ligno vitæ.* In eodem: *Vincenti dabo manna absconditum.* Item ad triumphandum de diabolo multum valet fiducia de Deo. Exod. 14. *Dominus pugnabit pro vobis & vos tacebitis.* Num. 14. *Dominus nobiscum est, nolite timere.* 2. Paralip. 20. *Non est vestra pugna, sed Dei.* In eodem: *Tantummodo confidenter state, & videbitis auxilium Domini super vos.* Esa. 41. *Ne timeas, quia ego tecum sum.* Et 43. simile Ierem. 20. *Dominus mecum est tanquam bellator fortis: idcirco qui persequuntur me, cadent & infirmierunt.* Rom. 8. *Si Deus pro nobis, quis contra nos?* Ad repugnandum etiam diabolo multum valet oratio. Matth. 24. *Vigilate & orate ne intretis in tentationem.* Ad idem etiam multum valet misericordia. 1. Petr. 2. *Novit Deus pios de tentatione eripere.* Et super illud Psal. *misericordia mea & refugium meum,* dicit. Gloss. Denulla re ita vincitur inimicus diabolus, sicut de misericordia. Eccl. 29. dicitur de eleëmofyna: *Super scutum & super lanceam potentis pugnabit pro te aduersus inimicum tuum.* Homines etiam incompatientes & indignantes peccatoribus permittit Deus corruere in peccatum. Item ad superandum diabolum, multum valet timor Domini, Eccl. 32. *In tentatione Deus timentem*

*se seruabit, & liberabit à malis.* In Vita patrum abbas Amon dixit cuidam fratri interroganti ab eo aliquem sermonem: *Vade, & fac talem cogitationem tuam, qualem faciunt iniqui qui sunt in carcere.* Illi enim interrogant homines, vbi est iudex, & quando veniet, & in ipsa expectatione pœnarum suarum plorant. Sic & monachus debet animam suam obiurgare, dicens: *Væ mihi, quomodo astare habeo ante tribunal Christi, & actuum meorum reddere rationem!* Si sic semper meditatatus fueris, poteris saluus esse. Timor Dei negligentiam expellit, quæ multos facit corruere. Ecclesi. 7. *Qui times Deum, nihil negligit.* Timor Dei etiam sollicitum hominem reddit, & quasi paratum ad prælium. 1. Machab. 12. præcepit Ionathas suis vigilare & esse in armis paratos ad pugnam. Item timor Dei offensam cauet: quod multum valet ad hoc quod Deus hominem iuuet, & sic de hoste triumphet. Deut. 23. *Quando egres-sus fueris aduersus hostes tuos ad pugnam, custodies te ab omni re mala.* 1. Cor. 9. *Omnis qui in agone contendit, ab omnibus se abstinnet.* Item timor occasiones peccandi cauet, vt est familiaritas eorum qui mala suggerunt, qui sunt quasi halitus diaboli. Iob 41. *Halitus eius prunas ardere facit.* Item occasio mali est aspectus rei delectabilis. Gen. 3. *Vidit mulier lignum quod esset bonum, & ad vescendum suauis, &c.* Amor etiam mundi occasio est, vt quis à diabolo superetur. Non est mirum si à diabolo capitur qui voluntarie pedes suos in rete eius mittit. Retia diaboli sunt temporalia ista. Iob 28. *Immisi in rete pedes suos, & in maculis eius ambulat.* Sap. 14. *Creaturæ Dei factæ sunt in odium, & in tentationem animæ hominum, & in scipulam pedibus insipientium.* Item ad superandum diabolum multum valet constantia. Eph. 3. *Nolite locum dare diabolo.* Iac. 4. *Resistite diabolo, & fugiet à vobis.* Item ad hoc valet spiritualis lætitia. 1. Machab. 3. *Præliabitur Israel prælium cum lætitia.* Anton-

vnica

unica ratio vincendi inimicum, est lztia spiritualis. 1. Reg. 4. dicunt Philistini figuram tenentes demonum. *Vae nobis, non enim fuit tanta exultatio heri & nudius tertius.* Et notandum quod quandoque diabolus nos impugnat molestiis, quandoque deliciis. Cum impugnat molestiis non est fugiendum. Bonæ enim sunt & vtilis, & fugientes magis grauant. Ios. 7. *Mi Domine Deus, quid dicam videns Israel hostibus suis terga vertentem?* Sen. Quemadmodum perniciosior est hostis fugientibus: sic omne fortuitum incommodum magis instat cedenti & aduerso. Salustius: Fugientes sæpius videas capi aut occidi. Fortissimum quemque tutissimum. Bern. in epistolis: Sola causa qua perdere possis victoriam, fuga est. Fugiendo poterit illam amittere, moriendo non potes: & beatus si pugnando moriaris, quia mortuus, mox coronaberis. Vt autem tibi si declinando pugnam perdis, & victoriam simul & coronam. Idem in epistolis: O vere tuta pro Christo & cum Christo pugna, in qua nec vulneratus, nec prostratus, nec conculcatus, nec millies si fieri possit occisus, fraudaberis à victoria, tantum ne fugiat. Idem: Libentius insequitur aduersarius fugientem, quam sustineat repugnantem. Impugnatio vero quæ fit deliciis, vincitur fugiendo 1. Cor. 6. *Fugite fornicationem.* Impugnatio per molestias vincitur patiendõ. Illa quæ fit per delicias, percutiendo virga disciplinæ. Prou. 23. *Si percusseris eum virga, non morietur.* Senec. in epistolis: Vir bonus quidquid ei acciderit, æquo animo sustinebit. Sciet enim hoc accidisse lege diuina ex qua vniversa procedunt. Idem: Voluptates inter res vilissimas præcipue extirpa, quæ latronum more in hoc nos amplectuntur vt strangulent. Et notandum quod cum habeamus bellum contra astutiores & fortiores nobis, necessarium est nobis adiutorium: Et enumerantur octo adiutoria. Primum est, celestis doctrina. In Plal. *Benedictus Dominus Deus meus, qui*

*docet manus meas ad prælum.* Prou. 24. *Vir doctus robustus & validus.* Sap. 8. *Per sapientiam in multitudine bonus videbor, & in bello fortis.* Secundum est diuina confortatio, quæ multum valet ad fortitudinem, & ad hoc quod aliquis vincat: sicut disconfortatio multum facit ad hoc quod aliquis vincatur. Daniel. 10. *Corroborare, & confortare.* Iosue 1. *Confortare, & esse robustus.* Tertium est, refractio hostium ne tantum nos impugnent quantum velent; vt patet in Iob, quem sathan non poterat ad voluntatem suam impugnare, donec à Deo fuit ei hoc concessum, 1. Cor. 10. *Fidelis est Deus qui non permittet vos tentari supra id quod potestis.* Quartum est, mira Dei protectio, quæ promittitur Esaia 53. *Quum transieris per aquam, tecum ero, & flumina non operient te.* Sic protecti sunt tres pueri in fornace Babylonica. Daniel. 3. Quiatum est, mira hostium impugnatio. Exod. 14. *Fugiamus Israel: Deus enim pugnat pro eis contra nos.* Sextum est, miræ virtutis collatio, vt Moyse. Exod. 34. & Elia 4 Reg. 19. data est virtus ieiunandi 40. diebus: sicut mira virtus corporalis data fuit Samsoni. Septimum est, armatura mirabilis quæ habenti nihil nocere possit. Qualis armatura est patientia quæ data fuit beato Vincentio & Laurentio. Octauum est, angelorum custodia, quam vocat Dominus sepem. Esa. 5. *Auferam sepem eius, & erit in direptionem.* Angeli sancti, daemones compescunt. Tob. 8. Raphael reliquit daemonium in deserto, & 4. Reg. 6. dixit Eliseus ad ministrum suum: *Noli timere, plures enim nobiscum sunt, quam cum illis.*

## CAPUT VI.

## De aliis diuisionibus Patientie.

Consequenter ponendæ sunt aliæ diuisiones pertinentes ad patientiam. Et sumitur diuisio prima secundum ea:

quibus patimur. Quædam enim patimur ab extraneis: quædam vero à notis, tamen inimicis. Quædam vero ab amicis, quæ molestius sustinemus. Psalm. *Si inimicus meus maledixisset mihi, sustinuissem, utique.* Alia sumitur secundum ea quæ patimur, quæ sunt contumeliæ verborum, molestiæ corporum, & damna rerum. Contumeliæ verborum patienter tolerandæ sunt. Sunt enim velut aurum & argentum quibus ditamur. Heb. 11. *Maiores dimittas æstimans thesauro. Aegyptiorum improprium Christi.* Ad contumelias debet homo se habere ut surdus. In Psalm. *Ego autem tanquam surdus non audiebam, & sicut mutus; &c.* Debet etiam homo immobilis permanere. 2. Reg. *Sicut angelus Dei, sic est Dominus meus rex, ut nec benedictione vel maledictione moveatur.* Ille qui maledicit, reputandus est ut nuntius à Deo missus, ut scilicet abstergat maculas eius cui maledicit. Greg. Idcirco Dominus linguas detractorum in electos laxat, ut si quid in eis elationis surreperit, lingua detractoris detrahat. Multum vilipendit Deus malos, quando de lingua eorum facit absterforium sordium bonis. Prou. 1. *Qui stultus est, seruiet sapienti.* 2. Reg. 16. dixit Dauid cum Semei ei malediceret: *Dimittite eum, ut maledicat iuxta præceptum Domini si forte respiciat Dominus afflictionem meam, & reddat mihi bonum pro maledictione hac hodierna.* Et dicit gloss. Greg. Qui verborum contumeliis pressus virtutem patientiæ seruare non sufficit, factum Dauid ad memoriam reuocet: quem cum Semei conuictis uirgeret, & armati procures vlcisci contenderent, ait: *Quid mihi & vobis filij Saruiz, &c. dimittite eum ut maledicat, &c.* Quibus verbis indicat quod pro peccato Bersabee insurgentem contra se filium fugiens, reduxit ad animum malum quod fecit: & contumeliosa verba, non tam conuicta quam adiutoria esse credidit, quibus se purgari sibi que misereri posse iudicatur. Tunc enim illata con-

uicta bene toleramus, quum in secreto mentis ad mala perpetrata recurrimus. Leue quippe videbitur quod iniuria percutimur, dum conspicimus quod peius meruimus: sicque fit ut contumeliis gratia magis quam ira debeat, quarum interuentu Deo iudice poena grauior declinet. Dicenti verba contumeliæ compati debemus quasi insano verba extranea loquenti. Senec. *Dicis, male de te loquuntur: moueret si hoc iudicio facerent, nunc morbo faciunt.* Hieron. *Apud Christianos non est miser qui patitur contumeliam, sed qui facit: beatum debet se reputare cui mali maledicunt.* Matth. 5. *Beati estis quum maledixerint vobis homines.* 1. Pet. 4. *Si exprobramini in nomine Christi, beati eritis.* Exemplum huius patientiæ habemus in Christo. Esa. 53. *Sicut ovis ad occisionem ducetur, & sicut agnus coram tondente se obmutescet, & non aperiet os suum.* Matth. 27. *Quum accusaretur à principibus sacerdotum, nihil respondit.* De patientia ad molestiam corporum habetur. Matth. 5. *Si quis percusserit te in dexteram maxillam tuam, præbe ei & alteram.* De patientia ad damna rerum, habetur ibid. *Qui vult contendere tecum in iudicio, & tunicam tuam tollere, dimitte ei & pallium.* De hac patientia commendat quosdam Apostolus ad Heb. 10. *Repinam bonorum vestrorum cum gaudio suscepistis, cognoscentes vos habere meliorem & manentem substantiam.* Alia diuisio sumitur secundum causas propter quas patimur. Quandoque enim quis patitur ex culpa sua. In quo casu magis patienter sustinet. Quandoque vero sine culpa sua: & tunc magis moleste sustinet, dicens: *Si meruisssem, non sustinerem moleste: nunc vero non est mirum si moleste sustineam, quum hoc non meruerim.* Cui dicendum est quod ipse secundum hoc potius vult esse similis latronibus quam Sanctis. Latrones enim propter culpam suam patiuntur ea quæ sustinent: sancti vero sine culpa. 1. Petr. 2. *Hæc est gratia, si propter Dei con-*

*Scientiam sustinet qui tristitias patiens in-*  
*iussit In eodem: quæ est gratia si peccantes*  
*& colaphizati sufferitis: Sed si benefa-*  
*cientes patienter sufferitis, hæc gratia est*  
*apud Deum. Eiusdem 3. Si quid patimini*  
*propter iustitiam beati. In eodem: Melius*  
*est benefacientes si velis voluntas Dei pa-*  
*ti, quam malefacientes. Eiusdem 4. Nemo*  
*vestrum patiatur, quasi homicida, aut fur,*  
*aut maled. cus, aut alienorum appetitor: si*  
*autem ut Christianus, non erubescat. Alia*  
*diuisio patientiæ est talis. Est patientia*  
*culpæ, & est patientia naturæ & consue-*  
*tudinis longæ & gratiæ. Prima triplex est.*  
*Quædam est, remissionis: vt quum quis*  
*sustinet non sustinenda, vt scilicet se redi-*  
*gi in seruitutem diaboli 2. ad Corinthios*  
*11. Sustinetis si quis vos in seruitutem re-*  
*digat. Proverb. 12. Manus quæ remissa est,*  
*tribuitis seruiet: Hæc patientia est quasi*  
*asinina. Asinus non discernit quid sibi im-*  
*ponatur vtrum aurum vel lutum. Alia est*  
*seculis timoris: vt quum aliquis timore*  
*disciplinæ, vel quia erubescit exire de*  
*claustro sustinet asperitatem religionis, &*  
*non amore Dei. Et talis patientia solet*  
*esse cum murmure propter defectum vn-*  
*ctionis gratiæ, sicut rota murmurat si vn-*  
*cta non fuerit. Ecclesi. 33. Præcordia fatui,*  
*quasi rota curri. Tertia est patientia hy-*  
*pocritarum, figurata in patientia latronis*  
*mali qui cum Domino passus est. Patien-*  
*tia vero naturæ est quam habet aliquis*  
*ex strenuitate naturali, vt sunt multi mi-*  
*lites, qui licet non habeant charitatem, ta-*  
*men prius sustinerent mortem, quam si-*  
*dem negarent patientia naturali. Patien-*  
*tiâ laboris inuenit Alexander exercitum*  
*suum, quum eum probaret, decens illum*  
*sub torrida zona per diatam sine potu,*  
*vsque ad fluium quendam. De patien-*  
*tia consuetudinis longæ dixit, quidam:*  
*Quod male fers, assuesce feres. Tullius:*  
*Optima forma eligenda est viuendi,*  
*quam iucundam reddet assuetudo. Pa-*  
*tientia vero gratiæ triplex est: Quædam*

est incipientium: quædam proficientium,  
 & quædam perfectorum. Incipientium  
 est sustinere mala, quæ eis inferuntur  
 patienter. Proficientium vero est susti-  
 nere ea non solum patienter, sed etiam  
 libenter: Perfectorum verò non solum  
 libenter, sed etiam lætanter. Hos tres  
 gradus patientiæ possumus agnoscere in  
 Paulo. Primus, habetur 2. Corinthio-  
 rum 4. Tribulationem patimur, sed non  
 angustiamur, scilicet per impatientiam.  
 Secundus eiusdem 12. Ego libentissime im-  
 pendam, & superimpendam ego ipse pro ani-  
 mabus vestris. Tertius, ad Galat. vltim.  
 Mihi absit gloriari nisi in cruce Domini no-  
 stri Iesu Christi. Et notandum quod qui  
 habet perfectam patientiam, cum mala  
 ei inferuntur, lætatur: inferenti compati-  
 tur, & beneficium largitur, & Deo regra-  
 tiatur. De primo habes Act. 5. Ibant  
 apostoli gaudentes, &c. 1. Petr. 3. Commu-  
 nicantes Christi passionibus gaudentes. De  
 secundo 2. Petr. 1. In patientia pietatem.  
 Gregor. in homil. Patientia vera est quæ  
 & ipsum amat quem portat. Nam tole-  
 rare & odisse non est virtus mansuetu-  
 dinis, sed velamen furoris. De tertio.  
 Luc. 6. Benedicite maledicentibus, &c.  
 1. ad Corinthios quarto. Maledicimur  
 & benedicimus, blasphemamur & obse-  
 cramus. De quarto exemplum habemus  
 in Tobia, cap. 2. quod immobilis in  
 Dei timore permansit, gratias agens Deo  
 omnibus diebus vitæ suæ. Et beatus Lau-  
 rentius: Gratiarum ago tibi Domine Iesu,  
 quia hostia tua effici merui. Qui ad ignem  
 tribulationis Deo gratias agunt, simi-  
 les sunt altilibus, quæ cum ad ignem as-  
 santur, pinguedine sua se superfundunt.  
 Et sicut pinguedo assata gratioris est sa-  
 poris quam elixa sic gratiarum actio gra-  
 tior est Deo, quando personat in his qui  
 sunt in tribulatione, quam si personat in  
 his qui sunt in prosperitate.

Patientia  
perfecta  
quæ.

Mala ei  
inferun-  
tur quæ  
lætand-  
dum.

## P A R S V I I.

## De Constantia.

Qui & cō-  
stantia.  
Constantia  
du-  
plex.

**C**onstantia est stabilitas animi firma, & in proposito perseverans. Et notandum quod est constantia generalis quæ attenditur in perseverantia propositi, quæ omnem virtutem circuit: & est constantia specialis, quæ attenditur circa res terribiles & ad sustinendum difficiles, quæ lædunt naturam. Et hæc constantia pertinet ad fortitudinem. Item notandum, quod constantia est servare medium inter mutabilitatem seu levitatem & pertinaciam, quoniam utrumque reprehensibile est. 2. ad Corinth. 1. *Numquid levitate usus sum?* Num. 19. legitur de filiis Israel, quod ad imperium Domini proficiscebantur, & ad imperium eius figebant tabernaculū. Sic à proposito recedendum est, quum creditur Deo displicere, & in eo perseverandum est quum creditur ei placere. Item notandum, quod sex videntur pertinere ad constantiam.

Sex per-  
tinet ad  
constan-  
tiam.

1.

Primum est, stabilitas intellectus quæ variatur secundum diversas species cognitionum. Quædam enim stabilitas est in his quæ sunt fidei. Ad quam monemur 1. Corinth. ult. *Vigilate, & stete in fide.* Ad Ephes. 4. *Non sicut parvuli fluctuantes, & circumferamur omni vento doctrinæ.* Toh. 2. *Vitam illam expectamus quam Deus daturus est his qui fidem suam nunquam mutant ab illo.* Secundum est gravitas seu æquanimitas in utraque fortuna. Tullius: *Præclara est equalitas in omni vita, idemque semper vultus, eademque frons, ut de Socrate accepimus. E contrario, cor subito- rum dissimile erit.* Prou. 15.

3.

Tertium est, stabilitas circa ea quæ desiderantur. Senec. in epistol. Ante omnia hæc, cura, ut constes tibi. Quoties experiri voles an aliquid actum sit, observa an eadem velis quæ heri. Mutatio volūtatis indicat animum nutare atque alibi apparere

proculculit ventus. Non vagatur quod firmum atque fundatum est. Quidam adeo sunt inconstantes, ut constantia eorū hæc esse dicatur, scilicet esse instabiles. Poëta: *Quod petis, spernis: reperis quod nuper omisisti.* Itam: *Dirigit, adificat, mutat quadrata rotundis.*

4.

Quartum est, stabilitas loci, quæ multum facit ad stabilitatem animi. Bernardus ad fratres Dei: Impossibile est, hominem fideliter figere in vno animum suum, qui non prius alicui loco perseveranter affixerit corpus suum. Nam qui ægritudinem animi migrando de loco ad locum effugere nititur: sic est sicut qui fugit umbram corporis sui, seipsum fugit, seipsum circumfert, locum mutat non animū, eundem ubique se inuenit: nisi quod deteriores ipsa facit mobilitas, sicut lædere solet ægrum qui circumferendo concutit. Sen. in epistolis: Animum debes mutare, non cælum. Quid miraris, nihil tibi peregrinationes prodesse, cum te circūferas? Pro-mittit te eadē causa quæ expulit. Onus animi tui deponendum est. Non ante vllus tibi placebit locus. Vadis huc atque illuc, ut excutias insidens pondus, quod ipsa iactatione incōmodius sit, sicut in naui omnia immota minus, vrgēt, inæqualiter cōvoluta citius eam partem in qua incubuerunt demergunt. Motu ipso nocet tibi. Ægrum enim cōcutis. Ac cum istud exemeris malum, tunc omnis mutatio loci iucunda est. Magis quis venerit, quā quo inter est. Idem: Primum argumentum compositionis mentis existimo, posse cōsistere, & secum morari: lapis quadratus stabilis est: sic homo bene ordinatus est stabilis. Et e contrario male ordinatus, instabilis. Poëta:

*Roma Tybur amo vultus, Tybur Roma-*

*nam, In culpa est animus qui se non effugit unquam.*

*Cælum non animum mutant qui trans mare currunt.*

Seneca Non conualescit planta quæ sæpe transfertur. Ad loci stabilitatem multum

monet Scriptura, Eccles. 10. *Si spiritus potestatem habentis super te ascenderit, locum tuum nedisseris.* Eccles. 11. *Confide in Deo, & manea in loco tuo. Facile enim est in oculis Dei subito honestare pauperem.* Luc. 9. *In quacunque domum intraveritis, ibi manete, & inde ne exeatis.* Eiusdem 10. *Nolite transire de domo in domum.* 1. ad Corinth. 14. *Fratres, stabiles estote & immobiles.* 1. ad Thessal. 4. *Rogamus vos, fratres, ut operam detis, ut quieti sitis.* 2. ad Thess. 3. *Scitis quemadmodum oporteat imitari nos: quoniam non inquietis sumus inter vos.* Instabilitatem reprehendit Paulus in quibusdam mulieribus. 1. ad Tim. 5. *Otiosa, inquit, discunt circumire domos, &c.* Instabilitas quantum ad locum, Deo displicet: homini vero est dannosa & periculosa. Ierem. 14. *Dilexit moveri pedes suos, & non quievit, & Domino non placuit.* Prouerb. 27. *Sicut avis transmigrans de nido suo: sic vir qui reliquit locum suum.* Sicut avis transmigrans de nido suo damnificatur in pullis suis, sic & homo locum suum relinquens in bonis suis. Dina egressa ut videret, mulieres regionis illius, corrupta fuit. Genes. 32. Et Semei egrediens de Ierusalem fuit occisus. 3. Reg. 2.

5. Quintum est, firmitas contra ventos tentationum. De qua commendatur Ioan. Matth. 11. & Luc. 7. *Quid exisitis in desertum videre? Arundinem vento agitatam.* In Psalm. *Non sic impij, non sic: sed tanquam pulvis, &c.* Eccles. 5. *Non ventiles te in omnem ventum.*

6. Sextum est, stabilitas in occupatione seu operatione. Senec. Melius est ut propolita custodias, quam ut honesta proponas. Item notandum, quod constantia seu stabilitas est valde admirabilis in statu personarum vitæ, quæ ita instabilis est. Iob. 14. *Numquam in eodem statu permanet.* Difficile est folium arboris stabile esse, dum statu venti percutitur. Greg. in Moralib. Humana anima quot tentationes patitur, quasi tot flatibus mouetur. Idem

in eodem: Qui arbor fuit in conditione, folium à semetipso factus est in tentatione: sed post, stipula apparebit in deiectione. Stabilitas etiam quædam imago est æternitatis. Ipsa ponit hominem quasi in statu angelico. 2. Reg. 14. *Sic est Dominus meus rex sicut angelus Dei, ut nec benedictione nec maledictione moncatur.* Item notandum, quod sex videntur facere ad instabilitatem.

Sex ad instabilitatem mouet.

Primum est stultitia. Eccles. 27. *Stultus ut luna mutatur.* Senec. in epist. Quid est sapientia? Semper idem velle atque nolle. Non potest cuiquam semper idem placere, nisi rectum. Nesciunt homines quid veliat, variatur quotidie iudicium, ac plerisque agitur vita per lulum. Idem: Quid colluctatur cum animo nostro, nec permittit nos quidquam velle? Nihil libere volumus, nihil semper. Stultitia est, cui nihil constat, nihil diu placet.

Secundum est peccatum. Genes. 4. dictum est Cain post homicidium: *Vagus & profugus eris super terram.* In eodemo *Ecce ei scis me hodie à facie tua, & ero vagus & profugus in terra.* Esa. 57. *Cor impij quasi mare feruens quod quiescere non potest.* Thren. 1. *Peccatum peccauit Ierusalem: propterea in stabilis facta est.* Iob. 11. *Si iniquitatem quæ est in manu tua abstuleris à te, nunc lauare poteris faciem tuam absque macula, & eris stabilis.* In Psalm. *Non dabis in æternum fluctuationem iusto.*

Psalm. 54.

Tertium est impatientia. Boët. in lib. Consolationum: Quis est ille tam felix, qui cum dederit impatientiæ manus, statum suum mutare non oportet?

Quartum, defectus timoris. Timor animi stabilem reddit, sicut lapides superpositi aëribus eos custodiunt ne à vento moucantur, vel sicut anchora nauem stare facit. Eccles. 25. *Timor Domini super omnia se superposuit.* Gregorius: Anchora mentis, pondus timoris.

Quintum est defectus dilectionis boni. Amor boni, animum stabilem reddit,

sicut radix profunda arborem. Eccle. 34. *Qui implantatus est, abundabit nequitia.* Senec. Non vagatur, quod fixum atque fundatum est.

Sextum est duplicitas animi. Iacob. 1. *Vir duplex animo, inconstans est in omnibus vijs suis.* Vir duplex est animo, qui vult hic gaudere cum mūdo, & in futuro cum Dño. Hier. deceptus es charissime, si & hic vis gaudere cum seculo, & postea regnare cū Christo. Et notandum quod homo in stabilis, quasi lunaticus est. Matt. 17. *Domine, miserere filio meo, quia lunaticus est.* Et est similis homini erranti, qui quandoque vadit huc, quandoque illuc. Cano. 1. Iudæ: *Sydera errantia quibus caligo tenebrarum reservata est in aeternum*, secundum gl. Sydera errantia, sunt apostataz

nemur. Hebr. 12. *In disciplina vera, inquit, perseverate.* Item notandum, quod quædam est perseverantia finalis, quædam est non finalis. Non finalis est, quando aliquis longo tempore perseverat in bono, tamen postea cadit per mortale. Finalis vero perseverantia dupliciter dicitur. Vel finalis proposito, vel finalis actu. Finalis vero proposito, fit finalis actu, in his quæ permanent in bono. De perseverantia finali actu, dicit Aug. quod multi eam habere possunt, nullus amittere: incipit enim esse finalis actu in termino vitæ. Et notandum, quod perseverantia regulariter datur homini per bona merita. Unde gloss. super illud Psal. *Retribuet mihi secundum iustitiam meam* dicit, Pro fide & spe, & aliis bonis operibus reddet Deus perseverantiam. Ideo autem dictum est regulariter: quia virtutes communiter primo dantur in aliqua quantitate, secundo per bona opera merentur augeri, tandem perfici: tamen alicui, vt Christo, datæ sunt virtutes in statu perfectionis, quæ neque augentur nec intenduntur.

Ad commendationem perseverantia.

Primo, valere potest frequens admonitio quam Scriptura facit ad perseverandum. Iudic. 8. *Nolite negligere, nolite cessare.* 1. Corinth. 7. *Vnusquisque sicut vocavit Deus, ita ambulet.* In eodem: *Vnusquisque in qua vocatione vocatus est, in ea permaneat.* Eiusdem 9. *Sic currite ut comprehendatis.* Galat. 5. *State, & nolite iniquitatem servitutis contineri.* 1. Ioan. 2. *Victoriam quam accepistis à Deo maneat in vobis.* Apoc. 2. *Id quod habetis, tenete donec veniam.* Secundo, promissio quæ fit perseverantibus. Apoc. 2. *Esse fidelis usque ad mortem, & dabo tibi coronam vitæ.* Rom. 11. *Vide in te bonitatem Dei si perseveraveris in bonitate.* Math. 10. & 24. *Qui perseveraverit usque in finem, salvus erit.* Bernardus in epist. Scias diabolum sibi semper perseverantia insidiari, quam solum virtutum novit coronari. Idem in eod. *Studete perseverantia, quæ sola*

## PARS VIII.

### De Perseverantia.

**B** Reuter hic agetur de Perseverantia, quia aliqua de ea dicuntur in tract. de Acedia capit. de vitio Imperseverantia, & recte post Constantiam. Est enim Perseverantia, permanentia, sicut & constantia: unde communicat cum constantia. Tamen in hoc differt: quia constantia est permanentia in proposito: perseverantia vero permanentia in bono, siue continuatio boni. Constantia cauet leuem transitum à proposito vno in aliud: perseverantia vero cauet discontinuationem vel imperfectionem seu defectum debiti finis. Et describitur sic perseverantia magistratibus: Perseverantia est permanentia in bono, diuturna vel finalis. Tull. vero in Rhet. sic eam describit: Perseverantia est in ratione bene considerata itabilis & perpetua mansio. Et notandum, quod est perseverantia generalis & specialis. Generalis attenditur in continuatione boni, & circuit omnem virtutem. Specialis vero attenditur circa terribilia & difficilia, ad sustinendum quæ lædunt naturam, quæ pertinet ad fortitudinem, ad quam mo-

Differ-  
tia, con-  
stantia &  
perseve-  
rantia.

Quid  
perseve-  
rantia.

Perseve-  
rantia  
duplex.

Perseve-  
rantia  
commen-  
datio.



coronatur. Tertia comminatio quæ fit non perseverantibus, scilicet ablatio coronæ. Apoc. 3. *Tene quod habes, & nemo accipiat coronam tuam.* Quarto, exempla Dei. Genes. 2. *Complevit Deus die septimo opus suum quod fecerat.* Deut. 33. *Dei perfecta sunt opera.* Secundo, exemplum Christi hominis. Ioan. 17. *Opus consummavi quod dedisti mihi ut faciam.* Tercio, exempla Sanctorum. Iob. 27. *Iustificacionem meam quam cepi tenere, non deferam.* 2. Tim. 4. *Bonum certamen certavi, cursum consummavi.* Act. 20. *Non facio animam meam pretiosius, quam me, dummodo consummum cursum meum.* Quinto commendabilis est perseverantia à suo effectu multiplici. Primus est, quod à Deo impetrat quod vult. Luc. 11. *Si perseveraverit pulsans, & si non dabit ei, eo quod amicus eius sit: propter improbitatem tamen eius surget, & dabit ei quotquot habet necessarios.* Eiusdem 17. de iudice iniquo, qui licet Deum non timeret, nec homines reuereretur: tamen fecit quod vidua voluit propter eius improbitatem. Matt. 16. *Miserere turba, quia iam triduo perseverat mecum.* Gregorius: Quæ fuit Maria Magdalena prius, & minimè inuenit: perseveravit ut quæreret, unde contigit ut inueniret. Idem: Sic quippè quod poposcerat, obtinere Anna metuuit, quia se post lacrymas in eodem mentis rigore servavit. Tob. 3. *Sara in oratione persistens, & cum lacrymis Deum deprecans, exaudita est.* Et Apostoli perseverantes in oratione, Spiritum sanctum acceperunt. Act. 1. *Hi omnes erant unanimiter in oratione perseverantes, &c.* Secundus est, quod perseverantia bona acquisita custodit, sicut imperseverantia destruit. Prouerb. 19. *Qui molles est & dissolvitur, frater est opera sua dissipantis.* August. Perseverantia magnum donum Dei est, quo dona cætera conseruantur. Tertius est, quod difficilia & aspera, facilia & suavia facit. Bernard. in epist. Subito procedenti de umbra ad solem, de ocio ad aborem, graue cernitur omne quod

Commendabilis  
ab effectu.

incipit: sed postquam ab his difflescere, & ad illa se paulisper assuescere cœperit, vltus tollit difficultatem inuenitque facile esse quod impossibile ante putauit. Quartus est, quod nihil imperfectum relinquit. Senec. Non despero indurato: nihil est, quod non impugnet pertinax opera ei intenta ac diligens cura. Videmus debiles mulieres senilis ætatis, perseverando peregrinationes longas perficere. Item videmus naturam continue operando, ex modica nuce additione imperceptibili magnam arborem efficere: & aquam quæ adeo mollis est, lapidem adeo durum perseveranti percussione excavare. Quintus est, quod perseverantia virtutem operanti ministrat. Senec. Perseverandum est, & assiduo labore robur addendum est. Sextus, quod meretur apprehendere præmium, 1. ad Corinth. 9. *Vnus accipit brachium, scilicet, perseverans.* Bernard. Perseverantia est singularis filia summi regis, virtutum finis & consummatio. Chrysostomus: Tolle perseverantiam, nec obsequium mercedem habet, nec beneficium gratias, nec laudem fortitudo. Denique non qui inceperit, sed qui perseverauerit saluus erit. Idem: Incipere multorum est, finire paucorum: semper in principio delectatio est, in fine probatio. Idem: Assueverunt multi in initio feruentes esse, in fine remitti & dissolui: quæ utilitas est seminum florentium, & postea tabescentium. Gregor. in Moral. Incassum bonum agitur, si ante terminum vitæ deseratur: quia etiam frustra velociter currit qui priusquam ad metas veniat deficit, & super illud Matth. 10. *Qui perseveraverit, &c.* dicit gloss. Non cœpisse vel fecisse, virtutis est: sed perficere. Vnde cauda hostiæ iubetur offerri. Levit. 3. Ornatus virtutum, est vestis ad talos si perseverantia fuerit: sin ea vestis est inhonestè decurtata. Vltimus dies perseverantis plus videtur ei valere, quam quicumque præcesserunt. Si enim illa die defecisset, præcedentia perdidisset.

## P A R S IX.

## De Magnanimitate.

Magna-  
nimita-  
tis variz  
signifi-  
cationes.

**M**agnanimitas quandoque sumitur pro fortitudine. Et attenditur non solum in aggrediendo terribilia, sed etiam in sustinendo. Et pertinet ad eam non solum aggressio arduorum, sed etiam procellus & consummatio eorum. Seneca in libr. de quatuor Virtutibus : Magnanimitas, quæ & fortitudo dicitur, si insit animo tuo, cum magna fiducia viues. Quandoque magnanimitas dicitur terribilium spontanea & rationabilis aggressio: sic accipitur à Macrobio.

Magna-  
nimus  
eius diffi-  
cilia ag-  
greditur.

Item notandum, quod homo magnanimus terribilia seu difficilia aggreditur, propter communem utilitatem, vel propter honestatem; non propter cupiditatem vel gloriæ vanitatem: non enim decet ut cupiditate vincatur, qui metu non frangitur. Tullius: Nihil tam angusti animi est, tamque parui, quam amare diuitias. Macrobius: Virtutis fructum sapiens in conscientia ponit, minus perfectius in gloria. Item ad magnanimum pertinet cauere non solum timiditatem, sed etiam temeritatem. Non enim debet homo absque causa offerre se periculis. In aduendis periculis imitari debemus medicorum consuetudinem. Illi enim leuiter ægrotantes, leuiter curant: grauioribus autem morbis, ancipites curationes adhibere coguntur. In tranquillo tempestatem optare dementis est: tempestatum autem cum euenerit subuenire, sapientis, Poëta:

*Nis consilij expertis molemuit sua.*

Seneca in libr. de 4. Virtutib. Eris magnanimus, si pericula non appetas ut temerarius, nec formides vt timidus. Tull. Turpis fuga mortis, omni morte peior. Ad magnanimitatem pertinet, ardua ope-

ra appetere: & magnitudinem boni vel mali transitorij superare. Primum inquit Tull. Te, inquit, animo excelsum natura creauit. Audita de magnanimitate, tibi statim insedit oratio, id est, intimè sedit vel placuit. Magnitudo boni transitorij superatur contemnendo: magnitudo vero mali transitorij non timendo. Seneca in epist. Animus numquam maior est, quam ubi aliena seposuit, & fecit sibi pacem nihil timendo, fecit sibi diuitias nihil concupiscendo. Idem in epist. Magni animi est magna contemnere, ac mediocria malle, quam nimia. Illa enim vtilia vitaliaque sunt, hæc eo quo superfluum nocent. Sic segetem nimia stemit vberitas, sic rami onere franguntur. Sic ad maturitatem non peruenit nimia fecunditas. Idem animis quoque euenit, quos immoderata felicitas rumpit, qua non in aliorum iniuriam, sed etiam in suam vultur. Idem in eodem. Magnus ille qui fidelibus vtitur quemadmodum argento. Nec minor est quidem qui sic argento vtitur quemadmodum fidelibus. Idem in eodem. Scitote tam bene homines culmo, quam auro regi: contemnite omnia quæ supernacuius labor velut ornamentum aut decus posuit: mementote præter animum nihil esse mirabile, cui magno nihil est magnum. Idem in libr. de Naturalib. quæst. Magna ista, quia parui sumus, credimus multis rebus, non ex sua natura, sed ex humilitate nostra magnitudo est. Idem in libro de Clementia: Magni animi est, iniurias in summa patientia pati. Ad magnanimitatem pertinet iniurias receptas vilipendere, & inimico cum est in potestate hominis parcere, & fraudes & dolos vitare. Seneca in libro de quatuor Virtutib. Si magnanimus fueris, nunquam iudicabis tibi iniuriam fieri. De inimico dices. Non nocuit mihi, sed animum nocendi habuit. Cum illum in potestate tua videris, vindictam putabis vindicare potuisse. Scito enim magnum & honestum vindictæ esse genus. ignosce-

Quid ad  
magna-  
nimitatē  
pertineat.

Distri-  
buitur in  
tres par-  
tes.

re. Palam aggredere, non geres confli-  
ctum nisi indixeris. Nam fraudes &  
doli imbecillum decent. Magnanimitas  
videtur posse distingui in tres partes: sci-  
licet in cordis altitudinem, lautitudinem,  
& longitudinem. Cor altum est quod in  
aduersis non deiecitur, sed eleuatur. Cuius  
exemplum habes in gallis, quorum cri-  
stæ eleuantur cum ira eos ad pugnandum  
accendit. Seneca in epistolis: Non est mi-  
rum in tranquillitate non concuti: Illud  
mirare, ibi excolli aliquem ubi omnes de-  
primuntur, ibi stare ubi omnes iacent.  
Vel cor altum est, honores transitorios  
despiciens. Cor vero latum, est cor despi-  
ciens magnitudinem diuitiarum. Senec.  
in epist. Ille ingentis animi est, qui diuitias  
circumfusas sibi multum diuque miratus  
quod ad se venerint, ridet: suosque magis  
audit esse, quam sentit. Cordis longitudo  
est, per quam vincitur tædium longæ ex-  
pectationis, vel longitudo molestiæ &  
laboris. Quidam sunt breues animo sta-  
tim volentes quod fieri desiderant, statim-  
que volentes transire, quod molestum  
sustinent: similes agricolis qui iactato se-  
mine statim metere vellent.

## P A R S X.

*De Fiducia & Magnificentia, de des-  
criptione vtriusque, & de officijs  
magnificentiae, tam in pace quam in  
bello.*

**S**equitur de Fiducia & Magnificentia.  
Fiducia est certa spes animi producen-  
di ad finem rem inchoatam. De fiducia  
bona vel mala, require in tractatu de Spe.  
Magnificentia vero quandoque dicitur  
negotiorum difficillium & præclarorum  
consummatio. Et sic sumitur à Macro-  
bio. Quandoque vero sic sumitur ma-  
gnificentia, quod ad eam pertinet non so-  
lum consummatio præclarorum negotio-  
rum, sed etiam inchoatio eorundem. Et

sic sumitur à Tullio in primo Rhetoric.  
Vnde sic describit eam. Magnificentia  
est rerum magnarum & excellentium cum  
animi ampla quadam & splendidissima  
propositione, cognitio atque administra-  
tio. Nec loquitur de magnanimitate, imo  
sub magnificentia comprehendit eam.

*De officijs Magnificentiae.*

**D**istinguantur vero officia magnifi-  
centiæ tam in pace, quam in bello. Officia  
magnifi-  
centiæ  
tempore  
pacis.  
In pace, secundum Platonem, tria ad eam  
pertinent quantum ad prælatos. Primum  
est, ut sic vtilitatem ciuium tueantur, ut  
quæcunque agunt, ad eam referant com-  
modorum suorum. obliui. Secundum est,  
totum corpus ciuitatis curent, ne dum  
partem aliquam tueantur, reliquam de-  
serant. Vt enim tutela, sic procuratio rei-  
publicæ ad vtilitatem eorum qui com-  
missi sunt, non eorum quibus commis-  
sa est, gerenda est, Hæc duo documen-  
ta Platonis recitat. Tull. in libr. de offic.  
Qui parti vrbis consulunt, partem dese-  
runt, perniciosissimam seditionem in ci-  
uitatem inducunt. Tertium est, ut con-  
tentionem caueant. Dicit enim Plato si-  
militer facere eos qui inter se contendunt  
quinam potius ciuitatem administrent,  
ut si nautæ certarent tempore tempesta-  
tis quis eorum potissimum gubernaret.  
Officia vero magnificentiae in bello, no-  
uem assignantur. Primum est, ea inten-  
tione suscipere bella, ut sine iniuria in Tempo-  
re belli.  
pace viuatur. August. in libro de Ciui-  
tate Dei: Constat pacem belli esse opta-  
bilem finem. Idem ad Bonifacium: Pa-  
cem debet habere voluntas, bellum ne-  
cessitas. Idem ad eundem: Bellum geri-  
tur ut pax acquiratur. Esto ergo in bello  
pacificus, ut eos quos expugnas, ad pacis  
vtilitatem vincendo perducas. Secun-  
dum est, ante aggressionem belli diligen-  
tem adhibere præparationem in clientu-  
lis, municipiis, sumptu & armis. Senec.  
Longa belli præparatio celerem affert  
victoriam. Omnia autem prius experiri,

quàm armis certare, sapientem decet. Iuxta verbum Philosophi. Tul. in libr. de offic. Cum sint duo genera decertandi: vnũ per disceptationem, alterum per vim: illud proprium hominis, hoc belluarum: confugiendum est ad posterius, si superiore vti non licet. Tertium est, ne temere desperes propter ignauiam, aut propter cupiditatem nimis confidas: in periculum n. ducit immoderatus amor habendi. Quartum est, plus turpitudinem quàm mortem horrere, plus ad honestatem quàm ad salutem temporalem, & alia comoda spectare. Quintum est, copias suas crebris laboribus exercere. Poëta:

*Variam semper dant otia mentem.*

Sextum est, postquam ad bellandum ventum est, hortando bonam indolem erige-

re, modo laudibus animos afficere, modo admonitionibus desidiã discutere. 2. Machab. vlt. Exhortati inde sermonibus bonis valde, de quibus extolli posset impetus, & animi iuuenum cõfortari, statuerunt dimicare & configere fortiter. Septimum est, in concursu ad primos impetus accurrere, inclinatis opem ferre, labentes fulcire. Octauum est, habita victoria seruare eos qui non crudeles fuerunt. Nouũ est, fœdera & promissa hostibus seruare: exemplo reguli, qui captus præstito iuramento quod rediret, missus est Romam pro captiuis commutandis: qui vt venit, videns captiuos non esse reddendos, cum retineretur ab amicis, ad supplicium redire maluit, quam ad fidem hosti datam fallere, vt narrat Tullius in l. de Officiis.



## TERTIÆ PARTIS PRINCIPALIS, DE quatuor Virtutibus Cardinalibus.

### TRACTATVS QVINTVS.

#### De Iustitia.

#### PARS PRIMA.

*De ordine dicendorum in hoc tractatu. Et de diuersis acceptionibus huius nominis Iustitia.*

Iustitia  
variè su-  
mitur.

Large  
quid ius-  
titia.

**P**RIMO ponentur diuersæ acceptiones huius nominis Iustitia. Secundo, diuersæ eius descriptiones. Tercio, eius cõmendationes. Quarto, ipsius diuisiones. Quinto, tãgetur de opposito ipsius. Circa primũ notandũ quod iustitia quodque valde large sumitur, sc. pro bonitate, secundum hoc dicit August. duas partes esse iustitiæ, scilicet declinare à malo, & facere bonum. Et super illud Hebr. 1. *Dilexisti iustitiam*, dicit gloss. Omne bonum. Sic sumitur Matt. 6 *Quærite primum regnum Dei, & iustitiam eius.*

Gloss. Iustitia regni est omnia quæ Christus docuit obseruare. Eiusd. 13. *Fulgunt iusti sicut sol in regno patris eorum.* Sic etiam sumitur quum dicimus impium iustificari. Quandoque etiam sumitur nomen iustitiæ minus large, sc. pro virtute reddente vnicuique quod suum est, & sic sub iustitia pietas videtur contineri. Quodque autem sumitur strictius, prout attenditur in iustificatione pœnarum. Sic videtur iustitiæ esse opposita pietati vel misericordiæ. Sic sumit hoc nomen iustitia Bernard. dicens: Nullum nomen Dei est

scribitur.

quod non sonet, aut iustitiam, aut pietatē. Et notandum quod iustitia etiam, prout est virtus cardinalis, quodammodo generalis est, sicut & prudentia generalis est quoad directionem. Dirigit n. opera cæterarum virtutum. Iustitia vero generalis est, quoad imperium. Potest n. imperare ope a cæterarum virtutum: non sufficit tamen ad exequendum ea, vel ad eligendum sine ceteris virtutibus.

## P A R S II.

## De descriptionibus Iustitiæ.

Iustitiæ  
varia des-  
criptio.

**C**irca secundum notandum, quod Tull. in 1. Rhet. sic describit Iustitiā: Iustitia est habitus animi, communi utilitate seruata, suam unicuique tribuens dignitatem. Iustitia multum attendit communem utilitatem. Vnde quandōq; punit hominem plusquā meruit propter publicam utilitatem. Tull. Primum fundamentum iustitiæ est, ne cui noceatur, deinde vt communi utilitati seruiatur. Amb. in 1. de paradiso: Iustitia magis aliis quam sibi prodest & utilitates suas negligit, cōmunia emolumenta præponens. Iustitia etiā cuique suam dignitatē tribuit: quia unicuiq; tribuit, quod dignū ei est tribui, siue quod ei debetur. Illud autem debitum quandōque est fœdere naturali, quandōq; etiam ratione officij, vel prælationis, vt obedientia debetur prælatis: quandōq; vero ratione meriti, vt cum pœna vel præmium redditur his qui meruerunt. Macrobius dicit quod iustitiæ est, unicuique seruare quod suum est. Aug. vero in li. de liber. arb. dicit: Iustitiam quid dicam esse, nisi virtutē quā sua cuiq; tribuuntur? Et super illud Matt. 5. *Beati qui esuriunt & sitiunt iustitiam*, dicit gloss. Iustitia est, sua cuiq; tribuere, sibi & proximo & Deo. Senec. in lib. de 4. Virtut. dicit: Quid est iustitia, nisi naturæ tacita conuentio in adiutorium multorum inuenta? Idem in eod. Iustitia diuina lex est, & vinculum societatis humanæ. Isid. sic describit eam: Iustitia est ordo & æquitas qua homo cum vnaquāq; re bene or-

dinatur: ordo dicitur conueniens rei collocatio, vel secundum Anselmum sic describitur: Iustitia est rectitudo voluntatis propter se seruata. Volūtatis dicitur, quia lapis quū descēdit, recte agit faciēdo quod debet; tamen non dicitur iustus esse, quia hoc non facit voluntariē. Rectitudo verò quæ est iustitia, non est cuiuscunq; appetitus, sed appetitus rationalis qui est cū discretione. Si enim aliquis impediatur ab ingressū domus aliquem volentem intrare, vt innocentem ibi occidat: ignorans tamen, quid ille ibi acturus sit, non reputatur ipse in hoc iustus. Non dicitur etiam aliquis iustus propter rectitudinem intellectus vel operis, si desit rectitudo volūtatis. Item si aliquis coactus reddat pecuniā quam abstulit, vel causa inanis gloriæ, non est propter hoc iustus, sed si amore iustitiæ hoc faciat. Ideo ergo hoc bene dictum est, quod iustitia est rectitudo voluntatis propter se seruata. Et notandum quod quum rectum sit in quo mediū non exit ab extremis, vbi rectitudo iustitiæ, aliquid est vt medium, & aliqua vt extrema. In iudicio vero hoc manifestū est, vbi iudex medius est inter partes, qui non debet declinare ad dextram vel sinistram. Generaliter vero tria considerari possunt vbi est iustitia, scil. quod redditur, cui redditur, & per quod redditur. Per quod redditur, est vt mediū, alia duo sunt vt extrema. Describitur etiam iustitia sic: Iustitia est virtus cōseruatric humanæ societatis, & vitæ communis. Societatem, id est, cohabitationem hominum sic seruat iustitia, dum homines cohabitāt: obtinet vnus agros vel alias possessiones quibus eget alius, ideo concitaretur inuidia & seditio, nisi iustitia adesset, quæ unicuique ius suum redderet. Vitæ autem cōmunicantem custodit, dum eundem modum viuendi plures sectantur: vt mercaturam, vel militiam, quæstus vnus minuit alterius luerum, quæ res liuorem moueret nisi iustitia adesset. Item iustitia sic describitur ab August. in lib. de morib. Eccles. Iustitia est amor soli amato seruans, & propterea recte dominans. Itē

19. lib. de Ciu. De: Qui fundum aufert ei à quo emptus est, & tradit ei qui nihil habet in eo iuris, iniustus est: & qui semetipsum aufert dominanti Deo à quo factus est, & seruit malignis spiritibus, iniustus est. Bern. in lib. de dilig. Deo: infidelem ratio vrget & iustitia naturalis, totū se tradere illi à quo totum se habet. Et notandum, quod secundum Aug. 4. lib. de doct. Christiana: Sicut ratio rotunditatis eadē est in magno disco & in cumulo exiguo, vt à puncto medio omnes lineæ pares in extrema ducantur: ita vbi aliquis parua iuste gerit, non minuitur iustitiæ magnitudo.

## P A R S III.

## De commendatione Iustitiæ.

Natura  
triplici-  
ter com-  
mendat  
iustitiā.

Notandum ergo quod iustitiam commendat natura, commendat & Scriptura. Natura tripliciter. Primo, quia re-  
ctitudo quam dedit corpori humano monet ad rectitudinem iustitiæ. Eccl. 7. *Hoc inueni quod feceris Deus hominem rectum.* Bernard. sup. Cant. *Rectus Dominus Deus noster, & non est iniquitas in eo.* Rectus itaque Dominus hominem rectum fecit. Idem: Staturā dedit Deus homini rectam, forsitan vt ista corporea re-  
ctitudo exterioris viliorisq; figmenti, hominem illum interiore qui ad imaginem Dei factus est spiritualis, suæ seruandæ re-  
ctitudinis admoneret, decor limi deformitatem argueret animi. Quid enim indecentius quam curuum recto corpore gerere animū? Secundo, quia ea quæ sunt iustitiæ pro magna parte naturaliter in corde hominis scripta sunt. Aug. in lib. Conf. Furtum certe punit lex tua Domine, & lex scripta in corde hominum, quam nec ipsa quidem delet iniquitas, quis enim fur æquo animo furem patitur? Tull. in 1. Rhet. Iustitiæ initium est à natura profectum, deinde quædam in consuetudinem ex utilitatis ratione venerunt, postea res & à natura profectas, & à consuetudine probatas legū me-

tus & religio sanxit. Naturæ ius est, quod non opinio genuit, sed quædam innata vis inseruit: vt religionem, pietatem, gratiam, vindicationem, obseruantiam, veritatem. Senec. in epist. Hæc societas diligenter & sancte nobis obseruanda est, quæ nos omnes omnibus miscet, & indicat aliquod esse commune ius generis humani. Tertio, quia natura docet etiam bruta animalia multa eorum quæ ad iustitiam pertinent, vt innocentiam, concordiam, pietatem ad animalia sui generis. Scriptura etiā multis modis iustitiam nobis commēdat. Primo, <sup>Scriptura</sup> multum ad eam monendo. In Psal. *Sacrificate sacrificium iustitiæ.* Sap. 1. *Diligite iustitiam qui iudicatis terram.* Eccl. 3. *Vsq; ad mortem certa pro iustitiā.* Eiusd. 3. *Ante obitum operare iustitiam.* Idem 18. *Ante iudicium para iustitiam.* Ezech. 45. *Rapinas intermitte, & iudicium, & iustitiam facite.* 1. Tim. 6. *Homo Dei sectare iustitiam.* Secundo, ostendendo eos esse beatos qui iustitiam esuriunt. Matth. 5. *Beati qui esuriunt & sitiunt iustitiam.* Tertio, beatos ostendendo qui aliquid pro iustitiā patiuntur. Matth. 5. *Beati qui persecutionem patiuntur propter iustitiam, &c.* Et 1. Pet. 3. *Si quid patimini, propter iustitiam, beati.* Item ad commendationem iustitiæ hoc facit, quod hæc virtus multum Deo est grata, & hominū multum necessaria. Pri-  
<sup>Psalm.</sup> mum in multis locis ostendit Scriptura. In Psal. *Iustus Dominus, & iustitiam dilexit.* Item, *Acceptabis sacrificium iustitiæ.* Prouerb. 15. *Qui sequitur iustitiam, diligitur à Domino.* Eiusd. 16. *Initium vitæ bona facere iustitiam: accepta autem apud Deum magis quam immolare hostias.* Act. 10. *In omni gente quæ timet Deum & operatur iustitiam acceptus est illi.* Econtrario iustitiam multum displicet ei, vnde Deuter. 25. post illud: *Non habebis in sacco diuersa pōdera, &c.* Subditur, *Abominabitur eum Dominus qui facit hæc, & aduersatur omnem iustitiā.* Iustitia expresse nominatur inter illa quatuor quibus utilius nihil est in vita hominibus, Sapient. 8. *Ipsa adeo*

necessaria est, ut nec etiam latrones omnino ea carere possint. Tullius in lib. de Offic. Tanta est vis iustitiæ, ut nec illi quidem quæ maleficio & scelere pascuntur, sine vlla iustitiæ particula vivere possint. Iustitia adeo utilis est ut nihil utile reputetur, quo ipsa amittitur. Vnde super illud Psalm. *Rapinas nolite concupiscere*, dicit Gloss. O lucra damnosa, inuenis pecuniam, perdis iustitiam. Iustitia adeo utilis est, ut cum ea utilia sint quæ maxime noxia videntur, ut mors. Num. 23. *Moriatur anima mea morte iustorum*. Iustitia non solum est homini necessaria in vita, sed etiam in morte: nec solum in præsentia, sed etiam in futuro. Iustitia in præsentia vita à malo poenæ custodit. Daniel. 7. *Concluserat ora leonum, & non nocuerunt mihi: quia corameo iustitia inuenta est in me*.

*Psal. 106.* Temporalia bona tribuit. Prouerb. 13. *Iustitia eleuat agentem*. Eccles. 20. *Qui operatur iustitiam, ipse exaltabitur*. Econtrario dicitur in Psalm. de quibusdam: *Propter iniustitias enim suas humiliati sunt*. Et Eccl. 10. *Regnum à gente transfertur in gentem propter iniustitias, &c.* Item à malo culpæ defendit propter quod lorica dicitur, ad Ephes. 6. *Stare, inquit, induti loricam iustitiæ*. Item appetitum boni transitorij restringit, ideo vocatur zona. Eccl. 45. *Circumcinxit Aaron zona iustitiæ*. Et Esa. 11. *Et erit iustitia cingulum lumborum eius*. Item iustitia homini pacem dat: & sic Deo in homine locum præparat. *In pace enim factus est locus eius*.

*Psal. 84.* In Psalm. *Iustitia & pax osculatae sunt*. Esa. 32. *Erit opus iustitiæ pax*. In Psalm. *Iustitia ante eum ambulabit*. Item: *Iustitia & iudicium preparatio sedis tuæ*. Iustitia necessaria est in morte: quia, *virum iniustum mala capient in interitu*, ut dicitur in Psalm. Econtrario vero sperat iustus in morte sua. Prouerb. 14. *Iustitia in futuro necessaria est, & maxime in illo districto iudicio in quo iustitia Dei iudicabit, quæ iustitiam condemnare non poterit*. Genes. 30. *Respondet mihi cras in-*

*stitia mea*. Prouerb. 10. *Nihil proderunt thesauri impietatis: iustitia vero liberabis à morte*. Difficile erit homini habenti iustitiam, imo intolerabile, apparere tunc coram Dei iustitia. *Psal. Ego in iustitia apparebo in conspectu tuo*. Idem: *Non permanebunt iniusti ante oculos tuos*. Item: *Iniusti autem disperibunt*. Ad commendationem iustitiæ etiā valere potest præminencia quam ipsa habet respectu aliorum cardinalium virtutum. In ipsa, ut ait Tullius, maximus est splendor honestatis. Et Plato dicit de ea, quod si ipsa conspiceretur, miros spectantibus sapientiæ excitaret amores. Iustitia finis videtur esse aliarum cardinalium virtutum. Vnde propinquior videtur esse mercedi, salutis, & coronæ quæ specialiter & in Scriptura sacra attribuuntur. In *Psal. Retribuet mihi Dominus secundum iustitiam meam*. Item: *Tu benedices iusto*. Prouerb. 10. *Benedictio Domini super caput iusti*. Eiusdem 11. *Seminanti iustitiam merces fidelis*. Item 12. *In semita iustitiæ vita*. Sapient. 1. *Iustitia perpetua est & immortalis: iniustitia autem mortis acquisitio*. Ecclesiast. 30. *Salus anima in sanctitate iustitiæ*. 2. ad Tim. 4. *Reposita est mihi corona iustitiæ*.

## P A R S IV.

## De diuisionibus Iustitiæ.

**N**Otandum quod secundum quosdam iustitia diuiditur in seueritatem & liberalitatem. Seueritas virtus est debito supplicio coercens iniuriam. Liberalitas vero est virtus beneficiorum erogatrix, quam pro affectu benignitatem, & pro effectu beneficentiam vocant. Et consistit hæc virtus tota tribuendo. Benignitas diuiditur in partes septem. Benignitatem vero diuidunt in septem partes: scilicet religionem, pietatem, innocentiam, amicitiam, reuerentiam, concordiam, misericordiam. Secundum Macrobius ad

Exertri-  
buenda

iustitiam pertinent innocentia, amicitia, concordia, pietas, religio, affectus, humanitas. Secundum Tullium vero in 1. Rhetor. ad iustitiam pertinent religio, pietas, gratia, vindictio, obseruantia, veritas. Quidam vero iustitiam diuidunt in quinque partes, scilicet in obedientiam quæ est respectu superioris, & disciplinam quæ est respectu inferioris, & æquitatem quæ est respectu paris, & veritatem & fidem quæ pertinet ad omnes. Gloss. vero super illud Luc. 6. *Si diligitis eos qui vos diligunt, &c.* Aliam innuit diuisionem iustitiæ, dicens: Philosophi in tres partes diuidunt iustitiam. Vnam in Deum, quæ pietas dicitur. Alteram in parentes vel reliquum humanum genus. Tertiam in mortuos, vt his exequiarum iura soluentur. Sed Dominus legis oraculum & philosophiæ fastigium supergressus, in eos, quos qui læserint, pietatis porrexerit officium. Secundum Senecam vero in libro de quatuor virtutibus, duo pertinent ad iustitiam, scilicet velle omnibus prodesse & nulli nocere. Amabis, inquit, Deum, si in hoc illum imitaberis, vt velis omnibus prodesse, & nulli nocere: tunc te virum iustum appellabunt omnes. Et hæc duo videntur concordare duobus præceptis iuris naturalis, quorum alterum habes. Tob. 4. *Quod ab alio oderis tibi fieri, vide ne tu aliquando alteri facias.* Reliquum Matth. 7. *Omnia quaecunque vultis vt faciant vobis homines; & vos eadem facite illis.* Sed quia nulla prædictarum diuisionum perfecte tangere videtur ea quæ ad iustitiam pertinent, generalior videtur ponenda esse diuisio iustitiæ. Et quia virtute iustitiæ reddimus unicuique quod debemus, diuidetur iustitia secundum ea quæ debemus, & quibus debemus.

Notandum ergo quod quædam debemus omnibus, vt dilectionem, veritatem, & fidem: quædam vero non omnibus & inter ea aliquid debemus superiori, aliquid inferiori, aliquid pari. Item aliquid speciale debemus nobis specialiter con-

iunctis, vt parentibus, & patriæ beneuolis, quod debitum soluit pietas, prout Macrobius & Tullius de ea loquuntur. Item debemus aliquid his qui beneficia conferunt: scilicet gratiam, de qua loquitur Tullius. Et aliquid his qui mala inferunt: scilicet vindicationem, de qua idem loquitur. Et aliquid etiam his qui mala ferunt vel sustinent, scilicet misericordiam.

## P A R S V.

*De Latria & religione, prout Tullius religionem sumit, & de vtriusque descriptione, & latria commendatione, & diuisione: de partibus eius, ac quadruplici officio religionis.*

**I**nter ea vero quæ superiori debentur, aliquid est quod soli Deo debetur, & aliquid quod non soli Deo. Soli Deo debetur latria. Vnde gl. super illud. Matt. 4. *Dominum Deum tuum adorabis, & illi soli seruias.* Græcè latria dicitur, seruitus Latine. Seruitus communis Deo & homini & cuicunque. Græcè dicitur dulia. Illa vero quæ soli Deo debetur, latria, distincte: vnde idololatra, qui quod soli Deo debet, idolo dat. Primo inter partes iustitiæ de latria prosequemur. Quod autem latria Græcè dicitur, videtur à Tullio religio vocari. Quam ipse sic describit: Religio est quæ superioris cuiusdam naturæ, quam diuinam vocant, curam ceremoniamque affert. In hoc quod dicit curam, innuit cultum interiorem. In hoc quod dicit ceremoniam, exteriorem cultum qui signum est interioris. Id. 8. lib. etymol. dicit, quod religio appellata est, quia per eam vni Deo religamus animas nostras ad cultum diuinum vinculo seruiendi. Hæc religio fit in principio vniuscuiusque religionis: vt in baptismo, vbi iniatur Christiana religio: vel in specia-



libus religionibus, cum quis obligat se ad ea quæ religionis sunt. Secundum August. verò 10. lib. de Civitate Dei: Religio dicta perhibetur à religendo Deum quem amiseramus negligentes. Et secundum hoc religio respicere videtur statum peccati, & non statum innocentia. Deut. 26. *Dominum elegisti hodie ut sit tibi Deus.* Latria vero sic describitur: Latria est cultus Deo debitus & exhibitus, Vel sic: Latria est voluntas impendendi Deo cultum debitum. Adorationem latriæ commendat nobis multiplex exhortatio quam Scriptura sacra facit de ea. In Psalm. *Venite adoremus, & procidamus ante Deum.* Item: *Adorate Dominum in atrio sancto eius.* Item: *Adorate Dominum omnes angeli eius.* Matth. 4. *Dominum Deum tuum adorabis.* Ad idem valent exempla sanctorum, vt exemplum Christi, de quo Luc. 22. *Postis genibus orabat, dicens, &c.* Et Matth. ult. dicitur de vndecim discipulis, quod videntes Iesum adorauerunt. Apoc. 4. legitur de viginti quatuor senioribus, quod procidebant ante sedentem in throno, & adorabant viventem in secula seculorum. In eiusdem 15. *Vigintiquatuor seniores ceciderunt in facies suas, & adorauerunt, &c.* Et eiusd. 7. *Omnes angeli stabant in circuitu throni, &c. & adorauerunt Deum, dicentes, Amen, Benedictio & claritas.* De adoratione etiam vigintiquatuor seniorum, habetur eiusdem 11. Item legitur de beato Bartholomæo, quod centies flexis genibus exorabat Deum per diem, & centies per noctem. Et de Iacobo minore, quod tantum iacebat super genua sua orans, quod genua habebat vt calcaneum, similem duritiam habens in eis duritiei camelorum. Gloria adorationis est quam sibi Deus specialiter retinere voluit. De hac dicitur Esaiæ 42. *Gloriam meam alteri non dabo.* Ecclesiast. 25. *Bono animo gloriam redde Deo. & non minuas primitias manuum tuarum.* Gloria ista significata est per thymiarua, de quo Exod. 40. *Sanctum*

*sanctorum vobis erit thymiarua.* Talem compositionem non facietis in vsus vestros, quia sanctum Domino est. Homo quicumque fecerit simile, vt odore illius perfruatur, peribit de populis suis. Obsequium istud multum placet Deo. Eccles. 35. *Qui adorat Deum in oblatione suscipietur: & deprecatur illius rursusque ad nubes propinquabit.* Et notandum quod licet adoratio latriæ soli Deo sit exhibenda: tamen dicitur exhiberi illi homini qui est filius Dei, sed quasi per accidens. Non enim exhibetur ei in quantum est homo, sed in quantum est filius Dei, sicut dicitur de homine illo, quod creauit stellas, quas tamen non creauit in quantum homo, sed in quantum est Deus. Et notandum quod triplex est cultus Deo debitus. Primus est, cordis. Secundus est, oris. Tertius, operis. Cultum cordis specialiter vocat Gloss. cultum, super illud Exod. 20. *Non adorabis neque coles.* Aliud est, inquit, colere, aliud est adorare. Potest quis inuitus adorare, vel adulando regibus idololatriis, vel tormentis victus, quum sciat quia idolum nihil est. Colere vero est toto his affectu & studio mancipari. De cultu interiori dicit Isod. 8. lib. Etymol. Triasunt quæ in religionis cultu ad colendum Deum in hominibus perquiruntur: fides, spes, charitas. August. in Enchirid. Fide, spe, & charitate colimus Deum. Item Augustinus loquens de theosebia: siue pietate, quæ est cultus Dei, dicit quod consistit in cognitione Dei & dilectione, cum debita subiectione. Et super illud 1. Cor. 12. *Alij per Spiritum datur sermo sapientia, alij sermo scientia,* dicit gloss. loquens de illo verbo Iob secundum vnam litteram 28. *Ecce pietas est sapientia:* vbi littera nostra habet, *Timor Domini ipse est sapientia.* Pietatem, inquit, hoc loco posuit Dei cultum, quæ Græce dicitur theosebia: & quis cultus est nisi amor. & cognitio eius? Cultus interior Deo debitus in duobus videtur consistere, scilicet in cognitione & affectione.

Cultus  
triplex  
Deo de-  
betur.

Psalm. 94.

Cognitio vero ad cultum Dei pertinens est, ut credulitas qua creditur Deo sicut Deo credendum est, scilicet propter se & super omnia: sicut enim primæ veritati credendum est. Item credulitas qua credimus de Deo digna Deo: ut summam potentiam, summam sapientiam, summam bonitatem, & consequentia ad hæc, ut quod ipse est omnium honorum creator & conseruator, mundi gubernator, hominis recreator, seruientium sibi liberalissimus retributor: eorum vero qui pertinaciter rebelles ei sunt zelantissimus victor. Inter affectiones vero pertinentes ad cultum Dei. Prima videtur esse timor, & non qualiscunque timor, sed talis timor qualis timendus est ille cuius potentia nullus potest resistere, cum sit summa: cuius sapientia nihil potest abscondi, cum sit summa: & cuius bonitas, cum summa sit, summe odit malitiam, & sine fine punit eam in eis quos pertinaces in ea inuenerit: Timendus est ergo super omnia. Secunda est spes non qualiscunque: sed talis qualis ponenda est in eo cuius potentia facillimum est liberare ab omni miseria, cuius sapientia notissima est miseria nostra. Abyssus enim miserie non inuocat abyssum misericordie nisi agnoscat, & cuius bonitati proprium est misereri semper & parcere, quæ etiam propter liberalitatem suam fecit quæcunque fecit, quia omnia fecit ad dandum: in ipso ergo super omnia sperandum est. Tertia amor, & non qualiscunque amor, sed talis qualis amandus est qui optimus est in se, & ideo amore dignissimus, qui etiam fons est omnium bonorum à quo suscepimus omnia bona quæ habemus, vel habuimus, & à quo suscepturos nos speramus quicquid boni suscepturi sumus. De timore & amore dicit Seneca in libro de quatuor Virtutibus: *Quisquis iustitiam sectari desideras, time Deum prius, & ama, ut ameris à Deo. De spe dicitur in Psalm. Sperent in te omnes qui nouerunt nomen tuum.* Nomen Domini agnoscunt

qui serui eius esse volunt, à quibus specialiter requiritur. Cultus oris est vocalis professio maiestatis diuinæ, quam fideles faciunt, frequenter Deum orando, laudando, benedicendo, gratias ei agendo. Cultus operis est, ut quum aliquis opere recognoscit singulare dominum Dei, quod Ecclesia ore recognoscit, Christo dicens: Tu solus Dominus. Dominium istud, quantum ad personas nostras, recognoscimus Deo genuflexione, & prostratione Esa. 45. *Mibi curuabitur omne genu.* Mich. 6. *Curuabo genu Deo excelsio.* Quantum ad nostra verò, oblatione aliquius partis bonorum illorum quæ ab eo accepimus. Deut. 26. *Profiteor hodie coram Domino & cetera: tradidisti nobis terram lacte & melle manantem, & idcirco offero nunc tibi primitias frugum terræ quam Dominus dedit mihi.* Ad cultum operis pertinebant sacrificia veteris legis quæ fiebant de animalibus, quorum immolatione sacrificantes ostendebant plenissime Deo se esse subiectos, etiam ad occidendum: Morie enim animalium ostendebant Deum eos occidere posse, & eos mortem meruisse, & sperabant misericordie Dei mortem propriam quam meruerant in mortem animalium commutare. Et notandum quod sacrificium soli Deo debetur, unde August. 10. de Ciuit. Dei: *Sacrificium certe nullus hominum est qui audeat dicere deberi, nisi Deo.* Multa denique de cultu diuino usurpata sunt, quæ honoribus deferuntur humanis, siue humilitate nimia, siue adulatione pestifera: ita tamen ut quibus ea deferuntur, homines habentur, qui dicuntur colendi & venerandi. Si autem eis multum additur, & adorandi. Quis vero sacrificandum censuit, nisi ei, quem Deum aut sciuit, aut putauit, aut finxit? Et subdit: *Sacrificium visibile sacrificij inuisibilis sacrum signum est.* Et tangit sex species sacrificij spiritualis. Primum sacrificium est cordis contritio. In Psalm. *si voluisses sacrificium dedissem: utique holocaustis non delectaberis.*

Sacrificium  
filius Dei  
cultus.

species  
spiritualis  
sacrificij  
sex.  
Psalm. 10.

Sacrifi-

*Sacrificium Deo Spiritus, & cetera.* Augustinus: Intueamur quemadmodum ubi Deum dixit nolle sacrificium, ibi Deum ostendit velle sacrificium. Non vult ergo sacrificium trucidati pecoris, sed vult sacrificium contriti cordis. Secundum sacrificium est cordis igne diuini amoris inflammati. De quo Augustin. Deo suauissimum incensum adolemus, cum in eius conspectu pio sanctoque amore flagramus. Tertium sacrificium corporis propter Deum, mortificati. Roman. 12. *Obsecro vos per misericordiam Dei, ut exhibeatis corpora vestra hostiam viuentem, &c.* Quartum est, sacrificium corporis pro Deo proprio sanguine cruentati. Augustin. Deo cruentas victimas credimus quando usque ad sanguinem pro eius veritate certamus. Quintum est, sacrificium laudis: de quo in Psalm. *Nunquid manducabo carnes taurorum, aut sanguinem hircorum potabo? Immola Deo sacrificium laudis.* Sextum est, sacrificium misericordiae quo miseriae proximi volumus subuenire. Hebr. 6. *Beneficentiae & communionis nolite obliuisci: talibus enim hostiis promeretur Deus.* Item Augustin. eodem lib. dicit, quod sacrificium res diuina est. Et videtur velle quod verum sacrificium opus sit misericordiae. Verum sacrificium est opus quod fit propter Deum, ut homo à miseria releuetur, & Deo adhærendo beatus efficiatur. Unde dicit: Verum sacrificium est, omne opus quo agitur ut sancta societate inhaereamus. Deo relatum ad illum finem quo veraciter beati esse possumus. Et subdit: Vera sacrificia opera sunt misericordiae: siue in nosipsum, siue in proximos, quae referuntur ad Deum. Opera vero misericordiae non ob aliud fiunt, nisi ut à

miseria liberemur, ac per hoc ut beati simus: quod non fit nisi bono illo, de quo dictum est: *Mihi adherere Deo bonum est.* Idem in eodem: *Ipsa misericordia qua homini subuenitur, si non propter Deum fit, non est sacrificium.* Ad cultum etiam operis pertinet thurificatio quae ostendit affectum nostrum integrè in Deum esse dirigendum, quasi in omne bonum, sicut totus fumus thuris tendit sursum. Exod. 33. *Ego ostendam omne bonum tibi.* Et notandum quod religionis, quam Tullius ponit partem iustitiae, quae idem videtur esse quod latia, secundum quosdam quadruplex est officium. Primum est perpetrati sceleris poenitere. Hoc videtur esse primum sacrificium Deo acceptum post mortale peccatum. Psalm. *Sacrificium Deo Spiritus, &c.* Secundum est temporalium mutabilitatem paruipendere. Postquam enim anima Deo aeterno se religauit religionem fidei, spei, & dilectionis, spe aeternorum despiciat transitoria. Seneca. Nemo dignus Deo qui opes non contempserit. Tertium est vitam nostram Deo committere. Qui enim agnoscit per fidem se habere vitam suam à Deo, vult illam ei offerre, & oratione, & obsequiis impetrat eam à Deo dirigi. Tob. 4. *Omni tempore benedic Dominum, & pete ab eo ut vias tuas dirigat, & omnia consilia tua in ipso permaneant.* Quartum est, veritatem dicere de his quae ad religionem pertinent: Fidelis primò debet habere poenitentiam de his quae agnoscit se fecisse contra Deum & contra se. Secundo, despiciere ea quae agnoscit esse infra se. Tertio, Deo committere se. Quarto, his quae sunt iuxta se veritatem dicere quam accepit de religione sua.

## D E D V L I A.

## P A R S VI.

## Qua habet 3. Capitula.

## CAPVT I.

De ordine dicendorum de Dulia, &  
nominis dulia distinctione  
ac descriptione.Nominis  
dulia ac-  
ceptio.Reuereri  
triplici-  
ter acci-  
piuntur.

**D**ICTO de cultu Latriæ, qui soli Deo debetur, dicendum est de his quæ aliis superioribus debentur. Et inter ea aliquid est quod soli debetur creaturæ, vt est reuerentia seu honor dulia. Aliquid vero quod debetur & creatori & creaturæ, vt obedientia. Et primo dicetur de honore seu reuerentia dulia. De qua hoc ordine agetur. Primo ostendetur quid sit reuerentia seu honor dulia. Secundo tangetur de diuersis speciebus dulia. Tercio de errore illorum qui Ecclesiam dicunt idololatrare, adorando diuersos sanctos & imagines sanctorum. Circa primum vero est notandum quod hoc nomen dulia quandoque communiter sumitur pro seruitute quæ exhibetur Deo vel creaturæ. Vnde dulia Græcè, seruitus Latine dicitur: & dulos dicitur seruus. Gloss. super illud Matth. quarto. *Dominum Deum tuum adorabis, & illi soli seruiens.* Seruitus communis Deo & homini & cuiunque, Græcè dicitur dulia. Quandoque autem nomen dulia restringitur ad honorem creaturæ debitum: & secundum hoc sic describitur: Dulia est cultus vel honor creaturæ debitus & exhibitus. Dulia videtur esse idem vel in toto vel in parte cum reuerentia, prout sumitur in prima diuisione iustitiæ prius posita, quæ sic describitur: Reuerentia est virtus personis grauibz vel aliqua prælatione sub-

limatis, debitæ honorificationis cultum exhibens. Et notandum quod reuereri tripliciter accipitur. Vno modo dicitur motum qui est fugiendo seu resiliendo ab altitudine alicuius rei in propriam prauitatem: Et vocatur iste motus timor reuerentiæ. Et huic motui interiori respondet exterius elongatio vel fuga, quæ humiles personæ elegant se ab his qui sunt in dignitate positi, non audentes eis appropinquare. Quandoque vero reuereri dicitur honorem quem aliquis exhibet alij gratia dignitatis, ad ostendendum quod ei subiectus sit & paratus voluntatem eius sequi, vt est assurgere venienti, assistere sedenti, inclinare transeunti, incedentem sequi, & genuflexio. Quandoque comprehendit motum timoris, reuerentiæ, & honoris. Et sic sumitur super illud Hebræorum 12. *Patres carnis nostræ habuimus eruditores, & reuerbamur eos.* Gloss. Reuereri est cum timore honorem impendere. Tullius in secunda diuisione prius posita, in parte honorem dulia comprehendit sub illa parte iustitiæ quæ dicitur obseruantia, quam sic describit: Obseruantia est, per quam homines aliqua dignitate antecedentes cultum & honorem dignantur. Item notandum quod hoc nomen honor multipliciter sumitur. Quandoque pro dignitate. Hebr. 5. *Nec quisquam sumit sibi honorem: sed qui vocatur à Deo tanquam Aaron.* Quandoque vero honor dicitur quod exhibetur alicui gratia superioritatis, ad ostensionem subiectionis, vel propter proprietatem, vel naturæ dignitatem, vel excellentiam in aliqua gratia propter superioritatem: vt Roman. 13. *Cui honorem, honorem.* 1. Pet. 2. *Régem honorificate.* Propter prioritatem temporis: vt Leuit. 19. *Coram cano capite consurge, & honora personam senis.* Propter dignitatem naturæ: vt Exod. 20. *Honora patrem tuum & matrem tuam,* & Malach. 1. *Si ergo pater, tibi honor meus?* Propter excellentiam in aliqua gratia honor exhibendus est omnibus, quia debe-

mus credere quod omnes nos excedant in aliqua gratia. 1. Petr. 2. *Omnes honorate.* Rom. 12. *Honore inuicem præuenientes.* Gloss. Aliter non est fraternus amor, nisi in mutuis se præueniant obsequiis. Ephes. 5. *Subiecti inuicem in timore Christi.* Philip. 2. *In humilitate superiores sibi inuicem arbitantes.* Gloss. August. Non hoc ita debemus arbitrari, ut nos æstimare fingamus, sed vere æstimemus posse esse aliquid occultum in alio, quo nobis superior sit, etiam si bonum nostrum, quo illo videntur superiores esse, non sit occultum.

## CAPVT II.

## De speciebus Dulie.

**S**equitur de speciebus dulie. Notandum. Ergo quod dignissima species dulie est honor qui debetur humanæ naturæ, quam filius Dei assumpsit: specialiter vero honoranda est humana natura in Christo propter inhonorationem quam in cruce sustinuit: secundum illud Phil. 2. *Humiliatus semetipsum factus obediens usque ad mortem: mortem autem crucis, propter quod & Deus exaltauit illum, &c.* Propter hoc ex institutione ecclesiæ fit adoratio crucis, in qua id cui exhibetur honor ille est, Christus passus: ignominia vero est causa illius honorationis. De adoratione humanæ naturæ à filio Dei assumptæ, dicit Gl. Augustin. super illud Psalm. *Adorate scabellum pedum eius, quoniam sanctum est.* Sciendum quia in Christo terra est, id est, casta, quæ sine impietate adoratur. Hæc species dulie hyperdulia vocatur: quæ soli humanitati Christi exhibetur. Vnde gloss. super illud Psalm. *Adorate scabellum pedum eius, &c.* Dulia adoratio est, quæ etiam creaturæ exhibetur. Quæ duas species habet: vnā quæ indifferenter omnibus, alteram quæ soli

humanitati Christi exhibetur. Post naturam humanam à filio Dei assumptam, exhibendus est honor beatæ Virgini, in qua & ex qua filius Dei carnem assumpsit. Damascen. Dei genitricis imaginis non materiam, sed figuram adoramus. Figuram hic intellige figuratum, siue significatum per imaginem. Et subdit Damascen. Honor enim qui est ad ipsam, ad eum qui ex ipsa incarnatus est reducitur. Hoc ideo dicit, quia propter filium adoratur Mater. Tertio exhibendus est honor beatis angelis, & sanctis qui sunt in statu gloriæ, ab his qui sunt in statu miseræ. Status enim miseræ inferior est statu gloriæ. Matth. 11. *Inter natos mulierum non surrexit maior Ioanne Baptista:* qui autem minor est in regno cælorum, maior est illo. Quarto exhibendus est honor his qui præsunt in Ecclesia militante: qui scilicet sunt in gradu superiori, ab his qui sunt in gradu inferiori: Qui enim præsunt, loco Dei sunt: & ideo honor vel cultus eis exhibendus est. Vnde & dij vocantur. Exod. 23. *Diis non detrahes: & principi populi tui non maledices.* Præcipue vero honor exhibendus est his qui præsunt ad spiritualia: ad Tim. 5. *Qui bene præsunt presbyteri, duplici honore digni habeantur: maxime hi qui laborant in verbo & doctrina.* Quinto exhibendus est honor amicis Dei, etiam in statu viæ qui sunt notæ sanctitatis. Vnde qui se reputant peccatores, cum genuflectione suffragia solent petere à talibus. Status enim eorum secundum suam reputationem inferior est statu aliorum: sicuti status serui à statu filij vel domini. Filius domini à seruis Dominus solet vocari. Matth. 15. *Non est bonum sumere panem filiorum & dare canibus.* Canes vocat peccatores, filios, iustos. Et subditur: *etiam Domine: nam & castellis cadunt de micis quæ cadunt de mensa dominorum suorum.* Intellige illos dominos qui prius vocati sunt filij. De hoc honore dicitur. Esai. 46. ad Ecclesiam: *Vultu in terra demisso adorabunt te.*

Item notandum quod honor quodque exhibetur creaturæ absolute, quodque Deo absolute: quodque verò honor respicit relationem seu comparisonem creaturæ ad Deum. Et de illo honore sciendum est, quod potest exhiberi Deo in creatura: ut in imagine eius, vel in ministro eius, vel in templo materiali, vel spirituali, vel in altari, vel in aliis rebus quæ ad cultum Dei pertinent: & est honor latriæ. Et Deus est id cui proprie exhibetur honor ille: creatura vero est medium vel occasio aliqua cogitandi de Deo, & afficiendi in eum, & signo exteriori indicandi affectum illum. Si vero honor ille exhibetur creaturæ comparisonem Dei: honor dulcis est, & Deus est ut causa illius honoris, creatura enim siue consideretur absolute, siue in quantum imago Dei, vel ministrans ei, vel associata ei in una persona, non fuit sic ab æterno, sed incepit esse: vnde non videtur ei exhibenda reuerentia latriæ. Et notandum quod reuerentia quæ debetur rebus Deo dedicatis, ut loco sacro, scilicet templo vel cimiterio, vel his quæ pertinent ad ornatum templi, vel sacro tempore, videtur esse quidam timor quo timemus intrare tempus illi vel non sanctificati, vel appropinquare altari, vel aliis rebus sacris, vel contrectare res sacras, vel inquinare nos in loco vel tempore sacro, vel violentiam inferre sacro loco, vel communia opera ibi exercere, de hac timore legitur, Genes. 28. *Quam terribilis est locus iste? non est hic aliud nisi domus Dei, &c.* Malach. 2. *Leui à facie nominis mei pauebat.* Cum Dominus sanctus sit, in sanctitate vult appropinquari ad eius ministerium. Exod. 28. *Aaron sanctificatus minister mihi.* Qui vero Deum non ostendit sanctum ad ministerium eius in sanctitate appropinquando, ipse ostendet eum non sanctum pro immunditia sua à Deo poenam recipiendo. Levit. 10. *Arreptis Nadab & Abiu filij Aaron thuribulis, imposuerunt ignem,*

Reuerentia exhibita rebus sacris timor est.

*& incensum desuper, offerentes coram Domino ignem alienum, quod eis preceptum non erat: egressusque ignis à Domino, deuorauit eos. Dixitque Moyses: Hoc est quod locutus est Dominus. Sanctificabor in his qui appropinquant mihi.* Non legitur Christum in Euangelio in vita ista tantam iram per zelum ostendisse, quantam ostendit cum vidit quod templo non exhibebatur debita reuerentia. Ioann. 2. & Matth. 22. *Tunc impletum est illud, Zelus domus tue comedit me.* Marc. 10. legitur, quod non sinebat ut quisquam transferret vas per templum 1. Corinth. 3. *Sed quis templum Dei violauerit, disperdet illum Deus.* Traditur de Pompeio, quod postquam illi qui cum eo erant profanauerunt templum, & stabulauerunt equos in porticu templi, nunquam post pugnavit quin vinceretur, qui haecenus fuerat fortunatissimus: & Heliodorus volens templum spoliare, diuinitus flagellatus est. 2. Machab. 3.

### CAPUT III.

#### De errore illorum qui dicunt Ecclesiam idololatrare circa Sanctos & imagines Sanctorum.

SEquitur de errore illorum qui dicunt, Ecclesiam idololatrare, quia ponit in Ecclesiis imagines, & adorat diuersos sanctos. Qui error occasionem potuit habere ex illo verbo. Exod. 20. *Non facies tibi sculpsile, neque omnem similitudinem, &c. Non adorabis ea, neque coles.* Item in Psalm. *Confundantur omnes qui adorant sculpsilia.* Esther 3. legitur de Mardocheo, quod solus non flecebat genua, nec adorabat Aman, cum omnes serui regis qui in foribus palatii morabantur hoc facerent: sic enim eis praeceperat Imperator: & Danielis tertio, Tres pueri noluerunt adorare statuam

Error circa imagines nostræ Ecclesie. Psal. 90.

Nabuchodonosor. Item Apocalypseos ultimum. dixit angelus Ioanni, cum cecidisset ad pedes eius ut eum adoraret. *Vide ne feceris : conseruus tuus sum & confratrum tuorum.* Sed contrarium manifestè ostenditur ex hoc quod Dominus imagines Cherubim præcepit fieri. Exod. 15. Eisaïa etiam vidit Dominum sedentem super solium excelsum. Eisaïa 6. *Seraphim stabant super illud, &c.* Ezechiel vidit imagines quatuor animalium. Ezech. 1. & Ioan. Apocal. 4. Quas figuras sicut sancti minutis literis scripserunt, quantum ad illos qui legem sciunt : sic picturis vel sculpturis quasi grossis literis scribi potuit, quantum ad laicos qui legem nesciunt. Sicut enim Scripturæ literæ sunt clericorum : ita picturæ vel sculpturæ literæ sunt laicorum. Licet ergo Eccl. habere imagines : nec est hæc reuocatio idololatriæ, sed potius reuocatio ab idololatriâ. Et sicut Dominus voluit sibi sacrificia fieri, ut filios Israël reuocaret à sacrificijs quæ idolis fiebant : ita imagines solebant fieri diis qui colebantur, volens Ecclesia homines ab hoc reuocare, voluit imagines fieri in Ecclesia ad rememorandum facta memoria digna. Damas. Quia non omnes noscunt litteras nec lectioni vacant, Patres excogitauerunt velut quosdam triumphos imaginibus scribere. Prohibuit autem Moyles fieri sculptile vel similitudinem falforum deorum, ad adorandum vel colendum. Vnde subdidit : *Non adorabis ea neque coles.* Nec fuit intentio sua prohibere omninò, ut nulla similitudo fieret, vel nullum sculptile, cum ipsemet contrarium fecerit, ut in Cherubim. Exod. 15. Adoratio vero quam Moyles prohibuit fieri creaturæ, adoratio latriæ fuit, non adoratio dulciæ. Ad illud verò quod dixit angelus Ioanni, *Vide ne*

*feceris.* Dicendum est quod hoc dixit ut daret exemplum humilitatis, exemplum scilicet refugiendi honorem huius, cum aliqui exhibent : vel ad ostendendum sublimitatem humanæ naturæ in Christo sublimatæ. Gregor. Timet angelus adorari ab humana natura, quam videt in Deo sublimatam. Vel quia periculosa est talis adoratio propter facilem declinationem in idololatriam. Vnde August. loquens de Angelis venientibus ad Abraham : Duplici, inquit, de causa aliquis est arcendus à bono : vel propter maius bonum aggrediendum, ut Deus reuocauit, volentem sepelire patrem suum. Matth. 8. vel propter facilem declinationem in malum. Et notandum quod spirituales substantiæ, licet corporeæ non sint, tamen figurari possunt corporeis imaginibus illarum rerum in quibus quandoque leguntur apparuisse : ut angeli qui apparuerunt Loth & Abraham, assumptis corporibus humanis in figura humana depinguntur. Item notandum quod propter hoc, quia angelus sathanæ transfigurat se in angelum lucis, vel in speciem Christi, si appareat aliquis alicubi in specie angeli vel Christi, & non constet ei cui apparet an sit angelus vel Christus, adorare potest Christum simpliciter, vbicumque ipse sit, recognoscendo eum filium Dei æternum, omnipotentem : non tamen debet adorare eum in eo qui ei apparet, nisi sub conditione, scilicet, si ipse est Christus. Matth. 24. *Si quis dixerit vobis : Ecce hic est Christus vel illuc, nolite credere.* Item exhibere potest debitam reuerentiam omnibus beatis angelis Dei vbicumque sint, illi verò qui apparet non simpliciter, sed sub conditione, scilicet, si est de beatis angelis Dei.

## DE ORATIONE.

## PARS VIII.

## Quæ habet decem Capitula.

## CAPVT PRIMVM.

*De ordine dicendorum de Oratione. Et de diuersis acceptionibus huius nominis Oratio.*

**P**ost latræ & dulciæ tractabitur de oratione. Ab eo enim cui cultum latræ vel dulciæ impendimus oratione beneficium impetramus. Et honor latræ vel dulciæ efficacem reddit orationem: secundum illud Eccles. 35. *Qui adorât Deum, in oblectatione suscipietur: & deprecatio illius usque ad nubes appropinquabit.* Præterea oratione quodammodo Dei maiestatem profiteamur: dum pro defectibus nostris supplendis, ad eum quasi ad fontem bonitatis oratio recurrimus. Item cum ab eo postulamus ea quæ soli potentia diuinæ possibilia sunt, & soli liberalitati diuinæ cōgruunt, ut est collatio regni cœlestis. De oratione vero hoc modo tractabitur, & primo ponetur diuersæ acceptiones huius nominis Oratio. Secundo, eius descriptiones. Tertio, commendationes. Quarto, agetur de præparatione orationis. Quinto, de impedimentis eius. Sexto, ostendetur quando sit orandum. Septimo, ubi orandum. Octauo, quomodo orandum. Nono, quid orandum. Decimo, agetur de speciebus orationis. Circa primum notandum quod oratio quandoque, dicitur esse opus bonum. Vnde super illud 1. Thess. ult. *Sine intermissione orate*, dicit gloss. Semper orat, qui semper benè agit. Quandoque vero dicitur iustitia seu bonitas hominis, quæ apparet Deo in filiis eius quasi quædam imago Dei, habet quasi vim orationis apud Deum:

sicut & apparitio filij Dei coram patre suo, est quasi oratio pro nobis. Heb. 9. *Iesus introiuit in cælum, ut appareat nunc vultus Dei pro nobis.* Sic sumitur, Orate in gloss. super illud 1. Thess. ult. *Sine intermissione, &c.* Iustus nunquam desinit orare, nisi desinat iustus esse. Bernard. ad fratres de monte Dei, specialiter dicit charitate Dei, à qua maxime est bonitas in anima, quod ipsa est oratio nunquam deficiens. Charitas, inquit, quæ nunquam deficit, ipsa est sine intermissione oratio. Et subdit. Est enim quædam iugis bonitas mentis, & bene compositi animi, & ad patrem Deum in filiis Dei bonitatis quædam similitudo. Quandoque oratio dicitur petitio boni, siue dirigatur ad Deum, siue ad Angelos, siue ad Sanctos: sicut latræ oratio est, vel orationes. Quandoque vero strictius sumitur, ut dicatur oratio petitio boni, quæ ad Deum dirigatur: & sic maxime à magistris sumitur, ut inferius patebit. Quandoque vero amplius restringitur, scilicet ad petitionem, quæ est pro adipiscendis bonis. Vnde gloss. super illud Psalm. *Exaudinit Dominus deprecationem meam, Dominus orationem, &c.* Deprecatio est pro remouendis malis, oratio pro adipiscendis bonis.

*Psalm. 6.*

## CAPVT II.

## De descriptionibus Orationis.

**C**irca secundum notandum quod oratio sic describitur à Ioanne Damasc. Oratio est ascensus intellectus ad Deum. Intellectum verò hic accipias prout comprehendit duas vires, quæ sunt propriæ animæ rationalis, quarum vna est apprehensiuâ, altera motiuâ. Apprehensiuâ dicitur intellectus speculatiuus: motiuâ intellectus practicus. Ad Deum ascendit, cum hac consideratione humanorum defectuum, ad considerationem boni sufficientissimi & potentissimi supplere defe-



Quid sit  
oratio.

Atus illos transit. Et innuitur in hoc modus quo debet procedere qui vult orare. Primo enim debet defectus suos considerare, deinde ascendere ad eius liberalitatem, qui hoc potest supplere. Vnde 3. Reg. 6. Dixit Salomon tēplo ædificato: *Si quis cognoverit plagam cordis sui, & extenderit manus suas in domo hac: tu exaudies in cælo. &c.* Intellectus practicus ad Deum ascendit desiderio & spe, à liberalitate eius sperando impleri desiderium suum. Item oratio describitur sic à Ioanne Damasc. Oratio est petitio dicentium à Deo: Non decet Dei filios omnia indifferenter petere. Nec Deum decet omnia indifferenter dare. Non sunt petenda à Deo nisi honesta: Seneca in epistolis: Quanta, inquit, demerita est, hominum turpissima vota Deo infusurrant: ita ut si quis aurem admoverit, conticescant; & quod scire hominem nolunt, Deo narrant. Sic viue cum hominibus, tanquam Deus videat: sic loquere cum Deo, tanquam homines videant. Non decet filios Dei petere vilia: ut sensibilia ista quæ sunt transitoria & corruptibilia. Seneca. in epistolis: Maior sum & ad maiora natus, quam ut mancipium sim sensuum meorum. Item nō decet viros virtutis petere puerilia. 1. Cor. 13. *Quando factus sum vir, euacuavi quæ erant paruuli.* Item oratio sic describitur: Oratio est pius mentis affectus in Deum directus. Iste affectus desiderium est. Vnde super illud primæ ad Thessalonicenses ultimo capite. *Sine intermissione orate*, dicit gloss. Ipsum desiderium bonorum, oratio est: & si continuum est desiderium, continua est oratio. Pietas, à qua pius est affectus, quæ est oratio, est theosebia, siue cultus Deo debitus, qui comprehendit fidem, spem, & charitatem. Vnde Aug. de orando Deo, ad Probam: Ipsa, fide, spe, & charitate continuo desiderio semper oramus. Idem in eodem: Ora in spe, ora fideliter & amanter. Affectus qui est in Deum, dicitur dirigi ad modum nuntij. Est enim velut nuntius ab homine ad Deum missus. Vnde super il-

lud Psalm. *Intret oratio mea in conspectum tuum*, dicit Gloss. Virtus magna puræ orationis hic notatur, qui quasi persona quædam ad Deum intrat, & mandatum peragit quòd caro peruenire nequit. Item in lib. de Spiritu & anima sic describitur: Oratio est mentis conuersio in Deum per pium & humilem affectum. Greg. vero in sexta parte Moral. dicit quod veraciter orare est amarus compunctionis gemitus & non composita verba resonare. Item oratio magistraliter sic describitur: Oratio est ostensio voluntatis restitæ ei à quo impetrare speramus id quod desideramus.

## CAPVT III.

## De commendatione Orationis.

**A**D commendationem Orationis. Primò valere potest frequens admonitio quam sacra Scriptura facit ad orandum. Eccles. 18. *Non impediaris orare semper.* Ier. 33. *Clama ad me, & exaudiam te.* 1. Mach. 5. *Et nunc clamemus in cælum.* Luc. 11. *Petite, & dabitur vobis: querite, & inuenietis: pulsate, & aperietur vobis.* Aug. Non tamen hortaretur ut peteremus, nisi dare vellet. Erubescat humana pigritia: plus vult ille dare, quam nos accipere: plus vult ille misereri, quam nos à miseria liberari. Item Luc. 22. & Matt. 26. *Vigilate & orate, ne intretis in tentationem.* Rom. 12. *Orationi instantes.* Item ad Coloss. 4. 1. ad Thess. ult. *Sine intermissione orate.* Iac. 1. *Si quis indiget sapientia, postulet à Deo, &c.* Eiusdem 1. *Tristatur aliquis ventrum, &c.* 1. Petr. 4. *Vigilate in orationibus.* Secundo exempla, & inter ea est efficacissimum exemplum Christi, qui licet oratione non indigeret, cum per se omnia posset: tamen ut daret nobis exemplum orandi, toties orabat. De eius oratione habes Matth. 14. *Dimissa turba ascendit in montem solus orare.* Item

eiufdem 26. *Sedete hic donec vadam il-  
lut, & orem: progressus pufillum procidit in  
faciem suam, orans & dicens: Pater mi,  
&c. Et paulo post: Iterum secundum abiit  
& orauit: dicens: Pater mi, &c. Et subdi-  
tur: Et orauit tertio eundem sermonem di-  
cens. Idem Marci 1. Diluculo valde sur-  
gens, egressus abiit in desertum locum, ibi-  
que orabat. Idem Luc. 4. Iesu baptizato &  
orante, apertum est cælum. Et eiufdem 6.  
Factum est in diebus illis, exiit in montem  
orare, & erat pernoctans in oratione Dei.  
Item eiufdem 9. Facta est species eius al-  
tera dum oraret. Item 1. Factum est, cum  
esset in loco quodam orans, ut cessauit, di-  
xit unus ex discipulis eius ad eum: Domine,  
docenos orare. Item eiufdem 22. Et factus  
in agonia prolixius orabat. Eiufd. 23. Pater  
dimitte illis, quia nesciunt quid faciant.  
Ioan. 12. Pater, glorifica me ex hac hora. Itē  
eiufdem 17. habes multum de oratione  
eius. Ad commendationem etiam oratio-  
nis valere possunt exempla alia; & causa  
breuitatis, pauca de illis tangamus. Legi-  
tur Luc. 2. de Anna, quod non discedebat  
de templo, ieiuniis & obsecrationibus ser-  
uiens die ac nocte. Et Actuum 1. Erant  
omnes perseuerantes in oratione unanimi-  
ter cum mulieribus, & Maria matre Iesu &  
fratribus. Et eiufd. 10. Ascendit Petrus in  
superiora domus, ut oraret. Et de B. Marti-  
no legitur, quod etiam moriens inuidū ab  
oratione spiritū non relaxabat. Et de Pau-  
lo primo eremita legitur, quod mortuus  
quasi orabat: vnde habuit signū orantis, ore  
& manibus in cælum erectis, cū inuenire-  
tur sanctum cadaver eius appodiatum ar-  
bori à B. Antonio, qui de eo ait: Patet  
quā assidue, quantumque oraret Deum  
vuius, qui non desinit orare mortuus. Et  
Iacobus Alphæi ex vtero matris sanctifi-  
catur, ex assiduitate orandi contraxerat in  
genibus suis duritiem camelorū. Et Bar-  
tholomæus centies in die, & centies in no-  
cte ante Deum genua flectebat.*

Tertio, quod filius Dei adeo diligenter  
nos voluit instruere ad adorandum. Vix

enim est aliquod opus ad quod ita dili-  
genter instruxerit. Ipse enim docuit quid  
orandum, & vbi, & quando, & quomodo  
orandum, & quo fine, & qua necessitate,  
ut in sequentibus patere poterit. Nolu-  
it nos negligenter addiscere, quod adeo vo-  
luit diligenter docere. Verecundū est dis-  
cipulis Christi ignorare, quod magister  
eorum diligentissime docuit. Item vere-  
cundum est eis raro facere quod magister  
eorum tantum frequentauit.

Quartò, dignitas angelorum orationes  
nostras Deo offerētium. Tob. 12. dixit an-  
gelus Tob. *Quando orabas cum lachrymis  
& sepeliebas mortuos: ego obtuli orationem  
tuam Domino.* Non debet homini esse o-  
nerosum xenium illud Deo mittere, quod  
angelus non dedignatur ei deferre: imo  
quod plus est, ipse Christus qui inquantū  
homo est, summus Sacerdos, illud offert  
Deo Patri. Quod figuratur in hoc quod  
Diaconus thuribulū tradit sacerdoti, & sa-  
cerdos thurificat Deo. Sic Christus oratio-  
nes Ecclesiæ Deo patri præsētat, quæ præ-  
sentatio multū facit eas valere. Quomodo  
n. à Deo contemneretur, quod à tanto me-  
diatore ei præsēntatur. Quinto, præmi-  
nentia quam oratio habet respectu aliorū  
operum. Oratio præmium respectu le-  
ctionis. Isidor. Orationibus mundamur,  
lectionibus instruimur, vtrumque bonum  
est si liceat: si non liceat, melius est orare  
quam legere. Item præminentia quam  
videtur habere respectu ieiunij & eleemo-  
synæ. Primò, in hoc quod oratio est res-  
pectu eius quod supra nos est, sc. respectu  
Dei: eleemosyna vero & ieiunium res-  
pectu eius quod iuxta nos, vel infra nos. Vn-  
de cum oratio ad digniorem ordinet, in  
hoc videtur esse dignior. Præterea ieiunij  
& eleemosyna videntur seruire orationi.  
Sunt enim velut duæ alæ, de quibus dicit  
Isidor. Qui vult orationem suam volare  
ad Deum, faciat illi duas alas, ieiunium  
& eleemosynam. Tob. 12. *Bona est oratio  
cum ieiunio & eleemosyna.* Oratio colum-  
ba est, auis scilicet Spiritus sancti, quæ ra-  
mum

Ab ora-  
tione  
nullus  
excipi-  
tur.

RAL. 11.

inū oliuæ apportat, dum pacē hominibus impetrat. Ideo dicimus esse aūē Spiritus sancti: quia deuota oratio à Spiritu S. est Rom. 8. *Spiritus sanctus postulat pro nobis gemitibus inenarrabilibus.* Bern. Trepida est omnis oratio, nisi eam præcedat inspiratio. Sexto, facilis huius operis. Si dicatur alicui quod det eleemosynā, potest excusare se, cum non semper habeat homo argentum in bursa. Si dicatur ei quod ieiunet, potest excusare se, cum multi propter debilitatem capitis ieiunare non possint. Sed ab oratione nullus potest excusare se. Quilibet enim potest habere orationem saltem mentalem, etiam si sit mutus. Vnde Psal. *Apud me oratio.* Et super illud, *Iustus autem miseretur.* dicit Gl. Semper est aliquid iusto quod det, saltem orationem Chrysost. Solam orationē quasi spirituale tributum anima offert de suis visceribus. Septimo, quod opus hoc est honorabile. Multa sunt officia, quæ aliquibus cederent ad dedecus: sicut arare, vel fodere: sed orare Deum, nulli quantumcūq; nobili cedit ad dedecus: quia cum oramus, ipsi cum Domino loquimur, quod sine dubio magnus honor est. Isidor. Qui vult cum Deo esse, frequenter oret & legit: nam cum oramus, ipsi cum Deo loquimur: cum verò legimus, Deus nobiscū loquitur. Octauo, quod officium istud valdè lucrosū est. Quod primo potest ostendi ex hoc, quod nihil est ad quod oratio valere non possit. Vnde secundo Paralip. 20. *Quum ignoramus quid agere debeamus, hoc solum habemus residui, ut oculos ad te dirigamus,* hoc est officium quo potest homo lucrari omni tempore, in hyeme, & in æstate, in sereno & in pluuiāli tempore, de die & de nocte, festiuis diebus & ferialibus, in infirmitate & sanitate, in iuuentute & senectute, stando & eundo, in domo & extra domum. Quandoque vna hora plus lucratur homo orando, quam valeat ciuitas vna: quia modica oratione deuota, acquirit homo regnum cælorum. Nono,

orandi necessitas, quam in præsentī habemus. Tria solent esse occasio clamandi hominibus: ignis, aqua, hostes. Bern. Hæc tria quasi singulis diebus incitare debent nos vt ad Deum in oratione clamemus. Vix enim est dies in quo domus conscientie nostræ non succendantur igne infernali: sc. igne concupiscentiæ prauæ. Vnde necesse habemus clamare ad aquam diuinæ gratiæ, & ad aquam lacrymarum recurrere. Ignis iste aliquando ex vna parte extinguitur, & ex alia parte accenditur. Ex ipsa enim aqua lacrymarum, vnde debuit extingui, quandoque vires sumit: vt quum aliquis vanè gloriatur de hoc quod peccata sua plorat. Item vix est dies in quo homo non sentiat fluctus malarum cogitationum super caput cordis sui, vt necesse habemus frequenter clamare illud Matt. 8. *Domine, salua nos; perimus.* Item vix est dies in quo hostes suos non videat ad portas castri sui: vt quum verba mala in ore habet, vel fatuam mulierem aspicit. Oratio multum competit loco in quo sumus. Sumus enim in vallē miserie: idē necesse habemus ad Dei misericordiam frequenter orando clamare. Pugnam habemus cum eo de quo scriptum est. Iob 41: *Non est potestas in terra, qua ei valeat comparari.* Ideo necessario habemus frequenter auxilium Dei inuocare. In futuro cessabit hæc pugna: ideo non erit oratio necessaria. August. de orando Deo: In vita æterna non erit vlla tentatio, itaque nec oratio: neque enim erit ibi boni promissi expectatio, sed redditū contemplatio. Decimo commendabilis est oratio à multiplici suo effectu. Notandum ergo quod oratio infirmitatem corporis sanat. Eccl. 38. *Fili, in tua infirmitate ne despicias te ipsum: sed ora ad Dominum, & curabit te.* Iacob ult. *Oratio fidei sanabit infirmum.* Item vitam prolongat. Esa. 38. *Audiui orationem tuam, & vidi lacrymas tuas: ecce ego adiciam super dies tuos quindecim annos.* Item ab opprobrio liberat, vt Sarā filiam Raguelis. Tob. 3. Liberat etiam à

Tria sunt  
ocasio  
clamandi.

Rr

mortis periculo, vt Sufannam Dan. 12. Itē à principe iniquo. Baruch. *Clamate ad Dominum, & eripiet vos de manu principum inimicorum.* Aēt. 11. Liberavit Petrum de carcere, Ecclesia sine intermissione orante pro eo. Item Ionas orans de ventre ceti liberatus est. Ionæ 2. Item oratio sanat morbos spirituales. Iac. vlt. *Infirmatur quis in vobis? inducat presbyteros Ecclesiæ, & orēt, &c. & si in peccatis sit, dimittentur ei.* Hieron. Ieiunio sanantur pestes corporis, oratione pestes mentis. Item oratio etiam in bello corporali triumphat. Exod. 17. *Quum leuaret manus Moyses, vincebat Israel.* Iudic. 14. *Memores estote Moysi serui Dei, qui Amalech (non ferro pugnando, sed precibus sanctis) deiecit.* Gloss. super Num. Plus valet vnus sanctus orando, quā innumeri peccatores præliando. Oratio sancti cælum penetrat: quomodo hostes in terris non vincat? Plus vetula vna acquirit de cælo vna hora orando, quā mille milites armati acquirunt de terra longo tempore præliando. Item de hostibus spiritualibus triumphat. Isidorus: Hoc est remedium eius qui vitiorum tentamentis æstuat, vt quoties quolibet tangitur vitio, toties se ad orationem subdat: quia frequens oratio vitiorum impugnationem extinguit. Dicebat magnus Cantor Parisiensis: Qui molestat luxuria vel huiusmodi, certum numerum genuflectionum cum litanis sibi constituat. Item oratio dæmones fugat. Matt. 17. & Marc. 9. *Hoc genus dæmoniorum non ejicitur, nisi per ieiunium & orationem.* Item dæmones cruciat. Vnde clamabat quidam dæmonio plenus, Bartholomæe Apostole Dei, incendunt me orationes tuæ. Item oratio hominem illuminat. Vnde super illud Aēt. 10. *Erat Petrus in Ioppe orans,* dicit Aug. Oratione melius soluuntur dubia, quā inquisitione alia. Item ad amorem Dei inflammatur. Vnde 4. Reg. 1. *Descendit ignis de cælo ad orationem Eliæ.* Item mundatur. Isid. Orationibus mundamur. Item confortatur, Luc. 22. *Postis genibus orabat di-*

*cens: Pater, &c.* Et subditur: *Apparuit autem illi angelus de cælo, confortans eum.* Bernardus ad fratres de monte Dei: Amorem Dei oratio illuminat & confortat. Maximæ consolationes ab amicis Dei in orationem recipiuntur. Eccles. 15. *Qui adoratur Deum, in oblatione suscipietur.* Luc. 9. *Ascendit Iesus in montem, vt oraret: & facta est, dum oraret, species vultus eius aliter, & vestitus illius albus resurgens.* Item oratio etiam ad tranquillitatem valet. 1. Tim. 1. *Obsecro primum omnium fieri obsecrationes, &c.* Vt quietam & tranquillam vitam agamus. Iob. 8. *Si diluculo consurrexeris ad Deum, & Omnipotentem fueris deprecatus, statim euigilabit ad te, & paratum reddet habitaculum tuum.* Nec solum oratio operatur in terra, sed etiam in cælo. Aug. Magna virtus orationis, quæ effusa in terra, operatur in cælo. Ipsa cælum aperit. Luc. 4. *Iesu baptizato & orante, apertum est cælum.* Ipsa etiam cælum claudit, vt patet in oratione Eliæ, 3. Reg. 18. Iacob. vlt. *Multum valet deprecatio insistens.* Elias homo erat similis nobis passibilis, & oratione orauit, &c. Oratio etiā Deum mitigat. Vnde super illud Tob. 3. vbi dicitur quod tribus diebus, & tribus noctibus non manducauit, neque bibit: sed in oratione persistens eum lacrymis deprecabatur Deum, dicit gl. Oratio Deū lenit, lacryma cogit: hæc vngit, illa pungit. Oratio velut quoddā scutum ab ira protegit. Vnde Sapient. cap. 18. *Properans homo sine querela deprecari pro populis, proferens seruitutis sua scutum orationem, & per incensum deprecationem allegans, resistit ira.* Oratio quodāmodo tenet Deum, & habet in potestate sua. Exod. 32. *Dimitte me vt irascatur furor meus contra eos.* Gregorius: Quid est dicere seruo: Dimitte me: nisi deprecandi ausum præbere? quasi diceret. Pensa quantum ad me valeas, & cognosce quia obtinere poteris quidquid pro populo oras. Esa. 44. *Non est qui inuocet nomen tuum, qui confurgat & teneat te.* Ierem. 7. *Noli orare pro po-*

*pulo hoc, & ne assumas pro eis laudem & orationem, & non obsequas mihi.* Item oratio cœlestem curiam quasi quadam redolentia delectat. Apoc. 5. *Habebant phialas aureas plenas odoramentorum, quæ sunt orationes Sanctorum.* Oratione sancti impetrant apud Deum quod volunt, secundum promissiones à Christo factas. Matt. 18. *Si duo ex vobis consenserint super terram, de omni re quacumque petierint, fiet illis à Patre meo.* Eiusd. 21. *Omnia quaecumque petieritis in oratione credentes, accipietis.* Et Luc. 11. *Petite & dabitur vobis, &c.* Item Ioan. 16. *Petite & accipietis.*

## CAPVT IV.

## De preparatione Orationis.

**A**D præparationem Orationis monemur. Ecclef. 18. Ante orationem præpara animam tuam, & noli esse quasi homo qui tentat eum. Orans tunc Deum tentare videtur, quum illud pro quo orat, nec impetrare desiderat, nec se accepturum sperat. Præparatio multum valet ad hoc vt oratio exaudiat. Psalm. *Præparationem cordis eorum audiuit auris tua.* Huius præparationis figura est, præparatio quam facit sacerdos celebraturus induendo se sacris vestibus. Item hanc præparationem nobis commendat templi ædificatio, & ornatus ipsius. Prius ædificauit Salomon templum, deinde ad Deum orauit 3. Reg. 8.

Duplex  
præparatio ad  
orationem.

Et notandum, quod duplex est præparatio ad orandum: quædam propinqua, quædam remota. Ad remotam præparationem pertinet, primo quod homo bene viuatur Greg. sup. Iob. Sunt nonnulli intra Ecclesias qui prolixas ad Deū preces habent, sed vitam deprecium non habent. Item in Dialogo: *Quid mirum si postulantes tardè à Domino exaudimur, qui præcipientem Dominum tarde aut etiam nullo modo audimus: Idè in Moral. Clamorem*

angustie tempore Dominus non audit, quia tranquillitatis tempore in præceptis suis ipse clamantem Dominum non audiuit. Idid. Non potest habere precum certā fiduciam, qui adhuc in præceptis Dei pigritat, & quem peccandi recordatio delectat. Qui à præceptis Dei auertitur, quod in oratione postulat non meretur: nec impetrat ab illo bonum quod poscit, cuius legi non obedit. Idem: Si id quod Deus præcepit facimus: id quod petimus sine dubio obtinemus. 1. Ioan. 3. *Si cor nostrum non reprehenderit nos, fiduciam habemus ad Deum, quidquid petierimus accipiemus ab eo, quoniam mandata eius custodimus.* August. in lib. de opere monach. Citius exauditur vna obedientis oratio, quàm decem millia contemptoris. Psalm. *Oculi Domini super iustos, & aures eius in preces eorum,* secundum Isidor. necessarium est vt oratione operatio, & opere fulciatur oratio. Moyses oratione pugnans contra Amalech, manus habebat ad Deum leuatas. Exod. 17. Thren. 3. *Leuemus corda nostra cum manib. ad Dominum.* Idid. Cor suum manibus leuat, qui orationem cum opere subleuat. In Psalm. *Elevatio manuum mearum sacrificium vespertinum.* Quod sacrificium erat dignius. 1. Tim. 2. *Volo viros orare in omni loco, leuantes puras manus.* Item ad præparationem remotam specialiter videntur pertinere ieiunium & eleemosyna, quæ specialiter iuuant orationem. Vnde cum thure in quo significatur orationis deuotio, offerunt Magi aurum, in quo significatur eleemosyna: & myrrham, in qua significatur carnis maceratio, quæ est per ieiunium. Matth. 2. Hæ sunt duæ animæ orationis, de quibus loquitur Isidor. Tob. 12. *Bona est oratio cum ieiunio & eleemosyna.* Qui ieiunio corpus suum macerat, dum miseriam assumit, Dei misericordiam prouocat, & sic orationem iuuat. Daniel. 9. *Posui faciem meam ad Dominum Deum meum rogare & deprecari, in ieiunio, sacco & cinere.* Qui vero eleemosynam dat, dum misericors proximo exi-

Ad ora-  
tionem  
ieiunio  
& ele-  
mosyna  
pertinet.

fit, Deum sibi esse misericordem inuitat. Matth. 5. *Beati misericordes, quoniam ipsi misericordiam consequentur.* Ela. 50 *Frangite esurienti panem suum, &c. Tunc inuocabis, & Dominus exaudiet: clamabis, & dicit: Ecce adsum, quia misericors sum Dominus Deus tuus.* Qui vult aliquid ab aliquo impetrare, præmittit munera, vt facilius impetret. Eccles. 39. *Conclude eleemosynam in sinu pauperis, & hac exorabis pro te.* Item ad præparationem remotam videtur pertinere confessio homini facta. Iacob. vitim. *Confitemini alterutrum peccata vestra, & orate, &c.* Et sacerdos celebraturus missam, facit generalem confessionem. Appropinquans verò præparationem.

I. Ad orationem requiritur Reuocatio cordis. Primo videtur pertinere reuocatio cordis ab exterioribus ad interiora cum retentione eius. Matth. 6. *Tu autem cum oraueris, intra in cubiculum tuum, & clauso ostio ora patrem tuum, &c.* Ingressus in cubiculū, est cordis reuocatio. Clausio ostij est cordis retentio. Fatuum est Deum inuocare vt ad se veniat & gratiæ eleemosynam conferat, si homo eum non expectat. Ber. omnes nobis plangimus deesse gratiā: sed iustus, ipsa gratia conqueritur non nullos deesse sibi. Idem: Sic pauperes cum multis clamoribus inuocatus fuerit distributor eleemosynarum diuerticulo captat. Isid. Purgandus est primum animus, atque à temporalium rerum cogitationibus segregandus, vt pura acies cordis ad Deum vere & simpliciter dirigatur. Idem: Pura est oratio quam in suo tempore sæculi non interueniunt curæ. Longè autem à Deo est animus qui in oratione, cogitationibus sæculi fuerit occupatus.

2. Secundo pertinet ad propinquam præparationem cōsideratio sui ipsius. Bernard. ad fratres de monte Dei: Debemus nosmetipsos coram Deo constituere, quasi facie ad faciem, & in lumine eius prospicere tribulationem de nobis ipsis nobis venientem. Isid. Quam Deo assistimus, gemere & flere debemus, reminiscentes

quàm grauius sunt quæ cōmisimus, quàm dura inferni supplicia quæ timeamus. Dicebat quidam, quod latrones & tyranni docuerant eum orare. Latro attendens quid fecit, & quod tormentum sibi præparatum sit, inter hæc duo cum multis lacrymis misericordiā petit: Tyranni vero ea quæ sunt miserabiliora in eis improbiissime ostendunt, & quæ sana sunt abscondunt, vt magnitudo misericordiæ ad misericordiā excitet. 3. Reg. 8. *Si quis cognouerit plagam cordis sui, & extenderit manus suas in domo hac, tu exaudies in celo.* Ex consideratione peccatorum prouenit luctus qui multum valet in oratione, vt inferius ostendetur. Isidor. peccatorum recordatio mœrorem gignit, luctus verò mentem puriorem reddit: quod sic valet ad hoc, vt oratio exaudiat. August. Munda tantum cubiculum cordis, intus est qui exaudiet. Et super illud Psalm. *Iniquitatem si aspexi in corde meo, non exaudiet Dominus,* dicit Gloss. Puritas orationis auditur. Libanus Hebræa lingua candor interpretatur, lingua vero Græca, thus. Candor enim puritatis, & deuotio orationis quæ in thure designatur congruè sibi iunguntur. Item ex consideratione peccatorum humilitas prouenit, quæ multum iuuat orationem. Eccl. 35. *Oratio humiliantis se, nubes penetrabit.* Item consideratio status periculosi multum valet ad augmentum desiderij. Magnitudo vero desiderij multum iuuat orationem ad hoc vt exaudiat: vt inferius patebit.

3. Tercio, pertinet ad præparationem propinquam, vt attendatur ad eum cui sacrificium orationis offert. In Psalm. *Vacate & videte, quoniam ego sum Deus.* Multum deberet nos reddere attentos in oratione hoc quod eum Domino maiestatis loquimur. Gen. 18. dicit Abraham: *Loquar ad Dominum meum, cum sim pulvis & cinis.* Ber. loquens de proficiente: Admonendus est, inquit, quanta potest puritate cordis intendere in eum qui sacrificium orat.

tionis offert, se ipsum intendere qui offert, intelligere quid offert. Quantum enim videt vel intelligit illum cui offert, tantum est ei in affectu. Sicut secundum ligna sylvarum exardescit ignis. Ecclesiast. 28. Sic secundum diuersas meditationes de Deo, sequuntur diuersæ affectiones. Meditationem iustitiæ diuinæ sequitur affectio timoris: meditationem misericordiæ affectio spei: meditationem sapientiæ omnia videntis, affectio erubescentiæ: meditationem bonitatis vel beneficentiæ, affectio gratitudinis vel amoris: meditationem suauitatis diuinæ, affectio quæ potest dici sancta esuries. Secundum vero affectum mentis sequitur affectus orationis. Augustinus de orando Deo, ad Probam: Dignior, inquit, sequetur effectus quam feruentior præcedit affectus. Affectio spei specialiter valet ad impetrandum. Bernard. Quatenus in bonis Domini pedem fiduciæ porrexeris, eatenus possidebis. Idem: Nihil omnipotentiam verbicliariorem reddit, quam quod omnipotentes facit omnes qui in se sperant. Denique omniaabilia sunt credenti. Voluit Christus orantes specialiter attendere, quod Deus pater, Deus deorum est, ut fiduciam haberent impetrandi quod peterent. Naturale enim dignoscitur esse patris, filiis utilia providere. Vnde cum dixissent discipuli ei, Domine, doce nos orare: Respondit, Cum oratis, dicite: Pater noster, &c. Lucæ 11. Et in eodem: Si vos cum fratris mali, nostis bona dare filiis vestris: quanto magis Pater vester cælestis, dabit spiritum bonum petentibus se? Et Iob 16. Si quid petieritis Patrem in nomine meo, dabit vobis.

## CAPVT V.

## De impedimentis Orationis.

**D**ixit abbas Euagilus: Magnum est quidem sine impedimento orare, maius etiam est psallere sine impedimento. Dicebat abbas Agathon: Nullum laborem tantum esse in religione, quantum orare Deum. Diabolus enim nullum opus tantum conatur interrompere, quantum orationem deuotam. Aliud enim opus quousque perficiatur habet aliquam requiem, oratio autem nullam. Et possunt enumerari duodecim impedimenta orationis.

Primum est, peccatum orantis. Esa. 1. Quum multiplicaueritis orationes vestras, non exaudiam: manus enim vestrae sanguine plena sunt. In Psal. Iniquitatem si asperi in corde meo, non exaudiet Dominus. Esa. 59. Peccata vestra absconderunt faciem eius a vobis ne exaudiret. Ierem. 9. Peccata vestra prohibuerunt bonum a vobis. Thren. 3. Nos inique egimus, & ad iracundiam pronocauimus: idcirco inexorabilis es. In eod. Opposui tibi nubem, ne transiret oratio. Ioan. 9. Scimus quia Deus peccatores non audit, &c.

Secundum est orantis dubietas. Iac. 1. Postulet in fide, nihil hesitans. Et subditur de hesitante: Non asstimet homo illi quod accipiat aliquid a Domino. Bernard. Indignus cælesti benedictione esse conuincitur, qui Deum dubio quatrit affectu.

Tertium est, quod non petitur quod petendum est: quia scilicet vtile est quod petitur, vel non expediens petenti. Ioan. 16. Usque modo non petistis quidquam in nomine meo. Gloss. quod aliquid sit rei comparatione permanentis. Matth. 20. Nescitis quid petatis, dictum est filiis Zebedæi petentibus honorem. Et Paulo petenti a motionem stimuli quæ sibi non expediebat, dictum est: Sufficit tibi gratia mea: nam viri in

*infirmisate perficitur. Ideo frequenter Ecclesia non exauditur petendo amotionem tribulationum. Esa. 26. Misereamur impio, & non discet facere iustitiam. Iac. 4. Petitis & non accipitis, eo quod male petitis. Isidor. Multi orantes non exaudiuntur: prouidet enim Deus illis meliora quam petunt. Sicut contingere solet paruulis, qui ne in scholis vapulet, Deum exorant: sed non datur illis postulationis effectus, quia impedit talis exauditiō ad profectum. Quartum est, indignitas eius pro quo oratur. Ierem. 7. & 11. Noli orare pro populo isto, neque assumes pro eis laudem & orationem: quia non exaudiam. Eiusd. 15. Si steterint Moyses & Samuel coram me, non est anima mea ad populum istum. In vitis patrum quidam frater patiebatur molestiam à spiritu fornicationis, & abiit sæpe ad seniore[m] ut pro se oraret. Cumque frequens oratio senioris eum non iuuaret, Dominus nocte seniori ostendit negligentiam fratris esse in causa quare non exaudiretur. Vidit enim senior monachum sedentem, & spiritum fornicationis in diuersis formis mulierum ludentem apud ipsum, & ipsum cum eis delectari. Vidit etiam angelum Domini altantem & indignantem grauiter contra eundem fratrem, quia non surgebat nec prosternebat se in orationibus ante Deum, sed magis delectabatur in cogitationibus suis: cognouit ergo senior culpam fratris esse quod ipse non exaudiebatur pro eo, & dixit fratri: Impossibile est discedere à te spiritum fornicationis, aliis pro te orantibus, nisi tu ipse laborem assumes in ieiuniis & orationibus, & vigiliis, rogans Dominum cum gemitu. Audiens frater verba senioris, compunctus est corde, & per afflictionem corporis meruit misericordiam.*

*Quintum est, cogitationum malarum multitudo. Eccles. 10. Muscæ morientes perdunt suauitatem unguenti. Genes. 15. Abigebat Abraham volucres à sacrificio. 1. Mach. 2. Templum eius sicut homo igno-*

*bilis. Templum spirituale est, ut homo ignobilis cum immundis cogitationibus occupatur.*

*Sextum est, contemptus diuinæ legis. Prou. 28. Qui declinat aurem suam ne audiat legem, eius oratio erit execrabilis. Prouerb. 1. Inuocabunt me, & non exaudiam, &c. eo quod exasam habuerunt disciplinam.*

*Septimum est durities. Quæ duplex est: quædam in pauperes, de qua, Prou. 21. Qui obturat aurem suam ad clamorē pauperis, clamabit ipse, & non exaudietur. Alia est ad eos qui offenderunt, quum aliquis non vult eis remittere. Eccles. 28. Relinque proximo tuo nocentite: & tunc deprecanti tibi peccata soluentur. In eodem: Homo homini seruat iram, & à Deo queris medelam. Marc. 11. Cum stabitis ad orandum, dimittite, si quid habetis aduersus aliquem; & Pater vester qui in cælis est, dimittet vobis peccata vestra.*

*Octauum est, peccati additio. Eccl. 34. Unus orans & unus maledicens, cuius vocem exaudiet Dominus? Opus malum orationi additum est quasi quædam maledictio vel mali imprecatio, quæ orationi aduersatur. Qui peccatum addit, quasi elongat se à Deo: & ideo difficilius à Deo exauditur. Psal. Qui elongant se à Deo, peribunt. Item: Prolongauerunt iniquitatem suam. Esa. 55. Inuocate eum dum propè est. Iac. 4. Appropinquate Domino, & appropinquabit vobis. Deo appropinquat, qui à malo opere cessat. De hoc impedimento & præcedenti, tangit Isidor. dicens. Duobus modis oratio impeditur ne impetrare quisquam valeat postulata: hoc est, si aut quisque adhuc mala committit, aut si delinquenti sibi debita non dimittit. Idem: Sicut nullum proficit in vulnere medicamentum, si adhuc ferrum in eo sit; ita nihil proficit oratio illius, cuius adhuc dolor in mente, vel odium manet in pectore.*

*Nonum est, diaboli suggestio, quæ multos ab oratione retrahit. Vnde Greg.*



rem-  
um.

in dialogo: In quadam abbazia Pompeiani abbatis, quidam monachus non poterat stare in oratorio in oratione, sed semper exiuit, qui sæpe correptus noluit se emendare. Sed cum quadam die beatus Benedictus venisset ad eum corripiendum, vidit quendam nigrum puerulum tenentem eum per simbram vestimenti. Cumque orassent per biduum, Benedictus, Pompeianus, & Maurus, illi tres viderunt puerulum illum, & beatus Benedictus monachum verberare corripuit, & dæmon recessit, ac si ipse esset verberatus.

Decimum est, prauitas desiderij Aug. Seruat tibi Deus quod non vult tibi cito dare, vt discas magna magne desiderare. Grego. in Moralib. *Æternam vitam si ore petimus, nec tamen corde desideramus, clamantes tacemus.* Psal. *Tacui dum clamarem tota die.*

Vndecimum est, petentis impatientia. 1. Reg. 28. *Consuluit Saul Dominum, qui non respondit ei.* Et sequitur: *Dixitque Saul: Quarite mulierem habentem pythone.* Iudith. 9. *Humilium & mansuetorum semper tibi placuit deprecatio.*

Duodecimum est, defectus perseuerantiæ in orando. Luc. 11. *Si perseuerauerit pulsans, &c.* Psalm. *Benedictus Deus qui non amouit, &c.* Augustin. Si non est amota oratio, securus esto, quod nec misericordia.

## CAPVT VI.

*Quando sit orandum.*

**T**Empus orandi Dominus determinat. Luc. 18. dicens: *Oportet semper orare, & non desicere.* Et eiusd. 21. *Vigilate, inquit, omni tempore, &c.* Non debet miles Christi scutum orationis mouere dum bellum durat. Bellum autem durat, quum durat vita præsens: *milisia*

*enim est vita hominis super terram.* Iob. 7. Sap. 18. *Homo sine querela proferens suam seruitutis scutum orationem, restitit ira.*

1. Thess. 5. *Sine intermissione orate.* Pericula nunquam desunt, ideo continue indigemus Dei adiutorio. Nunquam deest miseria, ideo continue indigemus Dei misericordia. Ideo si fieri posset semper esset orandum. Sed quia alia negotia hoc non permittunt, præmittenda est oratio operibus nostris, & etiam intermiscenda. Hieronymus ad Paulam: In principio cuiuslibet operis præmitte Dominicam orationem, & signum crucis in fronte. Idem: Sicut militem sine armis ad bellum exire non conuenit: ita homini Christiano procedere non licet quolibet sine oratione. Bernardus: Hauriendus est sæpe lectionis serie affectus, & formanda oratio quæ lectionem interrumpat. Hieronymus: Orationi lectio, lectioni succedat oratio. Breue videbitur tempus, quod tantis operum varietatibus occupatur. Oratio & gratiarum actio deberent magnam partem vitæ nostræ occupare. Oratio opera nostra deberet præcedere, gratiarum actio sequi. Cum videmus mala vel in nobis vel in aliis, orandum esset. Cum videmus bona in nobis vel in aliis, gratiarum actioni esset instandum. 1. Thess. 5. *Sine intermissione orate, in omnibus gratias agite.* Bernard. ad fratres de monte Dei: Charitas tot modis in oratione vel gratiarum actione in Deum se iugiter refundit, quot in suis vel necessitatibus vel consolationibus, in proximis etiam vel compassionibus, vel congratulationibus causales in hoc materias inuenit pius affectus. Orationi vero præcipue intendendum est, vel cum maior est necessitas, vel maior temporis oportunitas. Maior necessitas orandi est, vt cum aliquam gratiam à Deo recepimus. Tunc enim instandum est apud eum, qui dedit eam vt nobis conferuet: quia vt ait Greg. cito bonum amittitur, nisi à largiente custodiatur. Poëta:

Orandi  
cur se-  
per.

*Non minor est virtus quam quærere, par-  
ta inueni.*

Quanto aliquis plus habet quod possit amittere, tanto diligentior & magis sollicitus debet esse de conseruatione. Ideo Dominus sacramento baptismi suscepto, orationi se dedit. Luc. 3. Item necessitas orandi est, cum aliqua ardua opera facturi sumus. Ideo Dominus electurus Apostolos, orationem præsumit. Luc. 6. Item necessitas orandi est cum imminet tribulatio, vel sibi vel proximo. Vnde Dominus imminente passione sua, ter orauit. Matth. 26. Et orationem suam multum protendit. Luc. 12. *Factus in agonia prolixius orabat.* Et Matth. 13. legitur quod ascendit in montem orare : & innuitur causa illius orationis, quum subditur: Nauicula autem in medio mari iactabatur fluctibus. De temporis verò oportunitate notandum, quod Bernard. ostendit tres horas diei multum oportunas esse orationi, dicens fratribus de mœnitate Dei: Extra istas horas de quibus dicit propheta, *Septies in die laudem dixi tibi:* matutinum aut vespertinum, aut mediæ noctis sacrificium maxime obseruandum est. Non enim ait Propheta frustra: *Mane astabo tibi & videbo,* sed quia tunc à curis exterioribus adhuc sumus ieiuni. Et dirigatur oratio mea sicut incensum in conspectu tuo: eleuatio manuum mearum sacrificium vespertinum: quia tunc ab huiusmodi impedimentis inuenimur digesti, qui etiam in nocturnis vigiliis nostris, quibus media nocte surgimus ad confitendum nomini Domini, confessionis eundem ordinem contexens: In die, inquit, tribulationis meæ, Deum exquisui manibus meis in nocte contra eum. Et alibi in Psalm. *Media nocte surgebam ad confitendum tibi.* Ad orandum mane mouemur exemplo Christi: Marc. 1. *Diluculo valde surgens Iesus, egressus abiit in desertum locum: ibique orabat.* Ad orandum vespere. Matth. 14. vbi sic legitur: *Dimissa turba, ascendit in montem solus*

*orare: vespere autem factus solus erat ibi.* Ad orandum nocturno tempore. Luc. 6. Vbi legitur: *erat pernoctans in oratione.* Efficaciam matutinae orationis ostendit. Iob 8. vbi dicitur: *Si diluculo consurrexeris ad Deum, & Omnipotentem fueris deprecatus, statim euigilabit ad te.* Et filij Israel mane colligebant manna. Exod. 16. Dulcedo enim Spiritus sancti tali hora impetranda est. Sapient. 16. *Oportet prænuntiare solem ad benedictionem tuam.* Consueuerunt tdiuites elemosynam dare pauperi, qui mane eis primo occurrerit. Item tempus opportunum ad orandum est dies Parasceues, in qua Dominus adeo largus fuit quod matrem suam dedit Ioanni, regnum latroni, corpus & animam in redemptionem humano generi. Ideo Ecclesia illo die pro omnibus orat Iudæis, paganis, schismaticis, hæreticis. Item tempus opportunum est ad orandum ante Ascensionem Domini, quando aduocatus Ecclesiæ, secundum representationem nostram, vadit ad curiam celestem: tunc enim formandæ sunt petitiones. Item tempus opportunum ad orandum, est tempore medio inter Ascensionem & Pentecosten. Consueuerunt enim filij regū dare larga munera suscepto regno. In Psalm. *Scitote quoniam mirificauit Dominus sanctum suum, Dominus exaudiet me, cum clamaero ad eum.* Item tempus idoneum ad orandum est in magnis solemnitatibus: Consueuerunt enim principes in festis magnis magna munera dare.

## C A P V T VII.

### Vbi sit Orandum.

**N**Otandum, quod vbique orandum est, cum vbique sint pericula, & vbique Dei auxilio indigeamus. 1. ad Timoth. 2. *Volo viros orare in omni loco, leuantes puras manus.* Sapient. 14. *Creatura Dei*

Dei in odium facta sunt, & in temptationem animarum hominum, & in misculam pedibus insipientium. Specialiter locus idoneus ad orandum, est locus secretus. Ilidor. de Sūmo bono: Oratio priuatis locis opportunius funditur. Matthæi 6. *Tu autem cum oraueris, intra in cubiculum tuum, & clauso ostio ora Patrem tuum.* Eiusdem 14. *Christus dimissa turba ascendit in montem solus orare.* Et Marci primo dicitur, quod abiit in desertum locum, ibique orabat. Et Lucæ 22. *Auulsus est à discipulis suis, quantum iactus est lapidis, & positis genibus orabat.* Item locus idoneus ad orandum, est templum materiale Deo dedicatum. Matth. 21. *Domus mea, domus orationis vocabitur.* 3. Reg. 9. *Exaudi orationem tuam, & c. sanctificauit domum istam, & c. & erunt ibi oculi mei, & cor meum cunctis diebus.* 1. Paral. 7. *Oculi mei erunt aperti: & aures meae erectae ad orationem eius, qui orauerit in loco isto.* Et subditur: *Elegi & sanctificauit locum istum: ut sit nomen meum ibi in sempiternum, & permaneant oculi mei, & cor meum ibi cunctis diebus.* In eod. *Quum compleisset Salomon fundens preces: ignis descendit de caelo, & deuorauit holocausta, & victimas, & maiestas Domini repleuit domum.* Exod. vlt. *Postquam cuncta perfecta sunt, operauit nubes tabernaculum testimonij, & gloria Domini impleuit illud.* Christus multum frequentabat templum materiale. Lucæ 19. *Erat quotidie docens in templo.* Et eiusd. 21. *Erat cunctis diebus docens in templo.* In templo inuentus est à matre sua. Luc. 22. & ait: *Nesciebatis, quia in his quæ sunt Patris mei oportet me esse?* Eiusd. 19. *Intrauit Iesus in templum.* Chrysost. Proprium erat boni filij ut veniens primum ad domum curreret patris. Tu autem imitator Christi factus, intrans ciuitatem, primum ante omnes actus ad Ecclesiam curras, & super Matth. 22. dicit gloss. Ingressus urbem primum templum adiit, dans formam religionis ut quocumque imus, domum orationis, si ibi est, primum ad eam, & per orationes

Deo commendati ad agenda negotia secedamus. Item locus idoneus ad orandum est templum spirituale, scilicet cor mundum & purum. Cor carnale vel malignum, stabulum vel spelunca latronum potius esse videtur, quam templum, 1. ad Cor. 3. *Templum Dei sanctum est, quod estis vos.* Psal. *domum tuam decet sanctitudo.* 3. Reg. 6. *Nihil erat in templo, quod non auro tegeretur.* 1. ad Cor. 3. *Nescitis, quia templum Dei estis, & spiritus Dei habitat in vobis?* Ioan. 4. *Spiritus est Deus: & eos qui adorant eum in spiritu & veritate oportet adorare.* 1. ad Cor. 14. *Orabo spiritu, orabo & mente.*

## CAPVT VIII.

## Quomodo sit orandum.

**A**tente orandum est. Vnde super illud. 1. Pet. vlt. *Vigilate in orationibus,* dicit gloss. Non animus cogitet aliquid præter id solum quod precatur. Indiscrete orare videtur, qui Deum precatur ut ei intendat: ipse vero nec sibi, nec Deo intendit, sed quod deterius est, immundo in corde versando foetorem horribile aspectu Dei ingerit. Reuocare debet cor suum qui vult orare. 2. Reg. 7. ait Dauid: *Inuenit seruus tuus cor suum, ut oraret te.* Potius orandum est corde quam ore. 1. Regi. *Anna quebat in corde suo, & vox illius penitus non audiebatur.* Matth. 6. *Orantes autem, nolite multum loqui.* Augustinus: *Diu orate cum vacat, non est improbum neque inutile: neque enim hoc est orare in multiloquio, si diutius oreitur: aliud est sermo multus, aliud diuturnus affectus.* Nam & de ipso Domino scriptum est, quod pernoctauit in oratione. Luc. 16. *Abstine ab oratione multa locutio, sed non desit multa precatio, si seruus perscuerat intentio.* Nam multum loqui in oratio est rem necessariam superfluis agere verbis. Multum autem preteritari est ad Deum, quem precamur, diuturna & pia cordis excitatione pulsare: quod

plerumque plus gemitibus, quàm sermonibus agitur. Item notandum est cum magnitudine desiderij. Deut. 4. *Cum quaesieris Dominum Deum tuum, inuenies eum, si tamen toto corde quaesieris.* Ier. 19. *Cum quaesieris me in toto corde vestro, inueniar à vobis.* Magnitudo desiderij clamor est quem Deus exaudit. De quo clamore Exod. 14. *Quid clamas ad me?* Dicit Dominus ad Moysen. Et Dan. 13. Exclamaui voce magna Susanna. Dilatatio desiderij est quasi præparatio cordis, vt sit capax eius quod petitur. Aug. Cur petere, querere, pulsare nos compellit, qui nouit quid nobis sit necessarium priusquàm petamus: nisi quia voluit exerceri nostrum desiderium in orationibus, quò possimus capere quod præparat dare: Item Aug. Si aliquando Dominus, tardius dat, commendat dona, non negat. Diu desiderata dulcius obtinentur: Cito autem data vilescunt. Seruat tibi Deus quod non vult cito dare, vt tu discas magna magis desiderare. Item notandum est cum gemitu & lachrymis. Exod. 2. *Audini gemitus eorum.* 1. Reg. 1. *Cum esset Anna amaro animo orauit ad Dominum, fletus largiter.* In Psalm. *Auribus percipe lacrymas meas.* Gloss. Quæ lacrymæ violentæ sunt in precibus. Ecclesi. 35. *Non despiciet preces pupilli, nec viduam suffundat loquelam gemitus.* Et in eodem subditur de lacrymis viduæ: *A maxilla usque ad cælum ascendunt.* Esa. 37. *Audiui orationem tuam, & vidi lacrymas tuas.* Osce 12. dicitur de Iacob luctante cum angelo. *Fleuit & rogauit eum.* Et Iudith. 8. *Indulgentiam illius fufus lacrymis postulamus.* Hebr. 1. *Preces supplicationesque cum clamore valido & lacrymis offerens exauditus est pro sua reuerentia.* Item orandum est humiliter. Psal. *Respexit in orationem humilium, & non spreuit preces eorum.* Eccl. 35. *Oratio humiliantis se, nubes penetrabit.* Iudith. 9. *Humilium & mansuetorum semper tibi placuit deprecatio.* Humilitate obtinuit Chananza à Christo quod voluit; catello se comparans, cum Chri-

stus eam cani comparasset, Matth. 15. & Mat. 7. habetur quod Christus ei dixerit, propter hunc sermonem, *Vade, exiit de monium de filia tua.* Mat. 8. Post illud verbum humile Centurionis, *Domine, non sum dignus vt intres sub tectum meum,* dictum est ei à Christo, *Sicut credidisti, fiat tibi.* Et Luc. 15. Postquam filius prodigus dixit: *Non sum dignus vocari filius tuus;* Pater accurrens cecidit super collum eius. Item orandum est confidenter sicut orabat David: *Miserere, inquit, mei; quoniam in te confidis anima mea.* Item orandum est perseveranter: vt ostendit Dominus Luc 11. exemplo amici qui panes necessarios accommodauit improbitate amici deprecantis deuictus. Et exemplo iudicis iniqui Deum non timentis & homines non reuerentis, qui improbitate viduæ victus, vindictam fecit ei de aduersario ipsius. Luc. 8. Apostoli perseverando in oratione, Spiritum sanctum accipere meruerunt. Act. 1.

## CAPVT IX.

## Quid in oratione sit petendum.

**I**n oratione petenda sunt gloria & gratia: siue regnū & iustitia regni. *Mat. 6. Primum quaerite regnum Dei, & iustitiam eius, & hæc omnia adicientur vobis.* Non monet Dominus vt temporalia quærantur. Primo, quia non sunt digna peti. Bona infirma sunt, & incuruantur qui amant & querunt ea. Quæ incuruatio demonibus placet: Esa. *Incuruare, vt transcamus.* Bernardus. Noli acquiescere dicenti; Incuruare vt transcamus; non enim est transcurus, sed te grauiter oppressurus. In Ps. *Miser factus sum & curuatus sum usque in finem.* ad Coloss. 3. *Qua sorsum sumo querite non qua super terram.* Secundo quia temporalia debentur his qui habent iustitiam regni. Iustitia enim regni filios facit. Filiis vero debetur prouisio. Vnde

Oratio  
quid &  
qualia  
petere  
debeat

## P A R S X.

## De speciebus Orationis.

super illud: *Et hæc omnia adiicientur vobis*, dicit gloss. Quia omnia sunt filiorum, & ideo hæc omnia adiicientur etiam non quærentibus: quibus si subtrahuntur, ad probationem est; si dantur ad gratiarum actionem. Tertio, quia nescit homo vtrum sibi expediat temporalia habere, cum vt frequentius possessoribus suis noceant. Prou. 1. *Vsq̃uequo stulticia qua sunt noxia cupienti?* Et super illud 2. ad Cor. 13. *Virtus in infirmitate perficitur.* Dicit gloss. Aug. Cum ea quæ Deus laudat & promittit, petitis, ab illo securi petite, illa enim propitio Deo conceduntur. Quando autem petitis temporalia, cum modo petite, & cum timore illi committite, vt si pro sint det: si scit obesse, non det. Quid enim ob sit vel pro sit medicus nouit, non ægrotus: Item notandum quod super illud Matth. 26. *Et orauit tertio eundem sermonem dicens.* Tanget gloss. tria à nobis petenda. Tribus vicibus, inquit, orauit, vt & nos à præteritis peccatis veniam, à præsentibus malis tutelam, & à futuris periculis cautelam oremus. De primo. Eccl. 38. *Fili, in infirmitate tua ne despicias te ipsum: sed ora Dominum, & ipse curabit te.* De secundo, Matth. 26. *Vigilate & orate vt non intreris in tentationem.* De tertio, Luc. 3. *Vigilate in omni tempore, orantes vt digni habeamini fugere qua ventura sunt.* Item, notandum quod in oratione petere possumus vt Deus custodiat nos ab occasione peccandi. Exemplo Salomonis dicentis. Prou. 30. *Mendacitatem & diuitias ne dederis mihi, sed tribuas tantum victui meo necessaria, ne forte illuciar ad negandum, & dicam: Quis est Dominus? aut egestate compulsus fuer, & periurem nomen Domini mei.* Item possumus in oratione petere id quod dat nobis occasionem salutis: vt eos qui nos recte instruant secundum admonitionem Christi. Matth. 9. *Rogate Dominum mecum, vt mittat operarios in messem suam.*

**O** Ratio potest diuidi in orationem fructuosam. Fructuosa oratio multas habet species. Quædam enim fit verecundo & humili affectu. Qualis fuit oratio publicani, qui non audebat oculos suos in cælum leuare. Lucæ decimo octauo. Item talis fuit oratio filij prodigi, qui ait ad patrem suum: *Pater, peccauit in cælum & coram te, iam non sum dignus vocari filium tuum.* Luc. 15. Verecundia multum placet Deo in pœnitente, sicut impudentia displicet ei in peccatore. Bernardus: Quantum displicet Deo impudentia peccatoris, tantum placet ei erubescencia pœnitentis. Similiter humilitas orantis multum placet ei. Bernardus: Citius placas Deum si mensuram tuam seruaueris, & altiora te ne quæsieris. Quædam oratio fit in puro affectu: sic orauit Susanna, Dan. 13. dicens: *Domine Deus, tu scis quia hæc isti malitiose composuerunt aduersum me.* Alia species orationis fit lato affectu. Sic orauit Moyses, Exod. 32. dicens: *Aut dimitte eis hanc noxam: aut si nō facis, dele me de libro tuo quem scripsisti.* Alia oratio fit grato affectu. Sic inonet Apostolus orate ad Col. 4. *Oratione instate, vigilantes in ea in gratiarum actione.* Oratio infructuosa similiter multas habet species. Quædam enim est simiatica, quæ solis labijs fit. De qua Matth. 15. *Populus hic me labijs honorat: cor autem eorum longe est à me.* Esa. 29. sic habetur: *Appropinquat populus iste ore suo, & labijs suis glorificat me: cor autem eius longe est à me:* Aug. Sicut vox sine modulatione quali vox picarum; sic oratio sine deuotione quali mugitus bouum. Idem August. Quid prodest strepitus labiorum, si multum est cor: Qualis differentia inter paleam & granum, & inter simillam & fufur, & inter pellem animalis & ipsum animal, talis est

Oratio-  
nis duæ  
species.

Deuotio  
quid.

differentia inter sonum vocalis orationis, & deuotionem cordis. Praui pastores pro animali sola pellem reddunt: quibus similes sunt qui male orant, tantum exteriorē sonum vocalis orationis habentes. Et notandum quod deuotio sic describitur. Deuotio est teneritudo cordis qua quis de facili in lacrymas resoluitur. Vel sic, Deuotio est seruator bonae voluntatis quem mens cohibere non valens certis manifestat indicis. Deuotio est medulla holocaustorum. Sine ipsa holocausta sunt arida. Psal. *Holocausta medullata offeram tibi*. Alia species instructioe orationis est, oratio praeter opera: qualis fuit oratio Eliæ, cum petiit animam suam ut moreretur. 3. Reg. 19. Tertia species est, salutis contraria. Qualis fuit oratio Pauli petentis se stimulum amoueri. 2. ad Cor. 12. Quarta species est, oratio praesumptuosa. Qualis fuit oratio filiorum Zebedæi, qui volebant peruenire ad regnum, non per calicis potum: quibus dictum est: *Nescitis quid petatis*. Matth. 20. Quinta species est, oratio ridiculosa. Qualis est oratio hypocritarum, qui elati de multitudine operum suorum Deum quasi irrident, dum manibus plenis elemosynam gratiae ab eo petunt. Talis fuit oratio superbi Pharisæi, dicentis: *Ieiunobis in sabbato, decimas de omnium quae possideo*. Luc. 18. Vacuas oportet esse manus hominis per humilitatem, ad hoc ut elemosyna gratiae ei a Deo detur. Item oratio hypocritarum ridiculosa est, qui manus tendunt ad terram cum elemosynam petunt ab eo qui est in caelis: terrenam enim mercedem querunt in operibus suis. Item potest diuidi oratio in postulationem & obsecrationem, & orationem strictè sumptam. Et sumitur haec diuisio ex illo verbo 1. ad Tim. 2. *Obsecro ergo primum omnium fieri obsecrationes, orationes, postulationes, gratiarum actiones*. Membra vero ista notificat Bern. in epist. ad fratres de monte Dei, his verbis: Postulatio, inquit, est circa obtinenda temporalia & necessaria vitae hu-

ius, in qua Deus postulantis quidem approbans bonam voluntatem, facit tamen quod ipse melius iudicat, & dat libenter sequi postulantem. Ad postulationem pertinet petere tranquillitatem pacis, suauitatem corporis, temperiem aeris. Obsecratio est in exercitiis spiritualibus anxia ad Deum instantia. Oratio est hominis Deo adhaerentis affectio, & familiaris quaedam & pia allocutio. Gratiarum actio est in intellectu & cognitione gratiae Dei bonae voluntatis indeficiens & interflexa intentio. In postulationibus pie ac fideliter est orandum, sed non est illis pertinaciter inhærendum: quia nos nescimus, sed Pater noster qui est in caelis, quid in temporalibus istis necesse est nobis. Obsecrationibus insistendum est, sed in omni humilitate & patientia, quia non afferunt fructum nisi in patientia. Nonnunquam enim cum celerius gratia non subuenit, fit obsecranti caelum æneum, & terra sua ferrea. Et cum relicta sibi humani cordis duritia, ad votum exaudiri non meretur: anxietas desiderantis negari sibi existimat quidquid differtur. Cumque sicut Chananaea illa praeteriri se aut despici gemiscit, quasi in immunditia carnis praeterita sibi peccata imputari vel impropere imaginatur. Nonnunquam vero sine labore petens accipit, quærens inuenit, & pulsanti aperitur, & consolationes ac suauitates orationis inuenire tandem meretur labor obsecrationis. Nonnunquam etiam puræ orationis affectus & bona illa affectionis suauitas non inuenitur, sed quasi inuenit eum non petentem, & quasi nescientem gratia praëuenit, & tanquam genus seruorum suscipitur in mensa filiorum, & rudis adhuc & insipiens animus in eum orandi assumitur affectum, qui pro merito sanctitatis reddi solet meritis perfectorum. Quod cum sit, agitur ut vel in iudicium suum negligendi, non liceat nescire quid negligat: vel ut prouocatio charitatis amorem in eo

vitro se proferentis accendat. In quo, proh dolor! multi falluntur: quia cum pane pas-  
cuntur filiorum, iam se filios esse ar-  
bitrantur: & deficientes vnde profice-  
re debebant, ex visitante gratia eua-  
nescent à conscientia sua, se esse aliquid  
arbitrantes, cum nihil sint. Item oratio  
sic potest diuidi. Est oratio quam aliquis  
pro se ad Deum dirigit: & est oratio qua  
aliquis pro alio intercedit, quæ suffragiū  
dicitur: quod suffragium humiliter pe-  
tendum est, & maximè à sanctis qui iam  
beati sunt. Iob 5. *Ad aliquem Sanctorum  
convertere.* Populus etiam humiliter de-  
bet suffragium petere à ministris Ecclē-  
siæ. Levit. 3. *Regante pro eis sacerdote pro-  
pius eris eis Dominus.* Item habetur ei-  
dem 5. & Num. 16. *Deprecatus est Aaron  
pro populo, & plaga cessavit.* Ministri etiam  
Ecclēsiæ suffragium humiliter debent pe-  
tere à populo, exemplo Pauli ad Rom. 15.  
*Obsecro, inquit, vos fratres per Dominum  
nostrum Iesum Christum, & per charita-  
tem sancti Spiritus, ut adiuuetis me in  
orationibus vestris pro me ad Deum.* Item  
petendum est suffragium ab his qui cre-  
duntur esse speciales Dei amici. Iob. 42.  
*Iob seruus meus orabit pro vobis: faciem  
eius suscipiam.* Illi verò qui in Christo de-  
cedit, dicendum est illud. Gen. 40. *Memento  
mei, cum bene tibi fuerit.* Libenter debet  
orare vnus pro alio. Iacq. 5. *Orate pro in-  
uicem, ut saluemini.* Et 1. Ioan. 5. *Qui scit  
fratrem suum peccare peccatum, non ad  
mortem: petat, & dabitur ei, &c.* Multum  
etiam sperandum est de suffragiis sancto-  
rum, ad Philip. 1. *Scio quod hoc mihi proue-  
niet ad salutem per vestram orationem.*  
Idem ad Philemonem: *Spero per orationes  
vestras donari me vobis.* De commenda-  
tione & expositione Dominicæ orationis,  
require in sermone illo epistolarum: *Om-  
nes unanimes in oratione estote.* Isidor. de  
summo bono: Fidei symbolum & Do-  
minica oratio pro tota lege paruulis Ec-  
clesiæ ad colorum regna sufficit capessen-  
da: omnis enim latitudo scripturarum, in

eadem oratione Dominica & Symboli  
breuitate concluditur.

## P A R S VIII.

De laude Dei, & de necessariis inten-  
denti laudi diuina.

Nunc tangendum est de laude Dei &  
gratiarum actione, quæ orationibus  
suis consuevit Ecclesia admiscere. Et pri-  
mo de laude Dei. Ad quam multum in-  
citat nos sacra Scriptura. David: *Immola  
Deo sacrificium laudis.* Idem: *Psallite Deo  
nostro, psallite, &c.* Eccl. 39. *In omni corde  
& ore collaudate, & benedicite nomen Do-  
mini.* Heb. 13. *Offeramus hostiam laudis  
semper Deo.* Apoc. 19. *Laudem dicite Deo no-  
stro omnes sancti eius, & qui timeatis Deum.  
pusilli & magni.* Ad laudandum Deum  
maximè incitat Scriptura. Psalm. in tertia  
quingena, quæ in laude terminatur:  
*Omnis spiritus laudet Dominum: & in qua  
sunt tot psalmi incipientes, vel à verbo  
laudandi, vel confitendi, vel cantandi.* Itē  
ad laudandum Deum incitat omnis crea-  
tura. Greg. Mirum est quod homo sem-  
per Deum non laudat: quia quælibet crea-  
tura ad eum laudandum semper inuitat:  
Opera laudabilia artificem laudabilem  
ostendunt. Eccl. 9. *In manu artificum ope-  
ra laudabuntur.* Prou. vlt. *Laudent eam in  
portis operacius.* August. 4. lib. Confess.  
Si placent opera Domini, ex his lauda:  
& in artificem eorum retorque amorem,  
ne in his quæ tibi placent tu displiceas.  
Idem intellige de aliis operibus Dei:  
Laudatio Dei est valde nobilis operatio,  
cum angeli & animæ iam beatæ huic  
operationi intendunt. In Psalm. *Beati qui  
habitant in domo tua Domine, in secula se-  
culorum laudabunt te.* August. in libr. de  
Ciuitate Dei: Vacabimus & videbimus:  
videbimus, & amabimus: amabimus.

Deum  
laudare  
quæ in-  
ducant.

§ f iij

& laudabimus. Laudationem ponit ultimam operationem: ideo pallio comparatur. Esa. 61. *Pallium laudis pro spiritu meroris.* Pallium superponitur aliis vestibus. Bernardus loquens de cœlesti ciuitate, dicit quod eius operatio est assidua Dei laudatio: multum gaudere deberet, qui in terris admittitur ad hanc cœlestem operationem exercendam. August. in lib. de doctrina Christiana. Deus, cum de illo nihil digni dici possit, admisit tamen humanæ vocis obsequium; & verbis nostris in laude suos gaudere voluit. Bernard. super Cant. Nihil ita propriè in terris representat quendam cœlestis habitationis statum, sicut alacritas laudantium Deum. Qui beati sunt, perfecte Deum laudant; sed qui sunt in præsentī vita, imperfecte. *Vnde iubilant.* Iob. 38. *Cum me laudarent simul astra matutina & iubilarent omnes filij Dei.* Greg. Iubilatio dicitur, cum cordis lætitia oris efficacia non impletur. Laudant angeli, qui iam tantæ claritatis latitudinem in sublimibus vident. Iubilant vero homines, quia adhuc in inferioribus oris sui angustias sustinent. Bernard. Sēmiuius in terra relictus semilaudare possum: vbi totus vixero, ibi totus in laudem. Loquela homini data est ad laudandum Deum: & qui Deum non laudat, quasi mutus reputandus est. August. in lib. Conf. Vx, tacentibus de te, quoniam loquaces muti sunt! Felix esset qui semper posset laudi diuinæ insistere. Hieronymus: Felix lingua quæ non nouit nisi de diuinis texere sermonem. In Psal. Sem-

*Psalm. 31. per laus eius in ore meo.* Eccles. ult. *Laudabo nomen tuum assidue.* Esa. 62. *Tota die & tota nocte non tacebunt.* Operatio ista valde est Deo gloriosa. In Psal. *Sacrificium laudis honorificabit me.* Tob. 12. *Opera Dei reuelare & confiteri honorificum est.* Item operatio ista homini valde est utilis. Ipsa malignum spiritum fugat. 1. Reg. 6. *Ecce spiritus Domini malus exagrat te. Iubeat Dominus noster rex, & serui sui, qui coram te sunt, querant hominem*

*scientem psallere in cithara: ut quando arripueris te spiritus Domini malus, psallat manu sua, & lenius feras.* Et subditur in hoc capit. *David tollebat citharam, &c. & lenius habebat Saul, recedebat enim ab eo spiritus malus.* In Psal. *Laudans inuocabo Dominum, & ab inimicis meis saluus ero.* Item Spiritui sancto viam præparat. Gregor. super Ezech. Cum vox Psalmodiæ per intentionem cordis agitur, omnipotenti Deo iter ad cor paratur. 4. Reg. 1. Cum caneret Psaltes, facta est super Eliæum manus Domini. Item hominem lætificat. In Psal. *Exultabunt labia mea cum cantauero tibi.* Iac. 5. *Tristatur quis in vobis? orat æquo animo, & psallat.* Gl. Crebra psalmodiæ dulcedine nociuam tristitiæ pestem de corde expellat. Item ad Deum cor reuelat. Bernard. Cum à corde fortis missa fuerit omnis immunditia, oculos cordis attollunt meditatio admirabilis essentia Dei, & castæ veritatis inspectio, oratio munda & valida, iubilus laudis, & desiderium ardens in Deum.

Et notandum quod homines maxime debent instare laudi diuinæ ex quo sunt redempti. Vnde nato Salvatore, facta est multitudo militiæ cœlestis laudantium Deum, Lucæ 2. ad prouocandum homines ad Dei laudem. David: *Consecrantur tibi populi Deus, consecrantur tibi populi omnes.* Et subditur causa: *terra dedit fructum suum.* Terra dicitur beata Virgo, quæ dedit fructum sufficientem & hominibus & angelis ad æternam refectiōem. Esaia 52. *Gaudete, & laudate simul deserta Ierusalem: quia consolatus est Dominus populum suum, redemit Ierusalem.* Fecit Salomon duo Cherubim in lateribus arcæ, habentes pedes obliquatos & quasi ad iubilandum eleuatos, vt in tripudiis habent mulieres saltando iubilantes. Arca figurat Dominicum corpus. Duo Cherubim quasi iubilantes iuxta arcam, sunt clerici & religiosi filium Dei assumendo humanam naturam, humilitatem laudantes & glorificantes. Item legitur

Dei laudibus cur insistendum.



Lucæ ultim. de discipulis quod post ascensionem Domini reuersi sunt in Ierusalem, & erant semper in templo laudantes & benedicentes Deum. Item notandum quod operatio ista discrete est exercenda. In Psalm. *Quoniam rex omnis terra Deus, psallite sapienter.* Item Bernard. Psallite ei in vociferatione. Vociferatio est desiderij magnitudo. Vnde super illud Exod. 14. *Quid clamas ad me?* Dicit gloss. Voces apud aures Dei non faciunt verba nostra, sed desideria. Et qui vult laudi Dei insistere. Primo prouidentia est munditia. Eccl. 15. *Non est speciosa laus in ore peccatoris.* In Psalmis. *Confessio & pulchritudo in conspectu eius.* Confessio, inquam, laudis. Cantic. 2. *Sonet vox tua in auribus meis: vox enim tua dulcis, & facies tua decora.* Denique sex sunt necessaria, quæ tangit Bernard. super Cantic. 13. sermone, his verbis: Immolantes hostiam laudis, & red dentes vota nostra de die in diem, curemus omni vigilantia iungere sensum vsui, affectum sensui, exultationem affectui, grauitatem exultationi, humilitatem grauitati, libertatem humilitati, quo interdum liberis purgatæ mentis passibus procedamus & excedamus per inusitatas quasdam affectiones, speciales lætities, in iubileis amœnitatibus, in lumine Dei, in suauitate, in Spiritu S. Sensus iungendus est vsui: id est, psalmorum intelligentia cum attentione prælationi vocis. Vnde super illud Psalm. *Psallite sapienter*, dicit Gloss. Nemo sapienter facit quod non intelligit. Bernard. Cibus in ore, psalmus in corde, non negligat anima illum terere dentibus intelligentiæ suæ, ne si forte integrum glutiat, frustretur palatum sapore dulciori super mel & fauum. Item iungendus est affectus sensui. Bern. Nunquā intelliges David, donec ipsa experientia ipsos Psalmorum indueris affectus. David intelligit in illo psalmo, *Domine, ne in furore*: qui affectum timoris induit, vt ad intuitum illius furoris quem Deus exercet in die illa contremiscat. Hieronym.

Quoties illam diem cogito, toto corpore contremisco. David intelligit in illo Psalm. *Deus iudicium tuum regi dā: qui districtio-* *Psalm. 76.*  
nem extremi iudicii timet, & ad Christi timorem habet. Duplici enim affectu incitabatur Psalmista, quum illud peteret. Item exultatio iungenda est affectui. Vnde *Psalm. 34.* Hieron. Malo psalmum vnum cum hilaritate mentis decantare: quā totum psalterium, cum torpore, fastidio, & accidia. Item, quia leuitas solet comitari exultationem, iungenda est grauitas exultationi. David: *In populo grani laudabor e.* Item: *Exultate ei cum tremore:* & quia homines graues solent contemnere homines leues, vel fauorem vanæ gloriæ de grauitate sua quærere, ideo humilitas iungenda est grauitati. Bernard. Magna virtus humilitas, sine cuius obtentu virtus non solum virtus non fit, sed etiam in superbiam erumpit. Item quia humilitatem quandocūque sequitur pusillanimitas, iungenda est etiam humilitati libertas, quæ est *Laudan-*  
quum cordilata est abundantia gratiæ, *dus Deus*  
vt mere voluntariè faciat quod pro Deo *non ser-*  
facit. 2. Cor. 3. Vbi Spiritus Domini, ibi *mone so-*  
libertas. Tullius: Libertas est potestas *lum, sed*  
viviendi vt velis. Item notandum quod *opere.*  
non solum laudandus est Deus sermone, sed etiam bene viuendo. Laus enim bonæ vitæ magis continua est. Augustinus: Qui Deum lingua laudat, non semper laudare potest: qui Deum moribus laudat, semper potest. 1. ad Corinth. 10. *Sive manducatis sive bibitis, vel aliud quid facitis, omnia in gloriam Dei facite.* Augustinus: Si quod manducas & bibis, ad refectiōem corporis sumis reparatiōemque membrorum, gratias agens ei qui tibi præbuit mortali ac fragili ista supplementorum solatia, cibus tuus & potus laudat Deum. Item notandum, quod gratior est Deo laus quæ exhibetur in aduersitate, quā quæ in prosperitate. Gregor. in Moralib. Despecta vox confessionis est, quam format iucunditas prosperitatis. Et intelligas hoc de confessione laudis.

**Idem** : Sola confessio habet meritum magni ponderis, quam à veritate rectitudinis non separat vis doloris. In Psalm. *Rectos decet collaudatio*. Gloss. Recti sunt qui dirigunt cor suum secundum voluntatem Dei, quæ est regula, & proponunt voluntatem meliori suæ voluntati : id est, voluntatem omnipotentis voluntati infirmi. Curuus laudat Deum quando sibi bene est: blasphematur, quando male: rectus vero semper, id est, in prosperis & in aduersis: ut dicit Gloss. ibidem.

## P A R S X.

*De his quæ possunt hominem incitare ad gratiarum actionem. Et de beneficiis pro quibus homo regratiari debet Deo.*

Gratiarum  
actionem  
prouocā-  
tia quot  
sint.

**O**CIO sunt, quæ possunt hominem incitare ad gratiarum actionem. Primum est, admonitio sanctarum Scripturarum. Bernardus: Disce in ferendo gratiam non esse tardus aut segnis. Disce ad singula dona gratias agere: diligenter cōsidera quæ tibi apponuntur, ut nulla Dei dona debita gratiarum actione frustrentur. Tob. 3. *Omni tempore benedic Deum*. ad Col. 3. *Omne quodcumque facitis in verbo aut in opere, omnia in nomine Domini nostri Iesu Christi facite, gratias agentes Deo & patri*. Eiusdem 4. *Orationi instantes, vigilantes in ea in gratiarum actione*. Ad Ephes. 5. *Gratias agentes semper*. 1. ad Thessal. 5. *In omnibus gratias agite*.

Secundum est admonitio creaturarum, quæ incessanter nos inuitant ad gratiarum actionem: Beneficium enim datum alicui inuitat eum ut danti gratias agat. Ergo quum omnia quæ videmus homini data fuerint, secundum illud Genes. 1. *Faciamus hominem ad imaginem & similitudinem nostram: & præsint piscibus maris & volatilibus cæli, & bestiis terræ, uniuersaque creaturæ*: omnia quæ videmus ad

gratiarum actionem nos inuitant. Tertium est, ipsum tempus in quo sumus, scilicet tempus gratiæ, cui nulla operatio magis congruere videtur quam gratiarum actio. Ideo valde bonum videtur gratiarum actioni instare. Prouerb. 15. *Sermo opportunus optimus est*. August. ad sanctum Aurelium: Quid melius animo geramus, & ore probemus, & calamo exprimamus, quam Deo gratias? Hoc enim nec dici breuius, nec audiri lætius, nec intelligi grandius, nec agi fructuosius potest. Quartum est, quod gratiarum actio operatio est quæ exercetur in paradiso, in Psalm. *Misericordias Domini in æternum cantabo*. Hoc canticum erit gratiarum actio, de hoc quod fuerimus misericorditer à periculis liberati. Esaiæ 51. *Gaudium & lætitia inuenietur in ea, gratiarum actio, & exultatio*. Vnde bonum est assuescere huic operationi quam in futuro exercebimus. Bonum est addiscere officium quod tamdiu facere oportebit. Quintum est, utilitas multiplex quæ ex hoc opere sequitur. Prima est, quod ipsa hominem in tribulatione custodit, Deum ei adesse faciens, quod figuratum est Danieli 1. 3. in pueris qui in fornace suppositi gratias agentes Deo, ab igne læsi non fuerunt, & quartus apparuit eis similis filio Dei. Secunda est, quod diuinam largitatem prouocat ad dandum. Prouerb. 11. *Anima quæ benedixit impinguabitur*. Ad locum vnde exeunt flumina gratiarum reuertuntur, ut iterum fluant. Eccles. 42. *Benedicentes Dominum, exaltate illum quantum potestis: exultantes autem replebimini virtute*.

Quos  
fructus  
prouocat.

Sextum est, quod hæc operatio multum placet Deo. Gratiarum actio adeps est spiritualis, de quo Leuit. 3. *Omnis adeps Domini erit in re perpetuo*. Item vnguentum est quo caput Ecclesiæ vngitur. Matt. 29. & Marc. 14. Bernard. Bonum est vnguentum contritionis, quod peccatorum recordatione conficitur; melius deuotionis, quod fit de recordatione beneficiorum Dei.

Septi-

Ingrati-  
tudinis  
quarta  
mala.

Septimum, quod ingratitude quæ gratia-  
rum actioni contraria est, rusticitas est ma-  
gna. Si magna est rusticitas ei cui mit-  
titur vasculum vini gratias non agere: quã-  
ta rusticitas est ei gratias non agere, qui  
incessanter nobis tribuit bona sua? Greg.  
Dignum est semper gratias agere, quia  
Deus numquam cessat benefacere. Ulti-  
mum est, multiplex malum quod proue-  
nit ex ingratitude. Primum est, quod  
bona iam à Deo accepta, auferri facit. Vin-  
de super illud ad Rom. 1. *Qui quum Deum  
cognouissent, non sicut Deum glorificauerunt  
aut gratias egerunt*, dicit August. Quod  
Deus dederat gratis, tulit ingratias. Secun-  
dum est quod impedit ab his quæ daren-  
tur homini, nisi fuisset ingratus: Gregor.  
Non est dignus dandis qui non agit gra-  
tes de datis. Bern. Ingratitude est ventus  
vrens, siccans sibi fontem pietatis, rorem  
misericordiæ, fluentia gratiæ. Tertium est  
quod non solum priuat hominem bonis,  
imò etiam pœnam addit. Vnde Ezechiel  
punitus est de ingratitude: Cum enim  
Dominus dedisset ei triumphum incredi-  
bilem, & percussisset CLXXXV. mil-  
lia in castris Sennacherib: licet secundum  
Iosephum cum populo hostias Deo im-  
molasset, non tamen digne gratias egit,  
& canticum non cantauit, sicut in huius-  
modi patres consueuerant facere, & ideo  
ægotauit ad mortem. Esa. 38. Item no-  
tandum quod gratias agere debemus Deo,  
& de beneficiis generalibus, & de specia-  
libus & de singularibus. Generalia tangit  
Bernard. dicens: Agamus fratres gratias  
factori nostro, benefactori nostro, re-  
demptori nostro, remuneratori nostro.  
Primum, quod nobis præstitit, quod nos  
ipsi sumus. Adiecit etiam vnde subsisteres  
qui iam eras. *Faciamus*, inquit, *hominem*,  
*Ecce*. Quid verò postea? *Ecce præsit piscibus*,  
*Ecce*. Iam tertium opus tuæ redemptionis  
attende. Idem: Fecit te Deus tuus: fecit  
tam multa propter te, factus est ipse te-  
cum caro vna, te quòque faciet secundum  
spiritum vnum. Beneficia specialia sunt

Gratiarū  
actiones  
de quib.  
benefi-  
ciis po-  
rissimum  
habende  
sunt.

tria. Primum est, beneficium expectatio-  
nis quo Deus peccatores patienter expe-  
ctat ad pœnitentiam. Secundum est iu-  
stificationis, quando diu expectatos con-  
uertit, infundendo gratiam suam. Ter-  
tium conseruationis, quando conuersos  
in statu bono conseruat. Et notandum  
quod circa vnumquodque horum bene-  
ficiorum quinque attendenda sunt, vt a-  
gnoscamus magnitudinem eorum. Circa  
primum debet homo cogitare quoties  
meruerit vt tempus pœnitentiæ sibi au-  
ferretur. Quoties enim mortaliter pecca-  
uit, hoc meruit. Peccator enim indignus  
est vita, quia ingratus est auctori vitæ:  
Iob 30. *Qui ipsa vitæ putabantur indigni*.  
Secundo, debet cogitare quàm proximus  
fuerit quandòque amissioni misericor-  
diæ. Tanto enim misericordia gratior est,  
quanto pœna proximior est à qua parti-  
tur. Vt si aliquis suspendendus iam la-  
queum haberet in collo, vel si mutilan-  
dus membro, iam membrum haberet su-  
pra lignum vbi mutilari deberet, maius  
beneficium reputaret si tunc liberaretur.  
Vnde debet homo cogitare, si quandòque  
fuit in periculo mortis, dum in statu erat  
damnationis, & quo iuisset si in illo statu  
decessisset, & quid promeruerit apud  
Deum, vt tunc Deus ei pepercerit. Ter-  
tio debet cogitare quàm pretiosam rem  
Deus ei contulerit, quando tempus pœ-  
nitentiæ ei dedit. Pretiositas temporis ex  
duobus penditur. Primo ex hoc, quod  
in momento temporis potest homo lu-  
crari regnum æternum. Secundo ex hoc,  
quod illis qui sunt in inferno plus vale-  
ret momentum temporis in quo pœni-  
tentiam agerent, quàm tanta massa auri  
quanta est totus mundus. Bernardus: Ni-  
hil pretiosius tempore. Sed heu! hodie  
nihil vilius reputatur. Valde ingratus est  
peccator qui non vult conuertere, quum  
quælibet hora temporis quam dat Domi-  
nus, plus valeat, quàm centum marcæ au-  
ri. Quarto debet cogitare, quàm male  
meruisset vt res tam pretiosa ei confer-

T c

retur, qui magnum tempus sibi prius datum in contumeliam Dei expenderat. Quinto, debet cogitare qualiter sciebat Deus eum esse vsurum tanto beneficio. In hoc enim est cumulus diuinæ misericordiae, quod licet Deus sciuerit eum vsurum tanto beneficio pro magna parte in contumeliam sui: tamen non dimisit propter hoc dare illi. Circa secundum beneficium debet homo cogitare, primo à quibus vinculis Deus liberauerit eum. Tot vinculis est peccator ligatus, quot peccatis irretitus: iuxta illud Prouerb. 5. *Iniquitates suae capiunt impium, & funibus peccatorum suorum quisque constringitur.* Et sunt ideo fortia vincula ista, quod nec etiam per mortem quandòque soluuntur. Vnde non parum debet esse gratus Deo, quem Deus ab his vinculis liberauit. Secundo debet cogitare quot & quanta ei Deus dimisit: pro quolibet enim mortali ei dimisso, reus erat mortis aeternae. Si quis esset reus mortis temporalis quæ momentanea est, pro dimissione illius paratus esset illi seruire tota vita sua. Quid ergo faciendum est pro dimissione mortis aeternae, quæ etiam vni soli mortali debetur? August. Cui dictum est, *Nauiga, ne moriaris, & distulit: cui dictum est, Labora, ne moriaris, & piger fuit.* Leuia iubet Deus, vt in aeternum viuamus, & obedire negligimus. Tertio, debet cogitare ad quantam dignitatem Deus eum elegit quando eum iustificauit. Elegit enim eum ad regnum aeternum. Quarto, debet cogitare in quali statu Deus eum elegerit: hostis enim Dei erat, & indignus etiam pane quo vescabatur. Peccator enim secundum August. indignus est pane quo vescitur. Quinto debet cogitare quod Deus relinquit quibus tale beneficium non præstitit, imo in peccatis suis eos perire permisit. Circa beneficium vero conseruationis, primo attendenda est difficultas standi, quæ apparet specialiter in tribus personis, scilicet in Lucifero, qui cum esset maxima arbor

paradisi, ad modicum ventum siue flatum superbiae cecidit. Et in Adam, qui cum esset sine corruptione naturalium: tamen propter cohabitationem vnius mulieris, paradisum amisit. Hieronym. Memento semper quod paradisi colonum de possessione sua mulier eiecerit. Si potuit mulier eijcere eum qui iam erat in paradiso, non est mirum si iam eos impediatur qui nondum in paradisum perueniunt. Difficultas etiam standi patet in Iuda, qui cum esset sub tanto pastore, & inter tales fratres, tamen occasione modicæ administrationis cecidit, & non adiecit vt resurgeret. Secundo, debet attendere pugnam continuationem in qua sumus. Diabolus enim nos impugnare non cessat, vt saltem tædio vincat. Miratur aliqui cum audiunt aliquem bonum cecidisse, sed non est mirum si quandòque cadat qui continuè est in pugna, imo potius mirum est si aliquando non cadat. Legitur in vitis Patrum, quod quidam venit ad abbatem Theodorum, dicens ei: Ecce quidam frater reuersus est ad seculum. Respondit abbas Theodorus: In hoc non admireris: sed si audieris quod præualuit quis effugere de ore inimici, hoc admirare. Tertio, debet attendere propriam infirmitatem: tantæ enim infirmitatis est homo, vt ad sibi vnius verbi dei iiciatur. Quarto, hostis impugnantis potestatem cum astutia & crudelitate. De potestate, Iob 42. *Non est potestas super terram quæ ei compareretur.* De astutia. Genes. 3. *Serpens erat callidior cunctis animantibus terræ.* De crudelitate. Gregor. Nihil se fecisse æstimat, quàm animas non lauciat. Incessanter sitit diabolus sanguinem nostrum. Vnde sanguisuga vocatur. Prouerb. 30. *Sanguisuga duæ sunt filiae, dicentes, Affer, Affer.* Quinto, debet attendere periculorum varietatem. Tot enim sunt pericula quòd quando aliquis vult cauere ab vno, incidit in aliud. Vnde Esa. 24. *Et erit qui fugerit à facie formidinis, cadet in foveam: & qui se expli-*

*enerit de fouea, tenebitur laqueo.* Formido est peccatum auaritiæ quod homines formidare facit. Vnde de auaro legitur. *Iob 15. Sonitus terroris semper in auribus eius: & quum sit pax, ille semper insidias suspicatur.* Fonea est peccatum luxuriæ: fonea enim profunda est meretrix, vt legitur *Prouerbiorum 23.* Laqueus vero peccatum superbiæ, quo volatilia huius mundi, scilicet nobiles capiuntur. Singularia beneficia sunt quæ unicuique singulariter sunt exhibita. Pro quibus etiam Deo gratiæ agendæ sunt secundum illud Bernard. prius positum. Disce ad singula dona gratias agere.

## DE OBEDIENTIA.

P A R S X.

*Qua habet septem Capitula.*

C A P V T I.

*De Ordine dicendorum de Obedientia, & de descriptione eiusdem.*

**O**bedientia debetur & creatori & creaturæ. De qua hoc modo dicitur. Primo ponentur descriptiones ipsius. Secundo eius commendationes. Tertio tangetur de his quæ possunt iuuare obedientiam. Quarto de gradibus obedientiæ. Quinto, de partibus ipsius. Sexto, de his quæ obedientiæ aduersantur. Septimo, tangetur de errore illorum qui dicunt soli Deo obediendum esse, & non homini. Obedientia sic describitur: Obedientia est voluntas faciendi præceptum, vel mandatum superioris. Et intelligas mandatum quod fit mediate per nuntium vel literas: Præceptum verò quod fit immediate. Vel mandatum intelligas voluntatem indicandi, quæ est sine coactio-

ne imperij: Præceptum vero quando est imperij coactio. Item sic potest describi: Obedientia est obtemperatio secundum regulam sacræ Scripturæ maioribus quibuscunque debita. Et intellige sacram Scripturam largè, etiam pro statutis canonicis & legalibus, in quibus agitur de iurisdictione superiorum. Item sic describitur obedientia: Obedientia est spontaneum & rationale propriæ voluntatis sacrificium. Vel sic: Obedientia est pio studio propriæ voluntatis abnegatio. Et notandum quod propria voluntas dupliciter accipitur. Vno enim modo dicitur propria voluntas quæ non est Deo subiecta: & secundum hoc abnegatio propriæ voluntatis fit, quum voluntas nostra diuinæ voluntati subijcitur. Alio vero modo dicitur propria voluntas, voluntas quæ non est subiecta homini. Et secundum hoc, propria voluntas abnegatur in eo qui voto se obligans homini, voluntatem suam subdit voluntati humanæ. Et sic abnegatio propriæ voluntatis specialiter videtur pertinere ad religiosos. Pio studio dicitur, ad differentiam illorum qui voluntatem suam humanæ voluntati subdunt timore serui, vel pro lucro terreno. Et intellige hîc pium studium vehementem animi applicationem ad cultum Dei, vt pium hîc dicatur à pietate quæ dicitur Theosebia.

Et notandum quod alicui visum est quod obedientia, prout est virtus specialis attenderetur, respectu eorum quæ sunt indifferentia. Et ad confirmandum hoc vsus est illo verbo August. in libr. de vera religione: Peccatum est non solum malum, sed etiam vetitum facere: inferens à simili quod opus virtutis est non solum bonum, sed etiam præceptum facere. Ad quod videtur facere quod Dominus obedientiam Adæ experiri voluit in eo quod secundum se erat indifferens, scilicet in comestione fructus ligni scientiæ boni & mali. Alicui etiam vsus, est quod obedientia secundum

Obedientia circa quæ attēditur.

Obedientia variæ descriptiones.

T t ij

quod est specialis virtus attendatur, non respectu cuiusque superioris, sed solum respectu hominis cui aliquis se sponte obligauit. Et subdidit: Sed potest aliter dici, quod sicut prudentia virtus est quodammodo generalis, scilicet quoad directionem. Dirigit enim opera ceterarum virtutum. Et de iustitia dictum est quod est generalis quantum ad imperium. Imperare enim potest opera ceterarum virtutum, etsi non sufficiat ad exequendum ea sine ceteris virtutibus. Sic obedientia quodammodo generalis est: mouere enim potest ad opera omnium virtutum. Omne enim opus virtutis iuberi potest à superiore, vel Deo, vel homine. Vnde si aliquis velit exire in opus virtutis, quia iussum est à superiore, voluntas illa erit obedientiæ. Vnde voluntas faciendi iussum superioris quia iussum est, specialis actus est obedientiæ. Item notandum quod cum subdere se alteri sit humilitatis & obedientiæ, differunt tamen hæc subiectiones. Subdere enim se alicui secundum reputationem humilitatis est. Hoc enim proprium electorum esse solet, vt de se sentiant infra quam sint: iuxta verbum Gregor. Item cum superbia sit appetitus propriæ excellentiæ, humilitas est contemptus propriæ excellentiæ: iuxta Bernard. in epist. Ad humilitatem etiam pertinet amor inferioritatis vel vilitatis secundum illud Bernard. super Cantic. Verus, inquit, humilis, vilis vult reputari. Et Luc. 13. *Cum inuitatus fueris, vade & recumbe in nihilissimo loco.* Item subiectio aliqua ad obedientiam pertinet: sed hæc subiectio est voluntatis respectu alienæ voluntatis. Subiectio humilitatis respicit personam secundum se, subiectio vero obedientiæ respicit eam personam cui aliquis subditur in quantum est præcipiens, & personam quæ subditur in quantum est agens. Exemplum harum duarum subiectionum inuenire possumus, vt videtur in Christo & Ioanne, Matth. 4. Subiectio

ne obedientiæ subiecit se Ioannes Christo, quando consensit vt baptizaret Christum, prout Christus volebat. Vnde dicit ibi Gloss. Vera est humilitas quam non deserit tibi comes obedientia: Christus vero subdidit se Ioanni, subiectione humilitatis volens à Ioanne baptizari. Superioris enim est baptizare, & inferioris baptizari. Act. 10. *Beatus est dare, quam accipere.*

## CAPUT II.

## De commendatione Obedientiæ.

**A**D commendationem obedientiæ. Primo valere possunt admonitiones quæ sunt in Scriptura sacra ad obediendum. Romanor. 13. *Omnis anima potestatibus sublimioribus subdita sit,* Ephes. 6. *Filij obedite parentibus vestris in Domino.* Coloss. 3. *Filij obedite parentibus vestris per omnia.* Heb. 13. *Obedite præpositis vestris, & subiaceite eis: ipsi enim peruigilant quasi rationem pro animabus vestris reddituri.*

Secundo, admonitio quam nobis facit etiam creatura insensibilis quæ obediens est vniuersaliter creatori suo. In Ps. *Præceptum posuit & non prateribit.* Et Baruch. 3. *Stella vocata sunt, & dixerunt, Assumus.* Item in Psal. *Terminum posuisti quem non transgredientur.* Et Matth. 8. *Quis est hic, quia venti & mare obediunt ei?* Ambros. in Hexameron: Non mediocris pudor est, imperio Dei insensibilia elementa parere, & homines non obedire, quibus sensus ab ipso tributus est auctore.

Tertio, exempla quæ in sacra Scriptura inueniuntur. Et inter ea specialiter notabilia sunt, exemplum Abrahæ, & exemplum Christi. Cum homo per obedientiam à Deo recessisset: Deus volens formare sibi populum acceptum, secundum illud Esa. 43. *Populum istum formauimus, laudem meam narrant.* Abraham, ex quo populum sibi formauit, voluit probare

per obedientiam, & per illam placuit ei Abraham. Triplici autem præcepto probavit obedientiam eius. Primum fuit de patriæ desertione. Genes. 12. *Egrede-  
re de terra, &c.* Secundum fuit de circum-  
cisione. Eiusd. 17. Tertium de filij im-  
molatione. Eiusd. 27. Primo præcepto  
voluit separare Abraham ab his à qui-  
bus ipse ortum duxerat. Ultimo vero ab  
eo quod duxerat originem ab ipso. Me-  
dio vero præcepto voluit eum separare à  
seipso quantum ad carnalia desideria: cir-  
cumcisione enim facta in carne, mone-  
bat ad refecationem superfluatorum desi-  
deriorum carnalium: ideo fiebat in mem-  
bro illo quo maxime concupiscentia sa-  
niebat. Circa tertium vero præceptum  
quod fuit de immolatione filij attendere  
possumus X I V. pertinentia ad difficul-  
tatem illius operis, in quo Abraham vo-  
luit obedire Deo præcipienti. Primum est  
quod Abraham voluit ad præceptum Do-  
mini se sibi charissima carere. Secundum  
est, quod ipse voluit amicissimum occidi.  
Posset esse quod aliquis ad præceptum  
Dei vellet filio suo carere, ita ut nunquam  
eum de cætero videret, qui tamen nollet  
occidi. Tertium est, quod voluit eum oc-  
cidi coram se, imo ipsemet manu propria  
voluit hæc facere. Multi enim sustinerent  
quod filii eorum occiderentur: tamen nō  
possunt hæc aspicere vel propria manu fa-  
cere. Quartum est, quod filius ille erat  
vnigenitus. Non enim habebat alium fi-  
lium ex libera vxore. Quintum est, quod  
miraculose habuerat eum, quia cum vxore  
vetula & sterili, quum ipse iam esset se-  
nex. Sextum est quod magna promissio  
facta erat Abraham de ipso. Septimum est  
quod ipse erat solatium matri suæ: quod  
notatur ibi cum dicitur, *Isaac*: quod in-  
terpretatur risus. Dixit enim mater sua eo  
sibi dato: *Risum fecit mihi Deus, quicunque  
audierit, corridebit mihi.* Genes. 21. Quid  
dixisset mater Isaac, si Abraham reuertens  
de eius immolatione, dixisset ei: *Immolavi  
filium meum.* Octauum est, quod voluit

eum non solum occidi, sed etiam incendi.  
Vnde dicitur ibi, *Offer eum in holocaustum*:  
quod interpretatur totum incensum. No-  
luit ei parcere nec viuo nec mortuo. No-  
num est, quod voluit eum ducere per tri-  
duum ad locū immolationis. Gl. Non est  
iustus Abraham statim occidere filiū, sed  
per triduum ducere ad immolationis locū,  
ut longitudine temporis tentatio augere-  
tur, & crescentibus curis patina viscera  
cruciarentur. Decimum est, quod non ap-  
parebat aliqua præcepti utilitas. Quæ  
enim utilitas innocentem occidere? dam-  
num vero manifestum erat. Vndecimum  
est, quod non excusasset eum auctoritas  
præipientis, cū nullus testis affuisset, neo  
crederetur ei si diceret Dominum hoc ei  
præcepisse. Duodecimū est, quod hoc erat  
rationi cōtrariū. Tertiumdecimū est, quia  
non præcesserat in sanctis patribus huius-  
modi obedientiæ exemplum. Quartum-  
decimum est, quod omnium ad quorum  
notitiam hoc peruenisset imminebat scā-  
dalum. Abraham verò accepto præcepto  
tam difficili non se excusauit, causam præ-  
cepti non interrogauit, sicut faciunt quidā  
imitatores diaboli, qui ait Gen. 3. *Cur præ-  
cepit vobis Deus, ut non comederetis, &c.*  
Item non procrastinauit mandatum exe-  
qui, nulli consiliū communicauit. Si ali-  
quid horum fecisset, forsitan mentū ami-  
sisset, quia Dominus dixisset ei: *Nolebam  
quod taceres hoc, sed ad probandū te, hoc  
dixi.* Item attendendum est quā utile sit  
promptum esse ad obedientiam: Abrahā  
enim filium non immolauit, & tamen tā-  
tum meritum habuit obediētia eius. Gen.  
22. *Quia non pepercisti filio tuo vnigenito  
propter me, benedicam tibi & multiplicabo  
semen tuum.* In eod. *In semine tuo benedicē-  
tur omnes gentes: quia obedisti voci meo.*  
Homo qui promptam habet voluntatem  
ad obediēdū Deo, in omnibus placet Deo  
pro infinitis rebus quas vnquam facturys  
est. Greg. Non est manus vacua à minne-  
re, si arca cordis plena fuerit bona volun-  
tate. Item voluit Deus probare Christum

per obedientiam, in quo volebat sibi formare populum novum. Christus non terram sicut Abraham, sed cælum deseruit. Ipse matrem suam dilectissimam reliquit, quando gladius transcurus erat animam eius. Luc. 2. *Ipse domum reliquit, quia nullam habere voluit.* Matth. 8. *Vulpes foras habent & volucres cæli nidos: filius autem hominis non habet ubi caput reclinet.* Ipse formam spiritualis circumcisionis dedit, quando voluntatem patris voluntati suæ præposuit. Matth. 26. *Non sicut ego volo, sed sicut tu.* Et Marc. 14. *Non quod ego volo, sed quod tu vis.* Et Luc. 22. *Non mea voluntas, sed tua fiat.* Ipse mandato patris in holocaustum se ipsum obtulit. Ioan. 14. *Sicut mandatum dedit mihi Pater, sic facio.* Quarto valere potest ad commendationem obedientiæ, quod legitur de Christo Hebr. 5. *Et quidem cum esset filius Dei, didicit ex his quæ passus est obedientiam.* Didicit, inquam, per experientiam. Item didicit in corpore per ea quæ passus est in capite. Ipse fuit & discipulus & doctor obedientiæ. Si filius Dei obedientiæ didicit tot laboribus & angustiis, non debet homini esse onerosum addiscere eam, & maxime his qui sunt in scholis ipsius, scilicet in claustris. Valde verecundum erit illis qui diu fuerunt in scholis his, si obedientiæ ignari inuenti fuerint. Adam inuentus est male se habuisse in obedientia, in qua Deus eum probare voluit. Et quam gravem disciplinam Deus ei dederit omnes novimus. Filij etiam Israel similiter in obedientia probati sunt & durissime flagellati, cum in ea male se habuerunt. Sic durissime flagellabuntur qui inobedientes inuenti fuerint. Inobedientia hominem de paradiso eiecit. Genes. 3. Obedientia verò eum in paradysum introducit. Luc. ult. *Eduxit eos foras Bethaniam, & elevatis manibus suis benedixit eis. Et factum est dum benediceret eis, recessit ab illis, & ferebatur in cælum.* Felix quem Dominus eduxit in Bethaniam, scilicet

in domum obedientiæ. Sperare potest quod sit ascensurus in cælum. 1. Petr. 1. *Sperate in eam quæ vobis offertur gratiam in revelationem Iesu Christi quasi filij obedientiæ.* Obedientiam voluit Christus docere, & in mundum istum veniens, & de mundo transiens, & in mundo manens. Primum ostenditur, Job. 6. *Descendi,* inquit, *de cælo, non ut faciam voluntatem meam, sed voluntatem eius qui misit me.* Secundum Matth. 26. *Non sicut ego volo, sed sicut tu.* Ioan. 14. *Sicut mandatum dedit mihi Pater, sic facio.* Bernard. Mementote, fratres Christi, ne perderet obedientiam, voluit perdere vitam: in signum quod obediendo mandato Patris, mortem sustinebat; inclinato capite emisit spiritum. Ioan. 19. Tercium Ioan. 4. *Meus,* inquit, *cibus est ut faciam voluntatem eius qui misit me.* Eiusdem 5. *Non quæro voluntatem meam sed voluntatem eius qui misit me.* Obedientia est imago cælestis hominis, sicut inobedientia est imago terrestris hominis. 1. Cor. 15. *Sicut portavimus imaginem terreni, ita & portemus imaginem cælestis.* Ephes. 4. *Induite novum hominem qui secundum Deum creatus est:* id est, opere diuino conceptus, non opere humano, more aliorum hominum. Quinto commendabilis est obedientia à suo multiplici effectu. Notandum ergo, quod obedientia Dei servum efficit, quod non est modicum quid. Si enim servus regis terreni dicitur esse par comiti, quantum est esse servum regis æterni? Obedientia in hoc quod efficit hominē Dei servum, efficit etiam Deum hominis Dominum. Non vere reputat inobediens Deum Dominum suum: etsi ore vocet eum Dominum. Luc. 6. *Quid vocatis me Domine, Domine, & non facitis quæ dico:* Inobedientes ostendet Dominus non fuisse servos suos, cum regni cælorum ianuam eis claudet. Matth. 7. *Non omnis qui dicit mihi, Domine, Domine, intrabit in regnum cælorum: sed qui facit voluntatem Patris mei, qui in cælis*

Ol editio  
tiā quo-  
modo  
Christus  
docue-  
rit.

Obedi-  
tiaz effe-  
ctus.



est, ipse intrabit in regnum calorū. Magna securitas est habere Dominum omnipotentem. Ambr. Mori non timeo, quia bonum Dominum habeo. Beatus est, qui habet hunc Dominum. In Psalm. *Beatus populus cuius Dominus Deus eius.* Item: *Beata gens, cuius est Dominus Deus eius.* Item: *Obedientia hominem Christi fratrem efficit, imo quasi omni genere attinentia attinentem.* Eccles. 33. *Si est tibi seruus fidelis, sit tibi quasi anima, quasi fratrem sic tracta illum.* Matth. 12. *Quicumque fecerit voluntatem Patris mei qui in cœlis est, ipse meus frater, & soror, & mater est.* Simile Marc. 3. Item obedientia Deo præstat obsequium acceptissimum. 1. Reg. 15. *Nunquid vult Dominus holocausta & victimas, & non potius obediatur voci Domini?* Melior est obedientia quàm victimæ. Eccles. 4. *Multo melior est obedientia, quàm stultorum victimæ.* Licet Deus nos non exaudiat quandôque ad voluntatem, vt exaudiat nos ad vtilitatem: eo quod ipse scit quid nobis expediat, nos verò hoc nescimus, ipse tamen vult vt seruiamus ei ad eius voluntatem, non ad suam vtilitatem, cum ipse bonorum nostrorum non egeat, vt quum voluntas eius semper recta sit. Eccles. 35. *Salutare sacrificium est, attendere mandatis.* Deut. 12. *Qua præcipio tibi, hoc tantum facias: non addas quidquam, nec minuas.* Item obedientia in homine habitaculum Deo quasi excidit, expellendo à corde hominis sensum proprium & propriam voluntatem. Vnde Dominus in domo Simonis leprosi discubuit. Luc. 7. sed non in domo Simonis Cyrenæi qui crucem Domini fert in angaria, vbi vnctio deest Spiritus sancti, & ideo murmur est ibi. Eccles. 33. *Præcordia facti quasi rotæ carri.* Rota carri si vnctio non fuerit, murmurat. Bethaniz, quod interpretatur domus obedientiz, Christus vngitur. Ioan. 12. *Ipse illos diligit qui ibi habitant.* Ioan. 11. *Diligebat Iesus Martham, & sororem eius & Lazarum.* Cum deest ei hospitium,

venit Bethaniam vt ibi hospitetur. Marc. 11. *Circumspicis omnibus, quum iam vespere esset hora, exiit in Bethaniam cum duodecim.* Gloss. Vt quod in vrbe non inueniebat, in agro paruulo apud Lazarum & sorores eius haberet hospitium. Tunc in hospitio vteri virginalis filius Dei receptus est, quum Maria verbo angeli obediuit. Luc. 1. *Fiat, inquit, mihi secundum verbum tuum.* Item obedientia hominem super se leuat. Thren. 3. *Leuauit se super se.* Nisi corpus esset sociatum spiritui vt sensu eius & imperio regeretur, non ascenderet ad hoc vt remuneracionem æternam mereretur. Sic vir simplex per obedientiam ascendit ad sapientiam, & mores maiorum à quibus regitur, imo quodammodo vsque ad Deum ascendit dum seipsum exiit, & Deum quodammodo induit, ad Galat. 2. *Vino ego: ego iam non ego, vinit vero in me Christus.* Sic quodammodo deificatur homo secundum illud: *Ego dixi: Dignus esis.* Et non solum deificatur quoad sensum & voluntatem Dei quæ assumitur, sed quodammodo quoad potestatem. Facit enim diuina & mira: vt patet in Petro, qui obediens Christo iubenti, ambulauit super aquas. Matth. 14. Et Gregor. refert in dialog. quod cum Placidus puer in flumine post vas suum demersus esset, cum vellet aquam haurire, beatus Benedictus in cella existens & hoc intelligens, dixit Mauro: *Frater Maure, curre, quia puer ille in lacum cecidit, & eum iam longius trahit vnda.* Maurus autem existimans se currere super terram, cucurrit super aquam, & eductum per capillum, extraxit. Qui postea reuersus ad se attribuit hoc sanctitati Benedicti. Sed beatus Benedictus attribuit hoc bono obedientiz. Obedientia ponit hominem in excellentissimo statu, & in præsentī & in futuro. Primum ostenditur Deuter. 27. *Si audieris vocem Domini Dei tui, faciet te Dominus Deus tuus excelsoiorem cunctis gentibus.* Secundum ostensum est cuidam patrum in extasi

Exemplum.

posito, qui vidit quatuor ordines ante Deum. Primus erat hominum infirmantium & gratias Deo agentium. Secundus, eorum qui fuerant hospitales. Tercius, eorum qui solitudinem sectantur, & non vident homines. Quartus, eorum qui propter Deum & obedientiam solcite sunt subiecti patribus. Erat autem hic ordo superior illis tribus, & maiorem gloriam præ cæteris habebat, ut torque aurea. Et quum quæreret senex, quare hoc? Responsum est ei. Quoniam omnes alij habent requiem adimplendo proprias voluntates, quamvis in bonis operibus: hic autem omnes voluntates suas relinquens, totus pendet in voluntate patris iubentis. Merito qui hic nullam habent requiem, in futuro summam habebunt, ad Philip. 3. dicitur de Christo: *Factus obediens usque ad mortem*, &c. Propter quod & Deus exaltavit illum, & donavit illi nomen quod est super omne nomen. Item obedientia Deum glorificat. Esa. 58. *Si glorificaveris eum dum non facis vias tuas, & non invenitur voluntas tua ut loquaris sermonem, tunc delectaberis Domino: sustollam te super altitudinem terra, &c.* Multum glorificat Deum vere obediens qui facit beneplacitum Dei, cum Deus etiam hoc mandat ei per utilem personam; & tanto maior est Dei gloria, quanto persona vilior. Ideo vere obediens merito à Deo glorificatur. 1. Reg. 2. *Quicumque honorificaverit me, glorificabo eum.* Ecclesiast. 10. *Semen hominū honorabitur hoc, quod timet Deum: semen autem hoc ex honorabitur, quod præserit mandatum Domini.* Item: obedientia quod vult à Deo impetrat. Gregor. Si obediens fuerimus præpositis nostris, obediens Deus orationibus nostris. August. in lib. de opere monachorum. Citius exauditur una oratio obedientis, quam decem millia contemptoris. 1. Ioan. 3. *Si cor nostrum non reprehenderit nos, fiduciam habemus ad Deum, quod quicquid petierimus ab eo, accipiemus, quia mandata eius*

*custodimus.* Et post illud Hebr. 5. *Exauditus est pro sua reverentia*, subditur tãquam causa illius exauditionis: *Et quidem cum esset filius Dei, didicit ex his quæ passus est, obedientiam.* Obedientia est quæ dicit illud Cantic. 2. *Dilectus meus mihi, & ego illi*: Deus enim facit ac si esset totaliter cum obedientia: quia obedientia est totaliter cum illo. Vere obediens dicunt illud Roman. 14. *Nemo nostrum sibi vivit.* Item obedientia à periculoso mari huius mundi liberat. Obediens navem pertransit huius mundi. Sapient. 14. *Exiguo ligno credunt homines animas suas, & transcurrente mare per ratem liberati sunt.* Exiguum lignum est humilis obedientia. *Facta est quasi navis institoris.* Prouerb. ult. *Qui in naui est etiam quiescens & comedens vel bibens procedit, quia alieno motu movetur.* Sic obediens qui in religione est etiam quiescendo, comedendo & bibendo meretur. Item obedientia hominem ditat. Nec mirum, cum de suo nihil extendat, quia nihil suum reputat: & cum in cunctis quæ agit, voluntatem alterius facere intendat; ideo pro omnibus quæ agit, merito remunerationem expectat. *Multa filia congregaverunt divitias.* Prouerb. ultim. Obedientia vero, *supergressa est universas.* Quis est qui quandoque non faciet multa specialiter pro se de quibus non expectat remunerationem, nisi ille qui sub obedientia vivit? Item obedientia quasi equus in paradisum vadit, alieno sensui & alienæ voluntati quasi pedibus alienis innitendo. Ideo velocius cadit, quia pedes quibus innuitur velociores sunt propriis. Multi in religione valde surgunt mane, & frequenter ieiunant, qui si essent in seculo minus secum agerent. Propter eandem causam obedientia non maculatur. Prouerb. 3. *Via eius via pulchra.* Propter eandem causam legitur. Si quidem enim culpæ vel periculi est in eo quod ei iniungitur, superioris est qui portat, cuius censui & voluntati ipse innititur, nisi manifestum

festum peccatum sit illud quod ei iubetur. De ea videtur scriptum esse illud Ps. *In manibus portabunt te, ne forte offendas ad lapidem pedem tuum.* Item obedientia hominem expedit & exoneratum reddit, cum obediens à seipso alienatus sit. Alij enim incumbit sollicitudo pro ipso & temporaliter & spiritualiter: Ideo non solum potest currere, sed etiam volare. Si tamen obedientia habet duas alas sibi coniunctas, scilicet voluntariam paupertatem & castitatem. Apocal. 12. *Data sunt mulieri dua ala aquila magna, ut volaret in desertum.* Bern. Magna penna paupertas, quā tam cito volatur in cælum. Nam in alijs virtutibus quæ sequuntur, promissio futuro tempore iudicatur: paupertati vero non tam promittitur, quam datur. Castitas etiam magna penna est quæ hominem expedit ab illa delectatione qua difficillimum est hominem bene viui, & fortissima occasione peccandi, scilicet à muliere per quam diabolus Adam deiecit, Genes. 3. Et quam Iob reliquit, ut per eam eū deiceret. Iob 2. dixit illi vxor sua. *Adhuc tu permanes in simplicitate tua?* Item obedientia facit hominem triumphare. Prouerb. 21. *Testis mendax peribit: vir obediens loquetur victoriam.* Testis mendax est, qui professus est obedientiam, & eam non seruat: qui in presenti perit, cū in bello spirituali succumbit: & in futuro peribit, quia æternaliter dānabitur. Exemplum habemus de hoc in populo Iudaico qui promissit se seruaturum legem. Exod. 19. *Omnia qua locutus est Dominus faciemus.* Item Iosue 1. *Omnia qua præcepisti nobis faciemus.* Cū vero transgrediebatur legem, vincebatur. Iosue 7. *Anathema in medio tui Israel est, non poteris stare coram hostibus tuis.* Adam similiter factus inobediens suo superiori, habuit repugnans suum inferius. Genes. 3. *Qui comedit, & aperti sunt oculi eius.* Gloss. August. Anima rationalis motus bestiales in carne sua erubuit. Et subditur: Motus iste de transgressione veniebat. Et 3. Reg. 11. lo-

gitur ea Salomone: *Fecit Salomon quod non placuerat coram Domino.* Et subditur: *Et suscitauit Dominus aduersarium Salomoni.* Sic accidit ei qui in religione est, qui obedientiam nō seruat ei cui promissit, quod Dominus permittit eum impugnari & vinci: & sic perit qui propriam voluntatem in religione vult sequi, tanquam filius perditionis. Iob 17. *Nemo perit ex tui, nisi filius perditionis.* Vere filius perditionis est qui voluntarie laqueum sibi iniicit quo periturus erat. Prouerb. 6. *Illequeatus es verbis oris tui.* Vere filius perditionis est qui de loco salutis fecit sibi locum damnationis: & cum esset liberatus de mari huius mundi, & iam ingressus nauem religionis, ibi etiam periclitatur: Act. 28. *Vtique homicida est homo hic qui cum euaserit de mari, ultio diuinam permittit eum viuere.* Vir obediens potest loqui victoriam, quia habet nobilissimum genus triumphi: sicut antiqui patres habita victoria solebant cantare canticum laudis & gratiarum actiones. Nobilissimum genus triumphi est seipsum vincere: quod facit vir obediens. Vnde super illud: *Melior est obedientia,* &c. Dicit Gloss. Gregor. Vir obediens loquitur victorias. Dum enim alienæ voci humiliter subdimur, nosmetipsos in corde superamus. Prouerb. 17. *Melior est, qui dominatur animo suo, expugnare orbem.* Multi vires & regna sibi subiugauerunt, qui tamen ad hunc triumphum nobilem non peruenerunt. Hic triumphus proprius est hominis. Vincit leo vel aliud animal cætera animalia, sed seipsum vincere non potest. Sen. Qui seipsum vincit, contra omnia fortis est. Obediens, Deo subiectus est: & ideo merito cætera ei sunt subiecta & nihil ei repugnat. Deus in obedientia pugnat, ideo non est mirum si ipse triumphat. Leu. 26. *Si in præceptis meis ambulaueritis, &c. persequemini inimicos vestros, & corruent coram vobis.* Item obedientia animā ornat. Vnde in auris est aurea quam cælestis spūs dat animæ. Pro. 25. *In auris*

*aurea & margaritum fulgens, qui arguit sapientem & aurem obedientem.* Margaritum fulgens, inauri aureæ decenter iungitur, & doctrina mentem illuminans auri obediēti vtiliter proponitur. Dat Eliezer Rebeccæ in aures aureas. Gen. 24. Et amici Iob dant ei in aurem & ouem. Iob vlt. Item obedientia Ecclesiam lætificat. Eccles. 3. *Qui obedit patri, refrigerabit matrem.* Hominem glorificat, ad Rom. vlt. *Vestra obedientia in omnem locum diuulgata est.* Item hominem castificat à libidine propriæ voluntatis 1. Petr. 1. *Animas vestras castificantes in obedientia charitatis.* Item obedientia conseruat animam. Prou. 19. *Qui custodit mandatum, custodit animam suam.* Obediētem merito custodit Deus tanquam suum. Prou. 29. *Verbum custodiens filius, extra perditionem erit.* Eccl. 8. *Qui custodit præceptum, non experietur quicquam mali.* In vitis Patrum cuidam senicū deessent necessaria vitæ, præcepit discipulo suo vt iret in vicum ad ministrū qui solebat ei necessaria deferre. Et ille licet timeret ire propter scandalum: tamen dixit se iturum propter bonum obediētiæ. Cui senex: Vade, confide in Domino, & protege te ab omni tentatione. Cum autē venisset frater ad ostium ministri senis, aperto ostio inuenit ibi filiam ministri solam, quæ amplexata eum cœpit allicere ad commissionem carnis, amplexans eum. Et cum vrgerent eum cogitationes, clamauit ad Dominum dicens: Domine, propter orationem eius, qui memisit, salua me ex hac hora: & statim inuentus est ad flumen iuxta monasterium suum, & reuersus est ad patrem sine macula. Item obediēti obediunt omnia, & creator & creaturæ. De creatore, habetur. Ios. 10. *Non fuit postea tam longa dies, obediēte Domino voci hominis.* De creaturis vero multa habes exempla in Vitis Patrum. Quidam de senioribus misit discipulum suum ad hauriendum aquam, & erat puteus remotus à cella. Discipulus vero oblitus funem venit ad puteum, & præ longitudine viæ

non audens reuerti pro fune, ne forte contristaret seniore prostratus se in oratione, & surgens de oratione, clamauit. O putee putee, misit me seruus Iesu Christi, abbas meus, vt hauriam aquam, & statim ascendit aqua ad os putei, & impleuit frater lagenam, glorificans potentiam Saluatoris. Aqua autem putei reuersa est ad locum suum. Item in Vitis Patrum Abbas Paulus præcepit discipulo suo Iohanni vt afferret ei fimum bouum qui erat ei necessarius ad vtensilia. At ille ait: In loco vbi fimus est habitat leena. Cui abbas: Si venerit super te, alliga eam, & duces eam tecum. Iuit Iohannes & inuenit leenam irrudentē super eum, qui voluit eam tenere, sed ipsa aufugit. Iohannes vero sequebatur eam, dicens: Abbas meus præcepit vt alligatam ducam te ad eum: & statim bestia substitit, & tenens eam reuertebatur ad monasterium. Quod cum vidisset Abbas, ne forte discipulus inde extolleretur, dixit ei: Sicut tu insensibilis es, ita insensibilem bestiam adduxisti: so'ue, & dimitte eam vt pergat ad locum suum. Item obedientia homini pacem dat. Prou. 13. *Qui timet præcepta, in pace versabitur.* 1. Machab. 14. *Siluit terra Iuda omnibus diebus Simonis.* Siluit, id est, quieuit vel pacem habuit. Esa. 48. *Vtinā attendisses ad mandata mea, fuisset quasi flumen pax tua.* Item obedientia hominē benedici facit. Deut. 11. *Propono vobis benedictionem, si obdixeritis mandatis Domini.* Eiusd. 28. *Venient super te omnes benedictiones istæ, & apprehendent te, si tamen præcepta eius audieris.* Benedictus tu in ciuitate, &c. Item facit hominem beatum. Matt. 16. *Beatus es Simo, &c.* Prou. 19. *Qui custodit legem, beatus est.* Obediētia in præsentī hominē dignum prælatione efficit. Vnde Simonē præfecit Dominus cæteris Apostolis. Matt. 16. 1. Mach. 2. *Simon frater vester scio quod vir consilij est: ipsum audite semper: & ipse erit vobis pater.* In vita beati Philiberti dicitur: Præesse non audeat, qui subesse non didicerit. Nec obediētiā à subiectis impleret, qui eam

Prælati exhibere non nouit. Obedientia ad regnum introducit. Matt. 18. *Si uis ad uitam ingredi serua madata.* Inobedientia clauem paradisi amisit, sed obedientia eam recuperauit. Vnde Simoni Petro dictum est. Matt. 16. *Tibi dabo clauis regni celorum.* Obedientia uitam hominis feliciter consummat. Iob 16. *Si audierint, & obseruauerint, complebunt dies suos in bono, & annos suos in gloria. Si autem non audierint, transibunt per gladium.* Sexto valere possunt ad commendationem obedientie uerba sanctorum quæ uidentur ostendere præminentiam huius uirtutis ad alias uirtutes. Simonem præfecit Dominus cæteris Apostolis. Matth. 16. *Tibi dabo clauis regni celorum.* Et obedientia secundum uerba sanctorum præminere uidetur cæteris uirtutibus. Greg. in Moral. Sola obedientia uirtus est quæ cæteras uirtutes menti inserit, inserta que custodit. Solent inferi arbori agresti duo ramuli cuius nobilis arboris, deinde arbor quæ prius erat agrestis producit flores, fructus & folia secundum naturam arboris nobilis, à qua ramuli sunt assumpti. Sic obedientia alienum sensum & alienam uoluntatem assumit, & eordi eius qui promittit obedientiam inseruntur, & iam cor illud secundum sensum & uoluntatem sui superioris operatur. Itē dicit Greg. quod obedientia non tam est uirtus, quam mater uirtutum. Quod ideo potest intelligi esse dictum, quia obedientia producere potest motus omnium uirtutum. Omnes enim possunt iuberi: & si aliquis producat motus illos, quia iussus est, obedientie sunt. Item super Illud Genes. 2. *Lignumque scientie boni & mali:* dicit gloss. Augustin. Obedientia sola uerissima est uirtus creature rationali sub Dei potestate degenti. Quod potest intelligi dictum esse.

Primo, quia obedientia perficit hominem ex parte illa qua habet comparationem ad Deum sub quo est, & respectu actus qui est nobilissimus tanquam finis hominis. Finis enim optimum in unoquo-

que. Hic actus est observatio mandati diuini. Ecclesiast. ult. *Deum time, & mandata eius observa: hoc est omnis homo.* Hoc innuit Aug. in hoc quod post illud, obedientia sola est uerissima uirtus, subdit: rationali creature sub Dei potestate degenti.

Secundo potest hoc intelligi dictum propter meritum ad quod ualet multum obedientia. Vnde super illud Gen. 2. *Lignumque scientia:* dicit August. Oportebat ut homo sub dominio positus ab aliquo prohiberetur, ut esset ei uirtus merendi obedientia. Dum aliquis intendit facere uoluntatem propriam, non uidetur mereri apud semetipsum. Ab illo enim merces expectatur cui seruitur, uel cuius uoluntas fit. Non meretur ergo apud alium nisi qui uult facere eius propriam uoluntatem, quod est obedientie. Greg. Sola est obedientia quæ meritum fidei possidet. Tertia propter maiorem difficultatem. Uirtus enim est circa difficile, iuxta sapientem: & nomen uirtutis à vi uidetur esse dictum. Difficillimum autem uidetur esse agere contra se, quod facit obediens, quod sonat nomen obedientie. Obdire est contra audire, scilicet contra proprium sensum & propriam uoluntatem. Greg. super 1. Reg. 15. Melior est obedientia quam uictima, quia per uictimas aliena caro, per obedientiam uero propria caro mactatur. Obedientia quasi quoddam martyrium est. Greg. tanto Deum quisque citius placat, quanto repressa arbitrij sui superbia gladio præcepti se immolat. Obediens quasi proprium caput sibi amputat pro Christo, & caput sibi Christum constituit, uel eum qui loco eius est. Qui martyrium pro Christo sustinet, unam uoluntatem sibi amputat: sc. uoluntatem uiuendi, sed iste omnem uoluntatem, obedientia maxime uoluntati propriæ detrahit, & ideo uirtuti maxime addit. Sapiens: *Hoc solum uirtutis adicies, quod propria uoluntati detraxeris.* Poëta.

*Est uirtus, placitis abstinnisse bonis.*

Propter ea quæ dicta sunt, amanda est obedientia à fidelibus tanquam mater eorum.

Obedientia sola uirtus, menti reliquas uirtutes inserens.

1. *Petr. 1. Sperate in eam quæ offertur vobis gratiam, in reuelationem Iesu Christi, quasi filij obedientie.*

## CAPUT III.

*De his quæ possunt iurare Obedientiam.*

Obedi-  
tiā quin-  
que effi-  
ciunt.

**S**equitur de his quæ possunt iurare obedientiam. Enotaandum quod quinque sunt quæ valere solent ad hoc quod aliquid sit magis tractabile vel flexibile, & similia his possunt valere ad hoc quod cor aliquid sit inobediens. Primum est, exilitas. Ut patet in virga quæ propter exilitatem flexibilis est. Etiam ferrum si sit exile vel tenue flecti potest. Sic exilitas humilitatis valet ad obedientiam. Vnde cantor magnus Parisiensis humilitatem posuit matrem obedientiæ. Et Apost. ad Phil. 2. loquens de obedientia Christi, præmittit de eius humilitate: *Humiliauit, inquit, semetipsum factus obediens, &c.* Aug. 14. lib. de Ciuit. Dei: Obedientia nisi humilium esse non potest. Cum humilitas sit sensus proprii vacuitas, humilis habet vbi sensum alienum recipiat, quasi vacuus à suo: & qui sensum alienum recipit, nisi sit aperte malus, recipit alienam voluntatem, & sic fit obediens. Superbus prius exhibit de sensu suo, quam recipiat sensum alienum vel alienam voluntatem, & fiat vere obediens. Prou. 26. *Vidisti hominem sapientem sibi videri: magis spes illo habebit insipiens.* Cibus in quo nimis est de sale, quasi perditus est. Facilius sal cibo additur, quam subtrahatur. Sic qui ad religionem venit, si sal proprii sensus in eo nimium abundet, non est aptus religioni. Facilius homo simplex religionis efficietur, quam ipse. Bern. ad fratres de monte Dei: Superbia quamuis prudens sibi videatur, dimittenda est sibi & abigenda. Si enim admittitur superbus, prima die qua incipit habitare, incipit leges dare. Nimium vero stultus discere non potest quas inuenit Ecclesiast. 19. *Melior est qui*

Religio:  
ni mona-  
sticz qui  
apti vel  
inepti.

*minuitur sapientia, & indiget sensu in timore Domini, quàm qui transgreditur legem Altissimi.* Timor qui estimat etiam pericula quæ non sunt, & defectus suos scrutatur, inuenit se sensu indigere: & sic timor humilitatem introducit. Humilitas vero videns sensum suum sibi non sufficere, alieno sensui acquiescit: nec vult habere ducem illum qui in tor foveas eum præcipitauit, scilicet sensum proprium.

Secundum est assuesfactio. Vnde equus assuescit circumuolutionibus, ut facilius ad voluntatem sessoris flecti possit. Proverbiorum vigesimo quinto. *Equus paratur ad diem belli, Dominus autem salutem tribuet.* Equus est religiosus cui frænum obedientiæ impositum est. Zachar. 10. *Posuisti eos equum gloriæ in bello.* Operatur Deus in viro religioso gloriosa, & ideo equus gloriæ potest dici. Hic per assuesfactionem parandus est ad obedientiam, ut nunc ad dexteram prosperitatis, nunc ad sinistram aduersitatis verferetur: aliter in die belli succumbet; quando scilicet aliquid graue ei iniungetur. Religiosus qui in sua voluntate nutritur, destruitur. In Vitis Patrum B. Antonius præcepit Paulo simplici eremita suere & dissuere vestimenta, texere & frangere sportulas: sic volebat voluntatem eius flexibilem & obediens efficeret. Tertiū est ignis: ut patet in cera, quæ calefacta de facili flectitur: & in metallis quæ ad ignem liquefiunt, & sic de facili formam rei cui infunduntur accipiunt. Sic valere potest ad hoc quod per obedientiam magis flexibile fiat, ignis diuini amoris: scil. si ostendatur qualiter Deus dilexit nos. Luc. 12. habetur de hoc igne: *Ignem veni mittere in terram: & quid volo nisi ut accendatur?* Frequenter cogitandus esset amor ille ex quo Altissimus obedire voluit pro nobis usque ad mortem crucis, ut confunderemur male obediens esse ad leuia quæ nobis ex parte eius iniunguntur. Quartum est, separatio rei ab aliquo minus flexibili cui adhærebat: ut patet in corio adhærenti ligno, quod flecti non potest

nisi à ligno separetur. Sic expediret ei qui perfecte obedire vellet quod voluntate sua ab omni re temporali separaret & eam recolligeret, vt haberet paratam quando mandatum superioris veniret. In Psalm. *paratus sum, & non sum turbatus.* Item: *Psalm. 107. Paratum cor meum Deus, paratum cor meum.* Bernard. Paratum ad sublimia, paratum ad vniuersa quaecunque præceperis. August. verus obediens mandatum non procrastinat, sed parat aures auditui, linguam voci, manus operi, pedes itineri, & setotum intra se colligit vt mandatum peragat imperantis. Quintum est, alicuius liquoris admistio. Vt pellis dura vngitur vt sit tractabilior, & tetræ duræ aqua miscetur. Similiter vnctio gratiæ necessaria est vt cor magis obediens fiat. Ideo qui in religione est, frequenter in oratione Deo supplicare debet, vt gratiam obediendi sibi tribuat, & prælato beneplacitum suum de eo inspiret. August. 20. lib. Confess. Domine, continentiam iubes: da quod iubes, & iube quod vis. A simili debet religiosus dicere Deo: Obedientiam iubes, da quod iubes, & iube quod vis. Potest etiam valere ad obedientiam modestia imperantis. Senec. Remissius imperanti melius paretur. Gregor. Qui ab vnoquoque bono subiectos vetat, necessarium est, vt multum concedat, ne obediens mens funditus intereat, si à bonis omnibus repulsa ieiunat. Vnde Deus Adæ vnicam arborem prohibuit, omnes alias concessit. Genes. 2. & 3. Reg. 12. populus inobediens factus fuit propter graue imperium Roboam.

## CAPVT IV.

## De gradibus Obediencia.

Obedi-  
cia gra-  
dus se-  
ptem.

**B**ernardus septem gradus obediencia tangit, quorum primus est libenter obedire. Quem gradum, vt ipse ait, non potest ascendere qui voluntatem præ-

ipientis suam non fecerit. Libenter obediebat qui dicebat, *Mens cibis est vt faciam voluntatem eius qui misit me.* Ioan. 4. August. 10. lib. Confess. Optimus minister tuus est, qui non magis intuetur hoc à te audire quod ipse voluerit: sed potius hoc velle quod à te audierit. Bern. Quisquis occulte satagit, vt quod vult ipse, hoc ei prælatus iniungat, ipse se seducit, si fortè sibi quasi de obedientia blandiatur. Nec enim in ea re ipse prælato, sed magis ei prælatus obedit. Paratum ad Domini voluntatem se ostendit. Paulus dicitur Actor. 9. *Domine, quid me vis facere?* Bernard. in Sermombus: Nec dubium est, quin ampliorem gratiam mereatur, qui paratum se exhibet ante mandatum, quàm qui obedire satagit post mādatum. Requirit Dominus oblationes voluntarias. Exod. 15. Ille est sermo quem præcepit Deus: *Omnis voluntarius pro animo offerat primitias Domino.* David: *Voluntarie sacrificabo tibi.* Coacta sacrificia Deo non placent. Sed quidam sunt similes rusticis, qui dominis suis nullum seruitium volunt facere nisi coacti. Et notandum quod libenter obedire præcipue laudabile est, cum graua iniunguntur. Vnde super illud 1. Reg. 15. *Melior est obedientia, &c.* dicit glossa. Greg. sciendum quod obedientia aliquando si de suo aliquid habet, nulla est: aliquando anima est, si suum aliquid non habet. Cum enim locus superior imperatur, obedientiæ virtutem euacuat sibi qui ad hunc proprio desiderio anhelat. Cum verò probra & contumeliæ imperantur, nisi hoc ex semetipso animus appetat, obedientiæ sibi meritum minuit qui ad hanc inuitus descendit. Hinc Moyses principatum populi humiliter recusat. Paulus autem audacter dicit: *Ego non solum ligari in Ierusalem, sed & mari paratus sum.*

Psalm 53.

Et notandum, quod obedientia in difficilioribus gravior est, quàm inobediencia gravior. Inobediencia vero in facilibus multum Deo displicet. Bernard. de

præcepto & dispensatione: In obediendione hæc generalis regula teneatur, ut in difficilioribus quibuscunque agendis obeditio gravior quam prævaricatio grauior iudicetur, & in facilioribus minusque onerosis contemptus damnabilior, quam actus laudabilior æstimeretur. August. 14. lib. de Civitate Dei. In paradiso tanto maior inobedientia fuit, quanto illud quod præceptum est nullius difficultatis fuit. Vbi enim magna est inobedientiae pœna proposita, & res à creatore facilis imperata, quisnam satis explicet quâtum malum sit non obedire in re facili, & tantæ potestatis imperio & tâto terrenti supplicio? Secundus gradus est obtemperare simpliciter. Multos enim videmus secundum verbum Bernard. post præcipientis imperiû multas facere quaestiones, quare sæpius ingeminare, unde hoc veneris, quis hoc inuenit consilium? inde murmuratio, excusatio, simulatio, impossibilitates, aduocatio amicorum. In Psal. 117. *In auditu auris obediuit mihi*, ut ostenderet vno eodémque momento processisse & imperantis imperium & obsequium obsequentis. Ad simplicitatem obedientiae pertinet, non iudicare quid vel quare præcipiatur. Bernard. in lib. de consideratione: Omnibus nobis in conversionis initio nulla magis virtus est necessaria, quam simplicitas humilis, & grauitas verecunda. Bernard. ad fratres de monte Dei: Perfecta obedientia maxime in incipiente est indiscreta: hoc est, non discernere quid vel quare præcipiatur: sed ad hoc tantum niti, ut fideliter & humiliter fiat quod à maiore præcipitur.

Idem loquens de nouitio: Stultus fiat ut sit sapiens: & hoc omnis eius sit discretio, ut in hoc nulla ei sit discretio: hæc omnis eius sapientia sit, ut in hac parte nulla sit ei. Idem in sermonibus: Rara avis in terris discretio: ideo discretionis locum fratres in vobis suppleat virtus obediendiae, ut nihil plus, nihil minus, nihil aliter quam imperatum sit satisfaciatis. Deut. 12.

*Qua præcipio tibi, hæc tantum facias: nec addas quidquam, nec minuas.* Cum Iulius Cæsar in perdomandis hostibus quinque annorum spatium sibi permissum transisset, licet gloriose triumphasset, honoratamen debitus sibi denegatus est: nec urbem ingredi permissus est, eo quod ultra terminum sibi præfixum moram contraxisset. Deuter. 12. *Non facietis ibi quod nos hic facimus hodie singuli quod sibi rectum videtur.* Bernard. sup. Cant. Qui vestricuram semel nobis credidistis, quid rursus de vobis vos intromittitis? Perfecte obediens debet se habere ut iumentum. David: *Et iumentum factus sum apud te.* Item: Deuter. 17. *Duxisti sicut oves populum tuum.* Et iterum: *Qui deducis velut onem Ioseph.* Simplicitatem obediendiae multum amabant antiqui Patres in discipulis suis: ideo in principio non præcipientibus eis recta. Vnde in vitis Patrum, dixit quidam abbatii Pastori: Patres seniores non loquuntur ab initio fratribus recta, sed magis distorta: & si viderint quia ea quæ torta sunt faciunt, iam eis non loquuntur nisi quod expedit cognoscentes, quoniam in omnibus obediendia sunt. Debent inferiores audire mandata superiorum, quasi à Deo dicerentur. Matt. 10. *Qui vos audit, me audit.* Vnde sicut non discernere si aliquid à Deo eis præciperetur, sed humiliter illud implerent: sic non debent disceptare de mandatis prælati. Ber. Non te moueat magister imperitus, indiscreta potestas: sed memento: quia non est potestas nisi à Deo: & qui potestati resistit, ordinationi Dei resistit. Ad Col. 3. *Serui, obedite per omnia dominis, &c.* Et subditur: *Quodcumque facitis, ex animo operamini sicut Domino, & non hominibus.* Tertius gradus est hilariter obedire. *Hilarem enim datorem diligit Deus.* 2. Corinth. 6. secundum verbum. Bernard. Serenitas in vultu, dulcedo in sermonibus multum colorant obediendiam obsequentis. Nubilosa corporis compositio, & facies tenebris tristitia obfuscata, deuotionem ab animo reſect.

2. sal. 117.

psal. 77.



Psal. 68.

fisse significat. Quis enim libenter im-  
perat homini tristitiam afflantem. Ad Ephes.  
6. *Omnia facite sine murmurationibus.* Ec-  
cles. 35. *In omni dato hilarem fac vultum  
tuum.* Qui cum murmure obediunt, cum  
prava sententia Deum pascere volunt. In Psal.  
*Dederunt in escam meam sel.* Obedientia  
talium est quasi obedientia dæmonum.  
Ad præceptum enim Christi exhibant dæ-  
monia à multis, clamantia. Qui sic obe-  
diunt, non verè sunt obediens; etsi di-  
cantur esse. Matth. 27. *Invenerunt homi-  
nem Cyrenæum nomine Simonem.* Tales  
sunt ut magni lapides qui moveri non  
possunt sine afflictione mouentis. Eccles.  
10. *Qui transfert lapides, affligetur in eis.*  
Tales sunt ut rotæ carri non solum in hoc  
quo l præ defectu vñctionis murmurant,  
sed quia vnus alterum præcedere non vult:  
non faciam hoc dicit vnus, nisi ille idem  
fecerit. Eccles. 33. *Præcordia farni quasi  
rota carri.* Tales sunt sicut imagines in  
ædificiis quæ sustinent columnas quæ in  
facie tristitiam ostendunt. Prælati cuius  
subditi cum tristitia & murmure obe-  
diunt, similis est illi qui haberet omnia  
membra infirma, quæ necesse haberet mou-  
ere, & nullum mouere posset sine do-  
lore, qui esset in magna miseria. Præla-  
tus talis imperat isti, & ille affligitur, &  
contristatur, & ipse cum eo. Similiter  
imperat alij, & ille contristatur, & ipse  
cum eo, & sic qui obsequi debuerunt,  
offendunt, ad Heb. 13. *Obedite præpositis  
vestris, & subiaceite eis: ipsi enim perui-  
gilant quasi rationem pro animabus vestris  
reddituri, ut hoc faciant cum gaudio, &  
non gementes, hoc enim non expedit vobis.*  
Senec. in lib. de beneficiis. Ita à natura  
comparatum est, ut altius iniuriæ quam  
merita descendant: illa cito defluant, has  
tenax memoria custodiat. Quid expectat  
qui offendit dum obligat? Satis aduersus  
eum gratus est, qui beneficio eius ignoscit.  
A simili possumus dicere quod satisfacit  
Deus pro obedientia aliquorum, si affe-  
ctionem, quam ipsi faciunt superioribus

suis, eis ignoscit. Quartus gradus est velo-  
citer obedire. Lucæ 19. dictum est, Za-  
chæo: *Festinus descende.* Et subditur re-  
muneratio: *Hodie, inquit, salus huic do-  
mui facta est.* Matth. 4. dicitur de Petro  
& Andrea à Domino vocatis: Et illi con-  
tinuo relictis retibus secuti sunt eum. Et  
similiter subditur de Jacobo & Ioanne:  
Illi statim relictis retibus & patre secuti  
sunt eum. Hieron. Perfecta obedientia  
est sua imperfecta relinquere. Cant. 5. *Ma-  
nus eius torquabiles.* In vitis Patrum Abbas  
Sylvanus habebat duodecim discipulos,  
vni eorum nomen Marcus, quem præ-  
cæteris diligebat propter bonum obe-  
dientiæ quod erat in eo. Cumque quidam  
dixerunt ei quod alij discipuli contrista-  
rentur ex hoc, ipse pulsauit ad ostium vni-  
uscuiusque vocans eum, & nullus exire  
vult. Tandem vocauit Marcum ad eius  
ostium, qui statim exiuit, & Sylvanus in  
quaterno quem ille scribebat tempore  
vocationis, literam vltimam imperfe-  
ctam inuenit, quam post vocationem pro-  
pter bonum obedientiæ implere noluit.  
Tunc illi iudicauerunt eum magis esse  
diligendum, eo quod Deus magis diligeret  
eum propter bonum obedientiæ. Item  
quidam Abbas seniori suo abbati debuit  
præparare piscem, & apposuit cultel-  
lum & incidebat eum, & vocatus ab  
abbate suo reliquit piscem semiscissum  
propter bonum obedientiæ. Valde gra-  
tum solet esse principibus quum præce-  
pta eorum velociter adimplentur. Prouer.  
22. *Vidisti hominem velocem in opere suo:  
coram regibus stabit, nec erit ante igno-  
biles.* Quintus gradus est, viriliter adimple-  
re mandatum. Bernard. Manum tuam in-  
sisce ad fortia, agendum est instanter &  
constanter obediendum. Nec inter as-  
peritatem verberum tam regalis est semi-  
ta relinquenda. Et loquitur de semita o-  
bedientiæ. Christus hanc semitam etiam  
pro morte ignominiosissima relinquere  
noluit. Ad Philip. 2. *Factus obediens  
usque ad mortem: mortem autem crucis.*

Bernard. Mementote fratres, Christus ne perderet obedientiam, perdidit vitam. Idem: Putas obedientia fructum, cum subditus audit obedientiam quam multis expetierat votis, cum ei præcipitur quod re-doleat dignitatem? Et contrario meritum assigna illi obedientia, quæ terret animū audientis, grauis ad audiendum, grauior ad implendum, grauissima ad tenendum. Sextus gradus est, humiliter obedire. Et subdit Bernard. Magna virtus humilitatis, sine cuius obtentu virtus fortitudinis non solum virtus non fit, sed etiam in superbiam erumpit. Luc. 17. *Quum feceritis omnia quæ præcepta sunt, dicite serui mutiles sumus: quod facere debuimus, fecimus.*

Perseuerantia est filia regis.

Septimus gradus est, indefinenter obedire. Et subdit Bern. Perseuerantia singularis est filia summi regis. Idem: Quid currere prodest, & ante cursus metam deficere? Sic currite vt comprehendatis, 1. ad Corinth. 11. *Hi sunt septem gradus scala quam vidit Iacob.* Genes. 28. *Hanc visionem vidit Iacob dormiens in itinere, lapide supposito capiti.* gl. Caput ponit in lapide qui Christo inhaeret mente. Et secundum August. in itinere dormire, est in via huius seculi ab impedimento secularium actionum quiescere. Beatus Benedictus & August. & alij Sancti qui religiones instituerunt, quum Christo corde adhæsisent, & a curis huius seculi quiescerent, spiritaliter viderunt visionem illam. Scala ista obedientia est, cuius duo latera possunt intelligi, paupertas voluntaria & continentia, vel abrenuntiatio proprij sensus & propriæ voluntatis.

Attendenda vero sunt quatuor quæ de hac scala dicuntur. Primum est, quod erat stans super terram. In quo notatur rectitudo intentionis, quæ debet esse in his qui viam obedientia aggrediuntur. Et excluditur per hoc macula intentionis terrenæ eorum qui habent terrenam intentionem in religione. Scala eorum non stat, sed potius iacet super terram: vel potius directa

est ad infernum. Eccles. 4. *Custodi pedem tuum ingrediens domum Domini.* Pedem inquam, intentionis. Secundum est, quod cacumen eius attingebat cælum. In quo figuratum est, quod conuersatio religiosorum in cælis debet esse, vel quod immediatus transitus est in mortem à via perfecta obedientia in cælum. Parum enim vel nihil morantur perfecti obedientes in purgatorio. Et quia magni lucris est obedientia, vt prius ostensum est, & ideo sufficit hic soluere debita. Et quia in vero obediente Christus viuunt & operatur, ad Galat. 2. *Vino autem iam non ego: viuunt vero in me Christus.* Nec est verisimile quod Deus sit in futuro eorum ultor quorum hic est actor. Tertium est, quod Iacob vidit angelos ascendentes & descendentes per scalam illam. In quo insinuat quod via obedientia vita angelica est. Siue enim descendant verè obedientes fratribus suis ministrando, siue ascendant Deo assistendo in oratione, lectione, meditatione, ad modum angelorum voluntatem Dei peragunt. Vnde quantum ad illos impletur orationis Dominica petitio, *Fiat voluntas tua sicut in cælo & in terra.* Matth. 6. Quartum est, quod Dominus erat innixus scalæ. In quo insinuat quod perfecta obedientia se habet immediate ad Deum. Nullum enim interuallum vel modicum est inter mortem vere obedientis & diuinam visionem. In Psal. *Tenuisti manum dexteram meam, & in voluntate mea deduxisti me, & cum gloria suscepisti me.* Esa. 58. *Si auerteris à sabbato pedem tuum, &c. sustollam te super altitudinem terra, & cibabo te hereditate Iacob patris tui.* Multum deberent incitare eos qui sunt in scala obedientia ad ascendendum viriliter spes & desiderium videndi Dominum innixum scalæ. Sicut quum acclamatum est in obsidione aliquius castri, illum habiturum centum libras qui primo intrauerit: spes & desiderium tanti lucris facit aliquos per scalam ascendere, tenentes clypeos supra se, licet lapidibus

Obedientia perfecta immediate se refert ad Deum. 1. 2. 72.

lapidibus desuper percutiantur. Sic spes & desiderium, de quibus iam diximus, deberent facere ut homines per scalam obedientiæ ascenderent, omnes aduersitates quæ occurrunt superando. Matth. 11.

*Regnum celorum vim patitur, & violenti rapiunt illud.* Item insinuat in hoc quod Dominus erat innixus scalæ, quod ipse paratus est iuare & conseruare eos qui viam obedientiæ aggressi sunt quasi suos.

Perfekte obediens est proximo sequitur Dominum. Vnde Dominus quasi fidelis socius, ubi deuentum est ad locum difficilem ad transeundum, porrigit ei manum iuuans eum. In Psalm. *Adhæsit*

*anima mea post te: me suscepit dextera tua.* Attendendum etiam est quod sequitur: *Vere Dominus est in loco isto*, dicit Iacob. Deus Dominum se exhibet vere obediendi, eum iuando, conseruando, & ei prouidendo: & merito, cum ille se exhibeat seruum Dei, voluntatem eius adimplendo. Item attendendum est quod Iacob postea dixit: *Quam terribilis est locus iste.* Terribilis est locus sanctus, scilicet locus religionis, propter Domini præsentiam. Solicite enim debent se habere qui sunt in religione, propter hoc quod Dominus præsens est. Hoc est vnum illorum quæ Deus requirit ab homine, scilicet solicite ambulare cum Deo suo. Mich.

6. Terrorem incutere deberet his qui peccant in locis sanctis, pœna illorum qui in locis sanctis peccauerunt, ut pœna Luciferi & Adam. Sequitur: Non est hic aliud, nisi Domus Dei, & porta cœli, Domus Dei dicitur religio: quia in vere obediensibus Deus habet dominium. Porta vero cœli est propter propinquitatem quam habet perfecta obedientia ad Dei visionem. Væ illis, qui de porta cœli faciunt portam inferni: & de domo Dei, speluncam latronum: ut qui simoniacè intrant religionem aliquam, vel proprietarij sunt ibi. Matth. 21. *Domus mea, domus orationis vocabitur: vos autem fecistis eam speluncam latronum.* Item: Væ illis

religiosis qui de scala regni cœlestis scalam faciunt confusionis, quorum peccata tanto amplius fortent hominibus, quanto ipsi sunt in gradu altiori.

## CAPUT V.

## De partibus obedientiæ.

EST obedientia reprehensibilis, & est Obedientia commendabilis. Obedientia reprehensibilis est triplex. <sup>Obedientia quod triplex.</sup> Prima est cum aliquis obedit creaturæ inferiori hominer ut pecuniæ. Eccles. 10. *Pecunie obediunt omnia.* Secunda est, cum ex remissione superioris & ceruicofitate inferioris accidit quod ille obedit qui debet imperare, & ille imperat qui debet obedire: cum scilicet ille est supra qui deberet esse infra, & membrum super verticem se extollit. Prou. 30. *Per tria mouetur terra, & quartum quod non potest sustinere. Per seruum cum regnauerit, &c.* Tertia est, cum aliquis suo superiori in malo obedit. Greg. in Moral. Nunquam per obedientiam malum fieri. Aliquando autem debet bonum quod agitur per obedientiam intermitteri. Bernardus in epist. Facere malum quolibet etiam iubente domino, constat non esse obedientiam, sed potius inobedientiam. Greg. Cauent subditi ne plus quàm expedit sint subiecti, ne dum plus quàm expedit student subijci, superiorum compellantur vitia venerari. August. Sic modus obedientiæ tenendus est, ut bonis in malo non consentias, nec malis in bono non contradicas. Obedientia vero commendabilis quædam est necessaria, quædam abundans vel perfecta. Necessaria est, ut cum aliquis obedit in his in quibus tenetur obedire. Abundans verò est, quin obediat etiam in his in quibus non tenetur obedire. Bern. Subiectus huiusmodi obedientiam quæ finibus cohibetur nouerit imperfectam: nam perfecta obedientia legem nescit termi-

nis non arctatur; neque contenta angustiiis professionis, largiori voluntate fertur in latitudinem charitatis. Item ad perfectionem obedientiæ pertinet non solum facere quod iubetur, sed etiam sicut iubetur. Bernard. Illum optimum dixerim obedientiæ gradum, cum eo animo opus iniunctum recipit quo & præcipitur. Genes. 17. dicitur de Abraham. *Et circumcidit carnem præputij eorum statim ipsa die sicut præcepit ei Deus.* Matth. 1. *Exurgens Ioseph à somno fecit sicut præcepit ei angelus.* Ioan. 14. *Sicut mandatum dedit mihi Pater, sic facio.* Item notandum quod est obedientia quæ debetur ex natura: ut illa quæ debetur Deo. Act. 5. *Obedire oportet Deo magis quam hominibus.* Et illa quæ debetur parentibus carnalibus. Ad Ephes. 6. *Filij obedite parentibus vestris in Domino, hoc enim iustum.* Item ad Coloss. 3. *Filij, obedite parentibus vestris per omnia: hoc enim beneplacitum est Domino.* Item est obedientia quæ non debetur ex natura, sed habuit voluntatem principium sui, vel voluntatem liberam, vel non liberam. Voluntatem non liberam sui principium habuit obedientia quam debet servus Domino, ad Coloss. 3. *Servi, obedite per omnia dominis vestris.* Voluntatem vero liberam sui principium habuit obedientia quam vxor debet viro, vel quam debet subditus prælato. ad Ephes. 5. *Mulieres subdite sint viris suis in omnibus.* Genes. 3. mulieri dicitur: *sub viri potestate eris, & ipse dominabitur tui.* ad Hebr. 3. *Obedite præpositis vestris, & subiaceat eis.*

## CAPVT VI.

*De his quæ aduersantur obedientiæ. Et de 12. malis quæ propria voluntas homini facit.*

Obedientiæ quæ aduersantur.

Obedientiæ primò aduersatur proprius sensus, deinde propria voluntas. Si curequus videns non est idoneus circum-

ire ad molam: sic qui habet proprium sensum, non est aptus volubilitati obedientiæ. Deuter. 12. *Non facietis ibi quod nos facimus hic hodie singulis quod sibi rectum videtur.* Iudic. 17. *In diebus illis non erat rex in Israël: sed unusquisque quod rectum sibi videbatur, hoc faciebat.* Exemplum relinquendi proprium sensum, dedit Christus à matre sua in templo inuentus. Luc. 2. *Descendit cum eis, & venit Nazareth, & erat subditus illis.* Bernard. Quis non erubescat obstinatus esse in consilio suo, quando suum sapientia ipsa deseruit? Proprius sensus, oculus est veteris hominis qui inimicus est Deo, & ideo erudendus est. De propria voluntate, notandum est, quod ipsa Deo multum displicet, Diabolo multum placet, homini multum nocet. Nec mirum si Deo multum displicet. Ipsa enim est quæ Deo primo iniuriatur. Ipsa sola Deo aufert dominium suum, & dat illud diabolo. Sicut enim obedientia efficit hominem seruum Dei: sic propria voluntas efficit eum seruum diaboli: ideo multum placet diabolo. Eccles. 18. *Post concupiscentias tuas non eas, & à voluntate tua auertere. Si præstes animæ tuæ concupiscentias eius, faciet te in gaudium inimicis tuis.* Propria voluntas homini multipliciter nocet. Primò aufert ei Deum. Bern. sup. Cant. Non dabit inobedientiam copiam qui tantus obedientiæ amator, & mori quam non obedire maluerit. Secundò, beneficia Dei homini subtrahit. Greg. Dignum est ut ab eius beneficijs sit quilibet extraneus, qui eius nimirum iussionibus non vult esse subiectus. Tertio, meritum euacuat. Esa. 58. *Quare ieiunamus, & non aspersisti?* Et subditur: *Ecce hodie ieiunij vestri inuenitur voluntas vestra.* Bernard. super Cant. Grande malum propria voluntas, quæ fit ut bona tua tibi bona non sint. Quartò, hominem excommunicat. 2. ad Thess. 3. *Si non obeditis verbo nostro per epistolam, hunc notate, & non commisceamini cum illo.* Quintò, hominem furem efficit. Illi enim qui in reli-

gione est propriæ voluntatis, contractat rem alienam, scilicet seipsum, Domino inuito. Matth. 23. *Si quis vult post me venire, abneget semetipsum.* Luc. 14. *Omnis ex vobis qui non renuntiaverit omnibus quæ possidet, non potest meus esse discipulus.* Sexto, reddit hominem maledictum. Deuter. 28. *Si audire nolueris vocem Domini Dei tui, ut custodias & facias omnia mandata eius, venient super te omnes maledictiones istæ, & apprehendent te. Maledictus eris in civitate, maledictus in agro, maledictum horreum tuum, & maledicta reliquia tua, maledictus fructus ventris tui, & fructus terra tue.* Septimo, idololatriâ efficit, 1. Regum 15. *Quasi peccatum ariolandi est repugnare, & quasi scelus idololatriæ, nolle acquiescere.* Gloss. Sola est obedientia quæ fidei meritum possidet, sine qua infidelis quisquis conuincitur. Inobediens negat Deum in quantum Deus est. Greg. in Moral. Contra conditorem superbire, est præcepta eius peccando transgredere: quia quasi à se iugum dominationis eius excutit, cui per inobedientiam subesse contemnit. Octavo, hominem à dignitate deiecit: ut patet in Saül, cui dicit Samuel, 1. Reg. 15. *Quia proiecasti sermonem Domini, proiecit te Dominus ne sis Rex super Israël.* Nono, aduersarium homini suscitatur. 3. Reg. 11. *Fecit Salomon quod non placuerat coram Domino & suscitavit Dominus aduersarium Salomoni.* Decimo, hominem confundit. Osee 10. *Confundetur Israël in voluntate sua.* Esa. 45. *Confundentur omnes qui repugnant ei:* In hoc confunditur qui propriam voluntatem in religione sequitur, quia contrarium accidit ei illius quod intendit. Querit alicubi consolationem, & ex hoc postea habet maiorem desolationem. Vel in remorsione conscientie, vel in punitione poenitentiae, vel in infirmitate quæ quandoque ex hoc sequitur. Qui plus vult facere voluntatem suam in religione, plus cogitur facere contra eam. Quum enim talis non habeat gratiâ illam apud Deum

vel homines quam habet verus obediens, multa non conceduntur sibi quæ conceduntur verò obedienti. Ionas effugere voluit ut Dei voluntatem non impleteret: implevit tamen eam inuitus. Gregor. Ecce Ionam fugitiuum Dei tempestas inuenit, fors ligat, mare suscepit: & quia auctoris voci obedire renititur, ad locum quo missus fuerat suo reus carcere portatur. Vndecimo, hominem affligit. Vnde Saül inobedientem malignus spiritus exagitat. 1. Reg. 16. Homo propriæ voluntatis in religione animum habet inordinatum, & ideo affligitur. August. in lib. de Conf. Iussisti, Domine, & sic est, ut poena sibi sit omnis inordinatus animus. Duodecimo, hominem morte temporali & æterna dignum efficit. Deut. 17. *Qui superbiert nolens obedire sacerdotis imperio, morietur.* Eiusd. 21. *Si genueris hominem filium contumacem, qui non audierit patris aut matris imperium, & coërcitus obedire contempserit, lapidibus eum obruet populus.* Iosue 1. *Qui contradixerit ori tuo, & non obedierit cunctis sermonibus tuis quos præceperis ei, moriatur.* 2. Reg. 13. *Vir Dei qui inobediens fuit ori Domini percussus est à leone.* Ber. Quid odit Deus, aut quid punit præter voluntatem propriam? Cesset enim propria voluntas, & infernus non erit.

## P A R S VII.

De errore illorum qui dicunt soli Deo obediendum esse, & non homini.

**F**alsitas huius erroris facile manifesta-  
ri potest his qui vetus testamentum recipiunt: cum in veteri lege præcipiantur occidi, qui imperio sacerdotis, vel principis, vel parentum inobedientes sunt. De primo habetur. Deuter. 17. *Qui superbiert nolens obedire sacerdotis imperio, morietur.* De secundo Iosue 1. *Qui contradixerit ori tuo, &c.* De tertio Deuter. 21.

Si genuerit homo filium contumacem, &c. Testimoniis etiam Noui testamenti falsitas dicti erroris manifestè potest ostendi. Rom. 14. Omnis anima potestatibus sublimioribus subiecta sit. Non enim est potestas nisi à Deo: quæ autem sunt à Deo ordinata sunt. Itaque qui resistit potestati, Dei ordinationi resistit: qui autem resistunt, sibi ipsi damnationem acquirunt. Ephes. 6. *Filij obedite parentibus vestris in Domino: hoc enim iustum est.* In eodem: *Serui obedite dominis vestris carnalibus: cum timore & tremore, in simplicitate cordis vestri sicut Christo.* ad Coloss. 3. *Filij obedite parentibus vestris: hac enim beneplacitum est Domino.* In eod. *Serui obedite per omnia dominis carnalibus,* ad Tit. 3. *Admone illos principibus & potestatibus subditos esse.* ad Heb. 13. *Obedite prepositis vestris & subiace eis.* 1. Pet. 3. *Subiecti estote omni humana creatura propter Deum, siue regi quasi præcellenti; siue dominis, quasi ab eo missis.* In eodem: *Serui subditi estote in omni timore dominis non tantum bonis & modestis, sed etiam discolis.* Præterea constat quod Christus voluit apostolos esse loco sui, & vicem eius gerere: secundum illud Matth. 10. *Qui vos audit, me audit: & qui vos spernit, me spernit.* Et eiusd. 16. dictum est Petro: *Tibi dabo claves regni cælorum: & quodcunque ligaueris super terram, erit ligatum & in cælis: & quodcunque solueris super terram, erit solutum & in cælis.* Item eiusdem 18. *Amen dico vobis: quacunque alligaueritis super terram, erunt ligata & in cælo, &c.* & Ioan. 20. *Accipite Spiritum sanctum: quorum remiseritis peccata, remittuntur eis: quorum retinueritis, retenta sunt.* Obediendum ergo fuit apostolis sicut Christo, tanquam eius vicariis. A simili ergo successoribus eorum obediendum est tanquam Christi vicariis. Si quis vero dicat quod obediendum fuit Apostolis tanquam Christo, sed non eorum successoribus. Ergo Christus recessurus ab Ecclesia non sufficienter ordinauit de ea: si

non ordinauit de ea, nisi quandiu apostoli viverent. Si Rex Franciæ iturus esset in peregrinationem, & poneret aliquem loco sui vsque ad certum tempus infra quod sciret se non esse rediturum, ipse non sufficienter ordinaret de regno. Ergo quum Christus ascensurus in cælum sciret se non esse rediturum ad Ecclesiam ante mortem Apostolorum, si ipse solum ordinauit qui essent loco eius dum apostoli viverent, ipse sufficienter prouidit Ecclesiæ suæ: Relinquitur ergo quod successoribus eorum obediendum sit, sicut & ipsis obediendum fuit. Si quis vero dicat hominibus esse obediendum, sed tantum bonis, non malis, patet primò hoc esse falsum ex verbis Christi. Matth. 23. *Super cathedram,* inquit, *Moyse, sederunt Scribæ & Pharisei: omnia ergo quacunque dixerint vobis seruate & facite, secundum verò opera eorum nolite facere.* 1. Pet. 2. *Serui subditi estote in omni timore dominis, non tantum bonis & modestis, sed etiam discolis.* Præterea si tantum bonis esset obediendum, iurisdictio Ecclesiæ nihil haberet certitudinis, nescitur enim quis sit bonus vel malus. Ecclesiast. 9. *Sunt iusti atque sapientes, & opera eorum in manu Dei, & tamen nescit homo vtrum amore an odio dignus sit: sed omnia in futurum seruantur incerta.* Item iurisdictio Ecclesiæ nihil haberet stabilitatis. Ille enim qui est bonus, in momento potest fieri malus, & iam non ei est obediendum. Præterea sicut pictor sædus depingit statuam pulchram, nec vitium pictoris statuam deturpat: sic & prælatus malus potest facere præceptum bonum: nec est periculum his qui subiecti sunt, si obediant prælato malo in eis in quibus obedirent prælato bono. Ex quo prælatus malus habet potestatem. Omnis enim potestas à Deo est: & qui potestati resistit, ordinationi Dei resistit, ad Rom. 13. Si vero prælatus malus præcipiat malum: tunc planè non est obediendum ei. Aug. super illum ad Rom. 13. *Qui re-*

fistunt, ipsi sibi damnationem acquirunt. Si ille iubeat quod non debes facere, hinc sanè contemne potestatem, timendo potestatem maiorem. Ipsos humanarum rerum gradus aduerte. Si quid iusserit curator, nunquid tibi faciendum est si contra proconsulem iubeat? Rursus si quid proconsul iubeat, & aliud Imperator, nunquid dubitatur contempto illo, illi esse seruiendum? Ergo si aliud Imperator & aliud Deus iubeat, contempto illo obtemperandum est Deo.

## DE DISCIPLINA.

### P A R S XI.

#### *Qua habet septem Capitula.*

#### C A P V T I.

*De ordine dicendorum: de Disciplina, & de diuersis acceptionibus huius nominis Disciplina.*

**D**ICTO de Obedientia quâ redditur quod debetur superiori, dicendum est de Disciplina qua redditur quod debetur inferiori. De quâ hoc modo dicitur. Primo ponentur diuersæ acceptiones huius nominis Disciplina. Secundo, tangetur de his quæ possunt incitare ad faciendum correptionem. Tertio, de his quæ possunt eam impedire. Quarto, de modo corripiendi, vel corrigendi. Quinto, de his quæ incitare possunt ad libenter recipiendum correptionem. Sexto, de diuersis partibus disciplinæ. Septimo, de erroribus circa disciplinam. Circa primum notandum quod disciplina quandoque dicitur desiderium corrigendi inferiores, & sic videtur esse pars iustitiæ. Quandoque autem dicitur disciplina id quod adhibetur ad correptionem aliquorum. Sic sumitur Hebræor. 12. *Filii, noli negligere disciplinam.* In eodem *In discipli-*

*na perseuerate.* Item: *Si extra disciplinam es, &c.* Quandoque autem disciplina dicitur effectus disciplinæ sumptæ secundo modo. Et sic videtur eam describere Cyprianus, dicens: Disciplina est morum ordinata correptio, & maiorum præcedentium patrum regularum observatio. Item magister Hugo de sancto Victore: Disciplina, inquit, est conseruatio bona & honesta, cui parum est non malum facere, sed studet in his quæ bene agit per cuncta irreprehensibilis apparere. Bern. in epistolis: Disciplina ceruicem submit-

Item magister Hugo de sancto Victore. Disciplina est membrorum omnium motus ordinatus, & dispositio decens in omni habitu & actione. Disciplina sumpta primo modo poterit videri alicui idè esse quod zelus. Ad zelum primò videtur pertinere dolor de Dei contumelia, qui est quasi quædam scissura cordis, quam interdum indicat vestium scissura. Secundo tabescentia quæ est quum dolor vehementior aut diuturnior fuerit. David: *Super inimicos tuos tabescebam.* Tertio, ira per zelum, quæ est appetitus vlciscendi Dei offensam: quæ ira si inueterata fuerit, efficitur odium. De quo In Psal. *Nonne qui oderunt te Domine oderam.* Idem: *Perfecto odio oderam illos.* Perfectum odium est quo inimicos Dei vsque ad dilectionem vel perfectionem persequimur, non habentes pacem cum eis, quandiu sunt Dei inimici. Vel perfectum odium dicitur odium virorum perfectorum, quo peccata hominum non homines odio habentur. Ambros. Qui habent zelum, omnes inimicos suos putant qui sunt hostes Dei, quamuis patrem, sororem, de omnibus dicunt: *Inimici facti sunt mihi.* Idem: *Nemo grauior hostis omnium, quam qui omnium lædit auctorem.* August. Vnumquemque Christianum zelus domus Dei:

*Zelus quando idè quod discipli- na & quid ad eum spectet. Psal. 138.*

*Ibidem.*

comedit. Non enim magis est domus tua quàm illa ubi habes salutem æternam. Si ergo in domo tua ne quid peruerfum fiat fatagis, in domo Dei ubi salus est propolita & requies sine fine, non debes pati, quantum in te est, si quid peruerfum forte videris. Et notandum quod non videtur omnino idem esse zelus & ira per zelum. Bonus zelus est, ut ait Glos.

Zelus &  
ira per  
zeli quod  
differtur.

August. super illud Ioan. 2. *Zelus domus tua.* Feruor animi quo mens abiecto timore humano pro defensione veritatis attenditur, eo comeditur, quo quælibet praua quæ viderit, corrigere fatagit: si nequit, tolerat & gemit. Ira vero per zelum est ira iusta. De qua Glos. super illud Matth. 5. *Omnis qui irascitur, &c.* Iusta ira est mater disciplinæ. Et super illud Iob 5. *Virum stultum interfecit iracundia.* dicit Gregor. Est ira per zelum, qua irasci sicut nostris, proximorum erroribus debemus. De hac ira etiam dicit Glos. super illud Ecclesiast. 7. *Melior est iraristi.* Hæc est ira qua vitiis irascimur. Item notandum quod super illud Ezech. 4. *Sume tibi sartagine ferream,* dicit Glos. Gregor. Nullum maius sacrificium Deo est, quàm zelus animarum. Zelus Dei gloriam in hoc mundo defendit: zelus carbo est quem vnus de Seraphim accepit de altari cælesti, & tetigit labia Esaia. Esa. 6. *Nam non sunt digna predicare verbum Dei labia illa quæ hic* *carbo non tetigerit.* In Psal. *Mors in labiis eorum,* ubi littera communis habet, *Gladus in labiis eorum.* In labiis quorundam verbum Dei quod deberet esse spiritus & vita, mors est. Propter defectum enim zeli, verbum Dei ita frigide annuntiant aliqui, quod auditores eorum inde potius frigescunt quàm accendantur. Propter ignem istum dictum de Elia. Eccl. 48. *Surrexerit Elias propheta quasi ignis.* Zach. 2. *Ponam duces Iuda sicut caminum ignis in lignis.*

Psal. 58.

## CAPVT II.

*De his quæ possunt incitare ad faciendam correptionem.*

**A**D correptionem faciendam, notandum quod ad hoc primo incitare potest frequens admonitio sacre Scripturæ. Matth. 10. *Si peccaueris in te frater tuus, corripe eum inter te & ipsum solum.* ad Galat. 6. *Si preoccupatus fuerit homo in aliquo delicto: vos qui spirituales estis instruite huiusmodi.* 1. ad Thess. 4. *Regamus vos fratres, corripite inquietos.* Prou. 24. *Noli subtrahere a puero disciplinam.* Eccl. 7. *Filijs tibi sunt iterum illi, & curua illos a pueritia illorum:* Eiusd. 30. *Tande latera eius, dum infans est, ne forte induret & non credat tibi.* In eodem: *Doce filium tuum, & operare in illo, ne in turpitudine illius offendas.* ad Ephes. 6. *Educate filios vestros in disciplina & correptione Domini.* Secundo exempla, & maxime exemplum Christi. De cuius zelo habes Matth. 21. & Ioann. 2. Et in Psalm. *Zelus domus tua comedit me.* Esaia 59. *Operatus est Dominus pallio zeli.* Et Cant. 2. *En ipse stat post parietem:* ad modum scilicet zelantis & auscultantis. Exemplum zeli habes. Exod. 32. in Moyse & Leuitis vindictam sumentibus de idololatria Iudaici populi. Item Num. 25. in Phinees, qui interfecit virum Israelitam coeuntem cum Madianitide: de quo Dominus ait ad Moysen, Phinees filius Eleazari auertit iram a filiis Israel: quia zelo meo commotus est contra eos. Item tertio Reg. 10. in Iesu qui interfecit prophetas Baal. Item 1. Mach. 2. in Matathia qui trucidauit Iudæum sacrificantem idolis. Tertio utilitas ex correptione proueniens, virga correptionis fructifera est. Vnde significata est per virgam illam quæ protulit flores & amygdala. Num. 17. Utilitatem correptionis in multis locis insinuat sacra Scriptura. Prou. 17. *Melior est manifesta correptio*



## CAPVT III.

## De impedimentis correptionis.

quàm amor absconditus. Et in eodem: Meliora sunt vulnera diligentis, quàm fraudulenta odientis oscula. Eiusd. 18. Qui corripit hominem, gratia postea inueniet apud eum, magis quam qui per linguam blandimenta decipit. Eiusd. 29. Virga atque correptio tribuit sapientiam. Eccl. 7. Melius est à sapiente corripì, quàm stultorum adulatione decipi. Eiusd. 30. Qui diligit filium, assidue illi flagella, ut lateat in nouissimo suo. Item in eodem: Qui docet filium suum, laudabitur in eo. Augustinus ad Vincentium: Non omnis qui parcat, amicus est; nec omnis qui verberat, inimicus. Melius est cum seueritate diligere, quam cum lenitate decipere. Vtilius esurienti panis tollitur, si de cibo iustitiam securus negligebat, quam esurienti panis frangitur, ut iniustitiæ seductus acquiescat. Et qui phreneticum ligat, & qui lethargicum excitat, ambos molestus ambos amat. Quis non potest amplius amare quàm Deus? & tamen, nos non solum docere suauiter, verumetiam salubriter terrere non cessat. Quarto, malum proueniens ex defectu correptionis. Quod in multis locis sacræ Scripturæ nobis insinuat. 1. Reg. 3. Suscitabo aduersus Hele omnia quæ locutus sum super domum eius, eo quod non erat indigne agere filios suos, & non corripuit eos. Et 3. Reg. 1. Adonias eleuabatur, dicens: Ego regnabo. Et infra: Nec corripuit eum pater suus aliquando, quem occasione regni postea Salomon fecit occidi. Prou. 13. Qui parcat virge, odit filium suum: qui autem diligit, instanter erudit. Eiusdem 29. Pater qui dimittitur voluntati suæ, confundit matrem suam. Ecclesiastic. 22. Confusio patris est de filio indisciplinato. Eiusdem 41. De patre impio queruntur filij, quoniam propter eum sunt in opprobrium vel tormentum. Esaia 14. Propterea eius filios occisioni in iniquitate parauit coram.

Octo sunt quæ solent impedire ne correptio debito modo fiat. Primum est, indiscreta humilitas, August. loquens Prælati: Cum necessitas disciplinæ in moribus coercendis dicere vos dura verba compellit, si etiam ipsi modum vos excessisse sentitis, non à vobis exigitur ut à vobis subditis, veniam postuletis, ne apud eos quos oportet esse subiectos, dum nimium seruatur humilitas, regendi frangatur auctoritas. Eccl. 13. Noli esse humilis in sapientia tua. Tit. 2. Hac loquere & exhortare, & argue cum omni imperio. Secundum est timor scandali. Veritas vitæ, doctrinæ vel iudicij, propter scandalum dimittenda non est, ad Gal. 2. dicit Paulus: Quum venisset Petrus Antiochiam, in faciem restitit ei: quia reprehensibilis erat. Matth. 13. cum diceretur Christo, Scis quia Pharisei audito hoc verbo scandalizati sunt? Ille respondens, ait: Omnis plantatio quam non plantaueris. Pater meus eradicabitur: Sinite eos, cæci sunt, & duces cæcorum. Tertium est, timor mundanus vel humanus. Contra quod legitur de Elia Eccles. 48. Non pertimuit principem, nec superauit eum verbum aliquod. Et 3. Reg. 18. Dixit Elias ad Achab: Non conturbo ego Israel, sed tu & domus patris tui. Quartum est, remissio. De qua exemplum habetur in Hel. 1. Reg. 1. qui remissè arguebat filios suos, dicens: Quare facitis res huiusmodi quas ego audio? Quintum & sextum sunt austeritas & indiscretio. Contra quæ duo fuerunt in arca testamenti, virga, manna, & tabulæ testamenti. In virga intelligitur correptio. In tabulis, discretio. In manna, mansuetudo. Contra austeritatem dicitur ad Gal. 6. Vos qui spirituales estis, instruite huiusmodi in spiritulenis atque: Contra indiscretionem dicitur. Prou. 14. In ore stultorum virga superbia. Septimum est ira vel odium.

Prou. 19. *Spiritus ad irascendum facilem quis poterit sustinere?* Eccl. 19. *Est correptio mendax in ira contumeliosa.* Videtur esse correptio, quod potius est corruptio vel conuiciatio. Octauum est amor terrenorum. Vnde Genes. 4. dixit Cain: *Nunquid custos fratris mei sum ego?* Cain interpretatur possessio: Amator possessionum custodiam fratrum negligit, non attendens illud Eccl. 29. *Perde pecuniam propter fratrem.*

## CAPIT IV.

## De modo faciendi correptionem.

**C**orreptio procedere debet ex amore. Apoc. 4. *Ego quos amo, arguo & castigo.* Sed sunt aliqui qui illos maxime volūt corrigere quos videntur non amare, quorum correptio ab iis quibus adhibetur, non reputatur correptio, sed hostilis persecutio. Esa. 11. *Egredietur virga ab radice Iesse.* Iesse interpretatur incendium. De incendio amoris egredi debet virga correptionis. 2. ad Thess. vlt. *Nolite quasi inimicum existimare illum, sed corripite ut fratrem.* Item correptio debet fieri cum compassione. Greg. Nequaquam iacentem erigit, nisi qui status sui rectitudinem per compassionem flectit. Aug. Duo sunt nomina, homo, peccator: quia peccator est, corripe: quia homo est, misere. Psal. 140. In Psal. *Corripiet me iustus in misericordia & increpabit me,* sicut dicit Gloss. super illud Matt. 5. *Beati qui esuriunt, & sitiunt iustitiam.* Iustitiæ lumen est misericordia. Iustitia sine misericordia cæcus furor est. Zelus absque misericordia, est ut cæcus sagittarius qui intendens occidere feram, occidit hominem: sicut Lamech qui intendens sagittare feram, sagittauit Cain, & occidit eum, iuxta traditionem Hebræorum. Ignis zeli ardere debet in oleo misericordiæ. Gregor. super Ezechiel. *Zeli sancti districtio, de virtute misericor-*

diz necesse est ut ardeat. Ideo necesse est eum qui habet alios corrigere, iugiter meditari propriam infirmitatem, ut in seipso discat, quod alij portare possint. In Psal. *Sciant gentes quoniam homines* Psal. 9. *sunt.* ad Galat. 6. *Considerans te metipsum ne & tu tenteris.* Eccl. 31. *Intellige quæ sunt proximi ex teipso.* Gregor. Omnipotens Deus idcirco Principem Apostolorum permisit cadere, ut in culpa sua disceret qualiter aliis misereri deberet. Et de Christo legitur, Esa. 53. *Virum dolorum & scientem infirmitatem.* Qui non didicit pati disciplinam, nescit eam in alios exercere. Quidam religiosi habentes abbatem tortorem crudelissimum, inexpertum disciplinæ quam in alios voluit exercere, coegerunt eum sedere per mensem inter fratres, & agere se tanquam simplicem fratrem: quem quotidie proclamantes, & egregie verberantes, tandem restituerunt eum sedi suæ, dicentes: Ecce per mensem fuisti in scholis disciplinæ: & non solum audisti doctrinam disciplinæ, sed etiam sensisti: non erat mirum si nesciebas quod non didiceras: sis memor eorum quæ didicisti, alioquin tibi rememorationem faciemus ipsorum. Qui didicit ex his quæ passus est disciplinam. Sunt multi qui alios durè volunt corrigere, sed tamen nolentes corrigi, quorum morbus est. Noli me tangere, solo Deo curabilis, cum omnem tactum humanum fugiat. Item correptio fieri debet in mansuetudine. In Psal. *Superuenit mansuetudo, & corripimur.* Senec. Vitia animi sicut vitia corporis leniter sunt tractanda. Ambr. super Lucam: Plus proficit amica correptio, quàm accusatio turbulenta. Illa pudorem incutit, hæc indignationem mouet: ad Galat. 6. *Vos qui spirituales estis, huiusmodi instruite in spiritu lenitatis.* Zelus sedet quasi in fornace, vel iuxta fornacem, scilicet vim irascibilem: vnde de facili emicant scintillæ iræ quibus turbatur oculus mentis. Catō: *Impedit ira animum, ne possit cernere verum.* Et super illud

illud Iob 5. *Virum stultum interfecit iracundia.* dicit Greg. Ira per zelum turbat. Ipsa namque zelus rectitudinis, dum aciem mentis agitat, turbat. Ideo viri sancti iram sentientes super sedere volunt correptioni, donec ira cessauerit & tranquillitas in mente facta sit, imitari volentes illum cui dicitur, Sapient. 13. *Tu dominator vir-  
sutis cum tranquillitate indicas.* Iac. 1. *Ira viri, iustitiam Dei non operatur.* Diogenes cum esset iratus seruo suo, ait: Iam te, nisi iratus essem, verberibus enecassem. In hominibus iracundis non exilit scintilla de fornace vis ira scibilis, sed flamma totum vorans: & quod zelo sancto cœperant, furore consummant. In eis opus sanctum quod zelus sanctus tenebat, ira rapit & sibi vendicat. Scintilla vero iræ, etsi aliquid turbationis oculo mentis ingerat, non tamen opus sancto zelo inceptum sibi vēdicat. Simile inuenies in viro qui ex iustitia vult reddere debitum vxori, cuius operi dupliciter potest se ingerere voluptas: vel sic vt opus iustitiæ non auferatur, vel ita vt id totum sibi rapiat: vt scil. solo voluptatis amore consummetur. ad Galat. 3. *Sic stulti estis, vt cum Spiritu cœperitis, nunc carne consummemini?* Simile etiam accidit in illo qui ex charitate incipit dare eleemosynā, cui vana gloria dupl' ex potest se ingerere. Simile etiam accidit in eo qui ex deuotione inchoat iter Ierosolymitanum, & intrat in eorum cogitatio de negotiatione ibi exercenda, quæ cogitatio dupliciter se potest ingerere vt prius. Item correptio secreto facienda est, si culpa sit occulta. Matth. 18. *Si peccaueris in te frater tuus, corripe eum inter te, & ipsum solū.* Si vero culpa sit manifesta, manifeste facienda est. 1. ad Tim. 5. *Peccantes coram omnibus argue, vt & ceteri timorem habeant.* Isid. Manifesta peccata non sunt occulta purgatione purganda: palam enim arguendi sunt, qui palam nocent, vt dum aperta obiurgatione sanantur, hi qui eos imitando deliquerunt, corrigantur. Dum vnus corripitur plurimi emendantur, ne-

cesse est vt pro multorum saluatione vnus condemnetur quàm per vnus licentiam multi periclitentur. Ita erga delinquētem sermo est proferendus, sicut eius qui corripitur expostulat salus. Item in correptione attendendus est status personarum quæ corriguntur, quia non sanat oculus quod sanat calcaneum. Cum veterano parcus agendum est: vt ait Sen. 1. ad Tim. 5. *Seniorem ne increpaueris, sed obsecra vt patrem.* In correptione etiam seruanda est modestia. Tenendum est enim medium inter remissionem & indiscretum zelum. 2. ad Tim. 2. *Seruum Domini oportet esse patientem, cum modestia corripientem: qui nō possunt cum benignitate corrigi, terrore sunt corrigendi.* Aug. ad Bonifacium: Quidam dixit de pudore & libertate, liberos retinere satius esse credo, quàm metu. Et subdit Aug. Hoc quidem verum est, Sed sicut meliores sunt quos dirigit amor: ita plures sunt quos corrigit timor. Isid. Qui blando verbo castigatur, & non corrigitur, acrius necesse est vt arguatur. Cum dolore enim abscindenda sunt quæ leniter sanari non possunt. Qualis debeat esse zelus, ostēdit Bern. super Cant. Zelum, inquit, tuum inflammet charitas, informet scientia, firmet constantia, sit feruidus, sit inuictus, sit circumspectus. Idē: Quo zelus feruidior, vehementior spiritus, prouisorque charitas, eo vigilantiori opus est scientia, quæ zelum supprimat, spiritum temperet, ordinet charitatem. Sunt qui zelum habent non secundum scientiam. ad Rom. 10. qui vulgariter vocantur homines sine capite, belluina rabie sæuientes in peccatores, cōuitis eos dehonestantes, non medicos, sed hostes se exhibentes, quantum in eis est iudicium Dei euacuantes, dum omnia hic vindicare volunt. Si enim hic omnia vindicārētur, vt ait Augustinus, locum diuina iudicia non haberent. Ipsi officium dæmonum, quod est torquere, diligenter facerent, si potestatem haberent. In ore eorum personāt hæ voces diabolicæ, crucifigatur, cōfundatur, deponatur, & eiiciatur.

Potestas eorum est vt gladius in manu furibundi : vix ab ore eorum auditur, corrigatur. Ipsi solum vrere norunt, & secare: omni ægritudini ignem & ferrum adhibere volunt, ignorantes quod omnium medicamentorū saluberrimum est sapientia. Sapient. 9. *Per sapientiam sanati sunt, quicunque placuerunt tibi ab initio.* Eiusd. 16. *Nec herba, nec malagma sanauit eos: sed sermo tuus Domine qui sanat omnia.* Peccatores (vt ait Dionysius) tanquam cæci manuducendi sunt. Tullius: Vndique fulciendi sunt qui ruunt, erigendi sunt qui ceciderunt, & sanandi qui vulnerati sunt, non nouo vulnere transfigendi. Qui zelum indiscretum habent, similes sunt illis qui reficiunt veteres patellas, qui foramē vnum volentes obstruere, vno ictu mallei multa faciunt, vel illud augent, vel patellam omnino confringunt. Videntur tales credere quod omnia vasa sint malleabilia, cum tamen fictilia vel vitrea, malleatione potius confringantur. Correptio est vasorum spiritualium confractorum resectio. Eccles. 21. *Corfactus quasi vas confractum.* 2. ad Timoth. 2. *In domo magna sunt vasa non solum aurea & argentea, sed etiam lignea & fictilia.* Hi correptionem hominum facile desperant, ad male sentiendum de hominibus faciles, ad bene sentiendum difficiles. Hi peruersum ianitorem cordibus suis præfecerunt qui mala fratrum tā facile permittunt intrare, bona vero vix vel raro. Opinionem malam semel de aliquo conceptam vix aut raro deponunt, contra mûcas vel pulices gladio magno impugnare volunt, similes cuidam qui dum musculā, quam videbat super caput alterius volitantem, securi intentaret percutere, excerebrauit eum. Multoties dum tales ligna peccatorum intendunt cedere, fugit securis manum eorum, ferrumque lapsum de manubrio proximum occidit. Deuter. 19. Glossa. Spirituāliter ligna succidimus cum delinquentium vitia pia intentione resecamus. Securis manum fugit, cum increpatio in asperitatem sese pertra-

hit, ferrum de manubrio proflit, cum de correptione sermo durior exit. Tales zelatores pro medecina venenum propināt. Iob 20. *Panis eius in utero eius vertetur in fel aspidum.* Tales similes sunt cuidā fatuo qui rectissime volens procedere, sine ruina domorum, non poterat per ciuitatem incedere. Tales spiritualiter multos corrue-  
re faciunt. In tempestate & turbine sunt via eorum. Nam 1. Prover. 10. *Quasi tempestas transiens non eris impius.* Ipsi similes sunt pugilibus qui incedentes per medium pressuræ, alios impellunt, alios conculcant, alios impediunt à gressu, & maledictionem multitudinis post se relinquūt. Sic in quacunq; congregatione tales conuersati fuerint post recessū vel decessum, querelas vel maledictiones relinquunt. Hi periculose ambulāt inter ventres prægnantium. Quis enim abortus enarret factorum propositorum quos faciunt, & suffocationes tenerorum partuum? Tales in principe dæmoniorum eiiciunt dæmonia, & in satana satanam expellunt: si tamen expellunt, & non potius introducūt. Interdum enim credentes se expellere spiritum luxuriæ, non expellunt eum, sed latere cogunt, introducetes cum eo spiritum mendacij, & simulationis, & iræ, & odij. Vnde oportunitate inuenta exeunt vitia vt bestia de cauernis cum multitudine nouorum vitiorum. Et est error nouissimus peior priore. Et procurantur quādoque depositiones habentium zelum indiscretum, vel etiam mors eorum multum attendenda esset, in correctionibus infirmitates corrigendorum & potestas correptoris, & an stragem multorum operetur correptio vel salutem paucorū. Erubescenda est medicis spiritualibus timoratio medicorum corporalium, qui adeo solícite cauent ne medicina eorum alicui sit mortis occasio. Deridenda est quorundam iustitia qui ne amittant de iure suo valens denarium, parati sunt centum marcas expendere. Timendum est ne zelum aliquorum inanis gloria concitet, vt acci-

dit cuidam, qui ut iustus iudex appareret proprium filium pro leui delicto decollauit, mercator insanissimus, qui morte filij sui vanam laudem iustitiæ comparauit. Zelus iste indiscretus procedere solet ex inexperientia disciplinæ in seipsis, & ex ignorantia propriæ infirmitatis & alienæ, & amore inanis gloriæ. Talibus non est danda potestas: esset enim ut gladius in manibus furibundi. Ipsi ad instar dæmonum, quocunque introeunt, incendium post se dimittunt. Qui vero habent zelum discretum, medicos corporum imitantur, morbos spirituales persequentes, salutem vero ægrorum querentes. Non irascuntur medici corporum patientibus, immo consolantur eos, & ad tollendum horrorem medicinæ priuseam degustant. Item dicit Aug. de Salvatore: Calicem, inquit, passionis bibit medicus prius, ne illum abhorreret ægrotus. Non puniunt qui habent zelum discretum homines secundum merita, hoc Deo relinquunt: sufficit eis ut faciant eos pœnitere: puniunt ut emendent, ut qui peccauerunt humiliter misericordiæ totaliter se tradant. Tales officium tortoris diabolo & angelis eius relinquunt: tales sic secant putrida, ut sana illæsaque relinquât. Sic herbas pestiferas euellunt ut salutare non lædant. Sic zizania extirpant ut tritico læsionem non inferant. Quidam habentes zelum non secundum scientiam, sic hortos abbatiarum suarum nobilium purgauerunt ab arboribus infructiferis, ut fere ibi nullam relinquerent. Et notandum quod cum parcere & punire sint contraria, & contrariorum eadem sit disciplina, qui nescit parcere, nescit punire. Et notandum quod sicuti zelus indiscretus reprehensibilis est, ita & remissio est reprehensibilis. Bern. in epist. Non irasci ubi irascendum, nolle emendare peccatū est. Plus vero irasci quàm irascendum est, peccatum peccato addere est. Remissio ipsa est ut somnolentia in rectore nauis. Prou. 23. *Eris sicut dormiens in medio maris, & quasi sopius gubernator amisso cla-*

uo. I. fid. prælatum negligentem dormienti assimilat, de cuius manu baculus cadit pastoralis. Et pictores pingunt ipsū accubantem in cathedra super cubitū, somno grauatum, & cadentem de manu eius baculū pastorale. Item remissio pigritiæ in agricola assimilatur. Prou. 24. *Per agrum hominis pigri transiui, & per vineam viri stulti, & ecce totum repleuerant urtica, operuerat superficiem eius spina.* Remissio est velut defectus latratus in cane gregem seruante. Elā. 56. *Canes muti non valentes latrare.* Item defectus gladij in custode. Elā. 62. *Super muros tuos Ierusalem cōstitui custodes.* Cant. 3. *Inuenerunt me custodes ciuitatis.* Item est defectus buccinæ in speculatore. Ezech. 33. *Si speculator viderit gladium venientem & non insonuerit buccina & populus non custodierit se, ueneritque gladius, & tulerit de his animā: ille quidem in iniquitate sua captus est, sanguinem autem eius de manu speculatoris requiram.* Sunt qui remissionem misericordiam reputant, cum tamen potius sit crudelitas. Misericorditer agitur cum frenetico, cum ligatur, & à desiderijs suis nociuis compescitur, & cum eo qui in igne est, cum per capillos inde extrahitur, si aliter extrahi non potest. De ore lupi infernalis violenter extrahendi sunt homines. Am. 3. *Quomodo si eruat pastor de ore leonis duo crura aut extremum auriculæ: sic eruentur filij Israh.* Iob 29. *Conterebam molas iniqui, & de dentibus illius eripiebam prædam.* Molæ diaboli sunt vitia & peccata. Eadem dentes etiam possunt dici. Eccl. 21. *Dentes leonis, dentes illius.* Item extrahendi sunt homines ab aquis, deliciarū, etiam inuiti antequam ibi submergantur. Et notandū, quod qui habet correptionē facere, nō de se, sed de Deo debet confidere, & orationi debet instare, cū solius Dei sit hominē corrigere. Eccl. 7. *Cōsidera opera Dei, quod nemo possit corrigere quē ille despexerit. Considera, &c.* Id est, discerne quæ opera sint propria Dei, & soli virtuti eius possibilia, & inter ea inuenies illud quod nemo possit, &c.

Corre-  
ptionem  
faciens  
Deo cōfi-  
dere de-  
bet.

## CAPVT V.

*De his quæ possunt incitare ad libenter  
recipiendum correptionem  
vel disciplinam.*

**S**equitur de his quæ incitare possunt  
ad libenter recipiendum correptionē  
vel disciplinam. Ad quod potest valere:  
*Psal. 3.* Primo multiplex admonitio sacræ Scri-  
pturæ. In *Psal. Apprehendite disciplinam,  
ne quando irascatur Dominus. Prou. 3. Dis-  
ciplinam Domini, fili mi, ne abicias. Et  
eiusd. 4. Tene disciplinam, & ne dimittas  
eam. ad Heb. 13. Noli negligere disciplinam,  
Item: In disciplina perseverare.*

Secundo vtilitas ex disciplina vel cor-  
reptione proueniens. *Prou. 29. Virga at-  
que correptio tribuit sapientiam. Et eiusd. 2.  
Qui diligit disciplinam, diligit scientiam:  
qui autem odit increpationes, insipiens est.*  
Disciplina vel correptio placet sapienti-  
bus, & in eis proficit: insipientibus vero  
displicet, nec proficit in eis. *Eccles. 10. Vir  
prudens, & disciplinatus non murmurabit  
corruptus. Prou. 9. Argue sapientem, & di-  
liget te. Et eiusd. 25. Non amat pestilens eum  
qui se corripit. Et eiusdem 9. Qui arguit  
impium, sibi maculam generat. Eccles. 1.  
Peruersi difficile corriguntur. Peruersus  
est qui intellectu & affectu à bonitate  
auersus est. Eccles. 32. Homo peccator vi-  
tabit correptionem, & ad voluntatem suā  
inueniet comparationem. Prou. 17. Plus pro-  
ficie correptio apud prudentem, quam cen-  
tum plagæ apud stultum. Eiusdem 27. Si  
contuderis stultum in pila, quasi prifanas  
desuper feriente pilo, non auferetur stulti-  
tia eius.*

Tertiò malum proueniens ex eo quòd  
disciplina vel correptio abiicitur. Virga  
enim correptionis in colubrum vertitur.  
Qui enim hic non corrigitur, in futuro à  
serpentibus infernalibus punietur. *Exod. 4.  
Proiecit Moyses virgam, & versa est in*

*colubrum. Prouerb. 15. Qui increpationes  
odit, morietur. Et eiusd. 29. Viro, qui corri-  
pientem se dura ceruice contemnit, repenti-  
nus ei superueniet interitus. Eccle. 19. Qui  
odit correptionem, minuetur vitæ. Vita, in-  
quā triplici, scilicet naturæ, gratiæ, & glo-  
riæ. Homo qui est sine disciplina, terrenis  
adhæret, de æternis non curans Iob. 17. Cor-  
eorum longe fecisti à disciplina, propterea  
non exaltabuntur. glos. Qui per disciplinā  
minime custodire vitam student, semper  
per desideria in imis iacent. Qui sine di-  
sciplina est, in periculo est. Prouer. 15. Qui  
abiecit disciplinam, despiciat animam suam:  
Sicut carnem despiciat qui eam non vult  
sale condire. Putrescit enim qui cōtemnit  
disciplinam, & per cōsequens abiicit om-  
ne bonum. Sapient. 3. Sapientiam & disci-  
plinam, qui abiecit, infelix est. Fugit enim  
eum omnia bona. Talis diabolo multum  
assimilatur, qui incorrigibilis est. Ec-  
clesiast. 21. Qui odit correptionem, ve-  
stigium est peccatoris. Diabolus pec-  
cator dicitur antonomasticè. Cui multum  
assimilatur, qui odit correptionem: vt ve-  
stigium valde simile est pedi.*

Et notandum quod laudabilius est cor-  
reptionem libenter accipere, quàm au-  
dacter facere. Augustinus ad Hierony-  
mum. Cum satius sit à tenendo itinere in  
nullo quàm in aliquo declinare: multo  
tamen est mirabilius & laudabilius li-  
benter accipere corrigentem, quàm au-  
dacter corrigere deuiantem.

## CAPVT VI.

*De partibus disciplinae. Et primo de Ie-  
iunio & eius commendatione: de  
speciebus eius, & de his quæ  
debent ipsum comitari.*

**E**st disciplina ad omnes pertinens, sci-  
licet disciplina proprii corporis. Et

Corporis  
discipli-  
na quæ,  
& quatuor-  
plex.

Ieiunium  
quod com-  
mendat,  
& quæ.

est disciplina pertinet ad eos qui præsumunt cæteris hominibus. Prima multiplex est, ut ieiunium, asperitas vestium, durities lectorum, peregrinatio, vigilia, disciplina verborum. Secunda verò duplex est. Quædam spiritualis, cum scilicet delinquentes feriuntur gladio spirituali, quæ specialiter pertinet ad prælatos Ecclesiæ. Quædam verò materialis, cum scilicet delinquentes feriuntur gladio materiali, quæ maxime pertinet ad principes terrenos. Omissis aliis partibus disciplinæ prosequemur de Ieiunio. De quo Scriptura sacra multum loquitur, & quod magnæ efficacitæ est. Ieiunium, ut ait Isidorus in libro Etymolog. est parsimonia victus, abstinentiaque ciborum. De illo hoc modo dicemus. Primò, commendationi eius insisteremus. Secundò, agemus de speciebus eius. Tertiò, tangemus de his quæ debent concomitari ieiunium. Circa primum notandum quod ieiunium multipliciter est commendabile. Primo exemplis. Specialiter exemplo Moÿsis, qui ieiunavit quadraginta noctibus. Exod. 34. Item exemplo Eliæ, qui similiter ieiunavit, quadraginta diebus, & quadraginta noctibus. 3. Reg. 19. Item exemplo Christi, de quo Matth. 4. *Et cum ieiunasset quadraginta diebus, & quadraginta noctibus, postea esurivit.* Secundò ob hoc, quod dicitur esse fundamentum virtutum. Hieronym. Ieiunium non est perfecta virtus, sed est ceterarum virtutum fundamentum. Tertiò, à multiplici suo effectu. Ieiunium rectè factum Dei misericordiam impetrat. Vnde Ionæ 2. *Facto ieiunio misertus est Dominus Ninivitis.* Item gratiam Dei conferuat. Esa. 30. *Dabit tibi Dominus panem arctum, & aquam breuem: & non faciet te auolare doctorem tuum.* Item ad intelligentiam & sapientiam iuuat. Daniel. 1. *Tollebat Malasar cibaria, & vinum potus eorum: dabatque eis legumina. Pueris autem his dedit Deus scientiam & disciplinam in omni libro & sapientia: Danieli autem intelligentiam omnium somniorum*

*& visionum.* Exod. 34. *Moses quadraginta diebus ieiunans, legem suscepit.* Et Dan. 10. post ieiunium audiuit ab angelo. *Tu ergo animaduerte visionem sermonis, & intellige.* Esa. 28. *Quem docebit scientiam, & quem intelligere faciet auditum? Ablatis à lacte: à lacte scilicet temporalis consolationis.* Item ieiunium consolationem Dei & angelorum meretur. Vnde post ieiunium Domini, accesserunt angeli, & ministrabant ei. Matth. 4. Cornelio ieiunanti, & oranti apparuit angelus. Act. 10. Et 3. Reg. 19. legitur de Elia, quod ieiunavit quadraginta diebus, & quadraginta noctibus, & venit ad montem Dei Horeb, ubi Deus cum eo locutus est. Item meretur quædòque materialem refectionem à Deo. Sicut enim testatur Hieronym. Paulus primus eremita semper ieiunavit, quousque sibi panis de cælo mitteretur, qui duplicatus est cum ad eum venisset Antonius. Cui ille: *Eia frater comedamus, duplicata est nobis annona.* Item ieiunium carnem vincit, quæ est hostis familiaris. Hieron. super Marcum: *Ieiunio passionibus corporis, oratione sanandæ sunt pestes mentis.* Marc. 9. Hoc genus demonum in nullo potest ejici & exire, nisi in oratione & ieiunio. Sicut ait quidam diabolus: *Plus confidit in adiutorio carnis quam in alio: quia plus nocet domesticus hostis.* Ipse baculo nostro non cedit, & manus proprio cingulo ligat, ut caro quæ data est nobis in adiutorium, sit nobis in iniuriam & in scandalum. Bernard. *Gravis lucta est & grande periculum aduersus domesticum hostem pugnare, maxime quum nos aduenæ sumus, & ille civis.* Hostem istum fugere non possumus, nec fugare, circumferre necesse est, quoniam illigatus est mihi: perimere non licet, sustentare cogor hostem meum, aduersus me nutrio.

Et notandum est dignos irrisione illos esse qui dicunt se carnem non posse vincere, quum homo posset ei ieiunando vincula subtrahere. Non est castrum adeo

Carnē, se  
negantes  
nō posse  
domare,  
irriden-  
di.

forte quod non possit expugnari, si possint ei victualia subtrahi. Nec est pugil adeo fortis qui etiam à debili vinci non possit, si fortis necesse habet tenere diætam quā debilis voluerit, nec est ignis adeo magnus qui non deficiat si ligna subtracta fuerint. Prouerb. 26. *Quum defecerint ligna, extinguetur ignis.* Illi qui per impatientiam se excusant de hoc quod à carne sua vincitur, potest Dominus dicere illud quod dixit Abraham Saræ conquerenti de ancilla sua. Genes. 16. *Ecce, inquit, ancilla tua in manu tua est: utere ea ut libet.* Item ieiunium diabolus ab homine expellit, sicut fames cogit lupum exire à nemore. Ieiunium ponit diabolus in arido, vbi requiem non habet. Matth. 12. *Cum immundus spiritus exierit ab homine, ambulat per loca arida, quarens requiem & non inuenit.* Diabolus ad modum piscis habitat in locis humentibus. Iob 40. Isidor. Immundi spiritibus ibi se magis immittunt vbi plus viderint escam & potum. Sed per ieiunium diabolus poni debet in loco sicco ut ibi interficiatur: secundum consilium Raphaëlis, Tob. 6. dicentis ad Tobiam minorem de pisce magno qui stabat ad deuorandum eum, ut extraheret eum de aqua: quo facto, cœpit palpitare antepedes eius, & qui prius stabat ad deuorandū, tunc de facili est occisus. Sic diabolus de facili occiditur in hominibus per ieiuniū. Ambr. Vides quanta est vis ieiunij, ut ieiunus homo sputo suo terrenū serpentem interficiat: multo fortius ego spiritualem serpentem. Iudith 13. Post ieiunium amputauit caput Holofernitis. Et filij Israël post ieiunium & sletum vicerunt illos de tribu Benjamin. Iud. c. 12. Item ieiunium de corpore nostro sacrificium Deo facit in odorem suauitatis. Rom. 12. *Obsecro vos per misericordiam Dei, ut exhibeatis corpora vestra hostiam uiuentem, sanctam, &c.* Eccles. 24. *Quasi myrrhæ electa dedi suauitatem odoris.* Suauis odor myrrhæ est ieiunij placentia. Valet etiam ieiunium ad corporis sanitatem. Vnde dicitur in me-

dicina, quod abstinentia est summa medicina. Eccles. 37. *Qui abstinens est, adiciet ad vitam.* Item valet contra aduersitates, 1. Esdræ 8. *Ieiunauimus & rogauimus Dominum, & euenit nobis prosperè.* Quantum ieiunium placeat Deo, figuratum est Genes. 21. Vbi Abraham fecit grande conuiuium in ablactatione Isaac. Ieiunium mensa Christi hominem dignum efficit, Bernard. in serm. Non est magnum si ieiunet in Christo, qui seclusus est ad mensam patris cum eo. Luc. 6. *Beati qui nunc esuritis, quoniam saturabimini.* Sequitur de speciebus ieiunij. Notandū est ergo quod triplex est ieiunium, sc. ieiunium à peccato, ieiunium à cibo, & à temporali gaudio: <sup>9<sup>o</sup></sup> <sup>pl.</sup> De primo dicit Hieron. Tunc præclara est apud Deum abstinentia corporis, quum animus ieiunat à vitiis. Quid enim prodest tenuari corpus abstinentia, cuius animus intumescit superbia? Isid. Qui à cibis abstinent & praua agunt, dæmōnes imitantur, quibus esca non est: & nequitia semper est. Esa. 58. *Quare ieiunauimus & non aspexisti?* Et subditur responsio: *Ecce in diebus ieiunij vestri inuenitur voluntas vestra, &c.* Ecce ad lites & contentiones ieiunatis. Gl. Homo interior vescitur carnibus draconis qui datur esca populis Æthiopum. Et post: Nunquid tale est ieiunium quod elegi? Nonne hoc est magis ieiunium, quod elegi? Dissolue colligationes impietatis. Ieiunium à cibo triplex est. Aliud enim est detestabile, aliud laudabile, aliud indifferens. Ieiunium indifferens est quando homo ieiunat causa infirmitatis vel indigentia solum. Detestabile est, ut hypocritis, vel auaris qui ieiunant ut parcant bursa; vel gulosis, qui ieiunant ut postea melius comedant. De ieiunio hypocritarum, dicitur Matth. 6. *Quum ieiunatis, nolite fieri sicut hypocritæ tristes.* Chrysost. Si quis ieiunat, & tristem se faciat, hypocrita est: quanto iniquior est qui non ieiunat, sed in facie sua argumentis quibusdam pingit venalem pallorem. Qui ieiunant propter laudem huma-



nam, multū sunt fatui. De hoc enim quod vni hosti subtrahunt, sc. carni, duos hostes pascunt, mundum scilicet, & diabolus. Ieiunant enim vt pascant oculos hominum. Puluere etiam vanæ gloriæ pascunt diabolus. Esa. 61. *Serpentis pulvis panis eius.* Auari etiam fatui sunt, qui proprio ori subtrahunt, quod in ore diaboli ponūt. Os diaboli est bursa avari. Hieron. Sit ieiunium non marisupij lucrum, sed satietas animarum. Tertio ieiunio ieiunant illi quorum Deus, venter est. Ad Philip. 3. qui imminente solemnitate Dei sui, scilicet ventris, faciunt ieiunium vigiliæ. Gregor. in Pastoral. Non Deo, sed sibi ieiunat si ea quæ ad tempus ventri subtrahit, non inopibus tribuit, sed ventri postmodum offerenda custodit. Ieiunium laudabile describit Hieronymus dicens: Sint pura, casta, simplicia, & non superstitiosa ieiunia. Puta, vt homo sit absque mortali. Ad Rom. 12. *Obsecro vos per misericordiam Dei, vt exhibeatis corpora vestra hostiam viuientem, sanctam, &c.* Qui in mortali ieiunat, corpus suum velut cadaver mortuum Deo offert. Casta, vt bona intentione fiant. Simplicia, vt non quærat homo delicias Hier. Qui Christum desiderat non curat quàm pretiosis cibis stercus efficiat. Isid. Spernitur ieiunium quod in vespere deliciis compensatur. Sunt quidam qui delicatiora volunt habere quum ieiunant, etiam plus comedunt vna vice quam comederent duabus si non ieiunarent: Qui talem gratiam videntur facere Deo, qualem facit ille qui dat alicui duos obolos pro denario. Tales videntur velle parum grauare suum hospitem, scilicet carnem, qui soluenda carni duobus terminis, solvunt termino vno tempore medio. Non debent etiā ieiunia esse superstitiosa. Hieron. Quid prodest oleo non vesci, & molestias quasdam difficultatesque aliorum quærere? Ieiunium laudabile tres habet species, scilicet ieiunium bonum, melius & optimum. Ieiunium bonum est, quando cum charitate est, ad satisfaciendum Deo pro peccatis. Ambr. Qui charitatem

non habet, omne bonum amittit quod habet. 1. ad Corinth. 13. *Si tradidero corpus meum ita vt ardeā, charitatem autem non habuero nihil mihi prodest.* Ieiunium melius est quando aliquis ieiunat ad Dei honorem, & proximi vtilitatem, vt scilicet Dei cōtumeliam in suo corpore vindicet, vt pauperibus tribuat quod sibi subtrahit. Ad tale ieiunium monet Dominus. Matt. 6. dicens: *Tu autem quum ieiunas, unge caput tuum, &c.* Gloss. interlinearis: Deo ieiunat, qui pro eius amore se macerat, & quod sibi subtrahitur, alteri largitur. Optimum ieiunium quādo homo ex vna parte abstinet, & ex altera parte bona agere non cessat. Isidorus: Hoc est perfectum & rationale ieiunium, quando noster homo exterior ieiunat, & interior orat. Sunt aliqui qui nihil boni possunt facere quum ieiunant, sed ludunt ne sint otiosi. Bernard. Pro vitando otio otiosa se etari, ridiculum est. Ieiunant à gaudio temporalis viri contemplatiui. Sic ieiunabat qui dicebat: *Renuntis consolari anima mea.* Tob. 3. dicebat: *Sara: Mandam seruauit animam meam ab omni concupiscentia: nunquam cum ludentibus me misui, neque cum his qui in leuitate ambulant participem me prabus.* Sequitur de his quæ concomitari debent ieiuniū, quæ sunt tria: Oratio, eleemosyna, & spiritualis lætitia. De primo, Tob. 12. *Bona est oratio cum ieiunio & eleemosyna, magis quàm thesauros auri recondere.* De eleemosyna dicit Augustinus in quodam sermone: Tale est ieiunium sine eleemosyna, qualis sine oleo lucerna. Homo primum debet exiccari ab aquis deliciarum per ieiunium. Secundo, necessarium est oleum pietatis quod pertinet ad eleemosynam. Tertio, debet applicari Deo à quo debet illuminari quod fit in oratione. In his tribus est iustitia hominis, vt dicit Gloss. sup. illud. Psal. *Apud me oratio Deo vitæ meæ.* De lætitia, dicit gloss. sup. illud *Tu autem quum ieiunas, unge, &c.* Caput inquit, vngit, qui spirituali lætitia intus pinguescit. 2. ad Corinth. 9. *Hilarem datorem diligit Deus.*

## CAPUT VII.

*De erroribus circa disciplinam. Et primo de errore illorum qui dicunt nullum esse excommunicandum. Et de errore illorum qui dicunt maleficos non esse puniendos.*

**P**rimò tangitur de errore illorum qui dicunt nullum esse excommunicandum. Secundò de errore illorum qui dicunt maleficos non esse puniendos pœna temporali. Primus error videtur posse inniti his testimoniis sacræ Scripturæ. Legitur. Luc. 6. *Nolite iudicare, & non iudicabimini.* Peccant ergo sacerdotes qui excommunicationis sententiam ferendo homines iudicant. Item ad Rom. 2. *Inexcusabilis es, ô homo omnis qui iudicas.* In quo enim iudicas alium, te condemnas. Item Rom. 12. *Benedicite, & nolite maledicere.* Peccant ergo sacerdotes, qui hominibus maledicunt. 1. Corinth. 6. *Neque maledici, neque rapaces regnum Dei possidebunt.* Itē 2. Pet. 3. *Non reddentes malum pro malo.* Ad quod monemur exemplo Christi. 1. Petr. 2. *Cum malediceretur, non maledicebat.* Item Ecclesiast. 21. *Quum maledicit impius diabolum, maledicit ipse animam suam.* Si diabolus maledicendus non est, multo fortius homines non sunt maledicendi.

Ad primum dicendum est, quod est iudicium iustum, & est iudicium iniustum. Iudicium iniustum prohibitum est, iudicium verò iustum non est prohibitum, imò Christus monet ad illud Ioan. 7. *Nolite, inquit Christus Iudæis, secundum faciem iudicare, sed iustum iudicium iudicate.* De manifestis concessum est nobis iudicium, de occultis non. 1. ad Corinth. 4. *Nolite ante tempus iudicare, quoadusque veniat Dominus, qui illuminabit abscondita tenebrarum.* 2. ad Timoth. 5. *Peccantes coram omnibus argue: ut ceteri timorem*

*habeant.* Quod Apostoli habuerint potestatem iudicandi, ostendi potest ex eo quod dictum est Petro, Matth. 16. *Quodcunque ligaueris super terram, erit ligatum & in cælis: & quodcunque solueris super terram, erit solutum & in cælis.* Item eiusdem 18. *Quæcunque alligaueritis super terram, erunt ligata & in cælo.* Et Ioan. 20. *Quorum remiseritis peccata, remittuntur eis: & quorum retinueritis, retenta sunt.* 1. ad Corinth. 5. ostendit Apostolus se iudicasse Corinthium fornicatorem: Ego, inquit, *absens corpore, præsens autem spiritu, iam iudicavi ut præsens, cum, qui sic operatus est, in nomine Domini nostri Iesu Christi, congregatis vobis & meo spiritu, cum virgute Domini Iesu, tradere huiusmodi hominem satanæ in interitum carnis, ut spiritus saluus sit in die Domini nostri Iesu Christi.* Item eiusd. 6. *An nescitis quoniam sancti de hoc mundo iudicabunt? Et si in vobis iudicabitur mundus, indigni estis qui de minimis iudicetis? Nescitis quoniam angelos iudicabimus?* Ad aliud dicendum est, quod Ecclesia non reddit malum pro malo, nec malum optat, quum aliquem excommunicat. Excommunicatio enim medicinalis est: nec est mala, nisi malitiæ pœnæ: sicut medicina amara dicitur mala, quum verò bona sit, eo quod sit morbi expulsiua. Excommunicatio est ad hoc ut homines salubriter confundantur & conuertantur. Psalmographus: *Imple facies ipsorum ignominia, & quærent nomen tuum Domine.* Augustinus: Quidquid facit vera & legitima mater Ecclesia, etiam si asperum amarumque sentiatur, non malum pro malo reddit, sed expellendo malum iniquitatis, bonū disciplinæ apponit, non odio nocendi, sed dilectione sanandi. Item Augustinus: Melius tumor capitis dolet quum curatur, quoniam dum ei parciatur non sanatur. Ad illud verò Eccl. 21. *Quum maledicit impius diabolum, &c.* Dicendum est, quod verbum illud intelligendum est quantum ad illos qui ad sui excusationem maledicunt diabolo, impu-

tantes

tantes ei peccatum suum. Sicut Eva, peccatum suum serpenti imputare voluit, & per consequens auctorem serpentis latenter accusauit. Auctoritatem excommunicandi vel maledicendi habet Ecclesia ex diuersis locis Scripturæ sacræ: vt ex Matt. 18. dicente Domino. *Si Ecclesiam non audierit sit tibi sicut ethnicus & publicanus.* Et eiusdem 21. Maledixit Dominus ficulneæ fructum non ferenti. Et Act. 8. dicit Petrus Simoni Mago: *Pecunia tu tecum sit in perditionem.* Ec in 2. Canonic. Ioan. *Si quis venit ad vos, & hanc doctrinam non affert, nolite hunc recipere in domum, nec aue ei dixeritis.* 1. ad Corinth. 5. *Si quis frater nominatur & est inter vos fornicator, aut adulter, aut auarus, aut idolis seruans, aut maledicus, aut ebriosus, aut rapax, cum huiusmodi nec cibum capere.* In eodem: *Nescitis quod modicum fermentum totam massam corrumpit? Expurgate vetus fermentum.* Item: *Auferre malum ex vobis ipsi.* Eiusd. ult. *Si quis non amat Dominum Iesum Christum, sit anathema.* Item ad Galat. 1. *Si quis vobis euangelizauerit præter id quod accepistis anathema sit.* Item 1. ad Timoth. 1. *Ex quibus est Hymanus & Alexander, quos tradidi satanae, ut discant non blasphemare.* Sicut ouis morbida à grege separatur, ne grex ex ea inficiatur; & sicut membrum infirmum & corruptum abscinditur, ne cætera membra per illud corrumpantur: & sicut humores prauis à corpore educuntur, ne infirmitatem corpori inducant: sic homines pestilentes ab Ecclesia per excommunicationem separandi sunt, ne cæteros corrumpant, Augustinus: Mali Christiani sic sunt in corpore Christi, quomodo humores mali, quando euomuntur, tunc releuatur corpus: sic & mali quando exeunt, tunc Ecclesia releuatur, & dicit, *Ex me exierunt humores isti, sed non erant ex me.*

*De errore illorum qui dicunt maleficos non esse puniendos pœna temporali.*

**S**equitur de errore illorum qui dicunt maleficos non esse puniendos pœna temporali, maxime morte. Qui error videtur posse inniti his testimoniis Scripturæ sacræ. Legitur Genes. 1. *Quicumque effuderit sanguinem humanum, fundetur sanguis illius.* Nulli ergo licet effundere sanguinem humanum. Item Exod. 30. *Non occides:* quod verbum assumit Dominus Matt. 5. Deuter. 32. *Mea est ultio, &c.* Ezech. 18. *Nolo mortem peccatoris.* Item Matth. 10. *Ego dico vobis non resistere malo.* In eodem: *Qui irascitur fratri suo, reus erit iudicio.* Si non licet fratri irasci: ergo non licet eum occidere. Item in eod. *Diligite inimicos vestros, benefacite his qui oderunt vos.* Et eiusdem 13. In parabola de zizaniis superfemiuatis dicunt serui: *Vis imus & colligimus ea:* Et ait paterfamilias: *Non, ne forte colligentes zizania, eradicetis simul & triticum. Sinite utraq; crescere usque ad messem.* Item Luc. 6. *Nolite condemnare, & non condemnabimini, ad Romanos 12. Non vosmetipsos defendentes, charissimi, sed date locum ira. Scriptum est enim: Mibi vindictam.* Et 1. Ioan. 13. *Omnis qui odit fratrem suum, homicida est. Et scitis quoniam omnis homicida non habebit vitam æternam in se manentem.* Matth. 26. *Omnes qui acceperint gladium, gladio peribunt.* Item Ioann. 8. *Dimisit Dominus in pace mulierem deprehensam in adulterio.*

Ad primum dicendum, quod illa sententia Domini. Genes. 9. *Quicumque fuderit sanguinem humanum, fundetur sanguis illius, & illud Matth. 26. Omnes qui acceperint gladium, gladio peribunt,* potius ostendunt, si quis diligenter inspiciat, aliquem quàm neminem debere occidi. Quum enim sententia Domini indubitanter sit iusta: *Quicumque sanguinem*

An maleficipuniendi.

Responsio cum declaratione locorum S. Script.

humanum iniuste fundet, iustum est ut sanguis eius effundatur : & qui gladium iniuste accipit, iustum est ut gladio pereat : ergo in aliquo casu sanguis humanus iuste effunditur, & homo iuste gladio perit. Et sicut quum paterfamilias prohibet ne quis accipiat de vino alicuius dolij sui, non est intentio sua ut non accipiat cui ipse de illo dederit, vel cui ipse hoc iusserit, sed ne hoc aliquis sua auctoritate accipiat. Sic quum Dominus dixit : *Non occides*, non fuit intentio sua ut non occideret, in casibus illis in quibus ipse hoc praeceperet : sed ne aliquis occideret aliquem propria auctoritate. Vnde post illud verbum, *Non occides*, Dominus in eodem libro in multis casibus praecepit occidi. Illud autem Deuter. *Mea est ultio* : Verum est cum ultio sumitur de aliquo in praesenti auctoritate enim Dei sumitur, & intentio sumentis debet esse, Dei contumeliam vel offensam vindicare. Illud autem Ezech. 18, *Nolo mortem peccatoris*, &c. de morte aeterna potest poni. De morte etiam temporali, verum est quod Deus non vult mortem quandocumque peccatoris quem praevidet corrigendum esse, & misericorditer expectat ipsum ad poenitentiam : mors vero illius peccatoris qui sibi nocet peccatum peccato addendo, & alios subvertendo & corrumpendo, de cuius correctione spes non habetur, indubitanter videtur sibi & Ecclesiae Dei inutilis esse. Ad illud vero Matth. 5. *Ego dico vobis non resistere malo*, & illud ad Roman. 12. *Non vosmetipsos defendentes charissimi*. Dicendum est, quod loco & tempore potest aliquis & debet non resistere malo, & non defendere se, ut fiebat in primitiva Ecclesia, quando per miracula & passionem Sanctorum Ecclesia nouella plantanda erat. Loco etiam & tempore potest homo resistere malo, & se defendere : aliter enim nisi Ecclesia defenderet se ab infidelibus, posset ab eis occidi : & sic periret honor & cultus diuinus. Luc.

22. ait Dominus : *Qui non habet, vendat tunicam suam & emat gladium. At illi dixerunt : Domine, ecce duo gladij hic* : quibus Dominus : *Satis est*. Si non habet Ecclesia gladium materiale, sed solum spirituale, dicendum fuit ; Nihil est : & non fuit dicendum ; Satis est. Praeterea Paulus voluit ut malo resisteretur, quum ipse voluit milites armatos se perducere ad Felicem praesidem. Actor. 23. Luc. vero 6. ubi dicitur : *Nolite condemnare* : prohibetur condemnatio inordinata : ut cum incerta est culpa eius qui condemnatur. Ad illud vero 1. Ioan. 3. *Omnis homicida non habet vitam*, &c. Dicendum est quod non reputatur homicida qui praecepto Dei hominem occidit : sed qui odio vel desiderio vindicandi se, hominem vult occidere. Vnde Matth. 15. *De corde exeunt cogitationes male, homicidia*, &c. Tunc ergo homicidium iudicandum est, quando ex corde & voluntate propria procedit. Ad illud vero Matth. 13. *Non : ne forte colligentes zizania, eradicetis simul cum eis & triticum. Simile viraque crescere usque ad messem*. Dicendum quod Dominus non dixit hoc, nisi ut parceretur tritico : ergo noluit parci zizaniis in tritici detrimentum : ergo quando non potest eis parci sine tritici detrimento, noluit eis parci : ubi ergo crescunt zizania & suffocant triticum, noluit zizaniis parci. Et hoc etiam observant rustici in agris propriis. Vbi enim vident zizania vel alias herbas noxias quas possunt eradicare sine tritici damno crescere in agris suis, & credunt nisi fuerint eradicatae, triticum suffocari, diligenter faciunt eas eradicari. In agro vero Domini pertinaciter contendunt eradicationem in consimili casu nullo modo debere fieri. Nec mirum, cum ipsi zizania sint, & sententiam mortis timeant. Si quis vero dicat quod hi qui sunt zizania, possunt fieri triticum, hoc verum est : sed hoc est incertum, an futuri sint triticum : sed certum est quod triticum suf-

focant, quia simplices subuertunt. Raram videmus hæreticorum conuersionem: sed frequentem bonorum subuersionem. Ideo bonum conuersionis raram & valde incertum, & valde difficile, non debet proponi damno magno & frequenter accidenti: ne dum vana spe paucis parcitur, irreparabilis multitudo per eos perdat. Hoc enim esset ac si paucis lupis in medio gregis existentibus, gregem lacerantibus, parceretur, quia forte Deus illos oues aut agnos faceret. Et paucos leprosos dimitteremus in medio populi corruptentes eum, quia forsitan Deus illos sanabit. Facilius rabies lupina sæuit in gregem, quam mansuetudo ouis transeat in lupos, & contagium lepræ facilius à leprosis deriuatur ad sanos, quam à sanis sanitas ad leprosos. Quid autem sit licitum in aliquibus casibus hominem occidere, manifestè potest ostendi his testimoniis sacræ Scripturæ quæ sequuntur. Lucæ 19. *Inimicos meos qui noluerunt me regnare super se, adducite huc, & interficite ante me.* Matth. 22. *Missis exercitibus perdidit homicidas illos.* Romanorum 14. *de illo qui habet potestatem, Dei minister est, vindex in iram ei qui malum facit.* Luc. 13. *de ficulnea sterili terram occupante. Succide, inquit, illam: ut quid etiam terram occupat?* Matth. 18. *Si manus tua vel pes tuus scandalizat te, abscinde eum & proijce abs te.* Ergo Ecclesia abscindere debet membrum quod corrumpit cætera membra. Tullius: Sicut quædam membra amputantur, si languere & tanquam spiritu carere cœperint, noceantque reliquis partibus corporis: sic ista in figura hominis feritas & immanitas belluæ à communi humanitate segreganda est. Iacob. 2. *Abraham pater vester nonne ex operibus iustificatus est, offerens Isaac filium suum super altare?* Ergo Abraham placuit Deo, quia ad præceptum eius voluit occidere filium suum, ergo qui præcepto Domini hominem

occidit non peccat. Item 1. ad Timoth. 2. *Obsecro primum omnium fieri obsecrationes, orationes, postulationes, gratiarum actiones pro omnibus hominibus, pro re-gibus, & omnibus qui in sublimitate constituti sunt, ut quietem & tranquillam vitam agamus.* Volebat ergo Paulus quod oraretur pro principibus qui gladium habent materiale, quo defendunt Ecclesiam, & seruant pacem in ea. Ergo non est malum quod ipsi vtantur gladio materiali, ad Roman. 13. *Non est potestas nisi à Deo.* Et paulo post: *Dei minister est tibi in bonum. Si enim malum feceris, time: non enim sine causa gladium portat.* Lucæ 3. Interrogabant milites Ioannem Baptistam, dicentes: *Quid faciemus & nos?* Et ait illis, *Neminem concutatis, neque calumniam faciat, & contenti estote stipendijs vestris:* Non dixit, Militiam relinquit; stipendia eorum refutate. Ipse docuisset eos decipere duces si stipendia eorum reciperent, & cum necessitas esset bellum non facerent: non enim debet stipendia recipere qui non vult militare. Vnde beatus Martinus Imperatori recte respondit: *Donatiuum tuum, inquit, militaturus accipiat:* Item Petrus occidit Ananiam & Saphiram. Actor. 5. ergo licitum est occidere. Si quis dicat quod occidit verbo & non gladio, quæ vis est in hoc? quomocunque eos occiderit, ex quo occidit? Rationibus etiam multipliciter potest ostendi quod liceat in casu hominem occidere. Primo sic. Aut paruuli sunt erudiendi & corripiendi saltem leuibus flagellis, aut non. Si non, ergo dimittendi sunt omnibus vitiis, & minus curandum est de eis quam de equis & asinis. Si verò paruuli corripiendi sunt, multo magis adulti, cum malitia eorum magis sit noxia. Item constat quod bruta de puteis vel cisternis extrahuntur si in illa ceciderint, secundum illud Luc. 14. *Cuius vestrum asinus aut bos in puteum cadet, & non continuo extrahet illum die sabbati?*

Homine  
in casu-  
bus lice-  
re occi-  
dere, o-  
stenditur  
rationi-  
bus.

Multo fortius ergo homines etiam iniuncti à periculis corporalibus extrahendi sunt. Si sic raro occurritur mortis corporali: quanto magis occurrendum est mortis spirituali? Item si furiosi sint recludendi vel ligandi, ne sibi vel aliis corporaliter noceant: multo fortius mente insani cohibendi sunt, ne se spiritualiter occidant. Si vero homines pro leuibus culpis leuiter sunt puniendi, si culpa augeatur, augeri debet & poena: ergo cum culpa augeri possit usque ad homicidium, poena etiam poterit usque ad homicidium augeri: ut scilicet pro iniusto homicidio quod aliquis commisit iuste occidatur. Item aut mors corporis est poena omni culpa maior, aut non. Si sic: ergo Deus male infligit eam pro comestione pomi vetiti. Si non: ergo aliqua culpa punienda est morte corporali. Item si homicidium iniustum est puniendum, aut erit puniendum morte temporali, aut poena minore. Si morte temporali, ergo licet aliquem occidere. Si poena minore, aut in infinitum minore aut non. Si sic: ergo nullius comparationis erit id quod patietur qui peccauit ad id quod intulit. Vnde talis erit iniustitia, ut si quis dānificasset alium in mille millibus librarum, & puniretur amissione vnius festucae. Si verò poena minori, sed non in infinitum, tale est ac si dānificasset proximum in tribus marcis, & puniretur in vna. Item qui Deum impugnat beneficio ab eo recepto, meretur illud beneficium amittere: ergo qui vita sua à Deo accepta Deum impugnat, meretur vitam æternam amittere. Item si mors æterna est infligenda pro aliqua culpa, quanto magis temporalis? Præterea nonne contra Dei inimicos est pugnandum quandiu rebellant, vel saltem repugnandum quamdiu impugnant? ergo si impugnent usque ad mortem corporis, repugnandum erit eis usque ad mortem. Vel si non est repugnandum, fugere debet tota Ecclesia, vel permittendum est quod tota occidatur, & quod

cultus Dei destruat ut corporibus impiorum parcat. Patet ergo quod hæretici sub specie pietatis honorem Dei & religionem volunt destruere. Ipsi sunt pij in lupos, & crudeles ouibus & agnis. Matth. 7. *Attendite à falsis prophetis qui veniunt ad vos in vestimentis ouium, intrinsecus autem sunt lupi rapaces.* Ipsi pij sunt in fures & alios maleficos, crudeles verò in innocentes. Item si verbo contradicendum est hæreticis, non est ratio aliqua quare manus potius debeat esse exempta quàm lingua quin pro Deo pugnet. Item si bestiae, ut lupi, leones & serpentes exterminandæ sunt pro salute corporum: quanto fortius spirituales bestiae pro salute animarum? Et est conueniens similitudo, habito respectu ad venenum pseudopredicatorum. Tullius: *Quid interest, utrum ex homine se conuertat quis in belluam, an sub hominis figura immanitatem gerat belluæ?* Item hæreticus in Ecclesia est ut ovis morbi da in grege: vel ut membrum cancerosum cancro incurabili in corpore: ergo quod faciendum est de oue pro grege, & de membro canceroso pro corpore, hoc faciendum est de hæretico pro Ecclesia. Et notandum quod de illis specialiter videtur facienda iustitia, qui negant iustitiam faciendam, tanquam de manifestis hostibus iustitiæ. Secundum eos enim iustitia humana est iniustitia. Si quis verò dicat hæreticos esse occidendos à Deo, non ab Ecclesia: ergo Ecclesia est, & sine defensione dimittenda. Præterea dicit Dominus, Lucæ 6. *Perfectus omnis erit, si sit sicut magister eius.* Magister vero noster Deus est, ergo si Deus hæreticos occidit, non est contra perfectionem bonitatis humanæ hominem occidere. Præterea, qua de causa volunt tantum hæretici parci corporibus malorum à morte? Si propter spem correctionis: ubi non est spes correctionis, ibi debet cessare hæc falsa pietas. Si vero propter pretiositatem vitæ corporis, propter

maiolem pretiositatem animarum non erit eis parcendum. Præterea Manichæi qui dicunt corpora esse à diabolo, non habent quid respondeant. Destruenda enim erunt à filiis Dei, cum sint opera diaboli. Qui sunt huius erroris, sub specie pietatis ipsis corporibus nocent. Reprobi enim qui amplius viuent, amplius in futuro puniuntur. Addendo enim peccata peccatis, cumulant supplicia suppliciis, etiam quantum ad corpus, & qualibet pars suppliciorum infernalium maior videtur esse supplicio mortis corporalis. Item licet concupiscentia rei alienæ sit prohibita: tamen qui alienam rem iniuste usurpat, iuste re sua priuatur. Ergo à simili, licet homicidium sit prohibitum: tamen qui iniuste occidit, iuste occiditur. Item cum nemo habens mentem bene dispositam, dubiter in rebus cæteris ab homine corruptiua esse auferenda: quare hæretici in solis hominibus hoc non recipiunt? Ad quod potest dici, quod fures & alij malefici non libenter dant sententiam contra seipsos, & nullus credit eis si asserant maleficos non esse puniendos. Ita hæretici non libenter dicunt sententiam quam vident contra se esse: imo dicunt maleficos iniuste occidi. Sed non est fides eis in hoc adhibenda. Hieronym. super Esaiam: Non est crudelis qui crudeles iugulat, sed crudelis patientibus esse videtur. Nam latro suspensus patibulo crudelem iudicem putat. Cum hæretici sint intrinsecus lupi rapaces. Matth. 7. ipsi bene vellent quod non essent canes in grege Domini qui eos à grege arcerent: Item, si non est distinguendum circa hoc præceptum: *Non occides*, quia Euangelium, non distinguit: ergo occidere semper est mortale peccatum: ergo mortaliter peccat qui pulicem occidit.

## P A R S XII.

*De Aequitate, & Pietate, prout Tullius  
& Macrobinseam diffiniant.*

**D**ISTO de obedientia quæ est respectu superioris, & Disciplina quæ est respectu inferioris, dicendum est de æquitate quæ est respectu paris. Et est æquitas amor æqualitatis in his in quibus debet esse æqualitas. *Æqualitas virtus est valde rara. Ideo potest dici semita. Prou. 4. Dilectam te per semitam æquitatis.* Hanc semitam tenet vera sapientia. Prou. 8. *Mentis est consilium & æquitas.* Et notandum quod æquitas multum valet ad spiritualis ædificij firmitatem. Sicut ædificium corporale firmum est, si habeat lapides æqualiter dispositos: si vero sint lapides inæqualiter dispositi, minatur ruinam. Sic congregatio ubi æquitas seruatur, stabilis est: ubi vero deest æquitas, stare non potest. In Psalm. *Mirabile templum tuum in æquitate.* Item æquitas facit ad corporis mystici decorem & sanitatem. Sicut in corpore humano inæqualitas membrorum quæ debent esse æqualia facit deformitatem, & cum mittuntur humores inæqualiter ad membra ad quæ æqualiter debent mitti, inducunt infirmitatem: Ita in congregatione inæqualitas magnam facit indecentiam, & in his qui abundant ea quibus aliis indigent generat superbiam quasi quoddam apostema vel aliam infirmitatem. Virtus æquitatis valde necessaria est his qui sunt in aliqua societate. Si enim hæc virtus desit, volunt esse domini qui debuerunt esse socij, & super alios se exaltant volentes se præ cæteris honorari: vel se cum grauiamine aliorum dilatant, volentes abundanter habere ea quibus alij indigent. Sen. in lib. de Beneficiis. Quidam, cum alij ob virtutem & rempublicam bene gestam, tantum agri sibi decerneretur, quantum asande

*Æquitas promouet ædificium spirituale.*

vna die circumire posset. Non est, inquit, opus eo ciue, cui opus sit plus quam vni ciui. Et subdit: Quanto maioris viri putas respuisse munus quam meruisse? Multi enim fines aliis abstulerunt, sibi nemo constituit. De quibusdam congregationibus verum est illud Esa. 59. *Aequitas non potuit ingredi.* Et inuenitur in eis quod dicitur vulgariter, quod licet omnes sint fratres, tamen non omnes scutellæ sunt sorores. Econtrario de filio Dei facto fratre nostro dicitur Hebr. 3. *Debuit per omnia assimilari fratribus ut misericors fieret.* Et notabiliter dicitur, *ut misericors fieret.* Qui enim abundanter habent nesciunt per experientiam quid sit indigentia, nec compatiuntur sociis indigentibus. Item æquitas valde necessaria est dispensatoribus. Si enim desi: hæc virtus, dant abundanter propinquis & familiaribus quod dandum fuit indigentibus, & paleunt oculos diuitum de his quæ subtrahunt necessitati pauperum. Genes. 4. secundum quandam literam: Nonne si recte offeras, non autem recte diuidas, peccasti: dispensatores etiam quando bonis dant, si propter gratiam vel consanguinitatem non recte diuidunt, peccant. Bernard. Clamant nudi, clamant famelici & conqueruntur. Et ponit verba conquerentium: Nobis fame & frigore miserabiliter laborantibus quid conferunt tot mutatoria in perticis extensa vel plicata in manticis? Nostrium est quod effunditis, nobis crudeliter subtrahitur quod inaniter expenditis. Idem loquens de Ecclesia malignantium. De sumptibus, inquit, egenorum seruit oculis diuitum: inueniunt curiosi quo delectentur, & non inueniunt miseri quo sustententur. Item necessaria est valde virtus æquitatis mercatoribus, ut in ponderibus & mensuris nihil iniquum faciant. Leuit. 18. *Statera iusta, & aqua sint pondera, iustus modus, æquisque sextarius.* Prou. 11. *Statera dolosa abominatio est apud Deum, & pondus æquum voluit ei.* Item necessaria est valde iudi-

cibus, ut sine acceptione personæ inter partes contrarias æqualitatem seruent. Deut. 24. *Æquum iudicium sit inter vos, sine peregrinus sine cuius peccauerit: quia ego Dominus vester.* Sicut Deus non est acceptor personarum. Act. 10. Ita vult quod iudices qui iudicando vices eius agunt, non sint acceptores personarum. Iacob 2. *Frates mei, nolite in personarum acceptione habere fidem Domini nostri Iesu Christi:*

### De Pietate.

Sequitur de Pietate prout Tullius & Macrobius de hac loquuntur. Est autem Pietas, ut ait Tullius, per quam sanguine coniunctis patriæque beneuolis officium & diligens tribuitur cultus. Ad pietatem sic sumptam ipsa natura hominem incitat. De amore parentum, require in tractatu de Charitate. De honore verò parentibus exhibendo, require in tractatu de Superbia cap. de peccato Irreuerentiæ. Et notandum quod cum patria principium generationis dicatur esse, secundum Philosophum quemadmodum & pater, beneuoli patriæ amandi sunt & honorandi: sic maleuoli patriæ odiosi sunt & detestandi, ut legitur 2. Mac. 5. de Iafone, qui factus est omnibus odiosus, ut refuga legum & execrabilis, ut patriæ & ciuium hostis.

### P A R S XIII.

*De Gratia prout Tullius de ea loquitur: & quæ sunt cauenda danti vel accipienti beneficia, & de vindicatione.*

Gratiam Tullius sic describit: Gratia est, in qua amicitiarum & officiorum alterius memoria & remunerandi voluntas continetur. Hæc virtus valde necessa-



ria est. Nullum enim officium in referenda gratia magis est necessarium. Ingratitudinem quæ est gratiæ contraria enumerat Apostolus 2. ad Tim. 3. inter magna mala quæ erunt nouissimis temporibus, dicens: *Hoc scito, quia in nouissimis diebus instabunt tempora periculosa, & erunt homines seipso amantes, cupidi, elati, superbi, blasphemæ, parentibus inobedientes, ingrati.* Si uolueris gratus esse, primo caue ne obliuiscaris beneficij. Senec. 3. lib. de beneficiis: Ingratus est, qui beneficium se accepisse negat quod accepit: ingratus est qui dissimulat, ingratus est qui non reddit, ingratus est omnium qui oblitus est. Illi enim si non soluent, tamen debet, & extat apud illos vestigium meritum intra conscientiam inclusorum. Et aliquando conuerti ad referendam gratiam aliqua causa possunt, si illos pudor admouerit, si facilis occasio inuitauerit. Hic nunquam fieri gratus potest, cui beneficium totum elapsum est. Apparet illum non sæpe de reddendo cogitasse, cui obrepserit oblitio. Nunquam uoluit esse gratus qui beneficium tam longe proiecit, ut extra cõspectum suum poneret. Quicquid frequens cogitatio exercet aut reuocat memoriæ, nunquam subducitur, quæ nihil perdit nisi ad quod non sæpe respexit. Secundo, caue ne ad beneficium impendendum, per iniuriam accedas. Senec. 5. lib. de beneficiis: Ingratis & repudiantibus beneficia, non quia nolunt, sed ne debeant, similes sunt ex diuerso nimis grati, quia aliquid incommodi precari solent his quibus obligati sunt, ut probent affectum beneficiorum in memorem: quorum animus similis est prauo amore flagrantibus, qui amicæ suæ optant exilium, ut desertam fugientemque comitentur: optant inopiam, ut magis desideranti donent: optant morbum ut affideant: & quicquid inimicus optaret, amantes uolunt. Fere idem exitus est odij & amoris insani. Idem: Nequitia est, ut extrahas mergere, euertere ut suscitares, ut

emittas includere. Non est beneficium iniuriæ finis, nec vnquam id detraxisse meritum est, quod ipse qui detraxit, intulerat. Non vulneres me, malo, quam sanes. Potes inire gratiam si quia vulneratus sum sanas, non si vulneres ut sanandus sim. Tercio, caue ne nimis festines ostendere te gratum. Sen. 5. lib. de Benefic. Ante omnia discamus beneficia debere. Nemo libenter reddit quod inuitus debet: & quod apud se esse non vult; onus iudicat esse, non munus. Idem in eodem: Pœnitet accepti beneficij: quem nondum redditi piget. Non minoris est animi debere, quam dare: eo quod operosius hoc quam illud, quo maiori diligentia custodiuntur quam dantur accepta. Idem: Æquè delinquit qui ad referendum gratiam suo cessat tempore, quam qui alieno properat. Idem Senec. Reiciendi signum est protinus aliud munus remittere, & munus munere expugnare. Qui nimis cito cupit soluere, inuitus debet: & qui inuitus debet, ingratus est. Quarto, caue ne clam gratiam referas. Ingratus est enim qui remotis arbitris gratias agit, ut ait Senec. 2. lib. de beneficiis. Et notandum quod beneficium benigne accipiendum est, licet etiam sit modicum. Si benigne accipis, retulisti gratiam, sed non solum te putas. Senec. Qui beneficium dat, vult excipi grate: habet quod voluit, si bene acceptum est. Idem: Voluntati voluntate satisfacimus, rei rei debemus. Beneficium verò rei duplex est, scilicet pecuniæ & operæ. Beneficium operæ splendidius est, hoc enim ex virtute depremitur, alterum vero ex arca. Cum beneficium pecuniæ datur materia exhauritur, ut quo in plures usus sis, eo minus in multos uti possis: beneficium vero operæ, consuetudine benefaciendi paratioris & exercitatiores facit. Dum Macedonum fauorẽ pecuniæ largitione captaret Alexander, scripsit ad eum pater hæc verba: Quis error in istam spem te induxit, ut eos tibi fideles putares, quos pecunia corru-

Beneficium duplex.

pisses? at tu id agis vt Macedones te regem, sed ministrum & donatorem putarent. Fit enim deterior qui accipit, atque ad idem semper expectandum paratior. Non tamen hoc genus benignitatis omnino repudiandum est: nam sæpe idoneis hominibus indigentibus de re familiari, impartendum est, sed diligenter & moderate. Multi enim patrimonia effuderunt, inconsulte largiendo. Nihil autem stultius est quam curare vt diutius facere non possis quod libenter facias. Sequuntur etiam largiores rapinæ: cum enim dando egere cœperint alienis bonis manus inferre coguntur, & maiora odia eorum assequuntur quibus ademerunt, quam fauores eorum quibus dederunt.

*Quæ sint cauenda danti beneficia.*

**E**T notandum quod in dando beneficium primo cauenda est durities. Senec. Non quid detur, refert, aut quid fiat, sed qua mente. Regnum æquauit opes animo, qui exiguum tribuit, sed libenter; qui paupertatis suæ oblitus est, dum in eam respicit, qui non iuuandi tantum voluntatem habuit, sed cupiditatem, qui accipere se putauit cum daret. Idem: Multo gratius venit, quod facili, quam quod plena manu datur. Idem: Nemo libenter debet quod non accepit, sed quod expressit. Secundo dilatio. Senec. in lib. de benefic. Errat si quis sperat responsurum sibi, quem dilatione lassauit, expectatione torisit. Eodem animo beneficium debetur quo datur. Idem: Qui tarde fecit, diu noluit. Cum ita à natura comparatum sit vt altius iniuriæ quam merita descendant, & illa cito defluant, has tenax memoria custodiat: quid expectat qui offendit dum obligat? Satis aduersus illum gratus est, si quis beneficio eius ignoscit. Idem 2. lib. Cum homini probo ad rogandum os suffunditur rubore, qui hoc tormentum remittit; munus suum multiplicat. Grauius visis nulla res carius constat,

quam quæ precibus emptæ est. Molestum verbum est, onerosum, & demisso vultu dicendum, rogò. Nihil æquè amarum quam diu in spe pendere. Equiore animo quidam ferunt præcidi spem suam, quam trahi. Idem: Verum est tantum te gratiæ demere, quantum moræ adicis. Idem: Quemadmodum acerbissima crudelitas est quæ trahit pœnam, & misericordiæ genus est cito occidere: ita maioris est muneris gratia quo minus diu pependit. Omnis benignitas properat, & proprium est libenter facientis cito facere. Tertio ne beneficium quod das, ei cui datur vel alij obsit. Ea vtamur liberalitate quæ proficit amicis, noceat nemini. Senec. 2. lib. de benefic. Quemadmodum pulcherrimum est opus inuitos nolentesque seruare: ita rogantibus pestifera largiri, blandum & affabile odium est. Pecuniam non dabo, quam numeraturam adulteræ sciam, ne in societate turpis facti, aut consilij inueniar. Idem: Quid turpius, quam (quod euenit frequentissime) vt nihil intersit inter odium & beneficium? Quarto, ne beneficium maius sit facultate tua. Sen. Cum summæ amicitia sit, amicum sibi æquare, utrique simul consulendum est. Dabo egenti, sed vt ipse non egeam. Succurram perituro: sed vt ipse non peream. Quinto cauenda est exprobatio. Seneca: Hæc beneficii inter duos lex est: alter statim obliuisci debet dati, alter memor esse accepti. Sexto malitiosa astutia inficiandi. Dixit Antigonus Cynico petenti talentum: Plus esse, quam Cynicus debeat petere. Petenti vero nummum, respondit: Minus esse, quam regem oporteat dare. Ecce malitiose negabat: nam posset dare talentum, quia ipse rex erat: vel nummum, quia ille Cynicus. Econtrario Alexander nihil animo nisi grande concipiens, cuidam urbem donabat: & cum ille refugisset munus, dicens illud non conuenire suæ fortunæ: Non quæro, inquit, quid te accipere deceat, sed quid me dare. Septimo cauendum de ingrato querelam

relam facere. Meliorem facies ingratum ferendo, peiorem conquerendo. Nemo id esse quod iam videtur timere, deprehensio pudor emittitur. Senec. Ingratus est aduersus vnum beneficium, aduersus alterum non erit, duorum oblitus est, tertium in eorum quæ exiderant memoriam reduces. Quæ ratio est exacerbare eum in quem magna contuleris, vt ex amico fiat inimicus? Senec. Si Deum imitaris, da etiam ingratum: nam & sceleratis sol oritur. Idem: Ego beneficio meo, cum darem, vsus sum: nec ideo pigrius dabo, sed diligentius: quod in hoc perdidit, ab aliis recipiam, sed huic ipsi beneficium dabo. Beneficio igitur tanquam bonus agricola, cura cultuque sterilitatem soli vincens. Non est magni animi beneficium dare & perdere, sed est magni animi perdere & dare. Item 5. libro de Beneficiis: Propositum est optimi viri & ingentis animi tandiu ferre ingratum, donec fecerit gratum.

## De Vindicatione.

SEquitur de Vindicatione quam sic describit Tullius: Vindicatio est per quam vis aut iniuria & omnino omne quod obfuturum est, defendendo & vlciscendo propulsatur. Hæc virtus maxime necessaria est habenti potestatem seculari. Rom. 13. *Dei minister est, vindex in iram ei qui malum facit.* 1. Petr. 3. *Subiecti estote omni humane creature propter Deum, siue regi, quasi præcellentis, siue ducibus tanquam à Deo missis ad vindictam malefactorum.*

## DE MISERICORDIA.

## P A R S XIV.

*Quæ subdividitur in septem Capitula.*

## CAPVT I.

*De ordine dicendorum de Misericordia:  
& de descriptionibus eiusdem.*

SEquitur de Misericordia de qua hoc modo dicitur. Primo ponentur eius descriptiones. Secundo, eius commendationes. Tertio, quædam meditationes quæ misericordiam iuvant. Quarto, diuisiones pertinentes ad misericordiam. Quinto, dicitur de quo sit facienda elemolyna. Sexto, quomodo facienda. Circa primum notandum quod misericordia sic describitur. Misericordia est virtus per quam animus super calamitate afflictorum mouetur. Damascenus vero dicit, quod misericordia est tristitia in alienis malis. Isidor. 9. lib. Etymolog. dicit quod misericors à compatiendo alienæ miseriæ vocabulum est sortitus: & hinc appellata est misericordia, quod miserum cor faciat dolens de aliena miseria.

Quid sit  
miseri-  
cordia.

## CAPVT II.

*De commendatione Misericordiæ.*

Misericordiam commendat nobis & natura, & sacra Scriptura. Natura multipliciter. Primo naturali compassionem quam habent membra vnus corporis adinuicem. 1. Corinth. 12. *Si quid patitur vnum membrum, compatiuntur omnia membra.* Secundo, naturali pietate quam videntur habere animalia eiusdem speciei adinuicem. Dicitur enim in lib. de natura animalium, quod non est auium vnus speciei vt se comedant. Item quod mortua equa pullum eius relictum alia suscipit nutriendum. Tertio, pietas quæ videtur esse animalium etiam irrationabilium ad res alterius speciei. Dicuntur enim leones ad viam reducere aberrantes, & parcere hominibus prostratis coram se, & animalibus infirmioribus.

Natura  
commē-  
dat misē-  
ricordiā  
varie.

Aaa

scriptura.

ribus quàm ipsi sint, nisi necessitas famis ad aliud eos coegerit. Item multis experimentis compertum est, quod lupi vel lupo paruulos defelictos & à matribus expositos, ab aliis bestiis defendunt, & etiam nutriunt. Scriptura commēdat nobis misericordiā multiplici admonitione. Deut. 19. *Omnino indigens & mendicus non erit inter vos.* In eodem: *Non contrahes manū, sed aperies eam pauperi.* Item: *Præcipio tibi ut aperias manum tuam fratri tuo egeno & pauperi.* Tob. 4. *Noli auertere faciem tuam ab ullo paupere: ita enim fiet ut nec à te auertatur facies Domini.* Eccl. 9. *Oleum de capite tuo non deficiat, id est, misericordia de corde.* Eccles. 29. *Fœnerare proximo tuo in tempore necessitatis illius.* In eodem: *Propter mandatum assume pauperem.* Eiusdem 7. *Pauperi porrige manum tuam.* In eodem: *Exorare & facere elemosynam ne despicias.* Eiusdem 29. *Pone thesaurum tuum in præceptis Altissimi, & proderit tibi magis quàm aurum.* Zachar. 7. *Misericordiam & miserationes facite unusquisque cum fratre suo.* Matth. 19. *Si vis perfectus esse, &c.* Luc. 6. *Estote misericordes.* In eodem: *Omni petenti te, tribue.* Item: *Date, & dabitur vobis.* Eiusdem 11. *Quod superest, date elemosynam, & ecce omnia sunt munda vobis.* Item 12. *Vendite quæ possideris, & date elemosynam.* In eodem: *Facite vobis sacculos qui non veterascent; thesaurum indeficientem in cælis.* Eiusdem 16. *Facite vobis amicos de mammona iniquitatis, &c.* 2. Corinth. 8. *Vestra abundantia, illorum inopiam suppleat.* Ephes. 4. *Estote inuicem benigni, misericordes.* 1. Petr. 3. *Estote compatiētes, fraternitatis amatores, misericordes.* 2. Petr. 1. *Ministrate in pietate fraternitatis amorem.* Item misericordiā commendat & creator & creatura: Creator, dum exemplo suo ad misericordiā nos monet, miserationes enim eius super omnia operacius, ut dicitur in Psalm. Item, misericordia eius plena est terra. Ioël. 2. *Benignus & misericors est, patiens & multa*

Co: ator.

*misericordia, & præstabilis super malitia.* Eius proprium est misereri semper, & parcere. Luc. 6. *Estote misericordes sicut & Pater vester misericors est.* Balaam: Maxima potestatem accipiens, datorem potestatis iuxta possibilitatem suam debet imitari, in hoc autem Deum maxime imitabitur, si nihil iudicauerit quàm misereri pretiosius. Creatura commendat nobis misericordiā, dum viri sancti exemplo suo ad eam nos monēt. Inter exempla vero sanctorum maxime nos monet ad misericordiā exemplum Christi hominis: misericordia seu pietas crux aurea fuit quam Christus portauit, quæ videtur fuisse acerbioris supplicij, quàm crux exterior, si magnitudo amoris quo nos diligebat attendatur. Sicut enim non fuit amor sicut amor eius: sic non videtur fuisse dolor sicut dolor eius. Dolor, inquam, compassionis. Thren. 1. *Videte fiesit dolor sicut dolor meus:* misericordia filium Dei de cælo deposuit, & corpore induit, iuxta verbum Augustin. Ipsa etiam pro redemptione pauperum eam vendidit. Augustinus: Redemit venditus, viuificauit occisus, honorauit iniuriatus, misericordia eum vsque ad pedum nostrorum ablutionem humiliavit. Item cum ut clypeum nobis opposuit, ut scilicet idum sustineret, quem Deus pater humano generi minabatur. Tunc impletum est illud: *Scapulis suis obumbrabit tibi.* Et illud: *Sento circumdabit te veritas eius.* Item illud Sap. 5. *Dextera tua teget eos.* Dextera Dei patris, Filius est. Tunc exaudita est oratio illa, *Custodi nos Domine ut pupillam oculi.* Pupilla oculi manus oppositione custoditur, ut manus istum suscipiat quem pupilla susceptura erat. Misericordia cum fideiuiorem pro hominibus posuit morti adiudicatis. Eccles. 29. *Gratiam fidemque foris ne obliuiscaris: animam enim suam posuit pro te.* Ad commendationem etiam Misericordiæ facit, quod ipsa super omnia Deo placet, & Diabolo displicet, & homini prodest. Primum ostendit.

Creatura.

Psa 90.

Misericordia Deo placet.

ditur diuersis testimoniis Scripturæ. Augustinus: Non est quod ita faciat Deo amabiles, vt pietas in Psalm. *Diligite misericordiam & iudicium.* Prouerbio- rum vigesimo primo. *Facere misericordiam & iudicium magis placet Deo, quam victima.* Osee 6. *Misericordiam volui, & non sacrificium.* Matth. 9. *Discite quid est, Misericordiam volo, & non sacrificium.* Ratio quare misericordia tantum Deo placet hæc est, quia Deo maxime assimilatur, vt prius ostensum est. Ecclesiast. 13. *Omne animal diligit simile sibi.* Misericordia vnguentum est quo vngitur Christus, & maxime vntionem indigent, scilicet quantum ad pedes. Quod figuratum est in hoc quod *Magdalena vnxit pedes eius.* Luc. 7. Bernardus: Bonum est vnguentum contritionis quod de recordatione peccatorum conficitur: melius deuotionis, quod fit de recordatione beneficiorum Dei. Porro vtrunque vincit vntio pietatis. Misericordiam Christus specialiter consuluit. Matth. 19. *Si vis perfectus esse, &c.* Illam vltimum remedium posuit. Luc. 11. *Veruntamen quod superest date eleemosynam, &c.* Recessurus etiam ab apostolis suis, misericordiam illis commendare in pedum ablutione voluit. Ioan. 13. Sicut enim factio illo iuxta historiam commendauit nobis humilitatem: ita secundum mysterium commendauit nobis pietatem. Aqua enim in pelui est pietas in corde. Ipse etiam in die iudicij de operibus misericordiae specialiter disceptabit. Matth. 25. Misericordia diabolo maxime displicet, cum per eam maxime vincatur. Vnde super illud Psalm. *Misericordia mea & refugium meum,* dicit gl. De nullo sic vincitur inimicus diabolus, sicut de misericordia. Cum diabolus in multis respectu hominis excellat: in hoc tamen quod misericordiam non habet, homo ei præcellit. Ipse crudelis est, & non miserebitur. Ierem. 6. *Misericordia homini maxime prodest.* 1. Timoth. 4. *Exercitatio*

Diabolo  
cā'plicit.

*corporis ad modicum utilis est: pietas autem ad omnia utilis est.* Quam utilis sit pietas seu misericordia homini, manifestum fiet si multiplicem effectum eius ostendamus. Notandum ergo quod misericordia peccato obstat, Eccles. 4. *Ignem ardentem exstinguit aqua, & eleemosyna resistit peccatis.* In multa peccata caderet peccator, à quibus eleemosynæ quæ facit eum custodiunt. Item spatium penitentiae homini impetrat. Vnde dicitur promissionem habere vitæ quæ nunc est, & futuræ. 1. ad Tim. 4. Vbi dicit glos. Si quis misericordiam sequitur, si lubricum carnis patiat, vapulabit quidem, sed non peribit. Quod non est intelligendum de illo qui propter fiduciam, quam habet in eleemosynis quas facit, peccat. Tali enim dicitur ad Rom. 2. *An ignoras quod benignitas Dei ad penitentiam te adduxit? Tu autem secundum duritiam tuam & cor impenitens thesaurizas tibi iram.* Item bona temporalia multiplicat. Greg. in dial. Terrenæ substantiæ per hoc quod pauperibus distribuuntur, multiplicantur. Bonifacius duodecim aureos accepit de cista nepotis Constantini presbyteri, & dedit pauperibus, quos ille acceperat de equo suo vendito: qui cum reuersus audisset cistam suam fractam, iratus est in episcopum. Et episcopus ingressus Ecclesiam, rogauit vt Dominus daret ei aliquid quo mitigaret furorem presbyteri, & inuenit statim in sinu suo duodecim aureos fulgentes, quos dedit, & dixit ei: Scito quia post mortem meam episcopus nō eris huius loci. Ille enim collegerat illos aureos pro acquirendo episcopatu post mortem eius. Idem Bonifacius cum esset puer omne triticum matris suæ expendit in usus pauperum: quod cum mater horreum ingressa perperdisset, cepit eum increpare, & seipsam pugno cadere in facie. Sed oratione facta à Bonifacio, statim horreum plenum inuentum est. Quo viso mater cepit eum urgere vt daret, quia ita celeriter posset quæ petisset accipere.

Luc. 6. *Date, & dabitur vobis.* Prou. 11. *Alij diuidunt propria & ditiores fiunt: alij rapiunt non sua & semper in egestate sunt.* Eiusd. 27. *Qui dat pauperi, non indigebit: qui despicit deprecationem, sustinebit penuriam.* 3. Reg. 18. Illi viduæ quæ Eliam paut, farina & oleum non defecerunt. Ratio huius potest esse: quia homo misericors fideliter dispensat pauca bona sibi commissa, & ideo merito super multa constituitur. Matth. 15. Item Deum placat. Prou. 21. *Munus abscondit non exinguit iras: & donum in finu indignationem maximam.* Genes. 32. *Pluribus enim inueneribus quæ præcedunt.* Tob. 3. dicitur de eleemosyna quod ipsa est quæ purgat peccata. Esa. 58. *Si effuderis esurienti animam tuam, & animam afflictam repleris: Orietur in tenebris lux tua.* Lux, inquam, gratiæ. Misericordia à seruitute diaboli liberat. Esa. 10. *Computrescet iugum à facie oltri.* Oleum dicitur misericordia, quia sicut oleum cæteris liquoribus supernatat, sic opus misericordiæ præcellit respectu aliorum operum. Misericordia à morte spirituali suscitari facit. Sicut Dorcas plena operibus bonis & eleemosynis quas faciebat meruit corporaliter suscitari. Act. 9. Misericordia meretur à Domino visitari. Sicut legitur de Cornelio. Act. 10. *Erat Cornelius eleemosynas multas faciens plebi, & ait angelus ei: Orationes tuæ & eleemosyna tuæ ascenderunt in memoriam in conspectu Domini.* Contra peccata nihil tantum videtur valere quantum misericordia. Vnde super Matth. 12. *Extendemanum tuam, & extendit: & restituta est sanitati.* dicit gl. Nihil plus valet curationi quam eleemosynarum largitas. Et subditur: *Frustra pro peccatis rogaturus manus ad Deum expandit, quibus ad pauperes pro posse non extendit.* Item gratiam conferuat. Eccl. 29. dicitur de eleemosyna: *Gratiam eius quasi pupillam cõseruabit.* Item hostem impugnat. In eodem: *Super scutum & super lanceam aduersus inimicum tuum pro te pugnabit.* Item quæ petit à Deo, impetrat. Eccl. 29.

*Conclude eleemosynam in sinu pauperis, & hac exorabit pro te.* Esa. 58. *Frangere esurienti panem tuum, &c.* Et subditur: *Tunc innocabis, & Dominus exaudiet: & clamabis, & dicet, Ecce adsum, quia misericors sum Dominus Deus tuus.* Misericordia multum potest erga Deum. Ipsa videtur Dei sententias reuocare, vt in Ninie. Ionæ 3. Et Achab 3. Reg. 21. Legitur etiam 10. Iudicum: *Non addam, inquit, Dominus, vt liberem vos.* Et post legitur: *Doluit Dominus super miseriis eorum.* Hæc luclatur cum Domino, vt Iacob luclatus est cum angelo. Genes. 32. Et Sap. 18. legitur de Aaion, quod restitit iræ. Gregor. Iræ Dei tunc resistitur, quando ipsemet qui itascitur opitatur. Misericordia dicitur Deum vincere quodammodo. Vnde dicit Eccl. *Quare viciis clementia, vt ferres nostra crimina.* Dicitur etiam peccata nostra de eius memoria delere. In Ps. *Omnes iniquitates meas dele.* Ezech. 18. *Si impius egeris penitentiam ab omnibus peccatis suis quæ operatus est, &c. Omnium iniquitatum eius quas operatus est non recordabor.* Misericordia Deo sceneratur. Prouerb. 19. *Sceneratur Domino qui miseretur pauperis.* Eiusd. 22. *Qui accipit mutuum seruus est scenerantis.* Est ergo Deus quasi in potestate hominis perfecte misericordis, sicuti seruus in potestate Domini, & ille qui mutuum accepit in potestate scenerantis. Item misericordia non solum potest in terra, sed in cælo. Ipsa cælum inclinauit. Ita inclinatione manifestata est ex hoc quod breuior est nunc via in cælum quam esse solebat. Adā per multa milia annorum vix peruenit illuc, modo vero vna hora quandoque peruenitur. Item misericordia ostiū cœli, Christum scilicet, qui dicit Ioan. 10, *Ego sum ostium.* fregit in die Parasceues, & fecit volare quasi in duo frusta: scilicet corpus & animā: & sic pauperibus cœlestis ingressum patefecit. Ipsa viam paradisi dilatat. Prouer. 18. *Donum hominis dilatat viam eius, & ante principes spatium ei facit.* Item misericordia hominem filium

Dei efficit. Eccl. 4. *Esto pupillis misericors ut pater, & pro viro matri eorum: & eris tu velut filius. Altissimi, filius obediens & miserebitur tui magis quam mater.* Misericordia Deum suum efficit. Heb. 13. *Beneficentia & communionis nolite obliuisci. Talibus enim hostis promeretur Deus.* Ipsa specialiter honorat Deum propter eum pauperibus sua tribuendo. Prouerb. 14. *Honorat Dominum qui miserebitur pauperis: ideo merito in futuro à Deo honorabitur.*

Item misericordia à cœna pro peccatis debita hominem absoluit. Prouerb. 13. *Redemptio animæ viri, diuitiæ suæ.* Dan. 4. *Peccata tua eleemosynis redime.* 4. Reg. 4. *Pauper mulier oleo sibi multiplicato soluit creditori suo.* Item misericordia amicos & adiutores sibi multiplicat. Ipsa pauperes facit stipendiarios suos. Greg. *Pauperes non sunt contemnendi vt egeni, sed exorandi vt patroni.* Luc. 16. *Facite vobis amicos de mammona iniquitatis.* Prouerb. 22. *Victoriam & honorem acquireret, qui dat munera.* Item misericordia hominem in bono roborat. Ecclesiast. 3. *de dante eleemosynam: In tempore casus sui inueniet firmamentum.* Item misericordia homini benedici facit. Vnde eleemosyna vocatur benedictio 2. ad Corinth. 9. *Homini misericordi benedixit Deus.* Deuter. 15. *Omnino indigens & mendicus non eris inter uos, ut benedicat tibi Deus.* Benedixit etiam ei populus. Prouerb. 19. *Qui pronus est ad misericordiam, benedicetur.* Deuter. 33. *Benedictus filius Aser, si placens fratribus: & tingat in oleo pedem suum.* Hæc tria concomitantur se, tingere in oleo pedem affectum, esse benedictum & placentem hominibus. Ruth. 2. *Sis benedictus qui misersus est tui.* Misericordi etiam benedicit pauper, qui ab eo recipit eleemosynam. Iob 19. *Benedictio periturus super me ueniebat.* Item misericordia morienti societatem facit. Ambr. *Non sunt bona hominis quæ secum ferre non potest. Sola misericordia comes est*

defunctorum. Ipsa etiam animam in infernum ire non permittit. Tob. 12. dicitur de eleemosyna, quod à morte liberat, & non patietur animas ire in tenebras. Ipsa etiam in iudicio liberat & regnum accipit. Tob. 12. dicitur de eleemosyna, quod facit inuenire vitam æternam. In Psalm. *Incundus homo qui miserebitur & commodat, disponet sermones suos in iudicio.* Ibi specialiter fiet disceptatio de operibus misericordiæ. Matth. 25. *Venite benedicti Patris mei, percipite, &c. Esuriui enim, & dististis mihi manducare, &c.* Misericordia filium Dei in mundum fecit descendere. Eadem homines in cœlum facit ascendere. Ad hoc signandum Christus à monte Oliueti in cœlum ascendit. In monte enim Oliueti eminentia misericordiæ designatur. Legitur etiam 2. Reg. 6. *Quod in ingressu oraculi fecit Salomon duo ostiola de lignis oliuarum. Quæ duo ostiola possunt intelligi duæ partes misericordiæ.* Vna est, qua compatimur miseræ spirituali. *Qui perfecte misericors est, iam beatus reputatur certa spe, tandem beatus futurus in re.* Misericordes maxime de Dei misericordia sperare possunt. Item Psalm. *Ego sicut oliua fructifera in domo Dei speravi in misericordia Dei.* In Psalm. *Beatus qui intelligit super egenum & pauperem.* Prouerb. 24. *Qui miserebitur pauperi, beatus erit.* Matth. 5. *Beati misericordes.* Item misericordia loca in regno cœlorum assignat. Eccles. 16. *Omnis misericordia faciet unicuique locum secundum intellectum peregrinationis illius, & secundum meritum operum illius.* Misericordia est negotiatrix prudentissima. Matth. 25. *Prudentes virgines acceperunt oleum in uasis suis.* Qui vere prudens est, oleum pietatis vult habere in corde suo, sine quo non habetur ignis charitatis. 1. Ioan. 3. *Qui habuerit substantiam huius mundi, & uiderit fratrem suum necessitatem habere, & claueris viscera sua ab eo, quomodo charitas Dei manet in eo?* Iacob. 3. *Sapientia quæ defursum est, plena est misericordia.* Nego-

tiationem misericordię specialiter confu-  
luit Filius Dei. Matth. 10. *Vade, & vende  
omnia quę habes, & da pauperibus.* Voluit  
Paulus vt Timotheus hanc negotiatio-  
nem præciperet his quos habebat regere.  
1. ad Timot. 6. *Diuitibus huius seculi præ-  
cipe facile tribuere, communicare, thesauri-  
zare sibi fundamentum bonum in futurum.*  
Misericordia in negotiatione videtur Deū  
circumuenire, dum pro luto temporalium  
æternas diuitias recipit. Osee 11. *Circum-  
uenit me in negotiatione Ephraim.* August.  
Præbe tectum, & accipies cælum. Mife-  
ricordia calicem frigida aquę proximo  
tribuit, & torrentem voluptatis æternę  
recipit. Ipsa terram in cælum commutat,  
hęc est commutatio dextrę excelsi. Mife-  
ricordia hominem periculose oneratum  
vtiliter exonerat, & proximum eius iuuat.  
August. in libro de Disciplina Christiana,  
loquens ad diuitem: Da, inquit, aliquid  
fratri tuo. Da aliquid proximo tuo. Da ali-  
quid comiti tuo. Vita ista via est simul am-  
bulantis. Sed fortè dicis: Ego diues, ille  
pauper. Sarcinam tuam commemoras:  
Pondus tuum laudas. Et quod grauius est,  
cōstrinxisti ad te sarcinam tuam, iam non  
potes porrigere manum. Onera te, liga  
te, quid te iactas? quid te laudas? Solue  
vincula colli tui. Minue de sarcina tua. Da  
comiti, & illum adiunas & te releuas.

Miseri-  
cors dās,  
est acci-  
piens.

Misericordia vnde dare videtur, potius  
accipit. Vnde Augustinus: Reminiscere,  
inquit, non solum quid des, sed quid acci-  
pias. Panis quem das, terra est, de terra in  
terram, vt fulciatur terra, vt reficiatur ter-  
ra. Poterit itaque pauper dicere: Vide, ne  
plus tibi præstem accipiēdo, quàm tu dan-  
do. Si enim non esset qui à te acciperet,  
non erogares terram, & emerēs cælum;  
contemne me, si nihil petis ab eo qui fecit  
me & te. Si enim petiturus es; quia me ex-  
audisti, tibi præstas vt exaudiaris. Age illi  
gratias qui rem tam pretiosam vili precio  
te facit emere. Das quod in tempore pe-  
rit, accipis quod manet in æternum, vnde  
as socius angelorum, vnde nunquā sitim

famemque patiaris. Et subdit: Nemo di-  
cat, qui a præstet pauperi: sibi enim plus  
præstat, quàm pauperi. Misericordia, bona  
sua quę dare videtur, in saluo ponit, & in-  
de thesaurum facit, Matt. 6. *Theaurizate  
vobis thesauros in cælo.* Et beatus Lau-  
rentius: Facultates Ecclesię quas requi-  
ris, manus pauperum in cœlestes thesau-  
ros deportauerunt. Tob 4. dicitur: *Da elec-  
morynam. Præmium enim bonum sibi the-  
saurizas in die necessitatis.* Augustinus:  
Considerate, fratres, quàm multi subito  
bona omnia perdidērunt, quę studiosissi-  
me recondebant, vel quum vno impetu  
hostili captiui ducti sunt, vel quum eis des-  
cendentibus flamma successit. O quomo-  
do tales pœnituit: quia nō audierunt Do-  
mini consilium, scilicet, *Da pauperibus, &  
habebis thesaurum in cælo!* Audires ami-  
cum tuum consilium tibi dantem de the-  
sauro tuo, & contemnis Deum consilium  
dantem de corde tuo. Inuasit hostis do-  
mum, nunquid inuaderet cælum? Occi-  
dit seruum custodem, nunquid occideret  
Dominum seruatore? *Qui sunt paupe-  
res quibus damus, nisi delatores nostri?*  
Delatori tuo das, in cælum portat quod  
das: an excidit tibi? Greg. Securius diuitiæ  
transferuntur de patria in patriam per ma-  
nus plurium, quàm per manus vnius; se-  
cundum Aug. Manus pauperum sunt ga-  
zophylacium Christi. Vnde quod in manu  
pauperis ponitur in gazophylacio Christi  
mittitur, imò quod plus est, in manu Dei  
ponitur, & idē iam auferri non potest ei  
qui dedit, quum non sit qui de manu eius  
possit eruere. Misericordia bona terren-  
quę possessoribus suis solēt esse noxia, vti-  
liter expendit. Isid. Hoc tantum habet bo-  
num possessio præsentium rerum, si vi-  
tam reficiat miserorum.

Et notandum, quod virtus misericor-  
diæ non solum est valdè vtilis, sed etiam  
valdè mirabilis. Ipsa de malis aliorum  
melioratur, de sordibus aliorum sanatur,  
de paupertate ditatur, de infirmitatibus  
aliorum sanior efficitur, ipsa portat onc-

Miseri-  
cordiæ  
virtus  
admira-  
bilis.



ra aliorum implens legem Christi, ad Galat. 6. *Alter alterius onera portate, &c.* Et quanto plura bona portat, tanto velocius currit, quia ad beatitudinem festinantius tendit. Ipsa onera aliena frequenter furatur hominibus nescientibus, dum ipsis negligētibz peccata eorum assumit & portat, dolendo, ludendo, orando, pro eis eleemosynam faciendo, disciplinā se affligendo. Misericordia quanto plura onera proximi portat, tanto oneribus priorum peccatorum magis se exonerat. Misericordia de fœtore eorum qui spiritualiter sunt mortui non moritur, sed potius viuificatur. Ipsa est, quæ colligit de spinis peccatorum uvas, & de tribulis ficus. Misericordiā mala aliena in bona cōuertuntur. Dux virtutes sūt quæ omnia quæ proximi sunt acquirere videntur, sc. charitas & pietas. Charitas bona proximi, sua facit. Greg. Pensent inuidi quantū bonum est charitas quæ aliena bona sine labore nostro nostra facit: pietas verò aliena mala, sua facit. Vnde hæ duæ virtutes venientes ad iudicium de nundinis huius mundi, ditissimæ, quantum ad meritum, inueniuntur, & idē abundantissimē remunerabuntur. Hæ duæ virtutes alæ sunt quibus fouentur proximi bona, & portantur eius onera. Vnde super illud: *Sub umbra alarum tuarum protege me.* dicit Gl. Misericordia & charitas sunt alæ patris quibus nos protegit. De his alis Matth. 13. *Quoties volui congregare filios tuos, quemadmodum gallina congregat pullos suos sub alas, & noluisti?* Item misericordia de vno obsequio duplicem habet mercedem. In præsentem enim remuneratur, & in futuro, ut prius ostensum est. Ipsa de vna seminatione duplicem messē colligit. Ipsa seminat in terra, & metet in cœlo: ipsa consilio Domini agros aridissimos elegit ad seminandum. Luc. 14. *Quum facis prandium, voca pauperes, &c.* Et hi vberius ei fructificant. Et notandum, quod opus misericordiæ semini comparatur, 2. ad Cor. 9. *Qui parce seminat, parce & metet,*

eo quod semini in multis assimiletur. Semen absconditur, sic eleemosyna occultē danda est. Eccl. 29. *Conclude eleemosynam in sinu pauperis.* Item semen perdi videtur, cum seminando potius renouetur: sic eleemosyna quum datur, perdi videtur, sed sic melius seruatur. Eccles. 29. *Perde pecuniam propter fratrem, & non abscondas illam sub lapide in perditionem.* Ibid. *Terrēna omnia seruando amittimus, largiendo seruamus.* Diu cum rebus nostris durare non possumus, quia aut nos illas moriendo deserimus, aut illæ nos viuentes deserunt. Et super illud Matt. 16. *Qui perdit animam suam propter me, inueniet eam,* dicit Gl. *Quasi dicatur agricolæ: Si frumentum seruas, perdis: si seminas, reponas: solas quas dederis semper habebis opes.* Itē semen cum fœnore surgit: & qui dat eleemosynam, centuplum accipit. Vnde super illud Prou. 19. *Faneratur Domino, qui misereatur pauperis,* dicit interlin. Centuplum accepturus. Eccles. 35. *Retribuens Deus est, & septies reddet tibi.* Semen pretiosius in vno anno seminatur, & in alio anno metitur: semen vero minus pretiosum ut hordeum, in eodem anno seminatur & metitur. Sic eleemosyna pretiosa est quæ seminatur in anno gratiæ, cuius messis expectatur in anno gloriæ. Item semen gelu pressum & retardatum vberius fructificat: sic eleemosyna quæ aduersitate premitur, maiorem habitura est remunerationem: ut eleemosyna cui detrahitur, magis remuneranda est quàm quæ laudatur. Item misericordia hic quasi omnia tormenta sustinet. 2. ad Corinth. 12. *Quis infirmatur, & ego nunc infirmor, &c.* Ideo in futuro merito non ei à tormento parceretur. Ipsa est quæ exemplo Petri dicit Domino: *Tecum parata sum in mortem & in carcerem ire.* Luc. 22. Ideo in futuro merito à carcere infernali immunis erit. Item ad commendationem misericordiæ valere potest detestatio sui oppositi. Notandum ergo quod non solum im-

Merces  
misericordiæ  
duplex.

quod plus est: homini immisericordi videtur peccata iam dimissa reuocari. Matt. 18. *Serue nequam, omne debitum dimisi tibi quoniam rogasti me, nonne oportuit & te misereri, &c. Et iratus Dominus eius tradidit eum tortoribus quoadusque redderet uniuersum debitum.* Misericordia verò literas remissionis habet in Euangelio etiam tria paria. Primo, Matth. 5. *Beati misericordes, quoniam ipsi misericordiam consequentur.* Cum misericordia Dei fons sit & misericordiarum nostrarum fluuius: quomodo esse posset quod fluuius misericordiarum nostrarum ad proximum fluere, & fons diuinarum misericordiarum nobis siccus esset? August. Fluit riuus, & fons siccabitur. Itē quum omne animal diligit simile sibi. Eccl. 13. Quomodo hoc esse posset quod Dei misericordia hominem misericordem damnaret? Secundo, Matth. 6. *Si dimiseritis hominibus peccata eorum, dimittet & vobis Pater vester celestis delicta vestra.* Tertio, Luc. 6. *Dimittite, & dimittetur vobis.* Item, vbi est misericordia, est peccatorum abundantia. Osee 4. *Non est misericordia, & non est scientia Dei in terra.* Et subditur: *Maledictum & mendacium, & homicidium, & furtum, & adulterium inundauerunt.* Item illi cui deest misericordia, fiet iudicium sine misericordia. Iacob 2. *Iudicium sine misericordia ei qui non fecerit misericordiam.* Immisericordiae aures Dei clausae sunt, & in praesenti, & in futuro. Prouer. 21. *Qui obturat aurem suam ad clamorem pauperis, ipse clamabit, & non exaudietur.* Exemplum habemus de hoc Luc. 16. In diuite epulone, qui panis micam Lazaro negauit, in tormentis positus guttam aquae postulans non accepit. Item ad commendationem misericordiarum facit, si ostendatur eius praeminentia ad alias virtutes. Notandum ergo quod respectu abstinentiae in hoc praeminet, quod abstinentia Deo corpus immolat. Ad Rom. 12. *Obsecro vos per misericordiam Dei, ut exhibeatis corpora vestra hostiam uiuentem.* Misericordia verò immolat cor.

Miseri-  
cordia  
praemi-  
net ceteras  
virtutes.

Respectu verò charitatis in hoc praeminet misericordia, quod charitas est fluuius bonitatis ripas suas non exiens. Pietas verò est fluuius bonitatis ripas suas exiens, & latè extra inundans. Charitas enim, vt charitas, tantum sua communicat: pietas autem, & hoc facit & aliud: mala enim aliorum insuper sibi assumit. Parū est sua largiri, quod facit charitas: sed cumulus charitatis est seipsum largiri ad compatiendum, quod facit pietas. Respectu autem iustitiae, prout iustitia strictè sumitur, & est opposita misericordiae, hanc habet praeminentiam, quod ipsa est summa iudiciarum potestatis. Misericordia enim super omnia opera eius. Iacob. 2. *Misericordia superexaltat iudicium.* Vnde licet appellare à curia iustitiae ad curiam misericordiae. Vnde si vides tibi imminere grauamen à iustitia, imo quocunque modo contra te iudicet etiam iustè, aliter enim facere non potest, confidenter appella ad Dei misericordiam: quoniam iustitia necesse deferre habet appellationi. Forum curiae misericordiae, est forum poenitentiale: hoc est solum adiutorium refugium. In hoc foro feruntur sententiae absolutionis etiam consentibus culpas suas. In alijs curijs si quis confitetur homicidium, dicitur à iudice, suspendatur: tū hoc si confitetur, absoluitur. Item respectu obedientiae commendabilis est misericordia. Interdum enim obedientiae & etiam ceteris virtutibus nititur contrariè. Vnde narrat Gregorius in lib. Dialogorum, quod Paulinus Episcopus se in seruitutem posuit pro quodam captiuo redimendo, licet additus esset curae pastoralis: & Deus qui miseretur omnibus alijs miserantibus, eum postea in plenitudinem officij & dignitatis restituit. Et quidam Conuersus Carthusiensis proficiscens ad nundinas, & quadraginta libras secum deferens, vt eas expenderet in necessitatibus domus suae comitem habuit in via militem veteranum debilem & pauperem, quem quum agnouisset grauatum esse aere alieno & ire ad peten-

Exemplum.

uisset grauatum esse ære alieno, & ite ad petendum inducias à creditore, conuersus dixit militi quod iret secum: qui ingressi sunt domum creditoris, & cum peterent inducias, denegauit eis creditor, addens quod filium eius uinctum in carcerem poneret, nisi ea die redderet uniuersum debitum, & tota eius hæreditas ei appropriaretur. Pro quo quum intercederet conuersus, creditor multa conuitia ei inulit. Ad quem cōuersus: Hodie, inquit, liberabitur iustus iste de carcere mortis, & proijciens ante pedes XL. libras redemit filium militis de carcere, ipsumque à debito liberauit. Qui rediens narrauit fratribus quæ gesta erant. Illi verò quasi viri spirituales multum in hoc facto commendabant eum. Item quidam sanctus homo quendam pœnitentem ligatum à summo pontifice exonerauit tunica plumbea. Qui interrogatus qua auctoritate hoc fecisset, Respondit, Auctoritate illius qui ait, *Beati misericordes, quoniam misericordiam consequentur.* Matth. 5. Virtus misericordiz maxime competit statui miseriz in quo sumus. Hanc virtutem didicit Christus plus quàm XX. annis, ad Hebr. 4. *Non habemus pontificem qui non possit compati infirmitatibus nostris.* Bern. Multa uoluit pati Christus, ut compati sciret.

## CAPVT III.

## De his quæ possunt iuuare misericordiam.

His mouetur ad eam misericordiam aliquis.

**T**Angendæ sunt aliquæ meditationes quæ possunt iuuare misericordiam. Quarum prima attenditur circa naturæ conformitatem. Aliquis enim moueri potest ad miserendum proximo, habito respectu ad naturæ conformitatem. Esaia 58. *Cum uideris nudum, operi eum, & carnem tuam ne despexeris.* Secunda attendit principij nostri unitatem. Sumus enim omnes ex vno patre & una matre. August. in libro de disciplina Christiana: Si puta-

mus non esse proximos nisi qui de eisdem parentibus nascuntur, Adam & Euam intendamus, & omnes fratres sumus. Tertia attenditur circa miseriam propriam, ut homo intelligat quæ sunt proximi ex seipso. Prouerb. 19. *Homo indigens, misericors est.* Homo qui indigentiam magnam habuit, alienæ indigentiz compati nouit. Quarta attendit spirituales fraternitatem. Fratres enim sumus ex vno patre, scilicet Deo nati: & una matre, scilicet Ecclesia, eandem habituri hæreditatem. 1. Ioan. 3. *Qui habuerit substantiam huius mundi, & uiderit fratrem suum necessitatem habere, & claueris viscera sua ab eo, quomodo charitas Dei manet in eo?* Quinta attendit Dei in homines paternam charitatem, 3. Ioann. 3. Videte qualem charitatem dedit nobis Deus pater, ut filij Dei nominemur & sitius. Secundum hanc meditationem operatur qui dat pauperi, eo quod credit eum filium Dei. Sexta attendit capitis Ecclesiæ & membrorum unitatem, quæ tanta est quod caput reputat sibi fieri quod membris sit. Sicut caput corporis reputat sibi beneficium exhiberi quod pedibus exhibetur: sic beneficium pauperibus exhibitum Christus sibi reputat exhiberi.

Et notandum circa hanc meditationem, quod quandòque pauper elemosinam quærit ab aliquo, ille à quo petitur quatuor debet attendere. Primò, quis petat, quoniam Deus. Matth. 25. *Quod uni ex minimis meis fecistis, mihi fecistis.* Hieron. Quotiescunque manum pauperi extenderis, Christum cogita. August. in lib. de disciplina Christiana: Christus petit & non accipit, & offendis nomen pietatis crudelibus verbis, & dicis: Et quid seruo filiis meis? Christum illi oppono, filios suos mihi reponit. Magna iniustitia ut habeas unde luxurietur filius tuus, & egeat Deus tuus. Cum enim legisti, Quod uni ex minimis meis fecistis, & mihi fecistis, & non timuisti: ecce quis eget, & filios tuos numera: postremò, numera filios

A quo petitur elemosyna, hæc ei consideranda.

Bbb

tuos, adde vnum illum inter illos, Dominum tuum numera: vnum habes, sit ille secundus: duos habes, sit tertius: tres habes, quartus sit. Secundo, debet cogitare quid petit Deus, quoniam suum petit, non tuum. Vnde valde ingratus est qui de bonis Dei abundanter habet ad mensam suam, & tamen non vult dare modicum panis Deo petenti. August. Dicit tibi Christus. Da mihi de eo quod dedi tibi. De meo quæro, & mihi non donas: da, & reddo: habuisti me largitorem, facito debitorem. Tertio cogitare debet ad quid petat: non enim petit ad dandum, sed ad mutuandum & ad centuplas vsuras. August. Miser homo, quid sceneris homini? scenerare Deo & centuplum accipies, & vitam æternam possidebis. Mira ingratitudo hominum qui nolunt accommodare Deo ad tales vsuras ad quales accommodarent alicui Iudæo vel Saraceno. Quarto debet cogitare quod ipse habet petere à Deo regnum æternum qui modo petit ab eo modicum panis: & si negat Deo hoc modicum, negabit ei Deus regnum suum. Proverb. 21. *Qui obturat aurem suam ad clamorem pauperis, clamabit & ipse, & non exaudietur.* Sapiens: Nec dubites cum magna petas, impendere parua. Septima meditatio attendit liberalitatem quam habent homines ad membra diaboli. Si enim diuites mali declinent ad eos, importunissime inuitantur, & quasi dilaniantur, & pro illis magnæ expensæ fiunt: Christus verò in membris suis vix inuenire potest, vnde sustentetur. Octaua attendit Dei pietatem quam nobis exhibuit in sua paupertate, quando seipsum pro nobis dedit & pro nostra redemptione vendi voluit.

## CAPVT IV.

*De diuisionibus pertinentibus ad misericordiam, & de operibus misericordie, per ordinem: primo de spiritualibus, circa quæ tanguntur octo incitantia ad compatiendum Crucifixo pro nobis, deinde de corporalibus.*

**N**otandum quod est misericordia commendabilis, & est misericordia detestabilis. Commendabilis est, quæ est respectu personæ: detestabilis, quæ est respectu culpæ. Gregor. in hom. Ad culpas quisque non debet compassionem exercere, sed zelum. Compassio quippè homini, & viriis reſtitutio debetur, vt in vno eodemque homine & diligamus bonum quod factum est, & persequamur mala quæ fecit. Item Greg. Sunt plerique qui compassionem proximo non spiritualiter, sed carnaliter impendunt, vt ei non ad virtutem, sed quasi miserando ad culpas faueant. Qui carnaliter hominibus misereantur, potius sunt crudelēs quàm misericordes, licet misericordes vocentur. Proverb. 20. *Multi misericordes vocantur: virum autem fidelem quis inueniet?*

Item notandum, quod quædam opera misericordie sunt spiritualia, quædam corporalia. Spiritualia sunt, vt cordis compassio, iniuriarum dimissio, peccantium correctio, ignorantium instructio, de compassione dicit Gloss. Gregor. super illud Iob 30. Compatiebatur anima mea pauperi. Plus est compassio, quàm datum, quia rem quamlibet plerumque dat etiam qui non compatitur: nunquam qui verè compatitur, quod necessarium conspiciat proximo suo negat. Ibidem dicit interlin. Plus est de seipso dare, quàm de suis. Item Gregor. Exteriora largiens rem extra seipsum præbuit: qui autem solum & compassionem proximo tribuit, ei etiam ali-

Miseri:  
cordia  
com. me.  
d. ibi. &  
deletat  
bilis.

Miseri:  
cordia  
opera de  
plicita:  
spiritua  
lia & cor  
poralia.

Propter  
hæc ali  
cui com  
pati quis  
solet.

quid de seipso dedit. Compassio crux est interior, cuius brachium superius est compassio, qua quis compatitur Christo pro nobis passio; brachium inferius est compassio, qua quis compatitur his qui sunt in purgatorio. Sinistrum vero brachium est compassio, qua quis compatitur his qui sunt in hoc mundo quantum ad pœnalem miseriam. Dextrum brachium est compassio, qua quis compatitur animabus quæ pereunt in hoc mundo. Aug. Sûntne in te viscera Christianæ compassionis, qui plangis corpus à quo recessit anima, & nō plangis animam à qua recessit Deus? Eccl. 22. *Luctus mortui, septem dies: satui autem & impij omnes dies visus illorum.* Et notandum, quod multa sunt propter quæ aliquis solet alij multum compati, quia omnia circa Christū occurrunt. Primum est, doloris magnitudo. Hæc causa verè fuit in Christo. Thren. 1. *O vos omnes qui transitis per viam, attendite & videte si est dolor sicut dolor meus.* Secundum est, amoris magnitudo. Hæc causa fuit in beata Virgine, cum propter magnum amorem quam habebat ad filium suum, *gladius pertransibat animam eius.* Luc. 2. De David legitur 2. Reg. 18. quod dicebat: *Fili mi Absalon, Absalon fili mi, quis mihi det, ut ego pro te moriar?* id est, vice tui. Videbatur reputare mortem filij sui gravio rem sibi propria morte. De bono patre dicitur Eccl. 30. *Pro animabus filiorum colligabis vulnera sua, & super omnem vocem turbabuntur viscera eius.* Propter hanc causam filij qui teneriimè amant matres suas, molestius sustinent quum eas vident percuti, quàm si ipsimet percuterentur. Sed quis dubitat Christum magis amandum esse à nobis, quàm carnales matres? Quæ mater tot & tanta passa est pro filio suo, quanta Christus pro nobis? Nonne matrem propriam reliquit pro nobis? Reliquit etiam synagogā matrem suam, & insuper animam suam morti exposuit pro nobis. Ierem. 12. *Reliqui domum meam, dimisi hereditatem meam, dedi dilectam*

*animam meam in manus inimicorum eius.* Tertium est, innocentia. Magis enim solemus compati ei qui innocenter patitur. Quæ causa verè fuit in Christo: *Ipse enim peccatum non fecit, nec inuentus est dolus in ore eius.* 1. Petr. 2. Propter hoc, Ecclesia quæ lætatur in passionibus aliorum Sanctorum, in die passionis Christi contristatur. Quartum, quando pro culpa nostra aliquis patitur: tunc enim homo qui habet nobilem animum dolorē illum suum reputat per compassionem, sicut suus est per occasionem. Sicut patet in David 2. Reg. 15. qui quum vidisset angelum populum occidentem, propter hoc quod ipse fecerat eum numerari, dixit ad Dominum: *Ego sum qui peccavi, ego inique egi: isti qui ioues sunt, quid fecerunt? Vertatur obsecro ira tua contra me.* Hæc causa bene fuit in Christo, iuxta illud Esa. 53. *Ipse vulneratus est propter iniquitates nostras, & attritus propter scelera nostra.* Nostra est passio Christi per occasionem, etiam quantum ad vtilitatē: & ideo deberet esse nostra quātum ad compassionem. Quintum est, patientis nobilitas, quæ causa vera fuit in Christo, qui fuit nobilissimus, tanquam Altissimi filius. Valdè alienum erat tale opus ab eo: iuxta illud Esa. 18. *Alienū est opus eius ut operetur opus suum, peregrinum est opus eius ab eo.* Sextū est, patientis benignitas. Hæc causa verè fuit in Christo ad Tit. 3. *Apparuit benignitas, &c.* Matt. 11. *Discite à me, quia mitis sum.* Quum homo benignus & mitis homini gratis cedat, quæ causa est eum gladio perforari? Item quæ conueniētia est stipitis rigidi & duri ad hominem benignum & dulcem? Ideo Ecclesia in illo dulci planctu qui in Dominica passione incipit cantari, specialiter plāgit hoc, quod clavis & lanceā mite corpus perforatur, & poscit ut artor crucis ramos suos flectat, & naturalis rigor lentescat, ut superni membra regis mitentat stipite. Septimum est, pietas ipsius patientis. Magis enim aliquis compatitur ei quem nouit esse pium & cōpatientem

quàm ei nouit esse sine pietate. Ipse etiam Deus non miseretur hominibus duris, & sine misericordia. Iac. 2. *Iudicium sine misericordia ei qui non fecit misericordiam.* Bern. Nemo duri cordis salutem vnquam adeptus est, nisi forte quem miseràs Deus, abstulerit ab eo cor lapideum, & dederit cor carneū. Hæc causa benè fuit in Christo, qui ex compassione passus est ea quæ sustinuit in mundo isto. Octauum est, exemplum aliorum compatientium alicui. Hoc enim solet hominem incitare ad similiter compatiendum. Quæ causa benè inuenitur circa Christum, cui creaturæ insensibiles quasi compassæ fuerunt. Vnde sol radios suos abscondit quasi nuditati eius tenebras faciens. Petræ etiam scissæ sunt qualicompates. Ad iniuriarum dimissionem monemur. Luc. 6. *Dimitte, inquit, & dimittetur vobis.* Matt. 6. *Si dimiseritis hominibus peccata eorum, dimittet vobis Pater cælestis delicta vestra.* Eiisd. 18. *Domine, quoties peccabit frater meus in me, & dimittam ei, usque septies? Dixit illi Iesus: Non dico tibi usque septies, sed usque septuagesies septies.* August. in Enchirid. Multa sunt genera eleemosynarum quæ cum facimus adiuvamur vt nobis dimittantur peccata. Sed interea nihil est maius quàm cum ex corde dimittimus, quod in nos quisque peccauit. Idem in lib. de Rectitudine catholicæ conuersationis: Quare nō dimittat quis fratri parum, vt ei Dominus dignetur dimittere totum? Nam & hoc eleemosynæ genus est, vt dimittat aliquis ex toto corde ei à quo læsus fuerit. Isidorus: Non solum qui esurienti & sitiienti & nudo beneficium largitatis impendit, sed & qui inimicum diligit, & qui lugenti affectum compassionis & consolationis impartitur, aut in quibuslibet necessitatibus aliis consilium adhibet, sine dubio eleemosynam facit. Ad corripiendū fratrem peccantem monet nos Dominus Matth. 18. *Si peccauerit in te frater tuus, corripe eum inter te & ipsum solum.* Ad instructionem ignorantium monemur ad

Galat. 6. *Si præoccupatus fuerit homo in aliquo delicto, vos qui spirituales estis instruite huiusmodi in spiritu lenitatis.* Dan. 12. *Qui ad iustitiam erudiunt multos, subleuant sicut stella in perpetuas æternitates.* Eccl. 38. *Vir sapiens plebem suam erudit, & fructus illius fideles sunt.* Opera misericordiæ corporalia sunt illa lex quæ tanguntur Matth. 25. *Esuriui, &c.* Septimum est, quod tangitur Tob. 3. *scilicet sepelire mortuos.* Aliqua horum tanguntur, Esa. 58. *Dimitte eos qui confracti sunt liberos, & omne opus dirumpe.* Hoc pertinet ad visitationem incarcerationum: *Frangere esurienti, &c.* Ibi tanguntur tria alia opera manifestè. Et carnem tuam ne despexeris, hoc pertinet ad visitationem infirmorum. Ad duo prima opera incitatur frequenti Scripturæ admonitione. Neemiæ 8. *Mitte partes eis qui non præparauerunt sibi.* Tob. 4. *Panem tuum cum egenis, & esurientibus comede.* Prouerb. *Si furieris inimicus tuus ciba illum: si sitis, potum da illi.* Eccl. *Mitte panem super transcentes aquas, quia post multa tempora inuenies illum.* Aquæ transcentes sunt populi mortales. 2. Reg. 14. *Omnes morimur, & quasi aqua dilabimur in terram quæ non reuertuntur.* Luc. 3. *Qui habet escas, det non habenti.* Item excitamur ad ea exemplis Sanctorum Patrum. Tob. 2. *De facultatibus suis esurientes alebat.* Job. 31. *Si comedi buccellam meam solus, & non comedit pupillis ex ea, &c. Humerus meus à iunctura sua cadat, & brachium meum cum suis ossibus conteratur.* Item incitatur ad ea mercedis promissione. Ezech. *Si panem esurienti dederis, vita uiuet.* Matth. 10. *Qui potum dederit uni ex minimis istis calicem aquæ frigide tantum in nomine discipuli: Amen dico vobis, non perdet mercedem suam.* Luc. 14. *Quum facis conuiuium voca pauperes, debiles, & claudos & cæcos, & beatus eris, quia non habent unde retribuunt tibi. Retribuetur autem tibi in resurrectione iustorum.* Qui cibum sine potu ministrant pauperi, tale prandium dant Domino, quale

Opera  
miseri-  
cordiæ  
corpor-  
alia.

consuevit dari asino. Item qui de his quæ habent ad mensam suam nihil volunt dare pauperibus, in futuro nihil boni inuenient. Iob 20 *Non remansit de cibo eius, & propterea nihil remanebit de bonis illius.*

Sequitur de tertio opere misericordiæ, quod est colligere hospitem. Circa quod opus. Primo, tangetur de his quæ pertinent ad eius commendationem. Secundo, qui hospites sint maximè recipiendi. Tertio, quomodo sint recipiendi. Circa primum notandum quod hospitalitas ad susceptionem gratiæ præparat. Quod figuratum est in hoc quod duo discipuli Christi cognouerunt cum eum ad hospitium inuitassent. Luc. ultim. quandoque diuina cognitio infunditur alicui occasione alicuius sancti viri in hospitio recepti. Item bona temporalia multiplicat: vt patet in illa vidua quæ Eliã in hospitio suo suscepit: cui farina, & oleum non defecerunt. 3. Reg. 17. A malo etiam temporali seruat: vt patet in Raab, quæ recepit nuntios filiorum Israel: & ideo à morte saluata est. Ios. 6. *Sola Raab meretrix uiuat, &c.* ad Hebr. 11. *Raab meretrix non perijt cum incredulis, excipiens exploratores cum pace.* Item Deum & angelos meretur recipere, qui hospitalitati deseruit. Reputatiuè sèper Deum recipit, quum recipit aliquem nomine ipsius. Matth. 1. *Qui recipit uos, me recipit.* Eiusdem 10. *Qui suscipit unum talem paruulum in nomine meo, me suscipit.* Item 25. *Hospes eram, & collegistis me.* Ioan. 13. *Qui accipit si quem misero, me accipit.* Personaliter etiam quadoque suscipit Deum. Vnde refert Gregorius in homilia Euangelij, quod legitur secundo die Paschæ, quod quidam paterfamilias multum fuit hospitalis. Quadam autem die cum peregrinos suscepisset, & aquam daret manibus in humilitate, vnus fuit inter eos in cuius manibus aquam fundere debuit. Et quum reuersus vrceū accepisset eum non inuenit. Cùmque hoc factum apud se miraretur, eadē nocte ei Dominus per visionem dixit: Cæteris diebus me in

membris meis, hesterno autem die in me-  
metipso suscepisti. Item Greg. in homilia  
illius Euangelij: *Videns Iesus ciuitatem  
fletit super illam, dicens: quia, &c.* Quidā  
Martyrius nomine, vitæ valde honorabi-  
lis monachus fuit, qui ex suo monasterio  
uisionis gratiā ad aliud monasterium  
tēdebat, cui spiritalis pater præerat. Per-  
gens itaque leprosum quendam quē den-  
tis vulneribus elephantinus morbus per  
membra scædauerat, inuenit in viā, volentē  
ad suum hospitium redire & præ lassitu-  
dine non valentem. In ipso verò itinere se  
habere perhibebat hospitium quò idem  
Martyrius monachus ire festinabat. Vir  
autē Dei eiusdē leprosi lassitudinem mi-  
sertus, palliū quo vestiebatur in terrā pro-  
tinus proiecit, & exfudit, ac desuper lepro-  
sum posuit, eumque suo pallio vndique  
constrictum super humerū leuauit, secum-  
que reuertens detulit. Cūque iam mona-  
sterij foribus appropinquaret, spiritalis  
pater eiusdem monasterij magnis clamare  
vocibus cœpit: Currite, ac ianuas mona-  
sterij citius aperite: quia frater Martyrius  
venit, Dominum portans. Statim verò vt  
Martyrius ad monasterij aditū peruenit, is  
qui leprosus esse putabatur, de collo eius  
exiliens, & in ea specie apparens qua reco-  
gnosci ab hominib. solet redēptor humani  
generis Deus & homo Iesus Christus, ad  
cælum Martyrio aspiciente rediit, eique  
ascendens dixit: Martyri, tu me nō erubui-  
sti super terram: ego te non erubescam su-  
per cœlos. Qui sãctus vir mox vt esset mo-  
nasteriū ingressus, ei pater monasterij di-  
xit: Frater Martyri, vbi est quem porta-  
bas? Cui ille respondens, dixit: Ego si sci-  
uissem quis esset, pedes eius tenuissem.  
Tunc iisdem Martyrius narrabat, quia  
cum eum portasset, pondus eius mini-  
mè sensisset. Nec mirum: quomodo  
pondus eius sentire poterat, qui portan-  
tem portabat? Ecclesiastic. *Species le-  
prosi apparuit, & is qui est reuerendus super  
omnia, videri despectus infra omnia dedig-  
natus non est.* Cur hoc nisi vt nos sensu tar-

Exem-  
plum.

diores admoneret, quatenus quisquis ei qui in cœlo est festinat assistere, humiliari in terra & compati abiectionis & despicabilibus fratribus non recuset: Item Gregorius in homilia Euangelij quod legitur secunda die Paschæ. Pensate fratres quanta hospitalitatis virtus sit. Ad mentes vestras Christum suscipite, ut vos ab eo suscipi ad conuiuia æterna valeatis. Præbete modò Christo peregrino hospitium, ut nos in iudicio non quasi peregrinos nesciat, sed ut proprios ad regnum recipiat. Angelos etiam meretur suscipere. Hebræor. 13. *Hospitalitatem nolite obliuisci. Per hanc enim quidam placuerunt angelis hospitio receptis: ut Abraham,* Genes. 13. Et Loth, eiusdem 19. Origenes, Domos hospitales ingressi sunt angeli, domos verò hospitibus clausas ignis & sulphur succendit. Hieronym. Abraham & Loth angelos susceperunt, quia hospites dilexerunt. Idem: Abraham crebro hospitalitatis officio dum non refutat homines, suscipere meruit Dominum. Matth. 10. *Quicumque non receperit vos, nec audierit sermones vestros; Amen dico vobis, quod tolerabilius erit terra Sodomorum & Gomorrhæorum in die iudicii.* Circa secundum notandum est, quod maxime hospitio recipiendi essent boni viri. 4. Reg. 4. *Animaduerto quod sanctus Dei est iste qui transit per nos frequenter: faciamus ei cœnaculum paruum, & ponamus in eo lectum & mensam & sellam, & candelabrum.* Et è contrario in aliquibus locis boni viri vel non recipiuntur, vel malè recipiuntur. Serui verò diaboli cum magno gaudio recipiuntur. Iud. 10. *Vadimus ad domum Dei, & nullus sub lectum nos vult recipere.* Similem querelam multi boni viri hodie possunt facere. Sap. 19. Alij ignotos non recipiebant aduenas. Alij autem bonos hospites in seruitutem redigebant. Matth. 18. *Filius hominis non habet ubi caput suum reclinet.* Luc. 10. *Non receperunt eum, quia facies eius erat cunctis in Ierusalem.* Ioann. 5.

Quales  
hospitio  
recipien-  
di.

*Ego veni in nomine Patris mei, & non accepistis me.* Si alius venerit in nomine suo, illum accipietis. Item peregrini potius recipiendi sunt, quàm indigenæ: quia magis indigent. Iob 31. *Foris non mansit peregrinus, ostium meum viatori patuit.* Esa. 58. *Egenos vagosque induc in domum tuam.* 3. Ioan. 1. *Charissime fideliter facis quid quid operaris in fratres: & hoc in peregrinos, qui testimonium reddiderunt charitati tue.* Circa tertium notandum quod hospites suscipiendi sunt frequenter. ad Roman. 12. *Neceſſitatibus sanctorum communicantes, hospitalitatem sectantes.* Sectari frequentatiuum est. Item hospites ad hospitium cogendi sunt. Vnde super illud Lucæ ultimo: *Et coegerunt eum,* dicit gloss. Quo exemplo docemur quod peregrini non solum sunt ad hospitium vocandi, sed etiam trahendi. Gen. 19. *Compelis illos oppidum & diuerterent ad eum.* Item cum magna reuerentia sunt suscipiendi. Vnde quidam vir religiosus dicebat, fratres aduenientes debere adorari, cum certum sit in aduentu eorum aduentum Domini Iesu Christi haberi. Sic recipit Abraham tres viros. Genes. 18. *Quos cum vidisset Abraham, occurrit in occursum eorum de ostio tabernaculi sui, & adorauit pronus in terram.* Item sic recipit Loth angelos, Genes. vigesimo nono: *Qui cum vidisset eos surrexit, & iuit obuiam eis, adorauitque pronus in terram.* Item recipiendi sunt hilariter, non cum murmure. 1. Petr. 4. *Hospitalales inuicem sine murmuratione.* Item ministrandum est eis abundanter. Iudic. 18. *Pax tecum sit: ego præbeo omnia quæ necessaria sunt: tantum queso ne in platea maneat.* Item seruendum est eis diligenter. 4. Regum 5. *Ecce sedulo in omnibus ministrasti nobis.* Sunt aliqui qui de verbis multis solent seruire hospitibus suis. Vbi autem verba plurima, ibi frequenter egestas. Prouerb. 13. Facit etiam ad hoc quod hospitalitas Deo sit gratior, si dominus domus in propria persona hospitibus suis seruiet. Vnde di-



Exem-  
plum.

cit Hieronym. loquens de Abraham qui tres viros susceperat. Genes. 17. Non seruis præcepit vt hominibus ministrarent, nec bonum quod exercebat per alium minuit, sed quasi præda reperta cum Sara humanitati solus incubuit. Ipse pedes lauit, ipse humeris suis vitulum de armento portauit, ipse vt seruus stetit peregrinis prandentibus & manibus coctos cibos ieiunaturus apposuit. Item protegenti sunt qui hospitio recipiuntur à recipientibus. Gen. 19. *Abutimini filiabus meis sicut vobis placuerit, dummodo viris istis nihil mali faciatis.* Iudic. 19. *Nolite fratres malum hoc facere, quia ingressus est homo hospitium meum.* Item incitandi sunt ad comedendum verbo & exemplo. In dialogo legitur quod Abbas Cassianus venit ad quendam senem qui dedit ei manducare cum suis sociis vsque ad satietatem, & hortabatur eum plus comedere. Qui cum diceret se esse satiatum, respondit: Ego diuersis fratribus hodie superuenientibus septies manducaui, & adhuc esurio. Tu vero semel manducans es satiat. Et dixit ieiunium esse frangendum propter hospites quia in hospite suscipitur Christus, & non possunt filij sponsi lugere quandiu sponsus est cum eis. Item quidam senex in Sicilia multum fuit hospitalis faciens manducare omnes ad se venientes. Venit autem ad eum quidam solitarius nolens refici, dicens se ieiunare. Cui senex: Exeamus & oremus sub arbore hac, & cui fuerit arbor inclinata, ipsum sequamur. Orante autem solitario arbor non est inclinata: orante autem illo sene hospitali, arbor inclinata est. Sequitur de quarto opere misericordiae, quod est vestire nudos. Ad quod sacra Scriptura monet. Tob. 4. *De vestimentis tuis nudos tege.* Item Esa. 58. *Cum videris nudum, operieum.* Et Luc. 3. *Qui habet duas tunicas, det non habenti.* Hoc opus misericordiae nobis multum commendant exempla sanctorum. Et primo exemplum Dei, qui Adam & uxori eius

postquam ceciderant in statum miseriae fecit tunicas pelliceas. Genes. 3. Item exemplum Tob. qui nudis vestimenta præbebat. Tob. 1. Et exemplum Iob: *Si dessexi, inquit, pratercuntem, eo quod non haberet indumentum, & alique operimento pauperem. Si non benedixerunt mihi latera eius, & de vellere ovium meorum calefactus est.* Iob 21. Hoc opere misericordiae Dorcas digna fuit suscitari. Act. 9. Item huic operi misericordiae promittitur vita æterna. Ezech. 19. *Si nudum vestimento operueris, vita viuet.* Hoc opus misericordiae videtur præcellere respectu præcedentium, in hoc quod non vnam miseriam releuat, sed multas. Primum opus repellit famem, secundum sitim: sed hoc opus expellit erubescentiam de nuditate, & molestiam frigoris. Item vestis data pauperi memoriale est, vt oret pro eo qui sibi eam dedit. Non transit hoc beneficium ita citò, sicut beneficium cibi vel potus. Sequitur de quinto opere misericordiae, quod est visitare infirmos. Ad quod monemur. Eccles. 7. *Non te pigeat visitare infirmum: ex his enim in dilectione firmaberis.* Hoc opus misericordiae valde placet Deo. Iac. 1. *Religio munda & immaculata apud Deum & patrem, hæc est, visitare pupillos & viduas in tribulatione eorum.* Valde etiam est vtile homini. Iob 5. *Visitans speciem tuam, non peccabis.* Qui huic operi misericordiae insistit, peccatum facilius vincit. Et sicut miseria infirmitatis famem & sitim & frigus videtur excedere: sic hoc opus misericordiae videtur præcellere respectu præcedentium. Vnde in Vitis Patrium, Frater quidam interrogauit quendam senem, dicens: duo fratres sunt, quorum vnus ieiunat sex diebus, & multum laborans, alius vero seruit agrotantibus, cuius opus magis acceptum est Deo. Respondit senex: Si frater ille qui sex diebus laborans ieiunat appendat se per nares, non potest esse æqualis illi qui infirmantibus deseruit. Hoc opus misericordiae

Exem-  
plum.

commendauit nobis filius Dei exemplo suo visitans genus humanum in infirmitate positum. Luc. 1. *Visitauit nos oriens ex alto, &c.* Sequitur de opere misericordiae, quod est visitare eos qui sunt in carcere. Ad quod monemur, Hebraeorum decimo tertio: *Memento te vincitorum*, inquit, &c. Eiusdem 10. *Vinctis compassi esu.* Et notandum quod visitandi sunt in carcere non solum ut necessaria eis ministrarentur, vel aliqua consolatio eis adhiberetur, sed etiam ut in carcere liberentur. Psal. 111. Ecclesiast. 4. *Libera eum qui iniuriam patitur de manu superbi.* In Psalm. *Egenum de manu peccatoris libera.* Item: *Domine, quis similis tibi, eripiens inopem de manu fortiorum eius?* Hoc opus misericordiae commendatur nobis variis exemplis Sanctorum. Legitur de Tobia quod pergebat per omnes qui erant in captiuitate, & monita salutis dabat eis. Iob. 29. *Conterebam molas iniqui, & de dentibus illius auferere pradam.* Daniel Susannam ad iudicatum morti liberauit. Daniel. 13. Et Nicolaus tres pueros morti addictos. Prouerb. 24. *Erue eos qui ducuntur ad mortem, &c.* Sequitur de septimo opere misericordiae, quod est sepelire mortuos. Ecclesiast. 7. *Mortuo non prohibeas gratiam.* Glos. ad eleemosynam pertinet sepultura mortuorum. De hoc opere misericordiae commendantur viri Iabes Galaad, 2. Regum 2. *Benedixi vos à Domino, qui fecistis misericordiam cum Domino vestro Saul, & sepelivistis eum.* Commendatur etiam de hoc Tobias. De quo legitur Tob. 2. *Quod cum nuntiatum esset ei quod unus de filiis Israel ingulatus iaceret in platea statim exiliens de accubitu suo, relinquens prandium, ieiunus peruenit ad corpus, tollensque illud portauit ad domum suam occulte, ut dum sol occubisset, caute sepeliret eum.* Et Marc. 14. dicitur de Magdalena: *Bonum opus operatus est in me, praeuenit ungere corpus meum in sepulturam.* Hoc opus misericordiae exercuerunt Ioseph & Nicodemus Christo. Ioann. 19. Et Zozimas

unico leone obsequente sepeliuit cadaver illius peccantis Mariz Aegyptiacae. Hoc opus misericordiae commendatur nobis exemplo etiam brutorum animalium. Legitur enim in libro de Natura animalium, quod mortuo delphino, circumstant alij delphini ne comedant pisces mortuum, & deferunt eum in profundum, atque sepeliunt. Et notandum quod multum propter peccata sua hoc beneficio priuantur. Ezech. 14. *Non proiectus es de sepulchro tuo quasi stirps inuisilis.* In eodem: *Quasi cadaver putridum non habebis consortium, neque eris cum eis in sepultura.* 4. Regum 9. *Iezabel comedent canes in agro Iezrael, nec eris qui sepelias eam.* Ieremi. 22. *Sepultura a fini sepelietur, putrefactus & proiectus extra portas Ierusalem.* Eiusdem 25. *Non sepelientur in sterquilinum, super faciem terrae iacebunt.* Et 2. Mach. 5. *Iason qui insepultos multos abiecerat, ipse & illamentatus & insepultus abiicitur à sepultura.* E contrario, corpora sanctorum in pace sepulta sunt. Ecclesiast. 44. Item notandum quod antiqui eligendo sepulturam, respectum habuerunt vel ad patres suos, vel ad sanctitatem eorum cum quibus sepeliri voluerunt. Gen. 48. Dicit Iacob: *Facies mihi misericordiam ut non sepelias me in Aegypto, sed dormiam cum patribus meis.* Eiusdem 49. *Sepelice me cum patribus meis in spelunca duplici.* 3. Reg. 13. *Cum mortuus fuero, sepelice me in sepulchro in quo vir Dei sepultus est.* 4. Reg. 13. *Quidam sepelientes viderunt latrunculos, & proiecerunt cadaver in sepulchro Elisei, & reuixit.* Praeter septem opera misericordiae de quibus dictum est, videntur etiam esse quaedam alia opera misericordiae, ut accommodare indigenti. Tripliciter enim facit quis eleemosynam, vel dando, vel accommodando, vel remittendo. Eleemosyna mutui in hoc commendabilis est, quod multoties fieri potest, & tamen non perit ei qui eam facit. Recuperauit enim quod accommodauit. Ad hoc opus misericordiae monemur

mur. Matth. 5. *Volenti mutare à te, ne auertaris, & Luc. 6. Mutuum date, nihil inde sperantes.* Deut. 15. *Si unus de fratribus tuis ad paupertatem venerit, non obdurabis cor tuum, nec contrahes manum, sed aperies eam pauperi, & dabis mutuum quo indigere profpexeris.* Recuperare etiam proximum videtur esse opus misericordiae. Ecclef. 19. *Recupera proximum tuum secundum virtutem tuam.*

Item opus misericordiae esse videtur, loca lutosa vel aquas periculosas pontibus vel aliter peruia & meabilia facere. Et hoc opus misericordiae vno denario potest aliquis benefacere omnibus illis qui per pontem transaturi sunt.

## CAPUT V.

## De quo sit Eleemosyna facienda.

**N**Otandum quod Eleemosyna facienda est de his quæ iustè acquisita sunt. Leuit. 3. *Omnis oblatio quæ offertur Domino absque fermento erit: absque fermento, inquam, iniquæ acquisitionis.* Prouerb. 3. *Honora Dominum de tua substantia.* Tob. 4. *Fili, de tua substantia fac eleemosynam, & distinguuntur circa eleemosynam tres gradus: est enim eleemosyna bona, melior, optima.* Bona est, quæ fit de patrimonio Christi, in quo solam dispensationem clerici habent. Bernard. Facultates Ecclesiarum patrimonia sunt pauperum, & sacrilega eis crudelitate subripitur quicquid sibi ministri & dispensatores, non utique Domini & possesores ultra victum & vestitum accipiunt. Melior est, quæ fit de proprio patrimonio. Optima est, quæ fit de his quæ acquiritur proprio labore. Ephes. 4. *Qui furabatur, iam non furetur: magis autem laboret manibus suis operando quod bonum est, ut habeat unde sustentet necessitatem patienti.* Non placet Deo eleemosyna de furto vel rapina facta, ab eo qui potest scire eui sit restituenda. August. *Quale est illud munus quod alter cum gaudio accipit, alter*

*cum lacrymis amittit? Ecclef. 34. Immolantis ex iniquo maculata est oblatio, & non sunt beneplacita Deo subfannationes impiorum.* In eodem: *Dona iniquorum non probat Altissimus.* Item: *qui offert sacrificium ex substantia pauperis, quasi qui victimat filium in conspectu patris.* Item, eiusdem 35. *Noli offerre munera praua: non enim suscipiet illa Deus.* Deut. 17. *Non immolabis Domino Deo bouem & ouem in quo est macula, aut quippiam vitij: quia abominatio est Domino Deo tuo.* Esa. 11. *Ego Deus diligens iudicium, & odio habens rapinam in holocaustum.* Malach. 1. *Intulistis de rapinis munus: nunquid suscipiam illud de manu vestra? 1. Paral. vii. Quæ de manu tua accepimus, dedimus tibi. Non ea quæ accepimus de manu diaboli.* Prouerb. 13. *Redemptio animæ viri, diuitia sue.* Restituenda sunt malè acquisita de aliis, scilicet nostris. Eleemosynas debemus facere, exemplo Zachæi, Luc. 19. *Ecce dimidium bonorum do pauperibus: & si quem defraudaui, reddo quadruplum.* Gregor. Quidquid in Dei sacrificio ex scelere offertur, omnipotentis Dei non placat iracundiam, sed irritat. Sicut aqua si munda est lauat, si verò immunda inquinat: sic eleemosyna si fit de re iniustè acquisita inquinat: si verò fit de re iustè acquisita, lauat. Et sicut non est danda eleemosyna de re furtiua, sic nec accipienda. Tob. 2. *Non licet nobis edere de furto aliquid, aut contingere.* Leuit. 11. *Nolite contaminare ahimas vestras, nec tangatis quicquam eorum, ne immundi ficiis.* Et notandum quod eleemosyna est tanto Deo gravior, quanto res quæ datur danti erit carior. 2. Reg. vltim. *Non offeram Domino,* ait David, *holocausta gratuita:* Tamen non multum expedit pauperibus qui non sunt assueti deliciis, dare delicias & sumptuosam cibaria nisi quando sunt infirmi. Aug. in lib. de verbis Domini: *Vtantur diuites superfluis, dent pauperibus necessaria: vtantur pretiosis, dent pauperibus vilia.* Dicit Hieron. super Malach. quod indi-

gnum est dare Deo quod dedignatur homo. Ministris Dei, propter honorem eius cui ministrant, delicata & sumptuosa dari possent. Eccles. 14. *Dignas Deo oblationes offer.* Numer. 18. *Quæ offertis de decimis, & in donaria Domini separabitis, optima electa erunt.*

## CAPVT VI.

## Cui sit danda Eleemosyna.

**E**leemosyna danda est pauperi. Luc. 13. *Cum facis conuiuium, voca pauperes & debiles, &c.* Et Tob. 14. *Panem suum cum esurientibus & egenis comede.* Debemus in hoc imitari Deum, de quo Luc. 2. *Esurientes impleuit bonis, & in Psalm. Quia satiavit animam inanem.* 4. Reg. 4. *Eliseus implet vasa vacua.* Hier. Illis tribue diuitias tuas qui non phasidas aues, sed filiginis panem comedunt; qui famem expellant, non qui augeant luxuriam. Idem: Da pauperibus, non locupletibus, non superbis: da quo necessitas sustentetur, non quo augeantur opes. Pars sacrilegij est, res pauperum dare non pauperibus. Item dandum est non solum bonis, sed etiam malis, vt simus imitatores eius, qui solem suum oriri facit super bonos & malos, & pluit super iustos & iniustos. Matth. & Luc. 6. *Omni petenti te, tribue.* Maxime tamen dandum est bonis. Eccles. 12. *Si bene feceris, scito cui feceris.* Ibidem: *Benefac iusto, & inimicus retributionem magnam.* Et si non ab ipso, certe à Deo. Ibidem: *Da tono, & ne recipias peccatorem. Benefac humili, & ne dederis impio.* Quod intelligendum est in duobus casibus: Vnus est, si credas quod propter bonum tuum negligat iustitiam. Alius est, cum non datur intuitu pietatis: vt faciunt illi qui dant histrioni, causa histrionatus. Eccles. 7. *Bonum est sustentare iustum.* Sapiens: Cui des videto. Item dandum est diuersis, non tantum vni. In Psalm.

*Disperfit, dedit pauperibus. Matth. 20. Psalm. Volo & huic nouissimo dare sicut, &c.* Hier. Pecuniam tuam, vt singulis necessarium est, distribuas, non ad luxuriam, sed ad necessitatem.

## CAPVT VII.

## Quomodo sit danda Eleemosyna.

**E**leemosyna danda est animo voluntario, Deus enim plus respicit ad animum, quam ad datum. Prouerb. 16. *Spiritus ponderator est Deus.* Eiusdem 21. *Appendit corda Deus.* 1. Reg. 16. *Deus intuetur cor.* Et super illud Matth. 10. *Quicumque dederit uni ex minimis istis calicem, &c.* dicit gloss. Nota Deum ad pium affectum dantis respicere magis quam ad quantitatem rei exhibitæ. Et super illud Matth. 19. *Ecce nos reliquimus omnia,* dicit Gregor. Cor & non substantiam Deus pensat, nec perpendit quid in eius sacrificio, sed ex quanto proferatur. Hieron. Quæ efferruntur, non sui pondere, sed offerentium voluntate pensantur. Item danda est eleemosyna cum vultus hilaritate. Eccles. 25. *In omni dato hilarem fac vultum tuum.* 2. ad Cor. 9. *Hilarem datorem diligit Deus.* Aug. Qui dat vt careat tadio interpellantis, non vt reficiat viscera indigētis, & rem & meritum perdit. Item danda est cum sermonis dulcedine. Eccl. 4. *Declina pauperi sine tristitia aurem tuā, & responde ei in pacifica mansuetudine.* Eiusdem 18. *Fili, in bonis tuis non des querelam, & in omni dato non des tristitiam verbimale.* Greg. Sunt nonnulli qui mox vt ab egenis fratribus fuerint necessaria postulata, prius in eos contumeliosa verba iaculantur: qui si rebus ministeria perficiunt pietatis, in verbis contumeliosis humanitatis gratiam perdunt: ita plerunque videantur iniuriæ illatis satisfactionem exoluisse, cum post contumelias dona largiuntur. Nec debet sequi improp-

Psalm. 105.  
Psalm. 40.

ratio. Eccles. 18. *Stultus acriter impropere-  
rabit.* Eiusdem 20. *Datus insipientis non  
erit tibi utilis, &c.* Exigua dabit & mul-  
ta improperebit. Item danda est eleemo-  
syna cum festinatione. Prouerbior. 3.  
*Ne dicas amico tuo: Vade, & cras reuerte-  
re, & cras dabo tibi, cum statim possis da-  
re.* Eccles. 7. *Corinopis ne affixeris, & ne  
protrahas datum angustianti.* Iob 31. *Si  
oculos viduę expectare feci, &c.* Super il-  
lud Psalm. *Producens fenum iumentis, di-  
cit Gloss.* Beatus qui pręoccupat vocem  
petituri. Daudid: *Beatus qui intelligit super  
egenum & pauperem.* Prouer. 12. *Qui pro-  
nuus est ad misericordiam benedicetur.* De-  
bet etiam homo dare eleemosynam  
dum sanus & viuus est. Eccles. 14. *Fili, si  
habes, benefac tecum, & Deo dignas obla-  
tiones offer: memor esto, quoniam mors non  
tardabit.* Item ante mortem benefac a-  
mico tuo, Christo scilicet: eiusdem 18.  
*Memento paupertatis in die abundantia.*  
Ad Galat. 6. *Dum tempus habemus, opere-  
mur bonum ad omnes.* Eleemosyna quam  
aliquis dat in vita sua, est sicut lucerna  
quę pręcedit aliquem, seruans eum ne  
cadat in lutum vel foueam. Eleemosyna  
verò quę fit pro eo post mortem, est sicut  
lucerna quę fertur alicui post tergum,  
quę non custodit hominem quin cadat  
in foueam, à qua non est liberatio. Item  
danda est eleemosyna cum humilitate, ita  
vt nec vanam gloriam inde quęras, nec  
pauperem cui das despicias, nec pro elee-  
mosynis quas das, si in peccato mortali  
es, saltem pręsumas. Ad primum mone-  
mur, Matth. 6. *Te faciente eleemosynam,  
nesciat sinistra tua quid faciat dextera tua.*  
Eccles. 19. *Conclude eleemosynam in sinu  
pauperis.* Prou. 21. *Munus absconditum ex-  
tingnit iras.* Greg. Sufficit iustis ab eo vi-  
deri à quo expectant remunerari. Item  
valdè bona sua paruipendunt, qui ad eo-  
rum remunerationem laudes hominum  
sufficere credunt. Et in legenda beati Ni-  
colai dicitur: Ex quo homo est in huius  
mundi voragine propter delicta sua deie-

ctus, nullum eius bonum sic Deus appro-  
bare legitur, vt eleemosynam, si tamen ob  
mundi fiat gloriam. Ad secundum mone-  
mur Esa. 58. *Carnem tuam ne despexeris.*  
Et super parabolam de diuite & Lazaro,  
Luc. 21. dicit Gloss. Si quę reprehensibilia  
videmus in pauperibus, non debemus des-  
picere: quia fortasse quos morum infirmi-  
tas vulnerat, medicina paupertatis curat.  
Iob 31. *Si comedi bucellam meam solus.*  
Gregor. Solent nonnulli multa largiri, sed  
habere pauperes socios in domestica con-  
uersatione refugiunt, gratiam vitę com-  
munis non habentes. Sed iste pręiudi-  
cium pietati se facere existimaret, si solus  
comederet quod Dominus omnium com-  
muniter creasset. Ad tertium monemur  
Ecclesiastic. 7. *Ne dicas: in multitudine  
munerum meorum respiciet Deus, & offe-  
rente me Deo Altissimo munera mea re-  
cipiet.* Et super illud Iob 15. *Non credas  
frustra errore deceptus quod aliquo pretio  
redimendus sis,* dicit Gloss. Eleemosyna  
non valet ei qui in malo permanet. Au-  
gustinus in Enchirid. Non æstimet ali-  
quis illa nefanda crimina, qualia qui a-  
gunt regnum Dei non possidebunt, quo-  
tidie perpetranda, & eleemosynis quoti-  
die tedimenda. In melius quippè est vi-  
ta mutanda, & per eleemosynas, de pec-  
catis pręteritis propitiandus est Deus:  
non ad hoc quodammodo emendus, vt  
ealiceat impunè committere. Item elee-  
mosyna danda est propria manu. Prou-  
erbior. vltim. *Manum suam aperuit in-  
opi, & palmas suas extendit ad pauperem.*  
Danda etiam secundum facultatem dan-  
tis. Ecclesiastic. 14. *Secundum vires tuas ex-  
porrigens da pauperi.* Eiusdem 15. *Da, Al-  
tissimo secundum donatum eius.* Tob. 4.  
*Quomodo potueris, ita esto misericors: si  
multum tibi fuerit, abundanter tribue: si  
exiguum tibi fuerit, etiam exiguum liben-  
ter impartiri stude.* Nullus potest excu-  
sare se à collatione eleemosynę, etiamsi  
sit pauper, quum tantum placeat quan-  
dòque Deo quando pauper dat pro Deo

Eleemo  
syna or  
dinatè  
dand.

obulum, sicut si diues daret pro Deo centum marcas. Libenter emeret pauper carnes in macello si tantum crederet se habiturum pro vno obulo quantum diues pro centum solidis. Lucæ 21. dixit Dominus de paupere vidua quæ miserat dua æra minuta in gazophylacium: *Vidua hæc pauper plus quàm omnes misit.* Si non potest dare pauper obulum, det calicem aquæ frigidæ, & non perdet mercedem suam. Matth. 10. Si hoc non potest, det verbum consolationis, vel orationis. Super illud, Iustus autem miseretur, & tribuet, dicit Gloss. Iusto semper est aliquid quod det, saltem orationem. Item danda est eleemosyna ordinate, vt homo primo misereatur sui ipsius. Ecclesiast. *Miserere anima tuæ placens Deo.* August. in Enchirid. Qui eleemosynam ordinate vult dare, à seipso debet incipere. Item in libro de reatitudine Catholicæ conuersationis. Deus rogat vt tui miserearis, & non vis: quomodo te Deus exaudiet in die necessitatis supplicantem, quum tu eum pro teipso non audis rogantem? Item August. Quid est miserius misero non miserante seipsum? Ecclesiastic. 14. *Qui sibi nequam, cui bonus?* Sicut non esset misericors qui matri suæ indigenti non miseretur, licet aliorum miseretur: ita non est verè misericors qui animæ suæ infirmantis ad mortem non miseretur, cum magis eum diligere debeat quàm matrem. Sapiens: Semper tibi proximus esto: Item ad ordinem misericordiæ pertinet vt potius misereamur animæ quàm corporis, & potius ei qui est in maiori miseria, quàm ei qui est in minori.

## P A R S X V.

*De his quæ omnibus debemus, vt est dilectio, Veritas & fides, & precipue de Veritate & eius descriptione, de incitantibus ad amorem veritatis, & de errore illorum qui dicunt veritatem non esse iuramento firmandam.*

**D**E debito dilectionis legitur ad Roman. 13. *Nemini quidquam debeatis, nisi vt inuicem diligati.* De dilectione, <sup>Veritas duplex</sup> require in tractatu de Charitate. De veritate hoc modo agetur. Primo, ostenditur quid sit veritas, prout veritas pars est iustitiæ. Secundo, tanguntur aliqua quæ ad amorem veritatis possunt incitare. Tertiò, destruetur error illorum qui dicunt veritatem in nullo casu firmandam esse iuramento. <sup>Creata triplex.</sup> Circa primum notandum est, quod est veritas increata, & est veritas creata. Veritas verò creata triplex est, scilicet veritas signati siue rei: & veritas signi, & veritas vtentis signo. Ad veritatem rei videtur pertinere illud August. in libro Soliq. Verum est id quod est. Et illud Philosophi: Vnum quodque sicut se habet ad esse, ita ad veritatem. Ad veritatem verò signi pertinere videtur illa descriptio Philosophi: Veritas est adæquatio rei & intellectus, siue adæquatio signi, & signati. Veritas verò prout pertinet ad hominem vtentem signo pars videtur esse iustitiæ, quæ sic describitur à Tullio in 1. Rhetoric. Veritas est per quam immutata ea quæ sunt aut ante fuerunt, aut futura sunt dicuntur. Ad amorem veritatis monemur, Prou. 2. *Veritatem eme, &c.* Veritas emitur quando cum magno studio vel labore cognitio veritatis acquiritur, vel quando cum damno magno vel multorum odio veritas in iudicio vel doctrina dicitur, A

Quid veritas  
11111.

veritate nullo modo recedendum est, quicumque inde debeat scandalizari. Vnde super illud Matth. 18. *Qui scandalizauerit unum de pusillis istis, &c.* dicit Gloss. Nota quod in quantum potes sine peccato vitare scandalum proximi, debes: quod si de veritate est, pro scandalo veritas relinqui non debet. Et intelligitur hoc de triplici veritate, scilicet vitæ, iudicij & doctrinæ. Item monemur ad amorem veritatis. Eccles. 37. *Ante omnia opera verbum verax præcedat te.* Et eiusdem 4. *Non contradicas verbo veritatis ullo modo.* Sancti antiquitus multum deferebant veritati. 2. ad Corinth. 13. *Nō possumus aliquid aduersus veritatem, sed pro veritate.* Ad perhibendum testimonium veritati, venit filius Dei in mundum. Ioann. 18. *Ego in hoc natus sum, & ad hoc veni in mundum, ut testimonium perhibeam veritati.* Sed hodie veritas exosa habetur. Terentius in Andria: *Veritas odium parit, obsequium amicos.* Ad Gal. 4. *Ego inimicus vobis factus sum verum dicens vobis.* Bernard. super Cantic. Amara est veritas sine condimento gratiæ. Hodie diminutæ sunt veritates à filiis hominum. David: *Non est in ore eorum veritas. Cor eorum vanum est.* Veritati hodie detrahitur. Iob. 6. *Quare detraxistis sermonibus veritatis?* Veritas hodie captiua detinetur. Vix enim inuenitur qui velit eam dicere, ad Rom. 1. *Veritatem in iniustitia detinent.* Seneca: *Monstrabo tibi quid omnia possidentibus desit, scilicet qui verum dicat.* Veritas hodie vndique impugnatur, ita ut frequenter necesse habeat corrui: secundum illud Esaiæ 59. *Corruit in platea veritas.* Et Daniel. 3. *Prosternetur veritas in terra.* Veritas in terra prosternitur, quando aliquid terrenum veritati præponitur. Veritas hodie à multis viliprecio venditur. Prou. 28. *Qui cognoscit in iudicio faciem, non bene facit, & pro buccella panis deserit veritatem.* Multi hodie deserunt veritatem vitæ, & ideo

Psal. 5.

fugit ab eis veritas doctrinæ. Sicut e contrario sequitur veritas doctrinæ eos qui habent veritatem vitæ. Eccles. 27. *Volatilia ad sibi similia conueniant: & veritas ad eam qui operantur illam, reuertetur.* Veritas hodie adeo vilipenditur, ut à quibusdam ei præponatur falsitas, ab alijs præponatur ei vanitas, & ab alijs ipsa umbra vel pictura veritatis. Veritati falsitatem præponunt homines inconsideratè loquentes qui tota die volunt esse in verbis, & ideo multoties mentiuntur. Bernardus in sermonibus: *Quidni periclitetur castitas in delicijs, veritas in multiloquio, charitas in hoc seculo nequam?* Vanitatem præponunt veritati amatores temporalium istorum quæ vana sunt, eo quod non dant plenitudinem cordi possidentis, nec fulcimentum innitenti, nec fructum expectatum circa ea laboranti. In Psal. *Ut quid diligitis vanitatem, & quaritis mendacium?* Vmbra & picturam præponunt veritati hypocritæ, qui apparentiam sanctitatis ipsi sanctitati præponunt. Veritas quæ sic modo contemnitur inualescet, & in futuro amatores suos liberabit, & hostes condemnabit. Ioann. 8. *Vos cognoscetis veritatem, & veritas liberabit vos.* 2. Esdræ 4. *Veritas manet & inualescit in æternum, & vivit, & obtinet in secula seculorum.* Sicut se habet denarius falsus ad verum; sic se habet homo mendax ad hominem veracem. Vnde cum homines n. ultum doleant & offendantur si vnus de eorum seruientibus recepit eis vnum falsum denarium pro bono, mirum est quomodo non multum dolent quum falsitatem in seipsis deprehendunt. Viliores se videntur habere, quàm vnum denarium. Et notandum quod veritatem habere debemus quantum ad omnes. Nulli enim mentiri debemus, ut ostendit August. in lib. de doct. Christ. dicens: *Omnis qui mentitur, iniquè facit.* Nemo enim mentiens in eo quod mentitur seruat fidem. Nam hoc utique vult, ut cui mentitur

Psal. 4.

Veritas  
circa om-  
nes ha-  
benda

sibi sibi habeat, quam tamen mentiendo ei non seruat: omnis autem fidei violator, iniquus est.

*De errore illorum qui dicunt veritatem non esse iuramento firmandam.*

**N** Vllam veritatem iuramento esse firmandam asserentes, omne iuramentum esse illicitum dicunt. Qui error occasionem potuit habere ex illo verbo Domini, Matth. 5. *Ego dico vobis, non iurare omnino.* Item ex illo verbo Iacob 5. *Ante omnia fratres nolite iurare.* Ad idem facere videtur illud verbum August. in quodam sermone: Falsa, inquit, iuratio exitiosa est: vera iuratio periculosa est, nulla iuratio secunda: ergo ut videtur ab omni iuratione abstinendum est. Econtrario verò manifestè ostenditur quod licitum sit iurare. Primo sic iuravit Dominus Gen. 21. *Per memetipsum iuravi, dicit Dominus*, quod si quis non recipiat verus testamentum, probatur hoc per illud ad Heb. 6. Abraham promittens Deus, quoniam neminem habuit per quem iuraret maiorem, iuravit per semetipsum: ergo homini licitum est iurare. Et quod hoc argumentum valeat, probatur per illud Luc. 6. Perfectus omnis erit si sit licet magister eius. Magister noster Deus est, secundum illud Ioann. 13. *Vos vocatis me magister & Domine, & bene dicitis: sum etenim,* & Matth. 23. *Nec vocemini magistri, quia magister vester unus est Christus.* Ergo non est contra statum perfectionis iurare. Item iuravit angelus. Apoc. 10. quem Ioannes vidit stantem super mare & super terram, & leuavit manum ad cælum, & iuravit per viuentem in secula seculorum. Item iuravit Apostolus ad Phil. 1. dicens: *Testis est mihi Deus.* & 2. ad Cor. 1. *Ego testem Deum inuoco,* &c. Si quis vero dicat non esse iuramentum in illis; apparet hoc esse falsum, per hoc quod dicitur Ierem. 4. *Iurabunt Viuit Dominus in veritate, & iudicio, & iu-*

sticia. Non ergo solum est iuramentum si dicatur, *Per Deum*, vel simile, imo etiam si dicatur: *Testis mihi Deus: vel, Viuit Dominus*, ex quo notum Dei in testimonium vel confirmationem veritatis assumitur. Cum ergo Deus, & angelus & homo sanctus iurent, mirum est quomodo non vult iurare hæreticus, quasi Deo & angelis & sanctis sanctior esse velit. Videtur assimilari diabolo potius quàm angelo, vel Deo vel homini sancto: diabolus enim non metuit me legisse iurasse ad confirmationem veritatis. Præterea præcepit Deus iurare Exod. 22. dicens: *Si quis commendauerit viro pecuniam aut vas in custodiam, &c.* Et post in eodem: *Si quis commendauerit proximo suo bovem, &c. iusiurandum in media erit, quod non extenderit manum ad rem proximi sui, &c.* Et Deut. 6. *Dominum Deum tuum timebis, & illi soli seruies: ac per illius nomen iurabis.* Et eiusd. 10. *Iurabitque in nomine illius.* Item in Psal. *Quis habitabit in tabernaculo tuo, &c.* & subditur: *Qui iurat proximo suo, & non decipit.* Matth. 5. *Reddes Domino iuramenta tua.* Præterea iurant omnes nationes, & Gentiles & Iudæi, & Christiani. Sed secundum Philosophum: Vox omnium, vox naturæ est: ergo natura dicat quod licitum est iurare. Philosophus: Iurare nisi ubi necesse est, graui viro parum conuenit. Item licet assumere nomen Dei ad adiurandum aliquem. 1. ad Thess. ult. *Adiuro vos per Dominum, &c.* ergo licet illud assumere ad aliquid iurandum. Si enim licet nomen Domini assumere ad monendum aliquem ut aliquid opus bonum faciat, secundum illud ad Rom. 22. *Obsecro vos per misericordiam Dei ut exhibeatis corpora vestra, &c.* Et eiusd. 15. *Obsecro vos per Dominum nostrum Iesum Christum, & per charitatem sancti Spiritus, ut adiuuetis me in orationibus vestris.* A simili licebit notum Dei assumere ad monendum aliquem ut ipse credat veritati utili, quum fides sit adeo grata Deo, quod sine ea nemo ei placeat.

Iurare  
licet &  
qui.



Præterea, quum dicit Dominus. Quod abundantius iis est, à malo est: aut intelligitur id malum est: aut intelligitur quod sit à malo, id est ab infirmitate non credentis. Si primo modo, ergo malum est quando Dominus ad maiorem confirmationem dicit: *Amen amen dico vobis*. Sermo enim eius debuit esse, est, est: & non debuit aliquid addere. Malum etiam fuit quando Apostolus ad confirmationem verbi sui addidit, *Tessis est mihi Deus*. ad Roman. I. Et 2. ad Corinth. II. *Deus & pater Domini nostri Iesu Christi scit quod non mentior*. Et ad Gal. I. *Qua scribo vobis ecce coram Deo quod non mentior*. Præterea cum in veteri lege prohibita esset iuratio per creaturas, si Dominus voluit ostendere iurationem omnem esse prohibitam, & facere additionem ad veterem legem, potius debuit hoc specificare de iuratione per creatorem, quam per creaturam, quum iuratio per creaturam satis esset prohibita in veteri legis. Argumenta etiam quibus vtuntur hæretici ad confirmationem dicti erroris valde debilia sunt. Vt est illud Iac. j. *Ante omnia nolite iurare*. Si enim propter hoc, quia ibi dicitur: *Nolite iurare*, peccatum mortale est iurare. Ergo quum Dominus dicat Matth. 23. *Et patrem nolite vocare vobis super terrā*, peccatum mortale erit vocare aliquem patrem super terram. Item si ideo in nullo casu iurandum est, quia Dominus dicit, Matth. 5. *Ego dico vobis non iurare omnino*. Ergo quum aliquis dicit alicui colligenti saluam vel petrosillum in horto suo, vt non colligat illud omnino: ipse prohibet eum vt nihil inde colligat, quod manifestè falsum est secundum etiam communem vsum loquendi, & etiam quod in alia facultate dicitur. Vnde versus: Omnis nonnullus, non omnis dic aliquis non. Præterea causā quam Dominus subdit, cum dicit: *Neque per celam, quia thronus Dei est, &c.* non est competens causā quare nunquam sit iurandum: sed quare non sit passim iurandum, siue om-

nibus modis, etiam creaturam huiusmodi: quia in contemptu ipsius, contemnitur ipse cuius est thronus. Præterea aut semper fuit illicitum iurare, aut incēpit esse illicitum ab illa prohibitione Christi: *Ego autem dico vobis; non iurare omnino*. Primum constat esse falsum, quum lex vetus iurare præcepit, & cum ratio naturalis non dicat hoc malum esse. Secundum etiam videtur falsum esse per hoc quod Dominus dicit: Quod abundantius est à malo est, tanquam ius declarans & non tanquam ius statuens. Præterea quare prohibuit Deus iuramentum vniuersaliter? Si id prohibuit propter periculum periurij, eadem ratione votum debuit prohibere, immo eadem ratione etiam à prohibitionē debuit abstinere. Prohibitio enim ista facit plures transgressores quàm sint illi qui incurrunt periurium: hoc enim facit omnes iurantes transgressores, sicut prohibitio: & constat quod plures iurant, quàm peierent. Item quæ est ratio ista quod non sit iurandum per Ierusalem, quæ est ciuitas regis magni, quādo illud quod iuratur verbum est eiusd. regis, & scriptū sit: *Cælum & terrā transibunt, &c.* Matth. 24. Præterea sicut magis cauendum est paruulo ab accessu ad aquam vel ad aliud periculum, quàm adulto qui scit sibi bene cauere: sic magis cauendum fuit in hac parte populo Iudæorum rudi & paruulo, quàm populo discreto Christianorum. Vnde si propter periculum prohibitum est, magis debuit prohiberi tunc. Item cum sensus sit: *Ego dico vobis non iurare omnino, &c.* id est, vt non iuretis omnino. Si mortale peccatum est iurare, quia Christus dicit non iurari: ergo eodem modo facere contra quodque dictum à Christo, erit mortale: ergo solum præcepta & prohibitiones erunt, & non erunt consilia aliqua, nec admonitiones ad aliquid melius, & omnes qui erunt circa statum perfectionis, erunt in statu damnationis, cum ad perfectionem moneat Christus, dicens Matth. 5. *Estote perfecti sicut & Pater*

*uester celestis perfectus est.* Et mortaliter peccabit, qui fecerit contra illud: *Qui aufert quæ tua sunt, ne repetas.* Luc. 6. Et iterum qui facit contra illud: *Omni petenti te, tribue.* Et contra illud: *Omnia quæcunque vultis ut faciant vobis homines, & vos facite illis.* Matth. 7. Et contra illud Matth. 5. *Et ei qui vult tecum in iudicio contendere, & tunicam tuam tollere, dimitte ei & pallium:* & contra illud Matth. 5. *Si quis te percusserit in unam maxillam præbe ei & alteram.* Contra quod tamen fecit Christus, Iac. 18. qui percutienti maxillam eius, non præbuit alteram, sed allegauit iustitiam suam, dicens: *Si male locutus sum, testimonium perhibe de malo, &c.* Paul. Act. 23. principi sacerdotum qui præceperat os Pauli percutere: *Percutiet te Deus, paries dealbate.* August. Ista præcepta magis pertinent ad præparationem cordis, quæ intus est, quàm ad opus quod in aperto fit: vt teneatur in secreto animi patientia cum beneuolentia, in manifesto autem fiat quod ei videtur prodesse posse quibus benè velle debemus. Præterea, quomodo onus Christi erit leue, si quæcunque ipse dicit præcepta sunt vel prohibitiones? Item per quod iurat quilibet, illud veneratur, hoc amat, hoc timet, vt dicit Gloss. Matth. 5. Vnde cum iurare per Deum in veritate utile sit, Deo honorificum & proximo utile, & sic deseruiat dilectioni Dei & proximi, quare erit illicitum vel prohibitum, cum plenitudo legis sit dilectio? ad Rom. 10. Et cum in duobus mandatis de dilectione Dei & proximi vniuersa lex pendeat & prophetæ? Matth. 21. Præterea iurare nihil aliud videtur esse, quàm nomen Dei assumere ad confirmationem eius quod dicitur, sicut haberi potest ex duobus locis Scripturæ sacræ. Exod. 20. *Non assumes nomen Dei tui in vanum.* Assumere enim nomen Dei in vanum, est iurare in vanum. Et ex illo verbo ad Hebr. 6. *Omnis controuersia eorum finis*, ad confirmationem, est iuramentum, quia descriptione rece-

pta, facile est ostendere quod liceat iurare. Cum enim filius Dei in hoc natus sit, & venerit in mundum, vt testimonium perhiberet veritati, vt ipse ait Ioann. 18. verisimile est quod nomen suum non neget ad eandem veritatem confirmandam; imo quod plus est, ad confirmationem veritatis mori voluit. Item quum Deus pater sic dilexerit mundum, vt filium suum vnigenitum daret. Ioan. 3. verisimile est quod nomen suum ei non neget ad Rom. 8. *Qui proprio filio suo non pepercit; sed pro nobis omnibus tradidit illum: quomodo non cum illo omnia nobis donauit?* Item cum principes huius mundi talis sint bonitatis, in subditos suos, vt sigillis suis eis confirment veritatem utilem, nunquid celestis Deus habebit hanc bonitatem in subditos suos, vt nomine suo permittat eos vt ad confirmandam veritatem? Simile argumentum facit Dominus, Matth. 7. dicens: *Si ergo vos quum sitis mali, nostis bona data dare filiis vestris, quanto magis Pater vester, qui in cælis est, dabit bona petentibus se?* Item, si Deus sigillum suum commendauit seruis, verisimile est quod non neget illud filiis, ad Roman. 7. *Non accepistis spiritum seruitutis iterum in timore, sed accepistis spiritum adoptionis filiorum.* Ex prædictis manifestum est, quod iurare non est vniuersaliter malum, imo licitum est iurare ad confirmandam utilem veritatem. Respondendum est ergo ad ea quæ ipsi obijciunt.

Notandum ergo quod potuit esse multiplex causa, quare Dominus diceret illud Matth. 5. *Ego dico vobis non iurare omnino, &c.* Prima potuit esse, quia iuramentum quandoque vilipendi facit simplicem assertionem: nec iam reputant multi simplex mendacium, ex quo non est ibi periurium. Sicut multi hodie iuramenta sine solennitate facta non reputant propter iuramenta sollemnia: Deus ergo volens suos veritatem seruare in simplici sermone sicut in sermone iurato, voluit vt non iurarent quantum esset in eis. August. super epist.

Multi-  
plex cau-  
sa, quare  
Deus pro-  
hibuit iura-  
mētū.

epist. ad Gal. Non est contra Dei præceptum iuratio : sed ita intelligitur Deus prohibuisse à iuramento, vt quantū in ipso est quisque non iuret: quod multi faciunt, in ore habentes iurationem, tanquam magnum suauē aliquid. Idem in sermone Dom. de mont. Iuramentum faciendum est in necessarijs, quum pigri sunt homines credere, quod est eis vtile. Iuratio non est bona, non tamen mala cum est necessaria : ideò non est appetenda, vt bona, non tamen fugienda tanquam mala, cum necessaria est: Gloss. super Matth. 5. Sermo fidelis pro iuramento debet haberi: & merito tanquam verbum dictum in templo coram altari, imò coram Deo. Templum enim in baptismo dedicatum, est ipse fidelis. Deus autē est in hoc templo sancto suo, fides verò altare est. Secunda causa potuit esse periculum idololatriæ, & tertia periculum periurij. Ex frequenti enim iuratione frequens sequitur periurium. Et hæc duo pericula sequebatur præcipuē ex iuratione creaturarum: ideo talem iurationem præcipuē dissuadet Dominus Gloss. Illi vel cælum plus aliquid suspicabantur, vel per illud iurantes non putabant se iuramento teneri: ideo iuramentum sic temperat, vt cælum & creatura Dei credatur non plus aliquid, & quia thronus eius est, periurium timeatur. August. In nouo testamento dictum est, ne omnino iuremus: quod mihi quidem propterea dictum esse videtur, non quia verum iurare peccatum est: sed quia peierare immane peccatum est, à quo nos longè esse voluit, qui omnino ne iurarem admonuit. Idem in quodam sermone: Qui iurat, iuxta præcipitium periurij est: qui non iurat, longè est. Quarta causa potuit esse perfectio mansuetudinis, quam voluit esse in discipulis suis, quibus dixit illud verbum sicut in Euangelio Matth. patet: qui illud verbum ponit. Iuramentum verò frequenter est ex ira & impatientia: ideo voluit Dominus eos à iuramento cauere. Septem verò dissuadē-

tur circa iuramentum. Primò appetitus iurandi: Iacob. 5. *Ante omnia fratres nolite iurare.* Secundò, assiduitas iurandi. Eccles. *Iurationi ne assuescat os tuum.* Ibidem: *Vir multum iurans replebitur iniquitate.* Chrysost. Nemo est qui frequenter iuret qui non aliquando periuret. Tria alia innuuntur per oppositum. Ierem. 4. vbi dicitur: *Iurabunt, Visit Dominus in veritate, & iudicio, & iustitia.* Et sunt illa tria, falsitas, defectus deliberationis, & iniustitia. Sextum est, iurare per creaturas. Septimum est, iurare pro nullo. Exod. 20. *Non assumes nomen Dei tui in vanum.* Non enim habebit infontem Deus enim qui assumpserit nomen Dei frustra. Illud verò Matthæi: *Ego dico vobis non iurare omnino*, sic intelligendum est: *Ego dico vobis vt non iuretis omnino*, id est, passim: neque etiam per cælum, &c. Nec sequitur ex hoc, Ergo nunquam iuretis, sicut opponendo ostendebatur. Et hoc innuitur per causam quæ subditur: Neque per cælum, quia thronus Dei est, hoc enim quod cælum est thronus Dei, non est causa quod per cælum non sit iurandum; sed est causa quod per cælum non est passim iurandum, ac si peierando per illud Deus non offendatur, cum cælum thronus Dei sit, & in cælo Deus contemnatur. Ad idem videtur pertinere illud Matth. 23. *Va vobis qui dicitis: Quicumque per templum iurauerit, nihil est, &c.* Et subditur: *Qui iurat in templo, iurat in eo qui habitat in templo: & qui iurat in cælo, iurat in throno Dei, & in eo qui sedet super eum.* Sicut non valet hoc argumentum: Iste qui vult se radi, & superfluitatem capillorum præscindi, non vult vt capilli sibi omnino abscindantur: ergo ipse nihil vult de capillis suis præscindi: Ita non valet hoc argumentum, *Dico vobis non iurare omnino*: ergo vt nunquam iuretis. Ad illud verò Iac. 5. *Ante omnia nolite iurare*, quadruplex potest esse responsio.

Primò, vt prohibeatur ibi iuramentum quod aliquis facit quum cito incipit

dd d

loqui: illud enim est ex libidine iurandi: prius enim debet esse sermo vester, est, est: non, non: quod si non credatur vobis vtile est credi, potest sequi iuramentum.

Secundò, potest intelligi esse dictum illud contra illos qui habent in consuetudine ante vnumquodque verbum ponere iuramentum.

Tertiò, potest dici quod Iacobus loquebatur illis qui erant in tribulatione. Sicut enim dicit Gloss. super principium Canonice eius, occiso Stephano facta est persecutio magna in Ecclesia quæ erat Ierosolymis, & omnes dispersi sunt per regiones Iudææ & Samaritæ præter Apostolos. His dispersis qui propter iustitiam passi sunt, mittit epistolam; monens ergo eos ad patientiam & quædã alia, ante omnia vult vt à iuramentis, quæ impatientiam solent sequi, caueant. Sicut febricitanti prohibetur specialiter bibere, licet alia multa magis sunt nociua, quia ad illud magis pronus: sic qui tribulantur magis proni sunt ad iuramenta. Et illa iuramenta frequenter sunt Dei blasphemiar: & quandòque tantum illaqueant homines, quod in magna seruitute est homo, vt impossibile videatur sibi quandòque seruare quodcunque iurauit. Vnde sequitur, vt non sub iudicio decidatis, scilicet à libertate vestra per obligationem.

Quartò, potest intelligi quod affectio siue voluntas iurandi prohibeatur. Vnde non dicit, Non inretis: sed, nolite iurare: nec sequitur ex hoc quod iurare sit mortale, sicut ex illo verbo Domini: Matth. 23. *Patrem nolite vocare vobis super terram*, non sequitur quod mortaliter peccet qui aliquem patrem vocat super terram. Voluntarium ergo iuramentum prohibetur ibi, sed duplex est voluntarium. Quoddam quod est purè voluntarium, & quoddam quod habet aliquid cogens exterius, licet non sufficiens: & primum hic prohibetur, secundum non. Ad verbum verò August. dicendum est, quod

sicuti transire mare nunquam securum, & tamen quandòque sine naufragio aliquis illud transit: sic iuratio nunquam est segura, & tamen quandòque est necessaria, & quandòque sine peccato iuratur.

## P A R S XVI.

*De Fide, prout Fides idem est, quod fidelitas.*

**E**ST etiam Fides virtus quæ promissa <sup>quis 6-</sup> complentur. Vnde Isidor. 10. lib. Etymol. Fidelis dicitur quis: pro eo quod sit ab eo illud quod dicit vel promittit bonum. Et sicut veritas seruat hominem ne aliquem fallat in verbis, sic fides seruat hominem ne aliquem fallat in factis. Fides tamèn quandòque largè sumitur: & sic ad eam pertinet seruare hominem ne fallat alium verbo vel facto, & sic sumit August. fidem in libro de doctrina Christi. dicens: Nemo mentiens, in eo quod mentitur seruatur fidem. Homo fidelis confidentem de se non fallit. Fides, prout est virtus Theologica, est virtus quæ æterna bona credimus. Fides verò prout hîc de <sup>Quid 6-</sup> ea loquimur, est virtus cui bona nostra in <sup>des.</sup> præsentem credimus. Ad hanc virtutem monemur. Apocal. 2. *Esse, inquit, fidelis usque ad mortem, & dabo tibi coronam vitæ.* Hæc virtus multum commendabilis est. Prouerb. 28. *Vir fidelis multum laudabitur.* De hac commendauit Abraham. Eccles. 44. *Abraham, inquit, in temptatione inuentus est fidelis.* Item Moyses. Num. 12. *Moyses, inquit Deus, in omni domo mea fidelissimus est.* Et David 1. Reg. 22. *Quis in omnibus servis tuis sicut Dauid fidelis?* Fidei virtus est valde rara & valde chara. Prouerb. 22. *Virum fidelem quis inueniet?* 1. ad Cor. 4. *quæritur inter dispensatores vt fidelis quis inueniatur;* quæritur, inquam, & vix inuenitur. In primitiua Ecclesia inter duodecim

Apostolos inuentus est vnus infidelis, & alij fideles fuerunt. Hodie vndecim inueniuntur infideles, quando vnus inuenitur fidelis. Hic virtuti committit Dominus bonorum suorum dispensationem. Matth. 24. *Quis putat, est fidelis seruus & prudens quem constituit Dominus super familiam suam vt det illis cibum in tempore?* Item huic virtuti dat Dominus augmentum gratiæ. Lucæ 19. *Euge serue bone, quia in modico fuisi fidelis, eris potestatem habens supra decem ciuitates.* Item huic virtuti dat Dominus gloriam. Matth. 25. *Quia super pauca fuisi fidelis, supra multa te constituam: intra in gaudium Domini tui.* Et notandum, quod fidelis specialiter commendabilis est in amico. Ecclesiast. 6. *Amico fidelis nullæ est comparatio.* In eodem: *Amicus fidelis medicamentum vitæ.* Item valde commendabilis est in seruo: Ecclesiast. 33. *Si est tibi seruus fidelis, sit tibi quasi anima tua, quasi fratrem sic tracta eum.* Specialiter etiam commendabilis est in nuntio. Prouerb. 13. *Legatus fidelis sanitas.* Econtrario legatus infidelis pestilentia est terræ ad quam mittitur: malo enim exemplo multos corrumpit. Prouerb. 1. *Sicut frigus niuis in die messis: ita legatus fidelis est qui misit eum.* Frigus niuis in die messis refrigerat: & legatus, si fidelis sit, ei à quo mittitur, quasi quoddam refrigerium est: à cura enim & solitudine in parte eum liberat. Econtrario vero dicitur de infideli nuntio. Prouerb. 25. *Dens putridus & pes lassus qui sperat super infideli in die angustie.* Dens putridus ori grauem dolorem ingerit. Vnde vulgariter dicitur quod non est dolor sicut dolor dentis. Infidelis ergo nuntius est ei qui in eo sperat, vt dens putridus, quia est occasio ei magni doloris. Est etiam vt pes lassus. Sicut enim multum affligitur qui desiderat peruenire ad locum aliquem, & præ lassitudine non potest: sic affligitur ille qui expectat nuntium infidelem, qui moram ni-

miam facit.

Et notandum, quod aliquis fidem debet alij in quatuor. Primò, vt eum verbo non fallat. August. in lib. de Doct. Christ. Omnis qui mentitur iniquè facit. Secundò, vt arcanum eius non denudet. Prou. 11. *Qui ambulat fraudulenter, reuelat arcana: qui autem fidelis est, celat amici commissum.* Ecclesiast. 27. *Qui denudat arcana amici, fidem perdit.* Tertiò, in hoc vt in aduersis eum non deserat. Ecclesiast. 22. *Fidem posside cum amico in paupertate illius, vt in bonis illius lateris. In tempore tribulationis illius, permanc illi fidelis.* Quartò, in hoc vt in donorum sibi commissorum administratione fideliter se habeat. Fidelitas verò quantum ad bona commissæ in quinque attenditur. Primum est, vt ipse bona sibi commissæ non dissipet. Secundum, vt ea studiose multiplicet. Tertium, vt eum qui tradidit, parte lucri quæ ad eum pertinet non defraudet. Quartum, est, vt bona sibi commissæ, proditiosè sua non faciat. Quintum est, vt inimico eius qui sibi ea commisit illa non tradat. De primo legitur Luc 16. *Hic diffamatus est apud ipsum, eo quod dissipasset bona illius:* & Esa. 14. *Tu terram tuam disperdidisti.* Tripliciter autem fit hæc dissipatio. Primò, quando aliquis vitam suam, quam debuit ei pendere ad honorem Dei & utilitatem animæ suæ, expendit in Dei contumeliam & damnationem animæ suæ, consumendo eam in seruitio diaboli. Prouerb. 5. *Non des alienis honorem tuum, & annos tuos crudeli.* Item intellige de his qui res suas in seruitio diaboli expendunt seruos diaboli instantissimè inuitates, in filios verò Dei durissimos se exhibentes. Secundò quando aliquis desistit ab opere incepto ante consummationem. Prouerb. 18. *Qui mollis & dissolutus est in opere suo, frater est sua opera dissipantis.* Mollis est qui cedit duris. Dissolutus est qui nullo amore ad opus bonum ligatus est, & talis reputatur dissipator operum suorum. Tertiò, quando aliquis quod adi-

ficat verbo, destruit exemplo. Eccles. 33. *Vnus edificans, & unus destruens, quid prodest illis nisi labor?* Circa secundum notandum, quod circa multiplicationem triplex potest esse infidelitas. Prima est cum pecunia domini absconditur. Vnde Matt. 25. reprehenditur seruus malus & piger qui pecuniā domini sui abscondit. Secunda est, cum pecuniā domini in mercibus, quæ minoris lucri sunt ponitur. Hæc infidelitas est in illis qui legem Domini per quam lucrari animas possent contemnunt, & Physicam vel Leges per quas temporalia lucrantur addiscunt. Nunquid infidelis esset nuntius alicuius mereatoris, qui domino suo emere posset scarlatam eodem pretio quo emit burellum, si eam non emeret? Tertia infidelitas est in eis qui merces domini vendunt, ubi minus vendibiles sunt. Sicut accidit in eis qui Parisiis docent, ubi doctrina eorum vix auditur, & alibi nolunt docere ubi doctrina eorum chara haberetur. Circa tertium notandum quod lucrum bonorum operum in tres partes diuiditur. Prima pars est gloria quæ ad Deum pertinet: iuxta illud Apostoli, *Soli Deo honor & gloria*. Secunda pars est exemplum bonum quod pertinet ad proximum. Vnde Matth. 5. *Sic luceat lux vestra coram hominibus, ut videant opera vestra bona, &c.* Tertia pars est utilitas mercedis, quæ pertinet ad Deum qui opera bona facit. Deum ergo defraudat parte sua lueri, qui gloriam quærit de bonis operibus, quæ agit. Bernard. Fidelis reuera famulus es, si de multa gloria Domini tui, etsi non exeunt à te, tamen transeunte per te, nihil manibus tuis adherere contingat. Circa quartum verò notandum, quod illi qui bona sibi

Lucrum  
bonorū  
operū in  
tres par-  
tes diui-  
ditur.

commissa, proditiosè sua faciunt, quantum infideliter se habeant in paucis, ipsi non constituentur super multa. Vnde Lucæ 6. *si in alieno fideles non fuistis, quod vestrum est quis dabit vobis:* Alienum vocat bonum transitorium, nostrum verò æternum. Et ibidem: Qui fidelis est in minimo, & in maiori fidelis est. Et qui in modico iniquus est, in maiori iniquus est. Circa quintum notandum quod velut castrum nostræ bonæ fidei commissum est corpus nostrum vel anima nostra. Vulgariter dicitur, quod bonum castrum custodit qui corpus suum custodit. Sed melius castrum custodit qui animā suam custodit. Hoc castrum corporis diabolus sibi quærit reddi, quando peccata spiritualia suggerit. Castrum verò animæ sibi quærit reddi, quando peccata spiritualia suggerit, quando verò nos suggestioni eius consentimus, castrum nobis à Deo commissum, hosti eius tanquam proditores tradimus. Et valde infideles sumus, præcipue si non præmittamus nuntium ad dominum nostrum pro succursu, cum ipse possit nobis subuenire, & etiam velit. Non enim vult exheredari. 1. Corinth. 10. *Fidelis est Deus qui non patietur vos tentari supra id quod potestis.* Nuntius qui ad Deum mittendus est in tentatione, est oratio. Vnde super illud Psalm. *Intra in conspectu tuo oratio mea*, dicit Gloss. Magna virtus orationis ostenditur, quæ quasi quædam persona ad Deum intrat & illuc mandatum peragit quod caro peruenire nequit. Inexcusabilis est qui prius castrum suum reddit, quam pro succursu miserit, vel qui non expectat succursum pro quo milit.

Psalm. 107.



TRACTATUS VI  
TERTIÆ PARTIS PRINCIPALIS,  
vnum continens capitulum, est de diuisione  
Virtutum Cardinalium, secundum  
Macrobiū.

Virtutum  
cardina-  
lium di-  
uīō.



**L**IMO de quatuor virtutibus Cardinalibus ponenda est diuīō, quam ponit Macrobius his verbis: Qui æstimant nullis nisi philosophantibus inesse virtutes, virtutum officia sic dispensant. Prudentiæ dicunt esse, mundum istum, & omnia quæ in mundo sunt diuinorum contemplatione despicere: omnemque animi cogitationem in sola diuina dirigere. Temperantiæ, omnia relinquere in quantum natura patitur quæ corporis vīus requirit. Fortitudinis, non terreri animam à corpore quodammodo ductu philosophiæ recedentem: nec altitudine perfectæ ad superna ascensionis horrere. Iustitiæ, ad vñ sibi propositi huius cōsentire viam, vniuscuiusque virtutis obsequium. Atque ita sit vt secundum hoc tam rigidæ diffinitionis abruptum, rerum publicarum rectores beati esse non possint. Sed protinus gradus virtutum sic dirigit: Quatuor, inquit, sunt quaternarum genera virtutū. Ex his primo Politicæ vocantur. Secundæ purgatoriæ. Tertiæ animi iam purgati. Quartæ, exemplares, & sūt politici hominis, quia sociale animal est. His boni viri reipublicæ consulunt, vrbes tuentur, his parentes venerantur, liberos amant, proximos diligunt, his ciuium salutem gubernant, his socios circumspēcta prouidentia protegunt, iusta libertate deuincunt, hisque sui memores alios fecere merendo. Et est politica prudentia, ad rationis normā, quæ

cogitat quæque agit vniuersa dirigere, ac nihil præter rectum velle vel facere, humanisque actibus tanquam diuinis arbitris providere. Prudentiæ insunt; ratio, intellectus circumspēctio, prouidentia, docilitas, cautio. Fortitudinis, animum supra periculi metum agere, nihilque nisi turpia timere, tolerare fortiter vel aduersa vel prospera. Fortitudo præstat magnanimitatem, fiduciam, securitatem, magnificentiā, constantiam, tolerantiam, firmitatē. Temperantiæ: nihil appetere cōnitendum, in nullo moderationis legem excedere, sub iugo rationis cupiditatē domare. Temperantiā sequuntur modestia, verecundia, abstinētia, castitas, honestas, inoderatio, parcitas, prudentia. Iustitiæ seruare vnicuique quod suum est. De iustitia veniunt innocentia, amicitia, concordia, pietas, religio, affectus, humanitas. Secundæ, quas purgatorias vocant, hominis sunt qui Dei in se capax est, solumque eorum quæ animum eius expediunt qui decreuit se à corporis contagione purgare, & quadam humanorum fuga solum se inferre diuinis. Hæc sunt otiosorum qui à rerū publicarum actibus se sequestrant. Harū quid singulæ velint, superius expressimus, cum de virtutibus philosophantium diceremus. Tertiæ sunt purgati iam defæcati; animi, ab omni mundi huius aspergine deterfi. Illic prudentiæ est diuina nō quasi in electionē præferre, sed sola nosse; & hæc, tanquam nihil aliud sit intueri: temperantiæ, terrenas cupiditates non reprimere, sed

D d d iij

penitus obliuisci. Fortitudinis passiones ignorare, non vincere, ut nesciat irasci, cupiat nihil. Iustitiæ itaque cum superna & diuina mente sociari, ut seruet perpetuum cum ea fœdus imitando. Quartæ exemplares quæ in ipsa diuina mente consistunt, à quarum exemplo reliquæ omnes per ordinem defluunt. Nam si re-

rum aliarum, multo magis virtutum ideas esse in mente credendum est. Illic prudentia est mens ipsa diuina. Temperantia quæ in se perpetua intentione conuersa est. Fortitudo quod semper eadem nec aliquando mutatur. Iustitia quod perenni lege à sempiterna operis sui continuatione non flectitur.

## QVARTÆ PARTIS PRINCIPALIS Tractatus de Donis.

### P A R S P R I M A.

*De ordine dicendorum de Donis: & quare vocentur dona.*



**D**ICENDVM est de Donis quæ Christus in se habuit. Esa. 11. *Requiescet super eum Spiritus Domini spiritus sapientia, &c.* Quæ etiam fidelibus dedit, ad Ephes. 4. *Ascendens in altum captiuam duxit captiuam aeternam hominibus.* De donis verò hoc modo agatur. Primò ostendetur quare dona vocentur. Secundò tanguntur aliqua pertinentia ad commendationem donorum, & ad manifestandum numerum eorum. Tertio, agatur per ordinem de singulis. Circa primum notandum, quod Deus volens ostendere hominibus sanctitatem Christi mediatoris Dei & hominum in quo sperare debebant, iuxta illud Eccles. 24. *In me omnis spes vita & virtutis,* voluit ostendere eum conceptum esse ex Spiritu sancto. Matth. 1. *Inuenta est in utero habens de Spiritu sancto.* In eodem. *Quod enim in eum natum est, de Spiritu S. est.* Item voluit ostendere Spiritum sanctum in eo continuè mansurum, vnde Esaias loquens de flore ex quo mundus sperare debebat fructum salutis, ait: *Requiescet super eum Spiritus Domini.* ibi

dicunt gl. In Euangelio Nazaræorum quod Hebraicè scriptum est, ita habetur: *Factum est cum ascendisset Dominus de aqua, descendit fons omnis spiritus, & requieuit super eum, & dixit ei: Expectabam te, fili mi, in omnibus Prophetis ut venires, & requiescerem in te. Tu es enim requies mea, tu es filius meus primogenitus qui regnas in sempiternum.* Et Ioan. 1. *Vidi, inquit Ioan. Bapt. Spiritum descendentem quasi columbam de cælo & manentem super eum, & ego nesciebam: sed qui misit me baptizare in aqua, ille mihi dixit: Super quem videris Spiritum descendentem & manentem super eum, hic est qui baptizat in Spiritu sancto.* gloss. Specialiter dicitur spiritus manere in Christo, à quo nunquam per peccatum recessit. Esa. 61. *Spiritus Domini super me.* Item gloss. super Ioann. Spiritus sanctus in Sanctos venit, & propter peccata recedit. Secundum aliquem effectum, descensus spiritus super Christum in specie columbæ, idem ostendit quod ostendit vox de cælo veniens. Matth. & Luc. 3. *Hic est filius meus dilectus, &c.* Spiritus enim sonat idè quod charitas, sicut dicit gloss. super illud

Sp. S. quo  
pacto in  
Christo  
maneat.



Apoc. 3. A septem spiritibus qui in conspectu throni eius sunt. Similis vox audita est in transfiguratione. Matth. 17. ubi verò Elías ostendit Spiritum sanctum in Christo mansurum, enumerantur nobiles effectus qui à Spiritu sancto fuerunt in Christo, cum dicitur: *Requiescet super eum spiritus sapientia & intellectus, &c.* Illi verò effectus rectissimè dona vocantur: vel septiformis gratia Spiritus sancti. Cum enim Spiritus sanctus bonitas sit, liberalissimè se & sua communicans: ipse est primum donum, quia se gratissimè communicat. August. Magna misericordia Dei donum dat æquale sibi. Nam Sp. S. donum est. De hoc dono legitur: Act. Baptizet *unusquisque vestram in nomine Iesu Christi in remissionem peccatorum vestrorum, & accipietis donum Spiritus sancti.* In ipso etiam dantur liberalissimè cetera dona: ideo effectus Spiritus sancti rectissimè dona vocantur. Nomine enim doni gratitudo vel liberalitas insinuat. Donum enim iuxta verbum, est datio irreddibilis, quæ sc. fit sine spe retributionis. Senec. lib. 4. de Benef. Non est beneficium, quod in quæstum mittitur. Idem in eod. Si Deum imitatis, da gratis beneficia. Item rectissimè vocatur septiformis gratia. Gratia enim dicitur eo quod gratis detur. Præterea ubi enumerantur illi septem effectus Spiritus sancti qui in Christo fuerunt, agitur de filio Dei veniente ad sponsam suam. Sponsus verò ad sponsam veniens dona consuevit afferre: ideo congruè illi septem effectus dona vocantur.

Donum  
quid  
fig-  
nificet.

## P A R S II.

*De commendatione donorum, & numeri eorum manifestatione.*

**C**irca secundum notandum, quod ista septem dona sunt quasi septem stel-

læ in dextera Christi. Apoc. 1. & 3. Stellæ dici possunt, quia noctem præsentis vitæ illuminant. Præsens vita nox dicitur, & propter aduersitates quibus plena est, & propter tenebrositatem culpæ & ignorantia quæ in ea abundant. In dextera verò Christi sunt hæ stellæ, quia Christus donationem horum donorum ad manum suam retinuit. Item hæc dona sunt septem lucernæ, de quibus Exod. 26. *Facies lucernas septem, & pones eas super candelabrum.* Gloss. Lucernæ septem, sunt septem dona Spiritus sancti, quæ in Christo cuncta semper manserunt, & fidelibus secundum voluntatem eius distributa sunt. Hæ super candelabrum ponuntur, quia requieuit super Christum spiritus sapientia, &c. Item hæc dona sunt septem lampades, de quibus Apoc. 4. & 7. *Lampades ardentes erant ante thronum quas sunt septem spiritus Dei.* Interl. Dona Spiritus sancti quæ accendunt & illuminant parata omnibus, quæ sunt sedes Dei. Item hæc dona sunt septem oculi: Apoc. 4. *Et oculos septem, qui sunt septem spiritus Dei.* Zach. 4. *super lapidem unum septem oculi sunt.* Et exponit gloss. de Christo, qui est lapis angularis coniungens duos parietes in vnum, super quem lapidem sunt septem oculi. De quibus Esa. 11. *Requiescet super eum spiritus Domini, &c.* Item hæc dona sunt septem crines qui caput Ecclesiæ, Christum scilicet, ornavunt: quibus etiam caput sponsæ Christi, scilicet cor, debet esse ornatum. Hos crines dæmones conantur abradere. His crinibus ablatis homo debilis remanet, vt Samson. Iud. 16. Ista septem dona sunt contra septem mala, quæ enumerat Greg. super illud Iob. 1. Ventus vehemens irruit à regione deserti, &c. His verbis Spiritus qui mentem ante omnia prudentia, temperantia, fortitudine, iustitia format, eandem contra singula tentamenta septem virtutibus instruit. Contra stultitiam, sapientia; contra hebetudinem, intellectu; contra præcipitationem, consilio; contra

Dono Sp.  
S. comen-  
dantur.

Dono se-  
ptem, in  
remediis  
septem  
vitiis  
data.

timorem, fortitudine; contra ignorantiam, scientia; contra duritiam, pietate; contra superbiam, timore. Tria istorum malorum ad affectum videntur pertinere, vnum est respectu Dei, scilicet superbia, quæ est inordinata excellentia animi. Aliud respectu proximi, scilicet durities. Tertium respectu inimici, scilicet timor vel pusillanimitas: contra superbiam est donum timoris, Greg. super Ez: ch. Per timorem humiles sumus, pietas est contra duritiam. Idem: Per pietatem sumus misericordes. Fortitudo est contra pusillanimitatem. Quatuor mala videtur pertinere ad intellectum, scilicet stultitia sine insipientia, quæ est quando intellectus sapore terrenorum, impeditur à gustando saporem æternorum. Secundum est hebetudo, quæ est grossities intellectus, quâ impeditur ne penetret interna mysteriorum, & ne agnoscat creatorem in creaturis. Tertium malum est ignorantia, quæ est defectus discretionis quantum ad ea quæ communiter sunt agenda. Quartum est præcipitatio quantum ad deliberationem eorum quæ sunt ardua, & quæ pertinent ad perfectionem salutis. Contra hæc quatuor mala vltima sunt donum sapientiz, & donum intellectus, donum scientiz, & donum consilij. Donum sapientiz lumen est, quo agnoscuntur superiora. Scientia lumen est, quo agnoscuntur inferiora. Intellectus, lumen est, quo agnoscuntur interiora: vnde à legendo intus dicitur intellectus. Donum consilij est lumen à quo cognoscuntur periculosa. Assignentur & aliter septem mala presentis vitæ, contra quæ sunt hæc septē dona. Primum malum est, puerilitas. Esa. 65. *Puer centum annorum morietur.* 1. ad Corinth. 14. *Nolite pueri effici sensibus.* Sap. 12. *Infantium sensorum more viuentes.* Sen. Plerumque est cum non pueritia, sed quod grauius est puerilitas remanet. Contra hoc malum est maturitas sapientiz. Greg. super Ezech. Per sapientiam maturi sumus. Ad maturitatem sapientiz

pertinet puerilia despiciere, & digna viris intellectu capere, & affectu desiderare. Puerilia intelligas, lac suauitatis temporalis, & bona temporalia, quæ sunt vt pyra & poma comparatione æternarum diuitiarum. Digna viris intelligas gaudia æterna. Secundum malum est brutalitas, qua exteriora sola in rebus sensibilibus capimus illis solis hærentes & quasi foris stantes: intima verò eorum cognitione nō attingimus. Contra hoc malum est donum intellectus penetrans interiora. Greg. super Ezech. Intellectus tollit hebetudinem. Tertium malum est, periculositas. Contra quod est donum consilij. Prou. 24. *Erit salus, ubi multa consilia.* Quartum malum est, certaminum spiritualium continuitas. Contra quod est donum fortitudinis. Mundus iste, campus est certaminis. Bern. In mundo isto quasi in stadio certaminis positi sumus. Iob. 7. *Militia est vita hominis super terram.* Quintum malum est, error circa bona & mala, & secundum qualitatem, & secundum quantitatem. Secundum qualitatem, cum creduntur bona quæ sunt mala. Es. 5. *Va qui dicitis bonum, malum.* Secundum quantitatem, quando creduntur magna bona quæ sunt parua, & econuerso. Contra hoc malum est donum scientiz. Scientia respicit bonum & malum: vnde nominatur lignum scientiz boni & mali. Gen. 2. Propter hunc errorem dicitur: Sap. 14. *In magno viuentes inscitia bello, tot & tanta mala pacem appellant.* Sextum malum est vitæ exectabilitas: quâ scilicet vita nostra Deo non est honorifica, imo est contumeliosa. Contra quod est donum pietatis, prout dicitur pietas veneratio sanctorum: primò Dei, deinde eorum quæ ei sanctificata sunt. Septimum malum est stulta securitas, quâ nihil est periculosius homini tot malis oblesso. Prou. 28. *Qui confidit in corde suo stultus est.* Et notandum, quod minimum horum donorum præualeat omni auro quod est in mundo. Minimum videtur esse donum

Donum  
Dei omni  
auro nobilius.

donum timoris, de quo tamen legitur, Eccles. 23. *Nihil melius quam timor Dei.* De pietate verò legitur 1. ad Timoth. 4. *Pietas ad omnia utilis est, promissionem habens vitæ a qua nunc est futura.* Fortitudo verò hominem reddit insuperabilem. Proverb. 30. *Leo fortissimus bestiarum, ad nullius pauebit occursum.* Qui habet donum fortitudinis, dicit illud: *Omnia possum in eo qui me confortat.* ad Philip. 4. Sapientia in terra manens, ad mercedem cœlestem sedet. Timor vëdicat infernum vbi vitia exurit: Sapientia paradysum, quæ iam æterna prægustat. Fortitudo verò & pietas vendicant sibi præsentia. Pietas aliena mala compatiendo sibi bona efficit. Fortitudo verò propria mala, patienter ea tolerando, sibi in bonum conuertit. Item fortitudo ad bona ardua hominem potentem reddit. Intellectus sapientiã dirigit. Consilium fortitudinem, scientia pietatem. Timor verò à fide dirigitur, qui cum in Christo non fuerit, inter dona non numeratur. Non enim non enumerantur inter dona omnes gratiæ Spiritus sancti, sed gratiæ excellentes quæ in Christo fuerunt.

Donata  
tria in  
intellectu.

Et notandum, quod tres illarum gratiarum indubitanter pertinent ad intellectum, scilicet donum scientiæ, consilij, & intellectus. Tres indubitanter ad effectum, scilicet donum timoris, pietatis, & fortitudinis. Donum verò sapientiæ secundum quosdam pertinet ad intellectum, secundum quosdam ad effectum. Secundum veritatem verò videtur ad utrumq; aliquo modo pertinere. Vnde possumus dicere, quod quatuor dona pertinent ad intellectum, quatuor aliquo modo pertinent ad effectum. Quadruplex enim cognitio salubris præcellentiam habens potest esse in intellectu, duæ pertinent ad id à quo sumus, scilicet ad Deum. Deus tripliciter in præsentia cognoscitur. Primò, fide, quæ est cognitio initialis ad omnes pertinens, & innitur auctoritati. Secundò cognoscitur intellectu, qui innitur rationi. Aug. in lib. de vtili creden. Quod credimus,

debemus auctoritati: quod intelligimus, rationi. Tertio, cognoscitur Deus experientia: gustando scilicet eius suauitatem. Secunda & tertia cognitio de Deo præcellentiam habent respectu primæ: & idè gratiæ excellentes sunt quæ pertinent ad eas, & enumerantur inter dona. Tertia salubris cognitio præcellentiam habens, pertinet ad id quod à nobis est, quod arduum est vel periculosum: quæ præcellentiam habet respectu illius cognitionis, est circa alia quæ non sunt ardua vel periculosa. Gratia pertinens ad hanc cognitionem dicitur donum consilij. Quarta cognitio est circa res ipsas quæ propter nos sunt specialiter quantum ad bonitatem & malitiam eorum, & habet præcellentiam respectu aliarum cognitionum quæ sunt de rebus quantum ad alias rerum dispositiones. Et gratia ad hanc cognitionem pertinens dicitur donum scientiæ. Item quadruplex ordinata affectio potest esse in affectu: duæ respectu mali, & duæ respectu boni. Malum fugiendum est & fugandum. Fuga mali remoti, scilicet mali futuri, illa virtuosior est præcellentiam habens respectu fugæ mali propinqui. Malum enim propinquum faciliè est fugere, scilicet malum præsens. Item fuga mali quod ducit ad futurum, scilicet mali culpæ præcellentiam habet, cum malum culpæ bonum videatur, eo quod sit delectabile. Gratia ergo pertinens ad fugam mali futuri, & eius quod ducit ad illud, excelsa gratia est, & vocatur donum timoris. Item fugare miseriam à proximo per compassionem, mala eius sibi assumendo, & bona sua ei communicando, gratiæ excellentis est. Fugare miseriam à seipso, non est multum virtuosum. Et gratia illa præcellens, donum pietatis dicitur. Respectu verò boni sunt duæ affectiones excellentes: vna respectu boni summi quod est finis: sc. esuries seu sitis suauitatis diuinæ. Amor illius suauitatis omnium est: omnes enim beatitudinem appetunt, sed esuries illa paucorum est. Respectu verò boni:

Affectus  
animi  
quadruplex.

Ecc

Dona di  
uina &  
humana  
quot.

quod est ad finem, quod arduum est, est affectio fortitudinis quæ excellit respectu affectionis, quæ est ad bona quæ non sunt ardua. Unde gratia pertinet ad illam affectionem, donum fortitudinis dicitur. Item notandum quod inter septem istas gratias, prout in Christo fuerunt, tres sunt pertinentes ad diuinam, & quatuor ad humanam. Ad diuinam, donum intellectus quo cognoscitur Dei veritas, & donum sapientiæ quo gustatur eius suauitas, & donum timoris quo honoratur Dei sublimitas. Timor enim reuerentiæ in Christo fuit: reuerentissimè enim se habuit ad Deum homo ille, non æquans se illi secundum humanitatē, sed ei subiectissimus existens. Ad humanam verò pertinent alia quatuor dona: humana enim diuiduntur in ea quæ agenda sunt communiter ab omnibus & sunt in præcepto, & ea quæ pertinent ad perfectionem salutis. Ad ea quæ communiter agenda sunt ab omnibus, pertinet donum pietatis, cui lumen ministrat donum scientiæ. Pietas enim quasi negotiatrix est & commutatrix: ideo necessarium est ei lumen scientiæ quo agnoscat ea quibus negotiatur. Circa ea quæ pertinent ad perfectionem est donum fortitudinis, cui lumen ministrat donum consilij, hominem seruans à præcipitatione in talibus ubi ipsa valdè periculosa est. Item notandū, quod dono timoris sapientia inchoatur. Prou. 1. *Timor Domini, principium sapientiæ.* Dono sapientiæ consummatur, donis verò mediis proficiendo ad consummationem sapientiæ appropinquat. Item notandum quod duo dona pertinent ad contemplationem, scilicet donum intellectus, & donum sapientiæ. Dono intellectus contemplamur Deum in creaturis, dono sapientiæ in se. Alia quinque dona pertinent ad actiuam. Timore declinatur malum. Prou. 15. *Per timorem Domini declinat omnis à malo.* Dono pietatis & dono fortitudinis ad lumen scientiæ & consilij fiunt bona.

Dono  
duo per-  
tinent ad  
vitam  
contem-  
platiuā.

## DE DONIS TIMORIS.

### PARS III.

*Quæ habet quatuor Capitula.*

#### CAPIT. I.

*De ordine dicendorum de dono Timoris.  
Et de descriptionibus eiusdem.*

Consequenter agendum est de singulis donis per ordinem. Et primò de his quæ pertinent ad actiuā. Actiua enim prior est tēpore quàm contemplatiua. Oportet enim quod homo exerceat se prius in actiuam, quàm ascendat ad contemplatiuam. Lia prior fuit nata quàm Rachel. Genes. 28. Et prius fuit tradēda nuptui. Vnde legitur in eodem quod Laban dixit Iacob conquerenti de hoc quod Lia ei supposita esset pro Rachele: *Non est in loco nostro consuetudinis ut minores ante radamus ad nuptias.* Inter dona verò pertinentia ad actiuam, prius dicitur de dono timoris, à quo nobis inchoandum est, si volumus proficere. Aug. in ser. quodam de timore Domini: Esaias dona enumerans, à sapientia peruenit ad timorem, tanquam de sublimi descendens ad nos, vt doceret ascendere illuc. Ergo peruenit vnde debemus incipere proficiendo. De timore verò hoc modo agetur. Primò, ponentur eius descriptiones. Secundò, commendationes. Tertiò, tangetur de speciebus timoris. Quartò, de his quæ valere possunt ad incutiendum nobis timorem. Circa primum notandum quod timor est spiritualis fuga mali, ne perdat homo quod amat. Et est supra hæc descriptio de Gloss. Aug. super Ioan. 10. c. ubi loquitur de mercenario: Fuga timoris, non est fuga ignauia, sed est fuga sapientiæ 28. *Ecce timor Domini ipse est sapientia.* Fuga timoris, fuga est cautæ declinationis.

Timoris  
descri-  
ptio.

Prouerb. 14. *Sapiens timet & declinat à malo, stultus transiit & confidit.* Talis est fuga Parthorum, quæ non est ignauia, sed bellandi peritia. Fugiendo vincunt Parthi: Ideò fugientes ab his, quibus nota est eorum peritia, timentur: sic timor dum timet timetur, secundum illud Philosophi: Qui timet Deum, omnia timent eum: qui verò non timet Deum, timet omnia. Vnde Cain perpetrato homicidio fratris, caput tremulum habuit, & ait: *Omnis qui inuenerit me, occidet me.* Genes. 4. Non est turpis fuga, iacula cauere vel protegendo vel abscondendo se, vel simulatâ fugâ hostes ab vrbe longè abstrahere, sicut legitur fecisse populus Domini, Iosue 17. Item dicit August. 14. lib. de Ciuit. quod timor est amor fugiens quod ei aduersatur. Item timor est affectio futuri mali, secundum Damascenum, timor est expectatio mali, dicit enim: Expectatum malum timorem constituit, præsens verò tristitiam.

## CAPVT II.

## De commendatione Timoris.

**A**D commendationem Timoris diuini: Primò, valere possunt admonitiones quas Scriptura sacra facit ad timendum Deum. Leuit. 30. *Time Dominum Deum tuum.* Deut. 6. *Dominum Deum tuum timebis.* Iosue 10. *Timeate Dominum, & seruite ei corde perfecto.* In Psal. *Seruite Domino in timore.* Item: *Timeate Dominum omnes sancti eius.* Eccles. 2. *Fili, accedens ad seruitutem Dei, sta in iustitia & timore.* Eiusdem 2. *In tota anima tua time Deum.* Matt. 10. *Timeate eum qui potest & corpus & animam mittere in gehennam ignis.* Secundo, promissiones quas Scriptura facit timentibus Deum. Tob 4. *Multa bona habebimus si timuerimus Deum, & recesserimus à peccato, & fecerimus bend.* Eccles. 1. *Timenti Deum bene erit in extremis, &*

*in diebus defunctionis sue benedicetur.* In eodem: *Timenti Dominum bene erit, & in diebus consolationis sue benedicetur.* Tertio, quod Scriptura sacra adeò beatificat timentes Deum. Prou. 28. *Beatus homo qui semper est pauidus: qui verò mentis est duræ, corrues in malum,* Eccl. 15. *Beatus cui donatum est haberet timorem Domini.* Eiusdem 33. *Timenti Deum beata est anima eius.* Psal. 111. *In Psal. Beatus vir qui timet Dominum.* Quarto, excellentia quam in Scriptura sacra ostenditur habere timor respectu ceterarum gratiarum. Eccl. 25. *Timor Domini se super omnia superposuit.* Eiusd. 23. *Nihil melius quàm timor Domini.* Bernard. super Cantic. In veritate didici nihil æquè efficax esse ad gratiam promerendam, retinendam & recuperandam, quàm si omni tempore coram Deo inueniaris non altum sapere, sed timere. Quintò, quod timor Dei valdè placet Deo. Sicut patet his verbis Scripturæ quæ sequuntur, quæ ostendunt quod beneficus sit Deus his qui timent eum. In Psal. *Oculi Domini super me.* Psal. 13. *tuentes eum.* Oculi, inquam, misericordiæ. *Firmamentum est Dominus timentibus eum.* Psal. 14. *Dedisti hereditatem timentibus nomen tuum Domine.* Psal. 60. *Quomodo misereatur pater filiorum, misertus est Dominus timentibus se.* Psal. 102. *Voluntatem timentium se, faciet.* Psal. 144. *Eccl. 33. Timenti Deum non occurrent mala, sed intentione Deus illum conseruabit, & liberabit eum à malo.* Act. 10. *In omni gente qui timet Deum, & operatur iustitiam, acceptus est illi.* Sextò, commendabilis est timor Domini à multiplici eius affectu. Notandum ergo quod timor Domini, malum culpæ quod in homine inuenit, expellit: scilicet peccatum, Eccl. 1. *Timor Domini expellit peccatum: nam qui sine timore est, non poterit iustificari.* Gregor. in homil. Præua mens, si non propter timorem quæritur, ab assuetis vitijs non emendatur. Iosue 10. *Timuimus valdè, & prouidimus animabus nostris.* Ecclesiast. 2. *Qui timent Dominum, præparabunt corda sua, & in conspectu*

*illius sanctificabunt animas suas.* Timor medicamentum est, charitas sanitas. Mich. 6. *Salus erit timentibus nomen suum.* Esa. 26. *A timore tuo, Domine, concepimus, & quasi parturimus spiritum salutis.* Mal. 4. *Orietur vobis timentibus nomen meum sol iustitiae.* Item timor à malo culpæ futuro custodit Hieronymus: in epistolis. Timor virtutum custos est, securitas ad lapsum facilis. Exod. 20. *Ut probaret vos venit Dominus, & ut terror illius esset in vobis, & non peccaretis.* Timor Domini odit malum. Prouerbior. 8. idem non permittit illud in donum cordis intrare. Timor in æternum quasi expauentaculum ponit in corde hominis, & ad deterrendum vitia & demones. Ipse est ianitor cordis, vitia ab ingressu eius claua terribili deterrens. Claua illa infinitæ est magnitudinis, quum sit pœna æterna. Ipse gladium et utrâque parte acutum: gladium inquam, diuinæ sententiæ ad deterrendos fures spirituales intentat. Ipse latrones in terra corporis mei habitantes crucifigit. In

*Psalm. 118.* *Confisget timore tuo carnes meas.* Timor vigil est, & tempore pacis & tempore belli vigilans, pacem & securitatem suspectam habens. Ipse virtutes excitat ne ad similitudinem ferri in quiete consumantur rubigine, & ne securi subito ab hostibus occidantur. *Quum virtutes dixerint, Pax & securitas, repentinus eis superueniet interitus.* 1. ad Thess. 5. Timor comprimit virtutes ne euanescant, Eccles. 27. *Si non in timore Domini instanter tenueris te, cito subuertetur domus tua.* Item timor à bonis transitoriis quæ solent esse occasio peccati expedit, sicut timor naufragij nauem facit exonerari. Iob 31. *Semper enim quasi tumentes super me fluctus timui Deum, & pondus eius ferre non potui.* Gregor. Quum fluctus tumentes desuper eminent, nulla tunc cura rerum temporalium navigantibus, nulla carnis delectatio ad mentem reducit. Ea quæque ex nauis proijciunt pro quibus longa nauigia sumpserunt. Item ad mala præ-

sentis pœnæ hominem intrepidum reddit. Ecclesiast. 34. *Qui timet Deum, nil trepidabit.* Item cor hominis congregat & restringit. Eccles. 21. *Qui timet Deum, conuertetur ad cor suum.* Item timor, bonorum abundantiam introducit. Eccles. 13. *Qui timet Deum, faciet bona.* Eccles. 16. *Qui timet Deum, nihil negligit.* Cor est, ubi timor Domini est, sicut ager plenus cui benedixit Dominus. Genes. 17. Est etiam sicut paradisus propter amœnitatem & fertilitatem. Ecclesiast. 40. *Timor Domini facit paradisum benedictionis, &c. super omnem gloriam operuerunt eum, supple benedictiones.* In Psalm. *Non est inopia timentibus eum.* Eccles. 40. *In timore Domini non est memoratio.* Prouerbior. 19. *Timor Domini ad vitam, & in plenitudine commorabitur absque visitatione pessimi.* Timori custodit Dominus bona sua ad seruandum. Esa. 33. *Timor Domini ipse est thesaurus eius.* Timor Domini plenitudinem virtutum operatur. Timorem sequitur spes. Prouerb. 23. *In timore Domini esto quotidie, & habebis spem in nouissimo.* Timentibus Dominum, factæ sunt promissiones. In Psalm. *Quam magna multitudo dulcedinis tua, Domine, quam abscondisti timentibus te.* Item timor Domini introducit charitatem sicut seta linum: iuxta verbum Augustini. Ecclesiast. *Timor Domini initium dilectionis eius.* Item, *Principium est sapientiæ.* Prouerb. & Eccles. 1. Bernard. super Cantic. Instructio deos facit, affectio sapientes: aliud est multas diuitias scire, aliud possidere: nec notitia diuitem facit, sed possessio: nec cognitio sapientem, sed timor facit qui & afficit. Tu ne sapientem dixeris, quem sua scientia inflat. Item Bernardus. *Initium sapientiæ, timor Domini: Quia tunc primo Deus animæ sapit, quum eam afficit ad timendum, non quum instruit ad sciendum.* Times Dei iustitiam, times Dei potentiam, & sapit tibi Deus iustus & potens; quia timor est sapor. Porro sapor facit sapientem, sicut scientia

scientem. Timori sapiunt mala, prout debent sapere. Et hæc est prima species separationis spiritualis. Ecclesiast. 1. *Radix sapientia, timere Deum.* In eodem: *Plenitudo sapientia, timere Deum.* Item in eodem: *Corona sapientia timor Domini.* Corona facit ad ornatum capitis, & timor Dei est ornamentum sapientum. Sapientibus etiam causa est coronæ æternæ. Item Prouerb. 19. *Timor Dei, disciplina sapientia.* Homines literati absque timore Dei, indisciplinati sunt: sed timor Domini hominem grauem & maturum reddit. Greg. Anchora mentis, pondus timoris. Item timor Dei hominem temperatum reddit. Prouerb. 22. *Finitus modestia timor Domini,* id est, consummatio modestiæ. Item timor Domini hominem fortem efficit. Prouerb. 14. *In timore Domini, fiducia fortitudinis.* Hæc fiducia debilitatem hominis, in Dei fortitudinem mutat. Esaia 40. *Qui sperant in Domino, mutabunt fortitudinem.* Greg. In via Domini timor operatur fortitudinem, in via seculi debilitatem. Signum fortitudinis est, quod timor Dei vincula cupiditatum dirumpit. Item quod cum ardoribus habitat sempiternis. Esaia 33. *Quis poterit habitare de vobis cum igne deuorante? Quis habitabit de vobis cum ardoribus sempiternis?* Timor facit impleri illud Esaia 35. *Tunc sicut ceruus elaudus,* secundum illud Poëta: *Pedibus timor addidit alas.* Timor transilire facit montes & colles altitudinum terrenarum. Timor fortissimos reddit pœnitentes ad portanda onera pœnitentiæ. Timor carcerem inferni, mortem, & tormenta quæ hostis ei minatur: in gladium & ignem contra eum conuertit. Hæc sunt eius refugium, iis se tuetur contra tela inimici. In igne illo ardorem concupiscentiarum extinguit. De inferno quasi de turri fortissima tela hostium despicit: timor ad infernum confugiens, ab illo maxime fugit. Item timor hominem obedientem reddit. Ecclesiast. 2. *Qui timent Dominum,*

*inquirent quæ beneplacita sunt ei.* In eodem: *Qui timent Dominum, custodient mandata illius.* Genes. 22. dictum est Abraham obedienti. Nunc cognoui quod timeas Dominum. Gregor. 1. parte Moral. Deum timere est, nulla quæ facienda sunt præterire. Quomodo timor plenitudinem virtutum operetur, ostendit Bernardus ad fratres de monte Dei, loquens de ingratitudine Religiosorum: Timor Dei incipit operari omnium virtutum plenitudinem, dum per iustitiam, desert maiori; per prudentiam non credit se sibi, per temperantiam refugit discere, per fortitudinem totum se obedientiæ subdit non discernendæ, sed adimplendæ. Item timor Domini est fons vitæ indeficiens. Prou. 14. *Timor Domini, fons vitæ ut declinet à ruina mortis.* Eiusdem 10. *Timor Domini apponet dies.* Prouerb. 19. *Timor Domini ad vitam,* supple seruandam. Item timor Domini hominem glorificat. Humiliat enim hominem, *humilem uero spiritus suscipiet gloria.* Prou. 29. Ecclesi. 1. *Timor Domini gloria & gloriatio.* Eiusdem 1. *Semen hominum honorabitur hoc quod timet Deum.* Eiusdem 25. *Gloria senum timor Domini:* Iudith vlt. *Qui timent te, Domine, apud te magnierunt per omnia.* Prou. vlt. *Mulier timens Deum, ipsa laudabitur.* Ecclesiast. 25. *Quam magnus est, qui inuenit sapientiam & scientiam, sed non est super timentem Deum.* Item timor Dei dum vana delectatione hominem cohibet, veram delectationem Dei meretur. Ecclesi. 1. *Timor Domini letitia, & corona exultationis.* In eodem: *Timor Domini delectabit cor, & dabis letitiam & gaudium in longitudine dierum.* Timor Domini est sicut ventus aquilo dissipans pluuias. Prouerb. 15. Ipse nubes carnalium cogitationum & affectionum fugat, & mentem serenat, riuos concupiscentiarum restringit, reptilia vitiorum de terra corporis humani exterminat, mare mundi consolidat, ut super illud ambulare quis possit: sicut fecit Petrus Matth. 14.

Vbi timor est, frigus est ardore desideriorum carnalium & secularium temperans. Timor medium fornacis Babylonice facit quasi ventum roris flantem. Dan. 3. Timor Dei adeo hominem meliorat, ut unus timens Deum mille aliis præferendus videatur. Ecclesiast. 15. *Melior est unus timens Deum, quam mille filij impij*. Bona etiam transitoria multum meliorare videtur, modicum enim cum timore Dei præferendum esse videtur multis diuitiis sine timore Domini, Prouerb. 15. *Melius est parum cum timore Domini, quam thesauri magni & insatiabiles*. Et ut breuiter dicamus: finis salubris doctrinæ videtur esse timor Domini. Eccles. vltim. *Finem loquendi pariter omnes audiamus. Time Deum, &c.* De timore dicitur, Esaia 11. quod Christum repleuerit, quum de aliis donis tantummodo dicat quod in Christo requiescerent. Timor Dei reple-re debet viros sanctos. Bernardus loquens de spiritu timoris: Nec mirum, iste est qui totum sibi debeat hominem vendicare.

Item: Non est quod admittas superbiam repletus timore Domini. Viri sancti timent semper & vbique. Eccle. 18. *Homo sapiens in omnibus metuit*. Prouerb. 28. *Beatus homo qui semper est pauidus*. Quod semper sit timendum, ostendit Bernard. super Cant. dicens: Quum adest gratia, time ne non dignè opereris ex ea. Amplius time subtractâ gratiâ, quia relinquit te custodia tua. Si redierit gratia multo amplius tunc timendum, ne forte contingat pati reciduum. Recedere enim quàm incidere deterius est, iuxta illud Ioann. 5. *Ecce iam sanus factus es: noli amplius peccare, ne deterius tibi aliquid contingat*. Aliæ tres causæ timoris possunt assignari.

Psal. 18. Quorum prima tangitur in Psal. *Delicta quis intelligit?* Delictum dicitur peccatum omissionis à delinquendo. Multi vero sunt qui licet non committant peccatū mortale, nesciunt tamen vtrum omittendo mortaliter peccent. Alia causa timoris

potest esse, quia multa videntur homini bona quæ Deus intelligit esse mala. Greg. Plerumque in conspectu fordet æterni iudicis quod in intentione fulget operâti. r. ad Cor. 4. *Nihil mihi conscius sum, sed non in hoc iustificatus sum*. Tertia causa est, quia nescit homo qualis futurus sit finaliter, licet in præsentī sit bonus. Eccles. 9. Sunt iusti atque sapientes, & opera eorum in manu Dei: & tamen nescit homo vtrum amore an odio dignus sit. Intellige finaliter.

Potest enim aliquis in memento cadere, & non adiiciet ut resurgat. Vbique timendum est, quia de quolibet statu aliqui damnantur. Osee 13. *Consolatio abscondita est ab oculis meis: quia ipse inter fratres dinidet*. Et loquitur de inferno. Matt. 24. *Duo in lecto, unus assumetur, & alius relinquetur*. Lectum intelligas quietem contemplationis. Timendum est homini ex omni parte. Homo enim est sicut castrum vndique portas habens per quas capi potest. Portæ istæ sensus sunt. Est etiam homo sicut castrum obsessum vndique ab hostibus. Sapient. 14. *Creatura Dei in odium facta sunt, & in tentationem anime hominum, & in musculam pedibus insipientium*. Viri sancti non solum timent in malis, sed etiam in bonis. Iob 9. *Verebar omnia opera mea*. Greg. Piatum mentium est, ibi culpam agnoscere vbi culpa non est. Idem: Si placere Deo veraciter cupimus postquam peruersa subegimus, ipsa in vobis bene gesta timeamus. Greg. in 2. parte Moral. Iusti omne quod agunt metuunt, dum cautè considerant antè quem iudicem stabunt.

## C A P V T I.

### De speciebus Timoris.

**N**Otandum quod super illud. Prou. 1. *Timor Domini, principium sapientiæ*, distinguit Gloss. Bedæ duas species timo-



ris his verbis: Duo sunt timores Domini: seruilis, qui principium sapientiæ est: & amicalis, qui perfectionem sapientiæ comitatur. Seruilis principium est sapientiæ: quia qui post errata sapere incipit: primo timore diuino corripitur ne puniatur, sed hunc perfecta charitas foras mittit. Succedit huic timor Domini permans in seculum seculi, quem non excludit charitas, sed auget, quo timet filius ne vel in modico oculos amantissimi patris offendat. Bernard. in sermon. distinguit tres species timoris, his verbis: Primus timor est, ne cruciatur in gehenna. Secundus, ne exclusi à visione Dei priuemur tam inestimabili gloria. Tertius rapiet animam omni sollicitudine timidam, ne fortè deseratur à gratia. Sed nec Beda, nec beatus Bernardus ponunt species timoris nisi diuini. Vnde possunt distinguere sex species timoris, vt enumerentur omnes species timoris, siue sit timor bonus, siue malus, vel neque bonus neque malus. Prima species timoris est timor naturalis, quo quilibet timet naturaliter nocuum naturæ. Hic timor non est meritorius, neque demeritorius, quia non subest libero arbitrio. Hoc timore timuit Christus naturaliter mortem. Matt. 14. *Cæpit Iesus pauere.* Secunda species est timor humanus: quum scilicet aliquis timet amplius debito corpori suo. Qui timor prohibetur Matth. 10. *Nolite timere eos qui occidunt corpus.* Et procedit ex nimio amore præsentis vitæ. Et sicut amor præsentis vitæ quandoque est veniale peccatum, vt quādo est citra Deum. Quandoque vero est mortale, vt quando non est citra Deum: Ita timor humanus, est veniale peccatum, quando oritur ex amore veniali. Quandoque mortale, vt cum oritur ex amore mortali. De quo amore Ioan. 12. *Qui amat animam suam, perdet eam.* Ex timore humano negauit Petrus Christum, Matth. 26. Marc. 14. Luc. 22. Tertia est, timor mundanus, quando aliquis nimis timet rebus suis:

Timoris  
species  
sex.

Iste timor fuit in Iudæis quum occiderent Christum. Ioann. 12. *Si dimittimus eum sic, omnes credent in eum, & venient Romani, & tollent locum nostrum & gentem.* Iste timor multum habet cruciatus. Aug. Diuitiæ plus excruciat adeptæ, amissionis timore; quā concupitæ, adeptionis ardore. Quarta species est, timor seruilis. Timor seruilis est, vt ait Aug. quum propter timorem gehennæ continet se homo à peccato. Et iste timor non est cum charitate. Vnde Aug. loquens de hoc timore: Inaniter, inquit, putat victorem se esse peccati, qui timore non peccat: quia si non impletur foris negotium malæ cupiditatis, ipsa tamen mala cupiditas intus est hostis. Idem: Ipsa voluntate reus est, qui vult facere quod non licet fieri: sed ideo non facit, quia non potest impune fieri. Nam quantum in ipso est, mallet non esse iustitiam prohibentem atque punientem. Et vtique si mallet non esse iustitiam, quis dubitabit quod, si posset, eam auferret? Ac per hoc quomodo iustus est iustitiæ talis inimicus? vt si potestas detur, præcipientem auferat, ne comminantem vel iudicantem ferat. Inimicus ergo iustitiæ est, qui præ timore non peccat. Amicus autem erit, si eius amore non peccet. Item super illud Psal. 117. *Confite timore tuo carnes meas.* Dicit gloss. Timor legis seruilis pædagogus in me præcessit, qui ad castrum duxit, sed non crucifixit carnem: quia viuuit peccandi voluntas, & sequeretur opus si speraretur impunitas. Et secundum hanc glossam, non solum vocatur timor seruilis, quando aliquis dimittit peccare timore pænæ futuræ, sed quando dimittit peccare timore pænæ temporalis: vt faciebant multi in veteri lege, & vt fit hodie in multis Religionibus, Rom. 8. *Non accepistis spiritum seruitutis iterum in timore, &c.* Timor seruilis est quasi vestis de sacco, cum quā nullus ingreditur regnum cælorum. Non licebat indutum sacco ingredi aulam Assueri. Esther. 4.

Quinta species est, timor initialis, qui est cum imperfecta charitate. De quo 1. Ioan. 4. Perfecta charitas foras mittit timorem, quoniam timor pœnam habet. Gloss. Timorem illum de quo dicitur: *Initium sapientia timor Domini.* Quo timet quisque incipiens opera iustitiæ, ne veniat districtus iudex, & se minus castigatum damnet. Qui habet hunc timorem, timet puniri; & timet à Deo separari quem iam amat: sed timor separationis principalior est. Sexta species est, timor filialis, qui est cum perfecta charitate, qui secundum aliquem vsum suum manebit in patria. De quo in Psalm. *Timor Domini sanctus permanet in seculum seculi.* Qui habet timorem filialem, canet offensam patris celestis, sicut bonus filius, etiam si sciret ex illa offensa nihil mali sibi accidere. Cum illo timore securitas est, quum assit perfecta charitas 1. Ioan. 4. *In hoc perfecta est charitas Dei nobiscum, ut fiduciam habeamus in die iudicii: quia sicut ille est, & nos sumus in hoc mundo.* Gl. Per hoc habemus fiduciam, quia imitamur perfectionem dilectionis eius in hoc mundo, amando scilicet inimicos. Vbi est perfecta charitas, deest remorsio conscientia, & timor æternæ pœnæ. 1. Ioan. 4. *Qui timet, non est perfectus in charitate.* Gloss. super illud, Charitas foras mittit timorem. Perfecta charitas perfectam iustitiam facit: nec habet vnde timeat, sed desiderat. Dicuntur sancti maxime timere gehennam, quia maxime cauent ea quæ ad gehennam ducunt. Greg. super Iob: Mens plus illuminata, plus timet. Hieron. Prudenter timeatur quidquid accidere potest. Vsus timoris filialis in patria, dicitur esse quædam resiliatio à Dei altitudine in propria paruitatem. Poterit tamen videri alicui quod timor filialis in patria, sit voluntas cauendi Dei offensam, vel quædam fuga spiritualis diuinæ altitudinis, qua scilicet electi refugiunt se æquare Deo, volentes esse ei subiectissimi. Et notandum quod cum timor sit fuga mali, malum verò di-

uidatur in malum pœnæ & malum culpæ, timor filialis fugit malum culpæ, scilicet Dei offensam: timor verò naturalis, naturaliter fugit malum pœnæ; Fuga verò mali pœnæ voluntaria pertinet ad alias quatuor species timoris: malum pœnæ diuiditur in pœnam sensus, & pœnam damni: & vtrique diuiditur in temporalem pœnam & æternam. Fuga pœnæ sensus temporalis pertinet ad timorem humanum. Fuga verò pœnæ sensus æternæ, ad timorem seruilem. Fuga damni temporalis, ad timorem mundanum. Fuga damni æterni, ad timorem initialem. Item notandum quod timor sic describi potest: Timor est spiritualis fuga rei præpotentis vel excellentis. Et intelligas rem præpotentem, quæ præpotens est secundum suspicionem vel opinionem timentis. Res verò illa, vel est bona, vel est mala. Si bona, fuga illius pertinet ad timorem reuerentiæ. Si verò malum est, aut fuga illius mali est bona aut mala. Si mala est, pertinet ad timorem humanum, vel mundanum. Ad timorem humanum, si illud malum pertinet ad ipsam personam. Ad mundanum verò si malum illius pertineat ad damna rerum. Si verò fuga illa bona est, & est sine charitate, pertinet ad timorem seruilem. Si verò est cum charitate, sed imperfecta, pertinet ad timorem initialem. Si verò est cum charitate perfecta, pertinet ad timorem filialem. Et notandum quod cum aliquod periculum homini imminet, ipse timere debet eum qui habet omnia in sua potestate. Greg. Quicquid est quod exterius sæuit, per hoc ille metuendus est qui hoc interius disponit. Psal. *Timeat Dominum omnis terra.* Psal. 31. August. Si creaturæ sæuiant; Deum time, non illas, quia omnia sub ipso sunt. Gloss. Cupiditatem nocendi per te habes: potestatem autem nocendi si ille non dat, non habes. Ideo Deus homo stans ante hominem ait: *Non haberes in me potestatem, nisi esset datum tibi desuper.* Nec etiam ipse diabolus vel vnam ouiculâ potuit tollere viro

Timor  
Natura-  
lis quid  
fugiat;  
quidque  
Fidelis.

Timoris  
descri-  
ptio se-  
cundum  
Dama-  
scenum.

viro sancto Iob, nisi prius diceret: *Mitte manum tuam.* Iob 2. hoc est, da potestatem. 1. Mach. 2. *A verbis viri peccatoris ne timueritis: quia eius gloria stercus & vermis est; hodie extollitur, & cras non inuenietur.* Esa. 8. *Timorem eius, scilicet populi coniurantis contra me, Non timeatis, neque paucatis: Dominum exercituum ipsum sanctificate, ipse paor vester, & ipse terror vester.* Item Esa. 51. *Quistu ut timeas ab homine mortali, & à filio hominis qui quasi fenum arefcet?* Prou. 29. *Qui timet hominem, cito corruet: qui sperat in Domino, subleuabitur.* Item notandum quod Ioan. Damasc. distinguit sex species timoris, vnamquamque describens his verbis: Diuiditur timor in sex species: in segnitiam, erubescenciam, verecundiam, admirationem, stuporem, agoniam. Segnitias est timor futuræ operationis. Erubescencia timor est in expectatione conuiuij. Verecundia timor est in turpi facto. Admiratio est timor ex magna imaginatione. Stupor est timor ex inconsumeta imaginatione. Agonia est timor per casum: scilicet per infortunium. De erubescencia, dicit Ioan. Damasc. quod est optima passio. Philosophus de iuvene quodam: Erubuit: salua res est. Senec. in epistolis: Verecundia bonum in adolescēte signum est. Tullius in libr. de Offic. Sine verecundia nihil rectum esse potest, nihil honestum. Bernard. super Cant. Nescio si quicquam gratius verecundiā in moribus hominum deprehendi queat. Verecundia omnium est ornatus ætatum: sed in tenera ætate amplius pulchriusque enitescit. Quid ambilius verecundo adolescente? quā pulchra hæc, & quā splendida gemma morum in vultu adolescentis, quā vera & minimè dubia, bonæ nuntia spei, bonæ indolis index est. Quid ita? turpiloquij & omnis deinceps turpitudinis fugituum. Soror est continentia. Nullum est æque manifestum signum colubinae simplicitatis. Et ideo testis est innocentia. Lampas est pudicæ mentis iugiter lucens:

vt nihil in ea turpe vel indecorum reside-  
re attentet quod non illico prodatur. Idem:  
Verecundia spiritualis gloria est conscientia, famæ custos, vitæ decus, virtutis sedes, virtutum primitiæ, naturæ laus, insignis totius honesti. De erubescencia bona vel mala, require in tractatu de superbia, vbi agitur de ornatu mulierum.

## CAPVT IV.

*De his quæ possunt incutere Timorem,  
De attendendis circa extremum iudicium:  
Et varietate, acerbitate, & infinitate poenarum infernalium.*

**D**Vodecim sunt quæ possunt homini incutere timorem. Primum est, consideratio lacrymarum Christi. Verisimile est statum illum valdè periculosum esse pro quo Deus fleuit. De lacrymis Christi habetur, Luc. 19. *Videns Iesus civitatem, fleuit super illam.* Et Ioan. 14. *Et lacrymans est Iesus.* Et 5. ad Hebr. *Cum clamore valido & lacrymis preces offerens exauditus est pro sua reuerentia.* Bernard. compatitur Dei filius, & plorat: homo patitur, & ridebit. Secundum est consideratio passionis Christi. Ex consideratione remediij, periculi mei æstimo quantitatem. Filius enim occidi iubetur, vt vulneribus meis pretioso sanguinis illius balsamo medeatur. Agnosce, homo, quā graua sint illa vulnera pro quibus necesse est Christum Dominum vulnerari. Sic medicinae æstimatio, & timoris & doloris est exaggeratio. Tertium est, consideratio culpabilitatis nostræ. Si enim timet aliquis, quā scit se reum esse vnus criminis in curia alicuius terreni principis: quantum timere potest, qui tot & tantorum criminum scit se reum esse apud districtissimū iudicem? Legitur de quodam rege nobilissimo qui fuit in Græcia, qui memor malorum suorum & diuini iudicij, semper tristis erat, etiam cum solemnitates cum

Timorē  
homini  
12. incu-  
tiunt.

Fff

principibus suis celebrabat. Qui interrogatus super hoc à quodam fratre suo, voluit ei causam suæ tristitiæ ostendere, & misit buccinatores suos ante portam eius, quod secundum consuetudinem illius regni certissimum erat signum mortis. Et cum frater regis ad regem esset adductus, & non modicum timeret, & valdè tristis esset, requisivit rex quare non gauderet. Cui cum frater respondisset, quomodo in statu tali gaudere posset, indicauit ei rex causam tristitiæ suæ. Si enim ille tantum timebat qui sciebat regem esse fratrem suum, & qui in nullo sciebat se esse culpabilem apud eum, quia aliqua signa offensæ regis audierat: meritò timere poterat qui in tot & tantis sciebat culpabilem se esse apud Dominum maiestatis. Hieronym. in epistolis. Si tanta cura pertimescitur iudicium pulueris, qua intentione cogitandum est, qua formidine præuidendum tantæ iudicium maiestatis. Quartum est consideratio humanæ infirmitatis & impatientiæ. Aded enim sunt homines impatientes, quod musca vna, si eos diu infestauerit, facit eos irasci quandoque vsque ad Dei blasphemiam. Et modica pœna temporalis quandoque affligit hominem vsque ad tædium vitæ: vt patet in Elia 3. Reg. 19. qui petiit animæ suæ vt moreretur. Quintum est, misericordia quam Deus exhibet hominibus in præsentem. Secundum enim magnitudinem misericordiæ in præsentem, erit magnitudo iustitiæ in futuro. Sicut enim Deus est summè misericors, ita summè iustus. Et sicut opera misericordiæ ipsius in præsentem reputantur stultitia, comparatione facta ad hominum misericordiam: Sic iustitia eius in futuro furor hominibus apparebit. Naum 1. *Pluriscens Deus, & habens furorem.* Furor videbitur quando peccatores, pro quorum salute mori voluit, in ignem proiciet, nec eos de cætero ab igne eruet. Sicut mulier furibunda iudicaretur, si filium suum in ignem projiceret, & inde extrahi non permetteret. Sexto vale-

re possunt ad timorem incutiendum opera iustitiæ, quæ legitur Deus fecisse in mundo isto: vt est vindicta quam sumpsit de Lucifero, & angelis qui ei adhaeserunt, quos propter peccatum superbiæ irremediabiliter damnauit. Luc. 10. *Videbam Satanam quasi fulgur de cælo cadentem,* 2. Pet. 2. *Si Deus Angelis peccantibus non pepercit, sed rudentibus inferni detractos in tartarum tradidit,* &c. Gloss. Rudentes sunt funes quibus nautæ vela suspendunt, vt flante aura portus tranquillitatem relinquunt, seque ambiguis fluctibus credant: quibus rudentibus conuenienter immundorum spirituum conamina comparantur, qui mox vt flante superbia impulsæ se aduersus creatorem erexerunt: ipsis elationis suæ conatibus in abyssi profundum sunt rapti. Aliud opus iustitiæ est, pœna mundo inflicta pro peccato primorum parentum. Pro peccato enim gulæ totus mundus adiudicatus est morti temporali, & aliis miserijs huius exilij. Aliud opus iustitiæ fuit diluuium quo totus mundus pro peccato carnis est submersus, exceptis octo animabus. Genes. 7. Iob 26. *Quam vix paruum stillam sermonis eius audierimus, quis poterit tonitruum magnitudinis eius intueri?* Tonitruum intelligas terribilem aduentum maiestatis eius, vel sententiam dandam in extremo iudicio. Stillam sermonis, intelligas iustitiam præsentem. Septimò, facilitas pereundi & spiritualiter & corporaliter, quæ est in mundo isto, propter quam in vmbra mortis dicimur esse. Esa. 9. *Habitantibus in regione vmbre mortis lux orta est eis.* Luc. 1. *Fisilianus nos oriens ex alto: illuminare his qui in tenebris & in vmbra mortis sedent.* Octauò, Dei omnipotentia, cui nemo potest resistere, & quam nemo potest effugere. In Psalm. *Qui novit potestatem iræ tuæ?* Psalm. 47. *Plurionem capiam & non resistet mihi homo.* Luc. 12. *Illum timeate qui postquam occiderit, habet potestatem mittere in gehennam.* In Psalm. *Si ascendero in co-*

*lum, tu illic es: si descendero in infernum, ades, &c.* Nonò, Dei sapientia lucide videns omnia, cui nihil prodest abscondi. 1. Reg. 16. *Deus intuetur cor.* Boëtius: Magna nobis, si dissimulare nolumus, indicta est probitatis necessitas: quum agamus coram oculis iudicis cuncta cernentis. Decimò, zelus diuinæ iustitiæ, qui ex hoc apparet quod Deus pater potius voluit ut eius vnigenitus pœnam, quam debebat humanum genus, solueret, quàm ipse eam remitteret. Rom. 8. *Qui proprio filio suo non pepercit.* Bernard. super Cantic. Qui non parcat filio, nunquid parcat figmento? nunquid parcat seruo nequam? Luc. 23. *Si in viridi ligno hæc sunt, in arido quid fiet?* Vndecimum, extremum in licium, circa quod multa attendenda sunt quæ valere possunt ad incussionem timoris. Primum est hoc, quod Scriptura sacra in tot locis comminationes facit pertinentes ad hoc iudiciū. Deuter. 32. *Si arripueris iudiciū manus mea, reddam ultionem hostibus meis: & his qui oderunt me, retribuam: inebriabo sagittas meas sanguine, & gladius meus deuorabit carnes,* id est, carnaliter viuentes. Iob. 19. *Fugite à facie gladij, quia ultor iniquitatis, gladius est, & scitote esse iudiciū.* In Ps. *Quum accepero tempus, ego iustitias iudicabo.* Esa. 13. *Uulgate quia prope est dies Domini.* In eodem: *Eccē dies Domini veniet crudelis & indignationis plenus, & ira furorisque.* Ierem. 46. *Dies ille Domini Dei dies ultionis, ut sumat vindictam de inimicis.* Ezechiel 1. *Prope est dies occisionis,* Joëlis 2. *Prope est dies tenebrarum & caliginis, dies nubis & turbis.* In eodem: *Magnus dies Domini & terribilis valde, & quis sustinebit eum?* Amos 5. *Vae desiderantibus diem Domini.* Sophon. 1. *Vox diei Domini amara, tribulabitur ibi fortis.* In eodem: *Dies ira, dies illa, dies tribulationis & angustia.* Malach. 4. *Eccē dies veniet succensa quasi caminus, & erunt omnes superbi, & omnes facientes impietatem, stipula:* In eodem: *Eccē ego mis-*

*tam vobis Eliam Prophetam, antequam veniat dies Domini magnus & horribilis.* Hebr. 10. *Terribilis est expectatio iudicij, & ignis æmulatio quæ consumptura est aduersarios.* In eodem: *Horrendum est incidere in manus Dei viuentis.* Secundum est, sollicitudo quam habebant amici Dei antiquitus de hoc iudicio. Iob 31. *Quid faciam quum surrexerit ad indicandum Deus? & quum quaesierit, quid respondebo ei?* Eiusdem decimo quarto. *Quis mihi tribuat ut in inferno protegas me, & abscondas me donec pertranscat furor tuus?* Hieronym. Siue comedam, siue bibam, siue aliquid aliud faciam semper insonare videtur auribus meis illa terribilis tuba. *Surgite mortui, venite ad iudiciū.* In Psalm. *Domine, ne in furore tuo arguas me.* Psal. 6. In Vitis Patrum dixit Abbas Amon cuidam fratri interroganti aliquem sermonem. Vade, & fac talem cognitionem tuam, qualem faciunt illi qui sunt in carcere. Illi enim interrogant homines, ubi est iudex, & quando veniet, & in ipsa expectatione pœnarum suarum plorant. Sic & monachus debet animam suam obiurgare, dicens: Vae mihi! si non cogitauero quomodo habeo astare ante tribunal Christi, & actuum meorum reddere rationem. Si sic semper meditatus fueris, poteris saluus esse. Tertiò, attendenda sunt signa terribilia præcedentia iudiciū. Quinque signa tanguntur, Luc. 21. *Erunt signa in Sole & Luna, & stellis, & in terris præfara Gentium, præ confusione sonitus maris & fluctuum.* Duo prima specificantur Ioël. 2. ubi dicitur: *Sol conuertetur in tenebras, & luna in sanguinem, antequam veniat dies Domini magnus & horribilis.* De tribus simul habetur Apoc. 6. *Vide & ecce terra motus factus est magnus, & sol factus est niger tanquam sacculus cilicinus, & luna tota facta est sicut sanguis, & stelle cæli ceciderunt super terram, sicut ficus emittit grossos suos quum à vento magno mouetur.* De eisdem similiter habetur, Matth. 24. *Sol obscurabitur & luna non*

Circa  
extremū  
iudiciū  
quæ &  
quot at-  
tenden-  
da.

psal. 74.

Signa  
præcedē-  
tia diem  
iudicij  
quot.

*dabit lumen suum, & stella cadent de caelo.*

De quarto signo quod erit pressura in terris, legitur similiter, Matth. 24. *Erit tunc tribulatio qualis nunquam fuit ab initio mundi usque modo, neque fiet.* Quintum signum est confusio maris: quam confusionem aliqui æstimant fore quòd mare cum fragore magno peribit, secundum illud, Apocal. 21. *Et mare iam non est.* Hieron. in Annalib. libris Hebræorum, inuenit quindecim signa, quindecim dierum ante diem iudicii: sed utrum continui futuri sint dies illi, an interpolati, non expressit. Prima die eriget se mare quadraginta cubitis super altitudinem montium, stans in loco suo quasi murus. Secundò, tantum descendet ut vix videri possit. Tertiò, marinæ belluæ apparentes suprà mare dabunt rugitus usque ad cælum. Quartò, ardebit mare & aqua. Quintò, herbæ & arbores dabunt rorem sanguineum. Sexto, ruent ædificia. Septimò, petrae adinuicem collidentur. Octauò, generalis fiet terræ motus. Nonò, æquabitur terra. Decimò, exibunt homines de cauernis & ibunt velut amentes & non poterunt mutuò loqui. Vndecimò, surgent ossa mortuorum, & stabunt supra sepulchra. Duodecimò, cadent stellæ. Tertiodecimò, morientur homines viuentes tunc, ut cum mortuis resurgant. Quartodecimò, ardebit cælum & terra, scilicet superficies terræ & aëris. Quintodecimo fiet cælum nouum & terra noua, & resurgent omnes. Et possunt assignari sex causæ quare signa iudicium præcedēt. Prima, ut magnum malum futurum nuntient, Greg. in homil. illius Euang. *Erunt signa in Sole, &c.* Quid terrores quos cernimus, nisi sequentis iræ præcones dixerim? Item in homilia illius Euangelij: Cùm audieritis prælia. Vltima tribulatio multis tribulationibus præuenitur, & per crebra mala quæ præueniūt, indicātur mala perpetua quæ subsequētur. Et subdit Gr. Multa debēt mala præcurrere, ut malum valeant

Iudiciū  
extremū,  
quare il-  
ligna cer-  
ta præ-  
cedent.

sine fine nuntiare. Secunda causa est quam tangit Gregor. in eadem homil. dicens: Quia in cunctis delinquimus, in cunctis ferimur. Et subdit: Omnia quæ ad vsum vitæ accepimus, ad vsum conuertimus culpæ: sed cuncta quæ ad vsum prauitatis infleximus, ad vsum nobis conuertuntur ultionis. Tertiā causam tangit Beda, dicens: Appropinquante suo termino, elementa quasi pauida nutant & tremunt. Quarta causa est, ut scilicet creaturæ ostendantur paratæ esse ad vlciscendum creatorem de hostibus suis. Imminente bello solet fieri armorum ostensio, & faciunt principes ut subditi eorum armati conueniant: sic fiet antequam Deus vindictamumat de inimicis suis. Sapient. 5. *Accipiet armaturam zelus illius, & armabit creaturam ad ultionem inimicorum.* Eiusdem 16. *Creatura tibi factori deserviens exardeſcet in tormentum aduersus iniustos.* Quinta causa tangitur super illud Esa. 24. *Erubescet luna, & confundetur sol.* Gloss. Cernens illos qui eius lumine fruebantur, nihil dignum Dei bonitate fecisse. Sexta est, ut sint incitamenta doloris. Chryf. Patrefamilias moriente, domus eius turbatur, familia plangit & nigris se vestimentis induit. Sic humano genere, propter quod facta sunt omnia, circa finem constituto, totus destruitur mundus. Cæli ministeria lugent, & candore deposito tenebris induuntur. Quartò, attendenda sunt insignia passionis Christi: scilicet crux, clauis, lancea, quæ ante Iudicem erunt, & in carne eius videbuntur cicatrices, ut videant in quem pupugerunt. Zach. 9. & Apocal. 1. Tunc peccatoribus exprobrabitur magnum beneficium eis exhibitum, scilicet beneficium passionis Christi, & requirer Christus mortem suam ab eis tanquam pretium quod pro eis dedit, cum seipsos ei abstulerint, quos ita care emerat, & ostendetur magna ingratitudo eorū qui semel crucifixum pro eis iterum crucifixerunt. Hebr. 6. *Rursum crucifigentes in semet-*

*ipsis Filium Dei.* Vnde multum confundentur insignia passionis Christi videntes. Matth. 24. *Tunc apparebit signum Filij hominis in celo.* Chrysost. Non erit tunc necessitas accusationis, cum viderint crucem, & ipsum Christum habentem in corpore suo testimonia passionis. Quinto, attendenda est curæ illius magnitudo coram quâ reprobi confundentur. Totus enim mundus erit congregatus ibi. Ioël. 2. *Congregabo omnes gentes, & deducam eas in vallem Iosaphat, & disciprabo cum eis.* Matth. 25. *Sedebit super sedem maiestatis suæ & congregabuntur ante eum omnes gentes,* ad Rom. 14. *Omnes stabimus ante tribunal Christi.* Canon. Iudæ: *Ecce venit Dominus in sanctis milibus facere iudicium, &c.* Sexto, Iudicis summa potestas à qua non licebit appellare: *Non est qui de manu eius possit eruer.* Iob 10. Septimo, Iudicis perspicacitas, qui in eis quæ modo videntur esse iustitiæ, iniustitiam agnosceret. In Psalm. *Cum accepero tempus ego iustitias iudicabo.* Isid. Ad districti examen Iudicis, nec iustitia iusti secunda est, nisi pietate diuina, ut & ipsa iustitia qua quisque iustus est, Deo iustificata, nec iustificetur. Iudex ille non solum magna, sed etiam parua quæ nunc vilipenduntur in iudicium adducet. Eccles. 12. *Cuncta quæ sunt adducet Deus in iudicium.* Et super illud Iob 3: *Nonne ipse considerat vias meas, &c.* dicit gloss. Sic Deus vniuscuiusque vias considerat: sic gressus dinumerat, ut nec minutissimæ cogitationes eius iudicio, nec verba tenuissima, quæ apud nos usu viluerunt, indiscussa remaneant. De cogitationibus dicitur Sapient. 6. *Item cogitationes vestras scrutabitur.* De verbis Matth. 12. *De omni verbo otioso quod locuti fuerint homines, reddent rationem in die iudicii.* Etiam de tempore quod hodie multum vilipenditur, ratio exigitur. Bern. Omne tempus tibi impensum, requiratur qualiter fuerit à te expensum. Item: Sicut capillus non perit de capite: ita nec mo-

mentum peribit de tempore. Iudex scrutabitur Ierusalem in lucernis. Soph. 1. Nec solum exigit rationē de peccatis propriis, sed quodāmodo de alienis. Gen. 4. *Vbi est Abel frater tuus? Ezech. 3. & 33. Sanguinē eius de manu tuā requiram.* Iudex rationē exigit etiā de bonis quæ ipse homini cōmisit, siue sint bona naturæ, siue fortunæ, siue gratiæ, & de malis quæ ei dimisit. Itē exigit rationē de malis operibus quæ homo commisit, & de bonis operibus quæ omisit Octauo, Iudicis inflexibilitas: quia si beata Virgo & omnes Angeli & Sancti & Sanctæ rogarent in iudicio pro aliquo qui tunc esset in mortali peccato, Iudex non exaudiret eos. Prou. 6. *Zelus & furor viri non parcat in die vindictæ, non acquiescet cuiusquam precibus, nec suscipiet pro redemptione dona plura.* Chrys. Tunc nec diuitiæ diuitibus profunt, nec parētes parentibus intercedunt, nec angeli (sicut solebāt) pro hominibus faciunt verbū, quia natura iudicii non recipit misericordiam. Prou. 11. *Non proderūt diuitia in die ultionis.* Nond, magnus zelus Iudicis. De quo zelo in multis ocis loquitur Scriptura sacra. Dan. 7. *Thronus eius flāma ignis.* Mal. 3. *Quis stabit ad videndum eum? Ipse enim quasi ignis constans.* Sap. 5. *Accipiet armaturā zelus eius.* Esa 30. *Ardens furor eius, & gravis ad portandum.* Eiusd. 66. *Ecce Dominus in igne veniet.* Apoc. 6. *Dicent montibus & petris: Cadite super nos, & abscondite nos à facie sedentis super thronum, & ab ira Agni: secundum Augustinum mallent reprobi omne tormentum sustinere, quā faciem Iudicis irati videre.* Decim: o, causæ magnitudo: magnū enim est de quo erit illud iudicium. Ille enim qui obtinebit in illo iudicio, adiudicabit regnum æternum. Ille vero qui cadet à causā illa, adiudicabitur mortis æternæ. Matth. 25. *Ibunt hi in supplicium æternum, iusti autem in vitam æternā.* Vnde decimo, terribilitas sententiæ, quæ tonitruum dicitur, Iob. 26. *Quis poterit tonitruum magnitudinis eius insuere?* Greg. in Moral.

Quis eius iram toleret, cuius & ipsa non potuit mansuetudo tolerari? August. super Ioan. Qui ceciderunt ad vnam vocem Christi morituri. Ioann. 18. *Quid facient sub voce iudicaturi?* Eiaiz 30. *Labia eius impleta sunt indignatione, & lingua eius quasi ignis deuorans.* Osee 11. *Quasi leo rugiet.* Amos 4. *Leo rugiet, quis non timebit?* Zach. 9. *Exibit ut fulgur gladius eius.* Apoc. 1. & 19. *De ore eius gladius ex-vtraque parte acutus exibat. Gladius acutus ex vtraque parte est sententia quâ anima cum corpore damnatur. Duodecimo, sententia irreuocabilitas. Euolat enim emissum irreuocabile verbum iudicis. Tertio decimo, multitudo ministrorum ad executionem sententia paratissimorum.* Matth. 13. *In consummatione seculi, mittet Filius hominis angelos suos, & colligent de regno eius omnia scandala, & eos qui faciunt iniquitatem: & mittent eos in caminum ignis.* In eodem: *Sic eris in consummatione seculi: exibunt angeli, & separabunt malos de medio iustorum, & mittent eos in caminum ignis.* Quarto decimo, angustia reproborum. Greg. *O quam angustia erunt vndique reprobis viae. Superius erit iudex iratus, subitus horrendum chaos inferni, à dextris peccata accusantia, à sinistris infinita dæmonia ad supplicium trahentia, intus conscientia vrēs, foris mundus ardens, miser peccator sic deprehensus quod effugiet? Latere erit impossibile, apparere intolerabile. Si quaeris, quis te accusat? Dico, totus mundus: non offenso creatore totus mundus perditum habet odio. Mundus persequetur eum flamma & igne.* In Psal. *Sicut ignis qui comburit syluam, & sicut flamma comburens montes: ita persequeris eos in tempestate tua.* Item: *Ignis ante ipsum praecedet, & inflammabit in circuitu inimicos eius.* Angustia reproborum ostenditur, Eia. 2. *Ingrederet in petram, & abscondere in fossa humo à facie timoris Domini.* In eodem: *Introibunt in speluncas petrarum, & in voragines terra à facie formidinis*

Psal. 13.

Psal. 49.

Domini. Apocal. 9. *In diebus illis quærent homines mortem, & non inuenient: & desiderabunt mori, & fugiet mors ab eis.* Quinto decimo, impotentia reproborum qui non poterunt resistere: sicut nec palea resistere potest igni, vel aliquis ligatus his qui eum ligauerunt. Matthæi 3. *Paleas comburet igni inextinguibili.* Eiusdem 13. *In tempore messis dicam messoribus: Colligite primum thizania, & alligate eas in fasciculos ad comburendum.* Chrys. Nec resistendi virtus, nec fugiendi facultas, nec poenitentia locus, nec satisfactionis tempus. Ex angustia omnium rerum nihil remanet nisi luctus. Matth. 24. *Tunc plangent omnes tribus terra.* Sexto decimo, defectus auxilij, quia non audebit nec angelus nec aliquis sanctus pro aliquo damnato rogare. Christus qui tantum homines dilexit quod dedit semetipsum pro eis, ridebit de damnatione eorum. Prou. 1. *Ego quoque in interitu vestro ridebo.* Sancti etiam, qui pro salute hominum morti se exposuerunt, lætabuntur; quia videbunt Dei contumeliam vindicari. In Psal. *Psal. 37. Latabitur iustus cum viderit vindictam.* Nec compatiuntur sancti miseria reproborum. Vnde Gloss. super illud Luc. 16. *Inter nos & vos magnum chaos firmatum est, &c.* Iustorum animæ etsi in naturæ suæ bonitate misericordiam habent, iam tunc auctoris sui iustitiæ coniunctæ tanta rectitudine constringuntur, ut nulla ad reprobos compassione moueantur. Decimo septimo, denudatio peccatorum. Ecclesiast. 11. *In fine hominis denudatio operum illius.* Eia. 47. *Reuelabitur ignominia tua, videbitur opprobrium tuum.* Ierem. 10. *Confundentur vehementer, quia non intellexerunt opprobrium sempiternum quod nunquam delebitur.* Naum. 3. *Reuelabo pudenda tua in facie tua, & ostendam gentibus nuditatem tuam, & regnis ignominiam tuam.* Matth. 10. *Nihil opertum quod non reueletur, &c.* 1. Corinth. 4. *Veniet Deus, qui & illuminabit abscondita tenebrarum, & manifestabit consilia cor-*



*dium. Decimo octauo, aduersarii erunt multi, & fortes aduersabuntur peccatoribus, & angeli, & homines. Iob 10. Reuelabunt celi iniquitatem eius, & terra consurget aduersus eum. Loquitur de impio. Aduersabuntur eis non solum dæmones, sed etiam ipsi sancti. Sapient. 5. Tunc stabunt iusti in magna constantia aduersus eos qui se angustiauerunt & qui abstulerunt labores eorum. Maximi aduersarii erunt peccata quæ damnandos tradent. Sap. 4. Veniens in cogitatione peccatorum timidi, & traducunt eos ex aduerso iniquitates eorum. Decimo nono, certitudo reatus. Ad certitudinem istam faciet hoc, quod ipse iudex erit testis. Ipso enim vidente peccata sunt commissa. Hieronym. 29. Ego sum iudex & testis, dicit Dominus, Malach. 3. Accedam ad vos in iudicio, & ero testis reus malefactoris & adulteris & periuris. Item ad certitudinē faciet quod ipsi peccatores habebunt literas propria manu scriptas in conscientiis suis quæ testificantur contra eos. Daniel. 7. Iudicium sedit, & libri aperti sunt. Libri, inquam, conscientiarum. Apocalyp. 20. Iudicati sunt mortui ex his quæ scripta erant in libris, secundum opera eorum. Vigesimo, virtutum cœlestium commotio. Matth. 24. Virtutes cœlorum mouebuntur. Chrysost. Si rex terrenus processurus contra aliquem, expeditionem mandat in populo, dignitates omnes mouentur, exercitus exercitatur, tota ciuitas feruet: quanto magis rege cœlesti exigente iudicare vivos & mortuos, angelicæ virtutes commouentur, terribiles ministri terribiliorem Dominum præcedentes? Iob. 16. Columnæ cœli contremiscunt, & paueant ad iratum eius. Interl. Non timore pœnali, sed admiratione. Hieron. Quid faciet virgula deserti, vbi concutitur cedrus paradisi? Ad hoc iudicium valde districtum perueniendum est in præsentī, vt rationem reddamus coram vicariis Christi. In Psal. Beati qui custodiunt iudicium, & faciunt iustitiam in omni tempore. Hæc com-*

*putatio frequenter facienda esset, & stricte frequenter propter labilitatem memoriarum. Bernard. Computatio dilata, implenda faciet obliuisci. Stricte, ne minima prætereantur. Matth. 10. Omnes capilli capitis vestri numerati sunt. Ex hoc quod non cogitatur hoc iudicium multa mala proueniunt. In Psal. Inquinata sunt via illius psal. 9. omni tempore. Et subditur causa: Auferruntur iudicia tua à facie eius. Prou. 28. Viri iniqui non cogitant iudicium: qui autem requirunt Dominum, animaduertunt omnia. Eccles. 18. Ante iudicium interroga te ipsum. Cogitandum esset illud iudicium cum aliquid graue pro Deo toleratur. Gregorius in homil. Illum diem, fratres charissimi, illum ante oculos ponite, & quicquid modò graue cernitur, in eius compassione vigetur.*

#### De pœnis Inferni.

**D**Vodecimum, valere potest ad incutiendum timorem consideratio pœnarum futurarum. Circa quas multa attendenda sunt. Primum est, acerbitas earum. Grauiissima enim pœna quæ in hoc mundo toleratur, minor est etiam pœnâ purgatorij. August. Miro modo, licet æternus non sit, grauis est ignis ille: exuperat enim omnem pœnam quam aliquis in hoc mundo perpeffus est. Secundum est, pœnarum diuersitas, & inueniuntur in sacra Scriptura nomen pœnæ. Prima est, ignis: Secunda, vermis, de quibus, Esa. vlt. Vermis eorum non morietur & ignis eorum non exstinguetur. Iudith. 16. Dabit eis ignem, & vermes in carnes eorum, & vorantur & sentiant usque in sempiternum. Iob 10. Denouauit eum ignis qui non succenditur. Non est necesse quod ignis ille succendatur, cum nunquam extinguatur. Eccles. 7. Vindicta carnis impij, ignis & vermis. Eiusd. 21. Stupa collecta synagoga peccantium, & consummatio eorum flamma ignis. Apocal. 20. Qui non est inuentus in libro vitæ scriptus, missus est

Pœna inferni  
multa  
plex.

*in stagnum ignis. Matth. 25. Discedite à me maledicti in ignem eternum. Luc. 16. Crucior in hac flamma, ait diues epulo. Tertia est, fœtor quasi sulphuris. In Psal. Ignis, sulphur, & spiritus procellarum pars calicis eorum. Esa. 30. Flatus Domini quasi torrens sulphuris succendens eam. Apoc. 21. Pars illorum erit in stagno ardenti igne & sulphure. Quarta erit frigus, Matth. 13. Ibi erit fœtus & stridor dentium. Stridor dentium solet sequi frigus. Iob 24. Ad nimium calorem transiit ab aquis nium. Quinta erit fames. Esa. 65. Serui mei comedent, & vos esurietis: erit ibi tanta inopia, quod nec vnam guttam aquæ habere poterunt, vt patet in diuite epulone in inferno sepulto. Luc. 16. & Iob 27. Apprehendete eum, quasi aqua, inopia, vbi dicit gloss. Diues in inferno, cogente inopia, vsque ad minima petenda perductus est, qui sua tenacitate vsque ad minima neganda pauperibus relictus est. Item Greg. Guttam petiit qui micam negauit. Ibi erit tantus defectus boni, vt mors quæ in mundo isto præ cæteris timetur, ab hominibus desideretur. Apoc. 9. Desiderabunt homines mortem, & mors fugiet ab eis. Ibi habebit locum illud Eccl. 41. O mors! quam bonum est iudicium. Vtilius esset homini si tunc se interficere posset, quam si posset interficere diabolum: quia diabolo interfecto non cessaret cruciatus eorum. Ibi erunt septem anni magnæ penuriæ obliuisci facientes abundantiam præsentis vitæ. Gen. 41. Maxima penuria quæ erit ibi, erit priuatio diuinæ visionis. Greg. in Moralib. Fames interficit, quia suam faciem illis Redemptor abscondit. Sexta pœna erit tortorum. De qua Matt. 18. Tradidit eum tortoribus, donec redderet omne debitum. Septima erit horror tam loci, quam dæmonum. Iob 10. Ibi nullus ordo, sed sempiternus horror inhabitat. Eiusd. 20. Vident, & venient super eum horribiles. Si tantum horrorem habet homo quando videt in præsentem vnum dæmonem, quantus horror erit vbi tot*

horribiles apparebunt & magis horribiles, vt videtur, quam appareant in præsentem? Si vnus de ministris carceris infernalis tantum habet horrorem, quid habebit horroris ipse carcer? Octaua pœna & nona, erunt tenebræ & vincula. De quibus Matth. 22. Ligatis manibus eius, proticite eum in tenebras exteriores, secundum Greg. in Moral. ignis infernalis concremationem habet, sed lumen non habet: & non solum erit ibi pœnarum varietas, sed earum contrarietas. Greg. Horrendo modo tunc erit miseris dolor cum formidine, flamma cum obscuritate, & in eorum interitu ipsa à suis qualitatibus tormenta discordant, quia à conditoris voluntate dum viuerent discrepabant. Fit miseris mors sine morte, finis sine fine, defectus sine defectu: quia mors semper viuitt, & finis semper incipit, & defectus deficere nescit. Mors perimit & extinguit, dolor cruciat & pauorem non fugat, flamma comburit, sed tenebras non discutit: quia enim cum diabolo contra suum creatorem concordarunt, creaturæ contrariæ conuenient ad eorum pœnas. Item Greg. Sempiternus horror inhabitat: quia eius ignibus traditi, in suppliciis dolorem sentiunt; & in doloris angustia pulsati, semper pauore feriuntur, vt & quod timent tolerant; & rursus, quod tolerant sine cessatione pertimescant. Tertium, attendendum circa pœnas est earum diuturnitas. Matth. 15. Item maledicti in ignem eternum. Diuturnitas pœnæ multum affliget reprobos. Satis facile est iacere in vno lecto suauis & mundo: & tamen si alicui posito in tali lecto diceretur: Iace, & quiesce, quia oportebit te ibi iacere x x. annis: ipse responderet: Potius velle esse mortuus. Quid ergo erit de illo qui erit in igne ardenti, & sciet se mansurum ibi non tantum per x x. annos vel centum, vel mille, sed per infinita secula seculorum? In hac meditatione dicitur fuisse conuersus Falco, qui postea fuit Episcopus Tholosanus. Esa. 33. *Qui poterit habitare cum ardoribus*

*ardoribus sempiternis?* Iob. 20. *Luct qui fecit omnia, nec tamen consumetur.* Gloss. Ut sine fine crucietur, viuere sine fine cōpellitur. Interl. Cuius vita mortua fuit in culpa, eius mors uiuet in pœna. Augustin. 19. lib. de Ciuitate dei: Ibi dolor permanet ut affligat, & natura perdurat ut sentiat, quia utrumque non deficit, nec pœna deficiet. Quartum est, pœnæ vniuersalitas. Vniuersæ enim partes hominis post diem iudicii erūt in igne. Cum aliquis non posset sustinere ignem in minima parte digiti per vnam horam, quantus erit dolor quando totus homo erit in igne æternaliter? Augustin. 13. lib. de Ciuitate Dei: Nunquam erit homini peius in morte, quam ubi erit mors sine morte. Hier. Tanta in inferno erit vis doloris quod mēs ad aliud dirigi non poterit, nisi ad id quod vis doloris impellit. Signum huius doloris est, quod Dominus toties in Euangelio dicit: *Ibierit fletus, & stridor dentium.* Matth. 13. & 22. & 15. Si singulis diebus in quibus erunt damnati in inferno, flerent vnicam lacrymam materialem, plus exiret aquæ processu temporis ab vno damnato, quam omnia vasa huius mundi caperent. Quod patet ex hoc quod omnia vasa huius mundi finita sunt & numero & magnitudine: infinitis verò diebus erunt reprobi in inferno. Quintum est, consolationis defectus. Bern. Quid erit cum se viderit illa miseranda conditio omni consolatione nudatam in illas tenebras exteriores excuti, & ab illa beatorum Ecclesia perpetua excommunicatione excludi? Sextum est, pœnarum infernalium inutilitas. Præsens pœna est brevis, & levis, & fructuosa: sed futura est longa, & grauis, & infructuosa: quia si aliquis fleret in inferno tantum lacrymarum quantum est aque in toto mundo, non sufficeret ad ablutionem peccati vnius mortalis. Plus virtutis haberet hic lacryma, quam omnes illæ. Auguſt. de fide, ad Petrum: In inferno etſi erit stimulus pœnitudinis, nulla erit ibi correctio voluntatis, à quibus ita culpatur iniquitas

sua, ut nullatenus possit ab eis vei diligii vel desiderari iustitia.

Præter prædicta notandum, quod malis dolor veniet ex diuersis causis. Primo, ex bonorū temporalium amissione. In Psal. *Quum interierit, non sumet omnia, neque descendet, cum eo gloria eius.* Secundo, ex hoc quod tempus merendi transiit. Ierem. 8. *Transit æstas, finita est messis, & nos saluati non sumus.* Tertio, ex amissione æternæ gloriæ. In Psal. *Poneseos ut libellum ignis in tempore vultus tui:* i. e. dum sancti vultum vel faciem tuam videbunt. Chrysost. Omnes gehennæ superat cruciatus, carere bonis quibus in potestate habueris perfrui. Quarto, ex praua societate. Socios enim habebūt dæmones horribiles, & homines igne infernali exustos. Esa. 13. *Vnusquisque ad proximum suū stupabit, facies combustæ vultus eorum.* Naum 2. *Facies omnes sicut nigredo ollæ.* Ioel. 2. *Omnes vultus eius redigentur in ollam.* Quinto, ex loci qualitate qui erit tenebrosus & fumosus, quod valde graue erit diuitibus qui in præſenti domos volebāt habere sine fumo. Esa. 65. *Iſi fumi erunt in furore meo.*

Dolor dā  
natorum  
ex diuer-  
ſis causis.

Psal. 11.  
Psal. 10.

#### P A R S I V.

##### De Dono Pietatis.

**D**Onum Pietatis ascendendo est post donum Timoris. Augustin. in quodā sermon. de Timore: Esaias sapientiæ adiunxit intellectum, tanquam quærentibus, vnde ad sapientiam veniretur? Responderet, Ad intellectum. Vnde ad intellectum? A consilio. Vnde ad consilium? A fortitudine. Vnde ad fortitudinem? A scientia. Vnde ad scientiam? A pietate. Vnde ad pietatē? A timore. Gregor. super illud Iob 1. *Ibāt filij eius, &c.* videtur velle quod pietas prout est vnū de septē donis, pro misericordia sumatur. dicit enim, Pietas opera misericordiæ docet. Et pau'ò post dicitur

Ggg

in eadem Gloss. Pietas sine scientiæ discretione quomodo misereatur, ignorat. Gloss. verò super quintum Matthæi, videtur velle quod pietas sumatur pro cultu Dei, seu pro veneratione rerum sacrarum. Dicit enim: Secunda est pietas quæ conuenit mitibus, qui enim piè quærit, honorat sancta. Et idem videtur Augustinus cum Gregorio sensisse: quia secundum Augustinum: Pietas hominem iugo Dei subiicit, tanquam animal mansuetum. Sicut timor iugum diaboli abiicit: sic pietas Deum coli vel honorari facit. Et adaptatur donum timoris humilitati seu paupertati spiritus, quæ laqueos diaboli euadit: pietas verò mansuetudini, vnde dicit Augustinus: In timore cor contritum & humiliatū sacrificatur Deo. Vnde ascenditur ad pietatem vt non resistatur voluntati eius, vt dicatur: Non quod ego volo, sed quod tu. In timore Dei, Beati pauperes spiritu. In pietate vero, Beati mansueti. Et secundum veritatem misericordia & veneratio sanctorum concomitatur se. Misericors enim Deum veneratur in paupere: immisericors verò Deum in paupere despicit. Prouerb. 14. *Qui calumniatur regentem, exprobrat factori suo: honorat autem eum, qui misereatur pauperis.* Honorantur etiam angeli in pauperibus, quum pauperes honorantur propter angelos eis ad custodiam deputatos, & contemnuntur angeli in contemptu pauperum, Matth. 18. *Videte ne contemnat is vnum ex his pusillis: Dico enim vobis, quia angeli eorum in cælis semper vident faciem Patris mei qui in cælis est.*

Et notandum, quod aliquibus videtur pietas, prout est donum, differre à misericordia in hoc, quod pietas respicit spirituales necessitates, misericordia verò respicit corporalem necessitatem. Occasiones verò sic distinguendæ sunt, ex eo quod dicit Gloss. super illud 1. ad Tim. 4. *Pietas ad omnia utilis.* Omnis summa disciplinæ Christianæ consistit in pietate

& misericordia. Connumerantur enim ibi misericordia & pietas tanquam diuersa. Aliquibus etiam videtur quod pietas releuando misericordiam proximi procedat ex principiis fidei, misericordia verò procedat ex principiis iuris naturalis. Misericordia dat pauperi eleemosynam, quia frater noster est, naturalis eiusdem speciei nobiscum: pietas verò dat eleemosynam; quia filius Dei est, vel membrum corporis Christi: vel quia Christus reputat sibi fieri, quod fit pauperibus. De misericordia & veneratione sacrarum rerum & creatoris & creaturarum, habitum est in tractatu de Iustitiâ: ideo de dono pietatis breuiter hîc pertransimus.

## P A R S V.

### De Dono Scientiæ.

Scientia, prout donum est, sic videtur posse describi: Scientia est humanarum rerum cognitio, saluberrimæ fidei deseruiens. Et sumitur hæc descriptio ex verbis Augustini 14. libro de Trinit. Philosophi, inquit, disputantes de sapientia, diffinierunt eam, dicentes: Sapientia est rerum humanarum diuinarumque scientia. Ego quoque vtrarumque cognitionem, id est, diuinarum & humanarum, & sapientiam & scientiam dici posse non nego: verum iuxta distinctionem Apostoli 1. ad Corint. 12. *Alij datur sermo sapientia, alij autem sermo scientia.* Illa diffinitio diuidenda est, vt rerum diuinarum cognitio propriè sapientia nuncupetur: humanarum verò cognitio propriè scientiæ nomen obtineat. Nunc quicquid sciri ab homine potest in rebus humanis, vbi plurimum superuacua vanitatis, & noxiæ curiositatis est, huic scientiæ tribuo: sed illud tantum quo fides saluberrima quæ ad veram beatitudinem ducit, gignitur, nutritur, roboratur, defenditur, Potest etiam sic describi: Scientia est lumen ho-

Differē-  
tia à mi-  
sericor-  
dia.

minem dirigens in actione vel vsum temporalium. August. super 1. ad Corinth. 12. Sapientia est in contemplatione æternorum, scientia est in actione temporalium. Item August. Distat ab æternorum contemplatione actio qua benè vtinur temporalibus rebus : & illa sapientiæ, hæc scientiæ deputatur. Item August. in lib. de Trin. Hæc est, inquit, sapientiæ & scientiæ recta distinctio, vt ad sapientiam pertineat æternarum rerum cognitio intellectualis : ad scientiam verò temporalium rerum cognitio rationalis. Aliquibus tamen videtur quod scientia, prout donum est, dicatur cognitio boni & mali. Vnde secundum eos ad donum scientiæ pertinet discernere quæ sint vera bona & vera mala, & quæ sint vmbre verorum bonorum & malorum. Item ad donum scientiæ pertinet discernere inter maiora bona & minora, & maiora mala & minora. August. in serm. de Timore & Pietate: Merebuntur scientiæ gradum, vt nouerint mala de quibus fleuerunt, scilicet mala culpæ : & in quo malo sint huius peregrinationis & mortalitatis, etiam quum felicitas secularis arridet. Item Augustin. in lib. de doctr. Christianâ, loquens de hac scientia, dicit quod facit hominem interiorius lamentantem, non exteriorius se iactantem. Eccles. 1. *Qui addit scientiam, addit & laborem.* Et super illud: *Beati qui lugent.* Matth. 5. dicit Gloss. Pij scientiæ spiritu illustrantur, vt sciant quibus malis inuoluantur.

Malaque  
ad donū  
scientiæ  
pertinent  
duplicita.

Et notandum quod mala in quibus sumus in hoc exilio, quæ ad donum scientiæ pertinent, quædam sunt ex parte animæ, quædam ex parte corporis, quædam ex parte proximorum, quædam ex parte dæmonum, quædam ex parte rerum corporalium subiectarum. Ex parte animæ sumus quantum ad vim rationabilem in Ægypto tenebrarum vbi multis plagis percussa est. Quantum verò ad vim concupiscibilem, sumus quasi in Mari rubro, vbi varij fluctus concupiscentiarum sibi

inuicem succedunt, vbi etiam factor & falsedo carnalis voluptatis est. Voluptas carnalis est velut aqua falsa, sitim prouocans, non sedans. Ioan. 3. *Qui biberit ex hac aqua, sitiet iterum.* Quantum verò ad vim irascibilem, sumus in deserto vbi serpentes igniti sunt, scilicet mortis iræ. In deserto illo aquæ dulces non inveniuntur. Et sicut filij Israël Ægyptum reliquerunt, & Mare rubrum, & desertum transierunt antequam ad terram promissionis peruenirent: sic tenebras ignorantie oportet relinquere, & carnales voluptates cōtemnere, & ferocitatem deponere antequam ad tranquillitatem conscientiæ pertingamus. Ex parte verò corporis in multis malis sumus. Corpus enim est velut grauis sarcina ipsi spiritui. Sap. 10. *Corpus quod corrumpitur aggrauat animam.* Item est velut domus ruinosa & perstillans. Prou. 19. *Tecta iugiter perstillantia, litigiosa mulier,* caro scilicet. Eiusd. 27. *Tecta perstillantia in die frigoris, & litigiosa mulier comparantur.* Item est vt seruus maleuolus. Eccles. 33. *Seruo maleuolo tortura & compedes.* Et est equus indomitus. Eccles. 30. *Equus indomitus enadet durus.* Et est vt falsus amicus. Eccles. 6. *Est amicus secundum tempus suum, & non permanebit in die tribulationis.* In eodem: *Est amicus qui conuertitur ad inimicitiam.* Item: *Est amicus socius mensæ, & non permanebit in die necessitatis.* Item corpus est malus consiliarius. Ecclesiast. 37. *Consiliario malo serua animam tuam.* Et est hostis domesticus. Sapiens: *Nulla pestis efficaciter est ad nocendum, quàm familiaris inimicus.* Ex parte etiam proximorum sumus in multis malis. Ipsi enim impellunt nos ad mortem. Senec. in epist. Inuitum alter alterum tradimus, quomodo autem reuocari ad salutem possunt quos nemo retinet, populus impellit. Interrogatus quidam philosophus, quid esset inimicissimum homini? Respondit: alter homo, periculosus est homini venire inter homines, quàm inter lupos. Lupus solo

ore nocet, homo verò non solo ore, nec etiam minus ore, quàm lupus nocet. Lupus nocet corpori: homo verò nocet animæ. Multi homines sunt velut serpentes igniuomi, ignem infernalem spirantes. Iacob 3. *Lingua nostra ignis est, universas iniquitatis.* Et paulò post dicitur, quod inflammata rotam natiuitatis nostræ inflammata à gehenna: id est, inflammata vitam nostram instabilem à suggestionem diaboli inflammata. Quum aliquis venit inter homines, periculolum est ei & audire & audiri, Bernardus: Detrahente, vel detrahentem audire, quod horum damabilius, non facile dixerim. Item periculolum est & videre & videri: oculi enim hominum, quasi vim fascinandam haberent, bona multorum, quoad valorem sæpe adnihilant. Ipsi etiam ad modum basilisci, solo visu multos interficiunt: illos scilicet qui sunt cupidi vanæ gloriæ & vanæ laudis. De malis in quibus sumus respectu dæmonum, require in tractatu de Patientia, cap. de Sufferentia temptationum. Ibi enim dictum est de deceptionibus & impugnationibus dæmonum. Ex parte rerum inferiorum in multis malis sumus. Laquei enim sunt nobis res illæ. Vnde verè possumus dicere quod laqueos comedimus, bibimus, & vestimus. Cibo enim & potu & vestibus multis multi à diabolo capiuntur. Sapient. 14. *Creatura Dei in odium facta sunt, & in temptationem animæ hominum, & in musculam pedibus insipientium.*

Item ad donum scientiæ pertinet cognoscere infirmitatem peccati originalis. Cui infirmitati attestatur corruptio palati interioris, quæ facit vt mala homini sapiant & bona despiciant. Sicut enim mala dispositio palati, corporis indicat infirmitatem corporalem: sic mala dispositio palati interioris, infirmitatem spiritualem. Infirmitas originalis velut lepra est, propter quam aliquis deiicitur extra castra electorum, quasi indignus eorum consortio. Vnde qui decedunt non baptizati,

non admittuntur in ignem purgatorij. Itē ad donum scientiæ pertinet agnoscere varias infirmitates spirituales similes infirmitatibus corporalibus quæ in hominibus inveniuntur. In aliquibus febris spiritualis est, vt in illis qui ardore luxuriæ vexantur. Quæ febris figurata est, Ioan. 4. in febre filij reguli, qui infirmabatur Capharnaum: in villa scilicet pinguedinis. Aliqui paralyti laborant spirituali, quorum sanatio figurata est in curatione paralytici. Matth. 9. Aliqui melancholia laborant, qui semper lugubres sunt, habentes seculi tristitiam quæ mortē operatur. 2. ad Cor. 7. Aliqui sunt velut phrenetici, gaudentes quando esset flendū. Aliqui spirituali hydropisi laborant, in quibus sitis cupiditatis sedari non potest: quorum figuram tenet hydropicus, quem Dominus sanauit. Luc. 14. Aliqui adeò incuruati sunt ad bona temporalia, quod cor suum ad cœlestia erigere non possunt. Quorum infirmitas figurata est in infirmitate mulieris quæ erat inclinata, nec omnino poterat sursum respicere, quam Dominus sanauit. Luc. 13. Aliqui ad modum insanorum se reges aut principes esse credunt, & mirabiliter gaudent, quia habent insignia dignitatis vel honoris: quam secundum veritatem contemptibiles sunt, & indigni etiā cibo quo vescuntur. Aliqui ad modum maniacorū trepidant vbi trepidandum non esset. Iob 15. *Sonitus terroris in auribus eius: & cum sit pax, ille semper insidias suspicatur.*

Item ad donum scientiæ pertinet discernere inter vitam veram & non veram, & inter veram mortem & non verā. Vera mors est mors gehennæ: & causa eius, scilicet peccatum. Aug. Vera mors est quam homines non timent, separatio animæ à Deo. Vera vita est coniunctio animæ cum Deo, vel per gratiam, vel per gloriam. Itē ad donū scientiæ pertinet agnoscere breuitatem præsentis vitæ. Iac. 4. *Quid est vita nostra? Vapor est ad modicum parens, & deinceps exterminabitur.* Iob 7. *Memento, quia ventus est vita mea.* Item ad scientiam

pertinet agnoscere amaritudinem præse-  
tis vitæ. Iob 14. *Homo natus de muliere  
breui vivens tempore repletur multis mise-  
riis. Eccles. 30. Melior est mors, quàm vita  
amara.* Item pericula huius vitæ. Iob 7.  
*Militia est, vita hominis super terrâ.* Alia  
litera habet, tentatio. Scientiæ etiam attri-  
buitur abstinere à malis, & liberali à ma-  
lis. Iob 16. secundum aliam literam, Ab-  
stinere à malis est scientia. Prou. 11. *Iusti  
autem liberabuntur scientiâ.* Item ad do-  
num scientiæ pertinet discretio maiorum  
bonorum & minorum; discretio multis  
deest, qui habentes zelum Dei non secun-  
dum scientiâ, minima bona magno amo-  
re amplectuntur, maxima negligentes.  
Donum scientiæ ostendit spirituales  
compassionem præferendam esse corpo-  
rali, & prius occurrendum molestiis & dâ-  
nis spiritualibus, quàm corporalibus; prius  
pascendas esse animas & vestiendas, quàm  
corpora: & prius ædificandum templum  
Dei viuum lapidibus vivis, quàm templû  
forinsecum de lapidibus non vivis; &  
amplius studendum esse decori templi  
spiritualis quàm materialis. Minima au-  
tem bona non esse negligenda. Matth. 23.  
*Hæc oportuit facere, & illa non omittere.*  
Item ad donum scientiæ pertinet agno-  
scere deceptiones quas bona præsentia fa-  
ciunt amatoribus suis. Credunt enim ve-  
ram suavitatem esse in eis, cum econtra-  
riò eos pungant. Vnde Dominus vocat  
eas spinas. Matth. 23. Item credunt veram  
abundantiam seu sufficientiam esse ex eis,  
cum econtrariò eos potius exinaniant.  
Luc. 1. *Diuites dimisit inanes.* Item cre-  
dunt honorem & gloriam ex eis habere,  
cum econtrariò eos in seruitutem vilem  
redigant. Vnde in Psal. vocantur viri  
diuitiarum, qui nihil inuenerunt in mani-  
bus suis. Vnde sequitur, *Imagines eorum  
ad nihilum rediges.* De distinctione scien-  
tiæ à fide, prudentia, consilio, & intellectu,  
require in tractatu, de Fide, c. de commē-  
datione fidei. Item in tractatu, de pruden-  
tia, ubi agitur de speciebus prudentiæ.

## P A R S VI.

## De dono Fortitudinis.

**P**ost donum scientiæ tangendum est  
de dono fortitudinis, vnde Augustin.  
postquam locutus est de scientia quæ fa-  
cit homines lugentes, subdit: Inde assur-  
gunt ad fortitudinem, vt mundus eis cru-  
cifigatur & ipsi mundo. Gal. 6. & toleretur  
fames sitisque iustitiæ. Postquam ali-  
quis abiicit iugum diaboli per timorē hu-  
miliantem, & mansuete portat suave iu-  
gum Christi per pietatem; & agnoscens  
mala huius exilij, luctum gaudio præle-  
git, ipse est crucifixus siue mortuus mun-  
do, & mundus mortuus ei. Ipse nec bona  
mundi concupiscit, nec mala pertimescit.  
Iustitiæ vivere vult, eam esurit & sitit, &  
ad eam fortis est. De fortitudine dicit  
gloss. Greg. super illud Iob 1. *Faciebant  
convivia per domos, &c.* Fortitudo in die  
suo pascit, dum confidentiam contra ad-  
uersa trepidanti dat. Idem in ead. Gloss.  
Vile est consilium sine fortitudine, quia  
quod tractando inuenit, sine viribus ad-  
actum non perducit. Item super illud Iob  
1. *Consurgensque diluulo offerebat, &c.* di-  
cit gloss. Offert per singulos, dum pro  
vnaquaque virtute Deo preces immolat,  
ne sapientia eleuet, ne intellectus erret,  
ne consilium dum se multiplicat confun-  
dat, ne fortitudo per fiduciam præcipitet,  
ne scientia inflet, ne pietas extra rectum  
vertat, ne timor plus iusto trepidans des-  
peret. Dicunt aliqui fortitudinem prout  
donum est, in hoc differre à fortitudine  
cardinali virtute, quod fortitudo virtus  
cardinalis est circa arduum naturæ sim-  
pliciter. Fortitudo verò donum est circa  
arduum naturæ etiam adiutæ à gratia: vt  
est, relinquere omnia, & similia, quæ pro-  
pter sui difficultatem vel arduitatem non  
sunt in præcepto. De fortitudine, require  
in tractatu de virtutibus cardinalibus.

Ggg iij.

## P A R S VII.

## De Donis Consilij.

**P**ost donum fortitudinis, dicendum est de dono consilij. Vnde August. postquam locutus est de fortitudine, subdit: Veruntamen si qua delicta minutatim furtimque subrepunt, deesse consilium non debet: Neque enim tantum potest fortitudinis gradus, vt qui cum altissimi aduersario continua certatione configit, non aliquando feriat, maxime per tentationes linguar. Quod est ergo consilium, nisi: *Dimittite, & dimittetur vobis?* Luc. 6. Et ideo quinta beatitudo est: *Beati misericordes.* Idem in lib. de fide ad Petrum. Firmissime tene, etiam iustos & sanctos homines, exceptis illis qui paruuli baptizati sunt, sine peccato hic neminem viuere posse: semperque omni homini esse necessarium, & peccata sua vsque in finem vitæ præsentis eleemosynis diluere, & remissionem à Deo humiliter, & veraciter postulare. De dono consilij dicit Greg. super 1. Iob. Consilium in die suo pascit, dum ratione animum implet, prohibens esse præcipientem. Idem in eadem gloss. Fortitudo quæ plus potest sine moderamine rationis, præceps ruit: vt patet in eo qui vouet quod post præ difficultate non implet. Prou. 20. *Rinna est homini deuotare sanctos: & post, vota retractare.*

Consilij  
nomen  
duplici-  
ter sumi-  
tur.

Et notandum, quod nomen consilij quandoque large, quandoque stricte sumitur. Prout large sumitur consilium, est examinata seu excogitata ratio alicuius faciendi vel non faciendi. Rationem hic intelligas opus rationis, scilicet responsum rationabilem certificantem eum qui petit consilium. Stricte verò sumptum dicitur consilium, Dei voluntas ad quam non constringimur imperio propter eius arduitate vel difficultate, sed est in potestate nostra vt impleamus illud, vel

non impleamus. Bern. ad fratres de monte Dei: Non est vestrum languere circa communia præcepta, nec attendere quid Deus præcipiat, sed quid velit, probantes quæ sit Dei voluntas, bene placens & perfecta. De hoc consilio intelligitur verbum August. dicentis: Si consilio vti volueris, minus boni adipisceris, non mali aliquid perpetrabis. Consilium sic sumptum illuminatio diuina est. Sen. in epist. Bonus vir sine Deo nemo est. Non potest aliquis supra fortunam, nisi ab illo adiutus exurgere. Ille dat magnifica consilia & recta. Talia fuerunt quæ attulit in mundum istum sapientia Dei patris. Esaię 9. *Vocabitur nomen eius, admirabilis, consiliarius.* Ista sunt consilia pacis quæ attulit rex pacificus. De quibus Prou. 12. *Qui ineunt pacis consilia sequitur eos gaudium.* Vnde consilium pacis est abrenuntiatio diuitiarum. Sen. Quietissime viuerent homines, si hæc duo verba tollerentur; meum & tuum. Hoc consilium habetur, Matth. 19. *Si vis perfectus esse, vade, & vende omnia quæ habes, &c.* Aliud consilium pacis est de continentia. De quo consilio. Matth. 19. discipulis dicentibus: *Si ita est causa hominis cum uxore, non expedit nubere.* Dicit Christus: *Non omnes capiunt verbum istud, sed quibus datum est.* Et subdit: *Qui potest capere, capiat.* Qui intendit deliciis carnis, non habet pacem: cum caro sit mulier litigiosa. Prou. 19. & 27. Aliud consilium pacis, est consilium de patientia. Sine patientia non habetur vera pax, patientia cedendo persecutori pacem sibi seruat. Sicut dicitur vulgari-ter: Non qui percutit, sed qui repercutit bellum facit. Non potest esse bellum si vnus iniuriam ab alio sibi illatam patienter portat. Aliud consilium pacis, est consilium de humilitate. Humilitas est virtus Christi in qua pax fit. In Psalm. *Fiat pax in virtute tua.* Humilitas cum his qui oderunt pacem, est pacifica: scilicet cum superbis. Ipsa nulli molesta est, nullum comprimit vel angustat. Ipsa est velut

2/d. 111.



quoddam inane & vacuum spirituale. Vbi sine contradictione superbus se dilatat. Ipsa timori alieno non obstitit: sed sicut opera concaua intra concauitatem suam corpora tumida recipiunt: sic humilitas molestiam superbo illatam infra finem profunditatis suæ recipit.

Consilium Christi quod à multis despiciatur quale sit. Psal. 105.

Et notandum quod consilium Christi à multis despicitur. Luc. 7. Pharisei & leuisperiti consilium Dei spreuerunt in semetipsis. In Psalm. *Non sustinuerunt consilium.* Item notandum, quod consilium sicut & prudentia de faciendis est. Et est consilium de his quæ sunt ad finem. Damascenus: Ad finem est quod consiliabile est. De differentia vero consilij & prudentiæ, require in tractatu de prudentia, vbi agitur de speciebus prudentiæ: Item notandum quod consilium quatuor attendit: expediens, facile, certum, tutum: & contraria his scilicet damnosum, difficile, incertum & periculosum: qui consilium dat aliis paribus, expediens debet præponere damno, facile difficili, certum incerto, tutum periculoso. Item notandum quod quidam dicunt ad donum consilij pertinere an sit operandum: ad prudentiam vero, qualiter sit operandum. Item notandum quod in quibusdam inuenitur aliquid simile dono consilij per experientiam multam. Ecclesiast. 34. *Vir in multis expertus, cogitabit multa.* Item: *Qui non est expertus, pauca recognoscit.* Sed illa experientia non est vere donum consilij. Consilium enim lumen est cæleste, excellentius quàm lumen prudentiæ, cum ipsam prudentiam rectificet. Per Donum enim consilij declinat prudentia ne eam pœniteat. Ecclesi. 32. *Fili, sine consilio nihil facias, & post factum non pœnitebis.* Item notandum quod circa consiliū sunt quinque commendabilia. Primum est, gratia consilium requirendi, quæ est in eo qui non est præceptus ad operandum. Prou. 19. *Qui festinus est pedibus, offendet.* Secundum est gratia consiliarium eligendi. Tercium, gratia dandi consilium. Quar-

tum, gratia examinandi consilium. Quintum est, gratia acquiescendi consilio. De primo legitur, Tob. 4. *Consilium semper à sapiente require.* Prou. 11. *Vbi non est gubernator, corrumpit populus: salus autem vbi multa consilia.* Simile eiusdem 24. *Eris salus vbi multa consilia sunt.* Eiusdem 13. *Abstinens omnia agit cum consilio: qui autem satius est, aperiet stultitiam.* Item 15. *Dispantur cogitationes vbi non est consilium: vbi vero plures consiliarij confirmantur.* Eiusdem 20. *Cogitationes consilij roborantur, & gubernaculis tractanda sunt bella.* Cogitationes hinc intelligas proposita quæ concipiuntur, quæ consiliis perficiuntur. Tullius in Rhetor. Parua foris sunt arma, nisi sit consilium doni. 1. Machab. 5. *In illa die ceciderant sacerdotes in bello, dum volunt fortiter facere: dum sine consilio exeunt in prælium.* Ecclesi. 30. *Fili sine consilio nihil facias, &c.* Eiusd. 37. *Ante omnem actum præcedat consilium stabile.* Prou. 4. *Palpebra tua præcedat gressus tuos.* Ad eligendum consiliarium monemur. Ecclesi. 6. *Multi pacifici sunt tibi, & consiliarius sit tibi unus de mille.* Pro consiliario ante omnes eligendus est Deus. Tob. 4. *Omnia consilia tua in ipso permanent.* Iacob 1. *Si quis sapientia indiget, postulet à Deo.* Ecclesi. 39. *In oratione confitebitur Domino, & ipse diriget consilium.* Eiusdem 37. *In omnibus his deprecare Altissimum, ut dirigat in veritate viam tuam.* Deinde recurrendum est pro consilio ad viros bonos. Ecclesi. 37. *Cor boni consilij statue tecum.* Et subditur: *Anima viri sancti annuntiat aliquando vera, quàm septem circumspectiores sedentes in excelsis ad speculandum.* Matth. 12. *Abcondisti hæc à sapientibus & prudentibus, & reuelasti ea paruulis.* Esa. 19. *Sapientes consiliarij Pharaonis dederunt consilium insipiens.* Ecclesi. 37. *A consiliario malo serua animam tuam.* Prou. 12. *Consilia impiorum fraudulenta. Sed facienti consilium nequisissimum, super eum deuoluetur.* Ecclesi. 27. Eiusdem 8. *Cum satius non habeas consiliū:*

Consiliarius eligendus.

*non enim poterunt diligere, nisi ea quæ eis placent. Iob. 31. Consilium impiorum longe sit à me. Gen. 49. In consilium eorum non veniat anima mea. In Psal. Beatus vir qui*  
*Psalm. 1. non abiit in consilio impiorum. Eccles. 8. Co-*  
*ram extraneo nefacias consiliū: nescis enim*  
*quid pariet. Non est etiam habendum cō-*  
*silium cum homine de negotio quod eum*  
*tangit, vel de eo quod nimis odit, vel nimis*  
*diligit, ne vel fallatur, vel fallere velit. De*  
*hac materia habetur Eccl. 37. Noli, inquit,*  
*consiliari cū socero tuo, vel cum patre ux-*  
*oris tue. Ad literam, de aliquo quod vide-*  
*tur esse contra uxorem: vel cum amicis*  
*carnalibus, de his quæ sunt contra carnem*  
*Ierem. 19. Unusquisque à proximo suo se*  
*custodiat, & in omni fratre suo non habeat*  
*fiduciam. Michæ 7. Noli credere amico*  
*& noli confidere in duce. Ab ea quæ dormit*  
*in sinu tuo, custodi claustra oris tui. Bern.*  
*Amicos consulat quæ non legit, quod ini-*  
*mici hominis domestici eius. Gen. 31. Ia-*  
*cob ignorante Laban socero suo, cum filiis &*  
*uxoribus atque pecoribus suis recessit de*  
*Mesopotamia in terrā Chanaam. Legitur*  
*etiam Iudic. 19 quod Leuita quidam qui*  
*credidit socero suo, ut cum eo tribus die-*  
*bus maneret, in via amisit uxorem suam à*  
*Gabaonitis oppressam, unde postea stra-*  
*ges populi magna secuta est. Eccles. 37. Zelantibus te abscondi consilium. Zelantes*  
*intelligas, vel inuidentes, vel nimis aman-*  
*tes. Item non est consilium quærendum à*  
*iuuenibus. Roboam regnum pro magna*  
*parte amisit consilio iuuenum acquiescēs,*  
*consilio senum relicto. Eccl. 25. Quam*  
*speciosa veteranis sapientia & gloriosus*  
*intellectus, & consilium. Gratia etiam dā-*  
*di consilium commendabilis est. 1. Mach. 2.*  
*Ecce Simon frater vester, scio quia vir*  
*consilij est, ipsum audite semper. Præcipue*  
*commendabilis est gratia in his qui habēt*  
*alios regere, Eccl. 25. Quam speciosum ca-*  
*nitici indicium, & presbyteris cognoscere*  
*consilium. Gratia etiam examinandi consi-*  
*lium commendabilis est. Senec. Prudentis*  
*proprium est examinare consilia multo-*  
*rum, & non cito facili credulitate ad falsā*

prolabi. Item commendabilis est etiam gratia acquiescendi consilio. Prou. 12. *Via stulti recta in oculis eius: qui autem sapiens est, audit consilium.* Eiusd. 13. *Qui agunt omnia cum consilio, reguntur sapientiā.* Moyses acquieuit cōsilio lethro, licet minor esset. Exod. 18. *Non sic ille adolescens, qui audito verbo Domini: Si vis perfectus esse &c. abiit tristis. Erat enim habens multas possessiones. Matth. 19.*

## P A R S VIII.

## De præminetia vitæ contemplatiuæ respectu actiuæ.

**D**ICTO de donis pertinētibus ad vitam actiuam, dicendum est de donis pertinentibus ad vitam contemplatiuam. In hac vero parte, primo tægetur de præminetia vitæ contemplatiuæ ad actiuam. Secundo, distinguetur contemplatio à meditatione seu consideratione simplici & cogitatione: & tangeretur de speciebus considerationis & contemplationis. Tercio, agetur de dono intellectus. Quarto de dono sapientiæ. Circa primum notandum quod duodecim sunt in quibus vita contemplatiua præminetiam videtur habere respectu actiuæ. Primum est, quod contemplatiua meliori intendit, Deo scilicet, cum actiuam intendit proximo. Contemplatiua dicit: *Mihi adhaerere Deo bonum est, est Luc. 10.* Vnum est necessarium, gl. Bedæ, scilicet Deo iugiter inhærere. In Ps. *Vnam petij à Domino, hanc requiram.* Isidor in li. differentiarum: Inter actiuam & contemplatiuam vitam hæc distantia est: Actiuam vitam est, quæ in operibus iustitiæ & proximi vtilitate versatur, Contemplatiua autem, quæ vacans ab omni negotio, in sola Dei dilectione defigitur. Vna in opere bonæ conuersationis, altera in contemplatione immutabilis est veritatis. Idem in l. de Summo bono: Actiuam vitam mundanis rebus bene vitur. Contemplatiua vero mundo renuntians, soli Deo viuere delectatur. Secundum est, quod contemplatiua clarius

Vita cō-  
templa-  
tiua quæ  
præmi-  
neat acti-  
uam.

Psalm. 77

ua clarius videt. Vnde Gen. 29. dicitur de Lia, quod lippis erat oculis. Greg. Mens quæ contēplando otia appetit, plus videt, sed pauciores filios Deo generat: qui verò ad laborem prædicationis se dirigit, minus videt, & amplius parit. Tertium est, munditia seu pulchritudo. Vnde Gen. 29. dicitur de Rachele, quod decora erat facie & venusto aspectu. Prou. 3. Dicitur de sapientia: *Virescit, roba pulchra.* Cant. 5. *Lavi pedes meos,* dicit sponsa: *quomodo inquinabo eos?* Quartum est, securitas. Secura est vita contemplatiua respectu actiua: Prou. 1. *Frustra iacitur rete ante oculos pennatorum.* Glo. Facile euadit laqueos in terris, qui oculos habet in cœlis. Prou. 3. *Omnes semitæ eius pacificæ.* Quintum est, quies: quæta est vita contemplatiua. Vnde Luc. 10. dicitur de Maria quod *sedens secus pedes Domini audiebat verbum illius.* Glof. Maria sedet, quia contemplatiua pacatis vitiorum tumultibus, optata iam in Christo mentis quiete fruitur. Martha stat, quia laborioso actiua defudat in certamine. De Martha ibidem dicitur, *Martha, Martha, sollicita es, &c.* Et Ioan. 11. dicitur quod Maria domi sedebat. Hæc tria, scilicet pulchritudo, securitas, quies, tanguntur Esa. 31. *Sedebit populus meus in pulchritudine pacis, & in tabernaculis fiducia, & in requie opulenta.* De securitate tangitur Deut. 33. *Amantissimus Domini habitabit confidenter.* Amantissimus Domini est vir cōtemplatiuus, Sextum est, iocunditas. Iocundior est contemplatiua quàm actiua. Vnde super illud Luc. 10. *Maria sedens secus pedes Domini &c.* dicit gl. Intenta erat Maria quomodo pasceret Dominum. Hæc conuiuium parat Domino: in conuiuio Domini illa iam iocundatur. Greg. in Moral. Contemplatiua vita merito maior est, quam actiua: quia hæc in vsu præsentis operis laborat: illa vero sapore intimo venturam iam requiem degustat. Septimum est contemplatiuæ permanentia, de qua Luc. 10. *Maria optimam partem*

*elegit, quæ non auferetur ab ea.* Gl. Contemplatiua hîc incipit, & in cælesti patria perficietur: quia amoris ignis qui hîc ardere inchoat, quum ipsum quem amat viderit, in amore amplius ignescit. Et subditur: Actiua cum corpore deficit: quia in æterna vita panem non porriget esurienti: quia nemo esuriet, nec cetera opera pietatis ager, quia non erunt necessaria. Octauum est, deuotio. Vnde Maria Christum vngit. Matth. 26. Marc. 13. Luc. 7. Ioan. 12. Nonum est, Dei familiaritas. Contemplatiua Deo familiarior est. Vnde figuratur per Ioannem Euangelistam, sicut tangit gloss. super illud Ioann. vlt. Conuersus Petrus vidit discipulum quem diligebat Iesus. Et sequitur in gloss. Hanc planè Christus diligit, & seruat in æternum. Loquitur de contemplatiua. Decimum est, pretiositas. Contemplatiua pretiosior videtur esse quàm actiua, eo quod sit rarior. Isid. in lib. de sum. bono: Actiua communis multorum est, contemplatiua vero paucorum. Hoc figuratum est Gen. 6. vbi dicitur de arca: *In cubito consummabis summam eius.* Inferius tamen erat valde lata. Vnde ibidem dicitur: *Trecentorum cubitorum erit longitudo arca, quinquaginta cubitorum latitudo.* Quod exposuit Greg. dicens: Videmus multos in Ecclesia superbire & lasciuire, & terrenis rebus inhiare, irasci, rixari, & proximum lædere: sed quia ecclesia tolerat eos vt conuertantur, quasi in arcæ latitudine bestiarum fuisse dicuntur. Videmus alios aliena non rapere, illatam iniuriam æquanimiter portare, rebus propriis contentos esse, humiliter viuere: sed quia iam pauci sunt, angustatur arca. Alios videmus etiam possessa relinquere, nullum terrenis rebus studium dare, inimicos diligere, carnem domare, omnes motus ratione premere, per cæleste desiderium cōtemplationis pennâ subleuari: sed quia valde rari sunt, iam arca iuxta cubitum ducitur, vbi homines & volatilia continentur. Vndecimum est, quod

H h h

psal. 15.

vita contemplatiua vitæ cælesti similior est. Vnde eadem opera ad contemplatiuam videntur pertinere, quæ assignat Augustin. beatæ vitæ, vltimo lib. de Ciuitat. Dei, dic. Ibi vacabimus & videbimus, videbimus & amabimus, amabimus & laudabimus In Psal. *Vacate & videte, quoniam ego sum Deus.* Duodecimum est, quod vita contemplatiua finis videtur esse actiuæ. Finis vero melior est his quæ sunt ad finem. Per actiuam transitur ad contemplatiuam. Isidor. in li. de summo bono: Qui prius in hac vita proficiit, bene contemplationem conscendit. Gregorius. Qui ad arcem contemplationis ascendere desiderat, prius necesse est vt in campo actionis se exerceat, Genesis vigesimo nono. Lia prius introducta est ad Iacob: licet Iacob aliter speraret. Et cum ipse de hoc conquereretur, responsu est ei: *Non est in loco nostro consuetudinis vt minores ante iradamus ad nuptias.*

## P A R S I X.

*De distinctione contemplationis à simplici consideratione, seu meditatione & cogitatione, & de speciebus considerationis & contemplationis.*

Consideratio & contemplatio quomodo diuidantur.

Consequenter distinguenda est contemplatio à simplici consideratione seu meditatione. Et tangendum est de speciebus considerationis & contemplationis. Notandum ergo quod Bernard. 2. lib. de considerat. distinguit inter contemplationem & considerationem, iis verbis: Considerationem, non id per omnia quod contemplationem intelligi volo; quod contemplatio ad rerum certitudinem, consideratio ad inquisitionem magis se habeat. Iuxta quem sensum potest contemplatio diffiniri, verus certusque intuitus animi de quacunque re, siue apprehensio veri non dubia. Consideratio autem, intenta

ad vestigandum cogitatio, vel intentio animi vestigantis verum, quanquam soleant indifferentem pro inuicem vsurpari. Deinde diuidit ea quæ consideranda sunt iis verbis: Quatuor tibi consideranda reor: Te, quæ sub te, quæ circa te, quæ supra te sunt. In quinto vero libro de Consideratione, dicit considerationem peregrinari, quum ab his quæ supra sunt, ad inferiora deflectitur. Velim, inquit, hoc solerter aduertas, vir sagacissime Eugeni: quia toties peregrinatur consideratio tua, quoties ab illis reb. ad ista deflectitur inferiora & visibilia, siue intuenda ad notitiam, siue appetenda ad vsum, siue pro officio disponenda vel actitanda. Si tamen ita versatur in iis vt per hæc illa requirat, non procul exultat: sic considerare repatriare est. Sublimior iste præsentium ac dignior vus rerum, iuxta sapientiam Pauli: Inuisibilia Dei per ea quæ facta sunt, intellecta conspiciuntur. Sane hac scala ciues non indigent, sed exules. Quid opus scalis teneri iam solium? creatura cæli illa est præsto habens per quod potius ista intueatur. Videt verbum, & in verbos facta verbum: nec opus habet ex iis quæ facta sunt factoris notitiam mendicare. Neque enim vt ipsa nouerit, ad ipsa descendit quæ ibi illa videt, vbi longe melius sunt quàm in seipsis. Deinde in eodem libro distinguit diuersas species considerationis, his verbis: Magnus illè, qui vsum sensuum, veluti qualdam ciuium opes, expendere satagit, dispensando in suam & multorum salutem. Nec ille minor, qui hunc sibi gradum ad illa inuisibilia philosophando constituit: nisi quod hoc dulcius, illud vtilius: hoc facilius, illud fortius esse constat. At omnium maximus qui spreto ipso vsurerum & sensuum, quantum quidem humanæ fragilitati fas est, non ascensorijs gradibus, sed inopinatis excessibus, auolare interdum contemplando, ad illa sublimia consuevit. Ad hoc vltimum genus illos pertinere reor excessus Pauli: Excessus non ascensus: nam raptum

Consideranda quot sunt.

Considerationis diuersæ species.

potius fuisse quàm ascēdisse ipse se perhibet. Et subdit Bernardus : Vis tibi has considerationis species propriis distingui nominibus : Dicamus si placet. Primam dispensatiuam, secundam æstimatiuam, tertiam speculatiuam. Dispensatiua est consideratio sensibus sensibilibusque rebus ordinate & socialiter vtens ad promouendum Deum. Æstimatiua est consideratio prudenter quæque scrutans ac ponderans ad inuestigandum Deum. Speculatiua est consideratio, se in se colligens & quantum diuinitus adiuuatur, rebus humanis eximens, ad contemplandum Deum rapitur. Quod prima optat, secunda adorat, tertia gustat. Ad quem tamen gustum perducunt & cæteræ, etsi tardius, nisi quod prima laboriosius, secunda quietius peruenit. Dixisti, inquit, satis qua via ascendatur : etiam quo ascendendum dicere habes. Falleris si illud speras, ineffabile est. Tu me existimas loqui quod oculus non vidit, nec auris audiuit &c. *Nobis, inquit, reuelauit Deus per Spiritum suum, 1. Corinth. 2.* Ergo quæ supra sunt, non verbo docentur, sed spiritu reuelantur. Verum quod sermo non explicat, consideratio quærat, oratio expectat, mereatur vita, puritas assequatur. Sane eorum admonitus quæ supra sunt, non te existimes mitti à me suscipere solem, lunam, stellas &c. Ista siquidem omnia, etsi supra loco, pretio infra sunt & dignitate naturæ. Sunt enim corpora cui portio spiritus est. Angeli, Sancti, & Deus supra te sunt, Deus naturâ, angeli gratiâ. Idem in eodem distinguit quatuor species contemplationis respectu Dei, his verbis: Prima & maxima contemplatio est, admiratio maiestatis. Hæc requirit cor purgatum, & à vitiis liberum atque exoneratum peccatis, vt facile ad superna leuet: interdum quoque per aliquas morulas stupore & extasi suspensum teneat admirantem. Secunda autem necessaria est huic. Est enim intuens iudicia Dei: quo sane pauido aspectu Deum vehemen-

mentius concutit intuentem, fugat vitia, fundat virtutes, initiat ad sapientiam, humilitatem seruat. Virtutum siquidem bonum quoddam ac stabile fundamentum, humilitas: nempe si nutet, illa virtutum aggregatio non nisi ruina est. Tertia contemplatio occupatur vel potius otatur circa memoriam beneficiorum: & ne dimittat ingratum, sollicitat memorantem ad amorem benefactoris. Quarta, quæ retro sunt obliuiscens in sola requiescit expectatione promissorum. Quæ cum sit meditatio æternitatis, siquidem quæ promittuntur æterna sunt, longanimitatem aliæ & perseverantiæ dat vigorem. Deinde adaptat Bernardus quatuor dictas species contemplationis, quatuor quæ tangit Apostolus ad Ephesios 3. *Vt possitis comprehendere cum omnibus sanctis quæ sit longitudo, sublimitas & profundum.* Longitudinem, inquit, apprehendit meditatio promissorum. Latitudinem, recordatio beneficiorum. Sublimitatem, contemplatio maiestatis. Profundum, inspectio iudiciorum. Idem in eodem libro: Deus est longitudo, latitudo, sublimitas, & profundum. Res vna est longitudo propter æternitatem, latitudo propter charitatem, sublimitas propter maiestatem, profunditas propter sapientiam. Ista non disputatio comprehendit, sed sanctitas. Sanctum facit affectio sancta, & ipsa gemina, timor Domini sanctus, & sanctus amor. Iis perfecte affecta anima, veluti quibusdam duobus brachiis comprehendit, amplectitur, stringit, tenet, & ait: Tenui eum: nec dimittam. Et timor quidem sublimi & profundo, amor lato longoque respondet. Quid tam timendum, quàm potestas, cui non potes resistere? quàm sapientia cui abscondi non potes? Poterat minus timeri Deus alterutro carens: nunc autem perfecte oportet timeas illum, cui nec oculus deest omnia videns; nec manus omnia potens. Item quid tam amabile quàm amor ipse quo amaris?

Contem-  
plationi  
cogita-  
tionis &  
medita-  
tionis  
differe-  
tia.

Amabiliorem tamen iuncta æternitas facit, quæ dum non excidit, foras mittit suspicionem. Stupenda planè sublimitas maiestatis, pauenda abyssus iudiciorum, feruorem exigit charitas, æternitas per, seuerantiam sustinendi. Richardus de sancto Victore in lib. de Contemplatione, distinguit inter contemplationem, meditationem, & cogitationem, his verbis: Sciendum est quod eandem materiam aliter per cogitationem intuemur, aliter per meditationem rimamur, aliter per contemplationem miramur. Cogitatio per devia lento pede sine respectu peruentionis passim huc illucque vagatur. Meditatio per ardua viæ sæpe & aspera ad directionis finem cum magna animi industria nititur. Contemplatio libero volatu, quocunque eam fert impetus, mira agilitate circumfertur. Cogitatio serpit, meditatio incedit, & ut multum currit contemplatio, ante omnia circumuolat. Cogitatio est sine labore & fructu: in meditatione est labor cum fructu. Contemplatio permanet sine labore cum fructu: in cogitatione euagatio, in meditatione inuestigatio, in contemplatione admiratio. Deinde tria prædicta sic describit: Contemplatio est libera mentis perspicacia in sapientiæ spectacula cum admiratione suspensa. Vel contemplatio est perspicax & liber animi contuitus, in res perspicandas vsquequaque diffusus. Meditatio vero est studiosa mentis intentio circa aliquid inuestigandum diligenter insistens. Vel sic: Meditatio est prouidus animi obtuitus in veritatis inquisitione vehementer occupatus. Cogitatio autem est improuidus animi respectus ad euagationem pronus. Distinguit etiam inter contemplationem & speculationem his verbis: Quamuis contemplatio & speculatio pro inuicem poni soleant, aptius tamen speculationem dicimus, quando per speculum cernimus. Contemplationem verò quando veritatem si-

ne aliquo inuolucro umbrarumque velamine in sui puritate videmus. Et sic contemplatio valde strictè accipitur. Commune est, tam contemplationi quàm meditationi circa vtilia occupari & in sapientiæ vel scientiæ studiis versari. Sed in hoc solent differre à cogitatione quæ se consuevit ad inepta & frivola relaxare. Fit tamen sæpe ut in cogitationum nostrarum euagatione aliquid animus incurrat, quod scire vehementer ambiat, fortiterque insistat: sed dum mens huiusmodi inquisitioni studium impendit, iam cogitatio in meditationem transit. Item veritatem diu quæsitam tandemque inuentam, mens solet cum auiditate suscipere, mirari cum exultatione, eiusque admiratione diutius inhætere. Et hoc est meditationem in contemplationem transire. Contemplationis formam in cæli volatilibus videmus. Videas alia nunc se ad altiora tollere, nunc se ad inferiora demergere, & eosdem ascensionis descensionisve suæ modos sæpius repetere. Videas alia nunc dextrorsum, nunc sinistrorsum diuertere, & nunc in hanc, nunc in illam partem declinando, in anteriora parum vel penè nihil se promouere, & easdem discursuum suorum vicissitudines multa instantia multipliciter reiterare. Videas alia sub magna festinantia se in anteriora extendere, sed mox sub eadem celeritate in posteriora redire, & sæpe id ipsum agere, eosdem excursus atque recursus diutina frequentatione continuare atque protrahere. Videre licet alia, quomodo se in gyrum flectunt, & quàm subito, vel quàm sæpe eosdem vel similes, nunc autem paulò latiores, nunc paulò contractiores circuitus repetunt, & semper in illud ipsum redeunt. Videre licet alia, quomodo alis sæpe reuerberatis, se in vno eodemque loco diutius suspendunt, & mobili se agitatione quasi immobiliter figunt, & ab eodem suspensionis suæ loco diu multum-

Contem-  
plationis  
forma in  
cæli vo-  
latilibus  
videtur.

que hærentia penitus non recedunt, ac si operis & instantiæ suæ executione prorsus videantur exclamare, & dicere: Bonum est nos hic esse. Iuxta hoc sanè propositarum similitudinum exemplar contemplationis nostræ volatus multiformiter variatur, & personarum negotiorumque varietate vario modo formatur. Nunc de inferioribus ad summam ascendit, nunc de superioribus ad ima descendit, & nunc de parte ad totum, nunc de toto ad partem considerationis suæ agilitate discurrit, & ad id quod sciri oportet, nunc à maiori, nunc à minori argumentum trahit. Modo autem in hanc, modo in oppositam partem diuertit, & contrariorum notitiam ex contrariorum scientia elicit, & pro vario oppositorum modo ratiocinationis suæ executionem consuevit variare. Aliquando in anteriora currit, & subito in posteriora redit, modo ex affectibus, modo ex causis & qualibuscunque antecedentibus vel consequentibus cuiuslibet rei modum vel qualitatem deprehendit. Quandoque verò quasi in gyrum speculatio nostra ducitur, dum vnicuique rei quæ sint cum multis cõmunia considerantur, dum ad vnā quamlibet rem determinandum, nunc à similibus, nunc à similiter se habentibus, seu cõmuniter accidentibus, ratio trahitur, & assignatur. Tunc autem in vno eodemque loco considerationis nostræ defixio quæsi immobilis sistitur, quando in cuiuscunque rei esse vel proprietate perspicenda atque miranda contemplationis intentio libenter immoratur. Modus contemplationis qui quodammodo fieri solet, antè & retro insinuat. Ezechiel. 1. *Ibant animalia, & reueriebantur in similitudinem fulguris coruscantis.* De illo qui quasi sursum & deorsum est, dicitur in Psalm. *Ascendunt usque ad calos & descendunt usque ad abyssos.* De illo qui est velut in gyrum, dicit Propheta: *Leua in circuitu oculos tuos, & vide.* Esaia 60. De-

Psalm. 106.

inde distinguit species contemplationis his verbis: Sex sunt contemplationum genera. Primum est, in imaginatione, & secundum solam imaginationem. Secundum est, in imaginatione secundum rationem. Tertium est, in ratione secundum imaginationem. Quartum est, in ratione & secundum rationem. Quintum est, supra rationem, sed non præter rationem. Sextum supra rationem est, & videtur esse præter rationem. Duo itaque sunt in imaginatione, duo in ratione, duo in intelligentia. In imaginatione, cum obstupescences attendimus corporalia ista, quæ sensu corporeo haurimus: quàm sint multa, quàm magna, quàm diuersa, quàm pulchra vel iocunda. Et in his omnibus creatricis illius superessentia potestiam, sapientiam, munificentiam mirando veneramur. Tunc contemplatio nostra in imaginatione versatur: & secundum solam imaginationem formatur, quanto nihil argumentando quærimus, sed libere mens nostra huc illucque discurrit: quo eam in hoc spectaculorum genere, admiratio rapit. Secundum genus est, quando ad ea quæ in imaginatione versamus, & quæ ad primum contemplationis genus pertinere iam diximus, rationem quærimus & inuenimus, imò inuentam & notam in consideratione cum admiratione adducimus. In illo res ipsas, in isto earum rationem, ordinem, dispositionem, & vniuscuiusque rei causam, modum & vtilitatem rimamur, speculamur, miramur. Tertium genus est, quando per rerum visibilibus similitudinem in rerum inuisibilibus speculationem subleuamur. Quartum est, quando semoto omnis imaginationis officio, illis solis animus intendit quæ imaginatio non nouit, sed quæ mens ex ratiocinatione colligit vel per rationem comprehendit: vt, quando inuisibilia nostra quæ per experientiam nouimus, &

Contem-  
plationis  
sex gene-  
ra.

ex intelligentia capimus, in considerationem adducimus, & ex eorum consideratione in cælestium animorum & supermundanorum intellectuum contemplationem assurgimus. Quintum est, quando ea ex diuina reuelatione cognoscimus quæ nulla humana ratione plenè comprehendere, quæ nulla nostra ratiocinatione integrè inuestigare sufficimus. Talia sunt illa quæ diuinitatis natura, & illa simplici essentia credimus & scripturarum diuinarum auctoritate probamus super rationem: nec tamen præter rationem censenda est, quando ei quod per intelligentiæ aciem cernitur, humana ratio contrariè non potest, quin potius facile acquiescit & sua attestazione alludit. Sextum est, quando animus ex illa diuini luminis irradiatione cognoscit ea, & considerat, quibus omnis humana ratio reclinat. Talia sunt penè omnia quæ de personarum trinitate credere iubemur. Duo ex his in imaginatione consistunt, quia solis sensibilibus intendunt: duo in ratione consistunt, quia solis intelligibilibus insistant: duo in intelligentia subsistant, quia solis intellectibilibus intendant. Sensibilia dico, sensu corporeo perceptibilia. Intellectibilia dico, inuisibilia & humanæ tamè rationi incomprehensibilia. Proprium est, primæ contemplationi simpliciter & sine ulla ratiocinatione visibilium admirationi inhærere. Proprium est, secundæ visibilium rerum rationi ratiocinando insistere. Proprium est, tertiæ per visibilia ad inuisibilia ratiocinando ascendere. Proprium est, quartæ ex inuisibilibus inuisibilia ratiocinando colligere, & per expertorum intelligentiam ad ignorantium nòticiam proficere. Proprium est, quintæ in intellectibilibus intelligentia rationem admittere. Proprium est, sextæ intellectibilibus intelligentia omnem humanam ratiocinationem transcendere. His sex contemplationum alis à terrenis suspendimur, & ad cælestia leuamur. Circa perfectum te esse non dubites, si adhuc ali-

quibus illarum cares. Mecum & cum mei similibus bene agitur, si vnum ex his tribus alarum paribus datur: *Quis mihi dabit pennas sicut columba, & volabo & requiescam?* Terrenum & nondum cæleste animal es, quandiu tantum duabus alis contentus fueris, habes tamen vnde corpus tuum velare, vnde volare possis. Corpus velare, est mundanorum concupiscèntiam ex mundanæ mutabilitatis consideratione temperare, imo in obliuionem adducere. Volare, est ab amore mundi se elongare. Nitere in iis alis quantum poteris, apprehendere saltem nouissima maris. *Si sumpsero*, inquit, *pennas meas diluculo, & habitauero in extremis maris.* Extrema maris, mundi terminus, ac vnicuique vitæ propriæ defectus. Extrema maris tenere, est mundi finem atque vitæ exitum cum desiderio expectare. Extremum maris apprehenderat, qui dicere poterat: *Cupio dissolui & esse cum Christo.* Parum tibi esse debet has duas alas accepisse: sed vt probes te cæleste animal esse, stude & satage saltem duo paria habere. Cælestia animalia erant quæ vidit Ezechiel: *Quatuor*, inquit, *facies uni, & quatuor pennæ uni.* Ezech. i. Duabus corpus suum velabant: nam ceteris duabus volabant. Sunt corpora cælestia & sunt corpora terrestria. Si totum corpus tuum lucidum fuerit non habens in se aliquam partem tenebrarum, vtile tamen erit illud ab humanæ arrogantia oculis abscondere, & sub humanæ mutabilitatis incerto propriæ æstimationis claritatem temperare. Eccles. 9. *Nescit enim homo finem suum, &c.* In primo alarum pari vellet homo corpus suum, in secundo vellet ad cælum. Satagat studio & desiderio in cælestibus esse, vt possit cum Apostolo dicere: *Nostri conuersatio in cælis est.* Philip. 3. Verumtamen si vsque ad tertium cælum penetrare paras, nunquam id in duobus alarum paribus posse præsumas. Oportet enim sex contemplationum alas assignatas habere qui cupit ad tertij cæli

Corpora  
quædam  
cælestia  
quædam  
terre-  
stria.



c. n. em. secreta diuinitatisque arcana volare. Has  
 plationū alas contemplationum soli perfecti in  
 al. sex. hac vita vix habere possunt. Has in futura  
 vita electi tam in hominibus quam in  
 angelis habituri sunt, vt de vtraque natura  
 veraciter dici possit: *quia sex alas al-*  
*seri.* Esaiæ 6. Primum genus contempla-  
 tionis debet esse incipientium. In hoc ge-  
 nere contemplationis homo Deum in  
 omnibus operibus eius mirabilem, lauda-  
 bilem, & amabilem repetit. Psalm. *Do-*  
*mine Dominus noster, quàm admirabile,*  
*&c.* Ecce mirabilem. *A solis ortu usque*  
*ad occasum laudabile nomen Domini:* Ecce  
*laudabilem. Iustus Dominus in omnibus*  
*uius suis, & sanctus in omnibus operibus*  
*suis.* Ecce amabilem. Hæc speculatio tri-  
 plex est. Prima in rebus. Secunda, in ope-  
 ribus. Tertia, in moribus. Prima etiam  
 tres habet species. Quarum prima est in  
 materia. Secunda, in forma. Tertia, in na-  
 tura. Materiam & formam visu corporeo  
 facile deprehendimus: nā lapidem à ligno,  
 triangulum à quadrangulo sine errore  
 discernimus. Natura consideratur in re-  
 rum qualitate intrinseca. Forma consistit  
 in qualitate extrinseca. Qualitas rerum  
 interior ex magna parte, corporeo perci-  
 pitur sensu: sicut sapes gustu, odores ol-  
 factu. Operatio duplex est: alia enim est  
 naturæ, alia industriæ. Operationem na-  
 turæ facile deprehendere possumus, vt in  
 graminibus, arboribus, animalibus. In  
 graminibus quomodo crescunt, matura-  
 rescunt. In arboribus similiter quod fron-  
 dent, florent, fructificant. In animalibus  
 quomodo concipiunt & pariunt, quodd  
 alia nascuntur & alia moriuntur. Disci-  
 plina verò morum partim ex institutione  
 diuina, partim processit ex institutione  
 humana. Ad diuina instituta pertinent  
 obsequia diuina, & quælibet Ecclesiæ sa-  
 cramenta: ad instituta humana pertinent  
 humanæ leges. Humana institutio est  
 propter vitam inferiorem, diuina propter  
 vitam superiorem. In hoc genere contem-  
 plationis Propheta ostendit se exercuisse,

dicens: *Meditatus sum in omnibus operibus* *Psalm. 132.*  
*tuis, & in factis manuum tuarum medita-*  
*bar.* Item: *Delectasti me Domine in factura*  
*tua:* Et iterum: *Quàm magnificata sunt*  
*opera tua Domine! omnia in sapientia fe-* *Psalm. 97.*  
*cisti.* Hoc genus contemplationis rectè in *Ibidem.*  
 septem gradus distinguere possumus. Pri-  
 mus consistit in illa admiratione rerum  
 quæ surgit ex consideratione materiæ. Secundus, in illa admiratione rerum quæ  
 surgit ex consideratione formæ. Tertius, in illa admiratione rerum quæ  
 gignit consideratio naturæ. Quartus, in illa ad-  
 miratione quæ est circa operationem na-  
 turæ. Quintus, in illa admiratione, quæ est  
 circa operationem industriæ. Sextus, in  
 considerandis & admirandis institutio-  
 nibus humanis. Septimus, in consideran-  
 dis & admirandis institutionibus diuinis.  
 Secundo generi contemplationis penè  
 tota mundana philosophia materiam uni-  
 ministrat, latentes rerum visibilibus causas  
 suæ sagacitatis inuestigatione inueniens  
 & in palam producens. Et possunt distin-  
 gui septem gradus in secundo genere con-  
 templationis, similes septem gradibus  
 distinctis in primo genere; cum circa ea-  
 dem versetur hæc contemplatio, & prima  
 scilicet circa sensibilia.

Tertium genus contemplationis in  
 quinque gradus distinguitur secundum  
 quinque modos considerationum ex qui-  
 bus inuisibilibus inuestigatione similitu-  
 dinum ratio quæritur vel assignatur. Pri-  
 mus modus est, quando similitudo sumi-  
 tur ex eo vnde ipsum est, vel quod ipsum  
 est. Secundus & tertius similitudinē tra-  
 hit ex eo quod in ipso est. Quartus &  
 quintus, ex eo quod per ipsum est. Pri-  
 mus trahitur ex materiæ proprietate, vt  
 vbi crura illius columnæ marmoreæ quæ  
 fundatæ sunt super bases aureas, Cant. 5.  
 Secundus & tertius, ex rei ipsius qualita-  
 te: sed secundus ex qualitate extrinseca,  
 quod diximus formam: tertius ex qua-  
 litate intrinseca, quod diximus naturam.  
 Qualitas extrinseca constat in colore &

Institutio alia  
 diuina,  
 alia hu-  
 mana.

figura. A colore similitudo assignatur, ibi: *Dilectus meus candidus & rubicundus*. Cāt. 5. A figura, ibi: *Aspectus earum & opus earum quasi si sit rota in medio rotæ*. Ezech. 5. Extrinseca qualitas pertinet ad solum visum, quemadmodum intrinseca qualitas ad cæteros sensus. Ad auditum pertinet illud: *Et vocem quam audiui tanquam vocem citharedorum*, &c. Apoc. 14. Ad odoratum illud: *Sicut cinnamomum & balsamum*, &c. Eccl. 24. Ad delicias gustus, illud: *Spiritus meus super mel ducis*. Eccl. 24. Ad delicias tactus, illud Psalm. *Sicut unguentum in capite*. Quartus, ex eo quod in ipsa re vel ab ipsa sit secundum motum naturalem: ut ibi: *Quomodo descendit imber, & nix de celo* &c. Esa. 55. Quintus ex eo quod agitur secundum motum artificialem: ut ibi: *Superadificati super fundamentum Apostolorum*, &c. Ephes. 2. In quarto genere contemplationis primum est, ut redeas ad te ipsum, intres ad cor tuum, discas æstimare spiritum tuum. Discute quid sis, quid fueris, quid esse debueris, quid esse poteris, quid fueris per naturam, quid modo sis per culpam, quid esse debueris per industriam, quid adhuc esse possis per gratiam. *Nunquid menti excidit quod regnum Dei intra nos sit*? Luc. 17. *Et quia simile est regnum celorum thesauro abscondito in agro*. Matt. 13. *Omni custodia serua cor tuum*. Prouerb. 4. Audi David, quomodo tibi seipsum in exemplum proponat: *Meditatus sum*, inquit, *nocte cum corde meo, & exercitabar, & sic scopabam spiritum meum*. Meditabatur ille cum corde suo, meditare & tu cum corde tuo. Scopabat ille spiritum suum, scopam tuum spiritum. Exerce agrum istum, attende temetipsum. Absque dubio, insistens huic exercitio, inuenies thesaurum istum absconditum in agro. Ex hoc exercitio crescit auri copia, multiplicatur scientia, augmentatur sapientia. Ex hoc exercitio cordis oculus mundatur, ingenium acuitur, intelligentia dilatatur, nihil rectè æstimat, qui seipsum ignorat. Nescit quod sub pedibus suis om-

Psalm. 32.

Psalm. 79.

nis mundana gloria iacet, qui conditionis suæ dignitatem non pensat. Nescit omnino, nescit quid de spiritu angelico, quid de diuino sentire debeat, qui spiritum suum prius non cogitat. Si nondum idoneus es incitare teipsum, quomodo ad illa rimanda idoneus eris quæ sunt supra teipsum? Si nondum idoneus es intrare in tabernaculum primum, qua fronte præsumis ingredi in tabernaculum secundum? hoc est in sancta sanctorum. Si cupis euolare vsque ad secundum seu tertium cælum, sit tibi transitus per primum, in corde hominis inuenire licet animam quandam plenitudinem orbis terrarum. Ibi sua quædam terra suum habet cælum. Nec vnum quantum, sed secundum post primum, & tertium post secundum erit. Tenet imaginatio vicem primi cæli, ratio secundi, intelligentia tertij. Et horum quidem primum cæterorum comparatione grossum quidem est atque corpulentum, eo quod sit imaginarium, post se trahens & in se retinens formas rerum corporalium. Reliqua verò duo huius comparatione sunt valde subtilia, & omnino incorporea, & ab eius crassitudine multum remota. Sic sane cælum hoc exterius quod nos dicimus firmamentum, absque vlla dubitatione constat esse visibile atque corporeum, & ipsum quidem primum & omnium infimum, quod autem est terra ad hoc visibile cælum, hoc est sensus corporeus ad illud internum, fantasticum & imaginarium cælum. Nam sicut hoc visibile cælum omnium quæ terra gignit atque nutrit multitudinem sinus sui magnitudine comprehendit, sic omnium quæ sensus attingit similitudines, infra sinum suum imaginatio includit. In primo continentur omnium visibilium imagines & similitudines rerum. Veritatem, qui summa veritas est, reseruauit sibi: rerum vero imagines qualibet hora formandas concessit suæ imagini, scilicet animæ. Facile est enim animæ humanæ omni hora qualibet rerum figuras per imaginationem fingere. Ad secundum pertinent

pertinent visibilibus omnium rationes, definitiones, & inuestigationes inuisibilibus. Ad tertium spectant spiritualium etiam diuinorum comprehensiones. Intelligentiæ oculus est sensus ille quo inuisibilia videmus: non sicut oculo rationis, quo occulta & absens per inuestigationem quaerimus & inuenimus: sicut saepe causas per effectus, vel effectus per causas, & alia atque alia quocumque; ratiocinandi modo comprehendimus. Sed sicut corporalia corporeo sensu videre solemus visibiliter, praesentialiter, atque corporaliter: sic utique; ille intellectualis sensus inuisibilia capit; inuisibiliter quidem, sed praesentialiter, sed essentialiter. Sed habet sane oculus hic intellectualis ante se velum magni oppansu ex peccati delectatione fuscato, & tot desideriorum carnalium varia multiplicitate contextu, quod contemplationis intuitum à diuinorum secretorum arcanis arceat, nisi quantum diuina dignatio quilibet pro sua aliorumque utilitate admiserit. Testatur hoc Propheta clamans: *Reuela oculos meos.* Nusquam tibi in omni Dei opere quam in animae creatione, reparatione, glorificatione apparet eius potentia sublimior, vel sapientia mirabilior, vel misericordia iucundior. Primo, spiritualis natura creatur ut sit. Secundo, iustificatur ut bona sit. Tertio, glorificatur ut beata sit. per creationem ad bonum imitatur, per iustificationem in bono dilatur, per glorificationem in bono consummatur. Prima bona sunt creatoris dona. Secunda bona sunt creatoris dona & creaturae merita. Tertia bona, creatoris dona & creaturae praemia. Ex ipsa creationis conditione naturale est omni rationali creaturae esse, scire, & velle. Cognosce homo quæso dignitatem tuam, cogita excellentem illam animae tuae naturam, quomodo fecerit eam Deus imaginem & similitudinem suam, quomodo sublimauerit eam super omnem corpoream creaturam. Et statim mirari incipies quomodo virgo inclyta filia Sion proiecta sit de caelo in terram, & ad Deum clamabis: *Quid mihi est in caelo, & à te quid volui super terram?* Cogita quam

necessarium, & diuinæ bonitati quam congruū, tam dignae creaturae boni aut mali discretionem & arbitrij libertatem concedere, ut esset bonum eius tam acceptum quam voluntarium, tam gratum quam gratuitum. Agnosce quantum emineas per ingenium brutis. Agnosce quantum subiaceas per intellectum spiritibus angelicis. Si attendas primum, cantabis praecordialiter: *Benedicam Dominum qui tribuit mihi intellectum.* Si secundum, clamabis: *Deus, tu scis insipientiam meam.* Inuestiga diligenter voluntatem, non solum tuam, sed alienam, seu bonam seu malam. Cognosce tuam ut scias quid corrigere, seu unde debeas gratias agere. Cogita animas perfectorum & peruersorum, spirituum bonorum & spirituum malignorum, ut eluceat quid imitari, quid vitare expediat. Opus iustificationis sine duobus non consummatur. Nunquid enim perficitur, si creaturae suae creator non cooperetur? Glorificationis nostrae modum quis sensus hominum capere, quæ ratio potest comprehendere? Sed glorificationi nostrae certitudinem fidei attestatione tenemus, quavis qualitatis vel quantitatis eius modum per intelligentiam necdum capere possimus. Sed pro modico & pene pro nihilo reputat, quicquid humana auiditas per experimentum non probat. Scimus autem, quia post plenam mundationem conscientiae, post multa exercitia iustitiae incipit tandem aliquando mens humana sperare quod prius vel poterat credere. Nunquam desistas, numquam quiescas, donec futurae illius plenitudinis aliquas (ut ita dicam) arras obtineas, donec aeternae felicitatis quantum a scunque primitias accipias, donec diuinæ suauitatis dulcedinem prae gustare incipias. Ad huius desiderium animare nos voluit qui dixit, *Gustate, & videte quoniam suavis est Dominus: beatus vir qui sperat in eo, &c.* Quartum contemplationis genus in quinque gradus potest diuidi. In primo gradu consideramus ea quae pertinent ad animae qualitatem vel essentiae ipsius proprietatem, quod vita quaedam & perpetua sit quae nullis

pœnis extingui possit: quòd non solum possit in perpetuū viuere, sed corpus etiā ad vitam & ad sensum animare, quod nullo sustentamento egeat, quod sine subsistat sempiternè subsistat, quomodo sit per tot corporis membra diffusa, cum ipsa sit simplex, quomodo in toto corpore suo quali in suo quodāmodo sit vbique tota. Quemadmodum Deus inuenitur vbique totus in omni creatura sua, quomodo in illo suo mundo sola volūtate omnia mouet atque disponit, sicut in hoc mundo Deus solo voluntatis nutu omnia regit, qui eodem voluntatis nutu omnia creauit. In secundo gradu considerantur ea quæ ad cognitionem sunt. In hac cōsideratione miramur volubilitatem cogitationis, agilitatem imaginationis, ingenij acumen, discretionis examen, capacitatem memoriæ, viuacitatem intelligentiæ, & circa hæc alia quælibet stupenda. In tertio gradu consideramus rationalis animi voluntatē, multiplicemque eius affectionem. In quarto contēp'amur & admiramur quomodo tot animi affectiones rediguntur in virtutes in quantum per discretionem disponuntur & in bona intentione figuntur. Cum enim nihil aliud sit virtus quā affectio ordinata, & moderata, ex intentione bona agitur vt sit affectio ordinata, & per descriptionem efficitur vt fiat moderata. In quinto gradu aspirantis gratiæ modos cum admiratione attendimus. Absque dubio quicquid boni in bonorum cordibus additur, septiformis ille spiritus per inspirantem gratiam operatur. Ecce vnus atque idem spiritus tot mensibus semper & vbique præfidet, & gratiæ suæ munera multipliciter impendit. In duobus vltimis generibus contemplationis, puta quia opus est intima potius compunctione quā profunda inuestigatione, suspiriis quā argumētis, crebris gemitibus quā copiosis argumentationibus.

Scimus quia cordis intima nil adeo purgat, mentisque munditiā nil adeo reparat, nihil sic ambiguitatis nebulas detergit,

cordisque serenitatem nil melius, nil citius adducit, quā vera animi cōtritio, quā profunda & intima animæ compunctio. Sed quid ait Scriptura? *Beati*, inquit, *mundo corde, quoniā ipsi deū videbūt.* Matt. 5. Studeat ergo cordis munditiæ qui cupit Deū videre. O quā prudenti circūspeditione: o quā frequēti increpatione oportet inuigilare ne vllus mētis excessus vel cogitationis euagatio discretionis perspicaciā lateat nec sine redargutione fortique castigatione pertranseat. Quum rationalis creatura, quantū ad aliqua, Deo sit similis, secundū illud, *Creauit Deus hominē ad imaginē & similitudinē suā.* Gen. 1. Et secundū illud: *Tu signaculū similitudinis plenus sapientia & decore, in deliciis paradisi Dei fuisti.* Ez. 28. Et quantū ad aliqua sit dissimilis, secundū illud: *Deus, quē similis erit tibi?* Cōtemplatio quantū ad primū non est præter rationē. Cōtemplatio verò quantum ad alia est præter rationem.

Aues quū volare volunt, alas suas expandunt: sic debemus & nos cordis nostri alas per desiderii extēdere, & diuinæ reuelationis horā sēper expectare, vt quacūque hora diuinæ inspirationis aura mentis nostræ nubila deterferit, verique solis radios detexerit, excussis statim cōtemplationis suæ alis, mens nostra se ad alta eleuet, & euolet & fixis obtutib. in illud eternitatis lumen quod desuper radiat, omnia mundanæ volubilitatis nubila transcendat. Hoc figuratū est in duobus Cherubim, qui erant expandentes alas. Exod. 25. Debemus autem non solum ad hoc quod in hac vita habere possumus, verum etiam ad illud diuinæ cōtemplationis spectaculū quod in futura vita speramus, animas nostras suspendere, & in huiusmodi expectatione vehementi desiderio anhelare. debet anima perfecta omni hora suæ peregrinationis terminū cum desiderio expectare. Hinc est quod Abraham in ostio tabernaculi sui sedebat, Genes. 18. Elias in speluncæ suæ ostio stabat, 3. Reg. 19. Debet anima sancta & veri sponsa amica ad dilecti sui aduētū, sumo cū

Alas cordis extēdere instar auis ad quid necessarium.

desiderio anhelare, parata semper vocanti occurrere. Debet semper in hoc sollicita esse, ne subito adueniēs, min⁹ ornatā inueniat, vel diu exclusus vllam molestiā sustineat. Molesta satis verba æstuantique desiderio multum onerosa. Munda, remūda, &c. Dicit huiusmodi anima in suis sordibus inuenta. Certe aduentum tuum præscire debuisses: vt te solenniter susciperē. De cætero aduentū tuū mihi prænuntia. Ecce vox dilecti pulsantis: *Aperi mihi soror mea*, Cant. 5. Respondet, *Expecta modicum*. O quantum timeo ne istud modicum, protrahas in longum, donēc transeat. *Pessulum ostij mei aperui dilecto meo, at ille declinauerat*. Cantic. 5. Permodica morula patienti desiderio satis est molesta. Scimus, quia singularis amor consortem non recipit. Vide ergo ne tunc primo incipias perstreptētium turbas eiicere velle, cum iam ipse incœperit ad ostium pulsare. Alioquin quid iam eris diætura, nisi *Expecta, re expecta*. Expectandum sane; itemq; reexpectandū ad eiiciendum turbā extraneorum, ad eiiciendum familiam tuorum. Omnes cogitatus tam vani quam noxij extranei iudicādi sunt qui nulli nostræ utilitati deseruiunt. Illos verò quasi domesticos famulantes habemus quos nostris vñibus implicamus. Quia vero singularis amor solitudinem amat, totam hanc turbam non solum cogitationum, verumetiam affectionum oportet eiicere, vt dilecti amplexibus liceat inhærere. Quanta quæso in hac expectatione inora: Modicum ibi, modicum ibi. Modicum in horto, dum tumultuationum turba dirigitur. Modicum in vestibulo, dum thalamus adornatur. Modicum in thalamo, dum lectulus sternitur: id est, intimus animæ sinus ad summam pacem & tranquillitatē componitur. Dilectus auditur per recordationē, videtur per admirationē, deosculatur per dilectionem, amplexatur per delectationem. Vel si bonus melius placet, auditur per reuelationem, videtur per cōtemplationē, deosculatur per deuotionem, astrin-

gitur ad dulcedinis suæ infusionem. Auditur per reuelationē, donec voce eius paulatim inualecente, tota perstreptētium tumultuatio sopiatur, solaq; ipsius vox audiat, donec omnis illa tandē tumultuātium turba dispereat, solusque cū sola remaneat, & solum sola per cōtēplationem aspiciat. Videtur per cōtemplationem, donec ad insolitæ visionis aspectū pulchritudinisq; admirationem paulatim anima incalescat, magisque inardescat, & tandem aliquando incandescat, donec ad verā puritatem internāque pulchritudinem tota reformetur, & ille internæ habitationis thalamus, purpura & bysso, hyacintho, coccoq; bis tincto vndiq; perornetur, donec tandem aliquando thalamo perornato & introducto dilecto, fiducia iam inualecente desiderioque perurgente, cum se vltius cohibere nō valeat, subito in oscula ruat, & impressis labiis intimæ deuotionis oscula figat. Puto, quia experta dulcedine tanta, de cætero non possit anima illa pulsanti dilecto aliquas moras necdere. Sed quamuis iā prōptia sit, adueniētem suscipere, nescio si æquē parata sit vocanti occurrere. Aliud est cū ipso introire, atq; aliud ad ipsū exire. Quid est eius introire, nisi se totam in seipsam colligere? Quid est eius exire, nisi seipsam extra semetipsā totā effūdere? Nihil aliud est animā cū dilecto suo in cubiculū ingredi, & solā cū sola morari dulcedineq; perfrui, nisi exteriorum omnium obliuisci, & in eius dilectione summe & intime delectari. Se solam cū dilecto videt, quando exteriorū omnium oblita, ex his quæ in intimis suis considerat, animum suum in affectum dilecti sui inflammat, tam ex bonorum quā malorum suorum consideratione in gratiarum actionem assurgit, & hinc pro impensa gratia, hinc pro indulta venia intimæ deuotionis victimas persolvit. Vsq; in intimum dilectus perducitur, & in optimo collocatur, quando ex intimo affectu & super omnia diligitur. Cogita quid sit quod in vita tua ardentius dilexisti, an-

xius concupisti; quod te iocundius afficiebat profundiusque delectabat. Considera si eandē affectionis violentiam, dilectionisque abundantiam sentis, quando in summi dilectoris desiderium inardescis, quando in eius dilectione requiescis. Notandum intimum illum affectionis tuę sinum tenet, si intimę dilectionis aculeus animę tuam in diuinis affectibus minus penetrat, quā in aliis affectibus aliquando penetrare solebat. Sed si tantam vel validiorem dilectionis violentiam in intimis tuis circa diuina prospexeris, quā aliās numquam expertus fueris: vide adhuc si in horto forte aliud aliquid sit in quo delectari vel cōsolari possis. Quod si est, nondum audeo dicere, dilectum intimum ardentissimi amoris sinum tenere. Satage trahere eū adhuc ad interiora cordis: quis enim neget cor tales recessus habere, in quibus summi & singularis amoris violentia, cum aliquid per affectum infixerit, aliena omnino delectatione auelli non possit? Certe si alienam aliquā consolationem quærīs, vel recipis Deum, quamuis fortassis summe, nondum tamen singulariter diligis. Nondum ergo in intimum perducitur. Si ergo nō satagis introducere eum ad intima tua, quomodo te credam posse sequi eum ad sublimia sua.

Et notandum, quod sublimitas diuinarum reuelationum, manifestū est diuinę dilectionis indicium. *Jam non dicā, inquit, vos seruos, sed amicos: quia omnia quęcūq; audiri à Patre meo, nota feci vobis.* Ioan. 15. Ex magnitudine diuinę dilectionis pēdet modus diuinę reuelationis. *Comedite, inquit, amici, & bibite, & inebriamini, charissimi.* Cant. 5. Qui comedunt, dum cibum masticant, non sine mora vel qualicunque labore quo delectantur traiciūt. Qui bibunt cum velocitate vel facilitate quod sitiunt traducunt. Nunquid non videntur tibi comedere qui cum multo studio & longa meditatione vix possunt ad veritatis delicias pertingere? Bibēt qui ex diuinis reuelationibus cum facilitate

& iocunditate hauriunt, quod de intima suauitate veritatis ardententer concupiscunt. Item notandum, quod ea quę vnitatem diuinitatis considerantur, quę ad quintū genus contemplationis pertinent, sunt humanę intelligentię modum excedentia: nihilominus tamen sunt rationi consentanea. Credimus diuinam essentiā esse summe vnā & simplicissimā. Credimus etiam eam esse omne bonū. Exod. 33. *Ego ostendam omne bonum tibi,* ait Dominus Moysi. Item credimus eam esse immensam, licet simplicissimā. *Magnus, inquit, Dominus, & laudabilis nimis, & magnitudinis eius non est finis.* His assertionibus ratio humana facile acquiescit. Bonū enim illud perfectum & omnino sufficiens non esset, si in eo aliquid boni defuisset. Item si compositum esset naturaliter, diuidi posset: & sic esset commutabile, & non esset optimum. Simplicissimum est quantum ad essentiam, multiplicissimum quantum ad efficaciam. Virtute est immensus, essentiā est summę simplicitatis.

Item notandum, quod inter specula triū vltimarum contemplationum debemus libenter discurrere, si volumus diuinam reuelationē nobis fieri. Dictum est enim Moysi Exod. 25. *De loco qui erat in medio duorum cherubim, inde loquar ad te.*

Item notandum, quod quāuis familiare sit, & quasi proprium videatur duobus nouissimis contemplationum generibus per mentis excessum videre, quatuor autem primis quasi domesticum & penē velut singulare sine vlla animi alienatione in cōtemplationem assurgere, possunt tamen omnia atque solent modo vtroque cōtingere. Horū autem qui in suis contemplationibus supra semetipsos ducūt, & vsq; ad mentis excessum rapiuntur, alij hoc expectāt & accipiunt ex sola vocante gratia, alij vero vt hoc possint sibi comparant, cum gratiæ tamen cooperatione ex magna animi industria. Et illi quidem hoc donum quasi fortuitum

habent: isti verò iam ex virtute possident, qui ex magna iam parte illud possunt cum volunt. Vnius rei figuram habemus in Moyse, Alterius autem in Aaron. Quod enim Moyses in monte per nubem arcam videre meruit, sola reuelantis Domini gratia fuit. Aaron autem iam ex magna parte in potestate habebat, quoties id ipsum ordo vel ratio poscebat, in sancta Sanctorum intrare & intra ipsum velum arcam Domini videre.

Contem-  
plationis  
qualita-  
tes.

Item notandum, quod tribus modis in gratiam contemplationis proficimus. Aliquando ex sola gratia, aliquando ex adiuncta industria, aliquando ex aliena doctrina. Item tribus modis videtur contemplationis qualitas variari. Modo enim agitur mentis dilatatione, modo mentis subleuatione, aliquando mentis alienatione. Mentis dilatatio est, quando animi acies latius expanditur, & vehementius acuitur, modum tamen humanæ industriæ nõ supergreditur. Mentis subleuatio est, quando intelligentiæ viuacitas diuinitus irradiata, humanæ industriæ metas transcendit, nec tamen in mentis alienationem transit, ita vt supra se sit quod videat, & tamen ab assuetis penitus non recedat. Mentis alienatio est, quando præsentium memoria mēti excidit, & in peregrinum quædam & humanæ industriæ inuium animi statum diuinæ operationis transfiguratione transit. Hos tres contemplationis modos experiuntur qui vsque ad summam huius gratiæ arcem sublimari merentur. Primus surgit ex industria humana. Tertius, ex sola gratia diuina. Medius autem ex vtriusque permissione, humanæ scilicet industriæ & gratiæ diuinæ. De primo legitur: *Lena in circuitu oculos tuos, & vide.* Esa. 60. De secundo: *Qui sūt isti qui vt nubes volant.* Eiusd. 60. De tertio, *Ego dixi in excessu meo.* Ille motus qui fit mētis dilatatione, tribus solet gradibus ex crescere: arte, exercitatione, attentione. Artem nobis ad aliquid veraciter compariamus, quando quomodo aliquid agendū

sit veraci traditione seu sagaci inuestigatione addiscimus. Exercitatio est, quando id quod arte percipimus, in vsum adducimus & in eiusmodi officij executionē nos ipsos pròptos & expeditos efficimus. Attentionis est, quando studio quod exequimur summa diligentia insistimus. Item ille contemplationis modus qui in mentis subleuatione accidit, tribus gradibus ex crescit. Intelligentia namque humana diuinitus inspirata & in illo cœlesti lumine irradiata, aliquando subleuatur supra scientiam, aliquando etiam supra industriam, aliquando autem supra naturam. Supra scientiam, quando aliquis tale aliquid ex diuina reuelatione cognoscit, quod modum propriæ scientiæ vel intelligentiæ excedit. Supra industriam, quando ad illud humana intelligentia diuinitus illuminatur, ad quod nulla sua sufficit scientia, nec illa quam interim habet, nec sua vlla industria comparare valet. Supra naturam, quando humana intelligentia diuinā inspiratione afflata non cuiuscunque hominis, sed generaliter totius humanæ naturæ modum industriæque metas transgreditur. Omne genus prophetiæ sine mentis alienatione videtur ad hunc tertium subleuationis gradum pertinere. Nonne supra humanā naturā est, videre de præteritis, quod iam nõ est? videre de futuris, quod nondū est? videre de præsentibus, quod sensibus absēs est? videre de alieni cordis secretis, quod nullū sensui subiectum est? Tribus de causis in mentis alienationē abducimur. Nā modò præ magnitudine deuotionis, modò præ magnitudine admirationis, modò præ magnitudine exultationis fit, vt semetipsam mens omnino non capiat, & supra semetipsam eleuata, in alienationem transeat. Magnitudine deuotionis, quando tāto cœlestis desiderij igne succenditur, vt amoris intimi flāma vltra humanū modū ex crescat, quæ animam humanā ad ceræ similitudinē liquefactam ad pristinos status resoluat, & ad instar fumi attenuatū in superna eleuet, & ad summa emittat. Magnitu-

dine admirationis, quando diuino lumine irradiata, & summæ pulchritudinis admiratione suspensa, tam vehementi stupore concutitur, vt à suo statu funditus excutitur, & in modum fulguris coruscantis, quanto profundius per despectum suæ inuissæ pulchritudinis respectu in ima delicitur, tanto sublimius, tanto celerius per summorum desideriorum stuporem reuersata, & super semetipsam rapta in sublimia eleuetur. Magnitudinē exultationis: quando intima illa internæ suauitatis abundantia potata, imò plene inebriata, quid sit, quid fuerit penitus obliuiscitur, & insuper mundanum quendam affectum sub quodam miræ felicitatis statu raptim transformatur. Hi tres modi excessionis in Canticis describuntur. Primus, quum dicitur: *Qua est ista, qua ascendis per desertum sicut virgula fumi, & ex aromatibus myrrhæ & thuris & vniuersi pulueris pigmentum?* Cant. 3. Secundus ibi: *Qua est ista qua progreditur quasi aurora confurgens, pulchra ut luna, electa ut sol?* Cantic. 6. Tertius ibi: *Qua est ista qua ascendis de deserto, delictis affluens, innixa super dilectum suum.* Cant. 8.

Circa primum notandum, quod per fumum intelligimus deuotæ mentis desiderium, qui fumus ab igne spiritualis amoris surgit, Virgula gracilis & recta: est tuum desiderium anxium & vnicum, surgens ex intentione recta. Per-myrrham, intelligas carnis contritionem. Per thus, cordis deuotionem. Per vniuersum puluerem pigmentarium, omnium virtutum consummationem. Nunc anima sancta veraciter quasi fumus & per desertum ascendit, quando ex his quæ in semetipsa inuenit, siue bonis, siue malis, affectum suum in cœlestis sponsi desiderium accendit.

Circa secundum notandum quod mēs velut aurora confurgit, quæ ex visionis admiratione paulatim ad incrementa cognitionis proficit. Aurora paulatim ele-

uatur, elenando dilatatur, dilatando clarificatur. Sed miro modo, dum tandem in diem definit, per promotionis suæ incrementa ad defectum venit: & vnde accipit vt maior sit, inde ei accidit vt omnino non sit. Sic humana intelligentia diuino lumine irradiata, dum intellectibilibus contemplatione suspenditur, dum in eorum admiratione distenditur, quanto ad altiora vel mirabiliora ducitur, tãto amplius dilatatur: & vnde infimis remotior, in semetipsa durior, & ad sublimia subtilior inuenitur. Sed in hac subleuatione dum mens humana semper ad altiora crescit, dum diu crescendo tandem aliquando humanæ capacitatis metas transcendit, fit demum vt à semetipsa penitus deficiat, & in supermundanum quendam transformata affectum, tota supra semetipsam eat. Et sicut matutina lux crescendo definit non quidem esse lux, sed esse lux matutina, vt ipsa aurora iam non sit aurora: ita humana intelligentia ex dilatationis suæ magnitudine quandoque accipit vt ipsa iam non sit ipsa: non quidem vt non sit intelligentia, sed vt iam non sit humana. Et sicut primus excessionis modus ex deuotione surgit, sic iste in deuotionem definit. Ibi ex nimio veritatis desiderio ad veritatis contemplationem assurgitur, hinc ex veritatis reuelatione eiusque contemplatione ad deuotionem animus inflammatur. Quod forte innuitur quum dicitur: *Pulchra ut luna, electa ut sol.* Aurora & luna lucem habent, sed calorem non habent, sol autem utroque præpollet: quid sole lucidius? quid sole feruentius? Videtis ergo, quod illa mentis ascensio quæ hoc loco designatur, cuius extrema soli comparantur, non in qualemcunque, sed in summam deuotionem quandoque desinat, quamuis à sola claritate veritatisque illuminatione incipiat.

Et notandum, quod ille diuinæ reuelationis splendor quandoque præuenienti meditationi occurrit, quandoque ipsam



humanam præmeditationem præuenit: & modo quærentem adiuuat, modo torpentem excitat. Hinc est, quod regina Austri Regem Salomonem quæstionibus pulsat, 3. Reg. 10. Hinc est quod victum Petrum angelus cum luce visitans, à corporis sui somno excutit & educit. Act. 12. Quæ est ista Regina Austri, & illius calidæ religionis inhabitatrix & domina, & videndi Salomonis desiderio succensa, nisi anima sancta sensibus & appetitibus carnis, cogitationibus & affectibus mentis fortiter præsidens, & summi regis verique prorsus Salomonis dilectione feruens, videndique desiderio ardens? Regina Saba prius quærit & audit, postea vidit & intelligit, tandem autem obstupescit & deficit. Primum est, meditationis. Secundum, contemplationis. Tertium, extasis. Meditatione assurgitur in contemplationem, contemplatione in admirationem, admiratione in mentis alienationem.

Circa tertium notandum, quod quasi de deserto humanus animus ascendit, quando supra semetipsum mentis alienatione tranlit, quando semetipsum in imo deferens, & ad cælum vsque pertransigas solis diuinis se totum per contemplationem & deuotionem emergit. Deliciarum affluentia ascensionis tunc causa existit, quando ex illa diuinæ dulcedinis infusione quam in intimis sentit, seipsam anima sancta præ gaudio & exultatione non capit, intantum vt exultationis suæ magnitudo eam extra semetipsam effundat. Huius rei formam in animalibus possumus percipere. Solent namque in suis lussibus saltus quosdam dare. Sic pisces dum in aquis ludunt, supra aquas exiliunt. Nemo autem tantam cordis exultationem vel subleuationem de suis viribus præsumat, vel suis meritis adscribat. Vnde & illa anima quæ de deserto ascendere sic describitur, dilecto suo innixa perhibetur. Quid est dilecto inniti, nisi virtute illius & non propriis viribus promoueri? De-

ducit eam dilectus per desertum in nube diei, & tota nocte in illum inatione ignis: Non haberet quomodo æstus concupiscentiæ temperaret sibi, nisi virtus Altissimi obumbraret. Illi deesset vnde tenebras ignorantiae suæ illuminaret, nisi in lumine illius videret lumen. Accipit itaque dilecta ex munere dilecti sui duo remedia contra duo principalia mala: refrigerij nubem contra concupiscentiam carnis, & reuelationis lucem contra ignorantiam mentis. Qui ad hanc gratiam profecit, cum eam sibi vltra solitum subtrahi iam sentit, est quod facere debeat vnde ad eam reparandam adiuuari valeat. Debet animus qui huiusmodi est, propriis meditationibus cordis in se exultationem reparare, & impensa sibi diuinorum beneficiorum munera ante recordationis suæ oculos reuocare, & ex eiusmodi recordatione seipsum ad profundam & deuotam gratiarum actionem instigare, & tandem aliquando internum illud spiritualis harmoniæ organum ex affectu in diuinas laudes laxare. Dum itaque eiusmodi studiis intima cordis affectio in diuinæ confessionis magnificentiam plena deuotione resoluitur: quid aliud quam quoddam (vt ita dicam) spiraculum aperitur per quod in illud cordis nostri vasculum diuinæ suauitatis abundantia infundatur? Hinc est quod Eliseus propheta, verbum Domini requisitus, cum se præsensisset spiritum prophetiæ tunc temporis non habere, fecit Psalterium adduci, quo præsentem atque psallentem statim spiritum propheticum hausit, osque suum in verba prophetiæ relaxauit. 4. Reg. 3. Quid est autem psalterium adducere, nisi prouida meditatione exultationem cordis reparare, & ex diuinorum beneficiorum vel promissorum recordatione cordis deuotionem excitare? Tunc psalterium psallere facimus, quando ex magno cordis tripudio in diuinam præconia iubilamus, & in gratiarum actionem assurgentes, ex intimis visceribus in diuinas

2<sup>a</sup> ed. 49.

laudes cum magno cordis clamore roboramus. Hæc itaque agentes, quid aliud quam viam sternimus per quam venientem visitantemque nos Dominum excipiamus? *Sacrificium*, inquit, *landis honorabit me, & illiciter quod ostendam illi salutare Dei*. Ad eiusmodi psaltis vocem spiritualis animus medullitus tangitur, & irruente in eo spiritu spiritualiter afficitur. Et dum ad diuinam inspirationem intellectualis sensus aperitur, quodammodo in eo gratia reparatur. Solet dulcis harmonia cor exhilarare, & ei gaudia sua ad memoriam reuocare: & quò amor vehementius animum afficit, eò profundius audita harmonia affectum tangit: & quò pròfundius per affectionem tangitur, tantò efficacius ad sua desideria renouatur. Quid igitur aliud de prophetico viro sentire oportet, nisi quod exterior harmonia spirituale harmoniam ei ad memoriam reduxit, & audita melodia audientis, animum ad assueta gaudia reuocauit atque leuauit: Dictum est quibus de causis mentis alienatio accidere soleat: nunc illud adiiciendum videtur, quibus gradibus ascendat. Ascendit autem aliquando supra sensum corporalem, aliquando etiam supra imaginationem, aliquando verò supra rationem. Quis duos primos ascensus negare audeat, cum illum qui supra rationem est, Apostolica auctoritas conuincat? *Scio*, inquit, *hominem siue in corpore, siue extra corpus nescio, Deus scit, raptum usque ad tertium cælum*. 2. Corinth. 12. Ecce, quia humanam rationem mentis alienatione transierat, quid circa se ageretur discernere nequibat. Ista quæ præcedunt extracta sunt ex libro Richardi, de contemplatione. Tres discipuli in Christi transfiguratione ceciderunt in faciem suam. Matthæi 17. Quia sensus imaginatio & ratio in Dei contemplatione deficiunt. Paulus etiam lucis circumfulgentia excæcatur. Act. 9. Corpus etiam debilitatur. Ezech. 2. *Vidi, & cecidi in faciem meam*. Gregorius: In quantam

Alienatio  
mentis  
quibus  
gradibus  
ascendat.

miseriam cecidimus, qui ipsum bonum ferre non possumus ad quod creati sumus. Daniel. 10. *Vidi visionem hanc grandem, & non remansit in me fortitudo*.

## P A R S X.

*De duodecim quæ præparant hominem ad diuinorum contemplationem, de octo gradibus secundum Bernard. quibus Viri contemplatiui ascendant. Item de septem gradibus secundum August. & de diuersis speciebus visionum.*

**I**N summa notandum est, quod XII. Ad continentur esse, quæ hominem præparant ad diuinorum contemplationem. Primum est exercitatio in operibus actiua. Non quam citò peccator Deo reconciliatur, dignus est videre eius faciem: *Absalon mansit duobus annis in Ierusalem, & faciem regis non vidit*. 2. Reg. 14. Secundum est puritas. Aaron non intrabat in sancta Sanctorum, nisi prius lotus. Leuit. 16. Matth. 5. *Beati mundo corde, quoniam ipsi Deum videbunt*. Bernardus ad fratres de Monte Dei: Hoc ineffabile quum non nisi ineffabiliter videatur, qui vult videre, cor mundet: quia nulla similitudine corpori dormienti, nulla corporea specie vigilanti, nulla indagine rationis, nisi mundo corde humiliter amanti videri potest vel apprehendi. Tertium est solitudo. Osee 2. *Adducam eam in solitudinem, & loquar ad cor eius*, & Gen. 32. legitur de Iacob, quod remansit solus: *Ecce luctabatur cum eo usque mane*. Apparuit Dominus Moyse in interioribus deserti. Exod. 3. Bernard. O anima, sola esto, vt illi te solam serues quem ex omnibus elegisti. Item Bernardus: Deus filius verecundus amator est, & non vult sponsæ suæ secreta revelare in publico. Quæ anima sit sponsa Christi, ostendit Bernard. super

super Cant. his verbis: Animam quam videris, relictis omnibus, verbo votis omnibus adherere, verbo viuere, verbo se regere, de verbo concipere, puta coniugem. Attende in spirituali matrimonio duo esse genera parienti, & ex hoc etiam diuersas soboles, sed etiam non aduersas, quum sanctæ matres aut prædicando, animas; aut meditâdo, intelligentias pariunt spirituales. In hoc ultimo genere exceditur, & seceditur etiam à corporalibus sensibus, ut sese non sentiat quæ verbū sentit. Hoc fit cum mens ineffabili verbi illecta dulcedine quodammodo se sibi furatur, imo rapitur atque illabatur à seipsa, ut verbo fruatur, aliter sanè afficitur mens fructificans verbo, & fruens verbo. Illic sollicitat necessitas proximi, hic immutat suauitas verbi. Et quidem læta in prole mater, sed in amplexibus sponsa lætior, chara pignora filiorum, sed oscula plus delectât. Pergat quis forsitan quærere à me verbo frui quid sit. Respondeo: Quærat potius expertum à quo id quærat: aut si & mihi daretur experiri, putas me posse eloqui quod ineffabile est? Audi expertum: Siue, inquit, excedimus mente Deo, siue sobrii sumus vobis, hoc est aliud mihi credo. Solo arbitro Deo, aliud vobis cōmitto. Bonum est saluare multos: excedere autem & in verbo esse multo iucundius, aut quando hoc aut quandiu hoc dulce commercium, sed breue momentum & expirimetum rarum. Quartū est desolatio. Deuter. 8. *Affixis te penuria, & dedit tibi cibum Manna.* Iacob timebat multum Esau, quando vidit visionem illam, pro qua dixit: *Vidi Dominum facie ad faciem.* Genes. 32. Et Stephanus in tribulatione positus vidit gloriam Dei. Actuum 7. Et Ioannes in exilium relegatus à Domitiano, vidit visiones quæ in Apocalypsi scriptæ sunt. Gregor. super illud Gen. 32. *Vidi Dominum facie ad faciem.* Prius exurente tristitia caligo detergitur, & sic resplendēte raptim incircūscripto lumine mens illustratur, quo in gaudio cuiusdā securi-

tatis absorbetur, & quasi post defectum præsentis vitæ ultra se raptā in quadā nouitate recreatur. Ibi mens ex immenso fonte visionis supremo rore aspergitur: ibi non se sufficere ad illud quod raptā est cōtemplatur, & veritatem sentiendo videt: quia quanta est ipsa veritas non videt, cui tanto se longè esse æstimat, quāto appropinquat: quia nisi vllam vtrunque cōspiceret, non eam conspiceret se non posse sentire. Quintum est, silentium. Maria taceret, Luc. 7. Phariseo eam contempnente. Item eiusd. 10. Martha petente eam sibi dari. Et Matth. 26. quum discipuli essent ei molesti pro effusione vnguenti. Ad contemplatiuam pertinet audire verbum internum, quod in taciturnitate magna vult audiri David: *Audiam quid in me loquatur Dominus Deus.* Eccles. 22. *Audi tacens.* In eodem: *Vbi non est auditus, non effundas sermonē.* Thren. 3. dicitur de taciturnitate & solitudine: *Sedebis solitarius, & tacebit.* Ibidem: *Bonum est præstolari cum silentio salutare Dei.* Etiam si quis Mariam alloquitur, silenter debet loqui. Ioann. 11. *Martha vocauit Mariam silentio, Magister adest, &c.* Sextum est, gratiarum actio & vox laudis. In Psalm. *Sacrificium laudis honorificabit me, & illic iter quo ostendam illi salutare Dei.* Sex alia tanguntur. Genes. 8. quorum primum est humilitas, quæ tangitur in hoc quod Dominus dicitur apparuisse Abraham in conualle Mambre, Interl. Apparet Deus humilibus. Mambre interpretatur claritudo, vel perspicuitas. Conuallis Mambre, est duplex humilitas: cordis scilicet, & corporis, in qua clarius Deus videtur. Bernardus. Superbo oculo Deus non videtur, sincero patet. Idem: *Quisquis curiosus est scire quid sit hoc verbo, frui.* Para illi non aurem, sed mentem: non docet hoc lingua, docet gratia: absconditur hoc à sapientibus & prudentibus, & reuelatur paruulis, Magna, fratres, magna & sublimis virtus, humilitas quæ promeretur quod non docetur, &

Psalm. 84.

Psalm. 49.

Dona humilitatis Deo grata.

Kxx

digna adipisci quod non valet addisci: digna à verbo & de verbo concipere, quod suis ipsa verbis explicare non potest. Locus Mariæ erat, ad pedes Christi, Luc. 7. *Stans retro secus pedes, &c.* Eiusd. 10. *Quæ sedens secus pedes, &c.* Ioann. 11. *Videns eum, cecidit ad pedes eius.* Eiusd. 12. *Vixit pedes Iesu.* Et Ioan. 20. Voluit tangere pedes eius, sed non est permessa. *Noli, inquit, me tangere.* Gloss. Hic inuenitur quod pedes eius amplecti voluit. Item Matth. ult. dicitur de ipsa & socia eius: *Accesserunt & tenuerunt pedes eius.* Secundum est quies, quod tangitur ibi. *Sedens, &c.* Thren. 3. *Sedebit solitarius.* &c. Ioann. 11. *Maria autem domi sedebat.* Gen. 28. *Vidit Iacob in somnis scalam.* Hanc visionem videt Iacob dormiens in itinere. Augustinus: In itinere dormire, est in via huius seculi ab impedimento secularium actionum quiescere. De somno isto legitur: Cant. 5. *Ego dormio, & cor meum vigilat.* Sap. 8. *Intrans in domum meam conquiescam cum illa.* Tertium tangitur cum dicitur, in ostio tabernaculi. Ostium tabernaculi, est exitus de corpore isto. In ostio tabernaculi sedent qui mortem habent in desiderio, & vitam in patientia. Iacob luctante cum Angelo nervus emarcuit. Gen. 32. Amor enim presentis seculi deficere debet in viris contemplatiuis. Gregor. Iacob qui cum Angelo contendit, contemplatiui viri animam exprimit, quæ cum Deum contemplari nititur, velut in certamine: modo quasi superat, quia intelligendo & sentiendo de in-circumscripto lumine aliquid gustat: modo verò succumbit, quia degustando iterum deficit. Quasi ergo vincitur Angelus, quando intellectu intimo apprehenditur Deus. Sed notandum quod idem victus neruum terigit, & marcescere fecit, & ex tunc Iacob vno pede claudicauit: quia omnipotens Deus, cum per desiderium & intellectum cognoscitur, voluptatē carnis arefacit: & qui prius quasi duobus pedibus nitētes & Deum videbamur querere, & seculum tenere, post agnitionem suauitatis Dei, vnus

in nobis pes sanus remanet, alter claudicat: quia debilitato amore seculi, solus amor Dei cōualefcit. Quantum est, feruor charitatis, quod tangitur ibi: *In feruore dei, Aaron cum igne & thymiamate intrat in Sancta sanctorum.* Leu. 16. Aug. in lib. Soliloq. Sapientiam castissimo conspectu atque complexu, nullo interposito velamento, quasi nudam videre ac tenere desideras, qualem se illa non finit, nisi paucis & electis amatoribus suis. An verò si alicuius pulchræ formæ amore flagrares, iure se tibi non daret, si aliud à te quicquid præter se amari conperisset. Sapientia castissima pulchritudo, se tibi, si in solam arseris, demonstrabit. Quintum est, cordis eleuatio, quæ est meditando de supernis, quod tangitur ibi: *Cumque eleuasset oculos Christus, in monte transfiguratur:* Matt. 17. & Marc. & Luc. 6. Num. 13. *Cum veneritis ad montes, considerate terram qualis sit.* Eiusd. 27. *Ascende in montem istum Abarim, & contemplantur terram quam daturus sum filiis Israël.* Deut. 3. *Ascende cacumen Phasge, &c.* In Psal. *Memor fui Dei, & delectatus* psal. 76. *sum.* Sap. 6. *Cogitare de illa, sensus est consummatius.* Loquitur de sapientia increata. Sextum est, oratio, quod tangitur ibi: *Ne transeas seruum tuum, Iesu orate, apertum est cælum.* Luc. 3. Item: *Eodem orante fuit eius facta est altera.* Luc. 9. Oratione dilectus est aduocandus, tenendus & reuocandus. Bern. super Cant. Dicamus Verbum Dei Deum sponsum animæ, & venire ad animam, & iterum dimittere eam, tantum ut sensu animæ non verbi motu ista fieri sentiamus, v.g. Cum sēt gratiam, agnoscit præsentiam: cum non absentiam querit & rursum præsentiam querit. Verbo abeunte, vna interim & continua animæ vox, continuum desiderium eius. Ideo subtrahit se vt audius reuocaretur, teneretur fortius. Præteritis teneri vult, abiens reuocari. O modicum non modicum, o modicum longum: *Ple Domine, modicum dicis, quod non videmus te. Saluum sit verbum Domini mei, lor gum est mul-*

tum valde nimis. Veruntamen vtrumque verum & modicum meritis, & non modicum vobis. Quomodo non tardabit si moram fecerit, nisi quoad meritum. Plusquam satis est, non est tamen satis ad desiderium. Prodat sane ut prosum: & si profeceritis vos, meam insipientiam consolabor. Fateor, & mihi aduentasse verbum in insipientia: dico pluries, & interdum potui sentire. Introitum ego sentire nunquam, sed ne exitum quidem. An forte nec introiuit, nec de foris venit: potro nec de intra me venit, quoniam bonum est, & scio quia non est in me bonum: ad Rom. 7. Si aspexi foras, exterius comperi illud esse. Si intus, etiam ipsum interius erat. Et cognoui verum esse quod legeram: *Quia in ipso vivimus, movemur & sumus.* Actor. 17. Tantum ex motu cordis intellexi presentiam eius. Cæpit eum euellere & destruere, ædificare & plantare, rigare arida, tenebrosa illuminare, clausa referare, frigida inflammare, & hoc mihi signum ascensionis eius. Tristis necesse sit anima mea donec iterum reuertatur, & recalescat cor meum. Divina bonitas lumen suum, secundum beneplacitum suum viris contemplatiuis ostendit. Iob 36. *In manibus abscondit lucem, & præcepit ei ut rursus adveniat.* Annunciat de ea amico suo, quod possessio eius sit, & ad eam possit ascendere. Ascensus contemplatum Dei virtute sit. Eiusd. 39. *Nanquid ad præceptum tuum eleuabitur aquila?* Glof. Hoc loco nomine aquilæ, subtilis sanctorum intelligentia, & subtilis eorum cōtemplatio figuratur. Aquila enim acute videt, & alte volat: In Psal. *Super excelsa statuit me.* Esa. 58. *Sustollam te super altitudinem nubium, & cibabo te hereditate Iacob patris tui.* Deus dux & doctor est contemplantium. Prou. 30. *Tria sunt mihi difficilia, & quartum penitus ignoro. Viam aquilæ in celo.* Quæ dicta sunt præparatiua ad diuinorum contemplationem, tangit Bern. his verbis. Quæ oculos mentis emundant, ut ad lumen verum subleuari possint; hæc sunt:

Secularis curæ abscissio, carnis afflictio, cordis contritio, frequens & pura delicti confessio, & laucrum fletus. Et cum foris missa fuerit omnis immunditia, sursum eos attollunt meditatio admirabilis essentiae Dei, & castæ veritatis inspectio, oratio munda & valida, iubilus laudis, & desiderium ardens in Deum.

*De octo gradibus secundum Bernardum, quibus viri contemplatiui ascendunt.*

**I**tem Bernardus distinguit VIII. gradus quibus viri contemplatiui ascendunt, loquens fratribus de monte Dei. Primus est, perfecta obedientia. Secundus est, corpus suum in seruitutem redigere. Tertius est, usu boni consuetudinem vertisse in dilectionem. Quartus est, intelligere quæ in doctrina fidei apponuntur ei. Quintus est, talia præparare qualia apponuntur. Sextus est, cum in affectum mentis transit iudicium rationis. Septimus est, reuelata facie speculari gloriam Dei. Octauus est, transformari à claritate in claritatem, quasi à Domini spiritu.

*De septem gradibus secundum Augustinum.*

**A**ugustinus verò VII. gradus tangit in lib. de quantitate animæ, in quorum ultimo ponit contemplationem. Ad primum gradum pertinent operationes homini cum arbutis communes, ut quod anima presentiam suam corpus viuificat, colligit in vnum, & in vno tenet, defluere & contabescere non sinit, alimenta per membra distribuit, congruentiam corporis & modum seruat, & non tantum in pulchritudine, sed etiam in crescendo & gignendo. Ad secundum gradum pertinent operationes communes homini & brutis, ut sentire & moueri. Ad tertium gradum pertinent operatio-

nes propriæ hominis, communes tamen bonis & malis: vt agros colere, vrbes construere, & loqui futura, ex præsentibus coniciere. In quarto gradu omnis bonitas incipit, & omnis vera laudatio: ad hunc gradum pertinent opera virtutum. In hoc gradu anima se non solum suo corpori, sed etiam vniuerso corpori audet præponere, & bona eius sua non putare, atque potentiae pulchritudinique suæ comparata contemnere, & à sordidis se abstrahit, totamque emaculat, & hæc pertinere videntur ad virtutem temperantiae. Item roborat se aduersus omnia quæ à proposito & sententia mouere moluntur, hoc ad fortitudinem. Item societatem humanam magnipendit: nihil vult alteri quod sibi nolit accidere, hoc est ad iustitiam. Sequitur auctoritatem & præcepta sapientium, & per hoc sibi loqui Deum credit, hoc ad prudentiam. In hoc præclaro actu animæ inest adhuc labor, & contra huius mundi molestias atque blanditias magnus conflictus. Ad quintum gradum pertinet vt anima ab omni labe libera maculisque lota in hoc statu se teneat. Aliud enim est efficere, aliud tenere puritatem, vt ait August. alia prorsus actio quæ se inquinata reintegrat, & alia quæ non patitur rursus inquinari. Tunc ingenti quadam & incredibili fiducia pergit in Deum, i. in ipsam contemplationem veritatis, & illud, propter quod tantum laboratum est, altissimum & secretissimum præmium. Sextus ergo erit iste actionis gradus. Aliud enim est mundari ipsum oculum animæ, ne si ultra & temere aspiciat, aliud ipsum custodire, & firmare sanitatem, aliud iam serenum atque rectum aspectum in illud quod est videndum dirigere. Quod qui prius volunt facere, quàm mundati & sanati fuerint, luce reuerberantur veritatis. Septimus & ultimus animæ gradus, est visio & contemplatio veritatis: neque est iam gradus, sed quædam mansio. Primus actus dicatur

animatio. Secundus, sensus. Tertius, ars. Quartus, virtus. Quintus, tranquillitas. Sextus, ingressio. Septimus, contemplatio. Et potandum quod ad Dei contemplationem non admittitur homo nisi innouatus: vnde de ascensu contemplationis verum est illud Ioan. 3. *Nemo ascendit in celum, nisi qui de celo descendit.* Vnde cautè locutus est Apost. 2. Cor. 12. *Scio, inquit, hominem in Christo, &c. raptum huiusmodi usque ad tertium celum.* Non raptus fuisset, nisi in Christo, id est, in Christi conformitate fuisset.

### De triplici specie visionis.

ET distinguuntur ibi in glossa tres species visionis, scilicet corporalis, imaginaria, & intellectualis. Corporalis est, cum quædam corporaliter videntur Dei munere, quæ alij videre nequeunt: vt Balthasar vidit manum scribentem in pariete. Daniel. 5. Imaginaria est, quando aliquis in extasi vel in somno videt non corpora, sed imagines rerum Dei reuelatione, vt Petrus vidit discum. Act. 10. Visus intellectualis est, quando nec corpora, nec imagines eorum videntur: sed in corporeis substantiis intuitus mentis mira Dei potentia figitur. Talis fuit visio Pauli. Et videtur secundum August. quod ipse viderit Deum facie ad faciem. Aug. Cur non credamus quod tanto Apostolo doctori gentium rapto usque ad excellentissimam visionem, voluit Deus demonstrare vitam in qua post hanc videndus est in æternum? Et secundum hoc illud Exod. 33. *Non videbis me homo, & viuet:* exponendum erit de homine humano modo viuento, secundum illud Aug. in lib. de Trinit. Videri, inquit, diuinitas humano visu nullo modo potest, sed eo visu videtur quo iam qui vident, non homines, sed ultra homines sunt. Et super Exod. 33. dicit glossa Gregor. in hac carne viuentibus inestimabili virtute crescentibus contemplationis acumine, potest æterna Dei cla-

visionis  
si species  
triplex

ritas videri : non tamen videbit homo, & viuet; quia qui sapientiam quæ Deus est, videt, huic vitæ funditus moritur, vt Dei amore teneatur : qui raptus est, sensu non vtitur. Vnde narrat Aug. de quodam sacerdote, qui quando audiebat aliquid quod delectabile, præ gaudio statim quasi mortuus erat, & appositum ignem corpori non sentiebat. Item. Bern. ad fratres de Monte Dei, loquens de verbo illo Iob. 36. *Abcondi lucem in manibus.* Videtur dicere quod Deus in cōtēplatione videatur sicut ipse est. Electo, inquit, & dilecto Dei vicissim lumen vultus Dei ostenditur, sicut lumen clausum in manibus, patet & latet ad arbitrium tenentis : vt per hoc quod quasi in transcurso vel in puncto videre permittitur, inardescat animus ad plenam possessionem luminis æterni & hæreditatem plenæ visionis Dei. Cui vt innotescat aliquatenus id quod ei deest, nonnumquam quasi pertransiens gratia perstringit sensum amantis, & eripit eum sibi, & rapit in diem; qui est à multitudine rerum ad gaudia cælestia, & pro modulo suo ad momentam & punctum idipsum ostendens ei videndum sicuti est. Interim etiam ipsum efficit in idipsum, vt sit suo modo sicuti illud est: vbi cum didicerit quid sit inter mundum & immundum, redditur sibi, & remittitur ad mundandum cor ad visionem, ad aptandum animam ad similitudinem, vt si aliquando rursus admittatur, sit purior ad videndum, & stabilior ad fruendum. Numquam enim melius deprehenditur modus humanæ imperfectionis, quam in lumine vultus Dei, in speculo diuinæ visionis. Idem in eadem epist. Deus semper queritur, vt dulcius inueniatur : dulcissime inuenitur, vt diligentius queratur. Hoc ergo ineffabile cum non nisi ineffabiliter videatur, qui vult videre, cor mundet, & subditur : Hæc est facies Dei quam nemo potest videre, & viuere mundo. Item. August. in libr. Soliloqu. Quando fueris talis

vt nihil prorsus terrenorum te delectet, mihi crede, eodem momento, eodem puncto temporis videbis quod cupis. Quædam ad contemplationem vtilia, require in tractatu Spei, cap. de rebus sperandis.

## P A R S X I.

## De dono intellectus.

**N**Otandum quod donum intellectus, <sup>Doni intellectus deferri-  
prio.</sup> secundum quosdam, dicitur gratia intelligendis salubres significationes signorum naturalium vel positiuorum. Ad quod facit quod dicit Dominus discipulis Mat. 10. quærētibz vt edisseret eis parabolam: *Adhuc, inquit, & vos sine intellectu estis.* Credebant mysticum quod erat propriè dictum. Vnde non habebant notitiam circa mysteria parabolarum. Item eiusdem 15. cum discipuli ad literam intellexerent illud quod Dominus dixerat, *Cauete à fermento Phariseorum:* reprehendit eos Dominus, dicens : *Nandum intelligitis &c.* Item ad idem facit quod legitur Dan. 10. *In visione opus est intelligentia* Itē in Psal. *Nolite feriscut equus & mulus, quibus non est intellectus.* Equus & mulus à foris manent in rebus sensibilibus exteriora solum videntes, interiora non agnoscentes. Ad idem facit quod dicit Greg. super illud Iob. 1. *Fili eius faciebant conuiuia &c.* Intellectus, inquit, in die suo pascit, dum de auditis cor illustrat. Item super illud Iob. 1. *Ventus vehemens irruit à regione deserti.* Spiritus mentem inquit contra hebetudinē. Intellectu animus hebes est quo rebus hæret, à foris non ingrediens ad significata earum quam hebetudinē donum intellectus expellit. Vnde dicitur intellectus, quasi interna lectio. Hoc donum non habuerunt Philosophi, qui visibilia huius mundi non acceperunt vt signa, sed quasi materialiter: qui arguuntur, Sap. 13. *Si enim*

*tantum potuerunt scire ut possent aestimare seculum, quomodo huius Dominum facilius non inuenerunt?* Ipsi similes fuerunt pueris qui in libris pulchris & deauratis literarum pulchritudinem mirantur, de his quæ scriptura significat non curantes Aug. in lib. de lib. arb. Admirator creaturarum & eis inhærens, non admirans artificem, similis est homini qui syllabas decenter ornatas, miratur, & in eis adhæret relicto sententiæ principatu. Signa naturalia sunt omnes creaturæ. Omnes enim nobis loquuntur Dei laudem & nostram eruditionem. Deus enim effudit sapientiam super omnia opera sua. Eccl. 1. Iob. 12. *Nimirum interroga iumenta, & docebunt te: & volatilia cali, & indicabunt tibi. Loquere terra, & respondebit tibi, & narrabunt ea pisces maris.* Salomon sapientiam quæsiuit tam in herbis, quam in arboribus, etiam in animalibus. Disputauit enim ab hyssopo usque ad cedrum, & de omnibus generibus animalium, per singula proponens parabolam. Et Arist. interrogatus à quo tot & tanta didicisset? Respondit: A reb. quæ mentiri non norunt. Aug. in lib. de arb. Quocumq; te vertis, veritas vestigiis quibuldam quæ operib. suis impressit, loquitur tibi, & te in exteriora relabentem ipsis exteriorum formis intus reuocat. Sap. 13. *A magnitudine speciei & creaturæ cognoscibiliter potest creator earum videri.* Ad Rom. 1. *Inuisibilia Dei à creatura mundi per ea quæ facta sunt intellecta conspiciuntur.* Ad donum intellectus secundum hanc acceptionem pertinent parabola euangelicæ, & alia mystica quæ in scriptura inueniuntur. Ber. in Sermonibus, loquens de apparitionib. Christi post resurrectionem: In spiritu intellectus aperuit eis sensum, ut intelligerent scripturas. Vnde secundum hoc illud quod dicit Aug. in lib. de doct. Christi. quod cognitio sacræ Scripturæ pertinet ad donum scientiæ non est intelligendum vniuersaliter: sed solum de illa parte scripturæ quæ de miseria humana loquitur. Signa positiua sunt, ut

quæ sub veteri lege vel noua sunt instituta. Ad donum igitur intellectus pertinet intelligere ea quæ creaturæ nobis naturaliter significant: quæ significatio maxime est ratione similitudinis. Et secundum hoc creaturæ sunt quasi libri naturales, sed velut libri factitij in quibus per donum intellectus legimus quæ ad nostram salutem pertinent, sunt ut formæ Ecclesiarum, & litus, & ornatus. Item habitus personarum Ecclesiasticarum: & ornatus earum in suis mysteriis. De diuersis libris in quibus homo legere debet, require in Sermonibus epistolarum de verbo illo: *Quaecumq; scripta sunt, ad nostram doctrinam scripta sunt.* Secundum aliquos verò, donum intellectus dicitur lumen quod inuisibilia cognoscuntur. Ad quod videtur facere quod legitur in 5. lib. Bern. de consideratione, ubi ipse distinguit inter intellectum, fidem & opinionem, vnumquodque eorum describens. Fides, inquit, est voluntaria quædam & certa prælibatio nedum propalata veritatis. Intellectus est, rei cuiuscunque inuisibilis certa & manifesta notitia. Opinio est, quasi pro vero habere aliquid quod falsum esse nescias. In eodem: Intellectus rationi immititur, fides auctoritati, opinio sola verisimilitudine se tuetur. Idem August. in lib. de Vtilitate credendi: *Quod credimus, habemus auctoritati: quod intelligimus, rationi: quod erramus, opinio.* Item Aug. in quodam serm. de Timore. Sextus, inquit, gradus est intellectus ubi ab omni falsitate carnalis vanitatis corda mundantur, ut pura intentio dirigatur in finem: propterea & sexto loco dicitur: *Beati mundo corde.*

## P A R S XII.

### De Dono Sapientiæ.

**S**apientia quandoque largè sumitur, scilicet pro sapida scientia: secundum illud Eccles. 6. Sapientia doctrinæ secundum

Sapientia  
multipliciter  
sumitur.



1.  
Large.

2.

Stricte  
donum -  
sapientie  
differt à  
dono in  
tellectus.

dum nomen eius, sapidam scientiam habet, cui res quas agnoscit sapiunt ut debent: quando scilicet mala culpæ sunt ei amara; bona temporalia, vilia; spiritualia, chara. Bern. in serm. Inuenisti sapientiam, si prioris vitæ peccata desleas, si huius seculi desiderabilia paruipendas, si æternam beatitudinem toto desiderio concupiscas. Inuenisti sapientiam, si tibi horum singula sapiunt prout sunt. Quandoque sapientia strictè sumitur pro cognitione æternorum secundum illud Aug. in li. de Trin. Hæc est, inquit, sapientie & scientie recta distinctio, ut ad sapientiam pertineat æternarum rerum cognitio intellectualis, ad scientiam vero temporalium rerum cognitio rationalis. Et secundum hanc acceptionem sapientia non est omnino diuersa à dono intellectus. Strictius etiam sumitur sapientia pro cognitione suauitatis diuinæ per experientiam habita, & sic à dono intellectus est diuersa: differt à dono intellectus in hoc, quod sapientia tantum veritati æternæ contemplandæ intendit. Intelligentia vero non modo de æternis est, sed etiam de rebus inuisibilibus & spiritualibus temporaliter exortis. Ibid. in li. differentiarum: Sapientia tantum modo æterna contemplatur. Item intellectu intelligibilia capimus tantum. Sapientia vero non modo capimus superiora, sed etiam incognitis delectamur. Donum sapientie habebat August. dicens lib. 10. Conf. Aliquando, inquit, intromittis me in affectum multum inuolutum, intror-

sum nescio quam dulcedinem, quæ si perficiatur in me, nescio quid erit quod vita isti non erit. Sed recido in hæc erummosis ponderibus, & resorbeor solitis, & teneor, & multum fleo. Sed multum teneor quantum consuetudinis sarcina digna est. Hic esse valeo, nec volo: illic volo nec valeo, miser utrobique; quasi per auditum cognitionem habet suauitatis diuinæ qui credit illi verbo Ecclesiast. 2.4. *Spiritus meus super mel dulcis*: Vel illi: *Quam magna multitudo dulcedinis tuæ Domine*. Cognitio quæ habetur per donum intellectus, est quasi cognitio per visum; cognitio vero quæ habetur per donum sapientie, est quasi cognitio per gustum. In Psal. *Gustate, & videte quoniam suavis est Dominus*. Donum sapientie tranquillat mentem, & reficit. Greg. Ab intellectu ascenditur ad sapientiam, ut hoc quod acutè intellectus inuenit, sapientia maturè disponat. Gl. super Matth. 5. In septimo est sapientia: id est contemplatio veritatis pacificans totum hominem. Aug. in serm. de Timotheo: Cum in finem peruentum fuerit, iam requiescit. Et finis, nisi Christus, qui est finis legis ad iusticiam? Et sapientia Dei quis, nisi Christus? Propter hoc, sicut septimo posita est sapientia, sic septimo ponitur, *Beati pacifici*. De sapientia dicit Greg. super Iob. 1. Sapientia in diem sua pascit, dum de æternorum spe & certitudine mentem reficit.

Psal. 33.



## QVINTÆ PARTIS PRINCIPALIS Tractatus de Beatitudinibus.

### PARS PRIMA.

*De dicendorum ordine in isto tractatu. Et de descriptione Beatitudinis.*



LTIMO dicendum est de beatitudinibus, de quibus habetur Matt. f. de illis verò hoc modo dicitur. Primo ostendetur quid sit beatitudo prout hîc sumitur. Secundo tanguntur quædam attendenda & admiranda circa doctrinam illam Saluatoris, in qua gratiæ illæ quæ dicuntur beatitudines nobis commendantur. Tertio de singulis agetur per ordinem.

Circa primum notandum, quod beatitudo, prout hîc sumitur, sic potest describi: Beatitudo est gratia non cuicunque, sed verè sapienti nota, faciens ad suavitatem conscientiæ, propinqua gloriæ. Et videtur posse sumi hæc descriptio ex eo quod dicit Ambros. in li. de offic. Dico, inquit, beatam vitam consistere in altitudine sapientiæ, suauitate conscientiæ, virtutis sublimitate. Quod dictum est: Beatitudo est gratia non cuicunque, sed verè sapienti nota: sumi potest ex eo quod dicit beatam vitam consistere in altitudine sapientiæ. Ad eos qui habent profundam sapientiam pertinet cognoscere quod paupertas hominem beatum efficiat: & sic de ceteris gratis quas Dominus commēdat. Bern. in sermonibus: Quid tam absconditum quàm paupertatem esse beatam? Matt. 11. *Abscondisti hæc à sapientibus & prudentibus.* A sapientibus, inquam, huius mundi. Quod dictum est, Faciens ad suavitatem conscientiæ, sumi potest ex eo quod Ambr. dicit, in suauitate conscien-

tiæ beatam vitam consistere. Paupertas & ceteræ gratiæ quas Deus commendat, videntur habere miseriam vel antecedentem, vel concomitantem, vel esse ipsa miseria: tamen secūdum veritatem, ad suavitatem seu tranquillitatem conscientiæ faciunt. Quod dictū est: Propinqua gloriæ, potest sumi ex hoc quod Ambr. dicit virtutis sublimitate. Virtus sublimis, est virtus perfecta, virtus perfecta est virtus propinqua fini sibi, siue gratia propinqua gloriæ. Beatitudo prout hîc sumitur, est beatitudo viæ & ideo est beatitudo semiplena. Plena enim beatitudo erit patriæ, quā notificat Aug. in Ench. dicēs: Ille beatus est qui omnia quæ vult habet: nec aliquid vult quod nō decet. In eo in quo sunt gratiæ illæ quas Dominus commendat, iam est impletum illud, Non aliquid vult quod non decet. Illud verò: Omnia quæ vult habet, quantum ad bona trāsitoria videtur esse impletum, quum ipse ea contemnat, & amplius etiam de illis habeat quàm velit: quantum verò ad vera bona quæ sunt futura; non est hoc in eo impletum: quodammodo tamen habet ea. scil. in spe, etsi non in re. Ferè etiam habet ea in re, propinquitatem vel facilitatem perueniendi ad ea. Vnde & pauperum spiritu, & eorum qui persecutionem patiuntur propter iustitiam, dicit Dominus iam esse regnum cælorum.

PARS

## P A R S II.

*De quinque attendendis & admirandis circa doctrinam illam quæ est compendium nouæ legis.*

Circa secundum notandū quod quinque sunt attendenda & admiranda circa dictam doctrinam quæ cōpendium est nouæ legis. Explanatio vero eius subditur in aliis quæ dicit Dominus in illo sermone, sicut patet ex glossa. Vnde super illud: *Ascendit in montem*, dicit glossa in hoc monte nouum testamentum in cordibus filiorum scribit, incipiens à beatitudine, qui in monte Sinai vetus testamentum in lapidibus seruis dedit, incipiens à timore. Et alia glossa dicit. Sicut Moyses decem præcepta proponens postea per partes explicat: sic Christus quasi virtutum genera octo beatitudines proponit, ex quibus pendet quæ in monte dixit: Primum attendendum & admirandum circa doctrinam illam, est: legislatoris benignitas. Secundum, eiusdem auctoritas. Tertium, doctrinæ sublimitas. Quartum, sententiarum extraneitas. Quintum, doctrinæ integritas. Benignitas legislatoris in hoc apparet, quod ipse nec præcipit, nec prohibet, nec comminatur, sed dulcedine mercedis temperat difficultatem laboris. Vnde lex eius bene potest intelligi illa lex clementiæ, de qua dicit Salomō in fine Prou. loquens de sapiente muliere: *Os suum aperuit sapientia, & lex clementiæ in lingua eius*. Vere non est similis illi in legislatoribus. Iob. 36. Non sunt similes ei qui multitudine præceptorum & prohibitionum subditis suis obstruunt viam paradisi, & comminationes multas eis facientes non dant locum timori Altissimi. Auctoritas legislatoris maxima est. Ipse enim iudex est qui hanc legem dat. Ideo

Benignitas legis  
lato-  
ris  
Christi:  
& vnde  
apparet.

magna securitas est his qui eam obseruāt. Iob. 31. *Quis mihi tribuat auditorē, vt desiderium meum audiat Omnipotens, & librum scribat ipse qui iudicat, vt in humero meo portem illum?* In humero portare, est secundum Greg. scripturam operatione perficere. Ad doctrinā istam pertinet illud Eccl. 24. Ego ex ore Altissimi prodij. Si vestes quæ tetigerunt Saluatorem pro reliquiis habentur, quare verba quæ processerunt de ore eius pro reliquiis non habentur? Nullum verborum illorum negligendum esset. In Psal. *Folium eius non defluet*. Diligenter essent audienda verba illa & memoriæ infigenda. Eccl. 8. *Ego os regis obseruo*. Credendū est quod verba ipsius magnæ sint virtutis. Illi enim specialiter dicitur in Psal. *Diffusa est gratia in labiis tuis*. Et Luc. 4. *Mirabantur omnes in verbis gratia quæ procedebant de ore illius*. Et Cant. 5. *Anima mea liquefacta est, vt dilectus locutus est*. Sublimitatem doctrinæ. Christus ostendere voluit in hoc quod doctrinā illā in monte tradidit. Vnde glossa super illud, *Ascendit in montem*. Altiorē, inquit, docturus iusticiam, quā illam quæ est Scribarum & Phariseorum. Item alia gl. *Ascendit in montem*, vt altiora virtutum culmina doceret. Proposuit Dominus in monte illo abscondita cælestis ethicæ. Vnde impletum fuit illud: *Aperiam in parabolis os meum, eruam abscondita à constitutione mundi*. Matth. 13. Et est sumptum in Psalm. Ibi tradidit regulas viuendi quæ ad regimen totius mundi sufficerent, si secundum eas regere se vellet. Ibi tradidit principia moralis philosophiæ, quibus veritas vitæ demonstratur, & æterna felicitas non tam infertur quā confertur. Ibi sol intelligentiæ velut octo radios ex se emisit ad Ecclesiæ illuminationem. Ibi fons sapientiæ, verbum scilicet Dei in excelsis. Eccles. 1. Nouum testamentum velut quendam fluuium paradisi emisit: vt tangitur in Gl. Hic est torrens ille, de quo Ez. 47. *Vivēt omnia ad quæ venerit torrens*.

Psal. 1.

Psal. 44.  
Sublimi-  
tas Do-  
ctrinæ  
Christi  
in mōte.

Ad hunc fluuium pertinet illud Eccl. 24. *Ego quasi fluuius Dorix, & quasi aquaductus exiui de paradiso.* Dorix interpretatur medicamentum generationis. Os illud cuius apertionem Matthæus commemorat, veræ vena vitæ fuit. Prou. 10. *Vena vitæ os iusti.* Lex vetus promittebat suis obseruatorib. benedictionē temporalis prosperitatis, & transgressoribus comminabatur maledictionem tēporalis aduersitatis. Deut. 28. Sed lex noua obseruatores suos beatos prædicat. Magis enim Deo assimilatur quàm illa. Quantò verò aliquis Deo similior est, tanto in maiori tranquillitate est. Vnde super illud Ierem. 17. *Ego autem non sum turbatus te pastorem sequens,* dicit Gloss. Quantò magis Christum sequeris, tanto minus turbaris. In doctrina illa erexit nobis Christus scalam mirabilem, cuius vtraque extremitas tangit cælum. In commendatione enim primæ beatitudinis & vltimæ dicitur: *Quoniam ipsorum est regnum cælorum.* Quomodo regnum cælorum sit pauperum spiritu, & quomodo eorum qui persecutionem patiuntur propter iusticiam, dicetur quum de illis beatitudinibus specialiter agetur. Sententiæ illius doctrinæ valde extraneæ sunt à sententiis sapientiæ mundanæ, quæ miseros iudicat quos illa doctrina beatificat. Sunt enim octo illa verba quasi octo positiones, ipsius ducis philosophiæ: Positiones, inquam, extraneissimæ, sed tamen verissimæ. Causa quare sapientia Dei adeo extraneum iudicium habeat à iudicio mundanæ sapientiæ hæc est: quia lumen sapientiæ diuinæ magis est sufficiens ad visionem eorum quæ sunt prope, & eorum quæ sunt longe. *Attingit enim à fine usque ad finem.* Sap. 8. Lumen vero mundanæ sapientiæ modicum est, non sufficiens nisi ad visionem præsentium. Sapientia mundana superficialiter solum res aspicit: sapientia vero Dei interiora penetrat, ideo suauitatē inuenit quā non inuenit sapientia mundi. Simia, si loqui posset, nucem

Sapientia  
diuinæ  
& mun-  
danæ dif-  
ferentia

amaram diceret propter corticis amaritudinem. Qui vero nucem frangit, & ad nucleum peruenit, dulcedinem in nuce inuenit. Doctrina illa integra est quantum ad principia moralis sapientiæ. Licet anima multas condiciones in rebus attendat, tamen specialiter ipsa sapiens iudicat secundum condiciones quæ sunt, bonitas & malitia: Anima enim sapiens est, si bona & mala sapiunt ei vt debent. Bernardus in sermonibus: Inuenisti sapientiam, si tibi horum singula sapiunt prout sunt. Perfecte ergo principia moralis doctrinæ tradi videntur in illis octo verbis in quibus anima ad bonum & ad malum perfecte ordinatur. Ad bonum ordinate se habet, si modica bona modicum diligit, si vera bona esuriat & sitiat; & si eis ita adhæreat, vt nullā pœnā ab eis separari valeat. Ad primum pertinet illud: *Beati pauperes spiritu &c.* Ad secundum illud: *Beati qui persecutionem, &c.* Ad tertium: *Beati qui persecutionem &c.* Ad bonum quis ordinate se habet, si nulli malum inferat, si sibi illatum vel gratis assumptum æquanimiter ferat: si alij illatum pro posse auferat, si studiose cauet, vt nec inquinetur malo culpæ, nec perturbetur malo pœnæ. Ad primum pertinet illud: *Beati mites.* Ad secundum illud: *Beati lugentes.* Ad tertium illud: *Beati misericordes.* Ad quartum illud: *Beati manducantes.* Ad quintum illud: *Beati pacifici.* Secundum Gloss. in septē primis est perfectio: in octaua, perfectionis ostensio. Ad perfectionem duo pertinent, scilicet purgari à noxiis, & impleri bonis. Purgari verò à noxiis, est prius naturaliter. Augustinus: Bono implendus es, funde malum: paupertas spiritus, & mansuetudo fundunt malum. Paupertas spiritus fundit mala illa quæ veniunt nobis à bonis quæ intra nos sunt, scilicet sollicitudinem seculi & amorem: Mansuetudo vero fundit mala illa quæ veniunt nobis ab his quæ contra nos sunt. Expellit enim perturbationes quas in nobis faciunt aduersa,

Bonum  
vnde  
ordinetur  
fiat, quæ  
requiritur.

Quinque vero beatitudines sequentes pertinent ad repletionem boni. Duplex est enim bonum præter bonum delectabile: scilicet bonum expediens, ut est medicina, vel incusio propter salutem corporis facta, & bonum simpliciter. Ad bonum expediens pertinet illud: *Beati qui lugent*. Qui enim habet gratiam lugendi, renuit consolari, eligens hic salubriter cruciari ut possit sanari in futuro, & possit veraciter delectari. Ad bonum simpliciter pertinent quatuor sequentes beatitudines. Dux primæ ad actiuam, & dux aliæ ad contemplatiuam. Illud: *Beati qui esuriunt &c.* pertinet ad bonum ad quod tenemur. Illud: *Beati misericordes*, ad bonum ad quod non tenemur. Aliarum duarum quæ pertinent ad contemplatiuam, prior pertinet ad intellectum, posterior ad affectum. Item, prima septem beatitudinum quæ pertinet ad perfectionem animæ, expedit vim concupiscibilem, scil. paupertas spiritus: mansuetudo vero expedit vim irascibilem. Vis vero rationalis, postquam cor expeditum est ab amore mundi per paupertatem spiritus, & perturbationibus per mansuetudinem vacare potest & videre statum in quo homo est. Quam visionem sequitur luctus: quia qui opponit scientiam, apponit & dolorem. Eccl. 1. Luctus vero purgat mentem, reliquias infirmitatis expellens, & infectionem palati spiritualis, quæ erat de febre iniquitatis, remouens. Ideo post luctum bene sequitur esuries iustitiæ: sicut homo perfecte purgatus & sanitati corporali restitutus esurire solet. Et notandum quod non tam cito animus perfecte sanatur quod cito peccatū ei remittitur. Vnde Aug. 14. lib. de Trinit. Sicut aliud est febrem, aliud infirmitatem febre factam curare. Item, aliud est telum de corpore demere, aliud vulnus eo factum secunda curatione sanare: Ita aliud est causam asferre languoris, quod per indulgentiam fit omnium peccatorum: aliud ipsum languorem curare, quod paulatim

proficiendo fit in renouatione huius imaginis. Primum facit Deus per se & secum: secundum facit Deus per hominem & cum homine. Ideo dicitur in Psalmo: *Qui propitiatur omnibus iniquitatibus tuis, & sanat omnes infirmitates tuas.* Sanare infirmitates numeratur quasi diuersum cū eo quod est propitiari iniquitatibus: quia vero esuriens & sitiens iustitiam, ex fragilitate quandoque cadit, saltem venialiter: *Septies enim cadet iustus.* Prouerbior. vigesimo quarto. Necessaria sunt homini opera misericordiae quibus homo se abluat Luc. 11. *Verumtamen quod superest, date elemosynam, & omnia munda sunt vobis.* Sexto vero loco recte ponitur munditia cordis præparans ad Dei visionem, cum omnia præcedentia vel indicatiua sint, vel effectiua munditiæ, esuries & sitis eam indicant, cætera eam efficiunt. Visionem vero Dei sequitur gustatio diuinæ suauitatis: qua degustata animus amore & desiderio eius capitur, & propter hoc auertit se & abrumpit ab aliis ut Deo totaliter vacet. Gustato enim spiritu, ut ait. Aug. desipit omnis caro, unde talis studet paci faciendæ & conseruandæ in se, sciens quod in pace factus est locus eius. Ideo septimo loco recte ponitur illud: *Beati pacifici.* Tres primæ faciunt ad hoc ut vetus homo exuatur: quatuor sequentes ad hoc ut nouus homo induatur. Ad quod monemur Ephes. 4. *Deponite vos secundum pristinam conuersationem veterem hominem qui corrumpitur secundum desideria erroris, & induite nouum hominem qui secundum deum creatus est.* Et ad Colossenses quarto: *Exspoliantes vos veterem hominem cum actibus suis, induentes nouum hominem, &c.* Ideo septimo loco recte dicitur: *Quoniam filij Dei vocabuntur.* Filius Dei est homo nouus. Filius Adæ homo vetus. Bern. in serm. inter dictas septem beatitudines sic distinguit: Attende, inquit, quæ admodum in tribus prioribus sibi ipsi reconciliatur anima: in duobus, quæ sequuntur

Psal. 102

Sanitas  
animæ  
vnde eue  
niat.

proximo: in sexto, Deo: in septimo, alios reconciliat, tanquā receptus in gratiā Domini & felici familiaritate donatus. Nam paupertate, māsuētudine, fletu, renouatur in anima similitudo quēdā & imago æternitatis omnia tēpora cōplectentis, dū paupertate futura meretur, māsuētudine sibi præsētia vendicat. Hoc videtur dici propter hoc quod māsuētus sibi dominatur, cū homini immāsueto potius dominetur ira. Et subdit Bern. Luctus pœnitētiæ prætērita quoq; recuperat, sicut scriptū est:

1. a. 38. *Recogitabo tibi omnes annos meos in amaritudine animæ meæ.* Porro iustitia & misericordia perfectē proximo cohæremus, dū quidquid volumus nobis fieri, aliis nō facimus per iustitiā, & quæcūque volumus ut faciant nobis homines, & nos faciamus illis per misericordiā. Iā recōciliati nobis, recōciliati etiam proximo, fiducialiter per munditiā cordis, recōciliamur Deo. Beati vero qui de sua reconciliatione non ingrati & pro fratribus suis pie solliciti, eos quātum præualent, & sibi & Deo reconciliare laborant.

### P A R S III.

*De paupertate Spiritus, & eius descriptione: quare etiam pauperes Spiritu sint beati, & regnum celorum sit ipsorum, accui dono paupertas spiritus adaptetur.*

Consequenter dicendum est de singulis beatitudinibus. Et primo de paupertate. De qua hoc modo dicitur. Primo, ostendetur quid dicatur paupertas spiritus. Secundo, quomodo pauperes spiritu sint beati. Tertio, quomodo regnum celorum sit pauperū spiritu. Quarto, cui dono paupertas spiritus adaptetur. Quinto, agetur specialiter de his in quibus paupertas spiritus consistit: Circa primum notandum quod Bern. in sermonibus vocat paupertatem spiritus voluntariam paupertatem, quæ est cum

spirituali intentione, sic dicens: Diligenter attende quod non simpliciter pauperes nominat, propter plebeios pauperes: necessitate miserabili, non voluntate laudabili. Spero equidem profuturam eis apud diuinæ bonitatis misericordiam hanc ipsam afflictionis suæ miseriam. Scio tamen hoc in loco Dominum non de huiusmodi fuisse locutum, sed de his qui possunt dicere cum propheta: *Voluntarie sacrificabo tibi.* Attamen nec voluntaria quidem paupertas omnis laudem habet apud Deum. Nā & philosophi sua omnia reliquisse dicuntur, ut expediti mundialibus curis studio vanitatis possent vacare liberius, & nolebant sensu abundare in sensu suo: Hos discernit quod dictum est, Spiritu: id est spirituali voluntate: *Beati vero pauperes spiritu*: spirituali scilicet intentione, desiderio spirituali propter solum beneplacitum dei & animarum salutem. Super illud vero Matt. 5. *Beati pauperes*, quædā interlinearis dicit Voluntate. Alia interlin dicit: Pauper spiritu est humilis corde. Glos. vero hæc duo coniungit, dicens: Paupertatis deuotio habet duas partes: rerum abdicationem, & spiritus contritionem. Si quis tamen diligenter attendat, paupertas spiritus videri poterit consistere in tribus, secundum tres vires animæ, scilicet in humilitate secundum vim rationabilem, ut sumamus humilitatem pro illa humilitate, de qua Bernard. Est humilitas quam in nobis veritas parit. Item in lib. de decem gradibus humilitatis: Humilitas est virtus qua homo verissima sui cognitione sibi ipsi vilescit: Et in diffidentia de propriis viribus quantum ad vim irascibilem. Diffidentia enim de propriis viribus commendabilis est, sicut diffidentia de Deo est vituperabilis. Et in contemptu siue prauo amore rerū temporalium quæcunque sint res illæ, siue sint diuitiæ, siue alia. Et iste cōtemptus pertinere videtur ad vim concupiscibilem. Et sub isto tertio membro contineri illa videtur spe-

Psalm. 53.

Paupertas spiritus in quibus consistat.

cies humilitatis, quæ est contemptus propriæ excellentiæ, de qua loquitur Bern. in epist. possumus tamen dicere paupertatem spiritus consistere in duobus, scilicet in humilitate, & rerum temporalium abdicatione: sicut tangit gloss. Et tunc accipietur humilitas ita large, vt comprehendat diffidentiam de propriis viribus. Sicut in tractatu de superbia, præsumptio posita est species superbiæ. Dicunt etiam aliqui, ad paupertatem spiritus pertinere spirituales mendicationem, qua quis mendicat ea quæ sunt spiritus, improbum se diuitibus spiritualibus exhibendo, nunc subsidium orationum, nunc panem doctrinæ humiliter petendo. Sed ista mendicatio sequela est veræ humilitatis. Item dicunt aliqui paupertatem spiritus esse, quum aliquis agnoscit se non habere dominium aliquod, nec in se, nec in eis quæ sua videntur, sed solum administrationem: Deum verò omnium esse verum dominum intelligit. Hæc paupertas spiritualis est, quum sedem habeat in ipso spiritu. Et qui hanc paupertatem habet omnino sine proprio est. Prou. 13. *Acceptus est regi minister intelligens.* Intelligens, inquam, se solum ministrum esse, & nullius dominum.

*Quare pauperes spiritu sunt beati.*

**C**irca secundum notandum est, quod propriissima causa quare pauperes spiritu sint beati, est illa quam Dominus assignat: *Quoniam ipsorum est regnum cælorum*, quasi diceretur: Videntur esse pauperes, sed verè sunt diuites. Prouerb. 13. *Est quasi pauper quum in multis diuitiis sit.* 2. ad Corinth. 6. *Sicut egentes, multos autem locupletantes: tanquam nihil habentes, & omnia possidentes.* Tria genera hominum solent haberi pro pauperibus, licet nihil possideant, scilicet electi ad dignitatem magnam, & qui diuitias multas quas habent in tuto loco reposuerunt, & hæredes principum. Et hæc tria inueniuntur in pauperibus spiritu. Iac. 2. *Nonne*

*Deus elegit pauperes in hoc mundo, diuites in fide, & hæredes regni?* Ad beatitudinem etiam pauperum spiritu facit, quod ipsi liberi sunt à multiplici miseria quæ superbiam sequitur. De quo require in tractatu de superbia. Item à multiplici miseria in quam ponunt diuitiæ amatores suos. De quo require in tractatu de auaritia. Quando etiam ponentur ea quæ pertinent ad commendationem paupertatis & humilitatis, amplius patebit, quomodo pauperes spiritu sint beati.

*Quare pauperum spiritu sit regnum cælorum.*

**C**irca tertium notandum, quod pauperum spiritu regnum cælorum est facilitate acquirendi. Pauperes enim spiritu sunt contemptores mundi, & humiles: qui verò contemnunt mundum, habent eum sub pedibus, & sunt supra mundum. Humilitas verò est quasi clavis regni cælorum, contra quam non valet aliqua clausura. Apoc. 3. *Ecce dedi ostium apertum coram te, quod nemo potest claudere, quia modicam habes virtutem.* Facile ergo est pauperibus spiritu intrare in regnum cælorum, qui sunt iam supra mundum, & clauem habent tam efficacem. Præterea humilitas est de qua dictum est, quod laqueos mundi euadit. De paupertate autem verum est, quod frustra ante eum rete iacitur. Prou. 1. *Frustra iacitur rete ante oculos pennatorum.* Pennati sunt contemptores mundi. Humilium est regnum cælorum, iuxta illud: *Sinite paruulos venire ad me, & nolite prohibere: talium enim est regnum cælorum.* Luc. 18. Triplici ratione humilitatis videtur esse regnum cælorum. Primo propter eius capacitatem. Ipsa enim in præsentem capax est gratiæ quam tumor superbiæ repellit. Iacob. 3. *Humilibus autem dat gratiam:* & quia est capax gratiæ, in futuro erit capax gloriæ. Secundo, propter fidelitatem. Quum enim ipsa fidelis sit in modico, super multa constituetur.

Humilibus triplici ratione debetur regnum cælorum.

Matth. 25. *Quia super pauca fuisti fidelis, supra multa te constituam.* Bernard. super Cant. Fidelis te vera famulus es, si de multa gloria Domini tui, etsi non exeunte de te, tamen transeunte per te, nil manibus tuis adhærere contingat. Tertiò ratione vicissitudinis. Humilitas Deum in te recipit: ideo merito in regno Dei recipietur. Prou. 29. *Humilem spiritus suscipiet gloria.* Humilitas in presenti Deum honorat: ideo merito in futuro à Deo honorabitur. Eccles. 3. *Magna potentia Dei solius, & ab omnibus honorabitur.* 1. Reg. 2. *Qui honorificauerit me, glorificabo eum.* Item diffidentium de propriis viribus est regnum cœlorum, id est, robor & affluentia cœlestis auxiliij. De cœlo enim venit eis auxilium, cum de Deo & de Sanctis eius confidant, & non de propriis viribus. Lucæ 12. *Nolite timere pusillus grex, quia complacuit patri meo dare vobis regnum.* Contemptoribus verò rerum temporalium regnum cœlorum est, quasi iure emptionis. Bern. in sermonib. Pauperibus pariter & martyribus regnum cœlorum promittitur: quia paupertate quidem emittitur, sed in passione pro Christo absque omni dilatione percipitur. Matth. 19. *Omnia qui reliquerit domum, &c. centuplam accipiet & vitam æternam possidebit.* Item Bern. in sermonibus: Quid sibi vult, quod eadem promissio facta est martyribus & pauperibus, nisi quia verè martyrij genus paupertas voluntaria est. Item mendicantium suffragia sanctorum, regnum cœlorum est: quia regnum cœlorum pietatis est. Quidquid autem habet pietas, pauperum est. Eccles. 16. *Omnia misericordia faciet locum unicuique, &c.* Domus cœlestis sicut & alia domus Dei pauperum est. Illorum verò qui nihil proprium se habere intelligunt, sed omnia conmodata vel commendata à Deo reputant, est regnum cœlorum, tanquam eorum qui Deo sunt fidelissimi, nullius rei dominium sibi vsurpantes, sed omnium rerum dominium Deo relin-

quentes. Ad beatitudinem horum facit, quod si auferatur ab eis aliquid eorum quorum onus & periculum habebunt, nullam molestiam sentiunt, sed suam exonerationem hoc reputant. Præterea cum propriam voluntatem non habeant, & contra voluntatem propriam eorum nihil sit, ideo molestia carent. Hoc enim solum molestum est alicui, quod contra eius voluntatem fit.

*Paupertas spiritus dono timoris adaptatur.*

Circa quartum notandum, quod paupertas spiritus dono timoris adaptatur, & quantum ad humilitatem, & quantum ad rerum temporalium paupertatem. Quantum ad humilitatem, quia timor humilitatem introducit, sicut aliquis solet se inclinare timore gladij super eum eleuati. 1. Petr. 5. *Humilissimi sub potenti manu Dei.* Paupertas verò rerum temporalium benè timori adaptatur. Timentium enim est proicere quæcunque fugæ suæ cursum impediunt, & quæcunque euasioni suæ obstant. Multi timore periculi, quod est in mundo isto, mundum relinquunt. Vnde super illud. Iob 31. *Semper quasi tumentes super me fluctus timui Deum.* Gloss. Fluctus quum tumentes desuper eminent, ea ex naui proiciunt pro quibus nauigia sumpserunt.

## DE HUMILITATE,

### PARS IV.

#### *Que subditur in quinque Capitula.*

#### CAPIT I.

#### *De ordine dicendorum de humilitate, & eius descriptione.*

Consequenter agendum est de his in quibus consistit paupertas spiritus,



scilicet de humilitate. *Sicut enim initium omnis peccati superbia*: Eccles. 10. sic initium nostræ reparationis videtur esse humilitas. Hieron. Prima virtus Christianorum est humilitas. De humilitate verò hoc modo agetur. Primò ponentur eius descriptiones. Secundò eius commendationes. Tertiò, tangetur de causis humilitatis. Quartò, de signis eius. Quintò, ponentur diuisiones ad humilitatem pertinentes. Humilitatem sic describit Aug. Humilitas est ex intuitu propriæ conditionis & sui conditoris, voluntaria mentis inclinatio in suo imo ordinabili ad suum conditorem. Humilitas est velut quædam mentis incuruatio seu genuflexio coram Deo, eum semper venerans. Causa vna huius inclinationis est intuitus propriæ conditionis. Propriam conditionem intuebatur Abraham, quum diceret: *Loquar ad Dominum meum, cum sim pulvis & cinis*. Genes. 18. Item qui dicebat: *Pateredini dixi, Pater meus es: mater mea & soror mea vermis*. Iob 18. Ad hunc intuitum mittimur. Mich. 6. *Humiliatio*, inquit, *tuam in mediotui*: id est, in ventre. Voluit Dominus ventrem ante esse, vt homo semper videre posset materiam suæ humiliationis. Alia causa inclinationis est intuitus conditoris, in quo nullus est defectus: vnde comparatione eius magis apparent defectus nostri. Iob 25. *Stellæ non sunt munda in conspectu eius: quanto magis homo putredo, & filius hominis vermis*? Esa. 64. *Quasi pannus menstruatus omnes iniustitiæ nostræ*. Greg. Sæpe iustitia nostra ad examen diuinæ iustitiæ deducta, iniustitia est, & sordet in distinctione iudicis, quod fulget in æstimatione operantis. Iob vlt. Nunc oculus meus videt te. Idcirco me reprehendo. Bern. ad fratres de monte Dei: Nunquam se melius deprehendit modus humanæ imperfectionis, quàm in lumine vultus Dei: in speculo diuinæ visionis mens humilis in suo imo manet, tractat enim quæ in se infirma sunt. Senec. in epistolis: Quod ho-

Humili-  
tatis des-  
criptio.

mines libentissimè de aliis faciunt, de te malè existima: illud autem maximè tracta, quod in te esse infirmissimum senties. Si palea locum supremum tenet, non sui nobilitatè, sed vento & sui vanitate: granum verò quod pretiosum est tenet locum imum: sic superbia vilis elationis opinione, vel ambitionis præsumptione, super alias se extollit: humilitas verò in imo remanet: tamen illud imum ordinabile est ad Deum, Deus enim in corde humili quiescit. Vnde super illud Psalm. *Parata sedes tua ex tunc*. dicit Gloss. Anima tranquilla & humilis sedes est Dei. August. 11. lib. Confess. O quàm excelsus es, & humiles corde sunt domus tuæ! Bernard. in lib. de consideratione, satis insinuat quid sit imum hominis, & quid sit illud quod ad conditorem ordinatur. Vbi considerationem sui in tria diuidit: scilicet in considerationem, quid, quis, & qualis sis, quid in natura, quis in persona, qualis in motibus. Et subdit: est in diffinitione hominis quem dicunt animal rationale, mortale: quod diligentius intueri licet si libet consideranti duo hæc simul, rationale & mortale. Is tibi exinde occurrit fructus, vt & mortale, quod in te est, rationale humiliet; & rursù rationale, mortale confortet, quorum neutrum neglectui erit homini circumspècto. Mortale ergo imum hominis intelligas: id verò quo ordinatur homo ad suum conditorem intelligas rationalem. In quantum mortalis, est homo pulvis & cinis: in quantum rationalis, est capax Dei: Item humilitas sic potest describi: Humilitas est voluntarius contemptus sui. Vel sic: Humilitas est sensus propriæ vacuitatis seu inanitatis. Bernard. in lib. de duodecim gradibus humilitatis, eam sic describit: Humilitas est veritas qua homo verissima sui cognitione sibi ipsi vilescit. In epistolis verò sic eam describit: Humilitas est contemptus propriæ excellentiæ. Prior descriptio Bernardi videtur pertinere ad humilitatem intellectus, sequens verò ad

Quid vera  
humili-  
tas.

humilitatem affectus. In Vitis Patrum, Frater quidam interrogauit quendam senem, quid est humilitas. Et ille respondit: Qui vult esse humilis, fugiat, eligens taciturnitatem.

## C A P V T II.

### *De commendatione Humilitatis.*

**N**Otandum quod ad commendationem eius, Primò valere potest multiplex admonitio quam S. S. facit de ipsa. Eccles. 3. *Quanto magnuses, humiliat te in omnibus.* Notabiliter dicitur: *Quanto magnuses*, melius enim sedet humilitas in maioribus. Bernard. in lib. de Consideratione: Cùm omni indifferenter personæ humilitas sit quædam turris fortitudinis à facie inimici, nescio quo pacto tamen vis eius maior in maioribus & in clarioribus clarior comprobatur. Nulla splendidior gemma in omni præcipuè ornatu summi Pontificis. Item Bernard. In alto non altum sapere, sed humilibus consentire, nil Deo clarius vel rarius apud homines. Hier. Nihil est quod nos hominibus ita gratos & Deo faciat, quàm si vitæ merito magni, humilitate sumus infimi. Greg. in Moralib. Mirum est cùm in cordibus sublimium, regnat humilitas morum. Vnde pensandum est, quia potentes quique cum humiliter sapiunt, culmen extraneæ & quasi posita longè virtutis attingunt. Bern. ad Eugenium Papam: Salubris copula, vt cogitans te summum Pontificem, attendas pariter te vilissimum cinerem non fuisse, sed esse. Bernard. Non est magnum esse humilem in abiectione, magna prorsus & rara virtus est humilitas honorata. Item monemur ad humilitatem. Eccles. 7. *Humilia*, inquit, *valde spiritum tuum.* Valde debemus nos humiliare. Quantumcunque enim nos humiliauerimus, Christo humiliiores non erimus. Luc. 14. *Recumbe*

*in nouissimo loco.* Non dicit in medio. Ostium paradisi humile est. Ioann. 10. *Ego sum ostium.* Ingressuro per istud ostiū non est periculum quantumcunque se inclinet: sed si parum plus iusto se crexerit, offender. Bernard. Non est plane timenda quantalibet humiliatio: horrenda autem nimisque pauenda vel minima temere præsumpta erectio. Quamobrem noli te comparare, ô homo, maioribus, noli minoribus, noli æqualibus, noli vni. Item mone: nunc ad humilitatem. 2. Pet. 2. *Subiecti*, inquit, *estote omni humane creature propter Deum.* Eiusdem 3. *Omnes inuicem humilitatem insinuate.* In eodem: *Humiliamini sub potenti manu Dei.* Secundo, possunt valere ad humilitatis commendationem exempla. Inter quæ præcipuum est exemplum Christi, qui humillimus fuit. Augustin. Ambula per Christi humilitatem, vt venias ad æternitatem: Deus Christus patria est quo imus: homo Christus est via qua imus. Ad illum imus, per illum imus: quid timeamus? ne erremus. Item putabas forte sapientiam Dei dicturam: Disce quomodo cælos feci & astra. Non: sed prius illud: *Quoniam mitis sum, & humilis corde.* Vis capere celsitudinem Dei, cape prius humilitatem Dei. Item Augustin. 14 lib. de Ciuit. Dei: Nunc in Ciuitate Dei in hoc seculo peregrinanti maximè commendatur humilitas, & in eius rege qui est Christus maximè prædicatur. Contrarium huic virtuti elationis vitium in eius aduersario qui est diabolus maximè dominari, sacris literis edocetur: Humilitatem exemplo suo Christus docuit, & nascendo, & moriendo, & prædicando, & miracula agendo. Bern. loquens de illo verbo, *Paruulus datus est nobis.* Esa. 9. Studeamus, inquit, effici sicut iste paruulus: discamus ab eo, quia mitis est, & humilis corde, ne magnus videlicet Deus, sine causa factus sit homo paruulus. Augustin. Medicina tumoris hominis est humilitas Christi. Erubesceret homo esse superbus,

Exempla  
humili-  
tatis.

superbus, quia humilis factus est Deus. Erubesceret miles sedere in scamno, si videret regem sedere ad terrā. Esa. 64. *Vtinam diruperes cēlos, & venires. A facie tua montes defluerent*, id est, superbi humiliarentur. Bern. Intolerabilis impudentia est, ut ubi se exinaniuit maiestas, inflectur vermiculus, & timefcatur. Greg. Quanta virtus humilitatis, propter quam veraciter edocendam, is qui sine ætimatione magnus est, vsque ad passionem paruulus factus est. Bernard. Quid magis admirandum, quid amplius detestandum, quid grauius puniendum, quā quod videns Dei filium summum in regno angelorum, nouissimum factum in regno hominum, apponat adhuc magnificare se homo super terram? Magisterium humilitatis specia- liter sibi Christus adscribit. Matt. 11. *Discite a me, quia mitis sum, & humilis corde*. August. in lib. de Virginitate: Non dicit, Discite a me mūdum fabricare, aut mortuos suscitare: sed quia mitis sum, & humilis corde. O doctrinā salutarē, o magistrum dominumque mortalium, quibus mors poculo superbiz propinata atque transfusa est: noluit docere quod ipse non esset, noluit iubere quod ipse non faceret. In codē: Itāne magnū est esse paruum, ut nisi a te qui tā magnus es fieret, disci omnino non posset? Ita plane: non enim aliter inuenitur requies animæ, nisi inquieto tumore digesto. Christus in operibus suis multūm voluit nobis humilitatem commendare: matrem humilē voluit habere. Luc. 1. *Quia respexit humilitatem ancilla sua, &c.* Item voluit habere domū humilem, quia diuersorium: & lectum humilē, quia præsēpium: & vestem humilē, quia pannis inuolutus est. Luc. 2. *Pannis eum inuoluit, & reclinauit eum in præsēpio, quia non erat ei locus in diuersorio*. Bernard. in Serm. loquens de illo verbo angeli dicto pastoribus: Luc. 2. *Hoc vobis signum: Inuenietis infantē pannis inuolutum, & positū in præsēpio*. Nō sine certi ratione mysterij pannis Saluator obuoluitur & ponitur in

præsēpio, quādo idem manifeste in signū nobis commendatur ab angelo. Hoc, inquit, *vobis signum: Inuenietis, &c.* In signū positi sunt panni tui. O bone Iesu! sed in signum cui hodie a multis contradicitur. Agnosco certe, agnosco Iesu magnum sacerdotem sordidis opertum vestibus, dum altercaretur cum diabolo. Zach. 3. Exemplum dedit nobis, ut & nos eadem faciamus. Vtilior siquidem in conflictu lorica ferrea, quā stola linea, licet oneri illa sit, hæc honori. Erit cum membra sequetur caput, ut corpus vniuersum vno spiritu psallat & dicat: *Concidisti sacrum meum, & circumdedisti me latissia*. Christus humilibus per Angelum natiuitatem suam nuntiat, quia pastoribus. Bernard. in Sermone: Quot multa hodie gemmis & auro fulgent altaria, quantis vbique palliis & aurificiis parietes adornantur, putas ad hæc diuertent angeli & pannosos homines declinabunt? Si ita est: cur pastoribus ouium magis apparere quā terræ regibus, quā templi sacerdotibus? Item Christus circumciditur, in quo magnum humilitatis dat exemplum, secundū enim Bern. in incarnatione minoratus est pauld minus ab angelis, sed in circumcisione multo minus: quia latronis cauterio est signatus. Bernard. Vestigium nullum vulneris habens, alligatur in vulneris non refugit. Non sic impij, non sic agit peruerfitas elationis humanæ. Erubescimus vulnere ligaturam qui de vulneribus etiam interdum gloriamur. Qui sine peccato est, nō dignatus est peccator reputari, & nos esse volumus, & nolumus estimari. Item Christus hominibus humiliter subditur. Luc. 2. *Descendit eum eis, & venit in Nazareth, & erat subditus illis. Quis? quibus?* Deus hominibus. Item Christus humiles sibi sociavit, quia piscatores: Matt. 4. Ioanni etiam se subdit ab eo baptizandus. Matth. 3. Attendendum vero est mirabile certamen quod ibi fuit inter humilitatē Saluatoris, & humilitatē præcursoris. Ioannes. n. prohibebat eum, dicens:

M m m

Ego debeo à te baptizari, & tu venis ad me. Cui Christus: Sine modo: sic decet nos implere omnem iusticiam. Bern. Sic planes sic decet ut vincat etiam humilitate qui sublimitate vincebat. Cessit humilitas præcursoris tanquam minor, & quia obedientia tulit auxilium humilitati Saluatoris, vnde factæ sunt duæ contra vnam. Gloss. super illud, Tunc dimisit. Vera est, inquit, humilitas quam nō deserit comes obedientia. Item Christus paruulum amplexus. Marci 9. Et eiisd. 10. increpat prohibentes paruulos ad eum venire, & complexans eos, imponens manus super illos, benedixit eis. Itē in prædicatione sua gloriam patris quærit. Ioan. 14. *Sermonem quē audistis non est meus, sed eius qui misit me Patris.* Eiisd. 17. *Ego te glorificauit super terram,* dicit filius ad Patrem. Eiisd. 8. *Ego honorifico Patrem meum.* In eodem: *Ego gloriam meam non quero.* Eiisd. 6. Iesus cum cognouisset quia venturi essent ut raperent eum, & facerent eum regem, fugit iterum in montem ipse solus. Item exemplum dat humilitatis in miraculorū operatione, vnde Matt. 8. dicit leproso mūdato: *Vide nemini dixeris.* Item in census solutione. Matt. 17. & in pedum ablutione. Ioan. 13. *Exemplum dedi vobis, ut & vos similiter faciatis.* Matth. 20. *Filius hominis non venit ministrari, sed ministrare.* Item in hoc quod asinate voluit, non equitare. Matth. 21. Et post illud Zach. 9. *Sedens super asinam,* subditur: *Et disperdā quadrigam ex Ephraim, & equum de Ierusalem.* Specialiter contra superbiam, quæ est in equitaturis, voluit Dominus asino insidere. Item in passione, ad Phil. 2. *Humiliauit semetipsum, factus obediens usque ad mortem.* ibi dicit gloss. August. Ecce habemus humilitatis exemplum, superbiam medicamentum: quid igitur intumesceis homo? O pellis morticina, quid tendetis? ô sanies scæda, quid inflaris? Princeps tuus humilis est, tu superbus? caput est humile, & membrum superbum? Tercio potest valere ad commendationem

humilitatis, si ostendatur quantum ipsa placeat Deo.

Notandum ergo, quod humilitas miro modo Deo redolet, & cætera bona hominis ei redolere facit. Cant. 1. *Cum esset rex in accubitu suo, nardus mea dedit odorem suum.* Nardus propter sui paruitatem, humilitatem designat. Et sicut species aromaticæ cum in puluerem rediguntur vehementius redolent: sic bona hominis, cum per humilitatem quasi comminuta fuerint, Deo: ut gratiora. Cant. 3. *Quæ est ista quæ ascendit per desertū sicut virgula summi, ex aromatibus myrrhæ, & thuris, & cinniferi pulueris pigmenti aris?* Vbi humilitas est, adest feruor, qui ad redolentiam maiorem solet facere. Humilis nihil reputat se habere vel facere, ideo feruens est. Item Spiritus sanctus liberè fiat in corde humili, quod etiam facit ad maiorem redolentiam. Cant. 4. *Veni, Auster, perfla hortum* Psal. 137. *meum, & fluunt aromata iiliis.* Humilitatem respicit Deus oculo misericordiar. Luc. 1. *Quia respexit humilitatem ancillæ suæ.* In Psal. *Humilia respicit in celo, & in terra.* Gen. 26. *Vidit Deus humilitatem meam.* Esa. 57. *Ad quem respiciam, nisi ad pauperculum & contritum spiritum?* Superbum verò respicit Deus oculo iustitiar. In Psal. *Retribuens abundanter facientibus superbiam.* Esa. 2. *Dies Domini exercituum super omnem superbum.* Humilitatem exaudiuit Dominus. Iud. 9. *Humilium & mansuetorum placuit tibi semper deprecatio.* In Psal. *Respexit in orationem humilium, & non sprouit precem eorum.* Eccl. 35. *Oratio humiliantis se, nubes penetrabit.* Gregor. Magnus est creatori nostro, ad recipiendū fletus humilium, misericordiar sinus. Propter defectum humilitatis parum audit Deus hodie orationes Ecclesiæ. Humiliū memor est Deus. In Ps. *In humilitate nostra memor fuit nostri.* Superbos quasi non agnoscit Deus. Vnde dicit superbis virginibus, Matth. 25. *Nescio vos.* Humiles liberat Deus, & à malo pœnæ, & à malo culpæ. In Psal. *Humiliatus sum, & libera,* Psal. 135.

*ut me.* 3. Reg. 21. Nonne uidisti Achab humiliatum coram me? quia humiliatus est mei causa, non inducam malum in diebus eius. 2. Paral. 12. Quia humiliati sunt, auersa est ab eis ira Domini. Non tenet Dominus iram suam contra humilitatem. Responsio enim mollis humilitatis, frangit iram Domini. Prou. 15. Humilis reputatione sui, uermis est. In Psal. Ego sum uermis, & non homo. Quis honoret Deo vindicare se de verme uno? Iste modus placandi Deum, scilicet per humilitatem, uidetur esse communis Gentilibus, Iudæis & Christianis. Ierem. 6. Attingere cilicio, & conspargere cinere. Iob ult. Me ipsum reprehendo, & ago penitentiam in fauilla & cinere. Iudith 5. Posuit puluerem super caput suum. Iosue 7. Iosue & senes Israel prouiderunt in terram, & miserunt puluerem super capita sua, cum uiribus suis. Hæc uero sententia de populo Iudeorum triginta sex uerba. Et Ionæ 3. legitur, quod rex Ninive auditus uerbo Ionæ, indutus est sacco, & sedit in cinere. Responsio mollis quam fecit humilitas David Saul, uidetur iram eius fregisse. 1. Reg. 24. Quæ persequeris rex Israel, quem persequeris? ait David: Canem mortuum, & pulicem unum. Et respondit Saul tanquam placatus: Nunquid hæc uox tua est, fili mi David? Sicut leo animalia sibi repugnantia lacerat & conculcat, subiecta uero illæsa abire permittit: Sic Deus humili parcit, superbum uero persequitur. Sap. 6. Exiguo conceditur misericordia. David humiliter confitens peccatum suum, audiuit à Propheta: Dominus quoque transiit peccatum tuum. 2. Reg. 12. In Psal. Cor contritum & humiliatum Deus non despicies. Humilitas ad modum astuti luctatoris, dum se Deo subdit, quasi eum uincit. Humilitas uidetur Dei semetipsum reuocare, ut patet in humiliato Achab. 3. Reg. 21. & in Ezechia. Esaiæ 28. Et Niniuitis, Ionæ 3. Deus humiles etiam in presenti exaltat: ut patet in Saul. 1. Reg. 15. Nonne cum paruulus esses in oculis eius, caput intra uentrem Israel facies? Saul abscondit se

domi cum quæretetur in regem. 1. Reg. 10. Et de David sublimando dicitur eiusdem 16. Abieci eum; nec iuxta intuitum hominis ego iudico. Moyses humilis, princeps populi constituitur à Domino. Exod. 3. Quis sum ego, ait Moyses, ut uadam ad Pharaonem, & educam filios Israel ex Aegypto? Et Ieremias humilis, super gentes & regna constituitur. Ierem. 5. A, u, a, Domine Deus: ecce nescio loqui, quia puer ego sum, ait Ieremias. Et Gedeon humilis, dux populi constituitur. Iudith 6. Ecce, inquit Gedeon, familia mea minima est in Manasse, & ego minimus in domo patris mei. Iob 5. Ponis humiles in sublime. Nummus qui descendit in statera, in thesaurum mittitur: qui uero ascendit, reprobatur. Sic superbi reprobantur à Deo, humiles uero approbantur. In Psal. 17. Ipsi de manu tua repulsi sunt. Humiles se deiiciunt, Deus uero eos exaltat. Hieron. loqueas de Paula: Quanto plus se deiiciebat, tanto magis à Christo subleuabatur. Humilibus in presenti dat Deus gratiam suam, in futuro uero suam gloriam. 4. Reg. 4. Vasa uacua replet Eliseus. Iacob 3. & 1. Petr. 5. Deus superbis resistit, humilibus autem dat gratiam. Bernardus: Qui de suis confidit meritis, & propriis innititur operibus, tor illius non intrat gratia, nimium plenus est, nec in eo inuenit gratia locum sibi. Non patitur natura uacuum quin illud repleat, nec gratia humilitatem quin illi se infundat. Humilitas gratiam haurit ut uas inclinatum. Eccles. 13. Humiliare Deo, & expecta manus eius. Quod Deus humiles glorificet, patet ex his uerbis sacræ Scripturæ, quæ sequuntur. Iob 28. Qui humiliatus fuerit, erit in gloria: & qui inclinauerit oculos suos, ipse saluabitur. In Psal. Tu populum humilem saluum facies. Item humiles spiritu saluabit. Prouerb. 15. Gloriam præcedit humilitas. Eiusd. 18. Antequam glorificetur cor, humiliatur. Item 19. Humilem spiritus suscipiet gloria. Item Matth. 19. & Marc. 10. & Luc. 18. dicitur de paruulis: Talium

*Regnum calorum. & Luc. 14. & 18. Qui se humiliat exaltabitur.* Eiusd. 11. dicitur pusillis: *Complacuit patri vestro dare vobis regnum.* Item eiusdem 14. dicitur: *Regūbe in nonisimo loco, ut cum venerit qui te inuitauit, dicat tibi: Amice ascende superius.* Eiusdem 18. *Quicumque non receperit regnum Dei, ut puer, non intrabit in illud.* Matth. 18. *Nisi efficiamini sicut paruuli, non intrabitis in regnum calorum.* Nec mirum si Deus humiles honoret, cum ipsi etiam honorent eum. Eccles. 3. *Magna potestas solius Dei, & ab humilibus honoratur.* 1. Reg. 2. *Qui honorificauerit me, glorificabo eum.* Humilitas est locus habitationis gloriæ Dei. Humilis enim gloriam suam Deo relinquit, cum superbus eam sibi usurpet. Bern. in Sermonibus. Elatus quantum in se est, Deum inhonorat. *Gloriam meam,* ait Dominus, *alteri non dabo.* Et superbus: Ego, inquit, mihi eam licet nō dederis, usurpabo. Nō enim placet illi angelica distributio, dans gloriam Deo, pacem hominibus. Humilis Deum magnificat, superbus verō magnificat seipsum. Humilis est vox illa, Luc. 1. *Magnificat anima mea Dominum,* & iterum vox illa. Ioan. 3. *Illum oportet crescere, me autem minui.* Itē Deus dona humilitatis specialiter acceptat. Vnde Exod. 17. dicitur de altari: *Non solidū, sed inane & concauum facies illud.* Altare est cor altum, in eminentia scilicet perfectionis existens: quod per humilitatem debet esse inane, & concauum, ut Deo sint grata quæ ibi offeruntur. Gregorius in prima parte Moral. Ut cuiuslibet facta digniora sint, necesse est ut apud se semper indigna videantur. Ad literā voluit Dominus ut altare esset concauum, ut capere posset ignē & eius materiam: ligna scilicet & victimas. Nec cor humanum capit ignem Spiritus sancti, nisi humile fuerit. Ligna etiam sacrorum verborum & victimas exemplorum bonorum non capit, nisi sit humile. Dignatur enim superbus dicere inuenta vel dicta ab aliis, & nullum vult imitari.

Item humilitati Deus se ostēdit. Gen. 28. *Apparuit Dominus Abraham in conualle Mambræ.* Humilitas specialiter videtur habere gratiam apud Deum. Eccles. 3. *Quareo magnas, humilia te in omnibus: & coram Deo inuenies gratiam.* Nec mirum: hæc enim virtus specialiter subdit hominē diuinæ maiestati. Bernardus in Sermonibus loquens de illo verbo Angeli. Luc. 2. *Inuenietis infantem pauperem in uoluntate,* &c. Quid est, inquit, quod sola ab angelo videtur commendari humilitas? Et respondet. Forte specialius commendat Angelus humilitatem, quia reuentibus ceteris per superbiam, ipse in humilitate stetit. Aut certe propterea cælitus enūciatur humilitas, quod hæc quasi propria virtus diuinæ sit exhibenda maiestati. Præterea humilitas Deo est fidelissima & deuotissima. Bona enim Dei sibi non usurpat. Ipsius est vox illa. Esa. 25. *Omnia opera nostra operatus es in nobis, Domine.* Ipsa homini dicit illud 1. Corinth. 4. *Quid habes quod non accepisti? Si autem accepisti, quare gloriaris quasi non acceperis?* Quarto valere potest ad commédationem humilitatis, si ostendatur quantum ipsa homini profit. Notandū ergo quod ipsa sapientiam introducit. Prou. 11. *Vbi humilis es, ibi & sapientia.* Matt. 11. *Regnasti ea parvulis.* Superbia non habet vbi sapientiam recipiat. Dydimus Philosophus ad Alexandrum: Deus præsto est largiri sapientiam, sed non habes vbi recipias. Greg. in Pastoralibus: Pupilla oculi nigra videt, & albuginem tolerans nihil videt, quia humanæ sensus cogitationis si stultā se peccatoremque intelligit, cognitionem intimæ claritatis apprehendit. Si autem candorē sapientiæ seu iustitiæ sibi attribuit, à luce supernæ claritatis excludit. Ptolomæus philosophus: Inter sapientes sapientior est qui humilior existit. Beda: Humilitas est clavis scientiæ. Ipsa humilitas magna pars videtur esse sapiētiæ. Gregorius: Prima stultitia Angeli, fuit elatio cordis. Vera sapiētia efficitur hominibus, humilitas

Veilita-  
tes hu-  
milita-  
tis.

suz æstimationis. Augustin. de verbis Domini. Quanto humilior sedebat Maria, tanto amplius capiebat. Confluit enim aqua ad humilitatem vallis de supercilio montis. Bernard. in libro de duodecim gradibus humilitatis: Bona via humilitatis qua veritas inquiritur, charitas acquiritur, generationes sapientiæ percipiuntur. In Viris Patrum quidam frater ieiunavit septuaginta hebdomadas, petens à Deo, vt reuelaret ei de quodam sermone scripturarum; & cū non fuisset ei reuelatū, exiit ad quendam fratrem vt requireret ab eo, & in itinere obuiavit ei Angelus, dicens: Septuaginta hebdomadas quas ieiunasti non te fecerunt proximum Deo: nunc vero, quia humiliatus es, ita vt ad fratrem pergeres, missus sū tibi vëdicare sermonē, & docens eum Angelus sermonem, recessit ab eo. Itē humilitas charitatē reparat. Bern. Sola virtus humilitatis læsæ est reparatio charitatis. Item à laqueis liberat. Ant. Vidi omnes laqueos inimici tensos in terra, & ingemiscēs dixi: Quis putas, trāsiet ista? Et audiui vocē dicentē, Humilitas nō solū est gratia, sed etiam vas aliarū gratiarum: & non quodcūque vas, sed vas admirabile. Vas illud impletionē capacius efficitur. Cum datur humili augmentum gratiæ, ipsa humilitas, sicut & cætera gratiæ, crescit. Vnde capacior sit, ipsa cū Dei liberalitate certare videtur, à qua petere cōcessa, sēper habēs vbi recipiat: quāto enim magis recipit, tanto magis vacuā se recognoscit. Humilitas seipsam euacuat vt capacior fiat: qui enim vere humilis est, se humilem non reputat: ideo expeditissimus est ad gratiæ susceptionem. Humilitas est luminare, quod non minuitur in consummatione, Ecclesiast. 43. In ea impletur illud: *Cum consummauerit homo, tunc incipis.* Eiusdem 18. Humilitas cum omnia facit, nihil facit. Vere enim humilis impleuit illud Luc. 17. *Cum feceritis omnia quæ præcepta sunt vobis, dicite: Serui inutiles sumus,* ita humilitas de maioriæ oneris roboratur: vere humilis omnia bo-

na quæ à Deo recipit, onera esse intelligit quibus se Deo obligari credit, vnde illis humilior efficitur, sicut ramus arboris ex multitudine fructuū inclinatur: & sic quāto maius est onus, tanto robustior est humilitas. Item humilitas de morte viuificatur, de morte ditatur, de detrimento augetur. Humilitas nutrix est dilectionis. Chrysostomus: Nutrix dilectionis est humilitas, odij mater est superbia. Item humilitas tutissima est. In imo enim est, & non habet quo cadat, vt dicit Augustin. Ipsa in tentatione hominem seruat. Vnde gloss. super epistolam ad Corinth. Humilitas custodit in omni tentatione, vt non crepet in fornace, qui non timet vento superbiæ. Humilitas abscondendo bona nostra, seruat ea. Greg. Petit omne quod agitur, si non sollicitē in humilitate custoditur. Idem: Qui sine humilitate virtutes cōgregat, quasi puluerē in vēto portat. August. Nisi humilitas omnia quæcūque benefecimus & præcesserit & comitata & consecuta fuerit, iam nobis de aliquo facto bono gaudentibus totū auferit de manu superbia. Item humilitas de serpente infernali triūphat, caput eius cōterendo. Genes. 3. *Ipsa conteret caput tuū.* David Goliath in capite percutit, & sic eū deuincit. 1. Regū 17. In hoc capite Ecclesia eū percutit in quadragesima capite ieiunij, cum capitibus fidelium cinerē superponit. Humilitas specialiter dicitur vincere diabolū. Gregorius: Tot iaculis nos diabolus percutit, quot tentationibus affligit: & nos contra eum iacula mittimus, cum confessi humiliter respondemus. Diabolus dixit Machario: Humilitas tua sola me vincit. Interrogatus quidam senex quare inquietaremur à demonibus, dixit: quia abiecimus arma nostra quæ sunt cōtumeliæ, paupertas, humilitas, patiētia. Et super illud ad Rō. 7. Et per illud dicit gl. Esto humilis, ne de te præsumas, & poteris vincere. Aug. Solus vincitur qui de se præsumit: solus vincit, qui de se non præsumit. Humilis ideo vincit, quia

Deus in eo pugnat: vere enim humilis Deo attribuit gloriam quæ est de victoria: & ita per consequens ponit super eum pugnam. Eiusdem enim pugna & de victoria pugna gloria. Præterea vere humilis de vulnere suo roboratur, & de infirmitate fortior efficitur 2. Corinth. 12. *Cum infirmior, tunc potens sum.* Ideo non est mirum si non vincatur. Item humilitas propter sui exilitatem & nihilitatem, ab hoste non tenetur: ideo merito non vincitur 4. Reg. in fin. Nabuchodonosor trahens rete captiuitatis per terram ludæorum, nobiles magnos cepit, & duxit in captiuitatem, pauperes vero reliquit. Superbia propter causas oppositas semper vincitur. Humilitate vincit homo seipsum, quæ victoria est valde difficilis. Greg. Plus stupeo David saltantem, quā pugnantem: pugnando hostem subdidit, saltando seipsum vicit, quem Michol ex tumore regis generis insana humiliatum despexit. Item humilitas pacatissima est. Pacem enim videtur habere cum suo opposito, scilicet cū superbia. Superbus vnus alium superbum non patitur, nec cum eo pacem habet. Tumor enim vnus, tumorem alterius pūgit. Apud Geometras demonstratum est, quod sphærica corpora, quæ quasi tumida sunt, non possunt se cōtingere nisi in solo puncto. Vnde pungere se inuicē possunt, sed non plane aut recte sibi inuicem applicari. Sic est de cordibus superbia tumescētib. corpus concauum sphæricum, corpus infra concauitatem suam potest recipere: sic & humilis cum superbo pacem potest habere. Item humilitas altutissima esse videtur. Quod satis patere poterit, si attendatur quomodo cum superbia diuidat mundum. Notandum ergo, quod in diuisione mundi superbia accipit extra, humilitas vero intra. Vnde super illud Ioh. 6. *Eum qui venit ad me non eiciam foras*, dicit gl. Superbi est foras eiici, qui nihil habet in bono interiori, neq; hīc, neq; in futuro. Ad humiles pertinet illud: *Gloria nostra hæc est testi-*

*monium conscientia nostræ.* 2. ad Cor. 1. Senec. Sapiens, est verē humilis. Humilitas vult habere troscellum, superbia vero operimento contenta est, humilitas vult habere equum, superbia vero sellam & frenum. Item accipit humilitas nucleum, superbia vero corticem. Item superbia accipit altum, humilitas imum. Superbia habet montes, humilitas valles. Ideo superbia habet ventum. Perfiant enim altissima venti. Habet etiam ariditatem, duritiem, sterilitatem, præcipitium. Opposita vero his habet humilitas. Bern. Facile est in alto se contruētem obstupescere, & de vita periclitari. Item superbia accipit florem, humilitas fructum. Hier. 48. *Date florem Moab.* Moab interpretatur ex patre: & significat superbos, qui de nobilitate paterna gloriāntur. Item superbia accipit pulchrū, humilitas bonum. Superbia accipit esse in opinione vel visione hominum, vel dictione, humilitas vero esse in rei veritate. Vnde dicitur de hypocritis: *Omnia opera sua faciunt ut videantur ab hominib.* Matth. 23. Superbia accipit paleam, humilitas granum. Superbia accipit imaginem, siue picturam honestatis, humilitas veram honestatem. Sapiens: Apud sapientes sunt honesta, apud vulgus simulachra rerum honestarum. Item superbia elegit ascendere, humilitas descendere. Bern. O peruersitas, o abusus filiorum Adam: quia quum ascendere difficillimum sit, descendere facillimum, ipsi leuiter ascēdūt, & descendunt difficiliter, parati ad honores & celsitudines graduum ecclesiasticorum ipsis angelicis humeris formidandas. Item superbia accipit publicū, humilitas absconditū. Esaiæ 23. *Erit vir quasi qui absconditur à vento, & celat se à tempestate.* Item superbia accipit quod est contentionis, humilitas vero quod est pacis. Humilitas recumbit in nouissimo loco. Luc. 14. Superbia vero gloriari vult. Gloria vero res contentionis est: cum enim vnus laudat eum qui superbus est, duo eum vituperant. Prou. 22. *Arma &*



*gladius in uia superbi, custos autem animæ longe recedit ab eis.* Custos animæ suæ est vere humilis. Item humilitas valde gloriosa est. Bernard. Gloriosa res est humilitas, qua ipsa quoque superbia palliare se appetit, ne vilescat. Idem: Quid facit superbia sub pannis humilitatis Iesu? Numquid nō habet quo se palliet humana malitia, nisi vnde inuoluta est infantia Saluatoris? Humilitas laudem fugit, laus vero eam sequitur tanquam laude dignā. Ecōtrario superbus laudem sequitur, laus vero eum fugit tāquam laude indignum. Superbia more hominum se & sua ponit, ideo non est mirum si morsus detractorum frequenter ibi sentit. Humilitas vero altissimum ponit refugium suum. Ipsa enim dicit illud 1. ad Cor. 4. *Qui autem iudicat me, Deus est:* ideo morsus detractorum eam non attingunt. Superbi velut idola sunt quæ vanissime laudantur: sicut viri virtutum Dij dicuntur. In Psal. *Ego dixi, Dij estis.* Ipsi sunt velut simia sanctorum, *speciem sanctitatis habentes, virtutem autem Dei abnegantes.* 2. ad Timotheum 3. Ipsi etiam sunt sicut arundo, quæ mouetur, nō quia viuat, sed quia vento agitur: sic ipsi moventur ad opera de genere bonorum, vērō inanis gloriæ, non à spiritu vitæ. Matt. 10. *Quid existis in deserto videre? Arundinem vento agitatam?* Et notandum quod vtilitas humilitatis in homine ex diuersis figuris quibus ipsa designatur, potest in magna parte ostendi, de quibus paucas ponere sufficiat. Humilitas vallis est fertilissima. In Psal. 64. *Valles abundabunt frumento,* id est, humiles populi bonis operibus. Ipsa est vallis lacrymarum in qua benedictionem dabit legislator. Ibi inveniuntur aquæ gratiarum. In Psal. *Inter medium montium pertransibunt aquæ.* Aug. Alta siccantur, ima replentur. Item ipsa est fundamentum ceterorum bonorum. Aug. Magnus vis esse, à minimo incipe. Cogitas magnam fabricam construere celsitudinis, de fundamento cogita humili-

tatis. Bern. Bonus fundus humilitas, in quo omne ædificium spirituale constructum crescit in templum sanctum in Domino. Humilitas est nihilum illud super quo terra Ecclesiæ fundata est. Iob. 26. *Appendit terram super nihilum.* Humilitas facit hominē pulchrum nihil, sed superbia facit hominem turpem nihil. Galat. 6. *Si quis se existimat aliquid esse, quum nihil sit, ipse se seducit.* Item ipsa est radix ceterarum virtutum. Greg. Origo virtutis, humilitas est. Illa in nobis virtus veraciter pullulat, quæ in radice propria, id est, in humilitate perdurat. Aug. Arborem attendite, figit radicem in humili, vt vertice tendat ad cælum. Idem: Sine radice auras petis, ruina est ista, non crementum. Item humilitas est via ad sublimitatem. Bern. Per humilitatem ascendit ad sublimitatem: quia hæc est via, & non est alia præter ipsam: qui aliter vadit, cadit potius quàm ascendat. Christus cum per naturam diuinitatis non haberet quò ascenderet, quia ultra Deum nihil est: tamen per descensum quomodo cresceret inuenit. Item humilitas est quasi aquæductus per quem gratia ad hominem venit. Ber. Ideo fluente gratiæ tanto tempore defuerant, quia nondum interuenerat aquæ ductus. Aquæductum istum intelligas humilitatem Mariæ. Multum nititur diabolus destruere aquæductum humilitatis. Holofernes præcipit incidi aquæductum. Iudith. 7. Item humilitas est turris fortissima. Amatoribus mundi videtur esse humilitas in imo, sed secundum veritatem in alto est Luc. 16. *Quod altum est hominibus, abominatio est apud Deum.* Et econtrario: quod altum est Deo abominatio est hominibus. Greg. in 2. parte Moral. In sublimi sunt humiles positi: quia vnde se in omnibus despiciunt, inde contra omnia securiores fiunt. August. 14. lib. de Ciuitat. Dei: Est aliquid humilitas miro modo quod sursum faciat cor. Item in eodem: Humilitas exaltat, quæ facit esse subditum Deo: elatio autē

quæ in vitio est, respuit subiectionem, & cedit ab illo quo non est quidquam superius: & ex hoc est inferius: & fit quod scriptum est: *deiecisti eos dum allenarentur.* Ipsum quippe extolli, iam deiici est: humilitas per hoc ostenditur esse in alto, quia propinqua est Altissimo. Glos. super illud: *Iuxta est Dominus ijs qui tribulati sunt corde.* Altus quidem est Dominus, incuruatur tamen humili, & non se erigenti. Itē humilitas est clavis paradisi, Apoc. 3. *Ecce dedi coram te, &c.* Item est vas securissimum, & habitaculum Dei quietissimum, de quibus prius habitum est. Humilitas in floribus viola est: ipsa etiam in odoramentis, est thus, quod quanto in fumum magis tenue resolutum fuerit, tanto maioris suauitatis odorem spargit. Sic humilitas dum proprium est subiectū quasi in nihilum extenuat: gratissimum odorem Deo spirat, ipsa est vt cinnamomū quod est cinerei coloris. Cinerem enim se reputat humilis. Ipsa est vt odorem amissum iuxta fortentia recuperans. Est etiam vt amethistus, ebrietatem superbæ præsumptionis tollens. Et est vt aspidophantasmata fugans. Cor superbi phantasias patitur, somnians se aliquid esse, quum nihil sit. Item est vt sapphyrus, cuius virtus est humores corporales reprimere. Et est vt onychinus, cuius virtus esse dicitur hominem inuidum reddere, quam virtutem humilitas indubitanter habet. Item est vt diamas, cuius virtus dicitur esse facere gratiosum, quod est veræ humilitatis. Sicut enim odibilis coram Deo & hominibus est superbia: ita gratiosa coram Deo & hominibus est humilitas. Item est vt balsamum, quod fundum petit, & ad seruandum à corruptione est efficacissimum. Ambros. Custos virtutū humilitas. Item humilitas est vt gracilitas in sponsa regis cælestis ad decessionem eius faciens, in corruptionem eius attestās. Econtrario tumor superbæ corruptioni spirituali attestatur. Superba anima de maligno spiritu concepit eius primogeni-

tam, scilicet superbiam. Dicitur vsualiter, & creditur à multis, mulieres interdum à demonibus imprægnari. Multi tamē credunt eas ex hac imprægnatione nihil habere in vtero nisi ventum, nec aliter detumescere nisi multæ ventositatis emissionem quod parabola est spiritualis imprægnationis diabolicæ. Vtositatis à superbo per iactantiam sic emittitur, vt tamen non minuatur, sed per humilem confessionem vere euacuatur. Sunt qui non timent confiteri hanc grossitiem diabolicam, dicentes se esse grossi vel magni cordis. Et quod horribile est dictū, quidam imprægnati sunt à proprio patre qui de nobilitate patris tumescunt. Alij ab vniuersitate cognatorum suorum. Aliqui etiam à toto populo, vt principes qui de multitudine populi tumescunt: vt rex David faciens numerari populum. 2. Reg. 24. Econtrario rex Xerxes cum coram se videret exercitum suum multitudinis innumerabilis, attendens quod totus ille exercitus infra centū annos in puluere conuertēdus esset, dixisse fertur: Regem tanti exercitus & tā fortis me vocant homines, ego vero fateor me regem esse pulueris. Quædam etiam animæ grossæ sunt de virginitate sua, quod valde mirum videtur, hæ sunt virgines fatuæ, de quibus legitur Matth. 25. Et notandū quod humilitas in nobis supplet defectus aliorum bonorum. Bern. Apud Dominum, fratres, ius habere non possumus, quoniam in multis offendimus omnes. Sed nec fallere eum: ipse enim nouit abscondita cordis, quanto magis opera manifesta? Nec resistere virib: quoniā omnipotens est. Quid ergo restat nisi ad humilitatis remedia tota mente confugere, & quidquid in aliis minus habemus, de ea supplere. Item sine humilitate cetera bona nobis bona non sunt, nec Deo placeant. Bern. Sine humilitate audeo dicere, nec virginitas Mariæ Deo placuisset. Item magna virtus humilitatis, sine cuius obtentu non solum virtus, virtus non sit, sed etiam in superbiam erumpit.

## CAPVT III.

*De causis humilitatis & iis qua valent ad humilitatem.*

**N**Otandum quod in omnibus rebus causas humilitatis inuenire possumus, si diligenter attendamus, videlicet in eis quæ sunt infra nos, & in eis quæ sunt in nobis, & in eis quæ sunt iuxta nos, & in eis quæ sunt contra nos, & in eo quod est supra nos. Infra nos sunt corporalia ratione carentia, vt elementa, terræ nascentia, animalia irrationalia, cæli luminaria. In terra, quæ est infimum elementorum, multas causas humilitatis inuenire poteris. Primo ergo attende quod in eam reuersurus es. Gen. 3. *In sudore vultus tui vesceris pane tuo, donec reuertaris in terram de qua sumptus es.* Quando ergo terram respicis, quasi sepulchrum vel cœmeterium tuum respicis. Attende etiam quod terra quæ nunc est sub pedibus tuis, quandoque futura est super caput tuum. Item attende quantum ea indigeas, ipsa est quæ te sustentat. Si ipsa disrupta fuerit sub pedibus tuis, sicut fuit sub pedibus Datan & Abiron, Num. 16. viuis in infernum descendens. Item ipsa miro modo ex se producit Dei virtute vnde pasceris: quod si non faceret, fame perires. Itē si ligna nō produceret vnde calefis, perires frigore. In aëre etiam multas causas humilitatis potes inuenire. Primū ergo attende quod sine aëre nec ad momentum potes viuere, nisi enim ad refrigerium cordis aëra attraxeris, suffocaris. Item attende quod si aër à vento frigido cōmotus fuerit, te intolerabiliter affligit: si pestilens fuerit, te interficit. Item in aqua multas causas humilitatis potes inuenire. Si aqua non fuerit, vt porcus immundus eris. Item sine aqua terra & ari-

da & sterilis erit, & sic fame peribis. Similiter si ignis non esset, fame & frigore perires. Non haberes enim vnde cibaria decoqueres, vel te calefaceres. Præterea ignis paratus est ad torquendum impios: Eccles. 7. *Vindicta carnis impij, ignis & vermis.* Deut. 32. *Ignis succensus est in furore meo, & ardebit usque ad inferni nouissima, &c.* Quomodo superbit homo facinorosus, ad cuius cōbustionem fornax iam succensa est? Itē attende circa terræ nascentia, quantum illis indigeas: attēde etiā bona quæ sunt in eis, quib. tu cares, vt est fulgor auri, pulchritudo florum. Matth. 6. *Considerate lilia agri quomodo crescunt: non laborant neque nent.* Dico autem vobis quoniam nec Salomon in omni gloria sua coopertus est sicut vnum ex istis. Item circa animalia irrationalia attende multa bona quib. tu cares: vt est suauitas cantus in multis auibus sine magisterio alicuius, creaturæ. Ad quam suauitatem tu multis annis edoctus non posses pertingere. Item velocitas quæ est in auibus & in quibusdam quadrupedibus. Fortitudo etiam & pulchritudo & abundans vestitus, te vero oportet mendicare ab eis vnde nuditatem tuā operias, & vnde pulchritudinem tuam ornes, & debilitatem & tarditatem tuam iuues. Circa luminaria verò cæli attende quantum luce eorum indigeas. Sine luce enim oculi essent tibi inutiles. In nobis etiam multas causas humilitatis inuenies, & ex parte corporis, & ex parte animæ. Ex parte corporis, siue respicias eius originem, siue eius finem, siue statum eius præsentem. Bern. Vide vnde veneris, & erubescere vbi es, & ingemisce: quo vadis, & contremisce. Si attēdas vnde corpus venit, inuenies quod ex putredine, Iob 17. *Putredini dixi, Pater meus es.* Attēde etiam vltiùs, grauamina quæ matri quæ te concepit feceris. Bernardus. In lordibus generamur, in tenebris confouemur, matres nostras multum oneramus, in doloribus parturimus, in partu

Nnn

matres nostras more vipereo laceramus. Attende etiam quod nudus nascitur homo mēbris impotens, & plorare incipiēs, Iob. 1. *Nudus egressus sum de utero matris meae.* Augustinus: Puer à ploratu incipit. Sap. 7. *Primam vocem similem hominibus emisit plorans.* Attende etiam ad quem finem devenit corpus. Pulvis enim & cinis sit, Genes. 3. *Pulvis es, & in pulverem reverteris.* Item Gen. 18. *Loquar ad Dominum meum, quum sim pulvis & cinis.* Non est mirum si se erigat, contra dominum suum miles qui habet castrum super altam rupem inexpugnabile: sed fatuus est valde qui non habet domunculam, nisi de palea quæ facillime potest comburi, si contra dominum suum potentē se erigat. Sic fatuissimus est homo cuius habitatio, scilicet corpus, ad calorem febrilem in cinerem redigitur, nec exigitur ad hoc ignis si contra Deum se erigit. Item corpus à vermibus est corrodendum. In Psal. *Ego sum vermis,* Eccles. 7. *Vindicta carnis impij, & ignis vermis,* 1. Machabæorum 2. *Gloria peccatoris sterco & vermis.* Corpus enim vnde gloriatur, fæcus est stercoreum, & cibus & materia vermium. Præsentem statum corporis attendebat quæ dicebat: *Humiliatio tua in medio tui.* Michæ 6. Hieronymus: Quomodo superbiat qui secum semper sentinam portat. Ex parte etiam animæ multas causas humilitatis possumus inuenire. Aut enim scit homo se esse in mortali, aut non. Si scit, in inferiori statu est quàm canis, vel porcus, vel bufo: quum debitor sit duplicis mortis, temporalis scilicet, & æternæ: illa verò vnicam mortem debeat. Item miseriam habet & culpæ & pœnæ, quum illa solum habeat miseriam pœnæ: & in hoc solis dæmonibus similis est. Si vero nesciat se esse in mortali, nescit tamen se esse in statu salutis: Sic se quandoque debitorem fuisse mortis æternæ, nescit utrum adhuc peccatum sibi dimissum sit. Ecclesiastic. 10. *Sunt iusti atque sapientes, & opera eorum in manu Dei: & tamen*

*nescit homo utrum amore an odio dignus sit, sed omnia in futurum reservantur incerta* Gregorius: Ad hoc cuncta nobis de meritis nostris incerta sunt, ut vnam certam gratiam teneamus, humilitatem. Item ad humilitatem valere possunt, etiam si sciremus nos esse in statu gratiæ: negligentia proficiendi quam in nobis videmus, difficultas standi, facilitas cadendi. Ad sibilum enim vnius verbi quandoque deijcitur aliquis, difficultas resurgendi, debilitas minima etiam vitia vincendi. Item circa ea quæ sunt iuxta nos multas causas humilitatis possumus inuenire, ut si attendamus multos de fratribus nostris esse leprosos, multos cæcos, multos impotentes, multos mendicos, & aliis diuersis miseris afflictos. Iob. 5. *Visitans speciem tuam non peccabis.* Item si attendamus eos qui contra nos sunt, materiam humilitatis inueniemus. Hostes enim insubiles nos strangularent, nisi diuina protectio hoc impediret. Iob. 41. *Non est potestas super terram quæ cõparetur ei qui factus est ut nullum timeas.* Thren. 3. *Misericordia Domini quod non sumus consumpti.* Item supra nos causas humilitatis inuenire possumus, si attendamus Dei omnipotentiam paratam ad vindictam superborum. Tribus de causis solet aliquis se inclinare vel dimittere: vel quia gladius capiti eius imminet, vel quia transiurus est per ostium humile, vel propter societatem alicuius magnæ personæ, quæ ad terram videt sedere. Similibus de causis debet per humilitatem se homo inclinare. Si enim per superbiam se exerxit, gladius Dei omnipotentis euaginaturs est super caput eius. 1. Petri 5. *Humilimini sub potenti manu Dei.* Item necesse habet transire per humile ostium paradisi. August. super illud Ioan. 10. *Ego sum ostium.* Ostium humile est: si sano capite volumus intrare, oportet caput demittere. Item sanctus sanctorum & ceteri sancti in mundo isto humiliter se habuerunt. Matt. 10. *Sufficit sermo si sit sicut dominus*

Quib. de  
causis ali  
quis se in  
clinat.

eius. Simile Ioān. 15. *Siue respiciamus ad bona siue ad mala, inuenire possumus materiā humilitatis.* Bona nostra aliūde habemus, imperfecte ea habemus, perdere ea possumus. Et si attentē ea inspicere volumus, non dominium rerum, sed onus & periculum in illis habemus. Pro illis censum magnum debemus, & non solum ea perdere, sed etiam pro illis perdi possumus. De malis vero manifestum est quod se humiliare debent homines, maxime si sint peccata mortalia, cum pro illis adiudicati sint patibulo infernali: mirum est quod tot & tantæ causæ humilitatis homines humiles non faciunt. Bernardus: *O mira vanitas, o mira fatuitas cordis nostri, cuius elationem perfecte dirimere, cuius ceruicofos motus omnino domare, humilitatis materia tanta non sufficit, quin adhuc superbiat terra & cinis.*

*De iis quæ valent ad humilitatem.*

**E**T notandum quod ad humilitatem valere possunt ista quæ sequuntur. Primo, familiaritas humilium. Sicut enim qui communicauerit superbo induet superbiam. Eccles. 13. Ita qui communicauerit humili, induet humilitatem. Secundo, meditatio propriorum defectuum. Greg. in Homil. Sancti viri ut humilitatis in se virtutem custodiant, cum quædam mirabiliter sciunt, ante mentem oculos student reuocare quod nesciunt, ut dum ex parte infirmitatem suam considerant, ex ea parte qua perfectus est eorum animus se non extollat. Sicut qui emit veterem vestem, ponit digitum ubi vestis habet oculum ad defectum, si quis est in eo. Item Gregor. Magnus esse vnusquisq; studeat, sed tamen magnum se esse nesciat: qui vult esse perfecte humilis, necesse est ut bona sua etiam à propriis oculis abscondat. Tertium est, respectus meliorum. Gregor. Non quibus iam su-

periores, sed quibus adhuc inferiores estis aspiciate. Idem: Sicut incentiuum elationis est respectus deterioris: ita cautela humilitatis est cōsideratio melioris. Quarto, quum quis assuescit sustinentiæ contumeliarum. Bern. in epistolis: Humiliatio via est ad humilitatem: sicut patientia ad pacem: sicut electio ad scientiam. Si ergo virtutē appetis humilitatis, viam non refugas humiliationis. Quinto, quum aliquis se exercet in humilib. officiis: exemplo domini qui lauit pedes discipulorum. Ioan. 13. Superbi ad minora officia se indignos reputant. Alij vero reputant eos indignos maioribus officiis: & sic inutiles sunt tam ad maiora, quam ad minora officia. Nolunt enim facere quod possunt, nec possunt quod volunt. Vnde accidit eis sicut illis qui rebus quas habent vendere nimia pretia imponunt, imo se ab eis non expediunt. Nolunt enim inde accipere quod possent habere: nec possunt habere quod vellent accipere. Sexto memoria mortis, quod docet Ecclesia in principio Quadragesimæ, imponens cineres capitibus, dicens: *Memento homo quia cinises, & in cinerem reuertēris.* Et notandum quod homo debet se reputare cinerem, & ex parte corporis & ex parte animæ. Ex parte corporis, propter propinquitatem & certitudinem quam habet ad hoc vt in cinerem redigatur. Sic enim solet loqui Scriptura, ubi aliquid quod futurum est, dicatur iam propter propinquitatem vel certitudinem. Greg. Fere se mortuum considerat, qui se moriturū non ignorat, ad Rom. 8. *Corpus moriturum est propter peccatum:* id est, necessitati moriendi addictum. Quantum vero ad animam, debet homo cinerem se reputare quoad tria. Primo, quoad vilitatem. Cinis enim valde vilis est, licet materia ex quo factus est fuerit pretiosa: sic qui est in statu peccati, quasi nullius valoris est respectu valoris in quo erat ante peccatum. In Psalm. *Adnihilum deductus est in conspectu eius mali.* Psalm. 14.

gnus. Imo minus quàm nihil videtur esse nisi sit spiritualiter resurrecturus. Melius enim esset ei non esse quàm malum esse, si perseveret ita. Secundo quoad hoc: quia sicut cinis resistere non potest modico flatui quin ab eo dispergatur, sic peccator resistere non potest sibilo modici verbi. In Psal. *Non sic impij, non sic: sed tanquam pulvis*. Tertio, quo ad hoc: quia sicut cinis non potest naturaliter redire ad statum materiz vnde factus est, sed Dei virtute: sic peccator non potest redire ad statum bonum nisi Dei virtute. Eccles. 7. Considera opera Dei, quod nemo possit corrigere quem ille despexerit: Vere Deus illos despicit quos luto peccati ita diu iacere permittit. Nec mirum, quum ipsi eum despiciant. Esa. 5. *Vx qui spernis, nonne & ipse sperneris?* Humilibus qui se cinerem reputant, specialiter debetur corona, Esaia 61. *Ad annuntiandum mansuetis misit me, ut darem eis coronam pro cinere*. Non reputat se cinerem ex parte corporis, qui bruneta vel scarlata corpus suum induit: quis enim, nisi fatuus, talem saccum facit cineribus suis? Item non reputat se cinerem ex parte animæ qui amat altitudinem. Non enim expedit cineri esse in alto, ne à vento dispergatur. Dixit Dominus Moyli & Aaron, Exod. 9. ut tollerent plenam manum cineris de camino & spargerent in cælum, & subsecuta sunt vlcera & vesicæ. Sic cum aliquis in alto ponitur, sequuntur vesicæ superbiz, & vlcera vanæ gloriæ, ut leprosus & vlcerosus interius coram Deo appareat, quantumcunque exterius pulcher videatur. Item non videtur se cinerem reputare qui præsumit quod quando volet se emendabit. Eccles. 29. *Repromissio nequissima multos perdidit*. Magna est illius fatuitas qui cinerem illum cuius pars est in vinea sua, & alia in agro, & sic de cæteris possessionibus eius, credit per seipsum congregari, & novum hominem interiorem inde fieri: cum hoc solius virtutis diuinæ sit, sicut susci-

tatio corporum ex pulueribus.

Et notandum quod memoria mortis valde utilis est homini. Eccles. 7. *In omnibus operibus tuis memorare novissima tua, & in aeternum non peccabis*. Hieron. in epistolis: Platonis est sententia omnium sapientium vitam meditationem esse mortis. Sapiens: Summa philosophia assidua est mortis meditatio. Eccles. 38. *Memor esto iudicij mei: sic enim erit & tuum*. Meum heri, tuum hodie. Hoc dicitur in persona mortui loquentis ad vivum. Specialiter mortis memoria necessaria est iuveni. Vnde Thren. 3. post illud: *Bonum est viro cum portaverit iugum ab adolescentia sua*, Subditur: *Ponet in pulvere os suum. Os sapientium in corde eorum*. Eccles. 21. Os ergo in pulvere ponit qui cogitat quod pulvis sit.

In hac meditatione proicienda est cupiditas & vanitas seculi, vnde Leuit. 1. præcepit Dominus ut faciens holocaustum de turturibus vel pullis columbæ, proiiceret vesiculam gutturis & plumas in locum cinerum. Holocaustum facit Deo de turture, qui dat se Deo ut ei seruiat in claustro: de columba, qui dat se Deo ut ei seruiat in mundo. Turtur enim amat solitudinem, columba gregatim volat. Vesicula gutturis quæ est quasi horreum auium, cupiditatem mundi signat, pluma verò lenitatem.

In loco ergo cinerum vesiculam proiicit; qui consideratione mortis suæ cupiditatem à se abiecit, non curans acquirere ea quæ in breui perdat, & à quibus perdat. Bern. Utinam tantum congregata perirent, & non congregator eorum. Tolerabilius esset insudare labori perituro, quàm perempturo. Plumam verò in loco cinerum proiicit, qui consideratione mortis vanitatem huius mundi refugit, intelligens fatuum esse in via ad mortem gaudere. August. Nihil aliud est tempus præsentis vitæ, quàm cursus ad mortem.

Memoria mortis ei mōdatur.

Ad quæ  
valeat  
memoria  
mortis.

1. Valet autem mortis memoria ad ista sex quæ sequuntur. Ad fugandum exercitum vitiorum, vel saltem terrendum. Sicut timent latrones iudicis aduentum, sic vitia mortem. Terribilis est eis locus iste quasi porta inferni. Aut ex toto hominem deserunt tunc, aut saltem premunt. Thren. 1. *Sordes eius in pedibus eius: non est recordata finis sui.* Iumentum cauda se defendit à muscis, sic homo à vitiis consideratione mortis.

2. Secundò valet ad contemptum mundi. Vnde Hieron. *Facile contemnis omnia qui se semper cogitat moriturum.* Eccles. 10. *Si annis multis vixerit homo, & in iis omnibus lætus fuerit, meminisse debet tenebrarum temporis & dierum multorum: qui cum reuerint, vanitatis arguentur preterita.* In morte arguitur vanitatis omne quod est in mundo, scilicet concupiscentia oculorum, & concupiscentia carnis, & superbia vitæ. Concupiscentia oculorum in hoc quod homo nudus reuertitur in terram. Iob 1. *Nudus egressus sum de utero matris meæ, nudus reuertar illuc.* Concupiscentia carnis in hoc, quod corpus in deliciis nutritum vermibus datur. Superbia vitæ in hoc, quod ille qui volebat esse super homines, ponitur sub terra quæ est infimum elementorum.

3. Tertiò valet ad sui contemptum. Facit enim quod homo cognoscat se quasi per resolutionem, qui raddus cognoscendi verissimus est. Et hoc est quod David orat: *Sciant, inquit, gentes quoniam homines sunt:* id est, de humo.

4. Quartò valet ad hoc vt homo reat se regat in via præsentis vitæ. Sicut aues cauda regunt se volando & pisces natando. Iob 12. *Interrogauimus a & docebunt te: & volatilia cali & indicabunt tibi, &c.* qui vult nauem regere ponit se in fine nauis. Et sapiens consideratione finis regit se in iis quæ sunt ad finem.

5. Quintò ad temperandam præsentem lætitiā, sicut & alia mala pœnæ. Eccles.

11. *In die malorum ne immemor sis bonorū.* Memoria mortis multum valet ad temperandam præsentem lætitiā, quia multum habet amaritudinis. Eccles. 41. *O mors quā amar est memoria tua homini iniusto!* Sextò ad hoc vt homo reat iudicet de præsentī vitæ & futura. Qui enim per meditationem ponit se in articulo mortis, quasi medius est inter præsentem vitam & futuram, vitæque videns de propè. Qui tenet se initio vitæ suæ vel prope interponens sibi & vitæ futuræ, quicquid sperat se victurum, longè est à vitæ futura, vnde bona illius modica ei videntur. Quasi in initio vitæ suæ se tenebat qui dicebat, Luc. 12. *Anima mea, multa habes bona posita in annos plurimos: requiesce, bibe, comede, epulare.* Sed Deus posuit eum in fine vitæ, dicens: *Stulte, hac nocte animam tuam repetens à te.*

## CAPVT IV.

## De signis humilitatis.

PRimum humilitatis signum est amor humilium personarum. Eccles. 13. *Omne animal diligit simile sibi.* Secundum est, fuga altitudinis. Humilitas laudes fugit sicut venenum, & sicut sagittas mellitas & vt sermones fascinant. Sap. 4. *Fascinatio nugatitatis obscurat bona,* & sicut rete expansum gressibus suis. Prou. 9. Homo qui blandis fictisque sermonibus loquitur amico suo, rete expandit gressibus eius. Christus qui vere humilis erat, fugit volentes eum rapere in regem. Ioann. 6. Tertium est, amor propriæ vilitatis. Bernard. Verus humilis vilis vult reputari, non humilis prædicari. Gaudet de contemptu sui, hoc solo sanè superbus, quod laudes cōtemnit. De hoc exemplum habemus in David 2. Reg. 6. *Exemplum.* *Ludam, inquit, & vilior sum.* Et in dialogo Greg. legitur de quodam statura paruo qui Constantinus dicebatur, quod

cum dixisset ei quidam, quod nihil hominis haberet, protinus lætus in amplexum eius ruit, eumque ex amore nimio constringere brachiis capit & osculari, magnasque gratias agere quod de se talia indicasset, dicens: Tu solus es qui in me oculos apertos habuisti. Et de David legitur secundo Reg. 16. *Dimittite*, inquit, *eum ut maledicat mihi*, & A. 5. *Et illi ibant gaudentes à conspectu concilij, quoniam digni habiti sunt pro nomine Iesu contumeliam pati*: humilitas opprobriis pascitur ut cibo proprio. Thren. 4. *Saturabitur opprobriis*. Sicut se habet superbia ad gloriam, sic humilitas ad ignominiam. Vnde sicut superbia gaudet de gloria, sic humilitas de ignominia. Humilitati ea sunt pretiosa quæ alij essent vilia. Ipsa enim spiritum abominationis & contemptus conuerit quasi in aurum & gemmas. Ipsa vilis vult videri aliis, sicut & sibi vilis videtur. Et quanto est sibi vilior, tanto est Deo pretiosior. Gregorius in Moral. Tanto vnaquæque anima fit pretiosior in conspectu Dei, quanto pro amore Dei despectior fit ante oculos suos. Item Greg. Tanto fit quisque vilior Deo, quanto pretiosior sibi. Et tanto pretiosior Deo, quanto propter eum vilior. Quartum est, si humilia officia libenter quis facit. De hoc exemplum habemus in Abigail. 1. Reg. 25. pro qua cum misisset David ut eam duceret in uxorem, ipsa ait: *Ecce famula tua sit in ancillam, ut lauet pedes seruorum domini mei*. In vitis Patrum, quidam senex perfectus virtutibus orauit Dominum. Ostende mihi Domine quid sit perfectio animæ, & faciam. Et quum requireret consilium à quodam alio senes: ille respondit ei de hoc per relationem. Vis facere quicquid dico tibi. Et ille, volo. Et dixit: Vade, pasc porcos: & fecit sic. Et quum alij viderent quod pasceret porcos, dixerunt quod factus esset fatuus. Et visa eius humilitate, reuocatus est ad locum suum. Quintum est si consilio acquiescit: sicut hoc quod

aliquis non acquiescit consilio, signum est superbiz. Greg. de non acquiescente consilio: Si se, inquit, meliorem non crederet, nequaquam cunctorum consilia suæ deliberationi postponeret. Sextum est, si contumeliam vel etiam correptionem mansuetè audit. Greg. Qui gloriam non querit, contumeliam non sentit. Idem: non timet confundi in conspectu hominū qui solum gloriam querit apud Deum. Septimum est, si secretum diligit. Bernard. loquens de illo verbo 2. ad Cor. 12. *Parco autem*, &c. Quam pulchre, inquit, dicit parco. Non parcat sibi arrogans, non superbus, non cupidus vanæ gloriæ, vel iactator actuum suorum, qui vel sibi arrogat, vel mentitur de se quod non est. Solus verè humilis parcat animæ suæ, qui ne putetur quod non est, semper quantum in se est vult nesciri quod est. Octauum est: si libenter obedit, ad Philip. 2. *Exinanivit semetipsum factus obediens usque ad mortem*. Exinanitio præmittitur tanquam causa obedientiæ. Qui enim humilis non est, non libenter obedit.

## CAPUT V.

## De diuisione humilitatis.

Consequenter ponendæ sunt diuisiones ad humilitatem pertinentes. Notandum ergo quod est humilitas ficta, & est humilitas vera. De ficta legitur. Eccles. 19. *Est qui nequiter se humiliat, & interiora eius plena sunt dolo*. Vera humilitas est humilitas cordis, de qua Matth. 23. *Discite à me, quia mitis sum, & humilis corde*. Non ficta, dicit interim. Humilitatem cordis sequitur humilitas exterior, sicut ramus prodit ex radice. 1. Petri 5. *Omnes inuicem humilitatem inuicem*. Item est humilitas sufficiens & abundans & superabundans. Quam diuisionem innuit glossa super illud Matth. 3. *Sic decet*



Tres gra-  
dus hu-  
militatis  
perfectæ.

*nos implere omnem iustitiam*, id est, humilitatem, dicit gloss. & subditur: Perfecta humilitas habet tres gradus. Primus est, subdere se maiori, & se non præferre æquali, hic vocatur sufficiens, quia sufficit aliquem sic humiliari: & iste gradus omni iusto est necessarius. Secundus gradus est, subdere se æquali, nec præferre se minori, hic dicitur abundans. Tertius est, subesse minori in quo est omnis iustitia. Hunc Christus implevit. Item humilitas diuiditur in humilitatem intellectus, quæ consistit in cognitione veritatis: & in humilitatem affectus, quæ consistit in contemptu vanitatis. Sicut beatus Bernard. superbiam diuidit in sex species: Superbia, inquit, in species duas diuiditur; In cæcam, & vanam superbiam: quarum prior intelligentiæ, posterior voluntatis vitium est.

Idem: Est humilitas quam in nobis veritas parit, & non habet calorem: & est humilitas quam charitas format & inflammatur, atque hæc quidem in affectu, illa in cognitione consistit. Communiter etiam quatuor gradus humilitatis distinguuntur. Quorum primus est, spernere mundum, siue mundi gloriam. Secundus, spernere nullum. Tertius spernere sese. Quartus, spernere se sperni. De x i i. gradibus humilitatis quos Bernardus distinguit, require in tractatu de Superbia 3. parte 35. cap.

Notandum quod Bernard. in libro suo de x i i. gradibus humilitatis, non expresse illos x i i. gradus humilitatis ponit: sed per oppositum eas insinuat. Bernard. in prologo libri illius tituli, inquit, qui de gradibus humilitatis inscribitur: Pro eo forsitan quod non humilitatis gradus, sed superbiæ potius distingui describique videatur, calumniam patietur: sed hoc à minus vel intelligentibus vel attendentibus tituli rationem.

Idem in libro eodem: Idem sunt gradus ascendentium in solum & descendentium, & eadem via ascendentium in

ciuitatem & recedentium, & idem ostium ingredientium domum & egredientium. Per vnâ denique scalam ascendentes Angeli & descendentes Iacob apparuerunt. In eodem: Proponat tibi beatus Benedictus gradus quos ipse prius in corde suo disposuit. Ego quid proponam tibi non habeo nisi ordine descensionis meæ, in quo tamen si diligenter inspicitur, via forsitan ascensionis reperitur. Si enim tibi Romam tendenti, homo inde veniens obuiaret, quæsiturus viam, quid melius quàm illam quâ venit ostenderet? Denique castella, villas & vrbes, fluuios ac montes per quos transierit nominat, suum denuntians iter, tuum tibi prænuntiat, illa vt eadem loca recognoscas eûdo, quæ ille pertransit veniendo. Hi sunt x i i. gradus humilitatis secundum sanctum Benedictum.

Primus est, si quis timorem Dei in memoria habeat Dei præcepta & pœnas paratas eorum transgressoribus, & præmia parata obseruatoribus, & sic omni hora à peccatis se custodiat. Secundus est, si quis non amans propriam voluntatem, desideria sua non delectetur implere. Tertius est, si quis pro Dei amore omni obedientia maiori se subdat. Quartus est, si in ipsa obedientia contra aspera patientiam amplectatur. Quintus est, si omnia mala sua abscondita Abbati suo humiliter confiteatur. Sextus est, si ad omnia quæ sibi iniunguntur indignum se iudicet. Septimus est, si omnibus se inferiores & viliores non solum lingua sua se pronuntiet, sed etiam intimo, credat cordis affectu. Octauus est, si nihil agat monachus nisi quod communis monasterij regula probat, & maiorum exempla hortantur. Nonus est, si linguam suam cohibeat, & eam vsque ad taciturnitatem teneat. Decimus est, si non sit facilis & pronus in risu. Vndecimus est, si pauca verba & rationabilia habeat, & non loquatur clamorosè. Duodecimus est, si non solum in corde humilitatem habeat,

Gradus  
humili-  
tatis se-  
cundum  
S. Bene-  
dictum.

sed etiam corpore ostendat eam, semper defixis in terram aspectibus.

## P A R S V.

## De Paupertate.

**P**aupertas quandoque dicitur carentia diuitiarum. Et secundum hoc dicit August. Inuestiganti singularum rerum naturas, non inuenietur quid sit paupertas, nuditas & foramen. Sic paupertas, priuatio est. Priuationes verò causæ sunt directæ aliarum priuationum, & occasiones multorum bonorum. Multa vitia elongata sunt ab eis qui hanc paupertatem habent. Greg. Habent sancti hoc proprium: nam vt semper ab illicitis longè sint, à se plerunque licita abscindunt. Quandoque dicitur paupertas contemptus diuitiarum. Seneca: Nemo dignus Deo, qui opes non contempserit. Tertiò dicitur paupertas amor paupertatis. Bern. in epistolis: Non paupertas virtus reputatur, sed paupertatis amor. Denique beati pauperes non rebus, sed spiritu. Idem: Volo te esse amicum pauperum, magis autem imitatore. Idem: Amicitia pauperum regis amicos constituit, amor paupertatis reges. Item. Pauperiem æquo animo ferre, virtus patientiæ est: sponte appetere, sapientiæ laus est. Et notandum quod paupertas multis de causis amanda est. Quarum prima & maxima est, quod Deus eam amat. Cuius amoris primum signum est, quod filius Dei voluit eam assumere. Bernard. in Sermonibus. Forte aliquis arbitraretur filio Dei sublimia esse quærenda palatia, vt cum gloria susciperetur: sed non propter hoc ille à regalibus illis sedibus venit. In sinistra eius diuitiæ & gloria, in dextera longiturnitas vitæ. Horum omnium æterna in cælis affluentia suppetebat: sed paupertas non inueniebatur in eis. Porro in terris abundabat & supera-

Quid sit  
pauper-  
tas.

Cur a-  
manda  
pauper-  
tas.

abundabat hæc species. Nesciebat homo pretium eius. Hanc itaque filius Dei concupiscens, descendit vt eam eligeret sibi, & nobis quoque sua æstimatione faceret pretiosam. De paupertate Christi habetur, Luc. 2. *Pannis eum inuoluit, & reclinauit eum in præsepio: quia non erat ei locus in dimerforio.* Item Matth. 18. vbi misit Dominus Petrum ad piscandum, pro tributo soluendo, dicit Gloss. Tantæ fuit paupertatis, vt vnde daret tributum non haberet, & super illud Matth. 11. *Circumspectis omnibus, cum iam vespera esset hora exiit in Bethaniam cum duodecim.* Dicit Gloss. circumspectis si quis eum hospitio susciperet. Tantæ enim paupertatis fuit, & ita nulli adlatus, vt in tanta vrbe nullum inueniret hospitium. 2. ad Corinth. 8. *Scitis gratiam Domini nostri Iesu Christi, quoniam propter nos egenus factus est cum esset diues, vt illius inopia vos diuites efficeret.* Thren. 3. *Recordare paupertatis meæ, &c.* Bern. Magna abutio & nimis magna, vt diues esse velit vermiculus vilis, propter quem Deus maiestatis & Dominus Sabaoth voluit pauper fieri. Paupertas Christi crescendo processit. In natiuitate pannis inuolutus est, & pro domo habuit dimerforium: deinde hospitium non habuit. Matth. 8. *Filius hominis non habet vbi caput suum reclinet, &c.* Marc. 11. *Circumspectis, &c.* In passione verò etiam propriis vestibus spoliatus est. Matth. 27. *Exuentes eum, &c.* Aliud signum amoris Dei ad paupertatem est, quod propter pauperes filius Dei in mundum venit. In Psal. *Propter miseriam & gemitum pauperum nunc exurgam, dicit Dominus.* Luc. 4. *Euangelizare pauperibus misit me.* Bern. in Sermonibus. Quærat diuitias paganus qui sine Deo viuit: quærat Iudæus, qui terrenas promissiones accepit: sed qua fronte, magis autem qua mente Christianus diuitias quærit, postquam Christus beatos esse pauperes prædicauit; Pauperes Christus in principio doctrinæ suæ

suar beatos prædicauit. Matth. 5. & Luc. 6.  
 & diuites infelices. Luc. 6. *Va vobis diuiti-*  
*bus.* Pauperes iudicat Christus dignos  
 mensa sua. Vnde Luc. 14. leguntur pau-  
 peres ad cœnam Domini introducti. In  
 Pl. *Parasti in dulcedine tua pauperi Deus.*  
 Pauperes Deus adiuvat: In Psal. & adi-  
 uuit pauperem de inopia. Illis parcit: Esa.  
 49. *Pauperum suorum miserebitur.* Illos  
 elegit: Esa. 48. *Elegi te in camino pauperi-  
 tis.* Iacob 2. *Nonne Deus elegit pauperes in  
 hoc mundo?* Illos exaudit. In Psal. Deside-  
 rium pauperum exaudiuit Dominus.  
 Eccles. 21. *Deprecatio pauperis ex ore usque  
 ad aures perueniet.* Illorum est memo. In  
 Psal. Non in finem obliuio erit pauperis.  
 Illorum est sollicitus: In Psal. *Ego autem  
 mendicus sum & pauper. Dominus autem  
 sollicitus est mei.* Illorum est refugium &  
 fortitudo: In Psal. Factus est Dominus re-  
 fugium pauperi. Esa. 25. *Factus est fortitu-  
 do pauperi, &c.* Illos saluat: In Psal. *Parcet  
 pauperi & inopi: & animas pauperum saluas  
 faciet.* 2. Reg. 22. Populum pauperem sal-  
 uum facies. In Psal. Eripiens inopem de  
 manu fortiorum eius. Societatem paupe-  
 rum prælegit Dominus in mundo isto so-  
 cietati diuitum. Luc. 14. *Omnis qui non re-  
 nuntiauerit omnibus quæ possidet, non po-  
 test esse discipulus.* 1. Reg. 30. Dauid  
 puerum Ægyptium assumpsit, quem Do-  
 minus suus reliquerat. Sic Christus assu-  
 mit quos mundus reliquit. Pl. *Pater meus  
 & mater mea dereliquerunt me, Dominus  
 autem assumpsit me.* Item: *Tibi derelictus  
 est pauper.* Greg. in hom. Hos elegit Deus  
 quos despicit mûdus: quia plerunque ipsa  
 despectio hominē reuocat ad semetipsū.  
 Idem: Infirmi qui que atque in hoc mundo  
 despecti plerunque tantò celerius vocem  
 Dei audiunt, quantò in hoc mundo non  
 habent vbi delectentur. Item pauperibus  
 regnum cœlorum tribuitur. Matth. 5. &  
 Luc. 6. Et non solum ad possidendum, sed  
 etiam ad dandum aliis. Lucæ 16. *Facite  
 vobis amicos de mammona iniquitatis, ut  
 cum defeceritis recipiant vos in æternam*

*bernacula.* Ipse Deus pauperum est. Num.  
 18. *In terra eorum nihil possidebitis, nec  
 habebitis partem: ego pars & hereditas  
 tua.* Ipse est spes pauperum, & exultatio.  
 Esa. 14. *In ipso sperabunt pauperes populi  
 eius* Eiusdem 29. *Pauperes homines in san-  
 cto Israël exultabunt.* Ipse de pauperibus  
 specialiter requirit in iudicio: vt habetur  
 Matth. 25. Imò ipse pauperibus iudicium  
 tribuit. Iob 36. & Matth. 19. *Vos qui secuti  
 estis me, &c. sedebitis super sedes 12. iudi-  
 cantes duodecim tribus Israël.* Pauperes  
 honorat dicens: In Psal. *Honorabile nomen  
 eorum coram illo.* Illos agnoscit, & nomi-  
 nationem vocat: vt patet in Lazaro, Luc. 16.  
 Illos ab angelis deportari facit ad locum  
 quietis. In eodem: Factum est vt morere-  
 tur mendicus, & portaretur ab Angelis in  
 sinum Abraham. Et vt vno verbo dicatur,  
 tâta est dilectio eius ad pauperes, vt quod  
 fit pauperi, sibi reputet fieri. Matthæi vi-  
 gesimo quinto: *Quod vni ex minimis meis  
 fecistis, mihi fecistis:* & quod vni eorum  
 non fecistis, mihi non fecistis. Vx paupe-  
 ribus: si eum non amant, qui tantum eos  
 amat, qui tot signa amoris eis ostendit.  
 Multum contemnerentur pauperes in  
 mundo isto, nisi Christus eos tantum ho-  
 norasset. Multis aliis de causis amanda est  
 paupertas.

Prima est, quia est valde munda: sicut  
 econtrario diuitiæ immundæ sunt, ama-  
 tores suos inquinantes. Quod in rerum  
 natura Deus significari voluit, in hoc  
 quod aurum & argentum quæ videntur  
 esse pretiosiora inter eas, tangentes inqui-  
 nant. Bern. in epist. Beatus qui post illa nō  
 abiit quæ possessa onerant, amata inqui-  
 nant, amissa cruciant. Eccl. 13. *Qui tetige-  
 rit picem, inquinabitur ab ea.* Et super il-  
 lud Iacob. 1. *Religio munda, &c.* dicit glos.  
 Qui temporalia non diligit, immacula-  
 tum ab hoc seculo se custodit. Item pau-  
 pertas est Deo propinqua. Quid figuratū  
 est Lucæ 2. in hoc quod pastores de loco  
 vicino venerunt ad Christum. Econtrario  
 verò reges à remotis partibus venerunt.

Matth. 12. Paupertas etiam sancta est tanquam locus in quo mansit filius Dei plus quam triginta annis. Exod. 3. *Solve calciamenta de pedibus tuis: locus enim in quo stas, terra sancta est.* Paupertas specialiter potest dici terra sanctorum. Esa. 6. *In terra sanctorum iniqua gessit, & non videbit gloriam Dei.* Esa. 40. *Adorabunt vestigia pedum tuorum.* In eodem: *Locum pedum meorum glorificabo.* Item expedita est. Greg. Liberius ad patriam tendimus, quia quasi in via pondere caremus. Idem: Terrena substantia æternæ felicitati comparata, pondus est, non subsidium. Augustin. in lib. de verbis Domini: Abiice à te diuitiarum onera, abiice vincula voluntaria, abiice anxietates & tædia quæ te plurimis annis inquietant. Hieronym. in epist. Si habes, vade & vende omnia quæ habes, & da pauperibus: Si non habes, grandi onere liberatus es. Greg. Qui mihi onus diuitiarum abstulit, me ad currendū citius expedit. Item paupertas læta est. Seneca: Sæpè pauper fidelius ridet: nulla ei in alto sollicitudo est. Idem: Qui felices vocantur, hilaritas ficta est, & gravis tristitia, eo quidem grauior, quia interdum non licet palam esse miseris, sed interzummus cor ipsum excedentes necesse est agere felicē. Aug. in lib. Conf. loquens de quodam mendico ex hilarato vino: Ille, inquit, lætatur, ego anxius eram. Nimirū ille felicius erat, non tantum quia hilaritate perfundebatur, cum ego curis anxierer: verum etiam quod ille bene operando acquisierat vinum, ego autem mentiendo quærebam typum. In vitis Patrum quidā pauper habebat vnam mattam, de cuius medietate se cooperiebat, aliam medietatem sibi submittebat, & erat validum frigus: & pater monasterij de nocte exiens, audiuit eum dicentem. Gratias ago tibi Domine. Quot sunt modo diuites in custodia, & qui in inferno sedent, aut pedes habent in ligno constrictos. Ego autē velut Imperator sum, extēdens pedes meos, & quo volo ambulo. Sen. Felix paupertas

læta: nec tamen paupertas est, si læta est. Greg. Cui cum paupertate bene cōuenit, non est pauper. Item paupertas secura est. Gregor. Magna securitas cordis: nihil cōcupiscentiæ habere secularis. Seneca: Etiam in obfessa via pauperi pax est. Gregorius: Qui nihil habet in mundo quod diligit, nihil est in mundo quod pertimescat. Paupertas iuxta verbum sapientis, bonum est sine calumnia. Pro ea non mouentur lites, non timet fures vel raptores, non tiquet aëris passionēs, ipsa est donum à paucis cognitum. Pueri: O munera nondum intellecta, domi paupertas; angustique lares. Eccles. 11. *Paupertas & honestas à Deo sunt.* Paupertas secura est, & temporaliter & spiritualiter. Prou. 1. *Frustra iagitur rete ante oculos pennatorum.* Gloss. Facile laqueos euadit in terris, qui oculos habet in cælis. Iob 18. *Alcondisa est in terra pedica eius.* Cain habuit caput tremulum. Cain interpretatur possessio: qui possessiones habent in mundo isto, in tremore sunt. In Psal. *Trepidauerunt ubi non erat timor.* Iob 15. *Sonitus terroris semper in auribus eius: & cum pax sit, ille semper insidias suspicatur.* Item paupertas quieta est. Seneca: Quietissime viuerent homines, si hæc duo verba tollerentur, meum & tuum. Gregor. Quid in hac vita laboriosius, quàm terrenis desiderijs æstare? quid quietius, quàm nihil huius seculi appetere? Hinc est quod Israël custodiam Sabbati accepit in munere; Ægyptus percutitur mulcarum multitudine. Item paupertas licet terræ macilēta videatur, fertilissima est verorum bonorum. Gen. 41. *Crescere me fecit Deus in terra paupertatis meæ.* In hac terra voluit plantari vnigenitus Dei, lignum scilicet vitæ. Item paupertas vitiis materiam subtrahit: quia non habet vnde suum paupertas pascat amorem. Iuuenalis: Præstabat castas humilis fortuna Sabinas. Sen. Inquis: Pecuniā perdidisti. O te felicē, si cum illa auaritiā perdidisti: sed si manet illa apud te, es tanto felicius, quo tanto malo

materia subducta est. Paupertas, vermem diuitum superbiam occidit. Ipsa etiā duas filias sanguisugæ infernalis, quæ semper clamant, Affer, affer, suffocat, scilicet gulā & luxuriam. De quibus habetur. Prou. 30. *Paupertas medicinalis est.* Gregor. Quos morum infirmitas vulnerat, paupertas medicina sanat. Ipsa purgat eos qui sunt aurum & argentū: ideo caminus dicitur. Esa. 48. *Elegi te in camino paupertatis.* Ipsa est fortitudo sanctorum, sicut diuitiæ sunt fortitudo diuitum. Prou. 10. *Substantia diuitis vrbs fortitudinis eius.* Ipsa est vt fossatū profundissimum, quod diabolus multum nititur implere. Habac. 1. *Comportabis aggerem, & capiet eam.* Mira fatuitas aliquorum, qui diabolum iuuant ad implendum fossatū castri sui! Hab. 3. *Va qui congregat non sua. Vsq; uero aggrauat contra se densum lutum.* Pauperes in Ecclesia remanent, dum diuites in regnum diaboli transferuntur. Sicut Nabuchodonosor pauperes dimisit in terra promissionis, nobilibus translatis in terrā suam. Ierem. 39. *Sophoniz 3. Derelinquam in medio tui populum pauperem.* Pauperum est hereditate regnum cælorum: mobilia verò huius seculi sunt diuitum, sicut figuratum est, Gen. 25. vbi Abraham dedit Isaac cuncta quæ possidebat, filiis autem concubinarum largitus est munera. Paupertatem posuit filius Dei vt fundamentū religionis Christianæ. Matth. 5. Iob. 26. *Qui exiit aquilonem super vacuum.* Super vacuum, in quam, paupertatis. Aquilonem vocat Ecclesiā de Gentibus conuersam, quæ congelata erat in peccatis suis. Paupertatem posuit Christus gradū quo ad perfectionem ascenditur. Matth. 19. *Si vis perfectus esse, vade & vende omnia quæ habes, & da pauperibus.* Paupertas mater & nutrix & custos religionis est. Vnde qui ingrediuntur religionem, ad eam voto se altringunt. Econtrario abundantia religionem destruit. Adeo enim occupat eam, vt meditationes, lectiones, orationes quibus debet sustentari, in ea pereant,

ita quod seruitium Ecclesiæ est inordinatus strepitus. Amos 5. *Aufer à me tumulū carminum tuorum.* Vbi ipsa non est, vitia sunt in pace. Non sunt ibi correptiones sed supputationes, vt potius videantur trapezitæ quàm religiosi. Virgæ sunt ibi potius ad ostensionem quàm ad vitiatorum effugationem. In refectorio lapidatur sobrietas varietate ferculorū. Ministri manibus eleuatis varia portantes fercula, afferunt vnde ipsa lapidetur: sicut Iudæi afferebant lapides ad beati Stephani lapidationem. In claustris vbi est abundantia temporalium, inueniuntur multi habitū religionis deferentes, qui tamen non sunt religiosi. Sicut clerici qui communiter dicuntur Goliardi, quandoque habitum monachalem deferunt, & tamen monachi non sunt. Aliqui proiciuntur ibi à parētib; sicut catuli quos matres non sufficiunt enutrire. Aliqui etiam intrant vt fures: vt scilicet ditentur & possint res monasterij consanguineis suis dare. Aliqui instar vulpis se mortuos spiritualiter simulant, vt prædam faciant. Vbi est abundantia, behemoth quiescit, qui in arido paupertatis requiem non inuenit. Luc. 11. Paupertas omnes ingredientes in mundū istum excipit: sed postea à multis eiicitur de possessione sua sine culpa sua: sed in exitu de mundo isto, iterum recuperat eos. Iob 1. *Nudus egressus sum de utero matris meæ, nudus veniet illuc.* Paupertas seruitutem diuitiarum, quæ adeo generalis est, excutit. Eccles. 10. *Pecuniæ obediunt omnia.* Ipsa cum Petro super aquas ambulat, scilicet super mare huius mudi. Matt. 14. Bern. in Sermonibus: Hæc prerogatio debetur Petro: nouum iter, & noui modus itineris. Antiquorum sane patrū diebus, donec in terris videretur & conuersaretur inter homines Deus maiestatis, non erat euangelicæ forma perfectionis sed spiritum Domini solo interim spiritu sequebantur. Paupertas luto diuitiarum si affluat, non vult cor apponere. Ipsa ordinem naturæ seruat. Sicut enim terra exte-

rior pedibus, sic ipsa terrena calcant mentis affectibus. Ipsa de summo stabuli thesaurum facere dedignatur. Stabulum est hæc pars mundi in qua sumus, quia habitaculum est iumentis nostri, scilicet corporis. Paupertas terram talpis & serpentibus relinquit. Esa. 65. *Serpenti pulvis panis eius.* Ipsa hominem custodit, ne à serpente infernali comedatur. Cassiodorus super illud Psalm. *Omnia à te expectant.* Quem Deus pro malis suis abiicit, sit diaboli pabulum: quapropter si in escam inimici dari nolumus, non debemus esse terreni, quia sic in principio maledictus est ut terram comedat. Gen. 3. Paupertas amatores suos mirò modo facit abundare. Habent enim de ea quantum volunt. Eccles. 11. *Est homo marcidus, egens recuperatione, plus deficiens virtute, & abundans paupertate.* Paupertas etiam terrenis diuitiis facit quodammodo abundare: pauper enim diuitias quas pro Christo contemnit, quodammodo habet, dum eas Christo vendit, & de illis in cælo thesaurum facit. Vnde Dominus emit à Petro, quod pro eius amore reliquerat. Matth. 19. quod non fecisset, nisi illius fuissent. Non enim emeret prædam. Quando aliquis ex corde dicit: Volo habere thesauros regios vel imperiales, & hoc propter Christum: statim Christo eos vendidit, & in cælo eos thesaurizauit, & hoc sine damno eorum qui eos possidebant. Remanent enim eis pleno iure. Et quod mirum est, eosdem thesauros diuersi possunt vendere, & in cælo thesaurizare. Et non solum hæc possunt facere de his quæ sunt, sed etiam de his quæ non sunt, sed possunt esse. Bern. in Sermonibus. O mira nouitas eius qui omnia noua facit: tollens iugum, inuenit requiem: relinquens omnia, centuplum habet. De illa verò paupertate quæ est eorum qui habent multas diuitias, quarum non se reputant dominos, sed solum ministros, notandum quod ipsa valde gloriosa est. Ipsa est velut liliū inter spinas. De paupertate huiusmodi verum est

illud Pro. 14. *Est quasi pauper, cum multis diuitiis sit.* Ipse in diuitiis dupliciter negotiatur, bene iniquitrando & non amando. Ipse diuitias terrenas in arca seruat, & tamen in thesauro cœlesti eas reponit: qui enim ad pios vsus diuitias seruat, non claudens viscera sua indigentibus, in cælo iam eas reposuit, cum eas corde iam Deo obtulerit. Pios vsus diuitiarum intelligas etiam vxorum & filiorum competentes prouisiones, cum ad Dei honorem & animarum salutem referuntur. Non sic est de illis qui auarè retinendo diuitias: quos non pascunt, occidunt, dum eos fame mori permittunt, qui pauperibus partem suam auferunt.

Et notandum quod qui amat paupertatem, non debet eius sequelam fugere, scilicet famem & sitim, nuditatem, defectum lecti, defectum auxiliorum, defectum consolationum. Bern. in Sermonibus. Videmus aliquos pauperes, qui, si veram haberent paupertatem, non adeo pusillanimes inuenirentur & tristes, utpote reges ut reges coli. Sed hi sunt qui pauperes esse volunt, eo tamen pacto ut eis nihil desit: & sic diligunt paupertatem ut nullam inopiam patiantur.

## P A R S VI.

*De Mansuetudine & eius descriptione. Quare etiam mansueti sint beati: Vbi XVI. tanguntur pertinentia ad commendationem mansuetudinis. Et quare mansueti possidebunt terram, ac cui dono mansuetudo adapterur.*

**P**ost paupertatem spiritus dicendum est de Mansuetudine quæ commendatur in verbo illo: *Beati mites, &c.* Et sequitur bene mansuetudo paupertatem spiritus. Qui enim vere humilis est, cum nihil habeat sui reputatione, non habet unde turbetur, nec contra se quæ sunt,

fieri reputat. Item qui terrena non amat, elongauit à se causam perturbationum: Sicut terra mixta aquæ eam turbidam reddit: sic terrena humano cordi amorem sociata, causæ sunt perturbationum. Si verò à corde humano fuerint separata, & tranquillitas in mente. De mansuetudine verò hoc modo dicitur. Primo ostenditur quid sit mansuetudo. Secundo quando mites sint beati: vbi tangitur de his quæ ad cōmēdationē māsuētudinis pertinet. Tercio, quare mansueti possidebunt terram. Quarto, quod donum huic beatitudini adaptetur. Mansuetudinem sic describit Peregrinus sacerdos: Mansuetudo, inquit, est modesti animi tranquillitas, quæ nulla incurrētium rerum tribulatione agitur. Mansuetudo videtur esse temperantia seu mōdestia vis irascibilis, respectu mali vel inferendi vel destruendi: moderationem verò irascibilis in qua multum regnat impetuositas, sequitur mentis tranquillitas. Gl. super Matth. 5. Montes temperat mansuetudo & lenitas. Mansuetudo est dulcedo animi, quam non vincit amaritudo. Vnde Gloss. super Matth. 5. Mitis est quæ mentis asperitas seu amaritudo nō afficiat: sed simplicitas fidei ad omnē iniuriā patiendā instruit patiēter. Hæc dulcedo quandā causā habere videtur sauitatis virum animæ. Prou. 16. *Dulcedo animæ est sanitas ossium.* Mansuetudo bonitas est maliciam vincens, nulli malum vincēs, mala in bonum conuertens. Gloss. super Matth. 5. Mansuetus non irritat vel irritatur: non nocet, vel nocere cogitat. Et alia Gloss. Mitis est quem non rancor vel ira afficit, sed omnia equanimiter sustinet: *Mansueti si mortiferum quid biberint, non eis nocebit.* Marc. vltim. Māsuētudo molities est seu suauitas malo cedens, subesse sciens, superiori non resistens, tractabilis siue bonis consentiens. Primum tangit, gloss. super illud Matth. 5. *Beati mites* qui cedunt improbis, & vincunt in bono malum. Secundum tangit alia gloss. Ibid. Qui piē quærit, honorat sancta, nō repre-

hendit, non resistit, quod est mitem fieri. Tercium tangit gloss. super illud Galat. 5. *Fructus spiritus est Charitas, &c.* Mansuetudo quod nō intractabilis, sed potius tractabilis est, quia mansuetudo vel in toto, vel in parte videtur esse idem cū clemētia, de qua dictum est in tractatu de Temperantia, vbi inuenies aliqua vtilia ad materiā istā. Aliquando etiam benignitas pro māsuētudine accipitur. Tamen super illud 1. Corinthior. 13. *Charitas patiens est, benigna est,* vult gloss. quod benignitas consistat in largitione suorum, dicens, Benigna est, larga egenis. Et super illud Ephes. 4. *Esote inimicē benigni,* dicit gloss. id est, de facultatibus largi. Et super illud Galat. 5. *Benignitas,* dicit gloss. largitas rerum. Animus mansuetus nobilitatem veram habere videtur, & nobilitatem quā aliena rusticitas non corrūpit. Nobiles huius mundi parū sunt nobiles seu curiales, vt primò rusticitatē huiusmodi nō faciant: sed si eis facta fuerit, parati sunt eā reddere: sed Dominus vult filios suos ad eō nobiles esse, vt nulla rusticitas eis facta eos possit rusticos efficere, vt scilicet nulla rusticitas de eis exeat.

Circa secundum notandum est, quod prima causa & maxima quare mites sint beati, est illa quā Dominus tangit: *Quoniam ipsi possidebunt terrā.* Secunda est: quia sūt immunes à miseria, quæ iracundiam vel rabiem comixatur: de qua miseria require in tractatu de ira. Tercio, ad beatitudinem initium facit excellentia huius virtutis, scilicet mansuetudinis: quia excellentia apparebit si ponentur ea quæ ad eius commendationem pertinent.

#### De commendatione Mansuetudinis.

**E**T possumus 16. ponere ad eius cōmēdationem pertinentia. Primum est, quod natura hominem ad mansuetudinē incitat: Figura n. hominis exterior indicat quod homo mansuetus esse debeat. Et sapiens dicit hominē esse animal mansue-

tum natura. In omni specie animalis figura corporis attestatur naturæ inferiori: sicut ungues acuti, magni, & fortes, & curuati, & dentes magni, & scissio oris magna attestantur rabiei, ut apparet in leonibus. Contraria verò his attestantur mansuetudini, ut in homine. Homines crudeles quasi non sunt homines, in animalia enim syluestria transierunt. Secundum est, mansuetudo Dei, quam Scriptura sacra tantum nobis prædicat. Dan. 3. *Fac nobiscum iuxta mansuetudinem tuam.* Soph. 2. *Querite Dominum omnes mansueti terræ: querite infum, querite mansuetum.* Ioel. 2. *Conuertimini ad Dominum Deum vestrum, quia benignus & misericors est.* In Psal. 79. *Suauius est Dominus in omnibus vijs suis.* Tercium est, quod hæc virtus speciale ornamentum fuit mediatoris. In Ps. *Propter veritatem & mansuetudinem, &c.* Matth. 21. *Eccere rex tuus tibi venit mansuetus.* Ierem. 11. *Ego quasi agnus mansuetus qui portatur ad victimam.* Matth. 11. *Discite à me, quia mitis sum.* Quartum est quod hæc virtus enumeratur inter fructus spiritus. Galat. 5. Quintum est, quod hæc virtus ornamentum est multum decens seruum Dei. Ephes. 4. *Obsecro vos ut dignè ambuletis vocatione qua vocati estis, cum omni humilitate & mansuetudine.* 1. ad Timoth. 6. *Tu autem homo Dei sectare patientiam & mansuetudinem.* Item 2. ad Timoth. 2. *Admone illos, neminem blasphemare, non litigiosos esse, sed modestos, omnem offendentes mansuetudinem.* Sextum est, quod Christus magisterium huius virtutis sibi specialiter inscribit. Vnde Gloss. super illud Matth. 5. Huius virtutis quasi magnæ magistrum se facit Dominus, quod non faceret nisi via summæ perfectionis ista virtus esset. Septimū est, quod hæc virtus diuina acquirit Ecclesiast. 10. *Sedes ducum superbiorum destruxit & sedere facit mites pro eis.* Octauum, quod eadem conseruat Prouerbior. 20. *Roboratur clementia thronus regis.* Notum, quod vitam corporis conseruat. Pro-

uerbio. 11. *Clementia præparabit vitam & sectatio malorum mortem.* Eiusdem 12. *Qui suauis est, viuit in moderationibus.* Decimum est, quod seruat animam. Ecclesiast. 10. *Fili, in mansuetudine serua animam tuam.* Mansuetudo est sicut antimurale in castro animæ, lapides durorum verborum leniter excipiens, & ideò ictus frustrans, & hominem à læsione custodiens. Sicut vasa vitrea in fornæ, vel alia re molli inuoluuntur, & sic à contractione seruuantur: sic mansuetudo animum seruat, ne ita eam confringat. Vndecimum, quod animum delectat. In Psalm. *Mansueti habitabunt terram, & delectabuntur in multitudine pacis.* Mansuetudo est velut culcitra mollissima in lectulo floridæ conscientie, in qua animus cum Deo quiescit, Cantic. 1. *Lectulus noster floridus.* Duodecimum, quod proximum corrigit. In Psalm. *Quoniam superuenit mansuetudo, & corripimur.* Tertiūdecimum, quod proximi gratiam acquirit Ecclesiast. 3. *Fili, in mansuetudine opera tua perface, & super gloriam hominum diligeris.* Ezech. 3. *Ut adamantem & silecem dedis faciem tuā.* Sicut adamas ferrum attrahit, sic mansuetudo corda hominum. Decimumquartum, quod iram proximi frangit. Prouerb. 15. *Responsio mollis frangit iram.* Quintūdecimum, quod hominem Deo valde placentem reddit. Ecclesiast. 1. *Et quod beneplacitum est ei, fides & mansuetudo.* Hæc duæ gratiæ multum placēt Deo in homine, quia fides facit ut homo possideatur à Deo quantum ad effectum: Mansuetudo facit hominem à Deo exaudiri. In Psalm. *Memento Domine David, & omnis mansuetudinis eius.* Iudith. 9. *Humilium & mansuetorum semper tibi placuit deprecatio.* Et Dominus beato Dionysio in carcere posito: Benignitas & dilectio quam semper habuisti, facient ut quidquid petieris, aliquibus impetres. Item mansuetudo dignum facit Dei allocatione. In Psalm. *Docebit mites vias suas.* Ecclesiast. 5. *Esto mansuetus ad au-*



diendum verbum Dei. Iacob. 1. *In mansuetudine suscipite insitum verbum.* Exod. 33. loquebatur Dominus cum Moysē, qui fuit mitissimus hominum, facie ad faciem sicut homo solet loqui ad amicum suum. Mansuetudo etiam dignum facit Dei defensione. Numer. 12. *Locuta est Maria & Aaron contra Moysen, &c. quod quum audisset dominus, iratus est valde. Erat enim Moyses mitissimus, & subditur: Maria apparuit candens lepra.* Decimumseptimum est, quod in iudicio saluat. In Psalm. *Cum exurgeret in iudicio Deus, ut saluos faceret omnes mansuetos terræ.* Item dirigit mansuetos in iudicio, & exaltabit mansuetos in salutem. Esaiæ 11. *Arguet in equitate pro mansuetis terra.*

Circa tertium notandum, quod mansueti possidebunt terram viventium. Vnde gl. Virtus mansuetudinis possidebit terram viventium, & delectabitur in multitudine pacis. Mansueti in presenti pacifici possidentur à Deo: ideo lege vicissitudinis in futuro possidebunt Deum, qui est beata habitatio viventium. August. Nullius erit Deus possessio, nisi eius quē ipse prius possederit. Præterea mansueti possident nunc corda sua: homines immanes non dominantur cordibus suis, sed potius ira dominatur in eis. gl. super Matth. 5. Mites sunt qui malis moribus dominantur: perfecta virtus morum possessio. Prou. 16. *Melior est qui dominatur animo suo, expugnatore urbium.* Item mansueti bona spiritualia, si qua habent, possident: homines iracundi ea non possident, etiam ad horam ea habeant. Ignis enim iræ in momento eos depauperat. Item bona terræ magnifice possident, ut non turbentur si ea amiserint. Qui ex amissione bonorum terrenorum turbantur, non possident ea, sed potius ab eis possidentur. Serui enim eorum sunt, non Domini. Ut igitur gratiæ tanquam merito gloria succedens ut præmium respondeat, mansueti qui in presenti se & sua possident, tam spiritualia quam terrena, merito in futu-

ro terram viventium possidebunt. Bernardus videtur intelligere hoc verbum *Beati mites &c.* de terra quam calcamus. Ait enim: Si humilibus datur cælum: mitibus terra: quid relinquitur immitibus & crudelibus, nisi infernalis miseria? Idē in sermon. verbum prædictum exponit de terra corporis, his verbis: Hanc terram corpus nostrum intelligo: quod si possidere vult anima, si regnare desiderat supra membra sua, necesse est ut ipsa sit mitis & superiori suo subiecta: quoniam talem inueniet inferius suum, qualē se exhibuerit superiori. Armatur enim creatura ad vlciscendam sui iniuriam creatoris: & ideo querit anima quæ rebelles inuenit sibi corpus suum, se quoque minus quàm oporteat superioribus potestatibus esse subiectam: mansuescat ipsa, & humilietur sub potenti manu Altissimi, subiecta sit Deo, & his pariter quibus vice eius debet obedire prælatis, & continuo corpus suum inueniet obediens & subiectum. Veritas enim est quæ loquitur: *Beati mites, quoniam ipsi possidebunt terram.* Et notandum quod vera mansuetudo apparet, quando homini aliquid dicitur, vel sit contra eius voluntatem. Bernard. Sunt alij mites, sed quandiu nihil dicitur aut agitur, nisi pro eorum arbitrio. Patebit autē quàm longe sint à vera mansuetudine, si vel leuis oriatur occasio. Hæc mansuetudo quomodo hereditabit quæ ante hereditatem deficit? Circa quartum notandum quod donum pietatis adaptatur mansuetudini. Si enim pietas accipiatur pro misericordia, manifestum est quod qui habet pietatem, mala proximi compatitur, nec vult nocere proximo. Vnde qui pius est, est mansuetus. Si vero pietas pro cultu Dei sumatur, cultus Dei est *ingū Dei sue ue & onus leue.* De quo legitur Matth. 11. qui mansuetus gratus se inclinat & superponit, sicut mansuetus aliud abiicit. Vnde qui mansuetus est, pius est.

Mansuetudini adaptatur donum pietatis.

## P A R S VII.

*De luctu & eius descriptione, de speciebus luctus, & quare lugentes sint beati: Vbi tangitur de his quæ ad commendationem lachrymarum pertinent, de impedimentis etiam lachrymarum, & cui dono luctus adaptetur.*

**P**ost paupertatem spiritus & mansuetudinem, dicendum est de luctu. Cum enim terreneitas vitæ ad plenum à corde amouetur, tranquillitas autem mansuetudinis sæpe corrumpatur, necessarius est luctus, ut aqua lachrymarum terreneitas perfecte expellatur. Iob. 14. *Lapides excantant aqua, & alluvione paulatim terra consumitur.* Et ut incendia, ite aqua lachrymarum perfecte extinguantur. De luctu vero hoc modo dicitur. Primo ostendetur quid sit luctus, prout beatitudo dicitur. Secundo distinguuntur diversæ species luctus, ut manifestum fiat cui luctui consolatio debeat. Tertio, ostenditur quomodo lugentes sint beati: ubi tangitur de his quæ pertinent ad commendationem luctus seu lachrymarum. Quarto, dicitur de impedimentis lachrymarum. Quinto, quod donum aptetur huic beatitudini. Circa primum notandum, quod luctus prout sumitur pro beatitudine, est gratia vehementer dolendi de malo quod accidit, vel de bono quod deficit. Luctus vero sic sumptus non est in iis qui adhuc sunt in peccatis suis. Gregor. in Moral. Nisi à reatu culpæ quo nos ligauimus, misericorditer dimittamur, perfecte flere non possumus, quod in nobis ipsis contra nosmetipsos dolemus. Malum vero in descriptione posita intelligas, non id quod mundus vocat malum, scilicet pœnam temporale quæ medicinalis est: sed quod vere malum est, scilicet malum culpæ, &

pœnam futuram quæ eius est sequela. Bonum etiam non intelligas bonum periculosum ut est pecunia: sed verum bonum scilicet bonum gratiæ vel gloriæ. Dolor huiusmodi, signum est salutis. Greg. in Moral. Argumentum salutis est vis doloris.

*De speciebus luctus.*

**C**irca secundum notandum quod super Matth. 5. distinguit Gl. duas species luctus. Prior est luctus pro peccatis, vel suis vel alienis. Secundus est, ex desiderio cœlestis patriæ. Prior est irriguum inferius, secundus irriguum superius. De quibus legitur Ios. 15. & Iudic. 1. Ille lauat præsentis sordes: hic vero accendit acrius æternorum amatores: ut dicit Gl. super Matth. 5. Aliqui etiam distinguunt quatuor species luctus. Primus luctus est luctus ex propriis peccatis. De quo in Psalm. *Exitus aquarum deduxerunt oculos mei, &c.* Secundus est luctus pro alienis peccatis. Ierem. 9. *Quis dabit capiti meo aquam, & oculis meis fontem lachrymarum, & plorabo die ac nocte interfectos filia populi mei?* Tertius est, pro incolatu præsentis miseriæ, dauid: *Heu mihi quia incolatus meus prolongatus est!* Quartus, pro dilectione patriæ. In Psal. *Super flumina Babylonis illic sedimus & fleuimus, &c.* Hæ quatuor species luctus sunt velut quatuor hydriæ, quas iussit Elias impleri aqua, & effundi super holocausta: quam effusionem ignis cœlestis subsecutus est, 3. Regum 18. Possunt etiam distingui sex species luctus, quarum prima est ex consideratione diuinæ offensæ vel contumeliæ. Secunda est, ex consideratione gehennæ. Greg. super Iob. Super omnia præuisio inferni cōpunctionem prouocat. Tertia est, ex consideratione alienæ miseriæ. Ad Rom. 12. *Flete cum sentibus, gaudete cum gaudentibus, &c.* Quarta est, ex præsentis affectione. Thre. 1. *Plorans ploravit in nocte.* Quinto, pro spirituali absentia sponsi. Matth. 9. *Non possunt filij sponsi lugere, quandam*

Luctus  
duæ spe-  
cies.

Psalm.  
118.

Psalm. 139.  
Psalm. 136.

Itæ aliz  
species  
sex Lu-  
ctu diui-  
ni gene-  
ralis.

quandiu est sponsus cum eis, &c. Sexta pro dulatione patriæ. Hæ sex species sunt velut sex hydræ quas Dominus iubet aqua impleri, Ioan. 2. Potest tamen poni diuisio luctus generalior, vt distinguamus luctû in luctum maiorem: & in luctum bonum, & luctum indifferentem. Luctus malus est, vt luctus cupiditatis. De quo dictum est: *Ploratur lacrymis amissa pecunia veris.* Vel luctus deceptionis. De quo Poëta: *Vt flerens oculos, erudiere suos.* Vel luctus inordinatæ compassionis. De quo Augustinus in primo. lib. Confessionû: *Cogebar, inquit, plorare Didonem mortuam quæ se occidit ob amorem: quum interea me ipsum in iis à te morientem Deus vita mea sicis ferrem oculis miseris.* Quid enim miserius misero nō miserrante seipsû? Vel luctus æternæ damnationis. Matth. 8. *Ibierit fletus, & stridor dentium.* Idem eiusdem 13. & 21. & 24. & 25. Et Luc. 13. Prou. 14. *Extrema gaudij luctus occupat.* Et notandum quod idem faciunt prudentes & imprudentes. Sed imprudentes illud non faciunt tēpore oportuno. Eccl. 10. *Imprudens non seruabit tempora.* Senec. De negligentibus facere quod faciendū est, tunc lacrymæ nihil profuturæ cadunt. Plorabunt fatui sicut hic sapientes plorāt: sed tunc plorabunt, quādo lacrymæ erunt eis inutiles. Si non plorarent damnati, nisi lacrymam viam corporalem singulis diebus quibus erunt in inferno, plus plorāret quānt aqua in mari. Omnes enim guttæ maris finitæ sunt, & posset Deus dicere tot sunt, & non plures: & damnati verò sine fine erunt in inferno. Luctus bonus triplex est, scilicet luctus cōpunctionis & deuotionis, compassionis & deuotionis. De primo in ps. *Lauabo per singulas noctes lectum meum, &c.* De luctu compassionis. Iob. 30. *Flebam quondam super eo qui afflictus erat* Ecclesi. 12. *super mortuum plora, defecit enim lux eius. Et super fatuum plora, defecit enim sensus,* Ierem. 13. *Plorans plorabit anima mea & oculus meus educet lacrymam: quia captus est rex Domini.* Eiuf-

dem 14. *Deducant oculi mei lacrymam per noctem & diem, &c.* Thren. 2. *Defecerunt præ lacrymis oculi mei super cōtritione populi mei.* Ezech. 32. *Omnia luminaria cæli mœrere faciam super te.* Luctus deuotionis est, vt cū anima viri perfecti Dei dulcedinem expecta, deflet absentiam sponsi, quoad sensum dulcedinis. Bernar. ad fratres de monte Dei, loquēs de illo qui repellitur à lumine dei ad quod admissus est Si amat, inquit, flere, dulcia habet, & nō sine multo gemitu cogitur redire ad conscientiam suā. Idē luctus deuotionis est, qui est ex desiderio diuinæ visionis. In Psalm. *Sitiuit anima mea ad Deum fontem viuū,* Psal. 41. *&c. Fuerunt mihi lacrymæ meæ, &c.* Luctus etiam deuotionis est luctus quem habet anima viri perfecti ex magnitudine gaudij spiritualis. De luctu deuotionis intelligi potest illud August. in lib. de ciuit. Dei: *Quanto, inquit, est quisque sanctior & desiderijs sanctis plenior: tanto eius in orando fletus vberior.* Idē in lib. Soliloq. modū, inquit, vis habere lacrymas meas, quum miserix meæ modum non videam, Impatiēs est amor: nec lacrymis modus sit, nisi amorī detur quod amatur. Luctus indifferens est: vt luctus afflictionis temporalis, vel etiam gaudij. Tob. vndecimo: *Fleuerunt ambo cum gaudio.* Genes. 43. *Erumpēbant lacryma, & introiens cubiculū fleuit.* Secundum Gloss. luctus pro peccatis vel pro desiderio cælesti, consolatiōnem meretur: alius verò luctus non. Secundum Bern. Luctus eorum qui perseverantiam non habent; non meretur consolatiōnem. Alios, inquit lugētes video: sed si de corde procederent lacrymæ, non tam facile illico soluerentur in risum. Nunc autem quum abundantius otiosa & scurrilia verba profluant, quā prius lacrymæ: lacrymas huiusmodi de his esse non arbitror quibus consolatio diuina promittitur: quando quidem post illas tam facile consolatio vilis admittitur.

Luctus  
indiffe.  
rens.

*Quare lugentes sint beati.*

**C**irca tertium notandum, quod prima & maxima causa quare lugētes sint beati est quam Dominus tangit, dicens *Quia consolabuntur*. Simile Luc. 6. *Beati qui nunc fletis, quia ridebitis*. Lugentes in futuro consolabuntur Dei visione, & etiā multis aliis modis. Esa. ult. *In Ierusalem consolamini: videbitis, & gaudet cor vestrū*. Et Luc. 15. *Dictū est diuiti de Lazaro. Nunc hic consolatur, tu vero cruciaris*. Ioan. 15. *Tristitia vestra vertetur in gaudium*, quod significauit aquæ mutatio in vinum. Ioan. 2. Ierem. 3. *Conuertam luctū eorum in gaudium*. In præsentī etiam lugentes consolantur. Exod. c. 15. *Aqua Mara versa sunt in dulcedinē*. Tob. 8. *Post lacrymationem & fletum, exaltationem infundis*. Aug. in lib. Confes. Quantum, inquit, fleui in hymnis & canticis tuis, suaue sonantis Ecclesiæ tuæ vocibus cōmotus acriter: & currebāt lacrymæ, & bene mihi erat cum eis. De tali qui habet abundantiā dulciū lacrymarum, verum est illud, quod solet dici communiter: *Iste est sicut piscis qui natus in aqua*. De suauitate ista non gustat cor ignobile. Prou. 14. *Cor quod nouit amaritudinem animæ suæ, in gaudio eius non miscebitur extraneus*. Greg. in Moral. Luctu suo anima pascitur, quū ad superna gaudia flēdo subleuatur. Et intus quidē doloris sui gemitum tolerat: sed eo refectionis pabulum percipit, quo vis amoris per lacrymas emanat. Idem in eodem: *Fit plerunque vt in ipsis piis fletibus gaudij claritas erūpat, vt mens quæ cœta iacuerat, ad inspectionem fulgoris intimi suspiriis vegetata cōualescat*. Aliud ad beatitudinem faciēs in lugentibus luctu salubri, potest esse, quod tales immunes sunt à tristitia huius seculi, quæ mortem operatur. 2. ad Cor. 7. Bern. *In omnibus operibus tuis memorare nouissima tua*. Mortis horrorem, iudicij tremendum valde discrimen, ardentis gehennæ metum ab oculis

cordis tui elōgari nullatenus patiaris. Cogita peregrinationis tuæ miseriam, recogita annos tuos in amaritudine animæ tuæ, & cogita humanæ vitæ pericula: cogita fragilitatem propriam, & in huiusmodi cogitatione si perseneraueris, dico tibi paup̄ senties quidquid foris videtur esse molestum, dum toto corde circa interiorē molestiam te occupaueris. Sed nec patietur Dominus sine consolatione te esse: quoniā est pater misericordiā, & Deus totius consolationis. Et complebitur omnino quod pollicetur Veritas, *Beati qui lugent &c.* Tertio ad beatitudinem lugentiū facit, quod lacrymæ eos emulant. Sunt & ceteri affectus lacrymarū, de quibus in earum commendatione dicitur.

*De commendatione lacrymarum.*

**E**T notandum, quod ad commendationem lacrymarum. Primo valere possunt exhortationes quas Scriptura sacra facit ad flendum. Ierem. 6. *Luctum unigeniti fac tibi*. Eiusd. 9. *Docete filias vestras lamentū*. Luc. 23. *Super vos ipsas flete & super filios vestros*. Iacob. 4. *Miseri estote, & lugete*. Eiusd. 5. *Plorate ululantes in miseriis vestris*. Secundo exempla inter quæ præcipuum est exemplū Christi. Bern. Christus compatitur, & plorat; homo patitur, & ridebit. De fletu Christi habes ad Heb. 5. *Cū clamore & lacrymis exaudivit pro sua reuerētia*. Et Luc. 19. *Videns ciuitatem fleuit super illā*, & Ioan. 11. *Et lacrymatuſ est Iesus*. Primo fletu commendauit nobis fletum compunctionis. Creditur enim fletum illum emisisse in cruce. Crux vero statum pœnitentiæ designat. In secundo, fletum cōpassionis. In tertio, fletum deuotionis, quādo fleuit Lazarum reuocaturus ad præsentem miseriam: Bernar. in Serm. Christum super Lazarum & super ciuitatē fleuisse, & in orationibus permouisse legorisse vero aut iocasse nunquā. Commendantur etiam lacrymæ exemplo Petri. Matth. 26. *Egressus foras fleuit a-*

Lacrymas lugentium cōmendant quatuor.

*marē. Hieron. in epistolis. Petrū ter negantem in locū suū amarā restituere lacrymā. Item exemplū Magdalē. Luc. 7. Lacrymis cepit rigare pedes eius. Tertio, ad cōmendationē lacrymarū potest locus valere in quo sumus. Aug. in valle miseriz sumus, in qua eo magis flendum est, quo minus flemus. In Psal. Ascensiones in corde suo disposuit in valle lacrymarum, Eccl. 12. Musica in luctu importuna narratio. Quarto, tempus in quo sumus. Eccl. 3. Tempus flendi, & tempus ridendi. Tempus flendi est in præsenti, ubi est multa materia fletus, & lacrymæ sunt in suo valore. Materia fletus sunt Dei iniuriæ & contumeliæ, strages animarum, incolatus præsentis miseriz, dilatio patriæ. De multiplici materia fletus, require in tractatu de luxuria, cap. de Choreis. In futuro erit tempus ridendi. Qui erunt in paradiso, non habebunt materiam fletus. In his vero qui erunt in inferno lacrymæ nullius erunt valoris. Tunc absterget Deus omnem lacrymam ab oculis sanctorum. Apoc. 7. Esa. 3. Anfert Dominus Deus omnem lacrymam ab omni facie. Bern. Felices lacrymæ, quas pia manus conditoris absterget. Tunc ridebunt electi pleno ore. Iob. 8. Deus non proijcet et simplicem, nec porriget manum malignis, donec impleatur risu os tuum, & labia tua subilo. Hic ridetur ore semipieno: quia hic impletur illud Prou. 14. Risus dolore miscebitur.*

## De virtute lacrymarum.

**D**E virtute lacrymarum. Notandum est quod lacrymæ primo animam mūdant. Aqua etiā lacrymarum est velut mare æneum, in quo ingressuri tabernaculum vel tēplum, manus ac pedes lavabant. Exodi ultimo. Et 3. Reg. 7. Aqua etiam lacrymarum est lauatoriū in claustro spirituali. Quasi aqua de puteo est, si lacrymæ veniant de profundo peccatorum. Et si sint pro propriis peccatis, tunc est puteus in ipso claustro. Si vero

Lacrymæ  
multa efficiunt.

sunt pro peccatis alienis, & non propriis: tunc habet claustrum illud aquam quasi de alieno puteo, & videtur habere malum preuisorem. Si vero lacrymæ pro incolatu huius miseriz, vel pro dilectione patriæ, tunc est aqua quasi de fonte vivo. Ioan. 4. Aqua quam ego dabo ei fiet fons aqua salientis in vitam æternam. Aqua lacrymarum, balneum est, in quo abluuntur animæ, ut sponzæ regis cælestis fiant. Ierem. 4. Lave à malitia Ierusalem cor tuum ut salua fias. Item lacrymæ delent literas mortis, quas qui peccat, diabolo scribit manu propria in libro conscientiz, Daniel 7. Sedit iudicium, & libri aperti sunt: Libri, inquam, scilicet conscientiarum. Literæ istæ effusione proprii sanguinis delendæ essent, si aliter deleri non possent. Sic Christus deleuit chirographum nobis contrarium. Coloss. 2. Delens quod adversus nos erat chirographum decreti quod erat contrarium nobis, & ipsum tulit de medio affigens illud cruci. Item diabolus submergit. Aqua lacrymarum est quasi mare rubrum, ubi Pharao infernalis cum exercitu vitiorum submergitur. Exod. 14. In Psal. Contribulisti capita draconum in aquis. Item lacrymæ terram cordis irrigant, & fecundant. Aqua lacrymarum est ut fons paradisi Genes. 2. Fons ascendebat de terra, irrigans universam superficiem terræ. Eccl. 14. Rigabo hortum plantationis. In Psal. Qui seminant in lacrymis, in exultatione metent. Item lacrymæ holocaustum impinguant. Gregorius super Ezechielem: Holocaustum aridum, est bonū opus quod orationis lacrymæ non infundūt. Holocaustum pingue, est bonum opus; quod quum agitur, etiam lacrymis impinguiatur. Item lacrymæ ardorem concupiscentiarum sedant. Gregorius in Moralibus: Flammam suggestionū diaboli citius extinguit vnda lacrymarū. Si aliquis videat domum conscientiz suæ igne concupiscentiæ succendi, recurrere debet ad aquam lacrymarū. Item mentē humi-

Esai. 71

Psal. 11

liât, Prou. 12. *Moror in corde insti humilia-  
bit eum.* Item mentē mitigant. Bern. in Ser.  
Equum indomitum flagella domant: ani-  
mā inमितem contritio spiritus & assidui-  
tas lacrymarum. Et ut breuiter dicatur,  
omnem infirmitatem spiritualem sanant.  
Iob. 5. *Mouentes erigit sospitate.* Item à  
deo quod homo vult impetrant. 1. Reg. 1.  
*Quā esset Anna amaro animo, orauit Deū,  
frens largiter, quā à Domino exaudita est.*  
Esa. 38. dictum est. Ezechiae: *Vidi lacry-  
mam tuam, & ecce sanavi te.* Tob. 3. *Ora-  
uit Tobias cum lacrymis, & Sara simili-  
ter, & exaudivit a sunt preces amborum.* Iu-  
dith. 8. *Indulgentiam eius cum lacrymis po-  
stulemus.* In Psalm. *Auribus percipe la-  
crymas meas:* Augustin. Quæ violentiæ  
sunt in precibus. Item: Posuisti lacrymas  
meas in conspectu tuo. Ierem. 31. *In fle-  
tu venient, & in misericordia reducam  
eos.* Christus cum lacrymis preces offe-  
rens exauditus est, Hebræ. 5. Item lacry-  
mæ oculum cordis clarificant. Vnde aqua  
lacrymarum est natatoria Siloë. Ioan. 9.  
*Abij in natatorium Siloë, & laui, & vi-  
di:* Greg. Mens lacrymis baptizata, in  
contemplatione videt limpidius. Idem:  
Sæpe quod torpentes latuit, flentibus sub-  
tilius innotescit. Aqua lacrymarum est  
collyrium visum iuuans. Apocalyp. 3. *Col-  
lyrio inunge oculos tuos, ut videas.* Item lacry-  
mæ mentē eleuāt. Gen. 7. *Multiplacata  
sunt aqua, & eleuauerunt arcam in subli-  
me.* Greg. in Moralib. Quum per fletum  
mens ad summa rapitur, compunctionis  
suar pœnam gaudens miratur; & libet af-  
fligit, quia afflictione sua se conspicit ad  
alta subleuari. Item lacrymæ vitam perdi-  
tam reparant. Gregor. tempus tedimimus,  
quando antea vitam, quam lasciuendo  
perdidimus, flendo reparamus. Item regnum  
cælorum quasi quadam vi obtinent. Gregor. in Homil. Regnum  
cælorum rapi vult nostris fletibus, quod  
nostris meritis non debetur. Lacrymæ,  
ut virtus earum breuibus verbis exprima-  
tur, operantur in cælo, in terra, & in in-

ferno. In cælo: Vnde Eccles. 35. *Nonne la-  
crymæ viduæ ad maxillam descendant, &  
exclamatio eius super deducentē eas?* A ma-  
xilla enim ascendunt ad cælum. In terra  
operantur, & quoniam multiplices habeant  
effectus in hominibus, ut prius ostensum  
est. In inferno quum ignem infernalem  
extinguant, quantum ad eum qui eas ef-  
fundit. Item lacrymæ possunt in Deum,  
in angelos, in dæmones & homines. In  
Deum, dum eum quasi cogunt ad misce-  
randum. Vnde super illud Tobie 3. *Tunc  
Tobias ingemuit, & capit orare cum lacry-  
mis,* dicit el. Oratio Deum lenit, lacry-  
ma cogit. Lacrymæ Deum faciunt quasi  
oblivisci iniquitatum nostrarum. Lacry-  
mæ etiam angelos lætificant. Luc. *Gau-  
dium est angelis Dei super uno peccatore  
penitentiam agente,* secundum Bern. De-  
licie angelorum, sunt lacrymæ pœnitentia-  
tium. In dæmones possunt lacrymæ, cum  
ab eis submergantur, ut prius dictum  
est.

#### De impedimentis lacrymarum.

Circa quantum notandum est quod  
sex videntur esse impedimenta lacry-  
marum. Primum est superbia, quæ est ut  
terra arans. Iosue 15. & Iudith. 1. *Terram  
arantem dedisti mihi.* In Psal. *Anima mea  
siccata est sicut terra sine aqua tibi.* Humilitas est  
quasi aquæ ductus, per quem lacrymæ  
veniunt quam diabolus vult incidi. In-  
dith. 7. *Incidi precipit Holofernes aquæ du-  
ctum.* Ipsa est vallis ad quam descen-  
dunt aquæ lacrymarum. Secundum est,  
amor terrenorum. Vnde Cain interfecit  
Abel. Gen. 4. Cain interpretatur possessio;  
Abel, luctus. Gen. 26. *Omnes put eos quos so-  
derant serui Abraham obstruxerunt Pale-  
stini implentes humo.* Tertium est, duri-  
ties siue impietas. Gen. 29. *Os putei, grandis  
lapide claudebatur.* Homines qui non  
habent pietatem ad proximum, non inue-  
niunt Deum sibi misericordem: ideo cor-  
da eorum sunt ut petra durissima. Iob. 12.

psalm 36.  
Lacry-  
marum  
in-pedi-  
mentum

Si continueris aquas, omnia siccabuntur. Ideo necesse esset vt virgâ Dei percuterentur, vt aqua lacrymarum inde exiret. Dent. 8. *Eduxit riuos vînos de petra durissima.* Item in Plal *Perçussit petram & fluxerunt aqua, &c.* Quartum est, nimia occupatio. Gen. 36. *Anna inuenit aquas calidas in solitudine.* Esa. 22. *Recedite à me amare flebo.* Quintum est, ignorantia. Quod impedimentum tangit Dominus. Luc. 19. dicens: *Si cognouisses, & tu supple, fletes.* Sextum est, peccati magnitudo. Bernard. in lib. de Consideratione: Si dolens, condoleo: si non, doleo tantum, & maxime sciens à salute longius abfistere membrum quod obstupuit, & ægrum sese sentientem periculosius laborare. Gregor in homilia loquens de Pharisæo & Magdalena & Christo. Inter duos ægros medicus aderat, sed vnus æger in febre integrum sensum tenebat, alter vero in febre carnis & sensum perdiderat mentis. In ægritudine sensum perdiderat qui hoc ipsum quod à salute longe esset ignorabat.

### *Coadaptatio luctus in donum scientiæ.*

**C**irca quintum notandum quod luctui adaptatur donum scientiæ. Vnde interl. Hi scientiæ spiritu illustrantur, vt sciant quibus malis inuoluantur. Hâc adaptationem insinuat Salomon. Eccl. 1. Qui addit, inquit, scientiam, addit & laborem: & non potest homo scire quid us bonis vel malis sit in præsentī vita, & non esse in luctu. Mala enim per se luctum inducunt, bona vero temporalia causam luctus: id est, peccatum. August. Si bene est, tumes: si male, doles. Hanc adaptationem insinuat nobis ipsa natura. Ad idem enim membrorum pertinent visus & luctus. Idem insinuat nobis: Luc. 19. *Videns Iesus civitatem, fleuit super eam.*

Luctui  
adaptatur  
donum  
scientiæ.

## P A R S VIII.

### *De Esurie iustitiæ.*

**R**Ecè post prædicta de Esurie iustitiæ dicendum est, quia prædicta valent ad esuriam iustitiæ. Humilitas quæ ad paupertatem pertinet, valet ad hanc esuriam: quia humilis sentit propriam vacuitatem, ideo esurit repletionem. E contrario superbus qui habet vanam plenitudinē, habet fastidium iustitiæ. Item paupertas voluntaria animam euacuat ab amore mundi. Vnde reddit eam capacem amoris veri boni. Amor enim mundi, & amor veri boni mutuo se expellunt ab anima, coangustatum est enim scitum, vt alter decidat, & pallium breue amoris vtrunque operire non potest, mundū scilicet & verum bonum. Esa. 28. *Manuetudo valet ad hanc esuriam, quia assumpti euacuat ab amore iniustitiæ.* Homines immites esuriunt malitiam seu proximi iniuriam: Ideo non possunt perficere esurire iustitiæ. Luctus etiam facit ad hanc esuriam. Qui enim lugent, recogitant annos suos in amaritudine animæ suæ, & concipiunt facere dignos fructus penitentiae, volentes seruire iustitiæ, sicut iniustitiæ prius seruebant. ad Rom. 5. *Sicut exhibuistis membra vestra seruire inmunditiæ & iniquitati, ad iniquitatem: ita nunc exhibete membra vestra seruire iustitiæ.* Bern. Esuriam iustitiæ ad præcedentem ordinat beatitudinem, his verbis: Quid aliud est, inquit, hæc consolatio quæ lugentibus promittitur, quam procedens de spe veniæ gratia deuotionis, & suauissima delectatio boni, & gustus sapientiæ licet exiguus, quibus interim benignissimus Deus afflictam refrigerat animam. Sed gustus ille nihil aliud est quam irritamentum desiderij, & incentiuum amoris, sicut scriptum est: *Qui edunt me, adhuc esurient: & qui bibunt me, adhuc sitient.* Propterea illico subinfertur:

Esuriam  
iustitiæ  
adiuuan-  
tia.

*Beati qui esuriunt, &c.* Et notandum quod iustitia hîc sumi potest generaliter pro probitate, seu bonitate, seu rectitudine vitæ. Ad quod pertinet quod dicit Gloss. Amatores, inquit, veri boni, sunt, quibus non satis est quod iusti sunt, sed semper siciunt opus iustitiæ. Vel potest sumi iustitia, prout ad eam pertinet reddere unicuique quod suum est. Vnde Gloss. Iustitia est sua cuique tribuere, sibi, & proximis, & Deo. Item potest sumi prout, attenditur in inflictione pœnarum. Vnde Bernardus in Sermonibus: Alij, inquit, tam vehementer contra aliorum delicta zelant, vt videri possent esurire & sitire iustitiam, si esset apud eos de suis quoque peccatis idem iudicium. Sed nunc pendus & pondus, vtrunque abominatio est apud Deum. Nam contra alios tam impudenter quàm inaniter æstuant; seipsos tam insipienter, quam inutiliter palpant. Esuriem iustitiæ, intelligas non quemcunque amorem iustitiæ, sed amorem valde intensum. Et notandum quod opera bona cibus sunt animæ. Virtutes enim, quæ sunt quasi quædam membra animæ, inde sustentantur, reficiuntur, augentur, roborantur. Ioann. 4. *Mens cibus est, ut faciam voluntatem eius qui misit me.* Ad virtutes pertinet illud Esa. 4. *Panem nostrum comedemus.* Ipsæ de labore suo viuunt: propriis enim operibus pascuntur, & sine illis deficient. Ideo rectè dicitur esuries esse iustitiæ. Esuries enim est respectu nutrimenti & refectionis. Qui esuriunt & sitiunt iustitiam: id est, vitæ rectitudinem vel bonitatem, & in se & in aliis beati sunt: quia satiabuntur in futuro, adepto quod desiderant: vt dicit Gloss. interl. Tunc enim nullus erit cum eis qui bonus non sit, & qui bene non agat. Item qui iustitiam secundo modo esuriunt, nunc saturabuntur. Totaliter enim viuunt Deo: vnde se totaliter reddent Deo, à quo totaliter habent: & sic verè erunt iusti. Item qui esuriunt iustitiam tertio modo: tunc satura-

Opera  
bona sicut  
cibus  
animæ.

buntur: quia tunc nullum malum relinquatur impunitum. Tunc enim implebitur illud Psal. *Lætabitur iustus quum viderit vindictam.* Item qui esuriunt & sitiunt iustitiam, habent beatitudinem vitæ. Primo propter lætitiā quæ iustitiam comitatur. In Psal. *Iustitia Domini recta lætificantes corda.* Econtrario iniustitiam comitatur miseria, à qua miseria ipsi immunes sunt. Prouerb. 14. *Miseros facit populos peccatum.* August. in lib. de lib. arbit. Tanta est beatitudo iustitiæ, vt nemo ab ea nisi ad miseriā possit abscedere. Secundo, quia quanto habent maiorem esuriem iustitiæ, tanto habent maiorem lætitiā operando iustitiam. Prou. 13. *Desiderium si compleatur, delectat animam.* In eodem: *Lignum vite desiderium veniens.* Tertio, quia spiritualement habent. Esuries enim iustitiæ attestatur spirituali sanitati: sicut rectitudo appetitus corporali sanitati. Quarto, quia esuriem iustitiæ sequitur abundantia bonorum operum: vnde multiplicatur lætitiā annexa bono operi. Anima bonis operibus abundans est sicut arbor benedicta habens fructuum abundantiam: anima verò sine bonis operibus, est vt arbor maledicta. Matth. 21. *Nunquam ex refructus nascatur in sempiternum:* ait Dominus, maledicens sicuti. Item anima abundans bonis operibus, est vt mulier quæ lætatur de multitudine filiorum: quæ verò est sine operibus, est vt mulier sterilis quæ se miseram reputat. 1. Reg. 1. Ait Anna quæ fuit sterilis: *Mulier, inquit, infelix nimis ego sum.* Et notandum quod sicut mulieres steriles multum desiderant fructum: sic anima multum desiderare debet fructum bonorum operum. Exemplum primi desiderij habes in Rachele. Gen. 30. *Da mihi, inquit, liberos, alioquin moriar.* Exemplum secundi desiderij in Bernard. dicente super Cantic. Quàm mitius me priuare, o amara mors, vitæ vsu, quàm fructu: nā vita sine fructu grauior morte. Denique duo mala parantur arbori in-



fructuosa; securis & ignis. Fame iustitiæ multi sancti mortui sunt mundo. Multi etiam mortui sunt morte corporali, quia pro illa morti se exposuerunt. Esurienda est iustitia ut thesaurus aliis thesauris præualens. Eccles. 29. *Pone thesaurum tuum in preceptis Altissimi, & proderit tibi magis quam aurum.* Alios thesauros relinquit homo cum moritur: sed hunc thesaurum secum defert. Non est cessandum à bonis operibus pro amico aliquo. Bona enim opera faciunt homini societatem in morte, cum amici nolunt hoc facere. Apocalyp. 14. *Opera enim illorum sequuntur illos.* Bona opera hominem ornant & honorant in illa magna curia quæ erit cum fiet vniuersale iudicium. In Psal. *Assitit regina à dextris tuis in vestitu deaurato, &c.* Item bona opera in futura vita hominem pascunt. Prou. ult. *Dare illi de fructu manuum suarum.* De iustitia require in tractatu de virtutibus Cardinalibus, vbi habes specialem tractatum de ipsa. Aptatur autem esuries iustitiæ dono fortitudinis. Vnde interl. *Esuries iustitiæ spiritu fortitudinis fulcitur, ne in via lassescat.* Item gloss. *Hæc virtus sine spiritu fortitudinis non impletur: quia per eum esuriendo ad satietatem quandoque venimus.* Aliqui verò ideò esuriem iustitiæ dono fortitudinis adaptant: quoniam de refectione & exercitio operum est robur virtutum. Posset tamen dici quoniam de fortitudine est ista esuries: sicut de fortitudine vis appetitiuæ corporalis est esuries corporalis, & de debilitatione fastidium. Et sicut de fortitudine bellica est esuries certaminum: sic de dono fortitudinis esuries iustitiæ in præsentia, quæ certamen habet. Iob 7. *Militia est vita hominis super terram.*

## P A R S I X.

## De Misericordia.

**S**equitur de Misericordia. De qua cōgruè post prædicta tangendum est:

quia post prohibitionem cordis per paupertatem spiritus à bono quod infra nos est, & per mansuetudinem à malo, & post abluionem cordis per lauacrum lacrymarum, necessaria est directio ad verum bonum, ad quam pertinet esuries iustitiæ, & deindè ad malum quod fit per misericordiam qua malis proximi compatimur. Misericordes verò ideò beati sunt, quia literas patentes habent euangelij quod ipsi misericordiam consequuntur. Misericordes alienam miseriam in præsentia per compassionem sibi assumunt: & ideò in futuro iure vicissitudinis Christus eos à miseria liberabit. De Misericordia, require in tractatu Cardinalium virtutum, vbi habetur specialis tractatus de ipsa. Ea verò quæ ponuntur ibi ad ipsius commendationem, valere possunt ad ostendendam misericordium beatitudinem. Adaptatur autem misericordia dono cōsiliij. Vndè Glossa: Misericordia eget spiri u cōsiliij, sine quo nemo circumspicere miseretur. Initium est sui misereri, finis est pro alio mori. Ordo enim est miserendi, ut vnusquisque incipiat à se. Finem Christus infusa, pro peccatoribus mortuus est ex misericordia. Misericordiam specialiter cōsultuit. Veritas iuueni requirenti quid boni faceret, ut vitam æternam haberet: *Si vis, inquit, perfectus esse, vende & vende omnia quæ habes, & da pauperibus.* Matth. 19. Et notandum quod verè misericors est, qui est misericors de suo. Bern. in Serm. Sunt alij misericordes de his quæ ad ipsos non pertinent, qui scandalizantur quod non datur hominibus abundanter, sic tamen ut nihil penitus eos grauet: qui si misericordes essent, de suo facere deberent misericordiam. Si non possent de substantia terrena, de voluntate bona darent. His qui contra eos peccare forte viderentur, indulgentiam darent. Dulce signum, verbum bonum, quod est super datum optimum, ut eorum mentes ad pœnitentiam prouocarent. Denique & his omnibus quos in peccato

Miseri-  
cordia  
adapta-  
tur donū  
cōsiliij.

Miseri-  
cors verè  
quis sit.

esse cognoscerent, compassionem impenderent & orationem: alioquin misericordia eorum nulla est, & misericordiam consequuntur nullam.

## P A R S X.

*De munditia cordis, & eius descriptione: de his quæ eam efficiunt vel custodiunt: quare etiam misericordes sint beati, ubi tangitur de his quæ faciunt, ad commendationem munditiæ de partibus eius, ac cui dono adaptatur.*

Munditia  
distinguitur.

**S**equitur de munditia cordis, de qua hoc modo dicitur. Primò, ponuntur eius descriptiones. Secundò, tangitur de his quæ munditiam efficiunt vel custodiunt. Tertiò, ostendetur quare munditiam corde sint beati: ubi tangitur de his quæ pertinent ad commendationem munditiæ. Quartò, tangitur de partibus munditiæ. Quintò, ostendetur quod donum huic beatitudini adaptetur. Circa primum notandum quod munditia sic describitur: Munditia est vtriusque hominis integritas, diuini amoris intuitu obseruata. Potest etiam sic describi: Munditia est puritas animi, omnem abhorrens inmunditiam. Bern. in epist. dicit, quod puritas cordis consistit, in quærenda gloria Dei & utilitate proximi. Et loquitur de puritate cordis respectu operum. Super illa verba: Matth. 5. *Beati mundo corde*, dicit interl. quos non arguit conscientia peccatorum.

*De his quæ efficiunt munditiam.*

Munditia  
cor-  
dis 8. ef-  
ficiunt.

**C**irca secundum notandum, quod octo sunt quæ videntur valere ad munditiam efficiendam vel custodiendam. Primum est, aqua sapientiæ salutaris. Multum valet ad munditiam quod homo libenter audiat verbum Dei, vel

quod libenter studeat in Scriptura facta: Ioan. 14. *Vos mundi estis propter sermonem quem locutus sum vobis.* Eiusd. 18. *Sanctificaeos in veritate: sermo tuus veritas est.* Dupliciter valet sermo Dei ad munditiam. Primò, quia ostendit maculas cordis: & secundum hoc dicitur speculum. Secundò, quia dat aquam gratiæ: Prou. 13. *Doctrina bona dabit gratiam.* Et figuratum est per lauatorium, de quo legitur, Exod. 38. quod habebat specula exterius, in quibus ingredientiæ tabernaculum immunditiam suam videre poterant, & intus aquam vnde eam lauabant. Sapientiæ studium ad munditiam valet: quia tollit otium, quod est occasio inmunditiæ. Bernardus: Omnium tentationum & cogitationum malarum & inutilium sentina est otium. Propterea generat castas affectiones. Vnde dicitur: *Vinum germenans virgines.* Zachar. 9. idest, virginales affectiones. Bernard. super Cantic. Iurans sapientia dum sensum carnis infatuat, purificat interlectum cordis, palatum sanat, & reparat. Sano palato sapit, iam bonum sapit ipsa sapientia qua in bonis nullum melius. Secundum est contritio cordis ex qua est aqua lacrymarum. Multum valet ad munditiam, quod homo frequenter se abluat cum aqua ista. Cui aquæ admiscendus est cinis: memoria scilicet propriæ mortis, vel temporalis, vel æternæ, vel etiam memoria Dominicæ mortis. Per hunc modum sic lixiua ad ablucendum valde efficax, in qua bonum esset lauare quasi per singulas noctes linteamina illius lecti, in quo tantus hospes debet iacere, Deus scilicet. Hanc ablutionem non dedignabatur facere Dauid, licet rex esset: *Lauabo*, inquit, *per singulas noctes lectum meum.* Tertium est frequens confessio. Confessione mundandum est templum spirituale. Quod figuratum est 1. Machab. 20. 4. ubi legitur quod Iudas mundauit templum Gentibus inquinatum: Iudas enim, consuevis interpretatur. Attendenda sunt verò verba quæ

¶ 2. Mach. 6.

quæ ibi dicit Iudas : Ecce, inquit, *contriti sunt inimici nostri: ascendamus nunc mundare sancta, & renouare*. Contritio inimicorum mundationem Iudæ præcessit: sic contritio de peccatis quam ex auditu verbi diuini homo recipit, præcedit confessionem peccatorum. In Psal. *Facta est Iudas sanctificatio eius*. 4. Reg. 5. *Vade, & laua te septies in Iordane*. Septies in Iordane lauitur, qui humiliter septem criminalia peccata confitetur. Bern. in epistolis ad quamdam virginem: Audi cui places, ama vnde places. Ama confessionem ob quam amaris: ama confessionem, si affectas decorem: Confessionem iungitur decor, iungitur pulchritudo. In Psalm. *Confessionem & decorem induit. Confessio & pulchritudo in conspectu eius*. Re vera ubi confessio, ibi pulchritudo, ibi decor. Quartum est, vitæ austeritas tam in victu quam in vestitu. Sicut defricatio & absterfusio cum panno aspero valere solet ad munditiam scyphi, sic vitæ austeritas valet ad munditiam spiritualem. De hac asperitate habemus exemplum in Ioann. Bapt. Matth. 3. *Ipse autem Ioannes habebat vestimentum de pilis camelorum, & zonam pelliceam circa lumbos suos: esca autem eius erat locusta & mel syluestre*. Quintum est eleemosynarum largitio. Luc. 11. *Verumtamen quod superest, date eleemosynam, & omnia munda sunt vobis*. Sextum est, oratio: Luc. 9. *Facta est dum oraret species eius altera, & vultus eius albus & resplendens*. Munditia orando acquiritur. Ideo orat Psal. 50. *Cor mundum crea in me Deus, & spiritum, &c.* Matt. 8. *Domine si vis, potes me mundare*. Orando etiā conseruatur: Machab. 13. *Sancti sanctorum Domine, conserua in æternum domum istā impollutam, quæ nuper mundata est*. Septimum est, lima correptionis. Qui munditiam desiderat, correptionem non fugiat, sed appetat. Bernard. in Serm. Sunt qui peccata sua sic confitentur, vt videri possint ex desiderio cordis mundandi id agere: omnia enim in confessione lauan-

tur, nisi quod ea quæ sponte dicunt aliis, ab aliis patienter audire non possunt. Qui si verè mundari desiderarent, vt videtur, non irritarentur: sed haberent eis gratiam, qui suas illis maculas demonstrarent. Gregor. Ille solus amicus meus erit, qui ante aduentum districti iudicis maculas mentis meæ tergit. Sunt quidam infelices qui à limæ correctionis ex qua debuerunt contrahere munditiam, potius contrahunt rubiginem, dum de correctione indignantur, & deteriores fiunt. De tali potest dici illud Psal. *Destruxisti eum ab emundatione vel emendatione*, id est, vnde debuit emundari vel emendari. Octauum est, ignis tribulationis, quo Deus purgat illos quos aurum & argentum reputat. Vnde gaudere debet homo, cum videt se in igne tribulationis positum: Iac. 1. *Omne gaudium existimate facite, cum in variis tentationibus incideritis*. Ille qui in igne tribulationis per impatientiam exurit, paleam se esse ostendit, non aurum vel argentum. Vnde multum potest timere illud Matth. 3. *Paleas autem comburet igni inextinguibili*. Ambrosius super Beati immaculati. Sicut aurum bonum: ita Ecclesia cum vritur, detrimenta non sentit, sed magis fulgor eius augetur.

Et notandum quod in veteri lege fiebat triplex sanctificatio. Primò, per aquam expiationis, de qua Numer. 19. *Secundò, per sanguinem, ad Hebr. 9. Omnia penè secundum legem in sanguine mundantur*. Tertio, vnctione, vt tabernaculum & vasa eius, & Aaron, cum filiis suis. Exod. 30. Possunt hæc referri ad triplicem baptismum, scilicet fluminis qui propriè dicitur baptismus. Et baptismum sanguinis, quo beatus Mauritius cum sociis suis baptizatus est. Et baptismum flaminis, scilicet Spiritus sancti, quo saluantur illi qui non possunt habere baptismum, sed credunt & contemuntur de peccatis suis: & libenter reciperent baptismum si possent habere. Vel in

Legis  
veteris  
sancti-  
ficatio  
qualis.

ablutione per aquam facta, intelligi potest sanctificatio, quæ fit per solam gratiam Dei, ut in paruulis qui baptizantur. In ablutione facta cum sanguine intelligitur ablutio quæ fit per poenitentiam, quæ est quædam carnis mortificatio & crucifixio, ad Gal. 5. *Qui Christi sunt, carnem suam crucifixerunt cum vitiis & concupiscentiis*: Per sanctificationem verò vñctione factam significatur sanctificatio quæ fit per augmentum gratiæ, & sanctificatio specialiter quæ fit in ministris Ecclesiæ. Sicut enim mundiis seruanda sunt calix & alia vasa Ecclesiæ, quàm vasa cõmunia: sic ministri Ecclesiæ maioris mūditiæ debent esse, quàm laici. Exod. 30. eadem vñctione iubentur sanctificari Aaron & filij eius, & vasa tabernaculi. In Ecclesia etiam ministri Ecclesiæ habent quoddam speciale sacramentum, scilicet sacramentum Ordinis quò excellentius cæteris sanctificentur.

Ecclesiæ ministri  
cur Lat-  
co iupe-  
sare de-  
beant  
mūditiæ  
splendore.  
Myrrha  
significatio.  
Cinnamomum  
significatio.  
Cassia  
quid.

Et notandum quod ea quæ intrabant in vñctionem illam, insinuant quomodo ministri Ecclesiæ debent sanctificari. Primum erat myrrha prima & electa. Sic dicitur myrrha illa quæ sponte manat ab arbore, & est pretiosior quàm illa quæ eicitur per incisionem corticis, & signat mortificationem carnis quæ fit in iuuentute, quæ Deo est gravior & homini utilior. Prius myrrha poenitentia condien-  
da est, quàm vermibus vitiorum computruerit. Mira est fatuitas aliquorum, qui myrrha ista nolunt se inungere, donec toti computruerint vermibus vitiorum. Secundum erat cinnamomum, quod est cinerei coloris, quod cum frangitur, in modum nebula spiramentum visibile emittit: ut dicit Gloss. super Exod. 30. Et signat humilitatem ministrorum Ecclesiæ, quæ talis debet esse, ut populum visibiliter ædificet, cum debeat esse exemplaris. Tertium erat, cassia quæ crescit in aquis: & significat fidem, quæ in aquis sacra Scripturæ crescit: & sic tenenda est ut accipitur ex aquis sacra Scripturæ. Non

enim debet homo sequi rationem suam in iis quæ fidei sunt. Quartum erat calamus. Et dicit Gloss. Exod. 30. quod est arbor aromatica crescens iuxta Libanum. Et super illud Ezech. 26. *Calamus in negotiatione tua*, dicit Gloss. quod in calamo vocalis sonus significatur. Unde per calamum intelligitur denotio Ecclesiastici officij, eo quod calamo canitur. Quod multum consolatur & ædificat populum Dei: iis quatuor speciebus admiscebatur oleum de oliuetis, per quod significatur pietas, cui quatuor prædicta debent deferuire. Minister Ecclesiæ pietati se totum debet dare, ut sit vir misericordia. Exemplum habemus de hoc in oculo, qui tenerior & compassibilior est cæteris membris & lacrymis propinquus. Idem debet esse in clero, qui est quasi oculus Ecclesiæ.

Item de hoc exemplum habetur in Christo qui totus fuit misericors. Misericordia eum traxit de cælo. Ipsa eum per vias asperas huius vitæ duxit, pro redemptione miserorum eum vendidit, & morti crucis eum exposuit. Si ministri Ecclesiæ essent ipsius misericordia in præsentia, vix essent aliqui quin saluarentur. Misericordia enim iure vicissitudinis eorum esset in futuro. Mortificatio carnis tunc seruit pietati, quando quod ori subtrahitur, pauperibus datur. Humilitas, quando in propriis vestibus parum expenditur, ut in pauperibus vestiendis multum expendatur. Fides, cum aliquis frequenter meditatur, pauperem esse nescire Christum vel filium Dei, vel quod Christus sibi reputat fieri quod pauperi sit, & alia quæ sunt fidei quæ pietatem incitant. Doctrina fidei pietati seruit, cum doctor intendit iis quæ Ecclesiam ædificant. Gloss. super 1. ad Corinthios 8. Hic Deum diligit, qui charitatis causâ scientiam temperat, ut pro sit fratri pro quo Christus mortuus est. Ecclesiastici cum etiam officium pietati debet seruire, ut ministri Ecclesiæ studeant subue-

nire animabus quæ in præfenti pereunt, & illis qui in purgatorio cruciantur.

Macula  
Ecclesi-  
sticus in-  
decens  
quinque  
ob cau-  
sas.

*Psalm. 87.*

Item notandum quod ministros Ecclesiæ maximè decet munditia, & maximè in eis indecens est immunditia seu macula, quinque de causis. Prima est, quia ipsi sunt oculi Ecclesiæ. In Psal. *Oculi mei languerunt præ inopia.* Præ inopia, inquam luminis. Exponit hoc glossa de Apostolis qui fuerunt maiores ministri Christi. Macula in oculo maximè est noxia. Macula in cæteris membris etsi ea deturpet, tamen non reddit ea inutilia: possunt enim exercere officia sua. Multi maculatis pedibus rectè incedunt. Macula verò in oculo eum inutilem reddit.

Etiā modicum pulveris visum oculi impedit. Gregorius: Nequaquam in membro maculam purè considerat oculi quem pulvis grauat.

Secunda, quia sunt ut speculum Ecclesiæ. Laici enim multum ad eos inspicunt. Vnde satis possunt dicere illud 1. ad Corinth. 1. *Speculaculum facti sumus mundo.* Sicut de Christo dicitur, Sapient. 7. quod est speculum sine macula: ita pro possibilitate sua ipsi deberent esse speculum sine macula, in quo purè reluceret Christi imago. Si macula fuerit in speculo, illam videt qui in eo faciem videre quærebat: sic si macula fuerit in ministris Ecclesiæ, ad illam respiciet populus, & secundum eam se maculabit. Minister Ecclesiæ debet dicere illud 1. ad Corinthios 3. *Esse imitatores mei, sicut & ego Christi.*

Tertia, quia sunt vasa electionis Regum, & Domino dominantium. Modica macula in scypho vinum infusum abominabile reddit & inutile quantum ad potum regis: sic sapientia in multis propter maculam vitæ abominabilis redditur Deo & hominibus. Gregor. Cuius vitæ despiciatur, restat ut eius prædicatio contemnatur. De vno vase electionis habes. Actor. 9. *Vas, inquit, electionis mihi est iste, ut portet nomen*

*meum coram Gentibus, & regibus, & filiis Israel.* Vasa verò electionis hodie in vasa communia sunt mutata. Osee 8. *Factus est Israel in nationibus quasi vas immundum.* Iudæi immundum commune dicebant. Huius immunditiæ in magna parte est negligentia circa custodiam oris. Numeror. 19. *Vas quod non habuerit operculum nec ligaturam desuper, immundum erit.*

Quarta, quia habent mundare alios, ideo oportet eos esse mundos. Eccles. 3. 4. *Ab imundo quid mundabitur?*

Sicut non est calidi frige facere, nec frigidi calefacere: ita non videtur imundi, mundare. Gregorius: Superieetas sordes tergere non valet manus quæ lutum tenet. Neemiæ duodecimo: *Mundati sunt Sacerdotes & Leuitæ, & mandauerunt populum.* 1. Mach. 4. *Elegit Iudas sacerdotes sine macula, volantes habentes in lege Dei, & mandauerunt sancta.* Quinta, quia ministri sunt Attilimi, ideo sicut ipse immaculatus est, oportet eos esse immaculatos. In Psal. *Ero immaculatus cum eo, &c.* Item: *Ambulans in via immaculata, hic mihi ministrabat.* ad Ephes. 1. *Elegit nos ut essemus sancti & immaculati in conspectu eius in charitate.*

### Quare mundi corde sint beati.

Circa tertium notandum, quod prima & maxima causa quare mundi corde sunt beati, est illa quam Dominus tangit: *Quoniam ipsi Deum videbunt.* In futuro videbunt eum facie ad faciem, in quo erit maxima delectatio. Ioann. 17. *Hæc est vita æterna, ut quem misisti Iesum Christum.* Et super illud: Psal. *Ostendam illi faciem meam,* dicit glossa id est, Christum, in maiestate. Et subditur: *Hæc visio est tota merces.* In præfenti etiam videtur Deus à mundis corde, eo modo quo prius ostensum est quarta parte, in tractatu de Con-

*Psalm. 90.*  
Mundi  
corde  
duplici-  
ter bea-  
ti.

templatione. Bern. Pura veritas non nisi puro corde videtur, ad Hebr. 12. *Pacem sequemini cum omnibus, & sanctimoniam, sine qua nemo videbit Deum.* Mundi corde non solum sunt beati beatitudine spei, sed etiam beatitudine viæ, quia liberi à miseria immunditiæ, quæ magna est. In Psalm. *Beati immaculati in via.* Apoc. 7. 12. *Beati qui lauant stolas suas in sanguine agni.*

*De iis quæ faciunt ad commendationem munditiæ.*

Munditia  
commenda-  
da. v.

**E**T notandum quod duodecim sunt quæ faciunt ad commendationem munditiæ cordis. Primum est multiplex exhortatio quam Scriptura sacra facit ad munditiam vel mundationem. Leuit. 11. *Sancti estote, quoniam ego sanctus sum.* Itē eiud. 19. & 20. Item Deut. 18. *Perfectus eris absque macula cum Deo tuo.* Eccles. 9. *Omni tempore vestimenta tua sint candida.* 2. Petr. 3. *Sasagite immaculati & inuolati inueniri.* Esa. 1. *Lauamini, mundi estote.* Hierem. 14. *Laua à malitia cor tuum, Ierusalem.* Esa. 3. *Mundamini qui fertis vasa Domini.* Secundum est, quod ipsa est naturalis animæ, Bern. in Serm. Sicut corporis natura est sanitas, ita cordis natura est puritas. Tertium est, quod gaudium habet sibi ad eò annexum, quòd ipsa vocatur gaudium, vnde super illud ad Gal. 5. *Fructus spiritus est charitas, gaudium,* dicit glossa id est, puritas animi. Quartum est, purgatio quam naturaliter faciunt creaturæ irrationabiles, & etiam insensibiles, quasi exosam haberent immunditiam. Purgat se mare, mortuos ad litus expellens, purgat se visum, purgat se etiam quod decoquitur. Corpora etiam animalium vim expulsiuam habent, quâ noxia à se expellunt. Quintum est, detestatio sui oppositi, scilicet immunditiæ peccati. Et notandum, quod quinque sunt ex quibus intelligi potest quàm timenda sit immunditia peccati. Primum est, dignitas rei

Immunditiæ  
commenda-  
da.

quam peccatum inquinat. Panno pretiosiori magis timemus inquisitionem, cuius anima quæ per peccatum inquinatur imago Dei est, & vnita diuinæ naturæ in persona Christi. Quid diceretur de illo qui imaginem crucifixi, vel B. Virginis in lutum proiceret, vel crucem quæ corpus Christi erigit paucis horis? Secundum est, difficultas recedendi, quæ patet in Lucifero, à quo immunditia peccati separari non potuit ex quo ei adhæsit. Item, ex quo homo peccauit, nullus purus homo à peccato perfecte purgatus est, vt dignus esset videre faciem Dei, donec Christi sanguis effusus est, quo illa purificatio perfecta est. Præterea immunditia vnius mortalis peccati non potest ablui totâ aquâ quæ sub cælo est, nisi aqua gratiæ desursum descendat quæ cor abluat. Tertium est huius immunditiæ vilitas, quod patet per hoc quod Dominus immunditiam corporalem non reputat: comparatione immunditiæ spiritualis. Matth. 15. *De corde exeunt cogitationes malæ, &c. Hæc sunt quæ coinquinant hominem: Non locis manibus manducare, non coinquinat hominem.* Hæc immunditia pulcherrimam creaturam, scilicet Luciferum, ita deturpauit: & quum esset in tam sublimi statu, ad eò enim vilificauit, vt serpentibus & bufonibus inferior videatur esse in hoc, quod bonum ei esset, si nunquam fuisset. Vilitatem huius immunditiæ ostendit David, dicens: *Corrupti sunt, Psalm. 13. & abominabiles facti sunt in iniquitatibus suis.* Quartum est hoc, quod Deus non habet ad eò bonum amicum quem non odiret ad mortem etiam æternam, propter maculam vnius mortalis peccati. Eccles. 12. *Altissimus odio habet peccatores.* Quintum est quod macula hæc ad eò deturpat rem in quam cadit & deteriorat, quod nisi virtute diuina remoueatur, perdita est: & melius esset ei nihil esse, quàm sic esse. Sextum faciens ad commendationem munditiæ est, quod ipsa multum placet Deo. 1. ad Thess. 4. *Hæc est*

Munditia Deo placere ex certis colligitur li. gnis.

*voluntas Dei sanctificatio vestra.* Signa huius placentiæ multa sunt. Primum est hoc, quod ipse filius Dei dignatus est humiliare se ad mundationem hanc facientem. Ad Hebræos 1. *Qui quum sis splendor gloria & figura substantiæ eius, portasti que omnia verbo virtutis sue purgatione peccatorum faciens & cetera.* Secundum est, quod ipse discessurus à discipulis suis documentum dedit eis de hac mundatione. Ioan. 13. *Si ego laui pedes vestros Dominus & magister, & vos deberis alter alterius lavare pedes.* Ablutio illa figura erat spiritualis ablutionis, qua volebat eos abluere seiniucē. Tercium est, quod cū tātis expensis voluit facere hanc mundationē. Voluit enim nos mundare sanguine suo. Ad Titum secundo: *Dedit semetipsum pro nobis, ut nos redimeret ab omni iniquitate, & mundaret sibi populum acceptabilem.* Ad Hebræos decimotertio: *Ut sanctificaret populum suum, extra portā passus est.* Apocalyp. 1. *Qui dilexit nos, & lauit nos à peccatis nostris in sanguine suo.* Pro mundatione mūdi fecit Deus diluviū in mūdo isto, Genesis septimo. Et antediem iudicii præcedet ignis qui comburet faciem mūdi, qui ascendet tantum quantū aquæ diluvij ad purgandum mundum. Quartum est, quod voluit septem sacramenta esse in Ecclesia Dei: quæ omnia sunt vel ad sanctitatem faciendam, vel construendam, vel augendam. Quintum est, quod Deus mūdos corde in sui societate recipit, & in præsentī, & in futuro: In Psal. *Domine, quis habitabit in tabernaculo tuo?* &c. Et respondetur, *Qui ingreditur sine macula.* Psal. 14. Ioan. 13. *Si non lavero te, non habebis partē mecum.* 1. Ioan. 3. *Omnis qui habet spem in eo, sanctificat se, sicut ipse sanctus est.* Apoc. 3. *Habes pauca nomina in Sardis, qui non inquinauerunt vestimenta sua & ambulabunt mecum.* Eiusdem 21. dicitur de ciuitate cœlesti: *Non intrabis in eam aliquid coinquinatum.* Sextum est, quod mundis corde abundanter dat Deus bona sua. Iob. 17. *Mundis manibus addet Deus fortitudinem.*

Septimum faciens ad commendationem munditiæ est, quod ipsa cor hominis Dei habitaculum facit. Aug. Munda tantum cubiculum cordis: intus est qui exaudiat. 1. Paral. 19. *Opus grande est: non homini paratur habitatio, sed Deo.* Octauū est, quod pinguedinem deuotionis recipit. Psal. *Pinguet speciosa deserti.* Nonum est, quod gratiam labiorum tribuit. Quæ duo tanguntur: Prou. 12. *Qui diligit cordis munditiam propter gratiam labiorum suorum, amicum habebit regem.* Vndecimum est, quod radix est totius munditiæ. Ad munditiam enim interiorem sequitur exterior munditia: Ad Rom. 11. *Siradix est sancta, & rami.* Duodecimum est, quod ad Dei manifestam visionem perducit. Matth. 5. *Beati mundo corde &c.*

## De partibus munditiæ.

Circa quartum notandum quod est munditia ficta, & est munditia vera. Ficta munditia est munditia superficialis: ut munditia Phariseorū, de qua Matt. 23. *Va vobis Scribæ & Pharisei hypocritæ, qui mundatis quod de foris est calicis & paropsidis: intus autem pleni estis rapina & immunditia.* Et subditur: *Pharisee cecce, munda prius quod intus est calicis, & paropsidis, ut fiat & id quod foris est mundum.* De ficta munditia tangitur: Prouerb. 30. *Generatio quæ sibi munda videtur, & tamen non est lora à sordibus suis.* Munditia vera est puritas cordis. Et diuiditur in munditiam intellectus, & munditiam affectus. Bern. in Sermonib. Duo, inquit, sunt quæ in nobis purganda sunt intellectus & affectus. Intellectus ut nouerit affectus ut velit. Intellectus purgandus est à tribus, scilicet à falsis, ab otiosis, & vitiosis. Falsitas intellectū obtenebrat. Otiosa eum impediunt. Abusio enim intellectus est, cum occupatur circa inutilia. Omnis autē potentia sui abusione præpeditur: vitiosa verò eum coinquinat. Itē purgandus est intellectus, ut ocul⁹ animæ à macula, quæ intelligi potest

A quibus intellectus hominis purgandus.

A qui-  
bus affe-  
ctus.

prudencia carnis, vel opinio propriæ munditiæ. Item à superaffluente humore, scilicet ab importunitate mundanæ sollicitudinis. Affectus verò mundanus est à superasperfione, & infectione, & admixtione sordium. Superafperfio in primis motib<sup>9</sup>, infectio in desiderio moroso, admixtio in amore. Amor enim est quedam admixtio siue vnio amantis ad amatū. Item affectus purgandus est terrenitate, scilicet ab amore diuitiarum, & à crassitudine deliciarū & rubigine iræ vel odij, vel alterius malitiæ. Itē purgandus est affectus à macula quæ est ex inordinato appetitu boni, & à macula quæ est ex inordinato appetitu mali, & à macula quæ est ex inordinato appetitu amorum. Prima macula est, vt macula luxuriæ vel avaritiæ. Secunda est, macula malitiæ. Tertia est, macula superbiæ. Superbus appetit alienū malum propter proprium bonum, vt proximi deiectionē propter sui exaltationem. Ipse vult facere de fratre suo scabellum pedum suorum, vt sic altior appareat. Mūditia à macula malitiæ nihil aliud videtur esse quàm innocentia, quæ sic describitur: Innocentia est puritas animi omnem iniuriæ illationem abhorrens.

Item notandum, quod cor mundandum est vt speculum, vt sic Deo inspectori faciem suam purā reddat. Abluendum est hoc speculū lauacro lachrymarum. Mundandum est tersione, quæ est confessio & oratio pro venialibus; & defricatione, quæ fit vitæ asperitate. Item mundandum est cor, vt vas cui balsamum cœlestis sapientiæ debet infundi. Munditia cordis adaptatur dono intellectus.

Circa quartum notandum, quod munditia cordis dono intellectus adaptatur. Facit enim munditia cordis ad intelligentiam, sicut puritas & claritas pupillæ facit ad visionem oculi, & munditia speculi ad speculationem faciei, & munditia vasis ad hoc quod pretiosus liquor ei infundatur. Gl. super Matth. 5. facit adaptationem his verbis: Spiritus intelligentiæ huic gradui

adaptatur: quia intellectus mentis oculus est, & expletio mandatorum Dei aperit intellectum.

## P A R S XI.

*De pace & eius descriptione: de commendatione Pacis, de iis quæ ad pacem habendam valere possunt: de iis quæ paci aduersantur, & de diuisionibus ad pacem pertinentibus: qui sint pacifici, & quare sint beati, ac cui dono hæc beatitudo adaptetur.*

Sequitur de gratia quæ cōmendatur nobis in illo verbo, *Beati pacifici, &c.* De qua hoc modo agetur. Primo descriptiones pacis ponentur. Secundo, eius cōmendationes. Tertio, tangetur de iis quæ ad pacē habendā valere possunt. Quarto, de iis quæ paci aduersantur. Quinto, ponentur diuisiones ad pacē pertinentes. Sexto, ostendetur qui sint pacifici. Septimo, quare pacifici sint beati. Octauo, quod dono huic beatitudini, adaptetur. Pax sic describitur: Pax est concordantium in bono mentium ordinata tranquillitas. August. 9. lib. de Ciuit. Dei, multas ponit descriptiones particulares pacis his verbis: Pax, inquit, corporis, est ordinata temperatura partium. Pax animæ irrationalis ordinata requies appetitionū. Pax animæ irrationalis, ordinata cognitionis actionisque cōsensu. Pax corporis & animæ, ordinata vita, & salus animantis. Pax hominis mortalis & dei, ordinata in fide sub æterna lege obedientia. Pax hominum, ordinata concordia. Pax domus, ordinata imperandi atque obediendi concordia cohabitantium. Pax ciuitatis, ordinata imperandi atque obediendi concordia ciuium. Pax cœlestis ciuitatis, ordinatissima & concordissima societas fruendi Deo & inuicem in Deo. Pax omnium rerum tranquillitas ordinis. Et subdit descriptionem ordinis: Ordo, inquit, est paritū dispariumque re-

Defectio  
prio pa-  
cis.

Quid sit  
Ordo.



rum sua cuique loca tribuens dispositio. Ad pacem generaliter pertinere videtur carentia repugnantis. Vnde dicit gloss. super Matth. 5. *Vera pax est ubi nihil repugnat.* Augustinus 19. lib. de Ciuitate Dei: Quid est aliud victoria, nisi subiectio repugnanti: quod cum factum fuerit, pax erit.

## De commendatione pacis.

Pacē cō  
mendat  
naturale  
desideriū

**C**irca secundum notandum, quod 12. sunt, quæ ad pacis commendationem pertinere videntur.

Primum est, naturale desiderium pacis, quod inest omnibus. De quo Augustin. 19. lib. de Ciuitate Dei: Sicut nemo est qui gaudere nolit, ita nemo est qui pacem habere nolit. Quando quidem & ipsi qui bella volūt, nihil aliud quā vincere volūt. Ad gloriosam ergo pacē bellando cupiūt peruenire. Nam quid est aliud victoria, nisi subiectio repugnantium? quod cum factum fuerit, pax erit. Idem in eodem: superbus peruersè imitatur Deum: odit namque cum sociis æqualitatem sub illo, sed imponere vult sociis dominationem suam pro illo. Odit ergo iustam pacem Dei, & amat iniquam pacem suam. Non amare tamen qualemcunque pacem nullo modo potest. Nullius quippe vitium contra naturam est, vt naturæ debeat extrema vestigia.

Multi-  
plex ex-  
hortatio.

Secundum est, multiplex exhortatio ad pacem quæ nobis fit. Ad pacem monuit nos multitudo Angelorum nato Domino, dicens: *Gloria in altissimis Deo, & in terra pax hominibus.* Luc. 2. Ad hanc voluit Christus apostolos monere illos, in quorum domum intrarent. Matth. 10. *Intran-tes domum salutate eam, dicentes: Pax huic domui.* Et Luc. 10. dictum est discipulis: *In quamcunque domum intraueritis, primū dicite, Pax huic domui.* Ad pacem etiam monuit Christus, Ioann. 20. in duobus locis. Tota doctrina eius ad pacem videtur fuisse. Vnde super illud Ioan. 16. *Hæc locutus sum vobis ut in me pacem habe-*

*ris.* dicit gloss. Non solum quæ in cœna, sed quæ ab initio & maximè quæ in cœna, hac de causa dicit dicta, vt in illo pacem haberent. Ad idem debet esse doctrina Ecclesiæ. Columba ramum oliuæ portat in ore suo. Genes. 8. Oliua signū est pacis: columba signū est Spiritus sancti. In hoc ergo signatū est, quod viri spirituales debent portare in ore pacem, vt ad ea quæ pacis sunt admoneant. Ad pacem monet Apostolus ad Roman. 14. *Quæ pacis sunt sectamini, &c.* Eiusdem 12. *Si fieri potest, quod ex vobis est, cū omnibus hominibus pacem habentes.* 2. ad Corinth. 4. *Pacem habete.* ad Ephes. 4. *Soliciti seruare unitatē spiritus in vinculo pacis.* ad Heb. 12. *Pacem sequimini cum omnibus.*

Oliua  
signum  
pacis.  
Columba  
s. sanctus.

Tertium est, frequens oratio quam sancti pro pace faciunt, & ab aliis fieri volūt. Num. 6. *Conuertat Deus vultum suum ad te, & det tibi pacem.* Ierem. 29. *Quærite pacem ciuitatis, &c.* In Psalm. *Rogate quæ ad pacem sunt Ierusalem,* 2. Machab. 1. *Adaperiat Dominus cor vestrum, &c. & faciat pacem.* Paulus ferè in singulis epistolis suis pacem optat iis quibus scribit. Similiter Petrus in suis epistolis.

Frequens  
oratio.

Quartum est, quod pax est verum bonum amicorū Dei. Vnde super illud, *Pax super Israel.* dicit glossa, Vno verbo omnia bona dicit: qui pacem non habet, infelix est. In Psalm. *Contritio & infelicitas in viscerum, & viam pacis non cognouerūt.* Pacem specialiter reliquit Christus discipulis suis recessurus ab eis. Ioan. 14. *Pacem relinquo vobis pacem meam do vobis.* ad Heb. 4. *Relinquitur sabbatismus populo Dei.* Solent homines morituri aliqua relinquere dilectis suis, & magis dilectis meliora. In hoc ergo quod pacē Christus reliquit apostolis sibi dilectissimis monstrauit pacem optimā esse. Multum dolere deberet qui se videt exheredatū ab eo quod Christus specialiter fidelib. legauit. 3. Reg. 21. dicit Naboth ad Achab: *Propterea sit mihi Dominus, ne dem hereditatem patrum meorum, nec voluit aliquo-*

Bonitas.

Psalm. 13.

modo vineam quam habebatis hereditarie commutare. Pacem comitatur gaudium, Prouerbior. 12. *Qui incunt pacis consilia, sequitur eos gaudium.*

Quintum est, quod pax, finis videtur esse omnium, etiam sui contrarij. Augustinus: Tantum bonum est pax, ut etiam suo contrario quærat. Idem, Constat pacem belli esse optabilem finem. Omnis homo etiam belligerando pacem requirit.

Fructus spiritus

Sextum est, quod pax enumeratur inter fructus spiritus: Galat. 5. *Fructus autem spiritus, sunt charitas, gaudium, pax:* charitate diliguntur quæ sunt diligenda, & odiuntur quæ sunt odio habenda. Si assint quæ diliguntur, est gaudium: si absint quæ odiuntur, est pax.

Quæ habitatio Dei. Psalm. 75.

Septimum est, quod pax est specialis locus Dei. Psalm. *In pace factus est locus eius.* Ad hoc signandum, templum Salomonis in pace factum est. 3. Reg. 5. *Nunc requiem dedit Dominus Deus mihi per circuitum: & non est sathan, neque occursum malus.* Quamobrem cogito ædificare templum nomini Dei mei. Ad idem ostendendum noluit filius Dei nasci in mundo isto, donec vniuersus orbis pacatus fuit: & durauit pax illa 12. annis 2. ad Corinth. ultim. *Pacem habete, & Dominus pacis erit vobiscum* 1. ad Corinth. 4. *Non est Deus dissensionis, sed pacis.* Deus est pacis quasi possessiue: quia ubi pax, ibi Deus.

Carè empta.

Octauum est, quod Deus ita carè pacem emere voluit. Chrysost. Pro pace loquimur pro qua Dei filius passus est, propter quam crucifixus est & sepultus, quam nobis pro omni censu hereditatis reliquit. Voluit Dei filius mori, ut nos reconciliaret Deo patri. Voluit quasi matrimonium contrahere cum sorore nostra: scilicet cū humana natura, ut pax in mūdo reformaretur. Adhuc etiam pacem peccatorum paratus est emere regno cælorum. Væ illis qui tam honorabilè pacem recusant.

Mundus.

Nonum est, quod pax mundissima est: Mundat enim aquam mundantem cætera. Si aqua turbata in pace dimittatur,

clara efficitur.

Decimum est, quod clare videre facit. Aqua turbata non reddit imagines, ut ait Gregor. sicut cor turbatū, non clarè videt. Videm clarificans.

In Vitis Patrū tres studiose diligentes facti sunt monachi. Quorum vnus elegit litigantes ad pacem reducere. Alius visitare infirmos. Tertius abiit quiescere in solitudine. Primus laborans circa lites hominum non valens eas sedare, tædio victus venit ad eū qui seruebat infirmis, & inuenit eum animo deficientem. Qui de communi consensu abierunt tertium videre in eremo, dicentes ei tribulationes suas, & rogantes ut eis diceret statum suū: qui reticens paululum, misit aquā in siphum, dicens eis: Attendite in aquam, & erat turbulenta. Et post modicū dicit eis: Attendite quomodo limpida facta est. Et cum intenderent in eam, viderunt vultus suos tanquam in speculo. Et tunc dicit eis: Sic est qui in medio hominum consistit, non enim videt peccata sua. Cum autem quieuerit, & maxime in solitudine, tunc peccata sua conspicit.

Vndecimum est, quod pax præsens arra est futuræ pacis. Eiaiz vlt. *Erit sabbatum ex sabbato.*

Duodecimum est quod pax grata est Deo & hominibus. Ecclesiast. 25. *Intribus beneplacitum est spiritui meo, quæ sunt probata coram Deo & hominibus: Concordia fratrum, amor proximorum, & vir & mulier sibi benè consentientes.* Deo & hominibus grata.

*De his quæ valent ad pacem habendam.*

Circa tertium notandum, quod duodecim sunt, quæ ad pacem habendam valere possunt.

Primum est, amor pacis. Non enim dat Deus tantum bonum illud contemnenti, sed cum desiderio magno quærenti. In Psalm. *Inquire pacem, & persequere eam.* Hoc est contra quosdam qui pacem oblatam reciperent, sed eam primo non quærent. Hi non videntur intelligere pacem Psalm. 13

pacem hereditatem esse Christianorum. Si enim se agnoscerent exheredatos ab eo, quod Christus eis legauit, non expectarent quod alius eos incitaret ad hereditatem eorum recuperandam, ad Hebr. 12. *Pacem sequimini cum omnibus.* Rom. 14. *Quæ pacis sunt sectamini inuicem & in omnes.*

Secundum est, ut à peccato nos remoueamus, & ab eo pro posse caneamus. Nō potest enim veram pacem habere qui male uiuit. Prou. 16. *Cum placuerint Domino uia hominis, inimicos quoque eius conuertet ad pacem.* Augustin. 10. lib. de Ciuitat. Dei: Pacem, inquit, iniquorum in comparatione pacis iustorum: ille uidet nec pacem esse dicendam, qui nouit præponere recta prauis, & ordinata peruersis. Sap. 14. *Magna mala pacem appellant.* Esa. 48. *Non est pax impiis, dicit Dominus.* Quomodo pax vera est illi qui guerram habet cum Omnipotente, cui iustitia Dei gladium euaginatū tenet super caput, qui in domo propriæ conscientie litem habet, cui omnia nocent & bona & mala? Sicut enim bonis bona & mala cooperantur in bonum: ita malis & bona & mala cooperantur in malum. Quomodo veram pacem habet qui iacet in spinis uictorum, quem vermis conscientie mordet, qui onus diaboli continuè portat, qui iacet in immunditia quam nobilitas animi naturaliter refugit?

Tertium est, quod voluntatem nostrā diuinæ voluntati studeamus conformare. Luc. 2. *Pax hominibus bonæ voluntatis.* Quomodo pacem potest habere qui ei resistit cui nequit præualere? Iob 9. *Quis resistit ei, & pacē habuit?* Voluntati illius cui placent ea quæ placent Deo, nihil repugnat, sicut neque voluntati diuinæ: ideo pacem habet August. Qui iugo Christi subiectus est, subiecta habet cetera, & non laborat: quia non resistit quod subiectum est.

Quartum est, frequentatio humilis confessionis. Esa. 57. *Cream fructum labio-*

*rum pacem.* 2. Reg. 11. *Peccati Domino,* ait Dauid: *Dixit que Nathan ad eum: Dominus quoque transulit peccatum tuum.*

Quintum est, distinctio iustitiæ. Esa. 32. *Erit opus iustitiæ pax.* In Psal. *Iustitia & pax osculata sunt.* Esa. 60. *Ponam uisitationem tuam pacem, & præpositos tuos iustitiam.*

Sextum est, terrenorum contemptus. Non enim potest habere veram pacem, qui continuè sequitur quod non potest consequi. Eccl. 5. 4. *Quasi qui apprehendit umbram, & persequitur ventum: sic qui attendit ad uisa mendacia.* Gregorius: Quid quietius, quàm nihil in hoc mundo appetere? quid laboriosius, quàm terrenis desideriis æstare? Hinc est quod Israël sabbatum accepit in munere. Ægyptus percutitur muscarum multitudine.

Septimum est, mansuetudo. In Psal. 36. *Mansueti hereditabunt terram, & delebuntur in multitudine pacis.* Homo immanfuetus & impatiens qui aduersa fugit: quæ si effugit, non potest habere veram pacem: sed qui aduersa amplectuntur tanquam pretiosa & salubria: exemplo Christi, qui quod carni molestius erat, elegit secundum, Bern. *Qui proposito sibi gaudio sustinuit crucem.* Ad Hebr. 12.

Octauum est, moderata occupatio. Otiosus veram pacem non potest habere. Inertia enim est impatiens sui, ut ait Sen. Prou. 21. *Desideria occidunt pigrum: noluerunt quidquam manus eius operari: tota die concupiscit, & desiderat.* Item nimia occupatio aufert pacē. Martha enim turbatur erga plurima. Lucæ 10. Exod. 18. *Stulto labore consumeris:* ait Iethro ad Moysen. Et subditur: *Vltra uinestuas est negotium.* glossa August. Vbi mihi uidetur significari nimis intentum humanis actibus animum Deo quodammodo vacuari, qui sit tanto plenior quanto in superna & æterna liberius extenditur.

Nonum est, quod homo non se immittat de impertinentibus ad se. Dilatio enim solet habere scissuram: ut dicit beatus

Bern. Prou. 18. *Qui se iactat & dilatat, iurgia concitat.* De dilatatione reprehenditur Petrus, Ioan. ultim. à Domino dicente sibi: *Quid ad te tu me sequere.* Et discipuli. Act. 1. *Non est vestrum,* inquit, *nosse tempora vel momenta, &c.*

Decimum est, amor sacrae Scripturae. Psal. 1. 8. In Psal. *Pax multa diligentibus legem suam.* Iacob. 3. *Qua desursum est sapientia, primum quidem pudica est, deinde pacifica.* Sicut sacra Scriptura hominem reddit pudicum, ita eum in pace custodit. Et sicut piscis in aqua quiescit, extra aquam verò palpitatur. Tob. 5. *Sic et humanum in aqua sapientiae salutaris quiescit: extra verò inquietatur.*

Vndecimum est, frequentatio orationis in qua Spiritus sancti gratia hauritur, in quo solo est pax vera. Vnde pax numeratur inter fructus Spiritus. Ad Gal. 5. ad Rom. 14. Sed iustitia, & pax, & gaudium in Spiritu sancto. Iob 8. *Si diluculo surrexeris ad Deum, & Omnipotentem fueris deprecans: si mundus & rectus incesseris, statim euigilabit ad te, & pacatum redet habitaculum iustitiae tuae.*

Duodecimum est, si sensus tuos diligenter custodias, Eccles. 12. *Ori tuos facito ostia, & seras auribus tuis.* Esa. 26. *Claude ostia tua super te.* Discipuli ostia habebant clausa quando Dominus dixit eis: *Pax vobis.* Ioan. 20.

### De his quae aduersantur paci.

Circa quartum notandum quod paci videntur aduersari bellum, & lites, & tumultus interiores & exteriores, & inquietudo secundum locum. Inquietudo etiam volutatis fugientis malum vel praesens vel futurum, vel sequentis bonum, & non consequentis: timor mali futuri, & dolor de malo praesenti pacem perturbant. Psal. 137. In Psal. *Non est pax ossibus meis à facie irae tuae: à facie peccatorum meorum.* Item molestia quam aliquis in vitiis sustinet, pacem turbat. Eccl. 33. *Præordia facti mei, quasi*

*rotae carri.* Fatuus qui in murmure est, de hoc quod sustinet, sicut rota carri murmurat: unde non est in pace. Item non est in pace qui transitoria ista fugacia appetit. Appetitio enim illa quaedam spiritalis motio est. Vnde August. Pacem animae irrationalis dixit esse ordinatam requiem appetitionum, vt prius habitum est.

### De diuisione loci.

Circa quintum notandum, quod triplex est pax, scilicet temporis, pectoris, & aeternitatis. De prima legitur 4. Reg. 20. *Sit tantum pax & veritas in diebus meis.* In Psal. *Zelam super iniquos, pacem peccatorum videns.* Elia 47. *Vtinam attendisses ad mandata mea, facta fuisset sicut flumen pax tua.* Baruch 3. *Si in via Dei ambulasses, habitasses utique in pace super terram.* Aug. 19. lib. de Civitate Dei. Tantum est pacis bonum, vt etiam in rebus terrenis atque mortalibus nihil gratius soleat audiri, nihil desiderabilius concupisci, nihil postremo possit melius inueniri. De pace pectoris. Ioan. 14. *Pacem relinquo vobis.* De pace aeternitatis. Esaia 32. *Sedebit populus meus in pulchritudine pacis.* In Psal. *Qui posuit fines tuos pacem,* ad Philipp. 4. *Pax Dei quae exsuperat omnem sensum, custodiat corda vestra.* Glor. 1. Deus qui est summa pax, quae nec cogitari potest: & idè extra eum nullo opus est. Custodiat corda vestra & intelligentias vestras in Christo Iesu, id est, voluntates & intellectus vestros, vt extra ipsum nihil intelligatis vel appetatis. Gregorius: Quid est pax transitoria, nisi quoddam vestigium pacis aeternae? Quid ergo dementius esse potest, quam vestigia impressa pulueri diligere, sed ipsum à quo impressa sunt non amare?

Item notandum, quod est pax bona, & est pax mala. De bona iam dictum est. Pax verò mala est triplex, scilicet inordinata, simulata, inquinata. Inordinata est, quum superior obedit inferiori: vt ratio sensui-

Pax triplex temporis.

Psal. 72.

Pectoris, Aeternitatis.

Pax bona & mala & haec triplex.

litati, vel prælatus subdito. Prou. penult. *Per tria mouetur terra, & quantum sustinere non potest.* Per seruum quum regnare cœperit. Eiusd. 19. *Non decet seruum dominari principibus:* Pax ista deterior est, quàm guerra. Hanc pacē seruauit Adam potius obediens uxori, quàm Deo. Gen. 3. *Quia audisti vocē uxoris tuę, &c. maledicta terra in opere tuo.* Pax simulata fuit pax Iudæ. Lucæ 22. *Iuda, osculo Filium hominis tradis?* Et 2. Reg. 20. dixit Ioab ad Amasai, *Salue mi frater,* & tenens manu dextera mēcum Amasæ, percussit eum in latere, & effudit intestina eius. In Psal. *Loquuntur pacem cum proximo suo, mala autem in cordibus eorum.* Ierem. 9. *In ore suo pacem cum amico suo loquitur, & occul-tē ponit ei insidias.* Pax quinata, est eorum qui sunt in malo concordēs: vt Pilatus & Herodes in morte Christi pacificati sunt. Luc. 23. Matth. 10. *Nolite arbitrari quod venerim pacem mittere in terram: non veni pacem mittere in terram, sed gladium.* Gregor. in 6. part. Moral. Sicut esse noxium solet si vnitas desit bonis: ita perniciosum est si non desit malis. Idem: Peruersos quippe vnitas corroboret, dum concordat, & tanto magis robustos quanto vnanimis facit.

Bellum  
quadru-  
plex.

Psal. 84.

Item notandum, quod distinguitur quadruplex bellum, scilicet inter carnem & spiritum, inter hominem & Deum, inter hominem & angelum, inter hominem & hominem. Et e contrario quadruplex pax. Pacem inter carnem & spiritum facit subiectio carnis ad spiritum. Gen. 13. dictum est Agar ancillæ Saræ: *Reuerte ad dominam tuam, & humiliare sub manibus eius.* Secundam pacem facit iustitia ex parte nostra, & misericordia ex parte Dei. In Psal. *Misericordia & veritas obmanerūt sibi, iustitia & pax osculæ sunt.* Tertiam pacem fecit incarnatio filij Dei. Reconciliati enim sunt angeli homini, quum agnouerunt humanam naturam associatam diuinæ naturæ in vna persona. Esa. 52. *Creauit fructum laborum pacem.*

Pacem ei qui longe, id est, homini: & pacem ei qui prope est, id est, angelo. Pacem vocat fructum laborum: quia prædicta erat per Prophetas. Item quia orationibus erat impetrata. Vltimam pacem facit patientia, vel mansuetudo, ad Rom. 12. *Si fieri potest quod ex vobis est, cum omnibus hominibus pacem habentes, non vosmetipsos defendentes charissimi.* Gregor. in Pastoral. Lex Christi est charitas vnitatis: quam soli perficiunt, qui nec quum grauantur excedunt.

### Qui sunt pacifici.

Circa sextum notandum, quod gratia quæ in verbo isto, *Beati pacifici, &c.* commendatur, non est pax, sed gratia faciendi pacem in se vel in proximo, & hoc vel respectu Dei, vel respectu proximi. Vnde pacifici amatores pacis sunt, qui studiose intendunt paci faciendæ, vel in se, vel in proximo. Et primo in se. Vnde gloss. super Matth. 5. Pax à vobis incipit: quia dum lex carnis repugnat legi mentis, non modo alteri, sed nec nobis possumus esse pacifici. Sed postquam intus spiritus imperat vt totus homo spiritui seruiat: tunc pax ad alios deriuatur, vt pacē cum omnibus habeamus. Bern. in Serm. Sunt aliqui qui si viderint quempiam vel leuiter scandalizatum, valde solliciti sunt quomodo in pacem eum reducere possunt: & viderentur pacifici, nisi quod eorum commotio, si forte quidquam contra eos factum dictumve videbitur, tardius vniuersis difficiliusque poterit sedari. Qui nimirum si verè pacem diligerent, haud dubium quin eam quærerent sibi ipsis. Itē super Matth. 5. dicit gl. Pacifici sunt qui omnes motus animi componunt & rationi subiiciunt, quia his nihil repugnat. Bern. in Serm. Per munditiam cordis reconciliamur Deo: beati verò qui de sua reconciliatione non ingrati, & pro fratribus suis piè solliciti, eos quoque quantum prævalent & sibi & Deo reconciliare la-

borant. Quibus enim laudibus dignum, quanto amplectendum putas affectu, fratrem illum qui sine querela conuersatur inter fratres, tota sollicitudine cauet quid in eo sit quod ab aliis portari oporteat, & quidquid in aliis est onerosum patientissime portat, qui singulorum scandala sua reputat. Et cum Apostolo loquitur: *Quis infirmatur, & ego non infirmor? quis scandalizatur, & ego non uror?* Qui vere pacificus est, etiam belligerando est pacificus. August. Pacem debet habere voluntas, bellum necessitas. Non pax queritur ut bellum excitetur: sed bellum geritur, ut pax acquiratur. Esto ergo in bello pacificus, ut eos quos expugnas ad pacis utilitatem vincendo perducas: *Beati enim pacifici.* Idem: Hostem pugnantem necessitas perimat, non voluntas. Sicut rebellanti & resistenti violentia redditur: ita victo vel capto misericordia iam debetur, maxime in quo pacis perturbatio non timetur.

Et notandum, quod pacem pectoris non abruptim pugna cum vitiis, si quandoque accadat. Vnde Gloss. super Matth. 5. In presenti homo pacatus, etsi bellum gerat cum vitiis, in nullo pacem abruptim quam Dominus dedit: Vnde *pax multa*

*Psalm. 118. diligentibus legem tuam Domine, &c.*

### *Quare pacifici sunt beati.*

**C**irca septimum notandum, quod causa qua pacifici sint beati, est illa quam Dominus tangit, *Quia filij Dei vocabuntur.* In presenti merito vocatur Filij Dei, quia exercent officium illud quod habuit filius Dei in mundo isto: Ipse enim in mundo isto bella pacificauit. In Psalm. *Ibi confregit potentias, arcum, scutum, & gladium, & bellum.* In aduentu suo fuit impletum illud Esa. 2. *Constabunt gladios suos in vomeres, &c.* Ephes. 2. *Ipse est pax nostra, &c.* Ipse sedauit litem quae erat inter nos & Deum Psalm. *Quoniam fecisti iudicium meum, & causam meam.* Esa. 63. *Ego sum*

*qui loquor iustitiam, & propugnator sum ad saluandum.* Primum pertinet ad litis sedationem. Secundum ad belli pacificationem. Item ipse multum sedauit, dum silentio suo silendi exemplum dedit. Esa. 53. *Quasi agnus coram tondente se obmutescet.* Et Luc. 23. Coram Herode nihil omnino respondit. Inquietudinem quantum ad locum pacificauit, quando Apostolis dixit: *Sedete in ciuitate: donec induamini virtute ex alto.* Luc. vltim. Inquietudinem animi pacificauit, cum dixit Ioan. 14. *Manete in me, & ego in vobis:* Eius. 15. *Manete in dilectione mea.* Ibid. 17. *Hac locutus sum vobis ut in me pacem habeatis: in mundo autem pressuram habebitis.* Christus finis est, ideo in eo quiescitur. Non est quiescendum in via, sed in fine viae: ad Rom. 16. *Finis legis Christus ad iustitiam credenti.* August. in libro Confess. Fecisti nos ad te, & inquietum est cor nostrum, donec requiescat in te. Christus molestias mitigare venit, in cuius signum Ecclesia cruces oleo facit in his qui baptizantur, vel ordinantur, vel confirmantur, vel ad honorem regni sublimantur, & etiam in dedicatione Ecclesiarum. Cruciatu praesentis exilij per Adam factus est: oleatio vero siue mitigatio per Christum.

### *Donum sapientiae adaptatur paci.*

**C**irca octauum notandum, quod donum sapientiae huic beatitudini adaptatur: qui enim pacem faciunt, quasi lectum Deo praeparant, locum scilicet quietis. In Psalm. *In pace in idipsum, &c.* Vnde ipsi sunt quasi cubicularij Dei & secretarij, & consilia sapientiae eis reuelantur. Praeterea animus pacatus clarius videt: ut prius ostensum est per exemplum de aqua, Eccles. 18. *Sapientiam scribe in tempore vacuitatis,* id est, vacationis & quietis: ideo dicitur in Psalm. *Vacate primum.* Deinde subditur, *Videte quoniam suauis est Dominus.*

## P A R S XII.

## De Patientia persecutionem.

**V**ltimo tangendum est in tractatu de Beatitudinibus, de Patientia persecutionum. Et breuiter de ea dicitur, quia in tractatu de cardinalibus Virtutibus specialiter de Patientia tractatum est. Hanc beatitudinē post prædictas ordinat. Gloss. super Matth. 5. dicens: Qui vsque ad sapientiam per prædicta concendūt, perfecti & roborati non cedunt persecutioni: quia neque vita eos potest separare à Christo. Item sicut tangit Gloss. in patientia persecutionum est ostensio perfectionis & probatio: sicut in præcedētibz perfectio. Eccles. 2. *In igne probatur aurum & argentum, homines vero receptibiles in camino humiliationis.* Eiusdem 27. *Vasa figuli probat fornax, & homines iustos tentatio tribulationis.* ad Rom. 5. *Tribulatio patientiam operatur, patientia autem probationem.* Qui patiuntur persecutionem propter iustitiam, sunt beati: non qui patiuntur propter scelera sua. 1. Pet. 4. *Nemo vestrum patiaturs quasi homicida, aut. &c.* Eiusdem. 3. *Si quid patimini propter iustitiam, beati.* Causa quare tales sint beati, est quā Dominus tangit: *Quia ipsorum est regnum cælorum.* Bernardus in Serm. Pauperibus pariter & martyribz regnum cælorum promittitur: quia paupertate quidē emitur, sed in passione pro Christo sine omni dilatione percipitur: *Eorum qui patiuntur persecutionem propter iustitiam, regnum cælorum est.*

Primo, quia iustitia pro eis erit in futuro, sicut ipsi modo sunt pro iustitia. Vnde obtinebit eis regnum cælorum. Non enim poterit aliquid fieri in iudicio extre-

mo contra iustitiam. Ecclesiast. 4. *Vsq̃ue ad mortem certa pro iustitia, & Deus expugnabit pro te inimicos tuos.*

Secundo, quia regnum cælorum expositum est vim inferentibus, Matth. 11. *Regnum cælorum vnum patitur, & violenti rapiunt illud.* Quasi publicē de illo clamātū est, *Qui potest capere capiat.* Matth. 19. Patientēs persecutionem quasi quadam vi illud capiunt. Tertio, quia pretium habent pro quo regnum cælorum venale positum est Matth. 20. *Sedere ad dexterā vel ad sinistram, non est meum dare vobis.* Vendere potius hoc volebat, quā intuitu consanguinitatis eis dare. Augustinus in persona Domini: Venale habeo. Quid Domine? Regnum cælorum. Quo emitur? Paupertate regnum, dolore gaudium, labore requies, vilitate gloria, morte vita.

quarto, quia tales Christo societatem faciunt in vigilia præsentis afflictionis, in pane doloris, & aqua tribulationis: ideo meritō erunt socij eius in festo æterni iocunditatis, ad Roman. 8. *Cohæredes autem Christi: si tamen cōpatimur ut simul & glorificemur.* 2. ad Tim. 2. *Si commortuisumus, & conuiuemus: si sustinemus, & conregnabimus.* 2. ad Cor. 1. *Sicut socij passionum estis, siceritis & cōsolationis:* Luc 22. *Vos estis qui permanistis mecum in tentationibus meis, & ego dispono vobis sicut disposuit mihi Pater meus regnum, ut edatis & bibatis super mensam meam in regno meo.* Ecclesiastic. 22. *Fidem posside cum amico tuo in paupertate ipsius, ut in bonis ipse laeteris.*

Quinto, quia ipsi habent onus cœlestis hæreditatis in præsentī, & ideo meritō in futuro emolumentum eiusdem hæreditatis ad eos pertinebit. Præsentēs pressuræ, sunt debita quibus obligauerūt parentes nostri cœlestem hæreditatem.

# INDEX RERVM OMNIVM

*quæ in hac Virtutum Summa continentur.*

## A.

**A** B intellectu luminis quot radij fluant, & quæ singulorum officia. 36  
Abel Innocentiæ speculum. 15  
Abraham mundo Obedientiæ formam dedit. ibid.  
Abrahæ spes. 20  
Actus qui peccatum est, malus. 64  
Adami peccatum quid exagitet. 61  
Adorare opus manuum suarum, quale peccatum. 53  
Adolescentes exerceri & senibus subiici debet. 226  
Aduersa non fugienda, sed amplectenda. 496  
Adultus rationis capax Deum qualiter cognoscere possit. 25  
A Deo quæ petenda. 15  
Æqualitas diuinarum personarum ostenditur. 96  
Æquitas ad quid conducat. 365  
Æquitas & æqualitas quid : & ad quid conferant, & quibus maximè necessaria. ibid.  
Affectus animi quadruplex. 401  
Affectus purgatio. 494  
Affectuum obedientia. 333  
Alas cordis extendere instar auium, ad quid necessarium. 434  
Alexander magnus orat ad montes Caspios. 41  
Alexander magnus Iudæorum Sacerdotem adorat. ibid.  
Idem Iudæos concludit. ibid.  
Alienatio mentis quibus gradibus ascendat. 443  
Alius alio cur magis diligatur. 182  
Amandi Deum modus. 162  
Amandi quomodo sint boni. 178  
Amandi parentes duplici affectu. 183  
Amandi proximum modus. 171  
ad Amandum proximum quid nos hortetur. 168  
Amare mundum quid. 184  
Amatur Deus quadruplitter. 165  
Amavit nos Christus gratis. ibid.  
Amicitia descriptio. 180  
Amicitiam veram duodecim requirere. ibid.  
eandem quæ dissoluant. 183  
Amici eligendi ratio. ibid.  
Amor Dei qualis esse debeat, & quomplex. 164

Amor inordinatus voluptatum. 220  
dissuadet. ibid.  
Amorem erga vxores quæ inducant. 176  
Amor proximi qualis esse debeat. 174  
Amor parentum, multum Deo acceptus. 175  
Amorem erga Deum prouocantia. 157  
Amorem erga proximum incitantia. 167  
Amoris erga Deum utilitas. 161  
Amoris diuersæ species. 175  
Amoris diuini signa decem. 166. 167  
Amoris sui incommoda. 184  
Amor sui radix malorum omnium. ibid.  
Amoris nosmetipsius cur non sit datum præceptum. 166. 167  
Amoris mundi incommoda. 185  
Angelorum Dei & Diaboli diuersitas. 85  
Angelorum meritis Spem iuari. 133  
Animalis homo dicitur quis duplici ratione. 21  
Anima an sit propriè potentia. 100  
Anima quomodo paradiso assimilatur. 10  
Anima quadruplitter peccat circa bonum. 188  
Animam nulla destructione posse corrumpi ostenditur. 102  
Animam mortalem vnde quidam colligant. 100  
Animas creari quotidie, declaratur, contra quosdam. 80  
Animas iuari Ecclesiæ suffragiis. 116  
Animas non esse Angelos Apostatas. 80  
Animas esse & existerè ostenditur. 81  
Animas non esse dæmones euincitur. ibid.  
Animas non esse simul creatas. 89  
Animas non esse de substantia Dei. 88  
Animas non esse duas in humanis corporibus. 86  
Animas non perire simul cum corpore. 100  
Animas non traduci ex femine. 89  
Animarum immortalitas probatur. 100. & seq.  
Animæ in mortali peccato decedentes æternaliter iuste puniuntur. 110  
Animæ creatio solius Dei opus. 82  
Animæ in charitate decedentes aliquando poenâ purgatorij expiantur. 117  
Animæ sanitas quando eueniat. 451  
Apostolorum reuocatio, & linguarum donum, confirmant fidem Catholicam. 26, 27  
Apostolorum successoribus obediendum. 352 & seq.  
Argumenta quibus Fides Christiana vnica ostenditur. 16



Articuli fidei quinam dicantur.	43
Articulorum fidei distinctio.	44
Articuli fidei quibus in locis collecti.	ibid.
Articulis fidei errores contrarij.	46
Auditus à quibus temperandus.	254
Aureola quid , & quo pacto donetur & quib.	240, & 241.
Aureola ad quam Animæ Virtutem pertineat.	243
Authoritates destrucentes errores Manichæorum.	65

B.

<b>B</b> eata possessio quæ, & ubi.	6
Beatorum gloria quæ sit maxima.	237
Beautudinis descriptio.	ibid.
Bellum quadruplex.	499
Bene operare volenti tria necessaria.	18
Beneficium conferens quæ cauere debeat.	368
Beneficij accepti obliuio quantum sit malum.	367
Beneficia Dei generalia & particularia.	329
Beneficia quo pacto amicitiam pariant.	172
Circa Beneficia Dei quæ obseruanda.	329
Beneficiorum Dei magnitudo, consideratur ex quinque.	329, 330
Beneficiorum Dei quatuor species.	57
Benignitas legislatoris Christi.	446
Benignitas diuiditur in partes septem.	301
Bona optima & perfectissima quæ sint.	7
Bona fortunæ non esse nostra.	9
Bona temporalia non esse vera bona.	5
Bona temporalia fallere sæpè la mines.	36
Bona opera hostis antiquus insequitur.	198
Boni operis iucunda memoria.	14
Bonifacij misericordiæ illustre exemplum.	371
Bonitas præualeat propinquitati.	178
Bonitatis Dei obseruatio iuuat spem.	126
Boni cur sint amandi.	178
Bonorum omnium radix fides.	37. 38
Bonorum dissipatio tripliciter fit.	398
Bonorum operum lucra quæ.	ibid.
Bonum proprium hominis virtus est.	8
Bonum opus tria requirit.	18
Bonum opus sine gratia comparatur ligno putrido.	7
Bonum vt ordine fiat quæ requirit.	450
Bruta animalia prudentiam docere.	200

C.

<b>C</b> aptinatio intellectus nostri quadruplex est.	164
Carcere detenti visitandi.	384
Cardinales virtutes.	5
Cardinale opus quando dignè, & quando in-	

dignè exerceatur.	250, 251
Carnem se negantes non posse domare, irrendendi.	357, 358
Casus quid.	490
Castitas cur Ecclesiæ ministros maximè deceat.	244
Castitas vidualis commendatur singulariter in Iuuenæ.	242
Causæ errorum.	11
in fide.	117
Causæ admirationis Christi super veste nuptiali.	153
Cautio quid.	207
Certitudo duplex.	121
Charitas mater omnium Virtutum.	146
Charitas, aliena, bona sua facit.	149
Charitas Deo placet.	150
Charitas Diabolo displicet.	ibid.
Charitas sola, & vnica quomodo sit Virtus.	156, 157
Charitas inter Virtutes omnes, fini propinquior.	145
Charitas quomodo dicitur Vestis nuptialis.	154
Charitas ignitos facit homines.	147
Charitas Animam Deo reddet gratam.	148
Charitas Fons est singularis bonorum.	149
Charitas Vinculum est quo ligatur Deus.	152
Charitas est locus securus.	148
Charitas est chara vnitas.	155
Charitas est locus quietis : gaudij : mors vitiorum : & vita operum.	148
Charitas à quibus malis præseruet.	151
Charitas Vactio est, quæ filij Dei inunguntur.	153
Charitas qualis sit virtus.	156
Charitas omnibus modis laudabilis.	154
Charitas quanti æstimanda.	146
Charitatem quæ augmentent.	183
Charitatis commendatio.	148
Charitatis iugum sex reddunt suauæ.	155
Charitatis descriptio.	144
Charitatis vtilitas.	151
Charitas ordo quadruplex.	180
Charitati contraria quæ.	183
Charitati attribuitur cur nomen Virtutis.	156
ad Charitatem quæ disponant.	144
Charitatem habens, quare diues fit.	149
Charitate stipatus cur non periculoſè erret.	153, 154
Christo quid proprium.	15
Christus exemplum humilitatis & paupertatis.	14
Christus in quibus pauper, & in quibus diues.	ibid.
Christus ad quid huc venerit.	ibid.
Christus quomodo nos admauenit.	172

Christus verus homo fuisse ostenditur.	91	Continentia Vidualis.	242
Christi benignitas vnde maximè appareat.	364	Continentia Sacerdotalis.	243
Christi incarnationem negantium error relictur.	99	Continentia suadet.	230
Christianæ fidei auctoritatem quæ ostendunt.	31	Continentiæ partes.	231
Cinifes de pulvere philosophorum argumentis comparantur.	34	Continentiam quæ commendat.	ibid.
Cinnamome significatio.	490	Contrariorum non sunt vniuersaliter causæ contrariæ.	63
Clementia quid sit.	223, 224	Contumelia Verborum patienter quare & quomodo ferendæ.	166
Clementia Virtus seruans mediocritatem.	ibid.	Cor quomodo mundandum.	493
Clementiam in Principe quæ excitem.	ibid.	Cor assimilatur paradiso duplici.	10
in Collegiis communibus æquitas necessaria.	366	Per gratiam fit hortus Domini.	11
Compassio erga alios quomodo necessaria.	377, 378	Cetera vide, Munditia cordis.	
Compassio homini, non vitis debetur.	ibid.	Corona sponsæ Christi quibus virtutibus exornetur.	188
Compassionis multæ species.	ibid.	Corpora quædam cælestia, quædam terrestria.	433
Concionatori Verbi Dei duodecim necessaria.	207, 208	Corporalia cur à Deo facta.	5
Confidentia in homin: fallax est.	134	Corporalia omnia per hominem in Deum vergunt.	86
Confidentia in rebus inferioribus periculosa.	ibidem.	Corporis bonum regimen quale sit.	13
Confidentia in creaturas triplex.	135	Corporis disciplina quæ.	358
Conscientia est homini, quod vxor viro.	13	Corporis motus quis esse debeat.	226
Consideratio & contemplatio quomodo distinguantur.	428	Corpus quomodo homini sit conceditum.	384
Considerationis diuersæ species.	ibid.	Corporum resurrectionem negantium error relictur.	106
Consideranda esse quatuor.	ibid.	Correctio quomodo fieri debeat.	354
Consiliarius eligendus.	423	libenter excipienda.	356
Consilium Christi quod à multis despiciunt.	ibid.	Correptionem facturis Deo confidere oportet.	355
quale sit.	ibid.	Correptionem quæ inducant.	352
Consilij nomen dupliciter sumitur.	422	Correptionem octo impediunt.	353
Constantiæ descriptio, & quomplex.	292, 293	Corripere peccantem monemur.	
Constantiæ & perseverantiæ differentia.	ibid.	Create quid.	44
Constantiam sex efficiunt.	ibid.	Creata omnia sunt vtilia.	61
Constellationes non esse causam bonorum & malorum.	58	Creatura spiritualis ad quid creetur, iustificetur, & glorificetur.	433
Contemplatio & Consideratio quid differant.	418	Creaturæ quomodo viles.	61
Contemplationis quatuor species.	427	Quare productæ.	62
Contemplationis forma in Cæli volatilibus videtur.	428	Creaturæ inferiori se subdere quando indecens.	53
Contemplationis, Cogitationis, & Meditationis differentia.	ibid.	Creaturarum medijs, homo.	86
Contemplationis qualitates.	437	Creaturarum diuersitas non inducit contrarietatem principiorum.	71
in Contemplationibus quomodo quis proficit.	ibid.	Credenda de Deo.	42
Contemplationum genera sex.	429	Credenda de alijs.	43, 44
Contemplationum alæ sex.	430, 431	Credendum Dei filio, iisque quibus enarratur.	21
ad Contemplationem diuinarum rerum quæ disponant.	440	Credendorum vniuersitas.	42
Contemplatiui quibus ascendant gradibus.	469, 470	Credere Deo, & in Deum quid differant.	43
Continentia quid, eius officium.	231	Cruces per S. Oleum in morbo cur Ecclesia vsurpet.	303
Continentia Coniugalis.	245	Cultus Dei triplex.	303
		Cultus Dei tria requirit.	305
		Cultus oris in quo sit.	304
		cum Culpa non semper dimitti poenam.	114
		Damnati	

## D

<b>D</b> Amnati quid conquerantur in inferno.	14
Dæmones non viuificare Corpora ab eis possiffa.	83
Nec eadem vnire.	ibid.
Dæmones non detineri violenter in Corporibus.	84
Dæmonum Idololatria maximè detestabilis.	54
55	
Dæmonibus resistendi modos quis optimus.	186
Defunctis suffragia Ecclesiæ prodesse.	115
Delectatio secundum carnem multiplex.	237
Desperatio peccatum est in Spiritum Sanctum, & reddit hominem maledictum.	134
Desperationis causæ quatuor.	236
Deus amatur quadrifariam.	165
Deus cur fecerit corporalia.	6
Deus quare amandus.	165. 164
Et quid sit eum toto corde diligere.	ibid.
Deus qui nos amet.	172
Deus quo vinculo ligari queat.	152
Deus libenter respicit dona humilium.	441
Deus totius esse causa est.	46
Deus laudandus non sermone solum, sed opere.	326
Deus quales habere velit ministros.	84
Dei amorem excitantia.	167
Dei amor qualis esse debeat.	164
Dei cognitio quid in nobis operetur.	18
Dei Cubicularij qui sint.	403
Dei largitatem prouocat gratiarum actio.	328
Dei incarnationem negantes reiciuntur.	99
Dei laudibus cur insistendum.	326
de Dei Misericordia & Iustitia errantes, refelluntur.	99
Dei Verbo qualicumque credendum esse.	20
Dei tria opera maxime admiranda.	26. 27
Deitas Filij, & Spiritus S. auctoritatibus comprobatur.	94. 95
Deum amandi modus.	162. 163
Et vt ab eo amemur quæ necessaria.	ibid.
Deum esse quæ testentur.	50
Deum laudare quæ inducant.	325
Deum negantium error contunditur.	46. 47
Deum cognoscendi modus.	20
Deo credendum in his quæ sensibus & rationi repugnant.	21
Deo qui bene credant.	ibid.
Deo soli obediendum fore iactantium error refellitur.	351
Deorum amicitia & odium.	57

Deuotio quid.	324
Diabolus quomodo nos impugnet.	288
Diabolus quo pacto in omne peccatum voluat hominem.	36
Diabolus quinque modis decipit hominem.	283
Diabolus mille tentandi modos habet.	282
Diabolus quos maxime impugnet.	284
Diabolus suadet ea quæ sunt præsumptionis & temeritatis.	282
Diabolus quare super terram graditur.	283
Diabolo quomodo resistendum.	285. & seq.
Diabolo charitas inimica.	152
Diabolum facile homines impugnare.	282. & seq.
Diabolici incurfus quomodo expugnandi.	286. 287
Dies mortis cur melior die natiuitatis.	260
Dilecta quomodo ex munere dilecti accipiat duo remedia.	439
Diligere inimicos octo inducunt.	179
Dionysius Arcopagita quomodo Christianus effectus. Cœcum illuminat.	27. 28
Discere scripturam sacram, ad septem vtile est.	210
Disciplina quot modis dicatur.	357
Disciplina erga subditos duplex.	ibid.
Disciplina proprii corporis multiplex.	ibid.
Disciplina mali quomodo dupliciter intelligatur.	218
Disciplina morum ex diuina & humana institutione provenit.	431
Disciplinæ variæ acceptiones.	357
Diuersitas credendorum.	42
Diues quare sit charitatem habens.	147
Diuini amoris signa.	166. 167
Species.	165
Diuinitatis vnitatem quæ respiciunt, humanæ intelligentiæ modum excedunt.	435. 436
Diuitias quomodo fides superet.	39
Docilitas quid.	207
Doctor tria attendere debet.	209
Doctor non debet esse timidus vel remissus.	ibid.
Doctoris doctrinam quæ commendent.	206
Doctrina Christi quæ in monte data fuit, qualis sit.	449. 450
Doctrinæ nouæ Legis sublimitas.	ibid.
Dolor damnatorum ex diuersis causis prouenit.	417
Dona quare dicantur.	398
Dona duo quæ pertinent ad Contemplatiuam vitam.	402
Dona septem in remedium septem vitiorum data.	400
Dona Spiritus S. commendantur.	399
Dona humana quatuor; tria diuina.	402

Dona tria in Intellectu.	402
Dona humilitatis Deo grata.	441
Donum timoris.	288
Donum Intellectus.	445
Donum Sapientiae differt à dono Intellectus.	447
Donum Dei omni auro nobilius.	401
Dulia varie sumitur.	306
Dulciae variae species.	307

## E.

<b>E</b> cclēsia qua de causa imaginum cultum suscipiat.	260
Ecclesia Cruces per S. Olcum cur administret.	403
Ecclesiae ministris Castitas necessaria.	243
Ecclesiae ministri cur Laicos superare debeant munditiae splendore.	490
Ecclesiae minister describitur.	ibid.
Ecclesiae suffragia vivis prodesse.	115
Ecclesiae porta, fides.	34
Ecclesiae superior pars, Virgines sunt.	237
Effectus Virtutis multiplex.	15
Electi cur gloriantur in tribulationibus.	265
Electorum gaudium vnde oriatur.	141
Electorum status post Resurrectionem.	139
Electorum materia laetitiae vnde sumatur.	141
Eleemosynam dare cupiens, observabit I V.	377
Eleemosyna tripliciter fit.	385
Eleemosyna cui danda & quomodo.	386
Eleemosyna de quibus rebus praestanda fit.	385
Eligendi amicum ratio.	178
Enoch munditiae typus fuit.	15
Esurientes pascendi.	381
Esuriam Iustitiae adiuvantia.	485
Esurientes Iustitiam, habent Vitae beatitudinem.	486
Esuries Iustitiae aptatur dono Fortitudinis.	486
Excommunicationis usus observandus.	360
Excommunicationis auctoritas Ecclesiae data.	ibid.

## F.

<b>F</b> ides intellectum captiatur.	35
Fides quid.	24
Fides est multiplex.	118. & seq.
Fides viva & mortua.	ibid.
Fides explicita & implicita.	126
Fides an idem sit quod fidelitas.	394-395
Fides ficta, magna, & modica.	120
Fides quomodo necessaria.	19
Fides porta per quam ad cor intratur.	34
Fides est nectus Virginitas.	ibid.

Fides est primogenita virtutum.	ibid.
Fides est oculus dexter animae.	35
Fides est virtus valde vilis homini.	ibid.
Fides est virtus probata.	41
Fides est lucerna.	25
Fides est lumen.	36
Fides Deo placet, Diabolo displicet, homini prodest.	33
Fides est annulus argenteus in digito Sponsae.	34
Fides est porta Ecclesiae.	ibid.
Fides est columna nubis.	36
Fides est stella matutina.	ibid.
Fides est lumen illuminans.	ibid.
Fides est radix omnium bonorum.	38
Fides est scutum triangulare.	39
Fides est initium Vitae spiritualis.	37
Fides est radix Sapientiae.	40
Fides est fundamentum bonorum omnium.	38
Fides est Mater cæterarum Virtutum.	ibid.
Fides hominem filium Dei efficit.	ibid.
Fides vincit regnum Inferorum, mundi delicias & honores.	ibid.
Fides ad Deum usque tendit.	41
Fides à Deo fortitudinem accipit.	40
Fides Diabolo displicet.	35
Fidei testificatio qualis sit & à quo.	100
Fidei nostrae testes quot.	27
Fidei unitatem quinque efficiunt.	24
Fidei diuersa nomina & significationes.	22
Fidei laus credere quod non videtur.	23
Fidei faciem triplex mors praecedat.	37
Fidem viam duo requirere.	23
circa Fidem quomodo erratur.	46. & 117
Fidem vnam quae testentur.	27. & seq.
Fidem commendantia.	33-34
Fidem adiuvantia.	25
Fidem quo pacto aliis debeamus.	394
Fide cognoscimus & Deum & parentes.	21
Fidelibus omnia in bonum, Infidelibus contra succedunt.	31
Fidelitas in quibus attenditur.	394
Fidelitatis commendatio.	ibid.
Fiducia quid.	18
Fiducia alia bona, alia mala.	ibid.
Fiducia triumphum de Diabolo refert.	287
Filij Deitas probatur.	95
Filij Dei qui sint.	402
Finis est in intentione prior.	18
Forma multiplex est.	99
Forma quomodo materiae inheret.	100
Fortitudo Virtus est inseparabilis.	256
Fortitudo donum S. Spiritus.	342
Fortitudinis diuersae significationes.	256
Fortitudinis descriptio.	257
Fortitudinis commendatio.	ibid.

Fortitudinis quatuor partes. 258  
Fortitudinem prouocantia. 259

G.

**G**audium Virtutis quadrupl. excellit mundi gaudium. 11. & seq.  
Gaudium sæculi quale. 12  
Gaudium mundi à Deo maledictum. ibid.  
Gaudium futurum & præsens quomodo differunt. 124  
Gaudium animæ octo generant. 13  
Gaudij & Solatij differentia. 124  
Gens Iudæorum & Turcæ de Dei magnificentia pessimè sentiunt. 31. & seq.  
Gloria Sanctorum quam sit magna. 237  
Gratiæ descriptio. 366  
Gratiæ necessitas. ibid.  
Gratiarum actionem prouocantia esse octo. 328  
Gratiarum actioni insistendum. 329  
Gratiarum actio quos fructus producat. 328  
Gratiarum actio Deo grata. ibid.  
Gratiarum actiones de quibus beneficiis potiss. habendæ sint. 329  
Gratus qui esse desiderat, quid cauere debeat. 368

H.

**H**omo quomodo se reputare debet esse cinerem. 467  
Homo absque gratia quasi arbor syluestris. 8  
Homo creaturarum medius. 86  
Homo multiplici ratione insufficiens ad bene viuendum. 133  
Homo partim spiritualis partim corporalis. 86  
Homini multa necessaria in Fidei cognitione. 19  
Homini quatenus fides adhibenda. 21  
Homini voluptates nocent. 221. & seq.  
Homini tria præstant occasionem Deum orandi. 313  
Hominem occidere quando licitum. 421  
Hominem ditat patientia. 267  
Homines quomodo Diabolus decipiat. 282  
Impugnet. ibid.  
Homines quo pacto resistere eidem debeant. 286  
Hominum tria genera detestanda. 211  
Hominum duæ personæ laudabiles. 212  
in Homine quadrup. Vitz ordo requiritur. 204  
Honestas an idem quod Virtus. 4  
Honor multipliciter sumitur. 307  
Honor quibus exhibendus. 308

Hospitalitas commendatur. 382  
Hospites suscipiendi frequenter. ibid.  
Hospites protegendi. ibid.  
Hospitio excipientes boni viri. 383  
idque reuerenter. ibid.  
Humilitas valet ad esuriem iustitiæ. 471  
Humilitas Deo gratus odor. 458  
Humilitas intra, Superbia extra. 462  
Humilitas supplet defectus aliorum bonorum. 463  
Humilitatis descriptio. 452  
Humilitatis diuisio. 471  
Humilitatis gradus duodecim secundum Benedictum. ibid.  
Humilitatis commendatio. 454  
Humilitatis causæ. 465  
Humilitatis dona Deo grata. 441  
Humilitatis vtilitas. 463  
Humilitati quæ conferant. 469  
Humilibus triplici ratione debetur regnum cælorum. 452

I.

**I**acobus Patriarcha laboris tolerantiss. 15  
Iacobi Apostoli dictum exponitur, Ante omnia nolite iurare. 395  
Idololatria quam magnum malum. 53  
& quot eius species. ibid.  
Idololatria Dæmonum improbat. ib. & seq.  
Idololatria quæ ad Dæmones transfertur, ante omnia detestabilis. 54  
Idololatria quæ est cultus luminum. 57  
Idololatria quando sit cultui militiæ Cæli. 59  
Idololatria honorem Deo debitum, Creaturæ defert. 53  
Idololatria quo pacto introducta sit. 51  
Idololatria vna alteram destruit. 53. & seq.  
Idololatriam quot causæ inducant. 51  
Idola quod non adorarit Socrat. occiditur. 53  
Idolorum impotentia. 54  
Idolorum cultura omnis mali causa. ibid.  
Idolum quid. 51  
Ieiunij descriptio. 359  
eius Species. ibidem. quæ commendent. 357.  
Iesum vniuersitas creaturarum Dominum agnouit. 28  
Ignorans quis peccatum, dolere non potest. 85  
Ignorantia vitiosa quæ. 213  
Ignorantes instruendi. 380  
Imagines factitiæ. 51  
Imaginum vsus probatur. 309  
Immisericordia non meretur veniam. 377  
Immortalitas animarum astruitur. 100  
Immunditia dedecet omnes. 491

Immunditia peccati quando abominanda.

493	
Impedimenta orationis.	317
Imprudentes qui.	192
Impugnat Diabolus quomodo homines.	280
Incitantia ad Dei cognitionem.	48
Inclinare se solet quis tribus de causis.	466
Infirmittas contingere quinque modis.	280
Infirmi visitandi.	383
Infidelitas circa Dei beneficia.	394
Infidelitas triplex.	395
Infidelitas amicorum ex quatuor signis declaratur.	161
Infidelibus omnia in malum.	32
Infirmittas corporis homini utilis.	279. 280
Inferni pœna multiplex.	416
Ingratitudo in quanta mala.	329
Ingratitudo quid.	ibid.
Iniurianti parcendum.	380
Iniuriarum remissio.	ibid.
In iudicio extremo multa fore quæ timorem incutiant.	411
Institutio recta in mente, quæ sit.	4
Institutio alia diuina, alia humana.	431
Intellectus donum Spiritus sancti.	445. 446
Intellectus quomodo purgandus.	494
Intelligentia S. Scripturæ cur minus aliquando percipitur.	211
Ioannis Baptistæ commendatio.	92
error eorum qui eundem lacerant, reicitur.	ibidem.
Iob patienti exemplum mundo fuit.	15
Ioseph bona pro malis rependit.	ibid.
Iosue in aduersis fidelis & constans.	ibid.
Iram Dei & hominis mitigat patientia.	267
268	
Irenei & Platonis disceptatio.	83
Irridendi qui negant se carnem non posse edomare.	358. 359
Isaac vitæ coniugalis Castimonix cultor.	15
Iubilatio quæ dicatur.	326
Iudicium extremum quare signa certa præcedent.	412
Iudicium temerarium in duobus cauendum.	194
Iugum Charitatis propter sex causas suauis.	154
Iuramentum, septem dissuadent.	395
Iuramento Veritatem confirmare licet.	392
non Iurandum cur dixerit Dominus.	394
Ius tribus de causis haberi in rebus.	44
Iustitia varie sumitur.	298
Iustitiæ descriptio varia.	299
Iustitiæ significatio.	ibid.
Iustitiæ diuisio.	301
Iustitiæ commendatio.	300

Iuuenes & adollescentes senibus debent subici.

L.

Lachrymæ multa efficiunt.	483
Lachrymarum impedimenta sex.	484
Lachrymas lugentium commendant quatuor.	482
Latriæ descriptio.	302
Latriæ commendatio.	ibidem.
Latriæ partes.	305
Latria quid.	31. & seq.
Laus aduersitatis Deo gratior.	327
Laudis Dei insistere volenti, munditia necessaria.	327
Laudi Dei insistendum hominibus.	ibid.
Laudare Deum quæ nos commonefaciant.	325
Laudandus Deus non sermone solum, sed opere.	327
in Dei Laudibus Sensus vsui accommodandus, & effectus sensui, ex Bernardo.	ibid.
Lex vetus bona.	78
Lex antiqua sapienter tradita.	79
Lex vetus, Lex noua quæ promittat.	ibid.
Lex subintravit vt abundaret delictum, ex Paulo.	77
Legis Veteris sanctificatio qualis.	490
Legis Veteris præcepta ad quæ pertineant.	80
Legis Nouæ doctrina quinque obseruari iubet.	449
Loquela homini cur data.	326
Lucrum bonorum operum in tres partes diuiditur.	396
Luctus duæ species.	481
item aliæ species sex.	480
Luctus diuisio generalis.	ibid.
Luctus indifferens.	ibid.
Lugentes quare beati.	485
Luctui adaptatur donum Scientiæ.	485

M.

Magnanimitatis variz significationes.	296
Magnanimus, cur difficilia aggrediatur.	ibid.
Magnanimitatis effectus varij, & quid ad eam pertineant.	ibid.
distribuitur in tres partes.	ibid.
Magnificencia quid.	297
Magnificentiæ officia Pacis & belli tempore.	ibid.
Malefici puniendi.	361
Malum multiplex ex ingratitude.	329
Malum culpæ est velut fructus degener.	64

Malum aliud culpæ, aliud potest.	62
Mali non habent pacem.	195
Mali & peccatores multipliciter cruciantur.	
9	
Mala tripliciter ordinata.	62
Mala cum inferuntur, quare lætandum.	292
Mala quæ ad donum Scientiæ pertinent duplicia.	419
Mandatum de Proximi dilectione quomodo intelligatur.	173
Manichæi error.	42
Manichæorum errores refelluntur. 59. & seq.	
Manichæorum rationes exploduntur.	44
Manichæi error confutatur.	66
Mansuetudo quid.	476. 477
Mansuetudini adaptatur donum pietatis.	479
Mansuetudinem sexdecim commendant.	
477	
Maria virgo est Sol, & acies castrorum.	132
Maria virgo est Turris.	131
Maria virgo est Virga, & Aurora.	ibid.
Martinus S. non timuit latrones.	126
Matrimonium quare inseparabile.	252
Matrimonium contrahens quid observabit. ibid. & seq.	
Matrimonium commendant duodecim.	247
Matrimonium contrahens quid observare debeat.	248
Matrimonio quæ secundum carnem licita, quæ prohibita,	249
Meditatio præparans ad tribulationem habet species quinque.	269
Meditationis, Cogitationis & Contemplationis differentia	428
Memoria mortis valde utilis.	469
Memoriam habere monemur eorum quæ ante nos fuerunt.	462. 463
Memoriæ, intelligentiæ, providentiæ & prudentiæ definitio.	200
Memoria quarum rerum sit laudabilis.	201
Memoriæ nimium confidere, aut de ea diffidere, vitium.	203
Memoriam bonam quinque efficiunt.	ibid.
Mens quibus modis ad Deum ascendit.	156
Mentis alienatio unde oritur.	ibid.
Messium Christi spem nostram auget.	128
Ministri Christi maiora miracula fecere, quam ipse Christus.	29
Ministri Dei quales esse debeant.	84
Ministros Ecclesiæ decere castitatem.	243
Minus malum est, credere Deum esse, quam non esse: & malus bonus ex illo, quam ex isto provenit.	50. 51
Miracula apud Iudæos quando & quomodo fuerint.	26
Miracula cur facta.	28
Miracula confirmant fidem nostram.	26

Miracula maiora ab Apostolis quam à Christo facta.	28
Miracula à solo Deo potuerunt.	26
Misericordia bona quæ dare videtur in cælo collocat.	374
Misericordia traxit Dei filium de cælo.	490
Misericordia non solum utilis, sed etiam mirabilis.	374. 375
Misericordia vincit abstinentiam.	376
Misericordia hostem impugnat.	372
Misericordiæ descriptio.	369
Misericordiæ merces duplex.	375
Misericordiæ exemplum insigne à Bonifacio præstitum.	377
Misericordiæ commendatio.	389
Misericordiæ opera spiritualia.	378. & seq.
Misericordiæ opera corporalia.	380
Misericordiæ & Pietatis differentia.	376
Misericordiæ opera corporalia an plurafint septem.	389
Misericordiæ infinita opera, Virtutes, Effectus recitantur.	369. 370
Misericordiæ imperium in cælo & in terra extenditur.	373
Misericordiæ operæ alia commendanda, alia detestanda.	378
Misericordiæ adaptatur donum Consilij.	487
ad Misericordiam quæ inducant.	377
Misericors vere quis sit.	487
Modestię descriptio.	225
Modestia in quatuor consistit.	ibid.
Modus seu Mensura ad sobrietatem pertinens duplex.	232
Monachi timor qualis esse debeat.	288
Moralis doctrinæ partes tres.	2
Morum disciplina unde processerit.	432
Mors triplex.	37
Mortis memoria homini utilis.	467
Mortis timorem quæ expellant.	258
Moyfes mansuetudinis speculum.	15
Mundus quid.	186
Mundi honoris incommoda.	ibid.
Mundi sapientia.	212
Mundi huius amor periculosissimus.	185
Mundus quasi duabus manibus nobiscum pugnat.	39
Mundum qui vincant.	38
Munditia commendatur ex duodecim.	492
Munditia cordis aptatur dono Intellectus.	493
Munditia decet Ecclesiæ ministros. 491. & eos qui Deum laudare cupiunt.	326
Munditiæ partes.	493
Munditiæ definitio.	488. 494
Munditiæ cordis octo efficiunt.	488
Munditiæ Deo gratam, signa duo testantur.	
493	
Mundi corde quare beati.	492

Mehdi corde duplici beatitudine felices sunt.  
ibid.  
Myrrhæ significatio. 490

## N.

**N**atura cognoscendorum requirit fidem. 21

Noe longanimitatis speculum. 15  
Nudi vestien di. 383

## O.

**O**bedientia Christi à patre probata. 334  
Obedientia non solum Deo, sed & homi-  
ni exhibenda. 352

Obedientia in homine, Deo locum præparat. 335

Obedientia Abrahæ difficultates perpeffa qua-  
tuordecim. 333

Obedientia circa quæ attenditur. 331

Obedientia quo in statu collocet hominem. 335

Obedientia sola Virtus, menti reliquas Virtu-  
tes inferens. 391

Obedientia perfecta se refert immediate ad  
Deum. 348

Obedientia alia commendabilis, alia reprehen-  
sibilis. 349

Obedientia reprehensibilis triplex. ibid.

Obedientia commendabilis duplex. ibid.

Obedientia cui debeatur. 331

Obedientiæ descriptio. ibid.

Obedientiæ commendatio. 332

Obedientiæ aduersantur Sensus proprius, &  
voluntas. 350

Obedientiæ varij effectus. 324

Obedientiæ gradus septem. 325

Obedientiam quo modo Christus docuerit. 334

Obediendum successoribus Apostolorum. 352

Obedientem quinque efficiunt. 340

Obligatio hominis in Deum infinita. 111

Oblivio quid. 461

Obseruantia quid. 307. 308

Occasio erroris: quod quidam Patres Veteris  
Testamenti damnaverunt. 70

Offactus sub Visu quidem, supra reliquos inter  
Sensus. 253

Omnipotencia patris in quibus. 44

Operis boni, iucunda memoria. 13

Opera misericordiæ Spiritualia quæ. 378

Opera misericordiæ corporalia quæ. ib.

Opus bonum tria requirere. 18

Opera bona sunt cibus animæ. 487

Vide bona Opera.

Operatio alia Naturæ, quædam industriæ. 432

Opus Carnale quomodoq meritorie exerceatur  
à coniugatis. 252

Vt sit sine culpa quæ ne cessaria. ibid.  
quomodo congressum mutuum evitare de-  
beat. 255

Oratio diuersis modis dicitur. 310

Oratio quid & qualia petere debeat. 322

Oratio quomodo duobus modis impediatur,  
ne exaudiat. 318

Oratio alia fructuosa, alia infructuosa. 323

Orationis descriptio. 310

Orationis commendatio. 311

Orationis species. 325

Orationis commendatio à suo effectu. 311

Orationi quando præcipue insistendum. 319

Orationis impediment a. 317

Orationem iuuant Ieiunium & Eleemosyna. ib.

Orationem quæ debeant præcedere. 319

Orandum cur semper. 322

Orandum quo desiderio. 321. 322

Orandum ubique. ibid.

Orandi modus. 321

Orandi locus. 322

Orantes, temporalia querere non debemus. 322

Orbem non esse sorte diuisum. 56

Oratio in homine quolibet requiritur. 204

Ordo Virtutum triplex. 145. 146

Ordo diligendi quo pacto mutetur. 182

Ordo quid sit. 494

Ordo mentem quietam reddit. 204

Ordo Virtutum Cardinalium. 216

Oris Cultus Deo exhibendus. 304

## P.

**P**arentes quo affectu diligendi. 183

Parentum amor Deo gratus. 176

Passiones dupliciter oriri & nasci. 264

Patientia dupliciter sumitur. ibid.

Patientia perfecta. 291

Patientia asinina. ibid.

Patientia vincit seipsum. 265

Patientia hominem dirigit. 266

Patientia iram Dei & proximi mitigat. 267

Patientia diuiditur tripliciter. 279

Patientiæ descriptio. 263

Patientiæ diuisio. 298

Patientiæ commendatio. 264

Patientiam tria adiungunt. 218

Patienti seruimus peccatores. 266

Patiens in multis sapienter agit. ibid.

Patientium persecutionem debetur regnum  
Cælorum. 268

Pauli Eremitæ ieiunium. 357

Paupertas quid. 472

Paupertas varie dicitur. ibid.

Paupertas spiritus in quibus consistat. 450

Paupertas mater & custos religionis. 475



Paupertas dñitum gloriosa.	476
Paupertas spiritus, dono Timoris adaptatur.	
452	
Pauperes spiritu quare beati.	451
Pauperibus spiritu cur Regnum cœlorum de- beatur.	ibid.
Paupertas pluribus de causis amanda.	472
Pauperum res, illis non reddere, sacrilegij pars	
380	
Pax Corporis: Animæ quid sit.	494
Pax amicorum Dei vnica possessio.	496
Pax alia bona, alia mala.	498
Pax, & Bellum quadrupliciter diuiduntur.	
499	
Pax mala triplex.	498
Pax Hæreditas Christianorum est.	495
Pax Oculorum prospectum clarificat.	496
Pax commendatur ex duodecim.	495
Pax triplex.	498
Pacis descriptio.	494
Paci aduersantur multa.	498
Paci adaptatur donum Sapientiæ.	500
Pacem promouentia.	496
Pacem veram quæ habeant.	497
Pacem vitiorum pugna non eximit.	500
Pacifici qui sint.	499
Pacifici quare beati.	500
Pacifici quomodo in bello tranquilli.	499
Pacifici sunt Dei cubicularij.	500
Peccantem corripere oportet.	380
Peccare quid sit.	III
Peccati principia quæ sint.	188. 189
Peccator iuste æternaliter puniatur.	110
Peccator cogitare debet à quibus vinculis li- berauerit eum Dominus.	330
Peccatores quomodo cruciandi.	II
Peccatum quatuor modis & perpetratur & cõ- summat.	283
Peccati immunditia quantum expauescenda.	
492	
Peccatum in Spiritum S. est desperare.	134
Peccata quomodo abundauerint lege data.	77
Peregrinantium baculus Spes est.	124
Perfectio quid requiratur.	198. 201. & seq.
Perfectionem Virtutum operatur Tribulatio.	
276	
Perfectionis quot sint species.	186
Persecutores sunt serui patientis.	266
Sunt quasi virga Dei.	270
Persecutiones, felicitatem patientium augent.	
501	
Perseuerantia est filia regis.	348
Perseuerantia quid & quomplex.	294
Perseuerantia communikat cum Constantia & differt.	294
Perseuerantiæ commendatio.	ibid.
Perseuerantiæ Effectus.	295

Petenda quæ à Deo.	15
Pietatis definitio.	366
Platonis & Irenæi disceptatio.	83
Præcepta Legis Vet. ad quid pertineant.	78
Præceptum de amore nostri cur non sit da- tum.	166. 167
Præmia electorum.	238
Præparatio ad orationem duplex.	315
Præparatio, alia propinqua, alia remota.	
ibid.	
Pretiosum à vili separare quid sit.	I
Principis clementiam suauem excitent.	223
Propinqui quomodo agnoscendi.	176
Providentia tribus exemplis commendatur.	
204	
Providentia ad tria utilis.	ibid.
Proximi amorem excitantia.	169
Proximi amor qualis esse debeat.	174
Proximi societas & amicitia quinque præstant vtilia.	170. 171
Proximum amandi modus.	172
Proximum amare an amari ab illo quid vtilius.	
170. 171	
Proximum nescit diligere qui se non diligit.	
174	
Proximus amandus triplici præcepto.	171. 172
Prudentia quomodo dicatur virtus.	191
Prudentia diuersimode sumitur.	190
Prudentia Sanctorum assimilatur astutiis ser- pentum.	200
Prudentia quomodo distinguitur secundum Tullium & Senecam.	201
Secundum alios.	205
Prudentia diuiditur in cognitionem diuinorum & humanorum.	201
Prudentia vitiosa quæ.	190
Prudentiæ descriptio.	191
Eius species.	205
Prudentiæ commendatio.	197
Prudentiæ officia.	193
Prudentiam docent nos bruta.	199
Prudens dicitur quis non intellectu solum, sed & affectu.	192

Q.

Q Vator causæ desperationis.	136
Querelam facere de Ingrato indecens est	
368.	

R.

R Adix bonorum omnium Fides.	38
Ratio eligendi amicum.	180
Rebus Deo dicatis debetur reuerentia.	307
Regnum Dei in cordibus Sanctorum esse.	14
Regnum cœlorum quare pauperibus addictum & martyribus.	501



Stabilitas, vide Constantia.  
 Stultitia, imprudentia vel insipientia non solum ad intellectum, sed ad voluntatem refertur. 214, 215  
 Stultitia imprudentium, qua in bello spirituali succumbunt. 197  
 Stultitiæ quibus peccatores inhaerent. 215  
 Substantiæ quomodo operentur. 58  
 Sublimitas doctrinæ Christi in monte. 449  
 Subiectio alia Obedientiæ, alia Humilitatis. 331  
 Superbia diuini vermis. 475  
 Facit hæreticum. 117. & seq.  
 Sui amor quanta incommoda secum trahat. 183

T

**T**emperantia tripliciter sumitur. 278  
 Temperantiæ definitio. ibid.  
 Temperantiæ diuisio secundum tactum. 237  
 Temperantiæ commendatio. 218  
 Temperantiæ officia quinque. 231  
 Temperantiæ partes in regimine tum animæ, 228.  
 Tum corporis. ibid. & 222  
 Templum locus est orationis. 321  
 Temporalia bona quomodo hominem fallant. 36  
 Temporalia bona esse vilia. 1  
 Temporalia an in oratione petenda. 20  
 Tempus orandi Deus determinat. 195  
 Temporis pretiositas. 330  
 Tentatio ad multa vilis. 281  
 Tentandi modi daemones propè infiniti. 282  
 Tentationes diaboli omnes homines perpeti. 357  
 Tentationes Diaboli infinitæ. 280  
 Testificatio fidei qualis & à quo fit. 27  
 Testimonium Fidei nostræ dant:  
 Deus, Angelus, & Homo. 29  
 Hominum auctoritates. 28  
 Domestici & exteri. 303  
 Creature vniuersæ, etiam Sectæ. 52  
 Theologicæ Virtutes tres. 18  
 Theologicæ Virtutes quare ante alias virtutes collocentur. ibid.  
 Timor afflictionis nocturnus, & cur. 282  
 Timor filialis fugit malum culpæ, & Naturalis malum pœnæ. 408  
 Timor mortis. Vide Mortis timor.  
 Timoris descriptio. 402. & seq.  
 Timoris species sex. 407, 408  
 Timoris species secundum Damascenum. 410  
 Timoris commendatio. 403  
 Timorem homini duodecim incutiant. 409  
 Timendum est quibus secundum Bernard. 406  
 407

Tria ad bene operandum exiguntur. 18  
 Tribulatio est locus quem elegit Dominus. 278  
 Tribulatio à quo, & in quo fit. 270, 272  
 Tribulatio non proicienda, sed quadruplici sale condienda. ibid.  
 Tribulatio perfectionem Virtutis operatur. 270  
 Tribulatio est virga Moyse in qua miracula fiunt. 269  
 Tribulationis multiplex utilitas. 272  
 Tribulationis effectus varij. 271, 279  
 Tribulationem pauenter sustinere quæ efficiant. 271  
 Tribulatis Deus assistit. 277  
 Trinitatis probatur æqualitas. 96

V.

**V**eniale peccatum negantes quantum peccent. 113  
 Veritas creata triplex. 368  
 Veritas erga omnes præstanda. 389  
 Veritas iureiurando confirmanda. 390  
 Veritas fidei quibus testimoniis approbari possit. 29  
 Veritas quæ in scripturis Gentium est quomodo eruenda. 4  
 Veritatis diuisio. 368  
 Veritatis fidei Christianæ commendatio. 28.  
 & seq.  
 Veritatis habitus hacce tempestate. 389  
 Veritatem licere iuramento adserere. 391  
 Veritatem Christianam quæ testentur. 32  
 Vermis conscientie cruciat peccatorem. 13  
 Vidua debet peccantium occasiones declinare. 243  
 Vidualem continentiam quæ considerant. ibidem.  
 Vidualis Castitas in quibus maxime commendetur. ibid.  
 Vidualis continentia nobilior coniugali. 242  
 Vile à pretioso separandum. 1  
 Vindicatio quantum, & cui necessaria. 369  
 Virginitas quadrupliciter sumitur. 234  
 Virginitas est flos non marcescens. 235  
 Facit hominem amicum Dei. 236  
 Virginitas est initium spiritualis pulchritudinis. ibid. sup.  
 Virginitatem quot custodiant. 235  
 Virginitatis commendatio. 231. & seq.  
 Virginitatis descriptio. ibid.  
 Virgines sunt superior pars Ecclesiæ. 234  
 assimilantur Angelis. ibid.  
 Virginibus sex rimenda. 237  
 Viri boni hospitio excipiendi. 302  
 Virtus eo quod ignoretur despiciatur nec inquitur. 2

# INDEX RERVM.

<i>Virtus &amp; Honestas nomine diuersa, re eadem.</i>	
<i>Virtus commendatione eget.</i>	2
<i>Virtus olim Fortitudo dicta.</i>	ibid.
<i>Virtus tripliciter in Anima nostra operatur.</i>	3
<i>Virtus cognoscitiua triplex.</i>	201
<i>Virtus quomodo dicitur bona, &amp; quæ ea sit.</i>	5
<i>Virtus non solum bonitas hominis est, sed etiam operum.</i>	7
<i>Virtus Bonitas est rerum temporalium.</i>	8
<i>Virtus mala posuæ in bona conuertit.</i>	ibid.
<i>Virtus propriè est hominis bonum: Bona fortitatis aliena.</i>	ibid.
<i>Virtus possessio est habenti sufficiens.</i>	9
<i>Virtus dignitatem &amp; felicitatem progignit.</i>	10
<i>Virtus quomodo gaudet.</i>	11
<i>Et in bonis iucundetur.</i>	9
<i>Virtus est vinctio non solum futuræ gloriæ, sed hic suppediat vitam regiam.</i>	14
<i>Virtus signum exhibet, quo distinguuntur hæreses a non hæredibus.</i>	ibid.
<i>Virtus est arrha æternæ hereditatis.</i>	ibid.
<i>Virtus pretium est Regni cœlestis.</i>	ibid.
<i>Virtutis Etymon.</i>	4
<i>Virtutis dignitas.</i>	9
<i>Virtutis effectus multiplex.</i>	15
<i>Virtutis significatio eum apud antiquos, tum apud Theologos.</i>	2
<i>Virtutis gaudium excedit omne mundi gaudium.</i>	11
<i>Virtutis initium arduum.</i>	14
<i>Virtutem quomodo Deus operetur in nobis.</i>	6
<i>Virtutem quæ inducant.</i>	4
<i>Virtutem habens assimilatur paradiso.</i>	11
<i>Virtutem commendantia.</i>	6
<i>Virtutem commendat Saluator.</i>	15
<i>Virtutes quare non appetantur.</i>	2
<i>Virtutes sunt pretiosæ &amp; veræ diuitiæ.</i>	9
<i>Virtutes Cardinales diuersis designantur scripturæ locis.</i>	189
<i>Virtutes Cardinales quare sic appellata.</i>	187
<i>Virtutes Cardinales valeant contra 4. defectus originales.</i>	188
<i>Virtutes Cardinales excludant obliquitatem: Theologicæ vero circuitatem.</i>	5
<i>Virtutes Theologicæ priores cæteris virtutibus.</i>	18

<i>Virtutes Theologicæ quæ sunt.</i>	ibid.
<i>Virtutum Cardinalium ordo.</i>	216
<i>Virtutum Cardinalium numerus.</i>	189
<i>Virtutum Cardinalium excessus &amp; defectus.</i>	5. 6
<i>Virtutum Cardinalium diuisio.</i>	397
<i>Virtutum descriptiones variae.</i>	4
<i>Virtutum perfectionem operatur tribulatio.</i>	278
<i>Virtutum omnium mater Charitas.</i>	147
<i>Virtutibus Cardinalibus quasi quatuor lapidibus pretiosis, Christi sponsæ corona contexta.</i>	188
<i>Virtuosus vnde dicatur.</i>	2
<i>Vis animæ duplex.</i>	218
<i>Visus superat auditum.</i>	295
<i>Visus habitus est suuissimus.</i>	ibid.
<i>Visus periculosus &amp; cur.</i>	ibid.
<i>Vita recta quæ.</i>	42
<i>Vita triplex.</i>	17
<i>Vita contemplatiua præeminet cur actiua.</i>	424
<i>Vita quædam Virtutum speciem præ se ferre.</i>	206
<i>Vitiis non compassio sed rectitudo debetur.</i>	378
<i>Vinctio qua Filij Dei vngantur, charitas est.</i>	193
<i>Voluntas propria hominis multipliciter nocet.</i>	390
<i>Voluntas propria dupliciter accipitur.</i>	ibid.
<i>Voluntas propria Deo displicet, homini obest.</i>	380
<i>Voluptates multipliciter nocent.</i>	221. & seq.
<i>Voluptatis amorem dissuadentia.</i>	222
<i>Voluptatis monumenta.</i>	ibid.
<i>Vitia discenda.</i>	3
<i>Vitia docenda exemplo Domini.</i>	ibid.
<i>Vxoris amorem inducentia.</i>	176

Z.

<i>Zelus quando idem quod disciplina.</i>	351
<i>Zelus &amp; Ira per Zelum quid differant.</i>	352
<i>Zeli vsus.</i>	ibid.
<i>ad Zelum quæ spectant.</i>	352
<i>Zenonis e libro dictum de Conscientiæ &amp; Vxoris perpetuis tormentis aut gaudiis.</i>	13

FINIS INDICIS RERVM.

---

L E C T O R I.

**Q**UÆ hocce Tomo non inueneris, Lector, alterum  
Tomum necesse est conlulas, sed ita ut temper  
à primigeniis ipsis incipias, & alie.









a



